



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Slav 7185.45

HARVARD COLLEGE LIBRARY

Bought with the income of
THE KELLER FUND

Bequeathed in Memory of
JASPER NEWTON KELLER
BETTY SCOTT HENSHAW KELLER
MARIAN MANDELL KELLER
RALPH HENSHAW KELLER
CARL TILDEN KELLER



NOWY ZAKOŃ.

Do hornjoserbšćiny po rjedže Vulgaty

přeložištaj

JURIJ EUSĆANSKI a MICHAŁ HÓRNIK.

Z dowolnosću duchowneje wyšnosće.

BUDYŠIN.

Z nakładom towařstwa ss. Cyrilla a Methodija.

1896.

NOWY ZAKOŃ.



Do hornjoserbšćiny po rjedže Vulgaty

přeložištaj

JURIJ ŁUSĆANSKI a MICHAŁ HÓRNIK.



Z dowolnosću duchowneje wyšnosće.



BUDYŠIN.

Z nakładom towařstwa ss. Cyrilla a Methodija.

1896.

Slaw 7185.45



Miller

P ř e d s l o w o.

Katholskemu serbskemu ludej podawamy z tutej knihu přeni króc přeložk Noweho Zakonja z přispomnjenjemi. Přičiny, zo so to tak pozdže stawa, su w zrudnym wosudže našeho ludu. Zahe zhubi swoju samostatnosć, wot cuzych wjeřchow přewinjeny, přija něhdy po wulkim džělu nětčišeje Němskeje rozšěrjeny serbski narod cuzu řeč a cuze počinki. Jeno nahladny džěl ludu w Hornjej a Delnjej Łužicy, z wjetša na kraju bydlacy, wobkhowa swoju narodnosć, njeměješe pak srědkow, wo narodnu zdžělanosć so starać. Powostankow pismowstwa z časa njewotwisnosće nimamy. Nabožne a druhe trěbne rozwučenja dóstawaše serbski lud, jakož tež druhe ludy před wunamakanjom a wudospolnjenjom knihičišća ertnje. Jara škódna za Serbow bě tež reformacija, kotraž jón rozdžěli a zeslabi; wosebje njemóžeše mjeńši džěl, kiž katholski wosta, za sebje ani nabožne knihi wudawać. Přeni dotal znaty serbski katechismus wuda jesuit Jakub Ticin 1685 a přenje serbske katholske kěrłuše Jurij Swětlík 1696, kiž tež cyłu bibliju 1688—1711 přeloži a přenje perikopy 1720 ćišćeć da. Biblija pak so w ćišću wudać njemóžeše, dokelž katholskich Serbow bě přemala horstka.

Z toho pak, zo katholscy Serbja dotal přeložk Swjateho Pisma njemějachu, njesmě nchtó sudzić, zo sebi katholska cyrkej s. Pismo mało waži abo wšědnemu ludej w nim čitać zakazuje, jakož jej to njewědomni ludžo džensa hišće porokuja. Wot najstaršich časow buchu cyle S. Pisma a jenotliwe džěle wotpisowane a wukładowane, a katholski lud znaješe wěste džěle, wosebje tamne, kotrež so při zjawných Božich službach nałożowachu, z hlowy. Njeličomne wotpiski S. Pisma namakamy w knihownjach. Z wunamakanjom ćišća wuži katholska cyrkej tež tónle přihódny srědk k dalšemu rozšěrjenju S. Pisma, kotrež so přecy a přecy z nowa wudawaše a to nic jeno we laćanskej cyrkwinskej řeči za zdžělanych, ale tež w ludowej řeči. Zo bych jeno na wudaća w nam najbližšej němskej řeči dopomnił, je před reformaciju 17 wšelakich přeložkow cyleho s. Pisma znatých,

kotrež so za němski lud wudachu; wyše toho čišćachu so hišće jenotliwe džěle, k př. psalmy před lětom 1509 22 króc, perikopy před lětom 1518 25 króc w němskej rěči.

Zo serbski lud w nabožnym rozwučenju přikróťšeny njebu, byrnje tež w swojej maćérnej rěči sam w s. Pismje čitać njemóhl, za to swědča jeho nabožne počinki a jeho pilnosć w dokonjenju nabožnych winowatosćow. Swědomiči duchowni a wučerjo kublachu swój lud ze žiwym słowom, wubudźachu a wotdźachu jeho přinarodženu nabožnu mysl, rozwučowachu jón wo Bohu, wo jeho byću a wo jeho milosćiwych skutkach našeho wumóženja, a zašćěpjachu tak do jeho wutrowow lubosć k Bohu. Ze s. Pisma samoho njeby lud njeposrěduje nabožnu wědomosć ani čěpjeć móhl, dokelž kóždy, kotryž chce bjez stracha z duchownym wužitkom S. Pismo čitać, dyrbi, zo by słowa S. Pisma prawje zrozumil, we wšelakich wědomosćach rozwučeny być, a to so wot wšědného luda žadać njemóže. Tohodla njeporuča Jězus tež swojim japoštołam, zo bychy jeho wučbu napisali a do wšelakich rěčow přeložowali, ale praješe jim: „Dźiće do cyleho swěta a přědujće ewangelium wšitkomu stworjenju“ (Mark. 16, 15). Pjećo ze s. japoštołow a to z wosebitych přičinow wopisachu z džěla Jězusowe skutki a wučby, ale „woni (t. r. wšitcy s. japoštołowje) woteńdžechu a přědowachu wšudžom, a Knjez skutkowaše z nimi a wobtwjerdžowaše słowo z dźiwami (na nje) scěhowacymi“ (Mark. 16, 20). S. Pismo jako wozjewjenje Bože je zawěsće najwažniša a najswjećiša kniha, ale k wubudženju a k zakhowanju wěriwego nabožneho žiwjenja njeje trjeba, zo by ju kóždy w swojej narodnej rěči čitał; a tež naš serbski katolski lud njebu w nabožnym rozwučenju přikróťšeny, byrnje hač dotal cyleho S. Pisma njeměl.

Njedostatk, a to jara hluboko začuty, w našim pismowstwje pak bě, zo wyše perikopow a psalmow, kotrež buchu w léće 1872 wudate, dalšeho džěla S. Pisma njemějachmy. Hdyž w nowišim času tež w serbsko-katolskim pismowstwje pilnišo džělać a nabožne a powučace knihi wudawać počínachu, z čimž bu tež rěč dospołnišo wuwita, žadachu wosebje duchowni za přeložkom S. Pisma abo k najmjeńšemu Noweho Zakouja, zo njebychu městna S. Pisma, kotrež w šuli a w cyrkwi naložuja, sami a najbóle kóždy hinak z cuzeje rěče přeložować trjebali, a zo bychy po nowym přeložku tež perikopy, t. r. lekcije a ewangelie, kotrež so na njedželach a swjedženjach čitaja, z nowa wudate byle.

Hdyž buch w léće 1877 do Prahi jako praeses serbskeho seminara přesadženy, a po někotrych lětach swojeho powołanskeho džěla swědomiši, wot-

myslich sebi Nowy Zakoń přeložować; mějach džěn tam dosć přiležnosće k sam-
snemu powučanju za tak wažne a po wobstojenjach ćežke džěło. Knjez farař,
pozdzíšo scholastikus Michał Hórník, mój dobroćiwy wučer w serbsćinje a dolho-
lětny přecel pohonješe nje k tomu džělu a slubi mi swoju podpěru. Postajich-
moj sebi, zo chcemoj džěło mjez sobu tak džělić, zo ja přeložuju a wón mój
přeložk přehlada a zo je jako zhromadne džěło dokonjamoj, a zawdachmoj sebi
rucy, zo chcemoj po svojich mocach so za to starać, zo přeložk njedokonjany
njewostanje.

Přeložować mějach po vulgaće, t. r. po laćanskim wot s. Hieronyma wu-
datym přeložku, kotryž je wot katholskeje cyrkwy jako najdospolniši připóznaty,
a so tohodla „vulgata“ mjenuje, dokelž je powšitkownje rozšěrjeny. Přeložk ma
być dosłowny, samón słowoslěd ma, tak daleko jakož to serbsčina dowola, nje-
přeměny wostać; tola dyrbi so při tom stajnje džić na přenjatny grekski text.
Grekska řeč ma w bohatstwe słowjesowych a wšelakich druhich twórbow wulke
rjanosće a serbska řeč je jej w tom podobna. Laćanska a němska řeč trjebatej
druhdy k tomu cyłu sadu, štož móžetaj grekska a serbska řeč z jeničkej twórbu
słowjesa wuprajić. Tale krótkosć a rjanosć grekskeje řeče bu w serbskim pře-
ložku swěrnje wužita.

Njebóhi knjez scholastikus Hórník napisa wo tom w předślowje k pře-
njemu zešiwkej:

„Často móžemy njenujcy grekske verba podobnišo přeložić dyžli n. př.
laćanska abo němska řeč, rozeznawajcy n. př. hić, khodźić, přikhadžeć;
boješe so, naboja so; džěše, dónđže atd.; pušćić, pušćeć, pušćować (Mark.
15, 6); mjetać a čisnyć atd. Wosebje mamy aorist, transgressiva a participia;
jenož při minylosći stojace participium dyrbimy do přitomuostneho přeložić,
n. př. Mat. 8, 8: ἀποκριθεὶς εἶπεν, wotmołwjejo rjekny.

Zo wosebje naši starši přeložowarjo njejsu serbsku řeč tak znali, zo
bychu na jeje wosebitosće při přeložkach džiwali, hodźi so z mnohich městnow
N. Z. dowidžeć. Hižo Jakubica (1548) pisa špatnje: To je ten spocutk tego
evangelia Jesu Krista tego syna božego . . . wón was wokřić budže atd.
Swětlik a Frencel tež kazytaj řeč a hać do najnowišeho časa njezwaža sebi
někotři jeju texty do lěpšeje serbsćiny přeměnić, přenošujcy často njezasluženu
khwalbu němskeho přeložka na poruny serbski! Tak n. př. njekedžbuja
z wjetša na aoristy, přeložujcy Mat. 1, 2: ἐγέννησεν genuit = je splodźił
(splahował) město splodźi; Mat. 15, 26 a Mark. 7, 28 přeložuje P. Tecelin

w Stawiznach Noweho Zakonja str. 170: khlěb přeč brać a psam (předk-) mjetać město wzać (*λαβεῖν*, sumere) a čisnyć (*βαλεῖν*, mittere). Mat. 15, 37 dyrbi rěkać: Wšitcy pojěchu, a w našich perikopach stoji: jědžachu. Příklady aorista su na kóždej stronje tutoho přeložka. Jenož hdžež je aorist w citaće z hebrejskeho a w někotrych padach je tudy ze zamyslom perfekt abo plusquamperfekt.

Při mało dokonjanych předkhdžacych přeložkach dyrbimoj prajić, zo naju džěło njebě lohke a zo móža w nim někotre njedorunanki so namakać. Štóz chce so sam spytać w přeložowanju, njech grekskemu so bližo derje zeserbšći Mat. 13, 47. 48; 9, 16; Mark. 4, 15; 12, 44 a druge.“

Po prikazni cyrkwy smě so S. Pismo w ludowej rěči jeno z přispomnje- njeji wuhotowane wudawać. Tohodla ma tež serbski Nowy Zakon přispomnje- nja, kotrež maja słowa s. Pisma wujasnić, zo bychy so prawje a lóže zrozemile, nje- chadža pak wo wučenyh prašenjach jednać a tež nic sebi napřećiwne nablady rozsudžeć, ale jeničcy nawjedować wěriweho křesćana, kiž chce so z čitanjom S. Pisma we swojej wěrje wobkrućeć, w dobrych počinkach nadobywać. Same na sebi zrozemilwe městna, wosebje te w stawizniskich knižach, njetrjebachu so tohodla tak nadrobnje wuložeć, jakož tamne w powučacych knižach a w Zjewjenju s. Jana, kotrychž zmysl je wjele čěžši. Myslu pak sebi, zo su podate přispom- njenja jasne dosć, a kedžbneho čitarja spokoja, su čerpane z cyrkwinskeje wučby, a ze cyle wěriwych katolskich wukładowarjow S. Pisma.

Hdyž běch s. Evangelije a Japoštołske Skutki přeložil, přepodach w ferijach lěta 1886 manuskript knjezej fararjeje Hórnikej k přehladańju. Ze znatej wustoj- nosću jón wón porjedžeše, wosebje w nastupanju rěčnicy a wobstara z kedžbliwej swěru, ze swojim wótrym wóčkom, kotrež kóždy zmylk pytny, korekturu čisća. Zo je w Nowym Zakonju jeno mało čišćeřskich zmylkow, a zo je rěč tak čista, mamy njewustawacej prócy knjeza Hórnika připisować. Předślowo přenjeho zešiwka praji wo tom:

„Za čistu a přistojnu serbšćinu je w přeložku postarane, runjež wězo wšitke cuze słowa njesmědža so začisnyć. To leži we wěcach samych, wo kotrychž so w Swjatym Pismje piše a přeložuje. Wěste słowa a formy dotalnych katolsko-serbskich knihow su trjebane (nuknica, tajenc, scěhować, wučomnik atd.), někotre pak su přeměnjene (stotnik, předstojnik, piskař město tarakař, hdyž je tarakawa woteznata, bludmo *φάντασμα* město dotalneho „šerjenja“ pola Mat. 14, 26 a pola Marka 6, 49, evangelium = dobre po-

wěstwo, nic „sćenje = čćenje“ abo čitanje lectio, similis = podobny) atd. Dla lěpšeje zrozumliwosće nałožujemoj „kiž“ jenož jako sing. gen. mascul., nic z lěnosće wukhadźace trjebanje toho słowa za wšě genera sing., dual. & plur. Runje tak nałožujemoj časćišo „jako, jakož“ za „ut, sicut“, mjeztymzo maju katholske serbske knihi stajnje „kaž“, štož je = kajkiž, kajkaž, kajkež, kajkajž, kajcyž. Někotre latinismy (jakož wodawamy našim winnikam) a hebraismy (přećiwu město wot ...) smój zamyslnje wostajiloj.“

Při wšitkej kedźbnosći wostachu někotre njerunosće wosebje w pisanju cuzych mjenow. Wšitcy, kotřiž su podobnje wobšěrny spis dokonjeli, w samej wěcy předkhadnikow njemějcy, njebudźa naju džělo tajkich mólićkosćow dla hanić.

Nutrnje wobžaruju, zo knjez scholastikus Hórnik prjedy wumrě, hač bě Nowy Zakoń doćišćany. Při jeho smjerći, 22. februara 1894 bě přenje listno poslednjeho zešiwka (24. N. Z., list na Hebr. 1, 8) hotowe. Zbytny džěl pomhaše mi knjez faraf J. Skala dobroćiwje přehladać a tež korekturu wobstarać. Hladachmoj, zo by tež posledni zešiwk po zasadach, w prjedawšich zešiwkach nałoženych, dokonjany był. Knjezej kanonikej J. Skali praju tudy zjawnje za wšu mi poskićenu prócu wěrný džak.

Naša duchowna wyšnosć je přeložk po jednotliwych zešiwkach čitała, cyle tele wudaće za dobre spóznała a skhwalila.

Nowy Zakoń wuńdže z nakładom towarstwa ss. Cyrilla a Methodija, kotrež, zo by tónle wulki pjenjez za to wudać mohle, někotre lěta tež dobrowólne dary hromadžeše. Wšitcy, kotřiž spomóžny skutk z pjenježnymi srědkami podpěrachu, zasłuža sebi džakowne připóznaće katholskeho Serbowstwa.

Monsec knihićišćerňa je za Nowy Zakoń nowe pismiki kupila, dobru papjeru wobstarala a tak je tež zwonkowne wuhotowanje knihi so radźilo.

Tak maja katolicy Serbja nětko Nowy Zakoń, najwažniši džěl s. Pisma, w swojej lubej maćefnej rěči, a nadźijamy so, zo nałožena próca a pjenježny wudawk dobre plody ponjese, zo budźa rady a pilnje w nim čitać, nic drje wjedźeni wot ducha wćipnosće, ale wot swjateje žadosće, žiwjenje a skutki a wučbu našeho Zbóžnika lěpje spóznawać a přiběrać w spodobanju Božim. We s. Pismje rěči Duch swjaty k nam, jemu mamy ponižnje a dowěrnje swoje spóznaće podać, jeho rozwučenja džakownje přijec, jeho přikaznam podwolnje posłuchać. Zo bychmy k swojemu spomóženju rjadki s. Pisma prawje zrozumili, mamy Ducha s. wo jeho rozswětlenje prosyc, jednotliwe wěrnosće, kotrež so nam tu poskićeja, na sebje nałožec, jako bychy runje nam prajene byle, a we swojim žiwjenju je

VIII

potom swěrnje wobkedźbować. Z tajkim pobožnym čitanjom so duša čisći a wutroba wokřewja a cyły čłowjek so k njebieskim kublam pozběhuje, so napojejo z najčisćišeho žórła, kotrež so kužoli do wěčneho žiwjenja. Čitajmy tak w Nowym Zakonju ze swjatej zahorjenosću, zo bychmy „čisći byli a bjez poroka na dzeń Khrystusowy, napjelnjeni z plodom sprawnosće přez Jězusa Khrystusa, k slawje a khwalbje Božej“ (Fil. 1, 10. 11).

W Budyšinje, na swjedženju ss. Třoch Kralow, 1896.

Jurij Łusčanski.

Z a w o d.

Wo swjatym pismje.

1. Što je s. pismo a kajke ma so wudawać.

„Wjelekróć a wšelako je Bóh něhdy k wótcam rěčał přez profetow; najposledy pak w tutych dnjach je k nam rěčał přez swojeho Syna.“ Hebr. 1, 2. Z tutymi słowami wučí japoštoł Pawoł, zo je dobroćiwý Bóh wot spočatka a wšelako čłowjekow rozwučował a jim so wozjewjał. Tak dopominaše wón w paradizu přenjeju staršeju na počah, w kotrymž staj wonaj a po nimaj jeju potomnicy k swojemu stworičerjej a k druhim stworjenjam, a wozjewi jimaj swoju wolu z wosebitej kaznju. A hdyž běštaj přenjeju staršej Božu kaznju přestupiwiši zhrěšiloj a prjedawši zwjazk přecelstwa roztorhloj, připowědaše jimaj čežke khostanje, kotrež na njeju a na wšitkich potomnikow přídně, slubi pak hnydom přichodneho Wumóžnika. Wěra do jeničkeho Boha a nadzija na slubjeného Zbóžnika zdžerža so jeno w pobožnych swójbach patriarchow a w israelskim ludze z dalšimi zjewjenjemi Božimi, z kotrymiž patriarchowje, jako Noe, Abraham, Isaak, Jakub, Józef, a profetowje, jako Mójzes, Samuel, Elias a druzy swój lud před přibóžstwom pohanstwa zakitachu a w swěrje k wěrnemu Bohu wobkručachu. Tohodla namakamy w mjenje zdžělanym israelskim ludze bohaty poklad swjatej wěrnosći a mudrych přikazni a woprawdže spodziwnych nabožnych zarjadowanjow, kotrež sebi hinak wujasnić njemóžemy, hač z Božeho njeposrědného powučěnja.

Najdospołnišo pak je Bóh k čłowjekam přez swojeho jenorodženého Syna Jězusa Chrystusa rěčał a so wozjewił. W nim „bydli cyła połnosć Bóžstwa woprawdže“. Kol. 2, 9. Wón „je wotblyšč a podobnosć jeho byća“. Hebr. 1, 3. We nim bě widžec „krasnosć jenorodženého wot Wótca, połného miłosće a prawdy“. Jan. 1, 14. Wón je wšitko wučil, štož ma čłowjek wěrić a činić, zo by zbóžny był.

Wěrnosće, kotrež je Bóh wot spočatka přez profetow a najposledy najdospołnišo přez swojeho jenorodženého Syna wozjewjał, spóznavamy z džěla ze swjateho pisma, abo biblije, z džěla z cyrkwinych podawiznow abo tradicije.

Swjate pismo je zběrka knihow, kotrež su pod pohnuwanjom Duchu swjateho pisane a jako słowo Bože wot cyrkwy připóznate. Wono mjenuje so „biblija“ t. r. kniha, dokelž je swjate pismo mjeze wšěmi knhami najwosobniša a najspomóžniša.

1. Spisy swjateho pisma drje su wot čłowjekow pisane, ale wobsahuja bóžsku wědomosć. Profeta Jeremias powěda na spočatku swojeje profetiskeje knihi, kak bu wot Boha pohnuty, zo by swojemu ludej Bože wěrnosće abo prawdy připowědał: „A rjeknych: A, a, a, Knježe Božo, ja njejsym zwučeny rěčeć, dokelž sym jakož džěćo. A Knjez praji ke mni: Njepraj, sym jakož džěćo, přetož na čož će pósćelu, póndžeš, a štož ći poruču, budžeš wozjewjeć.“ Jer. 1, 6. 7. A štož profeta Jeremias wo sebi powěda, to sta so wšitkim spisačerjam swjateho pisma, wot přenjeju, kiž nam stworjenje swěta wopisuje, hač do poslednjého, swjateho Jana, kiž ze swojim zjewjenjom zběrku knihow swjateho pisma wobzamkny. Na poslednim koncilu

w Romje 1870 je swjata cyrkej znova jako wěrnosć wěry postajila, zo su wšitke knihi swjateho pisma pod pohnuwanjom Ducha swjateho pisane a zo je Bóh jich spočinaf. Duch swjaty je spisačerjow pohnul, zo pisachu, a jich rozswětlił, zo spóznachu, što maju pisać, a jich podpjerał, zo bychy w pisanju njebludžili. „Ženje njesta so zjewjenje přez čłowjesku wolu, ale wot Ducha swjateho pohnući su swjeći Boží rěčeli.“ 2. Pětr. 1, 21. Dokelž je swjate pismo pod pohnuwanjom Ducha swjateho, Ducha „wěrnosće“ pisane, je jeho wobjeće njezmylna wěrnosć Boža, a zakitane před každym blúdom.

2. Zo by kniha jako k swjatemu pismu přislušaca so wažić móhla, dyrbi wot swjateje cyrkwyje jako słowo Bože připóznata być. Powšitkowna cyrkwinu zhromadźizna w Trienće 1545 je w swoim 4. posedženju kanon abo zapis knihow swjateho pisma postajila, a to na zakładze stawiznow. Knihi w tutom zapisu stojace su wot najstaršich časow powšitkownje, we wšitkich džělach swjateje cyrkwyje jako woprawdžite słowo Bože připóznawane; wšitke namakaju so, štož so dopokazać hodži, w najstaršich přeložkach, a swjeći wótcowje na nje w dopokazanju swojeje wučby so počahuja. Na wjacore knihi stareho zakonja pokazuje tež Khrystus a swjeći japoštolowje jako na słowo Bože. Swjata cyrkej je tónle drohi poklad Božich wěrnosćí swěrnje wukhowala, před skaženjom starosćiwje zakitala a najpilnišo k spomóženju swoich wěriwych naložowała. Spodźiwne přikłady powědaju so nam z najstaršich časow, kak pobožni křesćenjo, nic jeno duchowni a biskopja, ale tež swětni ludžo knihi swjateho pisma sebi wažachu, je kedžbnje čitachu abo sebi čitać dachu. Swjaty Hrjehof nam powěda, zo sebi s. Servulus, kiž khorosće dla džělać njemóžeše, z jałmožnu, jemu wot druhich bohatšich podawanej, knihi swjateho pisma kupi, zo by wěrnosće Bože čim lěpje spóznał. Mjez druhim piše Eusebius wo křesćanskim martrarju Janje, zo měješe wšitke knihi swjateho pisma w swoim pomjatku a cyłe strony tak swěrnje powědaše, jako by je čitał. Haj same žónske znajachu derje swjate pismo. Swjata Paula a jeje džowka Eustachia wuknještej hebrejcy, zo byštej psalmy w tejle rěči móhloj spěwać. Swjaty Hieronymus jeju napomina, zo byštej wodnjo a w nocy w swjatym pismje čitaloj. Na sławnych cyrkwinych wótcow přenich lětstotkow njetrjeba so wosebje spominać, dokelž jich wukładowanja swjateho pisma so hišće džensniši džěł w cyrkwi naložuju. Jako w tychle přenich časach, tak běše tež we wšitkich pozdžišich. Swjaty Bonifatius, japoštoł němskeho ludu, nošeše stajnje swjate pismo při sebi, tež při swojej smjerći je džeržeše, jako škit je wužiwajo. Swjaty Cyrill abo z křćeńskim mjenom Konstantin, nadžeše so, zo křesćanska wěra lóže a kručišo mjez słowjanskimi ludami so zakorjeni, hdyž změja swjate pismo tež w swojej rěči, a poča tohodla lnydom po přikhadze do Morawy je přeložować. Přenja kniha běše ewangelium swjateho Jana. „We spočatku bě Słowo, a Słowo bě pola Boha, a Bóh bě Słowo“*) rěkaše přeni do słowjanskeje rěče přeloženy rjadk swjateho pisma. Wo swjatym Antoniu z Paduy praji so, zo móžeše cyłe swjate pismo z hlowy, tak zo by, hdy by so zhubilo, je sam z pomjatka móhl napisać. A w swoim zjawnym žiwjenju naložuje cyrkej wšúdzom swjate pismo. Při woporje Božej mšě, při wudželenju swjatych sakramentow, při pohrjebje a wšelakich swjećiznach a požohnowanjach, w měšnikich modlitwach, wosebje pak w přédowanjach a rozwučowanjach, wšúdzom maju słowa swjateho pisma najwosobniše město. Zawěrnjo katolska cyrkej a jeničcy wona česći swjate pismo dostojnje jako słowo Bože, štož tež z tym dopokazuje, zo starosćiwje na to hlada, zo by so wopačnje njezrozumiło a wopačnje njenaložowało.

3. Kóžda kniha, tež najwužitniša móže škodzić, hdyž so jeje wobjeće njedorozumi; kóžda, tež najjasniša kniha, móže so wšelako wukładować. Tohodla je katolska cyrkej w nastupanju čitanja swjateho pisma postajila, zo smě wšědný lud, kotryž je w přenjoťnej

*) Po starosłowjansku: **СЛОВОМ БѢ БОЖИМЪ**, čitaj: izkoni bě słowo (w spočatku bě słowo).

abo we laćanskej rěči čitać njemóže, je jeno čitać w tajkim přeložku, kotryž je z jeje dowolnosću wudaty a z trěbnymi přispomnjenjemi wuhotowany. Tuto postajenje kóždy za mudre připóznaje, kotryž rozpomni, zo je swjate pismo potajna kniha, we kotrež je, kaž s. Pětr praji: „něštožkuli ćežcy zrozumić, štož njewučeni a lohkomyslni ludźo k swojemu zahubjenju wukładaja“. 2. Pětr. 3, 16. Z wopačneho zrozýmjenja a wukładowanja swjateho pisma nastachu džě we wšelakich časach błudne wučby, tak zo hižo s. Augustin wobkruća: „Z wotkel wukhadža telko błudnych wučbow, hač z toho, zo swjate pismo, kotrež je samo na sebi dobre, tak wopak so zrozými.“ Haj čłowjeska lohkomyslność dosaha, kaž cyrkwine stawizny wuča, hišće dale, a kazy słowo Bože, je samowólnje wopak přeložujo, pak wažne słowa wuwostajejo, pak přistajejo, jeno zo by swoje njeprawe wučby z jeho nahladnosću zamołwjała. Mortwy pismik žada sebi k prawemu dorozýmjenju žiwe słowo k wukładowanju, a to je swjatu cyrkej pohnuło, zo postaji, zo smě wot wšědného ludu přeložk jeno z jeje dowolnosću wudaty a z přispomnjenjemi wuhotowany so trjebać, tak zo by z tutoho čisteho žórła swjateje wěry nječerpał zahubjenje, ale słowa wěčného žiwjenja.

2. *Kanon abo zapis swjateho pisma.*

Swjate pismo wobjimuje dwaj džělej, kotraž „Stary“ a „Nowy Zakoń“ mjenujemy. Słowo „zakoń“ rěka: dokonjana, skónčena, rozsudžena, kruće postajena wěc, jako prawidło plaćaca, po kotrež maju so prawa a winowatosće rjadować. Dokelž pak ma wola Boža, w swjatym pismje čłowjekam wozjewjena, nam prawidło žiwjenja a kaznja być, po kotrež so wšitko dokonja, mjenuje so wono cyle prawje zakoń Boži. Tež z cuzym słowom „testament“ so swjate pismo mjenuje. To słowo rěka: wotkazanje, poslednja wola, kotraž so wjacj wrócić a wotwolać njesmě, kotraž wosebje ze smjerću wotkazacerja krutu plaćiwosć dóstawa. Tak wobjimuje tež swjate pismo wolu Božu, a tež wotkazanje Bože, slubjenja Bože, wosobne duchowne kubła a hnady, kotrež su swoje wobkrućenje a wěčnu plaćiwosć dóstałe ze smjerću Boha-čłowjeka Jězusa Chrystusa.

1. Stary zakoń wobsahuje zjewjenja Bože, kotrež su so před Chrystusowym narodom čłowjekam stałe, a ma 45 knihow; po woprijeću 21 stawizniskich, 7 powučnych a 17 profetiskich.

a) Stawizniske knihi su: pjeć knihow Mójzesowych (1. Genesis, stworjenje; 2. Exodus, wukhód z Egipta; 3. Leviticus, zakony za lewitow při woporach a swjedženjach; 4. Numeri, ličby, ličenje ludu k wójskej službě; 5. Deuteronomium, druhi zakoń, wobšěrne rozpovídanie zakona), kotrež stworjenje swěta, žiwjenje patriarchow a zjewjenja Bože, kotrež dóstawachu, přebýwanje israelskeho ludu w Egiptowskej, jeho přechńenje do pusciny a wozjewjenje zakona Božeho na horje Sinai, wosebite postajenje za nabožne, zjawne a swójbne žiwjenje wopowěduja a z Mójzesowej smjerću so skónča; kniha Josue powěda zasydlenje israelskeho ludu w slubjenym kraju po předobýću pohanskich ludow, kotrež tam bydlachu; kniha Sudnikow wopisuje podawki po Josueowej smjerći hač k wuzwolenju krala Saula, potajkim čas wokoło 300 lět wobsahowacy, w kotrymž buchu naležnosće israelskeho ludu wot sudnikow wobstarane; kniha Ruth, kotraž stawiznu pobožneje žónskeje tohole mjena, Davidoweje prawowki, powěda; štyri knihi kralow (prěnej dvě rěkatě tež knizy Samuela), powědaju stawizny israelskeho ludu wot časa, hdyž jemu Bóh Saula jako krala postaji, hač do toho, hdyž so do Babylonskeje přesydli, wot l. 1095—588 př. Khr.; dvě knizy Khrónikow abo Paralipomenon, kotrež wuwostajene podawki přěnich časow a potom stawizny kralow w kralestwje Juda hač do časa, hdyž so lud z Babylonskeje wróći, wobsahujetaj; kniha Esdras powěda wróćenje džěla israelskeho ludu, splahow Juda a Benjamin, z Babylonskeje a nowe založenje Božich službow w Jeruzalemje; kniha Nehemias powěda prócowanja tohole nahladneho a pobožneho muža, zo by nowe zasydlenje swójeho ludu w Jeruzalemje a Judeji

so rozšěrjało a zawěšćilo; kniha Tobias wopisuje žiwjenje Tobiasa a jeho syna, kotraž buštaj wot krala Salmanassara do Ninive w Assyriji wotwjedženaj, tola pak swěrnaj wostaštaj Mójzesowemu zakonjej a tež swojich krajanow ze słowom a příkladom k bohaborjosi napominaštaj; kniha Judith wopisuje hordžinski skutk israelskeje wudowy Judithy, kotraž assyriskemu wójskemu wjednikej Holofernesej hłowu wotrubby a tak swoje narodne město Bethulia a cyły kraj před dalšim zapuśćenjom zakita; kniha Esther wopisuje žiwjenje wosobnje Židowki Esthery, kotruž bě persiski kral Assuerus sebi za žonu wzal, a kotraž swój lud před zahubjenjom, jemu wot najmóćnišeho zastojnika přihotowanym, zakita; dvě knizy Makkabejskich wopisujetaj surowe přescěhanja, z kotrymiž buchu Židža w času, hdyž běchu syrisce kralowje sebi kraj podćisli, domapytani, wosebje potłóčowanja krala Antiocha, a hordžinske wojowanja Židow přeciwo njepřecelam wěry pod wjedženjom měšnika Mathathiasa a jeho pjeć synow, mjez kotrymiž so wosebje Judaš ze swojej njepřewinitej zmužitosću wuznamjenješe, tak zo čestne přimjeno Makkabejski t. j. z klepakom bijacy dósta.

b) Powučne knihi su: kniha Job, w kotrejš so žiwy příklad hordžinskeje scerpnoće a podaća do Božej wole w najhórsich duchownych a čělnych čerpjenjach předstaja; kniha Psalmow wobsahuje 150 spodziwnje rjanych nabožnych spěwow, w kotrychž póćiwje, po Božim zakonu zřadowane a pokutne žiwjenje so khwali, zahorjenosć za česć Božu so poruča, na slubjeného Zbóžnika, jeho žiwjenje a smjerć a jeho kralstwo na zemi so pokazuje; kniha Přisłowow podawa mudre wučby a dobre rady za žiwjenje, najbóle w krótkich hrónčkach, z kotrymiž so k bohaborjajzemu žiwjenju napomina; Předař abo Ekklesiastes mjenuje so kniha, w kotrejš kral Salomon w zjawnej zhromadźiznje jako wučer abo předař wustupuje, prózdnoć a hinitosć a njewobstajnosć wšoho časneho dopokazuje a wučí, zo móže čłowjek w bohaborjosi a poslušnosći jeničcy swoju zlóžnosć namakać; Wysoki spěw (spěw spěwow) Salomonowy je wopisanje čisteje lubosće w rozmołwjenjach slubjeneju, kotrejuž mandželstweju so wulke zadžewki činja, kotraž pak sebi swěrnaj wostawataj, hač runje je njewjesta wšelako spytowana; tola pak nima so tale kniha po pismiku zrozumić, ale ma wyšši potajny zmysl, pokazuje na lubosć Božu k wuzwolenemu luděj, a tež ke křescanskej cyrkwi; kniha Mudrosće, w kotrejš Salomon mudrosć, plód bohaborjajneho žiwjenja, ze słowami a příklady poruča; Sirach abo Ekklesiastikus t. j. cyrkwin kniha, je kniha, wot cyrkwe wšitkim jako najwužitniša čitanka poručowana, w kotrejš mócnje k póćiwosći a k pobožnosći so napomina a z příklady ze stawiznow israelskeho ludu k dobrym počinkam so pohnuwa.

c) Profetiske knihi maju we sebi z wjetša wěšćenja abo profecenja, z kotrymiž chcyše Bóh nadźiju na slubjeného Zbóžnika w swojim wuzwolenym luděj wožiweć a zdžeržec, wobstojenja jeho žiwjenja, jeho wukhad, narod, dźiwy a wučby, čerpjenje, smjerć a překrasnenje wopisać, zo by, hdyž přindže, pola swojeho ludu připóznace a wěru namakał. Tež wobjimuju profetiske knihi powučenja a napominanja k pokuće a připowěduja kralam a luděj Bože sudženja. Profetiske knihi rěkaju: Isaias, Jeremias, Baruch, Ezechiel, Daniel, Osee, Joel, Amos, Abdias, Jonas, Michaeas, Nahum, Habakuk, Sofonias, Aggaeus, Zacharias a Malachias.

2. Nowy zakón wobjima zjewjenja Bože, kotrež je čłowjestwo přez Jězusa Khrystusa a jeho japoštolow dóstało. Ma 5 stawizniskich, 21 powučnych knihow a 1 profetisku.

a) Stawizniske knihi su štyri ewangelijske po Mateju, Marku, Lukašu a Janje, a Japoštoliske skutki.

b) Powučne knihi su 14 listow swjateho Pawola, a to: 1 Romskim, 2 Korinthskim, 1 Galatam, 1 Efesskim, 1 Filippenskim, 1 Kolossenskim, 2 Thessaloniskim,

2 Timotheej, 1 Titej, 1 Filemonej, 1 Hebrejskim pisane; 7 katholske listy a to: 1 wot s. Jakuba, 2 wot s. Pětra, 3 wot s. Jana, 1 wot s. Judaša Tadeja.

c) Profetiska kniha je: Zjewjenje swjateho Jana.

Wobjeće knihow Noweho Zakonja slěduje hišće za kóždu wosebitu knihu; nje-trjebamy tohodla tu jich wobjeće rozestajeć.

3. Stary a Nowy zakon zjenočujetaj so mjez sobu. Wobaj staj słowo Bože, čłowjekam w tom samym wotpohladanju wozjewjene, zo bychu k wěčnemu zbožu wěstu sčezku namakali a nastupili, kotruž běchu přez hrěch zhubili. We starym zakonju so nowy přihotuje, z noweho so stary hakle prawje dorozymi. Tola pak wobstoi mjez woběmaj tež wšelakosć. Štož so w tamnym slubi, so w tutom dopjelni. W starym knježeše bojosć, w nowym lubosć. Tamny bu daty jenomu ludej, tutón wšitkim, tamny za čas, zo by wuzwoleny lud na slubjeného Zbóžnika so přihotował, tutón za wěčnosć. Tamny přez služownikow, tutón přez Syna; tamny lubješe časne, tutón připowěda wěčne kubla. Tamny poručese z pismikom, tutón podpjeruje z hnadu Ducha swjateho. Tamny spokoji so z poslušnosću, tutón žada sebi dospołnosć. Hdyž bu wo starym zakonju Josueej poručene 1, 8: „Njeh so tale kniha wot twojeho rta njewotwobroći, ale rozpominaj sebi ju wodnjo a w nocy“, z kajkej pilnosću mamy my nowy zakon čitać, jeho słowa pobožnje we wutrobie khować a w žiwjenju poslušnje naložec!

3. *Wo najwažnišich přeložkach a wudaćach swjateho pisma.*

1. Swjate pismo Stareho Zakonja je hebrejsce spisane, jeno někotre z pózdnišich knihow greksce. Wokoło l. 245 před Chrystusowym narodom bu přeni króć přeložene a to w Alexandrii do grekskeje řeče. W tomle hłownym městě Egiptowskeje hromadžachu tehdyši kralowje duchowne plody cyleho zdělaného swěta. Tuž buchu tež spisy Stareho Zakonja, tónle drohi poklad israelskeho ludu, po přóstwje krala Ptolomaea Lagi wot dwaj a sedmdžesat wučenych Židow do grekskeje řeče, kotraž so tehdy wot wšitkich zdělaných rozymješe, w Alexandrii přeložene. Tutón přeložk mjenuje so alexandriski abo najbóle „Septuaginta“, t. r. sedmdžesat, dokelž běchu [dwaj a] sedmdžesaćo jón dokonjeli. Ma wulku wažnosć, tež swjeći japoštołowje, wosebje spisačerjo Noweho Zakonja jón znajachu a naložowachu. Pozdžišo bu Stary Zakon tež wot druhich wučených wjacj króć do grekskeje řeče přeloženy, tola so tute přeložki mjenje waža.

2. W druhim křesćanskim lěstotku bu swjate pismo Stareho a Noweho Zakonja hižo do laćanskeje řeče přeložene; tónle přeložk řeka „Itala“. Stary zakon bu po grekskim přeložku Septuaginta, nowy po přenjatnych spisach swjatých japoštołow dokonjany. Dolhi čas trjebaše so Itala jeničcy w křesćanskej cyrkwi, wšudžom, hdžež so laćanska řeč řečeše. Při wotpisowanju pak stawachu so tež při najwjetšej kedžbnosći zmylki, někotři dowolachu sebi tež samowólnje wšelake wěcy přeměnjeć. Tohodla bě w rukopisach wulka wšelakosć. Tuž poručí bamž Damasus swjatemu Hieronymej, zo by laćanski přeložk z grekskim přirunał a porjedził. To je so wot s. Hieronyma stało. Tola tónle tak porjedženy laćanski přeložk njeje so rozšěrjał z wuwzaćom psalmow, haj někotre knihi přeložka su so cyle zhubile. Wina na tom bě, zo s. Hieronym so sam z tymle porjedženjom po grekskim přeložku njespokoji, ale z hebrejšćiny swjate pismo Stareho Zakonja do laćanskeje řeče znova přeloži. Wón bě w młodosći hižo hebrejsku řeč nawuknył a zo by kraj a wšitke wobstojenja, na kotrež so swjate pismo počahuje, lěpje spóznał, přesydlí so do Bethlehema a džełaše tudy dwaceći lět na nowym přeložku, kotryž bu lěta 405 dokonjany. Nowy Zakon bu z Itale wzaty, ale z přenjatnym grekskim wudaćom kedžbnje přirunany, a po nim porjedžany. Hieronymowy přeložk je tak dospołny, zo lěpšeho laćanskeho nimamy; powšitkownje bu w běhu lěstotkow wot wšitkich křesćanskich ludow přiwzaty a wot cyrkwe we jeje wučbě a žiwjenju jako najswěrnější přeložk swjateho pisma trjebany. Ma tohodla

tež mjeno: „Vulgata“ t. r. powšitkownje rozšěrjena biblija a jako swěrnje přeložena přijata. Cyrkwina zhromadźizna w Trienće je postajila, zo ma so přeložk „Vulgata“ při zjawnym wučanju k dopokazanju křescanskich wěrnosći, při Božich službach w liturgiskich knihach jeničcy nałožować a zo dyrba wšitke přeložki, kotrež maju so z dowolnosću cyrkwineje wyšnosće rozšěrjeć, po Vulgaće jako authentiskim abo prawym přeložku dokonjane być. Tohodla je tutón serbski přeložk po rjedže Vulgaty džělany. Rozdžěl mjez Vulgatu a originalom pak je jara snadny a nastupa njewažne słowa.

3. Biblija je do wjacy stow wšelakich řeči přeložena. Po dokonjenju grekskeho přeložka zhotowichu so aramejski (chaldejski), samaritanski, syriski, arabski a druge w narańšich krajach. W nawječornych krajach pak su znate: gothiski (w 4. lětstotku), słowjanski (w 9. stotku) wot ss. Cyrilla a Methodija, anglosakski (tež w 9.), němski (z džěla, w 10.), francóžski atd. Wot spočatka knihičišćenja (w druhej połojcy 15. st.) wozjewichu so přeložki a nowe wudawki spěšnišo; spaniski (1470), italski (1471), francóžski (1487), čěski (Nowy Zakon 1475, cyła biblija w Praze 1488 čišćana), němski 5 wudawkow do l. 1477, 12 wot 1477—1520) a Lutherowy (1522—34), starosłowjanski (1581) atd.

4. Do našeje hornjoserbskeje řeče přeloži Jurij Hawštyn Swětlík (Swětlík) z Kuloŕa, farar a kanonik w Radworju (1683—1707) a potom w Budyšinje (1717—1729 senior) najprjedy Nowy Zakon (dokonjany 1688) a po něm Stary Zakon (dokonjany 1707). Tutón přeložk pak njehodžeše so bohužel w čišću wudać, dokelž bě jenož mało Serbow katolskich zwostało. Za lutherskich hornich Serbow wuńdže Nowy Zakon 1706 wot Michała Frencela po Lutherowym němskim přeložku zhotowjeny, a 1728 cyła biblija. Do delnjoserbskeje nareče přeloži Nowy Zakon najprjedy Mikławš Jakubica (1548), kotrehož rukopis so w Barlinje khowa, a čišćany bu přeložk Fabricia l. 1709; Stary Zakon wuda Fryco hakle 1796.

W najnowšim času je J. Buk džěl Noweho Zakonja do čisteje řeče přeložil, kotrehož džěl (s. Matej a s. Marka 1—3,8) je w l. 1862 wudał. Tuto wudaće njepoznamjenja parallele a nima přispomnjenja.

Wo knihach Noweho Zakonja.

A. *Swjate ewangelie.*

Ewangelium je grekske słowo a znamjenja dobre poselstwo, wozbožace wjesole powěstwo. W starym zakonju, wosebjě pola profety Isaiasa namaka so tuto słowo wjacykróć a pokazuje na zbožownosć, kotraž ma z přikhadom Messiasa za čłowjestwo so spočec. Jězus sam počahuje profetiske słowa Is. 61, 1 na so, hdyž při spočatku swojeho wučefstwa w Nazarethskej synagodzy tele słowa přečitawši rjekny: „Knjezowy Duch je nade mnu; tohodla je Knjez mje žalbował, zo bych khudym ewangelium předował, a je mje posłał, zo bych wustrowił, kotřiž su rozkateje wutroby“; a na to přistaji: „Džens je tuto słowo dopjelnjene před wašimaj wušomaj“. Luk. 4, 18—21. Z tym wobkrući Jězus zmysł słowa „ewangelium“, kotrež potajkim znamjenja wjesole powěstwo wo přikhadze Messiasa a wo zbožownosći, kotruž cyłe čłowjestwo dóstawa z jeho wučby, z jeho žiwjenja a smjerće, z jeho zaslužbow. Tež spisacerjo Noweho Zakonja trjehaju słowo w tom samym zmysłu, n. př. Ef. 6, 15.

Ze wšim prawom nałožuje so słowo w tomle zmysłu, dokelž Khrystus je prawe zbožne čłowjestwo přihotował, z Bohom je wujednawši, njebjo wotewriwši a ze swojej wučbu puć k wěčnej wótčinje jemu pokazawši. Wšitke knihi Noweho Zakonja su po prawym ewangelie, dokelž wozbožace wučby Jězusowe připowěduja a tak k wěčnej

zbóžnosći nas nawjeduja. Tola rěkamy ewangelie jeno tamnym kniham Noweho Zakonja, w kotrychž so nam Jězus, Syn Boží, sam předstaja, kak wučí a skutkuje, kak khodži mjez swojim ludom, wšitkim dobre činjo, kak za našu zbóžnosć čerpi a na křižu mrěje a tak skutk našeho wumóženja dokonja. Wot najstaršich časow rěkachu tohodla tamne knihi ewangelie, kotrež Jězusowe žiwjenje a skutkowanje na zemi wobjimuju.

A kak je so stało, zo je to, štož je Knjez ze rtom wučil, so napisalo? Khrystus, zemju wopušćejo, přikaza swojim japoštołam, zo bychu do cyłeho swěta šli (Mat. 28, 20) a wšomu stworjenju ewangelium přédowali. Mark. 16, 15. K tomu wuhotowachu so z mocu njebyes a japoštołowje džěchu a wučachu wšudžom, a Knjez podpjeraše jich wučenje z dziwami, a tak bu swjata wučba ze rtnym přédowanjom po cyłym swěće rozšěrjana a wšudžom křescanske wosady založowane, prjedy hač bu słowčko ewangelia napisane. Što pak je ewangelistow k spisanju ewangelioŭ pohnuło? Na to wotmołwja Lukaš na spočatku swojeho ewangelia, kotrež bě tohodla pisał, „zo by jeho přećel Theofil wěrnosć słowow spóznał, w kotrychž bu rozwučeny“, t. r. zo by so dopomnił na wučby, kotrež bě ze rtom přédowač słyšał, zo by so w nich wobkručil, nic pak, zo by so z pisanim ewangeliom hakle wěra do Jězusa započala. Rtne słowo so pozabywa, napisane zwostawa; tohodla zawostajichu někotři japoštołowje založenym křescanskim wosadam najwosobniše wučby a podawki z Jězusoweho žiwjenja napisane, prjedy hač je wopušćichu, zo bychu druhdže ewangelium přédowali. Njenapisachu pak wšitko, štož běchu wučili, ale jeno takrjec wučah z toho, kaž to s. Jan wobkruća: „Jězus je hišće wjele druhich znamjenjow před wočomaj swojich wučownikow činil, kotrež njesu w tutej knizy napisane.“ Jan. 20, 20. Pódlá tohole zhromadneho wotpohladanja měješe kóždy ewangelista hišće wosebite, kotrež z wobstojenjow wukhadža, w kotrychž běše žiwy a na kotrež na swojim měsće spomniny.

Hnydom při spočatku swjateje cyrkwy rozšěrjachu so mnohe ewangelie, tola jenož štyri je cyrkwe we wšěch časach za prawe, pod pohnuwanjom Duchy swjateho napisane, spóznała. To njesta so bjez wosebiteho wjedženja Božeho. Swjaty Augustin praji, zo je so to stało k znamjenju, zo ma so ewangelium do wšitkich štyrjoch rókow swěta rozšěrjeć. Lěpšu přičinu pak widži wón z druhimi swjatymi wótcami w starym zakonju w I. stawje profety Ezechiela, we kotrymž krasny wobraz so wozjewjaceje Božej majestosće so wopisuje, wot štyrjoch cherubimow njeseny, z kotrychž ma kóždy štwore wobličo: čłowjeka, lawa, byka a worjoła. Tuto štwore wobličo je znamjo wašnja, na kotrež so Bóh we swojej wšohomocy hižo w starym zakonju wozjewješe jako lubosćiwy, knježacy, smilny a woprawdže bóžski, dokelž wobličo čłowjeka plačeše za lubosćiwosć, lawa bě znamjo knježenja, byk woporne skočo, přez kotrež Bóh so wujedna, a worjoł plačeše za znamjo bóžskeje mudrosće. Runje tak wozjewja so Bóh w nowym zakonju tež we Jězusu, kotrehož žiwjenje swjate ewangelie wopisuja; kaž we Ezechielowym wěšćenju štyrjo cherubimy ze štworým wobličom majestosć Božu takrjec njesu, tak njesu štyrjo ewangelistowje w nowym zakonju we Jězusu so wozjewjacu majestosć Božu. Swjeći wótcowje přidžěleju po tamnym starozakońskim wobrazu kóždemu ewangelistej jene z tamnych wobličow jako wosebite znamjo, a to Matejej wobličo čłowjeka, dokelž swoje ewangelium z knihu naroda Jězusoweho spočina a wopisuje, z kajkich přjedownikow je Jězus jako čłowjek so narodził; Markej wobličo lawa, dokelž swoje ewangelium z Janowym přédowanjom w puscínje započina, hdžež lawy přebýwaju; Lukašej wobličo byka, dokelž swoje ewangelium ze Zachariasowym woporom w templu počina, a Janej wobličo worjoła, dokelž hnydom na spočatku swojeho ewangelia worjołej poruno so pozběhuje k bóžštwu Syna Božeho.

Jenohłósne sudži so wot najstaršich časow, zo su swjate ewangelie po tom rjedže napisane, w kotrymž někto w zapisu swjateho pisma stoja, zo je najprjedy s. Matej, po nim s. Mark, potom s. Lukaš a naposledku s. Jan ewangelium spisał. Wosebje rěči

s. Irenaeus takle: „Matej napisa svoje evangelium hebrejscy, hdyž Pětr a Pawoł w Romje přédowašaj a cyrkej založešaj; po jeju smjerći napisa Pětrovy tolmač Mark wěcy, kotrež bě wot Pětra slyšal; Lukaš pak Pawołowy přewodnik spisa, štož bě Pawoł přédował. Na posledku wuda tež Jan w Efesu přebywacy pisomnje evangelium.“ Tón samy rjad mjenujetaj s. Hieronymus a s. Augustinus.

1. Evangelium po swjatym Mateju

Matej, přeni evangelista, běše Alfejowy syn, w Galileji rodženy (Mark. 2, 14) a rěkaše Levi (Luk. 5, 25). Jězus powola jeho k japoštołstwu z clownicy, kotruž měješe při galilejskim morju, w blizkosći Kafarnauma. Levi wopuści swoju dotalnu zaslůžbu a bu japoštoł z mjenom Matej t. r. Božidar, po greksku Theodor. Po powołanju bě wón sedmy japoštoł. Po Jězusowym donjebjesspěču přédowaše z druhimi japoštołami w Judeji, potom poda so do Aethiopije, t. j. afrikskeje krajiny, kotraž při hornim Nilu leži a nětko Nubiska rěka; někotři tež praja, zo je w Indiskej Jězusowu wučbu rozšěrjal. Wón wumrě martrafskeje smjerće. Přjedy hač swoju domiznu wopuści, napisa svojim krajanam stawiznu Jězusoweho žiwjenja a skutkowanja, a to, kaž so rozymi a kaž najstarši swědcy wobswědčeja, w jich rěči, mjenujcy hebrejscy; tak spisane evangelium so zhubi, hač runje so w najstarších časach na nje spomina. Nimale w tom samym času bu tuto evangelium snadź wot Mateja samoho abo wot druhého japoštoła w grekskej rěči wudate wosebje za křesćanow, kotřiž běchu z pohanstwa so wobročili a hebrejsku rěč njerozymjachu.

Matej chce w svojim evangeliu dopokazać, zo je w Jězusu Khrystusu tón wot profetow připowědany, wot israelskeho ludu wočakowany „Žalbowany Boží“, wumóžnik swójeho ludu a cyłeho swěta, woprawdže přišoł a kralestwo Bože na zemi založil, do kotrehož maju wšitcy zastupić. Tohodla pokazuje wón tak husto na stary zakof.

2. Evangelium po swjatym Marku.

Mark, dospołnje Jan Mark (Jap. sk. 12, 12) narodži so w Jeruzalemje. W dómje jeho maćerje Marije zhromadźowachu so husto swjeći japoštołowje; Pětr je jeho w křesćanstwje rozwučował a křćil, dokelž jeho swójeho lubowaneho syna mjenuje (1. Pětr. 5, 13). Pozdžišo přewodžeše Pawola (Jap. sk. 12, 25); 13, 5 a Barnabasa, swójeho krejneho přećela (Jap. sk. 15, 35—39) na jeju japoštołskim puću; a bě při Pawole w Romje (Kol. 4, 10; 2. Tim. 4, 11) a tu zetka so tež zaso z Pětrom, kotryž jeho pohnu, zo by evangelium spisał. To je so pod Pětrowym nawjedowanjom stało, tohodla mjenuje so Mark tež Pětrovy tolmač. Tuto evangelium je potajkim před Pětrowej smjerću w l. 67 spisane, ale najskeje hakle po jeho smjerći wudate.

Swjaty Mark chce w svojim evangeliu wosebje stawiznu Jězusoweho žiwjenja wot spočatka jeho zjawneho skutkowanja hač do wot-mortwych-wstaća podať a pokazuje wosebje na podawki, z kotrychž je Jězus jako Syn Boží spóznać. Hłowny zaměr wupraji w svojim přnim rjadku: „Spočatk evangelia Jězusa Khrystusa, Syna Božeho“. Na wučbu Jězusowu mjenje džiwa, dyžli druzy evangelistowje, za to kedźbuje na wobstojnosće podawkow. Z rěče a z wopisanja wšelakich židowskich wobrjadow sudži so, zo je Mark evangelium romskemu ludej zawostajić chceł, kotryž židowske žiwjenje njeznaješe. Spisane je Markowe evangelium w grekskej rěči, kotraž so tehdy w Romje powšitkownje trjebaše.

Z pozdžišeho žiwjenja s. Marka njeje wjele wěsteho znate. Wot Pětra bu do Egiptowskeje pólany, hdžež je Jězusowu wučbu rozšěrjal a martrafskeje smjerće wumrěł. Alexandria, hłowne město, česći jeho jako swójeho přenjeho biskopa.

3. Evangelium po swjatym Lukašu.

Třeće evangelium a „Japoštolske skutki“ je Lukaš spisał. Kaž Eusebius a Hieronymus spominataj, narodži so Lukaš w Antiochii, hłownym měsće Syrije, najskerje z pohanskeju staršeju; běše zdžělany muž, lěkař po swojim powołanju (Kol. 4, 14), a kaž so wot najstarších časow podawa, tež wobrazował. Hdy a wot koho bu w křesćanskej wěrje rozwučeny, njewě so wěsće; zda so, zo je hižo w Antiochii s. Pawoła spóznał a zo je snadź wot njeho měšniksu swjećiznu dóstał, dokelž Pawoł mjenuje jeho swojeho pomocnika (Filem. 24). Pawoła přewodžeše na puču z Troas do Filippi w Macedoniji (Jap. sk. 16, 11), hdžež wosta, mjez tym zo Pawoł do Thessaloniki a do Grekskeje pućowaše (Jap. sk. 17, 1). Hdyž bě Pawoł so wrócił, woteńdže z nim z Filippi přez Troas a Milet (Jap. sk. 20, 6. 15) do Jeruzalema a njewotdželi so wot njeho, hdyž bu tón w Jeruzalemje jaty a do Caesareje wjedženy, hdžež dvě lěće wosta, ani, hdyž bu wot tudy do Roma posłany, hdžež runje tak dołho přebywaše. (W l. 58—63.) Tak bě Lukaš přešel a dołholětny přewodzeř Pawoła a měješe tak najrjeńšu přiležnosć, w křesćanskej wučbje so rozwučić a wobkručić. Po Pawołowej smjerći je Lukaš we wšelakich krajinach křesćanstwo rozšěrjał, jako w Galliji, Dalmaciji a Egiptowskej; wón wumř 84-lětny w Achaji martrabskeje smjerće. Jeho čelo bu w l. 357 do Konstantinopla přenesene.

Swjaty Lukaš njebě Jězusowy wučownik a swědk podawkow a wučbow, kotrež w ewangeliju wopisuje, ale powěda je „wot spočatka wšitko pilnje zhoniwši“ (Luk. 1, 3). Zo je Pawoł, jelizo nic najprěni, tola jeho najwosebniši wučer był, wěmy z jeho žiwjenja; ale tež swědči wo tom ewangelium, kotrež móže so runje Pawołowe mjenować.

Lukaš chcyše ze swojim ewangeliom wosebje swjateho přečela Theofila wo Jězusowym žiwjenju a jeho wozbožacej wučbje wot spočatka a po rjedze, w kotrymž so podawki stachu, powučić a tak docylic „wěcy, kotrež su so mjez nami dokonjale“, a kotrež běchu druzy powědać spytali (1, 1). Wšelake wot druhich wuwostajene podawki namakamy w Lukašowym ewangeliju, n. př. připowědženje a narod Jana křćenika (1, 5—25; 1, 57—80); připowědženje, čas a wobstojnosć Jězusoweho naroda (1, 26—38; 2, 1—20); wopyt Marije pola Hilžbjety (1, 39—56); podawki w templu, hdyž bu Jězus na štyrcetym dnju po swojim narodźe Bohu woprowany (2, 22—40) a hdyž jako dwanaćelětny hólčec templ wopyta (2, 41—52). Tež někotre powučjenja w přirunanjach, kotrež druzy nimaju, čitamy pola Lukaša.

Čas, w kotrymž Lukaš ewangelium napisa a wuda, njeda drje so wěsće postajić, tola najskejše sta so to pod dohladom swjateho Pawoła w Romje, hdyž bě tutón přěni króć tam jaty, potajkim před lětom 63. Japoštolske skutki mjenujcy, kotrež přirunajo z ewangeliom wón druhe słowo mjenuje, zdadža so před skónčenjom Pawołoweho zajeća w Romje, potajkim před lětom 63 pisane być, dokelž na wumóženje ze zajeća njespominaju, a ewangelium dyrbyeše jako přěnje słowo hišće předy so dokonjeć.

4. Evangelium po swjatym Janje.

Štwórty evangelista drje so w swojim ewangeliju njemjenjuje, tola ze wšelakich spomnjenkow móže so wón wěsće spóznać, jako 13, 23 a 19, 25, hdžež so wo nim powěda jako wo tom, kotrehož Knjez wosebje lubuje a wo kotrymž bě powěsć rozšěrjena mjez bratrami, t. j. mjez japoštołami, zo njewumrje. Nic jeno japoštoła mjenuje so evangelista, ale jenoho z třoch, kotrymž Knjez wosebitu dowěru wopokazuje, štož běchu mjenujcy Pětr, Jakub starši, a Jan. Posledni, lubowany wučownik Knjezowy, knježniski Jan je potajkim štwórte ewangelium napisał.

Jan a jeho bratr Jakub starši, synaj Zebedeja (Mat. 4, 20) a Salomeje, běštaj rybakaj z Bethsaidy při galilejskim morju. Za swoju mladosć bě Jan wučownik Jana křćenika, a hdyž tutón Jězusa jehnjo Bože mjenowaše, džěše wot Handrija přewoždžany za nim (Jan 1, 35) a přińdže tak najprěni mjez japoštołami k spóznaću Bóžskeje wěrnosće. Krótki čas wosta hišće při rybaštwje, hač jeho Jězus k japoštołstwu powoła (Mat. 4, 21). Dla swojeje zahorjenosće za Jězusa dóstaštaj wón a jeho bratr Jakub přimjeno „fili boanerges“, t. r. błyskowaj synaj (Mark. 3, 13). Z Pětrom a Jakubom bě wón při zbudženju Jairoweje džowki (Mat. 5, 37); při překrasnjenju na horje Thabor (Mat. 17, 1) a při smjertnym styksu na Wolijowej horje (Mat. 26, 27). Dopokaz wosebiteje dowěry da jemu Knjez z tym, zo jemu při poslednej wječeri na swoje wutrobno zlehnjenemu wozjewi, štó jeho přeradží. Jateho Knjeza přewoždžeše ke Kaifasej (Jan 18, 15) a k smjerći wotsudženeho na horu Golgotha, hdžež jemu Jězus z křiža swoju lubowanu mać wotkaza, za kotruž so hač do jeje smjerće w l. 48 lubosćiwyje staraše.

Dary Ducha swjateho dóstawši poswjeći Jan wšitke swoje mocy rozšěrjenju a wobkrućenju křesćanstwa; tohodla měješe najprěni z Pětrom před wysokej radu w Jeruzalemje so zamołwjeć (Jap. sk. 4), bu z druhimi japoštołami šwikany, a hdyž bě Samarija słowo Bože přijala, bu tam z Pětrom posłany (Jap. sk. 8, 14), zo byštaj křćenym Ducha swjateho wudžěliłoj. Do kotreje krajiny so potom najprjedy poda, njewěmy, dokelž w „Japoštołskich skutkach“ so wo nim dale njerěči. Z druhich pismow, jako s. Ignatia, Irenaea, Eusebia wěmy pak, zo je poslednje lětdžesatki swojeho žiwjenja w Małej Asiji skutkował, křesćanske wosady tam založujo, kotrež z Efesa, hdžež měješe hłowne sydło, wodžeše. Wjacykróć wopokaza swoju křesćansku wobstajnosć hordžinscy w martrach, jemu wot surowych njepřećelow Jězusoweho mjena přiřetowanych. Kejžor Nero da jeho w Romje do kóřla z warjacym wolijom napjel-njeného tyknýć, w kotrymž pak spodziwnje zakitany njezranjeny wosta. Wopomnjeće na tónle podawk swjeći so w swjatej cyrkwi 6. meje z wosebitym swjedženjom. Pod kejžorom Domitianom bu na kupu Patmos do wuhnastwa posłany, hdžež so jemu potajne wěcy, přichodne podawki cyrkwe wot Boha zjewichu, kotrež napisa w knizy „Apokalypsis“ (Zjewjenje). Pod kejžorom Neronom znowa do Efesa so wróciwši, wuda Jan evangelium a potom tři listy. Wokoło 100 lět stary wusny w zbóžnej smjerći, lubowany wot swojich wosadnych, kotrychž hač do poslednjeho wokomika napominaše: „Džěcatka, lubujće so“.

Hłowne wotpohladanje, z kotrymž Jan evangelium pisaše, mjenuje na kóncu 20, 31: „Tuto pak je pisane, zo byšće wěřili, zo Jězus je Khrystus, Syn Boží a zo byšće wěřicy žiwjenje měli w jeho mjenje.“ Wšelake bludy, kotrež přejachu, zo je Jězus wěrný Syn Boží, Wótcej we wšom runja, chcyše wotpokazać. Mjez tym zo nam Lukaš Jězusa jako „Syna čłowjeka“ wopisuje, předstaja nam jeho Jan jako „Syna Božeho“; tohodla je spočatk tak potajny a tohodla su tam dolhe řeče a rozwučenja, z kotrymiž Jězus na swoju wosobu, z Wótcom to same byće a tu samu móc mějacu pokazuje. Při tom wuzběhuje Jan, kotryž tři druhe evangelie znaješe, tajke podawki, kotrychž běchu druzy so zminyli, wosebje židowske swjedženje w Jeruzalemje a štož so tam sta; z cyła, mjez tym zo druzy Jězusowe skutki, najbóle w Galileji dokonjane, wopisuja, spomina Jan wobšěrnišo na Jězusowy wučby, kotrež dawaše w Jeruzalemje. Tež čas wšelakich podawkow je wot Jana wěsćišo poznamjenjeny. Druhe za jeho hłowny wotpohlad wažne podawki wón wuwostaja, jako n. př. podawk při Jězusowej křćeńcy (Mat. 3, 13), Jězusowe překrasnjenje (Mat. 17, 1), swědčenje djabliskow, zo je Jězus Swjaty Boží, Syn najwyššeho Boha (Mat. 8, 29; Mark. 5, 7), dokelž tute podawki znajachu jeho čitarjo z druhich evangeliow.

Jan napisa swoje evangelium na próstwu małoasijskich biskopow, jako Klemens Alexandriski spomni, za rozwučených wěřiwyh, wosebje za tych, kotřiž běchu

z pohanstwa ke křesćanstwu přistupili; tohodla počahuja so jeho słowa porědko na starý zakoi. Z wužitkom čitać a zrozumić móžachu jeho wučby jeno či, kotřiž běchu w hłownych wěrnoscach hižo derje rozwučeni. W tychle pak zbudži Janowe ewangelium krutu žiwu wěru do Jězusa Khrystusa, wočlowječeného Syna Božeho, a přihotuje jim wěčne žiwjenje w jeho mjenje.

B. Japoštołske skutki.

Na spočatku třečeho ewangelia slubi swjaty Lukaš swojemu přećełej Theofilěj po rjedze wšitko napisać wo wěcach, kotrež běchu so mjez nimi stala, zo by wěstosć spóznał tych słowow, wo kotrychž bu rozwučeny. (Luk. 1, 1—4.) Tuto slubjenje dopjelni s. Lukaš, hdyž ewangelium napisa, w kotrymž Jězusowe skutki powěda, a k tomu hišće druhu knihu přida, w kotrež skutki japoštołow wopisuje. Tónle druhi spis mjenowaše so tohodla wot najstarších časow „Japoštołske skutki“, hač runje so na wšitkich japoštołow w njej njespomina, ale wobšěrnišo jeno na Pětra a Pawoła. Japoštołske skutki su tak rjec druhi džěl stawizny založenja a přenjeho rozšěrjenja kralestwa Božeho, swjateje cyrkwe mjez Židami a pohanami.

Japoštołske skutki su tohodla z tym samym zamysлом spisane, kaž ewangelium. Theofil dyrbješe w spodźiwnym rozšěrjenju křesćanstwa Božu móć spóznać, z jednotliwych podawkow so přeswědčić, zo móžachu swjeći japoštołowje jeno wot Boha rozswětleni a posylnjeni tak wulkotne wěcy dokonjeć, tak surowe zadžewki předobyc, tak stare zakorjenjene błudy ze swojej wučbu zahnać, wěru do potajnych wěrnoscow a poslušnosć přećiwo kaznam, po zdaću čežkim, do čłowjeskich wutrobow zaščěpić. W křesćanstwe skutkuje wyšša móć, wuči so Bóžska wěrnosć, to dopokazuje stawizna jeho založenja. Swjaty Lukaš wopisuje skutkowanje ss. Pětra a Pawoła, kotrejuž Theofil znaješe, a štož běštaj zwonka Italije dokonjało; přetož to, štož bě wot njeju w Romje so stalo, wědžeše Theofil, kotryž, kaž móžemy ze wšelakich přičinow sudzić, w Italiji, najskeje w Romje přebywaše. Dokelž bě Theofil přjedy pohan był, powučuje jeho s. Lukaš wosebje, kak Bóh swjatemu Pětrej wozjewi, zo maju tež pohani do Jězusoweje cyrkwe so přijec (10, 1—48), a kak na přním koncilu w Jeruzalemje swjeći japoštołowje wot Ducha swjateho rozswětleni jednomyslnje wobzamknychu, zo by jim přah židowskich wobzjadow so njenapoložil (15, 23—29). Naš Zbóžnik praji před svojim do-njebjes-spěcom japoštołam (Jap. sk. 1, 8): Wy budžeće mi swědkowje w Jeruzalemje a w cyłej Judeji a Samariji a hač do kóncow zemje.“ Z tymile słowami bu japoštołam puć pokazany, na kotrymž mějachu Jězusowu wučbu rozšěrjeć, najprjedy w Jeruzalemje a Judeji, a potom w Samariji a w širokim pohanskim swěće. Tuž Japoštołske skutki powědaju najprjedy podawki w Jeruzalemje a mjez Židami (staw 1, 1—8, 3); na to wobroćenje Pawoła a powołanje pohanow a založenje přenjeje křesćanskeje wosady w Antiochii (8, 4—12, 25) a potom rozšěrjenje cyrkwe mjez pohanami (13, 1—28, 31) přez japoštoła Pawoła.

C. Swjaty Pawoł a jeho listy.

1. „Z milosće Božej sym, štož sym, a jeho milosć njebu we mni próždna“ (1. Kor. 15, 10); tak rozsudza swjaty Pawoł swoje žiwjenje. Milosć Boža dokonja we nim a přez njeho spodźiwnne wěcy, wobroći suroweho njepřecela Jězusoweho mjena do najhorliwišeho japoštoła, kotrehož žane stworjenje „džělić njemóžeše wot lubosće Božej, kotraž je w Jězusu Khrystusu našim Knjezu“. (Romsk. 8, 39.)

Pawoł, kotryž so w 13 listach N. Z. jako jich spisaćel wuznawa, a kotremuž so tež z najstarších časow list k Hebrejskim připisuje, mjenowaše so ze židowskim mjenom Saul, t. r. „wuprošeny“, „žadany“; tež w Japoštołskich skutkach naložuje so tuto mjeno

hač do stawa 13, 9, tak doľho mjenujcy, hač mjez Židami skutkuje; wot časa, hdy mjez pohanami přebywa, mjenuje so „Paulus“; najskerje měješe tež to mjeno wot naroda. Jeho staršej měještaj mjenujcy prawa romskich krajanow, a tohodla daštaj swojemu synej pódla židowskeho mjena tež romske. Pawoł powoła so mudrje wjacjykróć na tuto prawo (Jap. sk. 16, 36—39; 22, 25; 25, 12).

Pawoł narodži so w hłownym měsće Cilicije, z mjenom Tarsus (Jap. sk. 9, 11; 21, 39), hdžež powšitkomna zdžělanosć runje tak knježeše, jako w Athenje a w Alexandrii. Staršej běštaj ze splaha Benjamina (Romsk. 11, 1; Filip. 3, 5) a dzeržeštaj z farisejemi (Jap. sk. 23, 6; Filip. 3, 5). Hižo doma za mladosć bu w najnuznišich wědomosćach, a wosebje w grekskej řeči a pismowstwje rozwučeny; tež nawukny ruby a plachty z kozacych kosmow tkać (Jap. sk. 18, 10), rjemjesło, kotrež bě w jeho domowinje jara rozšěrjene. Staršej žadaštaj, dokelž měješe Pawoł wubjerne dary, zo by mjez zakonjawačenych přijaty był a tutym so w židowskim zakonju naležnje radžeše, zo bychy z pilnym duchownym džělom tež někajke čelne zjednočili. Z tymle swojim rjemjeslom zasluzi sebi Pawoł wjacjykróć w japoštołstwje, štož sam za sebjě a za swojich pomocnikow na zežiwjenje trjebaše. (Jap. sk. 18, 3; 20, 33.)

Jako mlodženc bu do Jeruzalema posłany, zo by tu w srjedzinje židowskeho nabožneho žiwjenja prawe čitanje swjateho pisma, židowski zakoh, wobrjady Božich službow a wšo druge nawuknył, štož dyrbyeše židowski rabbi wědžeć. Někotre lěta wopytowaše pilnje Gamaliela (Jap. sk. 22, 3), w tom času najslawnišeho zakonjawačeneho, a doby sebi, štož jeho spisy wobswědčuja, wulku wědomosć, wosebje spodziwnu wustojnosć we jasnym rozwučowanju, w rozeznananju prawdy a błuda, w dopokazanju prawdy a wotpokazanju błuda. Jakož staršej a wučer, tak bě tež Pawoł farisej, tola tajenskeho žiwjenja, kajkež wulki džěl tuteje sekty wjedžeše, zminy so wón po přikładze swojeho mudreho a znjesliwego wučerja. Jeho zwonkowne žiwjenje, řeče a skutki wukhadžachu z nutřkowneho přeswědčenja.

Hižo před wustupjenjom Jana křćenika wopuści Pawoł Jeruzalem a najskerje Palestinu, a wróci so tam hakle po Jězusowym do-njebjes-spěču, dokelž nihdže njespomina, zo by Jězusa znał abo widžal. Jako kruty farisej (Jap. sk. 26, 5) zamołwješe židowstwo, přescěhaše a potłočowaše křesćanstwo, hdžež a štož móžeše. Hdyž bu Šćěpan kamjenjowany, bě Pawoł přitomny a stražowaše drastu kamjenjowarjow, a bě tež jeho smjerć žadał (Jap. sk. 7, 57. 59). Nic jeno w Jeruzalemje podčišćowaše Jězusowych wuznawarjow, ale tež do druhich městow hněw jeho čerješe, a wón wužada sebi wot wysokeje rady dowolnosć, zo by w Damasku mužow a žony, kotřiž do Jězusa wěrja, pytać a jatych na khostanje do Jeruzalema přiwjesć směl. (Jap. sk. 9, 2.) Tak zahorjeny bě wón za židowstwo, tak njeznjesliwy přečiwo křesćanam. Ale miłosć Boža přeměni jeho zmyslenje.

2. Na puću do Damaska wobjasni jeho nahle swětło z njebyes, tak zo woslepi a sylny hlós wuslyša w hebrejskej řeči: „Saule, Saule, čohodla mje přescěhaš?“ A wón rjekny: „Štó sy, Knježe?“ A tutón praji: „Ja sym Jězus, kotrehož přescěhaš; čezko budže tebi přečiwo kalačej wubiwać“ (Jap. sk. 9, 5). A Knjez jemu poručí, zo by so dowjesć dał do Damaska. Tři dny njejědžeše a njejiješe, hač Ananias, Knjezowy wučownik, poručenosć dósta, zo by k njemu šoł a jemu rucy napožił. A hlej, Pawoł bu widžacy, z Duchom swjatym napjelnjeny a křćený. (Jap. sk. 9, 3—18.) Tute tři dny, w kotrychž so wón posćeše a modleše, wobročihu Pawoła; wón zrozumi nětko wšěćenja profetow, a přiruna z nimi, štož bě wo Jězusu slyšať. Cyły spodziwny podawk na puću do Damaska, potajny njebyeski hlós, to wšitko zbudži we nim wěru do Jězusa, slubjeného a wočakowaneho Messiasa, a spóznať swój blud, přija wjesele jasnu wěrnosć, a na město přjedawšeho hněwa stupi horca lubosć, w kotrež wón dopokaza, zo je wot Boha wuzwolene sudowjo, zo by jeho mjeno nješť před pohanow a

kralow, a před synow israelskich, a zo by so na nim pokazało, kak wjele ma Jězusoweho mjena dla čerpjeć. (Jap. sk. 9, 15. 16.) Pawołowe wobroćenje sta so w l. 35 po Khrystusu; wopomnjeće zbožowneho podawka swjeći swjata cyrkej 25. januara. Jeho tehdyša staroba njeda so wěsće postajić. Najskeje bě w třicetym léće.

3. Pawoł njetaješe swoje wobroćenje a počinaše hnydom w Damasku wěru do Jězusa wuznawać a jeho wučbu přédować. Wosta pak jeno někotre dny w Damasku. Po tak njeměrných a potajnosćiwých dnjach dyrbješe wotpočnyć; tohodla wotsali so do Arabije, hdžež tři lěta čicho na swoje japoštołske powołanje so přihotowaše. Wšón čas poswjećeše modlenju a nabožnemu rozpominanju, z čimž swoju wutrobu wotewri za rozwučenje, kotřež njedósta wot čłowjekow, ale wot Boha samoho, jakož to praji: „Ja njedóstach a njenawučich so ewangelium wot čłowjekow, ale přez zjewjenje Jězusa Khrystusa.“ (Gal. 1, 12.) Do Damaska so wróciwši, poča tam Khrystusa přédować, štož Židow tak rozmjerza, zo chcychu jeho morić, čohoždla wodnjo a w nocy měščanske wrota wobkedžbowachu, zo by jim njecěknyl. Wěriwi puščichu jeho w korbje přez měščanske murje, a tak wuńdže njepředelam. (Jap. sk. 9, 23; 2. Kor. 11, 32.) Nětko poda so přeni króc po swojim wobroćenju do Jeruzalema, „zo by Pětra widzał“. (Gal. 1, 18.) Tónle wotmysl swědči, zo Pawoł, kiž bu wot Khrystusa njeposrednje w swjatých wučbach rozwučeny, tež zarjadowanje cyrkwje a Pětrowu přednjotu mjez japoštołami znaješe a tohodla khwataše, zo by Pětra, swjeho wjeřcha, wopytał.

W Jeruzalemje pak njedowěrjachu Pawołej prawje, dokelž jeho jako přjedawšeho suroweho njepředela znajachu, wo spodźiwnym wobroćenju hišće njeslyšawši. Hdyž bě Barnabas, z kotrymž bě Pawoł hižo přjedy znaty, za njeho swědčik, přijachu jeho předelnje a wón wosta tam 15 dnjow, Khrystusa řečniwje wopowědujo. (Jap. sk. 9, 26—28.) W templu jónu so modlo, bu wot Khrystusa we widženju napominany, zo by mjez pohanami ewangelium přédował. (Jap. sk. 22, 21.) Tohodla wopuści Jeruzalem, a woteńdže do Caesareje, hdžež jeho bratřa z Jeruzalema přewodžachu, a wotudy do Tarsus, swjeho narodneho města, hdžež wjacy lět, najskeje hač do l. 43, wosta. (Jap. sk. 9, 30.)

Mjez tym přédowaše Barnabas ewangelium we Antiochiji we Syriji z dobrym wuspěchom; zo pak by w tak derje přihotowanej roli symjo ewangelia hišće nadobniše plody přinjesło, dóńdže do města Tarsus po Pawoła, kotryž rad z nim do Antiochije pućowaše, a tu cyle lěto skutkowaše. Kaž bě Jeruzalem srjedzina za rozšěrjenje Jězusoweje wučby mjez Židami, tak bu Antiochia srjedzina mjez pohanami; tudy mjenowachu so wěriwi najpřjedy „christiani t. j. Khrystusowi, křesćenjo“. Tu sta so tež, na čož s. Pawoł w 2. Kor. 12, 2—4 spomina, zo bu hač do třećeho njebjazwuzběhnjeny, hdžež potajne wěcy wuhlada. W tomle času wudyri w Judeji hlód, křesćenjo w Antiochiji hromadžachu za tamnišich wěriwych jałmožnu, zo bychy tym z čělnymi darami džakowni byli, wot kotrychž běchu duchowne dobroty dóstali. Pawoł a Barnabas donjeseštaj te dary do Jeruzalema, kotřež město Pawoł po swojim wobroćenju druhi króc wuhlada. Po krótkim přebywanju wrócištaj so do Antiochije, přewodžanaj wot Jana Marka, syna Barnabasoweje sotry (Kol. 4, 10), toho sameho, kotryž je druhe ewangelium napisał. Jónu při Božich službach bu tamnišim wosadnym předstojnikam poručene, Pawoła a Barnabasa za skutk jeju powołanja wotdželić t. r. jako biskopow wuswjećić a z mocu wuhotować, kotruž za skutkowanje mjez pohanami trjebaštaj. (Jap. sk. 13, 2.) Nic jeno wot Knjeza samoho spodźiwnje powołany a powučeny, ale tež před cylej wosadu widžomnje mjez japoštołow abo biskopow zřadowany, nastupi nětko Pawoł swoje přenje japoštołske pućowanje, w l. 45 p. Khr.

4. Ze Seleucije jědžeštaj Pawoł a Barnabas najpřjedy na kupu Cypr, hdžež w měsće Pafos romskeho bohota Sergia Pawoła spodźiwnje za křesćanstwo dobyštaj. (Jap. sk. 13, 12.) Z Cypra jědžeštaj do Maleje Asije; w Antiochiji, w krajinje

Pisidiji, přédováše Pawoł w synagodzy na sabaće tak spodobnje, zo jemu na druhu sabat zaso přiác kazachu. Hdyž pak bě w synagodzy nimale cyle město so zešlo, tež mnozy pohani, rozmjerza to Židow tak, zo přeciwo Pawolej řečeć počachu, kotryž, jich njewěru porokuju, jim praji: „Dokelž wy słowo Bože začiskaće a so sudziće jako njehódni wěčného žiwjenja, wobročamoj so k pohanam“. (Jap. sk. 13, 46.) To so pohanam lubješe, a Knjezowa wučba rozšěrjowaše so po cylej krajinje mjez nimi, na čož so Židža tak rozzlobichu, zo přeciwo japoštołomaj ropot zbudžichu; wonaj dyrbještaj tohodla do Ikoniz w Lykaoniji čeknyć. Tam přišedši, njesta so jimaj lěpje, a tuž podaštaj so do druhich stron, mjenujcy do wokolnosće městow Lystra a Derbe (Jap. sk. 14, 6), hdžež so jimaj poradzi křescanske wosady založić, hač runje jimaj tež tudy Židža dosć zadžěwkow činjachu. Wottudy wrócištaj so přez Ikonium, přez krajinje Pisidiju a Pamfyliju, mlode wosady wopytujcy a wobtwjerdžejcy, do Antiochije, w l. 48 po Khr. (Jap. sk. 14, 26.)

5. W Antiochiji nasta mjez wěriwymi překora; někotři ze židowstwa wobročeni wobkručachu, zo bjez wobřezanja a wobkedžbowanja Mójzesoweho zakonja nichtó k zbžnosći njepřinđže; tež z pohanstwa wobročeni, prajachu woni, maju so tomu podćisnyć. Tu naležnosć chcychu wot japoštołow rozsudzić dać; tohodla wuzwolichu někotrych, zo bychu do Jeruzalema šli, mjez nimi Pawola a Barnabasa, a tak přinđže Pawoł třeci krát po swojim wobroćenju do swjateho města, w l. 51. Japoštołowje postajichu w zhromadnej radže, zo by z pohanstwa wobročeny mjetše brěmjo so njenakladlo. (Jap. sk. 15, 6—29.) Po skónčenym koncilu wrócištaj so Pawoł a Barnabas do Antiochije a přinjeseštaj wosadže japoštołske rozsudženje, nad kotrymž wona so zwjeseli.

6. Po někotrym času wotmysli sebi Pawoł, založene wosady na druhim japoštołskim pućowanju wopytać; a dokelž wón njedowoli, zo by Jan Mark z nim pućował, wotdželi so Barnabas wot njeho, kotryž na kupu Cypr do swojeje wótčiny, a pozdžišo do Roma woteńdže; Pawoł pak wuzwoli sebi Silasa jako přewodnika. Wón džeše přez krajiny Syriju, Ciliciju, Lykaoniju, wšudžom mlode křescanske wosady we wěrje wobtwjerdžejo a postajenja Jeruzalemskeho koncila wozjewjejo. W Lystrije přiwza Timotheja, kotrehož pozdžišo swojeho lubowaneho wučownika mjenuje. W krajinach Frygiji, Galaciji a Mysiji rozsywaše symjo křescanskeje wučby. Dokelž jemu Duch Boží wobaraše do Bithynije hić, poda so do města Troas (Jap. sk. 16, 7. 8), hdžež měješe widženje, z kotrehož spózna, zo ma do Macedonije pućować. Lukaša mjez swojich přewodnikow přijawši, wotjědže na lódži do Europy, do krajinow Thracije a Macedonije, a přinđže najprjedy do města Filippi, hdžež nahladnu křescansku wosadu založi. Lydia, předawarka purpura, kotraž ze swojeje swójbu najprěnja so křćić da, poskići japoštolej swój dom jako bydlo, a tak bu tutón srjedzina křescanskeho žiwjenja we Filippi. K rozšěrjenju swjateje wučby přinošachu džiwy, kotrež Pawoł skutkowaše. (Jap. sk. 16, 14—40.) Wón bu wot romskeje wyšnosće jaty a šwikany; hdyž pak so zhoni, zo je romski krajan, přinđže wyšnosć jemu wotprosyć, a wuwjedže jeho z jastwa. Wón džeše do Lydijineho domu, rozžohnowa so z wosadu, a Lukaša a Timothea tu wostajiwši pućowaše ze Silasom přez měsće Amfipolis a Apolloniju do Thessaloniki, najwjetšeho města Macedonije, hdžež někotre tydženje wučeše; před zazlobjenymi Židami pak dyrbješe čeknyć do Beroeje (Jap. sk. 17, 1—11), hdžež drje jeno krótki čas wučeše; ale jeho słowa njesechu tu rjane plody. Silasa a Timothea, kiž bě z Filippi znowa k njemu přišol, tu wostajiwši, khwataše do Athena, najslawnišeho města Grekskeje, srjedziny pohanskeje zdželanosće. (Jap. sk. 17, 14—34.) Z wulkej zahorjenosću a woprawdžitej mudrosću přédováše Pawoł tudy zjawnje, ale z malym wužitkom. W malej črjódcy, kotruž za křescanstwo doby, bě wosobna žónska Damaris a Dionysius, sobustaw wyššeho sudu, pozdžišo najprěniši biskop w Athenje. Z Athena woteńdže Pawoł do Korintha (Jap. sk. 18, 1), hdžež poldra lěta při wulkich zadžěwkach a

wšelakich přesčěhanjach, kotrež jemu Židža přihtowachu, za zakorjenjenje Jězusoweje wučby džělaše. Knjez njewostaji jeho bjez pokojenja, dokelž zjewi so jemu w nónym widženju a praji: „Njebój so, ale rěč a njemjelč; přetož ja sym z tobu a nichto će njepřimnje, zo by či škodžił, dokelž wjele ludu mam w tomle měsće“. (Jap. sk. 18, 9. 10.) Wottudy napisa Pawoł swojej listaj na Thessalonskich. Wón bydleše tu pola Aquile, a pomhaše jemu stany tkač a zaslůži sebi, štož k žiwjenju trjebaše. Aquila a jeho mandželska Priscilla přewodžestaj Pawoła, hdyž Korinth a krajinu Achaju wopuščí, zo by do Jeruzalema na swjatki pućował, hač do Efesa; tudy přédowaše Pawoł w synagodzy, a dokelž tu tónkróć dlěje wostać nochcyše, slubi do Efesa bórzy na dlějši čas so wróćić. Přez Caesareju poda so do Jeruzalema a po swjatkach zaso do Antiochije. (Jap. sk. 18, 22.) To bě w l. 54.

7. Z Antiochije nastupi hišće w tom samym lěće třeći króć puć k pohanam, najskeje wot Tita přewodžany. Wón wopyta wosady w krajinach Galaciji a Frygiji (Jap. sk. 18, 23) a přindže w měrcu l. 55 do Efesa, kaž bě před lětom slubił, zo by tu a we wokolnosći wěriwych wobtwjerdžił a nowych wěriwych dobył. Přebywaše tu dvě lěće a tři měsacy. Štož k zežiwjenju trjebaše, doby sebi ze swojim rjemjeslom. Najprjedy wučěše w synagodzy; dokelž pak so jemu tež tu, kaž druhdze, Židža napřečiwjachu, wotdžěli so wot nich a přédowaše we wučefni wučerja rěčniwosće z mjenom Tyrannus, skutkowaše mnohe dziwy, z kotrymiž w Efesu wosebje rozšěrjene kuzlafstwo zahna; mnozy přinjesechu swoje kuzlafske knihi a spalichu je zjawnje. (Jap. sk. 18, 23—19, 20.) Z Efesa napisa swój list na Galatskich, dokelž bě slyšal, zo tež tam ze židowstwa wobroćeni so prócuja, zo by z pohanstwa wobroćenym židowski zakón napoloženy był. Z Efesa wopyta w tom času, ale jeno krótko, křesćansku wosadu w Korinthu, a napisa, do Efesa so wróćiwši, list na Korinthskich, dokelž bě wo wšelakim njeporjědže slyšal, kotryž bě so tam zakorjenił; tohodla napominaše wosadnych, zo bychy wšěje njepóćiwosće so wostajili. Tónle list je so zhubił a tež wotmołwenje, kotrež z Korintha na njón dósta. Pawoł zhoni, w Efesu přebywajo, wo nowych překorach, kotrež běchu w Korinthu wudyrile, a tohodla pósła tam swójeho lubowaneho wučownika Tita, zo by je wujednał, před nim pak pósła tam japoštołski list. To běše po prawym druhi list, kotryž do Korintha pisaše, w Nowym Zakonju pak so znaje jako přeni. Pawoł přihtowaše so nětko k wopušćenju Efesa, a wotědže hišće přjedy, dyžli bě sebi wotnyslił, dokelž slěbrownik Demetrius (Jap. sk. 19, 23) zbudzi zběžk přečiwo njemu. Z Efesa pućowaše do města Troas a wottudy do Macedonije, hdžež so z Titom zetka, kotryž jemu powědaše, kak je wosada w Korinthu jeho list přižala. Po wjacyměsačnym přebywanju w Macedoniji poda so Pawoł sam do Korintha, napisa pak tam hišće třeći króć; a tónle list je druhi na Korinthskich w Nowym Zakonju. Tónkróć wosta w Korinthu tři měsacy.

Hižo w Efesu bě sebi nowy nadawk postajił. Dokelž chcyše přede wšim tam ewangelium rozšěrjeć, hdžež bě hišće cyle njeznate, a dokelž bě w Malej Asiji a w Grekskej we wšěch nahladnišich městach křesćanske wosady založil, chcyše nětko w nawječornej stronje Europy, w Hispaniji ewangelium přédować. Jajmožnu, kotruž bě mjez pohanami za khudu wosadu w Jeruzalemje zhromadžił, chcyše tam donjesć, potom Rom wopytać, na to do Hispanije pućować a tam Jězusa wopowědować. Bě to zawěsće wulkotny nadawk! Zo ma křesćanstwo w Romje mnohich wuznawarjow, Pawoł wědžeše, sam pak tam njebě znaty; wuži tohodla přiležnosć, kotraž so jemu poskićowaše. Diakonissa t. j. služownica křesćanskeje wosady w Korinthu, z mjenom Foebe, tam pućowaše a z njej pósła Pawoł krasny list wěriwym na Romskich, zo by sebi před swojim přikhadom jich lubosć dobył z powučenjom, kotrež jim wo potajnych wěrnosćach křesćanstwa podawa.

Po třiměsačnym přebywanju w Achaji wotědže z Korintha do Macedonije — we Filippi swjećeše jutry z Lukašom, kotrehož bě tam na swojim druhim pućowanju

wostajit — a dale do města Troas, hdžež bě hižo svojich druhich přewodnikow do přědka póslał. Tu poby tydžeň, a hdyž přeni džeň tyнденja, t. j. njedzelu, před jeho rozhownowanjom wšitcy křesćenjo na wulkej lúbi k swjećenju potajnosći so zhromadzihn, a Pawoł na to jich hač do pólnocy wučese, padže młodženc, z mjenom Eutychus, kiž bě na woknje sedžo wusnył, z třećeho poskhoda dele a bu mrtwy zběhnjeny. Pawoł pak zbudži jeho k žiwjenju. Wottudy jědžeše na lódži pódla kupow Lesbos, Chios a Samos do Mileta. Dokelž do Efesa dóńc njemóžeše, zwola předstajenych tamneje wosady do Mileta, hdžež so z lubosćiwymi słowami wot nich džěše. (Jap. sk. 20, 18—38.) Z horcymi sylzami přewodžachu jeho na lódž, z kotrejž pódla kupow Kos a Rhodus do Patary wotjědže, hdžež na druhu lódž přestupi, kotraž jeho za sedm dnjow do města Tyrus přewjeze; tu zwosta tydžeň při wěriwych, kotřiž jemu wotradžachu do Jeruzalema hić. Tola Pawoł so njestrachowaše, jědžeše do města Ptolomais, a wot-tam poda so pěši do Caesareje, hdžež pola diakona Filipa někotre dny přebywaše. Židowski profeta Agabus, z Pawołowym pasom sebi rucy a nozy zwjazawši, wěšćeše jemu, zo jeho Židža tak zwjazaju a pohanam přepodadža. Pawoł pak njeboješe so, džěše do Jeruzalema a chceše tež swoje žiwjenje za Knjeza woprować, budže-li Boža wola.

8. Tudy bu ze svojimi přewodnikami z radosću přijaty. Nazajtra džěše k japoštolej Jakubej, a powědaše jemu před staršimi wosady, što je Knjez přez njeho mjez pohanami skutkował. Zhromadženi so nad tym zwjeselichu, njezamjelčachu pak Pawołej, kak jara su Židža w Jeruzalemje, našćuwani wot wonkownych, wosebje wot tych, kotřiž běchu jemu hižo telko zadžěwkow přihotowali, přećiwo njemu rozhorjeni, dokelž praja, zo wón židowski zakoň hani, haj zo je Židow samych napominał, zo njebychu swoje džěči wobřežac dali. (Jap. sk. 21, 21.) Tohodla radžachu jemu, zo by zjawny dopokaz dał, zo su tajke skóřžby njeprawe a zo tež wón židowski zakoň sebi waži; njech tohodla swjatočnje nazarejski slub sam čini, a za štyrjoch druhich wudawki tohole sluba njese, dokelž džě maju Židža to za wosebity skutk pobožnosće. Pawoł sčini tak. Tola to rozzłobi hakle jeho njepřečelow prawje, zo tón, kiž druhdže židowske wobrjady zakazuje, je tu w templu dokonja; tuž zběhnychu so přećiwo Pawołej, wustorčichu jeho z templu a bychu jeho morili, njebychu-li romscy wojacy jeho wumóžili. Romski wojefski tribun (wyšk), dokelž měješe jeho za zlóstnika, da jeho do dweju rječazow spnyć a na twjerdžiznu wotwjeseć. Hdyž bě zhonił, što Pawoł je, dowoli jemu, zo smě k ludej porěčeć. W tutej řeči spomni Pawoł na swoju mladosć, na swoje wobroćenje a powołanje, zo ma mjez pohanami Jězusowu wěru rozšěrjeć. To rozmjerza Židow tak, zo jeho smjerežadachu. Na twjerdžiznje hrožeše jemu tribun, zo jeho šwikać da, jelizo winu zběžka njewozjewi; tola słyšo, zo je Pawoł romski krajan, njezwaži so, jemu dalšeje křiwdy činić. Na druhi džeň bu Pawoł před židowsku wysoku radu powołany, před kotrejž tak mudrje so zamołwješe, zo dvě stronje wysokeje rady samej do překory přindžeštaj, a Pawoł bu zaso na twjerdžiznu wotwjedženy. Jako w druhich wažnych wokomikach žiwjenja, tak měješe w nocy po tychle podawkach zjewjenje. Jězus jemu praji: „Budž wobstajny; přetož jako sy wo mni swědčit w Jeruzalemje, tak dyrbiš tež swědčić w Romje.“ (Jap. sk. 23, 11.) Na druhi džeň přisahachu sebi 40 Židža, zo njebudža ani jěsć ani pić, doniž Pawoła njemorja. Syn Pawołoweje sotry to zhoniwši powě Pawołej a potom romskemu tribunej; tuž pósla tutón Pawoła, přewodžaneho wot wojakow, zo so jemu njeby na puću křiwdy stala wot Židow, do Caesareje k romskemu bohotej Felixej, hdžež běše přez dvě léce — wot swjatkow l. 58 hač do nazymy l. 60 — jaty. (Jap. sk. 23, 16—35.)

9. Židža póslachu do Caesareje k bohotej řečnika Tertulla, zo by tam na Pawoła skoržił a tež žadał, zo by wón židowskemu sudej přepodaty był. (Jap. sk. 24, 1—9.) Pawoł so zamołwješe, rozestaja cyłu wěc, kotrejž dla bu jaty. (Jap. sk. 24, 10—21.) Felix drje spózna njewinowatosć Pawoła, njepuści pak jeho, zo bychu Židža so njerozhněwali,

katrymž tež slubi, zo chce wěc z nowa přepytać, hdyž tribun Lysias z Jeruzalema do Caesareje přińdže. Nadžiyeše so tež, zo jemu Pawoł pjenjezy poskići, hdyž jeho pušći; tohodla z nim přečelnje wobkhađowaše, tež móžachu wěriwi w Caesareji k njemu khodzić a jemu poslužec.

Hdyž bě Pawoł nimale dwě lěće w Caesareji, bu bohot Felix přesadzeny a jeho město nastupi Porcius Festus. Tež tutoho prošachu Židža, zo by jim Pawoła přepodał; wón njezwoli do toho, ale žadaše sebi, zo bychu do Caesareje přišli na njeho skorzić. To so tež sta. Dokelž pak swoje njesprawne skórzby dopokazać njemóžachu a Pawoł wustojnje so zamolwješe, spózna bohot, zo je bjez winy, a zo ma jeno wo nabožnych wučbach druho přeswědčenje hač Židža; njemóžeše jeho tohodla wotsudzić, ale z bojesće před Židami woprašo so Pawoła: „Chceš do Jeruzalema hić a tam předomu sudženy być?“ Pawoł spózna hnydom strašnosć, kotraž jeho žiwjenju hrožeše, hdy by do toho zwolił; tohodla praješe, zo sebi žada wot kejšora sudženy być (Jap. sk. 25, 11). Widženje, kotrež měješe w nocy na spočatku swojeho zajeca, a tež nadžija, zo tak najprjedy do Roma přińdže, pohnu jeho, zo tajku žadosć zjewi. Bohot měješe nětko dlějšu rozprawu kejšorej wo cyłej naležnosći podať, a mjez tym zo ju dželaše, přińdže do Caesareje ze swojej sotru Bernico młody kral Herodes Agrippa II., kotryž bě ze židowskimi nabožnymi naležnosćemi znaty. Festus nadžiyeše so, zo wot njeho wšelake zhoni, štož by móhl do swojeje rozprawy stajić, a tuž da Pawoła přiwjesć, kotryž tu před wosobnymi posłucharjemi ze zahorjenjom křescansku wěru zamołwješe, tak zo kral wuzna: „Tón čłowjek by móhl so pušćić, njeby-li był na kejšora so wotwolał.“ (Jap. sk. 26, 1—32.)

Pawoł bu nětko přečelnemu stotnikej, z mjenom Julius, přepodaty, kiž měješe jeho do Roma z druhimi jatymi dowjesć. Nazymu lěta 60 p. Khr. wotwjeze so z Caesareje. Lukaš a Aristarchus jeho přewodžeštaj. Dokelž bě čas za pućowanje po morju hižo strašny, radžeše Pawoł, zo bychu přistaw hladali, hdžež bychu móhli přez zymu wostać; ale na njeho njeposłuchachu, chcychu před zymu hač do přistawa Foenice na kupje Kreta dojeć, a tam přezymować. Tola na dalšim puću nawali so surowy wichor, kotryž lódz do najwjetšeho stracha přinjese. Pawoł pak změrowa ludži, jim lubjo, zo ničtó wo žiwjenje njepřińdže. „Přetož tule nóc je jandžel Boži ke mni stupił, kotremuž ja slušam a kotromuž ja služu, prajo: Njebój so, Pawole, ty dyrbiš před kejšora stupić, a hlej, Bóh je tebi wšitkich darił, kotřiž so z tobu wjezu.“ Trinaće dnjow a nocow traješe wichor a mjetaše z lódzu; w štyrmatej nocy pytnychu, zo hlubina nahle woteběra, a tuž wučisnychu kótwicy, zo bychu na skały njezajěli. Hdyž běchu po Pawołowej radze wšitcy z jědzu so posylili, zběhnychu kótwicy a dachu lódzi na skału zajěć; lódz drje so rozlama, wšitcy pak přińdžechu zbožownje na kraj a zlonichu, zo je to kupa Malta (Jap. sk. 27, 1—44). Wobydlerjo přijachu jich přečelnje; za Pawoła, kiž tu džiwy skutkowaše, staraše z wosebitej lubosću bohaty Romjan z mjenom Publius, kotryž měješe tam wulke kubla, a Pawoł so jemu z tym džakowaše, zo jeho khoreho nana wustrowi. Trě mėsacy so minychu, prjedy hač wjedro dowoli, dale pućować. Pawoł stupi z druhimi jatymi na alexandrisku lódz a přińdže tak w nalěcu l. 61 do Italije, do města Puteoli. Wottudy džechu pěši do Roma, zwotkelž jim křescenjo hač do Forum Appii napřečiwo přińdžechu. A hdyž Pawoł jich wuhlada, džakowaše so Bohu a naby dowěry.

10. Tak bě so dopjelnilo, za čimž Pawoł dolho žadaše; wón běše w Romje, a chcyše tu w srjedžinje pohanskeho swěta křescanstwo wobkrućec. Jemu džče so lěpje dyžli druhim jatym; móžeše sam za so bydlíc, jeno wojak, kiž jeho stražowaše, wosta při nim. Dokelž so Pawoł boješe, zo su Židža tež w Romje na njeho skoržili, chcyše wón hnydom jich powučić, zo by sebi jich dowěru dobył, a tež woni sebi to žadachu. Na postajenym dnju přédowaše jim wot ranja hač do wječora a dopokaza swoju wučbu

ze zakonja a profetow. Dokelž pak běchu woni tež po tutej řeči njepřezjeni, praji jim, zo wón, hdyž zasakleje wutroby wostanu, k pohanam so wobroći, kotřiž budža na njeho posluchać. Wot toho časa přédlowaše wón ewangelium w Romje hjez bojosće, pohanska wyšnosť tomu njezadźěwaše. Tež z wosadami, kotrež bě přjedy založil, stoješe wón w stajnym zwjazku. Wosada we Filippi pósła jemu podpěru; to pohnu jeho, zo z wosebitym lubosćiwym listom so podžakowa. Wo wobstojenjach małoasiskich wosadow bu powučeny přez muža z Kolossae, z mjenom Epafras, kiž bě najskerje tamnišu wosadu založil, a kotrehož bludni wučerjo wšelako wopačnje sudžachu. Pawoł napisa swój list na Kolossenskich. Tónle pósła z mužom Tychikom, kiž do swojeje wótčiny, Małeje Asije pućowaše; tomu samemu přepoda Pawoł hišće druhi list, kotryž pod mjenom list na Efesskich znajemy, kotryž pak njebě jeno za tamnišu wosadu, ale měješe tež druhim w tamnišeje krajiny so přepodać. Z Tychikom džěše do Małeje Asije tež Onesimus, kotremuž Pawoł list na Filemona, zaslužbneho křesćana w Kolossae, přepoda. Najposledniši list, kotryž Pawoł w tutym času z Roma wotpósła, je list na Hebrejskich, t. j. ze židowstwa wobroćenych křesćanow w Palaestinje.

11. Dwě lěće trajaše jeho skutkowanje w Romje; dokelž pak so jemu dopokazać njemóžeše, zo je w Jeruzalemje njeměr zbudził, bu ze zajeća pušćený. Japoštołske skutki jeho dalše žiwjenje njewopisuja; ze wšelakich druhich spisow pak móžemy sudzić, zo je Pawoł nětko najpřjedy swoje lubowane wosady w Małej Asiji wopytał. W nalěću 63 pućowaše wón z Titom najpřjedy na kupu Kreta, nimo kotrejež bě na puću do Caesareje do Roma jěł; tu přeby dlějši čas, snadź nimale lěto, dokelž skoro we wšěch městach založichu so křesćanske wosady. Tudy wostaji Tita, zo by křesćansku cyrkej dale rjadował, sam pak wotjědže do Małeje Asije, a napisa wottudy swój list na Tita, a poda so do města Nikopolis w Ciliciji, hdžež přez zymu wosta. Lěta 65 w nalěću nastupi Pawoł puć do Efesa; tudy swojeho lubowaneho wučownika Timothea jako biskopa postajiwši, wobroći so do Macedonije. Tu zasłyša, kak w Efesu wšelake bludy so rozšěrjeju; tohodla chcyše hnydom so wróćić, pósła pak před sobu list, a to je přěni list na Timothea. Tam pobywši džěše z nowa do Grokskeje, do Korintha, hdžež so z Pětrom zetka, z kotrymž do Roma jědžeše. Nětko poda so Pawoł w nalěću 66 do Hispanije; tola njeje tudy dołho wostać mohl, dokelž njeslyšimy, zo by tam hdže křesćanske wosady založil. Najskerje bu bórzy zajaty, a do Roma wotwjedzený. Za někotry čas, hdyž bě hižo přeslyšany, a sobi nimale wěsty, zo budže k smjerći wotsudženy, napisa swój druhi list k Timotheej, w kotrymž jeho prosy, zo by hišće do zymy k njemu do Roma přišoł, dokelž wón widži, zo budže w krótkim swoje žiwjenje woprowať: „Ja hižo budu so woprowať, a čas mojeho rozwjazanja so bliži.“ (2. Tim. 4, 6.) Na swoju třicćilětnu prócu, z kotrež Jězusowu wučbu mjez pohanami rozšěrješe, pohladujo pisa: „Dobre bédženje sym dobědžil, puć dokonjał, wěru wobkhował, nětko je za mnje přihotowana króna sprawnosće.“ (2. Tim. 4, 7.) Tak rjenje podawa so wón do wole Božej, dowěrja so sprawnemu, smilnemu sudnikej. Tule krónu sprawnosće doby sobi Pawoł po krótkim času, hdyž bě to pisał. Kaž podawizny praja, běštaj Pětr a Pawoł džewjeć měsacow jataj w mamertinskim jastwje, a na to pod kejšorom Neronom 29. junija 67 p. Khr. morjenaj: Pětr z hłowu k zemi zloženej křižowany na drugej stronje Tibera, hdžež nětko po nim pomjenowana cyrkej stoji, Pawolej bu z nječom hłowu wotrubnjena na měsće, kotrež na drózy do Ostia leži, blisko tam, hdžež nětko krasna basilika (cyrkej) swjateho Pawoła stoji. Jeju čele khowatej so we swjateho Pětrovej cyrkwi, jeju hłowje pak w swjateho Janowej w Lateranje, hłownej cyrkwi katolskeho swěta.

Ze žiwjenja a skutkowanja s. Pawoła spóznavamy, zo bě wón bohaće wobdarjený, zahorjený za prawdu, njepřećel kóždeho bluda. Tohodla zamołwješe z krutym přeswědčenjom židowstwo, doniž je za prawe měješe; spóznavši pak bóžsku wěrnosć a

móc w křesćanstwje, služeše z čim wjetšej lubosću Khrystusej, z čim surowišim hněwom bě jeho wuznawarjow prjedy přescěhał a potłóčował. Z njeprócniweje džělawosću a ze spodźiwněj wobstajnosću přewiny mócné zadžěwki, kotrež židowska zawisě a zasaklosć, pohanska hjezbožnosć a njepečćiwosć jemu přihotowachu, a zaščěpi do wutrobow křesćanskich wosadow, kotrež w nimale wšitkich krajach znateho swěta založi, wěrn a lubosć ke křižowanemu Zbóžnikaj, kotraž bě Židam k pohórškej a kotruž mějachu pohanjo za blaznosć. We swojich krasnych listach zawostaji za wšitko časy a za wšitke ludy čiste žórło, z kotrehož njeprěstawajcy čerpamy prawdu a žiwjenje, nje-bjeski poklad, kiž nam podawa drohe wučby k časnému a wěčnemu spomóženju.

1. List na Romskich.

1. Romska wosada. Swjaty Pawoł napisa tónle list křesćanam w Romje. Hdy tu w hłownym měsće tehdyšeho swěta křesćanstwo zakorjenjeć a rozšěrjeć so poča, njewěmy. Najskeje přirůdže hižo za žiwjenje Jězusa Khrystusa powěsć wo jeho wučbje a wo jeho skutkach tež do Roma, dokelž l. 63 před Khr., hdyž bě romski wjednik Pompejus Jeruzalem dobył, buchu mnozy Židza jako jeći do Roma přiwedzeni a pozdžišo so jim dowoli, na druhim brjozy Tibera so zasydlěć, synagogu sebi natwarić, a Bože služby zjawnje swjećić. Te same lubjachu so tež Romskim, kotřiž je druhdy wopytowachu, a někotřižkuli přestupichu drje k židowstwu. Ze swojimi krajanami we wóččinje wostachu Romscy Židza zjednoćeni, sčelechu wopory do Jeruzalema, wopytowachu na hłownych swjědženjach templ a běchu tež (Jap. sk. 2, 10.) na přěních křesćanskich swjatkach mjez tamnymi, kotřiž po přikhadže Duchu swjateho na Pětrowu řeč poslušachu. Židza z Jeruzalema so wróćiwši rozsywachu drje přenje symješka křesćanskeje wučby w Romje. Přěni křesćanski wučef, kotryž křesćansku wosadu w Romje zarjadowa, bě po prastarej powěsći wjefch japoštołow, s. Pětr. Z jastwa spodźiwnje wumóženy (Jap. sk. 12, 1—17.), „woteńdže Pětr na druhe město“. Tole druhe město je Rom, tu w srjedzinje pohanskeho přibóžstwa, pohanskeje mocy a zdžělanosće přihotowaše s. Pětr wěrnemu Bohu lud, kiž měješe k njemu „so modlić w duchu a prawdze“ (Jan. 4, 23.), a wottudy měješe cyły swět so dohyć za wozbožacu wěrnosć a zdžělanosć křesćanstwa. To bě w léce 42. Swjaty Pětr wobroći so najprjedy k Židam, a přěnja křesćanska wosada wobstoješe zwjetša ze Židow; tola wobroćichu so tež bórzy pohani k njej. Léta 50 p. Khr. wuńdže wot kejšora Klaudia rozkaz, zo maju Židza njeměra dla, kotryž zbudžichu, Rom wopuščić; a tohodla dyrlichu tež křesćanscy Židza wottudy woteńć, kaž to n. př. Aquila a Priscilla sčiništaj, kotraž do Korintha wotčahnyštaj, hdžež pozdžišo Pawola hospodowaštaj. (Jap. sk. 18, 2.) Po wučěhnenju Židow wučinjachu křesćansku wosadu jeno z pohanstwa wobroćeni, a z pohanstwa přistupowachu njeprěstawajcy nowi wuznawarjo. Tola Klaudiowy nastupnik, kejšor Nero, zjawnje dowoli, zo smědža Židza z nowa w Romje so zasydlěć; a tuž wróćichu so tež křesćanscy Židza, n. př. Aquila a Priscilla, kotraž běštaj w Romje, hdyž s. Pawoł list na Romskich pisaše (Rom. 16, 3.), a přizamknychu so křesćanskej wosadze, wot židowstwa cyle so džělicy. Wosada w Romje wobstoješe potajkim z wobroćenych ze židowstwa a pohanstwa, a kaž so zda, bě poslednišich wjacy.

2. Zaměr lista. S. Pawoł spomina wjacykróc w lisće (1, 13; 15, 23) na swoju horcu žadosć, zo by do Roma přirůć a jako japoštoł pohanow tež w srjedzinje pohanskeho swěta ewangelium přědować móhl, so nadžijejo, zo hdyž w Romje ewangelium so zakorjeni, čim spěšnišo po cyłym swěće so rozšěri. Z Korintha, hdžež list pisaše, chcyše do Jeruzalema pućować a wottam po runym puću Rom wopytać, a tuž chcyše romskej wosadze dopřědka z listom so wozjewić, zo by, hdyž sam přirůdže, čim kedźbnišich poslušarjow za swoju wučbu namakał. Z Korintha pućowaše diakonissa z mjenom Foebe do Roma, a w njej měješe wěstu póselnicu za swój wobšěrny a wažny

list, w kotrymž wučbu wosprawńjenja a počah mjez Mójzesowym zakonjom a wěru do Khrystusa rozestaja. Z listom chcyše sebi japoštoł puć přihotować ke rtnemu rozwučenju, kotrež chcyše w najbližšim času započec.

3. Čas a město, w kotrymž bu list pisany, poznawamy ze wšelakich w nim stojacych spomnjenkow. Pawoł postrowja (16, 23) křesćanow w Romje wot Kaja, pola kotrehož hydleše, a wot Erasta; wobaj pak běštaj, kaž 1. Kor. 1, 14 a Jap. sk. 19, 22 so spomina, w Korinthu. K tomu běše Foebé diakonissa w Kenchreae, narańšim přistawje Korintha; list je potajkim w Korinthu pisany; a hdy? W 15, 25—30 powěda Pawoł, zo chce so z darami, kotrež su w Galatiji, Macedoniji a Achaji hromadźili, do Jeruzalema podać, boji pak so strachow, kotrež tam na njeho čakaju. Hdyž to přirunamy z Jap. sk. 19, 21 a 20, 3, můžemy cyle wěsće postajić, zo je s. Pawoł list na swojim třecim pućowanju w počatku l. 58 pisał, hdyž tři měsacy w Korinthu přebywaše. List je w grekskej rěči pisany.

4. Wopřijeće. List ma dwaj hłownej džělej. Přeni wobzahnuje po postrowjenju (1, 1—17) wěrnosće wěry (1, 17 — 11, 36); druhu napomina k dokonjenju křesćanskich winowatosći (12, 1 — 15, 13) a na to slěduje dlějšce wobzamknjenje (15, 14 — 16, 27).

W postrowjenju khwali Romskich kruteje wěry dla a wozjewja swoju žadosć, zo chce k nim přinć a wupraji potom hłownu wěrnosć, kotruž chce dale rozestajeć. mjenujcy: zo je ewangelium móc Boža za kóždeho, kotryž wěri, za Žida najprjedy, potom tež za Grekskeho (t. j. pohana), přetož sprawnosć Boža wozjewja so w nim z wěry (1, 16. 17), abo z druhimi słowami: Cyrkej Khrystusowa, w kotrež je wša miłosć a wěrnosć, zamóže wšěch Židow a pohanow přijec a wosprawnjeć, nic ze skutkami, we Mójzesowym zakonju postajenymi, ale z wěru do Khrystusa. Tule prawdu dopokazuje s. Pawoł w třoch poddžělach.

Najprjedy w (1, 18 — 5, 21) rozestaja, w čim wosprawńjenje přez wěru do Khrystusa wobstoi; wosebje wuči, zo su Židža a pohani zhrěšili, a sebi tohodla po sprawnosći Božej khostanje zaslužili, a zo su tohodla wumóženja potrěbni (1, 18 — 3, 20). Skutki, přez Mójzesowy zakón postajene, njemóža same na sebi nikoho wosprawnić, ale wosprawńenje zasłuži Khrystus ze swojej smjerću, a miłosć Boža wudžěla so tym, kotřiž do Khrystusa wěra (3, 21—31); Židža nimaju přičiny so wobćežować tuteje wučby dla, dokelž z Abrahamoweho přikłada móža hižo poznać, zo je wěra puć k zbóžnosći (4, 1—25), plód wosprawńjenja pak je pokoj, nadžija na Khrystusa, sčerpnosć w čerpjenjach a lubosć ke Khrystusej (5, 1—11); a Pawoł skónči swoje powučenje přirunajo Hadama, kiž je wina hrěcha, z Khrystusom, kiž je přičina a žórło wosprawńjenja (5, 12—21).

Z druha rozestaja s. Pawoł (6, 1—8, 39), kajke plody wosprawńjenje w křesćanskim žiwjenju njese. Najprjedy žada sebi, zo wučba, po kotrež čłowjek z wěru do Khrystusa bjez zakónskich skutkow so wosprawńja, njelby tak so zrozymila, jako by hrěšić dowolała, zo by miłosć Boža nad hrěšnikom čim bohatšo so wopokazać móhla, ně, wjele wjacj dyrbi wosprawńjeny, kiž bu přez křesćenstwo do Khrystusa zakorjenjeny, kotryž wumř a wot mrtwych wstany, z nim hrěchej wotemřec a k nowemu žiwjenju wstanyc, a to ma čim dospołnišo so stać, dokelž njeje wjacj pod zakonjom, kotryž drje je sam na sebi dobry, tola pak čłowjekej hrěšneje nakhilnosće dla k hrěchej přiležnosć, nie pak móc k jeje předobycu poskića, ale pod Božej miłosću, kotraž jeho podpěra, zo hrěšnu nakhilnosć předobudže, zo je džěco Bože, herba Boži a sobuherba Khrystusowy, t. r. njebieskeje zbóžnosće, a tuž ma tež z Khrystusom sobučerpjeć; to pak njeje za njeho hóřke, dokelž na to spomina, zo čerpjenja toho swěta njedadža so přirunać z přichodnej krasnosću, kotraž so kóždemu wosprawńjenemu wudžěli, a za kotrež wšitecy, haj sama přiroda žada, a dokelž wě, zo Duch swjaty nam pomha, a zo tym, kotřiž Boha lubuja, ničo škodźic njemóže.

Z třeca spomina s. japoštoł na počah Židow ke křesćanstwu (9, 1 — 11, 36), wobžarujo, zo jeho lud ewangeliu njewěri, hač runje bě wosebje jemu slubjene, dopokazuje, zo so to Božim slubjenjam njenapřećiwja, dokelž wšitcy, kotřiž so po Israelu mjenuja, njesu prawe džěci Israelske, ale jeno či, kotrychž je Bóh wuzwolił; Bóh pak wuzwola, t. r. pohnadza, kohož chce. Židža su swoje začisnjenje sami zawinili, dokelž běchu njewěriwi, tola pokoja s. Pawola to, zo židowski lud jako tajki so njezačisny, a zo židowska njewěra druhim k spomóženju přińdže, a zo Židža něhdy, wěru pohanow sčěhujcy, ke Khrystusej so wobroća.

We druhim hłownym džělu (12, 1 — 15, 13) napomina s. japoštoł ke křesćanskemu žiwjenju, wosebje zo bychu ponižni byli, mjez sobu so lubujcy tež njepřećelow lubowali, wyšnosće poslušali, čestnje žiwi byli a tych, kotřiž su we wěrje hišće słabi, po Khrystusowym přiładze miłosćiwje sudžili.

Z dlějšim wobzamknjenjom, w kotrymž swojeje kruteje rěče dla so zamołwja, swój blizki přiłhad k nim lubi, jich modlitwam so poruča, wosebje prosy, zo bychu Foebu, z kotrejž list sćeł, přećelnje přijeli, mnohich postrowja a napomina, zo bychu so tych zdalowali, kotřiž překory zbudžuja, a kónči list z požohnowanjom a khwalbu Božej.

List na Romskich ma mjez listami swjateho japoštoła Pawola najprěniše město, hač runje njeje najprěni pisany, dokelž je po woprijeću za wěrnosće wěry najwažniši. Wučby wo nastaću pohanstwa, wo znamjenitosći Mójesoweho zakonja a židówestwa, a wo jeju počahu ke křesćanstwu, wučby wo hrěše a wumóženju a wosprawnjenju přez wěru do Khrystusa, kotřež tu Pawoł rozestaja, wučinjeju podložk křesćanskeje wěry a křesćanskeho žiwjenja.

2. Prěni list na Korinthskich.

1. Korinthaska wosada. Korinth běše sławne grekske město, na wuzkim kraju, kotryž južnu kupu, w starym časni Peloponnes mjenowany, z poľnóčneje Grekskej wjazaj, mjez dwěmaj morjomaj, egejskim a joniskim. Měješe dwoji přistaw, k ranju ležacy rěkaše Kenchreae, tón k wječoru Lechejon; bě srjedžina překupstwa mjez narańšim a wječornym swětom, wuznamjenješe so z wulkim bohatstwom, z wučenosću a wumjelstwom, tola pak tež ze wšelakej njepócćiwosću. Wot Romskich lěta 146 před Khr. cyle zapuścene město bu w krótkim z nowa natwarjene a běše w přěnim času křesćanstwa najslawniše grekske město. Swjaty Pawoł, spóznaaws, zo je Korinth při-hódniki k rozšěrjenju křesćanstwa w Grekskej, dyžli druge města, přińdže tam na swojim druhim japoštołskim pućowanju z Athena l. 52 (Jap. sk. 18, 1) a wosta tam poľdra lěta. Bydleše pola křesćanskeho Žida Aquile, kiž bě ze swojej žonu Priscillu pod kejžorom Klaudiom z Roma wupokazany, sem přičahnył. (Jap. sk. 18, 2.) Běše po swojim rjemjesle, kaž Pawoł, tkalc stanow. Najprjedy přědowaše Pawoł na sabatach w synagodzy ewangelium Židam; hdyž pak jemu tući so napřećiwjachu, wobroći so k pohanam, jim připowědujo Khrystusa křižowaneho zbóžnika w domje Tita Sprawneho. Mnozy wěrjachu do ewangelia a nahladna křesćanska wosada nasta tu z wjetša z pohanow, tola slušachu tež Židža do njeje. Ze spokojnosću a džakom k Bohu wopuści Pawoł Korinth. (Jap. sk. 18, 18.)

2. Zaměr lista. Hdyž bě Pawoł Korinth wopuścił, přińdžechu tam druzy wučerjo, mjez nimi Apollo, křesćanski Žid z Alexandrije, wučeny a rěčniwy muž, kiž drje w tom samym duchu, jako Pawoł, ale z pomocu čłowjeskeje wědomosće ewangelium wopowědowaše a z tym lubješe so wosebje tajkim, kotřiž mějachu so za wučenišich, kotřiž Pawola, dokelž jednoriso wučěše, sebi mjenje wažachu. Tak nasta w Korinthu w křesćanskej wosadze strona, kotraž so po Apollu mjenowaše. Pozdžišo přińdžechu tam hišće druzy wučerjo, kotřiž z njeprawdu na s. Pětra so powolajcy, Pawolej a jeho wučanju so napřećiwjachu; chcychu mjenujcy, zo by poľda křesćanstwa tež židowski

zakon za wšitkich plačil. Tak nastachu w Korinthu wšelake strony. Jeni mējachu so k Pawołej, druzi k Apollu, třeći k Pětrej a někotři začisnychu wšu čłowjesku nahladnosć, prajicy: „Smy Khrystusowi“ (1. Kor. 3, 4.) Někotři z křesćanow wróćichu so tež k přjedawšemu pohanskemu žiwjenju.

S. Pawoł bě, Korinth wopušćiwši, přez Jeruzalem do Antiochije přišoł a po krótkim přebywanju swoje třeće japoštołske pućowanje wottam nastupił. (Jap. sk. 18, 22. 23.) Překhodźiwši galatisku krajinu a Frygiju a wšudže mlode wosady wobkrućiwši přińdže do Efesa, hdžež tři lěta přebywaše. Tu zaslyša wo zrudnych wobstojenjach Korinthskeje wosady. Hač je wottudy tež Korinth wopytał, njehodži so wěsće prajić. Ale pisał tam je, štož wěmy z 1. Kor. 5, 9—11; a je napominał, zo bychu so pohanskeje nječistoty a wšelakich druhich čezkich hrěchow wostajeli. Tónle list s. Pawola pak je so zhubił. W krótkim dósta wón drobníše powěsće wo Korinthskich překorach a njepóćiwosćach přez domjacych wěsteje Chloě (1. Kor. 1, 11), a wotmołwjenje, kotraž jemu Korinthscy přez Stephanasa a Achaika pósłachu, wobkrući zrudne podawki. Tuto wotmołwjenje je so tež zhubilo.

Zo by Pawoł hórše njezbožo wot swojeje tak lubowaneje a z tak wulkej prócu založeneje wosady w Korinthu wotwobroćil, pósła tam swojeho swěrneho wučownika Timothea. (1. Kor. 4, 17.) Dokelž pak tutón z Erastom (Jap. sk. 19, 22) přez Macedoniju pućowaše, k čomuž bě dolhi čas trěbny, napisa Pawoł list a poda jón tamnemu posolstweji, kotraž bě jemu wotmołwjenje z Korintha přinjesło a kotraž tam po krótkim puću, po morju, so wróći, zo by tak skerje lěpje tamniše pohóršowace nje-porjady potłóčil. Tak nasta list, kotryž mamy jako přeni na Korinthskich w Nowym Zakonju.

3. Čas a město, w kotrymž bu list pisany, móžemy z wšelakich spomnjenjow w nim abo w Japoštołskich skutkach zapisanych, derje postajić. Z 1. Kor. 16, 8: „Wostanu pak w Efesu hač do swjatkow“ sudžimy z wěstosću, zo je w Efesu a to w poslednim lěće swojeho přebywanja w tym měsće list pisał. List přepoda tamnemu posolstwu, kotraž bě z Korintha k njemu přišlo a wěste powěsće wo wosadze jemu přinjesło, dokelž poruča na kóncu lista (16, 15) tamnych mužů. Z 1. Kor. 5, 7. 8 móžemy sudzić, zo měješe list w Korinthu na jutry so čitać; dokelž pak posolstwo z najmjeńša tři tydženje na přewjezenje trjebaše, dyrbyeše w měrcu Korinth wopušćić. Z tychle spomnjenjow slěduje, zo je s. Pawoł přeni list na Korinthskich w spočatku lěta 58 w Efesu pisał.

4. Wopřijeće. Z listom chcyše s. Pawoł nastate překory a wšelake nje-porjady w domjacym a zjawnym a cyrkwiskim žiwjenju w Korinthskej wosadze potłócić a wosadnych we prawym křesćanskim žiwjenju zaso wobtwjerdzić. Móžemy dwaj dželej rozeznawać. Po postrowjenju (1, 1—9) porokuje w přenim džělu s. japoštoł Korinth-skim wšelaki nje-porjad (1, 10 — 6, 20), wosebje jich stronistwo za wšelakich wučerjow, swoje wučenje zamołwjejo (1, 10 — 4, 21); dale, zo čłowjeka, kotryž bě ze swojej přirodnej maćerju njepóćiwje žiwy, mjez sobu čerpja. Pawoł wuzamkny jeho z cyrkwe a zakazuje wobkhać z nječistymi (5, 1—13); porokuje, zo swoje skórzby před pohanskimi sudnikami wučinjeju (6, 1—11), njepóćiwcho žiwjenja so njewobaraju (6, 12—20).

We druhim džělu (7, 1 — 15, 58) wotmołwja s. Pawoł na wšelake prašenja, kotraž Korinthscy we swojim lisće jemu podachu, wosebje wo mandželstwje a nježenjeństwje, wo wužiwanju a njedźělnosći mandželstwa, wo knježnach a wudowach (7, 1—40); wo wužiwanju mjasu pohanskich woporow a wo wobdźělenju při wopornych hosćinach (8, 1—11, 1); dale wo zjawnych Božich službach a wo nje-porjedze, kotryž tu so pokazowaše (11, 2—34); a potom wo wurjadnych darach Ducha swjateho, wosebje wo daru wěšćenja abo zahorjencho wučerstwa a wo darje řečow, a wo jich naloženju (12, 1—14, 40) a skónčnje wo z-mortwych-wstaću, kotraž někotři w Korinthu přejachu.

List kónči wón z napominanjom, zo by za khudych Jeruzalemskich křesćanow jałmožna so hromadžiła, slubi swój přikhad a poruča Timothea a póstow, kotrychž běchu k njemu póstali, a přidawa wšelake strowjenja.

Tónle list sluša mjez najwažniše knihi Noweho Zakonja, dokelž nas wo tak swjaty ch winowatosćach křesćanskeho žiwjenja powuča, a čłowjesku mudrosć, kotraž chce bóžske wěrnosće po swojim spóznaću wukładować a přeměnjeć, mócnje wotsudža.

3. Druhi list na Korinthских.

1. Zaměr lista. W 1. Kor. 4, 17; 16; 10 a w Jap. skutk. 19, 22 praji s. Pawoł, zo je Timothea do Korintha póstal. Kaž so zda, je Timotheus wottam za krótki čas do Efesa so wrócił, ani zo by swjatemu japoštolej spokojace powěsće wo nastupanju Korinthскеje wosady podač móht; dokelž Pawoł tam (2. Kor. 12, 18) Tita sće, zo by so přeswědčil, kak napominanja přeného lista skutkuja, woselje hač nastate překory woteběraju a přenjetna nahladnosć s. Pawola mjez wosadnymi so zaso wobkrućuje. Dokelž chcyše japoštoł po swjatkach přez Macedoniju do Jeruzalema pućować, chcyše po wotrěčenju z Titom w Troadze so zeńć (2. Kor. 2, 12), hdžež mjenješe dlěje wostač; tola dla zběžka, kotryž bě slěbownik Demetrius zbudził (Jap. sk. 19, 23), wopuści Pawoł před přjedy postajenym časom Efesus a tuž zeńdže so z Titom hakle na swojim dalšim puću w Macedoniji (2. Kor. 7, 6), a tu zhoni nětko Pawoł, za čimž bě tak horco žadał, zo je Korinthска wosada jeho list derje přijala, po jeho napominanjach wšelake nje-porjady wotstroniła, zo je wosebje tamny njepečiwce (1. Kor. 5, 1) z cyrkwe wuzamknjeny a k póznaću swojeho njeskutka, kotryž wěrnje wobžaruje, přišoł; wjetši džěl wosady posłucha na Pawola a žada za jeho přikhadom. Tola židowska strona, kotraž přidac njechce, zo by Mójzesowy zakon plaćiwosć zhubił, njeje wostabjena, ale přez Pawolowy list tak rozhněwana, zo zjawnje jemu a jeho wučbam so napřećiwja a rozšěrja, zo je wón njewobstajny čłowjek, hdyž je slubił do Korintha přinć a tola nje-přinďže (2. Kor. 1, 15); zo je kruty a knjezojty w listach (10, 9—11), bojazny a mjehki, hdyž je přítomny; zo tu darmo ewangelium připowěduje, druhdže zaso wosady rubi (11, 7—9); zo jałmožnu, kotraž w Korinthu za Jeruzalem so zběra, sam za so trjeba (12, 15—17). Tute a podobne powěsće rozšěrjowachu jeho přećiwnicy w Korinthu. Přećiwu takjim njesprawnym porokam dyrbyeše swjaty japoštoł sebe a swoje japoštołske skutkowanje zamołwjeć, kotraž je w čistym wotpohladanju, k jich prawemu wužitku a k česći Božej kóždy čas dokonjał. Tónle zaměr ma jeho druhi list na Korinthских.

2. Čas a město, w kotrymž bu list pisany, wukhadžatej z wěstosću z wobstojnosći, runje spomnjenych. Bu w tom samym lěće kaž přeni, jeno někotre měsacy pozdžišo pisany, potajkim w lětnim času 58 p. Khr., a to w Macedoniji, snadž w měsće Filippi. Titus z dwěmaj towašomaj donjese jón do Korintha. (2. Kor. 8, 16—24.)

3. Wopřijeće. Móžemy w lisće tři džěle rozeznować; w přenim (1—7) zamołwja swoje japoštołske skutkowanje pola svojich swěrných wosadnych. Po postrowjenju džakuje so Bohu za wumóženje ze strachow (1, 1—14) a zamołwja so přećiwu njewobstajnosći, zo k nim nje-přinďže, štož bě slubił, dokelž njechaše tam ze zrudobu přinć, jakož by to dyrbjał njelubých wobstojenjaw dla; přistaji radu, zo bychu tamneho pokutneho hrěšnika zaso do cyrkwe přijeli (1, 15 — 2, 17); zamołwja so přećiwu porokowanej khroblosći z tym, zo je wšitko, štož dokonja, z Božej hnadu a nic ze svojimi mocami dokonjał, dokelž wot Boha bu powołany služownik noweho zakonja, kiž je wjele dospołniši, dyžli stary. (3, 1—18.) Sebi wědomy swojeho wysokeho powołanja dokonja je wažnje a wěrnje, wěrnosće Bože jednorje připowěduje, tak zo je hjez winy, njeje-li wěrnosć wšitkim jasna; hač runje je často česnosćeny, wostawa nje-přewinjeny, hladajo na plody swojeho skutkowanja a žadajo, zo by so jeno swojemu

wěcnemu sudnikej spodobal. (4, 1 — 5, 10.) Wón to njepisa, zo by so z tym pola nich poručal, ale zo bychu woni tež jeho přećiwo jeho přislódnikam zamołwjeć wědzeli, dokelž wón je zahorjeny wot lubosće Khrystusoweje a žada jeničcy, zo by jich z Bohom wujednal. (5, 11—21.) Tohodla njech poskićanu hnadu swěrnje naložuju, a jemu, kiž telko woporow za nich njese, poslušni wostanu, wosebje pak njech wšoho wobkhada z njewěriwymi so zdaluja. (6, 1—18.) Wobkruća jim, zo je so na jich nakazanju zwjeselił a zo je Titus sam so přeswědčil, zo khwalbu jim dawanu zaslůžuju. (7, 1—16.)

W druhim džělu (8, 1 — 9, 15) rozestaja s. japoštoł, kak so Korinthskim přisłůša, zo po přikładze Macedonije a po samym Khrystusowym, kiž bu nas dla khudy, nadobnje a wjesele za Jeruzalemsku wosadu jałmožnu hromadźa, poruča jim Tita a jeho přewodźerjow, kotřiž su k nim tohodla posłani. Za nadobne dary slubi bohate žohnowanje Bože.

W třecim džělu (10, 1 — 13, 10) wotpokazuje s. japoštoł jemu wot židowskich přećiwnikow činjene njesprawne poroki. Napomina svojich přećiwnikow, zo bychu so nakazali, zo njeby trjebał, hdyž sam přindže, jich khostać, a tak dopokazać, zo móže kruty być nic jeno w listach, ale tež k wobliču po połnomocy, kotruž ma wot Khrystusa (10, 1—11); njechce so z tymi měrić, kotřiž khmaniši być so zdadźa dyžli wón, mjez tym zo dyrbja tola na njeho njeprawdu powědać, zo bychu sami po zdaću z najmjeńša něšto byli; wón móže na plody swójeho skutkowanja w Korinthu pokazować, kotrež su tak zwjeselace, zo smě k nowym krajinam so wobroćić, hdžež jemu njebudźa prajić móc, zo žnjeje, hdžež su druzy wusywali. (10, 12—16.) Jelizo khwali, khwali so, zo je jeho Knjez podpěrał, a zo by Korinthskich před zawjednikami zakitał a w swěrje za Khrystusa wobkrućał (10, 17 — 11, 4), dokelž móže zawěsće so runać ze swojimi přećiwnikami po wědomosći, njesebičnosći a narodnosći; lěpje dyžli woni je w ćerpjenjach a wšelakich přesćěhanjach so wopokazał jako swěrný služownik Khrystusowy; pokazuje na zjewjenja, kotrež je wot Khrystusa dóstał, najradši pak khwali so ze swójeje słabosće, zo by w nim móc Khrystusowa čím zjawnišo so póznała, a wobžaruje, zo dyrbbeše sehje tak wuzběhować, a swóje japoštołske skutkowanje zamołwjeć, hač runje je mjez nimi z wyššej mocu wuhotowany a cyle njesebičny so wopokazał. We wšim ma jeno jich spomóženje we wočomaj; skóněnje prosy jich, zo bychu selje samych prawje pruhowali, dokelž sam přindže, zo by sudžił na měsće Khrystusowym a prosy Boha, zo bychu zleho nječinili, tak zo by njetrjebał swoju móc k jich khostanju, ale k duchownemu wužitku naložec. (11, 5 — 13, 10.) Z powšitkowym napominanjom a postrowom kónči s. japoštoł swój list.

Tónle list ma so za najrjeńši a najrěčniwiši mjez listami s. Pawola. Z njeho póznawamy jeho nutrnu lubosć k Bohu a k Jězusej, kotraž jeho we wšěch horjach pokoja, a jeho njepřirunajomnu zahorjenosć, z kotrejež za wěčne złožo svojich wosadnych skutkuje a njesebičnu starosć, zo by škodny wliw svojich napřećiwnikow po móžnosći wotwobroćil, jeho hluboku ponižnosć, kotraž bohate plody jeho japoštołskeho skutkowanja milosći Božej přiepěwa.

4. List na Galatiskich.

1. Křosćanske wosady w Galatiji. Galatija rěkaše krajina Maleje Asije mjez rěkomaj Halysom a Sangariom, wobdata wot Bithynije a Paflagonije, Ponta, Kappadocije, Lykaonije, Pisidije a Frygije. Mjeno dósta wot galliskoho ludu, kotremuž buchu tu w třecim stotku před Khrystusom sydla připokazane. Bydlešo přjedy w něhdušej Galliji, ćelnješe do Italije, wobroći so do Pannonije a Illyrije, a pozdžišo přez Greksku a Macedoniju do Maleje Asije, wšudžom njeměr rozšěrjejo, hač bu jomu skóněnje w l. 238 wot Pergamskeho krala Attala tamna krajina jako stajne bydło poskićena. Hłowne městna rěkachu Ancyra, Pessinus a Tavium. Galatiscy běchu pohani, mjez nimi pak

bydlachu mnozy Židža, a tak spóznachu tež židowske nabožnistwo. S. Pawoł přifidže na swojim druhim pućowanju (Jap. sk. 16, 6) w l. 52 do Galatije, wopowědowaše tu ewangelium, bu wot ludu z wulkej radosću přijaty jako „jandžel Boží“, haj jako „Khrystus“ (Gal. 4, 14). Přibóžstwa so wotřejsi, wěrjachu do praweho Boha a běchu zahorjeni křesćenjo.

2. Zaměr lista. Na swojim třecim pućowanju, dwě lěće pozdžišo, přifidže japoštoł do galatiskeje krajiny (Jap. sk. 18, 23), zo by mlode wosady wopytał a we wěrje wobkrućal. Hižo tu pytny, zo drje je přjedawša dowěra woslabnyła, ale hewak nje-wuhlada žanoho njeporjada, a do Efesa přišedši, zhoni wo zrudnych wobstojnosćach galatiskich wosadow. Dokelž běchu we wosadach z pohanstwa a židowstwa wobroćeni, zběhnychu so překory wo plaćiwosći Mójzesoweho zakonja. Židowscy za zakoni zahorjeni wučerjo žadachu sebi, zo dyrba tež z pohanstwa wobroćeni cyłemu Mójzesowemu zakonjej, wosebje tež w nastupanju wobzjadow při Božich službach a jědži so podćisnyć (Gal. 5, 2. 11. 12; 6, 12). A dokelž tući wučerjo wědzachu, zo sebi s. Pawoł toho nježada, pytachu so na njeho přisłodžec prajicy: Pawoł sam prawje njewě, što je Jězusa wučil, dokelž njeje z nim wobkhaďal, ale ewangelium hakle pozdžišo wot druhich dóstał, haj wón hinak wučil, hač druzy japoštołowje. Tajke błudne wučby a přisłodženja dyr-bješe s. Pawoł wotpokazać a swoje wosady před nimi zakitać, a tohodla napisa list na Galatiskich.

3. Wopřijeće lista. List wobstoi z předśłowa, třoch dźělow a wobzamknjenja.

Po předśłowje (1, 1—5) zamołwja s. Pawoł w přnim dźělu (1, 6—2, 21) swoje japoštołstwo, kotrež na prawe wašnje dósta, dokelž bu wot Boha samoho powołany (1, 6—21) a swoju wučbu wo wosprawnjenju, kotruž druzy japoštołowje khwala (2, 1—21).

W druhim dźělu (3, 1—4, 31) dopokazuje wón ze wšědného nazhonjenja, z Pisma a z rozoma, zo so čłowjek wosprawni nic přez zakoni, ale přez wěru do Jězusa Khrystusa; spomina na zaměr a zběhnjenje Mójzesoweho zakonja, kotrež so přez Khrystusa sta; wučil, zo Galatiscy dóstachu nic ze zakonja, ale z wěry do Jězusa Khrystusa duchowne dary; nic přez zakoni, kiž bu wjele pozdžišo daty, ale z wěry, kotruž Bohu wopokaza, dósta Abraham slubjenje bohateho potomnistwa; zakoni měješe jeno na Jězusa přihotować, nětko, hdyž bu čłowjekam ewangelium wopowědowane, je zakoni njetrěbny, a jemu dale posłuchać, rěka, ze swobody do služownosće so wróćić.

W třecim dźělu (5, 1—6, 10) napomina japoštoł, zo bychy we swobodze, wot Khrystusa jim přihotowanej zwostali a pod služownosć zakonja z nowa so njepodali; zo pak bychy křesćansku swobodu k dobrym počinkam wužiwali a nic k hrěcham.

We wobzamknjenju (6, 11—6, 18) wospjetuje Pawoł, ze samsnej ruku pisajo, z krótka wažne wučby a přeje Galatiskim Božu milosć.

4. Dokelž s. Pawoł při swojim druhim wopyće w Galatiskich wosadach přikhiłnosć k židowstwu njespózna, zda so, zo su přećiwnicy hač do tamneho časa jeno mjelčo swoje błudy rozšěrjeli, a zjawnje přećiwo njemu hakle wustupować počeli, hdyž bě wón wosady wopuščil. Zjawny wotpad k židowstwu sta so, kaž wón 1, 6 spomina, spěšnje, a dokelž s. Pawoł hnydom list napisa, hdyž zrudnu nowinku dósta, směny prajić, zo je list w lěće 55 p. Khr. a w Efesu pisany.

List na Galatiskich ma z listom na Romskich podobne wopřijeće: poměr zakonja Mójzesoweho k wěrje do Jězusa Khrystusa, počah židowstwa ke křesćanstwu. Za wěru a žiwjenje wažne wučby wupraji Pawoł z krótkimi słowami, a tohodla sluša list k naj-čežšim dźělom Noweho Zakonja.

5. List na Efesskich.

1. Efesus bě stare wot Grekskich při ikariskim morju založene město Małaje Asije, w kotrymž bě bohowna Artemis abo Diana wosebiće čescena; wulkotny templ, k jeje

česći natwarjeny, hromadžeše wjele ludu a bohatstwa w měsće. W l. 133 před Khr. bu Efesus hlowne město romskeje provincy Asije. Swjaty Pawoł wopyta Efesus na kóncu swojeho druheho pućowanja a rozsywaše tu symješka křesćanskeje wučby; dokelž pak do Jeruzalema khwataše, slubi, zo so bórzy do Efesa wróci (Jap. sk. 18, 19—21). Na swojim třecím japoštolskim pućowanju přebywaše tu tři lěta (55—58) a nahladna křesćanska wosada, z wjetšeho džěla z pohanstwa wobroćenych, zrosće tam a bu srjedžina druhich mało-asiskich křesćanskich wosadow. List, kiž ma napis „na Efesskich“, njeje jeno za Efesskich pisany, ale měješe so tež druhim wosadam w tej samej krajnje podawać.

2. Zaměr lista. Pawoł w Romje jako jaty přebywajo, zhoni wot Epafra, předstojnika Kolossenskeje wosady, wo strachach, kotrymž su mało-asiske křesćanske wosady wustajene. Wěrnosće křesćanskeje wěry kažachu so z wučbami čłowjeskeje wědomosće. Pawoł, wobstojenja tych wosadow derje znajo, bě při swojim wotkhaďze z Asije, w Mileće hrožace strachi sam wěšćil prajo: „zo rubježne wjelki přinđu, kotrež stado njepřepuščuju“ (Jap. sk. 20, 29). Před tajkimi kažacymi wučbami chce japoštoł wosady wobarać a je we wěrje do wozjewjenych wěrnosći Božich wobkrućeć.

3. List je w lěće 63 w Romje pisany, hdžež bě Pawoł tehdy jaty. Wěrnosće w nim wučene su powšitkowne, dokelž měješe so wot wjacorych wosadow čitać, wosebje wažna pak je wučba wo křesćanskej cyrkwi, kotrež su Židza a pohanjo pod jennym wjefchom, Khrystusom, zjednoćeni.

4. Woprijćeće lista. List wobstoi z dweju džělow: z powučaceho a z napominaceho.

W přěnim (1—3) rozstaja Pawoł po krótkim postrowje přezměrnu dobrotu wumóženja. Po swojej wot wěčnosće zapřijatej radže je Bóh přez Jězusa Khrystusa pohanow, přjedy slubjenjam wocuzbnjenych ze swojim wozwolenym ludom we wěrje zjednoćil, křesćanskej cyrkwi, do kotrejež maju Židza a pohanjo zastupić, přitowafšil. Pohanjo a Židza, cyłe čłowjestwo wučinja jeničku swójbu Božu, kotraž ma tu samu wěru do Jězusa Khrystusa pilnje před čłowjeskej wědomosću wobkhować.

W druhim džělu (4—6) napomina japoštoł, zo bychy přezjene byli we wěrje, pohanskich njepočinkow so wostajeli, w pócćiwym žiwjenju so wobnowjeli, swójbnje winowatosće derje dokonjeli a zbožownje wojowali.

6. List na Filippenskich.

1. Filippi bě město w Macedoniji, njedaloko egejskeho morja. Mjeno dósta wot macedonskeho krala Filippa, kotryž přjedawše małe město Krenides rozšěrić a porjeńšić da. Kejžor Oktavian sćini z města Romsku koloniju, t. r. da so tam Romskim zasydlil a wudžěli městaj prawa Romskich. Tež Židza bydlachu tam, a synagogi njemějcy zhromadźowachu so na sabatach před wrotami při rěcy k modlenju (Jap. sk. 16, 12. 13). S. Pawoł přinđu na swojim druhim japoštolskim pućowanju, wot Boha wosebje powučeny (Jap. sk. 16, 9. 10), do Filippi, a hač runje tu jeno někotre dny wučěše, radži so jemu tola horliwu křesćansku wosadu založić, kotraž swoju žiwu wěru z tym wozjewi, zo swjatemu japoštolej do Thessaloniki a pozdžišo wjacj króć, wosebje tež jatemu do Roma nadobnu podpěru pósła (Fil. 4, 15). Na swojim třecím pućowanju swjećeše, do Jeruzalema so wróćejo, w Filippi jutry (Jap. sk. 20, 6). Křesćanska wosada w Filippi bě z wjetšeho džěla z pohanow nastala.

2. Ze listom chce s. Pawoł Filippenskim so džakować za podpěru, kotruž běchu jemu do Roma pósłali. Epafroditus, najskeje měšnik Filippenskeje wosady, bu z tutym darom do Roma pósłany, hdžež pak skhori; po jeho wustrowjenju pósła jeho Pawoł z džakownym listom znowa do Filippi, w kotrymž swoju lubowanu wosadu tež

wo svojim wosudze pokoja a ju napomina, zo by so židowskich wučerjow hladała, w přezjednosći a ponižnosći žiwa byla.

3. List je wuraz wutrobneje lubosće, kotruž s. japoštoł k Filippenskim začuwaše, a z kotrejž jich wo sebi a wo svojich wobstojenjach rozwuča a k dobrym počinkam napomina. Po přecelnym postrowje (1, 1—11) rěči wo svojich čěsnosćach w Romje, kotrež su jemu k spomóženju (1, 12—26); napomina, zo bychy jenomyslnje w dobrym wutrajni byli (1, 27—2, 18); poruča jim Timothea a Epafrodita (2, 19—30); napomina, zo bychy so židowskich wučerjow hladali (3, 1—21), a zo bychy pokornje a w swjatym wjeselu žiwi byli (4, 1—9), a po džaku za připóslane dary (4, 10—20) kónči z postrowjenjemi (4, 21—23).

4. List na Filippenskich je w Romje pisany, a to w léće 61 po Khr., hdyž Pawoł tam jako jaty přebywaše, štož list sam dopokazuje.

7. List na Kolossenskich.

1. Kolossenska wosada. Kolossae a Laodicea běštej susodnej měsće w najplódnějším džělu Frygije w Małej Asiji; město Kolossae ležeše při rěcy Lykus, bě něhdy jara bohate, w japoštołskim času pak bě, kaž so zda, hižo swoju přjedawšu slawu a wažnosć zhubiło. S. Pawoł njewopyta město, hač runje dwójcy přez Frygiju pućowaše, ale w času swojeho třilětneho přebywanja w Efesu, w l. 55—58 (Jap. sk. 19), přijěštaj Filemon, kiž w Kolossae bydleše, a Epafras křescansku wěru a založištaj Kolossensku wosadu, kotraž wosebj z přjedawšich pohanow wobstoješe. Běchu drje tam mnozy Židźa, ale jeno mało z nich přistupi křescanstwu.

2. Zaměr lista. Epafras, duchowny wjeřch wosady, ju Archippej dowěriwši, pućowaše k s. Pawołej do Roma, zo by jemu nabožne wobstojenja mało-asiskich wosadow rozestajał. Jako w Efesu, tak běchu tež w druhich wosadach židowscy zmysleni bludni wučerjo křescansku wěrnosć z wumyslenymi wučbami swojeje mudrosće wšelako kazyc počeli, wudawajcy, zo je Bóh za čłowjekow njepřístupny, a zo su wšelakori jandželajo jako srědnikojo mjez Bohom a čłowjekami postajeni; wěriwi maja so prócować, zo bychy wšelake rjadownje jandželow derje spóznali a jich hódnje česćili. S. japoštoł chce dalšemu rozšěrjenju tohole bluda w Kolossenskej wosadze zadžěwać, a tohodla napisa ji list nimale w tomsamym času, w kotrymž na Efesskich pisaše; wobaj listaj so na sebje počahujetaj a po wopřijeću a zaměrje so wudospolnjataj. Kolossenscy maja sebi tohodla list na Efesskich, kiž bě wokołny, wšitkim mało-asiskim wosadam pisany, wot susodnej Laodicejskeje wosady žadać a jim póslany tež druhim k čitanju přepodać. S. japoštoł napomina, zo bychy wěriwi swoju cyłu dowěru měli k Jězusej Khrystusej, kotryž je stajeny nad wšo, tež nad wšitkich jandželow.

3. List je, jakož tež tón na Efesskich a na Filemona, w l. 63 w Romje pisany, hdžež bě s. Pawoł tehdy jaty.

4. Po wopřijeću je list powučacy a napominacy. Po postrowjenju, w kotrymž Pawoł wuzběhuje, zo je „japoštoł Jězusa Khrystusa přez wolu Božů“, wopisuje w I. a II. stawje duchowne kubła, kotrež su wosadni wot Jězusa Khrystusa dóstali; maja w nim wumóženje přez jeho krej a wodaće hrěchow; Jězus je stworićel wšoho, tež wšitkich jandželow, a tohodla je tež stajeny nad wšitke stworjenja; tež Kolossenscy nadeńdu w nim wujednanje, jelizo swěrní wostanu wopowědowanemu ewangeliju, za kotrež Pawoł wjesele čěpi, mjez pohanami je rozšěrjejo, dokelž z tym wěrnosć wobswědčuje, zo su tež pohanjo wot wěčnosće k dokonjanosći w Khrystusu powołani; tohodla njesmědža so zjebać dać z wysokimi rěčemi čłowječeje mudrosće, ale maja žiwi być po wěrnosćach Khrystusowych, w kotrychž je dopjelnjene, štož bě židowstwu slubjene; tež njesmědža jandželam služić, ale Khrystusej, kiž je wjeřch wšoho žiweho; tež njech dale njedziwaja čłowjeskich přikazni, kotrež zakazuja, wěstych jědži so dótkać a woptawać.

W napominacym džělu (3, 1 — 4, 6) žada sebi s. Pawoł, zo bychu njeljeske kubla lubowali a za nje so starali; prjedawšeje hrěšniwosće so wotrjekli a w dobrych počinkach so wuznamjenjeli; zo bychu wšitke stawy swoje wosebite winowatosće dokonjeli, a skónčnje poruča jim wobstajnu modlitwu a mudrosć w rěčenju a skutkowanju.

Na kóncu lista (4, 7—18) rozestaja, čohodla Tichika a Onesima ke Kolossenskim sće, přidawa wšelake strowjenja a prosy, zo by tónle list tež w cyrkwi Laodicejskich čitany był.

8. Prěni list na Thessaloniskich.

1. Thessaloniska wosada. Thessalonika, něhdy Thermae, džensa Saloniki mjenowana, bě hlowne město druheho džěla Macedonije, mjez městami tuteje romskeje provincy najslawniše a najludniše, za překupstwo so derje hodžace, dokelž při brjozy thermajskeho mófskeho wustupa ležče a dobry přistaw měješe. Bydlachu tam pohanjo, Grekscy a Romscy, ale tež Židža, kotřiž mějachu tam krasnu synagogu (Jap. sk. 17, 1). Z mnohimi přikhadnikami z pohanstwa rozmnožeše so židowska wosada. Na swojim druhim pućowanju přindže Pawoł do Thessaloniki a wučěše tam na třoch sabatach wo Jezusu, slubjenym a zjewjenym Messiasu; jeno někotři Židža, ale mnozy přikhadnicy a pohanjo přijachu wot njeho wopowědowanu wěrnosć a zjednočichu so k hladnej křesćanskej wosadze.

2. Zaměr lista. Židža rozhorichu so přećiwo Pawołej (Jap. sk. 17, 5) tak, zo dyrbyeše młodu wosadu wopuścić, přjedy hač bě ju dosć wuwučil. Měješe tohodla wo nju wulku starosć, a na swojim dalšim puću posła tam z Athena Timothea, zo by ju pokojał a k njemu so wróciwši, wo młodej wosadze rozprawu podał. Wot njeho s. Pawoł zhoni, zo drje wosada we wěrje a lubosći přiběra, tak zo móže so wěriwym w Macedoniji a Achaji jako příklad poručec (1, 3—10); tola pak buchu tam tež wšelake njekřesćanske wučby, Knjezowy příklad k sudej a wosud před tymle příkhadom wumrětych nastupace, rozšěrjane; tež wšelake hrěšne nawučjenja z přjedawšeho pohanskeho wobkhadžowanja njeběchu hišće wotstronjene, a druhe nastawachu ze spomnjenych wopačnych wučbow. Z listom chceše s. Pawoł swoju wosadu powučić a tamne nje-dospolnosće porjedić.

3. List je w lěće 53 w Korinthu pisany, dokelž z Athena posła s. Pawoł Timothea do Thessaloniki a pućowaše potom do Korintha (Jap. sk. 18, 1), hdžež jeho Timotheus, z Thessaloniki so wróćejo, nadeńdže. Hnydom postara so s. Pawoł z listom za swoju wosadu (3, 6).

4. Woprijeće. Jakož w druhich Pawołych listach namakamy tež tudy krótku narěc a wobzamknjenje a dwaj džělaj. W narěci (1, 1—10) postrowja wosadu a dźakuje so za plody, kotrež evangelium mjez Thessaloniskimi njese.

W přěnim džělu (2, 1 — 3, 13) dopomina wosadu na swój wobkhad mjez nimi a na jich zahorjenosć, z kotrejž evangelium přijachu a na horcu žadosć, kotruž wón za nimi ma, a na lubosć, w kotrejž Boha prosy, zo by jich wutroby we wěrje wobkrućal.

W druhim džělu (4, 1 — 5, 22) napomina wosadnych, zo bychu so přiwučenych hrěchow wotrjekli, w dobrym křesćanskim žiwjenju nadobýwali a rozwučuje wo druhim Knjezowym příkhadze.

We wobzamknjenju (5, 23—28) požohnuje a postrowja wosadu a poruča, zo by tónle list wot wšitkich s. bratrow čitany był.

9. Druhi list na Thessaloniskich.

1. Zaměr. Thessaloniscy buchu z nowa přescěhání, wopokazachu so pak wobkrućeni w křesćanskich wěrnosćach a swěrní w křesćanskim žiwjenju. Ale z bluda, Knjezowy příklad nastupaceho, a w přěnim lisće wotpokazaneho, nasta mjez Thessa-

loniskimi wulki strach a wulka lénjosć wo dokonjenju powołanskich winowatosćow, dokelž mēnjachu, zo Knjez w najbližšim času přińdže. S. japoštoł chce jich tohodla z listom powučić, zo Knjezowy přikhad tak blisko być njemóže, dokelž znajmjenja, kotrež maja před nim so pokazować, so hišće njestawaja, a chce napominać, zo bychy pilnje swoje powołanske winowatosće dokonjeli.

2. List je pisany w času, w kotrymž běštaj Silvanus a Timotheus hišće při Pawole, jeho w japoštolskim džěle podpjerajcy (1, 1), potajkim tež w Korinthu, jakož přeni list, w l. 53 abo na spočatku l. 54, dokelž pozdžišo njenamakamy Silvana dale w Pawołowym towarštwje.

3. Wopřijeće. Tež w tom lišće móžemy tesame 4 džěle rozeznawać, jakož w přnim. W narěči (1, 1—12) dzakuje so po postrowjenju s. Pawoł Bohu za wutrajnu wěru, kotruž Thessaloniscy w přescěhanych wopokazachu, a w kotrejž stajnje rosćechu, za což budža wot Boha wěcnje mytowani.

W přnim džělu (2, 1—17) dopokazuje, zo Knjezowy přikhad tak blizki być njemóže, dokelž připowědženy wulki wotpad wot wěry so hišće njesta, tohodla njesmědža wěrić falšnym wučbam abo listam, wopačnje jemu připisowanym, ale dyrbyja swěrní wostać dóstatym wěrnosćam.

W druhim džělu (3, 1—15) napomina, zo bychy Thessaloniscy za njeho prosyli, zo by wumóženy był wot spjećiwych čłowjekow, a wupraji swoju nadźiju, zo wutrajni wostanu w křescanskim žiwjenju a zo so, hačrunje k hrěšniwosći nakhileni, k dobrym počinkam wobroćeć počnuja.

We wobzamknjenju (3, 16—18) požohnuje jich a připisuje ze samotnej ruku postrowjenja, zo bychy tak přeswědčeni byli, zo je list wot Pawoła pósłany.

Pastyfske listy.

Listaj na Timothea a list na Tita mjenuja so wot najstaršich časow sem pastyfske listy po jich zaměru a wopřijeću. Wučerjo a profetowje rěkachu hižo w starym zakonju pastyrjo. „Ja chcu wam pastyrjow dać, kotřiž budža was pasć z mudroscu a wučbu“ (Jer. 3, 15). Khrystus sam přirunawa sebje a swoje skutkowanje z pastyrjom: „Ja sym dobry pastyf. Dobry pastyf dawa swoje žiwjenje za swoje wowcy“ (Jan. 10, 11) a swojich japoštołow wučěše Jězus, zo bychy za wěriwych dobri pastyrjo byli; a tohodla napomina Pawoł mčšnikow z Efesa: „Kedžbujće na selje a na cyle stadło, w kotrymž je was Duch swjaty jako biskopow postajił“ (Jap. sk. 20, 28). Tak rěkaju z najstaršich časow mčšnicy pastyrjo, a rozwučenja, z kotrymiž so do jich zastojnstwa zapokazuja, pastyfske rozwučenja. Tajke rozwučenja maja mjenowane tři listy za swoje wopřijeće. Swjaty Pawoł rozestaja w nich najwažniše winowatosće, najnužniše počinki křescanskeho wučerja a napomina swojeju wučownikow, kak mataj swoje zastojnstwo dokonjeć. Listy plaća tohodla jako zakladne wučby duchowneho žiwjenja a skutkowanja.

10. Přeni list na Timothea.

1. Timotheus. Na swojim druhim japoštolskim pućowanju přińdže s. Pawoł do mało-asiskeje krajiny Lykaonije, do města Lystra (Jap. sk. 16, 1), hdžež bě hižo na swojim přnim pućowanju křescansku wosadu založil. Tu nadeńdže młodźenca Timothea. Jeho nan bě pohan, jeho mać Eunika a tuteje mać Lois běštej rodzenej židowcy a buštej najskešo wot Pawoła samoho do křescanskeje cyrkwy přijatej a wuznamjenještej so přez krutu wěru (2. Tim. 1, 5). Wot njeju bu Timotheus derje ku blany a wučeny. Cyła wosada česćeše pócćiweho młodźenca a poručěše jeho s. Pawołej, tak zo sebi jeho tuón za swojeho towarša a pomocnika při wopowědowanju s. ewangelia wuzwoli. Wón přewodžeše s. japoštoła ze Silasom a Lukašom do Macedonije,

hdžež bu we Filippi křescanska wosada založena, a do Thessaloniki a do Beroje. Tudy wostaji Pawoł Timothea a Silasa, mjez tym zo sam z druhimi přewodnikami do Athena khwataše, a sem powola tež po krótkim Timothea a Silasa, ale posła bórzy Timothea zas do Thessaloniki, zo by zhonil, kak so tamnišej křescanskej wosadze wjedze, a z dobrymi nowinkami wottam so wróćejo nadeńdže s. japoštoła w Korinće (Jap. sk. 18, 5). Z Korintha přewodžeše wučownik swojeho wučerja do Jeruzalema, a tež na třecim japoštolskim pućowanju podpěraše jeho nimale tři lěta w Efesu, bu w tom času wot s. Pawola po puću přez Macedoniju a Achaju do Korintha posłany (1. Kor. 4, 17), a dokelž dyrbiše Pawoł dla zběžka wot slěbownika Demetria přećiwo njemu zbudženého, Efesus přjedy wopuścić, hač bě wotmyslene, zeńdže so z Timotheom, kotryž so z Korintha wróćeše, w Macedoniji, hdžež potom swój druhi list na Korinthskich napisa, w kotrymž Korinthskich tež wot Timothea strowi (2. Kor. 1, 1). Wottud přewodžeše Timothej s. Pawola do Korintha, kaž to list na Romskich, kiž je w Korinthu pisany, swědči, dokelž Pawoł přistaja tu strowjenja tež wot Timothea. Z Korintha pućowaše Pawoł po třiměsačnym přelhywanju po Macedoniji a Malej Asiji do Jeruzalema, přewodžany tež wot Timothea. Najskeje wutra swěrný wučownik při s. Pawole, mjez tym hač bě tutón dvě lěće w Caesariji jaty, a bu z nim tež do Roma wjedzeny, dokelž w tom času mjelča s. stawizny wo Timotheu, w Romje pak je zas při japoštole byl, kaž to listy wot tam pisane dopokazuja (Fil. 1, 1; Kol. 1, 1; Filem. 1, 1; Hebr. 13, 23). Pawoł lubi w lišće na Filippenskich (2, 23), zo bórzy Timothea k nim posće, a to drje so tež sta, najskeje tehdom, hdyž so wěste zdaše, zo budže bórzy ze zajeća pušćeny. Pawoł wopytawši kupu Kretu, pućowaše do Maleje Asije, hdžež so najskeje z Timotheom zas zetka, a džež so z nim potom do Efesa, hdžež Timothea swjatočnje za biskopa postaji (1. Tim. 1, 18; 4, 14; 2. Tim. 1, 6) a pućowaše dale do Macedonije (1. Tim. 1, 3). Tu zhoni, zo je w Efesskej wosadze strašny njeměr wudyril, při kotrymž bludne wučby rozšěrjachu; dokelž so tam wrócić njemóžeše, napisa tu, kaž so praji w Laodiceji w Frygiji, list, kotryž je přeni na Timothea. Na to Efesus wopytawši, džež so Pawoł zas do Grekskeje, zetka so z Pětrom w Korinthu, a pućowaše z nim do Roma, njeje wěste, hač jako jaty, abo jako swobodny. Na kóncu swojeho žiwjenja, hdyž so jemu wěste być zdaše, zo budže k smjerći wotsudženy, žadaše sebi z druhim listom, zo by Timotheus hišće do zymy k njemu přišoł (2. Tim. 4, 21). Wěsće je Timotheus činił, štož sebi japoštoł přeješe, k najmenšomu je so powěsć zdžeržala, zo je při Pawołowej smjerći přítomny byl, a po njej so do Efesa wrócił a tu swoju dowěrjenu wosadu wjedł a rjadowal. Česći so w romskej a grekskej cyrkwi jako martraf, zaslůži sebi martrafsku krónu najskeje w času kejžora Domitiana w l. 91—96.

2. Zaměr lista. S. Pawoł cheyše Timothea pohnuć a zahorić, zo by ze wšemi swojimi mocami rozšěrjenju a dalšemu zakorjenjenju bludnych wučbow so napřećiwjał, a rozwučuje jeho, kak by to z najrjeńšim wuspěchom dokonjeć mohl.

3. Čas a město, w kotrymž bu list spisany, spóznajemy z wopisanja Timothejoweho žiwjenja: mjenujey na puću z Macedonije do Efesa, najskeje w Laodiceji w Frygiji, a to na kóncu lěta 65 abo na spočatku l. 66.

4. Wopřijeće. Po wšědnym zawodže japoštolskich listow dopomnja s. japoštoł swojeho wučownika na prikaznju, zo by rozšěrjenje bludnych wučbow zadžěwał ze słowom a tež z přikladom (1, 3—20); rozwučuje wo zjawnym modlenju, za koho maja so modlić, kak maja so mužowje, a kak žony na swjatym měsće zadžeržec (2, 1—15); wopisuje počinki, na kotraž ma Pawoł při cyrkwinskih zastojnikach hlaďac (3, 1—13); rozstaja winy, kotraž jeho pohnuhu, tele powučenja swojemu wučownikaj podać, chce jeho wobronić přećiwo wučbam falšnych wučerjow (3, 14—4, 16); wučić dale, kak ma so přećiwo wěriwym po jich starobje, rodže, hódności zadžeržec, kak přećiwo wudowam a měšnikam, a tež wotročkam (5, 1—6, 2), a skónčnje přistaja napominanja,

kotrež jeno Timothejej plaća (6, 3—21). Z wudželenjom japoštołskeho požohnowanja list wobzamknje.

11. Druhi list na Timothea.

1. Zaměr lista je dwoji. S. japoštoł cheyše z listom wěru a wutrajnosć swojeho wučownika wobnowić a wobkrućić a tak k službje Božej zahorić; potom pak prosy tež, zo by k njemu do Roma přišoł, dokelž „čas jeho rozwjazanja so bliži“ (2. Tim. 4, 6).

2. Čas a město, w kotrymž bu list pisany, zhonimy z njeho samoho. Je w Romje pisany, w času, w kotrymž bě Pawoł druhi króć jaty a w kotrymž ma blizku smjerć wěstu, potajkim w lěće 67. Tónle list je poslednje pismo, kotrež mamy wot s. Pawoła, w kotrymž tak jasnje pokazuje wótcowsku lubosć k swojemu wučownikej, nutrnu starosć za dalše rozšěrjenje s. ewangelia a spodziwnu dowěru na Jězusa, bóžskeho založerja s. cyrkwe, kotryž budže ju tež we wšitkich strachach škitować a jemu po tak dołhim mužnym wojowanju přihotowanu krónu wěčneho žiwjenja dać.

3. Wopřijeće. Mózemy w lisće wyše zawoda dwaj džělaj derje rozeznać.

W zawodže (1, 1—5) džakuje so Pawoł po postrowjenju, zo je Bóh Timotheowu wěru wobkrućil.

W přenim džělu (1, 6 — 2, 13) napomina Timothea, zo by we sebi hnadu zbudžował, kotruž je w měšniskej swjećiznje dóstał, a zo by so w dokonjenju swojeho zastojnstwa swěrný wopokazał, a zo so njeby zawjesć dał přez přikład tajkich, kotřiž so w Asiji wot njeho wotwobročihu; přirunajo wučestwo z wojefstwom a rólnistwom, pohonja jeho, zo by mužnje a pilnje za Khrystusa wojował a džělał a čěpjeł, a k tomu móce čěpał z přiklada Khrystusoweho a Pawoleho.

W druhim džělu (2, 14 — 4, 8) wospjetuje prawidła, kotrež ma w pastyfskim džěle naložec, wosebje kak ma so zadžerjeć přećiwo błudnowěriwym a hrěšnikam; pokazuje, kak wulka škoda cyrkwi wot falšnych wučerjow a njekmanych ludźi hrozy, kotřiž druhich zawjeduja; tohodla dyrbi Timotheus čím swěrnišo kedžbować a w strašnym časnu swoju winowatosć ze swjatej zahorjenosću dokonjeć.

Na kóncu (4, 9—22) prosy s. japoštoł, zo by Timotheus bórzy do Roma přišoł, dokelž je skoro wot wšitkich přecelow wopušćeny. Z postrowjenjemi a z požohnowanjom wobzamknje list.

12. List na Tita.

1. Titus. Na Tita Japoštołske Skutki ani njespomnja. Z druhich džělow s. Pisma wěmy, zo bě rodzeny pohan, najskerje z Antiochije w Syriji. Pawoł je jeho sam we křesćanstwje rozwučował, mjenuje jeho (Tit. 1, 4) lubowaneho syna, dokelž je w nim nowe duchowne žiwjenje splodžił. Hdyž Pawoł do Jeruzalema pućowaše, zo by tam z druhimi japoštołami wuradžił, hač maja z pohanstwa wobročeni najprjedy wobrjadam Mójesoweho zakona so podćisnyć, přewodžeše jeho tež Titus (Gal. 2, 1). S. Pawoł předawaše Titej pozdžišo wobstaranje wažnych naležnosćow, posła na swojim třećim japoštołskim pućowanju Tita z Efesa do Korintha, zo by nastate překory změrował a njeposlušnych k poddatosći dowjedł. Hdyž bě wottam so wróćiwši ze s. japoštołom w Maceдонiji so zetkał, bu druhi króć do Korintha posłany, zo by tam druhi list s. Pawoła donjesł a hnydom jamolžnu za khudych Jeruzalemskich křesćanow hromadžił (2. Kor. 2, 13; 7, 6; 8, 6; 16, 23). W druhim lisće na Timothea (4, 10) spomni so, zo je Titus do Dalmatije wotešoł, najskerje wot Pawoła tam posłany. Z lista samoho (Tit. 1, 5) zhonimy hišće, zo je s. japoštolej pomhał, na kupje Kreće ewangelium wopowědować a zo bu tu jako biskop postajeny, hdyž s. Pawoł kupu wopušći. Po cyrkwinskih podawiznach je wón po dołhim spomóžnym skutkowanju 94 lět stary tež tam wumřěl.

2. Zaměr lista. S. Pawoł chcyše swojeho wučownika wo biskopskich počinach a winowatosćach powučić.

3. Čas a město postajić, w kotrymž bu list pisany, je čezko. Wěrje najpodobniše zda so być, zo je s. Pawoł, hdyž bě z přeněho zajeća w Romje pušćeny, do Małeje Asije pućował, tam křescánske wosady wopytał, a zo je potom z Titom na kupu Kretu jěł a po dlějšim skutkowanju, Tita jako biskopa postajiwši, so zas wrócił do Małeje Asije a wottudy list na Tita napisał na kóncu l. 64.

4. Woprijćeće. W lisće móžemy wyše zawoda a wobzamknjenja tři džěle rozeznać.

W zawodže (1, 1—4) spomni s. Pawoł na swoju japoštołsku hódnosć a wučownikowu zhromadnu wěru.

W přěnim džěle (1, 5—16) wučí, na kajke počinki ma Titus při postajenju měšnikow hladać, zo bychy kmani wučerjo byli, kotřiž prawu wěru rozšěrjeja a zamolwjeja.

W druhim džělu (2, 1—15) rozestaja, kak ma wšelakorych wěriwych, starcow, wobstarne a mlódše žónske, młodźencow, wotročkow wo jich winowatosćach rozwučeć, zo bychy wšitcy přihotowani byli na přikhad Jezusowy.

W třěćim džělu (3, 1—11) napomina powšitkownje k poslušnosći přećiwu wječham a wyšnosćam, k lubosći, čichomyslnosći atd.; zo bychy so zwadow a wobkhada druhowěriwych zdalowali.

We wobzamknjenju (3, 12—15) prosy, zo by Titus do Nikopolis, hdžež chcyše Pawoł přezymować, přišoł, poruča jemu Zenasa a Apolla, kotraž (najskeje z tutym listom) k njemu přińdžetaj a kónči z postrowjenjemi a z požohnowanjom.

13. List na Filemona.

1. Filemon bě widžany muž w Kolossae (Kol. 4, 9). Najskeje bě ze swojej mandželskej Appiju wot s. Pawoła samoho w křescánstwjě rozwučeny, njewěmy pak hdže; do Kolossae s. japoštoł před romskim zajećom njepřińdže. Wón bě stołp tamnišeje wosady, w jeho domje zhromadźowachu so křescénjo k Božim službam. Wón měješe wotročka (njewolnika), kotryž bě někajkeje njeswěry (snadž padušstwa) dla čeknył a do Roma přišoł, hdžež so na s. Pawoła wobroći, kotrehož jako přećela swojeho knjeza znaješe. Pawoł přija jeho přećelnje, rozwučeše jeho, a njeswěrnny služownik bu dobry křescán. Pawoł by jeho nětko rady při sebi zdžeržal, ale, zo so njeby zdało, jako by zastup do křescánskeje cyrkwy přjedawše počahi a prawa zběhnył, pósła jeho zas k Filemonej a poručese jeho z listom, za njeho wo wodaće prošo. Próstwa njebě po darmo. Filemon spuści Onesimej dwoju njeswěru, da jemu swobodu a pósła jeho zas k s. japoštolej do Roma. Cyrkwinske podawizny powědaja, zo bu Onesimus pozdžišo biskop w Beroeji w Macedoniji a zo je jako martraf w Romje wumřěl.

2. Tónle list je na tomsamym měsće a w tomsamym času pisany, jakož listy na Efesskich a Kolossenskich, w Romje, hdyž bě tam Pawoł dwě léce jaty. Dokelž Onesimus pućowaše z Tychikom, kotryž listaj do Efesa a Kolossae njeseše (Kol. 4, 9). W lisće mjenuja so tež tesame wosoby, kotřež Pawoła w Romje wobdawachu, Timotheus, Aristarch, Markus, Lukaš, Demas a Epafras.

3. Woprijćeće. Po krótkim postrowjenju khwali Pawoł Filemonowe zaslužby wo křescánsku wosadu; jeho spodobanje z tym dobywši, prosy jeho drje ponižnje ale z japoštołskej hódnosću, zo by Onesimej wodał, dokelž z Božim dopušćenjom bě wón jemu čeknył a tak puć ke křescánskej wěrnosći namakał. Na jeho poslušnosć twarjo, prosy za sebjě wo hospodu, so nadžijejo, zo budže bórzy ze zajeća pušćeny, a kónči krótki list z postrowjenjemi a z požohnowanjom.

14. List na Hebrejskich.

1. Spisował lista. List na Hebrejskich ma wszelake wosebitosće, kotrež druhe Pawołowe listy nimaja, tohodla sudža wučeni wšitkich časow, zo drje su w nim wěrnosće, kotrež je Pawoł wučil a přecy zastupował, wopřijate, zo pak su tele wěrnosće wot jenoho z jeho wučownikow pod japoštolowym dohladom zestajane, a wot njeho samoho (13, 18) z přidawkom, wszelakimi próstwami a postrowjenjemi wuhotowane a wobkrućene. Wopřijeće je Pawołowe, spisał pak je list jedyn z jeho dowěrných wučownikow. Origines praji: „Mam za to, wučby wukhadžeja wšitke wot japoštola samoho“; štož list wo wosobje Khrystusowej, wo počahu Stareho a Noweho Zakonja wučil, a kak čitarjow k dokonjenju křesćanskich winowatosćow napomina, runja so tomu, štož tež druhe Pawołowe listy wopřijeja. Tola forma spisa, njewšědne słowa, porjadnje twarjene sady a periody, kotrež su tak kedžbnje a wumjelscy zestajane, zo čitane tež luboznje klinča, njerunaja so druhim listam s. Pawoła, kotryž swoje wulkotne, tak bohaće w jeho zahorjenym duchu wotućace myslički často njeporjadnje wupraja, sadu linak skónčejo, hač ju započa.

Štó pak je tónle dowěrný wučownik był: Lukaš, abo Barnabas, abo Apollo abo Klement Romski, njebudža wučeni wuslědźić. Najwažniše přičiny pokazuja na s. bamža Klementa, dokelž w jeho lisće na Korinthских nałožuje dolhe městna z tutoho spisa dosłownje a tež po wučbje mataj wobaj listaj wulku podobnosć.

2. List ma napismo, najskeje wot Pawoła postajene: „na Hebrejskich“, t. r. na Židow, so rozemi na křesćanskich Židow, a to na tych, kotřiž w Palestinje mjez swojimi krajanami bydlachu, a nic na tamnych, kotřiž druhdze w pohan-skich městach rozpjeršeni přebywachu a z křesćanami, z pohanstwa wobroćenymi, wosady wučinjachu. List njespomina tohodla na křesćanow, z pohanstwa wobroćených, ale ma jeno wobstojenja w čisće židowskich wosadach knježace we woćomaj. Strach, zo móhli tajcy wosadni zas k židowstwu wotpadnyć, bě w Palestinje wulki, dokelž wídzachu pyšne wobrajdy židowskich Božich službow, woporne hosćiny a wszelake swjědženje, ke kotrymž mějachu přinaroźenu lubosć. Wyše toho mějachu wot swojich krajanow dosć porokow, zjawnych hanjenjow, haj tež same wurubjenje zamoženja sebi tohodla lubić dać, dokelž běchu ke křesćanstwu přistupili. Na tele wosebje w židowskich wosadach Palestiny knježace wobstojenja spomina list. Tež słowa 13, 7: „spominajće na swojich předstajených, kotřiž su wam wopowědowali słowo Bože, hladajcy na wukhód jich žiwjenja, sčěhujće jich wěru“ pokazuja na wosadu w Jeruzalemje, w kotrež běštaj Šćěpan a japoštoł Jakub swoju krej wěry do Khrystusa dla přelažoj.

3. Čas a město, w kotrymž je list pisany, přeradzi wobzamknjenje lista. Słowa 13, 24 „postrowjeju was bratřa z Italije“ a 13, 19 „ćim bóle pak prošu, zo byšće to činili, zo bych wam ćim přjedy wróćeny był“, pokazuja na to, zo je list w Romje pisany, hdyž měješe Pawoł ze zajeca pušćeny być, w spočatku lěta 64.

4. Zaměr a wopřijeće lista. Pawoł mjenuje spis „słowo napominanja“ (13, 14), z kotrymž chce křesćanskich Židow zakitać, zo bychy wot křesćanstwa njewotpadnyli, dopokazajo, zo je křesćanska wěra wjele wosobniša a dospołniša, dyžli židowska, a tohodla maja ju bjez bojosće wuznawać a wšitke přescěhnanja radšo sčěrpnje znjesć, dyžli wěru zapřeć. Wučba a napominanje stej w spisu zjednoćenej, tola je přěni džěl (1 — 10, 18) bóle powučacy, druhi (10, 19 — 13, 21) bóle napominacy, tohodla móžemy lóžšeho přehlada dla list do dweju džělow džělić.

Přěni džěl hnydom na spočatku (1, 1—3) hłowne wopřijeće cyłego lista wuzběhuje: přědnosć Noweho Zakonja před Starym, a dopokazuje tule wěrnosć z třomi přičinami, tohodla rozpadnje tónle džěl do třoch poddžělow.

a) W rj. 1, 4 — 2, 18 přirunawataj so založerjej wobeju Zakonjow. Stary Zakon bu přez jandželow založeny (Gal. 3, 18), Nowy pak založi Syn Boží sam;

tohodla Nowy Zakoń Stary wo tak wjele přewyšuje, jakož Syn Boží, stworićeľ, kral a wumóžnik wšitkich, jandželow přewyšuje, kotřiž su jenó stworjenja Bože, wupóslane k službje čłowjekow. Tohodla maja dospótnišo posłuchać słowje Khrystusowemu, t. j. Nowemu Zakonje, dyžli słowam jandželow, t. j. Staremu Zakonju.

b) W rj. 3, 1 — 4, 13 přirunawa srjedźićerjow wobeju Zakonjow. Stareho Zakonja srjedźićeľ je Mójzes, drje swěrný služownik, ale w cuzym domje, Noweho Zakonja srjedźićeľ pak je „Khrystus, jako Syn w swojim domje, kotryž dom smy my“ (3, 6), jelizo swěrní wostanjemy hač do kónca. Tohodla dyrbyja čitarjo kedźbni być, zo bychy wot křesćanskeje wěry njewotpadnyli a zo bychy runja njewěriwym Israelitam wot zastupa do jeho měra wotpokazani njebyli.

c) W rj. 4, 14 — 10, 18 přirunawa wyššeho měšnika Noweho Zakonja z wyššimi měšnikami Stareho Zakonja. Jězús je měšnik po Melchisedechowym rjedže, kotryž ma wšitke samotnosće měšnika za čłowjekow postajeneho. Wo tom jedna spis wobšěrnišo, dokelž je wěc čezko wujasnjomna a čitarjo słabi k słyšenju (5, 11); tohodla napomina, hrozy, prosy, zo bychy wutrali na nastupjenym dobrym puću a Abrahama sčěhowali, kotryž je we dowěrje na Boha slubjenje docpěl. K wěcy so wróćiwši (6, 20) rozestaja, zo je Khrystus měšnik po rjedže Melchisedechowym, dopokazujo, zo je tón po mjenje, zastojnstwje, splahu atd. předznamjo Khrystusowe. Zo by přednosť Melchisedechoweho měšnistwa před starozakońskim wujasnił, přirunawa wosoby a woporne dary mjez sobu. a) Melchisedech přewyšuje Abrahama a starozakońskich měšnikow, kotřiž w swojim wótcu Abrahamje džesatki Melchisedechowej podachu, potajkim jeho přednosť z tym připóznachu; starozakońscy měšnicy dyrbyjachu přestać, měšnik po rjedže Melchisedechowym pak je wěčný; starozakońscy měšnicy su bjez přisahi, měšnik po Melchisedechowym rjedže pak je přez přisahu postajeny; lewitiskich měšnikow, dokelž su smjertni, je wjele, a tuči dyrbyja najprjedy za swoje hrěchi woprować; měšnik po Melchisedechowym rjedže pak je jenički a to najswjećiši a woprue sebje jónu jako dospólny wopor. β) Přirunawa mjez sobu woporne dary. Wosobnosť woporneho dara Khrystusoweho spóznamy z toho, zo so w njeljeskim stanje, kotrehož wotsčěn jenó lě stan sluba a templ, woprue, zo so přez njón wjele lěpše slubjenja potwjerdža, a zo wjele wosobniše plody njese, dokelž starozakońske wopory njemóžachu žanoho čłowjeka znuttikownje wučisćić, ale dopomnjachu jeho jenó, zo je hrěšnik, běchu jenó předznamjenja wujednaceho wopora Khrystusoweho, kotryž bu jónu a za zbóžnosť wšitkich woprowany.

Dokelž maja so jenó wyššemu měšnikej Khrystusej džakować, zo su wujednani z Bohom a zo maja zas přistup k njemu, tohodla napomina spis w druhim džělu (10, 19 — 13, 21) k wšelakim dobrym počinkam, zo bychy swěrnje křesćansku wěru wuznawali a so wobarali, ju zaprěć; rěči při tutej přiležnosći wo wěrje, w čim wobstoi, a spomina na wulku mnohosć tajkich, kotřiž we wěrje wutrachu, hač runje jenó w nadźiji to docpěchu, štož we wěrje woprijachu; zo bychy sčěrpni byli w čěsnosćach; Bože domapytanja k swojemu polěpšenju wužiwali; so za pokojom a swjatosćenjom prócowali, lubosć bližšeho spěchowali, hospodliwosć sebi wopokazowali, čistotu wobkhowali, nahrabnosť zložili, předstajenych posłuchali a židowskich wobrjadow so zdalowali. Skónčnje poruča so do jich próstwow, zo by jim čím přjedy wróćeny byl, a přeje jim wšo dobre.

We wobzamknjenju (13, 22—25) žada sebi Pawoł, zo bychy słowo napominanja znjesli, lubi jim swój a Timotheowy přikhad, přidawa postrowjenja z Italije a japoštolske požohnowanje.

D. Katholske listy.

Listy, kotrež w Nowym Zakonju po Pawołowych listach sčěhuja, rěkaju wot najstaršich časow „Katholske listy“, t. r. powšitkowne listy, najskeje tohodla, dokelž

njesu kaž Pawołowe jednotliwym wosadam abo wosobam, ale wjacorym křesćanskim cyrkwjam, mjez pohanami rozšěrjenym, pisane.

1. List s. japoštoła Jakuba.

1. Spisowaŕ lista mjenuje so w nim sam „Jakub, Boha a našeho Knjeza Jězusa Khrystusa služownik“. Po wobstojenjach njemóže to być Jakub, Zebedejowy syn a Janowy bratr, dokelž tutón bu hižo w l. 41 po poručnosći krala Herodesa Agrippy morjeny (Jap. sk. 12, 1). Spisowaŕ móže jeno być druhi Jakub „Knjezowy bratr“ (Gal. 1, 19), syn Alfeja abo Kleofasa (je to tesame mjeno jako Alfeus), a Marije, kotraž bě pak sotra pak blizka četa Marije, maćerje Božeje (hl. Mat. 13, 55). Mjenuje so tež Jakub młódši, bě po Knjezowym do-njebjes-spěču hač do swojeje smjerće biskop Jeruzalemskeje wosady, w kotrejž bu wysoko česćený jako sprawný muž, kiž bě po křesćanskim zakonu najswěrnějši žiwy. Mnohich Židow pohnu ze svojim s. přikladom, zo do křesćanskeje cyrkwy zastupichu. To pak zbudzi zawisć a hněw židowskich měšnikow a po smjerći romskeho bohota Portia Festa (Jap. sk. 24, 27), mjez tym zo bě kraj krótki čas bjez bohota, bu wón po radže wyššeho měšnika Anana morjeny; storěchu jeho z temploweho powjěfcha, a dokelž hišće mrtwy njebě, kamjenjowachu jeho a sukelnik dyri jeho ze sochorom na hlówu. Bě to wokoło jutrow lěta 62.

2. List je pisany „dwanaće splaham, kotrež su w rozpjeršenju“, t. r. wšitkim židowskim křesćanam, kotřiž su zwonka Palestiny mjez pohanami žiwi. Na to pokazuje wopřijeće a zaměr lista.

3. Zaměr. W křesćanskich wosadach běchu wšudžom wučerjo, kotřiž wučbu s. japoštoła Pawola wo wosprawnjenju njedorozemichu, tak zo wučachu, zo wěra sama bjez dobrych skutkow wosprawnja, a na tule wučbu so spuštějcy, wobedžechu wšelake hrěchi, bohatši a wosobniši zacpiwachu svojich khudšich bratrow. To wědžeše s. japoštoł, a zo njebychu falšni wučerjo dale wěru a dobre počinki w tamnych wosadach kazyli, a zo mócnější we wosadze njebychu dale slabších potłóčeli, napisa tónle list. Čeyše, kaž to (2, 17) praji, dopokazać, zo su k wosprawnjenju wyše wěry tež dobre skutki třebne, dokelž wěra bjez skutkow je mrtwa sama we sebi; čeyše pak tež ze svojim listom hrěcham, za stawy křesćanskeje cyrkwy cyle njehódnym, zadžěwać a potłóčenych a zacpitych pokajeć.

4. Čas a město, w kotrymž je list pisany, lohcy zhonimy. Dokelž bě s. Jakub biskop w Jeruzalemje, je wěsće list tež w Jeruzalemje pisany, a to drje krótko před jeho martrafskej smjerću, dokelž z lista móžemy sudzić, zo je s. Jakub listaj na Romskich a Galatiskich znał a na njej w swoim lisće džiwał, móžeše jón tohodla hakle napisać, hdyž běštaj tamnaj listaj dokonjanaj a znataj, potajkim wokoło lěta 59.

5. Wopřijeće. Spisowaŕ zjednoća z rozwučenjom napominanja, móžemy wyše zawoda a wobzamknjenja tři džěle rozeznawać.

W zawoźće (1, 1—18) napomina s. japoštoł po krótkim postrowjenju čitarjow k sčerpnosći we wšelakich pruhowanjach, dokelž w tom doswědči so wutrajnosć jich wěry.

W přnim džělu (1, 19—2, 26) dopokazuje, zo je wěra, kotraž w lubosći skutkuje, k wosprawnjenju třebna, a napomina, zo bychu činjerjo słowa a nic jeno poslušarjo byli, zo njebychu po zwonkownym druhich sudžili a pilnje skutki miłosće dokonjeli.

W druhim džělu (3, 1—4, 12) wotradža čitarjam, zo njebychu za wučenjom žadali, dokelž wosebita mudrosć k tomu sluša, zo by něchtó dar rěče bjez pohórška nałožował; rozeznawa njebiesku a zeńsku mudrosć, kotraž wšelake požadosće plódzi, z kotrychž wójny a zwady přińdu. Tohodla napomina, zo bychu so z čistej wutrobu a wěrnej pokutu Bohu podćisnyli, dokelž tón je naš jenički sudnik.

W třecim džělu (4, 13 — 5, 18) dawa někotre wosebite napominanja, zo njebychu khroble na swoje mocy twarili, dokelž wšitko wot Boha wotwisuje; bohatym podtłóčerjam wěšći zrudny kónc, khudych pak pokoja; zo maja přisaham čekać; zo maja so khori wot měšnikow žalbować; zo maja sebi hrěchi wuznawać a za sebje so modlić, dokelž Elias je dopokaz, kak wjele wobstajna modlitwa sprawného zamóža.

We wobzamknjenju (5, 19—20) spomina na bratrowske napominanje, dokelž štóž hrěšnika na prawy puć wobroći, je spomóžny skutk dokonjať.

6) Zo je s. japoštoł Jakub młódsi, Alfejowy syn, spisowať tohole lista, spóznajemy z jeho wopřijeća, namakamy w nim wjele mysličkow, kotrež na podobne słowa Jězusowe w ewangeliach dopomnjeja; poruča so tu naležnje modlitwa, a wěmy, zo so s. Jakub wjele klečo modleše, tak zo jemu nozy na kolenomaj cyle stwjerdnýšej, tež napismo lista swědči za Jakuba, jakož tež w cyłym lisće zjewjena starosć wo Židow w rozpjeršenju, dokelž jakož biskop hłowneho židowskeho města měješe so za biskopa wšitkich tež zwonka Jeruzalema přebywacych židowskich křesćanow, a tohodla měješe tež wosebitu winowatosć, za jich powučenje so starać.

Tež cyrkwinscy spisowarjo najstaršich časow k přikł. Klement Romski, Hermaas, Klement Alexandriski, Tertullian spominaja na tónle list a swědča z tym, zo list z japoštołskich časow přikhadža; stary syriski přeložk s. Pisma „Pešito“ wopřija hižo Jakubowy list. Jedyn abo druhi z tamnišich spisowarjow dwěluje drje tež na tom, hač je list wot s. Jakuba, tola jich nahladnosć njeje wulka; wot 4. lěstotka pak připisuje so list jenohłósne tomule s. japoštolej, jeno Luther a jeho přiwisk jón začisny, dokelž so jeho wučbje wo wěrje, kotraž čłowjeka bjez dobrych skutkow wosprawnja, napřećiwja, tola to njezatřase naše přeswědčenje, kotrež so zepjera na podawizny lěstotkow a wučbu s. cyrkwy, kotraž w swojim kanonje list s. japoštolej Jakubej připisuje.

2. Přěni list s. japoštoła Pětra.

1. Pětr, před powołanjom k japoštołstwu Syman (Jap. sk. 15, 14; 2. Pětr. 1, 1) mjenowany, bě syn Jonasa abo, jakož so tele mjeno tež hinak wupraja, Jana (Mat. 16, 17; Jan. 1, 42), rodženy z Bethsaidy w Galileji, bydlešo pak pozdžišo w Kafarnaumje, hdžež bě woženjeny a jako rybak žiwy (1. Kor. 9, 5) a hdžež jeho přichodna mać bydleše (Mark. 1, 30). Handrij, jeho bratr, wučownik Jana křćenika, dowjedže jeho najprjedy k Jězusej, kiž hnydom spózna, zo so k wažnemu zastojnstwu derje hodži a tohodla dotalne mjeno přeměni do mjena Kefas abo Pětr, t. r. skała. Što měješe tole přeměnenje mjena znamjenje, wujasni Jězus sam pozdžišo, hdyž slubi, zo chce na njeho jako na skału swoju cyrkej twarić (Mat. 16, 16—19), a tónle slub dopjelni po swojim wot-mortwych-wstaću, hdyž jemu jehnjata a wowcy k pasenju přepoda (Jan. 21, 15). Po do-njehjes-spěću Jězusowym pokazuje so jako wjeřch japoštołow: po jeho radže bu Matij na Judašowe město za japoštoła wuzwoleny (Jap. sk. 1, 15); najprěni wopowěduje w Jeruzalemje s. ewangelium a wobkruća swoje słowa z džiwami (Jap. sk. st. 1—5); najprěni pohanow do cyrkwy přijima; jako najwyšši pastyř wosady wopytuje; přez jandžela so z rukow Herodesa wumóži, zo by k spomóženju cyrkwy dale skutkowať mohl. W l. 42 džěše najprjedy do Antiochije w Syriji a potom přińdže, kaž so zda z podpjeru Kornelia, do Roma, založi tu křesćansku wosadu, kotruž hač do swojeje smjerće, potajkim na 25 lět, nawjedowaše. Njewosta drje stajnje w Romje, ale bě na japoštołskim koncilu w Jeruzalemje (Jap. sk. 15, 6) a pućowaše wottam do Antiochije (Gal. 2, 11). Hdže je potom ewangelium wopowědowať, njewěmy z wěstosću. Dwě lěće před swojej smjerću, jakož Eusebius powěda, přińdže přez Korinth zas do Roma, hdžež bu pod kejšorom Neronom na watikanskej hórce křižowany, a dokelž so za njehódného měješe, runje tak wumřěć, jakož jeho zbóžnik, prošeše, zo by z hłowu k zemi zloženej

na kříž přibity byl. Po starej podawiznje sta so to 29. junija l. 67. Jeho čelo bu tu pohrjebane a nad jeho rowom stoji najrjeńši dom Boží cyleho křescanskeho swěta.

Swjaty Pětr bě zahorjeny za swojeho Knjeza a za jeho wučbu a za jeho skutk, z cylej nutrniwosću swojeje mócneje lubosće słušeše a słužeše jemu, žanoho stracha so njebojo, na swoju přinarodženu slabosć njedźiwajo. Tale kruta wola a spodźiwna wěra pohnu Jězusa, kotryž wutroby znaje, zo chcyše na Pětra, jako na skałowy podložk, swoju cyrkej twarić, kotruž mocy hele njepřemóža. Ze swjatym Pětrom započina so tamny rjad naměstnikow Khrystusowych, kotřiž wot njeho založenu cyrkej nawjeduja, jemu poddate stadlo wěriwych pasu.

2. List je pisany „wuzwolenym přikhadnikam rozpjeršjenja w Pontu, Galatiji, Kappadociji, Asiji a Bithyniji“, t. r. wšitkim křescanam, kotřiž, jakož japoštoł to chce, maja njebojo za swoju wótcinu a sebje za přikhadnikow a cuzbnikow na zemi (2, 11) a kotřiž zwonka Palestiny w spomnjenych krajinach bydla. S. Pětr njewobroća so ze svojim listom jeno k židowskim křescanam, ale tež z pohanstwa přistupjenym. Hač je s. Pětr w tamnych krajinach ewangelium wopowědował, njeje wěste, ale móžno; s. Pawoł pak je w Galatiji a najskerje tež w tamnych druhich krajinach křescanske wosady založal.

3. Zaměr lista so wot s. Pětra samoho (5, 12) podawa, chce wěriwych napominać, zo bychy wobstajni byli we wuznawanju s. wěry, a zo bychy křescanske winowatosće swěrnje dokonjeli, a po Khrystusowym přikładze wšitke horja a přisłodženja mužnje znjesli a swoju wěru z počciwym žiwjenjom debili; chce pak wobswědčić, zo je to prawa milosć, w kotrejž stojíce, t. r. zo je ta wot Pawoła a jeho pomocnikow jim wopowědowana wučba prawa křescanska wěrnosć.

4. Město, hdžež list napisa, mjenuje s. Pětr sam: „Postrowja was cyrkej, kotraž je sobuwuzwolena w Babylonje, a Markus mój syn“ (5, 13). Někotři wučeni praja, zo je tu wo prawdže stare město Babylon, nad Eufratom ležace, k zrozemjenju, a zo je s. Pětr při rozšěrjenju ewangelia z Markom hač do tamnych krajinow přišoł. Druzy pak, a to najstarši a najwěšćiši, wuča, zo je s. Pětr z tymle mjenom Rom, hlowne město tehdomnišeho pohanstwa, měnił, dokelž měješe hrěšneho žiwjenja dla wěstu podobnosć z přjedawšim Babylonom. Tež w Zjewjenju s. Jana (14, 8; 16, 19; 17, 5; 18, 2. 10. 21) so pod Babylonom Rom zrozumi. — List dopokazuje, zo je jeho spisowar wjacj listow s. Pawoła znał, wosebje listaj na Romskich a Efesskich, a tež Jakubowy list, a zo tamnym křescanam tež přescěhanje hrozy, najskerje te wot kejžora Nerona zbudžene. Z tychle počahow móžemy sudzić, zo je list na kóncu lěta 64 abo při spočatku lěta 65 pisany.

5. Wopřijeće. Cyły list wobstoi z napominanjow, kotrež móža so do třoch džělow zřadować; předślowo a wobzamknjenje listej njepobrachugetej.

W předślowje (1, 1—12) džakuje so s. Pětr po postrowjenju, zo je Bóh wěriwych k nowemu žiwjenju a k wěčnej zbóžnosći powołał, kotruž profetowje připowědowachu a kotruž jandželojo spóznać žadaju.

W přěnim džělu (1, 13 — 2, 10) rozwučuje, kak maja wěriwi, droho wukupjeni za nowe žiwjenje a za wěčne herbstwo swjeće žiwi być, Boha a bližšeho wěrnje lubować, wšu zlosć zložiť, jako runje narodžene džěci za mlokom njekaženeje wučby žadać, a jako žiwe kamjenje so k nowemu duchownemu domej natwarjeć, nowy lud Boží wučinić.

W druhim džělu (2, 11 — 4, 19) powšitkownje napomina, zo bychy mjez pohanami žiwi ze svojim dobrym wobkhađenjom wšitke zle wobřećenja jako njewěrne wotpokazali a jich ke khwalbje Boha dowjedli, na to dopomnja jich na wosebite winowatosće, zo bychy předstajenym poslušali, zo bychy služowni poddaći byli svojim knježim, tež złym, žony svojim mužam, zo bychy mužowje swoje žony česćili a so

mjez sobu lubowali; dale kak maja po Khrystusowym přikładze nětčiše přećiwnosć, znjesć, dobre swědomjo sebi wobkhować, Khrystusoweho ćerpjenja dla njekmanych pohanskich wašnjow so zdalować a w dobrych počinkach so wobkrućeć a so wjeselić, zo smědža za Khrystusa něšto ćerpieć.

W třećim dźělu (5, 1—11) wobroća so s. Pětr z někotrymi wosebitymi napominanjami na staršich ludu, t. j. měšnikow, a na młodych, zo bychu staršim poddaći byli, a na wšitkich druhich, zo bychu so poniželi na Boha so cyle spušeje a zo bychu so djabołskim wabjenjam mužnje napřećiwjeli.

We wobzamknjenju (5, 12—14) spomina na zaměr ze Silvanom poslaneho lista, postrowja čitarjow wot swojeje cyrkwy a wot Marka a wudžela japoštołske požohnowanje.

6. Zo je s. Pětr spisował lista, dopokazuja najwosebniše swědčenja z najstaršich časow. Druhi list s. Pětra (3, 1) jasnje přeni Pětrej připisuje, s. Polykarp a Papias, Klement Rómski, Barnabas, Irenaeus a druzy maja w swóich spisach jednotliwe sady z lista; Origenes praji, zo je list wot s. Pětra pisany, hačrunje někotři na tom dwělowachu. Nahladnosć swědkow, kotřiž list Pětrej připisuja, je wjetša, dyžli tamnych, kotřiž to přēja.

3. Druhi list s. japoštoła Pětra.

1. W lišće samym praji spisował (3, 1): „Hlejće, najlubši, tónle druhi list wam pisam“ a z tom pokazuje, zo jón timsamym wěriwym sće, ke kotrymž hižo jedyn napisa, potajkim křesćanskim wosadam w 1. Pětr. 1, 1 spomnjenych pohanskich krajnow.

2. Zaměr lista wupraji s. japoštoł (3, 17. 18.), zo chce wěriwych zakitać před zawjedženjom bludnych wučerjow a wobkrućeć w miłosći a spóznać našeho Knjeza Jězusa Khrystusa. Bludy, kotrež so tam rozšěrjachu, běchu tesame, přećiwo kotrymž tež s. Pawoł wojowaše, mjenujcy, zo křesćenjo žanomu zakonjej dale podćisnjeni njejsu, zo móža tohodla po swóich mjasnych nakhilnosćach žiwi być, přejachu tež přikład Khrystusowy k sudej a zahubjenje swěta. Z takich bludnych wučbow přindžechu hrěšne njepočinki, ke kotrymž tamni njehódni wučerjo wěriwych zawjesć so prócowachu.

3. List je najskeře w Romje krótki čas po přenim pisany a jakož (1, 14) praji, tehdom hdyž „bě blisko zloženje jeho stana“, t. r. hdyž bě sebi wěsty, zo budže w krótkim morjeny, potajkim w lěće 66.

4. Wopřijeće. Jakož přeni móžemy wyše předsłowa a wobzamknjenja tež tónle do třoch dźělůw dźelić.

W předsłowje (1, 1. 2) pokazuje spisował po napismje na zaměr lista.

W přenim dźělu (1, 3—21) swoju blizku smjerć wěšće, dopomnja na přewulke dary, kotrež wot Boha dóstachu, a na winowatosć, zo bychu so z tymile darami k pócćiwemu žiwjenju pohnuć dali a wěstosć wobkhowali, zo Khrystus zas přindže wo wulkej krasnosći.

W druhim dźělu (2, 1 — 3, 3) wopisuje njekmane zmyslenje a hrěšne žiwjenje bludnych wučerjow, kotrychž jim hrožene khostanje wěšće podeńdže.

W třećim dźělu (3, 4—16) wotpokazuje dwěle, kotrež so přećiwo widžomnemu přikładej Khrystusowemu a zahubjenju swěta zbudžuja.

We wobzamknjenju (3, 17. 18) napomina křesćanow, zo njebychu so wot bludow zawjesć dali, ale přecy lěpje wěrnosć Khrystusowu spóznavali.

5. Tež druhi list njepřipisuja wšitej s. japoštolej Pětrej, namakamy drje w spisach najstaršich cyrkwinskih wótcow městna, kotrež su po zdaću z tutoho lista wzate, druzy pak njewědža wo nim ničoho, haj přēja, zo je jón s. Pětr pisał. Tola w lišće samom namakamy dosahace přičiny za wěrnosć, zo je Pětr spisował. Řěka hnydom na započatku (1, 1): „Syman Pětr, služownik a japoštoł Jězusa Khrystusa“ a mjenuje

sam sebje swědka překrasnjenja na horje (1, 18), a Pawoła „swojeho lubeho bratra“ (3, 15). Njemůžeme sebi myslíc, zo je něchtó mjeno s. Pětra znjewužil; japoštolske wučby, kotrež list wopřija, njetrjebaše nchtó pod zelhanym mjenom rozšěrjeć. We wažnych wěrnosćach, k příkl. wo dopjelnjenju starozakońskich wěšćenjow, wo příkhdžo Khrystusowym a druhich runja so přnjemu. Wěstu podobnosć ma list, wosebje w druhim stawje, ze s. Judašowym listom, a zda so, zo je s. Pětr při spisanju swojeho tamny před sobu měl.

Listy s. japoštoła Jana.

Tři listy s. japoštoła Jana maja někotre wosebitosće, kotrež je wot druhich listow Noweho Zakonja rozeznawaja.

1. Spisował a čitarjo, za kotrychž su pisane, njejsu mjenowani abo jeno njejasnje; přni je cyle bjez napisma, druhi a třeći rěka spisowarja powšitkownje „staršeho“; pisany pak je druhi na Elektu, njeje drje to wěsta wosoba, ale najskeje cyla wosada, dokelž słowo „elektu“ rěka wuzwolena. Tež njewě nchtó, što je Gajus, na kotrehož je třeći list pisany.

2. Rěč a twar sadow atd. je we wšitkich třech listach cyle jenajki, tak zo můžeme z wěstosću z toho sudzić, zo su listy wot jenoho a tohosameho spisane. Z teje sameje přičiny můžeme přeswědčeni być, zo je spisował štwórteho ewangelia a tychle listow jedyn a tónsamy, s. japoštoł Jan, kotryž bu tež hižo w najstarších časach powšitkownje jako tajki připřiznaty.

4. Přni list s. japoštoła Jana.

1. Na koho je list pisany, drje w nim prajene njeje, ale wopřijeće nas wučí, zo list čitarjam štwórteho ewangelia plaći, dokelž tasama wěrnosć, zo je Jězus Khrystus wěrný Syn Boží, kotruž ewangelium wopřija, je tež w tom lišće wopřijata a jako podložk křesćanskeho žiwjenja namolwjana; tasama nowa kaznja lubosće bližšeho so wo woběmaj poruča. Najskeje je tónle list k tomu pisany, zo by štwórte ewangelium jako wobšěrný zawod přewodzał a jeho zrozemjenje polóžal.

2. Zaměr lista. Wosebite wobstojenja a strachi, w kotrychž běchu wěriwi Maleje Asije žiwi, pohnuchu s. Jana, zo jim wyše ewangelia tež tónle list napisa, z kotrymž cheyše jich přeswědčenje wobkrućić, zo je Jězus, sluhjený Messias, wěrný Syn Boží, a jich napomínac, zo bychu spóznašli tule wěrnosć w jeje swětle po kaznjach Božich žiwi byli, swětej a jeho wjeselu wotemřeli, a bludnych wučbow so wotrjekli a Boha a bližšeho wěrnje lubowali.

3. Z prjedawších spomnjeńkow wěmy, zo je list bórzy po štwórtym ewangeliju pisany, w poslednim džasatku přnjeho křesćanskeho lěstotka a to w Efesu, dokelž s. japoštoł z Patmoskeho wuhnanstwa pod kejšorom Nerwu so do Efesa wróćiwši tole město na dlějši čas njewopuši.

4. Wopřijeće. List rozpadnje po w nim wopřijatych wučbach do třech džělow, w kóždym wuzběhuje wěrnosć, bóžske byće nastupacu, a přizamkuje k nim wučby za křesćanske žiwjenje.

W zawoźe (1, 1—4) dopomnja cyle z krótku na hlowne wopřijeće ewangelia a na zaměr lista.

W přnim džělu (1, 5 — 2, 28) napomina, so zložuju na wěrnosć: „Bóh je swětle“ (1, 5), zo maja křesćenjo we swětle, t. r. we wěrnosći a póćiwosći khodzić a tohodla po kaznjach Božich žiwi być a so swěta a jeho hrěšneho wjesela wotrjec.

W druhim džělu (2, 29 — 4, 6) žada sebi, na wěrnosć so zložuju: „Khrystus je sprawny“ (2, 29), zo dyrbi so křesćan we sprawnosći wudokonjeć a wučbam so napřećiwjeć, kotrež přja, zo je so Syn Boží wočlowječil.

W napominacym džělu (3, 1 — 4, 6) žada sebi s. Pawoł, zo bychu njebieske kubła lubowali a za nje so starali; prjedawšje hrěšniwosće so wotrjekli a w dobrych počinkach so wuznamjenjeli; zo bychu wšitke stawy swoje wosebite winowatosće dokonjeli, a skónčnje poruča jim wobstajnu modlitwu a mudrosć w rěčenju a skutkowanju.

Na kóncu lista (4, 7—18) rozestaja, čohodla Tichika a Onesima ke Kolossenskim sće, přidawa wšelake strowjenja a prosy, zo by tónle list tež w cyrkwi Laodicejskich čitany był.

8. Prěni list na Thessaloniskich.

1. Thessaloniska wosada. Thessalonika, něhdy Thermae, džensa Saloniki mjenowana, bě hłowne město druheho džěla Macedonije, mjez městami tuteje romskeje provincy najslawniše a najludniše, za překupstwo so derje hodžace, dokelž při brjozy thermajského mófskeho wustupa ležeše a dobry přistaw měješe. Bydlachu tam pohanjo, Greksy a Romscy, ale tež Židža, kotřiž mějachu tam krasnu synagogu (Jap. sk. 17, 1). Z mnohimi přikhadnikami z pohanstwa rozmnožeše so židowska wosada. Na swojim druhim pućowanju přifědže Pawoł do Thessaloniki a wučeše tam na třoch sabatach wo Jezusu, slubjenym a zjewjenym Messiasu; jeno někotři Židža, ale mnozy přikhadnicy a pohanjo přijachu wot njeho wopowědowanu wěrnosć a zjednočichu so k nahladnej křesćanskej wosadze.

2. Zaměr lista. Židža rozhorichu so přećiwo Pawołej (Jap. sk. 17, 5) tak, zo dyrbyeše mlodu wosadu wopuścić, prjedy hač bě ju dosć wuwučil. Měješe tohodla wo nju wulku starosć, a na swojim dalšim puću posła tam z Athena Timothea, zo by ju pokojał a k njemu so wróciwši, wo mlodej wosadze rozprawu podať. Wot njeho s. Pawoł zhoni, zo drje wosada we wěrje a lubosći přiběra, tak zo móže so wěriwym w Macedoniji a Achaji jako přikład poručec (1, 3—10); tola pak buchu tam tež wšelake nje-křesćanske wučby, Knjezowy přikhad k sudej a wosud před tymle přikhadom wumrětych nastupace, rozšěrjane; tež wšelake hrěšne nawučjenja z prjedawšeho pohanskeho wobkhažowanja njeběchu hišće wotstronjene, a druhe nastawachu ze spomnjenych wopačnych wučbow. Z listom chceše s. Pawoł swoju wosadu powučić a tamne nje-dospołnosće porjedzić.

3. List je w lěće 53 w Korinthu pisany, dokelž z Athena posła s. Pawoł Timothea do Thessaloniki a pućowaše potom do Korintha (Jap. sk. 18, 1), hdžež jeho Timotheus, z Thessaloniki so wrócejo, nadeńdže. Hnydom postara so s. Pawoł z listom za swoju wosadu (3, 6).

4. Wopřijeće. Jakož w druhich Pawołych listach namakamy tež tudy krótku narěć a wobzamknjenje a dwaj džělaj. W narěci (1, 1—10) postrowja wosadu a dža-kuje so za plody, kotrež ewangelium mjez Thessaloniskimi njese.

W prěnim džělu (2, 1 — 3, 13) dopomina wosadu na swój wobkhad mjez nimi a na jich zahorjenosć, z kotrejž ewangelium přijachu a na horcu žadosć, kotruž wón za nimi ma, a na lubosć, w kotrejž Boha prosy, zo by jich wutroby we wěrje wobkrucał.

W druhim džělu (4, 1 — 5, 22) napomina wosadnych, zo bychu so přiwučenych hrěchow wotrjekli, w dobrym křesćanskim žiwjenju nadobywali a rozwučuje wo druhim Knjezowym přikhadze.

We wobzamknjenju (5, 23—28) požohnuje a postrowja wosadu a poruča, zo by tónle list wot wšitkich s. bratrow čitany był.

9. Druhi list na Thessaloniskich.

1. Zaměr. Thessaloniscy buchu z nowa přescěhání, wopkazachu so pak wobkrućeni w křesćanskich wěrnosćach a swěrní w křesćanskim žiwjenju. Ale z bluda, Knjezowy přikhad nastupaceho, a w prěnim lišće wotpokazaneho, nasta mjez Thessa-

loniskimi wulki strach a wulka lénjosć wo dokonjenju powołanskich winowatosćow, dokelž ménjachu, zo Knjez w najbližšim času přińdže. S. japoštoł chce jich tohodla z listom powučić, zo Knjezowy přižad tak blisko być njemóže, dokelž znajmjena, kotrež maja před nim so pokazować, so hišće njestawaja, a chce napominać, zo bychy pilnje swoje powołanske winowatosće dokonjeli.

2. List je pisany w času, w kotrymž běštaj Silvanus a Timotheus hišće při Pawole, jeho w japoštołskim džěle podpjerajcy (1, 1), potajkim tež w Korinthu, jakož přeni list, w l. 53 abo na spočatku l. 54, dokelž pozdžišo njenamakamy Silvana dale w Pawołowym towarštwje.

3. Wopřijeće. Tež w tom lišće móžemy tesame 4 džěle rozeznawać, jakož w přnim. W narěči (1, 1—12) dźakuje so po postrowjenju s. Pawoł Bohu za wutrajnu wěru, kotruž Thessaloniscy w přescěhnanjach wopkazachu, a w kotrež stajnje rosćechu, za čož budža wot Boha wěcnje mytowani.

W přnim džělu (2, 1—17) dopokazuje, zo Knjezowy přižad tak blizki być njemóže, dokelž připowědženy wulki wotpad wot wěry so hišće njesta, tohodla njesmědža wěrić falšnym wučbam abo listam, wopačnje jemu připisowanym, ale dyrbyja swěrne wostać dóstatym wěrnosćam.

W druhim džělu (3, 1—15) napomina, zo bychy Thessaloniscy za njeho prosyli, zo by wumóženy byli wot spjećiwych čłowjekow, a wupraji swoju nadźiju, zo wutrajni wostanu w křesćanskim žiwjenju a zo so, hačrunje k hrěšniwosći nakhileni, k dobrym počinkam wobroćeć počnu.

We wobzamknjenju (3, 16—18) požohnuje jich a připisuje ze samotnej ruku postrowjenja, zo bychy tak přeswědčeni byli, zo je list wot Pawola posłany.

Pastyfske listy.

Listaj na Timothea a list na Tita mjenuja so wot najstaršich časow sem pastyfske listy po jich zaměru a wopřijeću. Wučerjo a profetowje rěkachu hižo w starym zakonju pastyrjo. „Ja chcu wam pastyrjow dać, kotřiž budža was pasć z mudrosću a wučbu“ (Jer. 3, 15). Khrystus sam přirunawa sebje a swoje skutkowanje z pastyrjom: „Ja sym dobry pastyř. Dobry pastyř dawa swoje žiwjenje za swoje wowcy“ (Jan. 10, 11) a swoich japoštołow wučese Jězus, zo bychy za wěriwych dobri pastyrjo byli; a tohodla napomina Pawoł měšnikow z Efesa: „Kedžbujće na sebje a na cyłe stadło, w kotrymž je was Duch swjaty jako biskopow postajił“ (Jap. sk. 20, 28). Tak rěkaju z najstaršich časow měšnicy pastyrjo, a rozwučenja, z kotrymiž so do jich zastojnstwa zapokazuja, pastyfske rozwučenja. Tajke rozwučenja maja mjenowane tři listy za swoje wopřijeće. Swjaty Pawoł rozestaja w nich najwažniše winowatosće, najnužniše počinki křesćanskeho wučerja a napomina swojeju wučownikow, kak mataj swoje zastojnstwo dokonjeć. Listy plaća tohodla jako zakładne wučby duchowneho žiwjenja a skutkowanja.

10. Přeni list na Timothea.

1. Timotheus. Na swojim druhim japoštołskim pućowanju přińdže s. Pawoł do mało-asiskeje krajiny Lykaonije, do města Lystra (Jap. sk. 16, 1), hdžež bě hižo na swojim přnim pućowanju křesćansku wosadu załožił. Tu nadeńdže młodźenca Timothea. Jeho nan bě pohan, jeho mać Eunika a tuteje mać Lois běštej rodzenej židowcy a buštej najskeřšo wot Pawola samoho do křesćanskeje cyrkwy přijatej a wuznamjenještej so přez krutu wěru (2. Tim. 1, 5). Wot njeju bu Timotheus derje ku blany a wučeny. Cyła wosada česćeše pócćiweho młodźenca a poručese jeho s. Pawolej, tak zo sebi jeho tutón za swojeho towarša a pomocnika při wopowědowanju s. ewangelia wuzwoli. Wón přewodžese s. japoštoła ze Silasom a Lukašom do Macedonije,

2. Zjewjenje napísa Jan, a to s. Jan japoštoł a evangelista a lubowany wučownik; na to pokazuja wšelake městna w knizy samej; k příkl.: 1, 9: „Ja Jan ... běch na kupje, kotraž rěka Patmos, słowa Božeho a swědčenja Jězusoweho dla.“ Wěmy pak, zo bu japoštoł a evangelista Jan pod kejžorom Domitianom na kupu Patmos do wuhnanstwa pólany, kaž to tež najstarši cyrkwinscy wučerjo jenohłósnje swědča. — Tež ze sedm listow, kotrež spisaćel Apokalypsy sedm cyrkwjam Maleje Asije pisa, sudžimy, zo móžeše jeno japoštoł Jan tak pisać, dokelž bě w Efesu žiwy, bě jako japoštoł tak rjec najwyšši dohladowať tamnych cyrkwjow, kiž jich wobstojenja nanajlěpje znaješe. Tohodla móžeše jich biskopow sprawnje khwalić a swarjeć. — Tež wšelake jeno wot japoštoła Jana w jeho evangeliu a w jeho listach naložowane wurazy a wosebitosće nadeńdzemy tež w Apokalypsy jako dopokaz, zo je owangelista Jan tež tule knihu spisał.

Tež zwonkowne swědčenja, spisy najstaršich časow wobkrućeja, zo je japoštoł Jan Apokalypsu spisał. Justin, sławny řečnik w započatku II. lětstotka, kotryž křescanstwo zamołwješe pola romskich kejžorow a sam martrafskeje smjerće wumř, praji: „Mjez nami je tež muž, z mjenom Jan, jedyn z japoštołow, w jemu datym zjewjenju wěšćil, zo budža, kotřiž do Khrystusa wěra, tysac lět w Jeruzalemje z nim žiwi.“ Runje tak swědči na kóncu II. lětstotka Irenaeus, kotryž ze swojim swědčenjom na swojeho wučerja Polykarpa pokazuje, a tutón bě sam wučomc swjateho japoštoła Jana. Jakož tutaj, tak tež Tertullian, Klement z Alexandrije, Origenes a druzy.

3. Wo měsće, hdže a wo času, hdy bu Zjewjenje spisane, rěči spis sam. W 1. stawje powěda s. Jan cyle jasnje, zo je wěšćenje, kotrež chce křescanskim cyrkwjam napisane přepósłać, sam wot Jězusa Khrystusa dóstał, hdyž na kupje Patmos přebywaše. Dokelž jemu Knjez poruči, zo ma, štož widžešo, tež napisać, směny sudzić, zo je Zjewjenje na samej kupje Patmos napisał a wottam sedm cyrkwjam Maleje Asije pólal. To pak sta so w času kejžora Domitiana, jakož to wěste swědčenja wobkrućeja.

4. Wuložowanje Apokalypsy. Swjaty Jan mjenuje swój spis Apokalypsa t. r. zjewjenje potajneho, wotkryće skhowaného, dotal njeznateho, a praji, zo je Bóh tele zjewjenja Khrystusej podať, a tutón je Janej pokazať (Zjewj. 1, 1). Jan sam bě w tom času „w duchu“, t. r. tak jakož bjez čěla, njedóstawaše wědomosć z čělnymi zmyslami, jakož so to wěšdnje stawa, ale spóznawaše njeposřednje Boha a jeho potajnosće, kotrež njedospołnosće čělnych zmysłow dla spóznac njemóžemy, widzi tež přichodne wěcy jako přitomne, we wšelakich wobrazach a znamjonjach. Tesame su čězko zrozumić, njeda so kóždy króc jasnje rozeznać, što je wobraz, što woprawdžity podawk. Tohodla bu Apokalypsa tež jara wšelako wuložowana. Spomnjenja hódne je třeje wuloženje. a) Přenje ma Apokalypsu za krótku stawiznu křescanskeje cyrkwy; Jězus je najwosobniše podawki wšitkich časow swojeje cyrkwy, wosebje bėdženja a horja, kotrež so ji wot swěta, wodženého wot djabola, přihotuja, z krótká wopisane měć cheyl. Tole wuloženje je jara rozšěrjene, tola jednotliwe wobrazy a znamjenja zrozemja so jara wšelako. b) Druhe wuloženje ma Apokalypsu za wopisanje podawkow časa, w kotrymž bě Jan žiwy; Rom, hłowne město tamnišého swětowého kralestwa a romscy kejžorojo su hłowne wopřijeće Apokalypsy. Tak Apokalypsu wěsće zrozumić njesměmy, njeby džěn profetiska kniha byla, hdyž přitomne podawki wopisuje. c) Třeće wuloženje wuhlada w Apokalypsy podawki poslednjého časa. Stawizny cyrkwy, t. r. čas wot přěnjého přikhada Khrystusowého hač do poslednjého časa so jeno w přěních stawach wopomnja, wot štwórteho stawa sem pak wopisuja so wulkotne podawki, čěrpjenja a čwile, wulke horja a sudy Bože, kotrež w poslednim času swěta na cyrkej Božu a na njewěriwy lud přindu. Tole wuložowanje ma swój podložk w Danielowych profetiskich wobrazach. Kaž Bóh přez Daniela wěšćil [2, 33—35,

41—45; 7, 7—14, 19—27] budza wot toho časa štyri swětowe kralestwa po sebi scěhować: babylonske, medopersiske, grecko-macedonske a romske. Poslednje rozpadnje do dżesać kralestwow, a z tutych wuwiny so skónčnje antikhrystowe najsurowiše swětowe kralestwo. Antikhryst budže tři a poł časa knjezować a lud Boži surowje podtlóčować, potom pak budže jeho kralestwo a kóždy Bohu napřečiwna móc zničena a Syn čłowjeka dóstanje knježstwo nad swětom. W 9, 24—27 pak wopisuje Daniel abo lěpje arcjandžel Gabriel nanajkrótšo přichodne podawki kralestwa a ludu Božeho. Wot skónčenja babylonskeho wuhnanstwa hač do dospołneho dokonjenja ludu Božeho na zemi minje so čas sedmdžesat sedmkow, t. r. tyнденjow (dokelž ma tyнден 7 dnjow), kotrež pak w swojim traću njesu na wěsty čas wobmjezowane. Tutych sedmdžesat tyнденjow rozdzěla profeta Daniel do 7 a 62 a 1 tyнденja. Sedm swětowych tyнденjow minje so wot časa, hdžež džěci Israel dowolnosť dóstachu, z babylonskeho wuhnanstwa so domoj wrócić, hač do přikhada Khrystusoweho na zemju; 62 swětowych tyнденjow budže so město Bože, t. r. křesćanska cyrkej, twarić a rozšěrjeć a trać, hačrunje wšelako podčišćowana. Zo spočatkem sedmdžesateho swětoweho tyнденja zběhnje so antikhryst a budže nad swětom knjezować. Tónle posledni swětowy tyнден džěli profeta do dweju połojcow, po třoch a poł ($3\frac{1}{2}$) časach; w přenjej połojcy wustupi antikhryst, jeho móc nad swětom přiběra, a dosahnje při spočatku druheje połojcy najwyšši stopjeň, a knjezuje nětko ze swojim škódlivym wliwom nad najwjetšim džělom čłowjestwa a podtlóčuje cyrkej Božu na cyłym swěće. Na kóncu druheje połojcy pak budže zničeny, a lud Boži budže dokonjany. Tónle posledni swětowy tyнден wopisuje s. Jan wot IV. stawa Apokalypsy we wulkotnych wobrazach. Antikhrystowe škódlive knjezowanie w swěće, podčišćowanie křesćanow, skónčne přewinjenje a surowe khostanje antikhrysta a jeho přiwiska a sławne dobyće Khrystusowe a bohate myto wěriwych je hłowne wopřijeće Apokalypsy.

5. Wjacykróć lubješe Jězus swojim wučownikam, zo po swojim woteńdženju ze swěta něhdy zas přińdže, přewodžany wot surowych znamjeni na njeby a na zemi. A hdyž na štyrcetym dnju po swojim wot smjerće-wstaću sławnje do njeby spě, připowědašaj dwaj jandželaj jeho druhi přikhad prajicy: „Mužowje galilejcy, što tu stojće do njeby hladajcy? Tón Jězus, kotryž je před wami do njeby wzaty, tak zaso přińdže, jako sće widželi jeho do njeby spěć (Jap. sk. 1, 11).

Nowy přikhad zbóžnikowy k sudej na kóncu wšoho časa je hłowna myslička Apokalypsy, na kotruž so přecy pokazuje, z kotrež dyrba so wěriwi w jich horjach a ćežkich přesěhanjach pokojeć a we wutrajnosći wobkrućć.

6. Apokalypsa je zestajena ze zawoda a dweju hłowneju sebi njeruneju džělow a z wobzamknjenja. Rjádka (1, 19) na tuto džělenje pokazuje: „Napiš, štož widžeše, štož je, a štož ma so stać po tom.“ „Štož widžeše“ pokazuje na widjenje, w 1, 9—18 wopisane, kotrež je Zawod apokalypsy; „štož je“, chce prajić, zo by Jan napisał, što widžane wěcy, sedm swěćnikow atd., znamjenjeja, a „štož ma so stać potom“, rěka, zo by Jan tež napisał, štož w nastupanju přichodneho časa wuhlada. Štož widžeše a štož je, wopřija zawod w přěnim stawje; štož ma so potom stać, je wopřijeće dweju džělow; přěni mjeńši je w 2. a 3. stawje a druhi wot 4. hač do 22. stawa wopřijaty.

Přěni džěl wopřija sedm listow, kotrež mješe Jan po Knjezowej poručnosći sedm hłownym cyrkwjam Małejo Asije pisać; w nich khwali wěru a wobstajnosť biskopow a wěriwych tamnych wosadow, hrozy tamnym, kotřiž běchu liwcy a we wěrje slabi, z khostanjem. Hač runje běchu tamne wosady wo prawdže wobstojace biskopske wosady, móžemy je tola tež za wobrazy cyłej cyrkwy Khrystusoweje měć, dokelž podobne dospołnosće a slabosće, podeńdženja a wobstojnosće nadeńdžemy tež w druhich cyrkwjach, a z cyła w cyrkwi; a tak wopřija sedm listow krótke cyrkwinske stawizny, založenje a rozšěrjenje a znutřkowne žiwjenje cyrkwy, po tajkim 62 swěto-

wych tyždenjow profety Daniela. Zo je tónle tak dolhi čas woprijacy džěl tak krótki, njesměny so džiwać, dokelž wšo, štož měješe cyrkej w tom času wědžeć, je w ewangeliach hižo prajene.

Druhi džěl wot 4. st. hač do 22,5 wopisuje posledni čas, a štož budže so w nim podawać; 4. staw wopisuje městno, na kotrymž so podawki poslednjeho časa přihotuja, je tak rjec zawod k tomu, štož ma sčehować; a w tom móžemy troyi čin (akt) rozeznawać.

Prěni dosaha 5, 1—11, 14 a wopija přenju položcu poslednjeho swětowego tyždenja; 5, 1—14 wopisuje so widženje knihi ze sedmi zyglami a Jehnjeća; 6, 1—17 wotewrjenje přenich šěsć zyglow potajneje knihi; 7, 1—17 wopija dwoje widženje, kotrež přihotujetej wotewrjenje sedmeho zyglu, wopisane w 8, 1—11, 14. Po wotewrjenju sedmeho zyglu sčehuja widženja šěsć přenich trubow, 8, 1—9, 21; před widženjom sedmeje truby wěšći so zahubjenje křesćanstwu napřećiwneho židowstwa, 11, 1—14; na tole wěšćenje přihotuje widženje wotewrjeneje knihi, kotruž Jan póžrě 10, 1—11; z widženjom sedmeje truby 11, 15—19 wopisuje so khwalbny spěw w njebiesach nad dobytym knježstwom a z tym je přěni čin poslednjeho swětowego tyždenja, jeho přěnja položca skónčena.

Druhi čin dosaha wot 12, 1—20, 6; najprjedy 12, 1—14, 5 wopisuja so z wulkotnymi wobrazami wobstojnosće cyrkwje Khrystusoweje a swětowego cyrkwi napřećiwneho kralestwa w druhej položcy poslednjeho časa. Tole wopisanje je wobzamknjene z luboznym wobrazom, předstajacym, kak so swěrna, knježniska wosada wokolo Jehnjeća w njebieskim Sionje zhromadža. 14, 6—16, 27 pokazuja na předpósly sudu, jeho bliženje a wopisuja pod wobrazom sedmich mjedžeńcow huěwa Božeho, z kajkimi čwilemi budže Bóh křesćanstwu njepřećelny swět khostać; 17, 1—20, 6 předstaja sud samón; najprjedy dokonja so nad babylonskej kurwu, t. r. nad hlownym městom swětowego, křesćanstwu napřećiwneho kralestwa; potom sudža so antikhryst a jeho pomocnicy, falšni profetowje a na posledku wuspina so satan, mjez tym jeno na čas tysac lět; w tomle času ponjesa cyrkej w měrjo swoje najposledniše, najrjeńše płody.

Třeći čin dosaha wot 20, 7—22, 5, a wopija dokonjenje swěta. Najprjedy, 20, 7—15 wopisuje, kak wotwjazany satan z nowa wšě swoje mocy hromadži, zo by cyrkej Khrystusowu zničil. Ale podarmo; nahle přińdže na jeho skónčny sud, kotryž jeho wěčnje do helskeje hlubiny zastorči; na to mortwi stawaja a sudža so žiwi a mortwi; potom 21, 1—22, 5 wopisuje so wobnowjenje a překrasnjenje njeby a zemje. Z wobšěrnym wopisanjom nowoho, z njebies přikhadžaceho Jeruzalema je druhi džěl Apokalypsy wobzamknjeny.

Na kóncu (22, 6—21) stoji troye wobkrućenje wšitkich wopisanych widzenjow a wobswědčenje s. profety, kotrež sebi z hrožacymi słowami žada, zo dyrbi wěšćenje njepřeměnite wostać.



SWJATE EVANGELIUM JĚZUSA KHRYSTUSA PO MATEJU.

STAW I.

Wot kotrych přjedownikow je Jězus po mjasu rodzeny. Jandžel powučí Józefa, zo je jeho slubjena, Marija, podjala a koho porodzi.

Kniha naroda* Jězusa Khrystusa, syna Davidoweho, syna Abrahamoweho.

2. Abraham splodži Isaaka. Isaak pak splodži Jakuba. Jakub pak splodži Judasa a jeho bratrow. 1. Mójz. 21, 2.

3. Judas pak splodži Faresa, a Zaru z Thamary. Fares pak splodži Esrona. Esron pak splodži Arama. 1. Mójz. 38, 29.

4. Aram pak splodži Aminadaba. Aminadab pak splodži Naassona. Naasson pak splodži Salmona. 4. Mójz. 7, 12.

5. Salmon pak splodži Booza z Rahaby. Booz pak splodži Obeda z Ruthy. Obed pak splodži Jessea. Jesse pak splodži Davida krala. Ruth 4, 21.

6. Kral David pak splodži Salomona z teje, kotraž běše Uriasowa. 2. Kral. 12, 24.

7. Salomon pak splodži Roboama. Roboam pak splodži Abiasa. Abias pak splodži Asu. 3. Kral. 11, 43.

8. Asa pak splodži Josafata. Josafat pak splodži Jorama. Joram pak splodži Oziasa.

9. Ozias pak splodži Joathama. Joatham pak splodži Achaza. Achaz pak splodži Ezechiasa. 2. Paral. 26, 23.

10. Ezechias pak splodži Manasses. Manasses pak splodži Amona. Amon pak splodži Josiasa. 2. Paral. 32, 33.

11. Josias pak splodži Jechoniasa a jeho bratrow we babylonskim přesydlenu.

12. A po babylonskim přesydlenu Jechonias splodži Salathiel. Salathiel pak splodži Zorobabela.

13. Zorobabel pak splodži Abiuda. Abiud pak splodži Eliakima. Eliakim pak splodži Azora.

14. Azor pak splodži Sadoka. Sadok pak splodži Achima. Achim pak splodži Eliuda.

15. Eliud pak splodži Eleazara. Eleazar pak splodži Mathana. Mathan pak splodži Jakuba.

16. Jakub pak splodži Józefa*, muža Marije, z kotrejež so narodži Jězus, kiž rěka Khrystus.

17. Wšech narodow potajkim wot Abrahamha hač k Davidej (bě) štyrnaće narodow; a wot Davida hač k babylonskemu přesydlenu štyrnaće narodow; a wot ba-

I. 1. Swjaty scénik Matej chce Židow přesvědčič, zo je Jězus, kiž je mjez nimi jako Messias wustupował, wopravdže potomnik patriarchow a krala Davida, z kotrychž měješe so po swědčenju profetow narodžić. Slovo „syn“ trjeba so w swjatym pismje husto za „potomnik“; a slovo „wótc“ za „předownik“. — 16. Wo Józefje njepřaji so, zo je Jězusa splodžił, ale zo bě muž Marije, kotraž je Jězusa wot Ducha swjateho podjala; jako muž Marije pak běše Józef zakonski wótc Jězusowy, a pola Židow, kaž tež pola Rómskich měješe zakonske wótcowstwo abo synowstwo te same prawa, kaž přinaroždžene wótcowstwo abo synowstwo. Potajkim bě Jězus zakonšcy přez Józefa potomnik Abrahamowy a Davidowy. K tomu pak bě wón Davidowy potomnik tež přez Mariju, dokelž bě wona jenička swojeje swójbje, na kotruž tohodla prawa přenarodženeho syna přendžechu, a tohodla móžeše so wona jeno slubić z mužom swjeho splaha. Hdyž bě so wona z Józefom slubiła, kiž bě potomnik Davidowy a Abrahamowy, je z tym dopokazane, zo je tež wona z Davidoweho splaha byla. Tak bě Jězus přez swoju mać Mariju tež wopravdžity krejny potomnik Abrahamowy a Davidowy.

bylonskeho přesydljenja hač do Khrystusa štyrnaće narodow.

18. Khrystusowy narod pak sta so takle: Hdyž bě jeho mać Marija z Józefom slubjena*, prjedy hač so zeńdžeštaj, bu namakana, zo ma w živoće wot Ducha swjateho.

19. Józef pak, jeje muž, kiž běše sprawny a nochcyše ju hańbje wustajić, chcyše ju skradžu wot so pušćić.

20. Hdyž pak na to mysleše, hlej, zjewi so jemu jandžel Knjeza we snje, prajo: Józefje, syno Davidowy, njebój so Mariju, swoju mandželsku, k sebi wzać; přetož štož je we njej rodžene, je wot Ducha swjateho.

21. Porodži pak syna a narjeknješ jeho mjeno Jězus; přetož wón wumóže swój lud wot jich hrěchow*.

22. To wšitko pak je so stalo, zo by so dopjelnilo, štož je prajene wot Knjeza přez profetu, kiž praji:

23. „Hlej, knježna podejmje a porodži syna, a jeho mjeno budža rěkać Emmanuel, štož je přeložene: Z nami Bóh.“ Is. 7, 14.

24. Wotućiwiš pak Józef ze spanja sčini, kaž bě jemu jandžel Knjeza přikazał, a wza swoju mandželsku k sebi.

25. A njepózna ju, hač porodži swojeho přenjordženeho syna, a narjekny jeho mjeno Jězus*.

STAW II.

Kak su mudri ke Khrystusej, hdyž so narodži, z darami přišli. Wo Herodesowej surowosći přeciwo džěcatkam, wo Jězusowym čeknjenju do Egiptowskeje a wo jeho wróćenju do israelskeho kraja.

Hdyž pak bě so Jězus narodził w Bethlehemje Judowym we dnjach krala Herodesa, hlej, přindžechu mudri z ranja* do Jeruzalema,

2. Prajicy: Hdže je, kiž je so narodžil kral Židow? Přetož smy widželi jeho hwězdu w ranju* a smy přišli k njemu so modlić.

3. Wudyšawši pak kral Herodes stróži so* a cyły Jeruzalem z nim.

4. A zhromadziwši wšitkich wyšších měšnikow a pismawučenyh ludu, wuprašowaše so jich, hdže by so Khrystus narodžil.

5. Woni pak prajachu jemu: We Bethlehemje Judowym; přetož tak je pisane přez profetu:

6. „A ty Bethlehemje w kraju Judowym njejsy wšak najmenšnje njez wječhami Judy; přetož z tebje wuńdže wójwoda, kiž by wodžil mój lud Israel.“

Mich. 5, 5.

7. Tuž Herodes skradžu mudrych powola, a pilnje wuprašowaše so jich čas hwězdy, kotraž bě jim so zjewila*.

8. A pósławši jich do Bethlehema rjekny: Džiće a prašejće so pilnje za džěcat-

18. Pola Židow plaćeše mandželstwo wot časa slubjenja, hač runje nawoženja swoju slubjenu wjacu měsacow pozdžišo najbóle z kwasnej swjatočnosću do swjeho domu přija. Nochcyše-li ju přijěć, měješe jej, jako mandželskej, rozdžěleński list podať. — 21. Mjeno Jězus znamjenja wumóžnik, wuswobodźež ze zajěća, poddanstwa atd. Židža wočakowachu dawno wumóžnika, w poslednim času pak wosebje tajkeho, kiž by jich z romskeho poddanstwa wuswobodził, mócného swětného krala. Jandžel pak tu prawy zmysl wumóžnika zjewi prajo, zo wón swój lud wot hrěchow wumóže. — 25. Te słowa chcedža z nowa wobkrućić, zo je Jězus wot Ducha swjateho podjaty; z nich njesćěhuje, zo je Józef po Jězusowym narodžě Mariju spóznał; přenjordženy syn znamjenja tudy jenički syn.

II. 1. Mudri, to rěka: wučeni mužowje, kotřiž kedžbowachu a znajachu wosebje hwězdy a jich puće; běchu najskerje z Arabiskeje. — 2. W ranišim kraju bě něhdy Balaam wěšćil wo hwězdie, kotraž „z Jakuba zeskhadža“, 4. Mójz. 24, 17. Tak wočakowachu tam mócného krala ze Židow, kotrehož přikhad so z hwězdu wozjewi. Swjate pisma Židow njeběchu tam cyle njeznate. Powěda so tež, zo su tjo mudri kralowje byli, štož je lohcy móžne; běchu wječchowje mjeńšich ludow, kotřiž wědomosć a knjejstwo w sebi zjenočachu. — 3. Herodes boješe so wo swój trón; wón bě přeni cuzbnik wot Romskeho na židowski trón sadženy a z tym bě čas přišoł, w kotrymž bu sceptař wot Judy wšaty, kaž bě patriarch Jakub wěšćil. 1. Mójz. 49, 10. Tež Jeruzalemscy wobydlerjo so stróžichu, nic z lubosće k Herodesej, ale z bojosće před nowymi překorami a zběžkami. — 7. Zo by tak móhl na starobu džěsa sudić.

kom, a hdyž je namakaće, powězće mi, zo bych tež ja přišedši k njemu so modlil.

9. Woni pak, hdyž běchu krala slyšeli, woteńdžechu. A hlej, hwězda, kotruž běchu w ranju widželi, džěše před nimi, hač přišedši zasta nad městnoim, hdžež běše džěcatko.

10. Wuhladawši pak hwězdu zwjeselichu so z jara wulkej wjesolósću.

11. A zastupiwiši do domu namakachu džěcatko z Mariju jeho maćerju a poklanknywiši modlachu so k njemu*; a wotwriwiši swoje poklady, woprowachu jemu dary, zloto, kadzídlo a myru.

12. A hdyž bě so jim we snje zjewilo, zo bychu k Herodesej nješli, wróćichu so po druhim puću do swójeho kraja.

13. Hdyž běchu woni wotešli, hlej, zjewi so jandžel Knjeza we snje Józefej, prajo: Wstań, wzmi džěćo a jeho mać a ćekń do Egiptowskeje, a budź tam, hač ći powěm; přetož Herodes budže džěćatko pytać, zo by je moril.

14. Wón wstanywši wza džěćatko a jeho mać w nocy a woteńdže do Egiptowskeje.

15. A wosta tam hač do Herodesowej smjerće, zo by so dopjelnilo, štož je prajene wot Knjeza přez profetu, kiž praji: Z Egiptowskeje powolać swójeho syna. Os. 11, 1.

16. Tuž Herodes spózna, zo je zjebany wot mudrych, rozhněwa so jara, a wupósławši da morić wšitke hólcátka, kotrež běchu w Bethlehemje a wšěch jeho

pomjezach, dwělětna a mlódše, po času, kotryž bě so doprašal wot mudrych.

17. Tehdy dopjelni so, štož je prajene přez profetu Jeremiasa, kiž praji:

18. „Hlós bu slyšany w Ramje, plač a wulka žalósć. Rachel plaka pře swojich synow, a nočeyše so změrować, dokelž njejsu.“* Jer. 31, 15.

19. Hdyž bě Herodes wumrěl, hlej, zjewi so jandžel Knjeza we snje Józefej w Egiptowskeje,

20. Prajo: Wstanywši wzmi džěćo a jeho mać a ćekń do kraja israelskeho; přetož wumrěli su, kotřiž džěću za žiwjenjom džěchu.

21. Wstanywši wza wón džěćo a jeho mać a přinďže do kraja israelskeho.

22. Wuslyšawši pak, zo Archelaus we Judeji kraluje město swójeho nana Herodesa, boješe so tam hić a we snje napominany, woteńdže do krajiny Galileje.*

23. A přišedši bydleše we měsće, kotrež rěka Nazareth, zo by so dopjelnilo, štož je prajene přez profetow: wón budže Nazarenski rěkać.*

STAW III.

Jan křćenik předuje pokutu w pusćinje, kaž je Isaias wěšćil; před ludom při nim zhromadženym porokuje farisejam a saducejam a wuči, zo bychu hódné plody pokuty přinjesli a kak so jeho křćenca wot Jězusowej rozeznawa. Na Khrystusa wot Jana křćeného přinďže Duch swjaty, a Wótcowy hlós je z njehjes slyšeć.

We wonych dnjach* pak přinďže Jan křćenik a přédowaše w pusćinje judejskej.

11. Swjeći wótcowje wuča, zo su tři mudri přez rozswětlenje Bože w džěću Syna Božeho spózna; na to pokazuja tež dary, kajkež so jeno Bohu a kralam woprowachu. — 18. Rachel bě mać egiptowskeho Józefa, kotraž bě w Bethlemje polrjebana; tudy měni so Bethlehemska krajina. — 22. Po smjerći Herodesa Suroweho bu judejske kralestwo rozdžělene mjez jeho třoch synow. Archelaus, tajki surowy kaž nan, dósta Judeju a Samariju z Jeruzalemom a Bethlehemom; Herodes mlódši z přimjenom Antipas pak Galileju a Pereju; Filip dósta Itureju, Bataneju, Auranitis a Trachonitis. — 23. Přez profetow, to rěka: nic po pismiku, ale po zmysle mjenuja profetowje Jězusa „Nazarenskeho“. W hebrejskim rěka słowo „nazar“ skhować, zakitować, a wot tutoho słowa ma tež městačko Nazareth, kotrež bě za Jězusa woprawdžita „skhowanka“, swóje mjeno. Jězus rěka pola profetow, na příklad pola Zach. 9, 9: zakitany, wumóženy. Tamne hebrejske słowo pak znamjenja tež tak wjele jako „wotnožka, wukorjeń, prućik“, a podobnje mjenuje so tež Jězus, n. př. pola Isaiasa 11, 1; Jerem. 23, 5 atd.

III. 1. Po swj. Lukašu 3, 1 sta so to w 15. lěće knježenja romskeho kejžora Tiberia, w lěće 28 křesćanskeho časa.

2. A praji: Činíce pokutu, přetož přiblížilo je so njebieske kralestwo*.

Mark. 1, 4; Luk. 3, 3.

3. Přetož tutón je, kotryž je mjenowany přez profetu Isaiasa, kiž praji: „Hlós wołaceho we pusćinje: přihotujće Knjezowy puć, runajće jeho šćežki.“ Mark. 1, 3; Luk. 3, 4.

4. Jan sam pak nošeše drastu z kamelowych kosmow, a kožany pas wokoło svojich hjedrow; jeho jědž pak běchu skóčki a lěsny měd.

5. Tehdy wukhadžeše k njemu Jeruzalem a cyła Judeja a cyła krajina wokoło Jordana.

Mark. 1, 5.

6. A dachu so wot njeho křćić we Jordanje wuznawajcy swoje hrěchi.

7. Hdyž pak wjele farisejow a saducejow* k swojej křćeńcy přihadžeć widžeše, praji jim: Ješćerči splaho, štó je wam pokazal čeknyć přichodnemu hněwej?

Luk. 3, 7.

8. Tohodla činíce hódne plody pokuty.

9. Nječhajće rjec sami při sebi: Abrahama mamy za wótca; přetož praju wani: Bóh móže z tutech kamjeni Abrahamej džěći zbudzić.

Jan. 8, 39.

10. Přetož hižo je sekera korjenjej štomow přiložena. Kóždy štom pak, kiž dobrego plodu njenjese, budže wurubany a do wohnja čisnjeny.

11. Ja drje křću was z wodu k pokuće*; kotryž pak po mni přinǵđe, je móćniši dyžli ja, kotrehož wobuće nosyć

hódnny njejsym; tón samy budže was křćić z Duchom swjatym a z wohnjom.

Mark. 1, 8; Luk. 8, 16; Jan. 1, 26.

12. Wón na wějawku we swojej ruce, a wučisći swoje huno, a zhromadži swoju pšenicu do bróžnje, pluwy pak spali z nje-wuhasliwym wohnjom.

13. Tehdy přinǵđe Jězus z Galileje při Jordanje k Janej, zo by so křćić dal wot njeho.

Mark. 1, 9.

14. Jan pak wobaraše jemu prajo: Mi je trjeba, zo bych wot tebe křćeńcy byl, a ty džeš ke mni?

15. Wotmolwjejo pak rjekny jemu Jězus: Dopuść jeno, přetož tak so nam sluša dopjelnić wšitku sprawnosć. Tuž dopuść jemu.

16. Jězus pak wukřćeńcy wustupi hnydom z wody, a hlej, njebiesa wotewrichu so jemu a wón wuhlada Ducha Božeho jako holbja zestupowaceho a nad njeho přihadžaceho. Luk. 3, 22; 9, 35; 2. Pětr. 1, 17.

17. A hlej, hlós z njebies praji: Tutón je mój lubowany Syn, na kotrymž nam swoje spodobanje.*

STAW IV.

Jězus předoby po štyrcećidnjowskim posće djabolske spytowanja a po Janowym zajěcu zdali so do Kafarnauma a přěduje pokutu. Ryhakow Pětra a Handrija, Jakuba a Jana k sebi powoła, tež Galilejskim ewangelium wozjewjejo. Hoji wšelake khorosće, wot ludu přewodžany.

Tehdy bu Jězus wot Ducha* do pusćiny wjedženy, zo by wot djabola spytowany byl.

2. Njebieske kralestwo t. j. duchowne kralestwo, kotrež Messias na zemi založi, a w kotrymž njebudže djabol a hrěch knježić, ale wěrný Bóh a póćiwosć; je to Klhristusowa cyrkej na zemi.

— 7. Farisejowje a saducejowje běchu židowske sekty. Farisejowje dopjelnjachu z wulkej swěru čłowjeske přistajenja w Božim zakonju, jón samón pak njewobkedžbuicy přecowachu so za zwonkownej sprawnosću, a přestupowachu zakon Boží w jara wážnych wěcach. Saducejowje běchu lohomyslni ludžo, kotřiž wšelake wěrnosće wěry přejachu. Wobě sekce mysleštej sebi, zo so jeju wučby w nowym Messiasowym rjedže wokruća. Hdyž pak spóznachu, zo tak njebudže, njedachu so křćić.

— 11. Janowa křćeńca bě jeno ceremonija, z kotrež so křćení k pokuće a zastupěj do kralestwa Božeho swjećachu, njeskutkowaše znutřkowne čisćenje a wodaće hrěchow, njewudźěleše duchowne hnady, kajkež měješe Klhristusowa křćeńca we sebi; Klhristus a jeho cyrkej budže křćić z Duchom swjatym a z wohnjom t. r. křćenym wudźěla so dary Ducha swjateho, kiž pod znamjenjom wohniwych jazykow nad japoštolow přinǵđe, a zahorja we jich wutrobach płomjenja swjateje lnbosće. — 17. Hnydom na spóčatku Jězusowego wučerstwa zjewi so potajnosć najswjećijeje Trojicy, w mjenje kotrejež Jězus tutón swět wopuśćejo swjatu křćeńcu wšitkim ludam wudźělic poruči.

IV. 1. Wot Ducha t. j. wot Ducha swjateho. Jako bu přeni čłowjek Adam, wóće čłowjestwa, wot djabola spytowany, tak cheyše Jězus, nowy Adam, wóće noweho splaha, spytowany być, zo by z nowa dobył, štož bě přeni Adam zhubił, a zo by přikład zawostajił, kak mamy djabolske spytowanja předobyć.

2. A hdyž bě štyrceci dnjow a štyrceci nocow* so posćil, potom bu hlódny.

3. A přistupiwši spytowať* k njemu rjekny: Sy-li syn Boží, praj, zo bychu tute kamjenje khlěby byle.

4. Wotmołwejo pak wón rjekny: Pisane je, wot samoho khlěba njeje čłowjek žiwy, ale wot kóžděho słowa, kotrež wukhadža z Božeho rta. Luk. 4, 4.

5. Tuž wza jeho djabol do swjateho města a staji jeho na wjerch templa.

6. A rjekny jemu: Sy-li syn Boží, pušć so dele; přetož je pisane: Swojim jandželam je tebje dla poručil, a budža će na rukomaj nosyć, zo trjebaj njeby twoju nohu wo kamjenj storčil.

Ps. 90, 9 a dr.

7. Jězus praji jemu: Zaso je pisane: Njedyrbiš spytować Boha swojeho Knjeza.

5. Mójz. 6, 16.

8. Z nowa wza jeho djabol na jara wysoku horu, a pokaza jemu wšitke kralestwa swěta a jich krasnosť.

9. A rjekny k njemu: To wšitko tebi dam, jelizo poklaknywši ke mni so modliš.

10. Tuž praji jemu Jězus: Dži wote mnje, satanje! přetož je pisane: Ke Knjezej, swojemu Bohu, dyrbiš so modlić a jemu samomu služić. 5. Mójz. 6, 13.

11. Tuž wopuští jeho djabol a hlej, jandželowje přistupichu a služachu jemu.

12. Hdyž pak bě Jězus slyšal, zo je Jan zajaty*, woteřdže do Galileje.

Mark. 1, 14; Luk. 4, 14; Jan 4, 43.

13. A wopušćiwši město Nazareth přinǵe a bydleše we Kafarnaumje při morju na pomjezach Zabulon a Neftalim,

14. Zo by so dopjelnilo, štož je prajene přez profetu Isaiasa:

15. „Kraj Zabulon a kraj Neftalim, pušć při morju za Jordanom, pohanska Galileja,

16. Lud, kiž we čmě sedžeše, wuhlada wulke swětlo, a sedžacym w krajiny smjertneho khlódka je swětlo zeskhadźalo.“

Is. 9, 1. 2.

17. Wot toho časa poča Jězus předowac a prajić: Činće pokutu, přetož njebieske kralestwo je so přibližilo.

Mark. 1, 14—21; Luk. 5, 2—11.

18. Khodžo pak při galilejskim morju wuhlada Jězus dweju bratrow, Symana, kiž Pětr rěka, a Handrija jeho bratra, kotrajž syć do morja pušćeštaj; přetož běštaj rybakaj.

19. A rjekny k nimaj: Pójtaj za mnu, a sćinju z waju rybakow ludži.

20. Wonaj pak hnydom wostajiwši syće, jeho scěhowaštaj.

21. A hdyž wottudy džěše, wuhlada dweju druheju bratrow, Jakuba syna Zebedeja a Jana jeho bratra we lódži, kotrajž ze Zebedejom, swojim nanom, swoje syće porjedžeštaj; a powola jeju.

22. Wonaj pak hnydom wostajiwši syće a nana, jeho scěhowaštaj.

23. A Jězus khodžeše po cyłej Galileji, wučo we jich synagogach a předujo wjesole powěstwo wo kralestwje a hoješe wšitku khorosć a wšitku slabosć we ludze.

24. A powěsć wo nim rozeřdže so po cyłej Syriji, a přinjesechu k njemu wšitkich khorych, na wšelake slabosće a čwěle čěrpjacych, a kotřiž mějachu djabliaka, a naměsačnych a wiciwych, a wón wustrowi wšitkich.

25. A jeho scěhowachu wulke črjódy z Galileje, a z krajiny Džesać městow*

2. Tak dołho posćeše so Mójzes (3. Mójz. 9, 9. 18), tež Elias (3. Kral. 19, 8). — 8. Spytowať, t. j. djabol najskerje w čłowjekeje podobnosći, a spytowaše jeho najprjedy z mjasnymi požadosćemi, kotrež za spokojenjom žadaju druhdy tež přećiwu kaznjam Božim, potom z hordosću, kotraž so přećiwu Bohu skhrobli na sebje so spušejo, a skónčnje ze žadosću za tym, štož swět poskičuje. Wšitke spytowanja, kotrež na čłowjeka přinǵu, wukhadźeju pak z mjasnych požadosći, pak z hordosće ducha, pak z požadanja toho, štož woči widětej. — 12. Jan bu zajaty wot Herodesa z přimjenom Antipaa, hlad. 14, 8. — 25. Krajina Džesać městow ležeše wot galilejskeho morja k ranju a měješe mjeno wot džesać městow, kotrež tam ležachu, a w kotrychž z wjetša pohani bydlachu.

a z Jeruzalema a z Judeje a z druheje strony Jordana. Mark. 3, 7; Luk. 6, 17.

STAW V.

Jězus wuči wósm zbóžnosći, mjenuje japoštołow sól zemje a swětło swěta; zo njeje přišoł, zo by zakon abo profetow zběhnył, ale dopjelnił; napomina, zo so nimamy na bratra hněwać, ale so z nim wujednać; zo žónska so požadać njesmě, zo ma so pohóršowacy staw wotrubnyć, zo so mandželska nima pušćić, khiba dla mandželstwałamanja; nimamy ani přisahać ani złemu so přećiwić. Njepřećelow dyrbymy lubować.

Wuhladawši pak Jězus črjódý, woteńdže na horu*, a hdyž bě so synyl, přistupichu k njemu jeho wučownicy.

2. A wotewriwši swój rot wučese jich prajo:

3. Zbóžni* su khudži po duchu, dokelž jich je njebyjeske kralestwo. Luk. 6, 20.

4. Zbóžni su čichomyslni, dokelž woni budža zemju wobsedzieć. Ps. 36, 11.

5. Zbóžni su, kotřiž so rudža, dokelž woni budža změrnjowani. Is. 61, 13.

6. Zbóžni su, kotřiž su hlódni a lačni po sprawnosći, dokelž woni budža nasyceni.

7. Zbóžni su milosćiwi, dokelž woni milosć dóstanu.

8. Zbóžni, kotřiž su čisteje wutroby, dokelž woni budža Boha widzieć. Ps. 23, 4.

9. Zbóžni su měrniwi, dokelž budža džěći Bože rekać.

10. Zbóžni su, kotřiž přescěhanjo ćěrpja, sprawnosće dla, dokelž jich je njebyjeske kralestwo. 1. Pětr. 2, 19.

11. Zbóžni sće, hdyž budža was hanić a přescěhać a wšitko zle na was rěćeć lhajcy, nje dla;

12. Wjeselće a radujće so, dokelž waše myto je wulke w njebyjesach. Přetož tak přescěhachu profetow, kotřiž prjedy was běchu.

13. **Wy** sće sól* zemje. Zestuchnje-li sól, z čim budže so selić? k ničomu so wjacj njehodźi, khiba zo so won wysypnje a wot ludźi rozteppe.

Mark. 9, 49; Luk. 14, 34.

14. Wy sće swětło swěta*. Město, kotrež na horje leži, njemóže skhowane wostać.

15. Tež njezaswěćeja swěcu, zo bychu ju pod sudowjo stajili, ale na swěćnik, zo by swěćila wšitkim, kotřiž su w domje.

Mark. 4, 21; Luk. 8, 16; 11, 33.

16. Tak njech so swěći waše swětło před čłowjekami, zo bychu widźeli waše dobre skutki, a khwalili wašeho Wóta, kiž je w njebyjesach. 1. Pětr. 2, 12.

17. **Njemysleće** sebi, zo sym přišoł zběhnyć zakon abo profetow; njejsym přišoł zběhnyć, ale dopjelnić.

18. Přetož zawěrnó praju wam: doniž njezańdže njebyjo a zemja, njeminje so ani pismik ani dypk ze zakonja, hač so wšitko stanje. Luk. 16, 17.

19. Štóz by tohodla jenu z tutych najmjeńšich* prikazni zběhnył a ludźi tak wučil, budže najmjeńši mjenowany w njebyjeskim kralestwie; štóz pak by je

V. 1. Hora pokazuje so nětko hišće njedaloko Genezaretha pod mjenom „hora wósm zbóžnosći“. — 3. Wósm zbóžnosće wobjimaja tři skhodźenki, kotrež k Bohu wjedu; wučisćenje wot wšoho, štož je hrěšne přez ponižnosć, čichomyslnosć a pokutu; swjatosćenje přez žadosć za křesćanskimi počinkami, wosełje přez lubosć a smilnosć; zjednoćenje z Bohom přez čistotu, měr a pokoj wutroby, a podwolne podaće do Božej wole w ćěrpjenjach. S. Augustin praji: Z čim dobudžeš sebi Bože kralestwo? z khudobu knjejstwo, z bolosću wjeselosć, z džělom měr, z nizkosću krasnosć, ze smjerću žiwjenje. — 13. Sól zemje t. r. jako je sól třěbna, zo bychu so jědže z njej selile a tak čłowjekam słodžale a tyłe, tak su japoštołowje a služownicy Boží za lud třěbni, zo bychu jón ze swojim wučěnjom a prikladom k dobrym počinkam nawjedowali, a k njebyjeskej zbóžnosći přiwjedli. Jako sól před skazeńjom a zhnićom zakituje, tak mějachu tež japoštołowje a maju služownicy Boží z napominanjom a tež z khostanjom hrěšniwosć a njechmanstwo podušeć a lud w bohobojosći zdźerjeć. Lud dyrbi tohodla měšnikow, kotřiž jón před duchownej plěsniwosću zakituja, česćić a z poslušnosću podpjerać. — 14. Swětło swěta t. r. japoštołowje dyrhja njewědomosć ze swojimi wučbami rozswětlič a lud k spóznaću prawdy přiwjesć; tohodla njesmědža so khować, ale jako so město na horje wšitkim pokazuje a na swěćniku wšitkim swěći, tak maju woni tež prawdu wšitkim wozjewjeć. — 19. Farisejowje spokojichu so, hdyž zakon swonkownje po pismiku dopjelnichu, prikazuje pak,

činil a wučil, budže wulki mjenowany
w njebieskim kralestwje. Jak. 2, 10.

20. Přetož praju wam, njebudže-li waša
sprawnosć dospolniša, dyžli pismawuče-
nych a farisejow, njeprjindžeće do nje-
bieskeho kralestwa. Luk. 11, 39.

21. Slyšeli sće, zo bu starym* prajene:
Njedyrbiš mordować; štóž pak by moril,
budže sudu winowaty. 2. Mójz. 20, 13.

22. Ja pak wam praju, zo budže kóždy,
kiž so na swojeho bratra hněwa, sudu
winowaty. Štóž pak swojemu bratřej rjek-
nje: raka, budže (wysokeje) rady wino-
waty. Štóž pak rjeknje: Blaznje, budže
helskeho wohnja winowaty.

23. Hdyž tohodla swój dar k wołtarjej
prinjeseš a tam so dopomniš, zo ma twój
bratr něšto přeciwo tebi,

24. Wostaj tam swój dar před wołtarjom
a dži najprjedy so zjednać ze svojim bra-
trom a potom přišedši woprjaj swój dar.

25. Zjednaj so ze svojim přeciwnikom
ručě, doniž sy z nim na puću, zo by
trjebaj přeciwnik će njepodał sudnikej a
sudnik će njepodał služownikej, a ty do
jastwa čisnjeny njebyl. Luk. 12, 58.

26. Zawěrnó praju tebi, wottam nje-
wuńdžeš, hač zaplaćiš najposledniši pje-
nježk.

27. Slyšeli sće, zo bu starym prajene:
Njedyrbiš mandželstwo lamać*.

2. Mójz. 20, 14.

28. Ja pak praju wam, zo je kóždy,
kiž by na žónsku pohladał z požadosću
za njej, hižo z njej mandželstwo zlamał
we swojej wutrobje.

29. Hdyž će twoje prawe woko po-
hóršuje, wutorhně je a čisń je wot so;
přetož lěpje je tebi, zo jedyn twójich
stawow zahinje, dyžli zo by cyłe twoje
čěło do hele čisnjene bylo.

Niže: 18, 9; Mark. 9, 46.

30. A hdyž će twoja prawa ruka po-
hóršuje, wotrězně ju a čisń ju wot so;
přetož lěpje je tebi, zo jedyn twójich
stawow zahinje, hač zo cyłe twoje čěło
do hele přindže.

31. Tež bu prajene: zo by, štóžkuli
swoju mandželsku wot so pušćil, jej dał
rozdžěleński list*.

5. Mójz. 24, 1.

32. Ja pak praju wam, zo kóždy, ko-
tryž by swoju mandželsku wot so pušćil,
khiba mandželstwałamanja dla, ju zawje-
dže do mandželstwałamanja a kotryž sebi
pušćenu wozmjě, lama mandželstwo.

33. Tež sće slyšeli, zo bu starym pra-
jene: Njedyrbiš njeprawje přisahać; dyr-
biš pak Knjezej swoje přisahi džeržeć.

2. Mójz. 20, 7; 3. Mójz. 19, 12; 5. Mójz. 5, 11.

kotrež mysle a žadosće rjaduja, mějachu za snadne, najmjeńše; Khrystus sebi žada, zo so čłowjek
čisći a poswjećuje we swojej wutrobje, hdžež je žórlo jeho słowow a skutkow, a zakazuje tohodla
wšitke hrěšne mysle a žadosće. Štóž hinak čini a wučil, budže najmjeńši w njebieskim kralestwje,
t. r. budže wot Boha jako njekničomny čłowjek wuzamknjeny z njebieskeho kralestwa. — 21. „Sta-
rym“, t. r. wot starych, ludej pak wot pismawučenych a farisejow, kotřiž Mójzesowy zakon wuklado-
wachu a přeměnjachu. Słowa: „štóž pak by moril, budže sudu winowaty“ je tež farisejski přistawk,
kiž so w Mójzesowym zakonju njenamaka. Zakon zakazuje morjenje čłowjeka, ale tež hněw.
Zawěsće! Słowa swjateho pisma na wšelakich městach su dosć jasne. Khrystus pak tež wučil, zo
ma tón, kiž swojeho bratra hněwa, so wusprawdźić před sudom; kotryž jemu wumjetuje a jemu praji:
„raka“, t. j. njekničomniko, před wysokej radu; štóž pak jeho hani a zakliwa, je helskeho wohnja
winowaty. Potajkim njeje jeno hrěch, hdyž bližeho moriš, ale tež, hdyž jeho hněwaš a haniš. To-
hodla dyrbi kóždy khwatać, ze svojim bližším so zas wujednać. Židža mějachu dwójki sud: nižši,
w kóždym měsće, kotryž bě z měšnikow a starších ludu zestajeny, a wysoku radu, w Jeruzalemje,
z 71 sobustawow wobstojacu, kotraž čěže złošće rozsudžeše. — 27. Farisejowje wučachu, zo je
w šestej kazni jeno skutk mandželstwałamanja zakazany, Jězus pak, zo su tež wšitke pošadanja
za nječistym skutkom hrěšne, a zo ma so čłowjek wot wšeho džělić, štož jeho k hrěšej nječistoty
zawjědže, byrnje jemu tak lube było jako wočko abo tak nuznje potřebne jako prawa ruka. —
31. Mójzes bě Židam dla twjerdosće jich wutrobje dowolił, zo smě muž žonu z wažnych winow,
jako dla mandželstwałamanja, wot so pušćić a jej rozdžěleński list přepodać, w kotrymž bě wina
napisana. Khrystus pak wučil, zo je křesćanske mandželstwo njerozdžělomne.

34. Ja pak praju wam, zo byšće z cyla njeprisahali, ani na njebo, dokelž je trón Boži,

35. Ani na zemju, dokelž je podnožk jeho nohow; ani na Jeruzalem, dokelž je město wulkeho krala; Jak. 5, 12.

36. Ani na swoju hłowu njedyrbíš přisahać, dokelž njemóžeš ani jedyn włósk běly sćinić abo čorny.

37. Budž pak waša rěč: haj, haj; ně, ně; štož je wjac dyžli to, je wot zleho*.

38. Słyšeli sće, zo bu prajene: Woko za woko, a zub za zub. 2. Mójz. 24, 20.

39. Ja pak praju wam, zo byšće so njeprěciwili złemu*; ale jelizo će šćó dyri na prawe lico, poskić jemu tež druhe. Luk. 6, 29.

40. A tomu, kiž chce z tobu prawować a twoju suknu wzać, wostaj jemu tež plašć.

41. A nući-li će něchtó jenu milu, dži hišće z nim dvě druhej. 1. Kor. 6, 7.

42. Šćóž će prosy, tomu daj; a wot toho, kiž chce požčić wot tebjc, so nje-wotwobroč.

43. Słyšeli sće, zo bu starym prajene: Dyrbiš lubować swojeho bližšeho a hidzić swojeho njeprěcela.

44. Ja pak praju wam: Lubujće swojich njeprěcelow, činće dobrotu tym, kotřiž was hidža a prośće za tych, kotřiž was přescěhaju a zlě rěča wo was, Luk. 6, 27.

Romsk. 12, 20; Luk. 23, 34; Jap. sk. 7, 59.

45. Zo byšće džěci byli swojeho Wótea w njebjesach, kiž swojemu slóncu skhadžec dawa na dobrych a na zlych, a deščik sće na sprawnych a njesprawnych.

46. Přetož lubujće-li tych, kotřiž was lubuja, kajke změjće myto? nječinja to tež cłownicy?

47. A budžće-li jenož swojich bratrow postrowjeć, što wjac činice? nječinja to tež pohani?

48. Budžće tohodla dospolni, jako tež was njebjeski Wóte dospolny je.

STAW VI.

Jězus wući, kak mamy jałmožnu dawać, so modlić a bližšemu wodać; tohorunja, kak mamy so posćić; zo nimamy za zemju pokłady bromadžić, ale za njebo; wóčko dyrbi wěrnosćiwu być. Dwěmaj knjezomaj njemóže so služić; tež zakazuje Jězus starosćiwosć wo jědž, drastu a wo jutřiš džen.

Kedžbujće, zo byšće swoju sprawnosć nječinili před čłowjekami, tak zo byšće wot nich widženi byli; hewak myta njezmějće pola swojeho Wótea, kiž je w njebjesach.

2. Hdyž tohodla jałmožnu dawaš, nje-daj z trubu* před sobu trubić, jako tajency činja we synagogach a na drohach, zo bychy čescěni byli wot čłowjekow; zawěrnó praju wam, su swoje myto dóstali.

3. Hdyž pak ty jałmožnu dawaš, njech twoja lěwica njewě, što twoja prawica čini,

4. Zo by twoja jałmožna w potajnym byla, a twój Wóte, kiž do potajneho widzi, zaplaći tebi.

5. **A** hdyž so modliće, njebudžće kaž tajency, kotřiž radži we synagogach a na rókach drohow stojicy so modla, zo bychy widženi byli wot čłowjekow; zawěrnó praju wam, su swoje myto dóstali*.

37. Wot zleho, t. r. to přidžde wot djabola, přez kotrehož su wobstojenja čłowjeskeho žiwjenja tak skažene, zo sebi ludžo na słowo wjac njewěrja, ale Boha za swědka bjeru. Jězus njezakazuje prawe přisahi, we wažnych wěcach, hdyž su trěbne a wot wyšnosće žadane, ale porokuje jeno farisejam, zo tak lohkomyślnje wo přisahanju wuča. — **39.** Zo byšće njeprěciwili złemu, t. r. złe ze złym njeplaćili, ale zo byšće pokoja dla radši křiwdu znjesli a čěžše brěmjenja na so wzali.

VI. 2. Bě wašnje, zo so khudži hromadu trubjachu, hdyž so jim jałmožna wndžěleše. Farisejowje pak njedachu khudych dla trubić, ale zo bychy swoje dobre skutki zjewjeli. — **5.** Njemudry je čłowjek, kiž dobre skutki swěta dla čini, dokelž swět plaći porědko, njerunje a khudže; šćóž pak Boha dla dobre skutkuje, ma wěste a nadobne myto wočakować.

6. Hdyž pak ty so modliš, zańdź do swojeje komorki, a zamknywši durje, modl so k swojemu Wótecy w potajnym, a twój Wótc, kiž do potajneho widźi, zaplaći ti.

7. Modlicy pak so nječinće wjele słowow, jako pohani, přetož sebi mysla, zo budža wuslyšeni, hdyž wjele rěča*.

8. Tohodla njerunajće so jim; přetož Wótc wě, čoho sće potřebni, předy hač jeho prosyće.

9. Wy budžeće tohodla takle so modlić: Wótc naš, kiž sy w njebiesach. Swjatosćene budź twoje mjeno. Luk. 11, 2.

10. Přidź k nam twoje kralestwo; twoja wola so stań, jako na njebju, tak tež na zemi.

11. Naš všědny khlěb daj nam džens.

12. A wodaj nam naše winy, jako tež my wodawamy našim winikam.

13. A njewjedź nas do spytowanja; ale wumóż nas wot zleho. Amen.

14. Přetož wodaće-li čłowjekam jich hrěchi, woda tež wam waš njebieski Wótc waše hrěchi.

15. Njewodaće-li pak čłowjekam, njewoda tež waš njebieski Wótc wam waše hrěchi. Niže: 18, 35; Mak. 11, 25.

16. Hdyž pak so posćíte, njebudžeće zrudni, jako tajency, přetož wohidžeja swoje wobliča, zo by ludžom zjawne bylo, zo so posća; zawěrnó praju wam, woni su swoje myto dóstali.

17. Ty pak, hdyž so posćíš, žalbuju swoju hlōwu, a myj swoje wobličo,

18. Zo by čłowjekam njezewiř, zo so posćíš, ale swojemu Wótecy, kiž je w potajnym; a twój Wótc, kiž do potajneho widźi, zaplaći ti.

19. Njehromadžće sebi pokłady na zemi, hdžež je zezawizna a mola žerje a hdžež je paduši wukopuja a kradnu.

20. Hromadžće pak sebi pokłady w njebiesach, hdžež je ani zezawizna ani mola nježerje; a hdžež je paduši njewukopuja ani njekradnu. Luk. 12, 33; 1. Tim. 6, 19.

21. Přetož hdžež je twój poklad, tam je tež twoja wutroba*.

22. Swěca twojeho čěla je twoje woko*. Budže-li twoje woko jasne, budže cyle twoje čělo swětle. Luk. 11, 34.

23. Budže-li pak twoje woko zle, budže cyle twoje čělo čěmne. Je-li potajkim swětle, kotrež je we tebi, čma, kak wulka budže čma sama?

24. Nichtó njemóže dwěmaj knjezomaj služić; přetož pak budže jenoho hidzić a druheho lubować; abo jenoho znjese a druheho začpěje. Njemóžeće Bohu služić a mamonej. Luk. 16, 13.

25. Tohodla praju wam: Njebudžeće starosciwi wo swoje žiwjenje, što byšće jědli, ani wo swoje čělo, z čim byšće so woblekali. Njeje žiwjenje wjac dyžli jědź a čělo wjac dyžli drasta? Ps. 54, 23; Luk. 12, 22; Filip. 4, 6; 1. Tim. 6, 7.

26. Pohladajće na ptaki pod njebjom! njesyja a njeznjeja, ani njehromadža do brónjow, a waš njebieski Wótc je žiwi. Njejsće wy wjele wjac, dyžli wone?

27. Štó pak wot was móže z přemyslenjom swojej dolhosći jedyn lóhč přidac?

28. A što sće wo drastu starosciwi? Wohladajće lilije na polu, kak rostu; njedžělaju ani njepřadu.

29. Praju pak wam, zo njebě ani Salomon we wšej swojej krasnosći tak wuhotowany, kaž jena z nich.

7. Khrystus njezakazuje, doľho so modlić, ale prózdne słowa doľhi čas bjez keďžbnosće a pobožnosće rěčeć a wot nich wuslyšenje wočakować, je wopačne a pohanske wašnje. — 21. Tam su tež twoje mysle a twoje žadanja, pak w njebju pak na zemi, we wěčnych abo we časnych kublach, za tym hač za njebjo abo za zemju pokłady hromadžiš. — 22. Kaž strowe, jasne wóčko cyle čělo po prawym puću wjedže, khore a błuke woko puć čělej začěmni, tak džerži tež čista k Bohu wobročena wutroba wšitke mysle a žadosće a skutki w prawym rjedže, wot Boha wotwobročena a swětej přiwobročena wutroba pak kazy wšitke mysle, žadanja a skutki. Kak wulka džrbli tale čma być, kak čězke hrěchi džrbja so při tajkej zlosći činić!

30. Jelizo pak Bóh trawu na polu, kotraž džensa je a jutře so do pjecy čisnje, tak drasći, čím wjacjy was, malowěriwi?

31. Njebudźće tohodla starosćiwi, prajicy: Što budźemy jěsć abo što budźemy pić, abo z čím budźemy so woblekać?

32. Přetož to wšitko pohani pytaju. Waš njebjeski Wótc wšak wě, zo wšitko to trjebaće.

33. Pytajće pak najprjedy kralestwo Bože a jeho sprawnosć a to wšitko budźe wam přidate.

34. Njebudźće tohodla starosćiwi wo jutřiši džen. Přetož jutřiši džen budźe so sam za so starać; dosć ma džen na swojeh wobćežnosć.*

STAW VII.

Khrystus wučí, zo nikoho sudzić njesměmy; wo třěsny a wo hrjadže; swjate nima so psam podawać; kóždy, kiž prosy, pyta a klapa, so wot Boha wuslyši; druhim mamy činić, štož chcemy, zo by so nam stało; z wuzkimi wrotami mamy k žiwjenju hić; kak so falšni profetowje rozeznavaju a dobry štom wot zleho. Přirunanje wo tom, kotryž Khrystusowe słowa slyši a po nich skutkuje a wo tom, kiž po nich njeskutkuje.

Njesudźće, zo byšće sudženi njebyli.

Luk. 6, 37; Romsk. 2, 1.

2. Přetož z kajkimž sudom sudźiće, z tym budźeće sudženi; a z kajkejž měru měriće, budźe wam zaso měřjene. Mark. 4, 24.

3. Što pak widžiš třěsku we woku swojeho bratra; a hrjadu we swojim woku njewidžiš?

4. Abo kak prajiš k swojemu bratřej: Njeh wučahnu třěsku z twojeho woka a hlej, hrjada je we twójim woku?

5. Tajenco! wučěhń najprjedy hrjadu ze swojeho woka a potom pohladaj, kak by třěsku wučahnył z woka swojeho bratra*.

6. Njedawajće swjate psam, ani njemjetajće swoje parle před swinje, zo bychy je trjebaj njepoteptale ze swojimi nohami a so wobroćiwši was njeroztorhale*.

7. Prošće, a wam budźe date; pytajće a namakaće; klapajće a wam budźe wotewrjene.

Niže: 21, 22; Mark. 11, 24;

Luk. 11, 9; Jan. 14, 13; Jak. 1, 6.

8. Přetož kóždy, kiž prosy, dóstanje; a štož pyta, namaka; a klapacemu so wotewri.

9. Abo kotry čłowjek je njez wami, kotryž swojemu syněj, kiž by jeho wo khěb prosyl, kamjeń poda?

Luk. 11, 11.

10. Abo by-li jeho wo rybu prosyl, jemu hada poda?

11. Jelizo tohodla wy, kotřiž sće zli, wěsće dobre dary dawać swojim džěćom, čím wjacjy budźe waš Wótc, kiž je w njebjesach, dobre dawać tym, kotřiž jeho proša?

12. Tuž wšitko, štožkuli chceće, zo bychy wam ludžo činili, tež wy činće jim. Přetož to je zakon a profetowje*.

Luk. 6, 31.

13. Dźiće nutř z wuzkimi wrotami*, dokelž šćroke su wrota a rozšěrjeny je puć, kotryž wjedže k zahinjenju, a wjele je tych, kotřiž po nim nutř du.*

Luk. 13, 24.

14. Kak wuzke su wrota a kak zwuženy je puć, kotryž wjedže k žiwjenju; a mało je tych, kotřiž jón namakaju.

34. Njestarajće so tak njemudrje za přichod, dokelž přitomny džen ma sam dosć nuzy a potřebsosći, a žada sebi starosć, kak potrebsosće spokojimy, kak nuzu wosebje duchownu, hrěšne wabjenja wotwobroćimy.

VII. 5. Porjedgej najprjedy swoje njedostatki, a potom powuč bližšeho, kak ma swoje wopačnosće wotstronjeć. — 6. Njeprócuje so, wozbožace wučby tajkim čłowjekam podawać, kotřiž za nje zaprijeća nimaju, dokelž su jeno po swojich nizkich mjasnych požadosćach žiwi jako swinje, abo kotřiž bójske wěrnosće k směcham trjebaja, na nje hawtuja jako psy, dokelž tajcy ludžo su za wyšše duchowne potrebsosće mrtwi. — 12. To je hłowne woprijeće cyłego zakonja a profetow, cyłego swjateho pisma. — 13. Nizke wrota a wuzka šćežka, k žiwjenju wjedžaca, su Bože kaznje, dokelž mjasnym nakhilnosćam a hrěšnym skutkam města njewostaja, ale sebi žadaju, zo so te same wurčenja; wysoke wrota a šćeroki puć pak trjebaja čí, kotřiž njehcedža zakazanych wěcow so wostajić, ale swojim žadosćam wšitko dowoleja.

so falšnych profetow, ko-
k wam we wowčich dra-
pak su torhace wjelki.
plodach spóznaće jich.
nchow kiće? abo z wóstow

Luk. 6, 44.

zly dobry štom njese dobre
pak njese zle plody.

štom njemóže zle plody
štom njemóže dobre plody

štom, kiž dobrego plody
ze wurubany a do wohnja

na jich plodach jich spó-

ždzy, kiž ke mni praji:
ze! pónďže nutř do njebe-
stwa; ale štož čini wolu mo-
kiž je w njebiesach, tón
do njebieskeho kralestwa*.
ze: 25, 11; Luk. 6, 46.

v budža na wonym dnju* ke

Knježe, knježe, njejsmy w
nje wěščili a w twójim mjenje
uhonjeli a we twójim mjenje
ny činili? ** Jap. sk. 19, 13.

chdy wuznaju jim: Ženje sym
woteńďže wote mnje, ko-
wnosć činiće. Ps. 6, 9;

ze: 25, 41; Luk. 12, 27.

dy tohodla, kiž tute moje słowa
čini, budže podobny mudremu
otryž swój dom na skału na-
Luk. 6, 48; Romsk. 2, 13; Jak. 1, 22.

25. A padže dešč, a přińďžechu wody, a
dujachu wětry a storkachu do toho domu,
a wón njepadže; přetož bě založeny na
skału.

26. A kóždy, kiž tute moje słowa slyši
a je nječini, budže podobny blaznemu člo-
wjekej, kotryž swój dom na pěsk natwari.

27. A padže dešč, a přińďžechu wody, a
dujachu wětry a storkachu do toho domu;
a wón padže a jeho pad bu wulki.

28. A sta so, hdyž bě Jězus tute słowa
skónčil, spodžiwachu so črjody nad jeho
wučbu.

29. Přetož wuččeše jich, jako by móc
měl, nic jako jich pismawučeni a fari-
sejowje. Mark. 1, 22; Luk. 4, 32.

STAW VIII.

Wustrowjeneho wusadneho sćełe Khrystus k mčš-
nikam; wustrowja stotnikoweho služownika, ko-
trehož wěru khwali; tohorunja zymničnu Pětro-
wu přichodnu mać a wjele druhich khorych; ze
słowom wuhonja zle duchy; pismawučeneho, kiž
chce jeho sčěhować, wotpokaza, druhemu pak
poruči, zo by jeho sčěhował, tež před nanowym
pohrjebom. Na čolnje, kotryž so wot žolmow
tam a sem mjetaše, wot wučownikow wubudženy,
změruje morjo. Wumóže dweju wot djaboła
wobsynjeneju pola Gerasenow; djabołam dowoli,
zo smědža do swini zajěć, štož widžiwi, Gera-
senowje proša, zo by so z jich pomjezow zdalił.

Hdyž z hory dele dźčeše, sčěhowachu
jeho wulke črjody.

2. A hlej, wusadny* přišedši modleše
so k njemu prajo: Knježe, chceš-li, móžeš
mje wučisćić. Mark. 1, 40.

3. A wupřestrěwši ruku dótkny so*
jeho Jězus prajo: Chcu, budž wučisćeny!
A hnydom bu jeho wusad wučisćeny.

Nic tón, kiž zwonkownje wěru do mnje wuznawa, kiž je po mjenje křesćan, tak zo mje
Knjeza mjenuje, ale tón, kiž moje kaznje dźerži a je po skutkach křesćan, přińďže
jeskeho kralestwa. — 22. Na wonym dnju, t. j. na sudnym dnju. ** Bóh připušćí, zo tež
ni, hrěšni čłowjekowje w jeho mjenje wulke wěcy a dziwy dokonjeja, ale tajke skutki su za nich
seje zaslužiw, dokelž njejsu wot nich skutkowane, ale wot Boha samoho, snadź přeciwo jich woli.

wlosćiwa, natykowaca khorosć, kotraž so zwonkownje na čěle přez jětrjenja
chu zwonka městow a wsow, najbóle w puscínach. We wonych časach

— 8. Jězus nałožuje při hojenju khorych a z cyła při skutkowanju dži-
hać runje by jeničke słowo, jeno wubudžena wola dosahała. Sta pak
wustrowjenja běchu z nutrkownym wučisćenjom wot hrěchow zjednoćene.
do Jězusa, a časćišo přistaji Jězus tež: Twoje hrěchi su čí wodate.
dla na s. sakramenty, kotrež ze zwonkownym znamjenjom nutrkowne

4. A Jězus džeše k njemu: Hladaj, zo nikomu njepowěš; ale dži, pokaž so mšnikej a wopruj dar, kotryž je Mójes prikazał, jim na swědčenje*.

5. Hdyž pak bě Jězus do Kafarnauma přišoł, pristupi k njemu stotnik,* prošeše jeho

6. A praji: Knježe, mój služownik leži doma wiciwy, a ćěpi wjele.

7. A Jězus džeše k njemu: Ja přińdu a wustrowju jeho.

8. A wotmołwjejo rjekny stotnik: Knježe! njejsym hódnny, zo by nutř šoł pod moju třěchu, ale praj jeno słowo, a mój služownik budže wustrowjeny. Luk. 7, 6.

9. Přetož tež ja sym čłowjek, pod wyšnosť stajeny, a mam pod sobu wojakow, a praju-li tomu: Dži, a wón dže; a druhemu: Přińdź, a wón přińdže; a swojemu služownikaj: Čin to, a wón čini.

10. Jězus pak to wuslyšawši so spodziwaše a rjekny tym, kotřiž jeho sčchowachu: Zawěrnó praju wam, tajkeje wěry njejsym namakał we Israelu.

11. Praju pak wam, zo mnozy wot ranja a wječora přińdu, a zo budža z Abrahamom a Isaakom a Jakubom k blidu sedžeć w njebieskim kralestwje*;

Mal. 1, 11.

12. Džěći kralestwa pak budža wustorčene do wonkowneje čmy; tam budže plać a křipjenje zubow.

13. A Jězus rjekny k stotnikej: Dži, a kaž sy wěrił, stań so tebi. A služownik bu wustrowjeny w tej samej hodźinje.

14. A hdyž bě Jězus do Pětroweho domu přišoł, widžeše jeho přichodnu mać na zymnicu khoru ležacu.

15. A dótknny so jeje ruki, a zymnica ju wopuści, a wona wstany a služeše jim.

16. Hdyž pak bu wječor, přiwjedžechu k njemu mnohich, kotřiž mějachu djabli ska, a wón wuhonješe duchy ze słowom, a wuhoji wšitkich khorych; Mark. 1, 32.

17. Zo by so dopjelnio, štož bu prajene přez profetu Isaiasa, kiž praji: Wón wza naše slabosće na so a znjese naše khorośće.

Is. 53, 4; 1. Pětr. 2, 24.

18. Hdyž pak Jězus wulke črjódy wokoło sebje widžeše, poručí přez jězor přejěć.

19. A jedyn pismawučeny pristupiwi džeše k njemu: Mištrje, pónđu za tobu, hdžežkni pónďže*.

20. A Jězus praji jemu: Liški maju jamy, a ptaki pod njebjom hnězda; Syn čłowjeka pak nima, hdže by hlownu položil.

Luk. 9, 58.

21. A druhí z jeho wučownikow* džeše k njemu: Knježe, dowoł, zo bych přjedy šoł a pohrjebał swjeho nana.

22. Jězus pak džeše k njemu: Sčchuj nje, a njech mortwi* pohrjebaju swjich mortwych.

23. A hdyž wón do čolmika stupi, džěchu jeho wučownicy za nim.

Mark. 4, 36; Luk. 8, 22.

24. A hlej, wulki wichor nasta na morju, tak zo bu čolmik ze zmohami přikrywany; wón pak spaše.

4. Zo bychy wěрили, zo sy wustrowjeny. — 5. Stotnik je wojeński wyšši, kiž sto muži nawjeduje. Po Luk. 7, 5 bě wón pohan, ale Židam dobry, bě jim synagogu twarić dał. — 11. Wěru pohana staja Jězus tu židowskemu ludej jako přikład a pokazuje na to, zo Židza sami njejsu powołani, ale wšitke narody chce zbóžnik k njebieskej radosći dowjesć, kotraž so tudy a druhdže w swjatym pismje jako swjatočna wječer, jako kwas, kotryž so pola Židow tež wječor swječeše, předstaja. Kaž čłowjek po dokonjanym džěle, po přetratych strachach spokojeny a zwjeseleny prawe wokřewjenje čuje, hdyž so k wječeri synje a móže nětko wotpočnyć, tak maju zbóžni po derje dokonjanym a na dobrych skutkach bohatym žiwjenju njezapřijimnu radosć. Swjatočne kwasowanje sta so wječor, při swěcy, druhdže bě čma. Swětlo při kwasnych hosćinach je znamjo wěčneho swětla w njebieskim kralestwje, čma pak, kotraž druhdže knježi, je znamjo čmy we wěčnym začianjenju. — 19. Pismawučeny chcyše Jězusowy wučownik być, ale nadžiješe so wšelakeho časneho wužitka. — 21. Stare podawizny powědaju, zo je to japoštoł Filip był. — 22. Wučownikowi přecelowje běchu mortwi, t. r. duchownje mortwi, dokelž so njestarachu wo duchowne žiwjenje, wo hnadu Božu. K tutym njesmědžeše wučownik so wrócić, dokelž by so do stracha podał, swoje duchowne žiwjenje zhubić.

25. A jeho wučownicy přistupichu k njemu a wubudźichu jeho prajicy: Knježe, wumóž nas, hinjemy!

26. A Jězus praji jim: Što sće bojazni, małowěriwi? Tuž wstanywši poručí wětram a morju, a sta so wulka cíšina.

27. Ludžo pak so dźiwachu, prajicy: Štó je tón, zo jemu wětry a morjo poslušaju?

28. **A** hdyž bě přez jězor do krajiny Gerasenow* přišoł, přiběžeštaj jemu dwaj wot djabliskow wobsynjenaj** napřečiwo, kotraž z rowow*** wuńdžeštaj, jara dźiwěj, tak zo nihtó njemóžeše po tamnym puću nimo khodźić.

Mark. 5, 1; Luk. 8, 26.

29. A hlej, wolaštaj prajicy: Što je namaj a tebi, Jězuso, syno Boží? Sy ty sem přišoł do časa naju čwělować?

30. Běše pak njedaloko wot njeju wulke stadlo swini na pastwje.

Mark. 5, 11; Luk. 8, 32.

31. Duchi pak jeho prošachu prajicy: Jelizo nas wottudy wučěriš, pósćel nas do stadla swini.

32. A wón džeše k nim: Dźiće*. Wone pak wujěwši woteńdžechu do swini, a hlej, nahle wali so cyle stadlo do morja a zahiny we wodach.

33. Pastyrjo pak čeknychu; a ducy do města powědachu wšitko, tež wo tymaj, kotraž běštaj djabliska měloj.

34. A hlej, cyle město wuńdže Jězusej napřečiwo a jeho wohladawši prošachu, zo by wot jich mjezow wotešoł.

Mark. 5, 17; Luk. 8, 37.

STAW IX.

Wićiweho Khrystus wustrowi; pismawučeni pak morkotaju, dokelž bě jemu prajił, zo su jeho hrěchi wodate; powoła čłowika Mateja, a wotmołwja morkotacym farisejam, zo z čłowikami jě, a zo so jeho wučownicy njeposća; krewjećečnu žónsku wustrowi; mortwu předstojnikowu džowku wubudzi; dwěmaj slepymaj widženje wróćiwši wustrowi němeho wobsynjeného; a wšudžom předuje a hoji wšě khorosće a praji, zo su žně wulke, ale zo je dźělaćeri mało.

A wón stupi do čolnika, přewjeze so, a přińdže do swojeho města (Kafarnaum).

2. A hlej, přinjesechu wićiweho na ložu ležaceho. A Jězus jich wěru widžo rjekny k wićiwemu: Dowěf so, syno, twoje hrěchi so čí wodawaju.

Mark. 2, 3; Luk. 5, 18.

3. A hlej, někotři z pismawučenych prajachu při sebi: Tón Boha hani*.

4. A hdyž Jězus jich mysle widžeše, rjekny: Čohodla myslíce zle w svojich wutrobach?

5. Što je lóže, prajić: Twoje hrěchi su čí wodate; abo prajić: wstań a khodź?*

6. Zo pak byšće wědzeli, zo ma Syn čłowjeka móc na zemi hrěchi wodawać, tuž praji wićiwemu: Wstań, wzmi swoje ložo a dži do swojeho domu.

7. A wstanywši woteńdže do swojeho domu.

8. Črjódý pak to widžicy, nabojachu so, a khwalachu Boha, kiž je tajku móc čłowjekam dał.

9. **A** hdyž Jězus wottam woteńdže, wuhlada čłowjeka we čownicy sedžaceho, Mateja* z njenom a džeše jemu: Sćěhu jnje. A wstanywši sćěhowaše jeho.

Mark. 2, 14; Luk. 5, 27.

28. Krajina Gerasenow bě k ranju wot galilejskeho morja; bydlachu tam najbóle pohani. ** Wot złeho ducha wobsynjeni su tajcy ludžo, na kotrychž je sebi djabol móc dobył, zo kotrychž wón wobknježuje, a kotřiž so tohodla dźiwjo zadžeržuja a broznje wołaju, dokelž jich zmysły a stawy su pod djabolskim wliwom. We Jězusowym času běše wjacý wobsynjenych dźiłi hdy prjedy, dokelž djabol wědžeše, zo Khrystus jeho móc zlama, a tuž protiweše so jemu, kažkuli móžeše. *** Djabol bě bjezbóžnych do rowow, t. r. do jamow (próznjencow) zahnał, zo by swoju móc nad nimi čím krucišo pokazal. — 32. Zle duchi prošachu Jězusa, zo by je njezastorčil do hele, ale jim do swini zajěć dał, zo hychu tak wobsedžerjam swini škodu naćinili a wobydlerjow krajiny přečiwo Jězusej našćuwali.

IX. 3. Dokelž sebi připisuje móc wodawanja hrěchow, kotruž ma jeničcy Bóh. — 5. Woboje móže so jeno přez móc Božu stać. — 9. Mark a Lukaš mjenujěta jěho Levi. Židža mějachu častičo

10. A sta so, hdyž wón w jeho domje za blidom sedžeše, hlej, přińdžechu mnozy clownicy a hrěšnicy a sedžachu za blidom z Jězusom a jeho wučownikami.

11. A farisejowje, to widźiwiši prajachu jeho wučownikam: Přeco jě waš mištr z clownikami a hrěšnikami?

12. Jězus pak, to wuslyšawši, džeše: Strowi lěkarja njetrjebaju, ale khoru.

13. Dźiće pak a wukńće, što rěka: Smilnosť chcu a nic wopor*. Přetož njejsym přišol, sprawnych powolać, ale hrěšnikow.

Os. 6, 6; Niže: 12, 7.

14. Tehdy přistupichu k njemu Janowi wučownicy prajicy: Přeco my a farisejowje často so posćimy*, twoji wučownicy pak so njeposća? Mark. 2, 18; Luk. 5, 33.

15. A Jězus džeše k nim: Mōža drje so nawoženjowi* towařowje rudzić, doniž je nawoženja z nimi? Přińdu pak dny, hdžež so jim nawoženja wozmjě, a tehdy budža so posćić.

16. Nichtó pak njepřišiwu zaplatu* z noweho platu na staru drastu; přetož wona so cyła wot drasty wottorhnje, a džěra bywa hōrša.

17. Tež njelija młode wino do starych sudowjow; hewak so sudowja puknu, a wino so wulije a sudowja so skaža. Ale

młode wino lija do nowych sudowjow, a woboje bywa zakhowane.

18. Hdyž wón to k nim rěčeše, hlej, přistupi jedyn předstojnik*, a modleše so k njemu prajo: Knježe, moja džowka je nětko wumřěla, ale pój, polož swoju ruku na nju a budže žiwa.

Mark. 5, 22; Luk. 8, 41.

19. A wstanywši džěše Jězus za nim, a jeho wučownicy.

20. A hlej žónska, kotraž na krewjećenje dwanaće lět ćěrpješe, přistupi wot zady a dótkny so wobrubu jeho drasty.

Mark. 5, 25; Luk. 8, 43.

21. Přetož praješe při sebi: Dótknu-li so jenož jeho drasty, budu wustrowjena.

22. Jězus pak so wobroćiwši a ju widžo rjekny: Dowěř so, džowka, twoja wěra je će wustrowila. A žónska bě strowa wot teje sameje hodžiny.

23. A hdyž bě Jězus do domu předstojnika přišol, a piskarjow a harowacy lud* widža, praješe:

24. Wotstupće; přetož holčka njeje wumřěla, ale spi. A jemu so smějachu.

25. A hdyž bě lud wuhnaty, zastupi wón, a wza ju za ruku. A holčka wstany.

26. A tuta powěsć rozeńdže so po cyłej tamnej krajiny.

dwě mjenje. Matej rěka dar Boží. Clownicy maju swoje mjeno wot cła, t. j. dawka, kotry bě Židam wot Romskich napoloženy. Tónle dawek hromadžachu clownicy; při tom stachu so wšelake surowosće a njesprawnosće a tohodla hidžachu Židža clownikow a mějachu jich runja zjawnym hrěšnikam, publikanam. Matej a tež Zachäus (hl. Luk. 19) běštaj wyšej clownikaj a měčštaj druhich pod sobu. — 18. Słowa: „smilnosť chcu a nic wopor“, namakaju so pola profety Oseasa 6, 6 a chcedža prajić: zo su Bohu skutki křesćanskeje lubosće lubše dyžli wobdžělenje na woporje, na čož farisejowje tak jara kežbowachu, a tohodla towařeše so Jězus z clownikami a z hrěšnikami, zo by jich za sprawnosť a za Boha dobył. — 14. Pódlu powšitkownych póstnych dnjow mějachu farisejowje dwaj póstnaj dnaj w kóždym tyždenju. Tež Jan křćenik bě za svojich wučownikow wstaje póst prikazał, zo bychy so hódnje na Messiasowy prikhad přihtowali. — 15. Khrystus mjenuje so nawoženja swojeje cyrkwe, dokelž je ju ze svojim žiwjenjom wukupił. Ef. 5, 25. 26. Japoštołow mjenuje svojich towařow, dokelž jemu cyrkwe twarić pomhaju, nowe sobustawy za nju dobywajcy. Po jeho smjerći budža so posćić a žarować, jako je po Jězusowej smjerći woprawdže džen, na kotrymž bu nawoženja cyrkwi wzaty, pjatk póstny džen. — 16. Dwě přirunani chcetaj prajić: k staremu njepřihodža so nowe; zmča-li so woboje, je to husto škódně. Runje tak njepřihodža so nětko hižo za mojich japoštołow, doniž njejsu hišće ze swjatym Duchom rozswětleni a wobkrućeni, tamne skutki pozdžišeho časa, jako posćenje, sehjezapřeće atd. Swj. Chrysostomus přispomina, zo so hnydom na spočatku wšitko žadać njesmě, ale po něčim přeco wjacy. — 18. Předstojnik synagogi bě zastojnik, kiž měješe so za dobry rjad Božich službow starać. — 28. Hnydom po smjerći buchu piskarjo a žalosćace žónske powołani, zo bychy ze spěwanjom žarowskich spěwow zrudbu zawostajenych wozjewjeli.

27. **A** hdyž Jězus wottudy džěše, džěštaj za nim dwaj slepaj, wołajcy a prajicy: Smil so nad namaj, syno Davidowy!

28. Hdyž pak bě wón domoj* přišoł, přistupištaj k njemu slepaj. A Jězus praji jimaj: Wěritaj, zo móžu wamaj to sčinić? Praještaj jemu: Haj, Knježe!

29. Tuž dótkny so jeju wočow prajo: Po waju wěrje stań so wamaj!

30. A jeju woči so wotewrištaj, a Jězus pohrozy jimaj prajo: Hladajtaj, zo to ničtó njezhoni.

31. Wonaj pak wuńdžeštaj a powědaštaj wo nim po tom cyłym kraju.

32. **H**dyž pak běštaj wonaj wotešloj, hlej, přiwjedźechu jemu němeho čłowjeka, kiž djablisko mjeješe. Niže 12, 22; Luk. 11, 14.

33. A hdyž bě djablisko wuhnate, řečeše němcy, a dziwachu so črjody prajicy: Ženje tajke njeje so widžalo w Israelu.

34. Farisejowje pak prajachu: Přez wjercha djabolow wuhonja wón djaboly.*

35. A Jězus wobkhodžeše wšě města a městačka, wučo we jich synagogach a předujo wjesole powěstwo wo kralestwje (Božim), a hoješe wšitku khorosć a wšitku slabosć.

Mark. 6, 6.

36. Hdyž pak črjody widžeše, běše jich jemu žel, dokelž běchu čwelowane a rozpjersene, jako wowcy, kotrež pastyrja nimaju.*

37. Tuž praji svojim wučownikam: Žně drje su wulke, ale džělaćeri je mało.

38. Prošće tohodla Knjeza žnjow, zo džělaćerjow pósćeće na swoje žně.*

STAW X.

Dwanaće japoštołow Khrystus wučí a sćece, zo bychu Židam ewangelium předowali a wobsynjonych a khorych hojili; japoštołowje su na jim hrožace přečiwosće dopomnjeni a na nje přihotowani. Khrystus njeje přišoł, zo by pokoj přinješ, ale mječ; wón ma so před čłowjekami wuznawać, a jeho lubosći njesmě so nič do přědka stajeć; štóž druhich Khrystusa dla česći, česći Khrystusa a dóstanje tohodla myto.

A powoławši svojich dwanaće wučownikow, da jim móc nad nječistymi duchami, zo bychu je wuhonjeli a hojili wšitku khorosć a wšitku slabosć.

Mark. 3, 13; Luk. 6, 13; 9, 1.

2. Mjena dwanaće japoštołow pak su tute: Přeni*: Syman, kiž rěka Pětr, a Handrij, jeho bratr;

3. Jakub, Zebedejowy syn, a Jan, jeho bratr; Filip a Bartoń; Domuš a Matej člownik; Jakub, Alfejowy syn, a Tadej;

4. Syman Kananejski a Judaš Iskariot, kotryž je jeho potom preradził.

5. Tutech dwanaće wupósła Jězus, prikazujo jim, prajo: Njekhodźće na puć k pohanam a njezastupće do městow Samarijskich*.

6. Ale dźiće radši k zhubjenym wowcam domu israelskeho*.

Jap. sk. 13, 46.

7. Dźiće pak a předuće prajicy: Přibližiło je so njebieske kralestwo.

8. Khorych wustrowjeće, mrtwych zbudźće, wusadnych wučisćejeće, djabliska wuhonće; darmo sće dóstali, darmo dawajeće.

9. Njemějeće zloto, ani slěbro, ani pjenjezy we svojich pasach*. Luk. 9, 3; 10, 4.

28. Domoj t. r. do Kafarnauma. — 34. Hl. deleka 12, 27. — 36. Lud žadosći za rozwučenjom, ale na wučerjach je njedostatk. Tehdy wučěše jeno Jězus a Jan křćenik, pismawučeni pak běchu jeno za sebjě žiwi a pokazowachu lud husto na wopačne puće. — 38. Khrystus wučí, zo móža sebi wěriwi dobrych pastyrjow wot Boha wuprosyć, a tohodla je tež katolska cyrkej tak mjenowane štwore suche dny postajiła, na kotrychž maju wěriwi wo dobrych mčšnikow prosyć.

X. 2. Wot wšitkich scénikow mjenuje so Pětr mjez japoštołami kóždy króć jako přeni. — 5. Njeprěduće nětko hišće pohanam a Samarijskim. Samarija bě krajina mjez Judeju a Galileju; wobydlerjo tuteje krajiny běchu potomnicy tych Israelitow, kotrychž bě assyriski kral Salmanassar při wotwjedženju israelskeho ludu tam wostajił; woni běchu z pohanami změšeni, a ze Židami nje-móžachu so znjesć. — 6. Židam bě wot wšitkich profetow slubjene, zo budže Messias wot nich pokhadžeć; woni dyrbjachu tohodla najprjedy k zastupjenju do jeho kralestwa so přeprosyć. — 9. Šěroke pasy trjebachu so tež jako pjenježne móšny.

10. Ani wačok na puć, ani dwě sukni, ani črije, ani kij; přetož dželaćef je swojeje jědže hódny.

11. Do kotrehožkuli města abo městačka pak zastupiće, prašejće so, što by w nim hódny był, a tam wostańće, hač wotěrdźeće.

12. Zastupujey pak do domu, postrowće jón prajey: Pokoj tomu domej!*

13. A budže-li tón dom hódny, přindže waš pokoj na njón; njebudže-li pak hódny, wróći so waš pokoj k wam.

14. A štožkuli by was njepřijał, ani waše słowa posluchal, wuńdźe z tajkeho domu abo města won a wotřasće proch ze swojeju nohow*.

15. Zawěrnó praju wam: Lóže budže zemi Sodomskej a Gomorrhskej na sudnym dnju, dyžli tomu městu.

16. Hlej ja scělu was jako wowcy mjez wjelki; budźeće tohodla mudri jako hady*, a bjezfalšni jako holbje. Luk. 10, 3.

17. Hladajće pak so čłowjekow; přetož budža was radam podawać, a we swóych zhromadźiznach was šwikać.

18. A před bohotow a kralow budźeće wodźeni mje dla, jim a pohanam na swědčenje.

19. Hdyž pak was podadža, njestarájće so, kak abo što byšće rěčeli; přetož date budže wam w tej samej hodžinje, štož maće rěčeć. Luk. 12, 11.

20. Přetož wy to njejsće, kotřiž rěčíte, ale Duch wašeho Wótca, kiž rěči we was.

21. Poda pak bratr bratra k smjerći a nan syna, a džěći powstanu přeciwo staršim a morja jich*.

22. A budźeće hidźeni wot wšitkich mojeho mjena dla; štož pak wutraje hač do kónca, budže zbóžny.

23. Hdyž pak budža was přescěhać w jenom měsće, čekńće do druhého. Zawěrnó praju wam, njepřekhodźíte města israelske, hač přindže Syn čłowjeka*.

24. Wučownik njeje přez mištra, ani služownik přez swojeho knjeza.

Luk. 6, 40; Jan. 13, 16; 15, 20.

25. Doć je wučownikej, zo je jako jeho mištr, a služownikej, zo je jako jeho knjez. Su-li hospodarja Beelzebuba* mjenowali, čim bóle jeho domjacych?

26. Tohodla njebójće so jich; přetož ničo njeje zaxowane, štož by njebyło zjewjene; ani potajne, štož by so njezhoniło.

Mark. 4, 22; Luk. 8, 17; 12, 2.

27. Štož wam praju we čmě, prajće na swětle, a štož do wucha slyšíte, přědujće na třěchach.

28. A njebójće so tych, kotřiž čělo morja, dušu pak morić njemóža; ale bóle bójće so toho, kotryž móže čělo a dušu do hele storčić.

29. Njepředawataj so dwaj wroblej za pjenjezk? a jedyn z njeju njepadnje na zemju bjez wašeho Wótca.

30. Tež waše włosy na hlówje pak su wšitke zličene. 2. Kral. 14, 11; Jap. sk. 27, 31.

31. Tohodla njebójće so; lěpši sće wy, dyžli wjele wroblow*.

12. „Pokoj budž z wami“ bě starožidowske postrowjenje; wot Jězusa a japoštołow wuprajene pak njebě to prózne přeće, ale přinjese woprawdže pokoj wutroby. — 14. t. r. k znamjenju, so chcećo bjez winy być jich zasaklosće dla, zo hnadu Božu njejsu přijeli. — 16. Had je znamjo mudrosće, kotraž kedžbuje na strachi a jim čěka, a hdyž jim čeknyć njemóže, skhowa to, štož je najwažniše, swoju hlówu, cyłe čělo kaž koło wokoło njeje zawijejo. Holb pak je znamjo miłeho, pokorného, čistého počinka. — 21. Khrystus přinjese rozsud mjez čłowjekow, tež stawy swójbje budža so rozsudźeć pak za Khrystusa, pak přeciwo njemu, a z toho nastanje njepřezjenosć a přescěhanjo, dokelž su, kotřiž su křescansku wěrnosć spózнали, tamnym, kotřiž ju začpěwaju, najwjetši porok. — 23. t. r. Wy a waši nastupnicy njewobroća hišće wšitkich Israelitow, hdyž ja zaso přindu k poslednjemu sudej. Přiwobroćenje wšěch Židow k cyrkwi stanje so hakle na kóncu časow a tež tehdy wostanu hišće někotři w zasaklosći. — 25. Beelzebub, t. r. knjez bydla, mjenujcy helskeho wobydlenja, wjeřeh djabołow. — 31. Čim skerje Bóh was zakita.

32. Kóždy tohodla, kotryž mje wuznaje před čłowjekami, toho tež ja wuznaju před swojim Wótcom, kiž je w njebiesach.

Mark. 8, 38; Luk. 9, 26; 12, 8; 2. Tim. 2, 12.

33. Štóz pak mje zaprje před čłowjekami, toho tež ja zapru před swojim Wótcom, kiž je w njebiesach.

34. Njemyslće sebi, zo přinďzech pokoj přinjesé na zemju; njeprinďzech pokoj přinjesé, ale mječ.*

Luk. 12, 51.

35. Přetož přinďzech wotďželić čłowjeka přeciwo jeho nanej, a džowku přeciwo jeje maćeri, a přichodnu džowku přeciwo jeje přichodnej maćeri.*

36. A njeprěćelowje čłowjeka budža jeho domjacy.*

37. Štóz nana a mać bóle lubuje dyžli mje, njeje mje hódný; a štóz syna a džowku bóle lubuje dyžli mje, njeje mje hódný;

Luk. 14, 26.

38. A štóz njebjeryje swój křiž na so a njeńdže za mnu, njeje mje hódný.*

Niže: 16, 24; Mark. 8, 34; Luk. 9, 23; 14, 27.

39. Štóz namaka swoje žiwjenje, zhubi je*; a štóz by zhubil swoje žiwjenje mje dla, namaka je.

Luk. 9, 24; 17, 33; Jan. 12, 25.

40. Štóz was přijima, přijima mje; a štóz mje přijima, přijima toho, kotryž je mje pósłal.

Luk. 10, 16; Jan. 13, 20.

41. Štóz přijima profetu w mjenje profety, dóstanje myto profety*; a štóz přijima sprawného w mjenje sprawného, dóstanje myto sprawného.

42. A štóžkuli by k piću podal jenomu

z tutych najmjenších jenož klušk zymnjeje wody w mjenje wučownika, zawěrnó praju wam, njezhubi swoje myto. Mark. 9, 40.

STAW XI.

Jan sćeje z jastwa pósłow k Jězusej, a Jězus khwali Jana před ludom. Židow pak přirunuje džěćom, kotrež na torhoću na so wołaju; porokuje zasakłym městam, we kotrychž bě wjele džiwow činił. Jězus khwali Wótca, woła wobčeženych k sebi wučo, zo je jeho přah słódky.

A sta so, hdyž Jězus přesta swojim dwanaće wučownikam přikaznje dawać, woteńdže wottam, zo by wučil a předo-
wał we jich městach.*

2. Jan pak wuslyšawsí w jastwje wo Khrystusowych skutkach, pósła dweju ze svojich wučownikow,

Luk. 7, 18.

3. A da jemu prajić: Sy ty tón, kotryž ma přinć, abo mamy druheho wočakować?*

4. A wotmołwjejo Jězus praji jimaj: Džitaj a powědajtaj Janej, štož slyšitaj a widžitaj:

5. Slepi widža, khromi khodža, wusadni so wučisceju, hłuši slyša, mortwi wstawaju, khudym so ewangelium přěduje;

Is. 35, 5; 61, 1.

6. A zbóžny je, kotryž so na mni nje-
pohóršuje.*

7. Hdyž pak wonaj woteńdžeštaj, poča Jězus k črjódam rěćeć wo Janje: Što sće wušli do pusciny widžec? Sćinu z wětrom hibanu?*

Luk. 7, 24.

8. Abo što sće wušli widžec? Čłowjeka w mjehkej drasće wobleženeho?*

84. t. r. Při rozšěrjenju mojeje wučby nastanu čłowjeskeje zlóscé dla na swěće překory, nje-
přecelstwa a wójny. — 85. hl. horjeka 21. — 86. W tej samej swójbjě, w kotrejž někotři do mnje
wěrja, budža druzy moje wučby zacywać a so prócować, zo bych wěriwych wot nich wotwobročili.
— 88. Štóz njeha přeciwnosć, čerpjenja a bolosciwu smjerć za mnje a za moju wěru wustać,
njeje hódný, zo je mój wučownik, a njedóstanje zbóžnosć. — 89. Štóz sebi žiwjenje na zemi ze za-
prěćom wěry zdžerži, zhubi je za wěćnosć; štóz pak je na swěće zhubi, za mnje je woprjuo, namaka
je za wěćnosć. — 41. Štóz profetu přijima, dokelž je wot Boha pósłany profeta, dóstanje myto,
kajkež profeta.

XI. 1. t. j. w galilejskich městach. — 8. Zo Jan křćenik derje wěďše, što Jězus je, spózna-
wamy z Mat. 3, 17 a z jeho samsnych słowow (Jan. 1, 29, 34; 3, 30—36). Wón so jeno tohodla
tak prašeć da, zo by svojich wučownikow rozwučil, što Jězus je, a zo by jich wěru do njeho wob-
kručil. — 6. To je porok za Janowych wučownikow, kotřiž tohodla wo Jězusu dwělowachu, dokelž
bě tak khudě a ponižnje žywy, z tajkej swětněj mocu njewustupowaše, kajkež so wot Messiasa
nadščachu. — 7. t. j. muža, we svojich přeswědčenjach so husto mēnjaceho, njewobstajneho? —
8. t. j. swětnym wjesoloscám podateho.

kotříž mjehku drastu so woblekaju, su w kralowskich domach.

9. Abo što sće wušli widzieć? Profetu? Haj, praju wam, tež wjacy dyžli profetu.*

10. Přetož tutón je, wo kotrymž je pisane: „Hlej, ja sćelu svojego jandžela před twójim wobličom, kotryž budže twój puć před tobu přiřetować.“

Mal. 3, 1; Mark. 1, 2; Luk. 7, 27.

11. Zawěrnó praju wam: mjez rodzenymi wot žónskich njepowstany žadyn wjetši, dyžli Jan křćenik; ale štóž je najmjeńši w njebieskim kralestwje, je wjetši dyžli wón.*

12. Wot dnjow Jana křćenika pak do nětka žada njebieske kralestwo móc, a kotříž so mocuja, torhnu je na so.*

13. Přetož wšitecy profetowje a zakoní hač do Jana su wěšćili.

14. A chceće-li zapřijec, wón je Elias,* kotryž ma přińc.

Mal. 4, 5.

15. Štóž ma wušli k slyšenju, njech slyši.

16. Komu pak přiřunam tutón splah? Podobny je džěćom na torhošću sedžacy, kotrež wołaju na svojego runjeća:

17. A praja: Piskachmy, a njerejwašće, žaloscachmy, a njeplakašće.

18. Přetož Jan přińdže, kotryž ani njejděže ani njepiješe, a praja: Djabola ma.

19. Přińdže Syn čłowjeka, kotryž jě a pije, a praja: Hlej, wožrały čłowjek a

winowy pijčk, přecel čłownikow a hrabnikow. A mudrosć je wosprawnosć wot svojich džěćí.*

20. Tehdy poča porokować města w kotrychž bě so najwjacy jeho džiw stalo, dokelž njesu pokutu činile.

21. Běda tebi, Korozainje, běda tebi, Bethsaida, dokelž bychy-li so w Tyru a Sidonje džiwje stale, kotrež su so stale we wamaj, dawno budžeštaj we měšće popjele pokutu činilo. Luk. 10,

22. Ale praju wam: Tyrej a Sidon budže lóže na sudnym dnju, dyžli wam

23. A ty Kafarnaumje, budžeš so lóže do njebies powyšec? hač do hele zjědz dokelž, bychy-li we Sodonje so džiwje stale, kotrež su so stale we tebi, snadź by stala hač do džensnišeho dnja.

24. Ale praju wam: zo budže sodomskaj zemi lóže na sudnym dnju, dyžli te

25. We wonym času rjekny Jězus wo mołwjejo: Khwalu tebe, Wótče, knje, njebies a zemje, zo sy to zakhował před mudrymi a wučeny, móličkim pak zjew

26. Haj, Wótče, dokelž tak so před to zespodoba.

27. Wšitko je mi přepodate wot mjeje, jeho Wótca; a nihtó njeznaje Syna, khaj Wótca, ani Wótca nihtó njeznaje, khaj Syn, a komuž zechce Syn zjewić.*

Jan. 6, 46; 7, 28; 8, 19; 10, 15.

9. t. r. profetowje su Khrystusa jeno z daloka widželi a ludej jeho přikhad připowědali, Jan je před nim samym khodžil, jemu puć přiřetował, z porstom na njeho pokazował jako na jěho Bože. — 11. Mjez narodzenymi ze žónskich, t. r. mjez ludźimi stareho zakonja je Jan najwjacy we kralestwje Božim, we Jězusowej cyrkwi mjez tymi, kotříž su z wody a Ducha swjateho nardženi, pak je samo najmjeńši hižo wjetši dyžli wón, dokelž najmjeńši w cyrkwi Khrystusowej žiwa wšitko, štož je Jan připowědował. — 12. t. r. z Janom počina so njebieske kralestwo na zemi do kotrohož nihtó bjez napinanja svojich mocow a hinak njezastupi, khiba ze sebjezapřetow dobytóm nad swojimi nakhilnosćemi. — 14. t. r. wón je tón z Eliasowej mocu wuhotowany přiřetowacy pokuty. — 19. Tutomu splahej njemóže nihtó prawje činić; jako džěć na puću na svojego runjeća wołaju, zo bychy z nimi harowale, a hdyž to nječinja, so na nich zlobja, tak farisejow, pismawučeni abo Židža na Jana a na mnje so hórša, zo mój wučby wo njebieskim kralestwje po spodobanju a wočakowanju njezradujemoj. Ale mudrosć, kotraž je we Janje a we mni so zjewje, budže zapřijata jako prawa wot jeje džěćí, t. r. mojih wučownikow a wot wšitkich, kotříž budže džěćí prawje mudrosće. Woni spóznaja, zo je Jan prawje wučil a skutkował, hdyž tak k njemu žiwjenje wjedžeše, a zo Syn čłowjeka prawje so zadžerži, hač runje z hrěšnikami wobkhađu. — 24. pak, kotříž su mje a moju wučbu začpeli, póněže so na sudnym dnju hórje dyžli pohanskim měšćom hórje dyžli bjezbóžnemu měšćej Sodoma. — 25. t. j. njewučeny, jednory, ale mi podwohacy wučownikam, mjez tym zo to potajne a njezapřijate wostanje hordym mudračkam tutoho swěta. — 27. t. r. njemóže prawje Boha spóznać, hač jeno přez Synowe zjewjenja a wučby.

28. Póje ke mni wšitcy, kotřiž sće sprócni a wobćeženi, a ja was wokřewju.*

29. Wzmiće mój přah na so a wukńće wote mnje; dokelž sym čichomyslny a ponižneje wutroby, a namakaće wotpočink za swoje duše.

30. Přetož mój přah je slódki a moje břemjo je lohke.*

STAW XII.

Jězus zamołwa wučownikow na sabaće kłosy šćipacych; wuhoji na sabaće zeskhnjenu ruku; mjelči k šćuwanjam farisejow; mnohim wot njeho wustrowjenym poručí mjelčec a dopjelni z tym Isaiasowe wěšćenje. Po wustrowjenju wobsynjeneho, kotřiž bě slepy a němý, přepokaza farisejow, kotřiž jeho hanjachu, jako by přez Beelzebuba djaboly wuhonjał; praji, zo hanjenje Duchu swjateho so njewoda a zo budže kóžde hanjace słowo sudžene. Pismawučnym a farisejam za džiwow žadacym praji, zo so jim Jonasowe znamjo poda; a što je jeho mać, a što su jeho bratra.

We wonym času woteńdže Jězus na sabaće přez žita; jeho wučownicy pak hlódni, počachu kłosy šćipać a jěsć.*

Mark. 2, 23; Luk. 6, 1.

2. Farisejowje pak to widźicy rjeknychu jemu: Hlej, twoji wučownicy činja, štož so njesłuša činić na sabaće.*

3. Wón pak rjekny jim: Njejsće čitali, što je David činił, hdyž bu hlódny, a kotřiž běchu z nim? 1. Kral. 21, 6.

4. Kak do domu Božeho zastupi, a wustajene khlěhy jědžeše, kotrež jěsć jemu so njeslušeše, ani tym, kotřiž běchu z nim, ale jeno měšnikam samym?*

3. Mójz. 24, 9.

5. Abo njejsće čitali w zakonju, zo na sabaće měšnicy w templu sabat njedžerža, a su bjez winy?*

6. Praju pak wam, zo je tudy, kotřiž je wjetši, dyžli templ.*

7. Hdy byšće pak wědzeli, što je: Smilnosć chcu a nic wopor, njebudžešće ženje tamali njewinowatych.*

1. Kral. 15, 22; Os. 6, 6; wyše: 9, 13.

8. Přetož Syn čłowjeka je knjez tež sabata.

9. **A** hdyž bě wottam wotešoł, přińdže do jich synagogi.

10. A hlej, tu běše čłowjek, kiž měješe zeskhnjenu ruku, a prašachu so jeho prajicy: Słuša so, na sabaće wustrowjeć? zo bychy jeho wobskoržowali.*

Mark. 3, 1; Luk. 6, 6.

11. Wón pak jim rjekny: Kotry čłowjek mjez wami, kiž by jenu wowcu měł, by-li na sabaće do jamy padnyła, njeprimnje a njewučehnje ju? 5. Mójz. 22, 4.

12. Kak wjele je čłowjek wjacj dyžli wowca? Tohodla so słuša, na sabaće dobre činić.

13. Tuž džeše k čłowjekej: Wupřestrěj swoju ruku. A wón ju wupřestrě, a bu zaso strowa jako druha.

14. Farisejowje pak wotšedši džeržachu radu přećiwo njemu, kak bychy jeho skóncowali.

15. Jězus pak to wědzawši, woteńdže wottam; a sčehowachu jeho mnozy, a wustrowi jich wšitkich.

16. A prikaza jim, zo bychy jeho nje-wozjewjeli;

28. t. r. pola mje namakaju wšitcy na čěle a duši wobćeženi prawy wotpočink a posylnjenje, štož druhdže w swěće podarmo pytaju. — 30. t. r. winowatosće, kotrež moja wučba nakładuje, a moje kaznje su snadne a při dopjelnjenju wokřewjace, dokelž sebi nježadaju, khiba štož k zbožownemu žiwjenju w času a wěčnosti wjedže.

XII. 1. Po Mójzesowym zakonju (5. Mójz. 23, 25) bě pućowarjam k změrowanju hlodu dowolene, kłoski šćipać a zornjataka wužiwać. — 2. t. j. hóršachu so tohodla, dokelž mějachu šćipanje kłoskow za džělo, kotrež bě na sabaće zakazane. — 4. Kaž bě Davidej w času nuzy dowolene, zo swjećený khlěb wužiwaše, tak je tež mojim wučownikam dowolene, kłoski šćipać, hdyž jich hlód čwěluje. — 5. Z rězanjom woporneho skotu a z druhim při woporach trěbnym džělom njezhřeša měšnicy, dokelž tuto čezke džělo wukonjecej Bohu služa. — 6. t. r. knjez templa. — 7. hl. Oseas 6, 6; njewinowatych t. j. mojih wučownikow, kotřiž njejsu lohkomyslnje, ale z nuzy kłoski šćipali, dokelž běchu hlódni. — 10. t. r. jako wonječescerja sabata, hdyž wustrowjenje čłowjeka na sabaće za dowolene džerži.

17. Zo by zo dopjelnilo, štož bu prajene přez profetu Isaiasa, kiž praji:*

18. „Hlej, mój služownik, kotrehož sebi wuzwolich, mój lubowany, kotryž mojej duši so derje spodobaše. Položu svojego ducha na njeho, a budže sud připowědować pohanam.

19. Njebudže so wadzić ani wołać, a nichtó njezaslyši jeho hlós na dróhach.

20. Nałamanu sćinu njezlama, a žehliwy sužoh njewuhasnje*, hač dowjedže sud k dobyću.**

21. A w jeho mjenje změja pohani nadžiju.“

Is. 42, 1—4.

22. Tehdy bu k njemu přiwjedzeny, kiž měješe djablisko, slepy a němý, a wustrowi jeho tak, zo rěčeše a widžeše.

23. A wšitke črjody so džiwachu a prajachu: Njeje tutón syn Davidowy?*

24. Farisejowje pak to slyšawši rjeknychu: Tón njewuhonja djaboły, khiha přez Beelzebuba, wjerfcha djabliskow.

Wyše 9, 34; Mark. 3, 22; Luk. 11, 15.

25. Jězus pak jich mysele znajo, rjekny jim: Kóžde kralestwo, rozdžělene přeciwo sebi, zapusći so, a žane město abo dom, kotryž je rozdžěleny přeciwo sebi, njewobstoi.*

Luk. 11, 17.

26. A wuhonja-li satan satana, je džěleny přeciwo sebi. Kak wobstoi tohodla jeho kralestwo?

27. A wuhonjam-li ja přez Beelzebuba djaboły, přez koho wuhonjeju je waši

synowje? Tohodla budža woni waši sudnicy.

28. Wuhonjam-li pak ja přez ducha Božeho djaboły, potajkim je kralestwo Božek wam přišlo.

29. Abo kak zamóže něchtó do domu sylneho zastupić a jeho sudowja pobrać njeje-li předy sylneho zwjazal? a potom hakle wurubi jeho dom.*

30. Štóz njeje ze mnu, je přeciwo mi a štóz njehromadzi ze mnu, rozpjerša.

31. Tohodla praju wam: Kóždy hrěch a bohahanjenje woda so čłowjekam; hanjenje Ducha (swjateho) pak so njewoda.

Mark. 3, 28, 29.

32. A štóžkuli słowo rjeknje přeciwo Synej čłowjeka, tomu so woda; štóz pak by rěčal přeciwo Duchej swjatemu, tomu so njewoda ani w tutom swěće ani w přichodnym.*

Luk. 12, 10.

33. Pak sćinće štom dobry, a jeho plód (budže) dobry; pak sćinće štom zły, a jeho plód (budže) zły*; přetož z plodu spózna wa so štom.

34. Ješćefči splaho, kak móžeće dobre rěčec, hdyž sće zli? Přetož z polnosć wutroby rěči rot.

Luk. 6, 45.

35. Dobry čłowjek z dobroho poklad wunoša dobre; a zły čłowjek ze zleho poklada wunoša zle.

36. Praju pak wam: zo změja čłowjekowje wot kóždeho njewužitneho słowa kotrež bychu rěčeli, zamołwenje dawa na sudnym dnju.

17. Isaias wopisuje 42, 1—4 miłe skutkowanje Messiasa. — 20. t. r. njezastorči čłowjek doniž hišće slabe slědy dobroho w nim namaka; **hdyž budže prawa wěra powšitkownje na swěće knjezić. — 23. t. r. slubjeny Messias. — 25. Kralestwo, město abo swójba, hdžež njepřexjeno nastawa a knježi, jedyn přeciwo druhemu so zběha, njemóže dolho wobstać, ale rozpadnje; hdy ja po waším mjenjeju z mocu djabołskeho wjerfcha djaboły wuhonjam a jeho kralestwo přez njeho slabju, dyrbi jeho kralestwo rozpadnyć, a k tomu njeda mi lestny djaboł swoju móc. Hdyž pak z Božej mocu djaboły wuhonjam, wjeselće so; dokelž je to wěste znamjo, zo sym wot Boha posłan Messias, zo je potajkim kralestwo Božek wam přišlo. — 29. Tak dyrbiu tež ja mócniji być, dyž Beelzebub, hdyž jeho wottam wuhonjam, hdžež knježeše. — 31. Hrěchi přeciwo Duchej swjatemu so njewodawaju, dokelž tajki čłowjek swjatu prawdu a Božu hnadu stajnje wotpokazuje. — 32. Z toho scěluje, zo móža w přichodnym swěće hrěchi so wodawać, mjenujcy małe abo snadne hrěchi. — 33. Hl. 7, 16—20. Farisejowje rěča we swojej zasaklosći přeciwo sebi, dokelž prajaju, zo je wuhnaće djabołow dobry skutk, mjez tym zo tola toho, kiž djaboły wuhonja, hanja jako pomocnika djaboła. Tola jako dobry plód jeno z dobroho štomu wukhadža, tak dyrbi tón, kiž dobrý skutk dokonja, dobry być; a jako zły plód ze zleho štomu wukhadža, je tón zły, kiž zle čini.

37. Přetož ze svojich słowow budžeš wosprawnyjeny, ze svojich słowow budžeš zatamany.*

38. Tehdy wotmołwichu jemu někotři z pismawučenyh a farisejowje prajicy: Mištrje, chcemy wot tebjje znamjo widžec.

39. Wón pak wotmołwjejo džeše k nim: Zły mandželstwalamafski* splah žada znamjo, a znamjo njeda so jemu, khiba znamjo profety Jonasa.

Niže 16, 4; Luk. 11, 29; 1. Kor. 1, 21.

40. Přetož jako běše Jonas w brjuše mórskeje ryby tři dny a tři nocy, tak budže Syn čłowjeka we wutrobje zemje tři dny a tři nocy.*

Jon. 2, 1.

41. Mužowje z Ninive wstanu na sudnym dnju z tutym splahom, a zatamaju jón, dokelž pokutu činjachu na Jonasowe předowanje; a hlej, wjacy dyžli Jonas je tudy.

42. Kralowna wot połdnja wstanje na sudnym dnju z tutym splahom, a zatama jón, dokelž přińdže wot kónčinow zemje, slyšeć Salomonowu mudrosć; a hlej, wjacy dyžli Salomon je tudy.*

43. Hdyž pak nječisty duch z čłowjeka wuńdže, khodži po suchich městach pytajo wotpočink, a njenamaka jón. Luk. 11, 24.

44. Tuž praji: Wróću so do svojeho domu, z kotrehož wuńdžech. A přišedši namaka jón prózdný, z khošćemi wumječeny, a wudebjeny.

45. Tuž dže a wozmjje ze sobu sedm druhich duchow, hóršich, dyžli sam je, a zastupiwši bydlja tam; a poslednje wěcy

tutoho čłowjeka su hórše, dyžli přenje.* Tak stanje so tež tutomu najhóršemu splahej.

2. Pětr. 2, 20.

46. Hdyž wón hišće k črjódam rěčeše, hlej, stojachu jeho mać a bratřa* wonka, žadajcy z nim rěčeć.

Luk. 8, 19.

47. Rjekny pak jemu něchtó: Hlej, twoja mać a twoji bratřa stoja wonka a pytaju će.

48. Wón pak wotmołwi a džeše k tomu, kotryž jemu to praji: Štó je moja mać a štó su moji bratřa?

49. A wupřestrěwši ruku na svojich wučownikow rjekny: Hlej, moja mać a moji bratřa.

50. Přetož štóžkuli čini wolu mojeho Wótca, kiž je w njebjesach, tón je mój bratr a moja sotra a moja mać.*

STAW XIII.

W čołmje sedžo wuči Khrystus přirunani wo syjerju a pjancy, kotrež swojim japoštołam wukładuje; tohorunja přirunanja wo žonopowym zornje, wo zakisanym čestu, wo namakanym pokładě a namakanaj parli, wo syći do morja pušćenej; tuto přirunanje tež wukładuje. W Nazareće wučo praji, zo profeta bjez časće njeje, khiba w swojej wótčinje.

Tón samy džen wušedši Jězus z domu sedžeše při morju.* Mark. 4, 1; Luk. 8, 4.

2. A zhromadźichu so k njemu mnohe črjódy, tak zo do čołmika stupiwši so sydže; wšón lud pak stoješe na brjozy.

3. A rěčeše k nim wjele we přirunanjach, prajo: Hlej, syjef wuńdže, zo by wusylwał.

37. Rěče, kotrež čłowjek wjedže, pokazuja na zmyslenje, a tež na skutkowanje, a su takjec špihel jeho žiwjenja; tohodla móžeše Khrystus prajić, zo budže čłowjek po svojich słowach sudženy. — 39. Mandželstwo t. r. slub, kotryž bě Bóh z wótcami Israelitow swjatočnje sčinił, běchu tehdyši židza časćišo złamali, dokelž běchu Bohu njeswěrní byli. — 40. t. r. a potom wstanje wot mrtwych. — 42. Pohanscy Ninivitowje a pohanska kralowna ze Saby t. r. wot połdnja dachu so bjez njebjeskeho mamjenja powučić a k pokuće přiwjesć; wy pak na mnje njeposlušaće, hač runje mam wjetšu móc, dyžli Jonas a Salomon; tohodla woni was wašeje njewěry dla k wěčnemu zatamanju wotsudža. — 45. Jako kóžde horjo, n. př. khorosć, hdyž so wróci, wjele hórje zakhadža, tak je čłowjek, kotryž bě so wot hrěcha wotwobrocił, hdyž z nowa do njeho padnje, hišće hórši, dokelž je nakazanje wjele čežše, duchowna móc k tomu wjele slabša, a jeho smjerć budže zrudna. — 46. t. r. krejni přecelowje, kotřiž so we swjatym pismje husto bratřa mjenuja. — 50. Z tym chce Jězus prajić, žož je hižo w dwanatym lěće svojeho žiwjenja prajił: zo w bójskich wěcach ani najbližši krejni přecelowje njesmědža jemu na dopjelnjenju Božjeje wole sadžewać.

XIII. 1. t. r. při galilejskim morju abo jězorje Genezareth.

4. A hdyž syješe, padžechu někotre zorna při puću, a přilečachu ptaki njebja a zjěchu je.

5. Druhe pak padžechu na skałojte, hdžež njemějachu wjele zemje; a zeskhadžachu bórzy, dokelž njemějachu hluboku zemju.

6. Hdyž pak slńco zeskhadža, zwjadnychu, a dokelž njemějachu korjenja, wuskhnychu.

7. Druhe pak padžechu mjez ćernje; a ćernje rosćechu a podusychu je.

8. Druhe pak padžechu do dobreje zemje, a dawachu plód, jene sto króc, druhe šěsćdzesat króc, zaso druhe třiceći króc.

9. Štóz ma wuši k slyšenju, njech slyši.

10. A přistupiwiš rjeknychu wučownicy k njemu: Čohodla řečiš k nim we přirunanjach?

11. Wotmołwjejo džeše k nim: Wam je date spóznać potajnosće njebjeskeho kralestwa, jim pak njeje date.*

12. Přetož štóz ma, tomu budže date, a změje nadobnje; štóz pak nima, tomu budže tež, štóz ma, wotewzate.*

13. Tohodla řeču k nim we přirunanjach, dokelž widžicy njewidža, a slyšicy njeslyša, ani njerozymja.

14. A dopjelnja so nad nimi wěšćenje profety Isaiasa, kiž praji: „Slyšicy budžeće slyšeć a njezrozymiče, a widžicy budžeće widžeć a njepóznajeće. Isa. 6, 9—10; Mark. 4, 12; Luk. 8, 10; Jan. 12, 40.

15. Přetož stwjerdnyła je wutroba toho ludu, a z wušomaj su čežcy slyšeli, a swojej woći su zandželili, zo bychu z woćomaj njewidželi, a z wušomaj njeslyšeli a z wutrobu njerozymili a so njewobročili, a zo bych jich njewumóžil.“

Romsk. 11, 8.

16. Wašej woći pak stej zbóžnej, dokelž widžitej, a wašej wuši, dokelž slyšitej.

17. Zawěрно pak praju wam: Mnozy profetowje a sprawni požadachu widžeć, štož widžiče, a njesu je widželi, a slyšeć, štož slyšiče, a njesu slyšeli. Luk. 10, 24.

18. Wy tohodla slyšeće přirunanje wo syjerju.*

19. Hdyž něchtó słowo wo kralestwje (Božim) slyši a je njerozymi, přindže zly a rubi, štož je so wusyło do jeho wutroby, to je tón, kotryž je při puću wosyty.

20. Štóz pak je na skałojte wosyty, je tón, kotryž słowo slyši, a hnydom je z wjesolósću přijima;

21. Nima pak we sebi korjenja, ale je načasny; hdyž pak horjo a přesćěhanje přindže słowa dla, hnydom so pohóršuje.

22. Kotryž pak je mjez ćernje wosyty, je tón, kiž słowo slyši, ale starosć tutoh swěta a jebanje bohatstwa poduša słowo a bywa bjez plodu.

23. Kotryž pak je do dobreje zemje wosyty, je tón, kiž słowo slyši, a rozyymi, a njese plód; a dawa pak jedyn sto króc, a druhi šěsćdzesatkróc, zaso druh pak třicećikróc.*

24. Druhe přirunanje předpołoža jě prajo: Podobne je njebjeske kralestwo člowjekej, kotryž dobre symjo na swojej rolu wusywa.

Mark. 4, 26

25. Hdyž pak ludžo spachu, přindže jeho njepřećel, a nasy pjanku mjez psećmi a woteńdže.

26. Hdyž pak zelo zrosće, a plód přinjesce, tehdy pokaza so tež pjanka.

27. Přistupiwiš pak prajachu hospodari rjowi wotročcy: Knježe, njewosy dobre symjo na swoju rolu? Z wotkel mjez pjanku?

28. A džeše k nim: Njepřećelski člowjek to sćini. Wotročcy pak rjeknychu k njemu: Čheeš-li, pónđzemy a wuplějemy jě.

11. Wy sće přez přjedawše wučy ližo na zrozymjenje potajnosći njebjeskeho kralestwa přehotowani, woni pak nic; tohodla bychu je slyšicy wopačnje zrozymili. — 12. A tak plaći wo ni a wo was přisłowo: Tomu, kotryž ma, so hišće wjacj podawa; štóz pak ma jeno mało, tomu tež to, štož ma, wozmjě. — 18. t. r. wukład. — 23. t. r. za tym hač ma člowjek dary a dobrotu, přinjesce słowo Bože wjacj abo mjenje plodow.

29. A džeše: Ně, zo byšće trjebaj, pjanku plějicy, z njej sobu tež pšěncu njewutorhali.

30. Dajće woběmaj rosć hač do žni; a w času žni rjeknu žnjećcam: Zeběrajće najprjedy pjanku, a zwjazajće ju do walčkow k spalenju; pšěncu pak zhromadźće do mojeje bróznje.

31. Druhe přirunanje předpolaži jim prajo: Podobne je njebieske kralestwo žonopowemu zornu, kotrež čłowjek wzawši na swoju rolu wosy. Mark. 4, 31; Luk. 13, 19.

32. Wono drje je najmjeńše njez wšitkimi symjenjemi; hdyž pak je zrostło, je wjetše, dyžli wšitke zela, a bywa štom, tak zo ptaki njebjaj přikhadźeju a bydla w jeho hałzach.

33. Druhe přirunanje praji jim: Podobne je njebieske kralestwo zakisanemu čěstu, kotrež žónska wzawši do třoch měricow muki zaměsy, hač zakisa wšitko. Luk. 13, 21.

34. To wšitko rozpraji Jězus črjódam w přirunanjach, a bjez přirunanjow njeřečeše k nim,

35. Zo by so dopjelnilo, štož bu prajene přez profetu, kiž praji: „Wotewrju w přirunanjach swój rot, wozjewju, štož potajne bě wot spóčatka swěta.“* Ps. 77, 2.

36. Tehdy Jězus pušćiwši črjódy wot so přińdže domoj*, a přistupichu jeho wučownicy k njemu, prajicy: Wulož nam přirunanje wo pjancy na roli. Mark. 4, 34.

37. Wón wotmołwjejo džeše k nim: Kotryž wusywa dobre symjo, je Syn čłowjeka.

38. Rola pak je swět. Dobre symjo pak, to su džěci kralestwa. Pjanka pak su džěci zleho.

39. Njepřećel pak, kotryž ju nasy, je djabol; žně pak su skónčenje swěta, žnjeńcy pak su jandželowje. Zjewj. 14, 15.

40. Jako tohodla pjanku zběraju a we wohnju pala, tak budže při skónčenju swěta.

41. Syn čłowjeka pósćeje swojich jandželow a zwuběraju z jeho kralestwa wšitke pohórski a tych, kotřiž činja njeprawosć.

42. A čisnu jich do wohnjoweje pjecy; tam budže plač a křipjenje zubow.

43. Tehdy budža sprawni so swěćić jako slónco w kralestwje swojeho Wótca. Štož ma wuši k słyšenju, njech slyši.

Mudr. 3, 7; Dan. 12, 3.

44. Podobne je njebieske kralestwo pokladej, na polu skhowanemu, kotryž čłowjek, jón namakawši, skhowa a z wjesolósću nad nim dže, a předa wšitko, štož ma, a kupi to polo.

45. Zaso podobne je njebieske kralestwo kupcej, dobre parle pytacemu.

46. Namakawši pak jenu dobrou paru, woteńdže a předa wšitko, štož měješe, a kupi ju.

47. Zaso podobne je njebieske kralestwo syći, do morja pušćenej a wšelake ryby hromadźiwšej.

48. Hdyž bě napjelnjena, wučahnychu ju, a na brjozy sedźicy zwuběrachu dobre do sudowjow, špatne pak čiskachu přeč.

49. Tak budže při skónčenju swěta. Jandželowje wuńdu, a wotdźěla zlych ze srjedźiny sprawnych.

50. A čisnu jich do wohnjoweje pjecy; tam budže plač a křipjenje zubow.

51. Sće to wšitko zrozumi? Prajachu: Haj.

52. Džeše k nim: Tohodla je kóždy pismawučeny, kiž je wo njebieskim kralestwje rozwučeny*, podobny čłowjekej hospodarjej, kotryž wunoša ze swojeho poklada nowe a stare.

53. A sta so, hdyž Jězus tute přirunanja skónči, woteńdže wottam.

85. Tak zo móžeše wo Knjezu so rjec, štož psalmista wo sebi praji; ps. 77, 2. — 86. t. r. do domu we Kafarnaumje. — 52. t. r. kóždy prawy wučer we Jězusowej cyrkwi, kotryž znate a njeznate prawdy a wučby po potřebnosćach swojich poslušarjow wučí.

54. **A** přišedši do swojeje wótčiny* wučěše jich we jich synagogach, tak zo so džiwachu a prajachu: Z wotkel ma tule mudrosć a móc? Mark. 6, 1; Luk. 4, 16.

55. Njeje to česlowy syn? Njerěka jeho mać Marija, a jeho bratřa Jakub a Józef, a Syman a Judaš?* Jan. 6, 42.

56. A jeho sotry, njejsu wšitke při nas? Z wotkel ma tohodla to wšitko?

57. A pohóršowachu* so nad nim. Jězus pak rjekny jim: Profeta njeje bjez česće, khiba we swojej wótčinje a we svojim domje.

58. A njesćini tam mnohe džiwy, jich njewěry dla.

STAW XIV.

Janowa hlowa poda so rejwařcy; Jězus nasyći pjeć tysac mužů w pušćinje z pjeć khlěbami a dwěmaj rybomaj; wón změruje wučownikow wot wichora wokoło mjetanych, přez morjo k nim přišedši, a wumóže Pětra před zatepjenjom. W krajinje Genesar wustrowjeju so wšelacy khori x dótknjenjom jeho drasty.

W tom samym času zasłyša tetrarcha* Herodes powěsć wo Jězusu.

Mark. 6, 14; Luk. 9, 7.

2. A praji svojim služownikam: Tón je Jan křćenik, wón je wot mortwych wstanul, a tohodla stawaju so džiwy přez njeho.

3. Přetož Herodes Jana zajawši bě jeho zwjazal, a do jastwa sadžil dla Herodiady, žony swojeho bratra.*

Mark. 6, 17; Luk. 3, 19.

4. Přetož Jan jemu praješe: Njesluša so tebi, zo ju maš.

5. A chcyjo jeho morić, naboja so ludu, dokelž mějachu jeho za profetu.

Niže 21, 26.

6. Na narodnym dnju Herodesa pak rejwaše džowka Herodiady* w srjedźinje (hosći) a spodobaše so Herodesej.

7. Tohodla slubi z přisahu jej dać, štožkuli by sebi požadala.

8. Wona pak, wot swojeje maćerje přejdy napominana, džeše: Daj mi tudy we škli hlownu Jana křćenika.

9. A kral so zrudži; ale přisahi dla a tych dla, kotřiž sobu za blidom sedžachu, prikaza, ju dać.

10. Pósla* a da Jancj we jastwje hlownu wotćeć.

11. A jeho hlowna bu přinjesena we škli a data holčcy; a wona donjese ju swojej maćeri.

12. A jeho wučownicy přistupiwiši wzaču jeho čělo a pohrjebachu je; a wotšedši powěchu to Jězusej.

13. Hdyž bě to Jězus slyšal, woteńdźe wottam w čolmiku na puste město w samoće*, a hdyž črjody to zaslyšachu, džěchu za nim pěši z městow.

Mark. 6, 31; Luk. 9, 10; Jan. 6, 3.

14. A wustupiwiši wuhlada wulke črjody, a jemu běše jich žel, a wustrowi jich khorych.

15. Hdyž pak wječor bu, přistupichu jeho wučownicy k njemu, prajicy: Město je puste, a čas so hižo miny; rozpušć lud zo bychy do městow šli a sebi jědze kupili.

16. Jězus pak rjekny jim: Jim njeje trjeba woteńe, dajće wy jim jěsć.

17. Wotmolwichu jemu: Nimamy tudy khiba pjeć khlěbow a dwě rybje.

18. Wón džeše k nim: Přinjesće mi j sem.

54. t. j. do Nazaretha. — 55. To su Jězusowi krejni přecelowje, synowje Kleofasa a Marije čety maćerje Božeye, kotraž z Mariju Madlenu a druhimi žónskimi Jězusej poslužowaše. — 57. Wot porokowachu jemu, zo je z tak nizkeje swójby.

XIV. 1. Tetrarcha, štwórciwjerch, rěkaše knježićer nad štwórcu abo štwórtym džělom kraja Herodes Antipas běše syn Herodesa Suroweho, dósta po smjerći swojeho nana štwórtý džěl jeho kralestwa, Galileju. — 3. Herodes bě swojemu bratřej Filipej žonu wotwjedl, a běše z njej žiwý. Swjaty Jan jemu to zjawnje porokowaše a rani z tym wosebje Herodiadu; wona pohnu Herodesa zo Jana do jastwa sadži, w twjerdžiznje z mjenom Machärus. Tola smědzachu wučownicy s. Jana wopytować. — 6. Z mjenom Salome; ju bě Herodias přenjemu mandželskemu porodžila. — 10. Twjerdžizna bě blisko hrodu Herodium, w kotrymž Herodes přebywaše. — 18. Jězus poda so kaž Mark. 6, 45 powěda, z Galileje na puste město pola Bethsaida Julias, kotrež wot jězora Genezaret k ranju ležeše.

19. A poručiwši, zo by so lud na trawu zesydal, wza pječ khlěby a dvě rybje, a pohladnywši k njebju, požohnowa, a lamaše a dawaše khlěby wučownikam, wučownicy pak črjódam.

20. A jědzachu wšitey a buchu nasycěni. A zezběrachu zbytki, dwanaće korbów z lamankami poľnych.

21. Tych pak, kotřiž běchu jědli, běše po ličbje pječ tysac mužů, bjez žonów a džěci.

22. A hnydom ponući Jězus wučownikow, zo bychů do čolnika stupili a před nim so přewjezli přez jězor, hač by črjody wot so pušćil. Mark. 6, 45; Jan. 6, 15.

23. A lud wot so pušćiwši, woteńdže na horu, zo by sam so modlil. Hdyž pak wječor bu, běše tam sam.

24. Čolnik pak bu srjedź morja wot žolmow mjetany; přetož wětr běše napřećiwny.

25. We štwórtym džělu nocy* pak přinďže Jězus k nim po morju kročo.

26. A widziwši jěho po morju kročaceho, stróžichu so prajicy: To je bludmo, a wolachu z bojósće.

27. Hnydom pak Jězus k nim porěča, prajo: Mějće dowěru, ja sym, njebojće so.

28. Wotmolwjejo pak rjekny Pětr: Knježe, sy-li ty, poruč mi k tebi přinď po wodže.

29. Wón pak džeše: Pój! A wustupiwši Pětr z čolnika, kročeše po wodže, zo by k Jězusej přišol.

30. Widžo pak wětr syľny, naboja so, a počawši so podnurjeć, zawola prajo: Knježe, wumóž mje!

31. A hnydom wupřestrě Jězus ruku, přimny jěho, a džeše jemu: Małowěriwy, přeco sy dwělowal?

32. A hdyž běštaj do čolna stupiloj, woćichny wětr.

33. Či pak, kotřiž běchu w čolniku, přinďdžechu a modlachu so k njemu prajicy: Woprawdže sy syn Boži.

34. A hdyž běchu so přewjezli, přinďdžechu do genezarethskeje krajiny.

Mark. 6, 53.

35. A hdyž běchu ludžo toho města jěho póznali, rozpósłachu w cylej tutej krajiny a přinjesechu jemu wšitkich khorych.

36. A prošachu jěho, zo bychů so jěno wobrubu jěho drasty dótknyli. A kotřiž-kuli so dótknychu, buchu wustrowjeni.

STAW XV.

Kak farisejowje podawizny w nastupanju myća rukow a druhich wěców Božim kaznjam do přědka stajaja; a kotre wěcy čłowjeka wonjećisćeja. Kananejska žónska wuprosy sebi z wobstajnej dowěru a próstwu wustrowjenje swojeje džowki. Wšelake khorosće při galilejskim morju zahojiwši nasyci Jězus štyri tysacy mužů ze sedm khlěbami a někotrymi rybami, při čimž so sedm korbów lamankow nazběra.

Tehdy přinďdžechu k njemu z Jeruzalema pismawučeni a farisejowje, prajicy:

Mark. 7, 1.

2. Přeco twoji wučownicy wustajenja starych* přestupuja? přetož njemyja sebi rucy, hdyž khlěb jědza.

3. Wón pak wotmolwjejo džeše k nim: Přeco tež wy kaznju Božu přestupujće dla wašeho wustajenja? Přetož Bóh praji:

4. Česćuj nana a mać; štóž zľě řeči přeciwo nanej abo maćeri, njech smjerće wumrje. Efes. 6, 2; Přišl. 20, 20.

25. Po romskim waľnju džělachů Židźa nóc do štyrjoch džělow abo vigiliji, kóždy džěł traješe tři hodžiny. Po našim času počinaše so přěnja vigilija wječor w šestej hodžiny a traješe hač džewjateje, druha hač do poľnocy. Štwórta vigilija počinaše so rano třoch; tehdy je w tamnych krajinach tež w ľěće hišće čma, dokelž slónco tam rano w šesći skhadza.

XV. 2. Wustajenja starych běchu wšelake prikaznje prjedawšich wučerjow, kotrež pak farisejowje wopaćnje za runje tak waľne jako Mójesowý zakon dzeržachu a žadachu, zo so pilnje wobkedźbujaja, haj druhdy mějachu je za wosobniše dyžli samón zakon; k tym prikaznjam sľušěše, zo maja so před jědžu rucy myć. Jězus jim to porokuje, so powołajo na wurěč, z kotrejž woni swoje zakomdženje winowatosći štwórteje kaznje zamoľwjeja.

5. Wy pak prajiće: Štóz kuli by rjekl nanej abo maćeri: „Wopor, kotryž kuli wote mnje so woprue, tebi pomha“ (je bjez winy),

6. A byrnje nječesćil swojeho nana a swoju mać; a tak sće zběhnyli Božu kaznju dla wašeho wustajenja.*

7. Tajency, derje je wo was wěšćil Isaias prajo:

8. „Tutón lud česći mje z hubomaj, jich wutroba pak je daleko wote mnje.

Is. 29, 13; Mark. 7, 6.

9. Podarmo pak mje česća, hdyž wuča čłowjeske wučby a přikaznje.“

10. A zwoławši lud k sebi, rjekny jim: Slyšće, a zrozyńće!

11. Nic to, štož do rta nutř dže, znječísćuje čłowjeka; ale štož ze rta wukhadža, to znječísćuje čłowjeka.*

12. Tehdy přistupiwiši jeho wučownicy k njemu rjeknychu: Wěš, zo farisejowje tuto slovo slyšawši so pohóršowachu?

13. Wón pak wotmołwjejo džeše: Kóžde sadjenje, kotrež njenasadži mój njebjeski Wóte, wukorjeni so.

Jan. 15, 2.

14. Wostajće jich, su slepi a wodžerjo slepych; hdyž pak slepy slepeho wodži, padnjetaj wobaj do jamy.

15. Wotmołwjejo pak rjekny Pětr jemu: Wulož nam tuto přirunanje.

Mark. 7, 17.

16. Wón pak rjeknje: Sće tež wy hišće bjez zrozymjenja?

17. Njezapřijeće, zo wšitko, štož do rta dže, do brjucha přińdže, a do wotstupa so wučisnje?

18. Štož pak ze rta wukhadža, dže z wutroby, a to znječísćuje čłowjeka.

19. Přetož z wutroby wukhadžeju zle mysle, morjenja, mandželstwalamanja, kurwafstwa, padušstwa, falšne swědčjenja, bohahanjenja.

20. To su wěcy, kotrež čłowjeka znječísćuja; ale z njemytymaj rukomaj jěsć, to čłowjeka njeznječísćuje.

21. A Jězus wotšedši wottam poda so na stronu Tyra a Sidona.

Mark. 7, 24.

22. A hlej, kananejska žónska, kotraž z tamnych pomjezow přišedši wolaše, jemu prajicy: Smil so nade mnu, Knježe, syno Davidowy; moja džowka je čězcy wot djabliska krjudowana.*

23. Wón pak njewotmołwi jej słowčka. A jeho wučownicy přistupiwiši k njemu prošachu jeho prajicy: Wotpušć ju, dokelž woła za nami.

24. Wón pak wotmołwjejo džeše: Njejsym posłany, khiba jeno k zhubjenym wowcam domu israelskeho.

Jan. 10, 3.

25. Ale wona přistupiwiši, modleše so k njemu prajicy: Knježe, pomhaj mi!

26. Wón pak wotmołwjejo džeše: Dobro njeje synam khlěb wzać a psam čisnyć.*

27. Ale wona rjekny: Tak je, Knježe; tola tež psyčki jědža wot drjebjenčkow, kotrež padaju z blida jich knjezow.*

6. Pjaty a šesty rjadk chcetaj prajić: We wašich přistawkach k zakonju stoji: Hdyž syn k swojim potrěbnym starším praji: Ja chcu to, štož bych k wašej podpjerje dać měj, tempłowemu pokladej dać, to budže tež wam k wužitku, — tón je štwórtu kaznju, winowatosć nuzneho podpjeranja swojemu staršemu dopjelnił. Tak błudnje zrozymjachu a wukładowachu farisejowje Bože kaznje. — 11. Farisejowje zrozymjachu a wukładowachu wšitko, zakon Boží a stare wustajenja, po pismiku, a tak měnjachu tež, zo někotra jědž sama na sebi čłowjeka po duši znječísći a je tohodla zakazana, mjez tym zo móže tola jeno zmyslenje abo wotpohladanje, w kotrymž ju wužiwa, čłowjeka na duši znječísćić. Tutomu wopačnemu měnjenju napřećiwja so Khrystus. Po jeho wučbje njezhrěši nichto z wužiwanjom zakazaneje jědže jako dara Božeho samym, ale z njeposlušnosću, hdyž je na příklad cyrkej poručila na wěstym dnju so zdžeržec teje abo drugeje jědže, abo z njepoměrnosću, hdyž wjacjacy wužiwa dyžli je dowolene. Štož čłowjeka po duši znječísćić, to je khrobla njeposlušnosć, to je wohidna njepoměrnosć, to su njehańbite řeče, z kotrymiž so wot Boha postajena wyšnosć hani, a to wšitko z wutroby wukhadža a dže ze rta won. — 22. Kananejska žena, t. j. pohanka z tamnych krajín, dokelž wobydlerjo krajín Sidon a Tyrus pokhadžachu wot starých Kananitow. — 26. Jězus naložuje tudy, zo by krutu wěru woneje žónskeje prawje zjawnje pokazal, njelubozne slovo, z kotrymž Židža často pohanow mjenowachu. — 27. Přistaj w mysli: a tohodla nadžiju so tež ja, zo so nade mnu smiliš.

28. Tuž wotmołwjejo Jězus džeše k njej: O žónska, wulka je twoja wěra; stań so tebi, jako chceš. A jeje džowka bu wustrowjena wot teje hodžiny.

29. **A** hdyž bě Jězus wottam wotešol, přińdže k galilejskemu morju, a došedši na horu sydze so tam.

30. A přińdžechu k njemu mnohe črjódy, sobu mějace němých, slepych, khromých, slabých a wjele druhich; položichu jich k jeho nohomaj, a wón wustrowi jich,

31. Tak zo so črjódy džiwachu, widžicy němých rěčeć, khromých khodžić, slepych widžeć; a khwalachu Boha israelskeho.

Is. 35, 5.

32. Jězus pak zwolałši svojich wučownikow k sebi rjekny: Žel mi je ludu, dokelž hižo tři dny přebywa při mni, a nima, što by jědl, a noheu jón hlódny wot so pušćić, zo by njezawutlil na puću.

Mark. 8, 2.

33. A wučownicy praja jemu: Z wotkel dóstanjemy w pusćinje telko khlěbow, zo bychmy nasycili tajki lud?

34. A Jězus džeše k nim: Kelko khlěbow maće? Woni pak rjeknychu: Sedm a někotre rybički.

35. A wón poruči ludej, zo by so na zemju zesydał.

36. A wzawši sedm khlěbow, a ryby, a džak prajiłši lamaše a da je svojim wučownikam, wučownicy pak ludej.

37. A wšitecy pojěchu, a buchu nasyceni. A štož wot lamankow zby, zezběrachu sedm korbow poľnych.

38. Tych pak, kotřiž běchu jědli, běše štyri tysacy mužskich, bjez džěćí a žónskich.

39. A lud rozpušćiwši stupi do čolmika a přińdže do Magedanskich pomjezew.*

STAW XVI.

Jězus naswari tych, kotřiž sebi znamjo žadajcy jeho spytuja, zo znamjenja časow njerozezna waju; kaza svojim wučownikam, zo bychy so čěsta farisejow a saducejow hladali a praša so jich, za koho jeho maju, a slubi Pětrej po jeho wotmołwjenju kluč njebieskeho kralestwa. Wěšći swoje čerpjenje, štož so jemu wot Pětra porokuje, čohoždla jeho přećiwnika mjenuje, a wučí, zo ma kóždy swój křiž njeść, a zo budže Bóh kóždemu po jeho skutkach plaćić.

A přistupichu k njemu farisejowje a saducejowje, jeho spytujcy; a prošachu jeho, zo by jim znamjo z njebies pokazal.

Mark. 8, 11.

2. Wón pak wotmołwjejo džeše k nim: Hdyž je so zwječorilo, prajiće: Jasno budže, přetož njebo je čerwjene.

Luk. 12, 54.

3. A rano: Džens budže hrozne wjedro; přetož zamróčene njebo so čerwjeni.

4. Wobličo njebies wěśće potajkim rozeznać, znamjenja časa pak njemóžeće póznać? * Zly a mandželstwalamařski splah žada sebi znamjo, ale znamjo njeda so jemu, khiha znamjo profety Jonasa. A jich wopušćiwši, woteńdže.

Wyše 12, 39; Jan. 2, 1.

5. **A** hdyž jeho wučownicy přez jězor so přewjezechu, zapomnichu khlěby sobu wzać.

6. Wón jim rjekny: Hladajće so a bjeřće so na kedžbu před zakisanim čěstom farisejow a saducejow.

Mark. 8, 15; Luk. 12, 1.

7. Woni pak myslachu při sebi prajicy: Khlěby sobu njewzachmy.*

8. To wědžo pak rjekny Jězus: Što myslíće při sebi, małowěriwi, zo khlěbow nimaće?

9. Njerozymiće hiśće a njedopomniće

39. Magedan abo Magdala je město, kotrež poldra hodžiny k poľdnu wot Tiberiasa leži.

XVI. 4. Přirunaj 12, 38. Znamjenja njebies znajachu farisejowje a saducejowje, ale znamjenja časa nochcychy spóznać; znamjenja časa su tudy podawki, kotrež běchu wot profetow wěšćene a z kotrychž móže so přikhad Messiasa spóznać; tute běchu so na Jězusu dopjelnile, a tola njewěřjachu farisejowje do njeho. — 7. Myslu sebi, zo jim zakazuje khlěb wot tajkich ludźi, kotřiž tak strašnym sektam přislušachu, kupować abo brać, zo bychy so njewomazali; tak njewědźachu, z wotkel khlěb dóstanu.

so na pječ khlěby za pječ tysacow mužǝ, a kelko korbow nazběrašće?

Wyše 14, 17; Jan. 6, 9.

10. Ani na sedm khlěbow za štyri tysacy ludźi, a kelko korbow nazběrašće?

Wyše 15, 34.

11. Přeco njerozumiće, zo wo khlěbje wam njerěčach: Hladajće so zakisaneho čěsta farisejow a saducejow.

12. Tehdy zrozymichu, zo njebě prajil, so hladac zakisaneho čěsta khlěbow, ale wučby farisejow a saducejow.

13. **Přidźe** pak Jězus do krajiny Caesareje Filipoweje* a woprašo so swojich wučownikow prajo: Za koho maju ludźo Syna čłowjeka?

Mark. 8, 27.

14. Woni pak prajachu: Někotři za Jana křćenika, někotři za Eliasa, někotři pak za Jeremiasa abo za jenoho z profetow.*

Mark. 8, 28; Luk. 9, 19.

15. Jězus praji jim: Za koho pak wy mje maće?

16. Wotmołwjejo rjekny Syman Pětr: Ty sy Khrystus, Syn žiweho Boha.

Jan. 6, 70.

17. Wotmołwjejo pak rjekny Jězus jemu: Zbóžny sy, Symanje, syno Jonassowy, dokelž mjaso a krej njezjewištaj tebi,* ale mój Wótc, kiž je w njebiesach.

18. A ja praju tebi: Ty sy Pětr, a na tule skalu natwarju swoju cyrkej a mocy hele njeprěmóža ju.*

19. A tebi dam klučo njebieskeho kra-

lestwa; a štožkuli zwjazáš* na zemi, bódže zwjazane tež w njebiesach, a štožkuli wotwjazáš na zemi, budže wotwjazane tež w njebiesach.

20. Tehdy přikaza swojim wučownikam, zo bychu nikomu njeprajili, zo je wot Jězus Khrystus.*

21. **Wot** toho časa poča Jězus swojich wučownikam wozjewjować, zo dyrbi do Jeruzalema hić, a wjele čěrpjeć wot staršich (ludu) a pismawučenyh a wyššich měšćanow, a morjeny być, a na třeći džen wot mrtwych wstanyć.*

22. A Pětr jeho w stronu wzawši, powědachu jemu porokować prajo: Bóh njedaj, Knježe, to so tebi njestanje!

23. Wón pak so wobročiwši rjekny Pětrovi: Dži wote mnje, satanje,* pohórěni mi sy, dokelž njepytaš, štož je Bože wola, ale štož je čłowjeske.

Mark. 8,

24. Tehdy rjekny Jězus swojim wučownikam: Chce-li štó za mnu hić, zapřewědźe sebjeho samoho, a wzmi swój křiž, a sčělnje mje.*

Wyše 10, 38; Luk. 9, 23; 14,

25. Přetož štóž chce swoje žiwjenje zachować, zhubi je; štóž pak swoje žiwjenje zachubi mje dla, namaka je.

Luk. 17, 33; Jan. 12, 25.

26. Přetož što pomha čłowjekej, bycny cyly swět dobył, na swojej duši pak škodu čěrpjel? abo što da čłowjek jako wumřěć njenje za swoju dušu?*

13. t. r. do wokolnosće města Caesarea při horje Libanon na mjezach Syrije ležaceho, kotryž předy Paneas rěkaše, potom pak bu wot tetrarchi Filipa wutwarjene a porjenjene a k čěsći křesćanow Tiberia Caesarea mjenowane. — 14. Sudia wo tebi, zo sy jedyn z přjedawšich wulkich profetow, kotryž je zaso wot mrtwych wstanyl. — 17. To njesy spóznał ze swojim čłowjeskim rozumom, ale přez zjewjenje njebieskeho Wótc. — 18. Ani mocy hele, ani njeprěčelske macy tohole, njeprědobudu cyrkej, kotruž Pětr abo jeho prawy nastupnik jako wjerch nawěduje. — 19. Zwjazac a rozwjazowac t. r. ze zakonjemi zakazowac a dowolec, zdieržowac a sčělnje. Khrystus postaji tu Pětra jako klučnika, t. j. najwyšeho a najmocnišeho zastojnika swojy cyrkwy a wobkruća, zo kamje, kotrež budže wón dawac abo zběhać, w njebiesach so připozna. Pětrovi nastupnicy su romscy bamiowe. — 20. Tak praji, zo njeby z toho zběh ludu přecy prawej swětnje mocy romskeho kejžora nastał, dokeli Židzia myslachu a wočakowachu, zo bu Messias jako Davidowy potomnik tež wulki mocny kral, kotryž jich wot romskeho knjejstwa wzmóže. — 21. To poča jim nětko Khrystus rozestajeć, zo njebychu so dale swětneho kralestwa nadźiwili, ale na jeho bolosćiwu smjerc přitowani byli. — 23. t. j. přeciwniko, spytowarjo, wabjerjo! Jězus je Bože wola, zo dyrbi čěrpjeć a swět wumóžić. — 24. Štóž chce mój wučownik być a wot mrtwych dyrbi sebjeho zapřewědźeć, swoje nakhilnosće podušeć a wšelake wobčeznosće tohole žiwjenja sčěrpnje mje. — 26. Ničo nima, z čim by sam swoju dušu móhl wukupić.

27. Přetož Syn čłowjeka přinǵže we krasnosći swojeho Wótca ze swojimi jandželemi, a tehdy wotplaći kóždemu po jeho skutkach. Jap. sk. 17, 31; Romsk. 2, 6.

28. Zawérno praju wam: Su někotři mjez tudy stojacymi, kotřiž smjerće njewoptaju, hač wuhladaju Syna čłowjeka přikhadźaceho we swojim kralestwje.*

Mark. 8, 39; Luk. 9, 27.

STAW XVII.

Khrystusowe překrasnjenje na horje, wo kotrymž maju wučownicy mjelčeć, doniž wot mrtwych njewstanje. Praji, zo Elias přinǵže, haj zo je hižo přišoł, mjenujcy Jan křćenik. Naměsačneho hólčeca wustrowi, kotrehož japoštołowje słabeje wěry dla wustrowić móbli njeběchu, a pokaza jim, kajkeho počinka maju być. Wěšći swoje čerpjenje; zaplaći za sebje a za Pětra dwójnu drachmu po namakanju statera w rybowej hubje.

A po šesći dnjach wza Jězus Pětra a Jakuba, a Jana, jeho bratra, sobu a dowjedže jich w stronu na wysoku horu.

Mark. 9, 1; Luk. 9, 28.

2. A bu překrasnjeny před nimi. A jeho wobličo swětleše so jako slónco, jeho drašta pak bu běla jako sněh.

3. A hlej, zjewištaj so jim Mójzes a Elias, a rěčeštaj z nim.

4. Pětr pak wotmołwjejo rjekny Jězus: Knježe, dobro je nam tudy być; chceš-li, sčini my tudy tři stany, tebi jedyn, Mójzesej jedyn a Eliasej jedyn.

5. A hdyž wón hišće rěčeše, hlej, wobda jich swětła mrócel. A hlej, hlós z mróčeje, kiž praji: Tónle je mój lubowany Syn, na kotrymž mam swoje spodobanje; toho poslušajće!

Wyše 3, 17.

6. A to slyšawši padžechu wučownicy na swoje wobličo, a nabojachu so jara.

7. A Jězus přistupiwiši dótkny so jich a rjekny jim: Wstańće a njebojće so.

8. Pozběhnywši pak swojej woči nje-wiđzachu nikoho, hač Jězusa samoho.

9. A hdyž z hory dele džěchu, poruči jim Jězus prajo: Njepowědajće nikomu wiđjenje, hač Syn čłowjeka wot mrtwych wstanje.*

10. **A** wučownicy woprašachu so jeho prajicy: Čohodla pak pismawučeni praja, zo ma Elias prjedy přinǵ?*

Mark. 9, 10.

11. Wón pak wotmołwjejo rjekny jim: Elias wšak přinǵže a wobnowi wšitko.

12. Praju pak wam, zo je Elias hižo přišoł, a njepóznachu jeho, ale z nim sčinihu, štožkuli cheychu. Tak změje tež Syn čłowjeka wot nich čerpjeć.

Wyše 11, 14; 14, 10.

13. Tuž zrozymichu wučownicy, zo je wo Janu křćeniku k nim rěčal.

14. **A** hdyž bě k ludej přišoł, přistupi k njemu čłowjek, kotryž před nim na kolena padny, prajo: Knježe, smil so nad mójim synom, dokelž je naměsačny, a ma zlě čerpjeć; přetož často pada do wohnja a husto do wody.*

Mark. 9, 16; Luk. 9, 38.

15. A přiwjedzech jeho twojim wučownikam, ale njemóžachu jeho wustrowić.

16. Wotmołwjejo pak džěše Jězus: O njewěriwy a wrótny splaho, kak dolho budu z wami? kak dolho was znjesu?*

Přiwjedźće jeho sem ke mni.

28. Tu je mēnjene: wón přinǵže, zo by duchownje knježił nad swětom přez swoju cyrkej, a wosebje, zo by sudžił Jeruzalem ze zapusćenjom, kotrež su někotři japoštołowje a druzy, kotřiž běchu při nim, woprawdže hišće za žiwjenje dočakali.

XVII. 9. Potom njetrjebaše so wězo bojeć, zo zechce jeho lud swětného krala sčinić. — 10. Wučownicy znajachu wučbu pismawučěnych, zo Elias před Messiasom přinǵže, dokelž wěšćenja profetow po pismiku zrozymichu. Z tej samej zamołwjachu swoju njewěru, prajicy, hdyž hišće Elias přišoł njeje, tak Jězus njemóže Messias być. Jězus na to swojich wučownikow powuči, prajo: To je wěro, zo ma Elias přinǵ, ale wón je hižo přišoł; tola njesu jeho spóznali, a su z nim činiłi po swojim spodobanju; Jan křćenik je slubjeny Elias a jeho su morili, a runje tak sčinja ze Synom čłowjeka. — 14. t. r. na padawu khorosć, kotraž na čłowjeka wosebje při mēsačkowym přēmēnjenju přikhadža. — 16. Porok plaći nanej a synej, ale tež wučownikam.

17. A Jězus jeho naswari, a wuńdźe wot njeho djablisko,* a hólćec bu wustrowjeny wot teje hodźiny.

18. Tehdy wučownicy mjelčo k Jězusej přistupichu a rjeknychu: Čohodla my je wuhnać njemóžachmy?

19. Jězus jim rjekny: Wašeje njewěry dla. Přetož zawěrnó praju wam, změjeće-li wěru, kaž žonopowe zornjatko, prajíce tutej horje: Přenđdź wottudy tamle, a přenđdźe, a ničo njebudźe wam njemóžne.*

Luk. 17, 6.

20. Tutón splah pak so njewuhonja, khiba z modlenjom a posćenjom.*

21. Hdyž pak woni w Galileji přebywachu, rjekny jim Jězus: Syn čłowjeka budźe podaty do rukow čłowjekow,

Niže 20, 18; Mark. 9, 30; Luk. 9, 44.

22. A morja jeho, a na třeći dzeń wstanje wot mrtwych. A zrudźichu so jara.

23. ▲ hdyž běchu do Kafarnauma přišli, přistupichu k Pětrej čí, kotřiž dwójnu drachmu bjerjechu, a rjeknychu jemu: Njedawa waš mištr dwójnu drachmu?*

24. Wón džeše: Haj. A hdyž bě do domu zastupil, předenđdźe jeho Jězus prajo: Što so tebi zda, Symanje? Wot koho bjeru zeńsco kralowje dawk abo dań? Wot swojich džěćí abo wot cuzych?

25. A wón rjekny: Wot cuzych. Jězus k njemu rjekny: Tuž su džěćí swobodne.*

26. Zo pak bychmy jich njepohóršowali, dží k morju, a wučíš wudu, a wzmi rybu, kotraž so najprěnja popadnje, a wotewriwši jeje rot, namakaš stater*; tón wzmi, a daj jim za mnje a za sebje.

STAW XVIII.

Móličke předstajiwši wučí Jězus, što je w kralstwie njebies wjetši, kak mamy pohóršowanje móličkich so wostajić, a kak bližšeho, kiž přetož wo nam hrěši, powučić a hdyž cyrkej njeposlucha, za pohana jeho džeržeć; wučownik podawa so móc wjazanja a wotwjazanja. Wot tež, kak móčna pola Boha je próstwa dwójna wo to same prošaceju; a kak wjele króć ma bratřej wodać, kotřiž nas rozhńěwa; k čomu přirunanje přistaji wo kralu, kotřiž so ze swojimi služownikami zličbuje.

W tej samej hodźinje přistupichu wučownicy k Jězusej, prajicy: Štó, měníš, najwjetši w njebieskim kralstwie?

Mark. 9, 33; Luk. 9, 46.

2. A zawoławši Jězus džěćo, stajisrjedza mjez nich, Niže 19, 13.

3. A rjekny: Zawěrnó praju wam, jeli so njewobroćíte, a njebudźeće jako džěćí njepřinđdźeće do njebieskeho kralstwa.

1. Kor. 14, 20.

4. Přetož štóžkuli so poniži, jako tu džěćo, tón je najwjetši w njebieskim kralstwie.

5. A štóž by tajke džěćo k sebi přijima w mojim mjenje*, tón mje přijima.

6. Štóž pak by jenoho z tutych móličkich, kotřiž do mnje wěrja, pohóršowanje tomu je lěpje, zo by mlynski kamjenu na jeho šiju powěsnjeny, a wón do hlubokosće morja potepjeny był.*

Mark. 9, 41; Luk. 17, 2.

7. Běda swětej pohórškow dla. Přetož pohórski dyrbyja přinć*; ale běda čłowjekkej, přez kotrehož pohóršk přikhadža.

8. Jelizo će twoja ruka abo noha pohóršuje, wotrězn ju a čisn ju wot so; lěpše

17. Hólćec bě mjenujcy wobsydnjeny, a zły duch bě na khorosći wina. — 19. Hdy byšće kralowje wěru měli, byšće wy, hač runje sće njenahladni a zacpěćí ludžo, najsposdiwniške skutki dokonaj podobni žonopowemu zornu, kotřež je wonkownje najmjeńše, z nutřka pak z tak spodźiwmoću wuhotowane, zo z njeho mócný štom wurośće. — 20. t. r. jeno ze sylnej dowěry na Boha kotraž pak je wosebity dar Boží a jeno tomu so wuđžěli, kiž ju z nutrnej modlitwu a krutym postom zasluži. — 23. Dwójna drachma (nimale hriwna) bě dawk, kotřiž měješe kóždy wotrośceny Israel do pokladnicy templa lětnje plaćić. — 25. Potajkim tež ja, jako Syn Boží, njetrjebam templa dawk woteđać. — 26. Plaćeše 4 drachmy.

XVIII. 3. t. r. bjeze wšeje žadosće za česću. — 5. t. r. štóž z lubosće ke mni za tajke dźěło so stara a je zakita, budźe mytowany, jako hdy by dobrotu mi samomu wopokazał. — 6. Zda jako by Jězus swojich japoštołow napominał, zo bychu wšu česćelakomnosć, přez kotruž wěriwcy wulkí pohóršk dawaju, we sebi podušeli, a tohodla wučí dale wo zrudnych sćěbach pohórška. — 7. t. r. dokelž je swět tak nakaženy, poľny hrěšnych přikladow.

je tebi, zo k žiwjenju nutř džeš wosla-
bjeny abo khromy, hač zo by dvě rucy
a dvě nozy mějo čisnjeny byl do wěč-
neho wohnja.* Wyše 5, 30; Mark. 9, 42.

9. A jelizo će twoje woko pohóršuje,
wutorhń* je a čisń je wot so; lěpje je tebi,
zo z jenym wokom k žiwjenju nutř džeš,
hač zo by dvě woči mějo čisnjeny byl
do helskeho wohnja.

10. Hladajće, zo byšće žanoho z tutych
móličkich njezacpěli, přetož praju wam:
Jich jandželowje w njebjesach přeco widža
wobličo mojeho Wótca, kiž je w njebye-
sach. Ps. 33, 8.

11. Přetož Syn čłowjeka přindže wu-
móžić, štož bě zhubjene. Luk. 19, 10.

12. Što so wam zda? Hdy by něchtó
sto wowcow měl, a jena z nich by so
zabludžila, njewostaji džewjećdzesat dže-
wjeć na horach, a njepóndže pytać tu,
kotraž so zabludži? Luk. 15, 4.

13. A poradzi-li so jemu, zo ju nadeń-
dže, zawěrnó praju wam, zo so nad nej
bóle wjeseli, dyžli nad džewjećdzesat dže-
wjećimi, kotrež so njezabludžichu.

14. Tak njeje wola wašeho Wótca, kiž
je w njebjesach, zo by jedyn z tutych
móličkich zahynyl.

15. By-li pak twój bratr zhrěšil pře-
ćiwo tebi, dži a porokuj jemu mjez sobu
a jim samym; posluha-li tebe, sy swo-
jeho bratra dobyl. Luk. 17, 3; Jak. 5, 19.

16. Njeposluha-li pak tebe, wzmi k
sebi hišće jenoho abo dweju, zo by we
rće dweju abo třoch swědkow wostało
kóžde słowo. Jan. 8, 17; 2. Kor. 13, 1;
Hebr. 10, 28.

17. By-li pak jich njeposluhał, praj

cyrkwi; njeposluha-li pak cyrkej, budž
tebi jako pohan a clownik.* 2. Thess. 3, 14.

18. Zawěrnó praju wam: Štožkuli zwja-
zaće na zemi, budže zwjazane tež w nje-
bjesach; a štožkuli wotwjazaje na zemi,
budže wotwjazane tež w njebjesach.

Jan. 20, 23.

19. Zaso praju wam: Budžetaj-li dwaj
mjez wami z jenoho na zemi, stanje so
jimaj we wšom, štožkuli budžetaj prosyć,
wot mojeho Wótca, kiž je w njebjesach.*

20. Přetož hdžež zhromadžitaj so dwaj
abo tři w mojim mjenje, tam sym srje-
dža nich.*

21. Tehdy Pětr přistupiwiš k njemu
rjekny: Knježe, kelkokróć zhrěši mój bratr
přećiwo mi, a mam jemu wodać? Hač do
sedm króć? Luk. 17, 4.

22. Jězus praji jemu: Njepraju tebi,
hač do sedm króć, ale hač do sedm-
džesatkróć sedmkróć.*

23. Tohodla je njebjeske kralestwo po-
dobne čłowjekej kralej, kotryž cheyš ze
svojimi služownikami zličbowanje sčinić.

24. A hdyž poča zličbowanje činić, bu
jemu jedyn přiwjedeny, kotryž bě jemu
džesat tysac talentow* dolžny.

25. Hdyž pak njeměješe, z čimž by za-
plaćil, poruči jeho knjez, jeho předać a
jeho žonu a džěci, a wšitko, štož měješe,
a zaplaćić.*

26. Tón služownik pak padnywši na ko-
lena, prošeše jeho prajo: Měj sčerpnošć
ze mnu, a wšitko zaplaću tebi.

27. Knjez pak smili so nad tym slu-
žownikom, pušći jeho a spušći jemu dolh.

28. Hdyž pak tón služownik wuńdže, na-
deńdže jenoho ze svojich sobuslužownikow,

8. Lěpje je za tebe, zo časnu škodu čerpiš, dyžli zo wěčnu zbóžnosť zhubiš. — 9. Wutorh-
njenje wóčka a wotrubanje ruki ma so w duchownym zmysle zrozumić wo zdalenju a wupušćenju
wšoho, tež toho, štož čłowjek najbóle lubuje abo najnuznišo trjeba, hdyž je to přiležnosť k hrěchej.
— 17. t. r. jako čłowjek, kotryž k cyrkwi wjacj njesluša. — 19. t. r. jenomyslnje, za dobrou wěc,
kotraž móže wosebje wašu wěčnu zbóžnosť spěchować. — 20. Hdžež su zhromadženi w mojih na-
ležnosťach, za rozšěrjenje mojeho kralestwa na zemi, tam sym ze swojej pomocu přitomny. —
22. Hdžkuli će rozhněwa. — 24. Někotři wobličuja, zo to 60 tunow złota wučiní; stoji pak tak
wulki dolh za njesměrny dolh, kotryž je čłowjek ze svojimi hrěchami pola Boha sebi načinił. —
25. Po tehdyšich prawach smědžeše so to stać.

kiž běše jemu sto dšesatnikow dolžny, a přimnywši daješe jeho, prajo: Zaplać, štož sy dolžny.

29. A jeho sobuslužownik padnywši na kolena, prošeše jeho, prajo: Měj sčerpność ze mnu, a wšitko zaplaću tebi.

30. Wón pak nočeyše, ale woteńdže, a da jeho do jastwa, hač by dolh zaplaćil.

31. Jeho sobuslužownicy widžawši, što so sta, zrudžichu so jara, a přińdžechu a powědachu swojemu knjezej wšitko, štož bě so stalo.

32. Tuž jeho zawoła jeho knjez k sebi a rjekny jemu: Zly služowniko, cyły dolh tebi spuścich, dokelž sy mje prosyl.

33. Njedyrbješe tohodla tež ty so smilić nad twojim sobuslužownikom, jako tež ja nad tobu so smilich?

34. A jeho knjez rozhněwawši so přepoda jeho čwělowarjam, hač by wšitkón dolh zaplaćil.

35. Tak budže tež mój njehjeski Wóte wam činić, njewodaće-li kóždy swojemu bratřej ze svojich wutrobow.

STAW XIX.

Jězus wučil, zo je mandželstwo po založenju njerozdžělomne a mandželska so njesmě pušćić, khi ba mandželstwałamanja dla. Mjez wšelakimi wurězancami khwali tych, kotřiž su so njebjeskeho kralestwa dla wurězali. Móličkim napołoża rucy. Młodženc, kiž praji, zo wšitke kaznje wobkedžbuje, woteńdže zrudny, słyšawši Jězusowu radu, zo by wšitko předał; tuž Jězus wobkruća, zo bohaty ćežko do njebjes přińdže, a wučil, kajku mzdu dóstanu, kotřiž wšitko wopuščiwši jeho sčěhuja.

A sta so, hdyž Jězus tute řeče skónči, pućowaše z Galileje, a přińdže do pomjezow Judeje z tamneje strony Jordana, Mark. 10, 1.

2. A mnohe črjody džěchu za nim, a wón wustrowi jich tam.

3. A přistupichu k njemu farisejowje jeho spytuje* a prajicy: Słuša so mužej swoju mandželsku wot so pušćić a kotreježkuli winy?

4. Wotmołwjejo pak džeše k nim: Njejsće dha čitali, zo tón, kotryž je čłowjek stworil w spočatku, mužskeho a žónskeho jěju stwori, a rjekny: 1. Mójz. 1, 26.

5. „Tohodla wopuščil čłowjek nana a mać a dzerži so k swojej mandželskej, a bu džetaj dwaj w jenom čěle?“

1. Mójz. 2, 24; 1. Kor. 6, 16; Efesk. 5, 31.

6. Potajkim njejestaj wjacj dwaj, ale jene čělo. Štož tohodla Bóh zjenoči, njeje čłowjek njerozdžěla.

7. Prajachu jemu: Čohodla potajkim Mójzes přikaza, rozdžěleński list dać (mandželsku) wot so pušćić?

8. Wón džeše k nim: Mójzes dla twjeje dosće wašeje wutroby dowoli*, waše mandželske wot so pušćić; ale wot počatka njeběše tak.

9. Praju pak wam, zo kotryžkuli bješe swoju mandželsku wot so pušćil, khil tohodla mandželstwałamanja*, a sebi druh wzal, lama mandželstwo; a štož by se pušćenu wzal, lama mandželstwo.

Wyše 5, 32; Luk. 16, 18.

10. Jeho wučownicy rjeknychu jemu: Je-li wěc muža ze žonu tak, njeje derž so woženić.

11. Wón pak jim rjekny: Nic wšitko rozymja tuto słowo, ale čí, kotrymž je dat.

12. Přetož su wurězancy, kotřiž so maćérneho žiwota tak narodžichu, a wurězancy, kotřiž su wot čłowjekow stworili.

XIX. 8. Čechu jeho na słowach popadnyć; praji-li, zo je mužej dowolene z kajkeježkuli winy mandželsku pušćić, kaž to někotři lohkomyslnje wučachu, bychu jemu porokowali, zo swěsamsne wučby přěje (hlad. 5, 31); praji-li pak, zo to njeje dowolene, čechu jemu, kaž so wprawdže sta, wotmołwić, zo napřečiwo Mójzesej wučil. — 8. Mójzes je wam to jeno dowolił waše hrěšneho zmyslenja dla, zo njebychu hórše wěcy, jako ćežke ranjenja abo mordowanja atd. so sta na počatku pak to njebě tak. — 9. Farisejowje prašeju so Jězusa, hač je mužej dowolene z kajkeježkuli winy, mandželsku wot so pušćić. Jězus wotmołwi jim, zo je jeničy mandželstwałamanja dla dowolene; tola pak wot so džělenaj wostanjetaj mandželskaj a žadyn z njeju njemóže žiwjenju druhého plaćiwje do noweho mandželstwa stupić. Zwjazk mandželstwa je njerozdžělomne z jara wažnych winow pak móžetaj mandželskaj jedyn wot druhého džělenaj přebywać.

njeni, a su wurězancy, kotřiž so samych woslabichu njebieskeho kralestwa dla.* Štóz móže zrozumić, njeh zrozumi.

13. Tehdy buchu džěćatka k njemu přinjesene, zo by rucy na nje položil a so pomodlil. Wučownicy pak naswarichu je.*

Mark. 10, 13; Luk. 18, 15.

14. Ale Jězus rjekny jim: Dajće džěćatkam ke mni přińć a njewobarajće jim; přetož tajkich je njebieske kralestwo.

Wyše 18, 3.

15. A hdyž bě rucy na nje položil, woteńdže wottam.

16. ▲ hlej, jedyn přistupi a džeše k njemu: Dobry mištrje, što mam dobreho činić, zo bych wěčne žiwjenje měl?

Mark. 10, 17; Luk. 18, 18.

17. Wón pak jemu rjekny: Što so mje prašeš za dobrym? Jedyn je dobry, Bóh.* Chceš-li pak k žiwjenju nutř hić, dđerž kaznje.

18. Wón praji jemu: Kotre? Jězus pak rjekny: „Njedyrbíš mordować; njedyrbíš mandželstwo lamać; njedyrbíš falšneho swědčenja dawać.

2. Móž. 20, 13.

19. Česćuj swojeho nana a swoju mać, a lubuj swojeho bližšeho jako sebje samoho.“

20. Młodźenc jemu praji: Wšitko to sym wot swojeje mlodosće dđeržał, čoho so mi hišće njedóstawa?

21. Jězus džeše jemu: Chceš-li dospołny być, dži, předaj, štož maš, a rozdaj khudym, a změješ poklad w njebiesach; a přińdź a sćěhuj mje.

22. Młodźenc pak to słowo wusłyšawši, woteńdže zrudny, dokelž měješe wjele kublow.

23. Jězus pak rjekny svojim wučownikam: Zawěrnó praju wam, zo bohaty ćežcy nutř pónđže do njebieskeho kralestwa.*

24. A zaso praju wam: Lóže je kamelej přez wuško jehly přeńć, dyžli bohatemu přińć do njebieskeho kralestwa.*

25. Wusłyšawši pak to, stróžichu so wučownicy jara, prajicy: Štó budže potajkim móc zbóžny być?

26. Pohladawši pak (na nich) rjekny jim Jězus: Pola čłowjekow je to njemóžne, pola Boha pak je wšitko móžne.

27. Tuž wotmołwi Pětr a rjekny jemu: Hlej, wšitko smy wopuščili a smy tebje sćěhowali, što pak budže nam?

28. Jězus pak rjekny jim: Zawěrnó praju wam, zo budžeće, kotřiž sće mje sćěhowali, při znowarodźenju, hdyž Syn čłowjeka so posydnje na stole swojeje majestosće, tež wy sedžeć na dwanaće stolach, sudžicy dwanaće splahow israel-skich.*

29. A kóždy, kiž by wopuščil dom, abo bratrow, abo sotry, abo nana, abo mać, abo žonu, abo džěći, abo pola, mojeho mjena dla, dóstanje zaso sto króć* a wobsydnje wěčne žiwjenje.

30. Mnozy pak přeni budža posledni, a posledni přeni. Niže 20, 16; Mark. 10, 31; Luk. 13, 30.

12. Su wšelake družiny abo wotdžěle tych, kotřiž do mandželstwa njestupja: či, kotřiž wot naroda k tomu khmani njejsu; či, kotřiž su wot čłowjekow ze wšelakich přičinow na tom zadžěwani; či, kotřiž dobrowólnje mandželstwa so wotrjeknu, zo bych wuške winowatosće za čas Božu dopjelnili a čím wěšćišo njebiesku zbóžnosć sebi dobyli. Talc zdđeržliwosć njemóže so wot wšitkich žadać, ale jeno tón, kotryž ma dosć mocy, móže sebi ju napoložiť. — 18. t. r. zo Jězusa wobćežuja. — 17. Bóh sam je najdospołniša dobroćiwosć. Jězus tu k zrozymjenju dawa, zo, hdyž ma něchtó jeho za dobreho, dospołneho, dyrbi jeho za něšto wjacj dyžli čłowjeka dđeržeć. — 23. Dokelž ma wjele starosće za časne kubla a swětné prózdnosće. — 24. Tole přirunanje chce wuprajić, kak čězka, haj skoro njemóžna wěc je, zo bohaty do njebies přińdže; z tym njecha Jězus wuprajić, jako by tam bohaty njemóhł, ale zo so to jara porědko stawa, dokelž jako jehline wuško kamela wobjeć njemóže, tak tež wuzki puć bohateho, kiž je najbóle hordeho ducha, njewoprijmje. — 28. Kotřiž su jako swjeći japoštołowje wšitko wopuščili a Khrystusej slubjenu swěru dđerželi, budža z nim knježić a lud Israel, t. j. čłowjestwo sudžić. — 29. Bohate myto wobstoji we duchownych kublach.

STAW XX.

Přirunanje wo dželaćerjach we winicy, mjez kotrymiž posledni tón samy pjenjez dóstanje, kaž přeni. Jězus wěšći wučownikam swoje čerpjenje a wot-mortwych-wstaće; a hdyž so Zebedejowaj synaj česćelakomnaj pokazataj, wući wučownikow, zo nimaju so wuznamjenjeć z mocu a knjezojtosću, ale ze stuženjom. Ducej z Jericha wustrowi slepeju.

Njehjeske kralestwo je podobne hospodarjej, kiž zahe rano wuńdže, zo by dželaćerjow najal do swojeje winicy.

2. Wujednawši pak z dželaćerjemi wo džesatnik na dzeń, posła jich do swojeje winicy.*

3. A wuśedši wokoło třećeje* hodźiny, wuhlada druhich na torhošću prózdnje stojacych,

4. A rjekny jim: Dźiće tež wy do mojeje winicy, a štož prawje budže, dam wam.

5. Woni pak woteńdžechu. Zaso pak wuńdže wokoło šesteje a džewjateje hodźiny, a sčini runje tak.

6. Wokoło jědnateje* hodźiny pak wuśedši namaka druhich prózdnje stojacych, a praji jim: Što tu stojicie cyły dzeń prózdni?

7. Praja jemu: Dokelž nas nihtó nje-naja. Wón rjekny jim: Dźiće tež wy do mojeje winicy.

8. Hdyž pak wječor bu, praji knjez winicy swojemu zastojnikej: Zawołaj dželaćerjow, a daj jim mzdu, počinajo wot poslednich hač do přenich.

9. Hdyž tohodla přinđžechu, kotřiž

běchu wokoło jědnateje hodźiny přišli, dóstachu kóždy po džesatniku.

10. Hdyž pak přinđžechu tež přeni, měnjachu, zo wjacjy dóstanu; ale tež woni dóstachu kóždy po džesatniku.

11. A dóstawši jón morkotachu přeco wo hospodarjej,

12. Prajicy: Ći posledni su jenu hodžinu džělali, a sy jich nam runych sčinił, kotřiž smy znjesli čezu dnja a horecotu.

13. Wón pak wotmołwjejo jenomu z nich rjekny: Přecelo, nječinju tebi křiwdy; njejsy wo džesatnik wujednal ze mnu?

14. Wzmi, štož twoje je, a dži; chcu pak tež tomu poslednjemu dać, jakož tebi.

15. Abo njeslušaj so mi činić, štož chcu; je twoje woko zle, dokelž sym ja dobry?

16. Tak budža posledni přeni, a přeni posledni; přetož wjele je powołanych mało pak wuzwolenych.* Wyše 19. 30

Mark. 10, 31; Luk. 13, 30.

17. A hdyž Jězus horje džěše do Jeruzalema, zalema, wza dwanaće wučownikow w stromu, a džěše k nim:

18. Hlej, džemy horje do Jeruzalema a Syn čłowjeka budže podaty wyšin, měšnikam a pismawučenym, a wotsuďa jeho k smjerći. Mark. 10, 32; Luk. 18, 31

19. A podadža jeho pohanam k wusměšenju a šwikanju a křižowanju, a na třecim dnju wstanje wot mortwych.

20. Tehdy přistupi k njemu mać syna Zebedeja ze swojimaj synomaj,* modlilcy s k njemu, a prosyacy něšto wot njeho. Mk. 10, 35

XX. 2. Denar abo džesatnik je nimale 50 pjenjezkow, štož bě tehdy wulka mzda. — 3. Dzeń, romskim džěleny, traješe wot ranja šesći hač do wječora šesći. Třeća hodžina bě po tajkim džewjata do pońdja. — 6. t. r. wokoło pjeći. — 16. Z tym přirunanjom chce Jězus rozestajeć, zo, jako knjez winice, posledy powołanym dželaćerjam tu samu mzdu plaći, kaž přenim, tež w njehjeskim kralestwje dželaćerjo myto njebudže so wudželeć po času džěla, ale po tom, kak je kóždy na hlós Boži, kiž jeho k džělu powoła, posłuchał a swěrnje džělał wot toho časa, hdyž bu powołany, hač do wječora. Knjez winice je Bóh; winica je swjata cyrkej na zemi; zastojnik je Jězus; torhošćo je swět; džělaćerjo je za jednotliwego dželaćerja čas, w kotrymž bu do cyrkwy powołany a kotryž so skónči z wječorom, t. j. z wustupjenjom z tohole swěta. Kóždy potajkim, kiž je na hlós Boži posłuchał, poslušny přikaznam Božim swoje jemu dowěrjene džělo dokonjał, dóstanje wječor denar, t. j. wěcny zbóžnosć. Dokelž mnozy powołanje Bože zacpěja, je mało wuzwolenych, kotřiž wječor swój denar dóstanu, a dokelž so čas džěla samón njemytuje, hdyž wot Boha a nic wot dželaćerja wotwisu, dóstanu mnozy, kotřiž su pozdžišo powołani, ale kotřiž su pilnišo a swěrnšo džělali, to same abo wjetšy denar. — 20. Salome, mać japoštołow Jakuba a Jana.

21. Wón pak rjekny jej: Što chceš? Wona praji jemu: Praj, zo byštaj tutaj mojej synaj sedžaloj, jedyn na twojej prawicy, druhu na twojej lěwicy we twojim kralestwje.

22. Wotmołwjejo pak rjekny Jězus: Njewěštaj, wo čo prosytaj. Móžetaj pić keluch, kotryž ja pić budu? Praještaj jemu: Móžemoj.

23. Wón džeše k nimaj: Mój keluch drje budžetaj pić, ale sedžec na mojej prawicy abo lěwicy, njeje w mojej mocy wamaj dać, ale kotrymž je přihotowane wot mojeho Wótca.

24. A wusłyšawši to ći džesaćo, rozněwachu so na dweju bratrow. Mark. 10, 41.

25. Jězus pak zwoławši jich k sebi džeše: Wěsće, zo wječhowje pohanow nad nimi knježa; a kotřiž su wjetši, wopokazuja móc nad nimi. Luk. 22, 25.

26. Tak njebudź mjez wami; ale štóžkuli zechce mjez wami wjetši być, budź waš słůžownik;

27. A štóž zechce mjez wami přeni być, budź waš wotročk;*

28. Jako Syn čłowjeka njeje přišoł, zo by sebi služic dał, ale zo by služil a dał swoje žiwjenje k wumóženju za mnohich. Fil. 2, 7.

29. A hdyž woni wuńdžechu z Jericha, scěhowaše jeho wulka črjóda.

Mark. 10, 46; Luk. 18, 35.

30. A hlej, dwaj slepaj, při puću sedžacaj, slyšeštaj, zo Jězus nimo dže; a wolaštaj prajicy: Knježe, smil so nad namaj, syno Davidowy!

31. Črjóda pak jeju poswari, zo byštaj mjelčaloj. Ale wonaj bóle wolaštaj prajicy: Knježe, smil so nad namaj, syno Davidowy!

32. A Jězus zasta, a zawoła jeju, a džeše: Što chcetaj, zo bych wamaj scinił?

33. Praještaj jemu: Knježe, zo so wote-writej našej woći.

34. Smiliwši pak so nad nimaj, dótkny so Jězus jeju wočow. A hnydom widěštaj, a scěhowaštaj jeho.

STAW XXI.

Jězus čehnje swjatočnje na wóslicy do Jeruzalema a wupokaza wikowarjow z templa a wotmołwa farisejam, nad jeho nahladnosću so hněwacym; wučownikam pak nad figowcom, kotryž bě na jeho słowo wuskhněl, so dźiwacym rozestaja móc wěry. Prašenje za poňomocu wotpokazuje z prašenjom za Janowej krčeńcu a z přirunanjomaj wo čłowjeku, kiž měješe dweju synow, a wo hospodarju, kotrehož winicarjo po druhich słůžownikach tež syna jako herbu winicy morichu. Wěšći, zo so kralestwo Bože wot Židow k pohanam přenese.

A hdyž so k Jeruzalemej přibližichu a přińdžechu do Bethfage k Wolijowej horje, tehdy posła Jězus dweju wučownikow,

Mark. 11, 1; Luk. 19, 29;

Jan. 12, 12—19.

2. Prajo jimaj: Džitaj do městačka, kotrež je před wamaj, a hnydom namakataj wóslicu přiwjazanu, a žrěbjo z njej; wotwjazajtaj a přiwjedźtaj jeju ke mni.

3. A jelizo by wamaj što što rjekł, prajtaj, zo Knjez jeju potrebuje, a hnydom pušći jeju.

4. To pak je so wšitko stało, zo by so dopjelnilo, štož bu prajene přez profetu, kiž praji:

5. „Prajće džowcy Sionskej: Hlej, twój kral dže k tebi pokorny, sedžacy na wóslicy a na žrěbjeću, na młodym přežneje (wóslicy).“ Zach. 9, 9; Is. 62, 11; Jan. 12, 15.

6. Wučownikaj pak woteńdžeštaj a sciništaj, jako bě jimaj Jězus poručil.

7. A přiwjedžeštaj wóslicu a žrěbjo, a položištaj na nje swoju drastu, a sadžištaj jeho na nje.

8. Mnohe črjódy pak přestrěchu swoju drastu na puć; druzy pak rubachu hałzy ze štomow a sčelechu je na puć.*

27. W mojim kralestwje, to je w mojej cyrkwi njebudže podobne knjezowanje, kajkež je w swětnych kralestwach, ale tam budže předstajeny jakož słůžownik svojich poddatych.

XXI. 8. Tajku česć wopokazowachu w rańšim kraju ludy swojim kralam.

9. Črjódy pak, kotrež w přědku džěchu a kotrež scěhowachu, wołachu prajicy: Hosanna synej Davidowemu; žohnowany budź, kiž přikhadža w mjenje Knjeza; hosanna we wysokosćach. Ps. 117, 26;

Mark. 11, 10; Luk. 19, 38.

10. A hdyž wón do Jeruzalema přinǵe, zběhny so cyle město prajicy: Štó je tón?

11. Ludžo pak prajachu: Tón je Jězus, profeta z Nazarethu w Galileji.

12. A Jězus přinǵe do templa Božeho, a wuhna wšitkich předawacych a kupowacych w templu, a blida pjenježnikow a stólcy předawarjow holbi spowroća.

Mark. 11, 15; Luk. 19, 45; Jan. 2, 14.

13. A praji jim: Pisane je: „Mój dom budže dom modlenja rěkać“, wy pak sćinišće z njeho „rubježnu jamu“.*

Is. 56, 7; Jer. 7, 11; Luk. 19, 46.

14. A přistupichu k njemu slepi a khromi we templu, a wón wustrowi jich.

15. Widžawši pak wyšši měšnicy a pismawučeni džiwu, kotrež činješe, a džěci, kotrež w templu wołachu, prajicy: Hosanna synej Davidowemu, rozhněwachu so,

16. A rjeknychu jemu: Slyšiš, što wone praja? Jězus pak rjekny jim: Woprawdže. Njejsće čitali: „Ze rta njerěčacych a čěšnych sy sebi khwalbu přihotować“?

Ps. 8, 3.

17. A jich wopuščiwši woteńdže z města won do Bethanije a tam wosta.

18. Rano pak do města so wróćejo, bu hlódny.

19. A wuhladawši figowy štom při puću, přinǵe k njemu, a njenamaka ničo na nim, khiba jeno lisće, a džeše k njemu: Nihdy njech z tebe plód njerosće do wěčnosće. A hnydom wuskhny figowc.*

Mark. 11, 13.

20. A widžawši to džiwachu so jeho

wučownicy prajicy: Kak hnydom wuskhny wón!

Mark. 11, 20.

21. Wotmołwjejo pak džeše Jězus k nim: Zawěрно praju wam: Změjeće-li wěru a njebudžeće-li dwělować, sćiniće to nie jeno na figowcu, ale tež, prajiće-li tutej horje: Zběhń so a čisń so do morja, stanje so.

22. A wšitko, wo čožkuli budžeće we modlitwje prosyć wěricy, to dóstanjeće.*

Wyše 7, 7; Mark. 11, 24.

23. A hdyž wón do templa přinǵe, přistupichu k njemu, hdyž wučěše, pismawučeni a starši ludu, prajicy: Z kajkej mocy to činiš, a štó je tebi dał tu moc?

Luk. 20, 2.

24. Wotmołwjejo Jězus rjekny jim: Wo prašam so tež ja was jene słowo, a jeli lizo mi je powěšće, tež ja wam powěm z kajkej mocy to činju.

Luk. 20, 3.

25. Janowa křćeńca z wotkel běše z njebjes abo z čłowjekow?* Woni pak myslachu sami při sebi prajicy:

26. Powěmy-li: z njebjes, rjeknje nam Čohodla jemu potajkim njejsće wěřili? Powěmy-li pak: z čłowjekow, bojimy so ludu; přetož wšitcy mějachu Jana za profetu.

Wyše 14, 3.

27. A wotmołwjejoy Jězusej rjeknychu: Njewěmy. Tež wón džeše k nim: Ani j wam njepraju, z kajkej mocy to činju.

28. Što pak so wam zda? Jedyn čłowjek měješe dweju synow, a přistupiwi k přenjemu rjekny: Syno, dží dženski džělaj we mojej winicy.

29. Tón pak wotmołwjejo džeše: Nechtu. Potom pak ze žělnosću hnuty, woteńdže tam.

30. Přistupiwi pak k druhemu rjekny: Tohorunja. Tón pak wotmołwjejo rjekny: Du, knježe, ale njewoteńdže.

31. Kotry z dweju sćini nanowu wolu Prajachu jemu: Přěni. Zawěрно praji

18. Dokelž při předawanju a kupowanju pobožny lud jebaće. — 19. Figowc je wobraz židowskeho ludu, kotryž měješe wjele lisća, t. r. kiž bě wjele hnadow Božich dostał, njepřinjese pak žanjo plódow. Tohodla bu wot Knjeza začisnjeny; w krótkim času bu Jeruzalem zapusćeny a židowski lud po cylej zemi rozehnaty. — 22. hladaj 17, 19. 20. — 25. t. r. Wot koho měješe Jan swoju moc, zo smědžeše zjawnje wučić a křćić? — 26. A jeho swědčenje wo mni njejsće přijeli.

wam, zo cłownicy a kurwy prjedy was přińdu do kralestwa Božeho.*

32. Přetož Jan přińdže k wam na puću sprawnosće, a njejsće jemu wěřili; cłownicy pak a kurwy su jemu wěřili; wy pak to widziwši, njejsće ani potom pokutu činili, zo byšće jemu wěřili.*

33. Słyšće druhe přirunanje: Běše cłowjek hospodař, kotryž winicu nasadźa, a ju z plotom wobda, a we njej winowu prasu wury, a wěžu natwari, a přenaja ju winicarjam, a poda so přeč. Is. 5, 1; Jer. 2, 21; Mark. 12, 1; Luk. 20, 9.

34. Hdyž pak so čas plodow přibliži, posła swojich wotročkow k winicarjam, zo bychu jeho plody wzali.

35. Ale winicarjo wupřimawši jeho wotročkow, jenoho přebichu, druhého zabichu, třećeho pak skamjenjowachu.

36. Zaso posła druhich wotročkow, wjacj dyžli prjedy, a sčini chu z nimi runje tak.

37. Najposledy pak posła swojeho syna k nim, prajo: Budźa so mojeho syna strachować.

38. Wuhladawši pak syna rjeknychu winicarjo sami při sebi: Tón je herba, pójće, zabijmy jeho a změjmy jeho herbstwo. Niže 26, 3; Jan. 11, 53.

39. A přimnywši wustorčichu jeho z winicy, a zabichu jeho.*

40. Hdyž pak knjez winicy přińdže, što sčini tutym winicarjam?

41. Rjeknychu jemu: Zlych zlě zahubi, a swoju winicu přenajmje druhim winicarjam, kotřiž jemu plód wotedadźa w swojim času.*

42. Jězus rjekny jim: Njejsće ženje w pismje čitali: „Kamjeń, kotryž twarcy začisnychu, tón je różkowny kamjeń sčinjeny?“ wot Knjeza je so to stało, a je spodźiwnje před našimaj woćomaj? Ps. 117, 22; Jap. sk. 4, 11; Romsk. 9, 33; 1. Pětr. 2, 7.

43. Tohodla praju wam: Kralestwo Bože budže wot was wotewzate, a ludej date, kotryž jeho plody přinjese.*

44. A štož padnje na tónle kamjeń, rozrazy so; a na kohož wón padnje, toho rozinjće.*

45. A wyšši měšnicy a farisejowje slyšawši jeho přirunanja, spóznachu, zo wón wo nich rěči.

46. A spytuje cy jeho zajec, bojachu so črjódow, dokelž mějachu jeho za profetu.

STAW XXII.

Přirunanje wo kralu, kiž swojemu synej kwas wuhotowa, při kotrymž so bjez kwasneje drasty za blidom sedźacy do wonkowneje čmy čisnje. Jězus je spytowany wot farisejow w nastupanju dawka, kotryž ma so kejžorej dawać a wot saducejow w nastupanju wot-mortwych-wstaća; jim porokuje njewědomosć, horjestaće mortwych dopokazujo. Z nowa spytuje so wot zakonjawučneho w nastupanju wulkeje kaznje zakonja. Tež farisejow so praša, čěji syn je Khrystus.

A wotmołwjejo rěčeše k nim Jězus zaso w přirunanjach, prajo: Luk. 14, 16.

2. Njebjeske kralestwo je podobne cłowjekej kralej, kotryž swojemu synej kwas wuhotowa. Zjew. 19, 9.

3. A posła swojich služownikow, zo bychu prošenych na kwas powołali, a nochcychu přińć.

4. Zaso posła druhich služownikow, a rjekny: Prajće prošenym: Hlej, swój wobjed sym přihotował, moje woły a mój

31. Skerje budźa wěřić, zastupja do cyrkwy a budźa zbóžni dyžli wy, dokelž čy nochcychu prjedy ničo słyšeć wo wobkedźbowanju Božich kazni, na Janowe předowanje pak so nakazachu. — 32. Wy sće tohodla na druhého syna spodobni. — 39. Winica je židowski lud, kotryž běše zakład Jězusoweje cyrkwy; wupósłani služownicy su profetowje, kotřiž běchu k Židam posłani; syn pak je Khrystus, kotrehož su Židza morili. — 41. Wuprajichu tak Židza sami sebi swój wusud, kotryž je so nad nimi potom dopjelni. — 42. Różkowny kamjeń, na kotrymž při twarbj wjele zaleži, a kotryž běchu Židza začisli, bě Khrystus, podložk swojeje cyrkwy. — 43. Praji tu Jězus Židam, zo runje po jich wusudženju kralestwo Bože, cyrkej, so jim wozmj a k pohanam donjese. — 44. Židza pohoršowachu so nad Jězusom, storčichu so takrjec do toho kamjenja, a rozrazychu so na nim, buchu zničeni a zahubjeni, a tak dže so wšitkim, kotřiž Khrystusa začisnu a jemu so napřećiwjeja.

kormjeny skót su zarčzane, a wšitko je hotowe; pójće na kwas.

5. Woni pak njerodźachu, a woteńdžechu, jedyn na swoju nuknicu, druhi pak po swojim wikowanju.

6. Zbytnei pak wupřimawši jeho služownikow, wohanichu a morichu jich.

7. Kral pak to slyšawši rozhněwa so, a pósławši swoje wójška, skóncowa tutych mordarjow a zapali jich město.*

8. Tuž praji svojim služownikam: Kwas drje je přihotowany, ale kotřiž su prošeni, njeběchu hódni.

9. Dźiće tohodla na rozpuće, a kotrychž-kuli namakaće, powołajće na kwas.*

10. A jeho služownicy wušedši na puće, zhromadźichu wšitkich, kotrychž namakachu, zlych a dobrych, a kwas napjelni so z hosćemi.

11. Kral pak zastupiwiši, zo by hosći wohladał, wuhlada tam čłowjeka, kiž njebě woblečeny z kwasnej drastu.*

12. A rjekny jemu: Přecelo, kak sy sem přišoł njemějo kwasneje drasty? Wón pak woněmi.

13. Tuž rjekny kral k služownikam: Zwjazajće jemu rucy a nozy, a čisćće jeho do wonkowneje čmy,* hdžež budže plač a křipjenje zubow.

Wyše 8, 12; 13, 42.

14. Přetož wjele je powołanych, mało pak wuzwolonych.

15. Tehdy woteńdžechu farisejowje a dźeržachu radu, kak bychu jeho w rěč popadnyli. Mark. 12, 13; Luk. 20, 20.

16. A pósłachu k njemu svojich wučownikow z Herodianami,* prajicy: Mištrje, wěmy, zo sy wěrnosćiwý a zo pu Boži we prawdže wučíš, a zo nikoh nedžbu nimaš; přetož njedžiwaš na wosob čłowjekow.

17. Praj nam tohodla, što so tebi zda słuša so kejžorej dawk dawać abo nic?

18. Jězus pak jich zlósc spóznawš rjekny: Što mje spytujeće, tajency?

19. Pokažće mi dański pjenjiz. A won podachu jemu džesatnik.

20. A Jězus praji jim: Čeje je to zna mjo a napismo?

21. Praja jemu: Kejžorowe. Tuž džek k nim: Dajće tohodla kejžorej, štož jkejžorowe, a štož je Bože, Bohu.

Romsk. 13, 7.

22. A to slyšawši dźiwachu so, a jeh wupušćiwši woteńdžechu.

23. Na wonym dnju přistupichu k njemu saducejowje, kotřiž praja, zo nje wot-mortwych-wstaće, a woprašachu s jeh, Jap. sk. 23,

24. Prajicy: Mištrje, Mójzes rjekny „By-li štó wumrěł bjez syna, njech wzmje sebi jeho bratr jeho žonu, a zbudži synjo swojemu bratrej.“*

5. Mójz. 25, 5, 6; Mark. 12, 19; Luk. 20, 28.

XXII. 7. Přeprošeni, to su Židža, kotřiž pak so wšelako zamołwjachu, haj tež k nim pósłany profetow morichu, tohodla buchu pozdžišo tak čezcy khostani. — 9. Tute słowa dopominaju wupóstanje japoštołow do wšěch džěłow swěta. — 11. Kralowje rańšeho kraja připóstaču ty kotrychž běchu na hosćinu přeprosyli, swjedžeńske drasty, a te mějachu hosćo so woblec. Bě wulki pohóršk, zo bě tamny přeprošeny zakomdžil, so kwasnu drastu woblec. Kwasna drasta znamjo swjatosćaceje hnady Božeye, z kotrejž dyrbi kóždy woblečeny być, kiž chce k njebjesk hosćinje zastupić. — 13. l. 8, 11. — 16. Herodianowje běchu či, kotřiž z Herodesom a z Romskimi dźeržachu a wučachu, zo maju so Židža Romskim podćisnyć a jim dawki dawać. Farisejow a jich wučownicy pak to nochychu přidać, dokelž su Židža lud Boži. — 17. Bě prašenje w farisejow jara lesnje wumyslene; njech by Jězus „haj“ abo „ně“ prajil, dyrhješe sebi jenu stroj rozhněwać a so strachej žiwjenja wustajić. Ale Khrystus předoby jich lešć z bójskej mudrosću, a zo njemóžachu jemu poroka činić, ale wohanibjeni woteńdžechu. — 24. 5. Mójz. 25, 5, 6. Bě přistajene: „Hdyž je někomu bratr ze zawostajenjom mandželskeje, ale bjez džěci wumrěł, ma brat jeho žonu wzać a jemu potomnistwo zbudzić.“ Saducejowje, kotřiž njewěrjachu, zo čłowjek zas wot-mortwych wstanje, wumyslichu sebi na podložku tamneho Mójzesoweho zakonja přiklad, z kotrychychychu před Jězusom dopokazać, zo wot-mortwych-wstaće so Mójzesowemu zakonju přećiwi a zo dy tohodla njemóžne być. Jězus pak powučil jich, zo sebi wot-mortwych-wstaće cyle błudnje přestajaja, a zo je tuta wěrnosć na druhich městach zakonja na přiklad 2. Mójz. 3, 6, jasnje wuprajer

25. Běchu pak pola nas sedmjo bratřa, a přeni so woženiwši wumrě, a njemějo symjenja, zawostaji swoju žonu swojemu bratřej.

26. Runje tak tež druhi, a třeći hač do sedmeho.

27. Najposledy pak po wšitkich wumrě tež žona.

28. Kotreho pak z tych sedmi budže žona při wot-mortwych-wstaću? Přetož wšitcy su ju měli.

29. Wotmołwjejo pak rjekny jim Jězus: Bludźiće njeznajcy pisma ani móc Božu.

30. Při wot-mortwych-wstaću njebudža so ani ženić ani wudawać; ale budža jako jandželowje Boží w njebiesach.

31. Wo wot-mortwych-wstaću pak njejsće čitali, štož bu wam powědžene wot Boha, kiž wam praji:

32. „Ja sym Bóh Abrahamowy a Bóh Isaakowy a Bóh Jakubowy? Wón njeje Bóh mortwych, ale žiwych.“* 2. Mójz. 3, 6.

33. A črjódy to slyšawši dziwachu so nad jeho wučbu.

34. Farisejowje pak slyšawši, zo je sadowceju k mjelčenju přiwjedl, zeńdžechu so w hromadze. Mark. 12, 28; Luk. 10, 25.

35. A woprašo so jeho jedyn z nich, zakonjawučeny, spytujo jeho:

36. Mištrje, kotra je wulka kaznja we zakonju?

37. Jězus jemu rjekny: „Dyrbiš Knjeza swogeho Boha lubować z cyleje swojeje wutroby, a z cyleje swojeje duše, a z cyleje swojeje mysle.“ 5. Mójz. 6, 5.

38. To je najwjetša a přenja kaznja.

39. Druha pak je tutej runja: „Dyrbiš swogeho bližšeho lubować, jako sebje samoho.“ 3. Mójz. 19, 18; Mark. 12, 31.

40. Na tymaj dvěmaj kaznjomaj wisy cyły zakon a profetowje.*

41. Hdyž pak farisejowje so zeńdžechu, woprašo so jich Jězus,

42. Prajo: Što so wam zda wo Khrystusu? Čeji syn je? Praja jemu: Davidowy.

43. Wón džeše k nim: Kak tohodla David w duchu jeho Knjeza mjenuje, prajo: Luk. 20, 41; Ps. 109, 1.

44. „Knjez rjekny mojemu Knjezej: Syn so k mojej prawicy, hač položu twójch njeprěcelow jako podnožk twojeju nohow?“* Jap. sk. 2, 34.

45. Mjenuje-li jeho potajkim David Knjeza, kak je wón jeho syn?

46. A nihtó njemóžeše jemu słowčka wotmołwić; a nihtó njezwaži so wot toho dnja wjacy jeho so prašeć.

STAW XXIII.

Jězus přikazuje, zo dyrbja ludžo na pismawučnych a farisejow poslušać, njesmědža pak jich přikłady sčehować, a wotkrywa jich tajenstwo a česćelakomnosť, swójch wučownikow pak wučí ponižnosť. Potom hrozy tamnym dla jich tajenstwa a druhich njesprawności, jim wšěćo, zo měru wótcow we přescěhanju sprawných dopjelnja, a zo budže Jeruzalem zapuštěny.

Tehdy řečeše Jězus k črjódam a k swójim wučownikam. Mark. 12, 38; Luk. 20, 45.

2. Prajo: Na Mójzesowym stole sedža pismawučeni a farisejowje.* 2. Esdr. 8, 4.

3. Wšitko tohodla, štožkuli wam rjeknu, dzeržće a činće; ale po jich skutkach nječinće; přetož woni praja, a nječinja.

4. Přetož wjazaju ćežke a njeznjesne břemjenja, a kladu je čłowjekam na ramjenja, ze swójim porstom pak nochcedža je pohibnyć.* Luk. 11, 46.

5. Wšitke swoje skutki pak činja, zo bychu widženi byli wot čłowjekow; přetož

32. Hdyž so Bóh po smjerći patriarchow hišće jich Bóh mjenuje, dyrbja w tamnym swěće žiwi być, potajkim njesmjertni po duši. — 40. t. r. we tutymaj kaznjomaj je z krótka wšitko woprijate, štož je we zakonju a w pismach profetow přikazane. — 44. Po čłowjestwje bě Khrystus Davidowy potomnik, jako wěrný Bóh pak jeho knjez.

XXIII. 2. t. r. su nastupnicy Mójzesowi. — 4. Napoložjo druhim ćežke winowatosće, kotrež ani zakon njepriznaje, ale sebi samym spuštěja.

rozšěrjeju swoje napisma* a powjetšēju wobrubu.** 2. Mójz. 6, 8; 4. Mójz. 15, 38.

6. Lubuja tež přenje města při hosćinach, a přenje stoły w synagogach, Mark. 12, 39; Luk. 11, 43; 20, 40.

7. A postrowjenja na torhošću, a zo bychu wot ludźi mjenowani byli: Rabbi.*

8. Wy pak njedajće so mjenować rabbi; přetož jedyn je waš mištr,* wy wšitcy pak sće bratřa. Jak. 3, 1.

9. A tež wótc njerěkajće sebi na zemi; přetož jedyn je waš Wótc, kiž je w njebjesach. Mal. 1, 6.

10. Ani mištr njedajće so mjenować; přetož jedyn je waš mištr, Khrystus.

11. Štóz je wjetši mjez wami, budź waš služownik.

12. Štóz pak so powyší, budźe poniženy, a štóz so poniži, budźe powyšeny. Luk. 14, 11; 18, 14.

13. Běda pak wam, pismawučeni a farisejowje, tajency, dokelž zamkaće njebjeske kralestwo před člowjekami; přetož wy nutř njeńdžće, a tym, kotřiž nutř du, njedaće nutř hić.

14. Běda wam, pismawučeni a farisejowje, tajency, dokelž domy wudowow spóžeraće,* dolhe modlitwy dokonjeje; tohodla změjeće ćežše sudženje. Mark. 12, 40; Luk. 20, 47.

15. Běda wam, pismawučeni a farisejowje, tajency, dokelž po morju a po kraju čahaće, zo byšće jednoho noweho wěriwego sćinili, a hdyž je sćinjeny, činiće z njeho džěćo hele, dwójcy hórše, dyžli sće wy.*

16. Běda wam, slepi wodžerjo, kotřiž

prajiće: Štóžkuli by přisahał na templ, to ničo njeje; štóz pak by přisahał na zloto w templu, je winowaty.

17. Blazni a slepi! Přetož što je wjetše, zloto abo templ, kotryž swjeći zloto?

18. A štóžkuli by přisahał na woltař, to ničo njeje; štóz pak by přisahał na dar, kotryž je na woltarju, je winowaty.

19. Slepi! přetož što je wjetše, dar abo woltař, kotryž swjeći dar?

20. Štóz tohodla přisaha na woltař, přisaha na njón a na wšitko, štož je na nim;

21. A štóžkuli by přisahał na templ, přisaha na njón a na toho, kotryž w nim bydlí,

22. A štóz přisaha na njebjo, přisaha na trón Boží, a na toho, kotryž na nim sedzi.

23. Běda wam, pismawučeni a farisejowje, tajency, kotřiž džesatk dawaće wot mjatlički, a koprika, a kimjelčki, a zanjechaće, štož je wažniše we zakonju sprawnosć, smilnosć a wěru; tuto dyrhješće činić, a druhe njezanjechać.* Luk. 11, 42.

24. Slepi wodžerjo, kotřiž kuntwory cydžiće, kamela pak póžeraće.

25. Běda wam, pismawučeni a farisejowje, tajency, wy čisćiće keluchi a škl zwonka; znutřka pak sće polni rubjeństwa a nješwarnosće.

26. Slepý farisejo, čisć najprjedy, štož je znutřka kelucha a šklě, zo by čist było, štož je zwonka.*

5. To běchu pergamentowe lisćiki, na kotrychž běchu někotre słowa ze zakonja napisane. F wopačnym zrozymjenju prikaznje, zo dyrbja Boží zakon stajnje před woćomaj měć a we wutrobje nosy přiwjazowachu sebi tamne lisćiki na čolo a na lěwu ruku. ** Wobrubu, kotraž Židźa k rozeznanju wot pohanow na drasće nošachu, mējachu jich tež na zakon Boží dopomnić. Farisejowje nošach pak wjetše lisćiki a šěrše wobrubu, a chcychu z tym pokazować, zo zakon wjele swěrnjo dokonje dyžli druzi. — 7. Rabbi t. j. čestny titul wučenyh a wučerjow. — 8. Mjenujcy Khrystus, w kotrehož ma wšitka waša wědomosć a mudrosć wukhadźeć. — 14. t. r. za bohate wudowy dolhe modlitwy dokonjeće a z tym jich zamóženje z njeprawdu na so sčehnjeće. — 15. t. r. přewulk prócu sebi dawaće, zo byšće jednoho pohana za židowstwo dobyli, ale ze swojim přikładom a wučnjom jeho skazyće. — 23. Džesatk wot móličkosćow, kotryž sebi ani zakon nježada, wy dawać wjele wažniše winowatosće, wosebje winowatosće prawje lubosće pak zanjechaće. — 26. We wšlakich snadnych wěcach a próždných wonkownosćach, na kotrychž ničo njezaleži abo jara mało, s swědomići, wažne pak njedopjelniće.

27. Běda wam, pismawučeni a farisejowje, tajency, dokelž sće podobni wobělnym rowam, kotrež so čłowjekam zwonka rjane zdadža, znutřka pak su polne kosći mrtwych a wšjeje nječistoty.

28. Tak drje tež wy zwonka čłowjekam sprawni so zdaće, znutřka pak sće polni tajenstwa a njeprawosće.

29. Běda wam, pismawučeni a farisejowje, tajency, kotřiž twariće rowy profetow a debiče wopomniki sprawnych,*

30. A prajiće: Hdy bychmy žiwi byli w dnjach našich wótcow, njebychmy jich towaršowje byli w krewi profetow.

31. Tak dawaće wy sami sebi swědčenje, zo sće džěci tych, kotřiž su profetow morili.

32. Tež wy napjelnjeće měru wašich wótcow.*

33. Hady, ješćefči splaho, kak čeknjeće sudej helskeho wohnja? Wyše 3, 7.

34. Tohodla, hlej, sćelu ja k wam profetow a mudrych a pismawučenych, a z nich budžeće (někotrych) morić, a křižować, a z nich budžeće (někotrych) šwikać w swojich synagogach a přescěhać wot města k městu;

35. Zo by přišla na was wšitka sprawná krej, kotraž je rozlata na zemi, wot krewje sprawného Abela hač do krewje Zacharias, Barachiasoweho syna, kotrehož morišće mjez templom a woltarjom.*

1. Mójz. 4, 8; Hebr. 11, 4.

36. Zawěrnó praju wam: Wšitko to přińdže na tutón splah.

37. Jeruzalemje, Jeruzalemje, kotryž moriš profetow, a kamjenjuješ tych, kotřiž su k tebi póslani, kak často chcych twoje

džěci zhromadzić,* tak jako pata zhromadźuje swoje kurjata pod swoje křídla; ale ty nochcyše!

38. Hlej, waš dom wostaji so wam pustý.

39. Přetož praju wam: Njewohladaće mje wjacy, hač rjeknjeće*: Žohnowany budź, kotryž přikhadža w mjenje Knjeza.

STAW XXIV.

Jězus wěšći zapusćenje templa a napomina, zo bychu ludžo zawjednikow so hladali, kotřiž přińdu, a spomina na přichodne wójny a přescěhanja, na falšnych Khrystusow a falšnych profetow. Wěšći wo přikhadže Syna čłowjeka a znamjenjach na slóncu, měsacu a hwězdach, kotrež budža před tym widzieć. Tež praji, zo je sudny dzeń njeznaty; a rěči wo swěrnym a złym wotročku, a zo mamy tohodla přeco kežďbować.

A Jězus wuńdže z templa a woteńdže. A jeho wučownicy přistupichu, zo bychu jemu templewje twarjenja pokazali.

Mark. 13, 1; Luk. 21, 5.

2. Wón pak wotmołwjejo rjekny jim: Widźiće to wšitko? Zawěrnó, praju wam, tu njewostanje kamjeń na kamjenju, kotryž by rozbitý njebył. Luk. 19, 44.

3. Hdyž pak wón na Wolijowej horje so posydny, přistupichu wučownicy sami k njemu prajicy: Praj nam, hdy so to stanje? a kotre budže znamjo twojeho přikhada a skónčenja swěta?*

4. A wotmołwjejo rjekny jim Jězus: Hladajće, zo by was nihtó njezawjedł.

Ef. 5, 6; Kol. 2, 18.

5. Přetož mnozy přińdu w mojim mjenje prajicy: Ja sym Khrystus; a zawjedu mnohich.

6. Budžeće slyšeć wo wójnach a wo wójskich powěsćach. Hladajće, zo byšće

29. t. r. chceće česć wopokazować tym, kotrychž su waši prjedownicy zabijeli. — 32. t. j. přez morjenje Messiasa. Jězus njeswari farisejow, zo rowy profetow česća, ale porokuje jim to, zo při tom swojich prjedownikow hanja, hač runje sami lěpši njejsu. — 35. t. j. zo byšće khostani byli za wšitku njewinowace rozlatu krej wot přěnjeho njesprawného zamordowanja hač k poslednjemu, wo kotrymž swjate pismo powěda. — 37. t. r. sym was napominał, zo byšće so ke mni wobročili a pod mojim zakitom Božemu sudej čekli. — 39. Doniž mje za Messiasa njespóznajeće, prjedy wam njebudže pomhane.

XXIV. 3. Wučownicy myslachu sebi, zo zapusćenje města Jeruzalema a Jězusowy přikhad k poslednjemu sudej so nadobo stanje, dokelž bě wón wjacy króc wo woběmaj nadobo rěčať; wobaj podawkaj staj skutkaj Božeje sprawnosće a mataj podobnosć. Tež w tutym stawje so wobaj bjez wosebiteho rozeznawanja wopisujetaj.

so njestróžili; přetož to dyrbi so stać, ale hišće njeje kónce.

7. Přetož narod zběhnje so přećiwo narodej, kralestwo přećiwo kralestwu a budže mór a hlód, a zemjerženje tu a tam.

8. To wšitko pak je spočatk bolosći.

9. Tehdy podadža was do čěsnosće, a morja was, a budžeće hidženi wot wšěch narodow mojeho mjena dla. Wyše 10, 17; Luk. 21, 12; Jan. 15, 20; 16, 2.

10. A tehdy budža mnozy so pohóršować a mjez sobu so přeradžeć a mjez sobu so hidzić.

11. A mnozy falšni profetowje* wstanu, a zawjedu mnohich.

12. A dokelž je njeprawda nadobyla, wustudnje lubosć mnohich.

13. Štóz pak wutraje hač do kónca, tón budže wumóženy.*

14. A přědowane budže tuto ewangelium wo kralestwje (Božim) po wšom swěće, na swědčjenje wšitkim narodam; a tehdy přidźe skónčenje.*

15. Hdyž tohodla wuhladaće žadławosć zapusćenja, kotraž je wěšćena wot profety Daniela, na swjatym měsće stojacu — štož čita, njech zrozumi — Dan. 9, 27;

Mark. 13, 14; Luk. 21, 20.

16. Tehdy njech ći, kotřiž su we Judeji, čekaju na hory,

17. A štóz je na třěše, njech njezlěze, zo by něšto wzał ze swójeho domu;

18. A štóz je na polu, njech so njewróća, zo by wzał swoju suknju.*

19. Běda pak ćežkožiwotnym a ćešacym w tych dnjach.

20. Modlće pak so, zo by so njestalo waše čekanje w zymje abo na sabaće.*

Jap. sk. 1, 12.

21. Přetož tehdy budže wulke horjow, kajkež njeje było wot spočatka swěta hač do nětkaj, ani wjacj njebudže.

22. A hdy bychy wony dny přikrótsěny njebyle, njeby žadyn čłowjek wumóženy był; ale wuzwolonych dla budža wony dny přikrótsěny.

23. Rjeknje-li wam tehdy něchtó: Hlej, tu je Chrystus, abo tamle, njewěfće.

Mark. 13, 21; Luk. 17, 23.

24. Přetož wstanu falšni Chrystusowje a falšni profetowje, a budža činić wulke znamjenja a dziwy, tak zo bychy do bluda zawjedženi byli (hdy by móžno bylo) tež wuzwoleni.

25. Hlej, sym wam to předpowědźil.

26. Rjeknu-li wam tohodla: Hlej, won je w pusciny, njewuńdźe tam; hlej, won je w komorach, njewěfće.

27. Přetož jako blysk wuńdźe wot ranja a swěći hač k wječoru, tak budže tež přikhad Syna čłowjeka.*

28. Hdžežkuli budže čělo, tam zhromadža so tež worjoly.*

Luk. 17, 34.

29. Hnydom pak po horju tutych dnjow woćemni slónce, a měsac k njed swoje swětło, a hwězdy budža z njeby padać, a njebieske mocy budža so hibać. Is. 13, 10; Ezech. 32, 7; Joel 2, 10; Mark. 13, 24;

Luk. 21, 25.

30. A tehdy pokaže so znamjo Syna čłowjeka na njeby; a tehdy budža žalósć wšitkě splahi na zemi a budža widžeć Syna čłowjeka přikhadžaceho w mróčelach njeby z wulkej mocy a majestosću.*

Zjewj. 1, 7.

31. A pósćele swojich jandželow z trub a z wulkim hłosom, a woni zhromadža jeh wuzwolonych wot štyrjoch wětrow, wo jenoho kónca njeby hač k druhemu.

1. Kor. 15, 52; 1. Thess. 4, 15.

11. To su błdni wučerjo. — 13. Štóz přez domapytanj a přescěhant wote mnje so njewo wobroći. — 14. To počahuje so na skónčenje swěta. — 18. Njech nichto so njekomdži, ale khwtajo čěka. — 20. W zymje, dokelž so tehdy ćežcy čěka, a na sabaće je Židam jeno tysac kroć činić dowolene. — 26. Chrystus. — 27. t. r. tak nahle a njenadžijcy k sudej a ke khostanju njedospawnych. — 28. Hdžežkuli budža njedspawni, tam přidźe tež khostanje. — 30. Tehdy bud přikhad Syna Božeho slawný. Znamjo Syna Božeho je po zrozymjenju swjatych wótcow znamjo křiž

32. Wot figowca pak wukńće přirunanje: Hdyž jeho halza hižo womlódnje a lisće wurośće, wěśće, zo je léće blisko.

33. Tak tež wy, hdyž to wšitko wuhladaće, wěźće, zo je wón blisko před durjemi.

34. Zawěrnó praju wam: Tutón splah njezańdže, hač so to wšitko stanje.

35. Njebjo a zemja zańdžetaj, moje słowa pak njezańdu. Mark. 13, 31.

36. Wo tom dnju pak a tej hodźinje nchtó njewě, ani jandžele w njebiesach, khiba Wótc sam.

37. Kaž pak bě w Noeowych dnjach, tak budže tež přikhad Syna čłowjeka.

1. Mójz. 7, 7; Luk. 17, 26.

38. Přetož jako w dnjach před lijeńcu jědzachu a pijachu, so ženjachu a so wudawachu, hač do toho dnja, na kotrymž Noe do archi stupi,

39. A njespóznachu, hač lijeńca přindže a wšitkich wotewza, tak budže tež přikhad Syna čłowjeka.

40. Tehdy budžetaj dwaj na polu, jedyn budže wzaty, a druhi wostajeny.

41. Dvě budžetaj mlěć na młynje, jena budže wzata, a druha wostajena.*

42. Kedžbujće tohodla, dokelž njewěśće, w kotrej hodźinje waš Knjez přindže.

Mark. 13, 33.

43. To pak wěźće, zo, hdy by hospodař wědzał, w kotrej hodźinje paduch přindže, by zawěśće kedžbował, a by njedał so lamać do swojeho domu. Luk. 12, 39.

44. Tohodla budže tež wy přihotowani, dokelž Syn čłowjeka přindže w hodźinje, kotruž njewěśće.

41. Jara wjele, haj položca ludu zahinje. — 45. Štó je swěrný, podwolny wotročk, kiž stajnje na wužitk swojeho knjeza myslí? Je to tón, kotryž w kóždym času swoju winowatosć dopjelni, dokelž móže jeho knjez w kóždym času přinć a zamołwjenje žadać? abo tón, kiž myslí, zo je knjez hišće daleko, a tohodla tež z dopjelnjenjom swojich winowatosćow so komdži? Tute słowa plaća japoštołam, a potom wšitkim duchownym předstajenym, ale tež wšitkim, kotřiž su bjez starosće za swojich poddatych žiwi.

XXV. 1. Při židowskich kwasach přikhadžeše nawoženja ze swojimi towaršemi wječor do njewjesticneho domu, hdžež jeho knježny ze zaswěćenymi swěćami wočakowachu, a hdžež bě potom swjatočny kwas. Njebjeska zbóžnosť přirunuje so husto z kwasom, zo by njezapřijimna radosć někak za zapřijeće bliže so stajila. — 4. Swěća w lampje znamjenja wěru, a wolij dobre skutki, z kotrymiž so wěra dopokaže. Jako swěća hasnje, hdyž wolija nima, tak tež je wěra bjez dobrych skutkow mrtwa.

45. Štó, měniš, je swěrný a rozomny wotročk, kotrehož je jeho knjez nad swoju čeledź stajil, zo by jim jědź dawał w prawym času?*

46. Zbóžny je tón wotročk, kotrehož jeho knjez přišedši namaka tak činjaceho.

Zjewj. 16, 15.

47. Zawěrnó praju wam, zo jeho postaji nad wšitke swoje kubla.

48. By-li pak zły wotročk prajil w swojej wutrobje: Mój knjez komdži so přinć;

49. A by-li počal bić swojich sobuwotročkow, a jěsć a pić z wopilcami;

50. Přindže knjez toho wotročka na dnju, na kotrymž so njenadźije a w hodźinje, kotruž njewě;

51. A wotstroni jeho, a da jemu jeho mzdu z tajencami; tam budže plać a křipjenje zubow. Wyše 13, 42; niže 25, 30.

STAW XXV.

Jězus powěda přirunanja wo dźesać knježnach a wo talentach mjez wotročkow rozdźělenych, kotrychž knjez z cuzby so wróćiwši jednotliwych mytuje abo khosta po jich zaslužbach. Posledni sud před woči staja a tež winy mytowanja dobrych a khostanja zlych.

Tehdy budže njebjeske kralestwo podobne dźesać knježnam, kotrež swoje lampy wzawši nawoženj a njewjesće napřećiwo wuńdžechu.*

2. Pječ z nich pak běše njemudrych, a pječ mudrych.

3. A pječ njemudre, wzawši swoje lampy, njewzachu sebi wolija sobu.

4. Mudre pak wzachu z lampami wolij we swojich sudowjach.*

5. Hdyž pak so nawoženja komdžeše, zdrěmnychu wšitke, a wusnychu.

6. Wosrjedź nocy pak sta so wolanje: Hlej, nawoženja přikhadža, wuńdźće jemu napřećiwu.

7. Tuž wstanychu wšitke te knježny, a wuhotowachu swoje lampy.

8. Njemudre pak rjeknychu mudrym: Dajće nam wot swojeho wolija, dokelž naše lampy hašuja.

9. Mudre wotmołwichu prajicy: Zo by trjebaj njedosahało nam a wam; dźiće radšo k předawarjam, a kupće sebi.

10. Hdyž pak džěchu kupować, přindže nawoženja, a kotrež běchu hoto-we, zańdžechu z nim na kwas, a durje buchu zamknjene.

11. Potom pak přindžechu tež te druge knježny, prajicy: Knježe, Knježe, wote-wři nam.

12. Ale wón wotmołwjejo rjekny: Za-wěrnó praju wam, njeznaju was.*

13. Keďzbujće tohodla, dokelž njewěšće džen ani hodžinu.*

Mark. 13, 33.

14. Přetož runje tak* zawoła muž, přeč so podawacy, svojich služownikow, a přepoda jim swoje kubla.

Luk. 19, 12.

15. A jenomu da pjeć talentow, druhe-mu pak dwaj a třecemu jedyn, kóždemu po jeho móžnosći,* a poda so hnydom přeč.

16. Woteńdže pak, kotryž bě pjeć ta-lentow dóstał, a wikowaše z nimi, a doby druhich pjeć.*

17. Toho runja tež, kotryž bě dwaj dóstał, doby druhaj dwaj.

18. Kotryž pak bě jedyn dóstał, woteńdže a zahrjeba jón do zemje, a skho-wa pjenjezy swojeho knjeza.

19. Po dolhim času pak přindže knjez

tych služownikow, a činješe zličbowanje z nimi.

20. A přistupiwiš přinjese tón, kotryž bě pjeć talentow dóstał, druhich pjeć ta-lentow, prajo: Knježe, pjeć talentow sy mi přepodał, hlej, druhich pjeć sym přidobyl.

21. Jeho knjez jemu praji: Aj, dobry a swěrný služowniko! Dokelž běše nad ma-lym swěrný, postaju tebe nad mno-he. Dži nutř do wjesolósće swojeho knjeza.

22. Přistupiwiš pak tež tón, kotryž bě dwaj talentaj dóstał, a rjekny: Knježe, dwaj talentaj sy mi přepodał, hlej, druha-dwaj sym dobył.

23. Jeho knjez jemu praji: Aj, dobry a swěrný služowniko! Dokelž sy nad ma-lym swěrný byl, postaju tebe nad mno-he. Dži nutř do wjesolósće swojeho knjeza.

24. Přistupiwiš pak tež tón, kotryž bě jedyn talent dóstał, rjekny: Knježe, wěm zo sy kruty čłowjek; žnješ, hdžež njejsy syl, a zběraš, hdžež njejsy rozsypal.

25. A bojo so woteńdžech a skhowach twój talent do zemje; hlej, tu maš, što je tvoje.*

26. Wotmołwjejo pak jeho knjez jemu rjekny: Zły a lěni služowniko! wědžeš zo žnju, hdžež njejsym syl, a zběraš hdžež njejsym rozsypal.*

27. Ty měješe tohodla moje pjenjez, pjenježnikam přepodač, a ja přišedši byc-zaso dóstał, štož je moje, z wužitkom.

28. Tuž wzmiće wot njeho talent dajće jón tomu, kotryž ma džesać talentow

29. Přetož kóždemu, kiž ma, budže data a změje nadobnje; tamnemu pak, ki

12. Njepóznam was za swoje wuzwolene, dokelž nic tón, kiž rjeknje: Knježe, Knježe, a kotryž wolu mojeho Wótca dopjelni, pónďže nutř do njebieskeho kralestwa. — 13. t. j. tu, w kotrej knjez přindže. — 14. Přistaj: budže tež w njebieskim kralestwje z darami. — 15. Wšelako swoj dary wuďžela po khmanosći kóždého. Z talentami pak rozmyi so wšitko, štož čłowjek z hnad-Božeje dóstanje a wobsydnje, štož ma tohodla swědomiče naložec, dokelž změje wo naloženju s něhdy wosprownić. — 16. Talent wučini po našich pjenjezach 20 tysac hriwnow. — 25. To pa-njebě dosć, knjez žada sebi tež wužitk. — 26. Ty sy znał moju krutosć.

nima, budže tež to, štož po zdaću ma, wotewzate.* Wyše 13, 12; Mark. 4, 25.

30. A njewužitneho služownika čisńće do wonkowneje émy; tam budže plač a křipjenje zubow.

31. Hdyž pak Syn čłowjeka přinǎže we swojej majestosći, a wšitcy jandželowje z nim, tehdy budže sedžeć na trónje swojeje majestosće.

32. A zhromadźene budža před nim wšitke ludy, a rozdźěli je jene wot druhich, jako pastyř wotdźěluje wowcy wot kózłow.

33. A postaji pak wowcy na swojej prawicy, kózly pak na lěwicy.

34. Tehdy rjeknje kral k tym, kotřiž budža na jeho prawicy: Pójće, žohnowani mojeho Wótca, wobsedźće kralestwo, kotřež je wam prihotowane wot spočatka swěta.

35. Přetož buch hlódný, a dašće mi jěsć; buch lačny, a napojišće mje; běch cuzy, a hospodowašće mje;

36. Běch nahi, a zwoblekašće mje; běch khory, a wopytašće mje; běch w jastwje, a přinǎžešće ke mni.

37. Tehdy wotmołwja jemu sprawni prajicy: Knježe, hdy widžachmy će hlódného, a nasyćichmy će? abo lačného, a napojichmy će?

38. Hdy pak widžachmy će cuzeho a hospodowachmy će? abo naheho, a zwoblekachmy će?

39. Abo hdy widžachmy će khoreho, abo w jastwje, a přinǎžechmy k tebi?

40. A wotmołwjejo kral jim rjeknje: Zawěrnó praju wam, hdyžkuli to sčinišće jenomu z najmjeńších mojich bratrow, to mi sčinišće.

41. Potom rjeknje tež tym, kotřiž budža na lěwicy: Preč wote mnje, zakleći, do

wěčného wohnja, kotryž je přihotowany djabolej a jeho jandželam! Niže 7, 23;

Luk. 13, 27; Ps. 6, 9.

42. Přetož buch hlódný, a njedašće mi jěsć; buch lačny, a njenapojišće mje.

43. Běch cuzy, a njehospodowašće mje; nahi, a njewoblekašće mje; khory, a w jastwje, a njewopytašće mje.

44. Tehdy wotmołwja jemu tež woni prajicy: Knježe, hdy widžachmy će hlódného, abo lačného, abo cuzeho, abo naheho, abo khoreho, abo w jastwje, a njeposlužichmy tebi?

45. Tehdy wotmołwi jim prajo: Zawěrnó, praju wam, hdyžkuli to njesčinišće jenomu z tutych najmjeńších, tež mi njesčinišće.

46. A tući pónǎža do wěčneje čwěle, sprawni pak do wěčného žiwjenja.

Dan. 12, 2; Jan. 5, 29.

STAW XXVI.

Wyšši měšnicy wuradźeja wo smjerći Jěsusowej, Žónska polije jeho hlownu z drohej žaibny, na čož so wučownicy hórša. Jězus je předaty wot Judaša, a rěči wo jeho přeradže k wučownikam při wječeri, při kotrejž khlěb do swojeho čěla a wíno do swojeje krewje přezohnowane wučownikam podawa. Wěšći wšitkich pohóršk a třikróčne Pětrowe zapřeće; po třikrócnym modlenju je zajaty wot Židow a jenomu tutych wotrubnje Pětr wucho. Wučownicy čeknychu, a Jězus bu wot falšnych swědkow před Kaifasom wobskoržowany a k smjerći wotsudženy; jeho poplujawa a bija, a wot Pětra je wón třikróc zapřeťy.

A sta so, hdyž Jězus wšitke tute rěče skónči, rjekny swojim wučownikam:

Mark. 14, 7; Luk. 22, 1; Jan. 13—17.

2. Wěsće, zo za dwaj dnaj jutry budža, a zo budže Syn čłowjeka podaty, zo by křižowany byl.

3. Tehdy zhromadźichu so wyšši měšnicy a starši ludu do dwora wyššeho měšnika, kotryž Kaifas rěkaše.*

29. Sprócniwemu pilnemu čłowjekej so rady dážlo dowěri a jeho zamóženje rosće, lěnjemu pak nic, jeho zamóženje tohodla woteběra. Podobnje w duchownym zmyslu! Štóz pilnje z hnadu Božej skutkuje, přiběra na hnadze před Bohom a dóstanje nowe hnady; štóz pak sebi hnadu Božu njewoža, ju zacpěwa, zhubi spodobanje Bože, a dalše hnady so jemu njeposkićeja.

XXVI. 8. t. j. Židowska wysoka rada.

4. A wuradźowachu, zo bychu Jězusa z lesću zajeli a morili.

5. Prajachu pak: Nic na swjatym dnju, zo by trjebaj zběžk njenastał mjez ludom.*

6. Hdyž pak běše Jězus w Bethanii, w domje Symana wusadneho,

Mark. 14, 3—9; Jan. 12, 1—8.

7. Přistupi k njemu žónska, kotraž měješe alabastrowu buškwiцу z drohej žalbu, a wula ju na jeho hłowu, hdyž za blidom sedžeše.*

Mark. 14, 3; Jan. 11, 2; 12, 3.

8. Wučownicy pak to widźawši mjerzachu so prajicy*: K čomu tuto rozbrójenje?

9. Přetož tole móžeše droho so předać, a khudym so dać.

10. Jězus pak to wědžo džeše k nim: Što wobćežujete so na tule žónsku? přetož dobry skutk sćini nade mnu;

11. Dokelž khudych maće stajnje mjez sobu, mje pak stajnje nimaće.

12. Linywši pak tule žalbu na moje čelo, sćini to k mojemu pohrjebanju.*

13. Zawěrnó praju wam: hdžežkuli budže tuto ewangelium přédowane po cyłym swěće, budže tež to, štož wona sćini, powědane k jeje wopomnjeću.

14. Tehdy woteńdže jedyn z dwanaćich, kotryž rěkaše Judaš Iskariot, k wyšším měšnikam;

Mark. 14, 10; Luk. 22, 4.

15. A džeše k nim: Što chceće mi dać, a ja wam jeho podam. A woni sadźichu jemu třiceći slěbornikow.*

16. A wot toho časa pytaše přiležnosć, zo by jeho přeradźił.

17. Přeni džen njekisanych khlěbow* pak přistupichu wučownicy k Jězusej pra-

jicy: Hdže chceš, zo tebi jutrowne jehnjo k jědźi přihotujemy? Mark. 14, 12; Luk. 22, 7.

18. Jězus pak džeše: Dźiće do města k jenomu a rjekńće jemu: Mištr praji: Mój čas je blisko, pola tebe swjeću jutrownu wječef ze swojimi wučownikami.

19. A wučownicy sćinichu, jako jim Jězus přikaza, a přihotowachu jutrownu wječef.

20. Hdyž pak wječor bu, sydže so k blidu ze swojimi dwanaće wučownikami.

21. A hdyž woni jědźachu, rjekny: Zawěrnó praju wam, zo jedyn z was mje přeradźi.

Jan. 13, 21.

22. A jara so zrudziwši počachu jedyn po druhim so prašeć: Sym to ja, Knježe?

23. Wotmołwjejo jim praji: Kotryž z mnu mača ruku we škli, tón mje přeradźi.

24. Syn čłowjeka drje dže, jako je pisane wo nim; běda pak tomu čłowjeku přez kotrehož budže Syn čłowjeka přeradzeny; derje by jemu było, hdy by s był njenarodźil tónle čłowjek. Ps. 40, 10.

25. Judaš pak, kotryž jeho přeradźił, wotmołwjejo rjekny: Sym to ja, mištrje. Wón džeše k njemu: Ty sy prajił.

26. Hdyž pak woni wječerjachu, wzjě Jězus khlěb, požohnowa, a lamaše, a dawa swojim wučownikam, a praji: Wzmieće jězće; to je moje čelo. 1. Kor. 11, 2.

27. A keluch wzawši džakowaše so da jim prajo: Pijće z njeho wšitcy.

28. Přetož to je moja krej noweho zakonja,* kotraž budže za mnohich přela k wodawanju hrěchow.

29. Praju pak wam: Njebudu pić winětku wot tutoho płodu winoweho pjeńić hač do toho dnja, hdžež budu jón p-

5. Z toho můžeme soudit, že je jich přenje wotpohladanje bylo, Jězusa z lesću zajet a swjedenju morit; tuto wotpohladanje přeměnichu, hdyž bě so jim Judaš k přeradze poskičil. 7. Ludy raněho kraja so před hosćinu myjachu a žalbowachu. Žónska bě Lazarowa sotra, Mar Madlena, kotraž drohu žalbu na Jězusu hłowu liny, z tym dopokazujo, kak jara jeho česćuje. 8. t. r. jeno někotři a mjez nimi wosebje Judaš. — 12. Moje čelo žalbowawši, je wona to samo pohrbej přihotowała. — 15. Třiceći slěbornikow je nimalo 60 hriwnow; tak wjele płaćeše za wotročka, kotryž měješe so z wotročstwa wukupit. — 17. To su jutry, swjeden k wopomnje wumóženja z Egypťskeje, hdžež Židza před wučěnnjenjom jehnjo jědźachu z njekisanyh khlěbow — 28. K wobkrućenju noweho zakonja, k rozeznawanju wot krewje, přez kotruž bě stary zakon wobkrućen.

z wami nowy w kralestwje njebieskeho Wótca.*

30. A wuspěwawši khwalbny spěw, woteńdžechu na Wolijowu horu.*

31. Tehdy praji jim Jězus: Wy wšitcy budžeće so pohóršować nade mnu w tutej nocy; přetož pisane je: „Dyrju pastyrja a rozpjerša so wowcy stadla.“

Zach. 13, 7; Mark. 14, 27; Jan. 16, 32.

32. Hdyž pak wot mrtwych wstanu, póńdu prjedy was do Galileje.

Mark. 14, 28; 16, 7.

33. Pětr pak wotmołwjejo džeše k njemu: A budža-li so wšitcy nad tobu pohóršować, ja nihdy njebudu so pohóršować.

34. Jězus džeše k njemu: Zawěrnó, praju tebi, zo w tutej nocy, prjedy hač honač zaspěwa, tři króc mje zaprješ.

Mark. 14, 30; Jan. 13, 38.

35. Pětr praji jemu: Byrnje dyrbjal wumrěc z tobu, njezapru tebj. Podobnje prajachu tež wšitcy wučownicy.

Mark. 14, 31; Luk. 22, 33.

36. Potom přindže Jězus z nimi do nuknicy, kotraž rěka Gethsemane, a rjekny svojim wučownikam: Syńće so tudy, hač tam dóńdu a so pomodlu. Mark. 14, 32;

Luk. 22, 40; Jan. 18, 1—27.

37. A wzawši Pětra a dweju Zebedeje synow sobu, poča so rudzić a stykniwy być.

38. Tehdy džeše k nim: Zrudna je moja duša hač do smjerće; wostańće tudy a budžeće wotućeni ze mnu.

39. A postupiwiši tróšku dale, padže na swoje wobličo, so modlo a prajo: Mój Wótče, je-li móžno, njech zminje mje tu-tón keluch; tola nic, jako ja chcu, ale jako ty.*

40. A přindže k svojim wučownikam, a namaka jich spjacych, a praji Pětrej:

Tak njemóžeće ani hodžinu wotućeni być ze mnu?

41. Budžeće wotućeni a modlće so, zo byšće do spytowanja njepadnyli. Duch drje je zwólniwy, mjaso pak słabe.*

42. Zaso woteńdže druhi króc, a modleše so prajo: Mój Wótče, njemóže-li tu-tón keluch mje zminyć, khiba zo jón piju, stań so twoja wola.

43. A wón přindže zaso, a namaka jich spjacych; přetož jich woči běštej wobčeženej.

44. A wostajiwiši jich* woteńdže zaso a modleše so třeci króc, te same słowa prajo.

45. Potom přindže k svojim wučownikam, a praji jim: Spiće nětk a wotpočnice! hlej, přiblížila je so hodžina, a Syn čłowjeka budže podaty do rukow hrěšnikow.

46. Wstańće, pójmy; hlej, přiblížil je so, kotryž mje přeradzi.

47. A hdyž wón hišće rěčeše, hlej, Judaš, jedyn z dwanaćich, přindže, a z nim wulka črjóda z mječemi a kijemi, posłani wot wyšších měšnikow a starších ludu.*

48. Kotryž pak jeho přeradzi, da jim znamjo, prajo: Kotrehož wokošu, tón je, přimńće jeho.

49. A hnydom přistupiwiši k Jězusej rjekny: Budź postrowjeny, mištrje. A wokoši jeho.*

50. Jězus pak rjekny k njemu: Přecelo, na čo sy přišol? Tuž přistupichu, a zložichu rucy na Jézusa, a zajachu jeho.

51. A hlej, jedyn* z tych, kotřiž běchu z Jězusom, wupřestrěwši ruku wučahny swój mječ a rubnywši wotročka wyššeho měšnika, wotča jeho wucho.

29. To je posledni króc, zo z wami na swěće hosćinu swjeću, abo so raduju, přichodnje budu so z wami radować w njebieskim kralestwje. — 30. Běše wašnje, po jědži wěste psalmy spěwać. — 39. Nic moja čłowjeska, ale twoja bójska wola so stań. — 41. t. r. zo byšće so njepohóriowali na mojim čerpjenju, a we wěrje njewoslabnyli; dokelž njesměće so spuścić na swoju móc, ale jeno na hnadu Božu. — 44. W spanju. — 47. t. j. wot židowskeje wysokeje rady. — 49. Pola ranžich narodow so přecelowje při zetkanju wokošuja. — 51. t. j. Pětr.

STAW XXVII.

Judaš, slěborniki wróciwši, so wobwěsny. Jězus před Pilatom wobskoržowany njewotmołwa. Pilatowa žona mjenuje Jězusa sprawneho; Barabbas pak so do přědka staji. Pilatus sebi rucy wumywši poda Jězusa šwikaneho ke křižowanju; Jězus je wot wojakow wšelako wusměšany, ke křižowanju wjedzeny a ze žołčnym winom napojeny, potom křižowany mjez dwěmaj morderjomaj; jeho drasta so rozdźěli, a wón je wot wšelakich ludźi wšelako hanjeny. Čma nastanje, a zawoławši „Eli“ a z kisałom napojeny wudychnje Jězus z mócnym zawołanjom, a wšelake dziwy so stanu. Jězusowe čelo je wot Józefa pohrjebane a wot wojakow stražowane.

Hdyž pak ranje bu, wuradźichu wšitcy wyšši měšnicy a starši ludu přeciwo Jězusej, zo jeho k smjerći podadźa.

2. A zwjazaneho přiwjedźechu a přepodachu jeho bohotej* Ponciej Pilatej.

Mark. 15, 1; Luk. 23, 1; Jan. 18, 28.

3. Tuž Judaš, kiž bě jeho přeradźil, widźawši, zo je wotsudženy, so kaješe a wróci triceći slěbornikow wyšším měšnikam a starším,

4. Prajo: Zhrěšich přeradźiwši sprawnu krej. Woni pak rjeknychu: Što to nas stara? ty so hladaj!

5. A čisnywši slěborniki do tempła, woteńdže; a zebrawši so wobwěsny so za powjaz.

Jap. sk. 1, 18.

6. Wyšši měšnicy pak wzawši slěborniki rjeknychu: Njesluša so, do pokladnicy je položiť, dokelž su mzda za krej.*

7. Hdyž pak sebi wuradźichu, kupichu za nje rolu hornčerja k pohrjebanju cuzych.

8. Tohodla bu tuta rola pomjenowana Hakeldama, to je: krwawna rola, hač do džensnišeho dnja.

Jap. sk. 1, 19.

9. Tak so dopjelni, štož bu prajene přez Jeremiasa profetu, kiž praji: „A wzaču triceći slěbornikow, plaćiznu zaplaće-

neho, kotrehož sebi zaplaćić dachu džeci israelske.

Zach. 11, 13.

10. A dachu je za rolu hornčerja, jako je mi Knjez prikazał.“*

Zach. 11, 12, 13.

11. Jězus pak stoješe před bohotom, a bohot so jeho woprašja, prajo: Sy ty kral Židow?* Jězus jemu praji: Ty to prajiš.**

Mark. 15, 2; Luk. 23, 3.

12. A hdyž bu wot wyššich měšnikow a staršich wobskoržowany, njewotmołwi ničo.

13. Tuž praji jemu Pilatus: Njeslyšiš, kajke swědčenja přeciwo tebi rěča?

14. A wón njewotmołwi jemu na žane słowo, tak zo so bohot jara džiwaše.

15. Na swjaty dzeń (jutrow) pak bě bohot nałożeny, ludej jenoho jateho pušćić, kotrehož bychu chcyli.

16. Měješe pak tehdy jenoho znamjeniteho jateho, kiž rěkaše Barabbas.

17. Hdyž woni tohodla so zhromadźichu, rjekny jim Pilatus: Kotreho chceće, zo bych wam pušćil, Barabbasa abo Jězusa, kotryž rěka Khrystus?

18. Přetož wědžeše, zo běchu jeho ze zawisće podali.*

19. Hdyž pak wón na sudnym stole sedžeše, posła jeho žona k njemu prajicy: Njeměj ničo z tutym sprawnym; přetož sym džens we snje wjele čerpjela jeho dla.

20. Wyšši měšnicy pak a starši namołwichu lud, zo bychu Barabbasa žadali, Jězusa pak zahubili.

Mark. 15, 11;

Luk. 23, 18; Jan. 18, 40; Jap. sk. 3, 14.

21. Bohot pak wotmołwjejo džeše k nim: Kotreho chceće z teju dweju, zo wam pušću? A woni rjeknychu: Barabbasa.

22. Pilatus jim praji: Što pak mam činić z Jězusom, kotryž rěka Khrystus?

23. Wšitcy praja: Křižowany budź! Bohot džeše k nim: Što pak je zleho

XXVII. 2. Bohot t. j. naměstnik romskeho kejžora w Židowskej, kotryž bě najwyšši sudnik w kraju, a jeničcy wón móžeše někoho k smjerći wotsudzić. Židža běchu tule móc zhubili. — 6. t. r. mzda za čłowjeka, k smjerći wotsudženeho, z kotrež by so templ kaž z mrtwym čelom wonje-
česćil. — 10. Tuto wěšćenje (Zach. 11, 12—13) je so dosłownje dopjelniło; přetož Judaš sluša k džecom israelskim. — 11. t. j. za kotrehož so wudawaš? **Ja to sym, ale nic we zmysle swěta. — 18. A tohodla mysleše sebi, kak by jeho pušćil.

činil? Ale woni wótrišo woľachu prajicy: Křižowany budź!

24. Pilatus widźawši, zo ničo njedospěje, ale zo hara přiběra, wza wodu, wumy sebi rucy před ludom, prajo: Njewinowaty sym na krewi tutoho sprawného; wy so hladajće.

25. A wotmoľwejo džeše wšitkón lud: Jeho krej (přindź) na nas a na naše džěci!*

26. Tuž pušći jim Barabbasa. Jězusa pak šwikaneho* poda jim, zo by křižowany byl.

27. Na to wzachu bohotowi wojacy Jězusa do sudnicy a zhromadźichu před nim cyľu kohortu,*

Mark. 15, 16; Ps. 21, 17.

28. A wuslěkawši jeho wodžechu jeho z purpurowym* plaščom,

29. A spletši krónu z černi stajichu ju na jeho hłowu, a dachu jemu sćinu do prawicy, a poklakujcy před nim wusměšachu jeho, prajicy: Budź postrowjeny, kralo Židow.

Jan. 19, 2.

30. A pluwajcy na njeho, wzachu sćinu, a bijachu jeho na hłowu.

31. A hdyž běchu jeho wusměšeli, slečechu jemu plašč, a woblečechu jeho z jeho drastu; a wjedžechu jeho, zo bychu jeho křižowali.

32. Ducey won pak nadeńdžechu Cyrenejskeho čłowjeka z mjenom Symana; toho přinučichu, zo by jeho křiž njesl.*

Mark. 15, 21; Luk. 23, 26.

33. A přindžechu na městno, kotrež rěka Golgotha, štož je: nopowe město.

Mark. 15, 22; Luk. 23, 33; Jan. 19, 17.

34. A dachu jemu wino pić ze žolčom změšane; a hdyž bě woptał, nočeyše pić.*

35. Hdyž pak běchu jeho křižowali,

rozdžělichu jeho drastu, wo nju lós mjetajcy, zo by so dopjelnilo, štož bu prajeno přez profetu, kiž praji: „Rozdžělichu mjet sobu moju drastu, a wo moju suknju mjet tachu lós.“ Mark. 15, 24; Luk. 23, 34; Jan. 19, 23.

36. A sedźicy stražowachu jeho.

37. A přibichu nad jeho hłowu jeho winu napisanu: Tutón je Jězus, kral Židow.

38. Tehdy buštaj z nim křižowanaj dwaj rubježnikaj, jedyn na prawicy a druhí na ľewicy.

39. Kotřiž pak nimo khodžachu, ha njachu jeho, z hłowu wijcy,

40. A prajicy: Aj, kotryž torhaš temp Boži, a za tři dny jón zaso twariš, pomhaj sebi samomu; sy-li Syn Boži, zleze ze křiža.*

Jan. 2, 19.

41. Podobnje tež wyšši měšnicy z pisnawučenyymi a staršimi wusměšujcy jeho prajachu:

42. Druhim je pomhaľ, sebi samom njemóže pomhać; je-li kral israelski, njezlěze nětk ze křiža, a chcemy jemu wěrić.

Jan. 2, 18; Ps. 21, 9.

43. Dowěriľ je so na Boha; njech jeho nětko wuswobodźi, je-li jemu luby; přeto wón rjekny: Sym Syn Boži.

44. To same pak wumjetowaštaj jemu tež rubježnikaj, kotrajž běštaj z nim křižowanaj.

45. Wot šesteje hodźiny pak bu čm na cylej zemi hač do džewjateje hodźiny

46. A wokoło džewjateje hodźiny zwoľa Jězus z wulkim hłosom prajo: Eli, lamma sabakthani? to je: Mój Bože, mój Bože, přčo sy mje wopušćil? Ps. 21,

47. Někotři pak, kotřiž tam stojachu to slyšachu, prajachu: Wón Eliasa wol

25. Khostanja za krej, ldy by njewinowaty byl, njech přindže na nas a na našich potomnikow. Z tym so zaslepjeny židowski lud sam wotsudzi, a Bože khostanje na so scáhny, kotrež je wopradow w krótkim přišlo. — 26. Kotřiž běchu ke křižowanju wotsudženi, buchu najprjedy šwikani. — 27. Ronska kohorta měješe wokoło 600 mužů. Pola Ronskich mějachu wojacy k smjerći wotsudženych woprawjeć. — 28. Dokelž běchu slyšeli, zo je so za krala wudawaľ; purpurowy plašč bě wuznamjenja kralowska drasta. — 32. Kiž bě z města Cyrene rodzeny, najskerje potajny Jězusowy wučownik. — 34. Po Marku z myru, kotraž, jako tež žolč, wino hórke sćini. Bě napoj, kotryž wopoja a z tym podawaše, kotřiž mějachu so wotprawjeć, zo njebychu bolosć tak jara čuli. — 40. t. r. dopkazaj, zo sy Syn Boži. — 45. t. j. wot poľdnja hač do třećeje hodźiny.

48. A hnydom přiběhnywši jedyn z nich, wza hubicu a napjelní ju z kisałom, a tyknywši ju na sćinu dawaše jemu pić.

49. Druzypak prajachu: Daj być, hladajmy, přinǵže-li Elias, zo by jeho wumóhl.

50. Jězus pak z nowa z wulkim hłosom zawolałwši wupušći ducha.*

51. A hlej, zawěšk* w templu roztorže so do dweju dželow wot wjercha hać dele, a zemja zarža a skały so pukachu.

52. A rowy so wotewrichu a ćěla swjaty, kotřiž běchu wusnyli, wstanychu.*

53. A wuśedši z rowow přinǵžechu po jeho wot-mortwych-wstaću do swjateho města, a zjewichu so mnohim.

54. Stotnik pak a kotřiž běchu z nim, Jězusa stražujcy, widžawši zemjerženje, a štož so sta, nabojachu so jara a prajachu: Zawěrnó tutón bě Syn Boží.

55. Běše pak tam wjele žónskich nazdala, kotrež běchu Jězusa sćehowale z Galileje, jemu poslužujcy.

56. Mjez nimi běše Marija Madlena, a Marija Jakubowa a Józefowa mać,* a mać Zebedejowej synow.**

57. Hdyž pak bu wječor pozdže, přinǵže bohaty čłowjek z Arimatheje,* z njenom Józef, kotryž běše tež sam Jězusowy wučownik. Mark. 15, 42; Luk. 23, 50; Jan. 19, 38.

58. Tutón dóndže k Pilatej a wuprosy sebi Jězusowe ćělo. Tuž přikaza Pilatus, ćělo jemu dać.

59. A Józef ćělo wzawši, zawali je do čisteho ruba,

60. A položi je do swójeho noweho

rowa, kotryž bě do skały wurubać dał; a přiwalíwši wulki kamjeń k durjam rowa, woteńdže.*

61. Běštej pak tam Marija Madlena a druha Marija, kotrež sedžeštej napřećiwow rowej.

62. Na druhi dzeń pak, kotryž je po dnju přihotowanja k jutram,* zeńdžechu so wyšši měšnicy a farisejowje k Pilatej,

63. Prajicy: Knježe, dopomnichmy so, zo je tónle zawjednik, hdyž bě hišće žiwy, prajil: Po třoch dnjach wstanu wot mortwych.

64. Přikazaj tohodla, zo by row wobkedžbowany był hać do třećeho dnja, zo bychu trjebaj jeho wučownicy přišedši jeho njekradnyli a ludej njeprajili: Wón je wot mortwych wstanýl; a by bylo poslednje zjebanje hórše dyžli přenje.

65. Pilatus jim rjekny: Maće stražu, džiće, stražujće, jakož wěsće.

66. Woni pak woteńdžechu a wobsadžichu row ze stražu, kamjeń přizygłowawši.

STAW XXVIII.

Nad zemjerženjom stróža so stražnicy, a jandžel powěda žónskim Khrystusowe wot-mortwych-wstaće; jim so zjewíwši poručí (kaž bě tež jandžel poručil), zo bychu wučownikam rjekle, zo Knjeza w Galileji wohladaju. Wojacy, kotřiž row stražowachu, z pjenjezami wobtykani praja, zo bu Khrystusowe ćělo kradnjene. Wučownicy w Galileji Knjeza wohladawši, dóstanu poručenosć, zo bychu šli wućić a křeić wšitke ludy.

Po sabatowym wječorje pak, hdyž přeni dzeń po sabaće zaswita,* přinǵže Marija

50. t. j. we tej samej hodžinje, hdyž so wšědnje w templu jelnjo woprowaše, kotrež bě jeho předznamjo. — 51. Zawěšk, kiž templ do najswjećišeho a swjatnicy dželeše. Do najswjećišeho zastupi jeno wyšši měšnik jenički kroc za lěto. We swjatnicy pak woprowachu so wšědnje palne wopory. Zawěšk so roztorhny; to bě znamjo, zo ma nětko starý zakon ze swojimi woporami přestać, a zo so nětko zakon hnady započína, kotryž dotal zawrjene njeby wotewri. — 52. t. r. při jeho wot-smjerće-wstaću, k dopokazej, zo je Knjezowe dobyće tež dobyće za tych, kiž su na njeho so dowěřili. — 56. Tuta Marija bě Kleofasowa mandželska, a ćeta swjateje Marije. **Kotraž rěkaše Salome. — 57. t. j. město, kotrež 6 abo 7 mil wot Jeruzalema k wječoru leži. — 60. Row bě, kaž pola bohatych Židow, do skały wurubany, k zemi runja, kaž mała komorka. — 62. Dzeń před sabatom přihotowachu so Židža na sabat, a tohodla rěkaše tónle dzeń přihotowanjow abo tež předsabat. Druhi dzeń, wo kotrymž so tudy powěda, je po tajkim sabat sam. Najskerje džechu wyšši měšnicy a farisejowje na tomle dnju wječor, hdyž bě so pola nich hižo nowy dzeń započal, k Pilatej; přetož na sabaće samom bě Židam zakazane, k pohanam hić.

XXVIII. 1. t. j. hdyž přeni dzeń tydženja, njedžela, zaswita, po tajkim rano w pjatej hodžinje.

Madlena, a druha Marija, zo byštej row
wohladalej.

Mark. 16, 1; Jan. 20, 1.

2. A hlej, sta so wulke zemjerženje;
přeťož jandžel Knjeza zestupi z njebyes a
přistupiwiši wotwali kamjeń, a sydže so
na njón;

3. Jeho wobličo pak běše jako blysk
a jeho drasta jako sněh.

4. Z bojósće před nim pak stróžichu
so stražnicy, a buchu jako mortwi.

5. Jandžel pak wotmołwjejo rjekny žón-
skimaj: Njebójtej so; přeťož wěm, zo
Jězusa, křižowaneho, pytatej.

6. Njeje tudy; přeťož wstany wot mort-
wych, jakož je prajil; pójtej a wohladajtej
město, hdžež bě Knjez položený.

7. A džitej spěšnje a powěztej jeho
wučownikam, zo je wot mortwych wsta-
nyl; a hlej, pódže prjedy was do Galileje,
tam budžeće jeho widžeć; hlej, to sym
wam prajil.

8. A wonej wuśedši spěšnje z rowa
z bojósću a wulkej wjesolósću, běžeštej,
zo byštej jeho učownikam powědzeloj.

9. A hlej, Jězus zetka jeju a rjekny:
Budztej postrowjenej. Wonej pak přistu-
piwiši přimnyštej so jeho nohow, a modle-
štej so k njemu.

10. Tuž džeš Jězus k nimaj: Njebó-
tejt so; džitej, powěztej mojim bratram,
zo bych do Galileje šli; tam budža mje
widžeć.

11. Hdyž běštej wotešlej, hlej, přiń-
džechu někotři ze stražnikow do města,
a powědachu wyššim měšnikam wšitko,
štož bě so stało.

12. A ěi so zhromadziwiši ze starsimi,
wuradžichu sebi, a dachu wojakam wjele
pjenjez.

13. Prajicy: Rjekńće: Jeho učownicy
su w nocy přišli, a jeho pokradnyli, hdyž
spachmy.*

14. A by-li to wot bohota so zasłyšalo,
my jeho namołwimy, a zakitamy was.

15. A woni wzawši pjenjezy sćinichu,
jakož běchu wučeni. A rozšěrjena bu-
tuta powěsć mjez Židami hać do džes-
nišeho dnja.

16. Jědnaćo učownicy pak woteř-
džechu do Galileje na horu, hdžež bě
jim Jězus prikazał.*

17. A widžicy jeho modlachu so k nje-
mu; někotři pak dwělowachu.*

18. A Jězus přistupiwiši, rěčeše k nim
prajo: Data je mi wšitka móc na njeby-
a na zemi.

19. Džiće tohodla, a wučće wšitke ludy
krćijće jich w mjenje Wótca a Syna
Ducha swjateho;

Mark. 16, 13.

20. A wučće jich wšitko džeržeć, štož
kuli sym wam prikazał. A hlej, ja sym
z wami wšitke dny, hać do skónčeny
swěta.*

18. Wyšši měšnicy běchu sebi z pjenjezami přeraďnika kupili, nětko chychu tež wojako
z pjenjezami k lžam pohnuć, k lžam, kotrež so same jako cyle njerozymne a njehódne sudža, doka-
što spjacy widzi, što so wokoło njeho stanje? — 16. S. scénik Matej mjelči wo druhich zjewjenjach
wot smjerće wstanjeneho zbóžnika, spomni jeno na najswjatoćniše na jonej horje w Galileji, kotry
bě za cyrkej tak wažne. Hora sama so njemjenuje, snadź je hora Thabor abo tamna, na kotre
mješe zbóžnik dlějšo přědowanje (Mat. 5, 1). — 17. t. r. někotři z 500 učownikow, kotřiž Jězus
po wot-mortwych-wstaću přěni króć widžachu. — 20. t. j. ze swojej hnadu, ze swojej duchowne
podpjeru.

SWJATE EVANGELIUM JĚZUSA KHRYSTUSA PO MARKU.

STAW I.

Jan předuje pokutu a křičje z wodu, Khrystus pak z Duchom swjatym. Křčeny wot Jana přebywa w puscínje, hdžež je po štyrcećidnjowskim posće wot djabola spytowany; po Janowym zajeću počina w Galileji předować, a powoławši Symana a Handrija, Jakuba a Jana, Zebedejewu synow, dže do Kafarnauma a druhich galilejskich městow; tam wuči, wustrowi Symanowu přichodnu mać a wusadneho, kotrehož k měšnikam sćeše, a mnohich wot djabola wobsydnjenych.

Spočatk * evangelia Jězusa Khrystusa, Syna Božeho,

2. Jako je pisane w profeće Isaiasu: „Hlej, ja sćelu swojeho jandžela před twojim wobličom, kotryž budže twój puć před tobu přihotować.“ Mal. 3, 1.

3. „Hlós wołaceho w puscínje: Přihotujće Knjezowy puć, wurunajće jeho sćežki.“ * Is. 40, 3; Mat. 3, 3; Luk. 3, 4; Jan. 1, 23.

4. Jan křčiješe w puscínje, předujo křčěncu pokuty k wodawanju hrěchow.

5. A přihadźachu k njemu cyła krajina Judeje a Jeruzalemjenjo wšitcy, a buchu křčeni wot njeho w řěcy Jordanje, wuznawajcy swoje hrěchi. Mat. 3, 5.

6. A Jan bě wobleženy drastu z kamelowych kosmow a kožany pas bě na jeho bjedrach, a jědžeše skóčki a džiwi měd. A předowaše prajo: Mat. 3, 4; Lev. 11, 22.

7. Dže mćniši za mnu dyžli ja; kotremuž njejsym hódny so skhiliwši rozwjazać řjemjenje na jeho řrijach. Mat. 3, 11; Luk. 3, 16; Jan. 1, 27.

8. Ja wukřčich was z wodu; wón pak budže was křčíc z Duchom swjatym.

Jap. sk. 1, 5; 2, 4; 11, 16; 19, 4.

9. **A** sta so, w tych dnjach přińdže Jězus z Nazaretha w Galileji, a bu křčeny wot Jana w Jordanje.

10. A hnydom wustupiwszy z wody, wuhlada njebjesa wotewrjene a Ducha swjateho jakož holbja zestupowaceho, a na nim zwostawaceho. Luk. 3, 22; Jan. 1, 32.

11. A hlós sta so z njebjes: Ty sy mój lubowany Syn, na tebi mam spodobanje.

12. A hnydom Duch jeho zahna do pusciny.* Mat. 4, 1; Luk. 4, 1.

13. A běše w puscínje štyrceći dnjow a štyrceći nocow; a bu wot djabola spytowany; a běše mjez džiwiimi zwěrjatami,* a jandželowje služachu jemu.

14. **H**dyž pak bu Jan zajaty, přińdže Jězus do Galileje, předujo evangelium kralestwa Božeho. Mat. 4, 12; Luk. 4, 14; Jan. 4, 43.

15. A praji: Dokelž je čas dopjelny a kralestwo Bože so přibližilo,* činće pokutu a wěćće evangeliu.

16. A ducy nimo galilejskeho morja, wuhlada Symana a Handrija jeho bratra, kotraž syće do morja pušćeštaj (přetož běštaj rybakaj). Mat. 4, 18; Luk. 5, 2.

17. A Jězus řjekny jimaj: Pójtaj za mnu; a sčinju waju rybakow ludži.

I. 1. Slovo „spočatk“ počahuje so na Janowe předowanje, z kotrymž wón lud na Messiasowy přikhad přihotuje. Tónle řjadk njeje jednore napismo, ale chce prajić: wjesołe powěstwo wo Jězusu Khrystusu spoča so z tym, zo Jan křčenic w puscínje lud na jeho blizki přikhad přihotowaše. — 8. Tute słowa, z kotrymž so w starym zakonju na Jana křčenika pokazuje, su z džěla w profeće Isaiasu, z džěla w Malachiasu. Swjaty Mark mjenuje jeno Isaiasa, dokelž je starši a Malachias jeho słowa jeno wuložuje. — 12. Duch swjaty, kiž bě ze swojimi darami jeho napjelnił, pohonjowaše jeho, zo by w puscínje z modlenjom a posćenjom přećiwo wšomu spytowanju so wobronił. — 13. Swjaty Mark, kiž jenički spomni, zo bě Jězus mjez džiwiimi zwěrjatami, chce z tym na wšelake strachi pokazać, kotřež Jězusa w puscínje wobdawachu. — 15. Štož měješe Messiasowy přikhad a spočatk jeho kralestwa přihotować, je nětko dokonjane.

18. A hnydom wostajiwši syće scěhowaštaj jeho.

19. A wotšedši wottam tróšku, wuhlada Jakuba, Zebedejoweho syna, a Jana jeho bratra, kotraž syće w čolnje porjedžeštaj.

20. A hnydom powola jeju, a swojeho nana Zebedeja z najatymi w čolnje wostajiwši, scěhowaštaj jeho.

21. **A** zańdžechu do Kafarnauma, a hnydom na sabaće zastupi wón do synagogi a wučese jich. Mat. 4, 13; Luk. 4, 31.

22. A spodźiwachu so nad jeho wučbu; přetož wučese jich jako tajki, kiž móc ma, a nie jako pismawučeni.

Mat. 7, 28; Luk. 4, 32.

23. A běše we jich synagodzy čłowjek, nječisteho ducha mějacy, a zawola,

Luk. 4, 33.

24. Prajo: Što maš ty z nami, Jězuso Nazarenski? Sy přišoł nas zahubić? Wěm, što sy, Swjaty Boží.*

25. A Jězus pohrozy jemu prajo: Woneń a wuńdź z čłowjeka.

26. A nječisty duch pоторha jeho* a zawolawši z wulkim hłosom wuńdźe z njeho.

27. A dźiwachu so wšitecy, tak zo mjez sobu so prašachu prajicy: Što je to? kajka to nowa wučba? zo z mocu tež nječistym ducham poruča, a jeho poslušaju.*

28. A rozeńdže powěsć wo nim do cyłeje krajiny galilejskeje.

29. **A** hnydom wuśedši ze synagogi přińdžechu do domu Symana a Handrija z Jakubom a Janom. Mat. 8, 14; Luk. 4, 38.

30. Symanowa přichodna mać pak ležeše na zymnicu, a hnydom prajichu jemu wo njej.

31. A přistupiwši zběhny ju, za ruku ju přimnywši, a na měsće wopuści ju zymnica, a wona jim poslužowaše.

32. Hdyž pak wječor bu, a hdyž slónčko

so skhowa, nošachu k njemu wšitkich khorych a wobsydnjenych.

33. A cyle město běše zhromadžene před durjemi.

34. A wustrowješe mnohich, kotři běchu wot wšelakich khorosci čwělowani, a wuhonješe wjele djabliskow, a njedopuści jim rěčeć, dokelž jeho znajachu.

Luk. 4, 41.

35. **A** wstanywši zahe při switanju wuśedši woteńdže na puste město, a tam so modleše.

36. A scěhowaše jeho Syman a ci, kotři třiz z nim běchu.

37. A hdyž jeho namakachu, prajachu jemu: Wšitecy će pytaju.

38. A džeše k nim: Pójmy do wokolin nych wsow a městow, zo bych tež tam předował; přetož na to sym přišoł.

39. A wón předowaše w jich synagogach a po cylej Galileji, a wuhonješe djabliska.

40. **A** přińdže k njemu wusadny jeli, prošo, a poklaknywši rjekny jemu: Chceš li, móžeš mje wučisćić. Mat. 8, 2; Luk. 5, 1.

41. Jězus pak nad nim so smiliwši wupřestrě swoju ruku a dótknywši so jeli, praji jemu: Chcu, budź čisty.

42. A hdyž to praji, hnydom wopuści jeho wusad, a bu čisty.

43. A pohrozywši jemu wotby jeho hnydom.

44. A praji jemu: Hladaj, zo nikom njepowěš, ale dži, pokaž so wyššenym měšnikej a wopruj za swoje wučisćenje, štož je Mójzes prikazał, jim na swědčeni.

Lev. 14, 2.

45. Wón pak wuśedši poča powědać, a tu wěc rozšěrjeć, tak zo Jězus hižo njemóžeše zjawnje do města nutř hić, a běše wonka na pustych městach; a přichadźachu k njemu ze wšěch stron.

24. t. j. ja wěm, zo sy Syn Boží, slubjeny Messias. Mat. 8, 9. — 26. Jězus to dowoli, abychu wšitecy spózнали, zo ma čłowjeka zły duch w mocy. — 27. t. r. kajki nowy wučer je to, kotryž swoje słowa z tajkimi dźiwami wobkruća, kotryž zle duchy ze swojim słowom wuhonja?

STAW II.

Pismawučeni morkotaju, dokelž Jězus wiciwemu, přez třechu na ložu dele pušćenemu praji, zo so jemu hrěchi wodawaju a poručiwši, zo by swoje ložo wzał a njesl, wustrowi jeho. Pola Levia, kotrehož bě do wučownikow powolał, z mnohimi a jawnymi hrěšnikami k blidu sedžo, rozestaja farisejam, kotřiž so pohóršuju, čohodla z hrěšnikami wobkhaďa a čohodla so jeho wučownicy njeposća a zamołtwa jich, zo na sabaće klóski šćipaju.

A zaso zastupi do Kafarnauma po někotrych dnjach. Mat. 9, 1.

2. A bu slyšane, zo je we domje; a zeńdžechu so mnozy, tak zo města njemějachu ani před durjemi, a wón rěčeše k nim słowo.

3. A přińdžechu k njemu njesycy wiciweho, kotryž bu wot štyrjoch njeseny.

Luk. 5, 18.

4. A hdyž jeho njemóžachu k njemu donjesć přez lud, wotkrychu třechu,* hdžež běše; a wotewriwši spuščichu ložo dele, na kotrymž wiciwy ležeše.

5. Jězus pak widžawši jich wěru, rjekny wiciwemu: Syno, twoje hrěchi so či wodawaju.

6. Běchu pak tam někotři z pismawučnych sedžicy a myslicy we svojich wutrobach:

7. Što tónle tak rěči? wón Boha hani! Što móže hrěchi wodawać, khiba Bóh sam?

Job. 14, 4; Is. 43, 25.

8. To hnydom spóznawši w swoim duchu, zo při sebi tak mysla, rjekny jim Jězus: Přeco tajke myslíte w svojich wutrobach?

Mat. 9, 4.

9. Što je lóže, prajić wiciwemu: Tebi so hrěchi wodawaju, abo prajić: Wstań, wzmi swoje ložo a khodź?

10. Zo pak byšće wěďželi, zo Syn čłowjeka ma móc na zemi, hrěchi wodawać (džeše k wiciwemu):

11. Tebi praju: Wstań, wzmi swoje ložo, a dži do swojeho domu.

12. A hnydom wstany wón a wzawši ložo woteńdže před wšitkimi, tak zo wšitecy so spodźiwachu a Boha khwalachu prajicy: Ženje njejsmy tajke widželi.

13. **A** wón wuńdže zaso k morju a wšitkón lud přikhaďeše k njemu, a wuččeše jich.

14. A nimo ducy wuhlada Levia Alfejeweho* při cłownicy sedžaceho a rjekny jemu: Sćěhuj mje. A wstanywši sćěhowaše jeho.

Mat. 9, 9; Luk. 5, 27.

15. A sta so, hdyž w jeho domje za blidom sedžeše, zo mnozy cłownicy a hrěšnicy sobu sedžachu z Jězusom a jeho wučownikami; přetož mnozy běchu, kotřiž jeho sćěhowachu.

16. A pismawučeni a farisejowje widžawši, zo z cłownikami a hrěšnikami jě, prajachu k jeho wučownikam: Přeco jě a pije waš mištr z cłownikami a hrěšnikami?

17. To slyšawši džeše Jězus k nim: Strowi lěkarja njetrjebaju, ale kotřiž su khoru; přetož njejsym přišol powolać sprawnych, ale hrěšnikow.

18. **A** Janowi wučownicy a farisejowje so posćachu; a přińdžechu a rjeknychu jemu: Přeco Janowi wučownicy a farisejowje so posća, twoji wučownicy pak so njeposća?

19. A Jězus džeše k nim: Móža so kwasni mlodžency posćić, hdyž je nawoženja z nimi? Doniž maju nawoženju při sebi, njemóža so posćić.

20. Přińdu pak dny, hdyž budže nawoženja wot nich wzaty, a tehdy budža so posćić we wonych dnjach.*

Mat. 9, 15; Luk. 5, 35.

II. 4. Khěže w rańšim kraju, tež pola Židow, mējachu płone třěchi, po kotrychž so khodžeše; swonka wjedžeše skhód na nje. Při někotrych swjedženjach wotkrychu Židza džěl třěchi, kotryž bě hižo při twarjenju k tomu so postajil, tak zo móžeše so prajić, zo pod hołym njebjom bydla a jědža. Wšědnje pak bě tež tónle džěl přikryty. Zo bychu wboheho wiciweho jeho přecelowje k Jězusej přinjesć móhli, ani zo bychu so přez lud čišćeć trjebali, donjesechu jeho na třechu a wotkrychu ju tam, hdžež so hewak wotewrješe a puščichu jeho na ložu ležaceho z powjazami před Jězusa. — 14. t. j. Mateja, japoštoła a scénika, Alfejeweho syna. — 20. hl. Mat. 9, 15.

21. Nichtó njepríšiwa zaplatu z noweho sukna na staru drastu, hewak wottorhnje nowa zaplata wot stareho, a džěra bywa wjetša.

22. A nichtó njelije nowe wino do starých sudowjow, hewak rozpuknje wino sudowja, a wino so wulije a sudowja so skaža; ale nowe wino dyrbi so do nowych sudowjow leć.

23. **A** sta so zaso, hdyž Knjez na sabaće přez sywy džěše, a jeho wučownicy počachu ducy kłosy šćipać. Mat. 12. 1; Luk. 6, 1.

24. Farisejowje pak jemu prajachu: Hlej, čohodla činja na sabaće, štož so njesliša?

25. A džěše k nim: Njejsće ženje čitali, što David sčini, hdyž bě w nuzy a sam hlódný bu a čí, kotřiž běchu z nim?

1. Kral. 21, 6.

26. Kak zańdže do domu Božeho za wyššeho měšnika Abiathara* a wustajene khlěby jědžeše, kotrež jěsć so njesliša, khiba měšnikam, a da tym, kotřiž běchu z nim?

Lev. 24, 9.

27. A praješe jim: Sabat je čłowjeka dla sčinjeny a nic čłowjek sabata dla.*

28. Tak je Syn čłowjeka knjez tež sabata.*

STAW III.

Jězus wustrowja čłowjeka ze zeskhnjenej ruku, dže zlym wotpohladanjam farisejow z puća, a wobroći so k ludej, ze wšitkich stronow k njemu přikhaďzacemu, a hoji jeho khorych; dwanaćoch wot njeho wuzwolonych (kotřiž so tu mjenuja), sće do swěta na přédowanje, móc jim podawši nad khoroscemi a djabołami. Pismawučenych, kotřiž Boha hanja, jako by wón přez Beelzebuba djaboły wuhonjał, přepokaza, zo wopačnje sūdza, a praji, zo so hanjenje Ducha swjateho njewoda, a što je jeho mać a jeho bratřa.

A wón zastupi zaso do synagogi, a běše tam čłowjek, wuskhnjenu ruku mějacy.

Mat. 12, 9; Luk. 6, 6.

2. A kedźbowachu na njeho,* wuhojili jeho na sabaće, zo bychu jeho wobskoržili.

3. A wón džěše k čłowjekej wuskhnjenu ruku mějacemu: Wstań do srjedza.

4. A praji jim: Sliša so na sabaće dobre činić abo zle? žiwjenje zdžeržeć abo zahubić? Woni pak mjelčachu.

5. A spohladowawši na nich z hněwom a zrudziwši so nad sleposću jich wutrobow, rjekny k čłowjekej: Wupřestři swoju ruku. A wupřestřě, a jeho ruka bu zaso strowa.

6. **A** farisejowje wuńdžechu a džeržachu hnydom radu z Herodianami přeciwo njemu, kak bychu jeho skóncowali.*

Mat. 12, 14.

7. Jězus pak woteńdže ze swojimi wučownikami k morju, a wulka črjóda z Galileje a Judeje džěše za nim.

8. A z Jeruzalema a z Idumeje a z tamneje strony Jordana, a kotřiž běchu wokolo Tyra a Sidona, wulka mnohosć, slyšawši kajke skutki čini, přindžechu k njemu.

9. A rjekny svojim wučownikam, zo by so jemu čolmik přihotował, ludu dla zo bychu jeho nječišćeli.

10. Přetož mnohich wustrowi, tak zo na njeho so tłóčachu, zo bychu so jeho dótknyli, kotřižkuli mójachu čwěle.

11. A nječiste duchi,* hdyž jeho wustrowja hladachu, padachu před nim a wołachu prajicy:

12. Ty sy Syn Boži. A kruće jim hrožěše, zo bychu jeho njewozjewjeli.

13. **A** ducy na horu powoła k sebi kotrychž sam chcyše, a přindžechu k njemu.

Mat. 10, 1; Luk. 6, 13.

14. A wón postaji dwanaćoch, zo bychu z nim byli a zo by jich posłał přédowac.

26. Abiathar je přimjeno wyššeho měšnika Achimelecha. — 27. Tež sabat je k čłowjekowemu spomóženju postajeny, na nim ma čłowjek po čěle wotpočnyć a z Božej služby swoju duchownu potřebnosć spokojić. Haj same čělné potřebnosće, byrnje bychu so tež bjez naloženj prócy spokojić njehodźile, kaž přihotowanje cyroby, su na sabaće dowolene. — 28. Syn čłowjek wot Boha posłany, zo by jeho zakon wučił, ma tež móc na sabaće, t. r. móže postajić, kak ma sabat swjećić, z čim so wonječesći a z čim nic.

III. 2. t. r. farisejowje. — 6. hl. Mat. 22, 16. — 11. to su čłowjekowje, wot zlych duchow wobsydnjeni.

15. A da jim móc khorosće zahojec a djabyły wuhonjeć.

16. A da Symanej njeno Pětr;

17. A (powola) Jakuba Zebedejoweho a Jana Jakuboweho bratra, a da jimaj njeno Boanerges, to je błyskawaj synaj;

18. A Haudrija, a Filipa a Bartromja, a Mateja, a Domaša, a Jakuba Alfejeweho, a Tadeja, a Symana Kananejskeho,

19. A Judaša Iskariota, kotryž jeho tež přeradzi.

20. A přiúdzachu domoj. A znowa so lud zeńdže, tak zo njemóžachu ani khlěba pojěsć.

21. A jeho ludžo to slyšawši, wuńdžachu, zo bychy jeho pojimali; přetož prajachu, zo je rozom zhubil.*

22. A pismawučeni, kotřiž běchu z Jeruzalema přišli, prajachu, zo ma Beelzebuba a zo přez wjefcha djabow djabyły wuhonja.

Mat. 9, 34; 12, 24.

23. A jich zwolaŕši řečeše k nim w přirunanjach: Kak móže satan satana wuhonjeć?

24. A jelizo kralestwo přećiwo sebi so rozdźeli, njemóže tuto kralestwo wobstać.

25. A jelizo so dom přećiwo sebi rozdwoji, njemóže tutón dom wobstać.

26. A wstanje-li satan přećiwo sebi, je rozdwojeny, a njemóže wobstać, ale ma kónc.

27. Nichtó njemóže do domu zastupiŕši sylnemu sudowja pobrać, khiba zo předy sylneho zwjaza; a potom jeho dom wurubi.

28. Zawěрно praju wam: Wšitke hrěchi wodadža so čłowjeskim džěcom, tež bohanjenja, z kotrymiž bychy Boha hanili.

Mat. 12, 31; Luk. 12, 10; 1. Jan. 5, 16.

29. Štóz pak by hanil Ducha swjateho, njezměje wodaća do wěčnosće, ale winowaty budže wěčneho wotsudženja.*

30. Přetož woni prajachu: Wón ma nječisteho ducha.*

31. A přiúdzachu jeho mać a bratra, a wonka stojicy poslaŕchu k njemu a powolaŕchu jeho.

Mat. 12, 46; Luk. 8, 19.

32. A wokoło njeho sedžeše lud, a prajachu jemu: Hlej, twoja mać a twoji bratra wonka pytaju tebj.

33. A jim wotmolwjejo džeše: Štó je moja mać a štó moji bratra?

34. A pohladowawši na tych, kotřiž wokoło njeho sedžachu, džeše: Hlej, moja mać a moji bratra;

35. Přetož štóžkuli by wolu Božu sćinil, je mój bratr, moja sotra, a moja mać.

STAW IV.

Jězus přednošuje přirunanje wo syjerju a wuložuje je swojim wučownikam; praji, zo ma so swěca na swěćnik stajić; přida přirunanje wo symjenju, do zemje položenym, kotrež rosće, mjez tym zo syjer spi, a wo žonopowym zornu; wučownikam wosebje wšitko wuložuje; w čolmje ze spanja wubudženy změruje wichor na morju.

A wón poča znowa při morju* wučić; a zhromadzi so k njemu wjele ludu, tak zo do čolmika stupiŕši na morju sedžeše; a wšón lud běše na kraju při morju.

Mat. 13, 1; Luk. 8, 4.

2. A wučěše jich mnohe w přirunanjach a řečeše jim w swojim wučenju:

3. Posluchajće! Hlej, syjer wuńdže wusywać,

4. A hdyž syješe, padže někotre při puću, a přilecachu ptaki njebya a zjěchu je.

5. Druhe pak padže na skałojte, hdžež wjele zemje njeměješe, a hnydom zeskhadža, dokelž njeměješe hluboku zemju.

21. Jězusowi přecelowje, krejni a tež jeho nowi wučownicy bojachu so, zo farišejowje a pismawučeni Jězusa před wysoku radu staja a wobskorža wučby a dźiwow dla; chychy jeho tohodla sobu wzać a wudawachu, zo je rozom zhubil. — 29. wotsudzi so t. j. k zapokućenju wěčneje winy abo k wěčnemu zatamanju. — 30. To bě jich hrěch přećiwo Duchej swjatemu, zo woni Božu móc, z kotrež wón djabyły wuhonja, w nim připóznac njechachu, ale prajachu, zo to dokonja z pomocu złeho ducha, kiž je w nim. Bychu-li we Jězusu Božu móc připóznali, bychy tež do njeho wěric dyrbjeli.

IV. 1. t. j. při galilejskim morju.

6. Ale hdyž slńco zeskhadźa, zwjadny; a dokelž njeměješe korjenja, wuskhny.

7. A zaso druhe padže mjez černje, a zrosćechu černje, a podusychu je, a njeda plodu.

8. A zaso druhe padže na dobnu zemju a da plód, kotryž přiběraše a rosćeše, a přinješe jene triceći, druhe šěsćdzesat, a zaso druhe sto.

9. A wón praješe: Štóz ma wuši k slyšenju, njech slyši.

10. A hdyž bě sam, prašachu so či dwanaćo, kotřiž běchu z nim, za přirunanjom.

11. A praješe jim: Wam je date znać potajnosće kralestwa Božeho; tym pak, kotřiž su zwonka,* stawa so wšitko w přirunanjach,

12. Zo bychy „widźicy widźeli a njezapřijeli, a slyšicy slyšeli a njezrozumili, zo bychy so njewobročili, a zo bychy hrěchi so jim njewodale.“* Is. 6, 9; Mat. 13, 14; Jan. 12, 40; Jap. sk. 28, 26; Romsk. 11, 8.

13. A džeše k nim: Njeznajeće tuto přirunanje? a kak spóznaće wšitke přirunanja?

14. Syjeť wusywa slowo (Bože).*

15. Kotřiž pak su při puću, su či, kotrymž so slowo wusywa; ale hdyž su je slyšeli, hnydom přindže satan, a wotnjese slowo, kotrež bu wusyte do jich wutrobow.

16. A podobnje, kotřiž su na skalojte wusywani, su či, kotřiž, hdyž slowo slyša, hnydom z wjesołosću je přijimaju.

17. Tola nimaju korjenja we sebi, ale

su načasni; hdyž potom horjo a přesćahanje nastanje slowa dla, pohóršuju s hnydom.

18. A druzy su, kotřiž so mjez černj wusywaju; či su, kotřiž slowo slyša;

19. A starosće swěta a wobłudženje bohatstwa, a přikhadźace žadosće w zbytnje podušeju slowo, a bywa bjez plodu.

20. A kotřiž su do dobreje zemje wusyći, su či, kotřiž slowo slyša, a je přijimaju a plód dawaju, jene triceći, druh šěsćdzesat a druhe sto.

21. A wón praješe jim: Zaswěća snano so swěca, zo by so pod kórc stajila? a pod ložo? nic tohodla, zo by so na swětnik stajila? Mat. 5, 15; Luk. 8, 16; 11, 33.

22. Přetož ničo njeje zakhowane, što by zjewjene njebyło, ani potajne sćinjeny, ale zo by přišlo na zjawne.

Mat. 10, 26; Luk. 8, 17.

23. Ma-li štóz wuši k slyšenju, njech slyši.

24. A wón praješe jim: Hladajće, slyšiće.* Z kajkež měru měriće, bud wam zaso měřjene, a wam přidate.

Mat. 7, 2; Luk. 6, 38.

25. Přetož štóz ma, tomu budže dać a štóz nima, tomu budže tež to, štóz m wotewzate. Mat. 13, 12; 25, 29; Luk. 8, 18; 19, 27.

26. A praješe: Tak je z kralestwom Božim, jako by čłowjek symjo čisnyl z zemje,*

27. A by spal a wstawał w nocy wodnjo,* a symjo by skhadźalo a rost hdyž wón njewě.

11. To su tamni, kotřiž so wo Jězusowu wučbu njestaraju, abo ze zaměrom ju začpěwaj. Tymle dawa wón swoju bůžsku prawdu pod wšelakimi přirunanjemi, zo njebychu ju zapřijeli a n wužitnje trjebali. — 12. Tajcy, kotřiž za prawdu Božu zapřiheca nimaju, slyša drje slowa, ale n zrozumja je prawje, a tak njeprindžu k spóznaću svojich hrěchow a njedóstanu wodaće. Su s na tom wina, dokelž na Jězusowu wučbu njeposluchaju z čistym wotpohladanjom, ze žadosću Božej wěrnosću, ale z druhimi nješkodnymi wotpohladanjemi. — 14. t. r. Syjeť je tón, kotryž slowo Bože rozsywa a bůžsku prawdu wučí. — 24. Keďzbuće derje na to, štož wam praju, zo by potom z wužitkom mjez druhimi rozsywać móhli, dokelž čím lěpje moju wučbu naložujete a druhim sobudźěliće, z tym wjetše budže waše myto w njejesach. — 26. W přirunanju (26—29) syjeť Khrystus a kóždy wučer slowa Božeho; symjo je slowo Bože, rola su čłowjekowje, žně su s Boži po smjerći čłowjeka abo tež powšitkowny sud na kóncu wšoho časa. — 27. t. r. džen w dnja. Kaž symjo bjez dalšeje prócy syjerja skhadźa a rosće a zrali, tak přiběra Jězusowa cyr na zemi njepřestawajcy, hač na kónc wšoho časa a podobnje tež kralestwo Bože w jednotliw čłowjeku. Bóh da symješku slowa Božeho we nas skhadźeć a rosć, a njenući nas, zo jeho hna poslušni smy, ale po smjerći, hdyž je naš čas dokonjany, přindže plody hromadzić.

28. Pretož sama wot sebje zemja plodži, najprjedy stwjelco, potom klós a potom polne zorno w klosu.

29. A hdyž je plody přinjesla, hnydom pósćełe wón serp, dokelž žně su nastale.

30. **A** wón praješe: Komu přirunamy kralestwo Bože? abo w kotrym přirunaju je předstajimy?

31. Jako žonopowe zorno, kotrež, hdyž so do zemje wosyje, je najmjenše mjeze wšemi symjenjemi, kotrež su na zemi.

Mat. 13, 31; Luk. 13, 19.

32. A hdyž je wosyte, rosće a bywa wjetše, dyžli wšitke zela, a ćeri wulke hałzy, tak zo móža w jeho khlódku ptaki njejba bydlíc.

33. A z wjele tajkimi přirunanjami rěčeše k nim słowo, jakož móžachu slyšeć.

34. Bjez přirunanjow pak njerěčeše k nim; swojim wučownikam pak wuložowaše wšitke wosebje.

35. **A** džeše k nim na tom samym dnju, hdyž bu wječor: Přejědźmy na druhu stronu.

36. A lud rozpušćiwši, wzachu jeho, kajkiž bě w čolmje, a druge čolmy běchu při nim.

Mat. 8, 23; Luk. 8, 22.

37. A nasta wulki nawal wětra, a mjeťaše žolmy do čolma, tak zo čolm so napjelnjowaše.

38. A wón sam w zadku čolma na zahlowku spaše; a zbudźichu jeho a prajachu jemu: Mištrje, njedźiwaš na to, zo hinjemy?

39. A wstanywši pohrozy wětrej a rjekny morju: Mjelč, změruj so! A wětr přesta a sta so wulka čišina.

40. A džeše k nim: Što sće bojazni? nimaće hišće wěry? A bojachu so z wulkim strachom a prajachu mjez sobu: Štó, měniš, je tutón, dokelž tež wětr a morjo jeho poslušataj?

STAW V.

W gerasenskej krajnje wumóže Jězus dźiwneho wot złych duchow, kotrymž do swini zajěć dowoli, njeprida pak, zo by jeho wustrowjeny sćělował; po wustrowjenju krewjećečneje zónskeje přindže do Jairoweho domu, a zbudži jeho dźowku k žiwjenju.

A přindžechu na tamnu stronu morja, do gerasenskeje krajiny.*

Mat. 8, 28; Luk. 8, 26.

2. A hdyž wón z čolma wustupi, hnydom přiběža jemu čłowjek z rowow napřećiwo, nječisteho ducha mějacy.

3. Wón měješe bydlo w rowach; ani z rječazami njemóžeše jeho nichto wjacy zwjazać.

4. Pretož často bě z putami a rječazami zwjazany bywši, rječazy roztorhnył a puta rozlamal, a nichto njezamoho jeho skludzić.

5. A wón přebywaše stajnje, wodnjoo a w nocy, w rowach a na horach, wołajo a z kamjenjemi bijo.

6. Wuhladawši pak Jězusa nazdala, přiběža a pokloni so před nim.

7. A wołajo z wulkim hłosom rjekny: Što mam ja z tobu, Jězuso, syno Boha wjeřšneho? zaroćam će při Bohu, zo by mje nječwělowal.

8. Pretož wón praješe jemu: Wuńdž, nječisty ducho, z čłowjeka.

9. A prašeše so jeho: Kak ci rěkaju? A wón praji jemu: Legion je moje mjeno, dokelž je nas wjele.*

10. A prošeše jeho jara, zo by jeho njewuhnał z krajiny.

11. Běše pak tu wokoło hory wulke stadło swini na pastwje.

Mat. 8, 30.

12. A duchy jeho prošachu prajicy: Póscel nas do swini, zo do nich zańdžemy.

13. A Jězus dowoli jim hnydom. A nječiste duchy wušedši zańdžechu do swini, a z wulkej nahłosću wali so stadło do morja, na dwaj tysacaj, a potepichu so w morju.

V. 1. Gerasenska krajina leži k ranju wot morja Genezareth a bě z wjetša wot pohanow wobydlena. — 9. Romski legion měješe 6000 mužů; tudy stoji to słowo za wulku črjódú.

14. Kotřiž pak je pasechu, čeknychu, a wozjewichu to w měsće a we wsach. A wuńdžechu hladać, što je so stalo.

15. A přińdžechu k Jězusej, a wuhladaju toho, kiž bě wot djabliska čwělowany był, sedžaceho, zdrasćeneho, při strowym rozumje, a nabojuachu so.

16. A či, kotřiž běchu to widželi, powědachu jim, kak so tomu sta, kotryž djabola měješe, a wo swinjoch.

17. A počachu jeho prosyc, zo by z jich pomjezow wotešol.

18. Hdyž pak do čolma stupi, poča jeho prosyc, kotryž bě wot djabliska čwělowany był, zo by z nim był.

19. A njepripušći jeho, ale džeše k njemu: Dži do swójeho domu k swojim, a zjew jim, kak wulke wěcy je Knjez tebi činil, a zo so nad tobu smili.

20. A wón woteńdže a poča wopowědować w krajinje Džesać městow, kak wulke wěcy je Jězus jemu činil; a wšitcy so džiwachu.

21. A hdyž bě Jězus w čolmje zaso přez morjo so přewjezl, zhromadzi so wulka črjódka k njemu, a wón běše při morju.

22. A přińdže k njemu jedyn předstojnik synagogi, z mjenom Jairus, a jeho wuhladawši padže k jeho nohomaj.

Mat. 9, 18; Luk. 8, 41.

23. A prošeše jeho jara, prajo: Moja džowka mrřeje. Pój, polož ruku na nju, zo by wustrowjena byla, a budže žiwa.

24. A woteńdže z nim, a jeho sčěhowaše wulka črjódka, a čiščachu jeho.

25. A žónska, kotraž měješe krewjećečenje dwanaće lět,

26. A bě wjele čerpjela wot mnohich lékařow, a bě wšitko swoje dowuložila, a njebě jej pomhało, ale bě hórje z nje,

27. Wuslyšawši wo Jězusu, přińdže w črjódce zezad, a dótkny so jeho drasty.

28. Přetož praješe: Dótknu-li so jeno jeho drasty, budu strowa.

29. A zdobom wuskhny žórlo jeje krewje, a začu na čěle, zo je wustrowjena wot čwěle.

30. A Jězus spóznaš hnydom w sebi samom móc, kotraž bě z njeho wušla wobroćiwši so k črjódce praji: Štó dótkny so mojeje drasty?

31. A jeho wučownicy jemu prajachu: Widžiš črjódu, kotraž će čišći, a prajiš: Štó so mje dótkny?

32. A hladaše wokolo, zo by tu wuhladał, kotraž bě to činila.

33. Žónska pak, postróžena a třepotaj wědčicy, što je so w njej stalo, přistup a padže před nim, a wupowěda jemu wšitku prawdu.

34. Wón pak rjekny jej: Džowka, twój wěra je će wustrowila; dži w měrje, budž wustrowjena wot swojeje čwěle.

Luk. 7, 50; 8, 48.

35. A hdyž wón hišće rěčeše, přińdžechu wot předstojnika synagogi, prajic: Twój džowka je wumřela; čohodla hišće wobćežuješ mištra?

36. Jězus pak wuslyšawši słowo, kotraž so rěčeše, praji předstojnikowej synagogi: Njebój so; jeno wěř!

37. A njeda nikomu sobu hić, khil Pětrej, Jakubej a Janej, Jakubowen bratřej.

38. A přińdžechu do domu předstojnika synagogi, a wón wuhlada haru plakacych a jara žaloscacych.

39. A zastupiwiši džeše k nim: Čohodla harujeće a plakaće? holčka njeje wumřela ale spi.

40. A smějachu so jemu. Wón powědachu wšitkich wuhnawši wza holčyneho na zem, a mać, a kotřiž běchu z nim, a zastupiwiši hdžež holčka ležeše.

41. A přimnywši holčyynu ruku rjekny jej: Talitha kumi, štož je přeložene: Holčka (praju tebi) wstań!

80. Jězus chcyše přiležnosť wužić, zo by swojim přewodžerjam krutu wěru khoreje žónsky khwalil, tohodla praša so: štó je so mje dótknył?

42. A hnydom wstany holěka a khodžeše; běše pak dwanaće lět; a postróžichu so z wulkim spodžiwanjom.

43. A přikaza jim kruće, zo by to nchtó njezhonił; a poruči jej jěsć dać.

STAW VI.

Nad Jězusowej wučbu džiwapu so w jeho wótčinje, hdžež pak wón, jich njewěry dla, mało džiwow skutkuje; japoštołow na přédowanje sćelo wući, što maju wobkedžbować. Herodes wo Jězusu słyšo, praji, zo je wot mrtwych wstanyl Jan křćenik, kotrehož hłowu bě wón rejwacej džowcy Herodiady na požadanje podał, dokelž bě z přisahu slubił; w pusćinje z pjeći khlěbami a dvěmaj rybomaj nasycá pječ tysac ludži; ducy přez morjo změruje wichor; w krajinje Genezareth wustrowi přemnohich z dótknjenjom swojeje drasty.

A wuńdže wottam, a woteńdže do swojeje wótčiny,* a jeho wučownicy sćehowachu jeho. Mat. 13, 54; Luk. 4, 16.

2. A hdyž sabat bu, poča w synagodzy wući, a mnozy posłucharjo džiwachu so nad jeho wučbu prajicy: Zwotkel'ma tónle to wšitko? a kajka je to mudrość, kotraž je jemu data, a tajke džiwy, kotrež so přez jeho rucy dokonjeju?

3. Njeje wón česla,* Marijiny syn, bratr Jakuba a Józefa, a Judy a Symana? Njejsu tež jeho sotry tu mjez nami? A pohóršowachu so nad nim. Jan. 6, 42.

4. A Jězus praješe jim: Profeta njeje bjez česće, khiba w swojej wótčinje, a w swojim domje a w swojej rodzinje.

Mat. 13, 57; Luk. 4, 24; Jan. 4, 44.

5. A njemóžeše* tu žanoho džiwa činić, jeno mało khorych wustrowi, ruku jim napoložiwi.

6. A džiwaše so nad jich njewěru; a khodžeše wokoło po městačkach wučo.

7. **A** powoła dwanaćoch, a poča jich

po dvěmaj slać, a da jim móc nad nječistymi duchami. Mat. 10, 1; wyše 3, 14;

Luk. 9, 1.

8. A přikaza jim, zo bychu sebi ničo na puć njebrali, khiba jeno kij; ani wačok, ani khlěb, ani w pasu pjenjezy,

9. Ale črije wobući;* a zo bychu so njewoblekali dvě sukni. Jap. staw. 12, 8.

10. A praješe jim: Do kotrehožkuli domu zastupiće, tam wostańće, doniž wottam njewoteńdžeće.

11. A kotřižkuli bychu was njepríjeli, a was njeposluchali, wot tych woteńdžće a wottřasće proch ze swojeju nohow jim k swědčenju. Mat. 10, 14; Luk. 9, 5;

Jap. sk. 13, 51; 18, 6.

12. A wušedši přédowachu, zo bychu (ludžo) pokutu činili.

13. A wuhonjachu wjele djabliskow, a žalbowachu z wolijom wjele khorych, a wustrowichu jich.* Jak. 5, 14.

14. **A** kral Herodes zasłyša (wo tom), přetož jeho mjeno bu znate, a praješe: Jan křćenik je wot mrtwych wstanyl, a tohodla stawaju so džiwy přez njeho.

15. Druzy pak prajachu: Elias je. A druzy prajachu: Profeta je, jako jedyn z profetow.

16. To słyšawši džeše Herodes: Kotremuž sym ja hłowu sćal, tón Jan je wot mrtwych wstanyl.

17. Tutón Herodes mjenujcy pósławši zaja Jana a sadži jeho do jastwa Herodiady dla, žony swojeho bratra Filipa, dokelž bě so z njej woženil. Luk. 3, 19.

18. Přetož Jan Herodesej praješe: Tebi so njesłuša, žonu swojeho bratra méc.

Lev. 18, 16.

19. Herodias pak lakaše na njeho, a cheyšě jeho morić; ale njemóžeše.

VI. 1. t. j. do Nazaretha. — 3. t. r. česlowy syn. Jězus pak je, přjedy hač zjawnje wućić poča, swojemu zastaraćerjej při česliskim džěle pomhał. Bratřa a sotry mjenowachu so blizcy krejni přecelowje, a čí su tu měnjeni, dokelž praweho bratra abo sotru Jězus njemóžeše. — 5. Dokelž tu žaneje wěry njenamaka. — 9. t. r. wyše čriji, kotrež maće runje na nohomaj, druhe sobu njebjeře. Njeběchu to woprawdźite črije, ale sandale, kožane póduše, kotrež so připasachu. — 10. t. r. doniž z toho města njewoteńdžeće. — 13. Žalbowanje njetrjebaše so jako lěkowanje, ale jako zwonkowne znamjo Božeje pomocy, dokelž z tym, a tež z napoloženjom rukow Boha wo pomoc prošachu. Na sakrament poslednjeho wolijowanja so z tym do přědka pokazuje.

20. Přetož Herodes so Jana boješe, wědžo, zo je sprawny a swjaty muž; a zakitowaše jeho, a poslušawši jeho činyješe mnohe, a slyšeše jeho rad.

21. A hdyž přihódny dzeń přindže, wuhotowa Herodes na svojim narodnym dnju hosćinu wjefcham a wyššim a wosobnym Galileje.

22. A hdyž džowka tuteje Herodiady zastupi a porejwa, a Herodesej a hosćom so zespodoba, rjekny kral k holěcy: Žadaj wote mnje, štož chceš, a dam ěi.

23. A wopřisahny jej: Štózkuži požadaš, dam ti, byrnje položcu mojeho kralestwa.

24. A hdyž bě wušla, rjekny swojej maćeri: Što mam žadać? A ta rjekny: Hlowu Jana křćenika.

25. A zastupiwši hnydom z khwatanjom ke kralej, žadaše prajo: Chcu, zo by mi hnydom dal we škli hlowu Jana křćenika.

26. A kral so zrudži; (ale) přisahi dla a hosći dla nochcyše ju zrudzić.

27. Ale poslawši kata přikaza,* zo by we škli přinjesl jeho hlowu. A wón wotěa jemu hlowu w jastwje.

28. A přinjese jeho hlowu we škli; a da ju holěcy a holčka da ju swojej maćeri.

29. To zhoniwši přindžechu jeho wučownicy, a wzachu jeho čelo a položichu je do rowa.

Mat. 14, 12.

30. A japoštołowje zhromadźiwši so při Jezusu powědachu jemu wšitko, štož běchu činili a wučili.

31. A džeše k nim: Pójće wy sami na puste město, a wotpočniće tróšku. Přetož běchu mnozy, kotřiž přikhadžachu a wotkhadžachu; a njemějachu ani časa k jědži.

Mat. 14, 13; Luk. 9, 10; Jan. 6, 1.

32. A do čolma stupiwši, wotwjezechu so na puste město sami.

33. A widžawši jich woteńć, spóznachu jich mnozy, a zběžachu so tam ze wšech městow pěši a přescáhnychu jich.

34. A z čolmika wustupiwši wuhlada

Jězus wulku črjódu, a jemu bu jich žel dokelž běchu jako wowcy pastyrja nje mějace; a poča jich mnohe wučić.

Mat. 9, 36 a 14, 14.

35. A hdyž bě hižo wulki čas, přistu pichu jeho wučownicy, prajicy: Puste je tuto město a čas je so hižo minyl.

36. Rozpušć jich, zo do najbližšich wso a městow wotšedši sebi jědže nakupja kotrež bychu jědli.

Luk. 9, 13.

37. A wotmołwjejo džěše k nim: Dajće wy jim jěsć. A rjeknychu jemu: Pójm a kupmy jim za dvě scě denarow khlěb a damy jim jěsć.

38. A praji jim: Kelko khlěbow maće džiće a pohladajće. A hdyž zhonichu rjeknychu: Pjeć, a dvě rybje.

39. A poruči jim, zo bychu wšitkim zesydać dali, po črjódkach na zelenu trawu.

Jan. 6, 10.

40. A zesydachu so po rjadu po stacach a po pjećdžesaćoch.

41. A wzawši pjeć khlěbow a dvě rybje pohladnywši k njebju požohnowa a lamas khlěby, a poda svojim wučownikam, a bychu je kladli před nich; tež dvě rybje rozdžěli mjez wšitkich.

42. A wšitcy pojěchu a buchu nasyceni.

43. A zezběrachu zbytki, lamanko dwanaće korbow poľnych, a wot rybow

44. Běše pak tych, kotřiž běchu jědli pjeć tysac mužů.

45. A hnydom ponući svojich wučownikow, zo bychu do čolma stupili a přejeli njeho so přewjezli přez jězor do Betansaidy, mjez tym zo by wón lud rozpušćil.

46. A hdyž bě jich rozpušćil, woteńd na horu, zo by so modlił.

47. A hdyž wječor bu, běše čolm srjed morja, a wón sam na kraju.

48. A widžawši, zo so napinaju z wjeslanjom (přetož wětr běše jim napřećiwny) přindže wokoło štwórtého džěla nocy, nim kročo po morju, a checyše nimo h

27. t. j. wojak, kiž tež tule službu wobstara.

49. Woni pak wuhladawši jeho po morju kročaceho, myslachu sebi, zo je bludmo, a zawołachu.

50. Přetož wšitcy widžachu jeho a stróžichu so. A hnydom porěča Jězus k nim, a rjekny: Dowěfće so, ja sym, njebójće so.

51. A stupi k nim do čolma, a wichor woćichny; a čím bóle so sami při sebi spodźiwachu.

52. Přetož njeběchu dospóznali při khlěbach,* dokelž jich wutroba bě wotupjena.

53. A hdyž běchu so přewjezli, přindžechu do Genezarethskeho kraja, a (tam) přistajichu.

Mat. 14, 34.

54. A wustupiwszy z čolma, spóznachu jeho hnydom.

55. A běhajey po cylej krajinje počachu na ložach sobu nosyc tych, kotřiž běchu khori, hdžež slyšachu, zo wón je.

56. A hdžežkuli zastupi do městačkow, abo wsow, abo městow, kładzechu na dróhi khorych a prošachu jeho, zo bychu so jeno kromy jeho drasty dótknyli; a kotřižkuli so jeho dótknychu, buchu strowi.

STAW VII.

Jězus porokuje farisejam, kotřiž na Jězusowych wučownikow swarja, dokelž z njemytymaj rukomaj jědza, zo Bože kasnje swojich postajenjow dla přestupuja; rozestaja, što čłowjeka nječisteho čini, mjenujey, štož z wutroby wukhadža. Wumóže dšowku pohanki, kotraž jeho z wobstajnosću prošeče, wot djabola a wustrowi hlucheho a němeho.

A zeńdžechu so k njemu farisejowje a někotři z pismawučenyh, kotřiž z Jeruzalema přindžechu.

2. A widžawši, zo někotři z jeho wučownikow z nječistymaj, to je: z njemytymaj rukomaj khlěby jědža, hanjachu jich.

3. Přetož farisejowje a wšitcy Židža njejědža, khiba zo bychu husćišo rucy wumyli,* wustajenjow staršich so dđeržicy.

4. A z torhošća (so wróćiwši) njejědža, khiba zo bychu so wumyli; a wjele drugeho je, štož přijachu, zo bychu dđerželi, wumywanja keluchow, karanow, mjedžeńcow a blidow.

5. A woprašachu so jeho farisejowje a pismawučeni: Přeco njekhodža twoji wučownicy po wustajenjach staršich? ale z nječistymaj rukomaj khlěb jědža?

6. Wón pak wotmołwjejo rjekny jim: Derje je Isaias wěšćil wo was tajencach, jako je pisane: „Tutón lud česći mje z hubomaj; jich wutroba pak je daloko wote mnje.

Is. 29, 13.

7. Podarmo pak mje česća, wučicy čłowjeske wučby a kaznje.“

8. Přetož wopuščiwši kaznju Božu, dđeržiće čłowjeske podawizny, wumywanja karanow a keluchow a wjele drugeho tomu runja činiće.

9. A praješe jim: Rjenje powaleće kaznju Božu, zo byšće swoje podawizny dđerželi.

10. Přetož Mójzes praji: „Česćuj swojeho nana a swoju mać.“ A: „Štož by kłal přećiwo nanej abo maćeri, njech smjerće wumrje.“ Exod. 20, 12; Deut. 5, 16; Ef. 6, 2; Exod. 21, 17; Lev. 20, 9; Přisl. 20, 20.

11. Wy pak prajiće: Rjeknje-li něchtó nanej abo maćeri: Korban, to je dar, kotryžkuli je wote mnje, tebi spomha.*

12. A wjacy njedopuščiće jemu, štož by činił za swojeho nana a za swoju mać.

13. Zběhajey słowo Bože ze swojimi podawiznami, kotrež sće podawali, tež wjele tajkeho činiće.

52. t. r. woni njeběchu při spodźiwnym rozmnoženju khlěbow spóznali, zo je Jězus syn Boží, zo je jemu tohodla wšitko móžne, tež khodjenje po morju.

VII. 8. Naraiše ludy, tež Židža běchu zwučeni, před jědžu a hewak časćišo při jědži sebi rucy abo porsty myć; pola nich bě to nuzna wěc, dokelž noži a widličkow njewužiwachu. Farisejowje pak dđeržachu tajke přiwučenia za nabožnu wěc, dokonjachu ju tohodla swědomiće, jako by to něšto wažne bylo. W tom woni bludžachu. Tež na rjedjenje sudowjow atd. kedžbnje hladachu. Ĺute a podobne wot čłowjekow postajene wańja njezakomdžichu, mjez tym zo sebi Bože kasnje njenje wažachu. — 11. hlad. Mat. 15, 6.

14. A zwoławši lud znova praješe jim: Słyšće mje wšitecy a zrozumjeć.

15. Ničo njeje, štož wot wonka do čłowjeka nutř dže, zo by móhlo jeho znječisćić; ale štož z čłowjeka wukhadža, to je, štož čłowjeka znječisćuje.*

16. Ma-li što wuši k słyšenju, njech słyši.

17. ▲ hdyž bě wot luda do domu zastupił, prašachu so jeho wučownicy za (tym) přirunanjom.

18. A rjekny jim: Tak sće tež wy nje-rozymni? Njepóznowaće, zo wšitko, štož wot wonka do čłowjeka nutř dže, jeho njemóže znječisćić.

19. Přetož njezastupuje do jeho wutroby, ale dže do brjucha, a wukhadža do wotstupa, čisćicy wšitke jědze.

20. Praješe pak, zo štož z čłowjeka wukhadža, to čłowjeka znječisćuje.

21. Přetož znutřka, z wutroby čłowjekow wukhadžeju zle mysle, mandželstwa-lamanja, kurwafstwa, morjenja, Gen. 6, 5.

22. Padušstwa, lakomstwa, njesprawnosće, leść, njehańbitosće, zle woko, bohanjenja, pychaństwo, blazniwosć.

23. Wšitke tute zle wěcy wukhadžeju wot nutřka a znječisćuja čłowjeka.

24. ▲ wottudy so zebrałši woteńdže Jězus na pomjezy Tyra a Sidona; a do domu zastupił, nochcyše, zo by to što zhonil; ale njemóžeše so wukhować.

25. Přetož žónska, kotrejež džowka mješe nječisteho ducha, wo nim zasłyšawši zastupi hnydom a padže k jeho nohomaj.

26. Žónska pak běše pohanka, ze Syrofoenicije rodžena. A prošeše jeho, zo by djablisko wuhnał z jeje džowki.

27. Wón pak rjekny jej: Njech so najprjedy nasycá džěći; přetož njeje derje, džěćom khlěb wzać a psam čisnyć.

28. Ale wona wotmołwi a rjekny jemu: Haj, Knježe; ale tež psyčki jědza po blidom wot srjódkow džěći.

29. A wón džeše k njej: Tutoho słowdla dži; wušło je djablisko z twojej džowki.

30. A hdyž bě wotešla do swojeho domu namaka džowku na ložu ležacu, a djablisko bě wušło.

31. ▲ wušedši zaso z Tyriskich pomnjesow, přindže přez Sidon k galilejskemu morju wosrjedz krajiny Džesać městow.

32. A přiwjedzechu k njemu hlucheho němeho, a prašachu jeho, zo by jemu ruk napoložil.

Mat. 9, 35

33. A wzawši jeho z ludu w stronu položi swoje porsty do jeho wušow, wuplunywši dótkny so jeho jazyka.

34. A pohladnywši k njeju zdychn a džeše k njemu: Efeta, to je, wotewri so.

35. A hnydom wotewřištaj so jeho wuš a zwjazk jeho jazyka bu wotwjazany; rěčeše prawje.

36. A přikaza jim, zo bychu nikom njepowědali. Čim bóle pak jim zakazowaše, čim wjacy to wozjewjachu.

37. A čim wjacy so spodziwachu, přijicy: Derje je wšitko činil, hluchich j činil słyšacych a němých rěčacych.

STAW VIII.

Jězus nasyci ze sedmi khlěbami a někotrymi rybami štyri tysacy ludži; přikaza japośćlam, zo bychu so farisejskeho kwasu hladali. Slephego wustrowja. Praša so japośćłow, za koho ludžo a woni jeho maju, a Pětr wuznawa, a je wón Khrystus; a bórzy na to mjenuje Jězu Pětra přeciwnika, dokelž jemu so napřećiwi, hdy wón swoje čerpjenje wědźi. Kak ma so křiž njeje a zo čłowjekej ničo dróžše być njesamě dyžli duša.

W tych samych dnjach zas, hdyž běše tam wulkil lud, a njemějachu, što bychu jědli

15. So rozumi, zo Khrystus z tym póstnu kaznju, kotraž Židam wěšte jědze zakazowaše zběhnyć nochce, a tež cyrkwinu póstna kaznja so z tym njezacisnje, dokelž hdyž něchtó w zakazanych časach mjasnych jědzi wužiwa, njesćini so nječisty z jědzu, ale zhrěši z njepostušnosću přeciwo duchownej wyšnosći. — 31. hlad. Mat. 4, 25. — 34. Jězus nałožuje, zo by tohole khoreb wustrowił, wšelake srědky, kotrež same na sebi k wulěkowanju slušić njemóžachu; wón chcyše z tym čim jasněšo dopokazać, zo khorych jeno ze swojej bóžskej mocu wustrowja.

zwola wón swojich wučownikow a džeše k nim:

Mat. 15, 32.

2. Mi je žel ludu; hižo tři dny traja při mni, a nimaju, što bychu jědli.

3. A pušću-li jich bjez jědze domoj, zawutla na puću; přetož někotři z nich su zдалoka přišli.

4. A jeho wučownicy jemu wotmołwichu: Z wotkel zamóže štó jich z khlěbom nasycić tu w pusćinje?

5. A wopraša so jich: Kelko khlěbow maće? Woni rjeknychu: Sedm.

6. A wón poručil ludej so na zemju zesysdać. A wzawši sedm khlěbow, džak prajiwši lamaše, a dawaše je swojim wučownikam, zo bychu je předkladli; a předkladžechu je ludej.

7. A mějachu něšto rybičkow; tež te požohnowa a přikaza předklasć.

8. A pojěchu a buchu nasyceni; a ze zběrachu, štož zby wot lamankow, sedm korbow.

9. Tych pak, kotřiž běchu jědli, běše na štyri tysacy; a wón rozpušćil jich.

10. A ze swojimi wučownikami hnydom do čolmika stupiwši, přińdže do Dalmanuthskeje krajiny.*

11. A wuńdžechu farisejowje, a počachu so z nim wurěčować, žadajcy znamjo z njebyes wot njeho, jeho spytujcy.

Mat. 16, 1; Luk. 11, 54.

12. A zdychnywši w duchu rjekny: Čohodla žada sebi tónle splah znamjo? Zawěrnó praju wam, zo njebudže znamjo date tomule splahej.

13. A jich wopušćiwši stupi zaso do čolma, a přewjeze so přez jězor.

14. A běchu zabyli khlěb wzac, a nje-mějachu wjac dyžli jedyn khlěb sobu w čolmje.

Mat. 16, 5.

15. A přikazowaše jim prajo: Kedž-bujće, a hladajće so kwasa farisejow a kwasa Herodesoweho.*

16. A přemyslowachu, mjez sobu prajicy: Khlěba nimamy.

17. To spóznowši džeše Jězus k nim: Što sebi přemyslujeće, zo khlěba nimaće? Hišće njespóznowaće a njerozymiće? hišće maće woslepjenu swoju wutrobu?

18. Woći mějcy njewidźiće? a wuši mějcy njeslyšiće? Ani so njedopomniće, Mark. 6, 41; Jan. 6, 11.

19. Hdyž pječ khlěbow lamach za pječ tysacow; kelko korbow nazběrašće lamankow poľnych? Prajachu jemu: Dwanaće.

20. A hdyž sedm khlěbow za štyri tysacy; kelko korbow lamankow nazběrašće? A rjeknychu jemu: Sedm.

21. A praješe jim: Kak hišće njespóznowaće?*

22. A přińdžechu do Bethsaidy, a přiwjedžechu k njemu slepeho, a prošachu jeho, zo by so jeho dótknyl.

23. A přimnywši ruku slepeho, wuwjedže jeho z městačka won, plunywši na jeho woći a položiwši swojej ruce na njeho wopraša so jeho, widzi-li što?

24. A pohladnywši džeše: Widžu čłowjekow khodźić, jako štomy.*

25. Potom položi znova ruce na jeho woći; a poča widžeć, a bě tak wustrowjeny, zo wšitko jasnje widžeše.

26. A wón pósła jeho do jeho domu prajo: Dži do swogeho domu, a hdyž do městačka přińdžeš, njepowědaj nikomu.

27. A woteńdže Jězus, a jeho wučownicy, do městačkow Cäsareje Filipoweje; a na puću prašeše so swojich wučownikow, jim prajo: Za koho maju mje ludžo?

Mat. 16, 18; Luk. 9, 18.

VIII. 10. t. j. hdzež měsće Dalmanutha a Magedan abo Magdala ležešaj. — 15. Pod kwasom t. j. zakisanim čestom, z kotrehož so khlěb pječe, mjenješe Jězus wučbu a přiklad; wučby a přiklada farisejow a Herodianow, t. r. ludži, kotřiž z Herodesom džeržachu, mějachu so jeho wučownicy hladać. — 21. t. r. zo pod kwasom wšědny khlěb njeměnu, wo njón so starać njetrebaće, hdyž sće swědkowje tajkich džiwow byli; ale ja rozymju pod kwasom lohkomysle wučby a přiklady. — 24. t. r. wšitkich jenajkich, ani zo bych jich po štaťnosći a wobliču rozeznowaće móhl.

28. Woni wotmołwichu jemu prajicy: Za Jana krćenika, druzy za Eliasa, druzy pak za jenoho z profetow.

29. Tuž rjekny jim: Wy pak, za koho maće mje? Wotmołwjejo pak džeše jemu Pětr: Ty sy Khrystus.

30. A pohrozy jim, zo bychy nikomu to wo nim njepowědali.

31. A poča jich wučić, zo ma Syn čłowjeka wjele ćerpjeć, a začisnjeny być wot staršich a wot wyššich měšnikow a pismawučonych, a morjeny być, a po třoch dnjach wot mrtwych wstanýc.

32. A zjawnje rěčeše tuto słowo. A Pětr jeho přimnywši poča jemu porokować.

33. Wobroćiwši so a pohladawši na svojich wučownikow, pohrozy Pětrej prajo: Dži zady mje, satanje, dokelž njerozymiš, štož je Bože, ale štož je čłowjeske.

34. A zwolawši lud ze svojimi wučownikami rjekny jim: Chce-li štož za mnu přińć, zapřej sebje samoho, a wzmi swój křiž na so a sćěhuj mje.

Mat. 10, 38; 16, 24; Luk. 9, 23; 14, 27.

35. Přetož štož by chcył swoje žiwjenje zakhować, zhubi je; štož pak by swoje žiwjenje zhubił mje dla a ewangelia dla, zakhowa je.*

Luk. 17, 33; Jan. 12, 25.

36. Přetož što spomha čłowjekej, hdy by cyly swět dobył, a škodu činil swojej duši?

37. Abo što da čłowjek na wuměnenjenje za swoju dušu?

38. Přetož štož by so hańbowal za mnje a za moje słowa mjez tutym mandželstwamafskim a hrěšnym splahom, za toho budže so tež Syn čłowjeka hańbować, hdyž přińdže w krasnosći swojeho Wótca ze swjatyimi jandželemi. Mat. 10, 33; Luk. 9, 26; 12, 9.

39. A praješe jim: Zawěrnó praju wam, zo su někotři mjez tudy stojacyimi, kotřiž njewoptaju smjerće, hač wuhladaju kralestwo Bože přikhadžace w mocy.

Mat. 16, 28; Luk. 9, 27.

STAW IX.

Z překrasnjnym Jězusom zjewištaj so Mójzes a Elias. Jězus praji, zo Elias, hdyž přińdže, wšitko naprawi, haj zo je hižo přišoł, ale zo njeje přišaty był. Wupokaza hłuchoho a němeho ducha kajkiž so jeno z modlenjom a posćenjom wuhonja. Wěšći swoje ćerpjenje; so wurěčowacych wučownikow powučí, štož je mjez nimi najwjetši wo čłowjeku, kotryž djaboła wuhonja, Jězus pak njescěhuje; wo wotrabanju ruki a nohi wo pohórsku wóčka.

Po šesći dnjach wza Jězus Pětra, a Jana kuba a Jana sobu, a dowjedže jich na wysoku horu samych wosebje, a bu přec nimy překrasnjeni. Mat. 17, 1; Luk. 9, 28.

2. A jeho drasta běše swětla a jasná, běla jako sněh, kajkuž běleť na zemi běle sćinić njemóže.

3. A zjewi so jim Elias z Mójzesom a rozrěčowaštaj so z Jězusom.

4. A wotmołwjejo džeše Pětr k Jězusom: Mištrje, dobro je nam tudy być, a sćinimy sebi tři stany: tebi jedyn, Mójzes jedyn a Eliasej jedyn.

5. Přetož njewědžeše, što rěči; dokaže běchu z bojosće zastróženi.

6. A nasta mrócel, kotraž jich wolosćeni, a hlós přińdže z mrócele, kiž prajachu: Tónle je mój najlubši syn; poslušajće jeho.

7. A hnydom so rozhladawši njewědžachu nikoho wjac, jenož Jězusa samoho při sebi.

8. A hdyž z hory dele džěchu, prikaza jim, zo bychy nikomu wo tom njepowědali, štož su widželi, hač hdyž Syn čłowjeka wot mrtwych wstane. Mat. 17, 9.

9. A zakhowachu słowo při sebi, a prašejcy, što by to bylo: „hdyž wot mrtwych wstane.“

10. A prašachu so jeho prajicy: Štož pak rěča farisejowje a pismawučeni, a dyrbi Elias přjede přińć? Mal. 4,

85. Štož so we svojim žiwjenju za Boha wopruje, dóstanje wěcnje zbóžne žiwjenje, štož pak so w něčim žiwjenju kóždeho wopora strachuje, a jeno so za tym stara, kak by sebi tudy najlěpše žiwjenje přihotował, zhubi wěcnje zbóžne žiwjenje.

11. Wotmołwjejo džeše k nim: Elias, hdyž přindže, naprawi wšitko; a jako je pisane wo Synje čłowjeka, ma wjele čerpjeć a hidženy być.* Is. 53, 3. 4.

12. Ale praju wam, zo je tež Elias přišoł, a su z nim činili, štož chcychu, jako je wo nim pisane.* Mat. 17, 12.

13. A hdyž k svojim wučownikam přindže, wuhlada wulku črjódu wokoło nich, a pismawučenych z nimi so wurěčowacych.

14. A wšitkón lud, Jězusa wuhladaŵši, so hnydom zastróži, a bojachu so; a přiběžawši postrowjachu jeho.

15. A wopraša so jich: Što so mjez sobu wurěčujće?

16. A jedyn z črjódy wotmołwjejo rjekny: Mištrje, sym swjeho syna k tebi přiwjedl, kotryž ma němeho ducha.*

Luk. 9, 38.

17. Hdžežkuli jeho napadnje, mjeta jeho, a wón pěni, a křipi ze zubami, a hinje; a rjeknych twójim wučownikam, zo bychy jeho wuhnali, a njemóžachu.

18. Wón wotmołwjejo rjekny jim: O njewěriwy splaho, kak dołho budu z wami? kak dołho budu was čerpjeć? Přiwjedźće jeho ke mni.

19. A přiwjedzechu jeho. A wuhladaŵši jeho třaseše jeho duch hnydom, a na zemju čisnjeny waleše so pěnjo.

20. A wón wopraša so jeho nana: Kak dołho je, zo je so jemu to stało? A tón džeše: Wot džěcatstwa.

21. A často čisny jeho do wohnja a do wody, zo by jeho zahubił; ale, móžeš-li što, pomhaj nam, smiliwši so nad nami.

22. Jězus pak džeše jemu: Móžeš-li wěrić; wšitko je móžne wěrjacemu.

23. A hnydom zawolaŵši hólčecowy

nan praješe ze sylzami: Wěrju, Knježe; pomhaj mojej njewěriwosći.

24. A hdyž Jězus wuhlada, zo so lud zhromadźuje, pobrozy nječistemu duchej, prajo jemu: Hluchi a němý ducho, ja poručam tebi, wuńdź z njeho, a njestupwjacy do njeho.

25. A škrěčo a jeho jara torhajo wuńdže z njeho, a wón bu jako mrtwy, tak zo mnozy prajachu, zo je wumřěl.

26. Jězus pak přimnywši jeho za ruku, pozběhny jeho, a wón wstany.

27. A hdyž bě do domu přišoł, prašachu so jeho skradžu jeho wučownicy: Čohodla njemóžachmy my jeho wuhnać?

28. A rjekny jim: Tónle splah njemóže hinak wuńć, khiba z modlenjom a posćenjom.

29. A wottam wotšedši, džěchu po Galileji; ale nochcyše, zo by što wědzał.*

30. Wučeše pak swjich wučownikow a praješe jim: Syn čłowjeka budže podaty do čłowjeskich rukow, a morja jeho, a morjeny wstanje na třecím dnu.

Mat. 17, 21; Luk. 9, 22. 44.

31. Ale woni njerozymjachu tuto słowo, a bojachu so jeho so woprašec.

32. A přindzechu do Kafarnauma. A hdyž běchu doma, prašeše so jich: Wo čim rozrěčowašće so na puću?

33. Ale woni mjelčachu; přetož běchu na puću mjez sobu so wadźili, što z nich je wjetši.

Mat. 18, 1; Luk. 9, 46.

34. A sydneywši so zawola dwanaćoch, a džeše k nim: Chce-li što přeni być, njech je wšitkich najposledniši a wšitkich słuzownik.

35. A wzawši džěčo, staji je wosrjedź nich; a wobjawši je džeše k nim:

IX. 11. Tute słowa maju takle so zrozumjeć: Elias drje přindže na kóncu časa, a jako su profetowje wo Synje čłowjeka wěšćili, zo změje čerpjeć, a zo budže zastorčeny, tak smě so tež wo Eliasu prajić, zo budže při swjich přikładze a „před založenjom Božeho kralestwa“ hišće čerpjeć dyrbjeć, a zo w poľnej krasnosći hnydom so njezewi, jako na horje Thabor. — 12. We duchu pak je Elias hižo přišoł; w jeho duchu skutkowaše Jan krčćnik, ale tež na nim dopjelni so wola złych, kaž je pisane. — 16. t. r. złeho ducha, kiž je khoremu rěč rubił. — 29. Zo bychy jeho njezadržowali, dokelž wón khwataše k swjowemu čerpjenju.

36. Štózkuľi by jene z tajkichle džěci přiľal w mojim mjenje, přiľima mje; a štózkuľi by mje přiľal, njepřiľima mje, ale toho, kotryž je mje pošľal.

37. Wotmoľwi jemu Jan prajo: Mištrje, widźachmy někoho w twojim mjenje djabliška wuhonjeć, kotryž nas njescěhuje, a zakazachmy jemu.* Luk. 9, 49.

38. Jězus pak džeše: Njewobarajće jemu; přetož nihtó njeje, kotryž by džiwý činiľ w mojim mjenje, a z dobom złě řěčec móhl wo mni.* 1. Kor. 12, 3.

39. Přetož štóz njeje přeciwo wam, je za was. Luk. 9, 50.

40. Přetož štózkuľi by wam k napiću podal kelušk wody w mojim mjenje, dokelž sće Khrystusowi, zawěrnó praju wam, njezhubi swoje myto. Mat. 10, 42.

41. A štózkuľi by pohóršowaľ jenoho z tutych móľičich, kotřiž do mnje wěrja, tomu by ľěpje bylo, zo by powěsnjeny byl mľynski kamjeň wokoľo jeho šije, a wón čisnjeny byl do morja. Mat. 18, 6; Luk. 17, 2.

42. A by-li će twoja ruka pohóršowaľa, wotrězn ju; ľěpje je tebi, zo wosľabjeny k žiwjenju nutř džeš, dyžli zo by dvě rucy mějo šoľ do hele, do njewuhasniwego wohnja, Mat. 5, 30 a 18, 8.

43. Hdžež jich čerw njemrje, a woheń njehasnje.*

44. A pohóršuje-li će twoja noha, wotrězn ju; ľěpje je tebi, zo khromy džeš do wěčneho žiwjenja, dyžli zo by dvě nozy mějo čisnjeny byl do hele njewuhasniwego wohnja,

45. Hdžež jich čerw njemrje, a woheń njehasnje. Is. 66, 24.

46. A pohóršuje-li će twoje woko, wutorhn je; ľěpje je tebi, zo jenowóčny džeš

do kralestwa Božeho, dyžli zo by dvě woči mějo čisnjeny byl do helskeho wohnja,

47. Hdžež jich čerw njemrje, a woheń njehasnje.

48. Přetož kóždy z wohnjom so woseli, a kóždy wopor ze selu so woseli.* Lev. 2, 13.

49. Dobra je sól; budže-li pak sól nje-sľona, z čim ju naprawiće? Mějće sól w sebi, a mějće pokoj mjez sobu.* Mat. 5, 13; Luk. 14, 34.

STAW X.

Jězus wučil, zo so njesľuša mandźelsku wopuścić a druhu wzać. Požohnuje džěci. Bohažk, kiž wot mľodosće kaznje wobkedźbuje, njepřiľima Khrystusowu radu, zo by wšitko rozdźěliľ. Jaku myto či dóstanu, kotřiž wšitko wopušća. Znowa wěšći swoje čerpjenje. Hdýž Zebedejowaj synaj za česću žadataj, powučil swojich japoštoľow, s nimaju přeneje česće hľadać w knjezowanju, aľ w sľuženju. Wuhoji slepeho Bartima.

A wstanywši wottudy přińdže do mjezow Judeje za Jordanom; a zeńdžechu so zaso črjódy k njemu; a kaž bě złožený wučěše jich zaso. Mat. 19, 1.

2. A farisejowje přistupiwši prašachu so jeho: Sľuša so mužej mandźelsku wopuścić? jeho spytuje.

3. Ale wón wotmoľwjejo řjekny jim: Što je wam Mójses prikazaľ?

4. A woni řjeknychu: Mójses je do woliľ rozdźěleński list napisać a wot s wopuścić. Deut. 24,

5. A Jězus jim wotmoľwjejo džeše: Dla twjerdosće wašeje wutroby napis wam tule kaznju.

6. Wot spočatka stworjenja pak sčini Bóh jeju mužskeho a žónsku. Gen. 1, 2.

7. „Tohodla wopušći čłowjek swojeh nana a mać, a budže so džeržec k swoj mandźelskej. Gen. 2, 24; Mat. 19, 5.

1. Kor. 7, 10; Ef. 5, 31.

87. Japoštoľ Jan přistaja swoje prašenje k Jězusowym sľowam a chce prajić: Hdýž tón teb a Wótca k sebi wozmjje, što mamy wo tom džeržec, kotryž w twojim mjenje djaboľ wuhonja? - 88. t. r. tón njemóže mój napřeciwnik być, kiž w mojim mjenje djaboľ wuhonja, dokelž wón do mn wěri, a byrnje jeho wěra hišće tak dospołna njebyľa, zo by wšitko, štož ma, wopušćil a mje sčěhowa sľuša tola k mojim wučownikam, dokelž moju móc znaje a mje česći. Tajkemu wobarać njesměće. - 48. Hdžež jich čwěle wěčnje traja. - 48. Sól ma zdžeržowacu móc, naselene wěcy njeskaža so to bórzy. Jako buch starozakońske wopory selene, tak budža tež wopory wěčneho zahinjenja so seli zo bychu wěčnje čerpjeli a ženje njezahinyli. - 49. t. j. sól mudrosće a njezahiniteje póććiwosće

8. A budžetaj dwaj w jenom ćele.“ Tak hižo nejstaj dwaj, ale jene ćelo.

1. Kor. 6, 16.

9. Štož je potajkim Bóh zjenočil, njech ćlowjek njedžěli.

10. A doma jeho wučownicy znowa wo tom jeho so prašachu.

11. A džeše k nim: Štóžkuli by swoju mandželsku wot so puščil a druhu wzał, lama mandželstwo přećiwo nej.

12. A by-li mandželska wot so puščila svojego muža, a z druhim so wudała, lama mandželstwo.

13. A přinjesechu džěci k njemu, zo by so jich dótknył. Wučownicy pak wobarachu tym, kotřiž je přinjesechu.

14. Jězus to widžawši pohněwa so na nich a rjekny jim: Dajće džěćatkam ke mni přińć, a njewobarajće jim; přetož tajkich je njebieske kralestwo.*

15. Zawěrnó praju wam: Štóžkuli by njepřijał kralestwo Bože jako džěćo, njepóńdže do njeho.

16. A wobjimawši je a rucy jim napoložejo žohnowaše je.

17. A hdyž bě na puć wušoł, přiběža jedyn a poklaknywši před nim prošeše jeho: Dobry mištrje, što mam činić, zo bych wěčne žiwjenje dóstał?

Mat. 19, 16; Luk. 18, 18.

18. Jězus pak rjekny jemu: Přeco mje mjenuješ dobreho? Nichtó njeje dobry, khiba Bóh sam.

19. Kaznje znaješ: „Njedyrbiš mandželstwo lamać, njedyrbiš morić, njedyrbiš kradnyć, njedyrbiš wopačne swědčenje dawać, njedyrbiš jebać, česćuj svojego nana a swoju mać.“

20. Wón pak wotmołwjejo džeše k njemu: Mištrje, wšitko to sym wobkedžbowal wot swojeje młodosće.

21. Jězus pak pohladawši na njeho pokhwali jeho a rjekny jemu: Jene tebi so njedóstawa: dži, předaj, štožkuli maš, a daj khudym, a změješ pokład w njebiesach; a přińdž a scěhuj mje.

22. A wón zrudziwši so nad słowom woteńdže struchly; přetož měješe wjele kubłow.

23. A wokoło pohladawši džeše Jězus k svojim wučownikam: Kak ćežko ći, kotřiž maju wjele pjenjez,* nutř póńdža do kralestwa Božeho!

24. Wučownicy pak spodźiwachu so nad jeho słowami. Ale Jězus zaso wotmołwjejo džeše k nim: Džěćatka, kak ćežko póńdža ći, kotřiž na pjenjezy so dowěrjeju, do kralestwa Božeho!

25. Lóže je, zo kamel přez wuško jehly přeńdže, dyžli zo bohaty nutř póńdže do kralestwa Božeho.

26. Woni pak so bóle dziwachu, mjez sobu prajicy: A što móže zbóžny być?

27. A na nich pohladawši rjekny Jězus: Pola ćlowjekow je to njemóžne, ale nic pola Boha; přetož pola Boha je wšitko móžne.

28. A Pětr poča k njemu rěčeć: Hlej, my smy wšitko wopuščili a smy tebje scěhowali.

Mat. 19, 27; Luk. 18, 28.

29. Wotmołwjejo džeše Jězus: Zawěrnó praju tebi: Nichtó njeje, kotryž by wopuščil dom, abo bratrow, abo sotry, abo nana, abo mać, abo synow, abo pola mje dla abo ewangelia dla,

30. A by njedóstał sto króć telko nětko w tutom času, domow, a bratrow a sotrow, a maćeri a synow, a polow, z přescěhanjemi, a w přichodnym času wěčne žiwjenje.*

31. Mnozy přeni pak budža posledni, a posledni přeni.

Mat. 19, 30.

X. 14. Dokelž su njewinowate a dowěriwe. — 28. A swoju wutrobu na nje wěšaja. — 30. To rěka wulke bohatstwo wšelakich duchownych kubłow a wokřewjacu spokojnosť tež w najbórsich čerpjenjach dóstanje na tomle swěće tón, kiž wšitko, štož móže w času jeho zwjeselić, z lubosće k swojemu stworićerjej wopušći; a po tutym žiwjenju w njebiesach čaka na njeho njezpřijimna zbóžnosť.

32. Běchu pak na puću ducy do Jeruzalema; a Jězus džeše před nimi; a spodźiwachu so, a jeho scěhujcy bojachu so.* A dwanaćoch zaso k sebi wzawši, poča jim powědać, što ma so jemu stać. Luk. 18, 31.

33. Hlej, džemy do Jeruzalema, a Syn čłowjeka budže podaty wyšším měšnikam a pismawučenym a starším, a wotsudža jeho k smjerći, a podažda jeho pohanam,

34. A budža jeho wusměšeć, a na njeho pluwać a jeho šwikać, a morja jeho, a na třeći dzeń wstanje wot mrtwych.

35. A přistupištaj k njemu Jakub a Jan, Zebedejowaj synaj, prajicy: Mištrje, chcemoj, zo by, wo čožkuli bychmój prosyłoj, namaj sčinił.

36. Wón pak rjekny jimaj: Što chcetaj, zo bych wamaj sčinił?

37. A rjeknyštaj: Daj namaj, zo bychmój jedyn na twojej prawicy a druhi na twojej lěwicy sedžalój w twojej krasności.

38. Jězus pak džeše k nimaj: Njewěstaj, wo čo prosytaj; móžetaj keluch pić, kotryž ja piju? abo so křćić dać z křćeńcu, z kotrež ja so křćiju?*

39. A wonaj praještaj jemu: Móžemoj. Jězus pak džeše k nimaj: Keluch drje, kotryž ja piju, budžetaj pić, a z křćeńcu, z kotrajž ja so křćiju, budžetaj křćenaj;

40. Sedžeć pak na mojej prawicy, abo na mojej lěwicy, njeje w mojej mocy wamaj dać; ale (da so tym), kotrymž je přitowowane.

41. A wuslyšawši to džesaćo, počachu so hněwać na Jakuba a Jana.

42. Jězus pak zwoławši jich džeše k nim: Wěsće, zo ći, kotřiž jako knježćerjo ludow plaća, nad nimi knjezujaja, a zo maju jich wulcy nad nimi móc. Luk. 22, 25.

43. Ale tak njesmě być mjez wami; ale štóžkuli by chcył mjez wami wjetši być, budž waš služownik.

44. A štóžkuli by chcył mjez wami přeni być, budž wotročk wšitkich.

45. Přetož tež Syn čłowjeka njeje přišoł, zo by so jemu služilo, ale zo by služil a dał swoje žiwjenje jako wukupjenje za mnohich.

46. ▲ přińdžechu do Jericha; a hdyž z Jericha džeše ze swojimi wučownikami a z wulkej mnohosću, sedžeše Timeowy syn, slepy Bartimeus, při puću prošo.

Mat. 20, 29; Luk. 18, 35.

47. Slysawši, zo je Jězus Nazarenski poča wolać, a prajić: Syno Davidowy smil so nade mnu.

48. A mnozy jemu hrožachu, zo by njelčał. Ale wón wjele bóle wolaše: Syno Davidowy, smil so nade mnu.

49. A Jězus zastawši poručil jeho zo wolać. A zawolachu slepeho, prajicy jemu: Změruj so, wstań; wola će.

50. A swoju drastu wotpoložiwši a piskočiwši přińdže k njemu.

51. A wotmołwjejo rjekny jemu Jězus: Što chceš, zo bych ći sčinił? A slepy rjekny jemu: Mój mištrje, zo bych widźeł.

52. Jězus pak džeše k njemu: Daj twója wěra je će wustrowiła. A hnydom widžeše a scěhowaše jeho po puću.

STAW XI.

Na žřebjeću wólacy sedžo čehnje Jězus swjatoč do Jeruzalema; klěje figowcej, kotryž wuskhn kupowarjow a předawarjow wučeri z temp; pokaza móc dowěry na Boha a wući, zo ma bratrej wodać, štožkuli je přećiwo nam zawinwał. Pismawučenym njepraji, z čejej m skutkuje, dokelž tež woni na prašenje wo Jawej křćeńcy jemu njewotmołwichu.

A hdyž woni k Jeruzalemej a Bethan při Wolijowej horje so přibližichu, poča dweju ze swojich wučownikow,

Mat. 21, 1; Luk. 19, 29.

2. A džeše k nimaj: Džitaj do městač; kotrež je napřećiwo wamaj, a hnydom ducy nutř namakataj žřebjo přiwjaza

32. Dokelž njewědzachu, što w Jeruzalemje na nich čaka. — 38. t. r. Zwěritaj sebi wupić kelčerpjenjow a so křćić dać z krawnej křćeńcu?

na kotrymž hišće žadyn čłowjek njeje sedźał; wotwjazajtaj a přiwjedźtaj je.

3. A by-li wamaj něchtó rjekl: Što činitaj, prajtaj: Knjez je potrjebuje; a hnydom je sem pušći.

4. A wotšedši namakaštaj žrěbjo přiwjazane při durjach wonka na rozpuću, a wotwjazaštaj je.

5. A někotři z tam stojacych prajachu jimaj: Što činitaj žrěbjo wotwjazujujcy?

6. A rjeknyštaj jim, kaž bě jimaj Jězús prikazał; a dowolicu jimaj.

7. A wjedžeštaj žrěbjo k Jězusej a položištaj na nje swoju drastu, a wón so na nje sydney. Jan. 12, 14.

8. Mnozy pak přestrěwachu swoju drastu na puć; druzy pak rubachu hałzy ze štomow, a sćezechu je na puć.

9. A kotřiž prjedy džěchu a kotřiž sćěchowachu, wołachu prajicy: Hosanna.

Ps. 117, 26; Mat. 21, 9; Luk. 19, 38.

10. Khwaleny budź, kotryž dže w mje-nje Knjeza; khwalene budź kralestwo našeho wótca Davida, kotrež přikhaďa; Hosanna we wysokosćach.

11. A přińdže do Jeruzalema a do templa, a wobhladałši wšitko, hdyž bě hižo wječorna hodžina, woteńdže z dwanaćimi do Bethanije. Mat. 21, 9.

12. A nazajtra, hdyž z Bethanije džěchu, bu hlódný.

13. A wuhladawši nazdala figowc lisće mějacy, džěše k njemu, jelizo by snadź něšto na nim namakał; a hdyž k njemu přińdže, ničó njenamaka, khiba lisće; přetož njeběše čas figow.* Mat. 21, 19.

14. A wotmołwjejo rjekny jemu: Hižo na wěki njech nichtó wjac z tebjě plody njejě. A jeho wučownicy to słyšachu.

15. A přińdžechu do Jeruzalema. A hdyž wón do templa zastupi, poča wuhonjeć tych, kotřiž předawachu a kupowachu

w templu; a spowroća blida pjenježnikow a stoły předawarjow hołbi.

16. A njedopušći, zo by što sudowjo přez templ njesl.

17. A wučěše jim prajo: Njeje pisane, zo „budže mój dom rěkać dom modlitwy pola wšitkich ludow?“ Wy pak sće z njeho sćinili „mordafsku jamu“. Is. 56, 7;

Jer. 7, 11; Mat. 21, 13.

18. A słyšachu to wyšši měšnicy a pismawučeni, a přemyslowachu, kak bychu jeho zahubili; přetož bojachu so jeho, dokelž cyły lud so džiwaše nad jeho wučbu.

19. A hdyž wječor bu, wuńdže z města.

20. A hdyž rano nimo džěchu, wuhladachu, zo je figowc z korjenja wuskhnył.*

21. A Pětr dopomniwši so rjekny jemu: Mištrje, hlej figowc, kotryž sy poklał, je wuskhnył.

22. A wotmołwjejo džěše Jězús k nim: Mějće wěru do Boha. Mat. 21, 21.

23. Zawěrnó praju wam: Štožkuli by tutej horje rjekl: Zběhná so a wal so do morja, a by njedwělował w swojej wutrobje, ale by wěrił, zo so stanje, štožkuli by prajil; stanje so jemu.

24. Tohodla praju wam: Wšitko, štožkuli byšće modlicy so prosyli, wěćće, zo dóstanjeće, a stanje so wam.

Mat. 7, 7 a 21, 22.

25. A hdyž wstanjeće k modlenju, wodajće, maće-li něšto přećiwo někomu, zo by tež waš Wótc, kiž je w njebiesach, wam wodał waše hrěchi.*

Mat. 6, 14 a 18, 35; Luk. 11, 9.

26. Jelizo pak wy njewodaće, tež waš Wótc, kiž je w njebiesach, njewoda wam waše hrěchi.

27. A přińdžechu zaso do Jeruzalema. A hdyž wón w templu khodžeše, pristupichu k njemu wyšši měšnicy, a pismawučeni a starši.

XI. 13. Čas zrałych figow je hakle w měsacu juniju abo juliju, ale dokelž figowc prjedy do plodow čeri, dyžli do łopjenow, móžeše tónle tak łopjenaty figowc tež hižo zraće plody měć; tola njeměješe z cyła žanych figow, bě njeplódný. Njeplódný figowc znamjenja židowski lud, kotryž prawych plodow njenese. — 20. Figowc zdžerži hewak dlějši čas, tež hdyž je pušćeny, mjezhu a zelene łopjena. — 25. Židža so stojicy modlachu. Jězús chce prajić: hdyž so k modlenju přihotujeće.

28. A prajachu jemu: Z kajkej mocu to činiš? a što je tebi tu móc dať, zo to činiš?*

Luk. 20, 2.

29. Jězus pak wotmołwjejo džeše k nim: Woprašam so tež ja was jene słowo, a wotmołwće mi, a rjeknu wam, z kajkej mocu to činju.

30. Běše Janowa křćeńca z njebjes, abo wot čłowjekow? Wotmołwće mi.

31. Woni pak rozpominachu mjez sobu a prajachu: Rjeknjemy-li, z njebjes, praji: čohodla potajkim njejsće jemu wěrili?

32. Rjeknjemy-li pak, wot čłowjekow, bojimy so ludu; přetož wšitey mějachu Jana za praweho profetu.

33. A wotmołwjejcy prajachu k Jězusej: Njewěmy. A Jězus wotmołwjejo džeše k nim: Tež ja wam njepraju, z kajkej mocu to činju.

STAW XII.

Jězus powěda přirunanje wo winicy, winicarjam přenajatej, kotřiž knjezowych služownikow a jeho syna morichu. Wón je spytowany wot farisejow dla dawka a wot saducejow dla wot-mortwych-wstaća. Je tež prašany wot pisma-wučeneho za přenjeju kaznju; sam pak so praša, čohodla pismawučeni Khrystusej syn Davidowy rěkaju, a wuči, zo maju so jich zdalować. Khwali wudowu, kotraž dvě šerpatej wopruje.

A poča k nim w přirunanjach rěčeć: Winicu čłowjek nasadźa, wobda ju z pło-tom, a wury prasu, a natwari wěžu a přenaja ju winicarjam, a woteńdže přeč.*

Is. 5, 1; Jer. 2, 21; Mat. 21, 33; Luk. 20, 9.

2. A pósła k winicarjam w času pło-dow wotročka, zo by wot winicarjow dóstał wot płodu winicy.

3. Woni pak wupřimachu a nabichu jeho, a wotpósłachu jeho prózdneho.

4. A zaso pósła k nim druhého wo-tročka, a toho zranichu na hłowje, a wo-hanichu jeho.

5. A zaso druhého pósła, a toho mo-richu; a wjacj druhich, z kotrychž něko-trych nabichu, někotrych pak morichu.

6. Tak měješe hišće jeničkeho lubo-waneho syna, a toho pósła na posledku prajo: Budźa so mojeho syna strachować.

7. Winicarjo pak rjeknychu mjez sobu: Tón je herba, pójće, zabijmy jeho, a naše budže herbstwo.

8. A wupřimachu a zabichu jeho, a wučisnychu jeho z winicy.

9. Što pak sčini knjez winicy? Přińdže a zahubi winicarjow, a da winicu druhim.

10. Njejsće pak čitali tuto pismo: „Ka-mjeń, kotryž twarcy začisnychu, tón je róžkowny kamjeń sčinjeny. Ps. 117, 22; Is. 28, 16; Mat. 21, 42; Jap. sk. 4, 11; Rom. 9, 33; 1. Pětr. 2, 7.

11. Wot Knjeza je so to stało, a jěsť spodźiwne před našimaj woćomaj?*

12. A pytachu jeho zajec, a bojachu so ludu; přetož spóznachu, zo je za nic tuto přirunanje rěčať. A wostajiwši jeho woteńdžechu.

13. **A** pósłachu k njemu někotrych z farisejow a Herodianow,* zo bychu jeho w rěči popadnyli. Mat. 22, 15; Luk. 20, 20.

14. A přišedši prajachu jemu: Mištr, wěmy, zo sy wěrnosćiwý, a nikoho kedźli nimaš; přetož njehladaš na wobličo čłow-jekow, ale we prawdže puć Boží wučis. Słuša so kejžorej dawk dawać, abo nje-mamy dawać?

15. Spóznawši jich šibalosć džeše k nim: Što mje spytujete? Podajće mi džesatnik, zo bych pohladał.

16. A přinjesechu jemu. A džeše k nim: Čeje je to znamjo a napismo? Prajachu jemu: Kejžorowe.

17. Wotmołwjejo pak rjekny jim Jěz: Dajće tohodla, štož je kejžorowe, kejžor-rej; a štož je Bože, Bohu. A džiwać so nad tym. Romsk. 13, 1.

18. **A** přińdžechu k njemu saducejow, kotřiž praja, zo njeje wot-mortwych-wstaće; a prašachu so jeho prajicy:*

Mat. 22, 23; Luk. 20, 27.

28. t. r. što je tebi dowoliť, zo předawarjow a kupowarjow z templa honiš?

XII. 1. Hladať wułożenje Mat. 21, 39 atd. — 13. hl. Mat. 22, 16 atd. — 18. hlad. Mat. 22,

19. Mištrje, Mójzes je nam napisal: „Hdy by někoho bratr wumřel a žonu zawostajil a synow njeměl, ma jeho bratr jeho žonu wzac a swojemu bratřej symjo zbudzić.“ Deut. 25, 5.

20. Běchu pak sedmjo bratřa; přeni wza sebi žonu, a wumř njezawostajiwši symjenja.

21. A druhi wza ju, a wumř a tež tón njezawostaji symjenja; a třetí runje tak.

22. A podobnje wzachu ju sedmjo, a njezawostajichu symjenja. Najposlednja wšitkich wumř tež žona.

23. Při wot-mortwych-wstaću, hdyž wot mortwych wstanu, kotreho z nich budže žona? přetož sedmjo su ju měli za žonu.

24. A wotmołwjejo džeše Jězus k nim: Njebludzić-li tohodla, zo njeznajeće pisma ani móc Božu?

25. Přetož hdyž wot mortwych wstanu, njebudža so ani ženic ani wudawać, ale budža jakož jandželowje w njebiesach.

Mat. 22, 30.

26. Wo mortwych pak, zo wstanu, njejsce čitali w knizy Mójzesowej, kak je Bóh z keřka k njemu porěčal prajo: „Ja sym Bóh Abrahamowy a Bóh Isaakowy a Bóh Jakubowy?“ Exod. 3, 6; Mat. 22, 32.

27. Wón njeje Bóh mortwych, ale žiwych. Tohodla wy jara bludziće.

28. ▲ přistupi jedyn z pismawučenych, kotryž bě slyšal, kak so wurěčuja, a widžo, zo jim derje wotmołwi, woprašo so jeho, kotra kaznja je přenja mjez wšitkimi?

29. Jězus pak wotmołwi jemu: Přenja kaznja mjez wšitkimi rěka: „Slyš Israello, Knjez twój Bóh je jenički Bóh. Deut. 6, 4.

30. A dyrbiš Knjeza swojeho Boha lubować z cyleje swojeje wutroby, a z cyleje swojeje duše, a z cyleje swojeje mysle, a z cyleje swojeje mocy.“ To je přenja kaznja.

31. Druha pak je tutej runja: „Dyrbiš

swojeho bližšeho lubować, jako sebje samoho.“ Hinaša wjetša kaznja dyžli tej njeje. Lev. 19, 18; Mat. 22, 39; Romsk. 13, 9; Gal. 5, 14; Jak. 2, 8.

32. A džeše k njemu pismawučeny: Derje, mištrje, we prawdže sy rjekl, zo je Bóh jedyn a njeje druhi pódla njeho;

33. A zo je lubowany z cyleje wutroby, a z cylum rozomom, a z cylej dušu, a z cylej mocu; a bližšeho lubować jako sebje samoho, to je wjacj, dyžli wšitke palne wopory a woporne dary.

34. Jězus pak widžawši, zo je mudrje wotmołwil, rjekny jemu: Njejsy daloko wot kralestwa Božeho. A nichtó wjacj njezwaži sebi jeho so prašeć.

35. A wotmołwjejo praješe Jězus, wučo w templu: Kak praja pismawučeni, zo je Khrystus Davidowy syn?

36. Přetož David sam praji w Duchu swjatym: „Knjez je prajil mojemu Knjezej: Sydn so k mojej prawicy, hač položu twojich njepečelow jako podnožk twojeju nohow.“ Ps. 109, 1; Mat. 22, 44; Luk. 20, 42.

37. Dokelž David sam jeho Knjeza mjenuje, kak pak je jeho syn? A wulka črjoda posluchaše rada na njeho.

38. A praješe jim w swojim wučanju: Hladajće so pismawučenych, kotřiž chce dža w dolhich drastach khodzić a postrowjeni być na torhošću. Mat. 23, 5;

Luk. 11, 43 a 20, 46.

39. A na přenich stolach sydać, w synagogach a na přenich městach při hosćinach;

40. Kotřiž spóžeraju domy wudowow pod zamołwku dolheje modlitwy; či dóstanu ćežši sud.

41. ▲ Jězus sydneywši so napřećiwo pokladnicy přihladowaše, kak lud pjenjezy mjeta do pokladnicy; a mnozy bohaći mjetachu wjele.

42. Hdyž pak bě přišla jena khuda wudowa, čisny dwaj pjenježkaj, štož je štwórć (něčičišeho pjenjeza);

43. A zwoławši svojich wučownikow džeše Jězus k nim: Zawěrnó praju wam, zo je tuta khuda wudowa wjacý čisnyla, dyžli wšitcy, kotřiž su mjetali do pokladnicy.

44. Přetož wšitcy čisnychu z toho, štož jim zbywaše; wona pak čisny ze swojeje khudoby wšitko, štož měješe, wšitku swoju žiwnosć.

STAW XIII.

Jězus praji, zo budže templ zapusćeny, wěšći wojny a wšelake horja, přescěhanja a žadławosć zapusćenja. Wo falšnych Khrystusach a falšnych profetach; po njebjeskich znamjenjach přinđže Syn čłowjeka w krasnosći, a na figowcu to spóznaja. Dokelž pak nihtó časa njewě, dyrba wšitcy kedźbni wostać.

A hdyž z templa džeše, rjekny jemu jedyn z jeho wučownikow: Mištrje, hladaj, kajke kamjenje a kajki twar.

Mat. 24, 1.

2. A wotmołwjejo džeše Jězus k njemu: Widžiš wšitke tute wulke twarjenja? Njewostanje kamjeń na kamjenju, kotryž by rozwaleny njebył.

Luk. 19, 44 a 21, 6.

3. A hdyž na Wolijowej horje so porydny, napřećiwo templej, prašachu so jeho wosebje Pětr a Jakub, a Jan a Handrij: *

4. Praj nam, hdy so to stanje? a kajke budže znamjo, hdyž počnje to wšitko so dokonjeć?

5. A wotmołwjejo poča Jězus k nim rěčeć: Hladajće so, zo was nihtó njezawjedže.

Ef. 5, 6; 2. Thess. 2, 3.

6. Přetož mnozy přińdu w mojim mjenje prajicy: Ja sym tón (Khrystus); a zawjeddu mnohich.

7. Hdyž pak zasłyšće wo wojnach a wójnskich powěsćach, njebójće so; přetož to dyrbi so stać, ale njeje hišće kónec.

8. Přetož wstanje lud přećiwo ludej, a kralestwo přećiwo kralestwu, a budža tu

a tam zemjerženja, a hlód. Spočatk bołosći budže to.

9. Kedźbujće pak na sebje samych. Přetož budža was radam podawać, a w synagogach budžeće bići, a před bohota-
mi a kralemi budžeće stać mje dla, jim na swědčenje.

10. A mjez wšitkimi ludami dyrbi so prjedy předować ewangelium.

11. A hdyž was powjedu podawajcy, njerozpominajće doprjedy, što byšće rěčeli; ale štož budže wam w tutej hodźinje date, to rěčće; přetož wy njejsće, kotřiž rěčće, ale Duch swjaty.

Mat. 10, 19;

Luk. 12, 11 a 21, 14.

12. Poda pak bratr bratra k smjerći, a nan syna, a powstanu džeći přećiwo staršim, a morja jich.*

13. A budžeće hidženi wot wšitkich mojeho mjena dla. Štóz pak wutraje hać do kónca, tón budže wumóženy.

14. **H**dyž pak wuhladaće žadławosć zapusćenja tam stojacu, hdžež (być) nje-
dyrbi — štóz čita, njech zrozumi —, tehdy njech či, kotřiž su w Judeji, čěkaju na hory.

Dan. 9, 27; Mat. 24, 15; Luk. 21, 20.

15. A štóz je na třěše, njech njezlěze do domu, a njezastupi, zo by něšto wzal ze swojeho domu;

16. A štóz budže na polu, njech so njewróća, zo by wzal swoju suknju.

17. Běda pak ćežkožiwotnym a čěšacym w tych dnjach.

18. Modlće pak so, zo by so to w zymje njestało.

19. Přetož w tutych dnjach budža tajke horja, kajkež njesu byle wot spočatka stwórby, kotruž je Bóh stworil, hać do nětka, a wjacý njebudža.

XIII. 8. Wučownicy běchu mjez sobu wo wulkotnosći templa rěčeli; a hdyž nětko Jězus na jeho zapusćenje spomni, chcychu radši wjacý wo tom zhonić. K tomu zdaše so jim nětko na Wolijowej horje dobra přiležnosć być. — 12. Najćežše domapytanje je to, hdyž so krejni přećelowje abo stawy swójby, kotřiž maju so wosebje lubować, so hidža abo so přescěhaju. Třoje domapytanja připowěda tu Knjez: domjace njeřećelstwa (r. 12), zle zawjedženja (r. 5) a přescěhanja zjawnych njeřećelow (r. 7).

20. A njeby-li Knjez dny přiškótił, njeby žadyn čłowjek wumóženy był; ale wuzwolonych dla, kotrychž je wuzwolił, přiškóti te dny.

21. A rjeknje-li wam tehdy něchtó: Hlej, tudy je Khrystus, hlej tam, nje-wěće. Mat. 24, 23; Luk. 17, 23 a 21, 8.

22. Přetož wstanu falšni Khrystusowje a falšni profetowje, a budža činić znamjenja a dziwy, zo bychy zawjedli, hdy by so stać móhlo, tež wuzwolonych.

23. Wy tohodla kedžbujće; hlej, předpowědžel sym wam wšitko.

24. Ale w tutych dnjach po tom horju začmi so slóncó a měsáčk njebudže swoje swětlo dawać, Is. 13, 10; Ezech. 32, 7; Joel 2, 10.

25. A hwězdy budža z njebyj padać, a mocy, kotrež su na njeby, budža so hibać.

26. A tehdy wuhladaju Syna čłowjeka přiškadžaceho w mróčelach z wulkej mocy a krasnosću.

27. A tehdy pósćele svojich jandželow, a zhromadži svojich wuzwolonych wot štyrjoch wětrow, wot kónca zemje hač do kónca njebyj. Mat. 24, 31.

28. Wot figowca pak wukńće přirunanje. Hdyž jeho halza hižo womlódnje a lisće wurośće, poznawaće, zo je léće blisko.

29. Tak tež wy, hdyž wuhladaće, zo to so stawa, wěće, zo je blisko před durjemi.

30. Zawěrnó praju wam: Tutón splah njezańdže, hač so to wšitko stanje.

31. Njeby a zemja zańdžetaj, moje słowa pak njezańdu.

32. Wo tom dnju abo tej hodžinje ničtó njewě, ani jandželowje w njebyesach, ani Syn,* jenož Wótc.

33. Hladajće, kedžbujće a modlće so; přetož njewěśće, hdy budže (tón) čas. Mat. 24, 42.

32. Wótc njewozjewi nikomu čas sudneho dnja, stworjenje jón njewě. To wupraji Zbóžnik na toje wašnje: jón njewě čłowjek, tež nic jandželowje w njebyesach, hač runje su před Božim wobličom, jón njewě ani „Syn“, dokelž tež wón ma džěl na stworjenju, jako z čłowjeskej natury zjenućeny. Jako Syn Boží drje je knjez nad časom, a znaje tohodla sam ze sebjě přichodnosć. Po svojim čłowjestwje pak njewě čas a hodžinu sudneho dnja.

XIV. 8. Tudy powědany podawk sta so šěsć dnjow před jutrami. Narda je rostlina, kotraž w Indiji rośće, z jeje łopjenow a kłosow přihotuje so derje wonjacy wolij; tón z kłosow je dróžši. Sudowja, w kotrychž so wolij khowa, su najbóle z alabastra a maja dołhu wuzku šijku, kotraž so rozlamje, hdyž ma so wolij wuleć.

34. Jako čłowjek, přeč so podawacy, swój dom wopuściwši svojim wotročkam móc kóždeho džěla přepoda, přikaza tež wrótnikej, zo by kedžbowal.

35. Kedžbujće tohodla (přetož njewěśće, hdy knjez domu přińdže, wječor abo wo połnocy, při honačowym spěwanju, abo rano),

36. Zo by, hdyž nagle přińdže, njena-makał was spjacych.

37. Štož pak wam praju, wšitkim praju: Kedžbujće!

STAW XIV.

Wyšši měšnicy wuradžuja, kak bychy Jězusa morili, hdyž bě žónska z drohej žalbu jeho žalbo-wała. Jězus bu přeradženy wot Judaša; wón wo přeradžě rěči k svojim wučownikam při wječeri, při kotrejž khlěb do swójeho čěla a wíno do krewje přezohnowa. Wěšći, zo budža wšitecy nad nim so pohóršować a zo jeho Pětr třikrát zaprje, a po třikrátým modlenju je za-jaty wot Židow, z kotrychž jenomu Pětr wucho wotrubny. Wučownicy rozčěkaju, a Jězus, před Kaifasom wot falšnych swědkow wobskoržowany, je k smjerći wotsudženy, poplwany, bity, a wot Pětra je tři krát zaprěty.

Běchu pak za dwaj dnaj jutry a swje-dzeń njekisanych khlěbow; a wyšši měš-nicy a pismawučeni pytachu, kak bychy jeho z lesću zajeli a morili.

Mat. 26, 2; Luk. 22, 1.

2. Prajachu pak: Nic na swjatym dnju, zo by trjebaj zběžk njenastał mjez ludom.

3. A hdyž běše w Bethaniji w domje wusadneho Symana a za blidom sedžeše, přińdže žónska, kotraž měješe alabastru buškwiću z drohej žalbu z kłosojteje nardy, a rozbiwši alabastru wula ju na jeho hłowu.* Mat. 26, 6; Jan. 12, 1.

4. Běchu pak někotři, kotřiž při sebi so hněwachu, a prajachu: Přeco je tuto rozleće žalby so stało?

5. Přetož žalba móžeše so předać za wjacý dyžli za tři sta dżesatnikow, a to so khudym dać. A woni morkotachu na nju.

6. Jězus pak rjekny: Wostajće ju, přecho sće jej wobćežni? Dobry skutk je na mni sčiniła.

7. Přetož khudych maće přeco při sebi, a hdyž zechceće, móžeće jim dobrotu sčinić; mje pak přeco nimaće.

8. Wona sčini, štož móžeše; přińdže do časa, zo by moje čěło žalbowala k pohrjebej.

9. Zawěrnó praju wam: Hdžežkuli budže tuto ewangelium přédowane po wšom swěće, budže tež, štož je wona činiła, powědane k jeje wopomnjeću.

10. **A** Judaš Iskariot, jedyn z dwanaći, woteńdže k wyšším měšnikam, zo by jim jeho přeradził. Mat. 26, 14.

11. Woni pak to slyšawši, zwjeselichu so, a slubichu, zo jemu pjenjezy dadža. A wón hladaše, kak by jeho přisprawnje podał.

12. **A** přeni džen njekisanych khlěbow, hdyž jutrowne jehnjo woprowachu, prajachu jemu wučownicy: Hdže chceš, zo bychmy šli, a přihtowali tebi, zo by jutrowne jehnjo jědl? Mat. 26, 17; Luk. 22, 7.

13. A pósła dweju ze swojich wučownikow a praji jimaj: Džitaj do města, a zetka waju čłowjek, karan wody njeso; za tym džitaj.

14. A hdžežkuli nuťr pónďže, rjekńtaj knjezej domu: Mištr praji: Hdže je moja jědzěfnja, zo bych jutrowne jehnjo jědl ze swojimi wučownikami?*

15. A wón wamaj pokaže wulku jědzěfnju připrawjenu, a tam přihtujtaj nam.

16. A jeho wučownikaj woteńdžeštaj a přińdžeštaj do města, a namakaštaj, kaž bě jimaj prajil, a přihtowaštaj jutrowne jehnjo.

17. Hdyž pak wječor bu, přińdže z dwanaćimi. Mat. 26, 20; Luk. 22, 14; Jan. 13, 21.

18. A hdyž za blidom sedžachu a jědzachu, rjekny Jězus: Zawěrnó praju wam, zo jedyn z was mje přeradzi, kotryž ze mnu jě.

19. A woni počachu so rudzić a jemu kóždy wosebje prajić: Sym ja?

20. A wón džeše k nim: Jedyn z dwanaći, kotryž ze mnu ruku mača we škli.

21. Syn čłowjeka drje dže, jakož je pisane wo nim; běda pak tomu čłowjekej, přez kotrehož budže Syn čłowjeka přeradžený; derje by jemu bylo, hdy budžež tón čłowjek so njenarodzil.

Ps. 40, 10; Jap. sk. 1, 16.

22. A hdyž woni jědzachu, wza Jězus khlěb a požohnowawši lamaše a da jim, a džeše: Wzmicie, to je moje čěło.

Mat. 26, 26; 1. Kor. 11, 24.

23. A wzawši keluch a so džakowawši da jim; a pijachu wšitcy z njeho.

24. A džeše k nim: Tuto je moja krej noweho zakonja, kotraž budže za mnohich přelata.

25. Zawěrnó praju wam: Hižo njebudu pić wot tohole płodu winoweho pjenja hač do toho dnja, hdyž budu jón pić nowy w kralestwje Božim.

26. **A** khwalbny spěw wuspěwawši, wuńdžechu na Wolijowu horu.

27. A Jězus džeše k nim: Wšitcy budžeće so na mni pohóršować w tutej nocy, dokelž je pisane: „Zbiju pastyrja, a wowcy so rozpjerša.“ Mat. 26, 31; Jan. 16, 32;

Zach. 13, 7.

28. A hdyž wot mrtwych wstanu, pónđu prjedy was do Galileje. Niže 16, 7.

29. Pětr pak džeše k njemu: A bynje so wšitcy nad tobu pohóršowali, ale ja nic.

30. A Jězus džeše k njemu: Zawěrnó praju tebi, zo mje ty džensa w tutej nocy,

14. Jutry mějachu Židža w swojich domach. Hdžež so hodžeše, běchu jstwy jako jědzěrne připrowane za přecelow a tež za cuzych, kotřiž běchu do Jeruzalema na swjedžen přišli. We wosobnich domach běchu tajke jstwy z drohimi płachtami přikryte a z rjanymi hlówakami pokládžene, dokelž rańše ludy při jědźi na zemi sedžachu z lěwicu so na hlówak zepjerajcy.

prjedy hač honač dwójcy zaspěwa, tři króc zaprješ.

31. Wón pak dale rěčeše: A byrnje dyrbjal z tobu tež wumrěć, njezapru tebe.

32. A woni přindžechu do nuknicy, kotraž Gethsemani rěka. A wón džeše k swojim wučownikam: Sedźće tudy, hač so pomodlu. Mat. 26, 36; Luk. 22, 40.

33. A wza Pětra a Jakuba a Jana sobu; a poča rčec a so tyšić.

34. A džeše k nim: Zrudna je moja duša hač do smjerće; wostańće tudy a njespiće.

35. A wotšedši tróšku dale padže na zemju, a modleše so, zo by, by-li móžne bylo, ta hodžina wotešla wot njeho.

36. A rjekny: Abba Wótče, wšitko je tebi móžne, wzmi tónle keluch wote mnje; tola nic, štož ja chcu, ale štož ty (chceš).

37. A wón přindže a namaka jich spjacych. A džeše k Pětrej: Symanje, spiš? njemóžešće jenu hodžinu wotućeni wostać?

38. Njespiće a modlé so, zo byšće do spytowanja njepadnyli. Duch drje je zwólniwy, mjaso pak slabe.

39. A zaso wotšedši modleše so, tesame słowa prajo.

40. A wróciwši so znova namaka jich spjacych (přetož jich woči běštej wobceženej), a njewědzachu, što bychu jemu wotmołwili.

41. A přindže třeci króc, a džeše k nim: Spiće nětk a wotpočniće. Dosć je; přišla je hodžina; hlej, Syn łowjeka budže podaty do rukow hrěšnikow.

42. Wstańće, pójmy; hlej, kotryž mje poda, je blisko.

43. A hdyž wón hišće rěčeše, přindže Judaš Iskariot, jedyn z dwanaći, a z nim wulka črjóda z mječemi a kijemi, wot wyšich měšnikow a pismawučenych a staršich (pósłani). Mat. 26, 47; Luk. 22, 47; Jan. 18, 3.

44. Jeho přeradnik pak bě jim znamjo dał, prajo: Kotrehož wokošu, tón je; přimńće jeho a wjedźće kedźbnje.

45. A hdyž bě přišoł, hnydom k njemu přistupiwiši rjekny: Budź postrowjeny, rabbi, a wokoši jeho.

46. Woni pak zložichu rucy na njeho, a zajachu jeho.

47. Jedyn pak z wokoło stojacych wučěže mječ, dyri wotročka wyššeho měšnika, a wotča jemu wucho.

48. A wotmołwjejo džeše Jězus k nim: Jako na rubjeznika sće wušli z mječemi a kijemi, zo byšće mje zajeli.

49. Wšědnje běch pola was w templu wučo, a njejsće mje jimali. Ale (to so nětko sta), zo bychu so dopjelnile pisma.

50. Tehdy jeho wučownicy, wostajiwiši jeho, wšitcy čeknychu. Mat. 26, 56.

51. Jedyn młodźenc pak džěše za nim, wodžety z rubom na nahe čělo, a přimnychu jeho.*

52. Ale pušćiwiši rub čekny nahi wot nich.

53. A přiwdžechu Jězusa k wyššemu měšnikej; a zeńdžechu so wšitcy měšnicy a pismawučeni a starši. Mat. 26, 57; Luk. 22, 54; Jan. 18, 13.

54. Pětr pak džěše za nim nazdala hač do znutřowneho dwora wyššeho měšnika; a sedžeše ze služownikami při wohnju, a wohrěwaše so.

55. Wyšši měšnicy pak a cyła rada pytachu swědčenje přeciwo Jězusej, zo bychu jeho k smjerći podali; ale nje-namakachu. Mat. 26, 59.

56. Přetož mnozy falšne swědčenje dawachu přeciwo njemu; ale jich swědčenja njeběchu jenajke.

57. A někotři wstanywši dawachu falšne swědčenje přeciwo njemu, prajicy:

58. My smy jeho prajić slyšeli: Ja powalu tutón z ruku wudžěłany templ, a

51. Tónle młodźenc drje njeslušeše k japoštołam a tež nic k 72 wučownikam; najakerje je Jězusa znał a časćio na jeho wučby poslučał. Přez nócnu haru wubudženy khwataše, kajkiž bě, a čahom, zo by zhonił, što so z Jězusom stanje. Někotři wukładowarjo s. pisma praja, zo je to Jan Mark był, kotryž je tuto ewangelium napisał. Wón bě tehdy hišće młodźenc.

natwarju za tři dny druhi, nic z ruku wudžěłany.

59. A jich swědčenje njebě jenajke.

60. A wyšši měšnik wstanywši wosrjedza woprašo so Jězusa prajo: Njewotmołwješ ničo na to, štož přećiwo tebi so swědči wot nich?

61. Wón pak mjelčeše a njewotmołwi ničo. Znowa jeho wyšši měšnik so prašeše a rjekny jemu: Sy ty Khrystus, Syn khwaleneho Boha?

62. Jězus pak rjekny jemu: Ja sym; a wy budžeće widžec Syna čłowjeka sedźaceho k prawicy mocy Božej a přikhaďzaceho z mróčelemi njebja.

Mat. 24, 30 a 26, 64.

63. Wyšši měšnik pak rozdrěwši swoje drasty džeše: Što hišće trjebamy swědkow?

64. Słyšeli sće bohahanjenje; što so wam zda? Woni wšitecy wotsudžichu jeho, zo je smjerće winowaty.

65. A někotři počachu na njeho pluwać a jeho wobličo zawodžewac a z pjasćemi jeho bić a jemu prajić: Wěšć nam; a služownicy jeho kleskachu.

66. ▲ hdyž bě Pětr w dworje deleka, přindže jena ze služownicow wyššeho měšnika.

Mat. 26, 69; Luk. 22, 56; Jan. 18, 17.

67. A wuhladawši Pětra so wohrěwaceho, praji na njeho pohladawši: Tež ty běše z Jězusom Nazarenskim.

68. Ale wón zapře prajo: Ani njeznaju jeho, ani njewěm, što prajiš. A wón wuńdže před dwór, a honač zaspěwa.

69. Hdyž pak bě jeho služownica zaso wuhladala, poča wokolostojacym powědać, zo je tež wón wot nich.

Mat. 26, 71.

70. Ale wón znowa přeješe. A po khwilcy prajachu zaso, kotřiž tam stojachu, k Pětrej: Woprawdže, sy wot nich; přetož sy tež Galilejski.

Luk. 22, 59; Jan. 18, 25.

71. Wón pak poča kleć, a přisahać: Njeznaju toho čłowjeka, wo kotrymž rěčiće.

72. A hnydom zaspěwa honač znowa. A Pětr dopomni so na słowo, kotrež bě

jemu Jězus prajił: Prjedy hač honač dwójcy zaspěwa, zaprješ mje tři króc. A wón poča plakać.

Mat. 26, 75; Jan. 18, 28.

STAW XV.

Jězus před Pilatom wobskorženy ničo njewotmołwja. Barabbas je pušćeny, Jězus je ke křižowanju podaty. Wot wojakow wusměšany je wjedzeny na Golgotha a po rozdžělenju drasty je mjez mordarjomaj křižowany a słyši hanjenja wot wšelakich ludźi wuprajene. Při nastatej čmě zawoła Jězus Eli; z kisałom napojeny wudychny wótre zawołajo. Jeho čěło je wot Józefa pohrjebane.

▲ hnydom rano wuradziwši wyšši měšnicy ze staršimi a pismawučeny a z cyłej radu, a zwjazawši Jězusa wjedžechu a podachu jeho Pilatej.

Mat. 27, 1;

Luk. 22, 66; Jan. 18, 28.

2. A Pilatus so jeho woprašo: Sy ty kral Židow? Wón pak wotmołwjejo džeše k njemu: Ty prajiš.

3. A wyšši měšnicy wobskoržowachu jeho we mnohim.

Mat. 27, 12; Luk. 23, 2

4. Pilatus pak woprašo so jeho zaso prajo: Njewotmołwješ ničo? hlej, w kak mnohim tebj wobskoržuja.

Jan. 18, 33.

5. Jězus pak ničo wjac njewotmołwi, tak zo Pilatus so džiwaše.

6. Na swjaty džen pak pušćowaše jeno z jatych, kotrehožkuli žadachu.

7. Běše pak jedyn, z mjenom Barabbas, ze zběžkarjemi zajaty, kotryž bě při zběžku mordafstwo skučil.

8. A hdyž lud horje přindže, poča prosyc (zo by sćinil), jakož jim přeco činješe.

9. Pilatus pak wotmołwi jim a rjekny: Chceće, zo wam krala Židow pušću?

10. Přetož wón wědžeše, zo běchu jeho wyšši měšnicy ze zawisće podali.

11. Wyšši měšnicy pak našćuwachu lud, zo by jim radši Barabbasa pušćil.

12. Pilatus pak zaso wotmołwjejo džeše k nim: Što pak chceće, zo sćinju kralej Židow?

Mat. 27, 22; Luk. 23, 14.

13. A woni zaso wołachu: Křižuj jeho!

14. Pilatus pak praješe jim: Što drje je zleho sćinil? Woni pak bóle wołachu: Křižuj jeho!

15. Pilatus pak chejjo ludej dosć činić, pušći jim Barabbasa, a poda jim Jězusa wušwikaneho, zo by křižowany byl.*

16. Wojacy pak dowjedźechu jeho do přidwora sudnicy, a zwolachu cyłu ko-hortu.

Mat. 27, 27; Jan. 19, 2.

17. A wobležechu jeho z purpuirom, a spletši černjowu krónu stajichu ju jemu.

18. A počachu jeho postrowjjeć: Budź postrowjeny, kralo Židow.

19. A bijachu jeho hłowu ze sćinu, a pluwachu na njeho, a zhibowawši kolena klonjachu so před nim.

20. A hdyž běchu jeho wusměšeli, wuslečechu jeho purpur a wobležechu jeho z jeho drastu; a wjedźechu jeho won, zo bychu jeho křižowali.

21. A přinućichu wěsteho Symana Cyrenejskeho, nana Alexandra a Rufa, kotryž z nuknicy přišedši nimo džěše, zo by jeho křiž njesl.*

Mat. 27, 32; Luk. 23, 26.

22. A dowjedźechu jeho na město Golgotha, kotrež přeložene rěka: nopowišćo.

23. A dawachu jemu pić myrrhowe wino; ale wón njewza.

24. A křižowawši jeho rozdźělchu jeho drastu, mjetajcy lós wo nju, što by što dóstał.

Mat. 27, 35; Luk. 23, 34; Jan. 19, 23.

25. Běše pak třeca hodžina; a křižowachu jeho.

26. A bě napis jeho winy napisany: Kral Židow.

27. A z nim křižowachu dweju mordarjow, jenoho na jeho prawicy, a druhého na ľewicy.

28. A dopjelni so pismo, kotrež praji: „A mjez zlóstnikow bu ličeny.“

Is. 53, 12.

29. A kotřiž nimo khodźachu, hanjachu jeho, zatřasujcy z hłowu a prajicy: Ha, kotryž torhaš templ Boží a za tři dny zaso twariš:

Jan. 2, 19.

30. Pomhaj sebi samomu a zestup ze křiža.

31. Tohorunja wusměwachu jeho tež wyšši měšnicy, a prajachu mjez sobu z pismawučeny: Druhim je pomhał, sebi samomu pomhać njemóže;

32. Khrystus, israelski kral, njech nětko zestupi ze křiža, zo bychmy widźeli a wěрили. A tež, kotrajž buštaj z nim křižowanaj, wusměšeštaj jeho.

33. A hdyž bě šesta hodžina, bu čma po cylej zemi hač do džewjateje hodžiny.

34. A w džewjatej hodžiny zawola Jězuz z wulkim hłosom prajo: „Eloi, Eloi, lamma sabakthani!“, štož je přeložene: Mój Božo, mój Božo, čohodla sy mje wopušćil!

Ps. 21, 2; Mat. 27, 46.

35. A někotři z wokolostojacych slyšawši to prajachu: Hlej, Eliasa woła.

36. Jedyn pak běžawši napjelni hubicu z kisałom a tyknywši ju na sćinu dawaše jemu pić prajo: Wostajće, hladajmy, přinǵdže-li Elias, zo by jeho dele wzał.

37. Jězuz pak zawolał z wulkim hłosom wudychny.

38. A zawěšk w templu roztorže so na dwoje, wot wjercha hač dele.

XV. 15. Město, na kotrymž Pilatus jako sudnik sedžeše, bě powyšene; někotře skhodźenki wjedzechu k njemu. Jězuz stoješe na powyšnym měsće, lud pak na skhodźenkach a na hasy. Z powyšeneho města přinǵdže so hnydom do sudneho dwora, hdžež běchu městnosće za wojakow, kotřiž mějachu runje službu. Jim bu Jězuz přepodaty, zo by šwikany byl. Tak bě Zbóžnik cyle wot swojeho ludu dźěleny a zastorčeny w pohanskej mocy. Wojacy jeho jako krala Židow hanjachu. — 21. Jězusa přewodžeše drje wjele ludźi, tola wojacy nuzuja Symana z města Cyrene, zo by jemu pomhał křiž njesć. Cyrene bě lybiske město, w kotrymž pak tež wjele Židow bydleše, a kotřiž k wulkim swjědženjam do Jeruzalema přikhadźachu. Syman bě tak na jutry do Jeruzalema přišoł. Najskerje bě wón na wasy přenocował, snadź při přecelach, dokelž wšitcy cuzy njemějachu města w Jeruzalemje. Ducey do Jeruzalema zetka nětko Jězusa na křižowym puću. Zo Mark runje jeho synow Alexandra a Rufa mjenuje, sta so tohodla, dokelž běštaj tehdy, hdyž Mark swoje ewangelium pisaše, powšitkownje a tež w Romje znataj křesćanskaj mužej; hl. Jap. skutki 19, 33; Roms. 16, 13.

39. Stotnik pak, kotryž napřečo stoješe, widžawši, zo je tak wołajo wudychnył, džeše: Woprawdže tónle čłowjek bě Syn Boží.

40. Běchu pak tam tež žónske nazdala přihladowace, mjez kotrymiž bě Marija Madlena, a Marija, mać Jakuba mjeńšeho a Josefa, a Salome. Mat. 27, 55.

41. Hdyž běše wón w Galileji, khodžachu wone za nim, a poslužowachu jemu, a mnohe druge, kotrež běchu z nim do Jeruzalema přišle.

42. ▲ hdyž bu hižo wječor pozdže (dokelž bě dzeń prihotowanja, to je: před sabatom), Mat. 27, 57; Luk. 23, 50; Jan. 19, 38.

43. Přińdže Józef z Arimatheje, wosobny radny knjez, kotryž tež wočakowaše kralestwo Bože, a dóńdže khroble k Pilatej a prošeše wo Jězusowe čelo.

44. Pilatus pak so džiwaše, zo je hižo wumřěl. A přiwoławši stotnika, woprašo so jeho, je-li hižo mrtwy.

45. A to wot stotnika zhoniwši dari čelo Jozefej.

46. Józef pak kupi rub a wzawši jeho dele zawali jeho do ruba, a položi jeho do rowa, kotryž bě do skały wurubany; a přiwalí kamjeń k rowowym durjam.

47. Marija Madlena pak a Marija Józefowa přihladowašeť, hdže bu položeny.

STAW XVI.

Žónskim při Jězusowym rowje so džiwacym při-powěda jandžel jeho wot-mrtwych-wstaće; Jězus zjewi so najprjedy Mariji Madlenje, potom dvě-maj wučownikomaj pod hinašej podobu; na to zjewi so jednacóm, kotřiž za blidom sedžachu, a jich njewěru jim porokowawši wupósła jich, zo bychu předowali a křčili, znamjenja přidawajo, kotrež budza wěriwych přewodžeć.

A hdyž bě sabat so minyl, kupichu Marija Madlena, a Marija Jakubowa a Sa-

lome wonjace zela, zo bychu šle a Jězusa žalbowale. Mat. 28, 1; Luk. 24, 1; Jan. 20, 1.

2. A zahe rano na přeni dzeń w ty-dženju přińdžechu k rowej, hdyž bě slónco hižo zeskhadžalo.*

3. A prajachu mjez sobu: Štó wotwali nam kamjeń wot rowowych duri?

4. A tam pohladawši wuhladachu kamjeń wotwaleny; přetož běše jara wulki.

5. A zastupiwši do rowa, wuhladachu tam młodźenca, sedžaceho na prawicy, z bělej drastu woblečeneho; a postróžichu so. Mat. 28, 5; Luk. 24, 4; Jan. 20, 12.

6. Wón pak jim praji: Njebójće so. Jězusa pytaće Nazarenskeho, křižowancho; wón je z mrtwych wstanyl, njeje tudy; hlej město, hdžež běchu jeho položili.

7. Ale džiće, prajće jeho wučownikam a Pětrej, zo prjedy was dže do Galileje; tam jeho wuhladaće, jakož je wam prajil.* Mark. 14, 28.

8. A wone wušedši čeknychu wot rowa; přetož strach a bojósć přińdže na nje; a njerjeknychu nikomu nič, dokelž so bojachu.*

9. Wstanywši pak zjewi so wón rano na přnim dnju tydženja najprjedy Mariji Madlenje, z kotrejež bě sedm djabolow wuhnal. Jan. 20, 16.

10. Wona pak wotšedši powědaše tym, kotřiž běchu z nim byli, zrudnym a plakacym.

11. A woni slyšawši, zo je žiwy, a zo je widžany byl wot njeje, njewěrjachu.

12. Na to pokaza so dvěmaj z nich na puću pod hinašej podobu, hdyž na kraj džěštaj.* Luk. 24, 13.

13. A wonaj powědaštaj ducy druhim; a tež jimaj njewěrjachu.

XVI. 2. Při switanju wopuščichu Jeruzalem; tola hdyž běchu k rowej přišle, běše hižo swětlo, tak zo móžachu wšitko derje rozeznować. — 7. Pětr so tudy wosebje mjenuje jako wjeřch japoštołow a cyrkwyje. — 8. Strach a bojósć napjelni žónske při wuhladanju tak spodziwnych wěcow a při slyšenju tak njewočakowanych nowinkow. Dokelž so bojachu, zo same prawje njeslyša a prawje njewidža, njepowědachu wo tom, štož bě jim jandžel poručil; hdyž bě so Knjez sam Mariji Madlenje wosebje zjewil, přinjese wona japoštołam powěstwo. — 12. t. j. dvěmaj wučownikomaj, kotrajž do Emmausa džěštaj.

14. Na posledku pak, hdyž ěi jědnaćo za blidom sedžachu, zjewi so jim, a porokowaše jich njewěru a twjerdosć wutroby, dokelž njeběchu tym wěрили, kotřiž běchu widželi, zo je z mórtych wstanyl.

15. A rjekny jim: Džiće do cyleho swěta, a předujeć ewangelium wšitkomu stworjenju.

16. Štóz wěri a so křćić da, budže zbóžny; štóz pak njewěri, budže zatamany.

17. Znamjenja pak budža tych, kotřiž wěrja, tute scěhować: W mojim mjenje

budža djabliska wuhonjeć, z nowymi řećemi řećeć; Jap. sk. 2, 4; 10, 46; 16, 18.

18. Hady zběhać, a bych-li něšto smjertliwe pili, njebudže jim škodzić, na khorých budža rucy klasć, a budža wustrowjeni. Jap. sk. 28, 5; 28, 8.

19. A Knjez Jězus, hdyž bě z nimi řećał, bu do njebies wzaty, a sedži na prawicy Božej.* Luk. 24, 51.

20. Woni pak woteńdžechu a předowachu wšudžom, a Knjez skutkowaše z nimi a wobtwjerdžowaše słowo z džiwami, (na nje) scěhowacymi.*



SWJATE EVANGELIUM JĚZUSA KHRYSTUSA PO LUKAŠU.

STAW I.

Jandžel Gabriel připowěda měšnikej Zachariasej, zo jeho mandželska Hilžbjeta, dotal njeplódna, Jana podejmje. Zacharias, jandželej to nje-wěriwši, zhubi řeć. Jandžel Gabriel připowěda Mariji, zo Jězusa, Syna Božeho, z Ducha swjateho podejmje. Při Marijnym postrowjenju poskoči Jan w maćernym žiwocie a Hilžbjeta wěšći, Marija pak khwali Boha. Na dnju wobřezanja swjeho syna Jana zanjesa Zacharias jeho nan, řeć znova dóstawši, swój džakny spěw.

Dokelž mnozy* spytachu porjadnje powědać wěcy, kotrež su so mjez nami dokonjale,

2. Kaž nam je podachu ěi, kotřiž su je wot spočatka sami widželi a služownicy słowa byli:

3. Zdaše so tež mi, zo bych, wot spočatka wšitko pilnje zhoniwši, po rjedće tebi napisał, najlěpši Theofilo,* Jap. sk. 1, 1.

4. Zo by spóznał wěstosć tych slowow, wo kotrychž bu rozwučeny.

5. Běše we dnjach Herodesa, krala Judeje, měšnik z mjenom Zacharias, z Abiasoweje* rjadownje, a jeho mandželska z Aaronowych** džowkow, a jeje mjeno Hilžbjeta.

1. Paral. 24, 10.

19. „A Knjez Jězus, hdyž bě z nimi řećał“, te słowa njepočahuja so na to, štož je w poslednich rjadkach pisane, ale na wšitke powučjenja, kotrež bě jim po swojim horjestaću dawał. — 20. W tutom rjadku je zkrótka woprijata cyła stawizna japoštołskeho skutkowanja swjateje cyrkwy: stawizna jeje rozšěrjenja (woni ěhnjechu), jeje wučby (woni předowachu wšudžom), jeje bóžskeje podpjery (Knjez wobtwjerdžowaše jich słowo z džiwami). Swjata cyrkej rozšěrjuje ewangelium mjeze wšemi ludami a dopjelnja hač do džzensnišeho dnja přikaznju swjeho bóžskeho založerja.

I. 1. Jězusowe žiwjenje, jeho wučby a jeho skutki běchu pódla s. Mateja a s. Marka hišće druzy wopisali, drje w dobrym wotpohladanju, tola bjez wustojnosće; to pohnu s. Lukaša, wučownika s. Pawoła, zo čerpajo z čistych žórłow, wot spočatka a po rjedće najwážniše podawki z Jězusoweho žiwjenja wopominaše, na kotrychž wěrnosć a wěstosć křescanskeje wěry wotpočuje. — 2. Theofil, kotremuž s. Lukaš swojej spisaj, ewangelium a japoštołske skutki poswjeći, bě najskeje wysoki romski zastojnik, kiž je zahe křescansku wěru přijal a kotrehož chce nětko s. Lukaš we njej wobkrućić. — 5. Tajkich měšnickich rjadownjow běše 24, kotrež so do služby we templu džělahu, tak zo jena po druhej w postajenym času do Jeruzalema přikhadžeše. 1. Paral. 24, 10. ** t. r. jeje nan bě z měšniškeho splaha Aaronoweho, po maćeri pak bě wona z Davidoweho splaha, dokelž běše ěta Marije, maćerje Božej. Niže 86.

6. Běštaj pak wobaj sprawnaj před Bohom, khodźicy po wšitkich kaznjach a postajenjach Knjeza bjez poroka.

7. A njeměještaj syna, dokelž bě Hilžbjeta njeplódna, a wobaj běštaj zestariłoj we svojich dnjach.*

8. A sta so, hdyž w porjedže swojeje rjadownje před Bohom měšnistku službu wukonješe,

9. Zo přindže po wašnju měšnistwa na njeho lós,* zo by kadždlo kladl, zastupiši do Knjezoweho templa.**

10. A wšitka mnohosć ludu modleše so wonka* w hodžinje kadženja.

2. Mójz. 30, 7; 3. Mójz. 16, 17.

11. Zjewi pak so jemu Knjezowy jandžel, stojacy na prawicy kadždloweho wołtarja.

12. A Zacharias jeho wuhladawši stróži so, a bojosoć napadny jeho.

13. Jandžel pak džeše k njemu: Njebój so, Zachariaso, přetož wuslyšana je twoja próstwa, a twoja mandželska Hilžbjeta porodži tebi syna a narjeknješ jeho mjeno Jan.

14. A změješ wjesolosć a radosć nad nim, a mnozy budža so wjeselić z jeho narodženja.

15. Přetož budže wulki před Knjezom; a wina a sylneho napoja njebudže pić, a z Duchom swjatym budže napjelnjeny hižo wot žiwota swojeje maćerje,*

16. A mnohe z džěci israelskich wobroći ke Knjezu jich Bohu.

17. A wón pónđe před nim w duchu a mocy Eliasowej,* zo by wobroćił wu-

troby wótcow k synam, a njewěrnych k mudrosći sprawných,** zo by spřihotował Knjezej dospołny lud. Mat. 4, 6;

Mat. 11, 14.

18. A Zacharias rjekny k jandželej: Z čoho to poznaju? Přetož ja sym stary, a moja mandželska je zestarila we svojich dnjach.

19. A jandžel wotmołwjejo rjekny jemu: Ja sym Gabriel, kotryž stoju před Bohom, a sym posłany, zo bych z tobu rečal, a tuto dobre powěstwo tebi přinjesl.

20. A hlej, budžeš němý, a njebudžeš móc rečeć hač do dnja, na kotrymž so to stanje, dokelž njejsy wěril mojim słowam, kotrež so dopjelnja we swoim času.

21. Lud pak wočakowaše Zacharias; a džiwachu so, zo wón w templu so komdži.

22. Wustupiwiši pak njemóžeše k nim rečeć;* a spóznachu, zo je zjewjenje widzał w templu. A wón kiwaše jim, a wosta němý.

23. A sta so, hdyž dny jeho služby so dopjelnichu, woteńdže do swojeho domu.

24. Po tych dnjach pak podja Hilžbjeta, jeho mandželska, a potaji so pjeć mėsacow prajicy:

25. Tak je mi sćinił Knjez we dnjach, w kotrychž na mnje spohlada, zo by wotewzał moju hašbu mjez čłowjekami.*

26. W šestym mėsacu pak bu posłan jandžel Gabriel wot Boha do města w Galileji, kotrehož mjeno je Nazareth,

7. t. r. hižo při wysokich lětach. — 9. Měšnicy mjez sobu losowachu, kotry z nich ma službu wukonjeć; ** t. r. do přeněho džěla templa, do swjatnicy, hdžež kadždlowy wołtaf stojěše, na kotrymž so dwójcy za džěn při rańšej a wječornej modlitwje kadždlo (woruch) nad žehliwym wuhlom zapali. Druhi džěl templa, najswjećiše, bě přez płachtu wot swjatnicy džěleny a do njeho wyšši měšnik jeno jónu za lěto zastupi. — 10. t. j. w temlowym předdworje. — 15. W maćernym žiwocie, we wokamiku njenu, w kotrymž Marija Hilžbjetu postrowi, bu Jan z Duchom swjatym napjelnjeny; dokelž Duch swjaty do hrěšnjeje duše njezastupi, wuča swjeći wótcowje, zo bu Jan přes Jěsusowu přitomnosć w maćernym žiwocie wot herbskeho hrěcha wučisceny. — 17. t. r. wón budže Knjezej puć přihotować, hl. Mat. 3, 8. 11. 14. ** t. r. zo by zaščěpił do wutroby staršich lubosć k svojim džěćom, a do wutroby džěci lubosć k staršim a zo by powšitkownje pohnul njeposlušnych k poslušnosći přeciwu Božim kaznjam. — 22. Měšnik měješe po dokonjanym woporje w swjatnicy lud požehnować; dokelž Zacharias to njemóžeše, sudžeše lud, zo je so jemu něšto spodźiwneho stalo. 25. Pola Židow bě hašba, hdyž džěci njemějachu.

27. Ke knjeznje, slubjenej z mužom, kiž rěkaše Józef, z domu Davidoweho; a mjeno knježny bě Marija. Mat. 1, 18.

28. A zastupiwiši k njej rjekny jandžel: Strowa sy, hnady polna! Knjez je z tobu; žohnowana sy ty mjez žónskimi.

29. Hdyž to wusłyša, postróži so na jeho rěči, a mysleše, kajke by to postrowjenje bylo.

30. A jandžel džeše k njej: Njebój so, Marija; přetož hnadu sy namakala pola Boha.

31. Hlej, podejmješ w žiwóce, a poro-
džiš syna, a budžeš jeho mjeno Jězus rěkać. Is. 7, 14; niže 2, 21.

32. Tón budže wulki, a syn Najwyš-
šeho budže mjenowany; a Bóh Knjez da
jemu stoł Davida jeho wótca, a budže
kralować w domje Jakubowym na wěčne,
Dan. 7, 14. 27; Mich. 4, 7.

33. A jeho kralowanja njebudže kónč.*

34. Marija pak rjekny k jandželej: Kak
so to stanje, dokelž muža njepóznawam?

35. A wotmolwjejo rjekny jej jandžel:
Duch swjaty přinǵđe na tǵbje, a móc
Najwyššeho tǵbje wobsčǵni, a tohodla
budže tež, štož so z tǵbje Swjate narodži,
Syn Boži rěkać.

36. A hlej, Hilǵbjeta twoja ćeta, tež
wona je syna podjala we swojej starobje;
a tutón mǵsac je jej šesty, kotraž nje-
plódna rǵka;

37. Přetož pola Boha njebudže žana
wǵc njemóžna.

38. Marija pak rjekny: Hlej, sym slu-
žownica Knjeza; stań so mi po twojim
slowje. A jandžel woteńǵđe wot njeje.

39. Wstanywši pak Marija we wonych
dnjach, woteńǵđe do horow khwatajcy do
mǵsta Judy.*

40. A přinǵǵe do domu Zachariasa, a
postrowi Hilǵbjetu.

41. A sta so, hdyž Hilǵbjeta Marijne
postrowjenje zasłyša, poskoči dǵžǵo w jeje
žiwóce. A Hilǵbjeta bu z Duchom swja-
tym napjelnjena;

42. A zawoła z wulkim hǵsow a rjekny:
Žohnowana sy ty mjez žónskimi, a žohno-
wany je plóǵ twojeho žiwota.

43. A zwotkel je mi to, zo je mać mo-
jeho Knjeza ke mni přišla?*

44. Přetož hlej, hdyž hlós twojeho po-
strowjenja do mojeju wuśow zańǵǵe, po-
skoči z wjesolósću dǵžǵo w mojim žiwóce.

45. A zbóžna sy, kotraž sy wǵřila, do-
kelž so dopjelni, štož je tebi prajene
wot Knjeza.

46. A Marija praji: Wulcy khwali
moja duša Knjeza,*

47. A mój duch zraduje so w Bohu
mojim zbóžniku, 1. Kral. 2, 1.

48. Přetož pohladał je na ponižnosť
swojeje služownicy; hlej tuž, wot nǵtka
budža mje zbóžnu khwalić wšitke narody.

49. Dokelž wulke wǵcy je na mni činil,
kotryž mǵcny je, a swjate je jeho mjeno.

50. A jeho smilnosť traje wot naroda
k narodej nad tymi, kotřiž so jeho boja.

51. Wopokazał je móc ze svojim ra-
mjenjow, rozpjǵřil je, kotřiž su hordži
w myslach swojeje wutroby.

Is. 51, 9; Ps. 82, 10.

52. Storǵil je mǵcnych ze stola, a po-
wyšil ponižnych.

53. Hlǵdnych je napjelnil z kublami,
a bohatych je rozpušǵil próǵdnych.

1. Kral. 2, 5; Ps. 33, 11.

54. Přijał je Israela swojeho služow-
nika, wopomniwši swoju smilnosť,

33. t. r. budže wěčne, a njebudže potajkim kralestwam tohole swěta podobne. — 39. Naj-
skerje mǵni so tu mǵsto Hebron, kotrež w krajnje splehej Juda služacej ležeše; je pak tež móžno,
zo je mǵsto, w kotrymž Zacharias bydleše, samo Juda rǵkało. — 43. t. j. mać Boža. — 46. Při
spǵznacu Božeje mocy a mǵlosće njewidži ponižna služownica na sebi žaneje dospǵlosće, kotraž
by tajke wuznamjenjenje zaslužila, wona khwali jenož Knjeza.

55. Jako je rečal našim wótcam, Abrahamej a jeho symjenju do wěčnosće.*

1. Mójz. 17, 9 a 22, 16; Ps. 131, 11; Is. 41, 8.

56. Marija pak wosta při njej na tři měsacy, potom wróci so do swójeho domu.

57. Hilžbjec pak dóndže čas, zo by porodžila, a porodži syna.

58. A jeje susodža a přecelowje wyslyšachu, zo je Knjez wulku miłosć na njej činil, a wjeselachu so z njej.

59. A sta so na wosmy dzeń, zo přindžechu hólčatko wobřezać, a rěkachu jemu z nanowym mjenom Zacharias.

60. A jeho mać wotmołwjejcy rjekny: Ně však, ale Jan dyrbi rěkać.

61. Woni pak rjeknychu k njej: Nichtó w twójim přecelstwjě njeje, kotryž by z tym mjenom rěkal.*

62. A kiwachu jeho nanej, kak by cheył jemu rěkać.

63. A požadawši pisawku napisa prajo:* Jan je jeho mjeno. A wšitcy so dźiwachu.

Wyše 13.

64. Z dobom pak wotewri so jeho rot a jeho jazyk, a wón rěčeše khwalo Boha.

65. A přindže bojosc na wšitkich jich susodow; a po wšěch horach Judeje buchu roznjesene wšitke te słowa.

66. A wšitcy, kotřiž to slyšachu, wzachu sebi to k wutrobje, prajicy: Što, měniš, budže z tutoho dźěsća? Přetož ruka Knjeza běše z nim.

67. A Zacharias, jeho nan, bu z Duchom swjatym napjelnjeny a wěšćeše prajo:

68. Žohnowany budž Knjez, Bóh Israela, dokelž je wopytał* swój lud, a jeho wukupjenje skutkował.

Ps. 53, 12.

69. A je nam pozběhnył rón* zbožownosće w domje Davida, swójeho služownika, Ps. 131, 17.

70. Jako je rečal přez rot swójech swjatych profetow, kotřiž su byli wot spočatka:

Jer. 23, 6 a 30, 10.

71. Wumóženje wot našich njepřecelow a z ruki wšitkich, kotřiž nas hidžachu,

72. Zo by smilnosć sćinil našim wótcam, a wopomnil swój swjaty slub;

73. Po přisazy, kotruž je přisahał Abrahamej, našemu wótcy, zo nam to da:

1. Mójz. 22, 16; Jer. 31, 33; Hebr. 6, 13, 17.

74. Zo bychmy bjez bojosc, z ruki swójech njepřecelow wumóženi, jemu služili,

75. We swjatosći a sprawnosći před jeho wobličom wšitke dny swójeho žiwjenja.

76. A ty, dźěćo, budžeš profeta Najwyššeho rěkać; přetož pónďžeš před wobličom Knjeza, zo by přihotował jeho puće;

77. Zo by dal jeho ludě wědomosć spomóženja we wodawanju jich hrěchow.

Mal. 4, 5; wyše 17.

78. Přez najnutrnišu smilnosć našeho Boha, z kotrejž je nas wopytał skhadžeje z wysokosć,*

Zach. 3, 8 a 6, 12; Mal. 4, 2.

79. Zo by swěcił tym, kotřiž we čmě a w sćěnju smjerće sedža, a k postajenju našich nohow na puć pokoja.

Is. 9, 2.

80. Dźěćo pak rosćeše, a posylnješe so w duchu; a běše w pusciny* hač do dnja swójeho zjewjenja před Israelom.

STAW II.

Po prikazni kejšora Augusta pučuje Józef z Mariju do Bethlehema, kotraž tudy Zbóžnika porodži. Pastyrjo, jeho narod přez jandžela zhoniwši, přindžechu khwatajcy k njemu so modlić. Dětčatko dósta při wobřezanju mjeno Jězus. Po

55. Wočłowječenje Syna Božeho, najwjetši skutk Božje miłosće, je dopjelnjenje sluba, kotryž je Bóh Abrahamej činił a jeho potomnikam wobnowjał. — 61. Pola Židow mjenowachu so dźěći po přecelach z nanoweje abo maćernej strony. — 63. Štož napisa, to sobu tež wupraji. — 68. t. r. z miłosću je pohladał na swój lud. — 69. Rón je znajmo mocy, sylnosće, kotraž so njepřecelow dowobara a jich wotečeri. Z Davidoweho splaha je Bóh mócného wumóžnika zbudził, kotryž njepřecelsku móc zlama. — 78. Přez přikhad Messiasa, kiž je takrjec slónco duchowneho žiwjenja, wopokaže so nam jasnje lubosć a smilnosć Boža; přetož jako slónco čmu rozjasni, tak rozswědi Chrystus, slónco sprawnosće, wšitkich, kotřiž su w duchownej čmě, njewědomych a hrěšnikow, zo bychy prawy puć spóznali, kotryž k pokojej wutroby wjedže. — 80. t. j. puste, wosanočene město při Mortwym morju, hdžež so s. Jan z modlenjom a posćenjom k swjatemu zastojnstwu přihotowaše.

skónčenju čistoscénja bu Jězus do templa njeseny a Knjezej woprowany. Simeon česći jeho z radosću a wěšći maćeri mječ bolosći, a profčina Hana khwali Boha. Dwanaćelětny zhubi so Jězus staršimaj a namaka so mjez wučerjemi w templu; wróci so ze staršimaj do Nazaretha a je jimaj poddaty.

Sta pak so we wonych dnjach, zo kaznja wuńdže wot kejžora Augusta, zo by wopisany byl cyly swět.*

2. Tuto přenje* wopisanje sta so pod Cyrinom, syriskim bohoto.

3. A džěchu wšitcy, zo bychu zapisowani byli, kóždy do swójeho města.

4. Wuńdže pak tež Józef z Galileje z města Nazaretha do Judeje, do města Davidoweho, kotrež Bethlehem rěka, dokelž běše z domu a ze swójbje Davidoweje,

1. Kral. 20, 6; Mich. 5, 2; Mat. 2, 6.

5. Zo by zapisany byl* z Mariju, swójej slubjenej mandželskej, kotraž běše ćežko-žiwotna.

6. Sta pak so, hdyž tam běštaj, dopjelnichu so dny, zo by porodźila.

7. A porodźi swójeho přenjordženeho syna, powi jeho do pjeluškow, a položi jeho do žloba, dokelž města njeměještaj w hospodže.

8. A pastyrjo běchu w tej samej krajinje wotućeni, a dđeržachu nócnu stražu nad swójim stadlom.*

9. A hlej, jandžel Knjeza přistupi k nim, a bóžska jasnosť jich wobswětli, a bojachu so z wulkej bojósću.

10. A jandžel rjekny jim: Njebójće so; přetož hlej, připowěduju wam wulku wjeselosć, kotraž so stanje wšitkomu ludej;

11. Džensa je so wam narodźil zbóžnik, kotryž je Khrystus Knjez, w měsće Davidowym.*

12. A to budže wam znamjo: Namakaće džěcatko, do pjeluškow powite a do žloba položene.

13. A hnydom bě z jandželom mnohosć njebieskich wójskow, kotrež Boha khwalachu prajicy:

14. Česć budź Bohu we wysokosćach a na zemi pokoj čłowjekam dobreje wole.*

15. A sta so, hdyž běchu jandželowje wot nich do njebies wotešli, zo pastyrjo mjez sobu rěchachu: Přeńdźmy do Bethlehemema, a wohladajmy to słowo, kotrež je so stało, kotrež nam Knjez zjewi.

16. A přińdžechu khwatajcy, a namakachu Mariju a Józefa a džěcatko do žloba položene.

17. Wuhladałši je spóznachu słowo, kotrež bě jim prajene wo tom džěcatku.

18. A wšitcy, kotřiž to slyšachu, dźiwachu so, a nad tym, štož bu jim wot pastyrjow powědane.

19. Marija pak zakhowa wšitke tute słowa, rozpominajcy je we swójej wutrobje.

Niže 51.

20. A pastyrjo so wróćichu, slawjachu a khwalachu Boha za wšitko, štož běchu slyšeli a widželi, jakož bu jim prajene.

21. A hdyž so wósm dnjow dopjelni, zo by džěcatko wobrézane było, bu jeho mjeno rěkane Jězus, kotrež bu jemu narjeknjene wot jandžela, prjedy dyžli bu w maćerńym žiwóće podjate.

1. Mójz. 17, 12; 3. Mójz. 12, 3; Mat. 1, 21; wyše 1, 31.

II. 1. Cyly swět, t. j. wšitke kraje, nad kotrymiž Romjenjo knježachu. Kejžor Augustus je w času swójeho 40-lětného knježenja dwójcy jemu podćisnjene kraje wopisać poručil. Při tom dyrbeše so tež wudać, kelko zamóženja štó ma, zo bychu so potom dawki postajiłe. — 2. Druhe wopisanje sta so 9 lět pozdžišo, hdyž bě Archelaus wotsadžený a Judeja, swoju samostatnosť zhubił, jeno jako romska krajina plačeše. — 5. Bethlehem bě Davidowe narodne město a tohodla mějachu so swójbni wótcowje z jeho splaha tam zapisać dać; najskerje měještaj hišće Józef a tež Marija, dokelž wona jako jeničke džěčo swojeje swójbje ju zastupowaše, wěšty podžěl na zhromaďnym zamóženju cyłeho splaha. — 8. W rańších čoplych krajinach wostawaju stadla w lěce a zymje, wodńo a w nocy na pastwje, a dyrba wosebje w nócny čas před zwěrjatami a paduchami so zakitać. — 11. t. j. w Bethlehemje. Wokolina tohole města wočakowaše wosebje žadosćiwje zbóžnikowy narod, dokelž běchu profetowje wěšćili, zo so wón tam narodzi. — 14. t. r. kotřiž su zwólniwi, Božu wolu dokonjeć, wuprajenu w Božich kaznjach, změja měř a spokojnosť we wutrobje, dokelž je jim přez zbóžnikowy narod njebieska zbóžnosť wotewrjena.

22. **A** hdyž běchu dny jeje čistosćenja po zakonju Mójesowym dopjelnjene, njesestaj jeho do Jeruzalema, zo byštaj jeho Knjezej předstajiloj,*

3. Mójz. 12, 6.

23. Jako je pisane w zakonju Knjeza: „Wšitko mužske, štož so přenje narodži, budže Knjezej swjećene rěkać;“*

2. Mójz. 13, 2; 4. Mójz. 8, 16.

24. A zo byštaj wopor daľoj po tom, štož je prajene w zakonju Knjeza: dvě tujawcy abo dweju młodeju hoľbow.

3. Mójz. 12, 8.

25. A hlej, w Jeruzalemje běše čłowjek, z mjenom Simeon; a tónle čłowjek bě sprawny a bohobojazny, wočakowaše spomóženje Israela, a Duch swjaty běše we nim.

26. A wón bě wotmoľwjenje wot Ducha swjateho dóstal,* zo smjerće njewohlada, khiba hač by přjedy wohladaľ Žalbowanca Knjezoweho.

27. A wón přinǵdže, wot Ducha (swjateho) pohnuty, do templa. A hdyž staršej džěcatko Jězus přinjeseštaj, zo byštaj za nje po postajenju zakonja činiľoj,

28. Tu wza wón je na swojej ruce a khwaleše Boha, a praji:

29. Nětko pušćiš svojeho služownika, Knježe, po svojim słowje w pokoju;*

30. Přetož mojej woči stej widźaľoj twoju zbóžnosť,*

31. Kotruž sy přiřetowaľ před woblićom wšitkich ludow,

32. Jako swěťlo k rozswěćenju pobahnow* a jako khwalbu** twojeho ludu Israela.

33. A jeho nan a mać džiwaštaj so nad tym, štož bu wo nim prajene.

34. A Simeon požohnowa jich, a rjekny k Mariji jeho maćeri: Hlej, stajeny je tutón k padej a k horjestaću mnohich* w Israclu, a k znamjenju, kotremuž budže so napřećiwo rěčeć.**

Is. 8, 14; Rom. 9, 33; 1. Pětr. 2, 7.

35. A twoju samsnu dušu přenǵdže nječ,* zo bychy so zjewile zmyslenja mnohich wutrobow.

36. A běše (tam) Hana profecina, Fanuclowa džowka, ze splaha Aser; ta bě zestariła we mnohich dnjach, a bě ze svojim mužom žiwa byla sedm lět wot svojeho knjeźnistwa.

37. A wona bě wudowa na štyri a wósmǵdesat lět, kotraž njekhodžeše z templa, z posćenjom a modlenjom Bohu služicy w nocy a wodnjo.

38. A wona w tej samej hodźinje přistupiwiš, khwaleše Boha a powědaše wo nim wšitkim, kotřiž wočakowachu wumóženje Israela.

39. A hdyž běštaj wonaj wšitko po zakonju Knjeza dokonjaľoj, wróćištaj so do Galileje, do svojeho města Nazaretha.*

40. Hoľcatko pak rosćeše a posyľnowaše so, poľne mudrosće, a ľnada Boža běše we nim.

22. t. r. jeho woprowaľoj Knjezej, kotremuž jako přenǵorǵženy sľušeše. — 23. t. r. dyrbi Knjezej swjećene być. — 26. t. r. jemu bu zjewjene, zo njewumrje. — 29. t. r. radostnje z tohole žiwjenja. — 30. t. r. Khrystusa, kotryž je žórľo našeje zbóžnosće. — 32. t. r. zo by jako wučer ze swojej wučbu pohanski blud rozswěťlił. ** Za israelski lud je najwjetša khwala, zo je so z njeho Zbóžnika swěta po čěle narodził. — 34. t. r. mnozy budža so na nim pohóršować a začisnu jeho jako Zbóžnika; tym budže wón k padej a zahubje; mnozy pak budža do njeho wěrić, tym budže wón k horjestaću a k zbóžnosći. ** t. r. jeho wučbje a jeho kazňam, kotrež so njeznjesu z wučbu a z kazňami swěta, budža so napřećiwjeć. — 35. Tu wěšći maćeri Božej surowu bolosć, kotraľ na nju čaka. Čěrpjenje a bolosćiwja smjerć Zbóžnikowa měješe zmyslenje čłowjekow wozjewić, sami japoštoľowje njemóžachu prawje zapřijeć Zbóžnika, kiž měješe čěrpjeć a wumrěć, a smjerć Boha čłowjeka wosta Židam pohóršk, pohanam blaznosť. Tak wozjewi so přez Khrystusowe čěrpjenje a jeho bolosćiwu smjerć, što je na čłowjeku. Ponižnje zmysleny wěri do njeho; hordže zmysleny, kotryž ponižne a khude žiwjenje Zbóžnika zapřijeć nechce, začisnje jeho. — 39. Swjaty Matej powěda, zo su třo mudri z rańšeho kraja k Jězusej w Bethlehemyje so modľili, a zo je po jich wotpućowanju Józef z Mariju a z Jězusom do Egiptowskeje čěknył. Tohodľa móža tute słowa s. Lukaša jeno tak so zrozumić, zo je so swjata swójbja po wróćenju z Egiptowskeje do Nazaretha po-dała a tam byđliła.

41. A jeho staršej khodžeštaj kóžde lěto do Jeruzalema, na jutrowny swjedžen.*

2. Mójz. 23, 15 a 34, 18; 5. Mójz. 16, 16.

42. A hdyž bě Jězus dwanaće lět, a wonaj po zwučenju do Jeruzalema na swjedžen džěštaj,

43. Wosta, hdyž so po dokonjanym swjedženju wróćeštaj, hólčec Jězus w Jeruzalemje; a jeho staršej to njepytajštaj.

44. Měnicy pak, zo je při towařstwje, wuńdžeštaj puć jenoho dnja, a pytaštaj jeho mjez přecelemi a znatymi.

45. A njenamakawši, wróćištaj so do Jeruzalema, jeho pytajcy.

46. A sta so, po třoch dnjach namakaštaj jeho w templu, jako sedžeše mjez wučerjemi, na nich poslušajo a so jich prašejo.

47. Džiwachu pak so wšitcy, kotřiž jeho slyšachu, nad jeho rozomnosću a jeho wotmołwjenjemi.

48. A wuhladawši džiwaštaj so wonaj. A jeho mać rjekny k njemu: Syno, čohodla sy namaj tak sčinił? Hlej, twój nan a ja smój će z bolosću pytałoj.

49. A wón džeše k nimaj: Čohodla staj mje pytałoj? Njewědžeštaj, zo dyrbyu we tom być, štož mojeho Wótca je?*

50. A wonaj njezrozymištaj słowo, kotrež k nimaj porěča.*

51. A wón woteńdže z nimaj a přińdže do Nazaretha, a běše jimaj poddaty. A jeho mać zakhowa wšitke tute słowa w swojej wutrobje.

52. A Jězus přiběraše na mudrości a starobje, a hnadže pola Boha a čłowjekow.

STAW III.

Jan bu wot Boha posłany, zo by z přédowanjom Isaiasowe wěšćenje dopjelnil; ludej, cłownikam a wojakam dawa radu a praji, što ma kóždy z nich činić; swědči, zo je Khrystus mócniji dyžli wón, a jeho křćenca wosebniša. Nad Khrystusom znojuje so po křćency hołb a hlós njebieskeho Wótca da so slyšeć. Splah Jězusowy wot Józefa hač do Adama so wopisuje.

W pjatnatym lěće kejžorjenja kejžora Tiberia, hdyž bě Poncius Pilatus bohoh Judeje, a Herodes štwórciwjefch Galileje, jeho bratr Filip pak štwórciwjefch krajiny iturejskeje a trachonitidskeje, a Lysanias štwórciwjefch Abilinije,

2. Pod wyššimaj měšnikomaj Annasom a Kaifasom, sta so słowo Knjeza k Janej, Zachariasowemu synej, w puscínje.

Jap. skutk. 4, 6.

3. A wón přińdže do wšoho kraja wokoło Jordana a přédowaše křćencu pokuty k wodawanju hrěchow,* Mat. 3, 1; Mark. 1, 4.

4. Jako je pisane w knizy rěčow profety Isaiasa: „Hlós wolaceho w puscínje: Přihotujće Knjezowy puć, runajće jeho šćežki.

Is. 40, 8; Jan. 1, 23.

5. Kóždy dol budže wupjelnjeny, a kóžda hora a hórka ponižena, a křiwe budže zrunane, a škropawe plony puć;

6. A wšitke mjaso wuhlada spomóženje Bože.“*

7. Tuž praješe wón k črjódam, kotrež přikhadžachu, zo bychy so wot njeho křćić dale: Ješćeři splaho, štó je wam pokazal wućečnyč přichodnemu hněwej? Mat. 3, 7.

8. Činće tohodla hódne plody pokuty, a njepočinajće prajić: Wótca mamy Abrahama. Přetož praju wam: Bóh móže z tutech kamjeni Abrahamej džěći zbudzić.

41. Mójzesowy zakon postaji, zo ma kóždy wotročeny Israelita za lěto třikróć k swjedženjam do Jeruzalema pućować. — 49. t. r. nihdže druhdže, khiba w domje Božim mam być a to dokonjeć, štož je mi mój njebieski Wótc poručil. — 50. t. r. wonaj njezapřiještaj dospołnje zmysl tutech słowow, dokelž potajnosć čłowjeskeho wumóženja so jeno pomału zrozumi.

III. 8. Janowa křćenca njewodawaše hrěchi, ale přez nju wzachu křćenim winowatosć na so, zo chcedža hrěchow přichodnje sq zdalować, a pokutu činić, a tak sebi wot Boha wodaće přjedawšich hrěchow zasłužić; hl. Mat. 3, 11. — 6. t. r. kóždy čłowjek móže k spomóženju abo zbóžnosći přińć přez Jězusa Khrystusa.

9. Přetož hižo je sekera korjenjej štomow přiložena; kóždy štom pak, kiž do breho płodu njenjese, budže wurubany a do wohnja čisnjeny.

10. A črjody prašachu so jeho prajicy: Što dha mamy činić?

11. Wotmolwjeto pak praješe jim: Štóz ma dvě sukni, daj tomu, kiž žaneje nima, a štóz ma jědze, sćin tež tak.*

Jak. 2, 15; 1. Jan. 3, 17.

12. Přidžechu pak tež cłownikowje, zo bychu so křćić dali, a rjeknychu k njemu: Mištrje, što mamy činić?

13. A wón rjekny k nim: Njebjeće wjac dyžli to, štož je wam postajene.

14. Tež wojacy prašachu so jeho prajicy: Što pak mamy my činić? A wón džeše k nim: Njenamocujće nikoho a nječinće křiwdy a spokojće so ze swojej mzdu.

15. Dokelž pak lud wočakowaše,* a wšitcy w swojej wutrobje myslachu wo Janje, zo snadž je wón Khrystus,

16. Wotmolwi Jan prajo wšitkim: Ja drje křćiju was z wodu, přidže pak móćniši dyžli ja, kotremuž rjemjenje na jeho črijach wotwjazać hódny njejsym; tón budže křćić z Duchom swjatym a z wohnjom, Mat. 3, 11; Mark. 1, 8; Jan. 1, 26; Jap. sk. 1, 5; 11, 16; 19, 4.

17. Kotrehož wějawka je w jeho rucy, a wón wučisći swoje huno a zhromadzi pšenicu do swojeje bróznje, pluwu pak spali z njewuhasliwym wohnjom. Mat. 3, 12.

18. A tak tež wjele druhého napominajo připowědowaše ludej.

19. Štwórciwjefch Herodes pak, hdyž bu wot jeho swarjeny dla Herodiady, bratroweje žony, a dla wšitkich zlych skutkow, kotrež bě Herodes činił,

Mat. 14, 4; Mark. 6, 17.

20. Přida* k wšitkomu tež to, zo Jana zawrě do jastwa.

21. Šta pak so, hdyž wšitkón lud so křćić da, a hdyž bu tež Jězus wukřćený a so modleše, zo so njebo wotewri,*

Mat. 3, 16; Mark. 1, 10; Jan. 1, 32.

22. A Duch swjaty zestupi w čelnej podobje jako hołb na njeho; a hlós z njebyes so sta: Ty sy mój lubowany Syn, na tebi mam spodobanje. Mat. 3, 17 a 17, 5;

niže 9, 35; 2. Pětr. 1, 17.

23. A Jězus sam pak bě, hdyž poča [wućić], wokoło třiceći lět, a kaž mjenjachu, syn Józefowy, kotryž bě (syn) Heliowy, kotryž bě Mathatowy,

24. Kotryž bě Leviowy, kotryž bě Melchiowy, kotryž bě Janneowy, kotryž bě Józefowy,

25. Kotryž bě Mathathiasowy, kotryž bě Amosowy, kotryž bě Nahumowy, kotryž bě Hesliowy, kotryž bě Naggeowy,

26. Kotryž bě Mahathowy, kotryž bě Mathathiasowy, kotryž bě Semciowy, kotryž bě Józefowy, kotryž bě Judowy,

27. Kotryž bě Joannanowy, kotryž bě Resowy, kotryž bě Zorobabelowy, kotryž bě Salathielowy, kotryž bě Neriowy,

28. Kotryž bě Melchiowy, kotryž bě Adiowy, kotryž bě Kosanowy, kotryž bě Elmadamowy, kotryž bě Herowy,

29. Kotryž bě Jesuowy, kotryž bě Eliezzerowy, kotryž bě Jorimowy, kotryž bě Mathatowy, kotryž bě Leviowy,

30. Kotryž bě Simeonowy, kotryž bě Judowy, kotryž bě Józefowy, kotryž bě Jonowy, kotryž bě Eliakimowy,

31. Kotryž bě Meleowy, kotryž bě Mennowy, kotryž bě Mathatowy, kotryž bě Nathanowy, kotryž bě Davidowy,

11. Komuž mjez wami je Bóh časne zamóženje wobradził, njech potřebnym a khudym wot njeho sobudželi a to tak darniwje, zo je hotowy najnuzniše potřeby žiwjenja, jako drastu a jěži z nimi džělić. — 15. t. r. wočakowaše, što so z Janom křćenikom a wot njeho dale stanje, a hdyž we nim slubjeného Messiasa spóznać chcychu, wuzna so Jan, što wón je a ponižowaše sebje a swoju wučbu a swoju křćenju před Jězusom a jeho wučbu a křćenju; hl. Mat. 3, 11. — 19. hl. Mat. 14, 4. — 20. t. r. k swojim druhim zlóscam tež tu, zo Jana do jastwa sadzić a morić da. — 21. hl. Mat. 3, 16.

32. Kotryž bě Jesseowy, kotryž bě Obcedowy, kotryž bě Boozowy, kotryž bě Salmonowy, kotryž bě Naassonowy,

33. Kotryž bě Aminadabowy, kotryž bě Aramowy, kotryž bě Esronowy, kotryž bě Faresowy, kotryž bě Judowy,

34. Kotryž bě Jakubowy, kotryž bě Isaakowy, kotryž bě Abrahamowy, kotryž bě Thareowy, kotryž bě Nachorowy,

35. Kotryž bě Sarugowy, kotryž bě Ragauowy, kotryž bě Falegowy, kotryž bě Heberowy, kotryž bě Saleowy,

36. Kotryž bě Kainanowy, kotryž bě Arfaxadowy, kotryž bě Semowy, kotryž bě Nocowy, kotryž bě Lamechowy,

37. Kotryž bě Mathusalemowy, kotryž bě Henochowy, kotryž bě Jaredowy, kotryž bě Malaleclowy, kotryž bě Kainanowy,

38. Kotryž bě Henosowy, kotryž bě Sethowy, kotryž bě Adamowy, kotryž bě Boži.*

STAW IV.

Po štyrcećidnjowskim posće a po předobyću djabolskich spytowanjow čita Jězus w Nazarethskej synagodzy Isaiasowe wěšćenje, kotrež so na njeho počahuje a praji, zo profeta njeje lubowany we swojej wótčinje, čohoždla chcežda jeho ze skały storčić; wón wučeri w Kafarnaumje djabola, wustrowi Symanownu přichodnu mać a wjele druhich, a wuhonja djabola.

Jězus pak poľny Ducha swjateho wróći so wot Jordana, a bu wot Ducha do pušćiny wjedźeny Mat. 4, 1; Mark. 1, 12.

2. Na štyrceći dnjow, a bu wot djabola spytowany.* A njepojě ničoho we wonych dnjach, a hdyž te so minychu, bu hlódný.

3. Rjekny pak k njemu djabol: Sy-li syn Boži, praj tutomu kamjenjej, zo by khlěb byl.

4. A Jězus jemu wotmoľwi: Pisane je: „Wot samoho khlěba njeje čłowjek žiwy, ale wot kóždeho słowa Božeho.“

5. Mójz. 8, 3; Mat. 4, 4.

5. A djabol dowjedže jeho na wysoku horu, a pokaza jemu wšitke kralestwa swěta we wokamiknjenju.

6. A džeše k njemu: Tebi dam wšitku tu móc a jich krasnosť, dokelž su mi přepodate, a komuž cheu, dawam je.

7. Tohodla jelizo ty poklaknješ přede mnu, budža wšitke twoje.

8. A wotmoľwjeco rjekny jemu Jězus: Pisane je: „Knjezej swojemu Bohu dyrbiš so modlić a jemu samomu služić.“

5. Mójz. 6, 13 a 10, 20.

9. A dowjedže jeho do Jeruzalema, a staji jeho na wječeh templa a rjekny jemu: Sy-li syn Boži, pušć so wottudy dele.

10. Přetož pisane je: „Swojim jandželam je wón tebe dla poručil, zo bychy će zakitali,

11. A budža će na rukomaj nosyć, zo trjebaj njeby twoju nohu wo kamjeń storčil.“ Ps. 90, 11.

12. A wotmoľwjeco džeše Jězus k njemu: Prajene je: „Njedyrbiš spytować Knjeza swojeho Boha.“ 5. Mójz. 6, 16.

13. Hdyž bě wšitke spytowanje dokonjane, woteńdže djabol wot njeho na čas.*

14. A Jězus wróći so w mocy Ducha do Galileje, a řeč wo nim rozeńdže po cylej krajinje. Mat. 4, 12; Mark. 1, 14; Jan. 4, 45.

15. A wón wučese w jich synagogach, a bu khwaleny wot wšitkich.

16. A přińdže do Nazaretha, hdžež bě kublany, a zastupi po swojim zwučenju na sabaće do synagogi a wstany, zo by čital. Mat. 13, 54; Mark. 6, 1.

88. t. r. wot Boha stworjeny. Tu wopisuje so splah Jězusowy po jeho maćeri, s. Mariji, kotraž běše Heliowa abo, kaž tež rěkaše, Joakimowa džowka; ale po židowskim zwučenju njemjenuja so we splahownych zapiskach žónske a tohodla tež nic Marija, ale Józef, z kotrymž bě slubjena, a kotryž měješe ju jako jeničku džowku Joakimowu zastupić.

IV. 2. Čłowjek nosy we sebi třoju požadosć, z kotrejž je k hrěchej wabjeny: požadosć mjasa wabi jeho k hrěcham njepoměrnosće a nječistoty a lěnosće; požadosć wočow wabi jeho k hrěcham nadržnosće a zawisce; horde zmyslenje wutroby wabi jeho k hrěcham pychařstwa a knjezojtosće. Na tuto třeje wažnje wabi djabol tež Jězusa, kotryž třeje spytowanje ze škitom słowa Božeho předoby. — 18. t. r. na wěsty čas, kotryž so jemu zas k wabjenjam přińódný być zdaše, mjenujcy čas čerpjenja.

17. A podata bu jemu kniha profety Isaiasa. A hdyž knihu rozwali,* nańdže městno, hdžež bě pisane:

18. „Knjezowy Duch je nade mnu; tohodla je mje žalbowal, a je mje posłał, zo bych khudym evangelium přédował, a wustrowjał, kotřiž su rozkateje wutroby;

Is. 61, 1.

19. Zo bych připowědzel jatym spuštěnje a slepym widženje, zo bych wupuščil zražených na swobodu, zo bych přédował spodobne lěto Knjeza a džeń zarunanja.“*

20. A knihu zawaliwši poda ju služownikej, a posyďte so; a wšitkich woči w synagodzy běštej na jeho wobroćenej.

21. Poča pak k nim rěčeć: Džens je so dopjelnilo tuto pismo we wašimaj wušomaj.

22. A wšitcy jemu swědčachu, a dźiwachu so luboznym słowam, kotrež z jeho rta wukhadžachu, a prajachu: Njeje tutón Józefowy syn?

23. A wón džeše k nim: Wězo rjeknjeće mi to přirunanje: Lěkarjo, wulěkuj sebje samoho! Štož smy slyšeli, zo sy w Kafarnaumje činil, čin tež tudy w swojej wótčinje.*

24. Wón pak džeše: Zawěрно praju wam: Žadyn profeta njeje spodobny w swojej wótčinje.

Mat. 13, 57.

25. Woprawdže praju wam: Wjele wudowow běše w Eliasowych dnjach w Israelu, hdyž so njebo zamkny tři lěta a šěsć měsacow, tak zo wulki hlód nasta po cylej zemi,

26. Tola k žanej z nich njebu Elias posłany, jenož k wudowje do Sarepty w Sidonskej.

3. Kral. 17, 9.

27. A wjele wusadnych běše w Israelu za profetu Elisea, a žadyn z nich njebu wučisćeny, jenož Naaman, Syrski.*

4. Kral. 5, 14.

28. A wšitcy w synagodzy buchu z hněwom napjelnjeni, to slyšicy.

29. A wstanychu, wustorčichu jeho z města, a wuwjedžechu jeho hač na wješć hory, na kotrež bě jich město natwarjene, zo bychu jeho dele storčili.

30. Ale wón, překročiwši srjedza mjez nimi, woteńdže.*

31. ▲ zeńdže do Kafarnauma města w Galileji, a tu wučese jich na sabatach.

Mat. 4, 13; Mark. 1, 21.

32. A spodźiwachu so nad jeho wučbu, dokelž jeho rěč bě móčna.

Mat. 7, 28.

33. A w synagodzy běše čłowjek, nječisteho ducha mějacy, a zawola wótrě,*

Mark. 1, 23.

34. Prajo: Wostaj (nas), što mamy z tobu, Jězuso Nazarenski? Sy přišoł nas zahubić? wěm, što sy, Swjaty Boži.

35. A Jězus pohrozy jemu, prajo: Woneńm a wuńdž z njeho. A powaliwši jeho dosrjedza nich wuńdže zły duch z njeho, a njezeškodži jemu.

36. A přińdže strach na wšitkich, a rozrěčowachu so mjez sobu prajicy: Kajke je to słowo, zo z mocu a synosću nječistym ducham poruča, a wone wuńdu?

37. A rozšěri so powěsć wo nim po wšěch městach krajiny.

17. Stare ludy pisachu najbóle na kože, kotrež jako walušk (rólu) zawalachu. — 19. „Děń zarunanja“ nima hebrejski text profety; to njeznamjenja pak tež ničo druge, hač „spodobne lěto Knjeza“ t. r. jubilejske lěto, w kotrymž mějachu so njerunosće w časnym zamóženju wurunać, wosebje ječi so pušćić; jubilejske lěto bě kóžde pjedžesate. — 21. Jězus wukładowaše nětko, kak so tuto wěšćenje dopjelnja, kak je wón přišoł, zo by wučil, zahojał a wumóžil, štož bě zhujbene. — 23. t. r. Sy-li ty tón wulki muž, kiž je woprawdže přišoł, zo by tajke wěcy dokonjał, kaž to powědaš, dopomhaj najprjedy sebi samomu a swojim k bohatstwu a sławje, a čin něšto dobre tež za swojich krajanow. — 27. Jako w času bohazabyćiwych kralow profetaj Elias a Eliseus pohanam swoje dobroty wudželataj, dokelž israelski lud jich hódny njebě, tak tež njeje nětko wón hódny ewangelia, kotrež začasnje w hordym zmyslenju swojeje wutroby. Hněw Nazarethskich zjewi, kak hordži ludžo běchu, a tak docyła njehódni hnadow, kotrež chcyše jim wumóžnik wopokazać. — 30. Tu widěachu tež Nazarethscy dźiw, kajkiž sebi zaslužichu, z kotrymž bu jich horde zmyslenje wohańbjene a ponižene. — 38. hl. pola Marka 1, 24. 26. 27.

38. Wstanywši pak ze synagogi dóndže Jězus do Symanoweho domu. Symanowa přichodna mać pak khorješe na sylnu zymnicu; a prošaču jeho za nju.

Mat. 8, 14; Mark. 1, 30.

39. A stojo při njej poruči zymnicy, a ta ju wopuści. A wona hnydom wstanywši poslužowaše jim.

40. Hdyž pak so slńceo skhowa, přiwjedzechu wšitcy, kotřiž mějachu khorych na wšelake khorosće, jich k njemu. A wón na kóžděho rucy položiwši wustrowješe jich.

41. Wukhadžachu pak djabliska wot mnohich, křičicy a prajicy: Ty sy Syn Boží. A brožo njedowoli jim rěčeć, dokelž wědžachu, zo je wón Khrystus. Mark. 1, 34.

42. Hdyž pak džeń bu, wušedši poda so na puste město, a črjody jeho pytachu, a přińdzechu hać k njemu, a zdžeržowachu jeho, zo by wot nich njewotešol.

43. Wón pak džeše k nim: Tež druhim městam dyrbyu kralestwo Bože připowědować, dokelž na to sym posłany.

44. A wón předowaše w synagogach galilejskich.

STAW V.

Jězus wučil lud, w Pětowym čolmje stojo, a tón popadny, hdyž bě na Jězusowe słowo syće do morja pušćil, wulku mnohosć rybow. Wustrowjeného wusadného posla k měšnikam. Wićiwemu poruči, hdyž bě jemu hrěchi wodał, zo by swoje ložo wzał a njesl. Hdyž bě we Lewiowym domje, kotrehož bě z člownicy powolał, na wobjedže, porokowachu jemu farisejowje, zo z hrěšnikami wobkhažda, a zo so jeho wučownicy njeposća.

Sta pak so, hdyž so lud k njemu čišćeše, zo bychu słowo Bože slyšeli, stoješe wón při jězorje Genezareth,

2. A wuhlada dwaj čolmaj na jězorje stojacaj; rybacy pak z njeju wustupiwši plokachu syće. Mat. 4, 18; Mark. 1, 16.

3. Stupiwši pak do jenoho z čolmow, kotryž bě Symanowy, prošeše jeho, zo by

jón trochu wot brjoħa wotwjezl. A posydneywši so wučeše lud z čolma.

4. Hdyž pak přesta rěčeć, rjekny k Symanej: Wujědž do hlubiny, a rozčehńće swoje syće na popad.

5. A wotmołwjejo rjekny Syman k njemu: Mištrje, cylu noc smy so prócowali a njejsmy ničo popadnyli; na twoje słowo pak rozčahnu syće.

6. A hdyž to sćinichu, wobsahnychu wulku mnohosć rybow, jich syć pak so torhaše.

7. A woni přiƙiwachu towařšam, kotřiž běchu na druhim čolmje, zo bychu přišli a jim spomhali. A woni přińdzechu, a napjelnichu wobaj čolmaj, tak zo so nimale podnórještaj.

8. Hdyž to Syman Pětr wuhlada, padže před Jězusom na kolena prajo: Knježe, dži wote mnje, dokelž sym hrěšny čłowjek.*

9. Hrózba pak přewza jeho a wšitkich, kotřiž z nim běchu, nad popadom rybow, kotrež běchu popadnyli;

10. Runje tak tež Jakuba a Jana, Zebedejowegu synow, kotrajž běštaj Symanowaj towařšej. A Jězus džeše k Symanej: Njebój so, wot nětka budžeš čłowjekow lojić.*

11. A přiwjezechu čolmaj k brjoħej, a wostajiwši wšitko sčehowachu jeho.

12. A sta so, hdyž běše w jenom měsće, bě tam muž poľny wusada; a Jězusa wuhlada wši a na swoje wobličo padnywši, prošeše jeho prajo: Knježe, chceš-li, móžeš mje wučisćić. Mat. 8, 2; Mark. 1, 40.

13. A wupřestrěwši ruku dótkny so jeho prajo: Cheu, budž wučisćeny. A na měsće woteńdže wusad wot njeho.

14. A wón poruči jemu, zo by nikomu njěpowědał; ale (rjekny): Dži, pokaž so měšnikej, a woprj za wučisćenje, jako je Mójzes poručil, jim na swědćenje.

3. Mójz. 14, 4.

15. Rozšěrješe pak so powěsć wo nim dale, a skhadźowachu so wulke črjódy, zo bychu jeho slyšeli a wustrowjeni byli wot svojich khorosći.

16. Wón pak woteńdže do pusciny a modleše so.

17. **A** sta so jenoho dnja, zo wón sedžo wučěše. A sedžachu tam farisejowje a pismawučeni, kotřiž běchu ze wšěch městačkow Galileje a Judeje a z Jeruzalema přišli; a Knjezowa móc tu bě k jich wustrowjenju.*

18. A hlej, mužowje njesechu na ložu čłowjeka, kotryž bě wićiwý, a pytachu jeho nutř donjesć a před njeho položiť.

Mat. 9, 2; Mark. 2, 3.

19. A njenamakawši, na kotrej stronje bychu jeho nutř donjesli, ludu dla, stupichu na kryw, a přez cyhele spuścichu jeho z ložom wosrjedź před Jězusa.

20. Hdyž jich wěru widžeše, rjekny: Čłowječe, twoje hrěchi so ci wodawaju.

21. A pismawučeni a farisejowje počachu sebi myslić, prajicy: Štó je tón, kotryž bohahanjenja řeči? Štó móže hrěchi wodawać, khiba Bóh sam?

22. Hdyž pak Jězus jich mysle spózna, rjekny k nim wotmołwjejo: Što mysliće w svojich wutrobach?

23. Što je lóže, prajić: Twoje hrěchi so ci wodawaju; abo prajić: Wstań a khodź?

24. Zo pak byšće wědzeli, zo ma Syn čłowjeka móc na zemi hrěchi wodawać, (džeše k wićiwemu): Tebi praju: wstań, wzmi swoje ložo a dži do swojeho domu.

25. A hnydom wstanywši před nimi, wza ložo, na kotrymž bě ležal; a woteńdže do swojeho domu, Boha khwalo.

26. A hrózba přewza wšitkich, a khwalachu Boha, a z bojósću napjeljeni prajachu: Spodźiwné smy džensa widželi.

27. **A** potom wuńdže a wuhlada cłownika z mjenom Levi* při cłownicy sedžaceho, a džeše k njemu: Sćěhuj mje.

Mat. 9, 9; Mark. 2, 14.

28. A wostajiwši wšitko wstany a sćěhowaše jeho.

29. A Levi přihotowa jemu wulku hósćinu w swoim domje; a wulka bě črjóda cłownikow a druhich, kotřiž z nimi za blidom sedžachu.

30. A farisejowje a jich pismawučeni morkotachu, prajicy k jeho wučownikam: Čohodla jěsće a pijeće z cłownikami a hrěšnikami?

31. A wotmołwjejo rjekny Jězus k nim: Kotřiž su strowi, njetrjebaju lěkarja, ale kotřiž su khori.

32. Njejsym přišoł, sprawnych powolać, ale hrěšnikow k pokuće.

33. Woni pak rjeknychu jemu: Přecho Janowi wučownicy často so posća a so modla, toho runja tež farisejowje, twoji pak jědža a pija?

Mark. 2, 18.

34. Wón pak džeše k nim: Móžeće kwasnych mlódzencow k posćenju pohnuć, doniž je nawoženja při nich?

35. Přińdu pak dny, hdyž budže nawoženja wot nich wzaty, tehdy budža so posćić we wonych dnjach.

36. Praješe pak jim tež přirunanje: Nichtó njeprishiwa zaplatu z noweje drasty na staru; hewak torha tež nowu, a k staremu njepristoji zaplata z noweho.

37. A nichtó njeliže nowe wino do starých sudowjow; hewak nowe wino rozpuknje sudowja, a wono so wulije, a sudowja so skaža.

38. Ale nowe wino ma so do nowych sudowjow leć, a tak je woboje zakhowane.

39. Tež njechce so nikomu, kiž stare wino pije, hnydom noweho; přetož praji: Stare je lěpše.

17. t. r. móc Boža so pokazowaše w tom, zo buchu khori, kotřiž tam běchu, wustrowjeni, tak jasnje, zo bychu ju tež po duchu slepi farisejowje a pismawučeni spóznać móhli, hdy bychu chcyli. — 27. t. j. Mateja; Mark a Lukaš njemjenujetaj jeho z woprawdžitym mjenom, mjez tym zo Matej w ponižnosći so mjenuje a tak na swój přjedawši staw so dopomina.

STAW VI.

Jězus zamołwja swojich japoštołow, kotřiž na sabaće kłosy torhachu, a wuhoji na druhim sabaće wuskhnjenu ruku. Wuzwoli sebi ze swojich wučownikow 12 japoštołow, a z nimi a z wulkej črjódu ludu na kraju stojo wučić a dawa wšelake rady a prikaznje, jako wo třescy we woku bližšeho, kak so dobry štom wot złeho na plódže rozeznawa, komu so tón runja, kotryž jeho słowa slyši a je wobkedžbuje, a komu tón, kotryž je slyši, ale njewobkedžbuje.

Sta pak so na druhopřěnim sabaće,* zo wón přez sywy džěše, a jeho wučownicy šćipachu kłosy, a z rukomaj je rozčěrawši jědzachu. Mat. 12, 1; Mark. 2, 23.

2. Někotři z farisejow pak prajachu jim: Čohodla činiće, štož so njesluša na sabaće?

3. A wotmołwjejo rjekny Jězus k nim: Njejsće ani to čitali, što David sćini, hdyž bu hlódny, wón a kotřiž běchu z nim?

4. Kak zastupi do domu Božeho, a wustajenc khlěby wza a jědžeše, a tym da, kotřiž běchu z nim, kotrež jěsć so njesluša, khiba jeno měšnikam. 1. Kral. 21, 6.

2. Mójz. 29, 32; 3. Mójz. 24, 9.

5. A praješe jim: Syn čłowjeka je knjecz tež sabata.

6. **S**ta pak so tež na druhim sabaće, zo do synagogi stupi a wučese; a běše tam čłowjek, a jeho prawa ruka bě zeskhnjena. Mat. 12, 10; Mark. 3, 1.

7. Pismawučeni a farisejowje pak kedžbowachu, budže-li na sabaće wustrowjeć, zo bychu namakali, čohoždla bychu jeho wobskoržowali.

8. Wón pak wědžeše jich mysle, a džeše čłowjekej, kiž měješe zeskhnjenu ruku: Wstań a stup do srjedza. A wstanywši stoješe wón.

9. Jězus pak džeše k nim: Prašam so was, sluša-li so na sabaće dobre činić abo złe, žiwjenje zakhować abo zahubić?

10. A na wšitkich spohladowawši rjekny čłowjekej: Wupřestri swoju ruku. A wón wupřestrě, a jeho ruka bu zaso strowa.

11. Woni pak buchu z njemdroseu napjelnjeni, a rozrěchowachu so mjez sobu, što bychu Jězusej sćinili.

12. **S**ta pak so we wonych dnjach, zo wón na horu woteńdže so modlić, a běše přez noc w modlitwje k Bohu.

13. A hdyž dzeń bu, powola swojich wučownikow a wuzwoli dwanaćoch z nich, (kotrychž tež japoštołow* pomjenowa):

Mat. 10, 1; Mark. 3, 13.

14. Symana, kotrehož Pětra přimjenowa, a Handrija jeho bratra, Jakuba a Jana, Filipa a Bartromja,

15. Mateja a Domaša, Jakuba Alfejo-weho, a Symana, kotryž Zelotes rěka,

16. A Judaša Jakuboweho,* a Judaša Iskariota, kotryž bu přeradnik,

17. **A** zestupiwši z nimi dele stoješe na pólnym měsće, a črjóda jeho wučownikow, a wulka mnohosć ludu z cyleje Judeje, a z Jeruzalema, a z přimófskeje krajiny, a z Tyra a Sidona,

18. Kotřiž běchu přišli, zo bychu jeho slyšeli a wot swojich khorosći wustrowjeni byli. A kotřiž běchu wot nječistych duchow krjudženi, buchu wustrowjeni,

19. A wšitkón lud pytaše jeho so dót-knyć; přetož móc z njeho wukhadžeše a wustrowješe wšitkich.

20. A wón pozběhnywši woči na swojich wučownikow praješe: Zbóžni (sće) khudži,* dokelž waše je kralestwo Bože. Mat. 5, 3.

21. Zbóžni (sće), kotřiž sće nětko hlódni, dokelž budžeće nasyceni. Zbóžni, kotřiž nětko plakaće, dokelž budžeće so smjeć.

22. Zbóžni budžeće, hdyž budža was ludžo hidzić, a was wustorkować a hanić, a hdyž začisnu waše mjeno jako złe, dla Syna čłowjeka. Mat. 5, 11.

23. Wjeselće so na tom dnju a radujće so, přetož hlej, waša mzda je wulka w njebjesach; tak džě činjachu tež jich wót-cowje profetam.

VI. 1. Najskerje je to přěni sabat po druhim dnju jutrow. — 13. t. r. pósłow. — 16. Judaš je tón samy, kotrehož Matej a Mark Tadeja mjenujetaj. — 20. t. r. khudži po duchu, z prawym zmyslenjom; přetož khudoba sama bjez křesćanskeho zmyslenja nječini čłowjekow zbóžnych.

24. Ale běda wam bohatym,* dokelž maće (hižo) swoje wokřeće.

Sir. 31, 7;

Amos. 6, 1.

25. Běda wam, kotřiž sće nasyceni,* dokelž budžeće hlódni. Běda wam, kotřiž so nětko smějeće, dokelž budžeće žarować a plakać.

Is. 65, 13.

26. Běda, hdyž budža was ludžo khwalic,* přetož tak činjachu jich wótcowje falšnym profetam.

27. Ale praju wam, kotřiž (to) slyšiće: Lubujće swoich njepřećelow, činće dobrotu tym, kotřiž was hidža; Mat. 5, 44.

28. Žohnujće tych, kotřiž was zakliwaju, a prošće za tych, kotřiž zlě wo was reča.

29. A tomu, kotryž će dyri na lico, podaj tež druhe, a tomu, kotryž či plašć bjerje, njewobaraj tež suknju.

Mat. 5, 29; 1. Kor. 6, 7.

30. Kóždemu, kotryž će prosy, daj, a wot toho, kotryž bjerje, štož je twoje, nježadaj zaso.*

31. A jako chceće, zo bych wam ludžo činili, tak činće tež jim.

Tob. 4, 16; Mat. 7, 12.

32. A lubujeće-li tych, kotřiž was lubuja, kajku mzdu maće z toho? přetož tež hrěšnicy lubuja tych, kotřiž jich lubuja.

Mat. 5, 46.

33. A činíte-li dobrotu tym, kotřiž wam dobrotu činja, kajku mzdu maće z toho? wšak tež hrěšnicy to činja.

34. A požujete-li jeno tym, wot kotrychž so nadžijete zaso dóstać, kajku mzdu maće z toho? přetož tež hrěšnicy hrěšnikam požuja, zo bych tohorunja zaso dostali.

5. Mójz. 15, 8; Mat. 5, 42.

35. Ale lubujće swoich njepřećelow; činće dobrotu a požujete, ničoho za to so njenadžijcy, a waša mzda budže wulka, a budžeće džěci Najwyššeho, dokelž wón

je dobroćiwý (tež) přećiwó njedžakowným a zlým.

36. Budžće smilni, jako je tež waš Wóte smilny.

37. Njesudžće a njebudžeće sudženi; njetamajće a njebudžeće tamani; wodawajće a wam budže wodate.

Mat. 7, 1.

38. Dawajće a wam budže dawane; dobru měru a stłóčenu, a strasenu a nakopjenu dadža do wašeho klina, dokelž z tej samej měru, z kotrejž budžeće měrić, budže wam zaso naměrjene.

Mat. 7, 2; Mark. 4, 24.

39. Praješe pak jim tež přirunanje: Může slepy slepeho wjesć? njepadnjetaj wobaj do jamy?*

40. Wučownik njeje přez mištra; dospolny pak budže kóždy, hdyž je jako jeho mištr.

Mat. 10, 24; Jan. 13, 16 a 15, 20.

41. Što pak widžiš třěsku we woku svojeho bratra, a hrjadu, kotraž je we twojim woku, njepytnejš?

Mat. 7, 3.

42. Abo kak móžeš rjec swojemu bratřej: Bratře, njech tebi třěsku wučahnu z twojeho woka, a sam njewidžiš hrjadu ze swojeho woka? Tajenco, wučehń prjedy hrjadu ze swojeho woka, a potom hladaj, zo by třěsku wučahnul z woka svojeho bratra.

43. Přetož štom njeje dobry, kotryž zle plody njese; a štom, kotryž dobry plód njese, njeje zly.

Mat. 7, 18.

44. Přetož kóždy štom spóznawa so na swojim plódze. Z černjow džě njezběraju figi, ani z hłohonca njewotřězują kiće.

45. Dobry čłowjek wunoša z dobreho poklada swojeje wutroby dobre, a zly čłowjek wunoša ze zleho poklada swojeje wutroby zle. Přetož z polnosće wutroby řeči (jeho) rot.*

24. t. r. tamnym bohatym, kotřiž cyle spokojenje a wjeselo w kublach tohole swěta hladaju a namakaju. — 25. Kotrymž so wšitko stanje, štož sebi přeja. — 26. t. r. hdyž skaženi, njekřesćanscy ludžo waše wučby a skutki wuzběhaja. — 30. t. r. hdyž to hinak dóstać njemóžeš, khiba zo winowatosć křesćanskeje lubosće přestupíš, štož by so n. př. stało, hdy by něchtó w najhóřej nuzy sebi něšto wzał a ty sebi wot njeho z mocu to zas žadaš, a jemu tak w nuzy kóždu podpjeru zapowěděl. — 39. Kak móže so něchtó farisejam dowěrić, jich scěhować, kotřiž tola sami prawy puć njeznaja? — 45. t. r. kajkiž je što zmysleny, tak tež řeči.

46. Što pak wolaće mje: Knježe, Knježe, a nječiniće, štož wam praju? Mat. 7, 21; Roms. 2, 13; Jak. 1, 22.

47. Kóždy, kotryž ke mni přikhadža, a na moje řeče posluha, a je čini, pokazam wam, komu je podobny.

48. Podobny je čłowjekej, dom twarjacemu, kotryž hluboko wuru a zaklad na skału založi. A hdyž powodjenje nasta, storkaše rěka do toho domu, a njezamóho jón pohnuć; přetož bě na skale založený.

49. Kotryž pak slyši a nječini, je podobny čłowjekej, kotryž swój dom twari na zemju hjez zaklada, a hdyž rěka do njeho storči, padže hnydom, a pad toho domu bě wulki.

STAW VII.

Jězus džiwa so nad stotnikowej wěru a wustrowi jeho služownika. Př wrotach městačka Naim zbudži jeničeho syna wudowineho. Před wučownikami Jana křćenika, kotryž jich dla so prašeć da, je-li tón, kotryž přině ma, čini Jězus wjele džiwow, a po jich wotkhadže khwali Jana. Židow, kotrymž so ani Janowe ani Khrystusowe žiwjenje njespodobaje, přiruna džěćom, kotrež na torhoću na so wolaju. Hrěšnica žalbuje jemu nozy, a wón wotmołwi Symanej, kotryž so na tom hórši, z přirunanjom wo dołžnikomaj a spući hrěšnicy jeje hrěchi.

Hdyž pak bě wšitke swoje słowa k wušomaj ludu dokonjał, woteńdže do Kafarnauma. Mat. 8, 5.

2. Služownik wěsteho stotnika pak, kotryž bě jemu luby, bližeše so smjerći.

3. A hdyž bě wo Jězusu slyšał, posła k njemu staršich ze Židow,* prošo jeho, zo by přišoł a jeho služownika wustrowil.

4. A hdyž woni k Jězusej přinědžechu, prošachu jeho naležnje, prajicy: Hódny je, zo by jemu to sćinił;

5. Přetož lubuje naš lud, a sam je nam synagogu natwaril.

6. Jězus pak džěše z nimi. A hdyž bě hižo njedaloko wot domu, posła stotnik

k njemu přecelow, prajo: Knježe, nje-prócuj so; přetož njejsym hódny, zo by pod moju třěchu zašoł.

7. Tohodla njejsym tež sebje samoho za hódneho měł, zo bych k tebi přišoł; ale praj ze słowom, a wustrowjeny budže mój služownik.

8. Přetož tež ja sym čłowjek pod wyšnosć stajeny, a mam pod sobu wojakow, a praju-li tomu: Dži, a wón dže, a druhemu: Přinědž, a wón přinědže, a swojemu služownikej: Čin to, a wón čini.*

9. Jězus pak to wuslyšawši podžiwa so, a wobroćił so k ludej, kiž za nim džěše, rjekny: Zawěrnó praju wam, ani w Isra-elu tajkeje wěry njejsym namakał.

10. A hdyž so čin, kotřiž běchu posłani, domoj wróćichu, namakachu služownika, kiž bě khory był, stroweho.

11. **A** sta so, zo wón potom do města džěše, kotrež Naim rěka, a z nim džěchu jeho wučownicy, a wulka črjódá.

12. Hdyž pak k wrotam města so přibliži, hlej, bu mortwy won njeseny, jenički syn swojeje maćerje, a ta běše wudowa; a wjele ludu z města džěše z njej.

13. A hdyž ju Knjez wuhlada, bu hnuty ze sobuželności z njej a rjekny jej: Nje-plakaj!

14. A přistupił dótčny so marow. (Čin pak, kotřiž njesechu, zastachu.) A wón džeše: Młodženco, tebi praju: Wstań.

15. A kiž bě mortwy był, posydný so a poča rěčeć. A wón jeho da jeho maćeri.

16. Wšitkich pak bojosć přewza, a khwalachu Boha, prajicy: Wulki profeta je mjez nami wstanył, a Bóh je swój lud wopytał.*

Niže 24, 19; Jan. 4, 19.

17. A wuńdže tale powěsć wo nim po cyłej Judeji a po cyłej wokolnej krajiny.

VII. 8. Starši su tu předstojnicy židowskeje wosady. — 8. Runje tak móžeš tež ty rozkazować a stanje so po rozkazu. — 16. Bóh je swojemu ludej wosebitu miłosć wopokazał, zo je tajkeho profetu posłał; poslanje profetow bě wopytanje Bože, dokelž Bóh rěčeše přez profetow.

18. **A** wo tom wšitkom zjewichu Janej jeho wučownicy.

19. A Jan zawoławši dweju ze svojich wučownikow pósła jeju k Jězusej prajo: Sy ty tón, kotryž ma přińć, abo mamy druheho wočakować?*

Mat. 11, 2.

20. Hdyž pak běštaj mužej k njemu přišľoj, rjeknyštaj: Jan křćenik je naju k tebi pósľal prajo: Sy ty tón, kotryž ma přińć, abo mamy druheho wočakować?

21. W tej samej hodžinje pak wustrowi mnohich wot jich khorosći a čwělow a zlych duchow, a mnohim slepym da wi-
dženje.

22. A wotmoľwejo rjekny jimaj: Džitaj a wozjewtaj Janej, što staj sľyšaloj a wi-
džaloj: Sľepi widža, khromi khodža, wu-
sadni so wučisceju, hľuši sľyša, mortwi
wstawaju a khudym so ewangelium pře-
duje.

Is. 35, 5.

23. A zbóžny, štóžkuli so na mni nje-
pohóršuje.

24. A hdyž běštaj Janowaj pósľaj wo-
tešľoj, poča wo Janje k črjódam rěčeć:
Što sće wušli do pusćiny widžeć? Sćinu
z wětrom hibanu?

25. Abo što sće wušli widžeć? Ćlowjeka
w mjehkej drasće wobľečeneho? Hľej,
kotřiž su w drohej drasće a w radosćach,
su w kralowskich domach.

26. Abo što sće wušli widžeć? Profetu?
Haj, praju wam, tež wjac dyžli profetu.

27. Tónle je, wo kotrymž je pisane:
„Hľej, sćelu swojeho jandžela před two-
jim wobľichom, kotryž budže twój puć před
tobu přiřotować.“

Mal. 3, 1; Mat. 11, 10;

Mark. 1, 2.

28. Přetož praju wam: Mjez rodženymi
wot žónskich njeje žadyn wjetši, dyžli Jan

křćenik; ale štóž je najmješći w kralestwje
Božim, je wjetši dyžli wón.*

29. A wšitkón lud to sľyšawši a Ćlownicy
khwalachu Boha, a buch wukřćeni z Ja-
nowej křćenicy.

30. Ale farisejowje a zakonja wučeni
zacpěchu radu Božu, sami přeciwo sebi,
a njebuchu wot njeho křćeni.

31. Knjez pak džeše: Komu tohodla
přirunam Ćlowjekow tutoho splaha? a
komu su podobni?

Mat. 11, 16.

32. Podobni su džěćom, na torhošću
sedžacym a na sebje woľacym prajicy: Pis-
kachmy wam a njerejwašće, žalosćachmy
a njeplakašće.

33. Přetož Jan křćenik přińdže, kotryž
ani njejdžeše khlěba ani njepiješe wina,
a prajiće: Djablisko ma.

Mat. 11, 18.

34. Syn Ćlowjeka přińdže, kotryž jě a
pije, a prajiće: Hľej, wožraly Ćlowjek a
winowy pijěć, přecel Ćlownikow a hrěš-
nikow.

35. A mudrosć bu wosprawnjena wot
wšitkich svojich džěćí.*

36. Jedyn z farisejow pak prošeše jeho,
zo by z nim jědl. A do farisejoweho
domu zastupiwiš sydney so k blidu.

37. A hľej žónska, kotraž běše w měšće
hrěšnica,* zhoniwši, zo je so k blidu sydney
w farisejowym domje, přinjesa alabastro-
wu buškwicu ze žalbu.

Mat. 26, 7;

Mark. 14, 3; Jan. 12, 3.

38. A stójey zady k jeho nohomaj,*
poča ze sylzami jeho nozy maćeć, a tře-
ješe jej z włosami swojeje hľowy, a wo-
košowaše jeho nozy a žalbowaše jej ze
žalbu.

39. Widžawši pak to farisej, kotryž bě
jeho powoľal, džeše sam při sebi prajo:

19. hl. Mat. 11, 3. 7. 8. 9. 11. — 28. hl. Mat. 11, 11. — 35. hl. Mat. 11, 19. — 37. t. j. žónska, kotraž ze svojim žiwjenjom zjawny pohóršk dawaše. Po wučbje swjatych wótcow bě to Marija, Lazarowa sotra, kotraž měješe wot swojeho kubľa přimjeno Magdalena; ta sama je Jězusa tydžen před jeho smjerću žalbowała. Mat. 26, 7; a Jan. 11, 2. — 38. Pola Židow njese-
džachu hosćo za blidom na stółcach, ale ležachu z nohomaj dozady, na ľěwy ľohě so zepěrajo. Tři
Jězus tak ležeše, bosy nozy k sćenje wobroćejo; přetož w rańšich krajach nošachu sandalije, kotři
pak so wotpoľožichu při zastupje do domu, hdžež so kóždemu hosćej nozy wumyštej.

Hdy by tutón profeta byl, by tež wědzał, štó a kajka to žónska je, kotraž so jeho dótkla, dokelž je hrěšnica.

40. A wotmołwjejo rjekny Jězus k njemu: Symanje, mam tebi něšto prajić. A tón džeše: Mištrje, praj.

41. Jedyn wěrićel měješe dweju dolžnikow; jedyn bě jemu dolžny pjeć stow džesatnikow a druhí pjećdesat.

42. Dokelž pak njeměješaj, z čim byšaj zaplaćiloj, spuści woběmaj. Kotry pak budže jeho bóle lubować?

43. Wotmołwjejo rjekny Syman: Mam za to, zo tón, kotremuž wjacj spuści. A wón rjekny jemu: Prawje sy sudžil.

44. A wobroćiwši so k žónskej rjekny Symanej: Widžiš tu žónsku? Přińdžech do twójeho domu, a ty njepoda wody mójimaj nohomaj; ta pak ze sylzami womača mojej nozy a wotrě jej ze swojimi włosami.

45. Njewokoši mje; ta pak, hdyž zastupi, njepřesta wokošć mojej nozy.

46. Z wolijom njepožalbowa moju hłowu; ta pak požalbowa ze žalbu mojej nozy.

47. Tohodla praju tebi: Jej je wjele hrěchow wodatych, dokelž wjele lubowaše. Komuž pak so mjenje spuśćuje, mjenje lubuje.

48. Wón pak rjekny k nej: Hřechi su tebi wodate.

Mat. 9, 2.

49. A kotřiž sobu k blidu sedžachu, počachu sami při sebi prajić: Štó je tón, kotryž tež hrěchi wodawa?

50. Wón pak rjekny k žónskej: Twoja wěra je čí pomhała; dži w měrje.

STAW VIII.

Jězus powěda přirunanje wo syjerju a wukładuje je swojim japoštołam. Ničo njeje zakhowane, štož by so njewozjewiło. Praji, štó je jeho mać a štó su jeho bratři. Na morju ze spanja zbu-

dženy změruje wětr. Wobsydnjeného wumóže wot legiony zlych duchow, kotrymž do swini zajěć dowoli. Z dótknjenjom kromy jeho sukne wustrowi so žónska wot krewječečnja a Jairowa dźowka je ze słowom k žiwjenju zbudžena.

A sta so potom, zo wón khodžeše po městach a městačkach, předujo a wopowědujo kralestwo Bože; a čí dwanaćo z nim,

2. A někotre žónske, kotrež běchu wustrowjene wot zlych duchow, a wot khorosci: Marija, kotraž řeka Madlena, z kotrež bě sedm* djabliskow wušło,

Mark. 16, 9.

3. A Joanna, mandželska Chusy,* kotryž bě Herodesowy zastojnik, a Susanna a mnohe druge, kotrež jemu ze swojim zamóženjom služachu.**

4. Hdyž pak so wjele ludu zhromadžeše, a z městow k njemu so přidawaše, rjekny wón z přirunanjom: Mat. 13, 8; Mark. 4, 8.

5. Syjeř wuńdže, zo by swoje symjo wusywał. A hdyž syješe, padže někotre při puću, a bu rozteptane, a ptaki njebyja zjěchu je.

6. A druge padže na skału, a zeskhadzawši wuskhny, dokelž włóhi njeměješe.

7. A druge padže mjez černje, a černje sobu rosćechu a podusychu je.

8. A druge padže do dobreje zemje, a hdyž bě narostło, přinjese stotory plód. To prajiwiš zawola: Štóž ma wuši k slyšenju, njech slyši.

9. Jeho wučownicy pak prašachu so jeho, što by to přirunanje bylo.

10. Wón jim rjekny: Wam je date, znać potajnosće kralestwa Božeho, druhim pak w přirunanjach, zo bychy „widžicy njezapřijeli, a slyšicy njezrozumili.“ Is. 6, 9; Mat. 13, 14; Mark. 4, 12; Jan. 12, 40; Jap.sk. 28, 26.

11. Tole pak je přirunanje: Symjo je słowo Bože.

VIII. 2. Sedm stoji za „wjele“; djabol skutkuje přez wšitke nakhilnosće wobsydnjeného čłowjeka, tak zo je tutón cyle jeho poddan. — 3. Chusa bě Herodesowy hospodař na jeho kublach w Galileji. ** Knjez njebyja a zemje, kiž tysacy w pusćinje spodziwnje nasycy, ponižuje so tak hluboko, zo je wot jałmožny žiwy, kotruž jemu žónske podawaju; wón je spokojny w swojej khudobje z tym, štož jemu lubosć poskićuje.

12. Kotřiž pak při puću, su ěi, kotřiž slyša; potom přińdže djaboľ a wozmje slowo z jich wutroby, zo bychu njewěricy zbóžni njebyli.

13. Kotřiž pak na skaľu, (su ěi), kotřiž, hdyž slowo wuslyša, je z wjesolosců při-jimaju; ale ěi korjenjow nimaju; woni na khwilu wěrja, a w času spytowanja wot-paduja.

14. Kotrež pak do ěernjow padže, su ěi, kotřiž slyša, ale wot starosců, bohat-stwa a wjeselow žiwjenja bywaju podušení, a njenjesu płodu.

15. Kotrež pak do dobreje zemje, su ěi, kotřiž slowo slyšicy je w dobrej a naj-lěpšej wutrobje zakhowaju a plód njesu w sčerpności.

16. Nichtó pak swěcu zaswěćiwši nje-přikrywa ju ze sudowjom, ani njestaja ju pod ložo, ale staja ju na swěčnik, zo bychu nutř khodžacy swěťlo widželi.

Mat. 5, 15; Mark. 4, 21.

17. Přetož ničo njeje potajne, štož by zjewjene njebyło, ani zakhowane, štož by so njezhoniło a na zjawne njeprišlo.

Mat. 10, 26; Mark. 4, 22.

18. Tohodla hladajće, kak slyšiće.* Přetož štož ma, tomu budže date, a štož-kuli nima, tomu budže tež to wotewzate, štož měni, zo ma.

Mat. 13, 12 a 25, 29.

19. Přińdžechu pak k njemu jeho mać a bratřa, a njemóžachu k njemu přistupić ludu dla.

Mat. 12, 46; Mark. 3, 31.

20. A wozjewi so jemu: Twoja mać a twoji bratřa* stoja wonka, žadajcy tebe widžeć.

21. Wón pak wotmoľwjejo rjekny k nim: Moja mać a moji bratřa su ěi, kotřiž slowo Bože slyša a je dopjelnjeju.

22. Sta pak so jenoho dnja, zo wón do ěolmika stupi a jeho wučownicy, a wón džeše k nim: Přewjezmy so přez jězor. A wotwjezechu so,

Mat. 8, 23; Mark. 4, 36.

23. A hdyž so wjezechu, wusny wón; a sylny wichor přińdže na jězor, a na-běrachu (wodu), a běchu w strašności.

24. Přistupiwiš pak zbudžichu jeho pra-jicy: Mištrje, hinjemy. A wón wstanywši pohrozy wětrej a přiwalaj wody, a tón přesta, a bu ěišina.

25. Rjekny pak k nim: Hdže je waša wěra? A woni so nabojachu a spodžiwachu so, mjez sobu prajicy: Štó, měniš, je tónle, dokelž wětram a morju poruča, a jeho poslušaju?

Mat. 8, 26.

26. A přewjezechu so do gerasenskeje krajiny,* kotraž je napřećiwu Galileji.

Mark. 5, 1.

27. A hdyž bě wón na kraj stupil, přiběža jemu někajki muž napřećiwu, ko-tryž měješe djablisko hižo dolhe časy. a so drastu njewoblekaše, ani w domje njebydleše, ale w rowach.

28. Wuhladawši Jězusa padže před nim, a woľajo z wulkim hłosom rjekny: Što je mi a tebi, Jězuso, syno Boha najwyš-šeho? Prošu ěe, nječwěľuj mje.

29. Přetož přikaza nječistemu dušej, zo by z ěłowjeka wušoľ. Dolhe časy wšak bě jeho přewzał; a wón bu z rječazami wuwjazany a w putach stražowany, ale zwjazki roztorhnywši bu wot djabliska do pusćiny honjeny.

30. Jězus pak wopraša so jeho, prajo: Kajke maš njeno? A wón rjekny: Legion: dokelž wjele djabliskow bě do njeho zašlo.

31. A prošachu jeho, zo by jim nje-přikazaľ do bjezdna woteńć.*

32. Běše pak tam wulke stadľo swini, kotrež so na horje pasechu; a wone jeho prošachu, zo by jim dowoliľ do nich zańć. A wón jim dowoli.

33. Tuž wuńdžechu djabliska z ěłowjeka a zajědžechu do swini a z nahľosců wali so stadľo do jězora a potepi so.

Mat. 8, 32.

18. t. r. zo njebyšće bjez wužitka posľuchali. — 20. t. r. krejni přećelojo, kotřiž so w swjatym pismje husto bratřa mjenuja. — 26. Tež gergesenska abo gadarenska so mjenowaše. Mark. 5, 1 a Mat. 8, 28. — 31. t. r. na město, kotrež sčenic hewak hela mjenuje (16, 28), w kotreži su djaboľy na rječazach ěčmnoscě zwjazani. 2. Pětr. 2, 4; hl. Mat. 8, 32.

34. Hdyž pastyrjo wuhladachu, što je so stało, ćeknychu a powědachu to w měsće a po wsach.

35. Wuńdžechu pak, zo bychu widźeli, što je so stało, a přińdžechu k Jězusej; a namakachu čłowjeka, z kotrehož běchu djabliska wotešle, zwoblekaneho a ze strowym rozomom k jeho nohomaj sedžaceho, a naboju so.

36. A tež ċi, kotřiž běchu widźeli, powědachu jim, kak bu wustrowjeny wot legiony (djabolow);

37. A prošeše jeho wšitkón lud gerasenskeje krajiny, zo by wotešol wot nich, dokelž běchu z wulkej bojoseu napjelnjeni. Wón pak stupiwiš do čolma wróci so.

38. A muž, z kotrehož běchu djabliska wuše, prošeše jeho, zo by z nim był. Jězus pak jeho wot sebje pući, prajo:

39. Wróc so do swójeho domu, a powědaj, kak wulke wěcy je Bóh na tebi činił. A wón woteńdže wozjewjejo po cyłym měsće, kak wulke wěcy je Jězus na nim činił.

40. Sta pak so, hdyž bě Jězus so wrócił, prija jeho lud; přetož wšitcy jeho wočakowachu.

41. A hlej, muž přińdže z mjenom Jairus, a wón bě předstojnik synagogy; a wón padže Jězusej k nohomaj jeho prošo, zo by do jeho domu zastupił,

Mat. 9, 18; Mark. 5, 22.

42. Dokelž měješe jeničku džowku, wokoło dwanaće lět, a ta mrěješe. A poda so, jako wón džěše, zo bu wot črjódow ċišćany.

43. A jena žónska ćerpješe wot dwanaći lět na krewjećeenje, kotraž bě swoje cyle zamóženje na lékařow naložila, a njemóžeše wot žanoho wustrowjena być;

Mark. 5, 26.

44. Přistupi wot zady, a dótkny so kromy jeho drasty, a hnydom zasta jeje krewjećeenje.

45. A Jězus džeše: Štó je, kotryž so mje dótkny? Hdyž pak wšitcy přejachu,

rjekny Pětr a kotřiž běchu z nim: Mištrje, črjódy ċe ċišća a tłoća, a prajiš: Štó so mje dótkny?

46. A Jězus rjekny: Něchtó je so mje dótknył; dokelž ja wěm, zo je móc wote mnje wušla.

47. Žónska pak widžawši, zo njeje potajne wostało, přistupi třepotajcy, padže jemu k nohomaj, a wozjewi před cyłym ludom, z kajkeje přičiny je so jeho dótknyła a kak bu hnydom wustrowjena.

48. A wón jej rjekny: Džowka, twoja wěra je ċi pomhała. Dži w měrje.

49. Hdyž wón hišće rěčeše, přińdže něchtó k předstojnikej synagogy, prajo: Twoja džowka je wumřela, njewobćežuj jeho.

50. Jězus pak tuto słowo slyšawši wotmołwi holčynemu nanej: Njebój so, wěf jenož, a budže žiwa.

51. A hdyž do domu přińdže, njedowoli nikomu sobu zastupić, khiby Pětrej a Jakubej a Janej, a holčynemu nanej a maćeri.

52. Wšitcy pak plakachu a wobžarowachu ju. A wón rjekny: Njeplakajće, holčka njeje wumřela, ale spi.

53. A smějachu so jemu wědzicy, zo je wumřela.

54. Wón pak wza ju za ruku a zawoła prajo: Holčka, wstań.

55. A jeje duch wróci so, a wona wstany hnydom. A wón přikaza, zo bychu jej jěsć dali.

56. A jeje staršej džiwaštaj so, a wón jimaj přikaza, zo byštaj nikomu njeprajiloj, štož bě so stało.

STAW IX.

Jězus dawa swojim japoštołam, kotrymž přědować přikazuje, wučby a přikaznje. Herodes wo Jězusa slyšawši, žada jeho wohladać. Z pjeć khlěbami a dwěmaj rybomaj nasyći pjeć tysac mužů. Pětr wuznawa jeho za Messiasa. Jězus wěšći swoje ćerpjenje. Překrašenemu zjewištaj so Mójes a Elias. Na nanowu próstwu wučeri djabola ze syna. Mjez japoštołami wudyri zwada, što je mjez nimi přěni. Synaj

Zebedejowaj chcetaj, zo by woheń z njebjja Samaritanow zahubił, kotřiž Jězusa přijec no-cheychu. Jenoho, kiž chce jeho sčehować, wotpo-kaza a druheho powoła, a njedowoli jemu nana prjedy pohrjebać.

Zwolaŕši dwanaće japoštołow da jim móc a knjejstwo nade wšěmi djabliskami, a zo bychy khorosće hojili. Mat. 10, 1; Mark. 3, 15.

2. A wupósła jich, zo bychy kralestwo Bože přédowali, a khorych wustrowjeli.

3. A džeše k nim: Njebjeće sebi ničoho na puć, ani kija, ani wačoka, ani khlěba, ani pjenjez, njemějće ani dvě sukni. Mat. 10, 9; Mark. 6, 8.

4. A do kotrehožkuli domu zastupiće, wostańće tam, a njeńdźće wottam.

5. A kotřižkuli bychy was njeprijeli, wuńdźće z tajkeho města a wottrásće tež proch ze swojeju nohow, k swědčenju přećiwo nim. Jap. sk. 13, 51.

6. Woni pak woteńdžechu a khodžachu po městačkach, wšudžom předujoy a wustrowjejoy.

7. Štwórciwjeřch Herodes pak wusłyša wšitko, štož so wot njeho stawaše, a bče w njewěstosci, dokelž bu prajene Mat. 14, 1; Mark. 6, 14.

8. Wot někotrych: Jan je wot mortwych wstanyl; wot druhich pak: Elias je so zjewił; a wot druhich: Jedyn ze starych profetow je wstanyl.

9. A Herodes džeše: Janej sym hlówu sćal; štož pak je tón, wo kotrymž tajke wěcy słyšu? A žadaše jeho widzieć.

10. **A** japoštołowje wróciwši so powědachy Jězusej, štožkuli běchu činili; a jich sobu wzawši wotsali so w stronu na puste město, kotrež je při Bethsaidze.

11. Hdyž črjódy to zhonichu, dóńdžechu za nim; a wón přija je a rěčeše k nim wo kralestwje Božim, a wustrowješe tych, kotřiž wustrowjenje potrebowachu.

12. Dzeń pak poča so nakhileć. A přistupiŕši rjeknychu dwanaćo k njemu: Rozpuść črjódy, zo wotšedši do wokolnych

městačkow a wsow zastupja a jědže namakaju, dokelž tu smy na pustym měsće.

Mat. 14, 15; Mark. 6, 36.

13. Džeše pak k nim: Dajće wy jim jěsć. A woni rjeknychu: Nimamy wjac dyžli pjeć khlěbow a dvě rybje; khiba zo bychmy my šli a za cyłu tule črjódu jědže nakupili? Jan. 6, 9.

14. Bče pak muži wokoło pjeć tysacow. A wón džeše k svojim wučownikam: Dajće so jim zesydać w hromadach po pjećdžesaćoch.

15. A sćinichu tak, a dachu wšitkim so zesydać.

16. Wzawši pak pjeć khlěbow a dvě rybje, pohladny k njeby, požohnowa je a lamaše, a poda je svojim wučownikam, zo bychy je před črjódy kladli.

17. A wšitecy pojěchu a buchu nasycěni; a zezběra so lamankow, kotrež jim zbychu, dwanaće korbow.

18. **A** sta so, hdyž w samoće so modleše, zo běchu tež jeho wučownicy z nim, a wón woprašo so jich, prajo: Za koho maju mje ludžo? Mat. 16, 13; Mark. 8, 27.

19. A wotmołwejoy rjeknychu: Za Jana křćenika, druzy pak za Eliasa, druzy pak (praja), zo je jedyn z prjedyšich profetow wstanyl.

20. Wón pak rjekny jim: Wy pak, za koho maće mje? Wotmołwejoy rjekny Syman Pětr: Za Žalbowanca Božeho.*

21. A wón pohrozyl jim přikaza, zo bychy to nikomu njepowědali,

22. Prajo: Syn čłowjeka dyrbi wjele čerpjeć a začisnjeny być wot staršich a wot wyššich měšnikow a pismawučenyh, a morjeny być, a na třeci dzeń z mortwych wstanyć. Mat. 16, 21; Mark. 8, 31.

23. Praješe pak k wšitkim: Chce-li što za mnu hić, zaprěj sebje samoho, bjeř wšednje na so swój křiž, a sčěhuj mje. Mat. 10, 38 a 16, 24; Mark. 8, 34; niže 14, 27.

24. Přetož šťož chce swoje žiwjenje zakhować, zhubi je; šťož pak swoje žiwjenje zhubi mje dla, zakhowa je.

Niže 17, 33; Jan. 12, 25.

25. Přetož što pomha čłowjekej, by-li cyły swět dobyl, sebje samoho pak zhubil a na sebi škodu sčinil?

26. Šťož pak by mje a mojich słowow so hańbowal, toho budže Syn čłowjeka so hańbować, hdyž přindže we swojej krasnosći a Wótcowej a swjatych jandželow.

Mat. 10, 33; Mark. 8, 38; 2. Tim. 2, 12.

27. Praju pak wam zawěsće, zo někotři, kotřiž tudy stoja, smjerće njewoptaju, hač wuhladaju kralstwo Bože.*

Mat. 16, 28; Mark. 8, 39.

28. Sta pak so, něhdže za wósm dnjow po tutych słowach, zo Pětra a Jakuba a Jana sobu wzawši na horu dónďže, zo by so modlil.

Mat. 17, 1; Mark. 9, 1.

29. A hdyž so modleše, bu podoba jeho wobliča hinaša, a jeho drasta bu běla a blyščata.

30. A hlej, dwaj mužej rěčeštaj z nim. Běštaj to Mójzes a Elias,

31. Kotrajž so zjewištaj w krasnosći, a rěčeštaj wo jeho wukhadže, kotryž chcyše w Jeruzalemje dopjelnić.

32. Pětr pak, a kotrajž běštaj z nim, buchu wot spara wobćeženi. A wotućiwi wuhladachu jeho krasnosť, a dweju mužow, kotrajž při nim stoještaj.

33. A sta so, hdyž wot njeho woteńdžeštaj, zo Pětr k Jězusej džeše: Mištrje, dobro je nam tudy być; tuž sćińmy tři stany, tebi jedyn, Mójzesej jedyn, a Eliasej jedyn, njewědžo, što rěči.

34. Hdyž pak hišće tak rěčeše, nasta mrócel, a wobscěni jich; a nabojachu so, hdyž tamni do mrócele zastupichu.

35. A hlós sta so z mrócele, prajo:

Tónle je mój lubowany Syn; toho poslušajće.

2. Pětr 1, 17.

36. A jako so hlós sta, bu namakany Jězus sam. A woni mjelčachu, a njerjeknychu we wonych dnjach nikomu, šťož běchu widželi.

37. Sta pak so nazajtra, hdyž z hory zeńdžechu, zo jim wulka črjóda napřećiwo přindže.

38. A hlej, muž z črjódy zawola prajo: Mištrje, prošu će, spohladaž na mojeho syna, dokelž je mój jenički.

Mat. 17, 14; Mark. 9, 16.

39. A hlej, duch napaduje jeho a zdobom škrěči, a mjeta a wjerha jeho, zo pěni, a lědma wotkhadža, torhajo jeho.

40. A sym twójich wučownikow prosyl, zo bychu jeho wuhnali, a woni njezamóžechu.

41. Wotmołwjejo pak rjekny Jězus: O njewěriwy a wrótny splaho, kak doľho budu z wami, a znjesu was? Přiwjedž sem svojeho syna.

42. A hdyž přistupowaše, ćisny jeho zły duch a powjerha jeho.

43. A Jězus pohrozy nječistemu duchej, a wustrowi hólčeca, a poda jeho nanej.

44. A wšitcy so spodźiwachu nad wulkosću Božej. A hdyž so wšitcy dźiwachu nade wšim, šťož činješe, rjekny k svojim wučownikam: Zapoložće wy tele rěče do svojich wutrobow; přetož Syn čłowjeka budže podaty do rukow čłowjekow.*

45. Ale woni njezrozumichu tuto słowo, a běše jim potajne, zo bychu je njezaprijeli; a bojachu so, wo tomle słowje so jeho woprašće.*

46. Přindže pak do nich mysl, šťó mjez nimi by najwjetši byl. Mat. 18, 1; Mark. 9, 33.

27. Přir. tež Mat. 16, 28. t. r. počatk kralstwa Božeho, kotrež so na zemi založi a rozšěri při wšitkich mócných zadžěwkach, kotrež so jemu přihotuja; dokonjane budže tuto kralstwo, hdyž jeho kral, Khrystus, w swojej krasnosći na sudjenje přindže, zo by mytował wšěch svojich swěrných wuznawarjow, kotřiž so jeho hańbowali njesu. — 44. t. r. poslušajće pilnje na to, šťož budu wam wo swojej smjerći prajić. — 45. Jeho wučownicy jeho njezrozumichu, dokelž wočakowachu, zo móčne swětné kralstwo založi a tohodla bě to za nich njezrozumliwe, zo by móhl morjeny być.

47. A Jězus mysle jich wutrobow wi-
džo, wza džěco a staji je pódla sebje,

48. A džeše k nim: Štóżkuli by tuto
džěco přijal w mojim mjenje, přijima mje,
a štóżkuli by mje přijal, přijima toho, kiž
je mje pósłal, dokelž štóż je mješši mjez
wami wšitkimi, tón je najwjetši.* Mat. 18, 5.

49. Wotmołwjejo pak rjekny Jan: Mi-
štrje, widžachmy někoho w twojim mjenje
djabliska wuhonjeć, a zakazowachmy jemu,
dokelž njekhodži z nami. Mark. 9, 37.

50. A Jězus džeše k njemu: Njewoba-
rajće jemu; přetož, štóż njeje přeciwo
wam, je za was.*

51. Sta pak so, jako so dopjelnjachu
dny jeho pozběhnjenja,* a wón wobroći
swoje wobličo, zo by do Jeruzalema šol.

52. A pósła pósłow před sobu,* a ducy
přinđžechu do města Samaritanow, zo
bychu jemu přihotowali.

53. A njepřijachu jeho, dokelž bě jeho
wobličo wobroćene k hiću do Jeruzalema.*

54. Hdyž pak to jeho wučownikaj Jakub
a Jan widžestaj, rjeknyštaj: Knježe, chceš-
li, prajimój, zo by woheń z njebjazestup-
pil a jich spalil. 4. Kral. 1, 10.

55. A wobroćiwši so poswari jeju prajo:
Njewěstaj, kajkeho ducha staj.*

56. Syn čłowjeka njeje přišol, zo by
duše zahubił, ale wozbožil. A woteńdžechu
do druhého města. Jan. 3, 17 a 12, 47.

57. Sta pak so, hdyž po puću džěchu,
zo něchtó k njemu rjekny: Chcu za tobu
hić, hdžežkuli pónđžeš.

58. Jězus rjekny jemu: Liški maju jamy,

a ptaki pod njebjom hnězda, Syn čłowjeka
pak nima, hdžež by hlówu položil.

59. K druhemu pak džeše: Sćěhuj mje;
tón pak rjekny: Knježe, dowol mi, zo bych
přjedy wotešol a pohrjebał svojego nana.

60. A Jězus jemu rjekny: Njech mortwi
pohrjebaju svojich mortwych, ty pak dži
a připowěduj kralestwo Bože.

61. A druhi džeše: Mištrje, chcu tebj
sćěhować, ale dowol mi, zo najpřjedy so
rozžohnuju z tymi, kotřiž su doma.

62. Jězus jemu rjekny: Žadyn, kotryž
swoju ruku k pluhej přiložiwši do zady
hlada, njekhodži so za kralestwo Bože.*

STAW X.

Jězus sće dwaj a sedmdžesat wučownikow před
sobu do městow, dawa jim přikaznje, kotrež
maju při přědowanju wobkedžbować, a praji,
dokelž so wjesela, hdyž su jim tež djabyły pod-
date, zo so nimaju nad tym tak wjeselić. Hrozy
zasakłym městam, w kotrychž bě so wjele dzi-
wow stało. Zradujo so w duchu khwali Wótca.
Pismawučenemu, kiž jeho spytuje, mjenuje kaz-
nju lubosće k Bohu a k bližšemu, a rozestaja
jemu, što je naš bližši, z přirunanjom wo mi-
łosćiwym Samaritanje. Marće, kotraž jemu po-
služejcy na sotru Mariju skorži, praji, zo je sebi
Marija najlěpši džěl wuzwoliła.

Potom pak wuzwoli Knjez tež druhich
sedmdžesat a dweju, a pósła jich po dwě-
maj před svojim wobličom do wšěch mě-
stow a wsow, do kotrychž cheyš sam
přinć.*

2. A praješe jim: Žně drje su wulke,
ale džělaćerjow je mało. Prošće tohodla
Knjeza žni, zo džělaćerjow pósće na
swoje žně. Mat. 9, 37.

48. t. r. štóż wo sebi najmjenje mysli, štóż je najponižniši, plaći před Bohom najwjacy. —
50. hl. Mark. 9, 38. — 51. t. r. dny, we kotrychž cheyš Jězus swoje čerpjenje započć, a naše
wumóženje dokonjeć, zo by potom wot svojego Wótca přijaty był do njebjeskeje krasnosće. —
52. t. r. zo byštaj Knjezej hospodu přihotowalój a tež ludžom jeho přikhad zjewiłój, buštaj Jan a Jakub
do přědka pósłanaj. — 53. Samaritanowje njemějachu ze Židami přecelstwa, a dokelž so Jězus jako
swěrný Žid wuzna, kotryž je na puću do Jeruzalema, zapowěchu jemu hospodu. — 55. t. r. myslitaj
sebi, zo staj wot ducha Božeho wjedzenaj, tola woprawdže wobknježi waju jeno čłowjeska njesćer-
nosć a žadosć wječjenja. — 62. Jako tón, kiž při woranju so wobhlada, wjele khmaneho nje-
dokonja a wjele njenawora, tak njemóže tón, kiž na časne kubla swoju wutrobu powěša a za nje
so stara, wjele khmaneho dokonjeć we službje Božej a w rozšěrjenju Božeho kralestwa.

X. 1. Khrystus wuzwoli z ludu svojich zastupnikow, a mjez nimi postaji dwanaćoch na wyši
stopjeň, pod kotrymiž či dwaj a sedmdžesat stojachu. Tutych wupósła, zo bychy ludži na jeho
přikhad přihotowali; po dwěmaj jich wupósła, zo by jedyn druhemu na pomoc, jako wokřeće a
přiklad byl

3. Džice, hlej ja was sčelu, jako jehnjata mjez wjelki.

Mat. 10, 16.

4. Njenošće ani móšny, ani wačoka, ani wobuća, a njestrowjejće nikoho na puću.*

Mat. 10, 10; Mark. 6, 8; Wyše 9, 3.

5. Do kotrehožkuli domu zastupiće, prajće najprjedy: Pokoj tomu domej.

6. A budže-li tam syn pokoja, budže waš pokoj na nim wotpočować; njeje-li pak, wróci so k wam.

7. W tom samym domje wostańće, jč-džicy a pijcy, štož pola nich je; přetož hódny je dželaćer swojeje mzdy. Njekhodźće z domu do domu.*

5. Móž. 24, 14; Mat. 10, 10; 1. Tim. 5, 18.

8. A do kotrehožkuli města zastupiće, a přiwozmu-li was, jězće, štož wam předstaja;

9. A wustrowjejće khorych, kotřiž su w nim, a prajće jim: Kralestwo Bože je so k wam přibližilo.

10. Do kotrehožkuli města pak zastupiće, a njepřiwozmu-li was, wuńdźće na jeho dróhi a prajće:

11. Tež proch, kotryž so nam z wašeho města připowěsny, wottřasujemy na was; tola to wězće, zo je so přibližilo kralestwo Bože.

Jap. sk. 13, 51.

12. Praju wam, zo budže Sodomej na wonym dnju lóže,* dyžli tutomu městu.

13. Běda tebi, Korozainje, běda tebi, Bethsaida, dokelž hdy bychy so w Tyrje a Sidonje džiwly stale, kotrež su so stale we wamaj, dawno budžeštaj w měše a popjele sedžicy pokutu činiloj.

Mat. 11, 21.

14. Tola Tyrej a Sidonej budže lóže na sudže dyžli wamaj.

15. A ty Kafarnaumje, hač do njebja powyšeny, hač do hele budžeš zestorčeny.

16. Štóz was slyši, mje slyši, a štóz was zacpěwa, mje zacpěwa. Štóz pak mje

zacpěwa, zacpěwa toho, kotryž je mje pósłal.

Mat. 10, 40; Jan. 13, 20.

17. Dwaj a sedmdžesaćo pak wróćichu so z wjesolosću, prajicy: Knježe, tež djabliska so nam poddawaju w twójim mjenje.

18. A wón džeše k nim: Widźach sata, jako blysk z njebja padaceho.*

19. Hlej, sym wam mócnosć dal teptać na hady a skorpiony a na wšitku móc njepřečela, a ničo was njewobškodži.

20. Tola nad tym so njewjeselće, zo wam duchy so poddawaju;* wjeselće pak so, zo su waše mjena zapisane w njebiesach.

21. W tej samej hodžinje zezradowa so wón w Duchu swjatym, a rjekny: Khwalu tebje, Wótče, knježe njebies a zemje, zo sy to zakhował před mudrymi a wučenyimi, móličkim pak sy je zjewil. Haj, Wótče, dokelž tak so zespodoba před tobu.

Mat. 11, 25.

22. Wšitko je mi přepodate wot mojeho Wótca; a ničto njewě, što je Syn, khiba Wótce, a što je Wótce, khiba Syn, a komuž zechce Syn zjewić.

23. A wobroćiwši so k swojim wučownikam, rjekny: Zbóžnej stej woči, kotrež widžitej, štož wy widźiće.

Mat. 13, 16.

24. Přetož praju wam, zo mnozy profetowje a kralowje cheychu widźeć, štož wy widźiće, a njejsu je widźeli, a slyšeć, štož wy slyšiće, a njejsu slyšeli.

25. A hlej, jedyn zakonjawučeny wstany, spytujo jeho a praji: Mištrje, što mam činić, zo wěčne žiwjenje dóstanu?

Mat. 22, 35; Mark. 12, 28.

26. A wón rjekny jemu: Što je w zakonju pisane? Kak (tam) čitaš?

27. Wón wotmołwjejo rjekny: „Dyrbiš Knjeza swojeho Boha lubować z cyleje swojeje wutroby, a z cyleje swojeje duše, a ze wšěch swojich mocow, a z cyleje

4. t. r. njezadžeržujuće so z próždnyimi rěčemi. Strowjenja pola rańšich ludow su bjezskónčne, dawanje rukow, prašenja a wobjimanja dolho traja. — 7. t. r. z njewobstajnosće abo ze žadosće, zo byšće so druhdže lěpje měli. — 12. t. j. na dnju suda. — 18. t. r. njedžiwajće so, zo su wam tež djaboly poddaći; wina na tym je mój přikład, z nim je móc djabola złamana, jeho kralestwo woslabjene; nahle jako blysk bu wón ze swojeho tróna storčeny. Cyle so zniči a přestanje djabolske knjejestwo na sudnym dnju. — 20. Dokelž při tom móže čłowjek hišće zhubjeny być.

swojeje mysle, a swojeho bližšeho, jako sebje samoho.“

5. Mójz. 6. 5.

28. A rjekny jemu: Prawje sy wotmolwil; čin to, a budžeš žiwy.

29. Wón pak chcyše sebje samoho wosprawnić, a rjekny k Jězusej: A što je mój bližši?*

30. Na to wotmolwjejo rjekny pak Jězus: Jedyn čłowjek džěše z Jeruzalema do Jericho, a padže mjez rubježnikow, kotřiž jeho wurubiwiši a zraniwiši woteńdžechu, jeho napoľ mortweho wostajiwiši.

31. Sta pak so, zo měšnik po tom samym puću džěše, a wuhladawši jeho, přěńdže nimo.

32. Tak tež levita, jako tam porno přinǵe a jeho wuhlada, přěńdže nimo.

33. Jedyn Samaritan pak (tam) pućujo přinǵe porno njemu, a wuhladawši jeho bu z miłosću hnuty.

34. A přistupiwiši, zawjaza jeho rany, wolij a wino na nje linywiši, a sadzi jeho na swoje skoćo, dowjedže jeho do hospody, a zastara jeho.

35. A nazajtra wučahnywiši dwaj džesatnikaj da jej hospodarjej a praji: Staraj so za njeho, a štožkuli wjacj wuložiš, ja, hdyž so wróću, zaplaću tebi.

36. Kotry z tychle třoch zda so tebi bližši być tomu, kotryž bě mjez rubježnikow padnył?

37. A wón rjekny: Kotryž je smilnosť nad nim činil. A Jězus jemu praji: Dži, a čin tež ty tak.*

38. Sta pak so, hdyž džěchu, zo Jězus do jenoho městačka zańdže, a žónska, z njenom Martha, wza jeho do swojeho domu.

39. A ta měješe sotru z njenom Mariju, kotraž tež sedziacy k nohomaj Knjeza poslučaše na jeho słowo.

40. Martha pak so prócowaše w mnohim posluženju; wona přistupi a rjekny: Knježe, njestaraš so ty wo to, zo moja sotra mi samej poslužeć da? Praj wšak jej, zo by mi pomhala.

41. A wotmolwjejo rjekny jej Knjez: Martha, Martha, starosćiwa sy a njepokojiš so wo mnohe wěcy.*

42. Ale jene je trěbne. Marija je najlěpši džěl wuzwolila, kotryž njebudže wot njeje wotewzaty.

STAW XI.

Jězus wuči swojich wučownikow so modlić, dopokazujo, zo tón, kotryž je wobstajny w modleńju, wšitko dóstanje. Němeho djaboła wuhlawši wotpokazuje tych, kotřiž praja, zo z mocu Beelzebuba djaboły wuhonja. Žónska khwali nadra, kotrež su Jězusa čěšile. Wo Jonasowym znamjenju, wo kralownje z pońdńišeho kraja, wo Ninivitach, wo dobroćiwym a złym woku. Jězus swari fariseja, kiž bě jeho přeprośyl a morkotaše, zo z njemytymaj rukomaj jě. Sudzi tajenstwo farisejow a pismawučenyh prajo, zo změje tónle splah zamołwjeć přelatu krej wšitkich profetow.

A sta so, hdyž na jenom měšće so modleše, a jako přesta, rjekny jedyn z jeho wučownikow k njemu: Knježe, nawuč nas so modlić, jako je tež Jan swojich wučownikow nawučil.

2. A džěše jim: Hdyž so modliće, prajće: Wóťče, swjećene budź twoje mjeno. Přinǵ k nam twoje kralestwo.

Mat. 6. 9.

3. Naš wšědný khlěb daj nam džens.

4. A wodaj nam naše hrěchi, jako tež my wodawamy kóždemu swojemu winikej, a njewjedź nas do spytowanja.

5. A džěše k nim: Štó mjez wami změje přěćela a pónǵe k njemu srjedź nocy a rjeknje jemu: Přěćelo, požě mi tři khlěby,

6. Dokelž mój přěćel přinǵe z puća ke mni, a nimam, što bych jemu předstajil;

29. Bě to prašenje, wo kotrež so pismawučeni wadžachu; bližši bě jim jeno Žid a přěćel, nie pak druhowěriwy abo njepřěćel. — 37. t. r. pomhaj kóždemu njedziwajo na to, hač je Žid abo pohan; pomhaj kóždemu čłowjekej, kotremuž móžeš pomhać. — 41. Jězus njeporokuje jej džělawasć, ale nutrikowny njeměr abo starosćiwosć, kotruž ma jeho dla, tak zo jej njedowoli poslučať na jeho wučky.

7. A tón z nutřka wotmołwjejo by prajil: Njebudź mi wobćežny; durje su hižo zamknjene, a moje džěci su ze mnu w komorje,* njemóžu wstanyć a tebi dać.

8. A by-li wón njepřestał klapač, praju wam: Hač runje wstanywši jemu njeda tohodla, dokelž je jeho přećel, wstanje tola jeho naběhowanja dla, a da jemu kelkož jich potrjebuje.

9. A ja praju wam: Prošće, a wam budže date; pytajće a namakaće; klapajće, a wam budže wotewrjene. Mat. 7, 7; 21, 22; Mark. 11, 24; Jan. 14, 13; Jak. 1, 5.

10. Přetož kóždy, kiž prosy, dóstawa, a štóž pyta, namaka; a klapacemu so wotewri.

11. Komu pak mjez wami, kotryž swogeho nana prosy wo khlěb, da wón kamjeń? abo wo rybu, a da jemu za rybu hada? Mat. 7, 9.

12. Abo prosy-li wo jejo, poda jemu skorpionu?

13. Hdyž tohodla wy, kotřiž sće zli, wěsće dobre dary swojim džěcom dawać, čím wjacj waš Wótc z njebjes da dobreho ducha tym, kotřiž jeho proša?*

14. A wón wuhna djablisko, a to bě něme.* A hdyž bě djablisko wuhnał, řečeše němy, a ludžo so spodźiwachu.

Mat. 9, 32; 12, 22.

15. Někotři z nich* pak rjeknychu: Přez Beelzebuba, wjeřcha djabliskow, wuhonja wón djabliska. Mat. 9, 34; Mark. 3, 22.

16. A druzy jeho spytujcy žadachu wot njeho znamjo z njebjes.

17. Wón pak, hdyž jich mysle widžeše, rjekny jim: Kóždy kralestwo, we sebi samom rozdžělene, zapusći so, a dom na dom padnje.

18. Je-li pak tež djaboł we sebi samom rozdžělene, kak wobstoi jeho kralestwo?

dokelž prajiće, zo ja přez Beelzebuba djabliska wuhonjam.

19. Wuhonjam-li pak ja přez Beelzebuba djabliska, přez koho wuhonjeju je waše džěci? Tohodla budža woni waši sudnicy.

20. Wuhonjam-li pak ja z porstom Božim* djabliska, je zawěrnó kralestwo Bože k wam přišlo.

21. Hdyž sylny wobróńjeny stražuje swój dwór, je to w měrje, štož ma.

22. Jelizo pak sylniši dyžli wón přindže a jeho přemóže, wozmjje (jemu) wšitku jeho brón, na kotruž so spusćeše, a rozdžěli jeho wurubki.

23. Štóž njeje ze mnu, je přećiwó mi, a štóž ze mnu njehromadzi, rozpjerša.

24. Hdyž je nječisty duch z čłowjeka wušoł, khodži po suchich městach, pytajo wotpočink; a njenamakawši praji: Wróću so do swogeho domu, z kotrehož sym wušoł.

25. A hdyž (tam) přindže, namaka jón z khošćemi wumjećeny a wudebjeny.

26. Tuž dže, a přiwozmjje sedm druhich duchow, hóršich, dyžli sam je, a zastupiwši bydla tam. A tak bywaju poslednje wěcy tutoho čłowjeka hórše, dyžli přenje.

27. Sta pak so, hdyž tak řečeše, zo jena žónska z ludu swóh hlós pozběhnywši jemu rjekny: Zbóžny žiwot, kotryž je tebje nosyl, a nadra, kotrež sy wužiwal.*

28. A wón rjekny: Haj, zbóžni su, kotřiž slovo Bože slyša a je zakhowaju.

29. Hdyž pak so črjódý skhadžowachu,* poča wón řeć: Tónle splah je zly splah; znamjo požaduje, ale znamjo njebudže jemu date, khiba znamjo profety Jonasa.

Mat. 12, 39.

30. Přetož jako bě Jonas znamjo Niniwítam, tak budže tež Syn čłowjeka tutomu splahej.

Jon. 2, 1.

XI. 7. t. r. nchtó z mojich njeje wotućeny. — 13. „Dobreho ducha“, t. r. swoje njebjeske hnady; spokojnosť a spodobanje Bože jako najwosebniše dary wam da. — 14. t. r. tón wot złeho ducha wobsydnjeny čłowjek bě němy. — 15. t. r. někotři z farisejow a pismawučenych. — 20. t. r. z mocu Božej. — 27. t. r. kak zbožowna dyrbi mać być, kotraž je tajkeho syna porodžiła a čěšiła. — 29. W nadžiji, zo znamjo z njebjes wohladaju, kotrež běchu wot njeho žadali.

31. Kralowna wot poldnja wstanje w sudze z mužemi tutoho splaha, a wotsudži jich, dokelž přińdže wot kónčinow zemje, zo by słyšała Salomonowu mudrosć; a hlej wjacy dyžli Salomon je tudy.

3. Kral. 10, 1; 2. Par. 9, 1.

32. Mužowje z Ninive wstanu w sudze z tutym splahom, a wotsudža jón, dokelž pokutu činjachu na Jonasowe předowanje; a hlej wjacy dyžli Jonas je tudy.

33. Nichtó swěcu zaswěćiwši njestaju do potajneho, ani pod sudowjo, ale na swěćnik, zo bychy, kotřiž zastupuja, swětło widźeli.*

Mat. 5, 15; Mark. 4, 21.

34. Swěca twojeho ćěla je twoje woko. Budže-li twoje woko jasne, budže twoje cyle ćělo swětle; budže-li pak złe, budže tež twoje ćělo ćemne.*

Mat. 6, 22.

35. Hladaj tohodla, zo by swětło, kotřež je we tebi, ćma njebyło.

36. Budže-li tohodla twoje ćělo cyle swětle, njemějcy ani džěla ćmy, budže swětle cyle, a jako błyskowa swěca rozswětli tebe.

37. A hdyž rěčeše, prošeše jeho jedyn farisej, zo by pola njeho wobjedował. A zastupiwszy sydže so za blido.

38. Farisej pak při sebi rozpominajo, poča prajić: Čohodla so wón njewumy před wobjedom?

Mat. 15, 2.

39. A Knjez džeše k njemu: Nětko wy farisejowje čisćiće, štož je zwonka kelucha a šklč, ale štož znutřka je we was, je poľno rubjenstwa a złósće.*

Mat. 23, 25.

40. Błazni, njeje tón, kotryž je sćinił, štož je zwonka, tež to sćinił, štož je znutřka?*

41. Dawajće tola, štož (nutřka) zbywa jako jaľmožnu, a hlej, wšitko je wam čiste.*

42. Ale běda wam farisejam, kotřiž dže-
satk dawaće z mjatlički a ruty a kóždeho zela, a zanjechaće prawdu a lubosć Božu. Tuto měješe činić, a wono njezakomdžeć.

43. Běda wam farisejam, kotřiž lubujeće přenje města w synagogach a postrowjenja na torhošću.

Mat. 23, 6; Mark. 12, 39.

44. Běda wam, kotřiž sće jako přikryte rowy,* a ludžo na nich khodźicy njewědža to.

45. Wotmoľwjejo pak jedyn ze zakonjawučenych džeše k njemu: Mištrje, tuto prajo tež nas hańbiš.

46. A wón džeše: Tež wam zakonjawučenym běda, dokelž wobćežujeće čłowjekow z brěmjenjemi, kotřež njemóža znjesć, a sami njedótknjeće so brěmjenja ze žanym porstom.

Mat. 23, 4.

47. Běda wam, kotřiž twariće rowy profetow, waši wótcowje pak su jich morili.*

48. Potajkim swědčiće, zo přihłosujeće skutkam swojich wótcow, dokelž woni drje jich morichy, wy pak twariće jich rowy.

49. Tohodla rjekny tež mudrosć Boža: Póscělu k nim profetow a japoštoľow, a z nich budža (někotrych) morić, a (druhic) přescěhać,

50. Zo by žadana byla krej wšěch profetow, kotraž je wot stworjenja swěta přelata, wot tutoho splaha,

51. Wot krewje Abela hač do krewje Zachariasa, kotryž zahiny njez woľtarjom a templom; haj, praju wam, požadana budže wot tohole splaha.

1. Móž. 4, 8; 2. Par. 24, 22.

52. Běda wam zakonjawučenym, dokelž sće wzali kľuč wědomosće; sami njezastupišće, a tym wobarašće, kotřiž zastupowachu.*

33. Ja sym tajka na swěćnik stajena swěca, kotruž móža wšitcy derje widjeć, a moja swěca pokazuje so jasně dyžli Salomonowa a Jonasowa; hdyž pak ju njespóznaće, je waša duchowna sleposć a zasakłosć na tom wino. — 34. hlad. Mat. 6, 22. — 39. Wy sebi zwonkowne wěcy jara wažiće, ale za znutřkownej čistoty a swjatosću so maľo prócujeće. — 40. Njeje Bóh, kiž je zwonkowne wobrajdy přikazał, tež poručil, zo mamy so starać wo čistotu a swjatosć wutroby? — 41. Dokonjeće skutki lubosće, wosebje dawajće jaľmožnu, bóžski wohen lubosće zniči wšitku hrěšnosć. — 44. Jako je w rowach nješwarnosć a zhněće, ani zo bychy ju widźeli, kotřiž po nich khodža, tak je tež we wašich wutrobach hrěšnosć, ani zo bychy ju spózнали, kotřiž was widža. — 47. hl. Mat. 23, 29. 32. 35. — 52. t. r. wy sće ze swojim zrozymjenjom a wukładowanjom swjateho pisma jeho wučby začěmniłi a tak tež druhim, nic jeno sebi samym na prawym zrozymjenju s. pisma zadžěwali, tak zo woni nětko do Khrystusa njewěrja.

53. Hdyž pak to k nim rěčeše, počachu farisejowje a zakonjawučeni jeho mócnje přimać, a jeho wo wjele wěcach so wuprašować,

54. Na jeho lakajcy a pytajcy něšto z jeho rta popadnyć, zo bychu jeho wobskoržili.

STAW XII.

Jězus wuči, zo bychu so zakisaneho čěsta farisejow hladali, a zo wšitko zakhowane so wotkryje; a koho mamy so bojeć. Wo hanjenju Ducha swjateho. Jězus posylnjuje japoštołow přeciwo přescěhanjam. Nochce do rozdželenja herbstwa mjez bratromaj so měšeć. Z přirunanjom wo bohatym napomina, zo bychu nahrabnosće so wobarali, a starosće wo zežiwjenje a drastu so vzdali; wuči dale, zo bychu swoje ledžby wopasali, a štó je swěrný a njeswěrný hospodař. Wón je přišoł, zo by woheri na zemju posłał a džělenje. Porokuje, zo hnadowny čas njespóznawaju. Napomina, zo by kóždy ze swojim přeciwnikom so wujednał.

Hdyž pak wulke črjody wokoło stojachu, tak zo mjez sobu so tłóčachu, poča wón k swojim wučownikam rěčeć: Hladajće so zakisa farisejow, kotryž je tajenstwo.

Mat. 16, 6; Mark. 8, 15.

2. Ničo pak njeje zakhowane, štož by so njewozjewilo, a ničo potajne, štož so njezhonilo.*

Mat. 10, 26; Mark. 4, 22.

3. Přetož štož sće we ómě prajili, budže powědane w swětle, a štož sće do wucha rěčeli we jstwach, budže přédowane na třěchach.

4. Praju pak wam swojim přecelam: Njestrachujće so tych, kotřiž čělo morja, a potom ničoho dale nimaju, štož bychu sćinili.

5. Ale pokažu wam, koho maće so bojeć; bójeće so toho, kotryž, hdyž mori, ma móc do hele čisnyć. Haj, praju wam, toho so bójeće.

6. Njepředawa so pječ wroblow za dwaj

pjenježkaj? ani jedyn z nich njeje w zabýću před Bohom.

7. Ale tež wlosy wašeje hlowy su wšitke zličene. Njebójće so tohodla, wy sće wjacy dyžli wjele wroblow.

8. Praju pak wam: Kóždeho, kotryžkuli mje wuznaje před čłowjekami, tež Syn čłowjeka wuznaje před jandželemi Božimi.

Mat. 10, 32; Mark. 8, 38; 2. Tim. 2, 12.

9. Štóž pak mje před čłowjekami zaprje, tón budže zapřety před jandželemi Božimi.

10. A kóždy, kiž słowo rjeknje přeciwo Synej čłowjeka, tomu so woda; tomu pak, kiž Ducha swjateho hani, so njewoda.*

Mat. 12, 32; Mark. 3, 29.

11. Hdyž pak budža was wodzić do synagogow, a před wyšnosće a mocy, njestarajće so, kak abo što byšće wotmołwjeli abo što byšće prajili;

Mat. 10, 19; Mark. 13, 11.

12. Přetož Duch swjaty powuči was w tej samej hodžinje, što maće prajić.

13. Něchtó z ludu pak rjekny jemu: Mištrje, praj mojemu bratřej, zo by herbstwo ze mnu džělił.

14. Ale wón k njemu rjekny: Čłowječe, štó je mje postajił za sudnika a džělerja mjez wamaj?*

15. A rjekny k nim: Kedžbujće a hladajće so wšeje nahrabnosće, dokelž ničeye žiwjenje njezaleži we wuzbytku z toho, štož ma.*

16. Rjekny pak jim přirunanje prajo: Polo jenoho bohateho čłowjeka přinjesa nadobne plody.

17. A wón při sebi mysleše a praji: Što sćinju, dokelž nimam, hdžež bych zhromadził swoje plody?

18. A rjekny: To sćinju: Potorham swoje bróžnje, a natwarju wjetšć, a tam

XII. 2. t. r. jich hrěšnosć, kotruž nětko tak starosćiwje přikrywaju, přińdže na zjawne; runje tak wopokaže so tež moja wučba jako wěrna a jeničcy wozbožaca. — 10. hl. Mat. 12, 31. — 14. Židža džěchu we swojich skórzbach k sławnym wučenym mužam a prošachu jich wo rozsudjenje. Jězus pak nočeyše do tutych swětnych naležnosćow so měšeć, dokelž bě přišoł, zo by čłowjekam wěčne herbstwo wudžělił. — 15. Bohatstwo njezdžerži nikomu ani časne žiwjenje, wjele mjenje zawěsći jemu wěčne.

zhromadžu wšitko, štož je ni narostło, a swoje dobytki,

19. A rjeknu swojej duši: Duša, maš wjele dobytkow składzenych na mnohe lěta; wotpočuj, jěz, pij, wjesel so.

20. Rjekny pak Bóh k njemu: Blaznje, w tutej nocy twoju dušužadaju wot tebj; a čej budže, štož sy přihował?

21. Tak je z tym, kotryž sebi poklady hromadži, a njeje bohaty za Boha.

1. Tim. 6, 17.

22. Rjekny pak k swojim wučownikam: Tohodla praju wam: Njebudže starosciwi* wo swoje žiwjenje, što byšće jědli, ani wo swoje čěło, z čim byšće so woblekali.

Ps. 54, 23; Mat. 6, 25; 1. Pětr. 5, 7.

23. Žiwjenje je wjac dyžli jědz, a čěło wjac dyžli drasta.

24. Wopomńće rapaki, zo njesyja a nježnjeju, nimaju pincy ani bróznje, a Bóh je žiwi. Kelko wjac sće wy dyžli wone?

25. Što pak wot was móže z přemyslenjom swojej dolhosći jedyn lohć přidać?

26. Hdyž tohodla njemóžeće, štož je najmjenje, přeco sće wo druge starosciwi?

27. Wopomńće lilije, kak rost, nje dźělaj a njepradu; praju pak wam: Ani Salomon we wšej swojej krasnosći njebě wuhotowany, kaž jena z nich.

28. Jelizo pak Bóh trawu, kotraž je dženasa na polu, a jutře so do pjecy čisnje, tak drasći, čim wjac was, małowěriwi?

29. Tuž njestaraje so, što byšće jědli abo što byšće pili, a nježnošujće so wysoko.*

30. Přetož za wšitkim tymžadaju ludy swěta. Waš Wótc pak wě, zo toho potřebujće.

31. Ale pytajće najprjedy kralestwo Bože a jeho sprawnosć, a to wšitko budže wam přidate.

32. Njebój so, móličke stadło,* dokelž wasemu Wótcj je so spodobało wam kralestwo podať.

33. Předajće,* štož maće a dawajće jalmožnu; wudžělajće sebi měški, kotrež njezestarja, (a) poklad, kotryž njewoteběra w njebiesach, hdžež so paduch njebliži ani mola njekazy.

Mat. 19, 21.

34. Přetož, hdžež je waš poklad, tam budže tež waša wutroba.

35. Njech su waše ledžby wopasane,* a swěcy zaswěćene we wašimaj rukomaj,

36. A wy (budže) podobni ludžom, čakacym na swogoho knjeza, hač so wróci z kwasa, zo bych, hdyž přindže a zaklapa, hnydom jemu wotewrili.

37. Zbóžni ci služownicy, kotrychž knjez, hdyž přindže, wotučenych nadeńdže; zawěro praju wam, zo so wopasa a jich za blido sadzi, a khodžo budže jim poslužeć.*

38. A přindže-li w drugej wigiliji,* a přindže-li w třecj wigiliji, a nadeńdže-li tak, zbóžni su ci služownicy.

39. To pak wěće, zo hdy by hospodař wědzał, w kotrej hodzinje paduch přindže, by zawěseć kedźbowal a by njedal so lamać do swogoho domu.

Mat. 24, 43.

40. Tež wy budže přihowani, dokelž Syn čłowjeka přindže w hodzinje, w kotrejž so njenadźijće.

41. Pětr pak dže k njemu: Knježe, prajiš nam tuto přirunanje, abo tež wšitkim?

22. t. r. nimo měry starosciwi. — 29. t. r. nječinće sebi styskniwe mysle, njedajće so wot časnych starosci honić, tam a sem mjetać, runja lisću w powětrje, njebieski Wótc was njewopuści. — 32. Móličke po ličbe, móličke tež po ponižnym zmyslenju; njebój so, zo ci hdy nuzna wěc pobrachnje, hdyž sy so přede wšim za kralestwom Božim starał. — 33. To so njepríkazuje, ale jeno so radži. — 35. t. r. budže stajnje přihowani na přikhad Knjezowy. Rańše ludy nošachu dołhe šěroke sukny, kotrež sebi k hjedram připasachu, zo njebychu při dže a khodženju zadžewani byli. — 37. Při hosćinach khodžeše hosćowar wokoło swogich hosći a hladaše, hač kóždy ma, štož potřebuje. Při njebieskej hosćinje budže Knjez sam swojim swěrnym služownikam poslužować. — 38. Wigilija, hl. Mat. 14, 25; tudy je čas powšitkownje měnjeny: njech přindže w kotrymkuli času.

42. Rjekny pak Knjz: Štó, měniš, je swěrný a rozomny hospodař, kotrehož je Knjz postajil nad swoju čeledź, zo by jim w prawym času dawał měru pšeny?*

43. Zbóžny tón wotročk, kotrehož Knjz přišedši nadeńdže tak činjaceho.

44. Zawěrnó praju wam, zo jeho postaji nad wšitko, štož ma.

45. By-li pak tón wotročk w swojej wutrobje prajil: Mój knjz komdźi so přinć; a by-li počal bić wotročkow a džowki, a jěsć a pić, a so wopijec:

46. Přinďže knjz toho wotročka na dnju, na kotrymž so njenadźije, a w hodźinje, kotruž njewě; a wotstroni jeho a da jemu podźěl z njeswěrnymi.*

47. Tón wotročk pak, kotryž wolu swojeho knjeza póżnawši njeje přihotowany, a njeje činił po jeho woli, budže wjele bity.

48. Kotryž pak ju njeznawši je činił, štož je pukow hódne, budže mało bity. Wot kóždeho pak, kotremuž bu wjele date, budže wjele požadane; a komuž su wjele dowěrili, wot toho wjacý požadaju.

49. Přinďžech, zo bych woheń čisnył na zemju, a što chcu, hač zo so zapali?*

50. Ze křćeńcu mam křćeny być, a kak so česnju,* doniž so njedokónja. Mark. 10, 38.

51. Měniće, zo přinďžech, pokoj přinjesć na zemju? Ně, praju wam, ale džělenje.*

Mat. 10, 34.

52. Přetož wot nětka budža pjećo w jenom domje w njejednoće, tfo přećiwo dwěmaj, a dwaj přećiwo třom.

53. Džěleny budže nan přećiwo synej, a syn přećiwo swojemu naněj; mać budže přećiwo džowcy, a džowka přećiwo maćeri, přichodna mać přećiwo přichodnej džowcy, a přichodna džowka přećiwo přichodnej maćeri.

54. Praješe pak tež k črjódam: Hdyž widźiće, zo mróćel skhadža wot wječora, hnydom prajije: Dešč přikhadža; a tak bywa.

55. A hdyž wětr duje wot poldnja, prajije: Horco budže; a bywa tak.

56. Tajency, wobličo njebja a zemje wěsće přepytować, kak tež njepřepytujće tónle čas?*

Mat. 16, 4.

57. Što pak njesudźiće tež wo sebi samych, štož je sprawne?*

58. Hdyž pak džeš ze swojim přećiwnikom k předstojnikaj, prócuju so na puću, zo by wot njeho pušćeny był, zo će trjebaj před sudnika njećechnje, a sudnik će bércej njepřepoda a bérce će do jastwa njećisnje.

Mat. 5, 25.

59. Praju tebi, wottam njewuńdžeš, hač zaplaćiš posledni pjenježk.

STAW XIII.

Hdyž běchu Jězusej powěsć přinjesli, zo buchu někotři Galilejscy w Jeruzalemje při woprowańu morjeni, napomina wón k pokuće, spominajo na njezbože w Siloe, při kotrymž buchu někotři zaraženi. Předstojnika synagogi poswari, dokelž so hóršeše, zo je Jězuse na sabaće wobsydńenu žonu wustrowił. Přiruna kralestwo njebjes žonopowemu zornu a zakisanemu čěstu. Wo wuzkich durjach, na kotrež budža, hdyž su zamknjene,

42. We wjetších hospodařstwach, hdžež bě wjele čeladnikow, bě jenomu dohlad nad nimi dowěrjeny, kotryž dyrbješe so tež za jich cyrobu starać a jim mzdu wuďěleć; měra pšeny stoji tu za wučinjenu mzdu. Jězuse wotmołwja z tym na Pětrowe prašenje a praji, zo ma wosebje Knjezowy hospodař, přede wšěmi Pětr sam, a družu japoštołowje, kotřiž su postajeni nad wěriwymi, swěrnje so za nich starać, na nich kedźbować a za nich dźělać. — 46. t. r. budže jeho khostać, kaž sebi to njeswěrný služownik zasłuži. — 49. Woheń rozswětla čmu; woheń, kotryž je Khrystus na swět přinjesl, je jeho swjata wučba, z kotrež rozswětla wšelake bludy. Woheń wohrěwa; woheń, kotryž je Khrystus na swět přinjesl, je swjata lubosć, kotraž ma čłowjeka k lubosći Božej zahorić. Woheń pak tež čisí n. př. złoto wot brudow; tak žada sebi swěrna poslušnosć přećiwo Jězusej wučbje wšelake wopory sebjezaprěca, z kotrymiž so čłowjek čisí wot svojich njedospołnosćí, a na posledku pokazuje so kaž ryze złoto. Khrystus chce, zo by jeho wučba wšitkón blud zahnała, wšitkich ze swjatej lubosću k Bohu zahoriła a wot wšeho hrěcha jich wučisćila. — 50. t. r. žadošćiwje žadam, zo by křćeńca čerpjenjow na mni so dokonjala. — 51. Džělić budža so moji swěrní služownicy wot tych, kotřiž mje začepjawa, byrnje ze zwjazkom krejneho přecelstwa mjez sobu zjednoćeni byli. — 56. hl. Mat. 16, 4. — 57. t. r. dobrowólnje.

někotři podarmo so klapač. Herodesa mjenuje lišku a hrozy Jeruzalemej zapuścenje.

Běchu pak w tom samym času někotři přitomni, a powědachu jemu wo Galilejskich, kotrychž krej Pilatus z jich woporami změša.*

2. A wotmołwjejo rjekny jim: Měniće, zo su tući Galilejscy wjetši hrěšnicy byli, dyžli wšitcy druzy Galilejscy, dokelž su tajke wučerpjeli?

3. Ně, praju wam; ale nječiniće-li pokutu, wšitcy podobnje zahinjeće.

4. Měniće, zo su tamni wósmnaćo, na kotrychž wěža w Siloe padže a jich zarazy, wjacy zawinowali, dyžli wšitcy ludžo, kotřiž bydla w Jeruzalemje?

5. Ně, praju wam; ale nječiniće-li pokutu, wšitcy podobnje zahinjeće.*

6. **P**raješe pak tež tuto přirunanje: Něchtó měješe figowy štom sadženy we swojej winicy, a přińdže, plód na nim pytać, ale njenamaka.

7. Rjekny pak winicarjej: Hlej, tři lěta su někto, zo khodžu plód pytać na tomle figowcu, a njenamakam; tuž porubaj jón! k čomu hišće zemju wobsadža?

8. A wón wotmołwjejo jemu praji: Knježe, wostaj jón hišće w tomle lěće, hač jón wokopam a pohnoju,

9. Zo by tak plody njesl; jelizo nic, potom porubaj jón.*

10. **W**ón pak wučese w jich synagodzy na sabatach.

11. A hlej, (tu bě) žena, kotraž měješe ducha khorosće wósmnaće lět; a kotraž bě skřiwjena, tak zo nikak njemóžeše horje pohladnyć.

12. A wuhladawši ju, powola ju Jězus k sebi a džeše k njej: Žena, wumóžena sy wot swojeje khorosće.

13. A napoloži jej rucy,* a hnydom wona so zruna, a khwaleše Boha.

14. Předstojnik synagogi pak, so mjerzajo, zo je Jězus na sabaće wustrowjal, praješe wotmołwjejo ludej: Šěsć dnjow je, na kotrychž ma so dželać; na tychle tohodla přikhadžeje, a dajće so wustrowjeć, a nic na sabaće.

15. Wotmołwjejo pak rjekny k njemu Knjez: Tajency, njewotwjazuje kóždy wot was na sabaće swójeho woła abo wósla wot žloba a njewjedže jeho napojeć?

16. Tale džowka Abrahamowa pak, kotruž bě satan zwjazal, hlej wósmnaće lět, by njesměla wotwjazana być wot tutoho zwjazka na sabaće?

17. A hdyž to rěčeše, začerwjenjachu so wšitcy jeho přećiwnicy; a wšón lud wjeseleše so nad wšitkim, štož so slawnje dokonješe wot njeho.

18. Wón tohodla praješe: Čomu je podobne kralestwo Bože? a čomu je přirunam?

19. Podobne je žonopowemu zornu, kotrež čłowjek wzawši do swojeje zahrody čisny; a wono rosćeše a bu wulki štom, a ptaki njebjaj wotpočowachu w jeho hałzach.

Mat. 13, 31; Mark. 4, 31.

20. A zaso rjekny: Čomu přirunam kralestwo Bože?

21. Podobne je zakisej, kotryž žónska wzawši do třoch měricow muki změša, hač překisa wšitko.

Mat. 13, 33.

22. **A** khodžeše po městach a wsach, a wučese, a podawaše so do Jeruzalema.

23. Džeše pak něchtó k njemu: Knježe, je tych mało, kotřiž budža zbóžni? Wón pak rjekny k nim:

24. Prócujeće so zastupić z wuzkimi durjemi, dokelž praju wam, zo mnozy pospytaju zastupić, ale njebudža móc.

Mat. 7, 13.

25. Hdyž pak hospodař zastupi a durje zawrje, počnjeće wonka stać a na

XIII. 1. t. r. kotrychž bě romski bohota Pilatus zabić dał, hdyž w templu woprowachu. — 5. t. r. runje tak njenadžicy. — 9. Tuto přirunanje dyrbyješe dalše napominanje k pokuće być. — 13. hl. Mat. 8, 8.

durje klapač, prajicy: Knježe, wotewri nam! a wotmołwejo rjeknje wam: Njeznaju was, zwotkelž sće.* Mat. 25, 10.

26. Potom pónčnjeje prajíc: Smy před tobu jědli a pili, a na našich dróhach sy wučil.*

27. A rjeknje wam: Njeznaju was, zwotkelž sće; woteńdźće wote mnje wšitcy činićerjo njesprawnosće.*

Mat. 7, 23 a 25, 41.

28. Tam budže žalósćenje a křipjenje zubow, hdyž wohladaće Abrahama a Isaka a Jakuba a wšitkich profetow w Božim kralestwje, sěbje samych pak wustorčenych.

29. A přińdu wot ranja a wot wječora, a wot pońcocy a wot pońdnja, a budža kwasować w kralestwje Božim.

30. A hlej, kotřiž su posledni, budža přěni, a přěni su, kotřiž budža posledni.

Mat. 19, 30 a 20, 16; Mark. 10, 31.

31. Na tom samym dnju přistupichu někotři z farisejow jemu prajicy: Wuńdž a podaj so wottudy, dokelž Herodes chce tebe morić.

32. A wón džeše k nim: Dźiće a prajće tej lišcy: Hlej, wuhonjam djablička a wustrowjam džensa a jutře, a na třěci džěń dokonjam.

33. Tola dyrbbju džensa a jutře a po jutřišim khodźić, dokelž je njemóžno, zo by profeta zwonka Jeruzalema wumřěl.*

34. Jeruzalemje, Jeruzalemje, kotryž moriš profetow a kamjenjuješ tych, kotřiž su k tebi pólani, kak často chcyeh twoje džěćić zhromadźić jako ptak swoje młode pod křidla, ale ty nechcyše. Mat. 23, 37.

35. Hlejće, waš dom wostaji so wam pustý.* Praju pak wam, zo mje njewohladaće, hač přińdže (čas), zo rjeknjeće:

Žohnowany budž, kotryž přikhadža w mje-nje Knjeza.

STAW XIV.

Jězus wustrowi w domje farisejskeho wyššeho na sabaće woduchaleho, dopokazujo zakonjawněnym a farisejam, zo je to dowolene; widžo jich česćelakomnosć, wuči, zo ma přeprošeny na poslednje město so sydnyć. Přirunanje wo tych, kotřiž běchu na hosćinu přeprošeni a so zamołwjachu. Štóz chce Khrystusa sćěhować, dyrbi so wšoho wotrjec, swój křiž na so wzać, haj swoje samsne žiwjenje hidźić. Štóz chce wěžu twarić, liči najprjedy wudawki, a kral, kotryž chce wójnu wjesć, swoje wójako. Wo seli.

A poda so, hdyž Jězus do domu jenoho wyššeho fariseja na sabaće přińdže, zo by (khlěba) pojědl, kedžbowachu na njeho.*

2. A hlej, jedyn woduchaly čłowjek běše před nim.

3. A wotmołwejo rjekny Jězus k zakonjawněnym a farisejam prajo: Słuša so na sabaće wustrowjeć? Mat. 12, 10.

4. A woni mjelčachu. Wón pak přimnywši jeho wustrowi a wotpušći.

5. A wotmołwejo rjekny k nim: Štó mjez wami, komuž by wosoł abo woł do studnje padnył, njewučěhnje jeho hnydom tež na sabaće?

6. A njemóžachu jemu na to wotmołwić.

7. Praješe pak tež přeprošenym přirunanje, pytnywši, kak přěnje města wuzwolachu, prajo k nim:

8. Hdyž budžeš na kwas přeprošeny, njesydaj so na přěnje město, zo by trjebaj čestniši dyžli ty wot njeho přeprošeny njebył;

9. A tón, kotryž je tebe a jeho přeprosyl, přišedši by tebi prajił: Daj tutomu město! a potom by počal z hańbu na poslednim měsće sedźeć. Přisl. 25, 7.

25. Khrystus rěči tudy wo kralestwje w tamnym swěće; přetož do kralestwa Božeho tudy na zemi móže kóždy w kóždym času zastupić. — 26. t. r. My běchmy při tebi a ty při nami, my słušachmy k twojej cyrkwi. — 27. Hdyž něchtó zwonkownje k jeho cyrkwi přišluša, jeje kaznjam pak so njepodčínaje, njemóže wočakować, zo jeho Knjez za swojeho wučownika připóznaje. — 28. Krótki čas chcu hišće po kraju khodžo skutkować, potom pak přińdu do Jeruzalema, zo bych tam wumřěl, jako su profeci wumřeli. — 35. t. r. Jeruzalem, město a templ, so zapusćí a zwostanje w zapusćenju.

XIV. 1. t. r. hač budže na sabaće wustrowjeć.

swojeje mysle, a swojeho bližšeho, jako sebje samoho.“

5. Móž. 6, 5.

28. A rjekny jemu: Prawje sy wotmolwil; čín to, a budžeš žiwy.

29. Wón pak cheyš sebje samoho wosprawnić, a rjekny k Jězusej: A štó je mój bližši?*

30. Na to wotmolwjejo rjekny pak Jězus: Jedyn čłowjek džče z Jeruzalema do Jericho, a padže mjez rubježnikow, kotřiž jeho wurubiwši a zraniwši woteńdžechu, jeho napol mortweho wostajiwši.

31. Sta pak so, zo měšnik po tom samym puću džče, a wuhladawši jeho, přeńdže nimo.

32. Tak tež levita, jako tam porno přinďže a jeho wuhlada, přeńdže nimo.

33. Jedyn Samaritan pak (tam) pućujo přinďže porno njemu, a wuhladawši jeho bu z miłosću hnuty.

34. A pristupiwši, zawjaza jeho rany, wolij a wino na nje linywši, a sadži jeho na swoje skočo, dowjedže jeho do hospody, a zastara jeho.

35. A nazajtra wučahnywši dwaj džesatnikaj da jej gospodarjej a praji: Staraj so za njeho, a štožkuli wjacj wuložiš, ja, hdyž so wrócu, zaplaću tebi.

36. Kotry z tychle třoch zda so tebi bližši być tomu, kotryž bě mjez rubježnikow padnyl?

37. A wón rjekny: Kotryž je smilnosť nad nim činił. A Jězus jemu praji: Dži, a čín tež ty tak.*

38. Sta pak so, hdyž džechu, zo Jězus do jenoho městačka zańdže, a žónska, z mjenom Martha, wza jeho do swojeho domu.

39. A ta měješe sotru z mjenom Mariju, kotraž tež sedžicy k nohomaj Knjeza poslušaše na jeho słowo.

40. Martha pak so prócowaše w mnohim posluženju; wona pristupi a rjekny: Knježe, njestaraš so ty wo to, zo moja sotra mi samej poslužeć da? Praj wšak jej, zo by mi pomhala.

41. A wotmolwjejo rjekny jej Knjez: Martha, Martha, starosćiwa sy a njepokojiš so wo mnohe wěcy.*

42. Ale jenc je třebne. Marija je najlěpši džěl wuzwolila, kotryž njebudže wot njeje wotewzaty.

STAW XI.

Jězus wučí swojich wučownikow so modlić, dopokazujo, zo tón, kotryž je wobstajny w modleńnj, wšitko dóstanje. Němeho djaboła wuhnawši, wotpokazuje tych, kotřiž praja, zo z mocu Beelzebuba djaboły wuhonja. Žónska khwali nadra, kotrež su Jězusa čěšile. Wo Jonasowym znamjenju, wo kralownje z pońdńišeho kraja, wo Ninivitach, wo dobroćiwym a złym woku. Jězus swari fariseja, kiž bě jeho přeprosył a morkotaše, zo z njemytymaj rukomaj jě. Sudži tajenstwo farisejow a pismawučnych prajo, zo změje tónle splah zamołwjec přelatu krej wšitkich profetow.

A sta so, hdyž na jenom měsće so modleše, a jako přesta, rjekny jedyn z jeho wučownikow k njemu: Knježe, nawuč nas so modlić, jako je tež Jan swojich wučownikow nawučil.

2. A džeše jim: Hdyž so modliće, prajće: Wótče, swjećene budź twoje mjeno. Přinďž k nam twoje kralestwo. Mat. 6, 9.

3. Naš wšědny khlěb daj nam džens.

4. A wodaj nam naše hrěchi, jako tež my wodawamy kóždemu swojemu winikej, a njewjedź nas do spytowanja.

5. A džeše k nim: Štó mjez wami změje přećela a pórďže k njemu srjedź nocy a rjeknje jemu: Přećelo, počž mi tři khlěby,

6. Dokelž mój přećel přinďže z puća ke mni, a nimam, što bych jemu předstajil;

29. Bě to prašenje, wo kotrež so pismawučeni wadžachu; bližši bě jim jeno Žid a přećel, nic pak druhowěriwy abo njepřećel. — 37. t. r. pomhaj kóždemu njedžiwajo na to, hač je Žid abo pohan; pomhaj kóždemu čłowjekej, kotremuž móžeš pomhać. — 41. Jězus njeporokuje jej džělawosć, ale nutrkowny njeměr abo starosćiwosć, kotruž ma jeho dla, tak zo jej njedowoli poslušać na jeho wučy.

7. A tón z nutřka wotmolwjejo by prajil: Njebudź mi wobćežny; durje su hižo zamknjene, a moje džěci su ze mnu w komorje,* njemóžu wstanyć a tebi dać.

8. A by-li wón njepřestal klapać, praju wam: Hač runje wstanywši jemu njeda tohodla, dokelž je jeho přecel, wstanje tola jeho naběhowanja dla, a da jemu kelkož jich potrjebuje.

9. A ja praju wam: Prošće, a wam budže date; pytajće a namakaće; klapajće, a wam budže wotewrjene. Mat. 7, 7; 21, 22; Mark. 11, 24; Jan. 14, 13; Jak. 1, 5.

10. Přetož kóždy, kiž prosy, dóstawa, a štóž pyta, namaka; a klapacemu so wotewri.

11. Komu pak mjez wami, kotryž swojeho nana prosy wo khlěb, da wón kamjeń? abo wo rybu, a da jemu za rybu hada? Mat. 7, 9.

12. Abo prosy-li wo jejo, poda jemu skorpionu?

13. Hdyž tohodla wy, kotřiž sće zli, wěsće dobre dary swojim džěcom dawać, čím wjacj waš Wótc z njebjes da dobreho ducha tym, kotřiž jeho proša?*

14. A wón wuhna djablisko, a to bě něme.* A hdyž bě djablisko wuhnał, rěčeše němy, a ludžo so spodźiwachu.

Mat. 9, 32; 12, 22.

15. Někotři z nich* pak rjeknychu: Přez Beelzebuba, wjeřcha djabliskow, wuhonja wón djabliska. Mat. 9, 34; Mark. 3, 22.

16. A druzy jeho spytujey žadachu wot njeho znamjo z njebjes.

17. Wón pak, hdyž jich mysle widžeše, rjekny jim: Kóžde kralestwo, we sebi samom rozdžělene, zapusći so, a dom na dom padnje.

18. Je-li pak tež djaboł we sebi samom rozdžěleny, kak wobstoi jeho kralestwo?

dokelž prajiće, zo ja přez Beelzebuba djabliska wuhonjam.

19. Wuhonjam-li pak ja přez Beelzebuba djabliska, přez koho wuhonjeju je waše džěci? Tohodla budža woni waši sudnicy.

20. Wuhonjam-li pak ja z porstom Božim* djabliska, je zawěrne kralestwo Bože k wam přišlo.

21. Hdyž sylny wobróňeny stražuje swój dwór, je to w měrje, štož ma.

22. Jelizo pak sylniši dyžli wón přinǵe a jeho přemóže, wozmj (jemu) wšitku jeho bróni, na kotruž so spuščěše, a rozdžěli jeho wurubki.

23. Štóž njeje ze mnu, je přeciwo mi, a štóž ze mnu njehromadzi, rozpjerša.

24. Hdyž je njecisty duch z čłowjeka wušoł, khodži po suchich městach, pytajo wotpočink; a njenamakawši praji: Wróću so do swojeho domu, z kotrehož sym wušoł.

25. A hdyž (tam) přinǵe, namaka jón z khošćemi wumjećeny a wudebjeny.

26. Tuž dže, a přiwozmje sedm druhich duchow, hóršich, dyžli sam je, a zastupiwši bydla tam. A tak bywaju poslednje wěcy tutoho čłowjeka hórše, dyžli přenje.

27. Sta pak so, hdyž tak rěčeše, zo jena žónska z ludu swój hlós pozběhnywši jemu rjekny: Zbóžny žiwot, kotryž je tebje nosyl, a nadra, kotrež sy wužiwal.*

28. A wón rjekny: Haj, zbóžni su, kotřiž slovo Bože slyša a je zakhowaju.

29. Hdyž pak so črjódy skhadžowachu,* poča wón rěćeć: Tónle splah je zly splah; znamjo požaduje, ale znamjo njebudže jemu date, khiba znamjo profety Jonasa.

Mat. 12, 39.

30. Přetož jako bě Jonas znamjo Niniwítam, tak budže tež Syn čłowjeka tutomu splahej.

Jon. 2, 1.

XI. 7. t. r. nichtó z mojich njeje wotućeny. — 13. „Dobreho ducha“, t. r. swoje njebjeske hnady; spokojnosć a spodobanje Bože jako najwosebniše dary wam da. — 14. t. r. tón wot zleho ducha wobsydnjeny čłowjek bě němy. — 15. t. r. někotři z farisejow a pismawučonych. — 20. t. r. z mocu Božej. — 27. t. r. kak zbožowna dyrbi mać być, kotraž je tajkeho syna porodžiła a čěšiła. — 29. W nadžiji, zo znamjo z njebjes wohladaju, kotrež běchu wot njeho žadali.

19. Hižo njejsym hódný twój syn rěkać; sćin mje jenož jako jenoho swojich dželaćerjow.

20. A wstanywši přińdže k swojemu nanej. A hdyž bě hišće nazdala, wuhlada jeho nan, bu z milosću hnuty, a přiběžawši padže jemu wokoło šije, a wokoši jeho.

21. A syn rjekny jemu: Nano, zhrěsich přećiwo njejbju a před tobu; hižo njejsym hódný twój syn rěkać.

22. Nan pak rjekny k svojim služownikam: Spěšnje přinjesće najlěpšu drastu, a woblecće jeho, a dajće pjeršćin na jeho ruku, a črije na jeho nozy;

23. A přiwdžće kormjene ćelo a zarezajće je, a jězmy a kwasujmy.

24. Přetož tónle mój syn bě mortwy, a wožiwi, bě zhubjeny a bu namakany. A woni počachu kwasować.

25. Běše pak jeho starši syn na polu, a hdyž so wróćeše a domej přibližowaše, wuslyša pískanje a reje.

26. A zawoła jenoho ze služownikow, a woprašá so, što by to bylo.

27. Tón pak rjekny jemu: Twój bratr je přišoł, a twój nan je kormjene ćelo zarezal, dokelž je jeho stroweho zaso dóstał.

28. A wón so rozhněwa a nochcyše nutř hić. Tuž wuńdže nan a poča jeho prosyc.

29. A wón wotmołwjejo rjekny swojemu nanej: Hlej, telko lět služu tebi, a nihdy twoju prikaznju njeprěstupich, a ženje njeda mi (ani) kózlátka, zo bych ze swojimi přećelemi pokwasował.

30. Ale hdyž tónle twój syn přińdže, kotryž je swoje zamóženje z kurwami rozmjetal, zarezá jemu kormjene ćelo.

31. A tón rjekny jemu: Syno, ty sy přeco při mni, a wšitko moje je twoje.

32. Kwasować pak a so wjeselić běše přislušne; přetož tónle twój bratr bě mortwy a wožiwi, bě zhubjeny a bu namakany.

STAW XVI.

Z přirunanjom wo njeswěrnym nuknicarju napomina Jězús, zo bych u jałmožnu dawali, a wuč. što swěrný abo njeswěrný wudželeł z časnym zamóženjom zasłuži, a zo ničto dwěmaj knjezomaj služić njemóže. Zakon a profetowje su hač do křćenika Jana byli, a ničo ze zakonja so njezhubi, a mandělska njesmě so pušćić a druha so wzać. Wo bohatym muži a khudym Lazarje.

Praješe pak tež k svojim wučownikam: Jedyn čłowjek běše bohaty, kotryž měješe nuknicarja, a tón bu wobskorženy pola njeho, jako by jeho kubło rozpjeršal.*

2. A powoławši jeho džeše k njemu: Što to slyšu wo tebi? podaj zličenje wo svojim nuknicowanju; přetož hižo njebudžeš móc nuknicować.

3. Nuknicar pak džeše sam při sebi: Što sćinju, dokelž mój knjez bjerje nuknicowanje wote mnje? kopać njemóžu, prosyc so hańbaju.

4. Wěm, što sćinju, zo bych, hdyž budu z nuknicowanja wotsadženy, mje přijeli do swojich domow.

5. Zwolałwši tak jednotlivych dolžnikow swojeho knjeza, praješe přenjemu: Kelko sy dolžny mojemu knjezej?

6. A wón rjekny: Sto tunow wolija. A rjekny jemu: Wzmi swój (dolžny) list, a sydń so khětrě, a napiš: Pjećdžesat.

7. Potóm rjekny druhemu: Ty pak, kelko sy dolžny? a wón džeše: Sto brěmjenjow pšeńcy. Tomu praji: Wzmi swój list, a napiš: Wósmďesat.

8. A knjez pokhwali* njesprawneho nuknicarja, dokelž bě rozomnje sćinil; přetož džěci tutoho swěta su rozomniše w svojim žiwjenju dyžli džěci swěta.

XVI. 1. Bohaty muž je Bóh; nuknicar je čłowjek, kubla su bohatstwa tohole swěta. Přirunanje chce prajić: Jako nuknicar sebi z cuzym kublom přećelow za tuto žiwjenje zepřihotowa a so tohodla jako mudry muž wopokaza, tak dyrbi tež kóždy čłowjek ze svojim bohatstwom, kotři jeho woprawdźite kubło njeje, sebi přećelow za wěčne žiwjenje přihotować, t. r. dyrbi bohatstwo derje nałožować, zo by z nim njebyjeske myto zasłužił. — 8. t. r. wón khwaleše jeho mudrosć, ale nic jeho jebanstwo.

9. A ja praju wam: Čińće sebi přeće-low z mamonom njesprawnosće,* zo bychy was, hdyž wustanjeće, přijeli do wěrných přebytkow.

10. Štóz je swěrný w mjeńšim, je tež we wjetšim swěrný, a štóz je w małym njesprawny, je tež we wjetšim njesprawny.

11. Hdyž sće potajkim w njesprawnym mamonje swěrní njebyli, štó wam, štož je prawe, dowěri?*

12. A hdyž sće w cuzym swěrní njebyli, štó wam da, štož je waše?*

13. Žadyn služownik njemóže dwěmaj knjezomaj služić; přetož pak budže jenoho hidzić a druheho lubować, abo budže so k jenomu dźeržec a druheho zacyće; njemóžeće Bohu služić a mamonej. Mat. 6, 24.

14. To wšitko pak slyšachu farisejowje, kotřiž běchu nahrabni, a smějachu so jemu.

15. A džeše k nim: Wy sće, kotřiž so před ludźimi sprawni činiće; Bóh pak znaje waše wutroby, dokelž štóz je před čłowjekami wysoke, je wohidnosć před Bohom.*

16. Zakoń a profetowje (běchu) hač do Jana; wot toho časa připowěduje so kralestwo Bože, a kóždy* čišći so z mocu do njeho.

17. Lóže pak je, zo njeby a zemja zańdžetaj, dyžli jako zo by jedyn dypk ze zakonja spadnyl. Mat. 5, 18.

18. Kóždy, kiž swoju mandželsku wot so pušći, a druhu bjerje, lama mandželstwo, a štóz wot muža pušćenu bjerje, lama mandželstwo.* Mat. 5, 32; Mark. 10, 11;

1. Kor. 7, 10. 11.

19. Běše jedyn bohaty muž, kotryž so woblekaše w purpur a čénke rubno, a kwasowaše kóždy dzeń pyšnje.*

20. A běše jedyn prošeř z mjenom Lazarus, kotryž při jeho durjach lěhaše, poľny brjodow,

21. Žadajo so nasycić z drobnickami, kotrež z blida bohateho padachu; ale nihtó jemu je njedawaše, a jenož psy přikhadžeje lizachu jeho brjody.

22. Sta pak so, zo prošeř wumřě, a bu wot jandželow donjeseny do klina Abrahamoweho.* Wumřě pak tež bohaty, a bu do hele pohrjebany.

23. Pozběhnywši pak swojej woči, hdyž běše w čwělach, wuhlada Abrahama z dalka, a Lazara w jeho klinje,

24. A zawolawši rjekny wón: Wótče Abrahamje, smil so nade mnu, a pósćel Lazara, zo by kónčk swjeho porsta we wodze womačal a mój jazyk wokhlódił; přetož sym čwělowany w tutom płomjenju.

25. A Abraham rjekny jemu: Syno, wopomń, zo sy dobre dóstał w swjim žiwjenju a Lazarus pak zle; nětko pak je tutón wokřewjeny, a ty sy čwělowany.

26. A k tomu wšomu je mjez nami a wami wulke bjezdno wobtwjerdžene, tak zo ći, kotřiž chcedža wottudy k wam přeńć, to njemóža, ani wottam sem.

27. A rjekny: Tuž prošu će, wótče, zo by jeho pósłał do domu mojeho nana.

28. Přetož mam pjeć bratrow; njech jim swědči, zo njebychu tež woni přišli na tuto město čwělow.

9. Bohatstwo mjenuje so tudy mamon njesprawnosće, dokelž sebi je ludžo husto njesprawnje dobywaju a zle wužiwaju. — 11. Hdyž so njejsće swěrní wopokazali w cuzym njesprawnym kuble, kak móža so wam njebyjeske kubla dowěrić? — 12. Naše, t. r. za nas přihotowane, su njebyjeske kubla. Hdyž smy so w zarjadowanju časnych cuzych kublow njeswěrní wopokazali, móže nam Bóh potom přepodać, štož je nam postajene? Tuž štóz cuze skazy, zasluži tež, zo swoje zhubi. — 15. t. r. wy drje so prócujeće, zo byšće před čłowjekami so jako sprawni w naloženju wašeho zamóženja wopokazali, ale wot Boha sće zacyćci, dokelž maće njehódne wotpohladanja při swjoch skutkach. — 16. t. r. dyrbi sebi prócu dawać, zo by do njeho přišoł. — 18. hl. Mat. 5, 31; a 19, 8. 9. — 19. Bohaty muž je tu kóždy, kiž swoje časně kubla na njedowolene wašnje wužiwa; khudy Lazarus pak tón, kotryž prócy poľne, wobćežne, ale sčerpne a pócćiwe žiwjenje wjedže. — 22. t. r. na město wjesela a radosće, hdžež Abrahamowa duša so wjeseli na přikhad Zbóžnika. Jako dźěci, kotrež swjoch staršich lubuja, rady w jich klinje wotpóčuja a tu so zakitane čuja, tak namakachu wšitcy sprawni stareho zakonja na měsće, hdžež bohustřowny Abraham přebywaše, podobny zakit a wjeselo.

29. A Abraham praji jemu: Maju Mójzesa a profetow, tych njech poslušaju.

30. Tola wón džeše: Ně, wótče Abrahamje, ale hdy by něchtó z mortwych k nim přišoł, budža pokutu činić.

31. Wón pak jemu rjekny: Jelizo Mójzesa a profetow njeposlušaju, njebudža ani wěrić, hdy by něchtó z mortwych wstanyl.

STAW XVII.

Běda tomu, kotryž móličkich pohóršuje. Bratřej, kiž je přećiwo nam zhrěšil, mamy po rozwučnju wodać, hdyž je jemu žel. Japoštołam rozeštaja Jězus móc wěry, a zo dyrbja, hdyž su wšitke prikaznje dopjelnili, so njewužitni wotročcy mjenować. Džesaćo wusadni su wučisćeni a jeno jedyn, kiž je Samaritan, so wróci, zo by so džakował. Jězus praji, zo přikhad Syna Božeho potajny njebudže, ale swjatočny, a zo njewočakowany přiuđže, jako lijeńca na swět a zapusćenje na Sodomu.

A džeše k svojim wučownikam: Njemóžno je, zo bych pohórški njepřišle; běda pak tomu, přez kotrehož přikhadžeju.

Mat. 18, 7; Mark. 9, 41.

2. Wužitnišo by jemu bylo, zo by młynski kamjeń na jeho šiju powěsnjeny, a wón do morja čisnjeny był, dyžli zo by pohóršował jenoho z tutych móličkich.

3. Kedžbujće na sebje! By-li twój bratr zhrěšil přećiwo tebi, naswař jeho; a budže-li jemu toho žel, wodaj jemu.

3. Mójz. 19, 17; Sir. 19, 13; Mat. 18, 15.

4. A by-li sedmkróć za džen zhrěšil přećiwo tebi, a sedmkróć za džen so wobroćil k tebi prajo: Mi je žel; wodaj jemu.

5. **A** japoštołowje rjeknychu Knjezej: Přispoř nam wěru.*

6. Knjez pak rjekny: Změjeće-li wěru, jako žonopowe zorno, rjeknjeće tutomu lěsnemu figowcej: Wukorjeń so, a přesadź so do morja; a budže was poslušać.

Mat. 17, 19.

7. Štó pak mjez wami ma wotročka, kotryž wora abo (skót) pase, zo by jemu, hdyž so z pola wróci, prajil: Pó j hnydom, a syďń so za blido?

8. A njerjeknje jemu: Přihotuj, štož bych powječerjał, a wopasawši so služ mi, hač so najěm a napiju, a potom budže ty jěsć a pić?

9. Džakuje snadź so tomu wotročkej, zo je činił, štož bě jemu prikazał.

10. Njemyslu. Tak tež wy; hdyž sćiniće wšitko, štož je wam prikazane, prajće: Njewužitni wotročcy smy; štož běchmy sćinić winowaci, smy sćinili.*

11. **A** sta so, hdyž Jězus do Jeruzalema čehnješe, džěše wosrjedź Samarije a Galileje.

12. A hdyž do jenoho městačka džěše, zetkachu jeho džesaćo wusadni mužowje, kotřiž nazdala zástachu.

13. A pozběhnychu hlós, prajicy: Jězuso, poručerjo, smil so nad nami.

14. A hdyž jich wohlada, rjekny: Džiće, pokažće so měšnikam. A sta so, jako džěchu, buchu wučisćeni.

3. Mójz. 14, 2; Mat. 8, 4.

15. Jedyn pak z nich, hdyž wuhlada, zo je wučisćeny, wróci so a khwaleše Boha z wulkim hlósom,

16. A padže na wobličo k jeho nohomaj a džakowaše so; a tón běše Samaritan.

17. Wotmołwjejo pak rjeknŷ Jězus: Njejsu džesaćo wučisćeni? a hdže su džewjećo?

18. Njenamaka so žadyn, kiž by so wrócił a Bohu česć dał, khiba tutón cuzy?

19. A džeše k njemu: Wstań, a dži, twoja wěra je će wustrowila.

XVII. 5. t. r. posylń nas we wěrje, zo bychmy to, štož nam radziš, tež činili. — 10. Jako služownik, hdyž je cyły džen wonka džělał, domoj přišedši najprjedy swojemu knjezej při wječeri služil, a potom hakle sam jě a pije, dokelž služownik wot knjeza cyle wotwisuje, tak mamy tež my, hdyž smy cyły džen džěłali a swěrńje swoje winowatosće dopjelnjeli, wječor, prjedy dyžli so k wotpoćinkej podamy, Bohu služić, t. r. jemu so džakować, jeho khwalić a prosyć, dokelž smy tež cyle wot Boha wotwisni, a hdyž smy wšitko činili, štož je nam poručene, nimamy tola prawo na myto.

20. Wot farisejow pak prašany: Hdy přinǵdźe kralestwo Bože?* wotmołwjejo jim rjekny: Kralestwo Bože njepřinǵdźe z nahladnosću.

21. Tež njerjeknu: Hlej tu, abo hlej tam. Přetož hlej, kralestwo Bože je znutřka was.*

22. A džeše k svojim wučownikam: Dny přinǵdu, zo požadaće widźeć jedyn dzeń Syna čłowjeka, ale njewuhladaće jón.*

23. A rjeknu wam: Hlej tu; a: Hlej tam. Njekhodźće tam a njesćěhujće.

Mat. 24, 23; Mark. 13, 21.

24. Přetož, jako blysk, z podnjbja blyskacy, na to swěći, štož je pod njebjom; tak budźe tež Syn čłowjeka na swoim dnju.*

25. Ale najprjedy dyrbi wjele čerpjeć a začisnjeny być wot tutoho naroda.

26. A jako so sta w Noeowych dnjach, tak budźe tež w dnjach Syna čłowjeka.*

1. Mójz. 7, 7; Mat. 24, 37.

27. Jědźachu a pijachu, ženjachu so a wudawachu so hač do dnja, na kotrymž Noe do archi zastupi, a přinǵdźe lijeńca a zahubi wšitkich.

28. Podobnje, jako so sta w Lotowych dnjach: jědźachu a pijachu, kupowachu a předawachu, sadźachu a twarjachu;

29. Ale tón dzeń, na kotrymž Lot ze Sodomy wuńdźe, dešćowaše woheń a šwabl z njebja a zahubi wšitkich.

30. Tak budźe na dnju, na kotrymž Syn čłowjeka so zjewi.

31. W tej hodźinje, štož budźe na třěše a (změje) sudowja w domje, njech njezlěze, zo by je wzal; a štož je na polu, tež njewróć so naspjet.

32. Wopomńće Lotowu žonu.

33. Štóžkuli zechce svoju dušu zakhować, zhubi ju; a štóžkuli ju zhubi, zdźerži ju žiwu.*

Mat. 10, 39; Mark. 8, 35;

wyše 9, 24; Jan. 12, 26.

34. Praju wam: W tej nocy budźetaj dwaj w jenom ložu, jedyn budźe sobu wzaty, a druhi wostajeny.

Mat. 24, 40.

35. Dwě budźetaj z jenoho mlěć, jena budźe sobu wzata, a druha wostajena; dwaj na polu, jedyn hudźe sobu wzaty, a druhi wostajeny.

36. Wotmołwjejcy prajichu jemu: Hdźe, Knježe?

37. Hdźežkuli budźe čělo, tam zhromadza so tež worjoly.*

STAW XVIII.

Z přirunanjom wo njesprawnym sudniku a wostudłej wudowje wući Jězus, zo mamy so přeco modlić; z přirunanjom pak wo fariseju a čowniku, kak mamy so modlić. Zakazuje wučownikam, zo bychu džěci wot njeho wotpokazowali. Bohačk, kotryž praji, zo je wot mladosće wšitke kaznje dopjelnił, woteńdźe zrudny, hdyž bě Jězusowu radu słyšał, zo mamy so wšoho wotrjec. Jězus praji, kajke myto dóstanu, kotřiž jeho dla wšitko wopušču. Wěšći swoje čerpjenje, a pola Jericho wróći slepemu widjenje.

Praješe pak jim tež přirunanje, zo mamy so přeco modlić a njewustawać,

Sir. 18, 22; 1. Thess. 5, 17.

2. Prajo: Běše jedyn sudnik w jenom měsće, kotryž so Boha njeboješe a čłowjeka so njestrachowaše.

3. Běše pak jena wudowa we wonym měsće, a khodźeše k njemu, prajicy: Škituj mje před mojim přeciwnikom.

4. A dolhi čas wón nochcyše. Potom pak rjekny sam při sebi: Hač runje Boha so njeboju a čłowjeka so njestrachuju,

20. t. r. Hdy slubjeny Messias přinǵdźe jako mócny swětny kral? Na čož Jězus wotmołwi, zo njepřinǵdźe nahladnje, t. r. z wulkim přewodom, jako swětni kralowje. — 21. Kralestwo Bože njehodźi so zwonkownje wobmjezować, ale wobstoi wosebje w nutřkownym zmyslenju, w krutej wěrje, w sylnej nadźiji a wěrnej lubosći, kotřež počinki k wšomu dobremu zahorjeju a pokoj wutroby plódza. Tola pak z toho njesćěhuje, zo by kralestwo zwonkownje so njepokazało; kralestwo Bože na zemi je widźomne, mjenujcy s. cyrkej. — 22. t. r. Dny čerpjenja přinǵdu na was, w kotrychž budźeće za mojim přikhadom žadać, ale podarmo. — 24. Jakož blysk wšitke wěcy pod njebjom rozswětla, tak zjewi so přikhad Syna Božeho cylemu swětej; tohodla njedajće so zawjesć wot ludźi, kotřiž praja: Tu abo tam je Khrystus. — 26. t. r. při jeho druhim přikhadze. — 28. W tom času njesměny na ničo druhe myslić, khibu na zbóžnosć duše. — 37. Hděž je hrěšnosć, tam přinǵdźe tež khostanje.

5. Tola, dokelž je mi ta wudowa wobčežna, chcu ju škitować, zo by na posledku přišedši mje njehaniła.

6. Džeše pak Knjez: Slyšće, što sudnik njeprawdy praji!

7. Njebudže pak Bóh škitować svojich wuzwolonych, kotřiž k njemu so wołaju wodnjo a w nocy, a změje sčerpnošć jich dla?*

8. Praju wam: Spěšnje budže jich škitować. Tola hdyž Syn čłowjeka přińdže, měniš, zo nadeńdže wěru na zemi?

9. Rjekny pak k někotrym, kotřiž sebi dowěrjachu, jako bychu sprawni byli, a druhich zacpěwachu, tuto přirunanje:

10. Dwaj čłowjekaj zeńdžeštaj do templa, zo byštaj so modliłoj, jedyn farisej, a druhí člownik.

11. Farisej stojo takle při sebi so modleše: Božo, džakuju so tebi, zo njejsym jako druzy čłowjekowje, rubježnicy, njesprawni, mandželstwaamarjo, abo tež jako tónle člownik.

12. Posću so dwójcy za tydzeń, a dawam džesatk wot wšoho, štož mam.

13. Člownik pak nazdala stojo nochcyše ani swojej woči k njejbju pozběhnyć, ale biješe so na swoje wutrobnjo prajo: Božo, smilny budž mi hrěšnikej.

14. Praju wam: Tón woteńdže wosprawnjeny do swojeho domu před tamnym; přetož kóždy, kotryž so powyšuje, budže poniženy, a kotryž so ponižuje, budže powyšeny.

Mat. 23, 12; wyše 14, 11.

15. Přinjesechu pak k njemu tež džěćatka, zo by so jich dótknył. Hdyž to wučownicy widžachu, swarjachu je.*

Mat. 19, 13; Mark. 10, 13.

16. Jězus pak zwolałši je rjekny: Dajće džěćatkam ke mni přińć a njewobarajće jim; přetož tajkich je kralestwo Bože.

17. Zawěrnjo praju wam: Štóžkuli nje-

prijmje kralestwo Bože jako džěćo, nje přińdže do njeho.

18. A jedyn předstojnik (synagogi) wopraša so jeho prajo: Dobry mištrje, što mam činić, zo wěčne žiwjenje dóstanu?

Mat. 19, 16; Mark. 10, 17.

19. Jězus pak jemu rjekny: Přeco mje mjenuješ dobrego? Nichtó njeje dobry, khiba Bóh sam.

20. Kaznje znaješ: „Njedyrbiš morić; njedyrbiš mandželstwo lamać; njedyrbiš kradnyć; njedyrbiš wopačne swědčenje dawac; česćuj swojeho nana a mać.“

2. Móž. 20, 13.

21. Wón džeše: To wšitko sym dźeržal wot swojeje młodosće.

22. To slyšawši džeše Jězus k njemu: Hišće jene tebi so njedóstawa: Wšitko, štož maš, předaj a rozdaj khudym, a změješ poklad w njebjesach; a přińdž a sčěhuj mje.

23. To slyšawši zrudži so wón, dokelž běše jara bohaty.

24. Hdyž pak Jězus jeho zrudženeho wuhlada, rjekny: Kak éčcy, kotřiž pjenjerz maju, nutř pónđu do kralestwa Božeho.

25. Přetož lóže je, zo kamel přez wuško jehly přeńdže, dyžli zo bohaty nutř pónđu do kralestwa Božeho.

26. A rjeknychu, kotřiž to slyšachu: A što móže zbóžny być?

27. A wón rjekny jim: Štož je njemóžne pola čłowjekow, je móžne pola Boha.*

28. Pětr pak džeše: Hlej, my smy wšitko wopuščili, a smy tebe sčěhowali.

29. A wón rjekny jim: Zawěrnjo praju wam: Nichtó njeje, kotryž by wopuščil dom, abo staršich abo bratrow, abo žonu abo džěći kralestwa Božeho dla,

30. A by njedóstal wjele wjacjacy w tutom času, a w přichodnym swěće wěčne žiwjenje.

XVIII. 7. t. r. njebudže wón hnydom bjez sčerpnošće, bjez komdženja sudzić tych, kotřiž jim křiwdu činja? — 15. t. r. japoštołowje wotdźeržowachu džěći, zo njebychu Knjeza wobčežowali. — 27. t. r. štož je čłowjekej ze samsnymi mocami njemóžne, to je jim móžne z pomocu hnady Božej; zo by bohaty tola po duchu khudy był, dokonja w nim hnada Boža.

31. Jězus pak wza dwanaćoch k sebi, a džeše k nim: Hlej, džemy horje do Jeruzalema, a wšitko budže dokonjane, štož je wot profetow pisane wo Synu čłowjeka; Mat. 20, 17; Mark. 10, 32.

32. Přetož budže pohanam podaty a wusměšany, a šwikany a poplutowany,

33. A wušwikawši jeho morja jeho, a na třecim dnju wstanje wot mortwych.

34. A woni z toho ničo njezrozumichu, a to słowo bě zakhowane před nimi, a njezrozumjachu, štož bu prajene.*

35. Sta pak so, hdyž k Jerichej so přibližowaše, sedžeše jedyn slepy při puću, a prošeše. Mat. 20, 29; Mark. 10, 46.

36. A hdyž słyšeše lud nimo hić, prašeše so, što by to było.

37. Rjeknychu pak jemu, zo Jězus Nazarethski nimo dže.

38. A wón zawola prajo: Jězuso, syno Davidowy, smil so nade mnu.

39. Či, kotřiž w přědku džěchu, swarjachu jeho, zo by mjelčal. Wón pak wjele bóle wolaše: Syno Davidowy, smil so nade mnu.

40. Jězus pak zastawši přikaza jeho k sebi přiwjesć. A hdyž bě so přibližil, woprašo so jeho,

41. Prajo: Što chceš, zo bych ći sćinil? A wón rjekny: Knježe, zo bych widźal.

42. A na měsće widžeše, a scěhowaše jeho, Boha khwalu. A cyły lud, to wuhladał, da Bohu khwalbu.

STAW XIX.

Jězus hospoduje pola Zachea, na čož so mnozy hórša. Powěda přirunanje wo wosebnym mužu, kotřiž, hdyž woteńdže, zo by kralestwo přijał, džesać mnow přepoda a kotrehož poddani jeho jako krala měć nochcychu. Na wósleću čehnje

swjatočnje do Jeruzalema, płaka nad nim, wěšći jeho zapusćenje, a do templa zastupił wuhonja kupowarjow a předawarjow.

A zastupił džeše Jězus přez Jericho.

2. A hlej, tu bě muž z mjenom Zacheus, a tón bě wyšši člownikow,* a bě bohaty.

3. A žadaše Jězusa wohladać, što by wón byl; a njemóžeše pře lud, dokelž bě maleje postawy.

4. A běžawši do přědka zalěze na džiwi figowc, zo by jeho widźal, dokelž měješe tam nimo hić.

5. A hdyž Jězus k tomu městu přinědže, pohladnył horje wuhlada jeho, a rjekny k njemu: Zacheo, zestuř spěšnje, dokelž džensa dyrbbju w twojim domje wostać.

6. A wón zestupi spěšnje, a přija jeho z wjesolósću.

7. A wšitcy to widźawši morkotachu prajicy: Pola hrěšneho čłowjeka je nutř zašol.

8. Přistupił pak rjekny Zacheus ke Knjezej: Hlej, položcu svojich kublow, Knježe, dam khudym, a sym-li někoho zjebał, wróću to štyrikróć.

9. Jězus džeše k njemu: Džensa je so tomu domej zbóžnosť stala, dokelž je tež wón syn Abrahama.

10. Přetož Syn čłowjeka přinědže pytać a wumóžić, štož bě zhubjene. Mat. 18, 11.

11. Hdyž woni na to poslušachu, rjekny jim dale powědajo přirunanje, dokelž běše blisko pola Jeruzalema, a woni sebi myslachu, zo so kralestwo Bože hnydom zjewi.*

12. Tohodla rjekny: Jedyn wosebny člowjek woteńdže do dalokeje krajiny, zo by kralestwo přijał a so wróćil.*

Mat. 25, 14.

34. Woni njemóžachu tele słowa zjednoćić ze swojimi nadzijemi přichodneho mócneho kralestwa, kotrež měješe Messias po jich wočakowanju založić.

XIX. 2. Wyšši člownik, t. r. tón, kiž měješe člo wot Rómskich wotnajate; tajki měješe pod sobu druhich, kotřiž člo wot ludźi bjerjachu. — 11. t. r. zo w swojej mocy a krasności na swěće so pokaza. — 12. Tónle wosebny člowjek je Khrystus, kiž woteńdže, zo by swoje njebjeske kralestwo přijał; wotročcy su jeho japoštołowje a wšitcy křesćenjo; mna, kotruž jim přepoda, su hnady křesćanstwa, s. wěra a s. sakramenty, z kotrymiž maju křesćenjo wikować a nowe mny sebi zasłužić; jeho krajenjo pak su Židža, kotřiž nochcychu, zo by Khrystus nad nimi knježil.

13. Powoławši svojich džesać wotročkow, da jim džesać mnow* a džeše k nim: Wikujće, hač přińdu.**

14. Jeho krajenjo pak jeho hidžachu, a posłachu poselstwo za nim prajicy: Nohcemy, zo by tón kralował nad nami.

15. A sta so, zo so wróci, kralestwo dóstawši, a prikaza wotročkow zawolać, kotrymž bě pjenjezy dał, zo by zhonił, kelko je kóždy nawikował.

16. Přińdže pak přeni, prajo: Knježe, twoja mna doby džesać mnow.

17. A džeše jemu: Aj, dobry wotročko, dokelž sy w małym swěrný byl, změješ móc nad džesać městami.*

18. A druhi přińdže prajo: Knježe, twoja mna doby pjeć mnow.

19. A tomu džeše: Tež ty budž nad pjećimi městami.

20. A zaso druhi přińdže prajo: Hlej, tu je twoja mna, kotruž mějach skhowanu w rubišku;*

21. Přetož, bojach so tebje, dokelž sy kruty čłowjek; bjerješ, štož njejsy položil, a žnješ, štož njejsy syl.

22. Praji jemu: Z twojeho rta će sudžu, zly wotročko;* wědžeše, zo sym kruty čłowjek, kotryž bjernu, štož njejsym položil, a žnu, štož njejsym syl.

23. A přeco njejsy dał mój pjenjez do požčěrnje, zo bych ja přišedši tola z danju jón zběhnyl?

24. A rjekny (tam) stojacym: Wzmieće jemu mnu, a dajće ju tomu, kotryž ma džesać mnow.

25. A rjeknychu jemu: Knježe, ma džesać mnow.

26. Praju pák wam: Kóždemu, kotryž ma, budže date, a změje nadobnje; wot

toho pak, kotryž nima, budže tež, štož ma, wotewzate.* Mat. 13, 12 a 25, 29; Mark. 4, 25.

27. Tola mojich njepřećelow,* kotřiž nochcychu, zo bych kralował nad nimi, přiwjedźće sem, a skóncujće jich přede mnu.

28. A to prajiwši džeše dale a čehnješe do Jeruzalema.

29. A sta so, hdyž do Bethfage a Bethanije so přibliži, k horje, kotraž Wolijowa rěka, posła dweju svojich wučownikow, Mat. 21, 1; Mark. 11, 1; Jan. 12, 12.

30. Prajo: Džitaj do městačka, kotřež je před wamaj; do njeho ducy namakataj wóslo přiwjazane, na kotrymž ženje žadyn čłowjek njeje sedzał; wotwjazajtaj a přiwjedźtaj je.

31. A by-li so waju něchtó prašal: Čohodla je wotwjazujetaj, prajtaj jemu tak: Knjez je potrjebuje.

32. A woteńdžeštaj, kotraž běštaj poslanaj a namakaštaj, kaž bě jimaj rjekl, wóslo (tam) stojace.

33. Hdyž pak wóslo wotwjazowaštaj, rjeknychu jeho knježa k nimaj: Čohodla wotwjazujetaj wóslo?

34. A wonaj rjeknyštaj: Knjez je potrjebuje.

35. A přiwjedžeštaj je k Jězusej, a položiwi swoju drastu na wóslo sadžištaj Jézusa na nje.

36. Hdyž pak wón jěchaše, přestrěwachu swoju drastu na puć.

37. A hdyž so bližeše k zestupowanju z Wolijoweje hory, počachu wšitke črjódny wučownikow wjesele z wulkim hłosom Boha khwalić, wšitkich džiwow dla, kotřež běchu widželi,

38. Prajicy: Khwaleny budž kral, kotryž dže w mjenje Knjeza; pokoj w njebju a khwała we wysokósčach.*

18. Mna = 100 drachmow, něhdže 80 hriwnow, abo punt slěbra. ** t. r. na sudženje. — 17. Za swěru a pilnosť, z kotrež sy z darom křesćanstwa sobu skutkował, dóstanješ wosebitu měru w zbóžnosť. — 20. t. r. njejsym z dóstatym darom křesćanstwa ničo zaslužil, sym lěni křesćan byl. — 22. Potajkim ze zanjehanjom abo zakomdženjom so tež hrěši. — 26. hl. Mat. 25, 29. — 27. Njewěriwi Židža a runje tak njewěriwi křesćenjo wumru wěčneje smjerće. — 38. Njech je Bóh wujednany a jemu njech česć a khwalba so dawa, wot wšěch čłowjekow.

39. A někotři farisejowje z črjody rjeknychu: Mištrje, naswaŕ svojich wučownikow.

40. A k nim džeše wón: Praju wam: Budža-li tući mjelčeć, budža kamjenje wołać.

41. A hdyž so přibliži, wuhladawši město, zaplaka nad nim, prajo:

42. Zo by tež ty spóznalo, a to na tomle twojim dnju, što je k twojemu pokoju; ale nětko je to zakhowane před twojimaj woćomaj.

43. Dokelž dny přindu na tebe, a twoji njepřećelowje wobdadža će z nasypom, a woblehnu tebe, a wobćešnja tebe ze wšěch stronow.

44. A k zemi poraža tebe a twoje džěći, kotrež su we tebi, a njewostaja we tebi kamjeń na kamjenju, dokelž njespóznadžeń swójeho wopytanja.

Mat. 24, 2; Mark. 13, 2; niže 21, 6.

45. A zastupiwiši do templu poča wuhonjeć, kotřiž w nim předawachu a kupowachu,

Mat. 21, 12; Mark. 11, 15.

46. Prajo jim: „Mój dom je dom modlitwy“; wy pak sće z njeho sćinili mordafsku jamu.

Is. 56, 7; Jer. 7, 11.

47. A wón wučěše wšědnje w templu; wyšši měšnicy pak a pismawučeni a starši ludu pytachu jeho zahubić.

48. A njenamakachu, što bychy jemu sćinili. Přetož cyly lud džeržeše so k njemu, a posłuchaše na njeho.

STAW XX.

Jězus njepraji měšnikom a pismawučenym, z čějeju mocu wući, dokelž tež woni jemu, za Janowej křćeńcu so prašacemu, njewotmołowichu. Powěda jim přiřunanje wo winicarjach, kotřiž, hdyž běchu knjezowych wotročkow zabili, tež syna morichu. Jězus je prašany wo dawku, kotryž ma so kežžorej dawać a wot sadducejow wo wotmortwych wstaću. Kak mjenuje so Chrystus Davidowy syn? Česćelakomych pismawučenych maju so hlađać.

A sta so na jenom dnju, hdyž wón lud w templu wučěše a ewangelium wopowě-

dowaše, zhromadźichu so wyšši měšnicy a pismawučeni ze staršimi,

Mat. 21, 23; Mark. 11, 27.

2. A džachu k njemu prajicy: Powěž nam, z kajkej mocu to činiš abo što je, kotryž tebi da tu móc?

3. Wotmołwjejo pak rjekny Jězus k nim: Woprašam so tež ja was jene słowo. Wotmołwće mi:

4. Běše Janowa křćeńca z njebyes abo z čłowjekow?

5. A woni myslachu, sami při sebi prajicy: Powěmy-li: Z njebyes, rjeknje nam: Čohodla potajkim njejsće jemu wěrili?

6. Powěmy-li pak: Z čłowjekow, budže nas wšitkón lud kamjenjować; přetož su přeswědčeni, zo je Jan profeta.

7. A wotmołowichu, zo njewědža, zwotkel je.

8. A Jězus džeše k nim: Tež ja wam njepraju, z kajkej mocu to činju.

9. Poča pak ludej tuto přiřunanje powědać: Čłowjek nasadža winicu, a přenaja ju winicarjam, a sam poda so přeč na dolhe časy.

Is. 5, 1; Jer. 2, 21;

Mat. 21, 33; Mark. 12, 1.

10. A w swojim času posła wotročka k winicarjam, zo bychy jemu dali wot płodu winicy. Či pak nabiwiši jeho wotposłachu prózdneho.

11. A posła zaso druheho wotročka. A woni tež toho nabiwiši a wohaniwiši wotposłachu prózdneho.

12. A posła hišće třěćeho. Woni pak tež zraniwiši jeho wustorčichu.

13. Rjekny pak knjez winicy: Što sćinju? pósćelu swójeho lubowaneho syna; snadž budža jeho wuhladawši so strachować.

14. Hdyž jeho winicarjo wuhladachu, myslachu při sebi prajicy: Tón je herba; zabijmy jeho, zo by herbstwo naše bylo.

15. A z winicy wustorčiwši jeho morichu. Što sćini jim tohodla knjez winicy?*

16. Přindže a zahubi winicarjow, a da winicu druhim. To slyšawši rjeknychu: * Bóh njedaj!

17. Wón pak na nich pohladawši džeše: Što potajkim je to, štož je pisane: „Kamjeń, kotryž twarcy začisnychu, tón je różkowny kamjeń sčinjeny?“ * Ps. 117, 22; Is. 28, 16; Mat. 21, 42; Jap. sk. 4, 11; Rom. 9, 33; 1. Pětr. 2, 7.

18. Kóždy, kiž na tónle kamjeń padnje, rozrazy so, a na kohož padnje, toho rozmjeće.

19. A wyšši měšnicy a pismawučeni pytachu rucy na jeho zložić w tej hodzinje, ale bojachu so ludu; přetož spóznachu, zo je za nich to přirunanje powědał.

20. ▲ jeho wobkedžbujoy posłachu larkarjow, kotřiž so jako sprawni počinjachu, zo bychy jeho na słowje popadnyli, a jeho wyšnosći a bohotowej mocy podali.

Mat. 22, 15; Mark. 12, 18.

21. A woprašachu so jeho prajicy: Mištrje, wěmy, zo prawje rěčiš a wučiš, a njedžiwaš na wosobu, ale zo puć Boží w prawdže wučiš.

22. Słuša so nam kejžorej dawk dawać abo nic?

23. Spóznawši pak jich lesc, rjekny k nim: Što mje spytujeće?

24. Pokažće mi džesatnik. Čeje ma znamjo a napismo? Wotmołwejeicy rjeknychu jemu: Kejžorowe.

25. A džeše k nim: Dajće tohodla kejžorej, štož je kejžorowe, a štož je Bože, Bohu.

Rom. 18, 7.

26. A njemóžachu jeho słowo hanić před ludom, a džiwawši so nad jeho wotmołwjenjom mjelčachu.

27. Přistupichu pak k njemu někotři ze sadducejow, kotřiž wot-mortwych-wstaće přēja a prašachu so jeho,

Mat. 22, 28; Mark. 12, 18.

28. Prajicy: Mištrje, Mójzes napisa nam: By-li něčěji bratr wumrěł, kiž ma

mandželsku, a by-li bjez džěci był, njech wozmjě ju jeho bratr za žonu, a njech zbudži symjo swojemu bratrej.* 5. Mójz. 25, 5.

29. Běchu tak sedmjo bratřa, a přeni so woženi, a wumrě bjez džěci.

30. A druhu wza ju, a wumrě tež bjez džěsća.

31. A třěci wza ju. A runje tak tež wšitcy sedmjo, a njezawostajichu symjenja, a wumrěchu.

32. Najposledy po wšěch wumrě tež žona.

33. Kotroho z nich potajkim budže žona při wot-mortwych-wstaću? dokelž sedmjo poměchu ju za žonu.

34. A Jězus džeše k nim: Džěci toho swěta so ženja a so wudawaju.

35. Woni pak, kotřiž budža dostojujeni docpěć tamny swět a wot-mortwych-wstaće, njebudža ani so wudawać ani so ženić.

36. Přetož njezamóža ani wumrěć; přetož su runja jandželam, a su džěci Bože, dokelž su džěci wot-mortwych-wstaća.

37. Zo pak mortwi wstanu, dopokaza tež Mójzes při kefku, jako Knjeza mjenuje „Boha Abrahamoweho, a Boha Isaakoweho, a Boha Jakuboweho.“ 2. Mójz. 3, 6.

38. Bóh pak njeje (Bóh) mortwych, ale žiwych; přetož wšitcy su živi jemu.

39. Wotmołwejeicy pak někotři z pismawučenyh rjeknychu jemu: Mištrje, derje sy prajil.

40. A njezwažichu so wjacy, jeho něšto so prašeć.

41. Rjekny pak k nim: Kak praja, zo je Khrystus Davidowy syn?

42. A sam David praji w knizy psalmow: „Knjez rjekny mojemu Knjezej: Sydń so k mojej prawicy, Ps. 109, 1;

Mat. 22, 44; Mark. 12, 36.

43. Hać položu twojich njepřecelow jako podnožk twojeju nohow.“

44. David jeho potajkim Knjeza mjenjuje, kak pak je jeho syn?*

16. Farisejowje spóznachu, zo su z přirunanjom sami měnjeni. — 17. hl. Mat. 21, 42. 43. 44. — 28. hl. Mat. 22, 24. — 44. hl. Mat. 22, 44.

45. Jako pak wšitkón lud posłuchaše, rjekny swojim wučownikam:

46. Hladajće so pismawučenych, kotřiž chcedža khodźić w dolhich drastach, a lubuja postrowjenja na torhošću, a přenje stoły w synagogach a přenje města při hosćinach, Mat. 23, 6; Mark. 12, 38; wyše 11, 43.

47. Kotřiž spóžeraju domy wudowow pod wudawanjom dolheje modlitwy. Či docpěja wjetše zatamanje. Mark. 12, 40.

STAW XXI.

Wudowu, dwaj pjenježkaj woprowacu, bohatym wjele woprowacym Jězus do přédka staja. Wěšći zapusćenje templu, wšelake wojny, horja a přescěhi, přećiwo kotrymž japoštołow wobrónja. Wěšći tež zapusćenje Jeruzalema a zajeće a rozpjeršenje Židow. Wo znamjenjach, kotrež budža před sudom so pokazować. Wožralstwa a wopilstwa a swětnych starosći maju so wučownicy wostajić, tež dyrba kedźbni być a so modlić.

Pohladawši pak wuhlada bohatych, kotřiž swoje dary mjetachu do pokladnicy.

2. Wuhlada pak tež jenu khudušku wudowu, kotraž (tam) dwaj pjenježkaj čisny. Mark. 12, 41.

3. A rjekny: Zawěrnó praju wam: Tale khuda wudowa čisny wjacy dyžli wšitcy.

4. Přetož čí wšitcy čisnychu z toho, štož jim zbywaše, do darow Božich; wona pak čisny ze swójeho njedostatka wšitku swoju žiwnosć, kotruž měješe.

5. ▲ někotrym, kotřiž wo templu prajachu, zo je z rjanymi kamjenjemi a darami* wudebjeny, rjekny:

6. Na to, štož widźíce, přińdu dny, we kotrychž kamjeń na kamjenju njewostanje, kotryž by rozwaleny njebył. Mat. 24, 2; Mark. 13, 2; wyše 19, 44.

7. Woprašachu pak so jeho, prajicy: Mištrje, hdy to budže, a kajke je znamjo, hdyž změje to so stać?*

8. A wón rjekny: Kedźbujće, zo byšće zawjedźeni njebyli; přetož mnozy přińdu w mojim mjenje, prajicy: Ja sym, a čas je so přibližil; njekhodźće tohodla za nimi.

9. Hdyž pak zaslyšíte wo wójnach a zběžkach, njestróžće so; to dyrbi so prjedy stać, ale hišće njeje hnydom kónc.

10. Tehdy praješe jim: Narod zběhnje so přećiwo narodej, a kralestwo přećiwo kralestwu.

11. A wulke zemjerženja budža tu a tam, a mór a hlód, a budža hróžby z njebja a wulke znamjenja.

12. Ale přede wšim tym zloža swojej rucy na was, a budža was přescěhać, podawajcy was do synagogow a jastiwow, a wodźicy was před kralow a bohotoj mojego mjena dla.

13. To pak přińdže na was k swědčenju.*

14. Zapoložće tohodla do swojich wutrobow, zo byšće prjedy njepřemysleli, kak byšće wotmołwjeli. Wyše 11, 12.

15. Přetož ja dam wam rot a mudrosć, kotrež njebudža móc so sprěc a napřećiwo řečec wšitcy waši přećiwnicy.

16. Budžeće pak podači wot staršich a bratrow, wot přiwuznych a přecelow, a (někotrych) z was morja.

17. A budžeće hidźeni wot wšitkich mojego mjena dla.

18. Ale ani włósk z wašeje hlowy njezhinje. Wyše 12, 7.

19. We swojej sčerpnosći změjeće swoje duše.*

20. Hdyž pak wuhladaće Jeruzalem z wójskom wobdaty, tehdy wězće, zo je so přibližilo jeho zapusćenje.

Dan. 9, 27; Mat. 24, 15; Mark. 13, 14.

21. Tehdy njech čí, kotřiž su w Judeji, čekaju na hory, a kotřiž su wosrjedz njeje

XXI. 5. W temlowych předdworach běchu wšelake dary, slěborne a złote króny, kotraž běchu so wot Židow a tež pohanow jako dźak za wuslyšane próstwy woprowaše a tež wěcy, kotrež běchu we wójnach dobyte. — 7. Mjenjujcy zapusćenje Jeruzalema a posledni sud; tež tu řeči Khrystus wo woběmaj podawkomaj; hl. Mat. 24, 3. — 18. t. r. To so wam stanje, zo byšće wo wěrnosći móhli swědčenje dawać. — 19. Jelizo sčerpnje wšitke te čěsnosće znjesće, zawěšćíte sebi zbóžnosć swóje duše.

(w měsće), njech wuńdu, a kotřiž su na polach, njech njezastupja do njeho.

22. Dokelž to su dny wječenja, zo by so dopjelnilo wšitko, štož je pisane.

23. Běda pak ćežkožiwotnym a ćešacym we wonych dnjach; přetož budže wulka ćešnosć na zemi, a hněw (Boži) nad tym ludom.

24. A padać budža přez wótrosc mjeća, a jeći budža wjedzeni mjeze wšěch pohanow, a Jeruzalem budže poteptany wot pohanow, hač so dopjelnja časy pohanow.*

25. **A** budža znamjenja na slóncu a měsacu a hwězdach, a na zemi ćešnosć ludži před wulkim šumjenjom morja a zmohow; Is. 13, 10; Ez. 32, 7; Joel 3, 15; Mat. 24, 29; Mark. 13, 24.

26. A ludžo budža skhnyć pře bojosc a wočakowanje toho, štož přindže na cyły swět; přetož njebieske mocy budža so hibać.

27. A tehdy wuhladaju Syna čłowjeka přikhadžaceho w nróčeli z wulkej moci a majestosću.

28. Hdyž pak to počina so stawać, pohladaje a pozběhńće swoje hlowy; přetož waše wumóženje so přibližuje. Rom. 8, 23.

29. A rjekny jim přirunanje: Hladaje na figowc a na wšitke štomy;

30. Hdyž hižo plód ze sebje wuplahuja, wěsće, zo je léco blisko.

31. Tak tež wy, hdyž wuhladaće, zo so to stawa, wěsće, zo je kralestwo Bože blisko.

32. Zawěrnó praju wam: Tutón splah njezańdže, hač to wšitko so stanje.

33. Njebo a zemja zańdžetaj, moje słowa pak njezańdu.

34. **Kedžbujće** pak, zo bychu waše wutroby njebyle wobćežene z wožralstwom a wopilstwom a ze staroscemi tohole žiwjenja, a zo by nahle na was njeprišol tón dzeń.

35. Přetož jako kosydlo přindže na wšitkich, kotřiž přebywaju na zemi.

36. **Kedžbujće** tohodla, wšitkón čas so modlicy, zo byšće hódni byli wučeknyć wšomu tomu, štož so stanje, a wobstać před Synom čłowjeka.

37. **Wučće** pak wodnjo w templu, ale w nocy wukhadžejo přebywaše na horje, kotraž Wolijowa rěka.

38. A wšitkón lud přikhadžeše rano k njemu do templu, zo by na njeho poslušal.

STAW XXII.

Wyšši měšnicy mysla na to, zo bychu Jězusa, kotrehož Judaš přepoda, morili. Jězus poruča, zo by so jutrowne jehnjo přihotowało; khlěb do swojeho čěla a wino do swojeje krewje přewobroći a swojim wučownikam poda z přikaznju, zo bychu to same činili. Wučownicy so wurěčuja, što je wjetši mjez nimi. Jězus wěšći třeje Pětrowe napřeće, kaza suknju předać a mječ kupić. Po dołhej w smjertnej styksnosći dokonjanej modlitwy, při kotrejž pót runja krewi na zemju kapa, bu wot Židow zajaty; jenomu z nich wotča Pětr wucho. Jězus praji, zo su na njeho jako na rubježnika wušli. W domje wyššeho měšnika je wot Pětra tlikróć zaprěty a wot Židow bity a wusměšany, a rano w radže prašany wuznawa, zo je Syn Boži.

Přibližowaše pak so swjatočny dzeń nje-kisanych khlěbow, kotryž jutry rěka.

Mat. 26, 2; Mark. 14, 1;

2. A wyšši měšnicy a pismawučeni pytachu, kak bychu Jězusa morili; bojachu pak so ludu.

3. Zajě pak satan do Judaša, kiž bě přimjenowany Iskariot, jedyn z dwanaćich.

Mat. 26, 14; Mark. 14, 10.

4. A wón woteńdže a porěča z wyššimi měšnikami a wyšnosćemi,* kak by jeho jim přeradził.

5. A zwjeselichu so a zrěčachu so, zo jemu pjenjezy dadža.

6. A wón slubi; a pytaše přiležnosć, zo by jeho přeradził bjez zběžka.*

7. **Přindže** pak dzeń njekisanych khlěbow, na kotrymž dyrbyeše jutrowne jehnjo so zarězać.

*24. t. r. doniž so ludy křesćanstwej njepriwobroća.

XXII. 4. t. r. templowa straža, kotraž kedžbowaše, zo by w templu a w jeho předdworach dobry rjad był; běchu to lewitowje. — 6. t. r. ani zo by so wot ludu zběžk stał.

8. A wón pòsła Pětra a Jana prajo: Džitaj a přihotujtaj nam jutrowne jehnjo, zo bychmy jědli.

9. A wonaj rjeknyštaj: Hdže chceš, zo přihotujemoj?

10. A rjekny k nimaj: Hlej, hdyž zastupitaj do města, zetka waju čłowjek, karan wody njeso; džitaj za nim do domu, do kotrehož pónǵže.

11. A prajtaj hospodarjej domu: Mištr tebi praji: Hdže je hospoda, hdžež bych jutrowne jehnjo jědl ze swojimi wučownikami?

12. A wón pokaže wamaj wulku jědzěfnju připrawjenu, a tam přihotujtaj.

13. Džěštaj pak a namakaštaj, kaž bě jimaj prajil, a přihotowaštaj jutrowne jehnjo.

14. A hdyž bě hodžina přišla, sydže so k blidu, a dwanaće japoštołow z nim.

Mat. 26, 20; Mark. 14, 17.

15. A džeše k nim: Nutrnje sym žadał, tuto jutrowne jehnjo z wami jěsć, prjedy dyžli ćerpju.

16. Přetož praju wam: Wot nětka njebudu je jěsć, hač so dopjelni w Božim kralestwje.*

17. A wzawši keluch* podžakowa so, a rjekny: Wzmieće a džěłće mjez sobu.

18. Přetož praju wam: Njebudu pić z płodu winoweho pjeńka, hač přińǵže kralestwo Bože.

19. A wzawši khlěb* podžakowa so, a lamaše a da jón jim, prajo: To je moje čěło, kotrež za was so dawa; to činće k mojemu wopomnjeću.

1. Kor. 11, 24.

20. Runje tak tež keluch, hdyž bě po wječeri, prajo: To je keluch, nowy zakoní w mojej krewi, kotraž budže za was přelata.

21. Ale hlej, ruka mojeho přeradnika je ze mnu za blidom.

22. A Syn čłowjeka drje dže, jakož je postajene; ale běda tomu čłowjekej, přez kotrehož budže přeradženy.

Mat. 26, 21; Mark. 14, 20; Jan. 13, 18; Ps. 40, 10.

23. A woni počachu so prašeć mjez sobu, štó by mjez nimi był, kotryž to sćini?

24. Nasta pak mjez nimi zwada, štó z nich by so zdał najwjetši być.

25. Wón pak rjekny jim: Kralowje pohanow knježa nad nimi, a kotřiž maju móc nad nimi, rěkaju hnadni.

Mat. 20, 25; Mark. 10, 42.

26. Wy pak nic tak; ale kotryž je najwjetši mjez wami, budž jako najmjeńši, a kotryž je předstajeny, budž jako služownik.

27. Přetož štó je wjetši? Tón, kotryž za blidom sedži, abo tón, kotryž služi? Njeje-li tón, kotryž za blidom sedži? Ja pak sym mjez wami jako tón, kotryž služi.*

28. A wy sće, kotřiž sće při mni zwostali w mojich spytowanjach.

29. A ja přihotuju wam kralestwo, jako je mój Wótc mi přihotował.*

30. Zo byšće jědli a pili za mojim blidom w mojim kralestwje, a sedželi na stolach sudžicy dwanaće splahow israelskich.*

31. Knjez pak džeše: Symanje, Symanje! hlej, satan je was požadał, zo by was přesal,* jako přeńcu.

16. t. r. ja njebudu z wami wjacj jutry swjećić tudy na zemi; štož jutrowne jehnjo znamjenja, to dopjelni so hakle na kóncu časa, při poslednim sudě, dokelž tehdy budža wuzwoleni wšitcy zhromadženi k hosćinje njebieskeho jehnjeća. Jutrowne jehnjo jědzachu Židža k dopomnjeću na wumóženje z Egypťowskeje a w nadžiji na přichodne wumóženje přez Messiasa; tuto změje hakle swoje dopjelnjenje na sudnym dnju. — 17. Po dokonjanej wječeri bu hišće jónu keluch podawany; tola tónle dyrbi so rozeznawać wot kelucha noweho zakonja, wo kotrymž so hakle dale deleka, w rjadku 20. rěči. — 19. t. j. po dokonjanej jutrownej wječeri. — 27. Z tym napomina Jězus swojich wučownikow k ponižnosći, a dopomina jich na nohimyće, na službu, z kotrejž je jim přiķlad ponižnosće dał. — 29. t. r. slubju wam, zo budžeće ze mnu njebiesku radosć a česć ze mnu wužiwać. — 30. Z hosćinu poznamjenja Zbóžnik husto njebieske wjeselo, a ze sudom njebiesku česć; hlad. Mat. 19, 28. — 31. Jako so při saću pokaza, što je přeńca a što su pluwjy, tak zjewi so tež w spytowanjach, štó je dobry a štó je hrěšnik.

32. Ja pak sym za tebje prosyl, zo by twoja wěra njewoteběrała; a něhdy wobročeny, posylń ty swojich bratrow.*

33. A wón rjekny jemu: Knježe, z tobu sym hotowy tež do jastwa a do smjerće hić.

34. Wón pak rjekny: Praju tebi, Pětrje; džensa njezaspěwa honać, hač tři króć zaprješ, zo mje znaješ. A wón rjekny jim:

Mat. 26, 34; Mark. 14, 30.

35. Hdyž sym was pósłał bjez móšny a wačoka a čriji, je wam něčoho so nje-dóstawało?* Mat. 10, 9.

36. A woni rjeknychu: Ničoho. Tohodla rjekny jim: Ale nětko, štož ma móšnu, wzmi ju, a tež wačok; a štož nima, předaj swoju suknju a kup mječ.*

37. Přetož praju wam: Hišće to, štož je pisane, dyrbi na mni so dopjelnic: „Mjez zlóstnikow bu ličeny“; přetož tež to, štož je wo mni napisane, ma kónc.* Is. 53, 12.

38. A woni rjeknychu: Knježe, hlej tu staj dwaj mječej. Wón pak rjekny jim: Dosć je.*

39. A wuńdže a poda so po swojim zwučenju na Wolijowu horu. Džěchu pak za nim tež wučownicy.

Mat. 26, 30; Mark. 14, 26; Jan. 18, 1.

40. A hdyž dóńdže na město, rjekny jim: Modlće so, zo byšće do spytowanja njepadnyli.

41. A sam zdali so wot nich jako wo čisnjenje z kamjenjom, a poklaknywši modleše so, Mat. 26, 39; Mark. 14, 35.

42. Prajo: Wótče, chceš-li, wzmi tutón

keluch wote mnje; tola nic moja, ale twoja wola so stań.

43. Zjewi pak so jemu jandžel z njebjes, jeho posylnjejo. A do smjertneho styksa padnywši modleše so nutrnišo.

44. A jeho pót bu jako krepy krewje. na zemju kapaceje.

45. A wstanywši wot modlitwy přińdže k swojim wučownikam, a nadeńdže jich spjacych pře zrudobu.

46. A džeše k nim: Što spiće? wstańće, modlće so, zo byšće do spytowanja njepadnyli.

47. A hdyž hišće rčeše, hlej (bě tu) črjóda, a tón, kiž Judaš rěkaše, jedyn z dwanaćich, džeše před nimi, a přibliži so k Jězusej, zo by jeho wokošil.

Mat. 26, 47; Mark. 14, 43; Jan. 18, 3.

48. Jězus pak jemu rjekny: Judašo, z wokošenjom přeradžěš Syna čłowjeka.*

49. Hdyž pak čí, kotřiž běchu při nim, widžachu, što budže, rjeknychu jemu: Knježe, mamy z mječom rubać?

50. A jedyn z nich rubny wotročka wyššeho měšnika, a wotča jemu prawe wucho.

51. Wotmolwjejo pak džeše Jězus: Wostajće! hač k tomu.* A dótknywši so jeho wucha zahoji jeho.

52. Jězus pak rjekny k tym, kotřiž běchu na njeho přišli, k wyšším měšnikam a předstojnikam templu, a k starším: Jako na rubježnika sće wušli z mječemi a kijemi

32. t. r. Symanje, ty sy wjeřch mojeje cyrkwe, tež tebje budže djaboł spytować, runje jako wšitkich tvojich bratrow a wšitkich wěriwych; ale sym wosebje za tebje prosyl, zo twoja wěra do mnje a do mojih wučbow ženje njeby woslabnyła. Ty drje pokhablaš, t. r. mje zaprješ, ale zaso wstanješ a so nakazaš, a potom posylnej swojich bratrow we wěrje. Khrystus slubi tu s. Pětrj, swojemu naměstnikaj na zemi, wjeřchej swjateje cyrkwe, a tež wšitkim jeho nastupnikam dar njezmylneho wučerstwa. — 35. Hač dotal njeje wam ničo pobrachowało; nětko pak budže hinak, hdyž ja wjacj při wami njebudu; nětko maće so přihotować na bědženja a so wobronić za wojowanje a wšelake strachi, kotrež wam při rozšěrjenju s. cyrkwe hroža. Tohodla maće nětko wšitke tamne srědky, kotrež wam čłowjeska mudrosć radši, a kotrež su za zežiwjenje a zakit trěbne. — 36. Słowa „kup mječ“ nimaju so po pismiku zrozumić, ale znamjenjeju, zo bychy so, hdyž su přescěhany, s. dowolenymi srědkami tež wobarali. — 37. t. r. ma so dopjelnic. — 38. Dosć je t. r. wo tychle wěcach rěčane; wy mje njejaće prawje zrozumili, ale wukładujuće wšitke słowa cyle po pismiku, mjez tym zo čeu je ja duchownje zrozumjene mječ. — 51. t. r. njech jich zlósc tak daloko dje, zo mje wuwjazaju, njezadžešćajće jim.

53. Hdyž běch wšědnje z wami w tem-
plu, njejsće ruku na mnje zložili; ale to
je waša hodžina a móc čěmnośće.

54. A jeho zajawši wjedźechu jeho do
domu wyššeho měšnika; Pětr pak džeše
za nim nazdala. Mat. 26, 57; Mark. 14, 53;
Jan. 18, 14.

55. A jako běchu wosrjedź dwora woheń
zadźělali, a wokoło so zesydali, běše Pětr
mjez nimi. Mat. 26, 69; Mark. 14, 66; Jan. 18, 25.

56. Hdyž pak jeho jena džowka wu-
hlada při wohnju sedźaceho, rjekny jeho
wobhladał: Tež tón běše z nim.

57. Ale wón zaprě jeho, prajo: Žónska,
njeznaju jeho.

58. A po khwilcy druhi jeho wuhla-
dawši rjekny: Tež ty sy z nich. Pětr pak
džeše: O čłowječe, njejsym.

59. A pozdžišo něhdze po hodžinje wob-
kručeše něchtó druhi prajo: Zawěrnó, tež
tón běše z nim, přetož je tež Galilejski.
Jan. 18, 26.

60. A Pětr džeše: Čłowječe, njewěm,
što prajiš. A hnydom, hdyž wón hišće
řečeše, zaspěwa honač.

61. A Knjez so wobroćiwši pohlada na
Pětra. A Pětr dopomni so na Knjezowe
słowo, jako bě prajił: Prjedy dyžli honač
zaspěwa, zaprješ mje třikróć. Mat. 26, 34;
Mark. 14, 30; Jan. 13, 38.

62. A Pětr wuńdže won a zaplaka hófcy.

63. A mužowje, kotřiž jeho dźeržachu,
směšachu a čepjachu jeho.

64. A zawožděchu jeho, a bijachu jeho
do wobliča, a prašachu so jeho, prajicy:
Wěšć, što je, kotryž će dyri?

65. A wjele drugeho hanjenja prajachu
přećiwo njemu.

66. A hdyž dzeń bu, zhromadźichu so
starši ludu a wyšši měšnicy a pismawu-
čeni, a přiwdězechu jeho do swojeje rady,
prajicy: Sy-li ty Khrystus, praj nam.
Mat. 27, 1; Mark. 15, 1; Jan. 18, 28.

67. A džeše k nim: Powěm-li wam, nje-
budžeće mi wěrić.

68. A woprašam-li so, njewotmolwice
mi, a njepuščice mje.*

69. Wot nětka pak budže Syn čłowjeka
sedžeć na prawicy mocy Božej.

70. Rjeknychu pak wšitecy: Ty potajkim
sy Syn Boží? A wón džeše: Wy prajice,
zo ja sym.

71. A woni rjeknychu: Što hišće po-
trjebujemy swědčenja? Wšak sami smy
slyšeli z jeho rta.

STAW XXIII.

Jězusa wobskoržuja před Pilatom a sčelu k Hero-
desej, kiž jeho zaspěwa a wusměša. Pilatus pró-
cuje so, zo by jeho pušćil, mordarja Barabbasa
na jeho město poskićejo a pokhostanje Jězusa
lubjo. Židźa pak při swojim žadanju wostachu,
a Jězusa bu k smjerći wotsudženy; na smjertnym
puću zakazuje žónskim pře njeho plakać. Z ru-
bježnikomaj křižowany prosy wón Wótca za křižo-
warjow. Wusměšanemu wot wyššich a wojakow
podachu kisało; wot jenoho z rubježnikow bu
hanjeny, druhemu přislubi paradiz. Při wočěm-
njenju slónca a druhich znamjenjach wumřě,
wótře zawoławši; stotnik jeho jako sprawného
spózna a Józef pohrjeba jeho čělo.

A cyła jich mnohosć wstany, a wje-
dzechu jeho k Pilatej.

2. Počachu pak jeho wobskoržeć, pra-
jicy: Toho smy namakali, zo naš lud mući,
a zakazuje kejžorej dawki dawać, a praji,
zo je wón kral Khrystus.

Mat. 22, 21; Mark. 12, 17.

3. Pilatus pak so jeho woprašaja prajo:
Sy ty kral Židow? Wón pak wotmolwjejo
džeše: Ty prajiš. Mat. 27, 11; Mark. 15, 2;
Jan. 18, 38.

4. Pilatus pak džeše k wyššim měšni-
kam a črjódam: Žaneje winy njenama-
kam na tomle čłowjeku.

5. A woni wótřišo wołachu, prajicy:
Ščuwa lud a wući po cyłej Judeji, po-
čawši wot Galileje hač sem.

6. Pilatus wo Galileji wuslyšawši, wo-
praša so, je-li čłowjek z Galileje?

7. A hdyž zhoni, zo je z Herodesoweho
poddanstwa, posła jeho k Herodesej, kotryž
běše sam w tych dnjach tež w Jeruzalemje.*

68. t. r. dokelž njeslědźice za prawdu, ale jeno, zo byšće někajku winu wotsudženja měli.

XXIII. 7. Herodes bě jutrow dla w Jeruzalemje.

8. Herodes pak, Jézusa wohladawši, zwjeseli so jara; přetož hižo dolhi čas bě žadał jeho widzeć, dokelž bě wjele wo nim slyšał, a nadžiješe so, zo někajki džiwo wot njeho sčinjeny wohlada.

9. Prašeše pak so jeho z mnohimi słowami. Ale wón jemu ničo njewotmolwješe.

10. Stojachu pak (tam) wyšši měšnicy a pismawučeni, wobstajnje jeho wobskoržejcy.

11. Herodes pak ze swojimi wojakami zacpě jeho;* a bělu drastu woblekši wusměši a posła jeho zaso k Pilatej.

12. A Herodes a Pilatus buštaj přećelej na tomle dnju; přetož prjedy běštaj njeprěćelej mjez sobu.

13. Pilatus pak zwoławši wyššich měšnikow a předstojnikow a lud,

14. Rjekny k nim: Podašće mi tutoho čłowjeka, jako by lud mučil, a hlej před wami jeho so wuprašowawši njenamakam žaneje winy na tom čłowjeku w tom, čohož dla jeho wobskoržujeće. Jan. 18, 38 a 19, 4.

15. Ale ani Herodes; přetož wotpósłach was k njemu, a hlej, ničo smjerće hódneho njepřicpě so jemu.

16. Tohodla pokhostawši jeho pušću.

17. Dyrbješe jim mjenujcy na swjaty džen jenoho (jateho) pušćić.

18. Tuž zawola zdobom cyla črjóda prajicy: Preč z tym, a pušć nam Barabbasa.

19. A tón bě dla někajkeho zběžka w měsće sčinjeneho a dla morjenja do jastwa čisnjeny.

20. Pilatus pak znova k nim rěčeše, cheyjo Jézusa pušćić.

21. Ale woni wołachu, prajicy: Křižuj, křižuj jeho.

22. A wón třeći króc k nim rjekny: Što pak je tón zleho činil? žaneje winy

smjerće njenamakam na nim. Tuž pokhostawši jeho pušću. Mat. 27, 23; Mark. 15, 14.

23. Woni pak nučachu (jeho) z wulkim wołanjom žadajcy, zo by křižowany byl, a jich wołanje přiběraše.

24. A Pilatus wusudži, zo by jich žadosć so dopjelniła.

25. Pušći pak jim toho, kotryž bě mordarstwa a zběžka dla do jastwa čisnjeny, kotrehož žadachu; ale Jézusa poda jich woli.

26. A hdyž jeho wjedžechu, přimnychu wěsteho Symana Cyrenejskeho,* kotryž z pola džěše, a napoložichu jemu křiž, zo by jón njesl za Jézusom.

Mat. 27, 32; Mark. 15, 21.

27. Džěše pak za nim wulka črjóda ludu a žónskich, kotrež plakachu a jeho wobzarowachu.

28. Jézus pak k nim so wobroćiwši rjekny: Džowki Jeruzalemske, njeplakajće pře mnje, ale plakajće same pře so a pře swoje džěci.

29. Přetož hlej, dny přińdu, na kotrychž budža prajić: Zbožowne su njeplódne, a žiwoty, kotrež njejsu porodžile, a nadra, kotrež njejsu čěšile.*

30. Tehdy počnu horam prajić: Padńće na nas; a hórkam: Přikryjće nas.*

Is. 2, 19; Os. 10, 8; Zjewj. 6, 16.

31. Přetož hdyž na zelenym drjewje tuto činja, što stanje so na suchim?* 1. Pětr. 4, 17.

32. Wjedženaj pak buštaj tež druhej dwaj z nim, zlostnikaj, zo byštaj morjenaj byloj.

33. A hdyž přińdžechu na město, kotrež Kalwarija rěka, křižowachu tam jeho a mordarjow, jenoho k prawicy, a druheho k ľewicy. Mat. 27, 33; Mark. 15, 22; Jan. 19, 17.

34. Jézus pak praješe: Wótće, wodaj jim přetož njewědža, što činja. Rozdžělejcypak jeho drastu mjetachu lós (wo nju).

11. t. r. ze swojej stražy, ze swojim služownistwom. — 26. hl. Mark. 15, 21. — 29. Zbožowne niče budža žónske bjez džěci dla surowych čěsností, kotrež na Jeruzalem a jeho wobydlerjow přińdu. — 30. Ze stracha a bojósće budža swój wuček w pródzjenkach, pod horami a hórkanaj pytać, a dokelž ani tu před horjom skhowani njebudža, budža sebi smjerć přeć; tak čěłki budža čas. — 31. Hdyž směja sprawni a swjěci telko čěrpjeć, kak wjele wjacj hrěšnicy a bohasabyćiwiti

35. A lud stoješe tam přihladujo; a z nimi smějachu so jemu předstojnicy, prajicy: Druhim je pomhał, njech sebi sam pomha, je-li Khrystus, wuzwoleny Boži.

36. Wusměšachu pak jeho tež wojacy, přistupujcy a kisalo jemu podawajcy,

37. A prajicy: Sy-li ty kral Židow, pomhaj sebi.

38. Běše pak napismo napisane wyše njeho z grekskimi a laćanskimi a hebrejskimi pismikami: Tutón je kral Židow.

39. Jedyn pak z teju zlóstnikow, kotražž wisaštaj, hanješe jeho prajo: Sy-li ty Khrystus, pomhaj sebi samomu a namaj.

40. Druhi pak wotmołwejo naswari jeho a praji: Ani ty njebojiš so Boha, hdyž sy w tom samym wotsudženju?

41. Mój drje z prawom; přetož dóstawomaj zdobne za to, štož skućichmoj; tónle pak njeje ničo zleho činil.

42. A praješe k Jězusej: Knježe, spomń na mnje, hdyž přindžeš do swojeho kralestwa.

43. A Jězus jemu rjekny: Zawěrnó praju tebi: Džensa budžeš ze mnu w paradizu.

44. Běše pak wokoło šesteje hodžiny, a čma bu po wšej zemi hač do džewjateje hodžiny.

45. A slóncó so začmi, a zawěšk w templu roztorže so napoł.

46. A Jězus z wulkim hłosom zawołajo rjekny: Wótče, do twojeju rukow poručam swojeho ducha. To prajiwši wudychny.

47. Stotnik pak widžawši, što bě so stało, khwaleše Boha, prajo: Zawěrnó, tutón čłowjek bě sprawny.

48. A wšitcy ludžó, kotřiž běchu sobu přišli na to přihladować, widžawši, što so sta, bijachu so na swoje wutrobno a wróćichu so.

49. Wšitcy jeho znaći pak stojachu nazdala, a žónske, kotrež běchu jeho z Galileje scěhowale, hladajcy na to.

50. A hlej, muž z mjenom Józef, ko-

tryž běše radny knjez, dobry a sprawny muž,

Mat. 27, 57; Mark. 15, 43; Jan. 19, 38.

51. Kotryž njebě zwolił do jich rady a skutkow, z judejskeho města Arimathea, kotryž tež sam kralestwo Bože wočakowaše:

52. Tón přistupi k Pilatej a wužada sebi Jězusowe čělo.

53. A wzawši je (ze křiža) zawali je do čisteho ruba, a položi je do rowa (w skale) wurubaneho, w kotrymž hišće ničto ležal njebě.

54. A běše dzeń přihotowanja k jutram, a sabat počinaše.

55. Džěchu pak za nim žónske, kotrež běchu z Galileje sobu přišle, a wobhladachu sebi row, a kak bu jeho čělo položene.

56. A wróćiwši so přihotowachu wonjace zela a žalby; na sabaće pak wotpočnychu po zakonju. 2. Mójs. 20, 10.

STAW XXIV.

Žónskim při Jězusowym rowje, kotrež so stróžichu, zo Jězusowe čělo njenadžechu, wozjewjataj jandželaj, zo je z mrtwych wstanył, a wone powědaju to japoštołam, kotřiž tomu wěrić nočechu. Pětr k rowej přišedši džiwa so, zo tam čělo njenamaka. Dwěmaj, kotražž do Emmausa džěštaj, wukładuje Jězus swjate pismo a je spóznaty wot njeju na łamanju khlěba. Zhromaždenym japoštołam pokazuje swojej rucy a nozy a kaza jim, zo bychu so jich dótknyli; jě z nimi a wotewri jim jich rozom, zo bychu pismo zrozumili a Ducha swjateho jim slubiwši spěje k njeju.

Přeni dzeń po sabaće pak rano zahe přindžechu k rowej, njesycy wonjace zela, kotrež běchu přihotowale. Mat. 28, 1;

Mark. 16, 2; Jan. 20, 1.

2. A namakachu kamjeń wot rowa wotwaleny.

3. A zastupiwši njenamakachu čělo Knjeza Jězusa.

4. A sta so, hdyž běchu w swojej mysli tohodla starosciwe, hlej, stoještaj dwaj mužskaj při nich w blyšćatej drasće.

5. Hdyž pak so bojachu a swoje wobličo k zemi skhilachu, rjeknyštaj k nim: Što pytaće žiweho mjez mrtwymi?

6. Njeje tudy, ale je z mortwych wstanyl; dopomńće so, kak je k wam rěčal, hdyž hišće w Galileji běše,

7. Prajo: Syn čłowjeka dyrbi podaty być do rukow hrěšnych čłowjekow, a křižowany być, a na třecim dnju wot mortwych wstanyć. Mat. 16, 21 a 17, 21; Mark. 8, 31; 9, 30;

wyše 9, 22.

8. A dopomnichu so na jeho słowa.

9. A wróciwši so wot rowa powědachu to wšitko tym jednacóm a druhim wšitkim.

10. Běchu pak Marija Madlena a Joanna a Marija Jakubowa, a druge z nimi, kotrež to japoštołam powědachu.

11. A zdachu so jim tute słowa jako baje; a njewěrjachu jim.*

12. Pětr pak wstanywši doběža k rowej, a skhiliwši so wuhlada ruby same ležace, a woteńdže dźiwajo so při sebi nad tym, štož bě so stało.

13. A hlej, dwaj z nich dźěštaj na tom samym dnju do městačka, kotrež bě šěsćdzesat honow zdalene wot Jeruzalema, z mjenom Emmaus. Mark. 16, 12.

14. A rěčeštaj mjez sobu wo wšom tom, štož bě so stało.

15. A sta so, jako so rozrěčowaštaj a mjez sobu so prašeštaj, zo tež Jězus so přibližiwši z nimaj dźěše;

16. Jeju woči pak běštej dźeržanej,* zo byštaj jeho njespóznaloj.

17. A dzeše k nimaj: Kajke su to rěče, kotrež ducy mjez sobu mataj, a stajzrudnaj?

18. A wotmołwjejo jedyn, z mjenom Kleofas, rjekny jemu: Sy ty jenički cuzy w Jeruzalemje, a njewěš, što je so w nim stało w tychle dnjach?

19. A wón jimaj rjekny: Što? A praještaj: Z Jězusom Nazarethskim, kotryž bě profeta, mócný w skutku a w słowje, před Bohom a přede wšim ludom;

20. A kak su jeho podali najwyšši měšnicy a naši předstojnicy na wotsudženje k smjerći, a jeho křižowali.

21. My pak so nadźijachmy, zo wón Israel wumóže,* a nětko je tomu wšitkomu džensa hižo třecí dzeń, zo je so to stało.

22. Ale tež někotre žónske z našich su nas nastrožale, kotrež rano při rowje pobychu.

23. A njenamakawši jeho čěło přinděchu prajicy, zo su tež zjewjenje jandželow widžale, kotraž praještaj, zo je wón žiwy.

24. A někotři z našich woteńdžechu k rowej, a namakachu tak, jako běchu žónske prajile; jeho pak njenamakachu.

25. A wón rjekny k nimaj: O njemu-draj a njespěšnaj we wutrobje k wěrjenju wšitkoho, štož su profetowje rěčeli.

26. Njedyrbješe Khrystus to čerpjeć, a tak zastupić do swojeje krasnosće?

27. A spočawši wot Mójesa a wšěch profetow wukładowaše jimaj ze wšěch pismow, štož bě wo nim pisane.

28. A přibližichu so městačkej, do kotrehož dźěštaj, a wón činješe, jako by chcył dałe hić.

29. A přinućištaj jeho, prajicy: Wostań z namaj, dokelž hižo so wječori a dzeń je so nakhilił. A wón zańdže z nimaj nutř.

30. A sta so, hdyž z nimaj za blidom sedžeše, wza khlěb, a požohnowa, a lamaše a podawaše jimaj.

31. A jeju woči buštej wotewrjenej, a spóznaštaj jeho, a wón pominy so z jeju wočow.

32. A rjeknyštaj mjez sobu: Njehorješe so naju wutroba we namaj, hdyž po puću z namaj rěčeše a pisma namaj wukładowaše?

33. A wstanywši w tej samej hodźinje, wrócištaj so do Jeruzalema, a namakaštaj

XXIV. 11. t. r. njewěrjachu, zo je Khrystus wot smjerće wstanyl. To so přistaja dla dopokazanja, zo japoštołowje lohkowěriwi ludźo njeběchu; woni prjedy njewěrjachu, doniž wažne winy za swoju wěru njemějachu. — 16. Dźeržanej t. r. takrjec zamknjenej, zo wonaj Jězusa njespóznaj. Wonaj měještaj swoju cyłu duchownu kedźbnosć na podawki poslednich dnjow složenu, tak zo toho kedźbu njeměještaj, štož jeju zwonkowne zmysły jimaj pokazowachu. — 21. Tež tutaj wučownikaj so sylnje nadźiještaj, zo Jězus po předobycu Rómskich mócně swětně kralstwo založi.

tych jednácoch, a tych, kotřiž běchu z nimi, zhromadženych,

34. Kotřiž prajachu: Knjez je zawěrnó wstanyl a Symanej so zjewil.

35. A wonaj powědaštaj, što bě so na puću stało, a kak staj jeho spóznałoj na łamanju khlěba.

36. Jako pak tuto powědachu, stoješe Jězus srjedza mjez nimi a praji jim: Pokoj budź z wami! ja sym, njebojće so!

Mark. 16, 14; Jan. 20, 19.

37. Zastrózeni pak a nabojawši so,* měnjachu, zo ducha widža.

38. A rjekny jim: Što sće zastrózeni, a što tajke mysle wustupuja we wašich wutrobach?*

39. Wohladajće mojej rucy a nozy; ja sym to sam; dótkniće so mje a hladajće, dokelž duch nima mjasa a kosći, jako widžiće, zo ja mam.

40. Hdyž bě to prajił, pokaza jim rucy a nozy.

41. Dokelž pak hišće njewěrychu, a z wjesolósće* so dźiwachu, rjekny: Maće tu něšto jěsć?

42. A woni podachu jemu kruch pječeneje ryby a plást mjedu.

43. A hdyž bě před nimi pojedl, wza zbytki a poda jim.

44. A rjekny k nim: To su słowa, kotrež sym k wam řečal, hdyž běch hišće mjez wami, zo dyrbi wšitko so dopjelnić, štož je pisane w Mójsesu a w profetach a w psalmach wo mni.

45. Tehdy wotewři jim zmysl, zo bychu pisma rozymjeli.*

46. A rjekny jim: Tak je pisane, a tak dyrbješe Khrystus čerpjeć, a na třeći dzeń wot mrtwych wstanyć; Ps. 15, 10.

47. A dyrbi so přédować w jeho mjenje pokuta a wodaće hrěchow mjeze wšěmi ludami, počawši wot Jeruzalema.

48. Wy pak sće swědkowje toho.

Jap. sk. 1, 8.

49. A ja pósćelu slubjenje swojeho Wótca na was;* wy pak wostańće w měsće, hač budžeće wuhotowani z mocu z wysokósće.

Jan. 14, 26.

50. A wuwjedže jich won do Bethanije, a pozběhnywši swojej rucy požohnowa jich.

51. A jako jich žohnowaše, wotdžěli so wot nich, a bu pozběhnjeny do njebies.

Mark. 16, 19; Jap. sk. 1, 9.

52. A woni pomodliwši so k njemu wróćichu so do Jeruzalema z wulkej wjesolósću.

53. A běchu stajnje w templu,* khwalicy a wučesújcy Boha. Amen.

37. Woni so bojachu, a stróžichu so zjewjenja při zamknjenych durjach. — 38. t. r. mysliće, zo sym jenož duch, a nic tón samy Khrystus, kotryž z wami wobkhaďeše. — 41. t. r. wjesolósć njedopuští, zo bychu měrnje rozmysleli a so přesvědčili. — 45. Wón rozswětli jich rozum, zo nětko wěšćenja stareho zakonja wo Jězusu zrozymichu. Duch swjaty je pozdžišo tuto rozswětlenje jich rozoma dokonjal, tak zo woni wšitke potajnosće čłowjeskeho wumóženja zapřijachu. — 49. Slubjenje Wótca a móc z wysokósće t. j. Duch swjaty. — 52. t. r. často. Jich bydło pak běše najprjedy tam, hdžež běchu z Jězusom poslednju wječer swječili.



SWJATE EVANGELIUM JĚZUSA KHRYSTUSA PO JANJE.

STAW I.

Słowo je Bóh, žiwjenje a swětło, kotrež kóždeho čłowjeka rozswětla; přez kotrež je wšo stworjene, a kotrež je wočłowječiło; jemu swědčenje dawa Jan, hlós wołaceho so mjenujo a sebje za njehódneho služownika mějo. Jězus je jehnjo, kotrež njese hrěchi swěta. Handrij, jedyn z Janoweju wučownikow, kotrajž běštaj Jězusa sčěhowałoj, wjedše k njemu tež Symana, swojeho bratra. Filip wot Jězusa powołany, přiwjedše k njemu Nathanaela.

We spočatku bě Słowo,* a Słowo bě pola Boha, a Bóh bě Słowo.

2. Wono bě we spočatku pola Boha.

3. Wšitko bu přez nje, a bjez njeho njebu nič, štož je.

4. We nim bě žiwjenje, a žiwjenje bě swětlo čłowjekow.*

5. A swětlo we čmě swěci, a čma je njewohja.*

6. Bu čłowjek, wot Boha posłany, kotrehož mjeno bě Jan. Mat. 3, 1; Mark. 1, 2.

7. Tón přinďže na swědčenje, zo by swědčil wo swětle, zo bychy wšitcy wěrili přez njeho.*

8. Wón njebě swětlo, ale zo by swědčil wo swětle.

9. (To) bě prawe swětlo, kotrež rozswětla kóždeho čłowjeka, přikhadžaceho na tónle swět. Niže 3, 19.

10. Na swěće bě, a swět bu přez njeho, a swět jeho njepózna.*

11. Do swojeho přinďže,* a swoji jeho nepřijachu.

12. Kotřižkuli pak jeho přijachu, tym da móc, zo džěci Bože buchu: tym, kotřiž wěrja do jeho mjena.*

13. Kotřiž nic z krewje, ani z wole mjasu, ani z wole muža, ale z Boha so narodžichu.*

14. A Słowo bu mjaso a je bydlilo mjez nami; a widžachmy jeho krasnosť, krasnosť jako jednorodženeho wot Wótca, polne miłosće a prawdy.* Mat. 1, 16; Luk. 2, 7.

15. Jan swědči wo nim a je wołał prajo: Tón bě, wo kotrymž rjeknych: Kotryž po mni přinďže, bu přede mnu, dokelž bě přjedy, dyžli ja.

16. A z jeho polnosće my wšitcy dóstachmy, a to miłosć na miłosć.*

I. 1. We spočatku t. r. přjedy dyžli bu što stworjene, wot wěčnosti, bě Słowo, to je Syn Boží; Słowo mjenuje so wón po podobnosći; jako my swoje znutkowne mysle a začuća ze słowom wozjewjamy, tak je Bóh přez druhu bóžsku wosobu čłowjestwu so wozjewil, swoju wolu spóznať dal. Słowo bě Bóh, t. r. měješe bóžske byće, bóžske dospołnosće, běše bóžska wosoba. — 4. Jako wěry Bóh, běše wón źorło wšeho žiwjenja we swěće, a za čłowjekow źorło wšeho swětla we swojej wučbje abo we zjewjenju, kotrež čłowjekam přinjese a z tym źorło woprawdžiteho žiwjenja za čas a wěčnost. — 5. Jězus rozswětli ze swojej wučbu čěmnosć, t. j. njewědomosć swěta, kotryž pak powučenje zacpěwa, we njewědomosći, bludže a zlósci zwostawajo. Płaći to najprjedy Židam, mjez kotrymiž Jězus přebywaše wučo a džiwy činjo, potom pak tež cyłemu swětej, kotryž wo Jězusownu wučbu so njestara. — 7. t. r. zo bychy přez Janowe swědčenje a předowanje so wšitcy přihotowali k wěrje do Jězusa, kotrehož přikhad wón wozjewješe. — 10. Syn Boží bě we swěće ze swojim rozswětlenjom, kotřiž do njeho wěrjachu a přez njeho do swěta wot swěta wot swěta, wón njedziwajo na to, su-li Židza abo pohani, móc da, zo bychy duchownje znowa so narodžili a jako džěci Bože, we swojim zmyslenju a skutkowanju Bohu poslušne džěci žiwi byli. — 13. t. r. přez miłosć Božu džěci Bože sčínjeni a jako herbja kralestwa Božeho powołani, nic jeno po krewi a mjasu spłodženi. — 14. Syn Boží je wočłowječil, čłowjesku naturu přijal, woprawdže čłowjeske čelo a woprawdže čłowjesku dušu, a z džiwami jako jednorodženy Syn Boží so wopokazať. — 16. Přez njeho, kiž bě polny miłosće a prawdy smy my wšitke hnady, přede wšim hnadu wumóženja a wozboženja najnadobnišo dóstali.

17. Přetož zakon bu daty přez Mójzesa, milosć a prawda pak bu přez Jězusa Khrystusa.

18. Boha nichtó njeje widžal, jedno-rodženy Syn, kiž je we klinje Wótca, je nam wo nim powědał.*

1. Tim. 6, 16; 1. Jan. 4, 12.

19. A tuto je Janowe swědčenje, hdyž Židža z Jeruzalema k njemu měšnikow a levitow posłachu, zo bychy jeho so prašeli: Ty, što sy?

20. A wuzna a njezapře, a wuzna: Ja njejsym Khrystus.

21. A woprašachu so jeho: Što pak? Elias sy ty? A rjekny: Njejsym. Profeta sy ty? A wón wotmołwi: Ně.

22. Tohodla rjeknychu k njemu: Što sy, zo wotmołwenje damy tym, kotřiž nas posłachu; što prajiš sam wo sebi?

23. Džeše: Ja sym „hlós wołaceho w puscínje: Přihotujće Knjezowy puć“, jakož je prajił Isaias profeta. Is. 40, 3;

Mat. 3, 3; Mark. 1, 3; Luk. 3, 4.

24. A kotřiž běchu posłani, běchu z farisejow.*

25. A woprašachu so jeho a rjeknychu jemu: Přeco potajkim křćiješ, hdyž njejsy Khrystus, ani Elias, ani profeta?

26. Jan wotmołwi jim prajo: Ja křćiju z wodu, wosředź was pak stoji, kotrehož wy njeznajeće.

27. Tón je, kotryž po mni přińdže, a kotryž je přede mnu, kotremuž črijowe rjemjenje wotwjazać ja hódny njejsym. Mark. 1, 7; Luk. 3, 16; Jap. sk. 1, 5; 11, 16; 19, 4.

28. To sta so w Bethaniji za Jordanom,* hdžež Jan křćiješe.

29. Na druhi dzeń wuhlada Jan Jězusa, zo k njemu dže, a džeše: Hlej, Jehnjo Bože, hlej, kotrež njese hrěch swěta.*

30. Tón je, wo kotrymž rjeknych: Po

mni přińdže muž, kotryž je přede mnu, dokelž běše předy dyžli ja.

31. A ja jeho njeznajach,* ale zo by wozjewjeny był we Israelu, tohodla přińdžech ja z wodu křćić.

32. A Jan wobswědči prajo: Widžach Ducha (swjateho) zestupowaceho z njebja jako holbja, a wón zwosta na nim.

Mat. 3, 16.

33. A ja njeznajach jeho, ale tón, kiž mje posła z wodu křćić, mi rjekny: Na kotrehož wuhladaš Ducha zestupowaceho a zwostawaceho na nim, tón je, kotryž křćije z Duchom swjatym.

34. A ja sym widžal a sym swědčil, zo tón je Syn Boží.

35. Zaso na druhi dzeń stoješe Jan, a z jeho wučownikow dwaj;

36. A Jězusa wuhladał, zo dže, rjekny: Hlej, Jehnjo Bože.

37. A (taj) dwaj wučownikaj slyšešaj jeho řečec, a džěšaj za Jězusom.

38. A wobroćiwši so a wuhladał, zo za nim džetaj, praji Jězus jimaj: Što pyataj? A wonaj rjeknyšaj jemu: Rabbi (štož přeložene rěka: „mištrje“), hdže bydlíš?

39. Praji jimaj: Pójtaj a hladajtaj! A džěšaj a widžešaj, hdže bydlí, a wostašaj při nim tón dzeń; (přetož) běše wokoło džesateje hodžiny.*

40. Běše pak Handrij, bratr Symana Pětra, jedyn z dweju, kotrajž běšaj wot Jana to slyšaloj a za nim šloj. Mat. 4, 18.

41. Tón nadeńdže najprjedy swojeho bratra Symana, a praji jemu: Nadešloj smoj Messiasa (štož je přeložene Khrystus).

42. A přiwjedže jeho k Jězusej. Pohladawši pak na njeho rjekny Jězus: Ty sy Syman, Jonasowy syn; ty budžeš rěkać Kefas, štož so přeložuje Pětr.*

18. Wón je nam wo Bohu wšitko wozjewil, štož mamy wěděć, zo bychmy zbóžni byli. — 24. hl. Mat. 3, 7. — 28. t. j. k rozeznananju wot Bethanije při Jeruzalemje, hdžež Lazarus bydleše. — 29. Kotryž budže prawe jutrowne jehnjo, woprowane za hrěchi swěta, k wumóženju čłowjekow. — 31. t. r. ja jeho nětko njewidžach a po wosobje njeznajach. Jan bě wot džěćacych lět w puscínje přebywał. Přir. niže 82 a 83. — 39. t. j. popołdnu štyrjoch. — 42. Přir. Mat. 16, 18.

43. Na druhí dzeń chceš Jězus do Galileje woteńć, a nadeńdže Filipa a rjekny jemu: Sćěhuj mje.

44. Filip pak běše z Bethsaidy, Handrijoweho a Pětroweho městačka.

45. Filip nadeńdže Nathanaela* a praji jemu: Wo kotrymž je pisał Mójzes w zakonju a profetowje, smy nadešli, Jězusa, Józefoweho syna z Nazaretha.

1. Mójz. 49, 10; 5. Mójz. 18, 18; Is. 40, 10; 45, 8; Jer. 23, 5; Ezech. 34, 23; 37, 24; Dan. 9, 24.

46. A Nathanael jemu rjekny: Móže z Nazarethha něšto dobre być? A Filip praji jemu: Pój a pohladaj.

47. Jězus wuhlada Nathanaela, zo k njemu dže, a praji wo nim: Hlej, woprawdže Israelita, w kotrymž tajenstwo njeje.

48. Nathanael jemu praji: Zwotkel mje znaješ? Jězus wotmołwi a rjekny jemu: Prjedy dyžli će Filip zawoła, hdyž běše pod figowcom, widžach će.

49. Nathanael jemu wotmołwi a džeše: Rabbi, ty sy Syn Boží, ty sy kral israelski.*

50. Jězus wotmołwi a rjekny jemu: Dokelž ěi prajich: Widžach ěe pod figowcom, wěriš; wuhladaš wjetše wěcy dyžli to.

51. A praji jemu: Zawěрно, zawěрно praju wam: Wuhladaće njebjo wotewrjene a jandželow Božich postupować a zestupować nad Syna ěłowjeka.*

STAW II.

Jězus na kwas přeprošeny přestworí wodu do wina a hdyž z Kafarnauma do Jeruzalema přindže, wuhna z templa wikowarjow; a praji, hdyž chcychu Židža dźiw widžeć: Potorhńće tónle templ atd. Mnozy wěrychu dźiwow dla w Jězusowym mjenje, wón pak so jim njedowěri.

A na třecím dnju běše kwas w Kana w Galileji, a běše tam Jězusowa mać.

2. Prošeny pak bu tež Jězus a jeho wučownicy.

3. A hdyž wino njedosahny, praji Jězusowa mać k njemu: Wina nimaju.

4. A Jězus jej praji: Što mam ja z tobu, žónska? hišće njeje přišla moja hodžina.*

5. Jeho mać praji služownikam: Štož-kuli wam rjeknje, (to) sćinće.

6. Běše pak tam šěsć kanjeńtnych karanow stajenych po zwučenju židowskeho wočisćowanja, kóždy dvě abo tři měry wobsahowacy.

7. Jězus jim praji: Napjelnće karany z wodu. A napjelnichu je hač do kromy.

8. A Jězus jim praji: Načerpajće nětko, a njesće brašcy. A donjesechu.

9. A hdyž braška wopta wodu, kotraž wino bu, a njewědžeše, zwotkel by bylo, (služownicy pak wědžachu, kotřiž běchu wodu čerpali,) zawoła braška nawoženju.

10. A praji jemu: Kóždy ěłowjek z přejeho dobre wino dawa, a hdyž hosćo so napija, potom, kotrež je špatniše; ty pak sy dobre wino khował hač do nětko.

11. Tutón spočatk dźiwow sćini Jězus w Kana w Galileji, a zjewi swoju krasnosť; a jeho wučownicy wěrychu do njeho.

12. Potom zestupi do Kafarnauma, wón a jeho mać, a jeho bratřa,* a jeho wučownicy, a tam zwostachu mało dnjow.

13. **A** blisko běchu židowske jutry, a Jězus postupi do Jeruzalema.

14. A nadeńdže w templu tych, kotřiž woly a wowcy a hołbje předawachu, tež pjenježnikow (tam) sedžacych.

15. A sćiniwši jako krjud z powjazow wuhna wšitkich z templa, tež wowcy a

45. Kotryž tež Bartolm rěka. — 49. Ty sy slubjeny Messias, kiž budže kral israelskeho ludu. — 51. t. r. spóznajeće, zo sym z wyššej, njebjeskeje mocu wuhotowany, hdyž dźiwy wuhladaće, kotrež budu skutkować.

II. 4. t. r. njemóžu na tebe dźiwać, hdy a kak mam dźiwy skutkować, ale tu dyrbju čakać na hodžinu, kotraž je mi wot njebjeskeho Wótca postajena. Mjeno „žónska“ město: „moja mać“ chce prajić, zo Jězus njemóže we swojim zjawnym skutkowanju dźiwać na swójbnje zwjazki, jako dotal, ale zo ma njedźiwajo na nje za powšitkowne spomóženje skutkować. — 11. t. r. swoju bóžsku móc. — 12. t. r. blizy krejni přecelowje, kotřiž so w swjatym pismje často bratřa mjenuja; hlad. Mat. 12, 46.

woly, a pjenježnikam rozsypa pjenjezy a spowroća blida.

16. A tym, kotřiž hołbje předawachu, rjekny: Wotnjeseśe to wottudy, a nječinće z domu mojeho Wótea kupny dom.

17. Dopomnichu pak so jeho wučownicy, zo je pisane: „Horliwosć za twój dom žerje mje.“* Ps. 68, 10.

18. Tohodla wotmołwachu Židźa a rjeknychu jemu: Kajki dźiw pokažeš nam, dokelž tuto činiš?*

19. Jězus wotmołwi a rjekny jim: Potorhńće tutón templ, a za tři dny jón zaso natwarju. Mat. 26, 61; 27, 40; Mark. 14, 58; 15, 29.

20. Tohodla rjeknychu Židźa: Šěsć a štyrceći lět bu tutón templ twarjeny, a ty jón w třoch dnjach zaso natwariš?

21. Wón pak rěčeše wo templu swojeho ćěla.*

22. Hdyž pak bě z mrtwych wstanyl, dopomnichu so jeho wučownicy, zo je to prajil; a wěrjachu pismej a rěči, kotruž bě Jězus rěčal. Ps. 8, 6; 56, 9.

23. Hdyž pak běše w Jeruzalemje na jutrownym swjedženju, wěrjachu mnozy do jeho mjena,* widźicy jeho dźiwy, kotrež činješe.

24. Ale Jězus jim njedowěri sebje samoho, dokelž wšitkich znaješe,

25. A dokelž jemu njebě trjeba, zo by jemu što swědčil wo čłowjeku; přetož sam wědžeše, što by było w čłowjeku.

STAW III.

Jězus wučí Nikodema w nocy, zo dyrbi čłowjek z wody a Ducha swjateho znova so narodzić, a zo budže Syn čłowjeka powyšeny runja mje-džanemu hađe a zo je Bóh swjateho Syna posłał dla wumóženja swěta. Jan khwali Jězusa před swojimi wučownikami, kotřiž ze Židami wo wo-čisćenju so wurěčowachu, a praji, zo ma Jězus rosć, wón pak woteběrać, a zo je Wótc wšitko jemu do ruki dał, tak zo změje, štož do njeho wěri, wěčne žiwjenje, a zo na tom, kotryž nje-wěri, zwostanje hněw Boží.

Běše pak čłowjek z farisejow, z mjenom Nikodemus, předstojnik Židow.*

2. Tón přinďže k Jězusej w nocy,* a rjekny jemu: Mištrje, wěmy, zo sy wot Boha přišoł jako wučer; přetož nichto njemóže te dźiwy činić, kotrež ty činiš, khiba zo by Bóh z nim byl.

3. Jězus wotmołwi a rjekny jemu: Zawěrnó, zawěrnó praju tebi, jelizo něchtó znova so njenarodźi, njemóže wohladać kralestwo Bože.*

4. Nikodemus praji k njemu: Kak móže čłowjek so narodzić, hdyž je stary? móže do žiwota swojeje maćerje znova zastupić a so narodzić?*

5. Jězus wotmołwi: Zawěrnó, zawěrnó praju tebi: Jelizo něchtó znova so nje-narodźi z wody a Ducha swjateho, nje-móže zastupić do kralestwa Božeho.

6. Štož je so narodźilo z mjasu, je mjaso, a štož je z Ducha so narodźilo, je duch.*

7. Njedźiwaj so, zo tebi rjeknych: Dyr-biće znova so narodzić.

17. Zahorjenosć za časć Božu a za dom Boží, kotraž wonječasćenje domu Božeho a Božich službow njeznjese, budže wote mnje wopor žiwjenja žadać. — 18. t. r. z čim dopokažeš, zo maš móc wot Boha? — 21. Tu pokazuje Jězus na swoju smjerć a na swoje wot-mrtwych-wstaće. Swoje ćělo mjenuje templ, dokelž w nim Bóžstwo woprawdže bydlí. — 23. t. r. do jeho wosoby, zo je Messias.

III. 1. t. r. sobustaw židowskeje wysokeje rady, kotraž synedrium rěkaše. — 2. Bože abo hańbowaje so, wodnjo k Jězusej khodźić. — 3. t. r. njeprěměni-li so čłowjek po duchu, w swojim zmyslenju a žadanju, a tež zwonka w swojim žiwjenju, njesmě so njebieskeje zbóžnosće nadźěć; tajke přeměnenje abo nowy narod njemóže so stać, khiba z hnady Božeje, kotraž so wudźěli w swjatej křesćency. Z njej dokonja so duchowny nowy narod; hl. r. 5. — 4. Nikodemus myslí na druhi čelny narod, Jězus pak na duchowny narod. — 6. Štož so z čłowjeka narodźi, móže jeno čłowjek być, mjasny zmyslny čłowjek, kotryž we sebi móc nima, zo by Bože kralestwo sebi dobył; tale móc zašćěpi so jemu přez narod z Ducha swjateho, potom hakle móže być duchowny čłowjek.

8. Wětr duje, hdžež chce, a slyšiš jeho hlós, ale njewěš, zwotkel přikhadža a hdže dže; tak je kóždy, kiž je z ducha so narodžil.*

Ps. 134, 7.

9. Nikodemus wotmołwi a rjekny jemu: Kak móže so to stać?

10. Jězus wotmołwi a rjekny jemu: Ty sy wučef w Israelu a to njewěš?

11. Zawěrnó, zawěrnó praju tebi: Štož wěmy, rěčimy; a štož smy widželi, wo tom swědčimy, a naše swědčjenje njepřijímaće.

12. Njewěriće-li wy, hdyž sym wo zeńskich wěcach wam prajil, kak budžeće wěrić, rjeknu-li wam wo njebieskich?*

13. A ničtó njestupi do njebies, khiba kotryž je zestupil z njebies, Syn čłowjeka, kiž je w njebiesach.

14. A jako Mójzes hada powyši w puscínje, tak dyrbi Syn čłowjeka powyšeny býć,

4. Mójz. 21, 8.

15. Zo by, štóžkuli do jeho wěri, njezahynl, ale měl wěčne žiwjenje.*

16. Přetož tak je Bóh swět lubowal, zo je swójeho jednorodženeho Syna dal, zo by, štóžkuli do jeho wěri, njezahynl, ale měl wěčne žiwjenje.

1. Jan. 4, 9.

17. Přetož Bóh njepósła swójeho Syna na swět, zo by swět wotsudžil, ale zo by swět přez njeho zbóžny byl.

18. Štóž do njeho wěri, njebudže wotsudženy, štóž pak njewěri, je hižo wotsudženy, dokelž njeje wěril w mjenje jednorodženeho Syna Božeho.*

19. To pak je sud, zo je swětlo na

swět přišlo, a zo su čłowjekowje čmu bóle lubowali, dyžli swětlo; přetož jich skutki běchu zle.

Wyše 1, 9.

20. Přetož kóždy, kotryž zle čini, hidži swětlo, a njeńdže na swětlo, zo njebychu jeho skutki so pokhostale.

21. Štóž pak prawdu čini, dže na swětlo, zo bychu jeho skutki zjewjene byle, dokelž su w Bohu sčinjene.*

22. Potom přińdže Jězus a jeho wučownicy do judejskeje krajiny; a tu přebywaše z nimi a křćiješe.

Niže 4, 1.

23. Ale tež Jan křćiješe w Ennonje blisko Salima, dokelž běše tam wjele wody, a přikhadžachu a dachu so křćić.

24. Přetož Jan njebě hišće do jastwa sadženy.

25. Nasta pak prašenje mjez Janowymi wučowníkami a Židami wo wočisćowanju.*

26. A přińdžechu k Janej a rjeknychu jemu: Mištrje! kotryž běše při tebi za Jordanom, kotremuž sy ty swědčil, hlej, tón křćije, a wšitcy du k njemu.

Wyše 1, 19.

27. Jan wotmołwi a rjekny: Čłowjek njemóže ničoho dostać, khiba zo by jemu to date bylo z njebies.

28. Wy sami mi swědčíte, zo prajich: Ja njejsym Khrystus, ale sym před nim posłany.

Wyše 1, 20.

29. Štóž ma njewjestu, je nawoženja; nawoženjowy přecel pak, kotryž stoji a jeho posluha, z radosću so zraduje nad nawoženjowym hłosom. Tuž je tuta moja radosć dopjelnjena.*

8. To je duchowny narod, dokelž so znutkownje stawa, njewidži so zwonkownje. — 12. Hdyž njewěriće, štož sym wam wo duchownym nowym narodže prajil, kotryž so na zemi na čłowjeka dokonja, kak budžeće mi wěrić, hdyž budu wo Bohu a jeho potajnosćach k wam rěčeć? — 15. Wěra do Syna Božeho, wosebje zo Syn Boží z woporom na křižu njebieskeho Wótca wujedna, žada so wot kóždeho, kiž chce zbóžny býć. Bjez wěry do Syna Božeho njeje zbóžnosť. W puscínje wot Mójzesa powyšeny mjedžany had je znamjo na křižu powyšeneho zbóžnika. Kotřiž z dowěru na tamneho hada pohladachu, wostachu při žiwjenju, runjež běchu wot jědojtych hadow kusnjeni; kotřiž swoju dowěru stajaja na Khrystusa, křižowaneho zbóžnika, přińdu k wěcnemu žiwjenju, hač runje běchu tež wot helskeho hada ranjeni, hrěch přenjeju staršeju herbowawši. — 18. Wón je so sam wotsudžil, do Syna Božeho njewěrho abo jeho začisnywši. — 19. Wina jich wotsudženja a začisnjenja je jich zle žiwjenje, kotrehož dla powučenje swjateho ewangelia zacpěwachu a radši w swojim bludže wostachu. — 21. t. r. k česći Božej. — 22. t. r. z Jeruzalema na kraj; wón křćiješe přez swojich wučownikow. — 25. t. r. wo křćeńcy; kotra křćeńca ma wjacj čisćaceje mocy? — 29. Jan mjenuje Jězusa nawoženju, t. r. nawoženju cyrkwe; tohodla so wjeseli, zo ludžo k njemu khwataju, sebje mjenuje pak jenož přecela nawoženje, kiž ma njewjestu t. r. čłowjestwo jemu přihotować.

30. Wón dyrbi přibywać, ja pak woteběrać.

31. Štóz je wot horjeka přišoł, je nad wšitkimi; štóz pak je wot zemje, je ze zemje a rěči wo zemi. Štóz je z njejbjes přišoł, je nad wšitkimi.*

32. A štož je widzał a slyšal, wo tom swědči; ale jeho swědčenje nchtó nje-prijima.*

33. Štóz pak přija jeho swědčenje, wobtwjerdži, zo je Bóh wěrnosciwy.* Rom. 3, 4.

34. Přetož tón, kotrehož Bóh pósła, rěči słowa Bože; přetož Bóh dawa (jemu) ducha nic po wotměrjenju.*

35. Wótc lubuje Syna, a wšitko je do jeho ruki dal.

36. Štóz wěri do Syna, ma wěčne žiwjenje; štóz pak Synej njewěri, njewohlada žiwjenja, ale hněw Boží zwostawa na nim.

1. Jan. 5, 10.

STAW IV.

Jězus powěda ze Samaritanku wo žiwěj wodze a praji, zo dyrbymy so k Bohu modlić w duchu, a wozjewja jej, zo je slubjeny Messias. A wučownikam praji, zo ma jědź, kotruž woni njeznaja, mjenujcy poslušnosť přećiwo Wótcj. Wo žnjach, žnjeńcu a syjerju. Mnozy Samaritanowje wěra do njeho. Syna kralowskeho služownika wón wustrowi.

Hdyž pak Jězus spózna, zo su farisejowje slyšeli, kak Jězus wjacj wučownikow čini a króje dyžli Jan, Wyše 3, 22.

2. (Hač runje Jězus [sam] njekřóješe, ale jeho wučownicy),

3. Wopuści Judeju a woteńdže znowa do Galileje.

4. Dyrbješe pak přez Samariju hić.

5. Tuž přińdže do samariskeho města, kotrež Sichar rěka, pódla nuknicy, kotruž bě Jakub swojemu synej Józefej dal.

1. Mójz. 33, 19; 48, 22.

6. A běše tam studnja Jakubowa. Jězus pak z puća mučny, sydny so tak na studnju. Běše wokolo šesteje hodžiny.*

7. Přińdže samariska žona wodu čerpać. Jězus jej praji: Daj mi pić.

8. Jeho wučownicy běchu mjenujcy do města wotešli, zo bychy jědže nakupili.

9. Praji pak jemu ta samariska žona: Kak žadaš ty, hdyž sy Žid, pić wote mnje, kotraž sym samariska žona? Přetož Žid dža njewobkhađžeju ze Samaritanami.*

10. Jězus wotmołwi a rjekny jej: Hdy by znała dar Boží a štó je, kotryž k tebi praji: Daj mi pić; ty drje by jeho prosyla, a by tebi dal žiwu wodu.*

11. Žona jemu praji: Knježe, ani nimaš, z čim by načerpał, a studnja je hluboka; zwotkel to maš žiwu wodu?

12. Sy ty wjetši, dyžli naš wótc Jakub, kotryž nam da tule studnju? a sam je z njeje pil, a jeho synowje a jeho skót.

13. Jězus wotmołwi a rjekny jej: Kóždy, kiž pije wot tuteje wody, budže znowa lačny; štóz pak by pil wot wody, kotruž ja jemu dam, njebudže lačny do wěčnosti.

14. Ale woda, kotruž ja jemu dam, budže we nim žórlo wody, kotrež so žórli k wěčnemu žiwjenju.

15. Žona rjekny k njemu: Knježe, daj mi tu wodu, zo bych lačna njebyla a sem njekhodžila čerpać.*

31. Jan bě jeno čłowjek, a rěči tohodla kaž čłowjek, na Boha jeno pokazujo. Jězus pak je Syn Boží a rěči tohodla bóžsku prawdu. — 32. t. r. nimale nchtó. — 33. Dokelž wěri słowam toho, kotrehož je Bóh pósłał jako slubjeného zbóžnika. — 34. t. r. bjez měry, abo njesměrnje je Bóh swojeho Syna ze swojim duchom wobohačil, nic jako profetow, kotrymž jeno po wěstej měrje swoje hnały wudžěluje.

IV. 6. t. j. připońdnu. — 9. hl. Mat. 10, 5. — 10. Knjez rěči we duchownym zmysłu a rozymy we słowje „woda“ swoju wučbu, kotraž wjedže k wěčnemu žiwjenju, ale žónska zrozymy po słowje „woprawdžitu wodu“. — 15. Wona spózna we Jězusu profetu, kotryž ma móc jej woprawdžitu wodu dać a tohodla prosy jeho wo nju. Jězus pak chce jej lěpšu wodu podać, za kotruž dyrbi žónska najprjedy so přihotować přez spóznaće swojeje hrěšnosće; tuž ju Jězus dopomni na jeje žiwjenje.

16. Jězus jej praji: Dži, zawołaj swojeho muža, a přińdź sem.

17. Žona wotmolwi a rjekny: Nimam muža. Jězus jej praji: Derje sy prajila: Nimam muža.

18. Přetož pjec mužow sy poměla; a kotrehož nětko maš, njeje twój muž; to sy prawje prajila.*

19. Žona praji jemu: Knježe, widžu, zo sy ty profeta.

20. Naši wótcowje su na tutej horje so modlili, a wy prajiće, zo je w Jeruzalemje město, hdžež dyrbymy so modlić.*

21. Jězus jej praji: Žona, wěf mi, hodžina přikhadža, hdžež njebudžeće ani na tutej horje, ani we Jeruzalemje k Wótcy so modlić.

22. Wy so modliće k tomu, štož njeznajeće; my so modlimy k tomu, štož znajemy, dokelž ze Židow je wumóženje.

4. Kral. 17, 41.

23. Ale přikhadža hodžina a nětko je, hdžež prawi modlerjo k Wótcy so modlić budža w duchu a w prawdze. Přetož tež Wótc tajkich pyta, kotřiž bychu (tak) k njemu so modlili.*

24. Bóh je duch, a kotřiž k njemu so modla, dyrbja w duchu a prawdze so modlić.

2. Kor. 3, 17.

25. Žona praji jemu: Wěm, zo Messias přińdže (kotryž rěka Khrystus); hdyž potajkim tón přińdže, zjewi nam wšitko.*

26. Jězus jej praji: Ja sym, kotryž z tobu rěču.*

27. A mjeztym přińdžechu jeho wučownicy a dźiwachu so, zo ze žónskej rěčeše. Žadyn pak njerjekny: Što so prašeš, abo što rěčiš z njej?*

28. Tuž wostaji žona swój karan, a wotědže do města, a praji tamnym ludžom:

29. Pójće a wohladajće čłowjeka, kotryž je mi wšitko prajił, štožkuli sym činila, hač wón njeje Khrystus?

30. Tohodla wuńdžechu z města a přińdžechu k njemu.

31. Mjeztym prošachu jeho wučownicy, prajicy: Mištrje, pojěz.

32. Wón pak jim praji: Ja mam jědź jěsć, kotruž wy njeznajeće.

33. Tohodla prajachu wučownicy mjez sobu: Je jemu něchtó jěsć přinjesl?

34. Jězus jim praji: Moja jědź je, zo sčinja wolu toho, kotryž mje pósła, a zo jeho skutk dokonjam.*

35. Njeprajiće wy, zo su hišće štyri měsacy, a žně přińdu? Hlej, praju wam: Pozběhněće swojej woči, a pohladajće na krajiny, zo su hižo běle k žnjam.*

Mat. 9, 37; Luk. 10, 2.

36. A štož žnje, dóstawa myto, a hromadži plód k wěčnemu žiwjenju, zo by sobu so wjeselił tón, kotryž syje, a kotryž žnje.

18. Pjec mužow, najskerje mandželskich, bě žona poměla; z tym, kotrehož měješe nětko, bě w kurwařtwje žiwa. — 20. Na horje Garizim modlachu so Samaritanowje k Bohu, powołajcy so na 5. Mójs. 27, 12, mjez tym zo Židža we Jeruzalemje Boha česćachu. Tule a druge nabožniske swady rozsudži slubjany profeta, tak jako so wot slubjeneho Messiasa wočakowaše, a tohodla předpołóži žónska Knjezej tuto prašenje, wo nim někoho mócnějšeho dyžli wšědného čłowjeka spósławši. — 22. Waša Boža služba nima praweho zaměra; ze Židow dyrbi sbóžnik swěta wuńć, a na njeho přitohuja Bože ašufby, wopory atd. we Jeruzalemje. — 23. t. r. z nutřkownym česćowanjom, kotred wukhadža z čisteje a pobožneje wutroby, nic z wonkownej službu samej, z dolhimi wobzjadami a woporami chce Bóh česćowany być. — 25. Wšitko, štož Božu službu nastupa. — 26. Tak zjawnje so Jězus Židam jako Messias wuznał njebě, tola wěrnosćiwa a dowěrliwa žónska bu z tajkim zjawnym wuznaćom plaćena. — 27. W rańšim kraju pokasachu so žónske porědko mjes mužskimi, a z nimi zjawnje rěčeć, měješe so za njepristojne. — 28. t. r. pytam štož je zhubjene. Moja jědź wobstoi w starosći za wozboženje čłowjestwa. — 29. W rańšim kraju běchu z wjetša štyri měsacy po wusywyje žně; tola za symjo Jězusoweje wučby přińdžechu žně hnydom po wusywyje. Wón bě w Samariji swoje symjo wusywać počal, a hlej tamne krajiny běchu hnydom běle k žnjam, dokelž wobdylerjo z města Sichar, na kotrychž Jězus pokazuje ze słowami: Hlejće, pozběhněće swojej woči! khwataju we wulkich črjódach k Jězusej, zo bychu, štož wón wědžeše, do njeho wěrili. Wěrili Sicharscy běchu tak žně Jězusowe.

37. Přetož w tom je słowo prawe: Druhi je, kotryž syje, a druhi, kotryž žnje.

38. Ja was pósłach žnjeć, štož wy njejsće džělali; druzy su džělali, a wy stupišće do jich džělow.*

39. Z toho města pak wěrjachu mnozy Samaritanowje do njeho na słowo žony, kotraž wobswědči: Wšitko je mi prajil, štožkuli sym činila.

40. Hdyž tohodla Samaritanowje k njemu přińdžechu, prošachu jeho, zo by tam wostał. A wosta tam dwaj dnaj.

41. A wjele wjacj je jich wěriło do njeho jeho řeče dla.

42. A žonje prajachu: Hižo nic twojeje řeče dla wěrimy; přetož sami smy slyšeli a wěmy, zo je tutón zawěrnó Zbóžnik swěta.

43. Po dwěmaj dnjomaj pak wuńdže wottudy, a woteńdže do Galileje.

44. Přetož Jězus sam wobswědči, zo profeta we swojej wótčinje w česći njeje.

Mat. 13, 57; Mark. 6, 4; Luk. 4, 24.

45. Hdyž nětk do Galileje přińdže, prajachu jeho Galilejscy, dokelž běchu wšitko widželi, štož bě Jězus w Jeruzalemje na swjedženju činil; přetož tež woni běchu na swjedžen přišli.

Mat. 4, 12;

Mark. 1, 14; Luk. 4, 14.

46. Přińdže pak zaso do Kana w Galileji, hdžež bě z wody wino sćinił. A běše (tam) jedyn kralowski (služownik), kotrehož syn běše khory w Kafarnaumje. Wyše 2, 9.

47. Hdyž tón wuslyša, zo je Jězus z Judeje do Galileje přišoł, woteńdže k njemu, a prošese jeho, zo by dele dóšoł a jeho syna wustrowil; přetož počinaše mrěć.

48. Tohodla rjekny Jězus k njemu: Njewuhladaće-li džiwu a znamjenja, njewěriće.

49. Kralowski k njemu praji: Knježe, přińdž prjedy, dyžli mój syn wumrje.

50. Jězus jemu praji: Dži, twój syn je

žiwu. Čłowjek wěrješe słowej, kotrež Jězus k njemu rjekny, a džěše.

51. Hdyž pak hižo dele džěše, přińdžechu jemu služownicy napřećiwo a powědachu prajicy, zo je jeho syn žiwu.

52. Tohodla woprašo so za hodžinu, w kotrež je z nim so polěpšiło. A rjeknychu jemu: Wčera w sedmej hodžinje wopuści jeho zymnica.

53. Tuž spózna nan, zo běše ta hodžina, w kotrež jemu Jězus rjekny: Twój syn je žiwu; a wón wěrješe a jeho cyly dom.

54. Tutón druhi džiw sćini Jězus zaso, hdyž bě z Judeje do Galileje přišoł.

STAW V.

Jězus, při haće khoreho wustrowiwi, kotryž bě wósm a třiceći lět čerpjeł, poručil, zo by na sabace wstanył a swoje ložo njesł; wotmołwja Židam nad tym so pohóriowacym, zo wšitko skutkuje w zjednoćenju z Wótcom a mrtwych wubudza, a zo je wot njeho postajeny jako sudnik wšitkich, a zo wo tom swědči Jan, a jeho samsne skutki, a Wótce, haj tež Mójes sam.

Potom běše swjedžen Židow, a Jězus postupi do Jeruzalema.

2. Je pak w Jeruzalemje wowči hat, kotryž hebrejscy Bethsaida rěka, pjec přitwarkow mějacy.*

3. W tych ležeše wulka mnohosć khorych, slepych, khromych, wuskhnjonych, kotřiž na pohibanje wody čakachu.

4. Přetož jandžel Knjeza zestupowaše z časami do hata; a woda bu pohibana. A štož přeni do hata zalěze po pohibanju wody, bu wustrowjeny, z kajkejžkuli khorošću bě zajaty.

5. Běše pak tam jedyn čłowjek, kotryž měješe wósm a třiceći lět swoju khorošć.

6. Hdyž jeho Jězus ležaceho wuhlada a pózna, zo je hižo wjele časa tajki, praji jemu: Chceš wustrowjeny być?

88. Druzy, to su prjedawši profetowje, kotřiž su lud na zbóžnikowy přikhad přihotowali.

V. 2. Při wowčich wrotach, tak mjenowanych, dokelž z nimi wosebje wowcy honjachu k woporam do Jeruzalema, běše hat, kotryž so tohodla wowči hat mjenowaše; hebrejscy mjenowaše so tež Bethesda, t. r. dom młósće, dokelž khori we nim strowotu pytachu a namakachu.

7. Khory jemu wotmołwi: Knježe, nimam čłowjeka, kotryž by mje, hdyž so woda spohiba, do lata pušćil; přetož hdyž ja du, druhi přede mnu zestupuje.

8. Jězus praji jemu: Wstań, wzmi swoje ložo, a khodź.

9. A hnydom bu tón čłowjek wustrowjeny, a wza swoje ložo, a khodžeše. Běše pak sabat na tomle dnju.

10. Tohodla prajachu Židža tomu, kiž bě wustrowjeny: Sabat je; tebi so njesluša, swoje ložo nosyć. 2. Mójz. 20, 11; Jer. 17, 24.

11. Wotmołwi jim: Kotryž mje wustrowi, tón mi rjekny: Wzmi swoje ložo, a khodź.

12. Tuž woprašachu so jeho: Štó je tón čłowjek, kotryž tebi rjekny: Wzmi swoje ložo, a khodź?

13. Tón pak, kiž bě wustrowjeny, njewědžeše, štó by byl. Přetož Jězus bě wotstupił wot ludu na tom měsće zhromadženeho.

14. Potom nadeńdže jeho Jězus w templu, a rjekny jemu: Hlej, wustrowjeny sy; njehreš wjac, zo by ničo hórše tebi so njestalo.

15. Tón čłowjek woteńdže, a powě Židam, zo je Jězus byl, kotryž jeho stroweho sćini.

16. Tohodla přescéhachu Židža Jězusa, dokelž to na sabaće činješe.

17. Jězus pak jim wotmołwi: Mój Wótc hač do nětka skutkuje, a tež ja skutkuju.*

18. Tohodla Židža hišće bóle pytachu jeho morić, dokelž nic jeno sabat zběhaše, ale tež Boha swjeho Wótca mjenowaše, sebje Bohu runja činjo. Tuž wotmołwi Jězus a rjekny jim:

19. Zawěrnó, zawěrnó praju wam: Syn njemóže ničo sam ze sebje činić, khiba zo widži Wótca (to) činić; přetož štožkuli tón čini, to čini podobnje tež Syn.*

20. Přetož Wótc lubuje Syna, a pokazuje jemu wšitko, štož sam čini; a wjetše skutki, dyžli te, pokaže jemu, tak zo budžeće so wy džiwać.*

21. Přetož jako Wótc zbudža mrtwych a čini žiwych, tak tež Syn čini žiwych, kotrychž chce.

22. Přetož Wótc ani njesudži nikoho, ale wšitkón sud je Synej dał,*

23. Zo bych wšitcy Syna česćili, jako Wótca česća; štož njčesći Syna, njčesći Wótca, kiž jeho posła.

24. Zawěrnó, zawěrnó praju wam: Štóz moje słowo slyši a wěri tomu, kiž mje posła, ma wěčne žiwjenje, a njepřinďže na wotsudženje, ale je přešoł ze smjerće do žiwjenja.

25. Zawěrnó, zawěrnó praju wam: Přinďže hodžina, a nětko je, hdyž mrtwi wyslyša hlós Syna Božeho, a kotřiž jón wyslyša, budža žiwi.*

26. Přetož jako ma Wótc žiwjenje we sebi samom, tak je tež Synej dał, zo by žiwjenje měł we sebi samom.

17. t. r. wot spočatka swěta hač do nětka skutkuje mój Wótc, dokelž po swojej woli, kotraž njeje wobmjezowana přez někajki zakon, tež nic přez sabat, dźerži a wjedže wón cyły swět a wšitko we swěće; tak tež ja skutkuju njedžiwajo na sabat. Sabat je postajeny k dopomnjeću, zo je Bóh wotpočował po stworjenju na sedmym dnju, nic pak zo by ze skutkowanjom docyla přestał. — 19. Bóžske skutki, kotřež činju, su tež Wótcowe skutki, dokelž jako we swojim byću, tak sym tež we swojim skutkowanju wot Wótca njedžělomny. — 20. Jako dźěći sebi wot staršich pokazować dadža a rady to činja, štož starši, tak ma tež wón, jednorodženy Syn Boží, tu samu móc a dokonja te same skutki; tohodla budžeće jeho skutki dokonjeć widžeć, jako tón, kiž je so nětko stał, dokelž tež ja budu mrtwych wubudžeć. — 22. Syn njebudže jeno khorych wustrowjeć a mrtwych wubudžeć, kaž to Wótc čini, ale tež wšitkich sudzić; dokelž je wumóžnik wšitkich čłowjekow, změje móc a prawo, zo wšitkich, kotřiž wěrja do njeho jako wot Wótca posłaneho, z wěčnym žiwjenjom mytuje; wšitkich pak, kotřiž so k njemu njedźerža, z wěčnym zatamanjom khosta. — 25. Khrystus njerěči tudy jeno wo wubudženju z čelneje smjerće, ale wosebje tež wo wubudženju z duchowneje smjerće, wo wubudženju z bluda a hrěcha. Wšitcy, kotřiž na wubudžacy hlós Syna Božeho poslušaju, wožiwja we duchu, wstanu z bluda a hrěcha.

27. A je jemu móc dał, sudźenje dźeržeć, dokelž je Syn čłowjeka.*

28. Njedźiwajće so tomu; přetož přińdže hodźina, w kotrež wšitcy, kotřiž su w rowach, wuslyša hlós Syna Božeho;

29. A pónu, kotřiž su dobre činili, na horjewstaće žiwjenja, kotřiž pak su zle skućili, na horjewstaće sudu. Mat. 25, 46.

30. Ja njemóžu sam wot sebjě ničo činić. Jako slyšu, tak sudžu, a mój sud je sprawny, dokelž njepytam swojeje wole, ale wole toho, kiž mje pósła.

31. Swědču-li ja wo sebi samom, njeje moje swědčenje prawe.*

32. Druhi je, kotryž swědči wo mni, a wěm, zo je prawe jeho swědčenje, kotrež wo mni swědči.

Mat. 3, 17; wyše 1, 15.

33. Wy sće slali k Janej, a wón je swědčil prawdze.

34. Ja pak njepřijimam swědčenje wot čłowjeka; ale praju to, zo byšće zbóžni byli.*

35. Wón běše swěca horjaca a swěćaca. Wy pak chcyšće na khwilu so powjeselić w jeho swětle.*

36. Ja pak mam wjetše swědčenje dyžli Janowe; přetož skutki, kotrež je mi Wótc dał, zo bych je dokonjał, te skutki, kotrež ja činju, swědča wo mni, zo je mje Wótc pósłał.

37. A Wótc, kiž mje pósła, je sam wo mni swědčil; wy (pak) njejsće ani jeho hlós ženje slyšeli, ani jeho wobličo widěli.

Mat. 3, 17; 17, 5.

38. A jeho słowo nimaće we sebi zwostawace, dokelž tomu njewěriće, kotrehož wón pósła.*

39. Pytaće w pismje, dokelž wy sebi myslíte, zo maće we nim wěčne žiwjenje, a wono je, kotrež swědči wo mni.*

40. Ale wy nochceće ke mni přińć, zo byšće žiwjenje měli.

41. Khwalbu wot čłowjekow njepřijimam;

42. Ale spóznał sym was, zo lubosće Božej nimaće we sebi.

43. Ja sym přišoł w mjenje svojego Wótca,* a njepřijimaće mje; přińdže-li druhi we svojim mjenje, toho přijmajeće.

44. Kak móžeće wy wěrić, kotřiž jedni wot druhich khwalbu přijimaće, a khwalbu, kotraž je wot Boha samoho, njepytaće?*

45. Njemyslće sebi, zo budu ja was wobskoržować pola Wótca; je, kotryž was wobskoržuje, Mójzes, na kotrehož wy so nadźijete.*

46. Přetož hdy byšće wy Mójzesej wěрили, byšće snadź tež mi wěрили; přetož wo mni je wón pisał. 1. Mójz. 3, 15; 22, 18; 49, 10; 5. Mójz. 18, 15.

47. Hdyž pak jeho pismam njewěriće, kak budžeće mojim słowam wěrić?

STAW VI.

Z pjećimi khlébami a dwěmaj rybomaj nasyćí Jězus pjeć tysacow muží. Čekny tym, kotřiž chychu jeho za krala wuwolać. Po morju dze k japoštołam, wot wichora tam a sem mjetanym. Wući wo njebjeskim khlébje, zo je sam khléb žiwjenja, a jeho mjaso jědz, kotruž maju jěsz, a jeho krej napoj, kotryž maju pić. Někotři wučow-

27. Jězus jako wočłowječeny Syn Boží abo Syn čłowjeka, kotryž je přez to, zo je čłowjeske słabosće na so wzał, čłowjekow wumóžil, budže tohodla jich sudnik. — 31. t. r. móhlo moje swědčenje so podhladne zdać, hdy by druhich swědkow njebylo. — 34. Ja bych so powolać móhl na Janowe swědčenje, kotrež je wón swjatočnje wysokej radže wo mni dał (wyše 1, 19); tola njetrjebam čłowjeske swědčenje, ale jeno na nje spomnu, dokelž je za was date, zo byšće do jeho wěрили a tak zbóžni byli. — 35. Móžešće so přez to, štož wón wo mni praješe, powučić dać, ale wam spodobaše so jeho tak jasna wučba jeno krótki čas, bórzy pak so na nju mjerzašće. — 38. Zwonkownje jeno dźeržiće so słowa Božeho, we wašej wutrobje pak wono tak njewostawa, zo by was pohnulo, wěrnosć přijet a dobre skutki dokonjet; wina toho je, zo tomu njewěriće, kotrehož je Wótc pósłał, a kotryž hakle słowo stareho zakonja rozswětluje. — 39. We starým zakonju pokazuje so jasne na zbóžnika, haj cyły stary zakon móže hakle so prawje zrozumić, hdyž so na Khrystusa počahuje, wón dóstanje hakle swoje prawe rozswětlenje přez nowy zakon. — 43. t. r. wot njeho pósłany. — 44. Kak móže wěra, kotraž sebi ponižnosť a sebjezapřeće žada, wam so spodobat, kotřiž jeno za čłowjeskej česću žadaće, za khwalbu před Bohom so njestarajcy? — 45. Mójzes budže přeciwu wam swědčić, dokelž jeho słowam njewěriće.

nicy, nad jeho řeču so pohóršujcy, wopuščichu jeho; japoštolowje pak wostachu při nim. Jězus praji, zo je jedyn z japoštolow djaboł.

Potom woteńdže Jězus za galilejske morjo, kotrež je pola Tiberiady.* Mat. 14, 18; Mark. 6, 32; Luk. 9, 10.

2. A scěhowaše jeho wulka mnohosć, dokelž znamjenja widžachu, kotrež nad tymi činješe, kotřiž běchu khorili.

3. Tuž postupi Jězus na horu, a sydže so tam ze swojimi wučownikami.

4. Běchu pak blisko jutry, swjedžen Židow.

5. Hdyž nětko Jězus woči pozběhny a wuhlada, zo wulka mnohosć k njemu dže, rjekny k Filipej: Zwotkel nakupimy khlěba, zo bych tući pojedli?

6. To pak praješe, jeho spytujo; přetož sam wědžeše, što chce činić.

7. Filip wotmołwi jemu: Za dvě scě dzesatnikow khlěba njedosaha jim, zo by každy něšto mało dóstał.

8. (A) praji jemu jedyn z jeho wučownikow, Handrij, bratr Symana Pětra:

9. Tudy je jedyn hólěc, kotryž ma pjeć ječných khlěbow a dvě rybje; tola što je to mjez tak mnohich?

10. Tohodla rjekny Jězus: Sćinće, zo so ludžo zesydaju. Běše pak wjele trawy na tom měsće. Tuž zesydachu so mužscy w ličbjě něhdže pjeć tysacow.

11. A Jězus wza khlěby, a džak prajiwši rozdžěli je sedžacym; tohorunja tež wot rybow, kelkož chychu.

12. Hdyž pak běchu nasyceni, rjekny swojim wučownikam: Zběrajće kuski, kotrež su zbyle, zo njezahinu.

13. Tuž zběrachu a napjelnichu dwa naće korbow z lamankami wot pjeć ječných khlěbow, kotrež zbychu tym, kotřiž běchu jědli.

14. Hdyž tak či ludžo džiwi widžachu, kotryž bě Jězus sćinil, prajachu: Tón je zawěrně profeta, kotryž ma na swět přińć.

15. Hdyž tak Jězus spózna, zo chcedća přińć a jeho wzac, zo bych jeho krala sćinili, čekny zaso na horu jenički sam.

Mat. 14, 23; Mark. 6, 46.

16. Jako pak wječor bu, zeńdžechu jeho wučownicy k morju.*

17. A do čolma stupiwši wjezechu so přez morjo do Kafarnauma; a běše hižo čma, a Jězus njebě hišće k nim přišol.

18. Morjo pak so zběhaše z dućom wulkeho wětra.

19. Hdyž pak běchu nětko wokoło pjeć a dwaceći abo třiceći stadijow so wotwjezli, wuhladachu Jězusa, zo po morju dže a k čolmej so přibližuje; a nabo-jachu so.*

20. Wón pak jim praji: Ja sym, njebojće so.

21. Tuž žadachu jeho na čolm wzac; a hnydom bu čolm při krajnje, ke kotrež so wjezechu.*

22. Nazajtra widžeše lud, kiž za morjom stoješe, zo tam druhi čolmik był njeje, khiba jedyn, a zo Jězus z wučownikami do čolma zastupil njebě, ale zo běchu wučownicy sami so wotwjezli.

23. Druhe čolmy pak připlowachu wot Tiberiady blisko městna, hdžež běchu khlěb jědli, hdyž bě Knjez džak prajil.

24. Hdyž nětko lud wuhlada, zo tam Jězus njeje, ani jeho wučownicy, stupichu do čolmikow, a přińdžechu do Kafarnauma, pytajcy Jězusa.

25. A hdyž běchu jeho za morjom namakali, rjeknychu jemu: Mištrje, hdy s sem přišol?

26. Jězus jim wotmołwi a rjekny: Zawěrně, zawěrně praju wam: Pytaće mje nic dokelž sće džiwi widželi, ale dokelž sće wot khlěbow jědli a nasyceni byli.

27. Njeprócujće so wo jědž, kotraž za hinje, ale wo tu, kotraž wostawa k wěč-

VI. 1. Město Tiberias leži na wječornym brjozy galilejskeho morja. — 16. Jězus poručil jim zo bych so přewjezli, na njeho nječakajcy. — 19. Hdyž běchu něhdže hodčinu jěli, wuhladachu Jězusa na morju a jeho njespóznašći so bojachu. — 21. t. j. při brjozy, na kotrymž je město Kafarnaum.

nemu žiwjenju, kotruž wam Syn člowjeka da. Přetož jeho je Bóh Wótc wobtwjerdzil.*

Mat. 3, 17; 17, 5; wyše 1, 32.

28. Tuž rjeknychu k njemu: Što mamy činić, zo bychmy skutki Bože dokonjeli?

29. Jězus wotmołwi a rjekny jim: To je skutk Boži, zo byšće wěрили do toho, kotrehož wón pósła.

1. Jan. 3, 28.

30. Tuž rjeknychu jemu: Kajki dźiw činiš, zo bychmy (to) widželi a tebi wěрили? Što skutkuješ?*

31. Naši wótcowje su manna jědli w puscínje, jako je pisane: „Khlěb z njebja da jim jěšć.“

2. Mójz. 16, 14; 4. Mójz. 11, 7; Ps. 77, 24; Mudr. 16, 20.

32. Tuž rjekny jim Jězus: Zawěрно, zawěрно praju wam, nic Mójzes da wam khlěb z njebja, ale mój Wótc dawa wam prawy khlěb z njebja.*

33. Přetož khlěb Boži je, kotryž zestupuje z njebja a swětej žiwjenje dawa.*

34. Tuž rjeknychu k njemu: Knježe, daj nam přeco tón khlěb.*

35. Jězus pak jim rjekny: Ja sym khlěb žiwjenja; štož ke mni přikhadža, njebudže hlódny, a štož wěри do mnje, njebudže nihdy lačny.*

36. Ale rjeknych wam, zo sće mje tež widželi, a (tola) njewěriće.*

37. Wšitko, štož Wótc mi dawa, přidžde ke mni; a toho, kiž přidžde ke mni, njewustorču won;

38. Přetož sym z njebjes zešol, nic zo bych činił swoju wolu, ale wolu toho, kiž mje pósła.

39. To pak je wola Wótca, kiž mje pósła: zo bych z toho, štož je mi dał, ničo njezhubił, ale to znova zbudžil na poslednim dnju.

40. A to je wola mojeho Wótca, kiž mje pósła: zo kóždy, kiž Syna widži a do njeho wěри, by měl wěčne žiwjenje, a ja zbudžu jeho na poslednim dnju.

41. Tuž morkotachu Židža na njeho, dokelž bě prajil: Ja sym živy khlěb, kotryž sym z njebjes zešol.*

42. A prajachu: Njeje tutón Jězus syn Józefowy, kotrehož nana a mać my znamjemy? Kak nětko tón praji: Z njebjes sym zešol?

Mat. 13, 55; Mark. 6, 3.

43. Tuž wotmołwi Jězus a rjekny jim: Njemorkotajće mjez sobu.

44. Nichtó njemóže ke mni přinć, khiba zo Wótc, kiž mje pósła, jeho sčehnje,* a ja zbudžu jeho na poslednim dnju.

45. Pisane je w profetach: „A budža wšitcy rozwučeni wot Boha“. Kóždy, kiž je wot Wótca slyšal a nawuknył, dže ke mni.*

Is. 54, 18.

27. Wjacy starajće so za duchownej jědźu, kotraž was wjedže k wěčnému žiwjenju, dyžli za žłnym nasycenjom, a za krótkim wokřewjenjom. Z džiwami je mje Wótc wobkrućil jako wučerja, wudželerja cyroby, kotraž nasycá k wěčnému žiwjenju. — 30. Hdyž sebi wěru žadaš, dyrbiš so ako wot Boha posłany profeta dopokasać. Što pak tak wulkeho činiš? Zo sy nas s khlěbom nasyćil? Wjele wjetši džiw je Mójzes skutkował, našich wótcow w puscínje z njebieskim khlěbom nasycėjo. Něšto wosobniše dyrbiš nam widěć dać, zo bychmy či wěrić móhli. — 32. Manna, hač unje z mróčelow padaše, njebě woprawdžity njebieski khlěb. Jako cyły starý zakon, tak bě manna předznamjo, mjenujcy předznamjo woprawdžiteho njebieskeho khlěba, kotryž je Khrystus. — 33. To s woprawdžity khlěb Boži, kiž w bludže a hrěše pohrjebany swět k prawemu njebieskemu žiwjenju rubudža, to je Khrystus. — 34. Dokelž Jězus swoju jědź khlěb mjenuje, žadaju sebi jón Židža žtko. — 35. Jězus je khlěb, kiž za wěčne žiwjenje žiwi; štožkuli wěри do njeho jako Syna Božeho, njebudže za něčim druhim žadać, ale budže spokojeny. — 36. Ja sym wam hišo prajil, zo mje w sojim skutkowanju widžiće a tola njewěriće, zo sym wot Boha posłany, dokelž džiwy same k wěrije gjewjedu, Bóh dyrbi ze swojej hnadu dobru wolu podpěrać. „Wěrić, ke mnje přinć“, wotwisuje wot hnady Božej; žanoho njewotpokasam, hdyž jeho Bóh pohnađi. — 41. Židža wočakowachu re slubjenej jědźi woprawdžity khlěb; zo je wón khlěb, kiž žiwjenje dawa, nochychu wěrić dla žudych wobstojenjow, w kotrychž bě wotrostl. — 44. Njewobćežujće so na wěc, kotruž njerozumiće, a kotruž tež njezapřimjeće, khiba zo njebieski Wótc ze swojej hnadu was rozsweťli. Wšitkich žnje t. r. pohnuwa hnada Boža, rozsweťli jich, zo do mnje wěrija. — 45. t. r. kotřiž su rozsweťleni pohnuwani wot hnady Božej, přidžu ke mni a wěrija do mnje.

8. Wětr duje, hdžež chce, a slyšiš jeho hlós, ale njewěš, zwotkel přikhadža a hdže dže; tak je kóždy, kiž je z ducha so narodžil.*

Ps. 134, 7.

9. Nikodemus wotmołwi a rjekny jemu: Kak móže so to stać?

10. Jězus wotmołwi a rjekny jemu: Ty sy wučer w Israelu a to njewěš?

11. Zawěрно, zawěрно praju tebi: Štož wěmy, rěčimy; a štož smy widželi, wo tom swědčimy, a naše swědčenje njepřijímaće.

12. Njewěriće-li wy, hdyž sym wo zemských wěcach wam prajil, kak budžeće wěrić, rjeknu-li wam wo njebieskich?*

13. A nictó njestupi do njebies, khiba kotryž je zestupil z njebies, Syn čłowjeka, kiž je w njebiesach.

14. A jako Mójzes hada powyšil w puscínje, tak dyrbi Syn čłowjeka powyšeny być,

4. Mójz. 21, 8.

15. Zo by, štóžkuli do njeho wěri, njezahinyl, ale měl wěčne žiwjenje.*

16. Přetož tak je Bóh swět lubował, zo je swjeho jednorodzeného Syna dal, zo by, štóžkuli do njeho wěri, njezahinyl, ale měl wěčne žiwjenje.

1. Jan. 4, 9.

17. Přetož Bóh njepósła swjeho Syna na swět, zo by swět wotsudžil, ale zo by swět přez njeho zbóžny byl.

18. Štóž do njeho wěri, njebudže wotsudženy, štóž pak njewěri, je hižo wotsudženy, dokelž njeje wěřil w mjenje jednorodzeného Syna Božeho.*

19. To pak je sud, zo je swětlo na

swět přišlo, a zo su čłowjekowje čmu bóle lubowali, dyžli swětlo; přetož jich skutki běchu zle.

Wyše 1, 9.

20. Přetož kóždy, kotryž zle čini, hidži swětlo, a njeńdže na swětlo, zo njebychu jeho skutki so pokhostale.

21. Štóž pak prawdu čini, dže na swětlo, zo bychu jeho skutki zjewjene byle, dokelž su w Bohu sčinjene.*

22. Potom přindže Jězus a jeho wučownicy do judejske krajiny,* a tu přebywaše z nimi a křćiješe.

Niže 4, 1.

23. Ale tež Jan křćiješe w Ennonje blisko Salima, dokelž běše tam wjele wody, a přikhadžachu a dachu so křćić.

24. Přetož Jan njebě hišće do jastwa sadženy.

25. Nasta pak prašenje mjez Janowymi wučowníkami a Židami wo wočisćowanju.*

26. A přindžechu k Janej a rjeknychu jemu: Mistrje! kotryž běše při tebi za Jordanom, kotremuž sy ty swědčil, hlej, tón křćije, a wšitecy du k njemu.

Wyše 1, 19.

27. Jan wotmołwi a rjekny: Čłowjek njemóže ničoho dostać, khiba zo by jemu to date bylo z njebies.

28. Wy sami mi swědčíte, zo prajich: Ja njejsym Khrystus, ale sym před nim posłany.

Wyše 1, 20.

29. Štóž ma njewjestu, je nawoženja; nawoženjowy přecel pak, kotryž stoji a jeho poslušcha, z radosću so zraduje nad nawoženjowym hłosom. Tuž je tuta moja radosć dopjelnjena.*

8. To je duchowny narod, dokelž so znutřkownje stawa, njewidži so zwonkownje. — 12. Hdyž njewěriće, štož sym wam wo duchownym nowym narodže prajil, kotryž so na zemi na čłowjeku dokonja, kak budžeće mi wěrić, hdyž budu wo Bohu a jeho potajnosćach k wam rěčeć? — 15. Wěra do Syna Božeho, wosebje zo Syn Boží z woporom na křižu njebieskeho Wótca wujedna, žada so wot kóždeho, kiž chce zbóžny być. Bjez wěry do Syna Božeho njeje zbóžnosť. W puscínje wot Mójzesa powyšeny mjedžany had je znamjo na křižu powyšeneho zbóžnika. Kotřiž z dowěru na tamneho hada pohladachu, wostachu při žiwjenju, runjež běchu wot jědotych hadow kusnjeni; kotřiž svoju dowěru stajaja na Khrystusa, křižowaneho zbóžnika, přindu k wěčnému žiwjenju, hač runje běchu tež wot helsekeho hada ranjeni, hrěch přenjeju staršeju herbowawši. — 18. Wón je so sam wotsudžil, do Syna Božeho njewěrjo abo jeho začisnywši. — 19. Wina jich wotsudženja a začisnjenja je jich zle žiwjenje, kotrehož dla powučenje swjateho ewangelia začpěwachu a radši w swojim blůdže wostachu. — 21. t. r. k česći Božej. — 22. t. r. z Jeruzalema na kraj; wón křćiješe přez swojich wučownikow. — 25. t. r. wo křćeńcy; kotra křćeńca ma wjacj čisćaceje mocy? — 29. Jan mjenuje Jězusa nawoženju, t. r. nawoženju cyrkwy; tohodla so wjeseli, zo ludžo k njemu khwataju, sebje mjenuje pak jenož přecela nawoženje, kiž ma njewjestu t. r. čłowjestwo jemu přihotować.

30. Wón dyrbi přibywać, ja pak wotebrać.

31. Štóz je wot horjeka přišoł, je nad wšitkimi; štóz pak je wot zemje, je ze zemje a rěči wo zemi. Štóz je z njejbjes přišoł, je nad wšitkimi.*

32. A štož je widzał a slyšał, wo tom swědči; ale jeho swědčenje nchtó nje-přijima.*

33. Štóz pak přija jeho swědčenje, wobtwjerdži, zo je Bóh wěrnosciwy.* Rom. 3, 4.

34. Přetož tón, kotrehož Bóh pósła, rěči słowa Bože; přetož Bóh dawa (jemu) ducha nic po wotměrjenju.*

35. Wótc lubuje Syna, a wšitko je do jeho ruki dal.

36. Štóz wěri do Syna, ma wěčne žiwjenje; štóz pak Synej njewěri, njewohlada žiwjenja, ale hněw Boží zwostawa na nim.

1. Jan. 5, 10.

STAW IV.

Jězus powěda ze Samaritanku wo žiwej wodze a praji, zo dyrbimy so k Bohu modlić w duchu, a wozjewja jej, zo je slubjeny Messias. A wučownikam praji, zo ma jědz, kotruž woni njeznaja, mjenujcy poslušnosť přećiwo Wótcěj. Wo žnjach, žnjeńcu a syjerju. Mnozy Samaritanowje wěra do njeho. Syna kralowskeho služownika wón wustrowi.

Hdyž pak Jězus spózna, zo su farisejowje slyšeli, kak Jězus wjacu wučownikow čini a křćije dyžli Jan, Wyše 3, 22.

2. (Hač runje Jězus [sam] njekřćiješe, ale jeho wučownicy),

3. Wopušći Judeju a woteńdže znova do Galileje.

4. Dyrbješe pak přez Samariju hić.

5. Tuž přińdže do samariskeho města, kotrež Sichar rěka, pódla nuknicy, kotruž bě Jakub swojemu synej Józefej dal.

1. Mójz. 33, 19; 48, 22.

6. A běše tam studnja Jakubowa. Jězus pak z puća mučny, sydny so tak na studnju. Běše wokoło šesteje hodžiny.*

7. Přińdže samariska žona wodu čerpac. Jězus jej praji: Daj mi pić.

8. Jeho wučownicy běchu mjenujcy do města wotešli, zo bych u jědže nakupili.

9. Praji pak jemu ta samariska žona: Kak žadaš ty, hdyž sy Žid, pić wote mnje, kotraž sym samariska žona? Přetož Židža njewobkhađeju ze Samaritanami.*

10. Jězus wotmołwi a rjekny jej: Hdy by znała dar Boží a štó je, kotryž k tebi praji: Daj mi pić; ty drje by jeho prosyla, a by tebi dal žiwu wodu.*

11. Žona jemu praji: Knježe, ani nimaš, z čim by načerpal, a studnja je hluboka; zwotkel to maš žiwu wodu?

12. Sy ty wjetši, dyžli naš wótc Jakub, kotryž nam da tule studnju? a sam je z njeje pil, a jeho synowje a jeho skót.

13. Jězus wotmołwi a rjekny jej: Kóždy, kiž pije wot tuteje wody, budže znova lačny; štóz pak by pil wot wody, kotruž ja jemu dam, njebudže lačny do wěčnosti.

14. Ale woda, kotruž ja jemu dam, budže we nim žórlo wody, kotrež so žórli k wěčnemu žiwjenju.

15. Žona rjekny k njemu: Knježe, daj mi tu wodu, zo bych lačna njebyla a sem njekhodžila čerpac.*

31. Jan bě jeno čłowjek, a rěči tohodla kaž čłowjek, na Boha jeno pokazujo. Jězus pak je Syn Boží a rěči tohodla bóžsku prawdu. — 32. t. r. nimale nchtó. — 33. Dokelž wěri słowam toho, kotrehož je Bóh pósłał jako slubjeného zbóžnika. — 34. t. r. bjez měry, abo njesměrny je Bóh swojeho Syna ze swojim duchom wobohaćil, nic jako profetow, kotrymž jeno po wěstěj měrje swoje hnady wudžěluje.

IV. 6. t. j. připołdnju. — 9. hl. Mat. 10, 5. — 10. Knjez rěči we duchownym zmysłu a rozymy we słowje „woda“ swoju wučbu, kotraž wjedže k wěčnemu žiwjenju, ale žónska rozymy po słowje „woprawdžitu wodu“. — 15. Wona spózna we Jězusu profetu, kotryž ma móc jej woprawdžitu wodu dać a tohodla prosy jeho wo nju. Jězus pak chce jej lěpšu wodu podać, za kotruž dyrbi žónska najprjedy so přihotować přez spóznaće swojeje hrěšnosće; tuž ju Jězus dopomni na jeje žiwjenje.

20. Čohodla pytaće mje morić? Lud wotmołwi a rjekny: Djablisko maš; što pyta će morić?

Wyše 5, 18.

21. Jězus wotmołwi a rjekny jim: Jedyn skutk sčinić, a wšitcy so džiwaće.*

22. Tola Mójzes je wam wobrězanje dał, (nic, zo by wot Mójzesa było, ale wot wótcow) a na sabaće wobrězujeće čłowjeka.

3. Mójz. 12, 3; 1. Mójz. 17, 10.

23. Jelizo čłowjek wobrězanje přijima na sabaće, zo by Mójzesowy zakon so njepřestupil: přeco hněwaće so na mnje, zo sym cyleho čłowjeka wustrowił na sabaće?*

24. Njesudźće po widženju, ale sprawný sud sudźće.

5. Mójz. 1, 16.

25. Tohodla prajachu někotři z Jeruzalema: Njeje to tón, kotrehož pytaju morić?

26. A hlej, zjawnje rěči, a ničo jemu njepřaja. Su předstojnicy woprawdže spózna, zo tónle je Khrystus?

27. Ale wo tutom wěmy, zwotkel je; wo Khrystusu pak, hdyž přindže, ničo njebudže wědžeć, zwotkel by byl.*

28. Tuž zawoła Jězus w templu wučo a prajo: A mje znajeće, a zwotkel sym, wěsće; a njejsym sam wot sebje přišo, ale wěrnosćiwý je tón, kiž mje posła, kotrehož wy njeznajeće.*

29. Ja znaju jeho, dokelž sym wot jeho, a wón mje posla.

30. Tuž pytaču jeho zajec; ale ničo na jeho rucy njezloži, dokelž jeho hodžina njebe hišće přišla.

31. Z ludu pak wěrjachu mnozy do jeho, a prajachu: Budže Khrystus, hdyž přindže, wjacy džiwow činić, dyžli te, kotrež tónle čini?

32. Farisejowje slyšachu, zo lud wo nim tajke bóboce; a předstojnicy a farisejowje poslaču služownikow, zo bych jeho zajeli.

33. Tuž rjekny jim Jězus: Hišće krótki čas sym z wami, a wotědu k tomu, kiž mje posla.

34. Budžeće mje pytać, a njenańdžeće; a hdžež ja sym, wy njemóžeće přinć.

Niže 13, 33.

35. Tuž rjeknychu Židza sami mjez sobu: Hdže chce wón hić, zo jeho njenańdžemy? chce do rozpjeršanja pohanow hić, a pohanow wučić?

36. Kajka je to rěč, kotruž rjekny: Budžeće mje pytać, a njenańdžeće, a hdžež ja sym, wy njemóžeće přinć?

37. Na poslednim wulkim dnju* swjědženja pak stoješe (tam) Jězus a zawoła prajo: Je-li što lačny, njech přindže ke mni a pije.

3. Mójz. 23, 27.

38. Štóz do mnje wěri, jakož pismo praji, ze žiwota toho budža žórlic rěki žiweje wody.*

5. Mójz. 18, 15:

Joel 2, 28; Jap. sk. 2, 17.

21. Jězus měni wustrowjenje wósm a třiceći lět čerpjaceho khoreho na sabaće. — 23. Po Mójzesowym zakonu měješe wobrězanje, kotrež je po Božej poručnosći Abraham jako znamjo sluba postajił, na wósmym dnju po narodže so stać, byrnje tón samy na sabat připadnył. Hdyž so přez to sabat tohodla njewonječesći, dokelž bě wobrězanje wot Mójzesa poručene, čím mjenje přez to, zo sym zakon lubosće, kiž je zakon Boží, dopjelnil khoreho čłowjeka wustrowiwiš. — 27. Jězusowu swójbu a wukhad znajemy, ale Messiasowu njebudže ničo znać; wón drje z Dawidoweho splaha w Bethlehemje so narodži, ale wustupi tak nahle, zo ničo njeshoni, zwotkel je. Tak zrozymichu Židza słowa profetow, kotrež so na Messiasowy přikhad počahuja. — 28. Wy znajeće, zwotkel po mjasu sym, ale sym tola wot wěrneho Boha posłany, kotrehož njeznajeće. — 34. Budžeće horco žadać za Messiasom. — 35. K pohanam, kotřiž su po wšech krajach rozpjeršeni. — 37. To je na wósmym dnju swjědženja, kotryž so jara swjatočnje swjećeše. Na nim, jakož na druhich dnjach tohole swjědženja, přinjese měšnik ze žórla Siloe wodu a wuliny ju na wořtaf k namjenju radosće nad přichodnym wozboženjom. Při tom spěwachu so słowa z profety Isaiasa (12, 3): „Budžeće wodu čerpać z radosću ze žórłow spomóženja.“ Tute słowa su Zbóžnika pohnule k rěči, na kotruž so tudy spomina. — 38. Štóz za spomóženjom žada, za prawdu a zbóžnosću, njech do mnje wěri, a wón dóstanje hnady Ducha swjateho, kotrehož su profeci slubili, tak nadobnje, so samóže druhim sobudžělić.

39. To pak rjekny wo Duchu, kotrehož dostać mějachu do njeho wěrjacy; přetož Duch hišće njebě daty, dokelž Jězus hišće njebě wokrasnjeny.*

40. Tuž (mnozy) z toho ludu, slyšawši tute jeho słowa, prajachu: Tutón je zawěrnó profeta.

41. Druzy prajachu: Tutón je Khrystus. Někotři pak prajachu: Přińdže Khrystus z Galileje?

42. Njepraji pismo: Z Davidoweho symjenja a z městačka Bethlehem, hdžež běše David, ma přińć Khrystus? Mich. 5, 2.

43. Tak nasta rozšćěpjenje w ludźe jeho dla.

44. Někotři pak z nich chychu jeho zajec; ale nchtó njezloží na njeho rucy.

45. Tuž přińdžechu služownicy k wyšim měšnikam a farisejam; a či rjeknychu jim: Čohodla njejsće jeho přiwjedli?

46. Služownicy wotmołwichu: Ženje njeje čłowjek tak řečal, jako tónle čłowjek.

47. Tuž wotmołwichu jim farisejowje: Sće tež wy zawjedzeni?

48. Je štó z předstojnikow do njeho wěril, abo z farisejow?

49. Ale tón lud, kotryž njeznaje zakon; poklaty budź!

50. Nikodemus rjekny k nim, tón, kotryž bě w nocy k njemu přišoł, kotryž běše jedyn z nich: Wyše 3, 2.

51. Sudži naš zakon čłowjeka prjedy, dyžli je wot njeho slyšal a spóznał, što čini? 5. Mójz. 17, 8; 19. 15.

52. Wotmołwichu a rjeknychu jemu: Sy tež ty Galilejski?* přepytaj pismo, a hladaj, zo z Galileje (žadyn) profeta nje-pokhadža.

53. A woteńdžechu, kóždy do swójeho domu.

STAW VIII.

Jězus wumóže žónsku při mandželstwałamanju popadnjenu, na zemju pisajo. Mjenuje so swětle swěta a praji, zo farisejowje we swóych hrěchach wumru; tež praji, kotři su woprawdže jeho wučownicy, kotři wotročcy abo swobodni. Praji, zo či, kotřiž jemu, wěrnosć řečacemu, njewěrja, ani z Boha njejsu, ani z Abrahama, ale zo maju djaboła za wótca. Hidiěram rjekny, zo djaboła nima, ale zo Wótca česćuje, a zo je před Abrahamom. Hdyž chychu jeho kamjenjować, wuńdže z templa.

Jězus pak poda so na Wolijowu horu.

2. A při switanju přińdže znova do templa, a wšitkón lud přińdže k njemu, a sydneyš so wučese jich.

3. Přiwjedžechu pak pismawučeni a farisejowje žonu, při mandželstwałamanju popadnjenu, a stajichu ju dosrjedža.

4. A rjeknychu jemu: Mištrje, tuta žona bu runje při mandželstwałamanju popadnjena.

5. W zakonu pak nam Mójzes přikaza, tajke kamjenjować. A što ty prajiš?

8. Mójz. 20, 10.

6. To pak prajachu jeho spytuje, zo bychu jeho móhli wobskoržec.* Jězus pak dele so skhiliwši pisaše z porstom na zemju.

7. A hdyž njepřestachu jeho so prašeć, pozběhny so a rjekny jim: Štóž mjez wami je bjez hrěcha, njech čisnje přeni kamjeń na nju. 5. Mójz. 17, 7.

8. A znova so skhiliwši pisaše na zemju.

9. Zaslyšawši pak (to) wotkhaďzachu jedyn po druhim, počawši wot staršich; a Jězus zwosta sam, a žona wosrjedž (ludu) stójcy.

10. Jězus pak pozběhnywši so rjekny jej: Žona, hdže su, kotřiž tebe wobskoržachu? njewotsudži tebe nchtó?

11. Wona rjekny: Nchtó, Knježe. Jězus pak rjekny: Ani ja će njewotsudžu; dži a njehřeš wjac.*

39. Jězus njebě hišće wumóženje dokonjał a k Wótcej so wrócił, zo by Ducha swjateho posłał. — 52. t. r. wučownik Jězusowy? Z Galileje njepřińdže profeta, čím mjenje Messias.

VIII. 6. Farisejowje wočakowachu, zo so Jězus smilny přećiwo hrěšnicy wopokaže a ju zamolwjeć zechce, a tak dóstanu woni přičinu, zo móža jeho jako přestupnika Mójzesoweho zakonja wobskoržec. Jězus pak wopokaza so smilny přećiwo hrěšnicy a tola tež poslušny přećiwo Mójzesowemu zakonjej. — 11. Jězus njewotsudži žónsku, dokelž njebě zešoł, zo by sudził, ale hrěšnikow pytał a zbóžnych činil; to wón tež tudy čini, hrěšnu žónsku k pokuće a k polěpšenju žiwjenja, hrěšnych farisejow pak k spóznananju jich hrěchow napominajo.

12. Zaso nětko rěčeše Jězus k nim, prajo: Ja sym swětło swěta; štóž mje scěhuje, njekhodźi po čmě, ale změje swětło žiwjenja.

13. Tuž rjeknychu jemu farisejowje: Ty sam wo sebi swědčiš; twoje swědčenje njeje prawe.

14. Jězus wotmołwi a rjekny jim: Dawam-li ja swědčenje wo sebi samom, je moje swědčenje prawe, dokelž wěm, zwotkel přińdžech a hdže du; wy pak njewěsće, zwotkel přikhadžam, abo hdže du.*

15. Wy po mjasu sudźiće,* ja pak nikoho njesudžu.

16. A sudžu-li ja, je mój sud prawy, dokelž sam njejsym, ale ja a Wótc, kiž mje pósła.

17. A we wašim zakonu je pisane: Dweju čłowjekow swědčenje je prawe.

5. Mójt. 17, 6; 19, 15; Mat. 18, 16; 2. Kor. 13, 1; Hebr. 10, 28.

18. Ja sym, kotryž swědču wo sebi samom, a swědči wo mni tež Wótc, kiž mje pósła.

19. Tuž prajachu jemu: Hdže je twój Wótc? Jězus wotmołwi: Ani mje njeznajeće, ani mojeho Wótca; hdy byšće mje znali, byšće snadź tež mojeho Wótca znali.*

20. Tute słowa rěčeše Jězus při pokladnicy, wučo w templu*; a nchtó jeho njezaja, dokelž jeho hodžina njebě hišće přišla.

21. Tuž rjekny jim Jězus zaso: Ja du, a budžeće mje pytać, ale wumrjeće we

swojim hrěše. Hdžež ja du, wy njemóžeće přińć.

22. Tuž prajachu Židža: Chce sebj samoho morić, dokelž rjekny: Hdžež ja du, wy njemóžeće přińć?

23. A praješe jim: Wy sće wot deleka, ja sym wot horjeka; wy sće wot toho swěta, ja njejsym wot toho swěta.

24. Tohodla rjeknych wam, zo we swojich hrěchach wumrjeće; přetož njebudžeće-li wěrić, zo ja sym,* wumrjeće we swojim hrěše.

25. Tuž prajachu jemu: Štó ty sy? Jězus jim rjekny: Spočatk,* kotryž tež rěču k wam.

26. Wjele mam wo was rěčeć a sudzić; ale kotryž mje pósła, je wěrnosćiwý; a ja, štož slyšach wot njeho, to rěču na swěće.*

27. A njespóznachu, zo swojeho Wótca mjenuje Boha.

28. Tuž rjekny jim Jězus: Hdyž powyšiće* Syna čłowjeka, potom spóznajeće, zo ja sym, a sam wot so ničo nječínju, ale jakož je mje Wótc nawučil, tak rěču.

29. A kiž mje pósła, je ze mnu, a njewopuści mje samoho, dokelž štož je jemu spodobne, činju přeco.

30. Hdyž to rěčeše, wěrjachu mnozy do njeho.

31. Tohodla praješe Jězus tym Židam, kotřiž do njeho wěrjachu: Zwostanjeće-li wy při mojej rěči, budžeće woprawdže moji wučownicy,

32. A spóznajeće prawdu, a prawda wuswobodźi was.*

14. Jězus njepowola so na Janowe swědčenje, štož by tola činić móhl, ale jeno na swoje, kotřež jako dopokaz dosaha, zo je wón Syn Boží, dokelž sebi ze swojimi rěčemi a skutkami swědči. — 15. Po mjasu t. r. po mojím zwonkowým, štož na mni widźiće. — 19. Prjedy 7, 28 praješe Jězus: Mje znajeće, a zwotkel sym, wěsće; a tudy praji jim, zo jeho njeznaja. Tola woboje, hač runje se napřečiwnje być zda, je prawe; přetož tudy powěda Jězus wo swojej bóžskej naturje, a wo swojim njebjeskim Wótcu. Štóž Syna znaje, znaje tež Wótca, dokelž Syn je Wótcowy wotblyšč; štož tohodla so prócuje, Synowe žiwjenje spóznac a scěhowac (Jan. 14, 6), spóznaje Wótca, spóznaje Boha. Židža widžachu wo Jězusu jenož čłowjeka, a tohodla njemóžachu ženje Wótca spóznac. — 20. t. j. w templovym předdworje. — 24. t. r. zo ja sym tón z njebjes pósłany Messias, wumrjeće wy we hrěše njewěry. — 25. Jězus mjenuje so tu spočatk, dokelž je wot wěčnosti wot Wótca spłodzeny, a přez njeho su wšitke wěcy sčinjene; tohodla je spočatk wšitkich wěcow. — 26. To je tohodla bóžska wěrnosć abo prawda. — 28. t. j. na křiž. — 32. t. r. wot djabolskeho wotročstwa, wot hrěcha a wěčneje smjerće.

33. Wotmołwichu jemu: Symjo Abrahamowe smy, a ženje njejsmy nikomu služili,* kak ty prajiš: Swobodni budžeće?

34. Jězus jim wotmołwi: Zawěrnó, zawěrnó praju wam: Kóždy, kiž hrěch čini, je wotročk hrěcha. Rom. 6, 15; 2. Pětr. 2, 19.

35. Wotročk pak w domje njewostawa na wěčne, syn pak wostawa na wěčne.

36. Wuswobodźi-li was tohodla Syn, budžeće woprawdže swobodni.*

37. Wěm, zo sće Abrahamowi synowje, ale pytaće mje morić, dokelž moja řeč njepřima so was.*

38. Ja řeču, štož sym pola swójeho Wótca widzał, a wy činiće, štož sće pola swójeho wótca widželi.*

39. Wotmołwichu a rjeknychu jemu: Naš wótc je Abraham. Jězus jim rjekny: Hdyž sće Abrahamowi synowje, činiće Abrahamowe skutki.

40. Nětko pak pytaće mje morić, čłowjeka, kiž sym wam prawdu prajił, kotruž sym wot Boha slyšal; to Abraham njeje činił.

41. Wy činiće skutki swójeho wótca. Tuž prajachu jemu: My njejsmy z kurwafstwa rodženi; jednoho Wótca mamy, Boha.*

42. Tuž rjekny jim Jězus: Hdy by Bóh waš Wótc był, byšće mje zawěsće lubowali. Přetož ja wuńdžech wot Boha a sym přišoł; a njepřindžech džě sam wot sebje, ale wón mje posła.

43. Čohodla moju řeč njepóznawaće? Dokelž njemóžeće slyšeć moje słowo.

44. Wy sće z wótca djaboła, a chceće žadanja wašeho wótca činić; wón bě mordaf wot spočatka a w prawdže njewobsta, dokelž prawda njeje we nim; hdyž lžu řeči, ze swójeho řeči; dokelž je lhař a wótc lžě.

45. Hdyž pak ja prawdu řeču, njewěriće mi.

46. Štó wot was mi hrěch dopokaže? Hdyž wam prawdu praju, přeco mi njewěriće?*

47. Štóž je z Boha, slyši słowa Bože. Tohodla wy njeslyšiće, dokelž z Boha njejsće.

48. Tuž wotmołwichu Židža a rjeknychu jemu: Njeprajimy my prawje, zo sy ty Samaritan, a zo maš djablisko?*

49. Jězus wotmołwi: Ja djabliska nimam, ale česću swójeho Wótca, a wy mje nječesćiće.

50. Ja pak njepytam swojeje česće; ale je, kotryž (ju) pyta a sudži.*

51. Zawěrnó, zawěrnó praju wam: Budže-li štó moje słowo džěržeć, njewohlada smjerće do wěčnosće.*

52. Tuž rjeknychu Židža: Nětko smy spóznali, zo maš djablisko. Abraham wumrě a profetowje, a ty prajiš: Budže-li štó moje słowo džěržeć, njewopta smjerće do wěčnosće.

33. Farisejowje měnjachu jeno sebje samych, dokelž jich wótcowje běchu džě we wjacorym wotročstwje byli. Woni srozymjeju Jězusowe słowa, kotrež so na duchownu swobodu počahuja, wo čěstnej swobodze. — 36. t. r. Syn móže was pola Wótca wukupić, tak zo njejsće dale za wotročkow, ale za synow; a tule dobrotu wam ja wopokažu, zo byšće byli synowje mojeho Wótca a tak woprawdže swobodni. — 37. Wěm, zo sće po mjasu wot Abrahama spłodženi, ale njejsće tak wěriwi a poslušni, jako Abraham, moju řeč zaspěwajcy, a mje přescěhujcy hač k smjerći; po swojim zmyslenju a činjenju njejsće tak synowje Abrahama, ale synowje djaboła. — 38. Ja řeču po swojim bōžakim spóznacu, wy pak dokonjeće skutki, ke kotrymž was waš wótc, djaboł, pohnuwa. — 41. t. r. my njeslužimy a njemodlimy so k přiboham, ale Bóh je naš Wótc, kotrehož česćimy; přibōžstwo mjenuje so w swjatym pismje kurwafstwo. — 43. Čohodla njewěriće mojim słowam, zo sym wot Boha wušoł a wot njeho posłany? Tohodla, dokelž nochćeje je zapřijeć a rozymić; přetož sće zaslepjeni z wopačnej nadšiju na mōcne swětné kralstwo, kotrež ma Messias založić, a kotrež wote mnje njewočakujeće; tohodla so wam moje słowa njelubja. — 46. Jězus wobtwjerdža tudy, zo je bjez hrěcha, a tohodla něšto wjacy, džyli wšědný čłowjek. — 48. t. r. zo sy njepřecel našeho ludu a wot djaboła wobsydnjeny. — 50. Wótc, kotrehož česćić jeničcy so prócuju, budže toho sudzić a khostać, kotryž mje wonječesćí. — 51. Tón pak, kiž na moje słowa posłucha, budže z wěčnym žiwjenjom mytowany.

53. Sy ty wjetši, dyžli naš wótc Abraham, kotryž wumřě? a profetowje wumřěchu. Koho sebe samoho činiš?

54. Jězus wotmołwi: Česću-li ja sebe samoho, njeje moja česć ničo; mój Wótc je, kotryž mje česć, wo kotrymž wy prajíte, zo je waš Bóh,*

55. A njejsće jeho póznali;* ja pak jeho znaju; a bych-li rjekł, zo jeho njeznaju, bych wam podobny był, lhať. Ale znaju jeho, a dźeržu jeho słowo.

56. Abraham, waš wótc, je so zradował, zo by widźał mój dzeń; wuhlada jón a zezradowa so.*

57. Tuž rjeknychu Židža k njemu: Pjeć-džesat lět hišće nimaš, a sy Abrahama widźał?

58. Jězus jim rjekny: Zawěрно, zawěрно praju wam, prjedy dyžli Abraham bu, sym ja.*

59. Tohodla zběhachu kamjenje, zo bych do njeho mjetali; Jězus pak so potaji, a wuńdže z tempła.

STAW IX.

Jězus da na sabace slepemu wot naroda widjenje a Židža pytaju wšelako sławu tohole džiwa Jězusej wzać; dokelž tón, kiž bě slepy był, Jězusa zamołwja, je ze synagogi wustorčeny, ale wot Jězusa powučeny wěri, a modli so k njemu, kiž praji, zo je k sudu na swět přišoł.

A nimo ducy* wuhlada Jězus čłowjeka wot naroda slepeho.

2. A jeho wučownicy woprašachu so jeho: Mištrje, štó zhrěši, tutón, abo jeho staršej, zo so slepy narodźi?*

3. Jězus wotmołwi: Ani wón njezhrěši, ani jeho staršej, ale zo bych so zjewile Bože skutki na nim.

4. Ja dyrbbju činić skutki toho, kiž mje pósła, doniž dzeń je; přikhadža nóc,* hdžež ničtо skutkować njemóže.

5. Doniž sym na swěće, sym swětło swěta.*

6. Hdž bě to prajil, pluny na zemju, a sčini blóto ze slinow, a pomaza blóto na jeho woći.

7. A rjekny jemu: Dži, wumyj so w haće Siloe (štož so přeložuje „pósłany“). Tuž woteńdže, wumyj so, a přindže widźacy.*

8. Tuž prajachu susodža, a kotřiž běchu jeho prjedy widźeli, dokelž běše prošeť: Njeje to tón, kotryž (tu) sydaše a prošeť? Druzy prajachu: Tón je.

9. Druzy pak: Ně, ale je jemu podobny. Wón pak praješe: Ja sym.

10. Tuž prajachu jemu: Kak buštej wotewrjenej twojej woći?

11. Wón wotmołwi: Tón čłowjek, kiž Jězus rěka, sčini blóto, a pomaza mojej woći, a rjekny mi: Dži k hatej Siloe, a wumyj so; a woteńdžech, wumyých so a widžu.

12. A rjeknychu jemu: Hdže wón je? Wón džeše: Njewěm.

13. Dowjedžechu jeho, kotryž bě slepy był, k farisejam.

14. Běše pak sabat, hdyž Jězus blóto sčini, a jeho woći wotewri.

54. Ja bych prajić móhl, zo sym wjacy dyžli Abraham a profetowje, ale nechcu so samoho česćić. Tola dopominam was na swójeho Wótcu; wón, kotrehož swójeho Boha mjenujeće, dawa wam wědžeć we skutkach, kotřež dokonjam, zo sym wjacy dyžli profetowje a Abraham. — 55. Wy njeznajeće Boha, jakož byšće jeho znać měli. — 56. Waš wótc Abraham zradowaše so w duchu na mój přikhad, hdyž bě na zemi; nětko je dzeń mojego wočłowjěčenja na měsće, hdžež sprawni přebýwaju, zhonił a so zradował; a wy, kotřiž so jeho džěci mjenujeće, chceće mje morić. — 58. Prjedy dyžli bu Abraham stworjeny, sym ja, dokelž sym wěčný.

IX. 1. Při templu, wokoło kotrehož běchu stajnje khudži a khori. — 2. Židža myslachu sebi, zo je kóždy khorosć sčěhwk a khostanje za hrěch, kotryž je khory sam abo něchtó z jeho wótcow činił. — 4. Doniž sym tudy na zemi, dyrbbju džiwy skutkować, a z nimi bóžsku móc wozjewjeć. — 5. t. r. dobroćeť čłowjekow, a tohodla chcu tomule slepemu tež widjenje dać. — 7. Wětko, štož Jězus tudy nad slepym čini abo jemu činić kazaše, njemóže samo na sebi slepemu widjenje znowa dać, ale Jězus chceše z tym wućić, zo wón swóje hnady z wonkownymi srědkami, z wonkownymi znamjenjemi wudźěla, štož so rětko hišće stawa w swjatych sakramentach.

15. Tuž prašachu so jeho farisejowje znowa, kak bu widžacy. Wón pak jim rjekny: Blóto položi mi na woči, a wumych so, a widžu.

16. Tuž prajachu někotři z farisejow: Tón čłowjek njeje wot Boha, kotryž sabat njedžerži. Druzy pak prajachu: Kak móže hrěšny čłowjek tute džiwy činić? A rozšćepjenje běše mjez nimi.

17. Tuž prajichu znowa slepemu: Što ty prajiš wo tom, kotryž twojej woči wotewri? Tón pak rjekny: Profeta je.

18. Tuž njewěrychu Židźa wo nim, zo bě slepy byl a widženje dóstał, hač powołachu staršeju toho, kotryž bu widžacy.

19. A woprašachu so jeju prajicy: Je tutón waju syn, wo kotrymž prajitaj, zo je slepy so narodžil? Kak pak nětko widži?

20. Jeho staršej jim wotmołwištaj a rjeknyštaj: Wěmoj, zo je tutón naju syn, a zo je slepy so narodžil.

21. Kak pak nětko widži, njewěmoj; abo što jeho woči wotewri, mój njewěmoj; prašejće so jeho, ma lěta; wón sam wo sebi powě.

22. To rjeknyštaj jeho staršej, dokelž Židow so boještaj; přetož Židźa běchu so zřčeli, zo by, štož by jeho wuznał za Khrystusa, ze synagogi wustorčeny byl.

23. Tohodla rjeknyštaj jeho staršej: Ma lěta, prašejće so jeho.

24. Tuž zawołachu znowa čłowjeka, kiž bě slepy byl, a rjeknychu jemu: Daj Bohu česć; * my wěmy, zo je tónle čłowjek hrěšnik.

25. Tuž jim wón rjekny: Je-li hrěšnik, njewěm; jene wěm, zo slepy bywši nětko widžu.

26. Tuž jemu rjeknychu: Što sčini tebi? Kak wotewri tebi woči?

27. Wotmołwi jim: Rjeknych wam hižo, a słyšešće. Čohodla chceće znowa słyšeć? Chceće tež wy jeho wučownicy, być?

28. Tuž poklachu jeho a rjeknychu: Budž ty jeho wučownik, my pak smy Mójzesowi wučownicy.

29. My wěmy, zo je k Mójzesej Bóh rěčal, wo tom pak njewěmy, zwotkel je.

30. Tón čłowjek wotmołwi a rjekny jim: To je tola džiwno, zo wy njewěšće, zwotkel je, a wotewri mojej woči.*

31. Wěmy pak, zo Bóh hrěšnikow njeslyši, ale by-li něchtó Boha česćil a jeho wolu činił, toho wuslyši.

32. Wot wěčnosće njebu słyšane, zo by něchtó wotewrił woči slepeho wot naroda.

33. Hdy by tutón wot Boha njebył, njebudžeše móhl ničo činić.

34. Wotmołowichu a rjeknychu jemu: We hrěchach sy so wšitkón narodžil, a ty nas wučíš? A wustorčichu jeho won.*

35. Jězus zhoni, zo su jeho wustorčili, a hdyž jeho nadeńdže, rjekny jemu: Wěřiš ty do Syna Božeho?

36. Wón wotmołwi a rjekny: Štó je, Knježe, zo bych do njeho wěrił?

37. A Jězus jemu rjekny: A widžał sy jeho, a kotryž z tobu rěči, tón je.

38. Wón pak džeše: Wěrju, Knježe. A poklaknywši modleše so k njemu.

39. A Jězus rjekny: Na sudjenje sym ja na tutón swět přišoł, zo bych, kotřiž njewidža, widželi, a kotřiž widža, woslepili.*

40. A slyšachu to někotři z farisejow, kotřiž běchu z nim, a rjeknychu jemu: Smy tež my slepi?

41. Jězus jim rjekny: Hdy byšće slepi byli, byšće hrěcha njeměli; nětko pak prajije: Widžimy. (Tohodla) waš hrěch wostawa.*

24. t. r. rěč prawdu, a pokazaj z tym, zo Boha wšohowědomého česćiš. — 30. Wón je so wobswědčil z dźiwom, kotryž je na mni skutkował jako profeta, a wy nochceće připóznac, zo je wot Boha posłany. — 34. t. j. ze synagogi, k znamjenju, zo nochcedža z nim ničo měć. — 39. Z tým, zo to dokonjam, k čomuž buch do swěta posłany, rozsudžam čłowjekow, tak zo su ći, kotřiž swoju sleposć spóznałi so wobroća a do mnje wěrja, z njehjeskim swětłom rozswětleni, tajcy pak, kotřiž so na sebje samych a swój rozom spušecej mje začisnu, w duchu zaslepjeni. — 41. Wy sće tajcy slepi, kotřiž bych wěrnosć spóznać móhli, hdy bych chcyli; kotřiž pak na swoje spóznać so spušeju a tohodla mje a moju wučbu z dobrej wolu začisnu, tak zhrěša a w hrěše zwostanu.

STAW X.

Jězus wopisuje praweho pastyrja a najateho, mjenjuje sebjě durje k wowcam a dobreho pastyrja, kotryž ma hišće druge wowcy k tomu samemu stadłu přiwjesć. Wón da swoje žiwjenje, zo by je znowa wzał. Židźa chcedźa jeho kamjenjować, dokelž na swoje skutki pokazujo praji, zo je z Wótcom jedyn a Syn Boží; wón pak dopokazuje, zo to njeje bohahanjenje.

Zawěrnó, zawěrnó praju wam: Štóz nje-přikhadźa z durjemi do wowčěrnje, ale druhdže zastupuje, tón je paduch a mordaf.*

2. Štóz pak z durjemi přikhadźa, je pastyř wowcow.

3. Tomu wrótnik* wotwěra, a wowcy jeho hlós słyša, a woła swoje wowcy z mjenom, a wodźi je won.

4. A hdyž swoje wowcy wupušći, dže před nimi, a wowcy du za nim, dokelž jeho hlós znaja.

5. Za cuzym pak njeńdu, ale čekaju wot njeho, dokelž hlós cuzych njeznaja.

6. Tuto přirunanje rjekny jim Jězus. Woni pak njezrozumichu, štož jim praješe.

7. Tuž Jězus jim znowa rjekny: Zawěrnó, zawěrnó praju wam, ja sym durje k wowcam.

8. Wšitcy, kelkož je jich přišlo, su paduši a mordarjo, a wowcy jich njejsu słyšale.*

9. Ja sym durje. Zastupi-li što přeze mnje, budže zbóžny, a zastupi a wuńdže, a nadeńdže pastwu.

10. Paduch nje-přikhadźa, khiba zo by

kradnył a morił a zahubił. Ja přińdžech, zo bych žiwjenje měle, a nadobnje měle.*

11. Ja sym dobry pastyř. Dobry pastyř dawa swoje žiwjenje za swoje wowcy. Is. 40, 11; Ezech. 34, 23; 37, 24; Zach. 11, 4.

12. Najaty pak, a kotryž njeje pastyř, kotrehož samsne wowcy njejsu, widźi wjelka přikhadźaceho, a wopušća wowcy a čeka, a wjelk rubi a rozpjerša wowcy.

13. Najaty pak čeka, dokelž je najaty a nima starosć wo wowcy.

14. Ja sym dobry pastyř, a znaju swoje (wowcy), a moje mje znaja.

15. Jakož mje Wótc znaje, tež ja Wótc znaju; a swoje žiwjenje dawam za swoje wowcy. Mat. 11, 27; Luk. 10, 22.

16. Mam tež druge wowcy, kotrež njejsu z tuteje wowčěrnje; tež te dyrbu přiwjesć, a budža mój hlós słyšeć, a budže jedna wowčěrnja a jedyn pastyř.*

17. Tohodla mje Wótc lubuje, dokelž ja dawam swoje žiwjenje, zo bych je znowa wzał. Is. 53, 7.

18. Nichtó njebjerje je wote mnje, ale ja dawam je sam wot sebjě, a mam móc je dać a mam móc je znowa wzać. Tule přikaznju dóstach wot swojeho Wótca.*

19. Rozšćěpjenje nasta zaso mjez Židami tychle rěči dla.

20. Prajachu pak mnozy z nich: Djablisko ma a blazni; što jeho posluhaće?

21. Druzy prajachu: Tute słowa njejsu słowa wobsydnjeneho; móže djablisko woći slepych wotewrić?

X. 1. Jězus přiruna sebjě z pastyrjom, wowčěrnja je cyrkej, wón sam je tule wowčěrnu založil a je jako jeje durje, t. r. jeno přez njeho, přez wěru do njeho zastupi so do wowčěrnje. Wón pak je tež pastyř, dokelž ze swojej wučbu pase a nasycá swoje stadło, svojich wěriwych. Přirunanje pak móže so tež zrozumić wo kóždym měšniku; potom je wowčěrnja jeho wosada, do kotrejež je wón w Jězusowym mjenje wot biskopa posłany. Paduch je wopačny wučer na škodu stadła. — 3. Wrótnik je Duch swjaty, kiž ze swojej hnadu pastyrjow abo měšnikow přihotuje, jich powoła, a jich skutkowanje podpěra. — 8. Jězus měni tu wšěch bludnych wučerjow; to su paduši, dokelž wowcy, kotrež jim njeslušeju, ale Jězusej, jemu kradnu; woni su mordarjo, dokelž wowcy ze swojej bludnej wučbu zawjeduju a jim prawe žiwjenje bjeru. — 10. Paduch k stadłej přińdže swojeho wužitka dla, ja pak sym přišoť jeno dla wužitka za stadło, zo bych wěriwi wěčne žiwjenje měli. — 16. Pod wowcami, wo kotrychž bě dotal rěć, zrozumí Jězus črjódku wěriwych Židow; jeho lubosć pak wobsahuje wšitke ludy, a pohani so k njemu wobroća, a něhdy přińdže čas, zo budža wšitcy k jeho stadłu abo k jeho cyrkwi słyšeć. — 18. Za wšitkich čłowjekow, tež za pohanow woprju swoje žiwjenje, a tohodla lubuje mje mój Wótc. Swoje žiwjenje njezhubju pak na wěčne, ale mam móc, sebi je zaso dobyć, kaž je tež dobrowólnje woprju; tak je mój Wótc postajił.

22. Běše pak w Jeruzalemje (swjedgeń) poswjećenja templa, a běše zyma.

23. A Jězus khodžeše w templu, w Salomonowym přitwarku.

24. Tuž wobstupichu jeho Židža a prajachu jemu: Kak dolho zadđeržuješ našu dušu? sy-li ty Khrystus, powěz nam zjawnje.

25. Jězus jim wotmołwi: Powědam wam, a njewěriće; skutki, kotrež ja činju w mjenje swójeho Wótca, swědča wo mni;

26. Ale wy njewěriće, dokelž njejsće z mojih wowcow.

27. Moje wowcy słyša mój hlós, a ja je znaju, a scěhuja mje.

28. A ja wěčne žiwjenje jim dawam, a njezahinu do wěčnosti, a nihtó je njewutorhnje z mojeje ruki.

29. Štož je mój Wótc mi dał, je wjetše dyžli wšitko, a nihtó njemóže je wutorhnýc z ruki mojeho Wótca.*

30. Ja a Wótc smój jedne.*

31. Tuž zběhachu Židža kamjenje, zo bychu jeho kamjenjowali.

32. Jězus jim wotmołwi: Mnohe dobre skutki sym wam pokazal wot swójeho Wótca, dla kotreho z tych skutkow mje kamjenjujeće?

33. Židža jemu wotmołwichu: Dobrehu skutka dla tebje njekamjenjujemy, ale bohahanjenja dla, a dokelž ty, kiž sy čłowjek, sebje samoho Boha činiš.

34. Jězus jim wotmołwi: Njeje pisane we wašim zakonju: „Ja rjeknych: scě bohowsje“
Ps. 81, 6.

35. Jelizo bohows pomjenowa tych, kotrymž so slovo Bože sta, a pismo njemóže so zběhnyć:

36. Kak wy (wo mni), kotrehož Wótc

poswjeći a na swět pósła, prajiće: Boha haniš! dokelž rjeknych: Syn Boží sym?*

37. Nječínju-li skutki Wótca, njewěfće mi;

38. Čínju-li pak je, a nochceće-li mi wěrić, wěfće mojim skutkam, zo byšće spóznałi a wěriłi, zo je Wótc we mni, a ja we Wótcu.

39. Tuž pytachu jeho zajec, ale wuńdže z jich rukow.

40. A woteńdže zaso za Jordan na wone město, hdžež Jan prjedy křćiješe, a tam zwostawaše.

41. A mnozy přindžzechu k njemu a prajachu: Jan drje žanoho džiwa činil njeje;

42. Wšitko pak, štožkuli Jan wo tomle powě, běše prawda. A mnozy wěrjachu do njeho.

STAW XI.

Jězus zbudzi Lazara, kotryž bě hižo štyri dny mrtwy, a rozmołwa so z wučownikami a z Marthu. Dokelž tohole džiwa dla mnozy do Jězusa wěrjachu, wobzamknychu wyšši měšnicy a fari-sejowsje jeho morić; wyšši měšnik Kaifas při tom praji, zo dyrbi Jězus wumřec, zo njeby cyły lud zahynł. Jězus pak wotsali so do města Efrema.

Běše pak jedyn khory, Lazarus z Bethanije, z městačka Marije a Marthy, jeje sotry.

2. Marija pak běše ta, kotraž bě Knjeza ze žalbu žalbowala, a jeho nozy ze swojimi włosami wotrěla, kotrejež bratr Lazarus běše khory.
Mat. 26, 7;

Luk. 7, 37; niže 12, 3.

3. Tuž pósłaštej jeho sotře k njemu, prajicy: Knježe, hlej, kotrehož lubuješ, je khory.

4. Słyšawši pak to rjekny jimaj Jězus: Tuta khorosć njeje k smjerći, ale k česći

29. Swojim wěriwym dawam žiwjenje hnady tudy a wěčnu zbóžnosť w njebiesach; wone njezahinu, dokelž ja a mój njebieski Wótc je zakitamoj, a nihtó je namaj njewutorhnje, khiba zo bychu same we wěrje woslabnyłe. — 30. Ja mam z Wótcem to same bóžake byće, a tohodla tež tu samu bóžsku móc a wolu. — 36. Hdyž hižo tamni čłowjekowsje so bohowsje mjenuja, kotřiž jako Boží naměstnicy skutkuja, na kotrychž so tamne słowa swjateho pisma počahuja, kak móžeće prajić, zo ja Boha hanju, Syn Boží so mjenuju, hdyž sym tola jako Messias wot Boha na swět pósłany a wot njeho jako tajki wobkručeny ze skutkami, kotrež dokonjam?

Bożej, zo by Syn Boží přez nju wo-
krasnjeny był.

5. Jězús pak lubowaše Marthu a jeje
sotru Mariju a Lazara.

6. Jako bě nětko slyšał, zo, bě wón
khory, wosta tehdy dwaj dnaj na tom
samym měsće.

7. Potom pak rjekny swojim wučowni-
kam: Pójmy znova do Judeje.

8. Wučownicy jemu prajichu: Mištrje,
hakle pytachu Židža će kamjenjować, a
znova tam džeš?

9. Jězús wotmołwi: Njeje dwanaće ho-
džinow dnja? Khodži-li štó wodnjo, nje-
postorči so, dokelž swětło toho swěta widzi.*

10. By-li pak w nocy khodžil, postorči
so, dokelž swětło njeje we nim.

11. To džeše, a na to rjekny jim: La-
zarus naš přecel spi; ale du, zo bych
jeho ze spanja zbudžil.

12. Tuž rjeknychu jeho wučownicy:
Knježe, hdyž spi, budže strowy.

13. Jězús pak bě řečal wo jeho smjer-
ći; a woni mēnjachu, zo řeči wo wu-
snjenju spanja.

14. Tohodla rjekny jim Jězús nětko
zjawnje: Lazarus je wumřěl.

15. A wjeselu so was dla, zo tam nje-
běch, zo byšće wěrili; ale pójmy k njemu.

16. Tuž rjekny Domaš, kiž Didymus*
rěka, k sobuwučownikam: Pójmy tež my,
zo bychmy wumřeli z nim.

17. Tak přińdže Jězús, a namaka jeho
hižo štyri dny w rowje ležaceho.

18. Běše pak Bethanija blisko při Jeru-
zalemje, wokoło pjatnaće stadijow.

19. Mnozy pak ze Židow běchu přišli
k Marće a Mariji, zo bychy jeju pokojili
jeju bratra dla.

20. Martha pak, hdyž wuslyša, zo Jězús

dže, wuńdže jemu napřećiwo. Marija pak
doma sedžeše.

21. Tuž rjekny Martha k Jězusej: Knježe,
hdy budžeše ty tudy był, njeby mój bratr
wumřěl.

22. Ale tež nětko wěm, zo, štožkuli wot
Boha požadaš, Bóh tebi da.

23. Jězús jej praji: Twój bratr zaso
wstanje.

24. Martha jemu praji: Wěm, zo wstanje
při horjewstaću na poslednim dnju.

Luk. 14, 14; wyše 5, 29.

25. Jězús jej rjekny: Ja sym horje-
wstaće a žiwjenje. Štóž do mnje wěri,
byrnje wumřěl, budže žiwy. Wyše 6, 40.

26. A kóždy, kiž je žiwy a do mnje
wěri, njewumrje do wěčnosti. Wěřiš to?*

27. Džeše jemu: Haj, Knježe, ja wěrju,
zo sy ty Khrystus, Syn žiweho Boha,
kotryž sy na tónle swět přišol.

28. A hdyž bě to prajila, woteńdže a
zawola Mariju swoju sotru, potajnje pra-
jicy: Mištr je tudy, a woła tebje.

29. Jakož wona wuslyša, wstany spěšnje,
a dóńdže k njemu;

30. Přetož Jězús njebě hišće do mě-
stačka dóšol, ale bě dotal na tom měsće,
hdžež bě jemu Martha napřećiwo přišla.

31. Hdyž pak Židža, kotřiž běchu z njej
w domje a ju pokojachu, Mariju wuhla-
dachu, zo spěšnje wstany a wuńdže, džěchu
za njej prajicy: Dže k rowej, zo by tam
plakała.

32. Hdyž nětko Marija tam přińdže,
hdžež Jězús bě, wuhladawši jeho padže
k jeho nohomaj a praji jemu: Knježe,
hdy budžeše ty tudy był, njeby mój bratr
wumřěl.

33. Jako pak Jězús wuhlada, zo wona
plače, a zo Židža, kotřiž běchu z njej přišli,

XI. 9. Jako ma džen swoje wěste hodžiny, tak je mi wěsty čas skutkowanja na tomle swěće
postajeny, a doniž tón traje, sym pod zakitom Božim; njetrjebam strachow so bojeć, jako žadyn,
kiž wodnjo při swětle khodži, so jich njeboji. — 16. t. r. słowo Domaš rěka w grekskej řeči Didymos
t. j. dwójnik. — 26. Jězús rjekny: Tón, kiž twójeho bratra na sudny džen wubudži, móže to tež
nětko, a tón sym ja; štóž do mnje wěri, njewumrje, jeho smjerć je jeno krótki spar, z kotrehož ja
wšitkich wubudžu k prawemu, wěcnemu žiwjenju.

plakaju, bu hnuty w duchu, a zrudzi so při sebi,

34. A rjekny: Hdže sće jeho položili? Prajichu jemu: Knježe, pój a pohladaj.

35. A Jězus zaplaka.

36. Tuž rjeknychu Židža: Hlej, kak jeho lubowaše.

37. Někotři pak z nich rjeknychu: Nje-móžeše tón, kotryž woči slepeho wot naroda wotewri, sćinić, zo by tónle nje-wumrěl?

38. Jězus pak znowa sam při sebi pohnuty* přińdže k rowej; běše pak to prózdnjeńca a kamjeń bě na nju položeny.

39. Jězus džeše: Wzmicie kamjeń přeč. Martha, sotra toho, kiž bě wumrěl, praji jemu: Knježe, hižo smjerdži; přetož štyri dny je w rowje.

40. Jězus jej praji: Njerjeknych tebi: Budžeš-li wěrić, wuhladaš Božu krasnosć?

41. Tuž wotewzachu kamjeń; Jězus pak pozběhny woči a rjekny: Wótče, džakuju so tebi, zo sy mje słyšał.

42. Ja drje wědzach, zo mje přeco słyšiš, ale ludu dla, kiž wokoło stoji, to rjeknych, zo bych wěрили, zo ty mje pósła.

43. Hdyž bě to prajił, zawoła z wulkim hłosom: Lazarje, pój won.

44. A hnydom wuńdže, kiž bě wumrěl, wuwjazany na rukomaj a nohomaj z rubami, a jeho wobličo bě z pótnym rubiškom wobwite. Jězus jim rjekny: Wotwežće jeho, a dajće jemu woteńć.

45. Tohodla mnozy ze Židow, kotřiž běchu k Mariji a k Marće přišli, widžawši, štož bě Jězus činił, do njeho wěrjachu.

46. Někotři pak z nich woteńdžechu k farisejam a powěchu jim, što bě Jězus činił.

47. Tuž zhromadźichu wyšši měšnicy

a farisejowje radu a prajachu: Što čini-my, dokelž tónle čłowjek čini wjele dziwow?

48. Wostajimy-li jeho tak, budža wšitcy do njeho wěrić a Romjenjo přińdu, a wozmu naše město a lud.

49. Jedyn pak z nich, z njenom Kaifas, kiž bě toho lěta wyšši měšnik, rjekny jim: Wy ničo njewěsće,

50. Ani (na to) njemysliće, zo je wam wužitne, zo by jedyn čłowjek wumrěl za lud, a nic, zo by cyły narod zahynyl.

51. To pak sam wot sebje njerjekny, ale dokelž bě toho lěta wyšši měšnik, wěšćeše, zo ma Jězus wumrěć za (tón) narod;*

52. A nic jeno za narod,* ale zo by džěci Bože, kotrež běchu rozpjeršene, do jenoho zhromadźil.

53. Tuž wot toho dnja wuradźowachu, zo bych Jězusa morili.

54. Jězus pak njekhodžeše wjacj zjawnje mjez Židami, ale woteńdže do krajiny při puscínje, do města, kotrež Efreń rěka; a tam zwostawaše ze swojimi wučownikami.

55. Běchu pak blisko židowske jutry; a mnozy z kraja postupichu do Jeruzalema před jutrami, zo bych so woćisćili.*

56. Tuž pytachu Jězusa a rozmlówjachu so mjez sobu w templu stójcy: Što so wam zda, njepřińdže wón na swjedzeń?

57. Měšnicy a farisejowje pak běchu prikaznju wudali, zo by, štož zhoni, hdže je, to wozjewil, zo bych jeho zajeli.

STAW XII.

Pola Marthy a Lazara přijaty bu Jězus wot Marije žalbowany, na čož Judaš so hórši. Wyšši měšnicy wotmyslichu sebi tež Lazara morić. Jězus na wósleću sedao čehnje česćowany do Jeruzalema, a pohanam, jeho widžeć žadacym, praji, zo čas jeho wokrásnjenja so bliži, ale zo dyrbi pšeněčne zorno najprjedy wotemrěć. Hłós Wótca

88. t. r. Jězus so zrudzi njewěry dla, kotruž Židža zjewichu. — 51. Kaifas praješe, zo je lěpje, hdyž Jězusa morja, dyžli zo by lud pod Romskich přišoł. Njewědomje pak wupraji tež potajnosć, zo Jězus za lud wumrje a zo budže lud přez jeho smjerc wumóženy; kaž často, tak zjewi tudy Bóh přez rot wyšeho měšnika swoju wolu. — 52. t. r. Jězus wumóže přez swoju smjerc nic jeno židowski lud, ale wšitkich prawych česćerjow Božich. — 55. t. r. džěchu tam zahe, zo bych so wućisćili, n. př. wusadni, zo bych so měšnikej pokazali, a tak so přihtowali k jutram, na jědž jutrowneho jehnjeća.

so styši, zo dyrbi jeho mjeno so wokrasnej. Wjerch tohole swěta ma so wustorčić. Wo zaskłósti Židow wot Isaiasa wěšćenej. We Khrystusu je Wótc česćeny abo zaccpěty.

Šěsć dnjow před jutrami pak přińdže Jězus do Bethanije, hdžež běše Lazarus, kotryž bě wumřěl, kotrehož Jězus zbudži.

Mat. 26, 6; Mark. 14, 3.

2. Wuhotowachu pak jemu tam wječef, a Martha poslužowaše, a Lazarus běše jedyn z tych, kotřiž z nim za blidom sedžachu.

3. Tuž Marija wzawši punt droheje woprawdźiteje nardoweje* žalby požalbowa Jězusowej nozy, a wotře jeho nozy ze swojimi włosami; a dom bu napjelny ze žalbinej wónju.

4. Tu rjekny jedyn z jeho wučownikow, Judaš Iskariot, kiž chcyše jeho přeradzić:

5. Přeco njebu ta žalba předata za tři sta dzesatnikow, a te njejsu date khudym?

6. To pak njerjekny, dokelž měješe starosć wo khudych, ale dokelž bě paduch, a móšnu mějo to, štož bu do njeje kładzene, nošeše.

7. Tohodla rjekny Jězus: Wostajće ju, zo by to sćiniła k dnju mojeho pohrjeba.*

8. Přetož khudych maće přeco při sebi, mje pak nimaće přeco.

9. Tuž zhoni wulka syła ze Židow, zo tam je, a přińdžechu, nic jeno Jězusa dla, ale zo bychu Lazara widźeli, kotrehož bě wot mrtwych zbudził.

10. Radžachu pak sebi wyšši měšnicy, zo bychu tež Lazara morili,

11. Dokelž mnozy ze Židow jeho dla woteńdžechu (tam), a wěrjachu do Jězusa.

12. Nazajtra pak wulka črjóda, kotraž na swjedžen přińdže, hdyž zasłyša, zo Jězus do Jeruzalema dže,

Mat. 21, 1;

Mark. 11, 1; Luk. 19, 29.

13. Wzachu palmowe hałzy a wuńdžechu jemu napřećiwu a wolachu: Hosanna, khwaleny (budź), kotryž dže w mjenje Knjeza, kral israelski.

14. A Jězus nadeńdže wóslika, a sydže so na njeho, jakož je pisane:

15. „Njebój so, džowka Sionska, hlej twój kral dže sedžacy na žrěbjeću wóslicy.“ Zach. 9, 9; Mat. 21, 7; Mark. 11, 7; Luk. 19, 35.

16. To jeho wučownicy najprjedy njezrozymichu; ale hdyž bu Jězus wokrasnjeny, tehdy so dopomnichu, zo běše to wo nim pisane a zo jemu to sćinichu.

17. Swědčeše pak jemu lud, kotryž běše z nim, hdyž Lazara z rowa zawola a z mrtwych zbudži.

18. Tohodla tež wuńdže lud jemu napřećiwu, dokelž běchu slyšeli, zo je tón dźiw činił.*

19. Tuž rjeknychu farisejowje mjez sobu: Widźiće, zo ničo njedocpěwamy? hlej, cyły swět dže za nim.

20. Běchu pak někotři pohani mjez tymi, kotřiž běchu přišli, zo bychu so modlili na swjedženju.*

21. Či nětko přistupichu k Filipej, kotryž bě z Bethsaidy galilejskeje, a prošachu jeho prajicy: Knježe, chcemy Jězusa widzieć.

22. Filip přińdže a praji Handrije; a Handrij a Filip rjeknyštaj to Jězusej.

23. Jězus pak wotmołwi jimaj, prajo: Hodžina je přišla, zo by wokrasnjeny byl Syn čłowjeka.*

24. Zawěрно, zawěрно praju wam, jelizo pšěńčne zorno do zemje padnywši nje-wumrje,

25. Wostawa wono samo; jelizo pak wumrje, njese wjele płodu. Štóž swoje žiwjenje lubuje, zhubi je, a štóž swoje

XII. 8. hl. Mark. 14, 3. — 7. t. r. wostajće ju, zo by, štož sćini, płaćiło za pohrjebny džen; Jězus tu praji, zo je wona ze žalbowanjom hižo do přědka pohrjebnu česć jemu wopokazała. — 18. Dyrbimy dvě črjóde rozeznać, jenu, kotraž jeho do Jeruzalema přewodžeše a druhu, kotraž jemu napřećiwu čehnješe. — 20. Běchu to pak wěrní pohani, dokelž tež tajcy přikhadžachu z časami do židowskeho tempła, zo bychu so tu modlili a woprowali, pak tajcy, kotřiž běchu z pohanstwa k židowstwu přestupili. — 28. t. r. zo by so wot cyłeho swěta za Messiasa připóznał, ale prjedy dyrbi wumřěć, podobnje jako pšěńčne zorno hakle plód přinjese, hdyž je w zemi zhnělo.

žiwjenje hidži na tom swěće, zakhowa je k wěčnemu žiwjenju. Mat. 10, 39; 16, 25;

Mark. 8, 35; Luk. 9, 24; 17, 33.

26. Słuži-li mi štó, njech mje scěhuje, a hdžež ja sym, tam budže tež mój słuzownik. Budže-li mi štó słužić, toho budže mój Wótc česćić.

27. Nětko je moja duša zrudžena. A što mam prajić? Wótče, wumóž mje z tuteje hodžiny. Tola tohodla sym přišoł do tuteje hodžiny.*

28. Wótče, wokrasni swoje mjeno!* Tuž přińdže hlós z njehjes: A wokrasnich, a znova wokrasnju.**

29. Lud pak, kiž tu stoješe a (to) wusłyša, praješe, zo je zahrimalo. Druzy prajachu: Jandžel je k njemu řečal.

30. Jězus wotmołwi a rjekny: Nic mje dla bu tutón hlós, ale was dla.

31. Nětko je sud swěta; nětko budže wjeřch toho swěta won wustorčeny.*

32. A ja, hdyž budu powyšeny wot zemje, počahnu wšitko k sebi.*

33. To pak praješe, poznamjenjejo, kajkeje smjerće měješe wumřć.

34. Lud jemu wotmołwi: My smy slyšeli ze zakonja, zo Khrystus wostawa do wěčnosće; a kak ty prajiš: Syn čłowjeka dyrbi powyšeny być? Štó je tónle Syn čłowjeka?* Ps. 109, 4; Ezech. 37, 25.

35. Tuž rjekny jim Jězus: Hišće krótki čas je swětlo mjez wami. Khodźće, doniž

swětlo maće, zo was ćma njewobejmje; a štóž po ćmě khodži, njewě, hdže dže.

36. Doniž swětlo maće, wěće do swěta, zo byšće džěci swěta byli.* To porěča Jězus a woteńdže a wukhowa so před nimi.

37. Hač runje pak bě tajke džiwý před nimi činił, njewěrjachu do njeho,

38. Zo by so dopjelnila řeč profety Isaiasa, kotruž rjekny: „Knježe, štó wěri našemu słowu?* a komu bu Knjezowe ramjo zjewjene?“** Is. 53, 1.

39. Tohodla njemóžachu wěrić, dokelž zaso rjekny Isaias: Is. 6, 9; Mat. 13, 14; Mark. 4, 12; Luk. 8, 10; Jap. sk. 28, 26; Rom. 11, 8.

40. „Zaslepil je jich woči, a stwjerđzil jich wutrobu, zo bych z wočomaj njewidželi a z wutrobu njerozymili, a so njewobročili, a zo bych jich njewumóhl.“*

41. To rjekny Isaias, hdyž widžeše krasnosć Božu a řečeše wo nim.

42. Tola tež mnozy z předstojnikow wěrjachu do njeho; ale farisejow dla so njewuznawachu, zo njehychu ze synagogi wustorčeni byli.

43. Přetož lubowachu bóle česć pola čłowjekow, dyžli česć pola Boha.

44. Jězus pak zawoła a rjekny: Štóž wěri do mnje, njewěri do mnje, ale do toho, kiž mje pósła.

45. A štóž widži mje, widži toho, kiž mje pósła.*

27. Při dopomnjeću na jeho blizke čerpjenje zrudži so jeho duša podobnje, jako na Wolijowej horje; a w tutej zrudobje prošeše po swojej čłowjeskej woli wo wumóženje ze swojeje zrudoby; ale hnydom spózna, zo je čerpjenje jenički srědk, z kotrymž móže Bohu česć a čłowjekam wumóženje přihotować, a spokoja so z čerpenjom, kotrež so bliži. — 28. t. r. Daj mi čerpiec, njech ze mnu so stanje, štož je k twojemu wokrasnjenju. ** Wšitko, štož sym dotal činił, a tež wšitko, štož so stanje, tež twoje čerpjenje a twoja smjerć słuži k mojemu wokrasnjenju. — 31. Nětko zlama so móc djabola, kotryž je dołho nad swětom knježił; přez moju smjerć swět so wujedna a přez wěru do mnje djabolskej mocy so wutorhnje. — 32. Na křiž powyšeny a morjeny, dobudu sebi cyły swět, wšitcy čłowjekowje budza mi słužić. — 34. Židža wědzachu, zo budže Messias wěcnje knježić, njerozpoznawachu pak mjez jeho přenim a druhim přikhadom, a tohodla wočakowachu při jeho přenim přikhadže založenje mócneho kralestwa, a njerozymichu tak słowam, na jeho blizke čerpjenje so počahowacym. — 36. Wuzijće tohodla čas, w kotrymž je swětlo při wami, w kotrymž ja hišće mjez wami khodžu, zo byšće spózнали, što je k wašemu spomóženju. — 38. t. r. našemu přédowanju; t. r. štó je tomu wěrił, štož smy slyšeli a tohodla přédowali, abo štó je spóznał, zo je móc Boža we nim, kiž tak wulke džiwý čini? ** Hdyž so tuto wěšćenje dopjelni, je tež dopokazane, zo je Jězus wot Boha posłany. — 40. t. r. Bóh je jich zaslepjenje dopušćil. — 45. Štóž do mnje wěri, wěri do mojeho Wótca, dokelž ja a Wótc smój jene; štož mje po mojim woprawdžitym byću znaje, znaje tež Wótca, dokelž ja a wón smój to same bóžake byće.

46. Ja swětło sym na swět přišoł, zo nichto, kiž do mnje wěri, njeby we čmě wostał.

Wyše 1, 5; 8, 12; 12, 35. 36.

47. A słyši-li što moje słowa a nima-li je kedźbu, ja jeho njesudžu, přetož nje-přidźech, zo bych swět sudžil, ale zo bych swět wumóhl.

48. Štóz mje zaccpěwa a moje słowa njeprějima, ma (někoho), štóz jeho sudži; słowo, kotřež sym řečal, to budže jeho sudzić na poslednim dnju.

49. Dokelž ja sam ze sebje njejsym řečal, ale (tón,) kiž mje pósła, Wótce; wón je mi přikaznju dal, što mam prajić a što řečeć.

50. A wěm, zo jeho přikaznja je wěčne žiwjenje. Štož nětko ja řeču, tak řeču, jakož je mi Wótce prajil.

STAW XIII.

Jězus z rubom wopasany myje při wječeri swojim wučownikam nohi, čohož so Pětr wobara; Jězus napomina jich, zo bychy mjez sobu to same činili. Pokazuje Janej swojeho přeradnika, kotryž woteńdže, hdyž bě womačany kusk dóstał. Jězus pak powěda wo swojim wokrasyjenju a wo nowej kazni lubosće, a wěšći, Pětrej třikrátne zapřeće.

Před swjatym dnjom jutrow wědžeše Jězus, zo je přišla jeho hodžina, zo by přešoł z toho swěta k Wótcej; lubowawši swojich, kotřiž běchu na swěće, je jich lubował hač do kónca.

Mat. 26, 2; Mark. 14, 1; Luk. 22, 1.

2. A po dokonjanej wječeri, hdyž bě djaboł hižo Judašej Iskariotej, Symanowemu synej, do wutroby dal, zo by jeho přeradził,

3. Wědžo (Jězus), zo je jemu Wótce wšitko do rukow dal a zo je wot Boha wušoł a k Bohu dže,*

4. Wstany wot wječerje a wotpołoži

swoju (zwjeršnu) drastu, a rub wzawši wopasa so z nim.

5. Potom nala wody do mjedžeńcy, a poča wučownikam nohi myć a z rubom třěč, z kotrymž bě wopasany.

6. Tuž přidźe k Symanej Pětrej. A Pětr jemu praji: Knježe, ty chceš mi nohi myć?

7. Jězus wotmołwi a rjekny jemu: Štož ja činju, ty nětko njewěš; zhoniš pak potom.

8. Pětr jemu praji: Njebudžeš mi nohi myć do wěčnosće. Jězus jemu wotmołwi: Njewumyju-li tebje, njezměješ džěla ze mnu.*

9. Syman Pětr jemu praji: Knježe, nic jeno mojej nozy, ale tež rucy a hłowu.

10. Jězus jemu praji: Štóz je myty,* tomu njeje trjeba, hač zo nohi wumyje, tola je wšitkón čisty.** Tež wy sće čisći, ale nic wšitcy.

11. Přetož wědžeše, što je, kiž jeho přeradži; tohodla rjekny: Wšitcy nje-sće čisći.

12. Hdyž pak bě jich nohi wumyl, a sebi (zwjeršnu) drastu wzal, sydny so zaso k blidu, a rjekny: Wěsće, što sym wam činil?

13. Wy rěkaće mi Mištr a Knjez, a prawje prajiće; přetož to sym.

14. Hdyž sym pak ja, Knjez a Mištr, waše nohi myl, dyrbiće tež wy jedyn druhemu nohi myć.*

15. Přetož přiklad sym wam dal, zo byšće, jakož ja sčinih wam, tež wy tak činili.

16. Zawěрно, zawěрно praju wam: Słužownik njeje wjetši dyžli jeho knjez, ani pósłany njeje wjetši dyžli tón, kiž jeho pósła.*

Mat. 10, 24; Luk. 6, 40; niže 15, 20.

XIII. 3. t. r. hač runje bě sebi swojeje bóžskeje hódnosće wědomy. — 8. Jelizo njeposluchaš, njedóstanješ džěla na mojim kralestwje, na mojich kublach. — 10. t. r. wosprawnjeny přez křćenju abo pokutu. ** Štóz je přez křćenju abo přez pokutu wot čěžkich hrěchow wučisćeny, trjeba jeno hišće nohi myć, t. r. to činić, štož myće nohow znamjenja, mjenujcy w skutkach swoju lubosć k bližšemu wopokazać. Lubosć čisći wot wšědných słabosći. — 14. t. r. jedyn druhemu z ponižnosću a podwolnosću služić. — 16. Tohodla njesměće tež wy moji japoštołowje so powyšć, ale jako ja dyrbiće so ponižć.

17. Hdyž to wěsće, budžeće zbóžni, činiće-li to.*

18. Nic wo was wšech to praju;* ja wěm, kotrych wuzwolich, ale zo by pismo so dopjelnilo: „Kotryž ze mnu khlěb jě, pozběhnje přeciwo mi swoju pjatu.“

Ps. 49, 10.

19. Nětko praju wam to, prjedy dyžli so stanje, zo byšće, hdyž so stanje, wěрили, zo ja sym.*

20. Zawěрно, zawěрно praju wam: Štóz přijima toho, kotrehož ja pócělu, mje přijima; štóz pak mje přijima, přijima toho, kiž mje pósła.

Mat. 10, 40; Luk. 10, 16.

21. Hdyž bě Jězus to prajil, zrzdži so w duchu a wobswědči a rjekny: Zawěрно, zawěрно praju wam: Jedyn z was mje přeradží.

Mat. 26, 21; Mark. 14, 18; Luk. 22, 21.

22. Tuž hladachu wučownicy na so, njewěsći, wo kim řeči.

23. Běše pak jedyn z jeho wučownikow na Jězusowy klin zlehnjeny, (tón), kotrehož Jězus lubowaše.*

24. Tuž kiwny tomu Syman Pětr, a rjekny jemu:* Štó je, wo kotrymž řeči?

25. Tak tón na Jězusowe wutrobně so zlehnnywši jemu praji: Knježe, štó je?

26. Jězus wotmołwi: Tón je, kotremuž ja womačany khlěb podam. A hdyž bě khlěb womačal, poda jón Judašej Iskariotej, Symanowemu synej.

27. A po tom kuskú zajědze satan do njeho. A Jězus rjekny jemu: Štóz činiš, sčiniš spěšnje.

28. To pak nichtó z přisydowacych njezrozumi, k čomu by jemu to prajil.

29. Přetož někotři měnjachu, dokelž měješe Judaš móšnu, zo je jemu Jězus

prajil: Nakuř to, štož je nam trjeba k swjědženju; abo: zo by něšto khudym dał.

30. Hdyž bě wón nětko kusk dóstał, wuńdze hnydom. Běše pak nóc.

31. Hdyž pak bě wušol, rjekny Jězus: Nětko je Syn čłowjeka wokrasnjeny, a Bóh je wokrasnjeny w nim.*

32. A hdyž je Bóh wokrasnjeny w nim, tež Bóh wokrasni jeho sam w sebi, a wokrasni jeho hnydom.*

33. Džěćatka, hišće khwilku sym z wami. Pytać mje budžeće, a jakož sym Židam prajil: Hdžež ja du, wy njemóžeće přinć, (tak) tež wam nětko praju. Wyše 7, 84.

34. Nowu kaznju dawam wam, zo byšće mjez sobu so lubowali, jako was lubowach, zo byšće tež wy mjez sobu (tak) so lubowali.

Mat. 22, 39; niže 15, 12.

35. Na tom wšitcy spóznaja, zo sće moji wučownicy, změjeće-li lubosć mjez sobu.

36. Syman Pětr jemu praji: Knježe, hdže džěš? Jězus wotmołwi: Hdžež ja du, njemóžeš nětko za mnu hić; pónđžeš pak potom.

37. Pětr jemu rjekny: Přeco njemóžu nětko za tobu hić? Swoje žiwjenje dam za tebe.

Mat. 26, 85; Mark. 14, 29; Luk. 22, 33.

38. Jězus jemu wotmołwi: Swoje žiwjenje za mnje daš? Zawěрно, zawěрно praju tebi: Njezaspěwa honač, hač mje třikróć zapřeš.

STAW XIV.

Swojich wučownikow pokojejo praji Jězus, zo je we Wótcowym domje wjele wobydlenjow, a zo jich sobu wozmje. Domašej praji, zo je wón puć, prawda a žiwjenje; Filipěj pak, zo we nim Wótca widzi a zo dóstanu, wo čožkni budža we jeho mjenje prosyć, a zo jim druhého pokojicerja wot Wótca pócěle. Wući, wo kim móže

17. Wědžeć a činić, to wozbožuje. — 18. Nic wšitcy mjez wami wědža a činja, štož wozbožuje; wjele wjac je jedyn mjez wami, kotryž mje přepoda mojim njepřećelam. — 19. Ja wam přeradu do přědka wozjewjam, zo byšće so na mni njepohóršowali, hdyž so stanje, a zo byšće we wěrje do mnje njewoslabnyli. — 20. Běše to Jan, kiž po tehdyšim wašnju při blidže na prawicy Jězusa ležeše, na swoju lěwicu so zepěrajo, tak zo so zdaše, jako by swoju hlownu w Jězusowym klinje ležo měl. — 21. Kiwny jemu, zo by so woprašal. — 22. Přez smjerc na křižu, kotruž budže přez Judašowu přeradu čerpjeć. — 23. Přez Jězusowu smjerc wujedna so Boža sprawnosć a wot čłowjekow je Bóh zaso česćeny a khwaleny po přislušnosći; ale tež Bóh wokrasni Syna čłowjeka w jeho sławnym horjewstacu a do-njebjes-spěcu.

so prajić, zo jeho lubuje, a kajki pokoj swojim wučownikam zawostaja, kotřiž maju tohodla nad jeho wotkhadom so wjeselić.

Njech so njerudži waša wutroba. Wěriće do Boha, tež do mnje wěće!*

2. W domje mojeho Wótca su mnohe wobydlenja; by-li tak njebyło, bych wam prajil; du, zo bych wam město přihotował.

3. A hdyž woteńdu a wam město ze-
přihotuju, přinědu zaso, a wozmu was k sebi,
zo byšće, hdžež ja sym, tež wy byli.

4. A hdže ja du, wěsće, tež puć wěsće.

5. Domaš jemu praji: Knježe, njewěmy,
hdže džeš; a kak můžeme puć wědžeć?

6. Jězus jemu praji: Ja sym puć a
prawda a žiwjenje; niktó njeńdže k Wót-
cej, khiba přeže mnje.

7. Hdy byšće mje znali, byšće tež mo-
jeho Wótca znali; a wot nětka jeho
znajeće, a sće jeho widželi.*

8. Filip jemu praji: Knježe, pokaž
nam Wótca, a to nam dosaha.

9. Jězus jemu praji: Tajki čas sym
z wami, a njejsće mje spózнали? Filipje,
štóž widži mje, widži tež Wótca; kak ty
prajiš: Pokaž nam Wótca?

10. Njewěriće, zo sym ja we Wótcu, a
Wótc we mni? Słowa, kotrež ja rěču k wam,
njerěču sam wot sebje. Ale Wótc, kiž
we mni wostawa, wón čini skutki.

11. Njewěriće wy, zo sym ja we Wótcu,
a zo je Wótc we mni?

12. Jelizo nic, wěće tola skutkow sa-
mym dla. Zawěрно, zawěрно praju wam:
Štóž do mnje wěri, budže skutki, kotrež

ja činju, tež sam činić, a wjetše dyžli te
budže činić, dokelž ja du k Wótcej.*

13. A wo čožkuli budžeće Wótca pro-
syć w mojim mjenje, to sčinju, zo by Wótc
wokrasnjeny był we Synu. Mat. 7, 7;

21, 22; Mark. 11, 24; niže 16, 23.

14. Budžeće-li mje wo něšto prosyć
w mojim mjenje, to sčinju.

15. Lubujeće-li mje, dźeržće moje kaznje.

16. A ja budu Wótca prosyć, a da wam
druheho pokojićerja, zo by z wami wostal
do wěčnosti,

17. Ducha prawdy, kotrehož swět přijěć
njemóže, dokelž jeho njewidži ani nje-
znaje; wy pak jeho spóznaće, dokelž
pola was zwostanje, a we was budže.

18. Njezawostaju was jako syroty, přit-
du (zaso) k wam.*

19. Hišće khwilku, a swět mje wjac
njewidži; wy pak budžeće mje widžeć,
dokelž ja sym živy, a wy budžeće žwi.

20. Na tom dnju spóznaće, zo sym ja we
swojim Wótcu, a wy we mni, a ja we was.*

21. Kotryž moje kaznje ma a je dźerži,
tón je, kiž mje lubuje; štóž pak mje lu-
buje, budže wot mojeho Wótca lubowany,
a ja budu jeho lubować, a zjewju jemu
sebje samoho.*

22. Judaš, nic tón Iskariot, jemu praji:
Knježe, što je, zo chceš sebje samoho
nam zjewić, a nic swětej?

23. Jězus wotmołwi a rjekny jemu: Lu-
buje-li mje štó, budže moje słowo dźeržeć,
a mój Wótc budže jeho lubować, a mój
k njemu přinědžemoj, a wobydlenje pola
njeho sčinimoj.*

XIV. 1. Spušeće so na mnje, njedaje so z ničim we dowěrje ke mni wosłabić; kruta wěra
předobywa wšitko, tež wšě přeciwnosće; tuž njebóje so jich. — 7. Štóž we mni bōžske byće spó-
znaje, přinědže k spóznaću Wótca, kotryž dže je we mni a přeže mnje skutkuje. — 12. Nochćeće-li
wěrić słowej, zo je we mni Wótc, dyrbiće znajmjeńša skutkam wěrić, kotrež dokonjam, a hišće
wjetšim džiwam, kotrež budža wěriwi po mojim do-njebjes-spěću z mojej pomocu skutkować; přetož
wo čožkuli budžeće w mojim mjenje prosyć, dam wam. Wjetši džiw, kotryž Jězus tudy slubi, je
wobroćenje pohanskich ludow, kotrež so sta přez japoštołske přědowanje, tak husto z džiwami pře-
wodžane. — 18. Widžownje po swojim wot-mortwych-wstaću, potajnje swjatki přez Ducha swjateho.
— 20. Wot Ducha swjateho rozswětleni dorozymjeće, kak sym ja z Wótcem a z wami, a kak sće
wy ze mnu zjednoceni. — 21. Tajki čłowjek dospołnišo Jězusowe słowa spóznaje a namaka we nich
znutřkowne spokojenje a jemu je, jako by Jězus sam k njemu porěčał. — 23. Jězus wotmołwi, so
wón wšitkim so zjewi, kotřiž jeho lubuja a jeho kaznje dźerža. Ze swojej wosebitej lubosću
zjednoči so wón z Wótcem a z Duchom z nim, a budže we nich.

24. Štóz mje njelubuje, njedđerži moje słowa. A słowo, kotrež sće słyšeli, njeje moje, ale toho, kiž mje pósła, Wótcowe.

25. To sym wam rěčał, pola was přebywajo.

26. Pokojićer pak, Duch swjaty, kotrehož Wótc w mojim mjenje pósćeje, tón nawuči was wšitko a dopomni was na wšitko, štožkuli sym wam prajił.

27. Pokoj wam zawostajam, swój pokoj wam dawam; nic jako swět dawa, ja wam dawam.* Njeh njerudži so waša wutroba a njestrachuje so.

28. Słyšeće, zo sym wam ja prajił: Du a přińdu (zaso) k wam. Hdy byšće mje lubowali, byšće wšak so wjeselili, zo k Wótcy du, dokelž Wótc je wjetši dyžli ja.*

29. A nětko sym wam prajił, prjedy dyžli so stanje, zo byšće, hdyž so stanje, wěрили.

30. Hižo njebudu z wami wjele rěče; přetož wjefch toho swěta dže a nima ničoho na mni;*

31. Ale zo by swět póznał, zo Wótcu lubuju, a jako je mi Wótc prikazał, tak činju. Wstańće, pójmj wottudy.

STAW XV.

Khrystus je winowy pjenk, Wótc winicař, wučownicy pak winowe pruty. Khrystusowa kaznja wo lubosći bližeho so husto wospjetuje. Japoštołowje su Khrystusowi přecelowje, kotrymž je swoje potajnosće zdžělił a kotrychž je wuzwolił, zo bych wěny plód přinjesli. Jich

wobtwjerdža Khrystus přećiwo hidženju a přescěhanju swěta; tež praji, zo Židža swojeho hrěcha dla wuzamołwjenja nimaju.

Ja sym prawy winowy pjenk a mój Wótc je winicař.*

2. Kóžde prućo na mni, kotrež plód njenjese, wotrěznje, a kóžde, kotrež plód njese, čisći, zo by wjacj plodu njesło.

3. Hižo sće wy čisći słowa dla, kotrež sym wam rěčał.*

4. Wostańće we mni, a ja we was. Jako prućo njemóže plód njesć samo wot sebje, khiba zo w pjenku wostawa, tak ani wy, khiba zo we mni wostawaće.

5. Ja sym winowy pjenk, wy (sće) prućata; štóz wostawa we mni, a ja we nim, tón njese wjele plodu, dokelž bjeze mje njemóžeće nič činić.

6. Njewostanje-li něchtó we mni, budže won čisnjeny, jako prućo, a wuskhnje, a zebjeru je a čisnu do wohnja, a spali so.

7. Wostanjeće-li we mni, a wostanu-li moje słowa we was, štožkuli zechćeće, prošće, a stanje so wam.

8. W tom je mój Wótc wokrasnjeny, zo wjele plodu přinjesće, a moji wučownicy budžeće.*

9. Jakož je Wótc mje lubował, (tak) sym tež ja was lubował. Zwostańće w mojej lubosći.

10. Budžeće-li moje kaznje dđeržeć, wostanjeće w mojej lubosći, jako sym tež ja kaznje mojeho Wótcu dđeržał, a wostawam w jeho lubosći.

27. Hdyž Židža so rozžohnowachu, prajachu: Pokoj budž z wami; to Khrystus tež praji, jeho słowa pak njesu prózdne přeće, ale štož wón přeje, to tež dawa; wón wobradži čłowjekej prawy pokoj, jeho z Bohom wujednawši a z jeho bližim w lubosći zjednočił a jemu swoju hnadu wudžělił, z kotrež čłne nakhilnosće duhej podćisnje. Tak je čłowjek w měrje žiwy z Bohom, ze swojim bližim a ze sobu samym. — 28. t. j. dyžli ja jako čłowjek, a móže mi a potom tež wam wšitku prócu nadobnje zarunać. — 30. Wjefch toho swěta, t. j. djaboł přihotuje so, zo by mje přez swojich pomocnikow morił, ale nima mocy nade mnu; hdyž ja wumru, stanje so to tohodla, dokelž sam čeu, a mam wolu mojeho Wótcu dopjelnić.

XV. 1. Jězus mjenuje so winowy pjenk a japoštołow z druhimi wěriwymi winowe pruty, nutrneho swjazka dla, w kotrymž su japoštołowje a wěriwi z nim. Jako z pjenka mjezha do prutow čehnje a je wobžiwja, zo plód njesu, tak přińdže prawe žiwjenje, duchowne žiwjenje japoštołam a wšim wěriwym wot Jězusa. Džěla-li so woni wot njeho přez hrěch, tehdy wuskhnu jako prućata wot winoweho pjenka džělene. — 3. Wy sće bjez hrěcha, přez słowo t. r. přez wšitko, štož sym k wam rěčał, wosebje přez słowo swjateje křeńcy. — 8. W tom wokrasni so njebjeski Wótc, hdyž wjele dobrych skutkow dokonjeće a mje w žiwjenju scěhujeće.

11. To sym wam řečal, zo by moje wjeselo we was bylo, a waše wjeselo polne bylo.

12. To je moja kaznja, zo so lubujeće mjez sobu, jako sym was lubował.

Wyše 13, 34.

13. Wjetšu lubosć nchtó nima dyžli tu, zo by swoje žiwjenje dał za swojich přečelow.

14. Wy sće moji přečelowje, činiće-li, štož ja wam prikazuju.

15. Hižo njebudu was služownikow mjenować, dokelž služownik njewě, što jeho knjez čini. Was pak sym přečelow mjenował, dokelž wšitko, štožkuli sym wot swojeho Wótca słyšal, sym wam znate činil.

16. Nic wy mje wuzwolišće, ale ja was wuzwolic, a postajich was, zo byšće šli a plód njesli a waš plód wostał, zo by, wo čožkuli byšće Wótca prosyli w mojim mjenje, wam dał.

Mat. 28, 19.

17. To wam prikazuju, zo byšće mjez sobu so lubowali.

1. Jan. 3, 11; 4, 7.

18. Jelizo was swět hidži, wězće, zo je mje prjedy dyžli was hidžil.*

19. Byšće-li ze swěta byli, by swět, štož je jeho, lubował; dokelž pak ze swěta njejsće, ale ja was ze swěta wuzwolic, tohodla hidži was swět.

20. Dopomńće so na moje słowo, kotrež wam rjeknych: Služownik njeje wjetši dyžli jeho knjez. Su-li mje přescěhali, budža tež was přescěhać; su-li moje słowo dđerželi, budža tež waše dđeržec.*

Wyše 13, 16; Mat. 10, 24.

21. Ale to wšitko budža wam činić mojeho mjena dla, dokelž njeznaja toho, kiž mje pósła.

22. Hdy bych njepřišoł a k nim njerěčal, bychu hrěcha njeměli; nětko pak wuzamolwjenja nimaju swojeho hrěcha dla.*

23. Štóz mje hidži, tež mojeho Wótca hidži.

24. Hdy budžech skutki nječinil mjez nimi, kotrež nchtó druhi činil njeje, bychu hrěcha njeměli; nětko pak su je widželi, a su mje a mojeho Wótca hidžili.

25. Ale (to bu), zo by so dopjelnilo słowo, kotrež je we jich zakonju napisane: „Hidžili su mje bjez winy.“ Ps. 24, 19.

26. Hdyž pak přińdže Pokojićef, kotrehož ja wam wot Wótca pósćelu, Ducha wěrnosće, kotryž wot Wótca wukhadža, tón budže wo mni swědčić. Lnk. 24, 49.

27. Tež wy budžeće swědčić, dokeli wot spočatka ze mnu sće.

STAW XVI.

Wučownikam wěšći Jězus přichodne přescěhanja a praji, zo je jim k wužitku, hdyž wotešće, zo by Duch swjaty přišoł; tón budže swět kbo- stać, jich samych pak wučić, a Khrystusa wo- krasnjeć. Wukladuje, štož bě prajił: Khwilu a njebudžeće mje widžeć atd., a přidawa přir- nanje wo porodžacej žónskej. Napomina, so bychu Wótca w jeho mjenje prosyli, a wěšć jich čěkanje.

To sym k wam řečal, zo njebyšće so pohóršowali.*

2. Wustorča was ze synagogow;* haj hodžina přińdže, zo kóždy, kiž was moň, budže měnić, zo Bohu z tym službu wo- pokaže.

3. A to sćinja wam, dokelž njeznaja Wótca ani mje.

4. Ale to sym k wam řečal, zo byšće, hdyž přińdže (ta) hodžina, na to so do- pomnili, zo sym ja wam prajił.

5. To pak wam wot spočatka njerjek- nych, dokelž běch z wami. A nětko da k tomu, kiž mje pósła, a nchtó z was njepraša so mje: Hdže džeš?

18. Swět su ludźo, kotřiž so jeno wo časne wěcy staraju a swoje mjasne nakhilenja spokojeť pytaju. — 20. Jako su swětnje zmysleni ludźo mje a moje słowa zaspěwali, tak budža was a waše wučby zaspěwać; jako su někotři moje słowo přijeli, tak budža tež někotři was posłuchać. — 22. Hrěch, kotryž zamołwjeć njemóža, je zasaklosć wutroby, z kotrež su so Jězusowym napom- nanjom přećiwili.

XVI. 1. t. r. swoju wěru do mnje jako Syna Božeho zhubili. — 2. t. r. ze swojich zhroma- džiznow was wuzamknu.

6. Ale dokelž sym to k wam řečal, je zrudoba napjelnila wašu wutrobu.

7. Ale ja wam prawdu praju: Wužitne je wam, zo ja du; přetož njewoteńdu-li, njepřinǵže Pokojiceř k wam; woteńdu-li pak, pócělu jeho k wam.

8. A hdyž wón přinǵže, přepokaže swět wo hrěše, a wo sprawnosći, a wo sudže.

9. Wo hrěše mjenujcy, dokelž do mje wěřili njesu;*

10. Wo sprawnosći pak, dokelž k Wótcej du, a mje njebudžeće wjacy widžeć;*

11. Wo sudže pak, dokelž je wjefch tutoho swěta hižo wotsudženy.*

12. Hišće wjele mam wam prajić, ale njemóžeće to nětko znjesć.

13. Hdyž pak přinǵže tón Duch wěrnosće, nawučí was wšitku wěrnosć; přetož njebudže řečeć sam wot sebje, ale štožkuli wuslyši, budže řečeć, a štož je přichodne, zjewi wam.

14. Wón mje wokrasni, dokelž wot mo-jeho wozmjje, a zjewi wam.*

15. Wšitko, štožkuli ma Wótce, je moje. Tohodla rjeknych: Wot mojeho wozmjje, a zjewi wam.

16. Khwilku, a njebudžeće mje wjacy widžeć, a zaso khwilku, a budžeće mje widžeć, dokelž du k Wótcej.*

17. Tohodla rjeknychu někotři z jeho wučownikow mjez sobu: Što je to, zo nam praji: Khwilku, a njebudžeće mje widžeć, a zaso khwilku, a budžeće mje widžeć, a: Du k Wótcej?

18. Tohodla prajachu, što je to, zo praji: Khwilku? njewěmy, što řeči.

19. Jězus pak spózna, zo chcychu so jeho prašeć, a rjekny jim: Wo tom mjez sobu so prašeće, zo rjeknych: Khwilku, a njebudžeće mje widžeć, a zaso khwilku, a budžeće mje widžeć.

20. Zawěрно, zawěрно praju wam: Wy budžeće plakać a žaloscić, swět pak budže so wjeselić; wy budžeće so rudzić, ale waša zrudoba wobroći so do wjesela.*

21. Žónska, hdyž porodža, ma zrudobu, dokelž je jeje hodžina přišla; hdyž pak džěcatko porodži, njespomina wjacy na bolosć wjesela dla, zo je so čłowjek na swět narodžil.

22. Tež wy maće drje nětko zrudobu, ale budu was zaso widžeć, a waša wutroba budže so wjeselić; a waše wjeselo nichtó wot was njewozmjje.

23. A na tom dnju njebudžeće so mje wo ničom prašeć.* Zawěрно, zawěрно praju wam: Budžeće-li Wótca wo něčo w mojim mjenje prosyc, da wam. Mat. 7, 7; 21, 22; Mark. 11, 24; Luk. 11, 19; wyše 14, 13; Jak. 1, 5.

24. Dotal njejsće wo ničó prosyli w mojim mjenje; prošeće, a dóstanjeće, zo by waše wjeselo poľne bylo.

25. To sym w přirunanjach k wam řečal. (Ale) přinǵže hodžina, hdyž njebudu wjacy w přirunanjach k wam řečeć, ale zjawnje budu wam wo Wótcu zjewjeć.*

26. Na tom dnju budžeće w mojim mjenje prosyc, a njepraju wam, zo budu ja Wótca prosyc za was;

27. Přetož Wótce sam was lubuje, dokelž sće wy mje lubowali a wěřili, zo ja wot Boha wuńdžech.

9. Z tym, štož Duch swjaty přez mojih japoštoľow a jich nastupnikow dokonja, přeswědči wón swět, zo je čězcy zhrěšił, hdyž je mje a moju wučbu začisnył. — 10. Zjawnje dopokaže Duch swjaty tež swětej prawdu, zo sym wot Boha wušoľ a zaso k njemu so wrócił, zo je so potajkim cyle po Božej woli stało, zo sym swoje džěło dokonjawił k njemu so wrócił, a zo wola Boža njeje, zo bych mjez wami přebywajo kralował, jakož to Židža wot Messiasa wočakuja. — 11. Tuto wotsudženje zjewi so wosebje ze zničenjom přibóžstwa a pohanskeho bludu, kotryž je plód djaboła. — 14. t. r. wón dóstawa bóžske byće a wědomosć wote mnje, a wozjewi potajkim to, štož je wote mnje dóstał. — 16. t. r. wumru a njewostanu mrtwy, ale wstanu z mrtwych, zjewju so wam, ale wrócu so zaso k Wótcej. — 20. Rudzić budžeće so při mojej smjerći, zradować pak so nad přikhadom Ducha swjateho. — 23. Na tom dnju, hdyž Duch swjaty na was přinǵže, njebudžeće so mje prašeć trjebać, dokelž Duch wěrnosće nawučí was wšitku wěrnosć. — 25. Wěrnosće, kotřež Jězus swojim japoštoľam wozjewješe, běchu jim husto potajne a njezrozumliwe, dokelž so z cyla w řeči dosć wjasnić njehodža. Wot Ducha swjateho rozswěćeni spóznaja Wótca a bóžske wěrnosće jasnišo.

28. Wuńdzech wot Wótca, a sym na swět přišol; znova wopuščam swět, a du k Wótcej.

29. Jeho wučownicy jemu prajichu: Hlej, nětko rěčiš zjawnje a žanoho přirunanja njeprajiš.

30. Nětko wěmy, zo wšitko wěš, a tebi trjeba njeje, zo by so će što prašal; na to wěrimy, zo wot Boha wuńdze.

31. Jězus jim wotmołwi: Nětko wěriće?

32. Hlej, hodžina so bliži, a je hižo přišla, zo budžeće rozpjeršeni kóždy do swójeho,* a mje samoho wostajíce; ale njejsym sam, dokelž Wótca je ze mnu.

Mat. 26, 81; Mark. 14, 27;

33. To sym k wam rěčał, zo byšće we mni pokoj měli. Na swěće změjeće česnosť, tola mějće dowěru; ja sym swět předobyl.*

STAW XVII.

Khrystusowa modlitwa k Wótcej za wokrasnjenje, za wučownikow a za tych, kotřiž budźa přez nich do njeho wěrić, zo bychu zakitani byli před złym, a zo bychu wšitcy přezjati byli a zo by swět jeho jako wot Wótca posłaného spóznał.

To dorěča Jězus, a pozběhnywši woči k njebyu rjekny: Wótče, hodžina je přišla, wokrasi swójeho Syna, zo by twój Syn tebe wokrasił,

2. Jakož sy jemu móc dał nad wšitkim mjasom,* zo wšitkim, kotrychž sy jemu dał, da wěčne žiwjenje. Mat. 28, 18.

3. To pak je wěčne žiwjenje, zo tebe jeničkeho wěrneho Boha spóznaja, a kotrehož posła, Jězusa Khrystusa.*

4. Ja tebe wokrasił na zemi; skutk dokonjach, kotryž sy mi dał, zo bych činił.

5. A nětko wokrasi mje, ty Wótče, pola sebjě samoho z krasnosť, kotruž mějach pola tebe přjedy, dyžli swět bu.*

6. Wozjewich twoje mjeno čłowjekam, kotrychž mi da ze swěta; twoji běchu a mi jich da, a twoje slovo su dźerželi.*

7. Nětko su spóznałi, zo je wšitko, što mi da, wot tebe;

8. Přetož słowa, kotrež mi da, sym jim dał, a woni je přijachu a woprawdže spóznaču, zo wot tebe wuńdzech, a wěrjachu, zo ty mje posla.

9. Ja za nich prošu. Nic za swět prošu, ale za tych, kotrychž sy mi dał, dokelž sy twój;*

10. A wšitko moje je twoje, a twoje je moje, a sym wokrasnjeny we nich.

11. Ja pak hižo njejsym na swěće, ale woni su na swěće, a ja du k tebi. Wótče swjaty, zdźerž jich we twójim mjenje, kotrychž sy mi dał, zo bychu jene byli, jako tež mój.*

12. Hdyž běch pola nich, zdźeržach jich we twójim mjenje. Kotrychž sy mi dał, zakhowach, a žadyn z nich njezahiny, khiba syn zahubjenja, zo by so pismo dopjelnilo.

Ps. 108, 8

13. Nětko pak k tebi du, a to rěču na swěće, zo bychu měli moje wjeselo dopjelnjene we sebi.*

14. Ja sym jim dał twoje slovo, a swět je jich hidžil, dokelž njejsu ze swěta, jako tež ja njejsym ze swěta.

15. Njeprošu, zo by jich wzal ze swěta, ale zo by jich zakhował před złym.

16. Ze swěta njejsu, jako tež ja njejsym ze swěta.

32. t. r. do swójeho wobydlenja. — 33. Wo hidženju, z kotrymž swět mje a was přestěha, wo modlenju, wo přikhažće Ducha swjateho sym k wam rěčał, zo byšće we tom měr a pokoj měli, do manje krúće wěrići a tak tež swět předobyl, jako sym ja jón předobyl.

XVII. 2. t. r. nad wšitkimi čłowjekami. — 3. Wěčne žiwjenje dobuđu sebi, spózna wajej Boha, a toho, kotrehož je k wozboženju wšitkich do swěta posłał, Jězusa Khrystusa. — 5. Daj tebi mojemu čłowjestwu tu samu krasnosť, kotruž mam jako Syn Boží wot wěčnosti. — 6. Jězus měni tu swójech japoštołow a wučownikow. — 9. Jězus modli so za wšitkich, jako je so tež za cýly swět na křižu woprował; ale tudy a nětko runje poruča wón z nutrneje próstwu swójech wučownikow njebjeskemu Wótcej. — 11. Zo bychu w swójim zmyslenju a žadanju, wučanju a skutkowanju přezjati byli. — 13. t. r. zo bychu so wjeselili, zo su wot tebe na swěće zakitani, a zo něhdy daž dóstanu na njebjeskej zbóžnosći.

17. Poswjeć jich we swojej prawdze.* Twoje słowo je prawda.

18. Jakož ty mje pósła na swět, tež ja jich pósłach na swět.

19. A ja poswjećam sebje samoho za nich, zo bychy tež woni poswjećeni byli w prawdze.*

20. Nic pak jeno za nich prošu, ale tež za tych, kotřiž přez jich słowo wěric budźa do mnje,

21. Zo bychy wšitcy jene byli jako ty, Wótče, we mni a ja we tebi, zo bychy tež woni we namaj jene byli, zo by swět wěrił, zo ty mje pósła.

22. A ja sym krasnosť, kotruž sy mi dał, (tež) jim dał, zo bychy jene byli, jako tež mój jene smój.

23. Ja we nich, a ty we mni, zo bychy dospołnje na jene byli, a zo by swět spóznał, zo ty mje pósła, a zo sy jich lubował, jakož sy tež mje lubował.

24. Wótče, kotrychž sy mi dał, chcu, zo bychy, hdžež sym ja, tež woni byli ze mnu, zo bychy widźeli moju krasnosť,* kotruž sy mi dał, dokelž sy mje lubował před založenjom swěta.

25. Sprawny Wótče, swět tebje njespózna; ja pak tebje spóznach, a woni spóznachu, zo ty mje pósła.

26. A sčinih jim znate twoje mjeno, a sčinja je znate,* zo by lubosć, z kotrejež sy mje lubował, we nich byla a ja we nich.

STAW XVIII.

Židza jimaju Jězusa, na jeho słowo najprjedy k zemi padnywši, a wjedu k Annasej a Kaifasej. Hdžž Jězusa měšnikej na prašenje wotmołwi, je do wobliča dyrjeny. Tri króć je wot Pětra zapřety. Do sudnicy přiwjedženy praji Pilate, zo jeho kralestwo njeje z toho swěta. Židza žadaju, zo by Jězusa morjeny był, Barabbas pak pušćeny.

Hdyž bě Jězusa to prajił, wuńdže ze swojimi wučownikami přez řeku Cedron, hdžež

běše zahroda, do kotrejež zańdže wón a jeho wučownicy. 2. Kral. 15, 23; Mat. 26, 36; Mark. 14, 32; Luk. 22, 39.

2. Wědžeše pak tež Judaš, jeho přeradnik, to město, dokelž Jězusa často tam ze swojimi wučownikami so zeńdže.

3. Tohodla přińdže tam Judaš, (sobu) wzawši kohortu,* a služownikow wot wyšších měšnikow a farisejow, z latarnjemi a swěcami a brónjemi. Mat. 26, 47;

Mark. 14, 43; Luk. 22, 47.

4. Jězusa pak wšitko wědžo, štož měješe na njeho přińć, wuńdže (jim napřećiwo), a rjekny: Koho pytaće?

5. Wotmołwichu jemu: Jězusa Nazarethskeho. Jězusa jim praji: Ja sym. Judaš pak, jeho přeradnik, stoješe z nimi.

6. Hdžž pak jim rjekny: Ja sym, postupichu dozady, a padnychu k zemi.

7. Tuž woprašaja so jich znowa: Koho pytaće? Woni pak rjeknychu: Jězusa Nazarethskeho.

8. Jězusa wotmołwi: Rjeknych wam, zo ja sym; tuž pytaće-li mje, dajće tutym woteńć;

9. Zo by słowo dopjelnjene bylo, kotrež bě prajił: „Kotrychž sy mi dał, z tych nježhubich žanoho.“ Wyše 17, 12.

10. Tuž Šyman Pětr, kiž měješe mječ, jón wučahny, rubny wotročka wyššeho měšnika, a wotčaja jemu prawe wucho. Wotročkowe njeno pak bě Malchus.

11. Jězusa pak rjekny Pětrej: Tykń swój mječ do nóżnjow. Keluch, kotryž je mi Wótče dał, nimam jón pić?

12. Kohorta pak, a wjednik a židowscy služownicy jachu Jězusa, a zwjazachu jeho. Luk. 3, 2.

13. A wjedžechu jeho najprjedy k Annasej; přetož bě přichodny nan Kaifasa, kiž bě toho lěta wyšši měšnik.

14. Kaifas pak běše tón, kotryž bě Židam radu dał, zo je wužitne, hdžž jedyn čłowjek wumrje za lud. Wyše 11, 49.

17. t. r. zo bychy wěrnosć wozjewjeli. — 19. Wopruju so za nich, zo bychy tež woni we swjatej službje jako wučerjo a měšnicy kóždy wopor přinjesli, kotryž so wot nich žada. — 24. t. j. w njejbjesach. — 26. Po horjewšću a donjebjesspěću přez Ducha swjateho, kiž je Duch lubosće.

XVIII. 8. Kohorta je džělba romskeho wójska, hl. Mat. 27, 27.

15. Džěše pak za Jězusom Syman Pětr a druhi wučownik.* Tón wučownik pak běše wyššemu měšnikej znaty, a zastupi z Jězusom do předdworu wyššeho měšnika.

16. Pětr pak stoješe při wrotach wonka. Tuž wuńdže druhi wučownik, kiž bě wyššemu měšnikej znaty, a porěča z wrótnicu, a dowjedže Pětra nutř. Mat. 26, 58;

Mark. 14, 54; Luk. 22, 55.

17. Tuž praji služowna wrótnica k Pětrej: Njejsy tež ty z wučownikow toho čłowjeka? Wón praji: Njejsym.

18. Stojachu pak wotročy a služownicy při žehliwym wuhlu, dokelž běše zyma, a wohrěwachu so; a stoješe z nimi tež Pětr a wohrěwaše so.

19. Wyšši měšnik pak woprašo so Jězusa wo jeho wučownikach a wo jeho wučbje.

20. Jězus jemu wotmołwi: Ja sym zjawnje rěčał swěte; ja sym přeco wučil we synagodzy a w templu, hdžež so wšitcy Židža skhadžuja, a w potajnym njejsym ničo rěčał.

21. Što so mje prašeš? Woprašej so tych, kotřiž su slyšeli, što sym jim rěčał; hlej, či wědža, što sym ja prajil.

22. Hdyž bě wón to prajil, da jedyn z pódlastojacych služownikow Jězusej plistu prajo: Tak wotmołwješ wyššemu měšnikej?

23. Jězus jemu wotmołwi: Sym-li złě rěčał, daj swědčenje wo złym; sym-li pak prawje, čohodla mje biješ?

24. (Annas pak bě jeho zwjazaneho poslal k wyššemu měšnikoj Kaifasej.)

Mat. 26, 57; Mark. 14, 53; Luk. 22, 54.

25. Syman Pětr pak (tam) stoješe a wohrěwaše so. Tuž rjeknychu jemu: Njejsy tež ty z jeho wučownikow? Wón zapře a rjekny: Njejsym. Mat. 26, 69;

Mark. 14, 67; Luk. 22, 56.

26. Jemu praji jedyn z wotročkow wyššeho měšnika, při wuzny toho, kotremuž bě Pětr wucho wotčał: Njejsym ja tebje widzał z nim w zahrodže?

27. Tuž zapře Pětr zaso; a hnydom zapěwa honač.

28. A wjedžeohu Jězusa wot Kaifasa do sudnicy. Běše pak rano; a woni njezastupichu do sudnicy, zo njebychu so znječisćili, ale zo bychy jutrowne jehno jěsć móhli.* Mat. 27, 2; Mark. 15, 1; Luk. 23, 1.

29. Tuž wuńdže Pilatus k nim won a rjekny: Kajku skóržbu njeseće přeciw tomu čłowjekej?

30. Wotmołwichu a rjeknychu jemu: Hdy by tutón zlostnik njebył, njebychmy jeho tebi podali.

31. Tuž rjekny jim Pilatus: Wzmiće wy jeho a sudźće jeho po swojim zakonju. Židža pak rjeknychu jemu: Nam so nje-slušo někoho morić;*

32. Zo by Jězusowe słowo so dopjelnio, kotrež rjekny znamjenje, kajkeje smjerće změje wumrěć. Mat. 20, 19.

33. Tuž zańdže Pilatus znowa do sudnicy, a powoła Jězusa a rjekny jemu: Sy ty kral Židow? Mat. 27, 11; Mark. 15, 2.

34. Jězus wotmołwi: Prajiš to sam wot sebj, abo rjeknychu tebi to druzy wo mni?*

35. Pilatus wotmołwi: Sym ja Žid? Twój lud a wyšši měšnicy su mi tebje podali; što sy činił?

36. Jězus wotmołwi: Moje kralestwo njeje z toho swěta; by-li moje kralestwo z toho swěta było, bychy však moji služownicy wojowali, zo bych Židam podaty njebył; nětko pak moje kralestwo njeje wottudy.

37. Tuž rjekny jemu Pilatus: Tak ty sy kral? Jězus wotmołwi: Ty prajiš, zo

15. Tutón druhi wučownik běše japoštoł Jan, kotryž podobnje husćišo so mjenuje. — 28. Zo bychy Židža na jutrownych woporach a jědžach so wobdžělić móhli, dyrbjachu zakony čisćić być, a tohodla njezastupichu do sudnicy, kotraž bě wobydlenje pohana. — 31. Prawo wot sudžjenja na smjerć měješe po cyłym romskim kejžorstwje jeno kejžor a w jednotliwych džělach jeno jeho naměšnik. Židža po zhubjenju samostatnosće njemějachu hižo prawa, někoho morić. — 34. Jězus tudy so njeprašo, zo by něšto zhonił, ale chce z tym prajić: Ty to sam wot sebj njeprajiš, ale dokelž su to druzy či prajili.

ja sym kral. Ja sym so k tomu narodžil, a k tomu sym na swět přišol, zo bych prawdže swědčenje dal; kóždy, kiž je z prawdy, slyši mój hlós.

38. Pilatus jemu praji: Što je prawda? A hdyž bě to prajił, wuńdže znova k Židam a praji jim: Ja žaneje winy na nim njenamakam.

39. Pola was pak je zwučenje, zo wam na jutry jenoho (jateho) pušću; chceće potajkim, zo wam pušću krala Židow?

Mat. 27, 15; Mark. 15, 6; Luk. 23, 17;

40. Tuž zawolachu wšitecy prajicy: Nic toho, ale Barabbasa. Barabbas pak běše mordaf.

STAW XIX.

Wot Pilata šwikany, wšelako hanjeny a z černjemi krónowany je Jězus k smjerći križowanja žadany. Znova wuprašowany praji Pilatej, zo ma tón jeno wot horjeka móc nad nim. Pilatus wotsudži Jězusa, kotrehož krala Židow mjenuje, z bojose k smjerći. Jězus njese křiž a je mjez mordarjomaj križowany; wot Pilata je na křižu napis stajeny; drasta Jězusowa je mjez wojakow rozdželena, wo suknju so losuje. Jězus poručí mačeri Jana a Janej mačef, a bu napojeny z kisałom, a wšitko dokonjawi zemrě. Złóstkonomaj so kosće zlamachu a z Jězusoweje wotewrjeneje strony krej a woda wučěče; jeho čělo, z rubami wobwite, bu pohrjebane.

Tehdy pak wza Pilatus Jězusa a da jeho šwikać.

Mat. 27, 27; Mark. 15, 16.

2. A wojacy spleťši krónu z černi stajichu (ju) na jeho hłowu, a woblečechu jeho z purpurowym plašćom.

3. A přistupowachu k njemu a prajachu: Budź powitany, kralo Židow; a dawachu jemu plisty.

4. Tuž wuńdže Pilatus zaso won a praji jim: Hlej, wjedu wam jeho won, zo byšće spóznali, zo žaneje winy na nim njenamakam.

5. (Jězus pak wuńdže, njeso černjowu krónu a purpurowy plašć.) A praji jim: Hlej, čłowjek.

6. A hdyž jeho wyšši měšnicy a sluzownicy wuhladachu, zawolachu prajicy: Křižuj, křižuj jeho. Pilatus jim praji: Wzmiće wy jeho a křižujće; přetož ja žaneje winy na nim njenamakam.

7. Židža jemu wotmołwichu: My mamy zakon, a po zakonju dyrbi wumrěć, dokelž sebje syna Božeho sćini.

8. Hdyž pak Pilatus tuto slovo wuslyša, naboja so (hišće) bóle.*

9. A zastupi znova do sudnicy, a rjekny k Jézusej: Zwotkel sy? Jězus pak jemu wotmołwjenja njeda.

10. Tuž rjekny jemu Pilatus: Ze mnu njerěčiš? njewěš, zo mam móc, tebe křižować, a mam móc, tebe pušćić?

11. Jězus wotmołwi: Njeby žaneje mocy měl nade mnu, njeby-li tebi date bylo wot horjeka. Tohodla ma wjetši hrěch tón, kotryž je mje tebi podal.*

12. A wottal pytaše Pilatus jeho pušćić. Židža pak wolachu prajicy: Pušćiš-li toho, njejsy kejžorowy přecel. Přetož kóždy, kotryž so krala čini, přećiwi so kejžorej.

13. Hdyž bě Pilatus tute slova slyšal, přiwjedže Jězusa won a sydny so na sudny stol na měsće, kotrež rěka Lithostrotos, hebrejscy pak Gabbatha.*

14. Běše pak džen přihotowanja k jutram, wokoło šesteje hodžiny,* a praji Židam: Hlej, waš kral.

15. Woni pak wolachu: Preč, preč, křižuj jeho. Pilatus jim praji: Wašeho krala mam křižować? Wyšši měšnicy wotmołwichu: Nimamy krala, khiba kejžora.

XIX. 8. Pilatus bě wo Jězusowej njewinowatosći přesvědčeny, tež jeho mandželska bě jeho napomínala, zo njeby njewinowateho wotsudžil, a tola bě wón Jězusa tak žalostnje rozšiwkać a wusměšć dal; ani z tym Židža so njespokojichu, ale žadachu sebi Jězusowu smjerć. Toho žadanja stróži so Pilatus a boješe so, a nětko slyši k tomu hišće słowo „Syn Boží“ a zrozumi je w pohanskim zmyslu; tuž ma Jězusa za wosebniše stworjenje, dyžli druhich čłowjekow, a tohodla je nětko jeho bojose hišće wjetša. — 11. Pilatus zhrěši wopravdže, njewinowateho na smjerć wotsudzejo, tola čezho hišće zhrěša, kotřiž běchu Jězusa Pilatej přiwjedli a jeho smjerć žadachu. Pilatus zhrěši se slabosće, tamni ze zlosće. — 13. t. j. powyšene, ze wšelako barbitými kamjenjemi wusadžene město, na kotrymž sudny stol stoješe. — 14. t. r. na spočatku 6. hodžiny.

16. Tuż poda jim jeho, zo by křižowany byl. A wzachu Jězusa, a wuwjédzechu jeho.

17. A sebi křiž njeso wuńdže na to městno, kotrež rěka Kalwarija, hebrejscy pak Golgotha, Mat. 27, 33; Mark. 15, 22;

Luk. 23, 33.

18. Hdžež jeho křižowachu, a z nim dweju druheju z wobeju stronow, wosrjedź pak Jězusa.

19. Pilatus pak napisa tež napis, a staji jón na křiž: Běše pak napisane: JĚZUS NAZARETHSKI, KRAL ŽIDOW.

20. Tón napis pak čitachu mnozy ze Židow, dokelž běše městno, hdžež bu Jězus křižowany, blisko města (Jeruzalema). A běše pisany hebrejscy, greksy a laćanscy.*

21. Tuž prajachu k Pilatej wyšši měšnicy Židow: Njepiš: kral Židow; ale zo wón rjekny: Sym kral Židow.

22. Pilatus wotmołwi: Štož sym pisał, sym pisał.

23. Wojacy pak, hdyž běchu jeho křižowali, wzachu jeho drasty, (a sčinihu štyri dźele, za kóždého wojaka dźěl) a suknju. Běše pak suknja nješita, ale wot horjeka z cyleho tkana. Mat. 27, 35;

Mark. 15, 24; Luk. 23, 34.

24. Tuž rjeknychu mjez sobu: Nje-rozrězajmy ju, ale losujmy wo nju, čěja budže; zo by pismo dopjelnjene bylo, kotrež praji: „Moju drastu sebi rozdzělchu, a wo moju suknju mjetachu lós.“ Tuž tež wojacy to sčinihu. Ps. 21, 19.

25. Stojachu pak při křižu Jězusowym

jeho mać a sotra jeho maćerje, Marija Kleofasowa, a Marija Madlena.

26. Jězus pak wuhladawši swoju maćer a wučownika, kotrehož lubowaše, tam stojaceho, praji swojej maćeri: Žónska, hlej twój syn.

27. Potom praji wučownikej: Hlej, twoja mać. A wot teje hodžiny wza ju wučownik k sebi.

28. Potom Jězus wědžo, zo je wšitko dokonjane, zo by pismo so dopjelnilo, rjekny: Mi chce so pić.

29. Sudowjo pak (tu) stoješe polne kisała. A woni hubicu polnu kisała na isopowu sćinu tyknywši, jemu ke rtej podachu.

30. Hdyž pak bě Jězus kisało přijal, rjekny: Dokonjane je; a pokhiliwši hlōwu poda ducha.

31. Židźa pak (dokelž bě džen přihotowanja),* zo bychu ćěla na křižu njewostale na sabaće (přetož to bě wulki sabatowy džen), naprosychu Pilata, zo bychu so jim kosće zlamale, a wone so dele wzale.

32. Tuž přińdźechu wojacy a zlamachu přenjemu kosće a tež druhemu, kotryž bu z nim křižowany.*

33. K Jězusej pak přišedši, jako wuhladachu, zo je hižo mortwy, njezlamachu jeho kosće.

34. Ale jedyn z wojakow wotewri z lebiju jeho stronu, a hnydom wuńdže křej a woda.*

35. A tón, kiž je (to) widzał, je swědčenje dal, a jeho swědčenje je prawe. A wón wě, zo prawdu rěči, zo byšće tež wy wěрили.

20. Zo bychu napis wšitcy rozymili; hebrejsku (aramejsku) rěč rěčeše lud w kraju; laćansku pak naložowaše romska wyřnosć, kotraž w kraju knježeše, a greksku Židźa w druhich krajach, kotřiž běchu do Jeruzalema na swjeden přišli. Napis w troyej rěči, kotrež wot tehdy najznačičich ludow swěta so trjebachu, poznamjenja po měnjenju swjatych wótcow, zo je Jězus za wšitke ludy wumrěł. — 31. Džen přihotowanja je džen před sabatom, potajkim pjatk, a tónle džen přihotowanja bě tež džen před jutrownym swjedenjem; tohož rěka „wulki sabatowy džen“ tak wjele jako wulki swjedenje. — 32. To so sta, zo by jich smjerc wěsta byla; wosebje zlamachu so jim rjebła, zo by z tym žiwjenje, kotrež by móhlo hišće w nich być, wuhlašło. — 34. Jězus pak bě před křižowanjom, přez nócny sud, žwikanje a druhe čwělowanje, njesenje čěžkeho křiža hižo cyłu móc zhubił, tak zo bě smjerc wěsta, a sami wojacy na njej njedwělowachu. Z jeho wotewrjeneje strony čěčeše křej a woda, štož bě nowe znamjo wěsteje smjerće. Swjeći wótcowje widža w tom znamjeni dweju swjateju sakramentow, křećenja a wóltarja.

36. Přetož to je so stalo, zo by pismo dopjelnjene bylo: „Kosće na nim njezlamáce“.*

2. Móžz, 12, 46; 4. Móžz. 9, 12.

37. A zaso druhe pismo praji: „Wuhladaju, koho su překlóli“. Zach. 12, 10.

38. Potom pak poprosy Pilata Józef z Arimatheje (kotryž běše Jězusowy wučownik, ale potajny z bojosće před Židami), zo by Jězusowe ćelo wzać směl. A Pilatus dowoli. Tuž přindže wón, a wza Jězusowe ćelo.

39. Přindže pak tež Nikodemus, kiž bě najprjedy w nocy k Jězusej přišol, a přinjese změšeninu myrrhy a aloweja, na sto puntow.

40. Tuž wzaštaj Jězusowe ćelo, a zawalištaj je do rubow z wonjatymi zelemi, kajkež je zwučenje hrjebanja pola Židow.

41. Běše pak na měsće, hdžež bu křižowany, zahroda, a w zahrodze nowy row, w kotrymž hišće nichto pohrjebany njebu.

42. Tuž tudy dla židowskeho přihotowanja, dokelž bě row blisko, Jézusa položistaj.*

STAW XX.

Marija Madlena přindže najprjedy k rowej, potom Pětr a Jan. Wona při rowje plačicy wuhlada dweju jandželow, skótnje spózna Jézusa, kotryž japoštołam so zjewjacy jim pokoj přeje, a bžusny ranow pokazawši, jim Ducha swjateho wuděli, zo bychy hrěchi wodawali a zděrowali. Znowa zjewi so njewěriwemu Domašej a druhim wučownikam, poda swoje ćelo k dótkenjenju, tych zbžnych prajo, kotřiž su wěřili, byraje jeho njewiděli. Wšitke Jězusowe dšiwj njeju w tutej knizy napisane.

Prěni džen po sabaće* pak přindže Marija Madlena rano, hdyž bě hišće ćma, k rowej a wuhlada kamjeń wotwaleny wot rowa.

Mat. 28, 1; Mark. 16, 1; Luk. 24, 1.

2. A běžeše a přindže k Symanej Pětrej a k druhemu wučownikej, kotrehož Jézus lubowaše, a praji jimaj: Knjeza su z rowa wzali, a njewěmy, hdže jeho položichu.

36. To bě poručene za jutrowne jehnjo, přednamjo Jézusowe. — 42. Blizki swjědšć nješowoli dalje swjatočne pohrjebanje, ani žalbowanje Jézusoweho ćela; to měješe so hakle po swjědženju stać.

XX. 1. t. j. naša njeděla. — 9. Jézus powědaše drje wjacj króć japoštołam wo swojim přichodnym horjewstaću, ale woni jeho słowa hinak zrosymichu.

3. Tuž wuděže Pětr a tón druhi wučownik, a džeštaj k rowej.

4. Běžeštaj pak wobaj nadobo, ale tón druhi wučownik doběža spěšnišo dyžli Pětr, a přindže přěni k rowej.

5. A skhiliwši so wuhlada ruby (tam) položene; tola pak njezastupi.

6. Tuž přindže tež Syman Pětr, jeho scěhowacy, a zastupi do rowa, a wuhlada ruby položene,

7. A rubčk, kotryž bě wokolo jeho hlowy był, nic z rubami položeny, ale wosebje zawaleny na jenom měsće.

8. Tehdy pak zastupi tež tón druhi wučownik, kiž bě přěni k rowej přišol, a wuhlada a wěrješe;

9. Přetož hišće njerozymještaj pismo, zo dyrbješe Jézus wot mortwych wstanyć.*

10. Tuž woteńdžeštaj wučownikaj zaso domoj.

11. Marija pak stoješe při rowje wonka plakajcy. Jako pak plakaše, skhili so a pohlada do rowa.

12. A wuhlada dweju jandželow w bělej drasće sedžaceju, jenoho k hlówam a jenoho k noham, hdžež bě Jézusowe ćelo položene bylo.

13. Taj prajištaj jej: Žónska, što plačeš? Praji jimaj: Mojeho Knjeza su wzali, a njewěm, hdže jeho položichu.

14. Hdyž bě to prajila, wobroći so dozady, a wuhlada Jézusa (tam) stojaceho, a njewědžeše, zo by Jézus byl.

15. Jézus jej praji: Žónska, što plačeš? koho pytaš? Wona měnicy, zo je zahrodnik, praji jemu: Knježe, sy-li jeho ty wotnjesel, praj mi, hdže sy jeho položil, a ja jeho wozmu.

16. Jézus jej praji: Marija. Wobroćiwši so rjekny wona jemu: Rabboni (štož rěka: Mištrje).

17. Jězús jej praji: Njedótkaj so mje; přetož njejsym hišće spěl k swojemu Wótcej; dži pak k mojim bratram, a praj jim: Spěju k swojemu Wótcej a k vašemu Wótcej, k swojemu Bohu a k vašemu Bohu.*

18. Marija Madlena přinǵdže a powědaše wučownikam: Knjeza sym widžala, a to mi rjekny.

19. Hdyž pak bě wječor toho sameho dnja, přenjeho po sabaće, a durje (tam) zamknjene běchu, hdžež japoštołowje z bojosće před Židami so zhromadžichu, přinǵdže Jězús, a stoješe srjedža, a rjekny jim: Pokoj budž z wami.*

Mark. 16, 14;

Luk. 24, 36.

20. A hdyž bě to prajil, pokaza jim rucy a stronu.* Tuž zwjeselichu so wučownicy, Knjeza wuhladawši.

21. A zaso rjekny jim: Pokoj budž z wami; jakož je mje Wótc pólal, tež ja sćelu was.*

22. Hdyž bě to prajil, dychny na nich a rjekny: Wzmiće Ducha swjateho.

23. Kotrymž hrěchi wodaće, tym so wodawaju; a kotrymž je zdžeržicie, (tym) su zdžeržane.*

Mat. 18, 18.

24. Domaš pak, jedyn z dwanaćoch, kiž Didymus rěka, njeběše z nimi, hdyž Jězús přinǵdže.

25. Tuž rjeknychu jemu druzy wučownicy: Knjeza smy widželi. Wón pak jim rjekny: Khiba zo wuhladam na jeho rukomaj bluznu hozdžow, a položu swój porst na město hozdži, a položu swoju ruku do jeho strony, njebudu wěrić.

26. A po wosmich dnjach běchu jeho wučownicy zaso nutřka, a Domaš z nimi.

Jězús přinǵdže při zamknjenych durjach, a stoješe srjedža a rjekny: Pokoj budž z wami.

27. Potom rjekny Domašej: Polož sem swój porst a wuhladaj mojej rucy, a podaj sem swoju ruku, a polož do mojeje strony; a njebudž njewěriwy, ale wěriwy.

28. Domaš wotmolwi a rjekny jemu: Mój Knježe a mój Božo!

29. Jězús jemu rjekny: Dokelž sy mje widžal, Domašo, sy wěril; zbóžni (su), kotřiž njejsu widželi a su wěрили.

30. Mnohe tež druge džiwy je tak Jězús činil před woćomaj swojich wučownikow, kotrež njejsu napisane w tutej knize.

31. Tute pak su napisane, zo byšće wěрили, zo Jězús je Khrystus, Syn Boži, a zo byšće wěriacy žiwjenje měli w jeho mjenje.*

STAW XXI.

Wučownikam, kotřiž ryby loja, da Jězús wulku mnohosć rybow popadnyć. Pětr pak, přez Jana na tomle džiwy Knjeza spóznašli, skoči do morja; a po jědži dósta Pětr, kiž bu třikrát wo lubosć k Khrystusej prašany, poručnosć, zo by jeho wowcy paš; wón je dopominany na přichodne čerpjenje, podarmo pak praša so wo Janowej smjerći. Jězúsowe skutki njejsu wšitke napisane.

Potom zjewi zo Jězús zaso swojim wučownikam při morju Tiberiaskim;* zjewi pak so takle.

2. Běchu zhromadnje Syman Pětr a Domaš, kiž rěka Didymus, a Nathanael, kiž bě z Kany galilejskeje, a Zebedejowaj synaj a druhaj dwaj z jeho wučownikow.

3. Syman Pětr jim rjekny: Du ryby lojić. Prajichu jemu: Tež my pónǵđemy z tobu. A wuǵǵdzechu a stupichu do čolma; a w tej nocy ničo njepopadnychu.

17. Jězús rěči tudy po swojim čłowjestwje, hdyž Boha swojeho a swojich japoštołow Wótcu mjenuje. — 18. Za překrasnjene čělo njeběchu murje a durje zadžěwki, ale tež při zamknjenych durjach stoješe Jězús nadobo před swojimi japoštołami. — 20. t. r. bluzny na rukomaj a w stronje. — 21. Tu samu móc, kotruž je njebjeski Wótc mi k wozboženju čłowjekow dał, dawam tež ja wam. Wótc pósta Syna, Syn sćeľe japoštołow, a tući zaso nastupnikow, a tak přenǵdže poťnomóc po rjedě, kotryž je wot Khrystusa postajeny, hač do kónca swěta na nastupnikow swjatych japoštołow. — 22. Z tutymi słowami postaji Jězús swjaty sakrament pokuty. — 23. Zo byšće wěрили do njeho jako zbóžnika swěta a tudy žiwjenje hnady a w njebjesach wěčne žiwjenje měli.

XXI. 1. Potajkim w Galileji, do kotrejež běchu swjeći japoštołowje po Jězúsowej poručnosći na krótki čas so podali.

4. Hdyž pak bu rano, stoješe Jězus na brjozy; tola wučownicy njespóznachu, zo by Jězus byl.

5. Tuž rjekny jim Jězus: Džěćatka, maće něšto jěsć? Wotmołwichu jemu: Ně.

6. Praji jim: Wućisńće syć na prawu stronu čolma, a namakaće. Tuž wućisnychu (ju), a hižo njemóžachu ju wućahnýć dla mnohosće rybow.

7. Tuž rjekny tón wučownik, kotrehož Jězus lubowaše, k Pětrej: Knjez je. Syman Pětr, hdyž bě slyšal, zo je to Knjez, wopasa so (spódnju) drastu (přetož bě nahi),* a pušći so do morja.

8. Druzy wučownicy pak přińdžechu na čolnje (přetož njeběchu daleko wot kraja, ale na dvě scě łohći) wlečicy syć z rybami.

9. A hdyž stupichu na kraj, wuhladachu žehliwe wuhlo, a rybu nadpołożenu a khlěb.

10. Jězus jim praji: Přińjesće wot rybow, kotrež nětko popadnyšće.

11. Syman Pětr postupi a wućahny syć na kraj, poľnu wulkich rybow, (kotrychž bě) sto a tři a pjećdzesat. A runjež bě jich telko, njeroztorže so syć.

12. Jězus jim praji: Pójće a pojězće. A nihtó z přisydowacych njezwaži sebi jeho so woprašć: Štó ty sy? wědzachu, zo je Knjez.

13. Tuž přińdže Jězus a wza khlěb, a da jim, a tak tež rybu.

14. To bě hižo třeći króć, zo Jězus swojim wučownikam so zjewi, hdyž bě wot mrtwych wstanyl.

15. Hdyž pak běchu powobjedowali, praji Jězus Symanej Pětrej: Symanje Janowy,* lubuješ mje bóle, dyžli či? Praji jemu: Haj, Knježe; ty wěš, zo će lubuju. Praji jemu: Pas moje jehnjata.

16. Praji jemu zaso: Symanje Janowy, lubuješ mje? Džeše jemu: Haj, Knježe; ty wěš, zo će lubuju. Praji jemu: Pas moje jehnjata.

17. Třeći króć jemu praji: Symanje Janowy, lubuješ mje? Pětr so zrudzi, zo Jězus třeći króć rjekny: Lubuješ mje? a rjekny jemu: Knježe, ty wšitko wěš; ty wěš, zo će lubuju. Rjekny jemu: Pas moje wowey.*

18. Zawěрно, zawěрно praju tebi: Hdyž bě mlódsi, wopasowaše so ty a khodžeše, hdžež chcyše; hdyž pak zestariš, wupřestřeš swojej rucy, a druhi će wopasa, a powjedže će, hdžež ty nochceš. 2. Pětr. 1, 14.

19. To pak rjekny woznamjenjejo, z kajkej smjerću wón Boha wokrasni. A hdyž bě to prajił, rjekny jemu: Scěhuj mje.*

20. Pětr so wobroćiwši wuhlada toho wučownika, kotrehož Jězus lubowaše, zo za nim dže, kotryž bě tež při (wonej) wječeri na jeho wutrobnje wotpočował, a prajił: Knježe, štó je, kiž će přeradží?

21. Hdyž pak Pětr toho wuhlada, rjekny Jězusej: Knježe, što pak tutón?

22. Jězus jemu praji: Chcu, zo wón tak wostanje, hač přińdu; što je tebi wo to? ty mje scěhuj.*

23. Tuž wuńdže ta řeč mjez bratrami, zo tón wučownik njewumrje. Jězus pak njerjekny jemu: Wón njewumrje, ale: Chcu, zo tak wostanje, hač přińdu; što je tebi wo to?

24. To je tón wučownik, kotryž swědčenje dawa wo tom a je to napisal; a wěmy, zo je jeho swědčenje prawe.

25. Je pak tež wjele druhich skutkow, kotrež je Jězus činil; a bychuli te wosebje so spisałe, myslu, zo by ani swět sam njemóhl napisajomne knihi wobsahnyć.

7. t. r. bjez suknje, jeno w rybařskej košli. — 15. „Janowy“ je to same kaž Jonasowy; hl. wyše 1, 42. — 17. Z tymile słowami postaji Jězus Pětra jako najwyšeho pastyrja swojeho stadła, kotryž ma kedžbu dawać na wowcy a jehnjata, na pastyrjow a wěriwych, a sčini jeho wjercha swojeje cyrkwy; hlad. Mat. 16, 19. — 19. Scěhuj mje, swojeho Knjeza, w žiwjenju a w smjerći. — 22. Pětr, kiž bě zhonił, kak wumrje, chcyše tež wědžeć, kajka smjerć na Jana, lubowaneho wučownika, čaka; tola Jězus njewotmołwi na jeho prašenje tak jasnje, zo bych Pětr z druhimi japoštołami to zrozumił. Ja chcu, zo by tak wostał, hač ja přińdu, t. r. zo by žiwy byl, doniž jeho njewotwołam přez smjerć.



JAPOŠTOLSKE SKUTKI.

STAW I.

Jěsus slubi japoštołam Ducha swjateho a praji, zo njeje jich wěc, zo bychu zakhowane časy přichodnych podawkow znali; a po jeho donjebjesspěću připowědataj jandželej, zo wón podobnje zaso přidźe. Mjena japoštołow. Pětrowa rěč za powołanje jenoho na Judašowe město, na kotraž bu po modlitwje Matij z losom wuzwoleny.

Přenje słowo* spisach wo wšitkim, o Theofilo, štož Jězus poča činić a wučić,

2. Hač do dnja, na kotrymž bu, dawši japoštołam, kotrychž bě wuzwolil, prikaznje přez Ducha swjateho, horje wzaty;

3. Kotrymž tež po swojim čerpjenju sam žiwy so zjewješe we mnohich dopokazach, přez štyrceci dnjow so jim pokazujo a rozmolwjejo wo Božim kralestwje.

4. A z nimi jědžo přikaza jim, zo bychu z Jeruzalema njewotkhaďzeli, ale čakali na Wótcowe slubjenje, kotraž sće, (praji wón), z mojeho rta slyšeli.*

Luk. 24, 49; Jan. 14, 26; Mat. 3, 11; Mark. 1, 8;
Luk. 3, 16; Jan. 1, 26.

5. Přetož Jan drje je křćil z wodu, wy pak budžeće křćeni z Duchom swjatym po njemnohich tych dnjach.

6. Tuž kotřiž běchu so zešli, prašachu so jeho, prajicy: Knježe, založiš znova w tomle času kralestwo Israel?

7. Wón pak rjekny jim: Njeje waša wěc, zo byšće časy a khwile znali, kotraž je Wótc postajil w swojej mocy;

8. Ale dóstanjeće móc Ducha swjateho, kotryž na was přidźe, a budžeće mi swědkowje w Jeruzalemje a w cylej Judeji a Samariji a hač do kóncow zemje.*

Luk. 24, 48.

9. A hdyž bě to prajil, bu wón, jako woni widžachu, pozběhnjeny; a mróćel wza jeho z jich wočow.

10. A hdyž za nim do njebies spějacy m hladachu, hlej, stoještaj dwaj mužskaj pódla nich w bělych drastach,

11. Kotraž tež praještaj: Mužowje galilejscy, što tu stojíte, do njebies hladajcy? Tón Jězus, kotryž je před wami do njebies wzaty, tak zaso přidźe, jako sće widželi jeho do njebies spěć.

12. Tuž wróćichu so do Jeruzalema z hory, kotraž rěka Wolijowa, kotraž je pódla Jeruzalema, sabatowy puć daloko.*

13. A hdyž běchu (domoj) přišli, podachu so do wječernje,* hdžež přebywachu Pětr a Jan, Jakub a Handrij, Filip a Domaš, Bartolm a Matej, Jakub Alfeowy a Syman Zelotes a Judaš (bratr) Jakubowy.

14. Či wšitcy zwostawachu jednomyslnje w modlitwje ze žónskimi, a z Mariju, Jězusowej maćerju, a jeho bratrami.*

15. W tychle dnjach wstanywši mjez bratrami rjekny Pětr (běše pak črjoda ludźi hromadže wokoło sto a dwaceći):

16. Mužowje, bratřa, pismo dyrbi so dopjelnic, kotraž je Duch swjaty wěščil přez rot Davidowy wo Judašu, kotryž bu wjednik tych, kotřiž Jězusa zajachu.

Ps. 40, 10; Jan. 18, 18.

17. Wón bě sobu mjez nas ličeny, a bě dóstał podźěl tuteje služby.*

18. A tón pak je zaslužil polo ze mzdy swojeje njesprawności, a wobwěsywši so rozpukny so wosjedź, a wukidnychu so wěš jeho črjowa.

I. 1. t. j. ewangelium, kotraž je wot toho sameho spisateľa spisane. — 4. t. j. Duch swjaty ze swojimi hnadami, kotryž měješe widěć na swjatych japoštołow přidź. — 8. Jěsus njewotmołwi japoštołam na jich prašenje, ale praji jeno, zo Duch swjaty na nich přidźe a jich rozsweći; potom spóznaja, zo jeho kralestwo njeje z toho swěta, ale so je duchowne, kotraž budia rozšěrjeć hač do kóncow zemje. — 12. Tak wjele kroćeli, jako zakon Židam na sabaće činić dowoli. — 13. To bě wulka jstwa, ke kotrež wot delaka skhód wjeďeše a hdžež běchu poslednju wječer z Jězusom swjećili. — 14. t. j. bliskimi krejnymi předećemi. — 17. t. j. japoštołskej.

19. A to bu znate wšitkim přebywacym w Jeruzalemje, tak zo to polo rěka w jich rěči: Hakeldama, to je, polo krewje.

20. Přetož pisane je w kniży psalmow: Pusty budź jich přebytk, a nchtó njebudź, štóž by w nim bydlił; a (zaso): jeho biskopstwo njech dóstanje druhi.

Ps. 68, 26; Ps. 108, 8.

21. Tohodla dyrbi z tych mužow, kotřiž běchu z nami zhromadźeni we wšim času, w kotrymž je Knjez Jězus mjez nami nutř a won khodźił,

22. Spočawši wot Janoweje křćeńcy hač do dnja, na kotrymž bu wot nas wzaty, jedyn (tu) z nami swědk jeho horjewstaća być.

23. A postajichu dweju: Józefa, kiž rěkaše Barsabas z přimjenom Sprawny, a Matija.

24. A modlicy so prajachu: Ty, Knježe, kotryž wutroby wšitkich znaješ, pokaz z tuteju dweju jenoho, kotrehož sy wuzwolil,

25. Zo by dóstał město tuteje služby a japoštołstwa, z kotrehož Judaš wotstupi, zo by wotešoł na swoje město.

26. A dachu jimaj losy, a padny lós na Matija, a wón bu přiliceny jednaće japoštołam.

STAW II.

Po přikhadze Ducha swjateho na swjedzenju swjatkow dźiwachu so Židźa, zo japoštołowe we wšelakich rěčach rěča. Tych, kotřiž prajachu, zo su pjeni, wotpokaza Pětr, powołašo so na Joelowe wěšćenje; Židźa činjachu pokutu a po Pětrowej radže wobroćichu so na tři tysacy

k Jězusowej wučbje, a či wostawachu při wučanju japoštołow, łamanju khlěba a modlenju, a mějachu wšitko zhromadnje.

A hdyž dny swjatkow so dopjelnichu, běchu wšitcy w bromadze na tom samym měsće.*

2. A nahle sta so šumjenje z njebjes, jakož přikhadźaceho sylneho wětra, a napjelni cyły dom, hdžež sedźachu;

3. A zjewichu so jim rozdźělene jazyki, kaž woheń, a (tón) posadźi so nad kóždeho z nich.

4. A wšitcy buchu napjelnjeni z Duchom swjatym, a počachu rěčec we wšelakich rěčach, kajkež jim Duch swjaty wurěčec dawaše. Mat. 3, 11; Mark. 1, 8; Luk. 3, 16; Jan. 7, 39; wyše 1, 8; niže 11, 16; 19, 6.

5. Přebywachu pak w Jeruzalemje Židźa, nabožni mužowje z kóždeho naroda, kiž je pod njebjom.*

6. Hdyž pak tónle hlós so sta, zeńdže so mnohosć (ludu), a zadžiwa so, dokelž kóždy slyšeše w swojej rěči jich rěčec.

7. Postróžichu pak so wšitcy, a dźiwachu so prajicy: Hlej, njejsu wšitcy tući, kotřiž rěča, Galilejscy?

8. A kak my slyšimy kóždy našu rěč, w kotrejž smy so narodźili?

9. Partowje a Medowje a Elamitowje, a kotřiž bydlimy w Mesopotamiji, Judeji a Kappadociji, Pontu a Asiji,

10. Frygiji a Pamfyliji, Egiptowskej a krajinach Libije, kotraž je wokoło Cyreny, a Romscy přikhadnicy,

11. Tež Židźa a k židowstwu wobroćeni,* Kretowje a Arabowje, slyšimy jich

II. 1. Sedm tydzenjow po jutrach, na pjedčesatym dnju po tutom swjedzenju, swjećachu Židźa žnjeński swjeden, na kotrymž přěnički wšitkich plodow Bohu woprowachu. Pozdžišo swjećeše so na tom dnju tež wopomnjeće sluba, kotryž bě israelski lud při horje Sinai činił, hdžež bě jemu Bóh přez Mójzesa swój zakon dał. Tónle swjeden měješe tež za křesćanstwo być žnjeński swjeden, na kotrymž Duch swjaty, tónle přez Jězusowu smjerć zezrajeny plód, swjatym japoštołam a druhim wěriwym so wudźeli, a přez založenje přenjeje křesćanskeje wosady takrjec přěnički čłowjestwa Bohu jako wopor so přinjesechu, a tež swjeden sluba, kotryž młodzi křesćenjo Bohu w swjatej křćeńcy činjachu, zo chcedža po křesćanskim zakonju žiwi być. — 5. Židźa, překupski lud, zasydlichu so zahe mjez druhimi ludami, tola přikhadźachu na hlowne swjedenje, jako na jutry, swjatki, k swojej swjatnicy do Jeruzalema. — 11. K židowstwu wobroćeni su tajcy, kotřiž su z pohanstwa k wěrje Židow přistupili; po narodže njeběchu Židźa, ale po wěrje a Božich službach.

rěć w našich rěčach wo wulkich skutkach Božich.

12. Postróžichu pak so wšitcy a dźiwachu so, mjez sobu prajicy: Što pak ma to być?

13. Druzy pak wusměšejcy prajachu: Woni su poľni słódkeho wina.

14. Wstanywši pak Pětr z jědnacimi, pozběže swój hlós a porěča k nim: Mužowje z Judeje a wšitcy, kotřiž bydlíce w Jeruzalemje, to budź wam wědomo, a zapřimńće z wušomaj moje słowa;

15. Tući wšak njejsu, jako wy měničce, pjeni, hdyž je třeća hodžina dnja;*

16. Ale to je, štož bu prajene přez profetu Joela:

17. A budže w poslednich dnjach, praji Knjez: Wulinu ze swojeho Ducha na wšitke mjaso, a wěšćić budža waši synowje a waše džowki, a waši młodźency budža widženja widzieć, a waši starcy změja sony. Is. 44, 3; Joel 2, 28.

18. A tež na swojich služownikow a na swoje služownicy wulinu w tych dnjach ze swojeho Ducha, a budža wěšćić;

19. A pokažu dźiwy na njejbju horjeka, a znamjenja na zemi deleka, krej a woheń, a paru z dymom.*

20. Slóncu přewobroći so do cémnosće, a měsac do krewje, prjedy dyžli přinǵže dzeń Knjeza, wulki a zjawny.

21. A stanje so: štóžkuli budže so wolać k mjenu Knjezowemu, budže zbóžny. Joel 2, 32; Rom. 10, 13.

22. Mužowje israelscy, słyšće tute słowa: Jězusa Nazarethskeho, muža wob-

swědčeneho wot Boha mjez wami z mocami a dźiwami a znamjenjemi, kotrež Bóh přez njeho sćini wosrjedź was, jako tež wy wěšće,

23. Toho po postajenej radže a předwědženju Božim podateho sće přez rucy bjezbóžnych na křiž přibili a morili;

24. Jeho je Bóh zbudził, rozwjazawši porodne bolosće podzemja,* jakož běše njemóžne, zo by wot njeho dźeržany był;*

25. Přetož David praji wo nim:* „Widzjach Knjeza stajnje před swojim wobličom, dokelž je mi na prawicy, zo bych njekhablał. Ps. 15, 8.

26. Tohodla zwjeseli so moja wutroba a pozradowa so mój jazyk, a tež moje ćelo wotpočnje w nadźiji;

27. Přetož njewostajiš moju dušu w podzemju, a njedaš twojemu Swjatemu wohladać tlaća.

28. Znate mi sćini puće žiwjenja, a napjelniš mje z radosću před swojim wobličom.*

29. Mužowje bratřa, njech je dowolene khroble k wam rěć wo patriarchu Davidze, zo je wumřel a je pohrjebany, a jeho row je pola nas hač do džensnišeho dnja. 3. Kr. 2, 10.

30. Hdyž bě potajkim profeta, a wědžeše, zo je jemu Bóh z přisahu přisahał, zo budže jedyn z plodu jeho ledźbow sedžeć na jeho stole,* Ps. 131, 11.

31. Porěča předwidzawši wo horjewstaću Khrystusa, zo ani njebu wostajeny w podzemju, ani jeho ćelo njewohlada tlaća. Ps. 15, 10; niže 13, 35.

15. Po našim času džewjata hodžina dopołdnja; po starym wažnju njejědžeše a njepiješe so před tutej hodžinu. — 19. To počahuje so na sudny dzeń. Profeta Joel zjednoći tu přikhađ Ducha a přikhađ sudnika, dwaj podawkaj, mjez kotrymaj cyrkej k wozboženju čłowjestwa skutkuje, a kóždemu přiležnosć poskićuje, přez wěru do Jězusa sebi wěčnu zbóžnosć dobyć. — 24. Podzemje, kraj smjerće, dyrbješe Jězusa znowa k žiwjenju porodzić. ** Njemóžne bě, zo by w podzemju wostał a wot mrtwych njewstanył. — 25. Zo by s. Pětr swojim posłucharjam dopokazał, zo je njemóžno było, zo by Jězus w smjerći wostał a zo je jeho wot-mrtwych-wstaće w starym zakonju wěšćene, dopomni jich na Davida, kotryž słowa: „zo Swjaty Boží tlaća njewohlada“ na sebje njepočahuje, ale na Messiasa, runje jakož wón w 109. psalmje, hdzež wo knježenju a sedženju na Božej prawicy rěči, tež sebje samoho njeměni, ale Messiasa. We Jězusowym horjewstaću dopjelni so takle jeno profecenje stareho zakonja. — 30. Messias z Davidoweho splaha so narodzi a budže na jeho stole sedžeć, t. r. nad jeho ludom knježić, nic drje ze swětnje, ale z duchownje mocu.

32. Toho Jězusa zbudži Bóh wot mortwych; čohož smy my wšitcy swědkowje.

33. Na prawicy Božej takle powyšeny, a dóstawši slubjenje Ducha swjateho wot Wótca, wuliny toho, kotrehož wy widziće a slyšiće.

34. Přetož David njepostupi do njebyes; tola praji sam: „Prajil je Knjez mojemu Knjezej: Sydń so k mojej prawicy,

35. Hač položu twojich njepřecelow jako podnožk twojeju nohow.“ Ps. 109, 1.

36. Zawěsće tohodla njech wě cyły dom Israel, zo je Bóh jeho sćinil Knjeza a Khrystusa, toho Jězusa, kotrehož sće wy křižowali.

37. Hdyž pak to slyšachu, buchu hnući we wutrobje, a rjeknychu k Pětrej a druhim japoštołam: Što mamy činić, mužowje bratřa?

38. Pětr pak (rjekny) k nim: Činće pokutu, a kóždy z was daj so wukřićić w mjenje Jězusa Khrystusa k wodaću swojich hrěchow, a dóstanjeće dar Ducha swjateho.

39. Přetož wam je slubjenje* so stało a wašim džěćom a wšitkim, kotřiž su zdaleni, kotrychžkuli powoła Knjez naš Bóh.

40. Tež z wjele druhimi słowami wón swědčeše, a napominaše jich prajo: Wumóžće so wot toho zleho splaha.

41. Kotřiž pak přijachu jeho słowo, buchu wukřěćeni; a přiwdachu so na tom dnju wokoło třoch tysacow duši.*

42. Zwostawachu pak we wučbje japoštołow, w zhromadnistwje łamanja khlěba a w modlitwach.*

43. Přińdže pak na kóždu dušu bojósć; tež mnohe dziwy a znamjenja stachu so přez japoštołow w Jeruzalemje; a bojarnosć běše wulka we wšitkich.

44. Wšitcy pak, kotřiž wěryachu, běchu tež w hromadźe, a mějachu wšitko zhromadnje.

45. Wobsedźenstwa a kubla předawachu, a džělachu je mjez wšitkich, za tym hač bě komu trjeba.

46. Wšědnje tež zwostawachu jednomyślnje w templu,* a łamachu po domach khlěb, wužiwachu jědź z radosću a z wutrobnej jednorosću,

47. Boha khwalicy a lubosć mějicy pola wšoho ludu. Knjez pak přiwdawaše kóždy dzeń tych, kotřiž mějachu w hromadźe zbóžni być.*

STAW III.

Pětr z Janom wustrowi wot maćerneho žiwota khromeho a wući, zo staj to činiłoj přez wěru do Khrystusa; tón je Messias, slubjeny wot Móžesa a profetow, haj hižo Abrahamej.

Pětr pak a Jan džěštaj do templa na hodžinu modlitwy, na džewjatu.*

2. A jedyn muž, kiž běše khromy ze žiwota swojeje maćerje, bu přinjeseny; toho sadžachu wšědnje při templowych wrotach, kotrež „krasne“ rěkaju, zo by jałmožnu prosyl wot tych, kotřiž do templa zastupowachu.*

3. Hdyž wón Pětra a Jana wuhlada, kotrajž cheyštaj do templa zastupić, prošěše, zo by jałmožnu dóstał.

4. Pětr pak pohladawši na njeho z Janom, rjekny: Pohladaj na naju.

5. A wón kedźbowaše na njeju, so nadžějo, zo něšto dóstanje wot njeju.

39. Slubjenje wot Boha date a wot profetow wobnowjene wo wumóženju přez Jězusa. — 41. k japoštołam a wěriwym. — 42. t. r. poslušachu na wučbu japoštołow a mějachu džěl na swjatym woporje. — 46. Wěriwi mějachu swoju wosebitu Božu službu, swój wosebity wołtař, z kotrehož, jako s. Pawoł praji, či wužiwać njesmědžachu, kotřiž k židowstwu slušeja. — 47. t. r. ličbu wěriwych.

III. 1. t. j. wokoło třoch popołdnju. Trójcy wob dzeń modlachu so Židźa, dopołdnja wokoło trećeje hodžiny (po našim času w džewječich), připołdnju a popołdnju. — 2. „Krasne“ rěkach wrota, kotrež k ranju k rěcy Cedron wjedźechu, dokelž běchu najkrasniše mjez wonkownymi wrotami, z rjenje wurubanych kamjeni natwarjene, ze zlotom a slěbrom bohaće wudebjena.

6. Pětr pak rjekny: Slěbra a złota nimam; ale štož mam, to tebi dawam: W mjenje Jězusa Khrystusa Nazarethskeho wstań a khodź.

7. A wzawši jeho za prawu ruku, pozběhny jeho. A hnydom buštej posylnjenej jeho stopje a kulki.

8. A poskočiwiši stoješe, a khodžeše; a zastupi z nimaj do templu, khodžo a skakajo a Boha khwalo.

9. A widžeše jeho wšitkón lud khodzaceho a Boha khwalaceho.

10. A póznachu jeho, zo je tón, kotryž jalmožny dla sydaše při krasnych wrotach templu; a buchu napjelnjeni ze spodźiwanjom a strachom nad tym, štož bě so jemu stało.

11. Hdyž pak wón Pětra a Jana so dźeržeše, zběža so wšitkón lud k nimaj do přitwarka, kiž Salomonowy rěka, a spodźiwaše so.

12. Pětr pak to widžo wotmołwješe ludej: Mužowje israelscy, što dźiwaće so nad tym? abo što na naju hladacie, jako bychmoj ze swojej mocu a sylnosću sčiniłoj, zo tónle khodźi?

13. Bóh Abrahama a Bóh Isaaka a Bóh Jakuba, Bóh našich wótcow, wokrasni svojeho Syna Jězusa, kotrehož drje sće wy podali a zapřeli před Pilatom, hdyž tón rozsudźi, zo by jeho pušćił.

14. Wy pak zapřěšće swjateho a sprawného, a žadašće, zo by mordafski čłowjek wam wudaty był; Mat. 27, 10; Mark. 15, 11; Luk. 23, 18; Jan. 18, 40.

15. Dawaćerja žiwjenja pak morišće, kotrehož Bóh z mrtwych zbudźi; čohož smy my swědkowje.

16. A we wěrje do jeho mjena posylni toho, kotrehož wy widźiće a znajeće, jeho mjeno; a wěra, kotraž je přez njeho, da tule dospołnu strowotu před wami wšitkimi.*

17. A nětko, bratřa, wěm, zo z nje-wědomosće tak sčinišće, jako tež waši wjerchowje.

18. Bóh pak, štož je přez rot wšěch profetow wěšćił, zo ma jeho Žalbowany čerpjeć, je tak to dopjelnil.*

19. Tohodla činiće pokutu a wobroćće so, zo bychy waše hrěchi wotewzate byle,

20. Zo přińdu časy wokřewjenja wot wobliča Knjezeweho, a wón pósćeje toho, kotryž je wam připowědźeny był, Jězusa Khrystusa,

21. Kotrehož wšak maju njebjesa přijec hač do časa naprawjenja wšitkich wěcow, wo čimž je Bóh rěčał přez rot swjonych profetow wot spočatka.*

22. Mójzes drje rjekny: „Profetu zbudźi wam Knjez waš Bóh z wašich bratrow, jako mje; jeho změjeće poslušac we wšim, štožkuli budže wam rěčeć.

5. Mójz. 18, 15.

23. A stanje so, zo budže kóždy duša, kotraž by njeposluchała toho profetu, z ludu wukorjenjena.*

24. A wšitecy profetowje wot Samuela a pozdžišo, kotřiž su rěčeli, připowědźichu tute dny.*

25. Wy sće synowje profetow a zwjazka, kotryž Bóh sčini z našimi wótcami, Abrahamej prajo: „A w twójim symjenju budza žohnowane wšitke swójby zemje.“

1. Mójz. 12, 3.

16. Wěra do Jězusa jako Syna Božeho je tónle wulki dźiw dokonjała. — 18. Wšitko, štož je so wot was stało, je Bože wotpohladanja dokonjeć pomhało. — 20. 21. Časy wokřewjenja su časy wěčneje zbóžnosće, kotrež ze sudnym dnjom so započnu. Čas mjez Khrystusowym do-njebjes-spědom a jeho přikhadom k sudej dyrbi wot čłowjekow k zapokućenju jich hrěchow a dobywanju plodow wumóženja so nałožeć, zo bychy tak k časej wokřewjenja so přihotowali. Čas naprawjenja je to same; na sudnym dnju budže wurunana kóždy njerunosć a njesprawnosć, kotraž nětko w swěće je, a swjaty rjad, kiž je před hrěchom knježił, budže zas zawjedźeny w nowym kralestwje. — 23. t. r. wustorčena, wuzamknjena z Božeho kralestwa. — 24. Profetowje pokazuja na nowy zwjask, kotryž ma mjez Bohom a Israelom so stać přez Khrystusa, kiž bě přede wšim k Židam pósłany, přez kotrych mějachy potom wšitke druhe ludy za tónle zwjask, t. r. za Messiasowe kralestwo so dobyć.

26. Wam najprjedy je Bóh, zbudžiwiši svojego Syna, jeho pósłal, was zohnowaceho, zo by kóždy so wobročil wot swojeje zlóscé.

STAW IV.

Japoštołaj po zajeću prašanaj wo wustrowjenju khromeho dopokazujetaj, zo je jeno w Khrystusu jako w róžkownym kamjenju zbóžnosť, a njeposluchataj wyšších měšnikow, kotřiž jimaj přeciwo Božej kazni poručuju, zo byštaj Jězuseweje wučby so wostajiloj. Pušćenaj so modleštaj a dóstaštaj swědčenje Ducha swjateho. Žadyn mjez nimi njeměješe ničo za swoje, ale rozpredawši swoje tworješe zhromadne wobsydnistwo, jako to Barnabas sčini swoje polo předawši.

Jako pak wonaj k ludej rěčeštaj, přińdžechu měšnicy, a předstojnik templa a Sadducejowje,

2. So hněwajcy, zo lud wučitaj a w Jězusu wot-mortwych-wstaće wozjewjataj;

3. A zložichu na njeju rucy, a sadžichu jeju do jastwa hač nazajtra; přetož bě hižo wječor.

4. Mnozy pak z tych, kotřiž běchu słowo slyšeli, wěrjachu; a ličba mužů bu na pjeć tysacow.*

5. Sta pak so nazajtra, zo so zhromadžichu jich wyšši měšnicy a starši a pismawučeni w Jeruzalemje;

6. A Annas wyšši měšnik a Kaifas, a Jan a Alexander, a kotřižkuli běchu z měšniskeho splaha.

7. A postajiwši jeju do srjedza prašachu so: W kajkej mocy abo w kajkim mjenje staj wój to činiloj?

8. Tuž Pětr z Duchom swjatym napjelnyjeny rjekny k nim: Wjefchowje ludu a starši, poslušajće.

9. Jelizo smój džensa sudženaj dla dobroty na khorym čłowjeku, přez kotruž bu wón strowy sčinjeny,

10. Budź znate wam wšitkim, a wšomu ludej israelskemu: W mjenje našeho Knjeza Jězusa Khrystusa Nazarethskeho,

kotrehož sće wy križowali, kotrehož je Bóh wot mortwych zbudžil, přez toho stoji tutón před wami strowy.

11. Tón je kamjeń, wot was twarcow začisnjeny, kotryž bu róžkowny kamjeń sčinjeny; Ps. 117, 22; Is. 28, 16; Mat. 21, 42; Mark. 12, 10; Luk. 20, 17; Rom. 9, 32; 1. Pětr. 2, 7.

12. A njeje w žanym druhim zbóžnosť; přetož druge mjeno njeje pod njebjom čłowjekam date, přez kotřež bychmy móhli zbóžni być.

13. Widžicy pak Pětrowu a Janowu wobstajnosť, a zhoniwši, zo staj njewučejnaj a sprostaj čłowjekaj, džiwachu so, a pónzachu jeju, zo běštaj z Jězusom byloj;*

14. Widžicy tež čłowjeka z nimaj stojaceho, kotryž bě wustrowjeny, njemóžachu ničo napřečiwo prajić.

15. Přikazachu pak, zo byštaj ze zhromadžizny won wušloj, a radžachu mjez sobu,

16. Prajicy: Što sčini my z tutymaj čłowjekomaj? přetož zo wšak je zjawny dži w so stal přez njeju, je znate wšem wobydlerjam Jeruzalema, a njemóžemy to zapřeć.

17. Ale zo by to bóle so njeroznjesło mjez ludom, pohrozmy jimaj, zo byštaj w tom mjenje wjacy njerěčaloj žanomu čłowjekej.

18. A zawola wši jeju wozjewichu, zo byštaj z cyła njerěčaloj, ani njewučiloj w Jězusowym mjenje.

19. Pětr pak a Jan wotmołwjejcy rjeknyštaj k nim: Hač je sprawne před wobličom Božim, zo bychmoj was bóle poslušaloj dyžli Boha, rozsudźće;

20. Přetož njemóžemoj njerěčeć wo tom, štož smój widžaloj a slyšaloj.

21. A woni pohrozyl wši pušćichu jeju, njenamakawši, kak bychu jeju khostali, ludu dla, dokelž wšitcy khwalachu to, štož bě so stało w tom podawku.

IV. 4. To bě přenje, byruje njekrawne přescěhanje mlódeje cyrkwy, kotraž pak runje přez to přiběraše. — 18. Wysoka rada so džiwaše, zo njezdžělany čłowjek sebi zwěri tak dowěrnje rěčeć a tež tak derje, zo jemu njemóžachu ničo wotmołwić.

22. Přetož přez štyrceci lět běše tón čłowjek, na kotrymž bě so tutón dźiw wustrowjenja stal.

23. Pušćenaj pak přindžeštaj k swojim, a powědaštaj jim, štož běchu wyšši měšnicy a starši k nimaj prajili.

24. Hdyž běchu či to slyšeli, pozběhnychu jednomyslnje hlós k Bohu, a rjeknychu: Knježe, ty sy, kiž stwori njebo a zemju, morjo a wšitko, štož je w nich,

25. Kotryž sy w Duchu swjatym přez rot našeho wótca Davida, twojeho wotročka, prajil: „Čohodla wrěskaju pohani a ludy mysla prózdnosće?

26. Pozběhuja so kralojo zemje a wječchowje zhromadžuja so přeciwo Knjezej a přeciwo jeho Žalbowanemu?“ Ps. 21, 1.

27. Přetož woprawdže zhromadźichu so w tomle měsće přeciwo twojemu swjatemu Synej Jézusej, kotrehož sy žalbowal, Herodes a Pontius Pilatus z pohanami a z ludom israelskim,

28. Zo bychu dokonjeli, štož twoja ruka a twoja rada postaji, zo by so stało.

29. A nětko, Knježe, pohladaj na jich hrojenja, a daj svojim služownikam ze wšej dowěru rěćeć twoje słowo,

30. Tak zo by swoju ruku wupřestrěwał k wustrowjenjam, a k činjenju znamjenjow a dźiwow přez mjeno twojeho swjateho Syna Jézusa.

31. A hdyž běchu so modlili, zatřase so městno, w kotrymž běchu zhromadźeni; a wšitecy buchů z Duchom swjatym napjelnjeni, a rěčachu słowo Bože z dowěru.*

32. Mnohosć wěriwych pak běše jena wutroba a jena duša, a žadyn ničů z toho,

štož měješe, njemjenowaše swoje, ale jim běše wšitko zhromadne.*

33. A z wulkej mocu dawachu japoštowje swědčenje wo horjewstaću Jézusa Khrystusa našeho Knjeza; a wulka lubosć běše w nich wšitkich.

34. Přetož žadyn tradacy njeběše mjez nimi; dokelž kotřižkuli mějachu pola abo domy, předawachu je, a přinjesechu plaćiznu za to, štož běchu předali,

35. A zložichu ju k noham japoštow. Wudželeše pak so kóždemu, za tym hač běše komu trjeba.

36. Józef pak, wot japoštow Barnabas přimjenowany (štož so přeložuje: syn pokojenja), levita, z Cypra rodzeny,

37. Dokelž polo měješe, předa je a přinjese pjenjezy, a položi je k noham japoštow.

STAW V.

Ananias a Safira khowataj sebi, rolu předawši, džěl pjenjez, štož pak Pětrej, hdyž so praša přjetaj; tohodla staj na Pětrowe słowo z nahlěj smjerću khostanaj. Přez japoštow, wosebje přez Pětra stawa so wjele dźiwow; do jastwa zawrjeni su wot jandžela wuwjedźeni, a znova zajeci njezwola do toho, zo bychů přědowanje Jézusoweho mjena zanjechali. Šwikani su na Gamalielowu radu pušćeni a zraduja so, zo buchů hódni šwikanja dla Khrystusoweho mjena, kotřiž stajnje wopowěduja.

Jedyn muž pak, z mjenom Ananias, ze Safiru swojej mandželskej předa rolu.

2. A wotkradny (něšto) wot pjenjez za rolu, z wědomjom swojeje žony; a přinjese jedyn džěl a položi jón k noham japoštow.

3. Rjekny pak Pětr: Ananiaso, přeco je djabol spytował twoju wutrobu, zo ty zelha Duchej swjatemu, a wotkradny wot pjenjez za rolu?*

31. Nutrna modlitwa jich posylui a spodźiwnje rozswětli, tak zo wšón strach zhubichu. Zatrásenje domu bě zwonkowne znamjo, zo je Duch z njebieskej mocu jich wuhotował. — 32. Wěriwi mějachu wšitke zamóženje zhromadnje. Časne kubła předawachu a wuwikowane pjenjezy přepodachu japoštołam, kotřiž jednotliwym wudžělachů, za tym hač što potřebowaše; tak nječerpješe žadyn mjez nimi nuzy.

V. 3. Ananias džěl wuwikowanych pjenjez sebi khowajo wobkradny křesćansku wosadu, dokelž hač runje njebě swoje cyłe zamóženje ji přepodał, tola žadaše, zo by wot njeje dóstawał, štož bě jemu trjeba.

4. Njewostawaše tebi, hdyž twoje wosta, a njeběše jako předate w twojej mocy? Přečo položi do swojeje wutroby tule wěc? Ty njezelha čłowjekam, ale Bohu.*

5. Tute słowa słyšawši padže Ananias a wudychny. A přińdže wulka bojose na wšitkich, kotřiž to słyšachu.

6. Młodźency pak wstanywši wzachu jeho, a wunjesshi pohrjebachu jeho.

7. Sta pak so po času něhdže třoch hodžin, zo tež zastupi jeho mandželska, njewědźicy, što bě so stalo.*

8. Pětr pak jej rjekny: Powěž mi, žónska, staj-li za telko rolu předaloj? A wona rjekny: Haj, za telko.

9. Pětr pak k nej: Što staj so zrěčaloj, zo byštaj spytowaloj Knjezoweho Ducha? Hlej, nohi tych, kotřiž twojeho muža pohrjebachu, su před durjemi, a wunjese tebe.

10. A hnydom padže k jeho nohomaj a wudychny. Młodźency pak zastupiwiši nadeńdžechu ju mortwu a wunjesshi pohrjebachu ju pódla jeje muža.

11. A přińdže wulki strach na cyłu cyrkej a na wšěch, kotřiž to słyšachu.

12. Přez rucy japoštołow pak stachu so mnohe znamjenja a džiwy w ludže. A woni bywachu wšitecy jednomyslnje w Salomonowym přitwarku.*

13. Z druhich pak njewěrješe sebi žadyn k nim so přiwdać; tola lud jich khwaleše.*

14. Bóle pak přiběraše mnohosć do Knjeza wěrjacych mužů a žonow,

15. Tak zo na dróhi wunošowachu khorych, a na loža a nosydlu kładžechu, zo by, hdyž by Pětr přišoł, znajmjeńša

jeho scěń někoho z nich wobscěnił, a woni wumóženi byli wot swojich khorości.*

16. Přiřadžeše pak tež mnohosć ze susodnych městow do Jeruzalema, přinošejo khorych a wot nječistych duchow čwělowanych, kotřiž buchu wšitecy wustrowjeni.

17. Tuž wstany wyšši měšnik, a wšitecy, kotřiž běchu z nim, mjenujcy sekta Sadducejow, buchu napjelnjeni ze zawisću.

18. A zložichu rucy na japoštołow, a sadžichu jich do zjawneho jastwa.

19. Ale Knjezowy jandžel wotewri w nocy jastwowe durje, wuwjedže jich a rjekny:

20. Džiće a wustupiwiši rěčće k ludje w templu wšitke słowa toho žiwjenja.*

21. To wusłyšawši zastupichu ze switanjom do templu a wučachu. Hdyž pak wyšši měšnik přińdže a kotřiž běchu z nim, powołachu radu a wšitkich starších džěći israelskich; a posłachu do jastwa, zo bychu přiwjedzeni byli.

22. Hdyž pak služownicy přińdžechu, a jastwo wotewriwiši jich njenadeńdžechu, wróćichu so a powědachu,

23. Prajicy: Jastwo drje nadeńdžechmy zamknjene ze wšej pilnosću, a stražnikow stojacych před durjemi; ale wotewriwiši nikoho nutřka njenadeńdžechmy.

24. Jako pak tempłowy předstojnik a wyšši měšnicy te rěče słyšachu, njewědžachu wo nich, što by so stalo.

25. Přińdže pak něchtó a wozjewi jim: Hlej mužowje, kotrychž do jastwa sadžišće, stoja w templu a wuča lud.

4. Ananias njeměješe winowatosć, zo by swoje polo předał a tež nic, zo by dóstate pjenjezy japoštołam wotedał; woboje činješe wón swobodnje, ale nic wěrnosćiwyje, a dokelž prawdu njerěčeše, bu khostany. — 7. Safira njebě wołana, ale přińdže sama, snadž zo by za svojim mužom hladała abo zo by so modliła. — 12. Wokoło templu běchu přitwarki, w kotrychž wosebje zakonjawučerjo a měšnicy přebywachu a Boží zakon ludje wukładowachu. W přitwarku, kiž Salomonowy rěkaše, přebywaše Jězus rad a tohodla zhromadžeja so w nim tež japoštołowje a křesćanska wosada. — 18. Druzy: to su, kotřiž do Jězusa njewěrjachu a tohodla tež z japoštołami njedžeržachu. — 15. Swjaty Pětr, wječeh japoštołow a naměstnik Khrystusowy, bě z wosebitej mocu skutkowanja džiwow wuhotowany a měješe tajku dowěru, zo ludžo tež wot jeho scěnja pomoc wočakowachu. — 20. Słowa žiwjenja su wěrnosće ewangelia, kotrež k žiwjenju wjedu.

26. Tuž woteńdže tam předstojnik templa ze služownikami, a přiwjedže jich bjez mocowanja; přetož bojachu so ludu, zo bychu kamjenjowani njebyli.

27. A hdyž běchu jich přiwjedli, stajichu jich před radu; a wyšši měšnik woprašá so jich,

28. Prajo: Kruće smy wam prikazali, zo byšće njewučili w tutom mjenje; a hlej, sće napjelnili Jeruzalem ze swojej wučbu, a chceće na nas přinjesć krej tamneho čłowjeka?

29. Wotmolwjejcy pak rjeknychu Pětr a japoštołowje: Słuša so Boha bóle posluhać, dyžli čłowjekow.

30. Bóh našich wótcow je Jězusa zbudził, kotrehož sće wy morili, powěsnywši na drjewje.

31. Toho je Bóh jako knjeza a zbóżnika powyšil ze swojej prawicu, zo by Israelej dał rozkaće a wodaće hrěchow.*

32. A my smy swědkowje tychle słowow, a Duch swjaty, kotrehož je Bóh dał wšěm, kotřiž su jemu poslušni.

33. Hdyž běchu to slyšeli, zlobjachu so a cheychu jich morić.

34. Wstany pak w radže jedyn farisej, z mjenom Gamaliel, wot cyłego ludu čescěny zakonjawučer, a poručí, zo bychu ludźi na khwilku won wuwjedli.

35. A rjekny k nim: Mužowje israelscy, rozmyslće sebi při tutych čłowjekach, što chceće činić.

36. Přetož před tymle časom wstany Theodas prajo, zo je něšto, a k njemu přikhilli so mnohosć na štyri sta muži; a wón bu morjeny, a wšitecy, kotřiž jemu

wěryjachu, buchu rozpjeršeni a k ničomu sčinjeni.*

37. Po nim wstany Judas Galilejski w dnjach zapisowanja, a wobroći lud k sebi; tež wón zahiny, a wšitecy, kotřiž so k njemu přikhillichu, buchu rozpjeršeni.

38. A tuž wam nětko praju: Wotstupće wot tutych čłowjekow, a pušćće jich; přetož je-li tón wotmysl abo tón skutk wot čłowjekow, budže zničeny.

39. Je-li pak wot Boha, njezamóžeće jón zničić, zo njebyšće trjebaj tež jako přeciwnicy Boží namakani byli. Jemu pak přihłosowachu.*

40. A powoławši japoštołow a poškawši jich připowědźichu jim, zo bychu z cyla njerěčeli w mjenje Jězusowym; a pušćichu jich.

41. Woni pak woteńdžechu ze zhromadźizny so zradujcy, zo buchu hódni sčinjeni, hanjenje čerpjeć za Jězusowe mjeno.

42. A njepřestawachu, kóždy dzeń w templu a po domach wučić a Khrystusa Jězusa wopowědować.

STAW VI.

Wuzwolenje sedmi diakonow při wšědnym přiběranju mnohosće wěriwych. Sčěpanowa sylnosť ze znamjenjemi a dziwami; přeciwo njemu zběhaju so mnozy Židźa, a dokelž jeho předobý njemóžachu, prócuja so, zo bychu jeho z falšnymi swědkami zničili.

W tych dnjach pak, hdyž ličba wučownikow přiběraše, nasta morkotanje Grekskich přeciwo Hebrejskim, dokelž buchu při wšědnym wudžělenju jich wudowy zanjechane.*

31. Židam mějachu woni najprjedy poskićeć plody wumóženja, t. j. wujednanje z Bohom, spušćenje hrěchow, a potom hakle pohanskim ludam. — 36. Gamaliel, sławny zakonjawučer (hl. jap. sk. 22, 3), chcyše wysoku radu pohnuć, zo by japoštołow pušćila, a dopomni jich na dwaj zběžkaj, kotraž běštaj něšto lět prjedy nastaloj, ale samaj zas přestaloj, ani zo by wysoka rada jeju potłóčić a zběžkarjow přescěhować trjeba měla. Tak snadź zhubja tež japoštołowje swoju nahladnosť pola ludu, jelizo ze samsneje mocy wustupuja. — 39. Zda so, jako by Gamaliel wěrił, zo japoštołowje z Božej poručnosće wuča a tohodla wysokej radže wotradžal, jich přescěhać, dokelž by z tym Bohu so přeciwiła.

VI. 1. Grekscy, to su wěriwi, kotřiž běchu z pohanstwa k cyrkwi přistupili, wobćežowachu so, zo jich wudowy při wudžělenju jałmožny mjenje dóstawaju, dyžli hebrejske abo židowske.

2. Tuž powołachu ěi dwanaćo mnohosć wučownikow, a rjeknychu: Njehodži so, zo bychmy my slowo Bože wopušćeli a blidam služili.*

3. Tohodla wubjeće, bratřa, ze sebje sedm mužow dobrego swědćenja, polnych Duchu swjateho a mudrosće, kotrychž postajimy na tuto wobstaranje.

4. My pak wostanjemy pilni w modlenju a w službjě slowa.*

5. A ta řeč zespodoba so wšej mnohosći. A wuzwolichu Šćěpana, muža polneho wěry a Duchu swjateho, a Filipa a Prochora, a Nikanora a Timona, a Parmena a Miklawša, přihadnika Antiochiskeho.*

6. Tych stajichu před japoštołow, a pomodliwši so kładžechu rucy na nich.

7. A Knjezowe slowo rosćeće, a ličba wučownikow w Jeruzalemje rozmnoži so mćenje; tež wulka črjoda měšnikow bu wěrje poslušna.

8. Šćěpan pak, polny hnady a mocy, činješe džiwy a wulke znamjenja w ludže.

9. Zběhnychu pak so někotři ze synagogi, kotraž rěka Libertinskich a Cyrenskich a Alexandrijskich, a tych, kotřiž běchu z Cilicije a Asije, a wurěčowachu so ze Šćěpanom.*

10. A njemóžachu so sprěc mudrosći a Duchej, kotryž (z njeho) rěčeše.

11. Tuž namołwichu mužow, zo bychu

prajili, kak su jeho slyšeli hanjace slowa rěčec přećiwo Mójzesej a přećiwo Bohu.

12. Tak našćuwachu lud, a staršich a pismawučnych; a pristupiwši hrabnychu jeho, a přiwjedžechu jeho do rady.

13. A postajichu falšnych swědkow, kotřiž prajachu: Tón čłowjek njepřestawa rěčec slowa přećiwo swjatemu městu a zakonu.

14. Přetož smy jeho slyšeli prajić: Jězus tón Nazarethski zapuści tuto město a přeměni postajenja, kotrež je nam Mójzes podał.*

15. A hladajcy na njeho widžachu wšitcy, kotřiž w radže sedžachu, jeho wobličo jako wobličo jandžela.

STAW VII.

Šćěpan, hdyž bu jemu dowolnosć k wotmołwjenju data, rěči wjele wo zwjazku Božim z Abrahamom a jeho potomnikami, wo Mójzesu a wučehnjenju džěci israelskich z Egiptowskeje, wo stanje sluba a wo templu wot Salomona natwarjenym, Židam porokuje, zo su woni a jich wótcowje so Duchej swjatemu stajnje spječowali. Hdyž pak praji, zo Jězusa widži na prawicy Božej, bu kamjenjowany. Swědcy wotpoložichu swoju drastu k nohomaj Saula, Šćěpan pak modli so za kamjenjowarjow.

Rjekny pak wyšši měšnik: Je-li tomu tak?

2. A wón rjekny: Mužowje, bratřa a wótcy, poslušajće! Bóh krasnosće zjewi so našemu wótcěj Abrahamej, hdyž běše w Mesopotamiji, prjedy dyžli bydleše w Charanje,*

2. Japoštołowje běchu dotal jałmožnu sami rozdžěleli; hdyž pak wěriwi přiběrachu, njemóžachu wučenje a rjadowanje zamóženja sami dokonjeć, tohodla přewostajichu mjenje wažnu, poslednju wěc druhim mužam. — 4. t. r. my wobstaramy Bože služby a křesćansku wučbu. — 5. Tući mužowje rěkachu diakonowje, t. j. služownicy, dokelž ze zastaranjom a rozdžělenjom zamóženja cyrkwi služachu, tola tež biskopam a měšnikam při Božich službach. — 9. W Jeruzalemje bě wjele synagogow, t. r. městow, na kotrychž Židža k modlenju a slyšenju slowa Božeho so zhromadžachu; tež japoštołowje tu přihadžachu, zo bychu druhich wo křesćanstwje rozwučeli. Tudy mjenowane synagogi wopytowachu so wot Židow, kotřiž běchu mjez pohanami, wosebje mjez Grekskimi rozpjeršeni. Mnozy z tutech a runje najlěpši mjez nimi přistupichu křesćanstwjej, tež Šćěpan. To pohnu druhich, zo přećiwo tak spěšnje so rozšěrjacemu křesćanstwjej wustupichu a židowsku wyšnosć k jeho potłóčenju na pomoc wolachu; wosebje roznmjerdjeni běchu přećiwo Šćěpanej, kotryž prjedy k nim slušeše. — 14. Jězus drje bě zapušćenje Jeruzalema wěšćil, nic pak, zo je sam zapuści.

VII. 2. Swjaty Šćěpan pokazuje we dlějšej rěči, kak bu Israel we wšitkich časach wot Boha spodziwnje wjedzeny jako jeho wuzwoleny lud, tak wosebje w Abrahamowym a Mójzesowym času a tež w času profetow. Israel pak je wot Boha jemu poskićowane spomóženje zacpěwał, Mójzesej a profetam so přećiwił, haj měru svojich zlósti dopjelnil, hdyž Jězusa Sprawného mori. Tale řeč, kotraž njebu cyle dokonjana, rozžłobi Židow tak, zo Šćěpana kamjenjowachu. Šćěpan praji přítomnym „bratřa“, dokelž běchu to po rodže, a „wótcy“, slowo, kotrež so počahuje na wyšších měšnikow a sobustawy wysokeje rady.

3. A rjekny k njemu: „Wuńdź ze swojeho kraja a ze swojeho přećelstwa, a pój do kraja, kotryž tebi pokažu.“

1. Mójz. 12, 1.

4. Tuž wuńdže z kraja Chaldejских, a bydleše w Charanje. A wottudy, hdyž bě jeho nan wumřel, přesadzi jeho do toho kraja, w kotrymž wy nětko bydlíce.

5. A njeda jemu herbstwa w nim, ani kročeje nohi; tola bě slubił, zo jemu jón da na wobsydnjenje a po nim jeho symjenju, hdyž [hišće] syna njeměješe.*

6. Praji pak jemu Bóh: „Zo budže jeho symjo jako přikhadnik w cuzym kraju, a zo jich do služenja zestorča a jich česnić budža přez štyri sta lět.“

7. A narod, kotremuž budža sluzić, budu ja sudzić, rjekny Knjez; a potom wuńdu a budža mi sluzić na tomle měsće.“

1. Mójz. 15, 13.

8. A da jim zwjazzk wobřezanja. 1. Mójz. 17, 10. A tak splodzi Isaaka a wobřeza jeho na wosmym dnju; a Isaak [splodzi] Jakuba, a Jakub dwanaće patriarchow.

1. Mójz. 25, 26; 29, 32; 35, 22.

9. A patriarchowje, Józefej zawidźawši, předachu jeho do Egiptowskeje. A Bóh běše z nim,

1. Mójz. 37, 28.

10. A wumóži jeho ze wšěch jeho česnosći, a da jemu milosć a mudrosć před Faraonom, egiptowskim kralom, a [tón] postaji jeho jako naměstnika nad Egiptowskeje a nad cyłym svojim domom.

1. Mójz. 41, 37.

11. A hlód přindže na cyłu Egiptowsku a na Kanaansku, a wulke horjo, a naši wótcy njenamakachu jědže.

12. Hdyž pak bě Jakub slyšal, zo je žito w Egiptowskeje, pósła [tam] našich wótcow přeni króc.

1. Mójz. 42, 2.

13. A druhí króc bu Józef wot swojich bratrow spóznaty, a zjewjeny bu Faraonej jeho narod.

1. Mójz. 45, 3.

14. Póslawši pak powola Józef Jakuba swojeho nana, a wšitke swoje přećelstwo z pječ a sedmdšesat dušemi.

15. A Jakub zestupi do Egiptowskeje, a wón [tam] wumře, a naši wótcy.

1. Mójz. 46, 5; 49, 32.

16. A buchu přenjeseni do Sichem, a položeni do rowa, kotryž bě Abraham kupil za plaćiznu w slěbrje wot džěci Hemora, syna Sichemoweho.

1. Mójz. 23, 16; 50, 5; Jos. 24, 32.

17. Hdyž pak so přibliži čas slubjenja, kotrež bě Bóh Abrahamej přizwolil, rozrosće lud a rozmnoži so w Egiptowskeje,

2. Mójz. 1, 7.

18. Hač powstany druhí kral w Egiptowskeje, kotryž Józefa njeznaješe.

19. Tón wobkhadžeše lesciwje z našim narodom a krjudžeše našich wótcow, zo dyrbjachu swoje džěci wusadžeć, tak zo bychu žiwe njewostale.

20. W tom samym času narodzi so Mójzes, a běše Bohu spodobny; wón bu tři měsacy žiwjeny w domje swojeho nana.

2. Mójz. 2, 2; Hebr. 11, 23.

21. Hdyž pak bu wusadženy, zběhny jeho Faraonowa džowka, a zežiwi jeho jako swojeho syna.

22. A Mójzes bu rozwučeny we wšej mudrosći Egiptowskich, a běše mócný we swojich słowach a skutkach.

23. Hdyž pak so jemu dopjelni čas štyrceći lět, zastupi jemu do mysle, zo by wopytał swojich bratrow, synow israelskich.

24. A wuhladawši jenoho křiwdu ćerpjeć, wobaraše jeho a wječěše toho, kiž křiwdu ćerpješe, zabiwši Egiptowčana.

2. Mójz. 2, 12.

25. Měnješe pak, zo bratřa zrozynja, zo chce Bóh přez jeho rucy jim wumóženje podać; ale woni njezrozymichu.*

5. t. r. wón njedosta tu žanoho kraja jako wobsyd, ale jemu bu we jeho potomnistwje cyły kraj slubjeny, a to hižo w času, w kotrymž Abraham syna njeměješe. — 25. Mójzes bě wo swojim powołanju hižo powučeny, a chcyše tež swojemu ludě k wědženju dać, čoho maju wot njeho so nadźijeć, ale lud hišće jeho zadźerženje njezapřija a sebi njewawaše, jeho zakit wotpokazawši, tak zo Mójzes radši njedžakownych wopuści.

26. Nazajtra pak pokaza so jim, hdyž so wadžachu, a jednaše jich w měrje prajo: Mužowje, sće bratřa, přeco jedyn druhemu škodźiće? 2. Mójz. 2, 13.

27. Tón pak, kiž bližšemu křiwdu činješe, wotstorči jeho prajo: Štó postaji će jako knjeza a sudnika nad nami?

28. Chceš snadź ty mje zabić, jako sy wčera zabil Egypťowčana?

29. Mójzes pak čekny na tuto słowo, a bu přikhadnik w kraju Madian, hdžež dweju synow splodži.

30. A hdyž štyrceći lět so miny, zjewi so jemu w pusćinje hory Sinai jandžel w płomjenjowym wohnju keřka.*

2. Mójz. 3, 2.

31. Mójzes pak wuhladawši zadžiwa so nad widženjom; a hdyž přistupowaše, zo by pohladał, sta so Knjezowy hlós k njemu, prajo:

32. „Ja sym Bóh twojich wótcow, Bóh Abrahamowy, Bóh Isaakowy, Bóh Jakubowy.“ A zastróženy njezwěri sebi Mójzes [tam] pohladać.

33. Rjekny pak jemu Knjez: „Zuj so črije z twojeju nohow; přetož město, na kotrymž stojíš, je swjata zemja.

34. Hladajo widžach horjo swójeho ludu, kiž je w Egypťowskej, a wuslyšach jich zdychowanje, a zestupich, zo bych jich wumóhl. A nětko pój, a pósćelu će do Egypťowskej.“

35. Toho Mójzesa, kotrehož zapřechu, prajicy: Štó postaji će jako knjeza a sudnika? toho pósła Bóh jako knjeza a wumóžnika, přez ruku jandžela, kotryž so jemu pokaza w keřku.

36. Tón wuwjedže jich, džiwy a znamjenja činjo w kraju egypťowskim, a w čerwjnym morju, a w pusćinje štyrceći lět.

37. To je tón Mójzes, kotryž synam isřaelskim rjekny: „Profetu zbudži wam Bóh z wašich bratrow, jako mje; toho budžeće posluchać.“* 5. Mójz. 18, 15.

38. Wón je, kotryž bě w zhromadźiznje w pusćinje z jandželom, kiž k njemu rěčeše na horje Sinai, a z našimi wótcami, kotryž dósta słowa žiwjenja, zo by je nam podał.*

2. Mójz. 19, 3.

39. A jemu nočeychu poslušni być naši wótcy; ale wotstorěchu [jeho], a wobroćichu so ze swojimi wutrobami do Egypťowskej,

40. Prajicy k Aaroněj: „Sčiń nam bohows, kotřiž bychy před nami šli; přetož njewěmy, što je so stalo tomu Mójzesej, kotryž nas z egypťowskeho kraja wuwjedže.“ 2. Mójz. 32, 1.

41. A wudžělachu we wonych dnjach ćelca, a woprowachu přibohaj wopor, a wjeselachu so nad džělom swójech rukow.*

42. Ale Bóh so wotwobroći, a poda jich, zo služachu wójsku na njebjesach,* jakož je napisane w knizy profetow: „Sće mi woprowali krwawne wopory a dary štyrceći lět w pusćinje, domje isřaelski?“

Amos 5, 25.

43. „Haj přiwzali sće stan Molochowy a hwězdu swójeho boha Remfam, wobrazy, kotrež wudželašće, zo byšće so k nim modlili; a wotwedu was za Babylon.“*

Amos 5, 26.

30. Jandžel, to je Knjez sam pod podobu jandžela. — 37. hladaj 3, 24. — 38. Mójzes bě w pusćinje srjedźičej mjez „jandželom“ t. j. Bohom a zhromadźiznu abo ludom Isřael, kiž bě předznamjo křesćanskeje cyrkwy. Słowa žiwjenja, kotrež Mójzes na horje Sinai dósta, su zakon Boží, džesać kaznje, kotrež kóždeho k žiwjenju wjedu, kotryž je swěrnje wobkedžbuje. — 41. Tak nje-dzakowni běchu naši wótcy za spodźiwnu wumóžnenje, a runje tak — chce Šćěpan prajić — tež nětko wy. — 42. Bóh jich wopuši a tak padžechu hišće do hóršeho přibóžstwa, hwězdam so modlicy a woprucy. — 43. Moloch a Remfam staj mjenje hwězdoweju přibohow, kotrejuž wobrazy Isřaelitowje mějachu a sobu nošachu, zo bychy so k nim modlili. Wobaj přibohaj plačestaj za tak suroweju, zo móžestaj so jeno z woporami čłowjekow wujednać. Za takje čězke přehřešenja zaslužichu sebi Židža Bože khostanja, kaž tež pozdžišo na nich přindžechu, hdyž buch do Babylonskeho zajeća wotwudženi.

44. Stan swědčenja běše z našimi wótcamy w pusćinje, jakož bě to Bóh jim poručil, řečo k Mójzesej, zo by jón sčinił po podobje, kotruž bě widzał.*

2. Mójz. 25, 40.

45. A tón tež přinjesechu naši wótcy, hdyž [jón] přewzachu, z Josueom do wobsydnosće pohanow,* kotrychž Bóh wuhna před wobličom našich wótcow, hač do dnjow Davida,

Jos. 3, 14; Hebr. 8, 9.

46. Kotryž miłosć namaka před Bohom a wuprosy, zo by wupytał přebyt看 Bohu Jakubowemu.

1. Kral. 16, 13; Ps. 131, 5.

47. Salomon pak natwari jemu dom.

3. Kral. 6, 1.

48. Ale Najwyšši njebydli w domach z ruku twarjenych, jakož profeta praji:

49. „Njehjo je mój stoł, zemja pak podnožk mojeju nohow. Kajki dom natwariš mi? praji Knjez, abo kotre je město mojeho wotpočnenja?

50. Njeje moja ruka to wšitko sčiniła?“

Is. 66, 1.

51. Twjerdeje šije, a njewobřezanych wutrobow a wušow! wy stajnje so přećiwice Duchej swjatemu; jako waši wótcy, tak tež wy.*

52. Kotreho z profetow njepřescěhachu waši wótcy? Haj zabichu tych, kotřiž wozjewjachu přikhad Sprawneho, kotrehož přeradnicy a mordarjo wy nětko bušće;

53. Kotřiž sće zakoní dóstali přez naprawjenje jandželow, a njejsće jón wokedžbowali.

54. Slyšicy pak to, rozzlobichu so w swojich wutrobach, a křipjachu ze zubami na njeho.

55. Wón pak, polny Ducha swjateho, pohlada k njejbju, wuhlada krasnosć Božu a Jézusa stojaceho na prawicy Božej; a rjekny: Hlej, widžu njejbjesa wotewrjene a Syna čłowjeka stojaceho na prawicy Božej.

56. Zakřičawši pak z wulkim hłosom, zadžeržowachu swojej wuši, a sčinihu jednomyslnje napad na njeho.

57. A wustorčiwši jeho z mčsta, kamjenjowachu jeho; a swědkowje wotpoložichu swoje drasty k nohomaj młodźenca, kotryž Saul rěkaše.

58. A kamjenjowachu Šćěpana, kiž so modleše a praješe: Knježe Jézuso, wzmi mojeho ducha horje!

59. Poklaknywši pak na kolena, zawoła z wulkim hłosom, prajo: Knježe, njelič jim to za hrěch! A hdyž bě to prajil, wusny w Knjezu. Saul pak přizwoli k jeho smjerći.

STAW VIII.

We přescěhanju rozpjeršeju so wěriwi z wuwzaćom japoštołow, mjez tym zo Saul cyrkej čěsni. Filip wobroći mnohich w Samariji a mjez nimi křtije tež kuzlarja Symana. Wot japoštołow posłanaj wuprosyštaj Pětr a Jan z modlenjom a napolženjom rukow wěriwym Samaritanam Ducha swjateho. Syman pak, kiž chce dar Ducha swjateho z pjenjezami kupić, je wot Pětra kruće khostany. Filip je wot jandžela k eunuchej posłany, a hdyž bě jeho jako wěrbaceho křtiti, bu wot Ducha hrabnjeny a do Azota donjeseny.

Nasta pak na tom dnju wulke přescěhanje w cyrkwi, kotraž bě w Jeruzalemje, a wšitcy rozpjersichu so po krajinach Judeje a Samarije, z wuwzaćom japoštołow.*

2. Pohrjebachu pak Šćěpana bohabojazni mužowje, a počachu wulke žarowanje pře njeho.

44. Stan swědčenja abo stan sluba běše swjatnica džěci Israel, doniž so templ njenatwari. — 45. Wobsydnosć pohanow je slubjeny kraj Kanaan. — 51. Kaž wótcowje, tak spjećujeće so, praji Šćěpan, tež wy Duchej swjatemu a zaspěwace pólów Božich, profetow, haj tak sće samoho Sprawneho, to je, wumóžnika, morili. Tajke zaslužene poroki njemóžachu Židža znjesć, tuž kamjenjowachu Šćěpana.

VIII. 1. Ze Šćěpanowej martrafskej smjerću poča so po dowolnosći židowskeje wysokeje rady přescěhanje křescanskeje wosady w Jeruzalemje; wulki džěl teje sameje wopušći Jeruzalem a rozšěrješe w druhich městach křescansku wučbu, tak zo bu přenje přescěhanje po Božej woli srědk dalšeho rozšěrjenja křescanskeje wěry. Japoštołowje pak wot Ducha swjateho powučeni a posyljeni wostachu w Jeruzalemje.

3. Saul pak zahubješe cyrkej, khodžo do domow; a jimajo mužow a žony podawaše jich do jastwa.*

4. Kotřiž buchu rozpjeršeni, khodžachu nětko wokoło, wozjewjeicy słowo Bože.

5. Filip pak zeńdže do města Samarije a přédowaše jim Khrystusa.

6. Črjódy pak kedźbowachu na to, štož Filip rěčeše, jednomyslnje poslušajcy a džiwy widźicy, kotrež činješe.

7. Přetož z mnohich, kotřiž nječiste duchi mějachu, wukhadžachu wone wołajcy z wulkim hłosom. Tež mnozy wićiwi a khromi buchu wustrowjeni.

8. Tohodla nasta wulke wjeselo w tom měsće.

9. Jedyn muž pak, z mjenom Syman, kiž běše prjedy w měsće kuzlař, zawjedowaše Samariski lud a praji, zo je něšto wulke.*

10. Jeho poslušachu wšitcy, wot najmjenšeho hač do najwjetšeho, prajicy: Tónle je móc Boža, kotraž rěka wulka.

11. Kedźbowachu pak na njeho, dokelž bě dolhi čas ze swojim kuzlanjom jich bludnił.

12. Hdyž pak Filipej wěřjachu, kotryž wo kralestwje Božim přédowaše, buchu w mjenje Jezusa Khrystusa křćeni, mužowje a žony.

13. Tuž tež Syman sam wěřeše; a hdyž bu wukřćeny, dzeržeše so Filipa. Widžo tež znamjenja a wulke džiwy so stać,* zastróži a džiwaše so.

14. Hdyž pak japoštołowje, kotřiž běchu w Jeruzalemje, wuslyšachu, zo je Samarija słowo Bože přijala, poslaču k nim Pětra a Jana.

15. A hdyž běštaj přišloj, modleštaj so za nich, zo bychu dóstali Ducha swjateho;

16. Přetož hišće njebě na žanoho z nich přišoł, ale běchu jeno křćeni w mjenje Knjeza Jezusa.

17. Tuž kladžechu rucy na nich, a woni dóstachu Ducha swjateho.*

18. Hdyž pak Syman wuhlada, zo z napoloženjom japoštolskich rukow Duch swjaty so dawa, poskići jim pjenjezy,*

19. Prajo: Dajće tež mi tu móc, zo by, komužkuli rucy napoložu, dóstał Ducha swjateho. Pětr pak rjekny k njemu:

20. Twoje pjenjezy njech su z tobu na zahubjenje, dokelž sy měnił, zo by dar Boží za pjenjezy so dóstał.

21. Nimaš džěla a dóstatka na tutom słowje; přetož twoja wutroba njeje prawa před Bohom.

22. Čiń tohodla pokutu za tule swoju złość, a proš Boha, zo by snadž tebi so wodał tónle zamysl twojeje wutroby.

23. Přetož widžu, zo sy w žolču hófkosće a w zwjazku njeprawosće.*

24. Wotmołwjejo pak rjekny Syman: Prošće wy za mnje Knjeza, zo by na mnje njepřišlo ničo z toho, štož sće prajili.*

25. A tak wonaj, swědčiwši a słowo Bože rěcawši wrócištaj so do Jeruzalema, a přédowaštaj ewangelium mnohim krajnam Samaritanow.

8. Saul, jako zahorjeny farisej, bě najsurowiši njepřećel křesćanstwa. — 9. Syman bě ze swojim kuzlanjom, to rěka z dziwnymi skutkami, kotrež z djabolskej pomoci dokonješe, wjele ludźi zaslepił, tak zo jeho wučbje wěřjachu a sebi myslachu, zo je we nim wyšša móc. — 18. Hdyž Syman džiwy widžeše, kotrež Filip činješe, a lud Filipej wěřeše a so wot njeho křćić da, žadaše a dósta tež wón křesćansku křćencu; ale jeho wotpohladanje bě při tom tajenske, sebične, štož na r. 18—24 so powěda. — 17. Japoštołaj Pětr a Jan wudžělataj tu swjaty sakrament, kotryž mamy wot sakramenta křćenicy rozeznawać, mjenujcy firmowanje, w kotrymž so křćenym dary Ducha swjateho dawaju. — 18. Syman chcyše sebi z pjenjezami dary Ducha swjateho kupić a z nimi w sebičnym wotmyslenju džiwy skutkować, nic k spomóženju duše, ale k rozšěrjenju swojeje česće. Tajki njekničomny wotmysl khosta swjaty Pětr a hrozy jemu z wěčnym zahubjenjom, jelizo so nje-polěpši a swoje njeprawe zmyslenje njewotpoloži. — 23. t. r. ty sy w swojim zmyslenju skaženy a cyle z hrěšnymi zwjazkami přewzaty. — 24. Tež tuta próstwa njeje prawa, njewukhadža z rozkateje wutroby a ze spóznaća hrěšnosće, ale jeno z bojnosće, zo by Pětrowe kleče so nad nim dopjelniło.

26. Jandžel Knjeza pak rěčeše k Filipej prajo: Wstań a dži k połdnu na puć, kotryž wot Jeruzalema do Gazy wjedže; tón je pustý.*

27. A wstanywši woteńdže. A hlej, aethiopski muž, eunuch,* mócný [zastojnik] aethiopskeje kralowny Kandace, kotryž bě nad wšitke jeje poklady stajeny, bě do Jeruzalema přišol, zo by so modlił;

28. A nawróćeše so, sedžo na swojim wozu, a čitaše profetu Isaiasa.

29. Rjekny pak Duch Filipej: Přistup a přiwďaj so tomu wozej.

30. A přiběžawši wusłyša Filip, zo wón profetu Isaiasa čita, a rjekny: Mysliš, zo rozumiš, štož čitaš?

31. A wón rjekny: Kak to móžu, jelizo mi nihtó njewułoži? a prošeše Filipa, zo by (na wóz) stupił a z nim so sydnył.

32. Městno pisma pak, kotrež čitaše, bě tuto: „Jako wowca k řezanju bu wjedženy, a jako jehnjo bjez zwuka je před řiharjom, tak njewotewri swój rot.

33. W poniženju bu jeho wotsudženje zběhnjene. Štó wupowěda jeho splah? dokelž budže ze zemje wotewzate jeho žiwjenje.“* Is. 53, 7.

34. Wotmołwjejo pak rjekny eunuch Filipej: Prošu će, wo kim praji profeta to? wo sebi abo wo někim druhim?

35. Wotewriwši pak Filip swój rot a počawši wot toho pisma wopowědowaše jemu Jězusa.

36. A jako po puću dale jědžešaj, přindžešaj k jenej wodze; a eunuch džeše: Hlej, woda; što zadžěwa, zo bych wukřěny byl?

37. Filip pak rjekny: Wěřiš-li z cyleje wutroby, smě so stać. A wotmołwjejo rjekny: Wěrju, zo Jězus Khrystus je Syn Boží.

38. A poruči, zo wóz zasta; a wobaj zestupišaj do wody, Filip a eunuch; a wón jeho wukřěi.

39. Hdyž pak bčšaj z wody wustupiloj, hrabny Knjezowy Duch Filipa, a eunuch jeho wjacý njewohlada.* A jědžeše swój puć, so wjeselo.

40. Filip pak bu namakany w Azoće: a khodžo předowaše evangelium wšëm městam, hač přindže do Caesareje.

STAW IX.

Spodźiwne wobroćenje přescěharja Saula, kotre muž so Knjez zjewi a kotrehož k Ananiasej pōsta; wot tutoho křěny poča w Damasku najhorliwišo wobswědčec, zo je Jězus Žalbowany Knjeza. Wučownicy pak puščihu jeho přez murju, dokelž Židža na njeho žakachu. Barnabas dowjedže jeho do Jeruzalema k japoštołam, wotkelž njepřecelenjow dla do Tarsusa so poda. Pětr wustrowi w Lyddze widiweho Aeneasa a we Joppje zbudži Tabithu.

Saul pak, hišće sapajo za hroženjom a morjenjom Knjezowych wučownikow, přistupi k wyššemu měšnikkej, Gal. 1, 13.

2. A wužada wot njeho listy do Damaska k synagogam, zo by, nadeńdže-li někotrych, mužow abo žony toho puća, zwjazanych přiwjedł do Jeruzalema.*

3. A hdyž běše na puću, sta so, zo so Damaskej přibližowaše; a nagle wobswětli jeho swětło z njehjes. Niže 22, 6:

1. Kor. 15, 8; 2. Kor. 12, 2.

4. A padnywši na zemju wusłyša hlōs, kiž jemu praji: Saulo, Saulo, što mje přescěhaš?

26. Gaza je město, wot Jeruzalema k połdnu ležace. — 27. Eunuch znamjenja tudy wysokeho zastojnika kralowskeho dwora; wón bě, jelizo nie Žid, tola židowski přikhadnik, kotryž je so přibóžstwa wotrjekł a do jenoho Boha wěri, ani zo by Mójzesowy zakon we wšim wobkedžował. Wón bě w Jeruzalemje, w templu wěrneho Boha so modlił. Kandace bě powšitkowne mjeno aethiopskich kralownow. — 38. Njewinowaće a sčerpnje, kaž wowca, čerpi Messias, a w swojim najhlubšim poniženju t. j. w smjerći budže wón powyšeny, a w jeho do-njehjes-spěcu budže jeho žiwjenje ze zemje wzate a tych, kotřiž budža do njeho wěrić a budža z tym jeho splah, budže njeličomna mnohosć. — 39. Nagle a spodźiwne zhubi so Filip eunuchej, zo by wón přez tón dñw we wěrje wobkrućeny byl.

IX. 2. t. r. kotřiž křescansku wěru wuznawaju.

5. A wón rjekny: Štó sy, Knježe? A tutón: Ja sym Jězus, kotrehož ty přesćěhaš; ćežko budže tebi, přećiwo kalakej bić.*

6. A wón třepotajo a postróženy rjekny: Knježe, što chceš, zo bych sćinil?

7. A Knjez k njemu: Wstań a dži do města, a tam budže tebi prajene, što maš činić. Či mužowje pak, kotřiž z nim sobu pućowachu, stojachu zastróženi, hlós drje slyšicy, nikoho pak njewidžicy.

8. Saul pak wstany wot zemje, a woči wotewriwši ničo njewidžeše. Tuž wzachu jeho za rucy, a dowjedžechu jeho do Damaska.

9. A wón běše tu tři dny njewidžacy; a njejědžeše a njepiješe.

10. Běše pak w Damasku jedyn wučownik, z mjenom Ananias; a rjekny k njemu Knjez we widženju: Ananiaso. A wón džeše: Hlej, tu sym, Knježe!

11. A Knjez k njemu: Wstań a dži do wulicy, kotraž rěka Runa, a woprašej so w Judasowym domje za Tarsenskim [mužom] z mjenom Saul; přetož hlej, wón so modli.

12. (A wón je widzał muža z mjenom Ananiasa, kak přistupuje a jemu rucy napoloža, zo by zaso widzał.)*

13. Ananias pak wotmolwi: Knježe, sym wot mnohich wo tom muži slyšal, kak wjele zleho je činil twójim swjatym w Jeruzalemje.

14. A tudy ma móc wot wyšších měšnikow, zo by wšitkich zjimal, kotřiž k twójemu mjenu so wołaju.

15. Rjekny pak k njemu Knjez: Dži, dokelž wón je mi wuzwolene sudowjo,

zo by moje mjeno donjesl před pohanow a kralow, a před synow israelskich.

16. Přetož ja pokažu jemu, kak wjele ma mojeho mjena dla čerpjeć.

17. A Ananias woteńdže, a zastupi do domu; a rucy jemu napoložiwši rjekny: Bratře Saulo, Knjez Jězus, kiž tebi so zjewi na puću, na kotrymž džeše, je mje k tebi poslal, zo by widzał, a napjelnyjen byl z Duchom swjatym.

18. A hnydom spadžechu z jeho wočow kaž lupizny, a wón zaso widžeše; a wstanjwši bu wukřćeny.

19. A jědž k sebi wzawši posylni so. Wosta pak při wučownikach, kotřiž běchu w Damasku, někotre dny.

20. A hnydom předowaše w synagogach Jězusa, zo tón je Syn Boži.

21. Džiwachu pak so wšitcy, kotřiž (jeho) slyšachu, a prajachu: Njeje to tón, kotryž w Jeruzalemje tych zahubi, kotřiž so k tomu mjenu wołachu, a sem na to přińdže, zo by jich zwjazanych dowjedl k wyšším měšnikam?

22. Saul pak mćenješe so přeco bóle, a zmućeše Židow,* kotřiž w Damasku bydlachu, dopokazujo, zo tón je Khrystus.

23. A hdyž bě so wjele dnjow minyło, wuradžichu Židža mjez sobu, zo bychu jeho morili.*

24. Saulej pak buchu zjewjene jich lečenja. Stražowachu pak tež wrota wo dnu a w nocy, zo bychu jeho morili.

2. Kor. 11, 32.

25. A wučownicy wzawši jeho w nocy, spuścichu jeho přes murju, spuścějcy jeho w korbje.

5. Ty njebudžeš so stajnje móc napřećiwjeć mojim napominanjam, kotrež tebi měra nje-
dadža. — 12. Z tymle spomni s. Lukaš, zo je Saul w tom samym wokamiknjenju w duchu widzał,
kak Ananias k njemu zastupuje. — 22. Ze swojej rěčniwosću a ze swojimi dopokazami předoby
Židow, tak zo dyrbjachu k swojej hańbje wuznać, zo Saul prawdu rěči. — 23. Po swojim přnim
swědčenju, kotrež za Khrystusa w Damasku dawaše, poda so Saul do Arabskeje, a wosta tam tři
lěta, zo by dźěleny wot swěta k swojemu japoštolskemu powołanju so přihotował. Jakož druzy
japoštlowje tři lěta ze swojim bóžskim wučerjom wobkhađzachu, a so k rozšěrjenju njebieskich
wěrnosć přihotowachu, tak spózna Pawoł tu w samoće z njeposrědného powučjenja wot Knjeza
Bože zjewjenje, bóžske wěrnosće, kotrež ze rtom a w listach tak jasnje wučěše. Po třoch lětach
přidaje znova do Damaska, a tu sta so, štož so wot rjadka 28. dale powěda.

26. Hdyž pak do Jeruzalema přińdže, spytowaše k wučownikam so přiwdać, a wšitcy bojachu so jeho, njewěricy, zo by wučownik byl.

27. Barnabas pak přijawši jeho, dowjedže jeho k japoštołam,* a wupowěda jim, kak je na puću Knjeza widzał, a zo je k njemu řečal, a kak je w Damasku dowěrnje skutkował w Jězusowym mjenje.

28. A wón běše z nimi, zastupujo a wukhadžejo w Jeruzalemje, a dowěrnje skutkujo w Knjezowym mjenje.

29. Řečeše tež k pohanam, a wurěčowaše so z Grekskimi;* woni pak pytachu jeho morić.

30. Hdyž bratřa to zhonichu, dowjedžeju jeho do Caesareje, a wotpóslachu jeho do Tarsa.

31. Cyrkej pak měješe po wšej Judeji a Galileji a Samariji měr, a přibywaše khodźicy w bojosci Knjeza, a bu rozmnožena z pohnućom Ducha swjateho.*

32. Sta pak so, zo Pětr, jako wšitkich wopytowaše,* přińdže k swjatym, kotřiž w Lyddze bydlachu.**

33. Namaka pak tu jenoho čłowjeka, z mjenom Aneasa, wot wosmi lět we ložu ležaceho, kotryž běše wićiwý.

34. A Pětr rjekny jemu: Aneaso, wustrowja će Knjez Jězus Khrystus; wstań a pósćel sebi! A hnydom wstany.

35. A widžachu jeho wšitcy, kotřiž w Lyddze a Saronje bydlachu; a wobroćichu so ke Knjezej.*

36. We Joppje pak bě jena wučownica, z mjenom Tabitha, štož přeložene rěka Dorkas.* Ta bě poľna dobrych skutkow a jaľmožnow, kotrež dawaše.

37. Sta pak so w tych dnjach, zo skhorjewši wumrě. Hdyž běchu ju wmyli, položichu ju do hornjeje jstwy.

38. Dokelž pak běše Lydda blisko při Joppje, wuslyšachu wučownicy, zo Pětr tam je, póslachu dweju mužow k njemu a prošachu: Njekomdž so přińć hać k nam.

39. Wstanywši pak Pětr woteńdže z nimaj. A hdyž přińdže, dowjedžeju jeho do hornjeje jstwy; a wobstupichu jeho wšitke wudowy, plakajcy a pokazujcy jemu suknje a drasty, kotrež bě jim Dorkas džělała.

40. Wšitkim pak won kazawši poklakny Pětr na kolena a pomodli so; a wobroćiwši so k čělu rjekny: Tabitha, wstań! A wona wotewri swojej woći, a wuhladawši Pětra posydny so.

41. A podawši jej ruku pozběhny ju. A powoławši swjatych a wudowy, předstaji ju žiwu.

42. Znate pak bu to po cylej Joppje, a mnozy wěřachu do Knjeza.

43. A sta so, zo wón wjele dnjow w Joppje wosta pola wěsteho Symana, kožerja.

STAW X.

Po poručnosći jandžela powoła stotnik Kornelius Pětra k sebi, kotryž přez widjenje ruba napominany, zo móža pohani k Cyrkwi so připuścić, k njemu dóńdže. Hdyž pak bě na wšěch, kotřiž na jeho słowo wo Khrystusu posłuchachu, Duch swjaty přišoľ, da jich wukřić.

Běše pak w Caesariji jedyn muž, z mjenom Kornelius, stotnik kohorty, kotraž rěka italska,*

2. Nabožny a bohobojazny ze swojim cyľm domom, kotryž ludej mnohe jaľmožny dawaše, a k Bohu wobstajnje so modleše.*

27. t. r. k Pětrej a Jakubej (hl. Gal. 1, 18). — 29. t. r. ze Židami, kotřiž mjez Grekskimi bydlachu a při wšěľakich swjatočnosćach do Jeruzalema přikhadžachu. — 31. Židža buchu w tom času sami wot Romskich čěsnjeni; tuž wostajichu křěsćanow na pokoj, kotřiž buchu z hnadu Ducha swjateho w duchownym žiwjenju, w dokonjenju dobrych skutkow wobkrućeni, a tak přiběrachu mjez nimi křěsćanske wosady. — 32. Pětr jako najwyšši pastyr wopytowaše jednotliwě wosady. ** Lydda bě město, pjeć mil wot Jeruzalema a dvě mili wot srjedźnokrajneho morja zdalene. — 35. Saron mjenuje so runina při srjedźnokrajnym morju we wokoľnosći města Joppje, kotraž k polnocy wot Lyddy na brjozy morja leži. — 36. t. r. sorna.

X. 1. Wojěrske wotdžělenje ze 600 mužemi rěkaše „kohorta“; wojacy běchu z Italije. — 2. Kornelius bě z pohanstwa k židowskej wučbje přestupiľ.

3. Tón wuhlada we widženju jasnje, wokoło džewjateje hodžiny dnja,* jandžela Božeho, zo k njemu zastupi a jemu praji: Kornelio!

4. A wón na njeho pohladawši, z bojo-sću přewzaty, rjekny: Što je, Knježe? Rjekny pak jemu: Twoje modlitwy a twoje jalmožny pozběhnychu so k wopomnjeću před Bohom.

5. A nětko pósćel muži do Joppy, a powołaj wěsteho Symana, kotryž je přimjenowany Pětr;

6. Tón je na hospodže pola wěsteho Symana, kožerja, kotrehož dom je při morju; tón powě tebi, što maš činić.

7. A hdyž bě so wotsalil jandžel, kotryž k njemu rěčeše, zawoła wón dweju domjaceju a nabožneho wojaka z tych, kotřiž při nim běchu.

8. A jim wšitko rozpowědawši posła jich do Joppy.

9. Nazajtra pak, jako běchu na puću, a k městu so přibližowachu, zeńdže Pětr horje,* zo by so modlił, wokoło šesteje hodžiny.

10. A dokelž měješe hlód, chcyše po-jěsć. Jako pak woni přiřotowachu, bu w duchu wuzběhnjeny.*

11. A widžeše njeboj wotewrjene, a zestupowacu někajku nadobu jako wulki rub, kotryž za štyri róžki z njebja na zemju so pušćeše.

12. A w nim běchu wšitke štyrinohate a lažate zwěřjata zemje a ptaki njebja.*

13. A sta so hlós k njemu: Wstań, Pětrje, zarěz a jěž!

14. Pětr pak džeše: Nanihdy, Knježe! dokelž ženje njejsym ničo njeprawe a nječiste jědl.

15. A hlós zaso druhi króc (rjekny) k njemu: Štož je Bóh wučisćil, njemjenuj ty njeprawe.

16. To pak sta so tři króc; a hnydom bu nadoba zaso do njebja wzata.

17. A jako Pětr při sebi dwělowaše, što by widženje było, kotrež bě widzał: hlej, stojachu mužowje, kotřiž běchu wot Kornelia pósłani, před wrotami, prašejcy so za Symanowym domom.

18. A zawoławši woprašachu so, ma-li Syman, kotryž je přimjenowany Pětr, tudy hospodu.

19. A hdyž Pětr wo widženju přemysleše, rjekny jemu Duch: Hlej, třo mužowje pytaju će.

20. Tuž wstań, zeńdž dele, a dži z nimi bjez rozmyslenja, dokelž ja sym jich posłał.

21. Zešedši pak k mužam rjekny Pětr: Hlej, ja sym, kotrehož pytaće; što je přičina, kotrejež dla sće přišli?

22. A woni rjeknychu: Stotnik Kornelius, sprawny a bohabojazny muž, kiž ma swědčenje wot wšoho židowskeho ludu, dósta napominanje wot swjateho jandžela, zo by će powołał do swjeho domu, a słowa słyšał wot tebe.

23. Tuž dowjedže jich nuř a přija jich do hospody. Na druhi dzeń pak wstanywši woteńdže z nimi, a někotři bratřa z Joppy přewodžachu jeho.

24. A nazajtra přińdže do Caesareje. Kornelius pak wočakowaše jich, zwolał swjich krejnych a blizkich přećelow.

25. A sta so, hdyž Pětr zastupi, přińdže Kornelius jemu napřećiwu a padnywši jemu k nohomaj pomodli so.

26. Ale Pětr zběhny jeho prajo: Wstań! tež ja sam sym čłowjek.

3. To je popołdnju wokoło třoch, hodžina, w kotrejž so Židža modlachu. — 9. t. j. na třechu, kotraž bě w rańšich krajach płona. W židowstwje běchu wěste hodžiny wšědnje k modlenju postajene. Rano a wječor bu w templu woprowane, w třoch, šesćich a džewjećich, t. j. dopołdnja w džewjećich, připołdnju a w třoch so tam modlachu. — 10. t. r. ze swjich wšědných wobstojnosćí k pónaću druhich, wyššich wěcow přenjeseny, kotrež před sobu widžeše, hač runje tu woprawdže njeběchu. Z takimi widženjemi chce Bóh wažne wěrnosće wozjewjeć, kotrež ze wšědnym rozomom so njehodža spónať, abo nic derje. — 12. t. r. takje zwěřjata, kotrež mějachu Židža za nječiste, a kotrež tohodla njewužiwachu.

27. A powědajo z nim zastupi, a na-
deńdže mnohich, kotřiž běchu so zešli;

28. A rjekny k nim: Wy wěsće, kak
wohidne je židowskemu mužej, so towař-
šić a přistupić k wukrajnikej; ale mi je
Bóh pokazal, zo bych žanoho čłowjeka
njemjenował njepraweho abo nječisteho.

29. Tohodla přińdžech bjez přećiwjenja,
jako powołany. Tuž prašam so, z kajkeje
přičiny sće mje powołali?

30. A Kornelius rjekny: Wot štwór-
teho dnja hač k tutej hodźinje modlach
so w swojim domje na džewjatu hodžinu,
a hlej, muž stoješe přede mnou w bělej
drasće, a rjekny:

31. Kornelio, wuslyšana bu twoja mo-
dlitwa, a twoje jaľmožny su wopomnjene
před Bohom.

32. Tuž pósćel do Joppy, a powołaj
Symana, kotryž je přimjenowany Pětr;
wón ma hospodu w domje kožerja Sy-
mana při morju.

33. Tuž pósľach hnydom k tebi, a ty
sćini derje, zo džeš. Tohodla smy nětko
my wšitcy před tobu, zo bychmy slyšeli,
štožkuli je tebi přikazane wot Knjeza.

34. Wotewriwši pak swój rot, rjekny
Pětr: Woprawdže sym zhoniľ, zo Bóh
njehlada na wosobu, 5. Mójs. 10, 17;
2. Par. 19, 7; Job. 34, 19; Mudr. 6, 8; Ekkľ. 35, 15;
Romsk. 2, 11; Gal. 2, 6; Ef. 6, 9; Kol. 3, 25;
1. Pětr. 1, 17.

35. Ale zo je w kóždym narodže, štož
so jeho boji a sprawnosć čini, jemu luby.

36. Slowo pósľa Bóh džěćom israel-
skim, připowědajo pokoj přez Jězusa
Khrystusa (tón je wšitkich Knjez).

37. Wy wěsće, kotre slowo je so stało
po wšej Judeji, a to počawši wot Gali-
leje po křěćency, kotruž je Jan předował:
Luk. 4, 14.

38. Kak je Jězusa z Nazaretha Bóh
žalbowal ze swjatym Duchom a z mocu,
kotryž je wokoľo khodžil dobre činjo a
wustrowjejo wšitkich wot djaboľa wob-
sydnjenych, dokelž běše Bóh z nim.

39. A my smy swědkowje wšoho, štož

je činiľ w krajnje Židow a w Jeruzalemje,
kotrehož morichu na drzewo powěsnywši.

40. Toho Bóh zbudži na třecim dnju
a da, zo bu widomny,

41. Nic wšomu ludej, ale nam swědkam
wot Boha přjedy postajenym; nami, kotřiž
smy z nim jědli a pili, hdyž bě wot
mrtwych wstanyl.

42. A nam přikaza ludej předować a
wobswědčić, zo wón je, kotryž bu wot
Boha postajeny jako sudnik žiwych a
mrtwych.

43. Jemu wšitcy profetowje swědčenje
dawaju, zo wodaće hrěchow dóstanu přez
jeho mjeno wšitcy, kotřiž do njeho wěrja.
Jer. 31, 34; Mich. 7, 18.

44. Hdyž Pětr hišće tute slowa rěčeše,
padže Duch swjaty na wšitkich, kotřiž
slowo slyšachu.

45. A spodźiwachu so wěriwi ze židow-
stwa, kotřiž běchu z Pětrom přišli, zo bu
tež na pohanow hnada Ducha swjateho
wulinjena.

46. Přetož slyšachu jich w rěčach rěčeš
a Boha wuley khwalić.

47. Tuž wotmoľwi Pětr: Móže drje štó
wodu zapowěsć, zo bychu ěi wukřěćeni
njebyli, kotřiž Ducha swjateho dóstachu
jako tež my?

48. A poruči jich wukřěćić w njenje
Knjeza Jězusa Khrystusa. Tuž prošachu
jeho, zo by pola nich wostaľ někotre dny

STAW XI.

Pětr powěda bratram, kotřiž swarjachu, zo je k po-
hanam šoľ, kak je so to stało. K mnohim pře-
ředowanje wučownikow w Antiochiji wobroće-
nym bu Barnabas wot Jeruzalemskeje cyrkwy
pósľany, kotryž tam tež Saula z Tarsa do-
wjedže; z nim poda so do Jeruzalema, zo byž
tam bratram jaľmožnu donjesťoľ za čas hloda-
wot profety Agaby připowědženeho.

Wuslyšachu pak japoštoľowje a bratři
kotřiž běchu w Judeji, zo tež pohan
slowo Bože přijachu.

2. Hdyž pak bě Pětr do Jeruzalema
přišoľ, wurěčowachu so z nim, kotřiž
běchu z wobrězanja,

3. Prajicy: Přeco sy zastupil k nje-wobřezanym mužam a sy z nimi jědl?

4. Započawši pak Pětr powědaše jim po rjedže, prajo:

5. Ja modlach so w měsće Joppe, a widžach widženje we wuzběhnjenju ducha: někajku nadobu zestupowacu, jako wulki rub, kotryž na štyrjoch rózkach z njebja so pušćeše, a přińdže hač ke mni.

6. Na njón pohladawši widžach a pónach štyrinohaki zemje a džiwinu, a wlaki a ptaki njebja.

7. Slyšach pak tež hlós, kiž mi praji: Wstań, Pětrje, zarěž a jěž!

8. Rjeknych pak: Nanihdy, Knježe, dokelž njeprawe a nječiste njeje ženje přišlo do mojeho rta.

9. Wotmołwi pak hlós druhi króc z njebja: Štož je Bóh wučisil, njemjenuj ty njeprawe.

10. To pak sta so tři króc, a wzate bu wšitko zaso do njebja.

11. A hlej, hnydom stojachu tře mužowje w domje, w kotrymž běch, ke mni posłani z Caesareje.

12. Rjekny pak mi Duch, zo bych z nimi šol bjez dwělowanja. Přińdžechu pak ze mnu tež čile šesćo bratra, a zastupichmy do domu (toho) muža.

13. Wupowěda pak nam, kak bě w swojim domje jandžela widzał, kiž stoješe a jemu praješe: Póscel do Joppy, a powołaj Symana, kotryž je přimjenowany Pětr,

14. Kotryž budže tebi słowa řečec, přez kotrež budžeš zbóžny ty, a cyly twój dom.

15. Hdyž pak počach řečec, padže Duch swjaty na nich, jako tež na nas w spočatku.

16. Dopomnich pak so na Knjezowe slovo, kotrež praješe: Jan drje je křčil z wodu, wy pak budžeće křćeni z Duchom swjatym. Mat. 3, 11; Mark. 1, 8; Luk. 3, 16; Jan. 1, 26; wyše 1, 5; niže 18, 4.

17. Hdyž tohodla Bóh jim tu samu hnadu da, jako tež nam, kotřiž smy wěřili do Knjeza Jězusa Khrystusa: što běch ja, zo bych móhl Bohu zwobarać?

18. To wuslyšawši womjelknychu, a khwalachu Boha, prajicy: Tak je Bóh tež pohanam rozkaće dal k žiwjenju.

19. A tak ěi, kotřiž běchu rozpjeršeni přez přescěhanje, kotrež so sta dla Šćěpana, překhodžichu hač do Foenicije a Cypra a Antiochije, k nikomu słowa njeřečicy, khiba k Židam samym.

20. Běchu pak tež někotři z nich mužowje Cypriscy a Cyrenejscy, kotřiž, hdyž do Antiochije přińdžechu, tež ke Grekskim řečachu, připowědujcy Knjeza Jězusa.

21. A Knjezowa ruka běše z nimi, a wulka ličba wěřiwych wobroći so ke Knjezej.

22. Přińdže pak powěsć wo tom k wušomaj cyrkwy, kotraž běše w Jeruzalemje; a posłachu Barnabasa hač do Antiochije.

23. Hdyž wón tam přińdže a hnadu Božu wohlada, zwjeseli so, a napominaše wšěch, zo bychu při wotmyslu wutroby zwostali w Knjezu,

24. Dokelž běše dobry muž a poľny Ducha swjateho a wěry. A přiwdata bu wulka mnohosć Knjezej.

25. Woteńdže pak Barnabas do Tarsa, zo by Saula wupytaľ; a hdyž jeho nadeńdže, dowjedže (jeho) do Antiochije.

26. A přez cyle lěto zeńdžešaj so tu w zhromadžiznje, a wučěštaj wulku mnohosć, tak zo buchu wučownicy najprjedy w Antiochiji křescenjo* mjenowani.

27. W tych dnjach pak přińdžechu z Jeruzalema profetowje do Antiochije.

28. A wstanywši jedyn z nich z mjenom Agabus, woznamjenješe přez ducha, zo budže wulki hlód po wšej zemi, kotryž tež nasta pod Klaudiom.*

XI. 26. t. j. Khrystusowi. — 28. W lěće 45 w 4. lěće knježenja Klaudia běše po cylej Judeji wulki hlód.

29. Wučownicy pak wobzamknychu, za tym hač što měješe, k pomocy poslać bratram w Judeji přebywacym.

30. Štož tež sčinichu, poslawši (to) k starším* přez rucy Barnabasa a Saula.

STAW XII.

Herodes Jakuba moriwši, sadzi Pětra do jastwa, a chcyše jeho po jutrach ludej přepodać, zo by morjeny był; ale mjez tym zo so cyrkej bjez přestaća za njeho modleše, bu wón z pomocu jandžela wuwjedzeny a přihotowa bratram wulku radosć. Po přeslyšenju jastwowych stražnikow pućowaše Herodes do Caesareje, a hdyž bózsku česť, jemu wot luda wopokazanu, njewotpokaza, bu wot jandžela dyrjeny a wumřě wot čerwjow roztočeny.

W tom samym času* zloži kral Herodes** rucy, zo by někotrych z cyrkwy čwělował.

2. Mori pak Jakuba, Janoweho bratra, z mječom.

3. A widžawši, zo je to Židam podobne, da zajec tež Pětra. Běchu pak dny njekisanych khlěbow.

4. A hdyž bě jeho zajał, sadzi jeho do jastwa, přepodawši jeho štyrjom štworicam wojakow k stražowanju, dokelž chcyše jeho po jutrach před lud wuwjesć.*

5. A Pětr bu drje nětko stražowany w jastwje. Modlitwa pak stawaše so bjez přestaća wot zhromadźizny k Bohu za njeho.

6. Hdyž pak chcyše jeho Herodes wuwjesć, w tej nocy spaše Pětr mjez dwěmaj wojakomaj, zwjazany z dwěmaj rječazomaj; a stražnicy před wrotami stražowachu jastwo.

7. A hlej, Knjezowy jandžel přistupi, a swětło zaswětli so w jastwje; a podyriwši Pětra do strony wubudzi jeho prajo: Wstań khětre. A rječazaj spadžeštaj z jeho rukow.

8. Jandžel pak rjekny k njemu: Wo-

pasaj so a wobuj so swoje črije. A wón sčini tak. A rjekny jemu: Wodžej so swój plašć, a sčěhuj mje.

9. A wušešći sčěhowaše jeho, a njewědžeše, zo je woprawdne, štož so stawaše přez jandžela; ale mjenješe, zo widjenje widzi.

10. Přenđžeštaj pak přez přenju straž a přinđžeštaj k železnym wrotam, kotrej do města wjedu, a te wotewrichu so jimaj same wot so. A wušešći přenđžeštaj jemu wulicu, a zdobom wotstupi jandžel wot njeho.

11. A hdyž Pětr k sebi přinđže, rjekny: Nětko woprawdže wěm, zo je Knjez swójo jandžela poslał, a mje wutorhnył z ruki Herodesoweje a ze wšoho wočakowanja židowskeho ludu.*

12. A rozpominawši přinđže k domej Marije, maćerje Jana, kotryž je přimjenowany Mark, hdžež běchu mnozy zhromadzeni a so modlachu.

13. A hdyž bě wo durje předdworu klapał, přistupi služownica z mjenom Rhode, zo by posluchala.

14. A jako Pětrowy hlós pózna, přewjeselosć njewotewri durje, ale nutř doběhnywši wozjewi, zo Pětr stoji před durjemi.

15. A woni rjeknychu k njej: Blazniš. Wona pak wobkrućeše, zo tak je. A woni prajachu: Jeho jandžel to je.

16. Pětr pak njepřestawaše klapać. Hdyž pak wotewrichu, wuhladachu jeho, a džiwachu so.

17. A kiwnywši jim z ruku, zo bychu mjelčeli, powědaše, kak je Knjez jeho z jastwa wuwjedł, a rjekny: Powězće to Jakubej a bratram.* A wušešći wotědźe na druhe město.**

80. t. r. předstojicerjam, měšnikam, kotřiž so tak mjenowachu, dokelž buchu ze starších nzhonjenych mužů wuzwoleni.

XII. 1. t. r. w tom času, hdyž běštaj Barnabas a Saul w Jeruzalemje. ** Tónle Herodes bě wnuk tamneho, kiž při Jězusowym narodźe w Judeji knježeše a džěćatka we Bethlehemje mori da. Jako jeho džěd, tak bu tež wón z pomocu romskich kejžorow kral nad cyłej Judeju. — 4. t. r. zjawnje čwělować a morić dać. — 11. t. r. wšěch Židow, kotřiž na moju smjerć čakachu. — 17. t. j. Jakub młodši, Alfejowy syn, kiž bě biskop Jeruzalemski. ** W tomle času přinđže Pětr přeni króc do Roma. Jeruzalem přesta z tym sydlu najwyšěho pastyrja być.

18. Hdyž pak dzeń bu, běše njemała starosć mjez wojakami, što drje je z Pětrom so stało.

19. Herodes pak, hdyž bě za nim so prašal a jeho njenadešoł, přeslyšawši stražnikow přikaza jich wotwjeseć,* a poda so z Judeje do Caesareje, a přebywaše tam.

20. Běše pak rozhněwany na Tyriških a Sidonskich. Ale woni přindžechu jednomyslnje k njemu, a namolwiši Blasta, kiž běše kralowski komornik, žadachu wo měr, dokelž jich krajiny žiwjachu so wot njeho.*

21. Na postajenym dnju pak sydney so Herodes z kralowskej drastu woblečeny na stoł, a měješe řeč k nim.

22. Lud pak wolaše: Hlós Boží je (to), a nic člowjeći.

23. A zdobom dyri jeho Knjezowy jandžel, dokelž njebě Bohu česć dal; a wot čerwjow roztočeny wumřě.*

24. Slovo Bože pak rosćeše a rozmnožeše so.

25. A Barnabas a Saul wrócištaj so z Jeruzalema, dokonjawsji službu, a wzaštaj sobu Jana, kiž je přimjenowany Mark.

Wyše 11, 29.

STAW XIII.

Wot Ducha swjateho so poručí, zo byštaj Saul a Barnabas za skutk předowanja mjez pohanami so wuzwoliłoj. Dokelž kuzlař Barjesu abo Elymas, kotryž jeju předowanju so napřećiwješe, na słowo Pawoła woslepi, wěri Sergius Pawoł. W Antiochiji w Pisidiji řeči Pawoł wobšěrnišo w synagody wo Khrystusu. Dokelž pak Židza

Boha hanja a přesćěhanje přećiwu nimaj zbudžuja, wobroćištaj so wobaj po wěšćenju Isaiasa k pohanam.

Běchu pak w cyrkwi, kotraž běše w Antiochiji, profetowje a wučerjo,* mjez kotrymiž Barnabas a Syman, kotryž je přimjenowany Niger, a Lucius Cyrenejski a Manahen, kotryž bě ze štwórciwjefchom Herodesom kublany był, a Saul.

2. A hdyž woni Knjezej služachu a so posćachu,* rjekny jim Duch swjaty: Wotdžělcě mi Saula a Barnabasa k džělu, na kotrež sym jeju powolał.

3. Tuž so posćiwši a so modliwši a rucy na njeju položiwši* wotpušćichu jeju.

4. A wonaj nětko pósłanaj wot Ducha swjateho, woteńdžestaj do Seleucije; a wottam wotwjesečstaj so na Cypr.*

5. A hdyž běštaj do Salaminy přišľoj, předowaštaj słowo Bože w židowskich synagogach. Měještaj pak tež Jana we službjě.*

6. A hdyž běštaj cyłu kupu překhodžiloj hač do Pafa, nadeńdžestaj kuzlarja, falšneho profetu, Žida, kiž rěkaše Barjesu,

7. Kotryž běše při naměstniku Sergiu Pawle, rozomnym mužu. Tutón, powolał Barnabasa a Saula, žadaše slyšeć słowo Bože.

8. Přećiwješe pak so jimaj Elymas kuzlař (přeťož tak so jeho mjeno wukladuje) a pytaše, zo by naměstnika wotwobroćil wot wěry.

19. Najskerje k smjerći wotwjeseć, dokelž běchu swoju winowatosć zakomdžili. — 20. Krajiny Foenicije běchu njepłodne, a tohodla dyrbjachu k swojemu zežiwjenju z Palestiny žita kupować; za to pak běchu wobydlerje tamnych krajin překupski lud, a přiwožowachu a předawachu z wulkim wužitkom cuzokrajne twory do Palestiny. To běšej potajkim dvě ważnej přičiny, zo dyrbjachu z Herodesom so wujednać. — 23. Herodesej spodobaje so bóžska khwalba, kotruž jemu lišćiwý lud dawaše, a z tym zhrěši wón čězcy a zasuži Bože khostanje, kotrež bě tak žalostne.

XIII. 1. Mjez wěriwymi běchu někotři, kotřiž mějachu dar spóznaća přichodnosće, a tež tajcy, kotřiž mějachu wosebity dar rozwnučowanja wo wěry. — 2. t. r. Bože služby dokonjachu a z nimi tež posćenje zjednoćichu, tehdy rěčeše Duch swjaty k nim. — 3. t. r. swjećachu jeju jako biskopow a pósłachu jeju, zo byštaj słowo Bože po poručnosći Ducha swjateho předwolałoj. — 4. Cypr, domizna Barnabasa, wulka plódna kupa w srjedźnokrajnym morju, bě tehdy Romskim přišľušna; naměstnik bydleše w měsće Pafos. — 5. Jan Mark, wo kotrymž so 12, 12 a 12, 25 řeči, a kiž je druhe ewangelium pisał, běše jeju diakon.

9. Saul pak, kiž tež Pawoł rěka,* napjelnjeny z Duchom swjatym, pohladawši na njeho,

10. Rjekny: O polny wšeje lesće a wšoho jebanstwa, syno djabola, njepřecelo wšeje sprawnosće, njepřestawaš přewobroćeć prawe puće Knjeza?

11. A hlej, nětko je Knjezowa ruka nad tobu, a budžeš slepy, njewidžo slónco hač do (wěsteho) časa. A hnydom padže na njeho mrokota a éma, a wokoło stupajo pytaše, štó by jemu ruku podal.

12. Tuž wuhladawši, što je so stało, wěrješe naměstnik, zadžiwany nad Knjezowej wučbu.

13. A hdyž Pawoł, a kotřiž z nim běchu, z Pafa so wotwjezechu, přińdžechu do Pergi w Pamfyliji.* Jan pak wot nich so dželiwši, wróci so do Jeruzalema.

14. Wonaj pak přeńdžeštaj Pergu a přińdžeštaj do Antiochije w Pisidiji,* a zastupiwiši na sabatny džen do synagogi sydžeštaj so.

15. Po čitanju zakonja a profetow pak pósłachu předstojnicy synagogi k nimaj, prajicy: Mužej bratraj, mataj-li we sebi słowo napominanja k ludej, rěčtaj.

16. Pawoł pak wstanywši a z ruku kiwnywiši mjelčenja dla, rjekny: Mužowje israelscy, a kotřiž Boha so bojiće,* slyšće!

17. Bóh ludu israelskeho wuzwoli našich wótcow a powyši lud, hdyž běchu přiřadnicy w egiptowskej zemi, a ze sylnym ramjenjom* wuwjedže jich z njeje,

2. Mójz. 1, 1; 13, 21. 22.

18. A přez čas štyrceci lět znjese jich činjenje* w puscínje.

19. A zahubiwši sedm narodow w zemi Chanaan, rozdzěli z losom jich kraj mjez nich,

Jos. 14, 2

20. Po nimale štyri sta a pjećdziesiąt lětach,* a potom da jim sudnikow hač do Samuela profety.

Sud. 3, 9.

21. A na to požadachu krala, a Bóh da jim Saula, Cisoweho syna, muža ze splaha Benjamina, (na) štyrceci lět.

1. Kral. 8, 5; 9, 16; 10, 1.

22. A toho začisnywši, zbudži jim krala Davida, kotremuž swědčenje dawajo rjekny: „Nadeńdžech Davida, syna Jesse, muža po mojej wutrobje, kotryž budže činić wšitku moju wolu.“

1. Kral. 13, 14; 16, 13; Ps. 88, 21.

23. Z jeho symjenja je Bóh wuwjedl po slubjenju Israelej wumóznika Jězusa,

Is. 11, 1.

24. Před kotrehož přiřadom je Jan křćeńcu pokuty předomal wšitkomu israel-skemu ludej. Mat. 3, 1; Mark. 1, 4; Luk. 3, 3.

25. Hdyž pak Jan swój běh dokonja, praješe: Za kotrehož mje maće, tón ja njejsym; ale hlej, dže za mnu, kotremuž wobuće nohow rozwjazać hódnny njejsym.

Mat. 3, 11; Mark. 1, 7; Jan. 1, 27.

26. Mužowje bratra, synowje splaha Abrahamoweho, a kotřiž mjez wami Boha so boja, wam je słowo tuteje zbóžnosće pósłane.

27. Přetož, kotřiž přebywaju w Jeruzalemje a jich wjeřehowje, njepóznawši toho, dopjelnichu tež słowa profetow, kotřiž kóždy sabat so čitaju, wotsudziacy jeho,

28. A žaneje winy smjerće na nim njenamakawši, žadachu wot Pilata, zo bychy jeho morić směli. Mat. 27, 20, 23;

Mark. 15, 13; Luk. 23, 21; Jan. 19, 15.

9. Posledni króc mjenuje so swjaty japoštoľ tu ze swojim židowskim mjenom Saul, wotal pak stajnje z romskim Paulus, Pawoł. Swjeći wótcy praja, zo je tuto mjeno přijal wot romskeho naměstnika Sergia Pawoła, kotrehož za křescánsku cyrkej doby; tola pak je tež móžno, zo je to same pódlá židowskeho wot naroda měl, dokelž jeho staršej mjěštaj prawa romskich krajanow, a tuž daštaj najskerje synej pódlá židowskeho mjena tež romske. — 18. Pamfylija je krajina na asiskim brjozy srjedžneho morja. — 14. Pisidija rěka krajina, wot Pamfylije k pólnocy ležaca. — 16. Swjaty Pawoł rěči tu k Židam a tež k přiřadnikam z pohanstwa, kotrychž mjenuje: kotřiž Boha so bojiće. — 17. t. r. z wulkimi džiwami. — 18. t. r. jich njepočínki, njeposlušnosć. — 20. t. r. wot časa patriarchow hač do časa sudnikow.

29. A hdyž wšitko dokonjachu, štož bě wo nim pisane, wzawši jeho z drjewa položichu jeho do rowa.

30. Bóh pak zbudži jeho wot mortwych na třeci džen; a wón bu widžany přez wjele dnjow wot tych,

31. Kotřiž běchu z nim postupili z Galileje do Jeruzalema, kotřiž su hač do nětka jeho swědkowje před ludom.

32. A my wozjewjamy wam to slubjenje, kotrež je našim wótcam so stalo:

33. Zo je Bóh to same dopjelnil našim synam, zbudžiwiš Jězusa, jakož je tež napisane w druhim psalmje: „Mój Syn sy ty, džensa sym tebje spłodzil.“ Ps. 2, 7.

34. Zo pak je jeho zbudžil wot mortwych, tak zo by so wjacj njewrócił do tlaća, praji takle: „Dam wam swjate (slubjenja) Davidowe, wěrne.“* Is. 55, 3.

35. A tohodla praji tež druhdže: „Njedaš swojemu Swjatemu wohladać tlaća.“ Ps. 15, 10.

36. Přetož David, hdyž bě za swój čas poslužil woli Božej, wusny, a bu položený k swojim wótcam, a wohlada tlaće. 3. Kral. 2, 10.

37. Kotrehož pak Bóh wot mortwych zbudži, njewohlada tlaća.

38. Tuž budž wam wědomo, mužowje bratřa, zo přez toho wam so připowěda wodaće hrěchow, a zo wot wšoho, wot čohož njemóžešće přez Mójzesowy zakon wosprawnjeni być,

39. We tutom kóždy wěřjacy wusprawnjeny bywa.

40. Hladajće tohodla, zo na was njepríndže, štož je prajene w profetach:

Hab. 1, 5.

41. „Hladajće, zacpěwarjo, a dziwajće so, a zahińće! dokelž ja skutkuju skutk we wašich dnjach, skutk, kotryž wěrić njebudžće, hdy by wam něchtó powědał.“

42. Hdyž pak wonaj woteńdžešaj, prošachu (jeju), zo byštaj na přichodny sabat jim tute słowa řečaloj.

43. A hdyž bu synagoga rozpušćena, džěchu mnozy Židža a nabožni přikhadnicy za Pawołom a Barnabasom, kotrajž k nim řečicy jich napominašaj, zo bychu zwostawali w hnadže Božej.

44. Na slědowacy sabat pak zeńdže so nimale cyłe město, zo by słyšalo słowo Bože.

45. Židža pak, črjody wuhladawši, buchu ze zawisću napjelnjeni, a přećiwjachu so tomu, štož bu wot Pawoła prajene, a hanjachu (to).

46. Tuž rjeknyštaj jim Pawoł a Barnabas zjawnje: Wam dyrbješe najprjedy so wopowědować słowo Bože; dokelž pak je začiskaće, a so sudžiće jako njehódni wěčneho žiwjenja, hlej wobročamoj so k pohanam.

47. Přetož tak je nam prikazał Knjez: „Postajil sym tebje za swětło pohanam, zo by (jim) byl k spomóženju hač do kónca zemje.“ Is. 49, 6.

48. Pohani pak, to słyšicy, zradowachu so a khwalachu Knjezowe słowo, a wěřjachu, kelkož běše jich předpostajenych k wěčnemu žiwjenju.

49. Rozsywaše pak so słowo Bože po wšej krajinje.

50. Židža pak našćuwachu nabožne a nahladne žónske, a wosebnych města, a zbudžichu přesěćhanje přećiwo Pawolej a Barnabasej; a wuhnachu jeju ze swojich pomjezow.

51. A wonaj wottrāsnywši proch ze swojeju nohow na nich, príndžeštaj do Ikonja.* Mat. 10, 14; Mark. 6, 11; Luk. 9, 5.

52. Wučownicy pak buchu napjelnjeni z wjesolósću a Duchom swjatym.

34. t. r. dam wam swjate slubjenja, kotrež je David dóstał, wěrne. Davidej pak bu slubjene, zo budže jedyn z jeho potomnikow wěčnje knjezić (ps. 89, 5). Tónle potomnik Davidowy je Jězus, kiž tohodla, dokelž ma wěcnje knjezić, ženje tlaća njewohlada. — 51. Ikonium je město krajiny Lykaonije, kotraž wot Pisidije k ranju so rozšěrja; tež měsće Lystra a Derbe běštej w tutej krajinje (hl. jap. sk. 14, 6).

STAW XIV.

Hdyž mnozy Židźa a pohanu w Ikoniu wěru do Khrystusa přijachu, zbudži so wot Židow zběžk přećiwo Pawołej a Barnabasej, kotraž do Lystry čeknyštaj, hdžež Pawoł khromehe wot maćerneho žiwota wustrowi; lud a měšnikow, kotřiž cheychu jimaj tohodla tak jako boham woprować, lědma změrujetaj. Ale wot Židow, kotřiž tam přindžechu, bu lud našćuwany a Pawoł bu kamjenjowany a za mrtweho ležo wostajeny. Hdyž bě wstanyl, wróćištaj so wón a Barnabas do Antiochije, na wšěch městach wučownikow napominawši a starších postajiwši.

Sta pak so w Ikoniu, zo wobaj do židowskeje synagogi zastupištaj a rěčeštaj, tak zo bu wulka mnohosć Židow a Grekskich wěrjaca.

2. Židźa pak, kotřiž njewěrjacy wostachu, rozhorichu a našćuwachu k hněwej mysle pohanow přećiwo bratram.

3. Přebyštaj pak tu dolhi čas, do wěrnje rěčicy w Kujezu, kotryž swědčeše slowu swojeje miłosće, a dawaše, zo znamjenja a dziwy so stachu přez jeju rucy.

4. Rozdžěli pak so mnohosć města, a tak dzeržachu někotři ze Židami, někotři pak z japoštołomaj.

5. Hdyž pak nawal pohanow a Židow z jich wjerchami nasta, zo bychu jeju wohanili a kamjenjowali:

6. Čeknyštaj to poznawši do městow Lykaonije, do Lystry a Derby, a do cyleje wokołneje krajiny; a tam připowědaštaj ewangelium.

7. A jedyn muž sedžeše w Lystrje, slaby na nozy a khromy wot maćerneho žiwota, kotryž ženje khodžil njebě.

8. Wón slyšeše Pawoła rěčeć. A tón pohlada na njeho, a widžo, zo ma wěru, zo by wustrowjeny był,

9. Rjekny z wulkim hłosom: Postaj so runje na swojej nozy. A wón poskoči a khodžeše.

10. Črjody pak widžawši, štož bě Pawoł sćinil, pozběhnychu swój hlós,

prajicy lykaonscy: Bohaj na čłowjekow podobnaj zestupištaj k nam.

11. A mjenowachu Barnabasa Jupitra, Pawoła pak Merkuria, dokelž tón wjeđeše slovo.*

12. Tež přiwjedže měšnik Jupitra, kotryž běše před městom,* byki a wěncy před wrota, a cheyš z ludom woprować.

13. Jako pak to japoštołaj, Barnabas a Pawoł, wuslyšeštaj, roztoržeštaj swoju drastu, a wuběhnyštaj mjez črjody, wölajcy

14. A prajicy: Mužowje, što to činiće? Tež mój smój smjertnaj čłowjekaj, wam podobnaj, kotraž wozjewjamoj wam, zo byšće so wobroćili wot tychle prózdných (bohów) k žiwemu Bohu, kiž je sćinil njebjo a zemju, a morjo a wšitko, štož je w nich;

15. Kotryž je w minjených časach wšěm ludam khodzić dal po jich pućach;

16. A tola njeje sebjě samoho hjez swědčenja wostajil, dobre činjo z njebja, dawajo dešć a plódné časy, a napjelnjejo z jědžu a wjesolósću naše wutroby.

17. A tajke rěčicy lědma změrowaštaj črjody, zo bychu jimaj njewoprowali.

18. Přindžechu pak někotři Židźa z Antiochije a Ikonia; a namolwiwši črjody kamjenjowachu Pawoła, a wuwlećechu jeho z města, měnicy, zo je zemrěl.

19. Hdyž pak wučownicy jeho wostupichu, wstany a zaúdzě do města, a na druhi dzeń poda so z Barnabasom do Derby.

20. Hdyž pak běštaj tomu městu ewangelium předowaloj a mnohich rozwućiloj, wróćištaj so do Lystry a Ikonia a Antiochije,

21. Wobtwjerdžujcy mysle wučownikow a napominajcy, zo bychu zwostawali we wěrje, a zo mamy přez mnohe tyšnosće zastupić do kralestwa Božeho.

XIV. 11. Jupiter běše we grekskim pohanstwe najwyšši bóg njebjes, Merkurius rěčeše jako přewodnik, tohodla česčachu jeho jako boha rěčniwosće. — 12. Temple a měšniške wobydlenja běchu často před městami; byki, kotrež so woprowachu, buchu z wěncami wupyšene.

22. A hdyž běštaj w jednotliwych cyrkwjach jim staršich postajiloj,* a so pomodliłoj z posćenjom, poručistaj jich Knjezej, do kotrehož běchu wěрили.

23. A překhodziwši Pisidiju přińdžeštaj do Pamfylie,

24. A rěcawši słowo Bože w Perge, zeńdžeštaj do Attalije;

25. A wottudy přewjezeštaj so do Antiochije, wotkelž běštaj přepodataj hnadže Božej za skutk, kotryž běštaj dokonjałoj.

Wyše 13, 1.

26. Hdyž pak (tam) přińdžeštaj a cyrkej zhromadzištaj,* powědaštaj, kak wulke wěcy je Bóh z nimaj činił, a zo je pohanam wotewrił durje wěry.

27. A pobyštaj njemaly čas pola wučownikow.

STAW XV.

Hdyž w Antiochiji zwada nasta Židow dla, kotřiž chcychu, zo bychu k Bohu wobroćeni pohan, tež wobřezani byli, přińjeseštaj Pawoł a Barnabas naležnosť před japoštołow, kotřiž po Pětrowej a Jakubowej radže zhromadnje rozsudžichu a z listom postajichu, zo wobroćeni pohan z Mójzesowym zakonjom so njewjazaju. Pawoł přeje sebi z Antiochije města wopytać, w kotrychž bě přědował, a dźěli so wot Barnabasa, dokelž tón njechaše Jana sobu wzać.

A někotři přińdžechu z Judeje a wučachu bratrow: Njebudžeće-li wobřezani po Mójzesowym wustajenju, njemóžeće zbóžni być.

2. Hdyž pak Pawołej a Barnabasej njemala zwada z nimi nasta, wobzamknychu, zo bychu Pawoł a Barnabas a někotři druzy z nich horje šli k japoštołam a staršim do Jeruzalema tohole prašenja dla.

3. Tuž woni, přewodženi wot cyrkwe, dźěchu přez Foeniciju a Samariju, po-

wědajcy wo wobroćenju pohanow; a přihotowachu wulku radosć wšěm bratram.

4. Hdyž pak přińdžechu do Jeruzalema, buchu přijeci wot cyrkwe a wot japoštołow a staršich, a wozjewjachu, kak wulke wěcy je Bóh z nimi činił.

5. Wstanychu pak někotři ze sekty farisejow, kotřiž běchu wěрили, prajicy: Woni maju wobřezani być, a tež ma so přikazać, zo bychu zakhowali Mójzesowy zakón.

6. A zhromadziachu so japoštołowje a starši, zo bychu rozsudžili wo tej wěcy.*

7. Hdyž pak dolhe přepytowanje so stawaše, wstany Pětr a rjekny k nim: Mužowje bratřa, wy wěsće, zo je Bóh před dawnym časom mjez nami postajil, zo dyrbja pohan z mojeho rta słowo ewangelia slyšeć a wěrić. Wyše 10, 20.

8. A Bóh, kiž wutroby znaje, je jim swědčenje dał,* hdyž jim Ducha swjateho da, jako tež nam;

9. A njeje rozděl činił mjez nami a nimi, přez wěru wučisćiwši jich wutroby.

10. Što tuž nětko Boha spytujeće, zo chceće napołożyć na šiju wučownikow přah, kotryž ani naši wótcy ani my znjesć njemóžachmy?

11. Ale zo budžemy přez miłosć Knjeza Jezusa Chrystusa zbóžni, wěrimy, jako tež woni.*

12. Cyła mnohosć pak womjelkny, a posluhaše na Barnabasa a Pawoła, kotraž powědaštaj, kak wulke znamjenja a dźiwy je Bóh mjez pohanami činił přez njeju.

13. A hdyž womjelknyštaj, wotmołwi Jakub prajo:* Mužowje, bratřa, poslučajće na mnje.

22. t. r. měšnikow swjećiloj. — 26. t. r. wěriwych.

XV. 6. To běše přenja powšitkowna cyrkwinna zhromadźizna abo koncil pod wjedženjom swjateho Pětra; na nim so rozsudži prašenje: ma-li Mójzesowy zakón, kiž wobřezanje poruča, plaćiwosć tež za pohanow, kotřiž k cyrkwi přistupja, abo nic. Japoštołowje postajichu, zo křesćenjo, kotřiž su z pohanstwa so wobroćili, njesu židowskemu zakonjej podćisnjeni. — 8. t. r. zo móža do cyrkwe zastupić bjez wobřezanja. Tuto swědčenje je Bóh dał w domje stotnika Kornelia, hlad. jap. sk. 10, 45. — 11. Přez wumóženski skutk Chrystusowy budža wšitcy zbóžni, Židža a pohan, — 13. To je Jakub młódši, Jeruzalemski biskop.

14. Syman je powědał, kak je Bóh přeni króc spohladał, zo by z pohanow* lud dobył za swoje mjeno.

15. A z tym runaju so słowa profetow, jakož je pisane:

16. „Potom nawróću so a natwarju zaso přebytk Davidowy, kotryž je rozpadnył, a jeho rozpadanki zaso natwarju, a pozběhnu jón,

17. Zo bychy tež zbytni mjez čłowjekami Knjeza pytali, a wšitke narody, nad kotrymiž je mjenowane moje mjeno, praji Knjez, kotryž to čini.“ Amos 9, 11.

18. Znaty wot wěčnosće je Knjezej jeho skutk.*

19. Tohodla ja sudžu, zo bychy wobčězowani njebyli, kotřiž z pohanow k Bohu so wobroćeju;

20. Ale zo by so jim pisało, zo bychy so zdžeržowali znječiscěnja přez přibohow a kurwafstwa, a zadušeneho a krewje.*

21. Přetož Mójzes ma wot starych časow w jednotliwych městach tych, kotřiž jeho wopowěduja w synagogach, hdžež kóždy sabat čitany bywa.*

22. Tuž zespodoba so japoštołam a staršim z cylej zhromadźizny, zo bychy mužow mjez sobu wuzwolili a do Antiochije pósłali z Pawołom a Barnabasom, (mjenujcy) Judasa, kiž je přimjenowany Barsabas, a Silasa, nahladneju mužow mjez bratrami.

23. A napisachu přez jich ruku: „Japoštołowe a starši (a) bratřa tym, kotřiž su

w Antiochiji a Syriji a Ciliciji, bratram z pohanstwa, postrowjenje.

24. Dokelž smy slyšeli, zo su někotři, wot nas wuščdši, was znjepokojili ze słowami, waše mysle zamyliwši, kotrymž to njejsmy poručili:*

25. Je so nam spodobało, jednomyslne zhromadženym, zo bychmy mužow wuzwolili a k wam pósłali z našimaj najlubšimaj, Barnabasom a Pawołom,

26. Mužomaj, kotraž staj swoje žiwjenje zastajiloj za mjeno našeho Knjeza Jézusa Khrystusa.

27. Tuž smy pósłali Judasa a Silasa, kotraž budžetaj tež samaj wam ze słowami to same wopowědować.

28. Přetož spodobało je so Duchej swjatemu a nam, zo bychmy žane brěmjo wjacj na was njekladli, dyžli tuto potřebne:

29. Zo byšće so zdžeržowali (mjasa) přiboham woprowaneho, a krewje, a zadušeneho a kurwafstwa; a wostajće-li so toho, sčiniće derje. Mějće so derje!“

30. Tuž woni wotpušćeni dóndžechu do Antiochije, a zhromadźiwši mnohosć přepodachu list.

31. A hdyž jón přečítachu, zwjeselichu so nad (dóstatym) změrowanjom.*

32. Judas pak a Silas, kotraž tež samaj profetaj běštaj, změrowaštaj z mnohimi řečemi bratrow, a posylništaj jich.

33. A někotry čas tam pobywši buštaj w měrje wotpušćenaj wot bratrow k tym, kotřiž běchu jeju pósłali.

14. t. j. w pohanskim stotniku Korneliu, hl. 10. st. — 18. Wot wěčnosće bě Bóh postajił, wšitke ludy, tež pohanow, wumóžić, a tohodla profetowje to připowědaju, ani zo bychy wobřezanje za pohanske ludy jako zakóńsku wěc žadali. — 20. Z pohanstwa wobroćeni křesćenjo maju so zdžeržec přibóžskich woporow a z woporami zjednočených hosćinow; tohorunja kurwafstwa, kotřež je přeco a za kóždoho zakazane, tu pak wosebje so mjenuje, dokelž pohani w swojim zaslepjenju kurwafstwowu za njepřawu njemějachu, ale z nim swojim přiboham služachu, měnicy, zo z tym jich spodobanje dobuđu. Wostajće maju so nowi křesćenjo mjasa zadušených zwěrjatow, dokelž we nich krej wostawa, štož bě hižo před Mójzesom zakazane; wužiwanje krewje bě Židam zakazane, dokelž je w njej žiwjeńska móc. Krej ma so Bohu woprować a tak pokazować na wumóžensku krej Khrystusowu, z kotrež čłowjekej wěrne žiwjenje so zaso dawa. Zo njebychu Židza so pohóršowali, plaćeše tale kaznja hišće w přěních křesćanských časach. — 21. t. r. dokelž Mójzesowy zakon w synagogach na sabatach so čita, a na jeho nabožne postajenja tak husto so dopomina, njesmědza wone wot křesćanow, kotřiž su z pohanstwa so wobroćili, lohcy a bjez winy so zacpěwać a Židam a křesćanam, kotřiž su ze židowstwa so wobroćili, pohóršk dawać. — 24. t. r. kotřiž njeběchu wot nas pósłani. — 31. t. r. nad tym japoštołskim rozsudženjom, kotřež bě za nich tak spokojuće.

34. Silas pak mjenješe, zo ma tam wostać; a Judas woteńdže sam do Jeruzalema.

35. Pawoł pak a Barnabas přebywašaj w Antiochiji, wučicy a předujoy z mnohimi druhimi słowo Bože.

36. Po někotrych dnjach pak rjekny Pawoł k Barnabasej: Wróćicy so wopytamoj bratrow we wšěch městach, w kotrychž smój přédował słowo Bože, kak so maju.

37. Barnabas pak chceše sobu wzać tež Jana, kiž měješe přimjeno Mark.

38. Ale Pawoł prošeše, zo by toho, kotryž bě wot njeju z Pamfylije wotešoł a z nimaj nješoł k džělu, njeměl sobu brać.

39. Tuž nasta překora, tak zo so rozeńdžešaj,* a zo Barnabas Marka přijawši so wotwjeze do Cypa.

40. Pawoł pak, Silasa sebi wuzwoliwši, woteńdže poručeny wot bratrow Božej milosći.

41. A wón překhodži Syriju a Ciliiju, posylnjejo cyrkweje, a přikazujo, zo bychy dźerželi přikaznje japoštolow a staršich.

STAW XVI.

Pawoł da w Lystrje přijateho Timothea wobřězać a rozšěrja po wšelakich městach japoštolske přikaznje. Wot Ducha swjateho bu jimaj zakazane w Asiji a Bithyniji přédować. Přez widjenje bu Pawoł do Macedonije powołany a pućuje tam z Timotheom; najprjedy předujetaj we Filippi a bušaj tu wot Lydijske hospodowanaj. Hdyž pak bě Pawoł wěšćateho ducha wuhnał, bušaj šwikana a do jastwa sadžena,

hdžež při nastatym zemjerženju jeju puta same so rozpnychu, a jastownik wobroći so k wěrje; na druhi džěń prošachu jeju předstojnicy, zo byšaj z města wušoj.

Wón pak přińdže do Derby a Lystry. A hlej, tu běše jedyn wučownik z mjenom Timotheus, syn židowskeje wěrweje žony, nana pak pohanskeho.*

2. Jemu dawachu dobre swědčenje bratra, kotřiž běchu w Lystrje a Ikonii.

3. Pawoł chceše, zo by tón z nim wušoj; a přijawši jeho da jeho wobřězać Židow dla, kotřiž běchu w tych městach. Přetož wšitecy wědžachu, zo běše jeho nan pohan.*

4. Hdyž pak khodžešaj po městach, přepodawašaj jim, zo bychy je dźerželi, postajenja, kotrež běchu wot japoštolow a staršich w Jeruzalemje rozsudžene.

5. A tak buch cyrkweje we wěrje wobtwjerdžene, a přiběrachy wšědnje na mnohosći.

6. A hdyž přěńdžešaj přez Frygiju a galatisku krajinu, bu jimaj wobarane wot Ducha swjateho, słowo Bože wopowědać w Asiji.*

7. Hdyž pak přińdžešaj do Mysije, spytašaj do Bithynije hić; ale Duch Jězusowy jimaj njeda.

8. Hdyž pak běšaj Mysiju wobešoj, zestupišaj do Troady.

9. A widjenje zjewi so w nocy Pawołej. Jedyn macedonski muž stoješe a prošeše jeho, prajo: Přěńdž do Macedonije, a pomhaj nam.

39. Pawołej zdaše so, zo je Barnabas Markej, swojemu krejcnemu přećelej, přejara přikhleny a Barnabasej zdaše so zaso, zo je Pawoł přejara kruty přećiwo Markej, kiž wšak bě jeju zrudžił, hdyž w Pamfyliji (hl. wyše 13, 13) wot njeju woteńdže. Mała njejednota pak bu po krótkim času cyle wujednana. Swjeći wótcy praja, zo bu tale překora wot Boha dopušćena, zo byšaj Pawoł a Barnabas, nětko džělenaj, čím wjacj wosadam přédować móhloj.

XVI. 1. Timotheus narodži so w Lystrje, a je drje ze swojej maćerju hižo při přěnim přebywanju Pawoła w Lystrje (hl. 14, 20) křesćanstwo přijal. Syn měšaneho mandželstwa, kotrež so jeno w cuzbje židowskim žónskim dowoli, bu wón w židowskim nabožnistwje rozwučeny a po stronje swójeho nana znaješe greksku wědomosć a pohanske zwučjenja. Jako wobkrućeny křesćan móžeše wón swjateho Pawoła w rozšěrjenju Jězusoweje cyrkwe mjez pohanami podpěrać, a toho-
— **2.** Pawoł činješe to jeno, zo njebychu Židźa na tom pohóršk brali a w tom winu pytali, zo Timothea a jeho wučby zacypěja, nic, jako by wobřězanje za potrěbne měł.
— **3.** Bóh chceše, kaž to w 9. rjadku wědžec dawa, zo byšaj Asiju wopuščioj a do Europy so podałoj.

10. Hdyž bě widženje widzał, žadachmy hnydom do Macedonije wuńć, zwěsćeni, zo je nas Bóh powolał, zo bychmy jim ewangelium přédowali.*

11. Tuž wjezechmy so z Troady a w runej čarje do Samothracije,* a nazajtra do Neapolis.*

12. A wottudy do Filippi,* štož je přenje město toho džěla Macedonije, kolonija. Přebywachmy pak w tomle měsće někotre dny, so rozmołwjejey.

13. Na sabatny dzeń pak wuńdžechmy před wrota k rěcy,* hdžež modlenje bywaše; a rěčachmy k žonam, kotrež běchu zhromadžene.

14. A jena žónska z mjenom Lydia, předawařka purpura, z města Thyatira,* česćerka Boha, posluchaše; jeje wutrobu wotewri Knjez, zo kedžbowaše na to, štož bu prajene wot Pawoła.

15. Hdyž pak bě wukřćena a jeje dom, prošeć prajicy: Jelizo sće sudžili, zo wěrju do Knjeza, zastupće do mojeho domu, a wostawajće tu. A (wona) přinući nas.

16. Sta pak so, hdyž k modlitwje džěchmy, zo nas zetka jena služownica, kotraž měješe wěšćateho ducha,* a swojim knježim z wěšćenjom wulki dobyt看 přinošowaše.

17. Ta scěhowaše Pawoła a nas, a wolaše prajicy: Tući ludžo su služownicy Boha wjeřšneho, kotřiž wam připowědaju puć spomóženja.

18. To pak činješe přez wjele dnjow. A Pawoł rozhorjeny wobroći so a rjekny

k duhej: Přikazuju tobi w mjenje Jězusa Khrystusa, zo by wušol z njeje. A wuńdže w tej samej hodžinje.

19. Jeje knježa pak widžawši, zo je jim nadžija dobytk wotešla, jimachu Pawoła a Silasa, a dowjedžechu (jeju) na torhošćo před wyšnosť,

20. A postajiwši jeju před zastojnikow prajachu: Tutaj mužej mućitaj naše město; staj Židaj,

21. A wućitaj wustajenja, kotrež přijec a činić nam so njesluša, hdyž smy Romscy.

22. A lud zběže so přeciwo nimaj; a zastojnicy jimaj drastu zwottorhawši dachu jeju z prutami šwikać. 2. Kor. 11, 25; Fil. 1, 18; 1. Thess. 2, 2.

23. A hdyž běchu jimaj wjele ranow nabili, sadžichu jeju do jastwa, prikazawši jastwownikej, zo by jeju piluje stražował.

24. Hdyž bě wón tajku prikaznju dóstał, sadži jeju do nutrkowneho jastwa, a tykny jeju nozy do klódy.*

25. A wo pońcocy modleštaj so Pawoł a Silas, a khwaleštaj Boha; a slyšachu jeju, kotřiž běchu w jastwje.

26. Zdobom pak nasta wulke zemjerjenje, tak zo jastwowo zakłady so zatřasechu. A hnydom wotewrichu so wšitke jastwowo durje, a puta wšitkich so rozčinihu.

27. A jastwownik wotućiwiši a wuhladał wšitke durje wotewrjene, wučańnywiši mječ cheyše so morić, měńjo, zo su jeći wućekli.

10. Lukaš, spisaćel japoštołskich stawiznow, přitowařši so tu Pawołej a Timotheej a pućnje z nimaj. — 11. Samothracija je kupa w aegejskim morju, a Neapolis město na brjozy toho sameho w Thraciji. — 12. Město Filippi w Macedoniji, dvě hodžiny k doľhemu wječoru wot Neapolis, dósta mjeno wot macedonskeho krala Filipa a běše romska kolonija, dokelž bě kejžor Oktavian tam Romskim so zasydlitić dał, a městej prawa romskich koloniji wudžělił. Běše to přenje wjetše město, do kotrehož Pawoł w Europje přidže. — 13. Při rěkach zhromadžachu so Židaj w cuzych městach, hdžež synagogi njemějachu, k modlenju, dokelž móžachu tudy najľže zákonske čisćenja dokonjeć. — 14. Thyatira bě město w Lydiji, wotkelž bě tale žónska do Filippi přicahnyła; toľola je jeje mjeno Lydia. — 15. Zľy duch zamóže někotre přichodne wěcy wědžec a je wozjewjeć; dokelž pohani wědomosć přichodnych wěcow přibohoj Apollo připisowachu, kotryž tež Python rěkaše, mjenuje so tudy wěšćaty duch: pythiski duch. — 24. Zamkny jeju nozy do klódy abo drjewjaneje připrawy, tak zo jej hibnyć njemóžěštaj.

28. Pawoł pak zawoła z wulkim hłosom prajo: Nječin sebi ničo zleho; přetož smy tu wšitcy.

29. A žadawši swěcu, zańdže nutř, a třepotajo padže Pawolej a Silasej k nohomaj;

30. A wuwjedže jeju a rjekny: Knjezaj, što mam činić, zo bych zbóžny byl?

31. A wonaj jemu rjeknyštaj: Wěř do Knjeza Jězusa, a zbóžny budžeš ty a twój dom.

32. A wopowědžeštaj jemu słowo Knjeza a wšitkim, kotřiž běchu w jeho domje.

33. A wón jeju wza w tej hodžinje w nocy, a wumy jeju rany; a hnydom bu wukřěny wón a jeho cyly dom.

34. A hdyž bě jeju dowjedł do swojeho domu, přihotowa jimaj blido, a zwjeseli so ze swojim cyłym domom, zo je do Boha wěrił.

35. A hdyž bu dzeń, posłachu zastojnicy služownikow, prajicy: Pušć teju čłowjekow.

36. A jastwownik wozjewi Pawolej tute słowa: Zastojnicy su posłali, zo byštaj pušćenaj byloj; tuž nětko wuńdžtaj a džitaj w měrje.

37. Pawoł pak rjekny jim: Wušwikawši naju zjawnje, njewotsudženeju, romskeju mužow,* sadžichu do jastwa, a nětko chcedža naju skradžu wustorčić? Tak nie; ale njech přińdu,

38. A sami naju wustorča. Powědžechu pak služownicy te słowa zastojnikam. A nabojachu so slyšawši, zo staj romskaj.

39. A přišedši wotprosychu jimaj, a hdyž jeju wuwjedžechu, prošachu, zo byštaj z města wotešloj.

40. A wuńdžeštaj z jastwa a zastupištaj k Lydiji; a wohladawši bratrow, zwjeselištaj jich a woteńdžeštaj.

STAW XVII.

Hdyž bě Pawołowe přédowanie w Thessalonicy wjele płodu přinjesło, zehna so wot Židow zběžk přećiwo njemu, runje tak tež w Beroe. Pawoł rozrěčuje so we Athenje ze Židami a mudrowcami, a wobroći wyššeho sudnika Dionysia z někotrymi druhimi.

Hdyž pak běchu Amfipolis a Apolloniju přešli,* přińdžechu do Thessaloniki, hdžež běše synagoga Židow.

2. Po zwučenju zastupi Pawoł k nim, a tři sabaty rěčeše jim wo Pismje,

3. Wukładujo a dopokazujo jim, zo dyrbeje Khrystus ćerpjeć a wot mrtwych wstanyć; a zo je Jězus tón Khrystus, kotrehož ja wam připowědam.

4. A někotři z nich wěřjachu, a buchu přiwdaći Pawolej a Silasej, a z nabožnych a pohanow wulka mnohosć, a wosebnych žónskich nic mało.

5. Židža pak rozhorichu so a přiwzawši ze sprosteho ludu někotrych zlych čłowjekow a sćiniwši zběžk znjeměrichu město; a stupiwši před Jasonowy* dom pytachu, zo bychu jich wuwjedli před lud.

6. A hdyž jich njenamakachu, wlečechu Jasona a někotrych bratrow k wyššim města, wołajcy: Či, kotřiž město do njeměra stajichu, su tež sem přišli;*

7. A jich je Jason hospodował; a čí wšitcy skutkuja přećiwo kejžorowym postajenjam, prajicy, zo je druhi kral, Jězus.

8. A znjeměrichu lud a wyššich města, kotřiž to slyšachu.

9. A woni wot Jasona a druhich rukowanje dóstawši,* puščichu jich.

10. Bratřa pak posłachu hnydom w nocy Pawoła a Silasa do Beroe.* A hdyž tam přińdžeštaj, zastupištaj do židowskeje synagogi.

37. Romskich krajanow njesmědžachu šwikać.

XVII. 1. To stej měste w Macedoniji. Thessalonika pak je hłowne město kraja. Wšůdžom běchu Židža. — 5. Pola Jasona běštaj tež Pawoł a Silas na hospodže. — 6. t. r. hłowne město Rom; kejžor Klaudius bě Židow z Roma wupokazał, dokelž často njeměr zbudžichu. — 9. t. r. slubjenje, zo Pawoła a Silasa dlěje hospodować njebudže. — 10. Město w Macedoniji.

11. A tući běchu nadobniši,* dyžli tamni w Thessalonicy; woni přijachu słowo ze wšej žadosću, wšědnje Pismo přepytujey, ma-li so to tak.

12. A tak wěrjachu mnozy z nich a wosebnych pohanskich žonow a muži nic mało.

13. Hdyž pak Židža w Thessalonicy zhonichu, zo bu tež w Beroe słowo Bože přédowane wot Pawola, přińdžechu tež tam, a znjeměrichu a mučachu lud.

14. Tuž tež bratřa hnydom Pawola wotpóslachu, zo by šol w stronu morja; Silas pak a Timotheus tam wostaštaj.

15. Kotřiž pak Pawola přewóždžachu, dowjedžechu jeho hač do Athena;* a dóstawši poručnosť wot njeho za Silasa a Timothea, zo byštaj najspěšnišo k njemu přišlój, woteńdžechu.

16. Hdyž pak Pawoł jeju w Athenje wočakowaše, rozhori so jeho duch w nim, widžo město přibóžstwu podate.

17. Rozřěčowaše so tohodla w synagody ze Židami a z nabožnymi, a na torhošću wšědnje z tymi, kotřiž tam runje běchu.

18. A někotři epikurejsey a stoiscy mudrowcy* wurěčowachu so z nim, a někotři prajachu: Što chce tón bajak prajić? Druzy pak: Zda so być připowědať nowych bohow; dokelž jim Jězusa a horjewstaće wopowědowaše.

19. A wzawši jeho dowjedžechu jeho do Areopaga,* prajicy: Móžemy zhonić, kajka je ta nowa wučba, kotraž wot tebe so připowěda?

20. Přetož něšto nowe přinošeš k našimaj wušomaj; tuž chceny zhonić, što by to bylo.

21. (Athenscy pak wšitecy a přikhadni hosćo njepodawachu so ničomu druhemu, hač zo bychu něšto nowe powědali abo slyšeli.)

22. Pawoł pak stojo wosrjedź Areopaga rjekny: Mužowje athenscy, widžu, zo sće we wšim wěriwiši.*

23. Přetož překhódžujo a wobhladujo waše swjatnicy nadeńdžech tež wołtať, na kotrymž bě pisane: Njeznatemu Bohu.* Štož tak njeznajey česćiće, to ja wam připowědam.

24. Bóh, kotryž je sćinił swět a wšitko, štož w nim je, tón, kiž je Knjez njelba a zemje, njebydli w templach, z rukomaj twarjenych.* Wyše 7, 48

25. Tež njesluži so jemu z čłowječimaj rukomaj, jako by něšto připotrjebował, hdyž sam dawa wšěm žiwjenje a wodych a wšitko,

26. A je sćinił z jenoho čłowjeka wšón čłowjeski splah, zo by přebywał na wšim powjěchu zemje, wotměrjejo postajene časy a mjezy jich přebywanja,

11. t. r. podwolniši, zo na japoštolske powučenja poslušachu. — 15. Hłowne město grekskeje krajiny Attiki, sydło grekskeje zdžělanosće, wědomosće a wumjelstwa. — 18. Epikurejscy mudri mějachu swoje mjeno wot Epikura, kotrehož wučbje běchu podaći. Epikur njepřejše drje bohow, tola pak jich wliw na čłowjekow a na čłowjeske naležnosť; za najmudřišich mječe tych, kotřiž sebi wšě wjesela dowoleju, a wšě nakhilnosť spokojeju a po móžnosći wjele wužiwaju. Stoiscy mudri mějachu swoje mjeno wot stolpoweho torhošća (Stoa), hdžež Zeno, založer tuteje wučby, wučěse. Po jeho wučbje je tón najmudřiši, kiž zbožo a njezbožo, radosć a bolosć zacpěwa, wšitko bjezdžaknje znjese a pócćiwosć jeje sameje dla lubuje, njedžiwajo na Boha abo wěčne myto. Wobě wučbje bštej potajkim křesćanstwu přeciwnej. — 19. Areopag t. r. hórka přiboha Aresa abo Marsa. na kotrež najwyšši sud so zhromadžowaše, hlowne statne naležnosť so wuradžachu a ludej so wozjewjachu. — 22. W tych słowach leži khwalba, a tež porok; zo su wěriwi ludžo, w tom jich khwali, ale jich wěra nima praweje měry, dokelž do mnohich bohow wěrja. Pawoł chce sebi z tym słowom wutroby svojich poslušarjow dobyć. — 23. t. r. je tutón wołtať swjećeny; Athenscy česćachu tak pilnje bohow, zo so bojachu, zo by jim jedyn njeznaty wostał, a nochcychu jeho z najmjněša nječesćenoho wostajić. Tohodla běchu tež njeznatemu bohu wołtať natwarili; to wuži swjaty Pawoł, zo by jim tutoho za nich dotal njeznateho a jeničy wěrneho Boha připowědał. — 24. t. r. po pohanskim zmyslu, jako by móhl do twarjenjow so zamknýć a tam so stražować.

27. Zo bychu Boha pytali, hač bychu jeho snadź namasali a nadešli, hač runje njeje daloko wot kóždého z nas.*

28. Přetož w nim smy žiwi, so hibamy a smy,* jako su tež někotři wašich basnikow prajili: „Přetož smy tež jeho splah.“

29. Hdyž pak smy Boži splah, njeměmy sebi myslić, zo je zlotu abo slěbru abo kamjenjej, wutworej čłowjeskeho wumjelstwa a myslenja, Bóžstwo podobne.*

30. A časy tutěje njewědomosće tak přehladaŕši připowěduje Bóh nětko čłowjekam, zo bychu wšitcy wšudžom pokutu činili,

31. Dokelž je džen postajił, na kotrymž budže sudzić swět we sprawnosći přez muža, kotrehož je (k tomu) powolał, hdyž wěru spožči wšěm, zbudžiłwi jeho z mrtwych.

32. Hdyž pak wuslyšachu wo horjewšaću mrtwych, smějachu drje so někotři, druzy pak rjeknychu: Budžemy će wo tom druhu króć slyšeć.

33. Tak woteńdže Pawoł z jich srjedizny.

34. Někotři mužowje pak dźeržachu so k njemu a wěrychu, mjez kotrymiž běše tež Dionysius Arcopagita, a žona z mjenom Damaris, a druzy z nimaj.

STAW XVIII.

Pawoł dokonja we Korinthu pola Aquile swoje rjemjesło, a hač runje Židža na jeho předowanju Boha hanja, zhoni tola we widženju, zo so wjele ludu k wěrje wobroći. Po połdra lěće je wobskorženy wot Židow pola prokonsula Galliona a za wjele dnjow přińdže do Efesa a wobkruća we wšelakich krajinach bratrow.

Apollo přepokazuje Židow, z Pisma rozestajejo, zo je Jězus — Khrystus, hač runje jeno Janowu krěćencu znaješe.

Potom woteńdže z Athena a přińdže do Korintha.

2. A nadeńdže jenoho Žida, z mjenom Aquilu, rodženeho z Ponta,* kiž bě njedawno z Italskeje přišoł, a Priscillu jeho žonu (dokelž bě Klaudius prikazał, zo bychu wšitcy Židža z Roma wušli), a přińdže k nimaj.

3. A dokelž běše toho samcho rjemjesla, wosta při nimaj a dźělaše (běštaj pak po rjemjesle tkalcaj stanow).

4. A rozrěčowaše so w synagodzy kóždy sabat, přispominajo mjeno Knjeza Jězusa, a přeswědčeše Židow a Grekskich.

5. A hdyž z Macedonije Silas a Timotheus přińdžeštaj, předowaše Pawoł z horliwosću a swědčeše Židam, zo Jězus je Khrystus.*

6. Hdyž pak so woni přećiwjachu a hanjachu, wotfrase swoju drastu a rjekny k nim: Waša krej (přińdž) na wašu hłowu; ja (sym) čisty, wot nětka póńdu k pohanam.*

7. A wotsaliłwi so wottam zastupi do domu jenoho česćerja Božeho z mjenom Tita Sprawneho, kotrehož dom běše při samej synagodzy.*

8. Krispus pak, předstojnik synagogi, wěrješe do Knjeza ze swojim cyłym domom; a mnozy Korinthsey, kotřiž (jeho) slyšachu, wěrychu, a buchu krěćeni.

9. Rjekny pak Knjez Pawołej w nocy we widženju: Njebój so, ale řeč a njemjelč!

10. Přetož ja sym z tobu, a nichtó će njepřimnje, zo by ěi škodžil, dokelž wjele ludu mam w tomle měsće.

27. t. r. móžemy jeho spóznać z jeho skutkow, z jeho stworjenjow. — 28. t. r. wot njeho wotwisujemy w swojim cyłym byću. — 29. t. r. njeměmy złote abo slěborne abo kamjenne a druge wobrazy jako něšto bóžske česćić.

XVIII. 1. Korinth bě hłowne město krajiny Achaje a leži mjez joniskim a aegejskim morjom. — 2. Pontus mjenowaše so krajina při čornym morju. — 5. t. r. zo je Jězus z Nazaretha slubjeny zbóžnik, na kotrehož so w starym zakonu pod mjenom Khrystus tak husto pokazuje. — 6. t. r. ja sym bjez winy. — 7. Runy puč ze synagogi, wot Židow, wobroći so Pawoł k pohanam, a zastupi do susodneho domu, kotryž Titej Sprawnemu, prjedy pohanaj, slušeše.

11. Zasydli pak so tam lěto a šěsć mėsacow, a wučese pola nich słowo Bože.

12. Hdyž pak běše Gallio prokonsul* w Achaji, zběžechu so Židža jednomyslnje přećiwo Pawolej, a přiwjedzechu jeho před sudny stoł,

13. Prajicy: Tutón namołwja lud, zo by napřećiwo zakonjej Boha česćil.

14. Hdyž pak chcyše Pawoł rot wotwrić, rjekny Gallio k Židam: O mužowje Židža, hdy by něšto njeprawe było abo wulka złość, bych was zdobnje wusłyšal;

15. Dokelž pak su to zwady wo słowje a wo mjenach a wo waším zakonju, hladajće wy sami; ja njechcu wo tom sudnik być.

16. A wotpokaza jich wot sudneho stoła.

17. Přimnychu pak wšitecy* Sosthenesa, předstojnika synagogi, a bijachu jeho před sudnym stolom; a Gallio wo to so njestaraše.

18. Hdyž pak bě hišće Pawoł wjele dnjow přebywał, rozžohnowa so z bratrami a wotwjeze so do Syrije (a z nim Priscilla a Aquila), dawši sebi w Kenchreach głowu třihać; přetož měješe slub na sebi.*

4. Móž. 6, 18; niže 21, 24.

19. A přińdže do Efesa, a wostaji jeju tam. Sam pak zastupi do synagogi a wurěčowaše so ze Židami.

20. Hdyž pak woni prošachu, zo by tam dlějši čas wostał, njezwoli do toho;

21. Ale so rozžohnowawši a prajo: Zaso wróću so k wam, zechce-li Bóh, poda so z Efesa.

22. A přišedši do Caesareje,* zastupi (do Jeruzalema) a postrowi cyrkej, a dóńdže do Antiochije.

23. A pobywši tudy někotry čas wotpućowa, a překhodžejo po rjadu galatisku krajinu a Frygiju wobkrućeše wšěch wučownikow.

24. Jedyn Žid pak, z mjenom Apollo,* rodženy z Alexandrije, řečniwy muž a mócny w Pismach, přińdže do Efesa.

25. Wón bě rozwučeny w Knjezowym puću a řečeše zahorjeny w duchu, a wučese pilnje, štož Jězusa nastupa, runjež jeno Janowu křćeńcu znaješe.

26. A tón poča dowěrnje řečeć w synagodzy. A hdyž běštaj Priscilla a Aquila jeho słyšaloj, wzaštaj jeho k sebi, a pilnišo rozkladžeštaj jemu Knjezowy puć.

27. Hdyž pak chcyše do Achaje hić, pisachu bratřa wučownikam napominajcy, zo bychu jeho přijeli. A hdyž bě tam přišoł, dopomha wjele tym, kotřiž wěryachu.

28. Přetož mócnje přeswědčeše Židow zjawnje, dopokazujo z Pismow, zo Jězus je Khrystus.

STAW XIX.

We Efesu poručí Pawoł, zo bychu někotři wučownicy, kotřiž běchu jeno z Janowej křćeńcu křćeni, w Jězusowym mjenje křćeni byli, a z napoženjom rukow wuprosy jim Ducha swjateho, a přědujo činješe tu wjele dziwow. Wo Židach, kotřiž chcychu w swojej njewěrje z Jězusowym wot Pawoła wozjewjenym mjenom złe duchy wuhonjeć. Mnozy, swojich hrěchow so wuznawši, spalichu přiwěrne knihi. Slěbrownik Demetrius zbudži přećiwo Pawolej zběžk, kotryž změrować Alexander podarmo so prócuje.

Sta pak so, hdyž běše Apollo w Korinthu, zo Pawoł, horniše krajiny* překhodžiwiši, do Efesa přińdže, a někotrych wučownikow nadeńdže;

2. A rjekny k nim: Sće Ducha swjateho dóstali,* hdyž bušće wěryacy? A

12. Prokonsul je kejžorowy naměstnik. — 17. t. r. pohani khostachu předstojnika synagogi, dokelž bě bjez winy Pawoła wobskoržował. — 19. Kenchreae bě město a přistaw pola Korinta. Čohodla bě tónle slub činił, njeje wuprajene, najskeře z diakownosće k Bohu, kotryž bě jeho ze swojej hnadu přewodzał, jeho podpěrajo a škitujo. — 22. To je přistaw na brjozy srjedźneho morja, z kotrehož so najlōže do Jeruzalema přińdže. — 24. Apollo bě Janowy wučownik, a tohodla rozwučeny wo puću, na kotrymž chcyše Knjez čłowjestwo wumóžić, a pokazowaše na Jězusa, slubjeného Messiasa; Jězusowu wučbu pak dotal njeznaješe, dokelž njebě k tomu přiležnosć měl. Nětko hakle so da w njej rozwučeć, a rozšěrješe ju sam ze swjatej horliwosću.

XIX. 1. t. r. krajiny, kotřež běchu wot morja zdalene, Galatisku a Frygisku. — 2. Pawoł na tom, zo su křćeni, ani njedwělowaše, dokelž jich mjez druhimi wěriwymi nadeńdže.

woni prajachu k njemu: Ale, ani njejsmy slyšeli, hač Duch swjaty je.

3. Wón pak rjekny: Na čo pak sće křćeni? A woni rjeknychu: Na Janowu křćenču.

4. Rjekny pak Pawoł: Jan křćiješe lud z křćenču pokuty, prajo, zo bychu do toho, kiž měješe po nim přiníc, wěрили, to je, do Jězusa. Mat. 3, 11; Mark. 1, 8; Luk. 3, 16; Jan. 1, 26; wyše 1, 5; 11, 16.

5. To slyšawši buchu wukřćeni w mjenje Knjeza Jězusa.

6. A hdyž bě Pawoł rucy na nich položil, přinďte Duch swjaty na nich, a řečachu w řečach a wěšćachu.

7. Běše pak wšěch muži na dwanaće.

8. A wón khodžeše do synagogi a řečeše z dowěru tři měsacy, rozwučejo a přeswědčejo wo kralestwje Božim.

9. Hdyž pak někotři so zatwierdžichu a njewěrjachu, hanicy Knjezowy puč před mnohosću, woteńdže wot nich a wotdžěli wučownikow, a wučěše wšědnje we wučefni wěsteho Tyranna.*

10. To pak stawaše so přez dvě lěće, tak zo wšitecy, kotřiž w Asiji přebywachu, Knjezowe słowo slyšachu, Židža a pohani.

11. A njemale džiwy činješe Bóh přez ruku Pawoła,

12. Tak zo buchu pótne rubiška a podpaski z jeho čěla na khorych kładžene, a khorosće wotkhaďzachu wot nich, a zle duchu wuńdžechu.

13. Spytachu pak tež někotři z wokoło khodžacych židowskich zaroćerjow k mjenej Knjeza Jězusa so wołać nad tymi, kotřiž mějachu zle duchu, prajicy: Zakliwam was přez Jězusa, kotrehož Pawoł wopowěduje.*

14. Běchu pak to wěsći sedmjo synowje židowskeho wyššeho měšnika Scevy, kotřiž to činjachu.

15. Wotmołwjejo pak zly duch rjekny jim: Jězusa znaju, a tež wo Pawołu wěm; što pak sće wy?

16. A ěłowjek, w kotrymž zly duch běše, skoćiwši na nich a dweju so zmocowawši přemóže jeju tak, zo nahaj a ranjenaj čeknyštaj z toho domu.

17. To pak bu znate wšěm Židam a pohanam, kotřiž w Efesu bydlachu; a bojósć napadže wšěch, a mjeno Knjeza Jězusa bu wulcy khwalene.

18. A mnozy z wěriwych přikhaďzachu, wuznawajcy a wozjewjejcy swoje skutki.

19. Mnozy pak z tych, kotřiž běchu kuzlařske wěcy činili,* přinjesechu knihi, a spalichu je přede wšěmi; a zličbowawši jich plaćiznu namakachu, zo je na pjećdžesat tysac denarow.*

20. Tak mójnje rosćeše słowo Bože, a wobtwjerdžeše so.

21. Hdyž bě to dokonjane, wotmysli sebi Pawoł w duchu, zo by přesědši Macedoniju a Achaju, do Jeruzalema šoł, prajo: Hdyž tam pobudu, dyrbju tež Rom wohladać.

22. Póslawši pak do Macedonije dweju z tych, kotřiž jemu služachu, Timothea a Erasta, wosta někotry čas w Asiji.

23. Nasta pak w tom času njemale zběžk dla Knjezowego puća.*

24. Přetož jedyn slěbownik, z mjenom Demetrius, kotryž slěbrowe temple (bohowki) Diany dźělaše, poskićowaše wumjelcam njemale dobytk.

25. A zwolałwi jich a tych, kotřiž běchu toho sameho rjemjesla, rjekny: Mužowje, wěsće, zo mamy z tutoho wumjelstwa wužitk.

26. A widziće a slyšiće, zo tutón Pawoł nic jeno w Efesu, ale nimale po wšej Asiji namołwjejo wjele ludu wotwobroća, prajo:

9. Najskerje mjeno pohanskeho mudreho, kotryž mladosć we wědomosćach rozwučeše. — 18. Woni běchu widželi, kak Pawoł w Jězusowym mjenje djaboły wuhonja. — 19. Zda so, zo su to pohanscy kuzlarjo byli, dokelž wěšćenje a kuzlařstwo bě w Efesu jara rozšěrjene. Podawk dopokazuje, kak spomónnje swjaty Pawoł tu skutkowaše, hdyž so tući ludžo swojich drohich knihow, kotrež běchu wokoło třěći tysac hriwnow winojte, wotrjeknychu. — 28. t. r. ewangelia dla.

To njesu bohowsje, kotřiž su z rukomaj džělani.

27. Hrozy pak nic jeno našemu džělej strach, zo do hidženja přińdže, ale tež templ wulkeje Diany njebudže za ničo měty, a spadować počnje tež jeho krasnosť, kotruž česći cyła Asija, haj swět.

28. To slyšawši buchu z hněwom přewzaći, a wołachu prajicy: Wulka (je) Diana Efesskich!

29. A napjelnjene bu město z ropotom, a čěrjachu so jednomyslnje do džiwadla,* hrabnywši Gaja a Aristarcha, Macedonskeju přewodnikow Pawoła.

30. Hdyž pak cheyš Pawoł mjez lud stupić, njedachu to wučownicy.

31. Haj tež někotři z předstojnikow Asije,* kotřiž běchu jeho přecelowje, pošlachu k njemu a prošachu, zo by so njepodał do džiwadla.

32. Druzy pak zaso druhe wołachu. Přetož zhromadžizna bě zamučena; a mnozy njewědzachu, čohodla běchu so zběželi.

33. Z črjody pak wučahnychu Alexandra, kotrehož Židza předwjedžechu. Alexander pak, z ruku kiwnywši, cheyš před ludom so zamołwjeć.*

34. Hdyž pak spóznachu, zo je Žid, zběže so jedyn hlós wšěch, kotřiž na dvě hodzinje wołachu: Wulka (je) Diana Efesskich!

35. A hdyž bě (wyšši) pisar* črjody změrował, rjekny: Mužowje Efesscy, što je mjez ludźimi, kotryž by njewědzał, zo město Efesskich česći wulku Dianu a Jupitrowu džowku?

36. Hdyž pak je njemóžne tomu so

napřećiwić, je trjeba, zo so změrujeće, a w ničem so njepřekhwataće.

37. Přetož přiwjedli sće tuteju čłowjekow, kotrajž nejstaj ani rubježnikaj swjatnicy, ani haničerjej wašeje bohowski.

38. Jelizo pak maju Demetrius a wumjelecy, kotřiž su z nim, přećiwo někomu skórzbu, bywaju zjawne sudy, a su tu naměstnicy; njech skorža mjez sobu.

39. Jelizo pak něšto druhe pytaće, móže so wučinjeć w porjadnej zhromadžiznje.

40. Přetož many tež so bojeć, zo bychmy winowani byli džensnišeho zběžka dla, dokelž nichtó, (z kotrymž bychmy so zamołwjeć móhli,) njeje winowaty na tomle zběžku. A hdyž bě to prajil, rozpušći zhromadžiznu.

STAW XX.

Pawoł wšelake džěle Macedonskeje a Grekskeje překhodziwši předuje w Troadže hač do nocy, a hdyž młodźenc Eutychus z jědźefnje w třecim poskchodže padnywši wumř, zbudzi jeho Pawoł, a wšelake města překhodziwši napomina měšnikow z Efesa powołanych, zo bychy kežbni byli we wjedženju cyrkwy, jim do přědka prajo, zo jeho wjacj njewohladaju.

Hdyž pak bě njeměr přestał, powoła Pawoł wučownikow (k sebi) a napominawši jich, zrozžochnowa so z nimi, a woteńdže, zo by do Macedonskeje so podał.

2. Hdyž pak bě tute krajiny překhodził, a je z mnohimi słowami napominał, přińdže do Grekskeje.

3. A hdyž bě tu tři měsacy pobyl, lakachu Židza na njeho, jako cheyš do Syrije so přewjezć; a wotmysli sebi, přez Macedonsku so wrócić.

29. Bě to město, z murju wobdate, na kotrymž mějachu so zjawne hry a tež ludowe zhromadžizny. — 31. To běchu najwyšši zastojnicy, kotřiž so wot ludu na lěto wuzwolachu a kotřiž mějachu wopory, swjědženje a hry k česći bohowski Diany wuhotować. W Efesu mějachu swoje sydlo; bě jich dšesać. Zo běchu tući wosobni ludžo z Pawołom spřeceleni, dopokazuje, kak jara jeho tež pohani česćachu. — 33. Alexander cheyš lud powučił a jemu rozestajeć, zo su Židza njewinowaci na zběžku, tola lud njerozeznamaše mjez křesćanami a Židami, kotřiž dšě tež jich bohowsku zacpěwachu; tuž njewučini Alexander ničo. — 35. t. j. bohowsky kancelar abo sekretar, potajkim romski zastojnik, kotryž nětko w mjenje wyšnosće zběžk změruje.

4. Přewodžeše pak jeho Sopater, (syn) Pyrrha Beroejskeho, z Thessalonskich pak Aristarchus a Sekundus, a Kajus z Derby a Timotheus; z Asiskich pak Tychikus a Trofimus.*

5. Ći wuńdžechu do přédka a čakachu na nas* w Troadže.

6. My pak wotwjezechmy so po dnjach njekisanych khlěbow* z Filippi a přińdžechmy za pjec dnjow do Troady, hdžež sedm dnjow pobychmy.

7. Přeni džen tydženja* pak, hdyž běchmy so zhromadžili k łamanju khlěba, rěčeše k nim Pawoł, kiž chceše nazajtra woteńć, a podlějši rěč hać do połnocy.

8. Běše pak tam wjele lampow w hornej jstwě, hdžež běchmy zhromadženi.

9. Jedyn młodźenc pak, z mjenom Eutychus, we woknje sedžacy, bu z hlubokim spanjom zajaty, hdyž Pawoł dlěje rěčeše, a přemóženy wot spara spadže z třećeho poskhoda dele, a bu mrtwy zběhnjeny.

10. Hdyž bě Pawoł k njemu zestupił, zlehny so na njeho, a wobjawši jeho rjekny: Njerudźće so; přetož duša je hišće w nim.

11. A hdyž zaso horje zeńdže, lamaše a pojě khlěb,* a dosć jim rěčawši hać do switanja, tak woteńdže.

12. Přiwjedžechu pak młodźenca žiweho, a zwjeselichu so njemalo.

13. My pak stupiwiši na lódz wotwjezechmy so do Assa,* zo bychmy wottam Pawoła (zaso) přijeli; přetož tak bě postajił, hdyž chceše po kraju hić.

14. Hdyž pak wón w Assu z nami so

zeńdže, přijachmy jeho a přińdžechmy do Mityleny.*

15. A wottudy so wotwjezechmy a přińdžechmy na scěhowacym dnju před (kupu) Chios, a na druhi džen zastajichmy před (kupu) Samos, a nazajtra přińdžechmy do Mileta.*

16. Přetož Pawoł bě sebi wotmyslił, Efesa so zmynyć, zo by w Asiji so nje-komdžil. Přetož khwataše, zo by, by-li jemu móžno było, swjatkowny džen w Jeruzalemje był.

17. Z Mileta pak do Efesa pošlawši, powoła staršich cyrkwe.

18. A hdyž běchu k njemu prišli a w hromadže běchu, rjekny jim: Wy wěsće wot přenjeho dnja, na kotrymž do Asije zastupich, kak sym z wami byl wšitkón čas,

19. Služo Knjezej ze wšej ponižnosću, w sylzach a w spytowanjach, kotrež na mnje přikhadžachu ze židowskich přescěhanjow;

20. Kak ničo njezadđeržach, štož je wužitne, zo bych wam njewozjewił a was njewučil zjawnje a po domach,

21. Swědčo Židam a pohanam wo wobroćenju k Bohu a wo wěrje do našeho Knjeza Jězusa Khrystusa.

22. A hlej, nětko ja wot ducha zwjazany* du do Jeruzalema, a što so mi tam stanje, njewěm;

23. Khiba zo Duch swjaty we wšěch městach mi wobswědčuje,* prajo, zo puta a tyšnosće w Jeruzalemje mje čakaju.

24. Ale wšoho toho so njeboju, a njewazu sebi žiwjenje za dróžše, dyžli sebje

XX. 4. Ze wšelakich asiskich a europekich křesćanskich wosadow, kotrež bě Pawoł založil, přewodžachu jeho někotři mužowje do Jeruzalema, zo bychy z darami lubosće, kotrež přinjesechu, z hłownej cyrkwy so zjednočili a zjawnje wozjewili, zo tu samu wěru wuznawaju. — 5. Tež Lukaš bě potajkim w towarštwje s. Pawoła. — 6. t. j. jutry. — 7. t. j. njedźela, potajkim hižo tehdy zhromadžachu so křesćenjo njedźelu k Božim službam. — 11. t. r. nětko, po połnocy, swjećeše Pawoł swjaty njekrwawny wopór a wudželeše swjate woprawjenje. — 18. Assos bě namórske město w Mysiji. — 14. Mitylena rěka hłowne město kupy Lesbos. — 15. Chios a Samos stej kupje w aegejskim morju, blizkej małosiskemu brjohej. Milet bě namórske město w Joniji. — 22. t. r. wot ducha pohanjowany a jeho pohnuwanjam poslušny. — 23. Wot Ducha swjateho bu Pawoł powučeny, zo na njeho w Jeruzalemje ćežke pruhowanja čakaju, tola pak z dowěru na Božu pomoc bě poslušny pohnuću swojeho ducha a poda so do Jeruzalema.

samoho, jeno zo bych dokonjał swój běh, službu słowa, kotruž dóstach wot Knjeza Jězusa: swědčić ewangeliu Božeje miłosće.

25. A nětko, hlej, ja wěm, zo wjacj njewohladaće moje wobličo wy wšitecy, mjez kotrymiž sym khodźił předujo kralstwo Bože.

26. Tohodla wobswědčam wam na džensnišim dnju, zo sym čisty wot krewe wšitkich.*

27. Přetož njejsym so wotwłakował, wam připowědźeć wšitku radu Božu.

28. Kedźbujće na sebje a na cyle stadło, w kotrymž je was Duch swjaty jako biskopow postajił, zo byšće wjedli cyrkej Božu, kotruž je (sebi) dobył ze swojej krowu.

29. Ja wěm, zo po mojim wotkhadže na was přińdu rubježne wjelki, kotrež stadło njepřepušeju.

30. A z was samych powstanu mužowje, kotřiž budža přewróćene wěcy rěčeć, zo bych wučownikow k sebi sčahnyli.

31. Tohodla kedźbujće, pomnicy, zo sym přez tři lěta wodnjo a w nocy njepřestawał ze sylzami napominać kóždžičkeho z was.

32. A nětko poručam was Bohu, a słowej jeho miłosće, kotryž je mócný natwarić* a herbstwo dać ze wšemi swjatosćenymi.

33. Slěbra a złota abo drasty njepožadach wot nikoho, jako

34. Sami wěsće, dokelž k tomu, štož bě trěbne mi a tym, kotřiž běchu ze mnu, poslužistej tutej rucy. 1. Kor. 4, 12;

1. Thess. 2, 9; 2. Thess. 3, 8.

35. Ze wšim sym wam pokazał, zo tak džělajcy dyrbymy slabym (we wěrje) pomhać a słowo Knjeza Jězusa wopominać, dokelž wón je prajił: Zbóžnišo je dawać dyžli brać.

36. A hdyž bě to prajił, poklaknywši pomodli so z nimi wšitkimi.

37. Nasta pak wulke plakanje wšitkich; a padnywši Pawolej wokoło šije košachu jeho,

38. Rudžicy so najbóle nad słowom, kotrež bě prajił, zo bych njeměli wjacj jeho wobličo widžeć. A přewodžachu jeho k lódzi.

STAW XXI.

Pawolej, kotryž do Jeruzalema pućuje, wěšći profeta Agabus přescěhanja, kotrež změje w Jeruzalemje čerpjeć. Ani z plakanjom přecelow njeda so wotwobročić, zo by do Jeruzalema nješoł. zwólny, tež smjerć čerpjeć za Khrystusa. Hdyž bě do Jeruzalema přišoł, radži jemu Jakub, zo by so poswjećil ze štyrjomi mužemi, kotřiž mějachu nazirejski slub na sebi; a hdyž to činješe, bu wot Židow jaty, ale bu jich rukam wutorhnjeny přez tribuna, a z rječazami zwjazany bu dowjedženy na twerdžiznu. Dosta pak dowolnosť, zo smě k luděj rěčeć.

Hdyž pak bě so stało, zo zawostajiwši jich so wotwjezechmy, přińdžechmy w runej smuzy na Kos, a nazajtra na Rhodus, a wottudy do Patary.*

2. A hdyž nadeńdžechmy lóď, kotraž cheyšće do Foenicije přejěć, stupiwši do njeje wotwjezechmy so.

3. A hdyž so nam (kupa) Cypr pokaz, wostajiwši ju na lěwej stronje wjezechmy so do Syrije a přińdžechmy do Tyra; přetož tam měješe lóď nakład zložiť.

4. Namakawši pak wučownikow, wostachmy tu sedm dnjow; a či prajachu Pawolej přez Ducha,* zo by njekhodźił do Jeruzalema.

5. A hdyž běchmy (te) dny dopjelnili, so zebrawši podachmy so na puć, a přewodžachu nas wšitecy ze žonami a džěćimi, hač za město won; a na brjozy poklaknywši pomodlichmy so.

26. Ja sym was wo wšim rozwučował; budže-li pak něchtó tola zhubjeny, njejsym na tom wina. — 32. t. r. křescansku cyrkej rozšěrjeć a wobtwerdzić.

XXI. 1. Kos a Rhodus stej kupje w aegejskim morju, blizkej małoasiiskemu brjohej. Patara je wulke namófske město w małoasiiskej krajinje Lyciji. — 4. Přez wozjewjenje Ducha swjateho wědžachu, zo na Pawola přescěhanja čakaju; we swojim duchu wotradžachu, do Jeruzalema hić.

6. A hdyž běchmy mjez sobu so roz-zohnowali, stupichmy na lódz; woni pak wróćichu so domoj.

7. My pak wjezbu dokonjejey přin-dzechmy z Tyra do (města) Ptolemais, a hdyž běchmy bratrow postrowili, wostachmy džen pola nich.

8. Nazajtra pak wotkhaďzejcy přin-dzechmy do Caesareje; a zastupiwi do domu Filipa, evangelisty,* kotryž bě jedyn ze sedmich, wostachmy pola njeho.

9. Wón pak měješe štyri džowki, knježny, kotrež wěščachu.*

10. A hdyž zwostawachmy někotre dny, přinďze z Judeje jedyn profeta, z mjenom Agabus.

11. Hdyž bě tón k nam přišol, wza Pawołowy pas, a zwjazawši sebi nozy a rucy rjekny: Muža, kotrehož je tónle pas, zwjazaju tak Židža w Jeruzalemje, a podadža do rukow pohanow.

12. Hdyž běchmy to slyšeli, prošachmy my a kotřiž we wonym měsće běchu, zo by do Jeruzalema njekhodžil.

13. Tuž wotmołwi Pawoł a rjekny: Što činiće, zo plakaće a čeziće moju wutrobu? Přetož ja sym hotowy, nic jeno zwjazany być, ale tež wumřć w Jeruzalemje za mjeno Knjeza Jězusa.

14. A hdyž jemu wotradzić njemóžachmy, spokojichmy so, prajicy: Knjezowa wola so stań.

15. Po tychle dnjach pak přiřetowachmy so a džěchmy do Jeruzalema.

16. Woteńdžechu pak z nami tež někotři wučownicy z Caesareje, a wjedžechu nas k wěstemu Mnasoncej, Cypriskemu, staremu wučownikej, pola kotrehož bychmy hospodu měli.*

17. ▲ hdyž běchmy do Jeruzalema přišli, přijachu nas bratřa radži.

18. Nazajtra pak džěše Pawoł z nami k Jakubej, a wšitcy starši so zhromadźichu.*

19. A hdyž bě jich postrowil, powědaše nadrobnje, što je Bóh činił mjez pohanami přez jeho službu.

20. A hdyž woni to wuslyšachu, Knjeza wulcy khwalachu, a rjeknychu jemu: Widžiš, bratře, kelko tysacow je mjez Židami, kotřiž buchu wěrjacy, a wšitcy su horliwcy za zakon.*

21. Wo tebi pak su slyšeli, zo wotpad wot Mójzesa wučíš (tych) Židow, kotřiž su mjez pohanami, prajo, zo njedyrbja svojich synow wobřezać, ani khodzić po wustajenjach.*

22. Što je nětko (činić)? Zawěsće dyrbi mnohosć so zhromadzić; přetož budža slyšeć, zo sy přišol.*

23. Tuž sčiu, štož tebi prajimy. Pola nas su štyrjo mužowje, kotřiž maju slub na sebi.*

8. t. r. wučerja ewangolia, jedyn ze sedmi diakonow, hl. st. 6, 5. — 9. t. r. kotrež w swjatej zahorjenosći často rěčachu, wučachu a přichodne wěcy wědzachu a powědachu. — 16. Měješe najskerje w Jeruzalemje khěžu, w kotrejž móžeše někotrym hospodu poskićić. — 18. Jakub bě jenički japoštoł, kiž w Jeruzalemje jako biskop tuteje wosady přebywaše; pola njeho zhromadźichu so starši, t. r. wosadni měšnicy. — 20. t. r. maju zakónske postajenja za wužitne, a wobkedžbuja je, hač runje njejsu wjacj poručene. — 21. To njebě swjaty Pawoł wučil; wón sam dopjelneje Mójzesowy zakon, wosebje hdyž so boješe, zo bych Židža pohóršk brać móhli, hdy by jón zanjechal. Wón wučěše jeno, zo za křesćanskich Židow jednotliwe postajenja zakonja jako winowatosće dale njeplaća, a zo woni tohodla njezhřeša, hdyž postajenja zakomdžuju. — 22. t. r. Što ma so stać, zo by tebe wuhladawši lud pohóršk njebrał a tebe za njeprěćela Mójzesoweho zakonja njeměl? A měšnicy jemu radža, zo by ze zjawnym wosebitym skutkom dopokazał, kak njewěrne su powěsće wo nim a zo wón tež Mójzesowy zakon dopjelnja, zakónske sluby zložuje a wopory woprjuje. — 23. To bě tak mjenowany nazirejski slub; štož jón činješe, měješe so wšelakich napojow zdžeržeć a sebi włosy rosć dać, doniž čas sluba so njeminy. Třibanje włosow běše wobryad abo ceremonija, z kotrejž so slub skónči; před tym pak woprowachu so wšelake wopory, kotrež běchu z wulkimi wudawkami zjednocene, tak zo khudši je sami plaćić njemóžachu. Z tym nětko, zo Pawoł z druhimi nazirejski slub na so wozmjje a zjawnje wšitko dokonja, štož sebi zakon žada a zo wón z woporami zjednocene wudawki tež za druhich zaplaćić, dyrbjachu Židža zhonić, zo wón Mójzesowy zakon njezapěwa a zo su wo nim rozšěrjene powěsće njeprawne.

24. Tych wzmi k sebi a poswjeć so z nimi, a zapłać za nich,* zo bychu (sebi) hłowu třihać dali, a wšitecy spóznaŕja, zo je, štož su wo tebi słyšeli, njewěrne, ale zo tež sam khodźiš wobkedźbujō zakōń.

4. Mójz. 6, 18; wyše 18, 18.

25. Wo tych pak, kotřiž su wěřili z pohanow, smy my pisali rozsudžejcy, zo bychu so zdžerželi toho, štož bu přiboham woprowane, a krewje, a zadušeneho a kurwafstwa. Wyše 15, 20. 29.

26. Tuž wza Pawoł mužow k sebi a na druhi dzeń so poswjećiwši z nimi zastupi do templa, a wozjewi dopjelnjenje dnjow wučiscěnja, tak zo by za kóždeho z nich wopor woprowany byl.*

27. Mjez tym pak, zo (žadane) sedm dnjow so dopjelnjachu, našćuwachu Židža, kotřiž běchu z Asije, hdyž jeho w templu wuhladachu, wšitkōn lud, a zložichu rucy na njeho, wołajcy:

28. Mužowje israelscy, pomhajće! to je tōn čłowjek, kotryž přećiwo ludej a zakoněj a tomule městu wšitkich wšudže wuči; k tomu je tež pohanow přiwjedl do templa a wonječesćil tuto swjate město.

29. Přetož běchu Trofima Efesskeho* z nim w měsće widželi a mēnjachu, zo je jeho Pawoł do templa přiwjedl.

30. A cyle město bu zamućene, a sta so zběžk ludu. A přimnywši Pawōla wlečechu jeho z templa won; a hnydom buchu wrota zamknjene.

31. Jako pak pytachu jeho morić, bu tribunej kohorty powědžene: Cyly Jeruzalem so mući.

32. A tōn wza sebi hnydom wojakow a stotnikow, a přiřhwata na nich. Hdyž pak tribuna a wojakow wuhladachu, přestachu Pawōla bić.

33. Tuž tribun přistupi wši jeho přimny, přiřkaza jeho z dwěmaj rječazomaj

zwyžać, a praše so, što by byl a što je činil.

34. Jedni pak wołachu to a druzy wono we črjódže. A dokelž wěstōć zhonić njemōžće pře holk, přiřkaza jeho do twjerdžizny wjesć.

35. A hdyž přiřdže k skhodženkam, sta so, zo bu njeseny wot wojakow dla namocowanja ludu.

36. Přetož scěhowaše mnohosć ludu, wołajcy: Preč z nim!

37. A hdyž bu Pawoł do twjerdžizny nutř wjedzeny, praji tribunej: Smēm k tebi něšto rěčeć? A wōn rjekny: Mōžeš grekscy?

38. Njejsy ty Egiptowčan, kiž sy před tymile dnjami zběžk zbudžil a do puščiny wuwjedl štyři tysacy mordarjow?

39. A Pawoł rjekny k njemu: Ja sym židowski muž z Tarsa w Ciliciji, mēščan znateho města. A prošu će, dowol mi porěčeć k ludej.

40. A hdyž bě wōn dowolił, kiwny Pawoł stojo na skhodženkach z ruku na lud, a jako bu wulka čišina, rěčeše w hebrejskej rěči, prajo:

STAW XXII.

Hdyž bě Pawoł k swojemu zamołwjenju swoje wobroćenje po rjadu powědał, wołaju Žida. zo ma so ze zemje zhubić, dokelž praji, zo je wot Boha posłany byl, zo by pohanam přede- wał; tribun pak chcyše jeho z prutami šwikać a čwělować; hdyž pak bě prajił, zo je romski krajan, bu pušćeny.

Mužowje, bratřa a wótecy, poslušajće na moje zamołwjenje, kotrež před wami nětko dawam.

2. Hdyž pak wuslyšachu, zo w hebrejskej rěči k nim rěči, scišichu so bóle.

3. A wōn praji: Ja sym židowski muž, rodženy w Tarsu w Ciliciji, kubłany pak w tomle měsće, k nohomaj Gamaliela sym rozwučeny po prawdže wótcowskeho za-

24. t. r. štožkuli so k woporam žada, kotrež před třiňanjom włosow so woprowachu. — 26. t. r. wozjewi mēšnikam, zo budža sedm dnjow hišće swjōj slub džeržeć a tež dzeń, na kotrym so slub skōnči, a na kotrymž maju so wopory woprować. — 29. Trofimus bě z Pawołowych přewodžerjow, hl. st. 20, 4.

konja, horliwc za zakon, jako tež wy wšitcy džensa sće;

4. Kotryž sym tónle puć* přesćěhał hač na smjerc, wjazajo a podawajo do jastwa mužow a žony, Wyše 8, 3.

5. Jakož wyšši měšnik mi swědčenje dawa a wšitcy starši, wot kotrychž tež listy dóstawši pućowach k bratram do Damaska, zo bych wottam přiwjedił zwjazanych do Jeruzalema, zo bych u khostani byli. Wyše 9, 3.

6. Sta pak so, jako tam džěch a so bližach k Damaskej připódnju, zo mje z njebja nahle wobjasni mócné swětło.

7. A padnywši k zemi wuslyšach hlós, kiž mi praji: Saulo, Saulo, što mje přesćěhaš?

8. Ja pak wotmołwich: Štó sy, Knježe? A wón rjekny ke mni: Ja sym Jězus Nazarethski, kotrehož ty přesćěhaš.

9. A kotřiž běchu ze mnu, widžachu drje swětłósć, njeslyšachu pak hlós toho, kiž ze mnu rěčeše.

10. A rjeknych: Što mam činić, Knježe? Knjez pak rjekny ke mni: Wstań a dži do Damaska, a tam budže tebi prajene wo wšim, štož maš činić.

11. A dokelž njewidžach pře jasnosć toho swětla, přińdžech wot přewodnikow za ruku wjedzeny do Damaska.

12. Wěsty Ananias pak, muž po zakonju, kiž měješe swědčenje wot wšěch tam přebywacych Židow,

13. Přińdže ke mni, a přistupiwši rjekny mi: Saulo, bratře, pohladni! A ja w tej samej hodzinje pohladach na njeho.

14. A wón rjekny: Bóh našich wótcow je tebje postajil, zo by póznał jeho wólu a widžal Sprawneho, a slyšal hlós z jeho rta;

15. Přetož budžeš jeho swědk pola wšitkich čłowjekow wo tom, štož sy widžal a slyšal.

16. A nětko, što komdžiš so? Wstań a daj so křćić, a zmyj swoje hrěchi, woławši so k jeho mjenu.

17. Sta pak so, hdyž do Jeruzalema so wróćich a w templu so modlach, zo buch pozběhnjeny w duchu,

18. A widžach jeho, jako ke mni praji: Khwataj a woteńdž khětre z Jeruzalema, dokelž njepriwozmu twoje swědčenje wo mni.

19. A ja rjeknych: * Knježe, woni wědža, zo ja zawěrach do jastwa a bijach w synagogach tych, kotřiž do tebe wěrychu;

20. A hdyž so wuliwaše krej Šćěpana, twojeho swědka, stojach ja pódla, a přizwolach, a stražowach drasty tych, kotřiž jeho zabijachu.

21. A wón rjekny ke mni: Dži, dokelž ja cheu će daloko mjez pohanow pósłać.

22. Posluchachu pak na njeho hač do toho słowa, a (tu) pozběhnychu swój hlós prajicy: Preč ze zemje z tajkim! přetož njeslyša so, zo je žiwy.

23. A hdyž woni křičachu a swoje drasty wot so mjetachu, a proch do powětra čiskachu,*

24. Přikaza tribun jeho do twjerdžizny dowjesć, a ze šwikadłami bić a čwělować, zo by zhonił, z kotreje winy na njeho tak wołachu.

25. A hdyž běchu jeho z rjemjenjemi přiwjazali, praji Pawoł při nim stojacemu stotnikej: Je wam dowolene, Romskeho čłowjeka šwikać, a to njesudženeho?

26. To slyšawši dóńdže stotnik k tribunaj a wozjewi jemu prajo: Što chceš činić? přetož tón čłowjek je romski krajan.

XXII. 4. t. r. wšěch, kotřiž po křesćanskim puću khodža. — 19. Pawoł chceše prajić: Ja pak sebi tola myslu, zo tu w Jeruzalemje něšto dokonjam, dokelž wobydlerjo wědža, kak sym předy křesćanow přesćěhał, a přińdu, hdyž mje wobročeneho widža, tež k spóznaću wěrnosće. — 28. Chychu jeho kamjenjować.

27. Přistupiwiš pak rjekny k njemu tribun: Praj mi, sy ty Romski? A wón rjekny: Haj.

28. A tribun wotmołwi: Ja sym za wulki pjenjz to krajanstwo docpěl. A Pawoł džeše: Ja pak sym (Romski) so tež narodžil.

29. Tuž wotstupichu hnydom wot njeho, kotřiž mějachu jeho čwělować. Tež tribun so naboja, hdyž bě zhonił, zo je romski krajan, a zo bě jeho zwjazac dał.

30. Nazajtra pak chcyjo wěsćišo zhonić, z kotreje winy bu wot Židow wobskoržowany, da jeho wotwjazac, a prikaza, zo bychu so zhromadžili měšnicy a cyła rada, a přiwjedši Pawola staji jeho mjez nich.

STAW XXIII.

Pawoł mjenuje před měšnikami a cyłej radu wyšeho měšnika, kotryž bě jeho na hubu dyrić kazał, wobělenu scěnu a zamołwa so, dokelž wědzał njebě, zo je wón wyši měšnik. Hdyž bě tu prajił, zo je farisej, a wot-mortwych-wstaća dla sudženy, nasta mjez farisejemi a sadducejemi wulka zwada. Bóh Pawola w nocy posylni, wozjewjejo, zo zněje tež w Romje wo nim swědčić. Hdyž bě so zhoniło, zo su mnozy so zapřisahali, zo Pawola skónčuja, da jeho tribun wot wojakow přewodžaneho do Caesareje dowjesć k bohotej Felixej, jemu list napisawši.

Pohladał pak na zhromadžiznu rjekny Pawoł: Mužowje bratra, ja syni ze wšim dobrym swědomjom khodžil před Bohom hač do džensnišeho dnja.

2. Wyši měšnik Ananias pak poručí tym, kotřiž při nim stojachu, zo bychu jeho na hubu bili.*

3. Tuž rjekny Pawoł k njemu: Bóh budže tebe bić, wobělena scěna.* A ty sedžiš, zo by mje sudžil po zakonju, a přećiwo zakounej kazaš nje bić?

4. A kotřiž tu stojachu, rjeknychu: Wyšeho měšnika Božeho haniš?

5. Pawoł pak rjekny: Njewědžach, bratra, zo je wyši měšnik. Přetož pi-

sane je: „Wjefeha swojeho ludu njesměš hanić.“

2. Móž. 22. 28.

6. Dokelž pak Pawoł wědžeše, zo je jedyn džěl sadducejow a druhi farisejow, zawola w radže: Mužowje bratra, ja sym farisej, syn farisejow; dla nadžije a horjewstaća mortwych sym ja sudženy.*

Fil. 3. 5.

7. A hdyž bě to prajił, nasta zwada mjez farisejemi a sadducejemi, a zhromadžizna so rozščěpi.

8. Přetož sadducejowje praja, zo njeje horjewstaće, ani jandžel a duch; farisejowje pak woboje wuznawaju.

Mat. 22. 23.

9. A nasta wulki křik. A někotři z farisejow wstanywši wojowachu (za njeho), prajicy: Ničo zleho njenańdžemy w tomle čłowjeku; a što, hdy by duch był k njemu řečal, abo jandžel?*

10. A hdyž bu zwada wulka, naboja so tribun, zo by Pawoł wot nich roztorhany był, a prikaza wojakam, zo bychu dele zešli a jeho wutorhnyli z jich srjedžiny a do twjerdžizny dowjedli.

11. W slědowacej nocy pak přistupi k njemu Knjez a džeše: Budž wobstajny! přetož jako sy wo nni swědčil w Jeruzalemje, tak dyrbiš tež w Romje swědčić.

12. A hdyž bu džeń, zeńdžechu so někotři ze Židow, a zapřisahachu so prajicy, zo njebudža ani jěsć ani pić, hač Pawola morja.

13. Běše pak wjacj dyžli štyrceći muži, kotřiž tule přisahu scinichu.

14. A či přistupichu k wyšim měšnikam a staršim, a rjeknychu: Z přisahu smy slubili, zo ničoho njewoptamy, hač Pawola morimy.

15. Tuž nětko wy z radu tribunej wozjewće, zo by jeho k wam přiwjedł, jako byšće něšto wěsćišeho cheyli wo nim zhonić. My pak, prjedy hač so přibliži, smy hotowi jeho morić.

XXIII. 2. t. r. jako by něšto njepřistojne a njeprawe prajił. — 3. t. r. ty tajenco. — 6. t. r. sym sudženy, dokelž wěrju a so nadžiju, zo wot mortwych wstanjemy a potom budžemy wěčnje žiwi. — 9. t. r. hdy by jeho wučba bójska byla, potom bychmy jemu wěrić dyrbjeli.

16. A hdyž wo tomle lečenju sotřiny syn Pawola zaslyša, přińdže a zastupi do twjerdžizny, a powě to Pawolej.

17. Pawoł pak jenoho ze stotnikow zawoławši rjekny: Dowjedź tutoho młodźenca k tribunej; přetož ma jemu něšto wozjewić.

18. A tak tón jeho wzawši dowjedže jeho k tribunej a rjekny: Jaty Pawoł je mje prosyl, zo bych tohole młodźenca k tebi dowjedł, dokelž ma tebi něšto rjec.

19. A tribun wzawši jeho za ruku, wotstupi z nim w stronu a wopraša so jeho: Što je, štož maš mi wozjewić?

20. Wón pak rjekny: Židža su postajili tebje prosyć, zo by jutře Pawola do rady přiwjedł, jako bychu něšto wěsćiše chcyli zhonić wo nim;

21. Ty pak njewěř jim; přetož na njeho lakaju wjac dyžli štyrceći muži, kotřiž su přisahali, zo njebudža jěsć ani pić, hač jeho morja; a nětko su přihotowani, čakajcy na twoje slubjenje.

22. Tuž pušći tribun młodźenca a prikaza, zo by nikomu njeprajil, zo je jemu to wozjewil.

23. A zawoławši dweju stotnikow rjekny jimaj: Přihotujtaj dvě sčě wojakow, zo bychu šli hač do Caesareje, a sedmdžesat jězdnych a dvě sčě hlebi-
jerjow, wot třećeje nócenej hodžiny.*

24. A skoćata přihotujtaj, zo byštaj Pawola na nje sadžiloj a stroweho dowjedloj k bohotej Felixej.

25. (Přetož woboja so, zo bychu jeho snadž Židža hrabnyli a morili, a wón potom hanjenje čerpjeć měl, jako by [wot nich] pjenjezy přijal byl.)

26. A napisa list tole wobsahowacy: „Klaudius Lysias najlěpšemu bohotej Felixej postrowjenje.

27. Tutoho muža, kotryž bu wot Židow zajaty a mješe (wot nich) morjeny być, wutorzech z wójskom k tonu přišedši, hdyž zhonich, zo je Romski.

28. A dokelž chcych winu wědžeć, kotrejež dla na njeho skoržachu, dowjedzech jeho do jich rady.

29. A namakach, zo je wobskoržowany wo prašenjach jich zakonja, zo pak nima (na sebi) žaneje zlóscě, kotraž by smjerć abo puta zawinila.

30. A hdyž bu mi powědžene wo lečenjach, kotrež běchu jemu přihotowane, poslach jeho k tebi, wozjewich tež wobskóržbnikam, zo bychu před tobu řečeli. Měj so derje.“

31. Tuž wojacy, jakož bě jim poručene, Pawola wzawši, jeho dowjedzechu w nocy do Antipatridy.*

32. A na druhi dzeń wostajiwši jězdnych, zo bychu z nim jěchali, wróćichu so do twjerdžizny.

33. A hdyž běchu do Caesareje přijěchali, a list bohotej přepodali, stajichu před njeho tež Pawola.

34. Hdyž pak bě čital a so woprašal, z kotreje krajiiny je, a zhoniwši, zo je z Cilicije,

35. Rjekny: Přeslyšu će, hdyž twoji wobskóržbnicy přińdu. A prikaza jeho w Herodesowym hrodě stražować.

STAW XXIV.

Před bohodom Felixom je Pawoł wot Tertulla, řečnika Židow, wobskoržowany a wotpokazuje zlóscě, kotrychž jeho winuja; wuznawa pak, zo je křesćan a zo je prajil, zo je z-mortwych-wstaća dla sudženy. Felix a Drusilla slyšitaj Pawola w nastupanju křesćanskeje wěry. Dokelž pak Felix wot Pawola pjenjez njedosta, wostaji jeho jateho swojemu nastupnikej Portiej Festej.

Po pječich dnjach pak dóńdže wyšši měšnik Ananias z někotrymi staršimi a z wěstyni Tertullom, řečnikom (do Caesareje), a či wustupichu před bohodom přeciwo Pawolej.

2. A hdyž bě Pawoł powołany, poča Tertullus wobskoržować prajo: Zo smy we wulkim pokoju žiwi přez tebje, a zo

su mnohe wěcy so porjedzile přez twoju starosć,

3. To připóznawamy přeco a všudže, najlepší Felixo! ze wšej džakownosću.

4. Zo pak bych će dlěje njezadržował, prošu, wuslyš nas z krótka po swojej dobroćiwosći.

5. Namakachmy tohole čłowjeka, jědoj-
telo, a zběžki zbudžaceho njeze wšěmi
Židami po wšim swěće, a wjednika zběžka
Nazarethskeje sekty,*

6. Kotryž je so tež zwažil templ wo-
nječescić, a kotrehož zajawši smy sudzić
cheyli po swojim zakonju.

7. Ale tribun Lysias přinǵže z wulkej
mocu, a wutorhny jeho z našich rukow,

8. Přikazawši, zo bychy jeho skórzbnicy
k tebi šli; a wot njeho zamóžeš, hdyž
sudžiš, sam zhonić wo wšim tym, čohož
dla my jeho wobskoržujemy.

9. Přistajichy pak tež Židža prajiej,
zo so tak ma.

10. Wotmołwi pak Pawoł (hdyž bě
bohot kiwnyl, zo by rěčal): Wědžo, zo
sy wot mnohich lět sudnik tohole na-
roda, budu z dobrej myslu za sebje rěčeć.

11. Přetož móžeš zhonić, zo njeje wjacy
dyžli dwanaće dnjow, jako přinǵžech do
Jeruzalema, zo bych so modlił.

12. A njenamakachu mje ani w templu,
zo bych z někim so wurěčował abo zběžk
mjez ludom zbudžal, ani w synagogach,

13. Ani w měsće; ani dopokazać tebi
njemóža, čohož dla mje nětko wob-
skoržuja.

14. To pak wuznawam tebi, zo po
wučbje, kotruž sektu mjenuja, Wótcej
a swojemu Bohu tak služu, zo wšomu
wěrju, štož je w zakonju a profetach
pisane,

15. Mějo nadžiju na Boha, zo budže
horjewstaće sprawnych a njesprawnych,
kotrež tež woni wočakuja.

16. Wo to tež sam so prócuju, zo
bych swoje swědomje stajnje bjez poroka
měł před Bohom a před čłowjekami.

17. Po někotrych lětach pak sym při-
šoł, zo bych jalmožnu přinjesł swojemu
luděj, a wopory dokonjal a sluby;

18. Při čimž mje nadeńdžechu, hdyž
buh wučisěny w templu, nic z črjódu
ani z hołkom. Wyše 21, 26.

19. Někotři Židža z Asije pak (tam
běchu), čí bychy dyrhjęli před tobu stać
a skoržić, bychy-li něšto měli přeciwu mi.

20. Abo tući sami njech praja, hač
su něšto njesprawného na mni namakali,
hdyž stojach před radu;

21. Khiba jenož to jedne słowo, kotrež
zawołach, mjez nimi stojo: Dla horje-
wstaća mortwych sym ja džensa wot
was sudženy. Wyše 23, 6.

22. Felix pak wěsće wědžo wo tom
puću,* wotłóži jich (wěc) prajo: Hdyž
tribun Lysias dele přinǵže, budu was
slyšeć.

23. A přikaza stotnikej, zo by jeho
stražował, tak zo by wolóžnosć měł, a zo
by žanomu z jeho přecelow njewobaral,
jemu poslužeć.*

24. Po někotrych dnjach pak přinǵ-
dže Felix z Drusillu, swojej mandželskej,
kotraž běše Židowka, powola Pawoła a
slyšeše jeho wo wěrje, kotraž je do
Khrystusa Jězusa.

25. A hdyž wón rěčeše wo sprawnosći
a čistoće, a wo přichodnym sudže, za-
stróži so Felix a wotmołwi: Na tón króc
dži; w přichodnym času će zawołam.

26. Při tom tež so nadžiješe, zo jemu
wot Pawoła so pjenjezy dadža,* tohodla
tež časěšo jeho powołajo, z nim rěčeše.

27. Hdyž pak běštej dvě léce so
minylej, dósta Felix nastupnika Portia
Festa. A dokelž cheyš Felix Židam lu-
bosć wopokazać, wostaji Pawoła w jastwje.

XXIV. 5. Tak hani wón Pawoła; jědojty t. j. škódný. — 22. t. r. wón znaješ křesćanstwo, a by tohodla derje rozsudzić móhl. — 23. Felix bě wo Pawołowej njewinowatosći přesvědčeny, ale z bojosće před Židami zděrža jeho w jastwje. — 26. Romscy naměstnicy běchu najbóle nadržani, a tež Felix wočakowaše, zo družty křesćenjo Pawoła wukupja.

STAW XXV.

Festus njeje Židam k woli, kotřiž z liščenjom žadachu, zo by Pawoł do Jeruzalema dowjedzeny był; ale w Caesareji slyši jeho skórzbnikow a Pawołowe wotmołwenje. Wot Festa prašany, chce-li wo tom w Jeruzalemje sudženy być, wotwoła so Pawoł na kejžora. Festus wozjewi jeho wěc kralej Agrippje, kotryž chce jeho slyšeć, a na druhi džen je před Agrippu a Bernice dowjedzeny.

Festus pak, hdyž bě do kraja přišoł, přijědže po třoch dnjach z Caesareje do Jeruzalema.

2. A přińdžechu před njeho wyšši měšnicy a přeni ze Židow ze skórzbu přeciwo Pawolej, a prošachu jeho,

3. Žadajcy přizwolenje přeciwo njemu, zo by prikazal jeho do Jeruzalema dowjesć, lečenja prihotujcy, zo bychu jeho na puću morili.

4. Festus pak wotmołwi, zo je Pawoł jaty w Caesareji; a zo wón w krótkim (tam) pojedže.

5. Tuž njech (rjekny wón), kotřiž z was mócní su, ze mnu zeńdu, a je-li někajka wina na mužu, jeho wobskorža.

6. A pobyšši mjez nimi nic wjacy dylži wósm abo džesać dnjow, zeńdže do Caesareje, a na druhi džen sydže so na sudny stol a prikaza Pawola přiwjesć.

7. Hdyž pak bě přiwjedzeny, wobstupichu jeho Židža, kotřiž běchu z Jeruzalema přišli, přednošujcy mnohe a ćežke skórzby, kotrež dopokazać njemóžachu,

8. Dokelž Pawoł so zamołwješe: Ani přeciwo židowskemu zakonjej, ani přeciwo templej, ani přeciwo kejžorej njejsym ničo zawinił.

9. Festus pak cheyjo Židam lubosć wopokazać, Pawolej wotmołwjejo rjekny: Chceš do Jeruzalema hić a tam wo tom sudženy być přede mnu?

10. Pawoł pak rjekny: Před kejžorowym sudnym stolom stoju, tam dyrbyu

sudženy być; Židam njejsym křiwdžil, jako tež sam lěpje wěš.

11. Přetož sym-li křiwdžil abo něšto smjercé hódneho sćinil, njewobaram so wumřěć; jelizo pak ničo na tom njeje, čohož mje wobskoržuja, njemóže mje nihtó jim k woli přepodać. Na kejžora so wotwołam.*

12. Tuž Festus z radu porěčawši wotmołwi: Na kejžora sy so wotwołał, ke kejžorej póńdžeš.

13. A hdyž bě něšto dnjow so minyło, zeńdžeštaj kral Agrippa* a Bernice do Caesareje, zo byštaj Festa postrowiloj.

14. Hdyž pak tu wjacy dnjow přebywaštaj, wozjewi Festus kralej wo Pawole, prajo: Jedyn muž je (tu) wot Felixa jako jaty wostajeny,

15. Kotrehož dla, hdyž běch w Jeruzalemje, wyšši měšnicy a starši Židow přede mnje přińdžechu, žadajcy wusudženje přeciwo njemu.

16. A tym wotmołwich: Njeje romske zwučenje jenoho čłowjeka wotsudzić přjedy, hač by tón, kiž je wobskorženy, skórzbnikow před sobu měl a přiležnosć dóstał, zo by so zamołwjal wo wobskoržowanju.

17. Hdyž tak tudy so zeńdžechu, sydžech so hjez wšoho komdženja nazajtra na sudny stol, a prikazach muža přiwjesć.

18. Na njeho skórzbnicy, hdyž tu stojachu, žaneje winy njepřinjesechu z tych, kotrež bych ja za něšto zle dđeržal.

19. Někotre prašenja wo swojim wěrjenju pak mējachu přeciwo njemu, a wo wěstym zemrětym Jězusu, wo kotrymž Pawoł wěsćeše, zo je žiwy.

20. Dokelž pak běch ja njewěsty wo tajkim prašenju, prajach, chce-li do Jeruzalema hić a tam wo tom sudženy być.

XXV. 11. Po romskim prawje móžeše kóždy měšćan, kotryž bu wotsudženy, k romskemu ludej abo ke kejžorej so wotwołać. Pawoł tuto čini. — 18. Agrippa bě syn toho Herodesa, kotryž bě swjateho Jakuba morić dał, hl. jap. sk. 12, 1. Bernice bě jeho sotra.

21. A hdyž bě Pawoł so wotwołał, zo by zakhowany był za rozsudženje Augusta,* prikazach jeho zakhować, hač bych jeho posłał ke kejžorej.

22. Agrippa pak rjekny k Festej: Tež ja bych cheył (toho) čłowjeka słyšeć. (A wón) rjekny: Jutře budžeš jeho słyšeć.

23. Nazajtra pak, hdyž Agrippa a Bernice z wulkej pychu přindžeštaj a do posluhaŕnje zastupištaj z tribunami a přenimi mužemi města, bu na Festowy rozkaz Pawoł přiwjedeny.

24. A Festus praji: Kralo Agrippa a wšitecy mužowje, kotřiž tu z nami sće, (tu) widziće toho, kotrehož dla mje cyły židowski lud w Jeruzalemje namołwješe, žadajo a wołajo, zo wón njesmě dlěje žiwy być.

25. Ale ja spóznach, zo njeje nič smjerće hódneho činil. Dokelž pak sam k Augustej so wotwoła, wotmyslich sebi jeho (tam) poslać.

26. A nimam wo nim, štož bych wěsteho (swojemu) knjezej napisał. Tohodla sym jeho před was přiwjekl, a wosebje před tebe, kralo Agrippa, zo bych po wuprašenju měł, štož bych napisał.

27. Přetož njerozomne zda so mi być, jateho poslać a jeho winy njewoznamnić.

STAW XXVI.

Pawoł zamołwja před Agrippu swoju wěc, powědajo po rjedze swoje wobroćenje a dopokazujo, zo je pod Božim zakitom Židam a pohanam přědował, wotmołwja Festej, kiž bě prajił, zo pře mnohu wučenosć blazni, a přeje, zo bych wšitecy křesćenjo byli. Agrippa praji, zo by so pušćić móhl, hdy by na kejžora so njewotwołał.

Agrippa pak rjekny k Pawolej: Dowola so tebi, zo by sam za sebje řečal. Tuž poča Pawoł, wupřestrěwši ruku, zamołwjenje dawać.

2. Mam so za zbožowneho, zo směm wo všim, čohož dla sym wobskorženy

wot Židow, před tobu, kralo Agrippa, džensa so zamołwjeć,

3. Wosebje dokelž ty wšitko wěš, kajke su naložki a prašenja pola Židow; tohodla prošu će, słyš mje sčerpnje.

4. A tak moje žiwjenje wot mladosće, kajke je było wot spočatka mjez mojim narodom w Jeruzalemje, znaja wšitecy Židza,

5. A wědza doprjedy (hdy bych w swědčić cheyli), zo sym wot spočatka po najkručšej wučbje našeho nabožnistwa* žiwy byl, jako farisej.

6. A nětko stoju sudej poddaty dla nadžije slubjenja,* kotrež je wot Boha našim wótcam so stało,

7. Kotrež naše dwanaće splahow, wondno a w nocy služicy, docpěć so nadžěje; dla tuteje nadžije sym wobskorženy wot Židow, o kralo.

8. Čohodla ma so pola was za nje wěrjomne, zo Bóh mrtwych zbudža?

9. Tež ja drje měnjach, zo dyrbju přeciwo mjenej Jězusa Nazarethskeho wjele napřečiwného činić;

10. Štož sym tež činil w Jeruzalemje, a mnohich swjatych sym ja w jastwach zawrěl, polnomóc wot wyšších měšnikow dóstawši; a hdyž buchu morjeni, sym přiwdał (swój) hlós. Wyše 8, 3.

11. A we wšěch synagogach často jich khostajo, nučach jich, zo bych (Jězusa) hanili, a bóle rozžlobiwši so na nich přescěhach jich hač do wukrajnych městow.

12. Hdyž w tom (wotmysle) do Damaska džěch z polnomocu a poručenjom wot wyšších měšnikow, Wyše 9, 2.

13. Widžach, o kralo, připołdnju na puću, kak swětlo z njebies, jasněše dyžli slóncó, mje wobswětli, a tych, kotřiž ze mnu běchu.

14. A hdyž běchmy wšitecy k zemi padnyli, zasłyšach hlós, kotryž mi praješe w hebrejskej řeči: Saulo, Saulo, što

21. Augustus, t. r. přenadobny, bě přimjeno abo titl kóždeho romskeho kejžora; tehdy bě Augustus Nero.

XXVI. 5. Farisejowje běchu w dopjelnnjenju Mójzesoweho zakonja krući, wosebje přeciwo sadducejskej sekce. — 6. t. j. nadžija na slubjeného Messiasa.

mje přescěhaš? ćežko je tebi, přećiwo kalakej bić.

15. Ja pak rjeknych: Štó sy, Knježe? A Knjez rjekny: Ja sym Jězus, kotrehož ty přescěhaš.

16. Ale wstań a stup so na swojej nozy; přetož tohodla sym so tebi zjewil, zo bych će postajil jako služownika a swědka toho, štož sy widzał, a toho, čohož dla so tebi zjewju,*

17. Wutorhujo tebje z ludu a z pohanow, mjez kotrychž ja će nětko sčelu,*

18. Zo by jich woči wotwěrał, tak zo bych so wobroćili z čemnosće k swětlu, a z mocy djabola k Bohu, zo bych došli wodaće hrěchow, a herbstwo mjez swjatymi přez wěru, kotraž je do mje.

19. Tohodla, kralo Agrippa, njeběch njewěrjacy njebjeskemu zjewjenju,

20. Ale tym najprjedy, kotřiž su w Damasku a w Jeruzalemje, a po wšej krajiny judejskej, a pohanam předowach, zo bych pokutu činili a so wobroćili k Bohu, hódne skutki pokuty činicy. Wyše 13, 14.

21. Z teje přičiny mje Židža, hdyž běch w templu, zajachu a pytachu mje morić. Wyše 21, 31.

22. Ale z pomocu Božej podpěraný stoju hač do džensnišeho dnja, swědčnje dawajo před małymi a wulkimi, a njeprajo ničo druhe, khiba štož su profetowje a Mójzes řečeli, zo ma so stać:

23. Zo měješe Khrystus ćerpjeć, a přeni z mrtwych wstanyć, a swětko připowědać ludej (israelskemu) a pohanam.*

24. Hdyž wón to řečeše a zamołwjenje dawaše, rjekny Festus z wulkim hłosom: Blazniš, Pawole; mnoha wučenosć wobroća će k blaznosći.

25. A Pawoł rjekny: Njeblaznju, naj-

lepší Festo; ale wuprajam słowa prawdy a rozmysla.

26. Přetož wě wo tom kral, ke kotremuž tež khroble řeč; dokelž měnju, zo jenu ničo z tutych wěcow potajne njeje; wšak njeje ničo z toho w kuće so stało.

27. Wěřiš, kralo Agrippa, profetam? Wěm, zo wěřiš.

28. Agrippa pak (rjekny) Pawolej: Mało je trjeba, zo mje narěčiš, zo so křesćan sćinju.

29. A Pawoł (rjekny): Žadam wot Boha, zo byšće, njech je mało abo wjele trjeba, nic jeno ty, ale wšitcy, kotřiž mje słyša, džensa tajcy so sćinili, kajkiž tež ja sym, z wuwzaćom tychle putow.

30. A wstany kral, a bohota a Bernice, a kotřiž z nimi sedžachu.

31. A hdyž běchu w stronu wotešli, řečachu mjez sobu prajicy: Ničo smjerće abo jastwa hódneho njeje tón čłowjek činil.

32. Agrippa pak rjekny Festej: Tón čłowjek by móhl pušćený býć, hdy by njebyl na kejžora so wotwołał.

STAW XXVII.

Pawoł, wot stotnika Julia do Roma wjedzeny, wjeze so přez wšelake města. Dokelž pak bě wětr napřećiwny, dojdžezchu lódnicy lódmu do jenocho města na kupje Kreta, z kotrehož so wotwjezechu, hač runje jim Pawoł wotradža. Potom maju surowe njewjedro wutrac, skónčnje su po změrowacych słowach wot Pawoła napominani, zo bych pojdli; lódz so rozlama, ale wšitcy přiidžechu njezranjeni na kraj.

Hdyž pak bu postajene, zo bychmy do Italije so wotwjezli, bu Pawoł z druhimi jatými přepodatý stotnikej z Augustoweje kohorty, z mjenom Julius.*

2. Stupichmy pak na adrumetisku* lódz, kotraž měješe při městach Asije jěć, a

16. Z tym so Pawolej slubi, zo jemu Knjez tež přichodnje swoju pomoc a swój zakit poda. — 17. t. r. z njesprawneje namocy židowskeho a pohanskeho ludu. — 28. t. r. swětko prawje wěry rozšěrjeć nic jeno mjez židowskim ludom, ale tež mjez pohanskimi ludami.

XXVII. 1. Augustowa kohorta bě wotdžělenje wojakow, kotřiž přede wšim kejžorowu wosobu škitowachu. — 2. Město Adrumetum ležeše w Mysiji při móřskim brjozy; w tomle rjadku so z krótka cyty puć mjenuje, kiž najprjedy blisko při brjozy Małaje Asije wjedžeše a potom přez šěroke morjo.

puščichmy so na morjo; a běše z nami Aristarchus, Macedonski z Thessaloniki.

2. Kor. 11, 25.

3. A na druhi dzeń zwjzechmy so do Sidona. Dokelž pak běše Julius dobroćiwý přećiwó Pawolej, dowoli jemu k přećelam hić a jich zastaranje wužiwać.

4. A hdyž wottudy so puščichmy, do-jědzechmy blisko Cypra, dokelž běchu wětry napřećiwne.

5. A přepławawši ciliciske a pamfyliske morjo přińdžechmy do Lystry,* kotraž je w Lyciji.

6. A tu stotnik namakawši alexandri-sku lódž, kotraž cheyš do Italije jěć, přewjedže nas na nju.

7. A hdyž někotre dny pomału jě-džechmy a z nuzu napřećiwó Knidu* docpěchmy, dokelž nam wětr zadžěwaše, wobjědzechmy Kretu pódla Salmone.

8. A z nuzu tu nimo płowajcy přiń-džechmy na jene městno, kotrež rěka Boniportus, při kotrymž běše město Thalassa.*

9. Hdyž pak bě wjele časa přešlo, a wjezenje bjez stracha wjacy njeběše, dokelž tež póst* bě hižo so minyl, na-pominaše jich Pawoł,

10. Jim prajo: Mužowje, widžu, zo wjezenje počina z horjom a z wulkej škodu zjednocene być nic jeno za nakład a lódž, ale tež za naše žiwjenje.

11. Ale stotnik wěrješe wjacy prawi-dlarjej a knjezej lódže, dyžli tomu, štož wot Pawola so praješe.

12. A dokelž přistaw njebě přihódny za přezymowanje, wuradžichu mnozy, zo by so wottudy wotjělo a je-li móžno do Foeniki dojěwši so přezymowało w tom přistawje Krety, kiž ke krótkemu ranju a dolhemu wječoru leži.

13. A hdyž wětr wot pońdња zadu, měnjachu, zo su swój wotmysl docpěli, a pušćiwši so z Assa jědzechu blisko při Kreće.

14. Ale njedolho po tom zwali so wot njeje synly wichor, kiž rěka Euro-aquilo.*

15. A hdyž bu lódž sobutorhnjena a wichorej so sprěć njemóžeše, puščichmy lódž po wětre a buchmy dale njeseni.

16. A k jenej kupje přihnaći, kotraž Kauda rěka, mózachmy lédma čolma so zmócnit.*

17. A hdyž jón zběhnychu, naložo-wachu pomocne srědky, lódž wopasujcy; a so bojicy, zo by na Syrta storčila, zjimachu plachty, a tak dachu so hnać.*

18. Dokelž pak buchmy wot mócneho wichora wokoło mjetani, wučisnychu na druhi dzeń nakład.*

19. A na třeći dzeń wumjetachu ze swojimaj rukomaj lódžnu nadobu.*

20. Dokelž pak za někotre dny ani slónco so njepokaza, ani hwězdy, a nje-male njewjedro so přibližowaše, bu wšitka nadžija našeho wumóženja wotewzata.

21. A hdyž bě so hižo dolho ničó nje-jědlo,* tehdy stupi Pawoł mjez nich a praji: Dyrhješće wězo, o mužowje, mje

5. Ma być: do Myry. — 7. Knidus rěka poškupa na małoasiskim brjozy. Kreta je wulka kupa w adriatiskim morju, Salmone rěkaju hory na jeje ranišim brjozy; Boniportus, t. r. dobry přistaw, leži k južnej stronje kupy, při měšće Thalassa; Foenike je přistaw teje sameje kupy, ale na wječornym kóncu. — 8. Ma być: Lasea. — 9. t. j. póst při swjědženju wujednanja, kotryž je w měsacu septembru; w tom času počachu sylne a zymne wětry duć, a tohodla bě to strašny čas za lódže. — 14. Tak rěka surowy wichor, kiž wot krótkeho wječora duje, a kiž lódž wot kupy Krety, při kotrež měješe wostać, na morjo čěrješe. — 16. Čolm bě zady k lódži přiwjazany; někto, dokelž wulki strach hrožeše, chychu jón na lódž sčahnyć, zo njeby so zhubił, ale zo bychy so we nim móhli zakhować, dyrbała-li lódž so rozrasyć. — 17. Ze synlymi lódžnymi přewjazami lódž koło wokoło wuwjazachu, zo by tak skerje nastork mófskich žolmow znjesla; Syrta je wuras za nilke pěškojte městno w morju njedaloko wot kupy Krety, před kotrymž mějachy so bojeć, dokelž njebychu lódž wjacy wobroćit móhli, ale by w pěsku tčaca wostała. — 18. 19. Chychu lódž položit, zo njeby na pěškojte městno storčila. — 21. t. r. nuzneho džěla a njeměra dla khwile měli njeběchmy, zo bychmy pojědli.

posłuchać, a njewotjěć wot Kreta, a sebi zalutować tuto horjo a škodu.

22. A nětko napominam was, zo byšće dobře mysle byli; přetož njezhubi so žiwjenje žanoho z was, ale jeno lódž.

23. Přetož w tule nóc ke mni stupi jandžel (toho) Boha, kotremuž ja słušam a kotremuž služu,

24. Prajo: Njebój so, Pawole, před kejžora dyrbiš stupić; a hlej, Bóh je tebi darił wšitkich, kotřiž so z tobu wjezu.*

25. Tohodla budźće dobře mysle, mužowje; přetož dowěrjam so Bohu, zo tak budźe, jakož je ni prajene.

26. Dyrbinymy pak na někajku kupu nastorčić.

27. Hdyž pak štyrnata nóc nasta, a my wo polnocy po adriatiskim morju so wjezechmy, měnjachu lódžnicy, zo jim někajki kraj so pokazuje.

28. A pušćiwši wolojnicu, namakachu (hlubokosć) dwaceći sahow; a trochu dale wotjěwši, namakachu pjatnaće sahow.

29. A so bojicy, zo bychmy do skałojtych městnow storčili, spuščichu ze zadka štyri kótwicy, a přejachu sebi, zo by dzeń byl.

30. A hdyž lódžnicy z lódže čeknyć pytachu, čolmik do morja pušćiwši, pod zamyslom, jako bychu w předku kótwicy do morja spuščić chcyli,

31. Rjekny Pawoł stotnikej a wojakam: Njewostanu-li tući na lódži, njemóžeće wy wumóženi być.

32. Tuž wotrubachu wojacy přewjazy čolma, a dachu jemu do morja spadnyć.*

33. A hdyž poča switać, napominaše Pawoł wšěch, zo bychu pojědli, prajo: Štyrnaty dzeń je džensa, zo čakajcy na-čcu-wutrobu wostawaće a ničo k sebi njebjerjeće.

34. Tohodla prošu was, zo byšće pojědli, wašeho zakhowanja dla; přetož włósk žanoho z was z hlowy njepadnje.

35. A hdyž bě to prajil, wza khlěh, a Bohu přede wšěmi džak praji, a lamawši jón poča jěsć.

36. Wšitecy pak buchu bóle změrowani, a tež pojěchu.

37. Běše pak nas wšěch we lódži dwě scě šěsć a sedmdžesat duši.

38. A nasyceni z jědžu, polóžachu lódž, žito do morja mjetajcy.

39. Hdyž pak bu dzeń, njepóznachu kraj; tola pytnychu někajki přistaw, kiž ma plony brjóh, ke kotremuž, bychu-li móhli, lódž dohnac sebi wotmyslichu.

40. A hdyž běchu kótwicy wuzběhnyli, dowěrachu so morju, a wotwjazawši zwjazki wjesłow a rozčahnywši přédkownu plachtu po wětre, čěrjachu k brjohej.*

41. A hdyž běchmy na krajny wukónc zajěli, dachu lódž nastorčić; a tak přédkwjazny a wosta njehibny, zadk pak rozrazy so z nawalom morja.

42. Wojakow rada pak běše, jatych morić, zo by žadyn plowajo nječeknyl.

43. Ale stotnik, kiž chcyše Pawoła zakhować, njepřida, zo by so to stało, a přikaza, zo bychu cí, kotřiž móža plować, najprěni do morja so spuščili, a wulězli a na kraj wušli;

44. A ze zbytnych wunjesechu někotrych na deskach, někotrych na tom, štož z lódže zby. A tak so sta, zo wšitecy na kraj so wumóžichu.

STAW XXVIII.

Pawoł a druzy jeho přewodnicy su na kupje Malta dobroćiwje přijěci; Pawoł bu bjez škody wot hada kusnjeny a wustrowi nana wyššeho Publia a mnohich druhich. A z toho města wotjěwši přindžechu skónčnje do Roma, hdžež Pawoł zhromadženym wosebnym Židam rozestaja, čohodla je so na kejžora wotwołał, a

24. Tebe dla budza wšitecy zakhowani, kotřiž su z tobu na lódži. — 32. Lódžnicy, kotřiž měnjachu lódž wjesć, chcychu so z čolmom sami zakhować a wšitkich w straše wostajić; tohodla bu radšo čolm do morja pušćeny, zo njebychu na nim swoju přerađu móhli wuwjesć. — 40. Wjesla běchu, doniž lódž stoješe, k lódži přiwjazane, so bychu šolmy z nimi njemjetaše.

prěduje na postajenym dnju wo Khrystusu, ale jeho słowam mnozy njewěrja, štož je, kaž Pawoł dopokazuje, Isaias wěšćil; a přez dwě lěće prěduje wo wěrje do Khrystusa wšitkim, kotřiž k njemu přikhadžeju.

Hdyž běchmy wumóženi, tehdy zhonichmy, zo so kupa Melita* mjenowaše; či cuzy pak wopokazachu nam njemału dobroćiwosć.

2. Přetož zapaliwši hromadu drjewa, wokřewichu nas dešća dla, kiž hrožeše, a zymy dla.

3. Hdyž pak bě Pawoł hromadku prućikow nazběrał a na woheń položil, wuskoči pře horcotu. zmijica a přimny so jeho ruki.

4. A hdyž cuzy zwěrjo z jeho ruki wisace widžachu, prajachu mjez sobu: Zawěsće je tón čłowjek mordať, dokelž jemu, hdyž je morju wučeknył, wječenje njedowoli, zo by žiwy byl.

5. A tak wón zwěrjo do wohnja wotřasny, a ničo zleho njepočerpi.

6. Ale woni mējachu, zo wón wopuchnje abo nahle padnje a wumrje. Hdyž pak dolho čakachu a widžachu, zo jemu ničo zleho so njesta, přeměnichu so a prajachu, zo je wón bóh.

7. Na tom měsće pak běchu kubla wyššeho kupy, z mjenom Publia, kotryž nas přija a tři dny dobroćiwje hospodowaše.

8. Poda pak so, zo Publiowy nan na zymnicu a čerwjenu khory ležeše. K njemu Pawoł přistupi, a hdyž bě so modlił a rucy jemu napoložil, wustrowi jeho.

9. Hdyž bě so to stało, přikhadžachu wšitcy, kotřiž na kupje khorosće mējachu, a buchu wustrowjeni.

10. Woni nam tež mnohu česć wopokazowachu, a hdyž mējachmy so wotwjezć, nakładžechu nam, čohož běše trjeba.

11. A po třoch měsacach so wotwjezechmy na alexandriskej lódži, kotraž bě na kupje přezymowała a kotraž měješe za znamjo Kastorow.*

12. A hdyž do Syrakusa* přińdžechmy, wostachmy tam tři dny.

13. Wottudy wjezechmy so wokoło a dojdžechmy do Rhegium;* a po jenom dnju, hdyž wětr wot poľdnja duješe, na druhi dzeń přińdžechmy do Puteoli.

14. Dokelž tam bratrow namakachmy, buchmy prošení, zo bychmy při nich sedm dnjow wostali; a tak přińdžechmy k Romej.*

15. A wottam přińdžechu bratřa, hdyž běchu (to) slyšeli, napřećiwo hač do Forum Appii a Tres Tabernae. Hdyž Pawoł jich wohlada, podžakowa so Bohu a naby dowěry.

16. Hdyž pak běchmy do Roma přišli, bu Pawołej dowolene, zo by sam za so wostawał z wojakom, kotryž jeho stražowaše.*

17. Po třoch dnjach pak powoła najwosebnišich mjez Židami. A hdyž so zeńdžechu, praješe jim: Mužowje bratřa, hač runje sym ničoho nječinił přećiwo (našemu) ludej a wótcowskemu naložkej, buch ja tola jako jaty z Jeruzalema do rukow Romskich podaty.*

XXVIII. 1. Nětko Malta, kupa w srjedźnym morju, kotraž wot Sicilije k poľdnju leži. — 11. To je w měsacu měrcu, hdyž zaso po morju so jězdzić počina. Tale lódž měješe za znamjo wobraz dweju bratrow z mjenom Kastor a Pollux; staj to grekskej přibohaj, kotrejuž jako zakitarjow lódnikow česćachu. — 12. Syrakus je hlowne město w Siciliji. — 13. Rhegium je město na južnym kóncu Italije, Puteoli pak móřske město při Neaplu w srjedźnej Italiji. — 14. W Romeje bě so zhoniło, zo je Pawoł na puću, tuž křesćenjo jemu napřećiwo khwatachu; někotři, kotřiž přjedy woteńdžechu, zetkachu so z nim při měsće Forum Appii (Appiowe torhošćo), wokoło 20 hodźinow wot Roma, druzy, kotřiž běchu pozdžišo wotešli, při Tres Tabernae, 5 mil bliže k Romej. — 16. Mjez tym zo buchu druzy jeći do jastwa sadženi, móžeše Pawoł sam za so bydlíč, stajnje pak wot wojaka stražowany. — 17. Dokelž wón k nim hič njesmědžeše, powoła jich k sebi, rozestaja jim najpřjedy swoju naležnosć a chcyše z tym přiležnosć dóstać, zo by wo křesćanstwje jich rozwučil.

18. Hdyž běchu tući mje přeslyšeli, chcychu mje pušćić, dokelž žana wina smjerće na mni njeběše.

19. Ale dokelž Židža tomu so přeciwjachu, buch nučeny, na kejžora so wotwolać, nic jako bych na swój lud někak skorzić chcył.

20. Z tuteje přičiny sym nětko was prosyl, zo bych was widžal a k wam porěčal. Přetož za nadžiju Israela sym z tymle rječazom wobdaty.

21. Woni pak rjeknychu k njemu: My njejsmy ani lista wo tebi z Judeje dóstali, ani žadyn z bratrow njeje přišedši wojjewil abo powědał něšto zleho wo tebi.

22. Žadamy pak wot tebe slyšeć, što měniš; přetož wo tej sekce je nam znate, zo jej wšudze so napřećiwo řeči.*

23. A hdyž běchu jemu dzeń postajili, přińdžechu mnozy k njemu do hospody,* kotrymž swědčo wukladowaše wo kralestwje Božim, a dopokazowaše jim wo Jězusu z Mójzesoweho zakonja a profetow, wot ranja hač do wječora.

24. A někotři wěrychu tomu, štož bu prajene, někotři pak njewěrychu.

25. Hdyž pak mjez sobu jeneje mysle njeběchu, woteńdžechu, jako Pawoł jene slowo rjekny: Derje je Duch swjaty řečal přez profetu Isaisa k našim wótcam,

26. Prajo: „Dži k tomu ludej a rjekni k nim: Z wuchom budžeće slyšeć, a njezrozymiće; a widžicy budžeće widžeć, a njepóznažeće;

27. Přetož zasakla je wutroba tohole ludu, a z wušomaj su ćežcy slyšeli, a swojej woči su zańdželili, zo bych trjebaj njewidželi z wočomaj a z wušomaj njeslyšeli, a z wutrobu njezrozumili a so njewobročili, a zo bych jich njewumóhl.“

Is. 6, 9; Mat. 13, 14; Mark. 4, 12; Luk. 8, 10; Jan. 12, 40; Rom. 11, 8.

28. Tuž budž wam znate, zo je pohanam tuto spomóženje Bože pósłane, a ěi budža slyšeć.

29. A hdyž bě to prajil, woteńdžechu Židža, a mějachu mjez sobu mnohu zwadu.

30. Wón pak zwosta cyłej dvě léce* we swojej najatej hospodze, a přijimaše wšitkich, kotřiž k njemu přikhadžachu,

31. Přědujo kralestwo Bože, a wučo wo Knjezu Jězusu Khrystusu ze wšej dowěru bjez zadžěwka.*

22. Židža zacyłowachu křesćanow tež w Romje, hdžež bě wulka křesćanska wosada, a chcychu wot Pawoła zhonić, kak je wo tom zmysleny. — 23. t. r. k jeho přećelej, pola kotrehož bě na hospodze. — 30. t. j. do léta 63 a 64. — 31. Z tym kónči s. Lukaš swoje stawizny, dokelž chcyše jenož založenje Cyrkwje mjez Židami a pohanami wopisać; wón njechce žiwjenje japoštolow abo jenož a druhého z nich powědać, ale spočatk žiwjenja Cyrkwje.



LIST S. JAPOŠTOĽA PAWOĽA NA ROMSKICH.

STAW I.

PawoĽ svoje japoštoĽske zastojnstwo poručejo žada, za přédowanje ewangelia mócnje zahorjeny, Romskich wohladać a dopokazuje, zo su pohani, kotřiž Boha ze stworjenjow spóznavaju, jeho službyso wotrjekši, wobrazy stworjenjow česćicy, z prawom wot Boha wopušćeni a khostani za to do žadławych hrěchow padnyli, kotrež so tu mjenuja.

PawoĽ, služownik Jězusa Khrystusa, powołany japoštoĽ, wotdžěleny za ewangelium Bože,* — Jap. sk. 13, 12.

2. Kotrež bě (Bóh) předy slubil přez swoich profetow w swjatyh pismach*

3. Wo svojim Synu, kotryž jemu so narodzi z Davidoweho symjenja po mjasu,

4. Kotryž bu mócnje wopokazany jako Syn Boži po duchu swjatosće přez wotmrtwych-wstaće, (mjenujcy) wo Jězusu Khrystusu, našim Knjezu,*

5. Přez kotrehož dóstachmy hnadu a japoštoĽstwo k poslušnosći wěry mjeze wšěmi ludami jeho mjena dla,*

6. Mjez kotrymiž sće tež wy powołani Jězusa Khrystusa: —

7. Wšitkim lubowanym Božim, kotřiž su w Romje, powołanym swjatym:* Hna-

da wam a pokoj wot Boha našeho Wótea a Knjeza Jězusa Khrystusa.**

8. Najprjedy pak praju džak swojemu Bohu přez Jězusa Khrystusa dla was wšitkich, zo waša wěra so khwali po wšim swěće.*

9. Přetož mój swědk je Bóh, kotremuž služu w svojim duchu přez ewangelium jeho Syna, zo bjez přestaća na was spominam

10. Stajnje w swoich modlitwach prošo, zo bych snadź něhdy zbože měĽ, po Božej woli k wam přińć.*

11. Přetož žadam was wohladać, zo bych wam wudžělił něšto z duchowneho dara k vašemu wobtwjerđenju;

12. To je, zo bych mjez wami sobu posylnjeny byl přez wěru, kotruž many zhromadnje,* wašu a moju.

13. Njehecu pak, bratřa, zo byšće nje-wědželi, zo sebi často předewzach k wam přińć (ale běch zadžěwany hać do nětkaj), zo bych někajki plód měĽ tež mjez wami, jako tež mjez druhimi ludami.*

14. Grekskim a barbaram, mudrym a njemudrym sym dolžnik;*

I. 1. PawoĽ k službje japoštoĽstwa powołany a za přédowanje ewangelia wot Jězusa Khrystusa wuzwoleny, postrowja w r. 1—7 křesćanow w Romje. Wón bu runja druhim japoštoĽam wot Khrystusa samoho powołany, hl. jap. sk. 9, 15; wot njeho bu wo potajnosćach wěry rozwučený a jako wučer pohanow postajeny abo wotdžěleny, hl. jap. sk. 13, 2. — 2. Tu dopomina na hłowne woprijeće ewangelia, kotrež wozjewja Jězusa Khrystusa; tón je po čěle, jako čłowjek, Davidowy potomnik, z kotrymž so, jakož bě wot wěčnosti postajene, Syn Boži k jenej wosobje zjednoći. — 4. „Po duchu swjatosće“ rěka: kaž bě Khrystus „po mjasu“ Davidowy syn; tak bě po duchu swjatosće, t. j. po duchu Božim, wěrný Syn Boži, a wopokaza so jako Syn Boži z mocu, t. j. z dźiwami, woselje z wotmrtwych-wstaćom. — 5. Přez njeho bu PawoĽ powołany k japoštoĽstwu, zo by mjez mnohimi ludami ewangelium rozšěrjaĽ a tak wšitcy poslušni byli wěrnosćam wěry a spóznali Jězusa Khrystusa a česćili jeho swjate mjeno. — 7. Přeni rjadk a přeni dźěl sedmeho zwisujetaj a tworitaj zwučene napismo lista, kotryž PawoĽ powołanym swjatym, t. j. křesćanam w Romje sćele. ** Te słowa wobsahuja postrowjenja a přeća. PawoĽ přeje čitarjam swjateho lista najwosobniše duchowne kubĽa, dokelž hnada Boža a pokoj swědomja je najrjeńši plód wumóžen-skeho skutka. — 8. t. r. waša wěra a waše žiwjenje po wěrje khwali so wšudźe a tohodla džakuju so Bohu. — 10. PawoĽ prosy nutruje, ale z podaćom do Božeje wole, zo by něhdy tež k Romskim přińć móhl. — 12. Dwoja wina zbudžuje w s. Pawole žadosć, do Roma přińć; wón chce Romskich we křesćanstwje wobkrućeć, duchowne kubĽa, přede wšim bóžske wěrnosće jim wudžělejo; a chce tež sam, jich skutki wěry widžo, so zwjeselić, w křesćanskim žiwjenju so posylnić, dokelž ma tu-samu wěru, kaž woni. — 13. Tež mjez Romskimi, w hłownym měsće tehdyšeho swěta, chce PawoĽ duše za Jězusa dobywać, a sebi zaslužby hromadzić. — 14. t. r. mjeze wšěmi pohanami, njech su kajcyžkuli po narodźe a po zdžělanosći, sym winowaty ewangelium wozjewjeć, a tohodla tež mjez wami

15. Tak, štož mje nastupa, sym hotowy, tež wam, kotřiž sće w Romje, ewangelium wopowědować.

16. Přetož njehańbuju so evangelia; přetož móc Boža je na spomóženje kóždemu wěrjacemu, Židej najprjedy, a tež Grekskemu.*

17. Přetož sprawnosć z Boha zjewja so we nim z wěry k wěrje, jako je pisane: „Sprawny pak je žiwy z wěry.“*

Hab. 2, 4; Gal. 3, 11; Hebr. 10, 38.

18. Přetož hněw Boží z njebja zjewja so nad kóždej bjezbóžnosću a njesprawnosću tych čłowjekow, kotřiž prawdu Božu w njesprawnosći zadžeržuja,*

19. Dokelž štož je spóznajomne wo Bohu, je we nich zjewjene; přetož Bóh je jim to wozjewil.*

20. Přetož jeho njewidzomne byće widźi so spóznajomne wot stworjenja swěta w tom, štož bu stворjene, mjenujcy jeho wěčna móc a bójstwo, tak zo su njezamolwjomni.

21. Dokelž spóznawši Boha, nječescachu jeho jako Boha, abo nježakowachu so jemu; ale zbludnychu we swóych myslach, a jich njemudra wutroba so začmí.

22. Přetož hdyž wudawachu, zo su mudri, buchu blazni.

23. A změniechu krasnosć njezachodneho Boha do podobnosće wobrazu zachodneho čłowjeka a ptakow a štyri-nohakow a lažacych zwěrjatow.*

24. Tohodla poda jich Bóh požadosćam

jich wutroby do nječistoty, tak zo w-nječescachu swoje čěla mjez sobu,

25. Dokelž čí přeměniechu prawdu Božu do lžě, a klonjachu so a služachu stwo-rjenju bóle dyžli stwořićelej, kiž je khwaleny do wěčnosće. Amen.

26. Tohodla přepoda jich Bóh wohidnym požadosćam. Přetož jich žónske džě přeměniechu přirodžene wužiwanje do toho, kotrež je přećiwo přirodže.*

27. Tohorunja pak tež mužscy, wopušćiwši přirodžene wužiwanje žónskeje, zahorichu so w swóych požadosćach njez sobu, mužcy z mužskimi hańbnosć činicy, a tak mzdú swójeho bluda, kaž so slušeše, na sebi dóstawajcy.

28. A dokelž za hódne njemějachu, Boha w spóznaću džeržeć, poda jich Bóh njehódnemu zmyslenju, zo bychu činili, štož so njesluša:

29. Zo su napjelni ze wšěj njesprawnosću, zlóscu, kurwařstwom, nahrabnosću, njechmanstwom, poľni zawisće, mordafstwa, zwady, lesće, šibaľstwa; donošowarjo,

30. Přisłodnicy wot Boha hidženi, hańjerjo, hordži, nadući, wumyslerjo zleho, staršim njeposlušni,

31. Njerozomni, hrubi, bjez lubosće, bjez swěry, bjez smilnosće,

32. Kotřiž, hač runje sprawnosć Božu spóznachu,* njezrozymichu, zo su, kotřiž tajke činja, smjerće hódni, a nic jeno, kotřiž je činja, ale tež, kotřiž to činjacym přizwoleju.

16. Wšitkim, kotřiž wěrja, pomha ewangelium k wěčnej zbóžnosći, Židam najprjedy, dokelž bu jim slubjene a najprjedy mjez nimi rozšěrjane, ale tež Grekskim, t. r. wšitkim pohanam. — 17. Abo sprawnosć Boža, t. j. sprawnosć, kotraž so wěriwomu přez ewangelium poskićuje a kotraž we wučiscenju hrěchow a swjatoscenju znutřkowneho čłowjeka wobstoi; z wěry k wěrje t. r. přez wěru do evangelia přidaje za wěriwych wosprawnosćenje, wobnowjenje duchowneho žiwjenja. Sprawne žiwjenje ma we wěrje swoje źorło a swój korjeń. — 18. Hněw Boží a tež wšelake khostanja wotpoćnja nad čłowjekami, kotřiž so napřećiwjeju wěrnosći Božej, a kotřiž su bjezbóžnje a njesprawnje žiwi. — 19. Bóh wozjewi swoje byće a njeskónčne dospołnosće ze swóimi skutkami we widzomnej stwórbje, tak zo móže kóždy, tež pohan jeho spóznać. — 20. We swójim bludže čescachu pohani nic jeno čłowjekow, ale tež wšelake zwěrjata jako Boha. — 21. Bóh khostaše pohanow, dokelž běchu wina na swójim bludže, z tym, zo jim do wšelakich wohidnych njepřirodženskich hrěchow padnyć da, a zo mjez nimi wšitka hrěšnosć knježeše. Hrěch plodži tak nowe hrěchi. — 22. Bóh je swoje bóžske byće, swoje dospołnosće w stwórbje wozjewil a swój zakon, t. r. što je dobre, što je zle a što maš činić abo čohož maš so wostajić, kóždemu do wutroby, do swědomja zapisał, a tohodla su, kotřiž přećiwo tomule bóžskemu zakonjej zle činja, hódni smjerće a čězkeho khostanja.

STAW II.

Pawoł porokuje Židam, kotřiž po swojim zakonju pohanow wotsudźeju, ale to same činja, mjez tym zo budźe Bóh kóždemu plaćić po jeho skutkach, tak zo dyrbyja tež pohani, hdyž, štož sebi zakon žada, po přirodženskim swětle dokonjeju, runja wobřezanym so dźeržeć, a zo budźa tych sudźić, kotřiž z tym so khwala, zo zakon znaja a zo su wobřezani, ale zakonjej napřečiwnje činja.

Tohodla njemóžeš so wuzamołwjeć, o čłowječe, kotryž sudźiš. Přetož we činu druheho sudźiš, sebje samoho wotsudźeš, dokelž to same činiš, štož sudźiš.*

Mat. 7, 2.

2. Přetož wěmy, zo je sud Boži po prawdze přeciwo tym, kotřiž tajke činja.

3. Měniš pak to, o čłowječe, kotryž sudźiš tych, kotřiž tajke činja, a to same činiš, zo ty wučeknješ sudej Božemu?*

4. Abo zacypěwaš bohatstwo jeho dobroćiwosće a sčerpnosće a dolhočakawosće? njewěš, zo dobroćiwosć Boža će k pokuće wjedze?

5. Ale po swojim zatwierdženju a po swojej njepokutnej wutrobje hromadźiš sebi hněw na džen hněwa a zjewjenja sprawného sudu Božeho,*

6. Kotryž kóždemu da po jeho skutkach:

Mat. 16, 27.

7. Tym mjenujcy, kotřiž z wutrajnosću

w dobrym skutku khwala a česć a njezachodnosć pytaju, wěčne žiwjenje;*

8. Tym pak, kotřiž su we zwadnivosći, a kotřiž prawdze so njepoddadźa, njesprawnosći pak wěryja, (tym) hněw a njemilosć.*

9. Strach a česćnosć (přindźe) na kóždu dušu čłowjeka, kotryž zle čini, Žida najprjedy, a Grekskeho;*

10. Khwala pak a česć a pokoj kóždemu, kotryž dobre čini, Židej najprjedy, a Grekskemu.

11. Přetož džiwanje na wosoby njeje pola Boha.

5. Mójz. 10, 17; Job. 34, 19; Mudr. 6, 8; Jap. sk. 10, 84; Gal. 2, 6.

12. Přetož, kotřižkuli bjez zakonja zhrěsichu, zahinu bjez zakonja; a kotřižkuli w zakonju zhrěsichu, budźa po zakonju sudženi.*

13. Přetož nic poslucharjo zakonja su sprawni pola Boha, ale činićerjo zakonja budźa wosprawnjeni,*

Mat. 7, 21.

14. Přetož hdyž pohani, kotřiž zakonja nimaju, po přirodženju to činja, štož zakon žada, tajcy zakonja njemějcy su sebi sami zakon,

15. Dokelž woni dopokazuja, zo je skutk zakonja do jich wutrobow zapisany, hdyž jich swědomjo jim (sobu) swědčenje dawa, a mysle mjez sobu so wobskoržuja abo tež wuzamołwjeju,*

II. 1. W stawje 1, 17—32 rěči s. Pawoł wo žadławosćach, w kotrychž běchu pohani žiwili, dokelž wěrneho Boha z jeho stwórby spóznać a na jeho zakon, do wutrobow zapisany, keďžbować njechachu. W druhim stawje wobroći so k Židam, kotřiž radzi pohanow, jich hrěšneho žiwjenja dla, sudžachu a powučili jich, zo pohanow sudźicy tež sebje samych sudźa, hdyž to same činja, a zo njesmědźa so spuścić na zakon, kotryž je jim Bóh dał; přetož Bóh plaćić kóždemu njestroniscej po skutkach. O čłowječe, praji s. Pawoł powšitkownje, zo njeby Židow, kotrychž měni, ranił. — 3. Židža myslachu sebi, zo Bóh jeno pohanam z khostanjom hrozy, zo pak jich hrěchi khostać njebudźe, dokelž su wuzwoleny lud. — 5. t. r. za powšitkowny sud. — 7. Khwala, česć a njezachodnosć su tři słowa za tu samu wěc, za wěčnu zbóžnosć abo njebjeske kralestwo, za kotrymi mamy so přede wšim prócować. — 8. t. j. kotřiž křesćanstwej so napřečiwjeju, tym so njewoda, či budźa začisnjeni. — 9. Na kóždeho, kotryž zle čini, přindźe khostanje Bože, najprjedy wšak na Židow, kotřiž znaja wěrneho Boha a jeho zakon a tohodla dospołnišo wědźa, zo maju zleho so wostajeć, ale tež na pohanow. Greksacy mjenuja so tudy za wšitkich pohanow, dokelž běchu tehdy po cyłym znatym swěće rozšěrjeni. — 12. Pohani, kotřiž Mójzesowy zakon njeznaja, budźa tola khostani, hdyž su přeciwo zakonjej, do jich wutrobow zapisanemu, žiwili byli; Židža pak, kotřiž maju Mójzesowy zakon, budźa po nim sudženi. — 13. Nic či, kotřiž su zakon dotali a jón znaja, ale jeno či, kotřiž su jemu poslušni, so Knjezej spodobaju. — 15. Rjadkaj 14. a 15. prajitaj: dźěl zakonja, t. r. najwažniše winowatosće žiwjenja su čłowjekej wot stworićerja do wutroby začisćane, tak zo su sebi pohani, kotřiž Mójzesoweho zakonja nimaju, sami zakon. Hłós swědomja a sebi napřečiwjace mysle, kotřež dokonjany skutk sudźa, jeho dla porokujcy abo jón wuzamołwjeje, za tym hač z wopacneje lubosće k sebi samomu abo z njeskaženeho swědomja wukhadźeju, sobu swědča, zo pohani znaja najwažniše skutki, kotřež Mójzesowy zakon postaja.

16. Na dnju, hdyž budže Bóh potajne (wěcy) čłowjekow sudzić po mojim ewangeliju přez Jězusa Khrystusa.*

17. Hdyž pak ty Žid so mjenuješ a so spušeš na zakon a so khwališ z Bohom,*

18. A znaješ jeho wolu a připóznawaš wužitniše, wot zakona rozwučeny,

19. A maš dowěru, zo sy wjednik slepych, swětło tych, kotřiž su we čmě,

20. Wučef njewědomych, mištr njeřečacych, kotryž ma prawidlo spóznača a prawdy w zakonu; —

21. Kotryž tak druheloh wučíš, sebje samohu njewučíš? kotryž předuješ, zo by so njekradnyło, kradnješ?

22. Kotryž prajiš, zo by mandželstwo so njelamało, mandželstwo lamaš; kotryž hidžiš přibohi, wurubješ swjatnicu?

23. Kotryž zakona dla so hordžiš, z přestupjenjom zakona Boha wonječešes?

24. „Přetož mjeno Bože hani so přez was mjez pohanami“, kaž je pisane.

Is. 52, 5; Ezech. 36, 20.

25. Wobřezanje wšak je wužitne, jelizo by zakon dopjelnil; by-li pak přestupnik zakona byl, bu twoje wobřezanje jako njewobřezanje.*

26. Jelizo by potajkim njewobřezanje dopjelnjało žadanja zakona, njebudže jeho njewobřezanje ličene za wobřezanje?

27. A njebudže to, štož je po přirodže njewobřezanje, hdyž zakon dopjelnja, tebe sudzić, kiž sy při pismiku a wobřezanju přestupnik zakona?

28. Přetož njeje (prawy) Žid, kotryž je (Žid) zwonkownje, ani njeje (prawe) wobřezanje, kotrež je na čěle;

29. Ale kotryž je to znutřkownje, je (prawy) Žid, a kotrež je wobřezanje wutroby po duchu, nic po pismiku, je (prawe) wobřezanje; kotrehož khwalba njeje wot čłowjekow, ale wot Boha.*

STAW III.

W jenom zmysle su Židža wuznamjenjeni přez slubjenja, kotrež su wot Boha dóstali a kotrež so tež dopjelnja, hač runje běchu někotři z nich njewěriwi; wšitcy pak, Židža a pohani, su hrěchej podćisnjeni, wot kotrehož njewumóža zakon, ale wěra do wumóžnika Khrystusa, zo by nchtó ze skutkami zakona so njekhwališ.

Što ma potajkim Žid wjacy? abo kajki je wužitk wobřezanja?

2. Mnohi, we wšitkim. Najprjedy mjenujcy, zo buchu jim dowěryjene wuprajenja Bože.*

3. Kak pak, jelizo běchu někotři z nich njewěryjacy? Zběhnje snadź jich njewěra swěrnosć Božu? Nihdy.*

2. Tim. 2, 13.

16. Tónle rjadk zwisuje z 13. rjadkom; na sudnym dnju so pokaže, što budže sprawny před Bohom. — 17. Hač dotal dopokazuje s. Pawoł, zo zbóžnosć ze zakona samohu njepřihńdže, ale zo sebi ju jeno dobudu, kotřiž zakon dopjelnjeju; někto wobroča so na Židow wosebje, a dopokazuje jim, kak jich žiwjenje zakonje so znapřeči wja, tak zo ze swojimi skutkami přěja, štož wuča, a zo jim tohodla zakon a wobřezanje k spomóženju być njemóže. „Žid“ je tudy rozeznawace mjeno za tych, kotřiž Mójzesowy zakon znaja. — 25. Na wobřezanje Židža so spušeachu, wočakujcy, zo jim tohole zwonkowneho znamjenja dla zbóžnosć so wudžěli; s. Pawoł dopomina jich na njezmysl tajkeje nadžije, a wučí, zo wobřezany, kiž zakon njedžerži, před Bohom runje tak mało plaći, jako njewobřezany; haj njewobřezany, kotryž zakon jemu do wutroby zapisany dopjelnja, sudži přestupnikow zakona a dopokaže, zo su sebi tajcy čěšše khostanje zaslužili. — 29. Před Bohom njepłaći zwonkowne znamjo židowstwa, wobřezanje na čěle abo zwonkowne dopjelnjenje zakona jeno po pismiku, ale čista sprawna wutroba, kotraž swěrnje Božn wolu čini.

III. 2. Hač dotal dopokaza Pawoł, zo Žid samo na sebi před Bohom wjacy njepłaći, dyžli pohan; zo pak so tale wučba njeby tak zrozmyla, zo wón židowstwo, t. r. Mójzesowy zakon z Božimi službami a woporami zacepěwa, pokazuje někto na spomóžne wustawy židowstwa; wosebje na Bože wozjewjenja, we kotrychž Bóh skoro njepřestawajo k swojemu ludej řečeše, jón rozwučejo a napominajo. — 3. We wšěch časach běchu mjenz Židami tajcy, kotřiž wozjewjenjam a slubjenjam Božim njewěryjachu; najhóřša bě židowska njewěra w času zjawneho wučestwa Khrystusoweho, tak zo wjetši dźěl ludži njewěryješe do njeho; njebudže snadź tohodla tež Bóh njeswěrný we swojich slubjenjach? njezapowě snadź wumóženje, kotrež je prjedy přislubił, hdyž je lud tak njewěriwy? Ně! Čłowjeska njeswěra a njewěra njezběhnje swěru Božu, wjele wjacy ju pozběhuje.

4. Bóh džě je wěrnosćiwy, kóždy čłowjek pak lhať, kaž je pisane: „Zo by wosprawnjeny był we swojich słowach a dobył, hdyž bywaš sudženy.“*

Jan. 3, 33; Ps. 50, 6.

5. Jelizo pak naša njesprawnosć Božu sprawnosć widzieć dawa, što rjeknjemy? Je snadź Bóh njesprawny, hdyž hněw přiwjedže?

6. (Po čłowjesku praju.) Nihdy; kak budže hewak Bóh tónle swět sudzić?

7. Přetož, jelizo sprawnosć Boža při mojej lži nadoby k jeho khwalbje, čohodla bywam tež ja hišće jako hrěšnik sudženy?

8. A přeco bychmy — jakož smy hanjeni a jakož někotři powědaju, zo prajimy — nječiniłi zle, zo by (z toho) přišło dobre? Tych wotsudženje je sprawne.*

9. Što potajkim? Mamy něšto před nimi? Nihdy.* Přetož dopokazachmy, zo su Židža a Greksy wšitcy pod hrěchom,

10. Jakož je pisane: „Sprawny njeje ani jedyn;

11. Njeje rozomny, njeje, kotryž by Boha pytał.

12. Wšitcy su so wotkhilli, buchu sobu njewužitni; njeje (tu), kotryž by dobre činił, njeje ani jedyn.“ Ps. 13, 3.

13. „Wotewrjeny row je jich rot; ze swojimi jazykami jebachu“; „jěd zmijicow maju pod swojimaj hubomaj.“

Ps. 5, 11; 139, 4.

14. „Jich rot je polny zakliwanja a hófkosće“;

Ps. 9, 7.

15. „Spěšne su jich nohi k přeliwanju krewje;

16. Zahubjenje a njezbožownosć je na jich pučach,

17. A puć pokoja njepóznachu.“

Is. 59, 7; Přisl. 1, 16.

18. „Bohabojosć njeje před jich wóćomaj.“

Ps. 35, 2.

19. Wěmy pak, zo štožkuli zakoń rěči, tym, kotřiž su pod zakonjom, rěči, zo by kóždy rot zatykany a cyły swět poddaty był Bohu,*

20. Dokelž ze skutkow zakonja njebudže wosprawnjeny žadyn čłowjek před nim. Přetož přez zakoń (je) spóznaje hrěcha.*

Gal. 2, 16.

21. Nětko pak je zjewjena sprawnosć wot Boha bjez zakonja, wobswědčena wot zakonja a profetow,

22. A to sprawnosć wot Boha přez wěru do Jězusa Khrystusa k wšitkim a nad wšitkich, kotřiž do njeho wěrja; přetož njeje rozdźěl;*

4. Na Boha móžemy so spuścić, čłowjek pak je njewobstajny. Božu wěrnosćiwosć wuznawa David, kotryž bě zhrěšił, Bóh pak slubi jemu wodaće, jelizo hrěchi zapoknúi, a dopjelní tež slubjenje, a tak dopokazuje Bóh wěrnosć swojich słowow přećiwo kóždemu, kotryž so zwaži, přećiwo njemu skorzić, a jeho skutki sudzić. — 8. Pawoł tu napřekuje a praji: Hdyž Bóh čłowjesku njesprawnosć a njewěrn k swojej česći wobroća, njeje wón njesprawny, hdyž tych khosta, kotřiž tak ze swojej hrěšnosću k jeho česći přinošnja? Ně! hewak njeby swět so sudzić, z cyła žadyn hrěch so khostać směł, dokelž Bóh kóždy hrěch k swojej česći wobroća, zo by na nim pak swoju sprawnosć, pak smilnosć wozjewjał. Tež by hewak móhl něchtó měnić, zo smě zle so činić, zo by z toho dobre nastało. Zawěrn, kotřiž tak rěča a swoju njewěrn zamołwjeju, wotsudža a začisnu so ze wšim prawom. — 9. t. r. plaćimy tohodla, dokelž mamy wozjewjenja Bože, wjacj před Bohom, dyžli pohani? Ně! my kaž woni smy hrěšnicy; a to dopokazuje wón wosebje ze słowami Stareho Zakonja, kotrež na powšitkownu hrěšnosć spominaju a Židam plaća. — 19. Zakoń, t. r. wozjewjenja Stareho Zakonja su wosebje Židam date, a tohodla měni wón, hdyž wo hrěšnosći rěči, židowsku hrěšnosć. Tuž njesmědža Židža sebje za sprawnych měć, ale cyły swět t. r. Židža a pohani, maju so wuznać, zo su hrěšnicy před Bohom. — 20. Skutki, w zakonju poručene, nimaju móc, čłowjeka před Bohom wosprawnosćić a jeho hrěšnosć zběhnyć, ale zakoń wući jeno, što je hrěch. zakazujo, štož je njedowolene a prikazujo, što ma so činić. — 22. Sprawnosć Boža, t. r. sprawnosć, kotruž Bóh čłowjekam wudźěla, kotraž wućišća wot hrěcha, a jeho swjatosći, kotraž drje je wot zakonja a profetow slubjena, ale kotraž njepřikhadža ze skutkow zakonja, ale jeničcy z wěry do Jězusa, slubjeného zbóžnika, kotraž so wšitkim, kotřiž do njeho wěrja, bjez wuwzaća a bjez rozdźěla, je-li štó Žid abo pohan, zdźěli. So rozymi, zo dyrbi to žiwa wěra być, kotraž tež wšitko dokonja, štožkuli sebi Jězus žada.

23. Přetož wšitcy zhrěsichu a nimaju khwalby před Bohom,*

24. Dokelž bywaju wosprawneni darmo přez jeho hnadu, přez wukupjenje, kotrež je w Khrystusu Jězusu,

25. Kotrehož Bóh wustaji jako wújednanje, přez wěru, w jeho krewi, k wopokazej swojeje sprawnosće dla přenječanja předkhadžacych hrěchow

26. Při dolhočakawosći Božej; k wopokazej swojeje sprawnosće w tutom času, zo by sam byl sprawny, a (tež) wosprawnjał toho, kotryž je z wěry Jězusa-Khrystusowy.*

27. Hdže je tohodla twoje khwalenje? Wuzamknjene je. Přez kotry zakon? (zakon) skutkow? Ně, ale přez zakon wěry.*

28. Přetož mamy za to, zo čłowjek wosprawneny bywa přez wěru bjez skutkow zakonja.

29. Je drje Bóh jeno za Židow? nic tež za pohanow? Zawěsće tež za pohanow;

30. Dokelž džě je Bóh jedyn, kotryž wosprawnja wobřezanje z wěry, a nje-wobřezanje přez wěru.*

31. Zběhamy snadž potajkim zakon přez wěru? Nihdy; ale wobtwjerdžamy zakon.*

STAW IV.

Wosprawjenje njewukhadža ze zakoniskich skutkow, ale z wěry do Boha, kotraž bu Abrahamej k sprawnosći před jemu datym wobřezanjom, pozdžišo přijatym; nic přez zakon, ale přez sprawnosć bu wón přichodny wótc wšěch, kotřiž jeho we wěrje sčelowachu; wón pak wěrješe Bohu, zo budže wótc wulkeho ludu přez jemu slubjeného syna, hač runje bě ze swojej mandželskej Saru lěta płodženja překročil.

Što, rjeknjemy nětko, je dóstał Abraham, naš wótc, po mjasu?*

2. Přetož bu-li Abraham přez skutki wosprawneny, ma khwalbu, ale nic pola Boha.*

3. Přetož što praji Pismo: „Abraham je wěril Bohu, a to přiliči so jemu jako sprawnosć.“ 1. Mójz. 15, 6; Gal. 3, 6; Jak. 2, 23.

4. Tomu pak, kotryž džěla, njepřiliča so mzda po milosći, ale po zaslužbjě.

23. t. r. nimaju khwalby t. r. přičiny, so před Bohom khwalić, wosebje tohodla nic, dokelž njeksu ze swojich zaslužbow, ale jeno přez hnadu, kotraž z wumóženskeho skutka Jězusoweho přikhadža, wosprawneni. — 26. Jězusa wustaji Bóh jako krwawny wopór, kotryž Božu sprawnosć wujedna. Bóh bě přez hrěch rozhněwany a jeho sprawnosć žadaše sebi přiměrjene dosćčinjenje, kotrež móže jenož Khrystus dokonjeć; wěra, zo je Jězus Khrystus njebjeskeho Wótca wujednał, wosprawnosći čłowjeka, kotryž hrěch hidži. Pokazać chcyše Bóh w krwawnej smjerći wobě stronje swojeje sprawnosće; mjenujcy, zo hrěch njewoda bjez dosahaceho dosćčinjenja, kaž snadž by móhlo so zdać, dokelž wón we swojej njeskónčnej milosći před Khrystusom wot Židow a pohanow hrěchi dolhe časy znjese; potom pak tež, zo wón, hdyž je jemu za hrěch so dosććiniło, kóždemu woda, kóždeho wosprawnosći, kotryž do wumóžnika wěri; tule druhu stronu jeho sprawnosće mjenujemy tež smilnosć. — 27. Tu wobroći so Pawoł k wobzamknjenju swojeje wučby wo čłowjeskim wosprawnjenju, kotrež so stawa přez wěru do Jězusa Khrystusa, wumóžnika swěta, a nic přez židowski zakon, na Židow a praji jim, zo žaneje winy ke khwalenju nimaju, dokelž zakon t. r. wownowne skutki, kotrež Mójzesowy zakon napoloža, čłowjeka njewosprawnjaju, ale skutki, kotrež sebi wěra do Jězusa Khrystusa žada. — 30. Hdy by wosprawnenje wot Mójzesoweho zakonja wotwisowało, bychu móhli jeno Židža so wosprawnić, dokelž pohaní zakonja nimaju, ale Bóh chce wšitkich čłowjekow zbóžnosć, a wšitcy, Židža a pohaní, móža k zbóžnosći přinć přez wěru. Nje-wobřezanje t. r. pohaní; wobřezanje t. r. Židža. — 31. Tola wěra do Khrystusa njezběhnje zakon, ale wobkruća jón, dokelž wuči, kak ma dospołnje a bohuspodobnje so dopjelnjeć.

IV. 1. Hdyž wosprawnenje, štož bu w stawje 3. dopokazane, z wěry wukhadža a nic ze zakoniskich skutkow, kak bu Abraham naš wótc wosprawneny? Wotmołwić mamy: přez wěru. To Pawoł nětko rozestaja. — 2. Hdy by ze zakoniskich skutkow wosprawneny był, by so ze swojej sprawnosću khwalić móhl, ale nic z tym, zo bu wot Boha wuznamjenjeny, wot Božej hnady tak pozběhnjeny, we čimž tola Abrahamowa khwalba wobstoješe. — 3. Abraham wěrješe, zo Bóh, kotryž jemu slubi, zo budže wótc mnohich ludow, to tež dopjelni, a tuteje wěry dla wosprawni jeho Bóh, bjez zakoniskich skutkow, t. r. bjez jeho samsnych zaslužbow. Wěra so jemu k sprawnosći přiliči, t. r. wón njeměješe prawo na wosprawnenje, ale ze sameje hnady jeho Bóh wosprawni.

5. Tomu pak, kotryž njedžěła, ale wěri do toho, kotryž bjezbóžneho wosprawnja, přiliči so jeho wěra k sprawnosći po postajenju Božej hnady.*

6. Jako tež David zbóžneho praji čłowjeka, kotremuž Bóh sprawnosć dawa hjez skutkow.

7. „Zbóžni, kotrychž njeprawosće su wodate, a kotrychž hrěchi su přikryte;

8. Zbóžny je muž, kotremuž Knjez njepriliči hrěch.“* Ps. 81, 1.

9. Zwostawa nětko tuto zbóžnoprajenje jeno we wobrézanju, abo tež w njewobrézanju? Přetož prajimy, zo bu Abrahamej wěra přiličena k sprawnosći.*

10. Kak pak bu jemu přiličena? hdyž běše we wobrézanju abo njewobrézanju? Nic we wobrézanju, ale we njewobrézanju.*

11. A wón dósta znamjo wobrézanja jako znamjo sprawnosće z wěry, kotruž měješe w njewobrézanju, zo by był wótc

wšěch wěrjacych we njewobrézanju, tak zo by tež jim sprawnosć přiličena byla, 1. Mójs. 17, 10, 11.

12. A zo by był wótc wobrézanja tym, kotřiž nic jeno z wobrézanja su, ale kotřiž tež khodža w stopach wěry, kotraž je (wopokazana) w njewobrézanju našeho wótca Abrahama.*

13. Přetož nic přez zakon bu Abrahamej abo jeho symjenju slubjene, zo by był herba swěta, ale přez sprawnosć z wěry.*

14. Přetož jelizo su herbja (jeno) čí, kotřiž su ze zakonja, je wěra zničena, slubjenje je zběhnjene.*

15. Přetož zakon skutkuje hněw. Hdźež pak njeje zakon, (tam) tež njeje přestupjenje.*

16. Potajkim (su herbja) z wěry, zo by po hnadze wěste było slubjenje wšitkemu symjenju, nic jeno tomu, kotrež je ze zakonja, ale tež tomu, kotrež je z wěry Abrahama, kotryž je wótc nas wšitkich.*

5. Džělaćef, kiž swoje mocy napina, ma prawo na mzdu; tón pak, kotryž jako hrěšnik bohuspodobnje skutkować njemóže, budže wosprawnjeny, jelizo wěri. S. Pawoł njespomina tudy na to, kak ma wěra w skutkach žiwa so wopokazać, dokelž jeno wěru do Jězusa Khrystusa jako srědk wosprawnjenja přećiwu Židam zamołwja, kotřiž wosprawnjenje zakoniškim skutkam připisowachu. — 8. Zo so wosprawnjenje, t. r. wodace hrěchow přez miłosć Božu stawa a nic přez skutkowanje čłowjekow, dopokazuje tež David, kiž tych zbóžnych khwali, kotrymž Bóh sprawnosć bjez skutkow přidawa. Hrěchi přikryć, rěka tudy hrěchi spušeć. — 9. S. Pawoł počina nětko dopokazować, zo je wosprawnjenje, dokelž ma swój korjen we wěrje a nic we skutkach židowskeho zakonja, za wšitkich. — 10. Abrahamej přiliči so wěra k sprawnosći; w kotrym času? před wobrézanjom abo po wobrézanju? Před wobrézanjom, Abrahamej běše 90 lět a Ismaelej 13 lět, hdyž buňtaj wobrézanaj, ale před tym hižo da jemu Bóh slubjenje a dokelž Abraham Bohu kruće wěrješe, wosprawnosći jeho. Wobrézanie pak bu hake 14 lět pozdžišo poručene jako zwonkowne znamjo a wobkrućenje sluba. — 12. W času njewobrézanja, t. r. před swojim wobrézanjom bu Abraham za krutu wěru wosprawnjeny, zo by duchowny wótc był wšitkich, kotřiž w njewobrézanju t. r. w pohanstwje wěrja do Jězusa a so k njemu wobroća, zo bychy přez wěru so wosprawnili; ale tež wótc wobrézanych, dokelž po swojim wosprawnjenju wobrézanie dósta jako znamjo sprawnosće, ale jeno tych, kotřiž jeho tež w krutej wěrje sčěhuja, tak zo wobrézanie samo wosprawnjenje njepřinjese, ale jeno wěra. — 13. Abraham dósta slubjenje, zo jeho potomnicy kraj Kanaan do budu, a zo budža přez jenoho z nich wšitke ludy zemje žohnowane tež před wobrézanjom. Tuto najwažniše slubjenje, mjenujcy slubjenje přichodneho zbóžnika bu potajkim Abrahamej date, dokelž b. wón sprawný přez wěru. — 14. Hdy bychy jeno čí, kotřiž su pod zakonju, herbja byli, t. r. Židza, njeby so wěrje tajka móc připisować móhla, jakož so to stanje; wěra by potom njewužitna byla. — 15. Zakon postaja čłowjekej mjezy, a Mójesowy zakon bu wosebje daty, zo by z nim čłowjeska zlosć a njesprawnosć so wobmjezowała; tohodla hrožeše přestupnikam tež ze surowym khostanjom. Čłowjeska słabosć a zla nakišnosć wabi k přestupjenju w zakonu postajenych mjezow a tak so stawa, zo je tajki skutk, kotryž so přećiwu znatemu zakonej dokonja, hrěch, mjez tym zo tónsamy skutk, njeby-li zakazany był, hrěch był njeby. Zakon je potajkim wina přestupjenjow a hněwa Božeho, a njemóže tohodla wina slubjenja być. — 16. Herbja slubjenjow Božich su jeno čí, kotřiž słowam Božim we wšitkim so podćisnu, kotřiž synje a kruće do Boha wěrja; jeno tak su slubjenja wšitkemu potomnistwu Abrahamowemu zawěšene, wěrjowym Židam a tež wěrjowym pohanam; wotwisuja jeno wot hnady Božej, kotraž pak so nikomu njezapowědaji.

17. (Jakož je pisane: „Wótea mnohich ludow postajich će“) před Bohom*, kotremuž wón wěrješe, kotryž wožiwa mortwych, a woła to, štož njeje, zo by bylo;**

1. Móž. 17, 4.

18. Kotryž (Abraham) přećiwo nadźiji do nadźije wěrješe, zo budže wóte mnohich ludow, po tom, štož bu jemu prajene: „Tak budže twoje symjo.“

1. Móž. 15, 15.

19. A njewoslabnywši we wěrje, nje-
džiwaše na swoje zmortwjene ćělo, hdyž
běše hižo wokoło sto lět, a na zmort-
wjeny žiwot Sary.

20. A tež wo slubjenju Božim nje-
dwělowaše z njedowěru, ale bu posylnjeny
we wěrje, dawajo Bohu khwalbu,

21. A dospołnje wědžo, zo móže, štož-
kuli je slubił, tež sćinić.

22. Tohodla tež bu jemu to přiličene
k sprawnosći.*

23. To pak njeje pisane jeno za njeho,
zo by jemu přiličene bylo k sprawnosći,

24. Ale tež za nas, kotrymž budže
přiličene, hdyž wěrimy do toho, kotryž
je wot mortwych zbudził Jězusa Khry-
stusa, našeho Knjeza,

25. Kotryž bu podaty dla našich hrě-
chow, a wstany wot mortwych dla na-
šeho wosprawnjena.*

STAW V.

Wosprawneni z wěry radujemy so nic jeno w na-
dźiji, ale tež w přećiwnosćach; přetož hdyž je
Khrystus za nas hrěšnikow wumřěl, wozboži
nas ćim bóle jako z jeho krvju wosprawnje-
nych; a jakož smy přez jeničku Hadamowu
njeposlušnosć zhrěšili a wumřěli, tak wospraw-
nimy so přez poslušnosć jenoho Khrystusa
z mnohich hrěchow k žiwjenju.

Wosprawneni potajkim z wěry, mamy
pokoj z Bohom přez našeho Knjeza Jě-
zusa Khrystusa,*

2. Přez kotrehož tež smy dóstali při-
stup přez wěru k tej hnadze, w kotrejž
stojimy a so khwalimy nadźije na kras-
nosć džěci Božich.*

Ef. 2, 28.

3. Tola nic jeno to, ale khwalimy so
tež w horjach, wědźicy, zo horjo skutkuje
wutrajnosć;

Jak. 1, 8.

4. Wutrajnosć pak doswědčenje, do-
swědčenje pak nadźiju;

5. Nadźija pak njezahańbuje, dokelž
lubosć Boža je wulinjena w našich wu-
trobach přez Ducha swjateho, kotryž je
nam daty.*

6. Přetož k čomu je Khrystus, hdyž
běchmy hišće slabi, w (postajenym) času
za bjezbóžnych wumřěl?*

Hebr. 9, 14; 1. Pětr. 3, 18.

7. Lědma džě što za sprawného wu-
mrje; přetož za dobroćerja wumřěć snadž
by něchtó so zwažil.*

17. Před Bohom, t. r. po Božej woli, bu Abraham wóte mnohich ludow abo wšěch ludow, kotrež wěrajachu do Jězusa Khrystusa, Abrahamoweho potomnika. ** Abraham spuše so cyle dowěrnje na Božu wšohomóć, kotraž mortwe wožiwa, a tomu byće dawa, štož njebě. — 22. Abrahamowa kruta wěra přiliči so jemu k sprawnosći, kotruž móže čłowjek jeno po křesćanskej wučbje přez Khrystusa dóstać; tola tež Abraham je na Khrystusa swoju nadźiju stajał, dokelž hłowne wobjeće slubjenja Božeho bě, zo budža přez jenoho z jeho potomnikow, t. j. přez Jězusa Khrystusa wšitke ludy žohnowane. — 25. Abrahamowa kruta wěra je přikład za nas; tež my, chcemy-li wosprawneni być, dyrbymy runje tak kruće wěrić do Boha a toho, kotrehož je wón podał za naše wumóženje, Jězusa Khrystusa.

V. 1. Swjaty Pawoł wopisuje nětko płody wosprawnjena — pokoj z Bohom, krutu nadźiju na zbóžnosć, šćerpnosć w horju a lubosć. — 2. Přez Khrystusa přindžemy k wužiwanju hnadow, kotrež nam w swjatej cyrkwi so wudželeju, a k wěčnej zbóžnosći. — 5. Nadźija wěčneje zbóžnosće wobkruća nas w křesćanskim žiwjenju, tak zo šćerpnje ćerpimy, a w ćerpenjach swoju wobstajnosć pokazamy, a z tym w nadźiji přiběramy, kotraž nas njezjeba, dokelž je wobkrućena přez lubosć Božu. — 6. Zo nadźija wěčneje zbóžnosće njejeba, spóznamy tež ze smjerće našeho Knjeza Jězusa Khrystusa; hdyž je wón za nas hrěšnikow wumřěl, wumóže nas zawěše tež wot Božeho hněwa; w času, t. r. w prawym času, hdyž bě čłowjestwo za wumóženje přihotowane. — 7. Z tych słowow dyrbymy wulku lubosć našeho zbóžnika spóznać, dokelž so njestawa, zo by něchtó za druhého wumřěl, byrnje sprawného, kotryž pak jemu bližši njeje; za toho snadž, kotryž je jemu dobroty wopokazał, wumrje hižo skerje, to pak je wulka lubosć; tola Jězus je za hrěšnikow, potajkim za njepřećelow wumřěl, a tym swoju njesměrny wulku lubosć zjewił.

8. Dopokazuje pak Bóh swoju lubosć k nam, dokelž, hdyž běchmy hišće hrěšnicy, w (postajenym) času,

9. Wumřě Khrystus za nas; čím wjacy potajkim budžemy, hdyž smy wosprawneni w jeho krvi, wot hněwa wumóženi přez njeho.

10. Přetož jelizo, hdyž běchmy njeprěćelowje, wujednani buchmy z Bohom přez smjerc jeho Syna, budžemy jako wujednani wjele wjacy wumóženi w jeho žiwjenju.*

11. A nic jeno to, ale khwalimy so tež w Bohu přez našeho Knjeza Jězusa Khrystusa, přez kotrehož nětko wujednanje dóstachmy.*

12. Tohodla, jako přez jenoho čłowjeka hrěch do tohole swěta přindže a přez hrěch smjerc; a tak na wšitkich čłowjekow smjerc přendže, dokelž wšitecy w nim zhrěšichu,* --

13. Přetož hač do zakonja běše hrěch na swěće; hrěch pak so njeprilicěše, hdyž zakon njeběše;

14. Tola knježiła je smjerc wot Hadama hač do Mójsesa tež nad tymi, kotřiž njezhrěšichu po podobnosći pře-

stupjenja Hadamoweho, kotryž je předznamjo přichodneho (Hadama).*

15. Ale njeje jako z padom, tak tež z darom; přetož hdyž přez pad jenoho čí mnozy wumřěchu, je wjele bóle přešla nadobnje hnada Boža a dar w hnadze jenoho čłowjeka Jězusa Khrystusa.*

16. A njeje jako z hrěchom přez jenoho, tak tež z darom; přetož wotsud (bu) drje z jenoho (hrěcha) k zatamanju, hnada pak z mnohich padow k wosprawnenju.*

17. Přetož je-li z padom jenoho smjerc knježiła přez jenoho, budža wjele bóle, kotřiž polnosć hnady a dara a sprawnosće dóstawaju, w žiwjenju knježić přez jenoho Jězusa Khrystusa.

18. Jako potajkim přez pad jenoho na wšěch čłowjekow zatamanje (přindže), tak tež přez sprawnosć jenoho na wšitkich čłowjekow wosprawnenje žiwjenja.

19. Jako buchmu mjenujey přez njeposlušnosć jenoho čłowjeka mnozy hrěšnicy sčinjeni, tak budža tež přez poslušnosć jenoho mnozy sprawni sčinjeni.

20. Zakon pak (k tomu) přistupi, zo by so rozmnožil hrěch.* Hdyž pak so rozmnoži hrěch, bu hnada přenadobna,

10. Hdyž je Jězus nas, jako běchmy njeprěćelowje Boží, ze swojej smjercu wujednal, směmy so čím skerje nadžec, zo nas nětko, hdyž smy přecelowje Boží, w swoim žiwjenju wumóže, t. r. w změjemy přez njeho džěl we wěčneje zbóžnosći. — 11. Zo je nas Syn Boží, sam wěruy Bóh, w móhl, je dopokaz za našu wysoku hódnosć, dokelž je Bóh nam na pomoc přišoł. Z tym móžemy so khwalić. — 12. Dokelž smy přez Jězusa Khrystusa wosprawneni, a nadžiju wěčneje zbóžnosće dóstachmy, přirunuje s. Pawoł hnady, kotrež přez njeho dobychmy, z hrěšnosću, kotraž z Hadama so rozšěri na cyle jeho potomnistwo. Jako buchmu přez Hadama wšitecy hrěšnicy, tak buchmu přez Khrystusa wšitecy wosprawneni. — 14. Wšitecy su hrěšnicy přez Hadama, wšitecy, kotřiž běchu před Mójesowym zakonjom žiwi a tež wšitecy po nim; hač runje tamni, kotřiž běchu před zakonjom žiwi, jón přestupić njemóžachu, dokelž tu zakon njebě, běchu tola hrěšnicy, dokelž mějachu herbski hrěch na sebi a tež zakon, do jich wutrobow zapisany, wšelako přestupichu. Powšitkownu hrěšnosć dopokazuje smjerc, kotraž je wunošk hrěcha, a kotraž tež na tych přendže, kotřiž njeběchu podobnje zhrěšili, jako Hadam, t. r. wosebitu, z jasnými słowami wuprāju kaznju, kaž bě Hadam a pozdžišo israelski lud přez Mójsesa dóstał, njeběchu přestupili. Hadam je znamjo přichodneho, t. r. Boháčłowjeka Jězusa Khrystusa, w tom nastupanju, zo přez njeho powšitkowna hrěšnosć, přez Khrystusa powšitkowne pohnadženje přindže, hewak pak staj sebi tak njepodobnaji jako kleče a žohnowanje. — 15. Tu spomina Pawoł na rozděl mjez hrěchom a hnadu; přez hrěch mnozy, t. j. wšitecy wumřěchu, přez hnadu su mnozy, t. j. wšitecy z duchownými kubłami wobohaćeni. — 16. Dar, kotryž so nam přez Khrystusa doby, přewyšuje škodu, kotruž nam Hadam načini; z Hadamoweho hrěcha přindže drje zatamanje, ale z hnady Khrystusoweje přindže wnje ze wšitkich hrěchow. — 20. Zakon ze swojimi kaznjemi bě wina, zo čłowjekowje čěžšo zhrěšichu, dokelž winowatosće lěpje znajachu.

21. Zo by, jakož je hrěch knježil w smjerći, tež hnada knježila přez sprawnosć k wěčnemu žiwjenju* přez Jězusa Khrystusa, našeho Knjeza.

STAW VI.

We Khrystusu smy křćení, zo bychmy wotemřeli hrěchej w nowym žiwjenju khodžili; jakož Khrystus jónu wumřel a pohrjebany bu, wstany k nowemu žiwjenju, zo by wjacj njewumřel. Njebudźmy poslušni hrěchej a požadosćam, ale wotwjazani wot zakonja a wumóžení přez Khrystusowu hnadu wot hrěcha, a služownicy sprawnosće, podawajmy w poslušnosći sprawnosće k žiwjenju swoje stawy, kotraž přjedy podawachmy w nječistoće k smjerći.

Što potajkim rjeknjemy? zwostanjemy w hrěše, zo by hnada so rozmnožila?*

2. Nihdy. Přetož, kotřiž hrěchej wotemřechmy, kak budžemy hišće žiwi w nim?

3. Abo njewěsće, zo, kotřižkuli smy wukřćení na Khrystusa Jězusa, na jeho smjerć wukřćení smy?*

4. Přetož spohrjebani smy z nim přez křćenícu na smjerć, zo bychmy, kaž Khrystus wot mrtwych wstany přez krasnosć Wótca, tak tež my w nowoće žiwjenja khodžili.* Gal. 3, 27; Kol. 2, 12; Ef. 4, 23;

Hebr. 12, 1; 1. Pětr. 2, 1; 4, 2.

5. Přetož jelizo smy z nim sobusadźeni

do podobnosće jeho smjerće,* budžemy to tež w horjewstaću,

6. To wědźicy, zo bu naš stary čłowjek sobu křižowany, zo by čěło hrěcha morjene było, a zo bychmy hrěchej wjacj njeslužili;

7. Přetož štož je wumřel, je wotwjazany wot hrěcha.*

8. Jelizo pak z Khrystusom wumřechmy, wěrimy, zo budžemy sobu tež žiwi z Khrystusom,

9. Wědźicy, zo Khrystus wstanywši wot mrtwych njewumřewa; smjerć wjacj nad nim nje knježi.

10. Přetož (štož nastupa), zo wumřel, wumřel hrěchej jónu; štož pak, zo je žiwy, je žiwy Bohu.*

11. Tak tež wy za to mějće, zo sće drje mrtwi hrěchej, žiwi pak Bohu w Khrystusu Jézusu, našim Knjezu.

12. Njeh potajkim nje knježi hrěch we wašim smjertnym čěle, tak zo byšće poslušali jeho požadosćam.

13. A tež njepodawajće swoje stawy hrěchej jako brónje njesprawnosće, ale podawajće so Bohu jakož z mrtwych wožiwjeni, a swoje stawy Bohu jakož brónje sprawnosće.

21. Hdyž pak bě hrěch najmócněšo so rozšěrł, a smjerć, wosebje tež duchownu smjerć na čłowjekow přinjesł, wozjewi so hnada Boža, wosprawni čłowjeka a slubi jemu wěčne žiwjenje.

VI. 1. W přních pjeći stawach wopisuje s. Pawoł wosebje, štož je Bóh za wumóženje čłowjeka skutkował. Pohani a Židža trjebachu wumóžnika, kotřiž w Jézusu Khrystusu přindže a ze swojej přebohatej hnadu Hadamowy hrěch a jeho sčěhwki zniči, a žórło nowych hnadow za čłowjeka wotewri, tak zo by móhl snadź něchtó so prašeć, hač njeby wužitne było, dale zhrěšić, zo by móc Božeje hnady čím jasněšo so zjewiła. Swjaty japoštoł wotpokazuje tajke njechódne prašenje, a dopokazuje, što hnada Boža we wumóženym skutkuje a što we nim mori, hač do 13. rjadka a k čomu jeho pohnuwa. — 3. Přez křćenícu zasčěpichmy so do Jězusa, buchmy stawy jeho potajneho čěla, a tohodla ma to, štož na Jězusa so dóndže, tež na nas so dóńć, potajkim tež smjerć; wumřel mamy hrěchej a hrěšnym požadosćam a wstanyć k nowemu žiwjenju, dokelž wšo, štož z Jézusom, našim wjerchom, so sta, to ma so tež z nami stać. — 4. W přních časach křesćanstwa wudželeše so křćenca z podnórjenjom, z tym pokaza na plód křćenicy; z podnórjenjom bu stary hrěšny čłowjek tak rjec morjeny a pohrjebany, a nowy, bohupodobny čłowjek wuńdže z wody. „Křćenca na smjerć“ Jézusowu je nas do cyła z nim zjednočiła, a tohodla ma na našu smjerć tež pohrjeb, t. r. dospołne dźělenje wot swěta, a na pohrjeb pak wot mrtwych wstaće sčěhować a nowe žiwjenje, kotraž Bohu sluša. — 5. W křćenícu mamy podobnje wumřel, jakož Khrystus; wumřel mamy staremu čłowjekeju, zložil wšu hrěšnosć, potom wstanjemy z Khrystusom k nowemu žiwjenju. — 7. t. r. mrtwy njemóže dale hrěšić, njeje hrěšnym wabjenjam a spytowanjam wustajeny; tak tež štož je w křćenícu hrěchej wumřel, dyrbi mrtwy wostać za hrěch a jeno žiwy być do Boha. — 10. Jézus wumřel za hrěch čłowjekow, a ze swojej smjerću zniči hrěch, tak zo hrěch swoje knježstwo zhubi a Jézus za njón z nowa wumřel njetrjeba; nětko je wón žiwy sedžo na prawicy Wótca do wěčnosće.

14. Přetož hrěch njezměje móc nad wami, dokelž njejsće pod zakonjom, ale pod hnadu.*

15. Što potajkim? Mamy hrěšić,* dokelž njejsmy pod zakonjom, ale pod hnadu? Nihdy.

16. Njewěsće, zo komuž so podawaće jako služownicy k poslušnosći, toho sće služownicy, kotrehož poslušace, pak (služownicy) hrěcha k smjerći, pak poslušnosće k sprawnosći?

Jan. 8, 34; 2. Pětr. 2, 19.

17. Bohu pak budź džak, zo bušće, kotřiž běšće služownicy hrěcha, tola z wutroby poslušni tej podobje wučby, kotrež bušće podači.

18. Wuswobodźeni pak wot hrěcha bušće služownicy sprawnosće.

19. Po čłowjesku rěču dla slabosće washeho mjasu; přetož jakož podašće swoje stawy do služby nječistoće a njeprawosći na njeprawosć, tak podajće nětko swoje stawy do služby sprawnosći na swjatosćenje.

20. Přetož, hdyž běšće služownicy hrěcha, běšće swobodni w nastupanju sprawnosće.*

21. Kajki plód pak sće měli tehdy z toho, čohož nětko so hańbujeće? Přetož kónc toho je smjerć.

22. Nětko pak wuswobodźeni wot hrěcha, sće služownicy sćinjeni Bohu; maće

swój plód k swjatosćenju, jako kónc pak wěčne žiwjenje.

23. Přetož mzda hrěcha je smjerć; hnada Boža pak je wěčne žiwjenje w Khrystusu Jězusu, našim Knjezu.

STAW VII.

Runja žónskej, kotrež je muž wumrěł, smy přez Khrystusa wot zakonja, přez kotryž běchu nakhilnosće k hrěchej mócnije, wotwjazani, zo bychmy Khrystusej služili w nowym duchu; ze zakonjom, hrěch přisudžacy, zjewi so a rosće hrěch, hač runje bě zakon swjaty a duchowny; haj tež nětko hišće smy wabjeni z napřečiwnje nakhilnosću, byrne so wobarali, k tomu, štož z rozumom zacpěwamy a štož je přečiwo zakonje.

Abo njewěsće, bratřa, (přetož k tym, kotřiž zakon znaja, rěču),* zo zakon nad čłowjekom knježi, doniž je žiwy?

2. Přetož žona, kotraž je pod mužom, je žiwenu mužej zwjazana ze zakonjom; by-li pak muž wumrěł, je wotwjazana wot zakonja mužoweho.

3. Tohodla, doniž je muž žiwy, budźe mandźelstwaľamafka rěkać, by-li z druhim mužom byla; jelizo pak by jeje muž wumrěł, je wuswobodźena wot zakonja mužoweho, tak zo njeje mandźelstwaľamafka, by-li z druhim mužom byla.

4. A tak bušće tež wy, moji bratřa, za zakon morjeni přez čelo Khrystusowe, zo byšće slušeli druhemu, kotryž je wot mrtwych wstanył, zo bychmy plód dawali Bohu.*

14. Zakon ze swojimi kaznjemi wabješe čłowjeka, a dokelž Božeje podpěry njeměješe, zhrěši husto; křćený pak dopjelni winowatosće žiwjenja lóže, haj wjeselšo, dokelž jeho hnada Boža mócnje podpěra. — 15. Hdyž pod zakonjom njejsmy, směmy tak jeho kaznje přestupować? tak by móhl so něchtó prašeć. Tola s. japoštoł hnydom na tajke prašenje wotmoľwja, w slědowacych rjawkach rozestajejo, zo maju so wzdać dotalnej služby hrěcha, kotraž k smjerći wjedže, a swoje stawy služby Božej swječić, kotraž wěčne žiwjenje přinjese; přetož čłowjek móže jeno poslušny być pak hrěchej, pak sprawnosći; wot hrěcha pak je křćený wumóženy, njemóže tohodla jemu dale poslušny być, tohodla ma jeno služić sprawnosći a być služownik Boží; tohodla, tak napomina s. Pawoł, maće, jako sće přjedy w hrěchach žiwi byli, nětko w sprawnosći a swjatosći pokračować. — 20. t. r. njeběšće sprawni. — 23. t. r. sprawne a swjate žiwjenje, kotrež jeno z hnadu Božej wjedzemy, přinjese nam wěčnu zbóžnosć.

VII. 1. t. r. tajkim, kotřiž wotpohladanje Mójzesoweho zakonja rozymja a znaja, potajkim wosebje křesćanskim Židam. — 4. Poćah zakonja k čłowjekej wujasni s. Pawoł w přirunanju z mandźelstwom. Mandźelstwo rozwjaza so za žonu jeno ze smjerću mandźelakeho; wumrje-li muž, je tež mandźelska w nastupanju swjeho mandźelstwa tak rjec mrtwa, dokelž mandźelstwo dale njewobstoji, wona móže z nowa so wudać. Podobnje je tež přez Khrystusa wumóženy čłowjek zakonje morjeny, tak zo tutón nad nim dale njeknježi; kaž je w přjedawěm stawje so rozestajejo, wumrje

5. Přetož hdyž běchmy w mjasu, su hrěšne požadosće, přez zakon zbudžene, skutkowale w našich stawach, zo plód dawachu smjerći.*

6. Nětko pak smy wotwjazani wot zakonja smjerće,* w kotrymž buchmy džerženi, tak zo buchmy (Bohu) služowni w nowoće ducha, a nic w zestarjenju pismika.

7. Što potajkim rjeknjemy? je zakon hrěch?* Nihdy. Ale hrěch njebych poznał, klíba přez zakon; přetož wo požadosći bych njewědzał, njeby-li zakon prajil: „Njepožadaj“; 2. Móž. 20, 17.

8. Ale přčinu dóstawši přez kaznju wuskutkowa hrěch we mni wšu požadosć; přetož bjez zakonja běše hrěch mortwy.*

9. Ja pak běch něhdy bjez zakonja žiwy.* Ale hdyž bě kaznja přišla, wo-žiwi hrěch.

10. Ja pak wumrěch; a tak wopokaza so, zo je ta kaznja, kotraž bě data k žiwjenju, mi k smjerći.*

11. Přetož hrěch* přez kaznju přčinu dóstawši zawjedže mje a mori mje přez nju.

12. A tak je wšak zakon swjaty, a kaznja je swjata a sprawna a dobra.

13. Je potajkim, štož je dobre, mi k smjerći bylo? Nihdy. Ale hrěch, zo by so wopokazał jako hrěch, je mi přez dobre wuskutkował smjerć, zo by přezměrnje hrěšny byl hrěch přez kaznju.*

14. Přetož wěmy, zo je zakon duchowny; ja pak sym čelny, předaty pod hrěch.*

15. Přetož štož skutkuju, njeznaju; přetož nic, štož chcu, dobre, to wukonjam; ale štož hidžu, zle, to činju.

16. Jelizo pak to nechcu, štož činju, přihlosuju zakonjej, zo je dobry.*

wěrný křesćan ze swojim starym čłowjekom z Khrystusom, a kaž zakon ze smjerću swoju plaćiwosć zhubi, tak je tež tón, kotryž je z Khrystusom wumrěł, wot židowskeho zakonja wumóženy, je za zakon morjeny, a tohodla mortwy. Wumóženy, z Khrystusom morjeny, njestoji dale pod zakonjom, ale sluša Khrystusoj, a njese nětko plody za wěčne žiwjenje, t. r. skutkuje z Božej hnady dobre a za wěčnosť zaslужbne skutki. — 5. t. r. hdyž běchmy hišće mjasnym nakhilnosťam cyle podćisnjeni, bjez podpěry hnady Božce, zbudžeše zakon z tym, štož prikazuje a zakazuje, našu nakhilnosť k hrěchej, tak zo naše stawy dokonjachu skutki, kotraž su wěčného zatamanja hódne. — 6. Zakon smjerće t. r. zakon, kotryž hrěšne nakhilnosť budži a tohodla k smjerći wjedže. Wotwjazani wot zakonja, tak daleko, kaž wón prikazuje a zakazuje a tak nas k přestupjenju a hrěchej wabi, a přestupnikam z khostanjom hrozy, njejsmy wotwjazani wot winowatosćow zakonja, kotraž dopjelnjamy z lubosću, nic wjacy po pismiku, ale po duchu. — 7. Hdyž zakon hrěšne nakhilnosť zbudzuje, je sam hrěšny, by móhl něchtó prajić; tónle porok wotpokazuje s. Pawoł rozestajejo, zo zakon sam na sebi hrěšny njeje, ale swjaty; tola wjedže k spóznaću hrěcha z tym, zo wěste skutki prikazuje a druhe zakazuje; tak budži w čłowjeku zlu požadosć a wabi jeho k hrěchej. Dokelž čłowjek drje ze swojim rozomom spózna, zo je to dobre, štož sebi zakon žada, ale přez mjasne nakhilnosť wotdžeržany njedokona to, ale runje, štož zakon zakazuje. Tak je w čłowjeku překora. Tule znutřkownu překoru wopisuje s. Pawoł po swojim nazhonjenju; štož pak wo sebi praji, plaći wo wšitkich čłowjekach. — 8. Hrěch t. j. z herbskeho hrěcha přikhadžaca nakhilnosť k hrěchej budži so přez zakónske postajenja a žada dokonjeć, štož je zakazane a namaka tak w zakonju přiležnosť a winu k hrěchej. Bjez zakonja njeje hrěcha, dokelž, hdžež so ničo njepostaja, tam tež ničo so njepřestupi. — 9. Z tym spomina s. Pawoł na dźěćace lěta, hdyž njebě hišće k spóznaću zakonja, a tak ani k spóznaću hrěcha přišoł. — 10. t. r. ja zakon přestupich, zhrěšich, wumrěch duchownje a zakon, kotryž měješe mje k žiwjenju wjesć, přinješe mi smjerć. — 11. t. j. hrěšna nakhilnosť. — 12. Zakónske postajenja su dobre, ale nakhilnosť je zła, a nałožuje něšto same na sebi dobre, k hrěchej, a město toho, zo by we nim přiležnosť k dobremu pytała, namaka we nim přiležnosť k njesměrnym hrěcham. — 13. Zakónske postajenja su duchowne, t. r. pokhadžeju wot Boha, a chcedža wěrne zbože našeje duše spěchowac; čłowjek je pak přez herbski hrěch mjasnym nakhilnosťam podaty, a tak słaby, zo je wot nich wobknježeny; tohodla je w nim stajna překora mjez žadanjemi zakonja, kotraž rozom jako dobre a wužitne spózna a poruča, tak zo chce je wola tež dokonjeć, tomule rozomnemu spóznaću a dobrej woli pak napřećiwja so mjasna nakhilnosť, tak zo spóznaće dobre so njećini, ale zle, štož so nechceše. — 14. Z tym, zo zle nechcu, štož činju, swědču ze swojej woli zakonjej, zo je dobry, dokelž wola chce dobre, kaž tež zakon.

17. Nětko pak hižo nic ja to skutkuju, ale hrěch,* kotryž we mni bydlí.

18. Přetož wěm, zo njebydlí we mni, to rěka w mojim mjasu, dobre; dokelž cheyće drje je při mni; dokonjenje dobrego pak njenamakam.

19. Přetož nic dobre, štož chcu, to činju; ale štož nohecu, zle, to činju.

20. Jelizo pak, štož nohecu, to činju, njeskutkuju to hižo ja, ale hrěch, kotryž we mni bydlí.

21. Namakam tohodla zakon, zo mi, kotryž chcu dobre činić, zle přiwisuje.

22. Přetož wjeselu so nad zakonjom Božim po znutrkownym čłowjeku;*

23. Widžu pak druhi zakon w mojih stawach, kotryž wojuje přećiwo zakonjej mojeho rozoma, a mje podćisuje pod zakon hrěcha, kotryž je w mojih stawach.

24. Ja njezbožowny čłowjek! Štó mje wumóže z čěla tuteje smjerće?*

25. Hnada Boža přez Jězusa Khrystusa našeho Knjeza. Potajkim ja sam služu z rozomom zakonjej Božemu, z mjasom pak zakonjej hrěcha.

STAW VIII.

Japoštoł rozestaja, zo su či, kotřiž su na Khrystusa přez kríćenju zaščěpjeni, wot wšoho za-

tamanja wumóženi, hdyž njesu mjasej poslušni, ale duchej, kotrehož su dóstali a to ducha dźělatstwa, kotryž čini dźěci Bože, a z Khrystusom herbow přichodnjeje krasnosće; za wozjewjenjom tuteje krasnosće zdychuje cyła stwórba, mjex tym zachodnosći podćisnjena, a tež či, kotřiž najprnje dary Ducha dóstachu, wočakuja ju z wěstej nadźiju, dokelž Duch jich posylnja a powuča, wo čo maju prosyc. Rozjasnja tež njeprirunajomnu lubosć, kotruž je Bóh swojim w Khrystusu wopokazał, wobkrućejo, zo jich ničo dźělic njemóže wot lubosće Božej, kotraž je w Khrystusu Jězus.

Zane wotsudjenje potajkim njeje nětko za tych, kotřiž su w Khrystusu Jězus, kotřiž po mjasu njekhodža.*

2. Přetož zakon ducha žiwjenja je mje w Khrystusu Jězus wuswobodźil wot zakonja hrěcha a smjerće.*

3. Přetož štož běše njemóžne zakonjej, dokelž běše słaby dla čěla, (dokonja) Bóh, hdyž swjeho Syna posła w podobnosći hrěšneho čěla, a hrěcha dla tež wotsudži hrěch w čěle,

4. Zo by wustajenje zakonja dopjelnjene bylo we nas, kotřiž po mjasu njekhodžimy, ale po duchu.*

5. Přetož, kotřiž su po mjasu, prócuja so wo to, štož je mjasowe; kotřiž pak su po duchu, mysla na to, štož je duchowe.

17. t. r. hrěšna nakhilnosć wabi mje mócnje k złemu. — 22. t. r. mój rozom ma spodobanje na zakonju, a tohodla chce po zakonju činić, ale we sebi mam, kaž nazhonjenje wući, zakon, t. r. přirodženu wosebitosć, zo sym k złemu nakhileny. — 24. Jak njezbožowny je tajki čłowjek, kotryž wobknježeny wot hrěšnjeje nakhilnosće, w jeho mjasu bydlacej, zle čini; wumóžić wot tejele nakhilnosće, kotraž k smjerći wjedže, móže čłowjeka jeno hnada, kotruž je nam Jězus Khrystus zasluził; přetož tale hnada rozswětli čłowjeski rozom a posylni wolu, zo móže wón wšitke wabjenja hrěšnjeje nakhilnosće předobyc.

VIII. 1. W sedmym stawje wući japoštoł, zo zakon čłowjeka wot hrěcha a wěčneje smjerće wumóžić njemóže, ale jeno hnada, kotruž je nam Khrystus dobył; kotřiž su tohodla přez hnadu z Khrystusom zjednoćeni a swojim mjasnym nakhilnosćam njeslužba, nimaju na sebi ničo, čohožda bychu zatamani być dyrbjeli; herbski hrěch je jim spuščeny a z Božej hnadu móža druhich hrěchow so zdalować a z Khrystusom zjednoćeni wostać. — 2. „Zakon ducha žiwjenja“ je móc Ducha swjateho abo swjatosćaca hnada Boža, kotraž je wot Khrystusa nam zasluzena a nas duchownje wožiwja, hrěch zniči a před wěčneje smjerću nas zakita. — 4. Zakonjej bě njemóžno, čłowjeka wot hrěcha a wěčného zatamanja wumóžić, dokelž njemóžeše hrěšnu nakhilnosć, w čłowjeskim mjasu so namakacu, předobyc; Bóh pak je to přez swjeho jednorodženoho Syna dokonjał, kotryž čłowjesku naturu přija, a tak zwonkownje jako čłowjek khodžeše, tola čłowjekam runja njebě, dokelž hrěch na sebi njeměješe. „Hrěch w čěle“, t. j. hrěšna nakhilnosć, kotraž čłowjeka tak mócnje k hrěšej wabi; tu samu je Syn Boží ze swojej smjerću wotsudził, t. r. předobyl, a tež hnadu zasluził, z kotrejž móža ju wšitcy předobyc, wopravdže pak ju dobudu wšitcy, kotřiž khodža t. r. žiwi su po Duchu, t. r. kotřiž keďbujna na pohnuwanja Božej hnady a nic na požadanja mjasu. Z tajkim žiwjenjom wosprawni so tež zakon, dokelž jeho prikazuje z pomocu hnady Božej so dokonjeju a z tym so dopokazuju, zo sebi zakon njemóžne nježada.

6. Prócowanje mjasu je mjenujey smjercé, prócowanje ducha pak žiwjenje a pokoj,*

7. Dokelž prócowanje mjasu je Bohu njepřečelne; přetož zakonjey Božemu njeje podčisnjene, dokelž to ani njemóže.*

8. Kotřiž pak su w mjasu, njemóža Bohu so spodobać.

9. Wy pak njejsće w mjasu, ale w duchu, jelizo hewak Duch Boží we was bydli. Jelizo pak něchtó Khrystusoweho Ducha nima, tón njeje jeho.

10. Je-li pak Khrystus we was, je drje čěło mortwe hrěcha dla; duch pak je žiwy wosprawnjenja dla.*

11. Jelizo pak Duch toho, kotryž je Jězusa wot mortwych zbudził, bydli we was: wožiwi, kotryž je Jězusa wot mortwych zbudził, tež waše smjertne čěla dla swojeho Ducha we was bydlaceho.*

12. Potajkim, bratřa, smy dolžnicy, nic mjasej, zo bychmy po mjasu žiwi byli.*

13. Přetož, budžeće-li po mjasu žiwi, wumrjeće; budžeće-li pak z duchom skutki mjasu mortwić, budžeće žiwi.*

14. Přetož kotřižkuli wot Ducha Božeho wjedzeni bywaju, či su džěci Bože.

15. Přetož njejsće dóstali ducha wotročstwa wospjet k bojosći, ale sće dó-

stali ducha džěcatstwa, w kotrymž wolamy: Abba, Wótce; 2. Tim. 1, 7; Gal. 4, 5.

16. Přetož Duch sam sobu swědči našemu duchej, zo smy džěci Bože.*

17. Jelizo pak (smy) džěci, (tak) tež herbja: herbja njenujey Boží, sobuherbja pak Khrystusowi, jelizo z nim sobu čerpimy, zo bychmy tež z nim překrasnjeni byli.*

18. Přetož mam za to, zo čerpjenja tutoho časa njesu přirunajomne z přichodnej krasnosću, kotraž ma so na nas zjewić;

19. Přetož žedjenje přirody wočakuje wokrasnjenje džěci Božich.

20. Přetož zachodnosći bu přiroda podčisnjena nic dobrowólnje, ale dla toho, kotryž ju podčisny, w nadžiji,

21. Zo budže tež přiroda wuswobodžena z wotročstwa skaženja do swobody krasnosće džěci Božich.*

22. Přetož wěmy, zo cyla přiroda zhromadnje zdychuje a w porodnych bolosćach je do nětku.

23. Nic pak jeno wona, ale tež my, kotřiž tola mamy přenje dary ducha, tež sami we sebi zdychujemy, džěcatstwo Bože wočakuje, wukupjenje našeho čěla.*

6. t. r. mjasne požadosće wjedu k hrěchej a tak k wěčne smjerći; štož pak čini, k čomuž jeho hnada Boža pohnuwa, dobudže sebi wěčne žiwjenje a tón měř a pokoj, kotryž w zjednočenju z Bohom wobstoi. — 7. Mjasna nakhilnosć žada runje to, štož je zakonjey Božemu napřečiwné, w nim zakazane, a tohodla je čłowjek, wot mjasneje nakhilnosće wobknježeny, Bohu a jeho zakonjey njepřečelny. — 10. Tež we wosprawnjenych je čěło mortwe t. r. k smjerći podčisnjene, dokelž to je sčěhwk herbskeho hrěcha; duch pak je žiwy přez hnadu wosprawnjenja, t. j. swjatosćacu hnadu. — 11. t. r. jelizo posluhaće na pohnuwanja Ducha Božeho, kotryž ze swajej hnadu we was bydli a skutkuje, wožiwi tež waše čěla, kaž je Jězusa Khrystusa wožiwił. — 12. t. r. po swojim wosprawnjenju nimamy mjasej služić, a jeho požadanjam poddaći być. — 13. t. r. štož je po swojich mjasnych požadanjach žiwy, wumrje wěčneje smjerće; štož pak mjasne nakhilenja poduša a mori, dobudže sebi wěčne žiwjenje. — 16. W starym zakonju bě čłowjek kaž služownik Boží, bojosć pohnu jeho, zo bře Bohu poslušny; w nowym zakonju pak je kaž džěć, lubosć je swjazzk, kotryž jeho z Bohom, njebjeskim Wótcom zjednoća. Ze swjatej krčěncu zložil so duch wotročstwa, kotryž jeno nuzowanu poslušnosć plódzi, Duch swjaty so wudžěl a přez njeho je čłowjek lubowane džěć Bože, kotřež z dowěru k swojemu Wótcej so wobroća. — 17. Džěci maju prawo na herbstwo; jenički woprawdžity Syn Boží je Jězus Khrystus, krčěni pak su jako džěci Bože přijeci a z tym dóstanu tež prawo na herbstwo Bože, a su sobuherbja Khrystusowi, a dóstanu njebjesku krasnosć, jelizo tuďy jako wěrní Khrystusowi wučownicy tež z nim čerpja. — 21. Tež cyla stwórba bu přenjejo hrěcha dla wot Boha zachodnosći podčisnjena, t. r. ma zańć; ale wumóženje rozšěri so tež na přrodu, wona změje džěl na překrasnjenju džěci Božich, kotřež so dospołnje dokonja při powšitkowym wot-mortwych-wstaću; potom njebudže zwonkowna stwórba dale skaženju podčisnjena, a za tymle wumóženjom wona takrjec horco žada. — 23. Jakož stwórba,

24. Přetož po nadžiji buchmy wumóžení. Nadžija pak, kotraž je wiđzomna, njeje nadžija; dokelž štož něchtó wiđi, kak toho so hišće nadžije?

25. Jelizo pak toho so nadžijemy, štož nje-wiđimy, wočakujemy to ze sčerpnošću.*

26. Tohorunja pak podpěra sobu tež Duch našu słabosć; přetož wo čož mamy, jakož so słuša, prosyc, njewěmy; ale Duch sam prosy za nas z njewuprajnymi zdychowanjemi.*

27. Tón pak, kotryž wutroby přepytuje, wě, što Duch žada, zo mjenujcy Bohu spodobnje prosy za swjatyach.*

28. Wěmy pak, zo Boha lubowacym wšitko sobuskutkuje k dobremu, tym, kotřiž su po (jeho) radže powołani jako swjeći.*

29. Přetož, kotrychž předpózna, tych tež předpostaji, zo buchu runja sčinjeni wobrazej jeho Syna, (tak) zo by wón byl přenjordženy mjez mnohimi bratrami.*

30. Kotrychž pak předpostaji, tych tež powola; a kotrychž powola, tych tež wosprawni; kotrychž pak wosprawni, tych tež wokrasni.*

31. Što potajkim rjeknjemy k tomu? Je-li Bóh za nas, što je přeciwo nam?*

32. Kotryž ani swjeho samsneho Syna njepřelutowa, ale za nas wšitkich jeho poda, kak njeby tež z nim wšitko nam dal?

33. Što budže skorzić přeciwo wuzwolenym Božim? Bóh, kotryž wosprawnja.*

34. Što je, kiž by wotsudžil? Khrystus Jězus, kotryž wumrě, haj kotryž tež wot mrtwych wstany, kotryž je na prawicy Božej, kotryž tež prosy za nas?*

35. Što tohodla nas wotdžěli wot lubosće Khrystusoweje? Horjo? abo česnosć? abo hlód? abo nahota? abo strach? abo přescěhanje? abo mječ?*

36. Jako je napisane: „Tebje dla bywamy w strachu smjerce cyly džen; dženženi smy jako wowcy k řezu.“* Ps. 43, 21.

tak žadamy tež my, kotřiž smy Ducha swjateho dóstali, po duši drje wumóženi, zo by so tež na naše čěło plód wumóženja rozšěril, a smjerc swoju móc zhubila. — 25. Wumóženje njeje hišće dospołnje so rozšěriło, ale my to hišće wočakujemy; doťal smy jeno po duši wumóženi, hrěch so nam spušća, hnada Boža so nam wudžěla a po smjerci móže naša duša k wěčnej zbóžnosći přiac, ale wumóženje ma wšitke scěhwiki přenjejo hrěcha zběhnyć, tež te, kotřež na čělo a zwonkowu stwórbu přindžechu; tohodla praji Pawol „w nadžiji“ smy wumóženi, přetož woprawdžite wumóženje njeje hišće dokonjane a njewiđi so, ale wočakuje so sčerpnje. — 26. Naša nadžija njeje próždna; Duch swjaty podpěra našu słabosć, zo wutrajnje wo kubla prosymy, kotrychž so nadžijemy, podpěra našu njewědomosć, zo wo prawe a nam spomóžne wěcy prosymy, a pohnuwa k prawej nutrnej modlitwje. — 27. Byrnje modlitwa ze słowami so njewuprajla, znaje ju tola wšohowědomny Bóh, a wuslyši ju, dokelž Duch swjaty, kotryž we wosprawnjenej duši bydlí a ju k prawej modlitwje pohnuwa, dokonja, zo wona prosy jeno wo Bohu spodobne kubla. Swjeći, t. r. wosprawnjeni. — 28. Wšitko, tež přeciwnosće su tym, kotřiž wěrnje Boha lubuja, k spomóženju; dobroty, dokelž wjedu k lubosći a k džakej; čerpjenja, dokelž čłowjeka čisća wot wopačneje lubosće k swětej a nutnišo jeho z Bohom jednoća. Bóh, kotryž je jich po swojim postajenju, t. r. po swojej njewuslědžomnej radže ke křesćanstwu a tak swjatosći powolał, wodži jich tak, zo woni dobre a zle k swojemu spomóženju naložuju. — 29. W tychle słowach je přičina powołanja wuprajena; kotrychž Bóh přjedy pózna, zo budža ze swojej hnady piluje sobuskutkowac, tych wón powola; Bóh, wšohowědomny, znaje wšitko, tež přichodne je před nim, kaž přitomne, tež zdžerženje kóždeho čłowjeka znaje wot wěčnosće. Tych, kotřiž z jeho hnady sobuskutkują, postaji wón, zo bychy byli podobni jeho jednorodženemu Synej, t. r. zo bychy byli z hnady džěci Bože; zo bychy wobraz Bohačłowjeka byli we sčerpny m znenjenju čerpjenjow a we překrasnjenju, dokelž ze swojim čerpenjom a krasnym horjewstaćom bu Syn Boží „přenjordženy mjez mnohimi bratrami“. — 30. Kotrychž je wón wot wěčnosće spóznał, tych wón w času powola wosebje z předowanjom křesćanskeje wučby, z wudžělenjom swjateje hnady k sprawnosći, a jelizo wobraz Bohačłowjeka wobkhowaju, jich tež we wěčnej zbóžnosći překrasni. — 31. Hdyž je smilny Bóh telko za nas činil, njetřebamy so nikoho bojeć. — 32. Hdyž Bóh swojich wuzwolenych wosprawnja, što by móhl jich potom wobskoržeć? — 33. Hdyž Khrystus za nas wumrě, wot mrtwych wstany, a nětko je naš srjedzićeř, što by móhl nas wotsudzić? — 34. Dokelž je nam Khrystus tak wulku lubosć wopokazał, njemóže ani žane horjo a žana nuza nas wot jeho lubosće džělic. — 35. Swojeje wěry dla w stajnym smjertnym straše, kaž wowcy k řezu wuzwolene.

37. Ale we všim tom dobywamy přez toho, kotryž je nas lubował.

38. Přetož sym wěsty, zo ani smjerć, ani žiwjenje, ani jandželjo, ani knjejstwa, ani mocy, ani přitonine, ani přichodne, ani (swětna) móc,

39. Ani wysokosć, ani hlubokosć, ani druhe stworjenje, njezamóže nas wotdźělić wot lubosće Božej, kotraž je w Khrystusu Jězusu, našim Kujezu.*

STAW IX.

Pawoł praji, zo při zahubjenju Židow, kotrěž wón jara wobžaruje, tola slubjenja, Abrahamowym potomnikam date, njewostanu za Israelitow prózdne; přetož wone so njepočahuja na wšěch krejnych potomnikow Abrahamowych, ale jeno na tych, kotřiž buchu ze Židow a pohanow z hnadowneho wuzwolenja Božeho přez wěru synowje Abrahamowi. Bóh pak smili so, na kotrymž chce, a zatwierdzi, kohož chce. Tola Židža, dokelž njepytachu sprawnosć we wěrje do Khrystusa, ale we zakonškich skutkach, su swojej njesprawnosći přewostajeni, mjez tym zo pohani přez wěru do Khrystusa wosprawnjenu bywaju.

Prawdu praju w Khrystusu, njelžu, hdyž swědčenje mi dawa moje swědomjo w Duchu swjatym,*

2. Zo mam wulku zrudobu, a njepřestawacu bolosć w swojej wutrobje.

3. Přetož ja sam bych chcył zastorčeny być, přeč wot Khrystusa, za swojich bratrow, kotřiž su moji přecěljo po mjasu.

Jap. sk. 9, 2; 1. Kor. 15, 9.

4. Kotřiž dźe su Israelitowje, kotrychž je dźěcatstwo a krasnosć, a zwjazk, a zakonjadaće, a Boža služba a slubjenja;

5. Kotrychž su wótecy a z kotrychž je Khrystus po mjasu, kotryž je Bóh nad wšitkimi, khwaleny do wěčnosće. Amen.*

6. Nic, jako by přepadnyło słowo Bože.* Přetož nic wšitcy, kotřiž su z Israela, su (prawi) Israelitowje,

7. Ani kotřiž su Abrahamowe symjo, njejsu wšitcy synowje; ale „we Isaaku budže tebi potomnistwo mjenowane“.*

1. Mójz. 21, 12.

8. To je, nic kotřiž su dźěci mjasa, su dźěci Bože, ale dźěci slubjenja liča so jako potomnistwo.

9. Přetož słowo slubjenja je to: „W tom času přińdu, a Sara změje syna.“

1. Mójz. 18, 10.

10. Ale nic jeno wona, ale tež Rebekka, kotraž podja z jenoho, z Isaaka, našeho wótea.

1. Mójz. 25, 24.

39. Ničo, ani bojosc před smjerću ani nadžija na žiwjenje, ani jandžele ani djaboły, ani přitonine ani přichodne horja, ani česć ani hańba, njemóže nam rubić lubosć k Bohu, kotruž je nam Jězus Khrystus ze swojej hnadu do wutroby zaščepił, khiba zo sami chcemy. Hrěch, přez kotryž so wot Božej lubosće dźělmy, je naš samsny skutk.

IX. 1. Po rozestajenju wěrnosće 8, 28—39, zo či, kotrychž je Bóh k swjatosci žiwjenja a k zbóžnosći powolał, tež wšitke zadžewki předobudu a w lubosći k Bohu so wobtwjerdža, wobroći so Pawoł ze zrudobu k Židam r. 1—5, kotřiž buchu přede wšimi čłowjekami powołani, a tola, dokelž do Jězusa njewěrja, z wjetšeho dźěla začisnjeni, a dopokazuje, zo pak slubjenja Bože přez to móc a wěrnosć njezhubja, dokelž njepłačachu wšitkim, kotřiž běchu po mjasu Abrahamowi potomnicy, ale jeno tym, kotřiž buchu runja Isaakej a Jakubej wot Boha wuzwoleni r. 6—13. Skónčnje r. 14—29 dopokazuje, zo Bóh při tom njespravny njeje, dokelž ma prawo, swoju hnadu podawać, komuž chce. So powołajo na Khrystusa, swoje swědomjo a Ducha swjateho chce s. Pawoł z wosebitej wažnosću horcu lubosć k swojemu ludej a swoju čezku zrudobu nad jeho začisnjenjom wozjewić. — 3. S. Pawoł žada, hdy by móžno było, zo by na wěčne wot Khrystusa dźěleny był, hdy by přez to swojich bratrow, Židow, před zahubjenjom zakitał. — 5. W dwěmaj rjadkomaj mjenuje s. Pawoł wosebite hnady, z kotrymiž bě Bóh israelski lud wuznamjenił. — 6. Hdyž Židža, byrnje tak spodziwuje wot Boha wjedženi, tak hnadownje wuznamnjenjen, tola do Boha čłowjeka Khrystusa njewěrja, a tohodla k wěčnej zbóžnosći njepřińdu, njeje na tym wina, zo snadž su slubjenja Bože njewěste abo prózdne byle; ně, wone bychy date Abrahamowemu potomnistwu, tola nic potomnikam po mjasu, ale po Božim wuzwolenju, t. r. jako jeno Isaakowi a Jakubowi potomnicy za prawych potomnikow Abrahamowych plačachu, dokelž běštaj Isaak a Jakub, tež Israel rěkany, wot Boha wuzwolenaj, a nic druhi syn Abrahamowy, Ismael, a nic přenjoyrodženy syn Isaakowy, Esau, tak plaća slubjenja nic wšěm krejnym potomnikam Abrahamowym, ale tym, kotrychž Bóh wuzwoli. — 7. A nic we Ismaelu, synu, kotrehož měješe Abraham z Hagaru.

11. Přetož přjedy dyžli so narodžištaž, abo něšto dobreho abo zleho sčiništaž, (zo by postajenje Bože jako po wuzwolenju wostawało),

12. Nic ze skutkow, ale z powołaceho bu jej prajene:

13. „Starši budže mlódšemu služić“, kaž je pisane: „Jakuba sym lubował, Esaua pak hidžil.“* 1. Móžz. 25, 23; Mal. 1, 2.

14. Što potajkim rjeknjemy? Je snadź njesprawnosć pola Boha? Nihdy.

15. Přetož Móžzesej praji: „Pohnadžu, kotrehož pohnadzić cheu, a smilnosć wopokažu, na kotrymž so smilić cheu.“* 2. Móžz. 33, 19.

16. Potajkim njeleži na tom, kotryž chce, ani na tom, kotryž běži, ale na Bohu, kotryž so smiluje.*

17. Přetož Pismo praji Faraonej: „Runje k tomu će zbudžich, zo bych na tebi pokazal swoju móc, a zo by so wzjewjalo moje mjeno po wšej zemi.“* 2. Móžz. 9, 16.

18. Tuž tak smiluje so, na kimž chce, a zatwierdži, kohož chce.

19. A tak prajiš mi: Čohodla hišće porokuje? přetož što spjěcuje so jeho woli?*

20. O čłowječe, što sy ty, zo Bohu napřećiwješ? Praji snadź wutwor tomu, kiž je jón tworil: Čohodla sy mje takle sčinił? Mudr. 15, 7; Is. 45, 9; Jer. 18, 6.

21. Abo nima snadź hornčef móc nad hlinu, zo by z teje sameje hruzly wudžělał jene sudowjo k česći, druge k nječesći?*

22. Kak pak, je-li Bóh, kiž chce pokazac hněw a zjewić swoju móc, z wulkej sčěrpnosću znjesl sudowja hněwa, kotrež su přihotowane k zahubjenju,*

23. Zo by pokazal bohatstwo swojeje krasnosće nad sudowjeni smilnosće, kotrež je přihowaľ ke krasnosći; —

24. Jako tajke powoľa tež nas, nic jeno ze Židow, ale tež z pohanow,*

18. Kaž bu Isaaak před Ismaelom wuzwoleny, jako syn sluhjenja, tak tež Jakub abo Isra'el před přenjorodenym Esauom; přetož to bě Boža wola. Te přikłady ze stareho zakonja naspomina Pawoł, zo by dopokazaľ, zo Bože sluhjenja njeplaća wšém Israelitam, ale jeno tym, kotřiž su wot Boha wuzwoleni. — 15. Bóh njeje nikomu doľžny, zo by snadź něchtó prawo měľ na jeho smilnosć. ale wón wopokazuje swoju smilnosć po swojej njeskónčnej mudrosći a mocy cyle po swojej woli. Sam Móžzes, kotryž wšo dokonja, štož sebi Bóh žadaše, dósta hnadu Božu, dokelž Bóh cheyše. nic dokelž sebi ju Móžzes zasľuži. — 16. Čłowjeske prócowanje samo, hjez pomocy a hnady Božeje njewjedze k zbóžnosći, ničtó njesmě tak na selje samoho twarić. Napinanje mocow a prócowanje za dobrym budže Bohu so spodobac, ale samo njedobudže nam zbóžnosć, kotruž dóstanjemy jeno z hnady Božeje. — 17. Faraó dósta tež wulke dopokazma Božeje hnady w dziwach, kotrež Bóh přez Móžzesa před nim skutkowaše, ale wšitke dziwy zatwierdžichu jeho hišće bóle a wón wopěraše so Božej mocy, kotraž jeho skónčnje tak spodžiwnje zahubi, zo wumóžene israelske dźěci a wšón swět mjeno Bože khwaleše. Móžzesa Bóh pohnadži, dokelž cheyše; Faraona zatwierdži, dokelž bě to jeho mudra, swjata wola. — 19. Z tymile słowami čini s. Pawoł napřekowanje, kotrež bě snadź časěšo wot zasakľych Židow sľyšaľ: Hdyž čłowjek hjez Božeje wole so njezatwierdži, jako Faraó, čohodla skorbí tak na Židow, zo Božej woli so napřećiwjeju? Wotmoľwenje sľěduje w r. 22 a 23. — 21. Z rjadkomaj 21. a 22. wotpokazuje s. Pawoł prawo k činjenemu napřekowanju. Stworjenje, kotrež cyle wot stworićela wotwisuje, njesmě sebi wot njeho zamoľwienie žadać, čohodla to tak a nie hinak čini; jakož skutk skutkowarje, sudowjo hornčerjeje porokować njemóže a njesmě, čohodla je to same runje tajke sčiniť, abo k česći abo k nječesći postajiť, tak nima čłowjek prawa, z Bohom prawować, zo jeho tak wjedže a nie hinak. S. Pawoł woběhuje pak tu wosebje Božu wšo hómóc, z kotrež móže wón, ani zo ma čłowjek prawo porokowanja, jenoho pohnadzić, a drugeho začisnyć; tola Bóh tak nječini, jeho wšohómóc je wobnjezena wot sprawnosće, mudrosće, lubosće; a kóždemu poskica wón swoju hnadu, a jeno toho, kiž ju začisnje, wón zatwierdži, jako Faraona. — 22. Sudowja hněwa, přihowane zahubje, su čí, kotřiž Božej hnadze so spjěcuja, kotřiž na jeje pohnuwanja njekedžbuj a je cyle wotpokazuja, a k zľemu přikhiľeni wostanu; woni su sami wina, zo budža wěćnje zhubjeni; tola jich Bóh ze sčěrpnosću znjesje, wšelake dobroty jim wopokazuje, na jich nakazanje čaka. Z tym je tež wotmoľwjenje napřekowanju w r. 19 činjenemu. Bóh njeje potajkim njesprawny, hdyž tych zatwierdži, kotřiž jeho hnady wotpokazaja, tych pak, kotřiž je wužiwaju, k wěćnje zbóžnosći wjedze. — 24. t. r. jako sudowja smilnosće, přihowane za krasnosć: tak mjenuje Pawoł křesćanow; zo su woni powoľani „nie jeno ze Židow, ale tež

25. Jakož pola Oseasa praji: „Budu mjenować mój lud, kotryž njebě mój lud, a lubowanu, kotraž njebě lubowana, a miłosć namakacu, kotraž njebě miłosć namakala.*

Oseas 2, 41; 1. Pětr. 2, 10.

26. A stanje so, na měsće, hdžež bu jim prajene: Wy njejsće mój lud, tam budža mjenowani synowje žiweho Boha.“*

Oseas 1, 10.

27. Isaias pak woła nad Israelom: „By-li ličba džěci Israela była jako pěsk morja, budža (jeno) zbytki wumóžene.

28. Přetož wusud dokonja a pospěši (jón) w sprawnosći, dokelž spěšny wusud wuwjedže Knjez na zemi.“*

Is. 10, 22.

29. A jakož je Isaias wěšćil: „Njeby-li Knjez wójskow nam synjenja zawostajil, jako Sodoma bychmy sčinjeni byli a Gomorrje bychmy byli podobni.“*

Is. 1, 9.

30. Što tohodla rjeknjemy? Zo pohani, kotřiž so njeprócowachu za sprawnosću,* sprawnosć dóstachu, a to sprawnosć, kotraž je z wěry.

31. Israel pak prócujo so za zakonjom sprawnosće, njedocpě k zakonjej sprawnosće.*

32. Čohodla? Dokelž (so to sta) nic z wěry, ale jako ze skutkow; přetož storčichu so wo kamjeń postorka,*

33. Jako je pisane: „Hlej, kladu w Sionje kamjeń postorka a skalu pohórška; a kotryžkuli wěri do njeho, njebudže wohańbjeny.“*

Is. 8, 14; 28, 16; 1. Pětr. 2, 7.

STAW X.

Japoštoł prosy za Židow, kotřiž su drje zahorjeni za Boha a za zakon, ale nie z prawym spóznaćom; přetož Khrystusa, zaměr zakonja njeznajcy, pytachu sprawnosć ze zakónskich skutkow. Wo wšelakosći sprawnosće, kotraž ze zakónskich skutkow wukhadža a wo tamnej, kotraž z wěry wukhadža, kotruž mataj Žid a pohan přezjenc. Wšudže pak po cyłej zemi bu wozjewjana Khrystusowa wěra, kotruž pohani přijachu, hdyž ju Židža začisnychu.

Bratra, přeće mojeje wutroby a modlitwa k Bohu stawa so za nich k spomóženju.*

z pohanow“ dopokazuje, zo hnada Boža, kaž s. Pismo swědči r. 25—29, wšitkim čłowjekam so poskićuje, nie jeno Židam, zo sebi ju nihtó zasłužić njemóže, zo pak ma ju kóždy přijec, hdyž a kaž so jemu poskića, a z njej sobuskutkowac. — 25. Štož profeta Oseas wo džesaćich splahach israelskich praji, kotrež běchu k přibóžstwu připadnyłe a z tym prawo ludu Božeho zhubiłe, mjez tym zo někotři z nich, přez Božu miłosć zas k wěrnemu Bohu so přiwobroćiwši, prawa ludu Božeho zas dóstachu, — to naložuje s. Pawoł na pohanow, kotřiž w přirunanju ze Židami njeběchu lud Boží, dokelž přiboham služachu, kotřiž pak nětko jim poskićenu hnadu přijachu, křesćanstwu so přiwobroćihu a nětko jeho lud buch, pola njeho smilnosć a lubosć namakawši. — 26. Tež tute słowa plaća najprjedy džesaćim splaham, kotrež budža na tom samym měsće, t. r. w Palestinje, hdžež běchu Boha wopuščiwši přez to khostani, zo buch do cuzeho kraja a mjez pohanow wotwjedženi, po swojim nakazanju a wróćenju do domizny, z nowa lud Boží mjenowani; s. Pawoł pak naložuje tele słowa na pohanow, kotřiž budža na tom samym měsće, t. r. wšudžom po cyłej zemi, hdžež přebywaju, lud Boží rěkać a pokazuje tak z tym na rozšěrjenje křesćanstwa mjez pohanami. — 28. Zasakłosće dla, kotruž Židža pokazuja, budže wjetši džěl začisnjeni a jeno mała črjódkka zbóžna; a bórzy a spěšnje wozjewi Bóh swoju sprawnosć nad israelskim ludom. — 29. „Symjo“, to su swjeći japoštołowje a přeni wučownicy Jězusowi ze Židowstwa; či su, kotřiž při wulkich zapusćenjach, kotrež na židowski kraj a lud přindžechu, jako symjo, z kotrehož měješe nowy lud za Boha zrosć, tak zo cyły lud njezahiny, kaž měsće Sodoma a Gomorrha. — 30. t. r. njeprócowachu so za sprawnosću, kotraž ze zakonja přindže, dokelž zakonja njemějachu. — 31. Pawoł dopokazawši, zo nihtó na hnadu wumóženja prawa nima, zo sebi ju nihtó zasłužić njemóže, ale zo Bóh po swojej njewuslědžomnej mudrej radže hnadu dawa, a swój lud hromadzi ze Židow a pohanow. — 32. Wulki džěl Židow njeprindže k sprawnosći, dokelž do Jězusa njewěrješe, na jeho nizkosći so pohóršowaše, a wosprawňjenje ze zakónskich skutkow wočakowaše, a nie z wěry do Jězusa. — 33. Khrystus je zakladny a rózkný kamjeń nowozakónskeje cyrkwe; štož do njeho wěri, njebudže wohańbjeny, ale zbóžny; štož pak so na nim a na jeho wučbje pohóršuje, budže wohańbjeny a zastorčeny.

X. 1. S. Japoštoł rozestaja nětko, zo su Židža na swojim začisnjenju sami wina, dokelž běchu tak hordeje wutroby, zo Khrystusa, kotryž w ponižnosći a čłowječej slabosći so wozjewi, zacpěchu, jeho słowam njewěrjachu, ale jeno na swój splah jako Abrahamowi potomnicy a swoje zakónske skutki so spuščachu. Prjedy pak, hač s. Pawoł z tymle rozestajenjom počina, wozjewi jim swoju lubosć z tym, zo praji, kak we swojej wutrobie za jich wěčnym zhožom žada a kak Boha nutrne wo nje prosy.

2. Přetož swědčenje jim dawam, zo maju horliwosć za Boha, ale nic z dopóznacóm.

3. Přetož njeznajcy sprawnosć Božu a pytajcy swoju wustajić, njepodcisnychu so sprawnosći Božej.

4. Přetož zaměr zakonja je Khrystus, k wosprawnjenju za kóždého, kotryž wěri.*

5. Přetož Mójzes piše, zo čłowjek, kotryž čini sprawnosć, kotraž je ze zakonja, žiwy budže w njej.* 3. Mójz. 18, 5; Ez. 20, 11.

6. Sprawnosć pak, kotraž je z wěry, praji takle: „Njepraj w swojej wutrobje: Štó postupi do njebies?“ to je, zo by Khrystusa dele přiwjedił.* 5. Mójz. 30, 12.

7. „Abo štó zestupi do hlubiny“, to je, zo by Khrystusa z mrtwych horje wuwjedił;

8. Ale što praji Pismo? „Blizko je słowo w twojim rće a w twojej wutrobje“; to je, słowo wěry, kotrež předuujemy:

5. Mójz. 30, 14.

9. Wuznawaš-li ze swojim rtom Jězusa jako Knjeza a wěriš-li w swojej

wutrobje, zo je jeho Bóh zbudził z mrtwych, budžeš zbóžny.

10. Přetož z wutrobu wěri so k wosprawnjenju, ze rtom pak stawa so wuznaće k zbóžnosći.*

11. Přetož Pismo praji: „Kotryžkuli do njeho wěri, njebudže wohańbjeny.“

Is. 28, 16.

12. Přetož njeje rozdźěl mjez Židom a pohanom, dokelž je tón samy Knjez wšěch, bohaty za wšěch, kotřiž k njemu so wołaju.*

13. „Přetož kotryžkuli so woła k mjenu Knjeza, budže zbóžny.“

Joel 2, 32; Jap. sk. 2, 21.

14. Ale kak budža so wołać k tomu, do kotrehož njejsu wěрили? Abo kak budža wěric do toho, wo kotrymž njejsu slyšeli? Kak pak budža slyšeć bjez předarja?

15. Kak pak budža předować, njejsu-li posłani byli? Jakož je pisane: „Kak lubozne su nohi tych, kotřiž pokoj připowěduja, připowěduja dobre!“*

Is. 52, 7; Nah. 1, 15.

4. Židža běchu w tamnym času za Boha zahorjeni, ale njeprawje, dokelž sprawnosć, kotruž Bóh čłowjekam přez wěru do Khrystusa podawa, poznać njechachu, ale sami z dokonjenjom zakónskich skutkow so wosprawnić žadachu a tak postajenju Božemu, po kotrymž móžachu so jeno přez wěru do Khrystusa wosprawnić, so napřečiwać. Zakón měješe na Khrystusa přihotować, a hdyž Khrystus sam přiidze, zhubi zakón přjedawšu plaćiwosć z džěla cyle, kaž postajenja wo woporach a wobradach, z džěla měješe so dospołnišo dopjelnejć, nic jeno zwonkownje, ale z wutrobu, nic jeno z nuzowanjom, ale z lubosće, kaž postajenja džesać Božich kazni. Štóž zakón podać njemóžeše, wosprawnjenje, to podawa Khrystus kóždemu, kotryž do njeho wěri. — 5—9. Swjaty Pawoł dla wuprajenja, zo sprawnosć abo wosprawnenje jeno z wěry do Jězusa pokhadža, pokaznje na Stary Zakon; Mójzes rozeznawa mjez sprawnosću, kotraž ze zakonja, a sprawnosću, kotrai z wěry pokhadža. Štóž wšitke zakónske postajenja dokonja, njetreba smjerće so bojeć. z kotrež zakón přestupnikam hrozy, ale budže žiwy zbožownje a dołho, haj wěcnje žiwy, kaž to zakón slubi wšitkim, kotřiž jón dopjelnejju. Ale dokelž je zakónskich postajenjow tak wjele, dokelž je přecečko, stajnje wšitke dokonjeć, wosehje tež, dokelž hnada Boža so njedóstawaše, njemóže nichto na tomle puću, z dokonjenjom zakónskich skutkow, k sprawnosći dospěć. Sprawnosć pak, kotraž je z wěry, njedobywa so tak ćežko. Nichto njesmě prajić, zo ma do njebies stupić, zo by so Khrystus wočłowječił a do hlubiny, zo by jeho wot mrtwych zbudził; wumóžeński skutk je dokonjany a poskića so wšitkim, kotřiž do Khrystusa wěrja, cyle blizko, je tak rjec kaž słowo Bože w našim rće a w našej wutrobje. Trebamy jeno do Jězusa a jeho wučby z wutrobu wěric a ze rtom wuznawać, wosehje wěric, zo je Jězus Khrystus wěrný syn Boží, so wočłowječił, za nas wumřel a z wot-mrtwych-wstaćom swoje bójstwo najjasnišo dopokazał. — 10. Štóž kruće, bjeze wšeho dwělowanja do Khrystusa wěri, wosprawni so; tajka kruta wěra njewostanje we wutrobje, ale pokaz so zwonkownje, w njebojaznym wuznawanju wěrnosći wěry, w swěrnym dokonjenju wšěch winowatosći, kotrež wěra žada, a tak wjedže jeho k wěcněj zbóžnosći. — 12. Khrystus je wšitkich čłowjekow wumóžił, Židow a pohanow, a wudžěla nadobnje swoje hnady kóždemu, kotryž z dowěru k njemu so woła, t. r. do njeho wěri. — 14. 15. S. japoštoł dopokazuje dale, zo su Židža sami swoje začisnjenje zawinowali, dokelž njejsu ewangeliju wěрили. Štóž z dowěru k Jězusej so woła, budže zbóžny; k Jězusej wołać pak móže so jeno, kotryž do njeho wěri; do njeho wěric pak móže jeno, kiž je wo nim slyšał; wo nim slyšeć móže jeno tón, kotremuž je wozjewjeny; jeho wozjewjeć

16. Ale nic wšitecy buchu poslušni ewangeliu. Přetož Isaias praji: „Knježe, što wěri našemu powěstwu?“*

Is. 53, 1; Jan. 12, 38.

17. Wěra potajkim je ze slyšenja, slyšenje pak přez słowo Khrystusowe.

18. Ale praju: Njesu snadź slyšeli? A wězo: „Po wšej zemi wuńdže jich hlós a do kónčinow zemje jich słowa.“ Ps. 18, 5.

19. Ale praju: Njeje snadź Israel zrozumil? Mójzes najprěni praji: „Ja was přiwjedu k žarliwosći přećiwo ludej, kiž njeje lud; přećiwo njerozomnemu ludej was k hněwej nawabju.“ 5. Mójz. 32, 21.

20. Isaias pak khroble praji: „Namakany buch wot tych, kotřiž mje nje-pytachu; zjawny buch tym, kotřiž za mnu so njeprašachu.“ Is. 65, 1.

21. K Israelej pak praji: „Cyly dzeń wupřestrěwach swojej rucy k njewěríwemu a spjecíwemu ludej.“* Is. 65, 2.

STAW XI.

Bóh je sebi někotrych ze židowskeho ludu po swojim dobroćiwym wuzwolenju skhował, zo by

jich přez wěru do Khrystusa wozbožil, druhich pak njewěry dla po wěšćenjach profetow w sleposći jich wostajiwši a na jich město pohanow po swojim dobroćiwym spodobanju přiwzawši. Japoštoł jich napomina, zo bychu před Židami so njekhwali, a zo Židza, na čas wopušćeni, něhdy tola Khrystusej so přiwbroća; tež džiwa so nad mudrosću Božej.

Praju nětko: Je snadź Bóh zastorčil swój lud? Nihdy. Přetož tež ja sym Israelita ze symjenja Abrahamoweho, ze splaha Benjaminoweho.*

2. Bóh njeje zastorčil swój lud, kotryž je přjedy wuzwolil. Abo njewěsće wo Eliasu,* što Pismo praji? kak Bohu skorži přećiwo Israelej?

3. „Knježe, twojich profetow morichu, twoje woltarje spowalichu, a ja buch sam wostajeny, a pytaju mje morić.“

3. Kral. 19, 10.

4. Ale što praji jemu Bože wotmołwenje? „Zwostajich sebi sedm tysac muži, kotřiž njesu zhibowali kolena před Baalom.“

3. Kral. 19, 18.

5. Tak bu tohodla tež w tutom času zbytk wumóženy po wuzwolenju hnady.

abo přédować pak móže jeno tón, kotryž je k tomu posłany, a posłani su japoštołowje, wozjewjerjo wjesoleho powěstwa; tutomu ewangeliju, kotrež so tež je Židam přédowało, njewěrjachu wšitecy, a tohodla tež njemóža k zbóžnosći dóńc. — 16. Tule židowsku njeposlušnosć je profeta Isaias tež wěšćil. — 17—21. Tale njeposlušnosć by móhla so zamołwjeć z tym, zo snadź Židza ewangelium njeslyšachu abo njezrozumichu. Tola wobě zamołwjenjskej winje začisnje s. Pawoł. Přenju ze słowami psalma 18, z kotrymž so spomina, kak Bóh wšudžom w přirodže so wozjewja; to pak Pawoł na ewangelium naložuje, kotrež měješe wšudžom hač do kónčinow swěta so wozjewjeć a hižo tehdy mjez wšěmi znatými ludami so wozjewješe. Potajkim dyrhjachu je tež Židza slyšeć. Druhu winu wotpokaza Pawoł najprjedy z Mójzesowymi słowami. Židza mjenowachu so wosebje „lud“, druge narody njemějachu woni za lud. Jako běchu Židza nětko Boha hněwali, so přibohej modliwši, kiž njeje Bóh, tak hrožeše jim tež, zo jich zawisć a hněw zbudži přez narody, kotrež njesu lud, mjenujey lud Boží. Tuto hroženje Bože dopjelni so wosebje z tym, zo druge narody ewangelium přijachu, je zrozumichu a tak k zbóžnosći přindžechu; ale čím skerje mějachu je Židza přijec a móžachu je zrozumic, hdyž běchu tola jako lud Boží k njemu přihotowani. Potom powola so Pawoł tež na Isaiasowe słowa, z kotrymž wěšćil, zo budže Khrystus wot pohanow, kotřiž wo nim njewědžachu, a tohodla jeho njepytachu, namakany, t. r. jako zbóžnik namakany, wot Židow pak, za kotrymž njepřestawajo swojej rucy wupřestrěwaše, zastorčeny. Z njewědomosću njemóža so zamołwjeć, ale wina, zo wulki džěl Židow k zbóžnosći njepřindže, je ta, zo nochcedža na Jězusowu wozbožacu wučbu posluhać.

XI. 1. S. japoštoł, kotryž je dotal swojim krajanam porokował, zo su sami wuzamknjenje z Messiasoweho kralestwa zawinili, dokelž nochychu ewangelium slyšeć a přijec, kotrež jim z přédowanjom so podawaše, počina nětko jich pokojec z rozestajenjom, zo cyły lud zastorčeny njebu, ale zo je Bóh po hnadownym wuzwolenju džěl toho sameho k spomóženju powolał. Wulki džěl drje so zaslepi, ale to bu k spomóženju za pohanow; tež njewostanje Israel w swojej zaslepenosći, ale po wobroćenju pohanow zastupi tež Israel do Khrystusoweje cyrkwe. — 2. t. r. we stawje s. Pisma, kotryž wo Eliasu powěda; jako w tamnym času powšitkowneho bohazabyća tola lud Bohu swěrný wosta, tak njezacisnje tež nětko Bóh cyły lud, ale džěl, kaž hnada Boža jón wuzwoli, přiwbroći so křesćanstwu a tak dóndže k zbóžnosći.

8. Dopokazuje pak Bóh swoju lubosć k nam, dokelž, hdyž běchmy hišće hrěšnicy, w (postajenym) času,

9. Wumře Khrystus za nas; čím wjacy potajkim budžemy, hdyž smy wosprawneni w jeho krvi, wot hněwa wumóženi přez njeho.

10. Přetož jelizo, hdyž běchmy njeprěcelowje, wujednani buchmy z Bohom přez smjerc jeho Syna, budžemy jako wujednani wjele wjacy wumóženi w jeho žiwjenju.*

11. A nic jeno to, ale khwalimy so tež w Bohu přez našeho Knjeza Jězusa Khrystusa, přez kotrehož nětko wujednanje dóstachmy.*

12. Tohodla, jako přez jenoho čłowjeka hrěch do tohole swěta přińdže a přez hrěch smjerc; a tak na wšitkich čłowjekow smjerc přeńdže, dokelž wšitcy w nim zhrěšichu,* ---

13. Přetož hač do zakonja běše hrěch na swěće; hrěch pak so njeprilicheše, hdyž zakon njeběše;

14. Tola knježila je smjerc wot Hadama hač do Mójesa tež nad tymi, kotřiž njezhrěšichu po podobnosći pře-

stupjenja Hadamoweho, kotryž je předznamjo přichodneho (Hadama).*

15. Ale njeje jako z padom, tak tež z darom; přetož hdyž přez pad jenoho či mnozy wumřechu, je wjele bóle přešla nadobnje hnada Boža a dar w hnadze jenoho čłowjeka Jězusa Khrystusa.*

16. A njeje jako z hrěchom přez jenoho, tak tež z darom; přetož wotsud (bu) drje z jenoho (hrěcha) k zatamanju, hnada pak z mnohich padow k wosprawnjenju.*

17. Přetož je-li z padom jenoho smjerc knježila přez jenoho, budža wjele bóle, kotřiž polnosć hnady a dara a sprawnosće dóstawaju, w žiwjenju knježić přez jenoho Jězusa Khrystusa.

18. Jako potajkim přez pad jenoho na wšech čłowjekow zatamanje (přińdže), tak tež přez sprawnosć jenoho na wšitkich čłowjekow wosprawnjenje žiwjenja.

19. Jako buch mjenujey přez njeposlušnosć jenoho čłowjeka mnozy hrěšnicy sčinjeni, tak budža tež přez poslušnosć jenoho mnozy sprawni sčinjeni.

20. Zakon pak (k tomu) přistupi, zo by so rozmnožil hrěch.* Hdyž pak so rozmnoži hrěch, bu hnada přenadobna,

10. Hdyž je Jězus nas, jako běchmy njeprěcelowje Boži, ze swojej smjercu wujednał, směmy so čím skerje nadžeć, zo nas nětko, hdyž smy přecelowje Boži, w swojim žiwjenju wumóže, t. r. zo změjemy přez njeho džěl we wěčneje zbóžnosći. — 11. Zo je nas Syn Boži, sam wěrný Bóh, wumóhl, je dopokaz za našu wysoku hódnosć, dokelž je Bóh nam na pomoc přišoł. Z tym móžemy so khwalić. — 12. Dokelž smy přez Jězusa Khrystusa wosprawneni, a nadžiju wěčneje zbóžnosće dóstachmy, přirunuje s. Pawoł hnady, kotrež přez njeho dobychmy, z hrěšnosću, kotraž z Hadama so rozšěri na cyłe jeho potomnistwo. Jako buch přez Hadama wšitcy hrěšnicy, tak buch přez Khrystusa wšitcy wosprawneni. — 14. Wšitcy su hrěšnicy přez Hadama, wšitcy, kotřiž běchu před Mójesowym zakonjom žiwi a tež wšitcy po nim; hač runje tamni, kotřiž běchu před zakonjom žiwi, jón přestupić njemóžachu, dokelž tu zakon njebě, běchu tola hrěšnicy, dokelž mójachu herbski hrěch na sebi a tež zakon, do jich wutrowow zapisany, wšelako přestupichu. Powšitkownu hrěšnosć dopokazuje smjerc, kotraž je wunošk hrěcha, a kotraž tež na tych přeńdže, kotřiž njeběchu podobnje zhrěšili, jako Hadam, t. r. wosebitu, z jasnými słowami wuprajenu kaznju, kaž bě Hadam a pozdžišo israelski lud přez Mójesa dóstał, njeběchu přestupili. Hadam je znamjo přichodneho, t. r. Bohačłowjeka Jězusa Khrystusa, w tom nastupanju, zo přez njeho powšitkowna hrěšnosć, přez Khrystusa powšitkowne pohnadženje přińdže, hewak pak staj sebi tak njepodobnaj, jako kleće a žohnowanje. — 15. Tu spomina Pawoł na rozděl mjez hrěchom a hnadu; přez hrěch mnozy, t. j. wšitcy wumřechu, přez hnadu su mnozy, t. j. wšitcy z duchownymi kubłami wbohaćeni. — 16. Dar, kotryž so nam přez Khrystusa doby, přewyšuje škodu, kotruž nam Hadam načini; přetož z Hadamoweho hrěcha přińdže drje zatamanje, ale z hnady Khrystusoweje přińdže wosprawnjenje ze wšitkich hrěchow. — 20. Zakon ze swojimi kaznjemi bě wina, zo čłowjekowje časćišo a ćežšo zhrěšichu, dokelž winowatosće lěpje znajachu.

21. Zo by, jakož je hrěch knježil w smjerće, tež hnada knježila přez sprawnosć k wěčnemu žiwjenju* přez Jězusa Khrystusa, našeho Knjeza.

STAW VI.

We Khrystusn smy křćeni, zo bychmy wotemřeli hrěchej w nowym žiwjenju khodžili; jakož Khrystus jónu wumře a pohrjebany bu, wstany k nowemu žiwjenju, zo by wjacy njewumřeli. Njebudźmy poslušni hrěchej a požadosćam, ale wotwjazani wot zakonja a wumóženi přez Khrystusowu hnadu wot hrěcha, a služownicy sprawnosće, podawajmy w poslušnosći sprawnosće k žiwjenju swoje stawy, kotřež přjedy podawachmy w nječistoće k smjerće.

Što potajkim rjeknjemy? zwostanjemy w hrěše, zo by hnada so rozmnožila?*

2. Nihdy. Přetož, kotřiž hrěchej wotemřechmy, kak budźemy hišće živi w nim?

3. Abo njewěsće, zo, kotřižkuli smy wukřćeni na Khrystusa Jězusa, na jeho smjerc wukřćeni smy?*

4. Přetož spohrjebani smy z nim přez křćenju na smjerc, zo bychmy, kaž Khrystus wot mrtwych wstany přez krasnosć Wótca, tak tež my w nowosće žiwjenja khodžili.* Gal. 3, 27; Kol. 2, 12; Ef. 4, 23;

Hebr. 12, 1; 1. Pětr. 2, 1; 4, 2.

5. Přetož jelizo smy z nim sobusadzeni

do podobnosće jeho smjerće,* budźemy to tež w horjewstaću,

6. To wědźicy, zo bu naš stary čłowjek sobu křižowany, zo by čelo hrěcha morjene było, a zo bychmy hrěchej wjacy njeslužili;

7. Přetož štož je wumřel, je wotwjazany wot hrěcha.*

8. Jelizo pak z Khrystusom wumřechmy, wěrimy, zo budźemy sobu tež živi z Khrystusom,

9. Wědźicy, zo Khrystus wstanywši wot mrtwych njewumřewa; smjerc wjacy nad nim njeknježi.

10. Přetož (štož nastupa), zo wumřel, wumřel hrěchej jónu; štož pak, zo je živy, je živy Bohu.*

11. Tak tež wy za to mějće, zo sće drje mrtwi hrěchej, živi pak Bohu w Khrystusu Jězus, našim Knjezu.

12. Njeh potajkim njeknježi hrěch we wašim smjertnym čele, tak zo byšće poslušali jeho požadosćam.

13. ▲ tež njepodawajće swoje stawy hrěchej jako brónje njesprawnosće, ale podawajće so Bohu jakož z mrtwych wožiwjeni, a swoje stawy Bohu jakož brónje sprawnosće.

21. Hdyž pak bě hrěch najmóćnišo so rozšěrila, a smjerc, wosebje tež duchownu smjerc na čłowjekow přinješa, wozjewi so hnada Boža, wosprawni čłowjeka a slubi jemu wěčne žiwjenje.

VI. 1. W přních pjeći stawach wopisuje s. Pawoł wosebje, štož je Bóh za wumóženje čłowjeka skutkował. Pohani a Židža trjebachu wumóžnika, kotryž w Jězus Khrystusu přindže a ze swojej přebohatej hnadu Hadamowy hrěch a jeho scěhwki znič, a žórlo nowych hnadow za čłowjeka wotewri, tak zo by móhli snadź něchtó so prašeć, hač njeby wužitne było, dale zhrěšić, zo by móc Božeje hnady čím jasněšo so zjewila. Swjaty japoštoł wotpokazuje tajke njehódne prašenje, a dopokazuje, što hnada Boža we wumóženym skutkuje a što we nim mori, hač do 13. rjadka a k čomu jeho polnuwa. — 3. Přez křćenju zašćěpichmy so do Jězusa, buchmy stawy jeho potajneho čěla, a tohodla ma to, štož na Jězusa so dóndže, tež na nas so dóńć, potajkim tež smjerc; wumřel mamy hrěchej a hrěšnym požadosćam a wstanyć k nowemu žiwjenju, dokelž wšo, štož z Jězusom, našim wjerchom, so sta, to ma so tež z nami stać. — 4. W přních časach křesćanstwa wudželeše so křćenja z podnórjenjom, z tym pokaza so hnydom na plód křćenja; z podnórjenjom bu stary hrěšny čłowjek tak rjec morjeny a pohrjebany, a nowy, bohuspodobny čłowjek wuńdže z wody. „Křćenja na smjerc“ Jězusowu je nas do cyła z nim zjednočiła, a tohodla ma na našu smjerc tež pohrjeb, t. r. dospołne dźělenje wot swěta, a na pohrjeb pak wot-mrtwych-wstaće scěhować a nowe žiwjenje, kotřež Bohu sluša. — 5. W křćenju mamy podobnje wumřel, jakož Khrystus; wumřel mamy staremu čłowjekeju, zložiť wšu hrěšnosć, potom wstanjemy z Khrystusom k nowemu žiwjenju. — 7. t. r. mrtwy njemóže dale hrěšić, njeje hrěšnym wabjenjam a spytowanjam wustajeny; tak tež štož je w křćenju hrěchej wumřel, dyrbi mrtwy wostać za hrěch a jeno živy być za Boha. — 10. Jězus wumřel za hrěch čłowjekow, a ze swojej smjerću znič hrěch, tak zo hrěch swoje knježstwo zhubi a Jězus za njón z nowa wumřel njetrjeba; nětko je wón živy sedžo na prawicy Wótca do wěčnosće.

34. „Prětož što spózna mysl Knjezowu? abo što bu jeho radzićel?“*

Mudr. 9, 13; Is. 40, 13; 1. Kor. 2, 16.

35. „Abo što je jemu prjedy dał, zo hy jemu zaso date było?“

36. Prětož z njeho, a přez njeho, a we nim je wšitko; jemu (budź) khwała na wěki. Amen.“*

STAW XII.

Pawoł wuči, zo bychu Romsy, wot swětnjeje prózdnošće wotwobroćeni, cyle Bohu so přepodali, zo bychu so z dóstatymi darami njekhwaliłi a jich mjezy njepřekročili, ale jako stawy toho sameho čěła wšitko k wužitku bližšeho rjadujcy tež njepřećelam dobrotu činili.

Prošu tohodla was, bratřa, přez smilnosć Božu, zo byšće podawali swoje čěła jako žiwy, swjaty, Bohu spodobny wopor, kotryž je waša rozomna služba.*

Fil. 4, 18.

potom Židow začisnywši. Njewuslědzomne su jeho puće, na kotrychž po swojej wědomosći po hanow a Židow wodźi, zo by jich ke Khrystusej přiwjedł. — **34.** Čłowjeske póznać je słabe a njedospołne přeciwo njeskónčnej wědomosći Božej; nihtó njepózna je tohodla wotpohladanja Bože, nihtó njewuslědzi jeho puće. — **35.** Kaž po wědomosći, tak je čłowjek w tom, štož ma, tež tak khudy, zo Bohu docyła ničo podač njemóže; štožkuli čłowjek ma, je njezasluženy dar Boži. — **36.** Pawoł kónči přeni džěl wuznawajo, zo čłowjek w swojim nastaću, byću a zaměrje wot Boha wotwisuje, zo je wot Boha a za Boha stworjeny. Wot Wótca ma wšitko swój spočatk, přez Syna bu wšitko stworjene, we Duchu swjatym ma swój zaměr, t. j. zjednoćenje z Wótcom přez hnadu Ducha swjateho.

XII. W přních jednać stawach rozestaja s. Pawoł wažne wěrnosće wěry, wosebje tu, zo je ewangelium móc Boža za kóždého wěrjaceho, zo čłowjek so wosprawni nic ze zákonskimi skutkami, ale z wěru do Jězusa Khrystusa, kotryž je źorło wšeje sprawnosće a praweho žiwjenja; potom spomina na zaděrženje Židow přeciwo ewangeliju, kotřiž ze swojej zasaklej njewěru ewangeliju so spječachu a tak zbóžnosć zhubichu, tola wupraji Pawoł nadźiju, zo tež skónčnje k cyrkwi so wobroća. W posledních pjeć stawach přidawa s. Pawoł wučby a napominanja za křesćanske žiwjenje, kak ma ewangelium jako spomózna móc Boža žiwjenje přeměnić a polěpsić. — **1.** Ponižnje wupraji swoje napominanja jako próstwu, kotruž maju dokonjeć miłosće Božej dla, t. r. dokelž su wot Boha miłosć dóstali; to dyrbi jich pohnuć, zo žiwjenje po Božej woli rjaduja, wosebje tež čěle Bohu poswjěca, w sebjezapřeću je Bohu wopruga jako žiwy wopor, t. r. wopor, kiž je za Boha žiwy. Tajki wopor je swjaty, t. r. bjez hrěcha a spodoba so Bohu, tak služimy Bohu rozomnje. t. r. naše wonkowne skutki wukhadźeju z dobreje wutroby. — **2.** Swětej, t. r. ludžom, kotřiž we Boha a jeho kaznje so njestaraju, ale cyle po swojim hrěšnym spodobanju žiwi su, njesmě křesćan podobny być, ale jakož je wobnowjeny přez nowy narod z Ducha swjateho, dyrbi so wobnowjeć w zmyslenju, a pytać, što je za njeho wola Boža, a štož jako wolu Božu spózna, ma činić; potom budža jeho skutki dobre, Bohu spodobne, dospołne, kaž je tež wola Boža dobra, spodobna, dospołna. — **3.** Přez miłosć t. r. dokelž ma hnadu japoštołstwa; jako japoštoł napomina Pawoł kóždého, zo so njeby w cyrkwiskim zastojnstwje wuzběhował, wyššu wučbu žadał, hač móže po jemu spožčenych hnadach zastać, t. j. po měrje wěry dóstać, dokelž hnady, kotrež jednotliwym so wudžěleju, su wšelake. — **4.** Jako wšelake stawy čěła sebi služa, kóždy sebi připokazane džělo dokonjejo, tak maju w cyrkwi jednotliwe stawy swoje wosebite služby činić, za kotrež su powołane, a z tym druhim služić. — **6.** Wšelakore dary, t. r. wot Boha postajene služby namakaju so w cyrkwi; kóždy ma swój dar swěrnje a pilnje naložeć. Dar profetstwa, z kotrymž wuhotowani někotři přichodne podawki wěščachu, wosebite powučěnja Bože zawjeselace a hrožace podawachu, dyrbi wěru, t. r. wozjewjene wěrnosće Bože jako prawidło měć; štož profetowje připowědaju, njesmě wěrje napřećiwne być.

2. A njebudźće podobni tomule swětej, ale přetwořće so z wobnowjenjom swojeje mysle, zo byšće pytali, što je dobra a spodobna a dospołna wola Boža.*

Ef. 4, 17; 1. Thess. 4, 3.

3. Prětož praju přez miłosć,* kotraž je mi data, wšitkim, kotřiž su mjez wami: zo byšće wyše (wo sebi) njemysliłi, dyžli so słuša myslić, ale zo byšće mysliłi po poměrnosći, tak kaž je Bóh kóždemu wudžělił měru wěry. 1. Kor. 12, 11; Ef. 4, 7.

4. Prětož jako mamy w jenom čěle mnohe stawy, wšitke stawy pak to same džělo nimaju:*

5. Tak smy mnozy jene čělo w Khrystusu, jednotliwi pak (smy) jedyn druhého stawy.

6. Ale mamy wšelakore dary* po miłosći, kotraž je nam data: pak profetstwo, (to njech so naložuje) po prawidle wěry,

7. Pak (cyrkwinu) służbu, njech je při služanju;* abo štož wuči, njech je při wučbje.**

8. Štóż napomina, njech je při napominanju;* štož wudźěla, njech to čini we swěrnosci; štož je předstajeny, njech je to z horliwosću; štož smilnosć čini, njech to čini z wjesołosću.

9. Lubosć budź bjez tajeńa; hidźće zle, dźerźće so k dobremu,

10. Z bratrowskej lubosću mjez sobu so lubujcy, w česćiwosći mjez sobu předkhađejcy;*

11. W horliwosći njebudźće lěni; w duchu horjacy, Knjezej słuzacy;

12. W nadźiji so wjeselacy, w horju sčerpni, w modlitwje wobstajni,

13. Potrěbnosćam swjatych wudźělejcy,* hospodliwosć wopokazujcy.

Hebr. 13, 2; 1. Pětr. 4, 9.

14. Žohnujće, kotřiž was přescěhaju; žohnujće a njezakliwajće.

15. Wjeselće so z wjesołymi; plakajće z plakacymi;

16. Budźće mjez sobu jednomyslni; nje-pytajće za wysokim, ale ponižnemu přihlosujće.* Njebudźće mudri sami při sebi.

17. Nikomu zle ze złym njeplaćće; za dobrym so prócuje, nic jeno před Bohom, ale tež přede wšěmi čłowjekami.

2. Kor. 8, 21.

18. Je-li móžno, štož je na was, mějće ze wšěmi ludźimi pokoj. Hebr. 12, 14.

19. Njewjeće so sami, najlubši, ale dajće město hněwej;* přetož pisane je: „Moje je wjećenje, ja wotplaću, praji Knjez.“

Ekkli. 28, 1—3;

Mat. 5, 39; 5. Móž. 82, 35; Hebr. 10, 30.

20. Ale, „je-li twój njepräcel hlódny, nasyć jeho; je-li lačny, napoj jeho; přetož hdyž to činiš, zhromadźiš žehliwe wuhlo na jeho hłowu.“*

Přisl. 25, 21.

21. Njedaj so předobyć wot zleho, ale předobylaj z dobrym zle.

STAW XIII.

Japoštoł napomina, zo bychu wěriwi wyšnosć poslušali swědomja dla a tež dawki dawali. Wo lubosći bližšeho, kotruž zakon žada, a wo času hnady, zo bychu po wotstronjenju zakon-skeje čmy a po wopuščanju hrěšnosće počinki Chrystusowe zapřijeli.

Kóždy duša budź předstajenym wyšnosćam poddata. Přetož njeje wyšnosć, khiba wot Boha; kotrež pak su, su wot Boha postajene.*

Wyše 6, 4; 1. Pětr. 2, 13.

2. Potajkim štož wyšnosći so spjeći, spjeći so zarjadowanju Božemu; kotřiž pak tomu so spjeća, zasluža sebi zatamanje.

3. Přetož předstojnicy njejsu strach za dobry skutk, ale za zły. Chceš-li pak

7. Jako wosebity dar mjenuje japoštoł „służbu“, t. j. cyrkwinsku służbu w jeje wšelakich wotdźělenjach, kaž sebi Bože služby žadaju. ** Wučba t. j. porjadne rozwučenje wo křesćanskich wěrnosćach, kaž wěriwym so wudźeleše abo tež tajkim, kotřiž na s. křćenju so přilohowachu, rozeznawa so wot profetow, kotřiž we wurjadnym času wustupichu, přez wosebite pohnuće Bože k tomu powołani. — 8. Napominanje stawa so z mócnymi, wutrobu a wolu wosebje hnajacyimi słowami. Wosebita služba bě wudźělenje jałmožny mjez khudych a potrěbných. Předstajeny měješe cyrkwinske naležnosće rjadować; njespūšeće so na sebjě samych a swoju mudrosć, ale wukńće wot druhich. — 9. t. j. hněwej Božemu; Bóh budźe činjenju křiwdu khostać. — 20. Žehliwe wuhlo na njepräcelowej hłowje pokazuje na wulku bolosć, kotruž dobre skutki w nim zbudźa; ale to njebudźe bolosć hněwa, ale bolosć želnosće, wón budźe wobžarować, zo je tebi křiwdu činił.

XIII. 1. Japoštołowe napominanje k poslušnosći měješe swoju přčinu w tom, zo mějachu židźa romsku wyšnosć za njeprawu, a tohodla přeciwo njej so zběhachu; tónle přikład móžeše tež druhich křesćanow k njeuposlušnosći pohnuć. Křesćenjo dyrbyja wyšnosćam so podčisnyć Boha dla, dokelž wyšnosć zastupuje město Bože; a je-li něchtó njesprawnje k mocy přišoł, sta so to z Božim dopuščenjom, a Bóh wodźi njesprawnu wyšnosć tak, zo swoje wotpohladanje dosahuje; tohodla je kóždy wyšnosć služownica Boža, dobre plaćo a zle khostajo.

wyńsoće so njebojeć, čin dobre, a změjš khwalbu wot njeje;

4. Přetož je služownica Boža, tebi k dobremu. By-li pak zle činil, bój so; přetož nic podarmo nosy mječ. Boža služownica džě je, wječefka w hněwje nad tym, kotryž zle čini.

5. Tohodla z potrěbnosće budźće podaći, nic jeno khostanja dla, ale tež swědomja dla.

6. Tohodla džě tež dawki dawaće; přetož služownicy Boži su, kotřiž runje w tom słuža.*

7. Dajće tak kóždemu, štož sće winowaći: dawk, komuž dawk; clo, komuž clo; bojosć, komuž bojosć; česć, komuž česć.

Mat. 21, 21.

8. Nikomu njebywajće ničo winowaći, khiba to, zo byšće so mjez sobu lubowali; přetož štož bližšeho lubuje, je zakon dopjelnil.

9. Přetož: „Njezlamaj mandželstwo, njemorduj, njehradni, njedawaj falšneho swědčenja, njepožadaj“ a je-li hišće druha kaznja, wobjima so w tom słowje: „Lubuj swojeho bližšeho, jako sebe samoho.“

2. Mójz. 20, 18; 5. Mójz. 5, 18; 8. Mójz. 19, 18; Mat. 22, 39; Mark. 12, 31; Gal. 5, 14; Jak. 2, 8.

10. Lubosć bližšeho nječini zleho. Dopjelnjenje zakonja potajkim je lubosć.*

11. A to (činće), dokelž časy znajemy, zo je hižo hodźina, zo bychmy ze spanja wstanyli. Přetož nětko je naše spomónjenje bližše, dyžli hdyž buchmy wěrjacy.*

12. Nóc je zašla, dzeń pak je so přiblížil. Wotpołożmy tohodla skutki émy, a woblecmy so bróni swěta.*

13. Jako wo dnju khodźmy čestnje, nic we woźralstwje a wopilstwje, nic we lěhwach a njehańbitosćach, nic we zwadze a zawisći;

14. Ale woblecće so Knjeza Jězusa Khrystusa,* a wo ćelo so njestarajće k požadosćam.**

STAW XIV.

Syni we wěrje dyrbyja tych, kotřiž su hišće slabi, hajće a nic hidźić, ani či ani tamni njesmědza druhich sudzić dla rozdźěla jědźi abo dnjow, wědźicy, zo many wšitcy toho sameho Knjeza, kotremuž słušamy žiwi a mrtwi, kotremuž ma tež kóždy sam za sebe zamołwjenje dawać. A hač runje žana jědź njeje nječista, njesmě tola nichto jěsć, štož je bratřej pohóršk a štož je přećiwu jeho swědomju.

Slabeho we wěrje pak přijimajće, nic k wurěčowanju wo nahladach.*

6. t. r. dokelž wyńsoće na to prócu nałožuja, zo by dobry rjad wobstał, dyrbyja podaći z dawkami jich staranje zaručať. — 10. Štož swojeho bližšeho prawje lubuje, nječini jemu křiwdy, a tak njeprěstupi zakon. — 11. To wšo ma so dokonjeć, dokelž čas, w kotrymž Khrystus jako sudnik přidźe, so bliži, kaž to s. Pawoł tež drubdže w swych listach wupraja; to je nowa přičina, z hrěšneho spanja wotučić k čerstwemu duchownemu žiwjenju, kotrež so wopokazuje w dobrych skutkach; naše skónčne wozboženje so tak bliži z kóždym dnjom. — 12. Nóc je wobraz pohanskeje njewědomosće a hrěšnosće, dzeń je wobraz křesćanskeho powučjenja, kotrež smy přez wozjewjenje Bože dóstali. Tamna njeje drje hišće cyle a wšudže so minyła, tola woteběra a swětość křesćanskeho dnja přiběra; tuž mamy tež skutkow émy, hrěšnych skutkow so wostajić, a z brónjemi swěta, t. j. z wěru, ze słowom Božim, z modlenjom atd. jich so wobarać. — 14. t. j. dyrbymy jeho přikład scěhowať, te same počinki nabywať a w žiwjenju pokazowať, kotrež na nim widźimy; wosebje mamy přez wěru, nadźiju a lubosć so z nim zjednotić, tak zo by wón we nas žiwy był, a my we nim. ** t. r. njestarajće so wo swoje ćelo tak, zo hychu hrěšne žadosće w nim wotučale.

XIV. 1. W romskej wosadze běchu někotři, kotřiž hišće swoje židowske wobrazy swěrnje wukonjachu, dokelž běchu k nim přiwučeni; njewužiwachu mjas a wina, dokelž so bojachu, zo móhće změšane być z mjasom a winom, kotrež přiboham so woprowaše; swjećachu hišće židowske swjedenje. Křćenjo z pohanstwa wobročeni njewědžachu wo tychle zakonškich židowskich postajenjach, a njestarachu so wo nje, haj mějachu je za škódne, křesćanskemu žiwjenju zadźěwace, a tohodla dowolachu sebi to, štož Židow pohóršowaše, a tak hrožachu překory mjez Židami a pohanami. Zo njeby překora nastała, powučí s. Pawoł pohanow, zo bychu bojaznych Židow znjeali a jich njezacpěwali, tutych pak, zo bychu wěrnych z pohanstwa njesprawnje njesudžili. Pawoł mjeňuje tajkich Židow slabych we wěrje, dokelž křesćanstwo njebě we nich hišće móčne dosć, zo by židowske nahlady cyle zahnało, a žada, zo njebychu w tajkich, na sebi njeważnych nahladach bjez wužiwa so wurěčowali, zo by kóždy po swojim přeswědčenju žiwy był, přeswědčenje druhoho pak dobroćiwje njese.

2. Přetož něchtó wěri, zo smě wšitko jěsć; * kotryž pak je słaby, njech jě zela.

3. Tón, kotryž jě, njezacpěj toho, kotryž njeje; a kotryž njeje, njesudź toho, kotryž jě; přetož Bóh je jeho přijal.*

4. Štó sy ty, kotryž sudžiš cuzeho wotročka? Swojemu knjezej stoji abo pada; * wobstoi pak, přetož Bóh móže jeho spostajić.

5. A něchtó waži džen wyše dnja,* druhi pak waži kóždy džen (jenak); kóždy budź w swojim zmysle přeswědčeny.

6. Štóz na džen dźerži, dźerži na njón Knjeza dla;* a štóz jě (mjaso), jě Knjeza dla; přetož džakuje so Bohu. A kotryž njeje, njeje Knjeza dla a džakuje so Bohu.**

7. Přetož nihtó z nas njeje sam sebi žiwy, a nihtó sam sebi njemrěje.*

8. Přetož smy-li žiwi, smy Knjezej žiwi; mrějemy-li, mrějemy Knjezej. Njech tohodla smy žiwi abo njech mrějemy, smy Knjezowi.*

9. Přetož k tomu wumrě Khrystus a bu žiwy, zo by nad mortwymi a žiwymi knježil.*

10. Ty pak, přeco sudžiš swójeho bratra? abo ty, přeco zacpěwaš swójeho

bratra? Wšak budžemy wšitcy stać před sudnym stolom Khrystusowym.*

2. Kor. 5, 10.

11. Přetož pisane je: „Žiwy sym ja, praji Knjez, přede mnu budže so zhibowac kóždy koleno, a khwalić budže kóždy jazyk Boha.“* Is. 45, 23; Fil. 2, 10.

12. Potajkim kóždy z nas budže wo sebi zamołwjene dawać Bohu.

13. Njesudźmy so tohodla wjacy mjez sobu; ale sudźće radši, zo byšće bratrej postork njedali abo pohóršk.

14. Wěm a sym přeswědčeny w Knjezu Jězusu, zo ničo (wjacy) njeje nječiste přez njeho, khiba jenož, kotryž něšto za nječiste dźerži, tomu je nječiste.*

15. Přetož bywa-li jědže dla twój bratr rudženy, njekhodźiš hižo wjacy po lubosći. Njezahub ze swójeje jědžu toho, za kotrehož je Khrystus wumrěl.*

16. Njebudź potajkim hanjene naše dobre.*

17. Přetož kralestwo Bože njeje jědž a napoj, ale sprawnosć a pokoj, a wjeselo w Duchu swjatym,*

18. Přetož štóz we tom Khrystusej služ, spodoba so Bohu a je čłowjekam luby.

2. t. j. zo su wšě jědže čiste, a tohodla dowolene; tuž njech tón je wužiwa; je-li pak něchtó słaby, tak zo po židowskim zakonju, abo z bojoseć, zo by móhla jědž z mjasom pohanskich woporow změšana być, mjasnych jědži so wostaji, njech warjenja jě. — 3. t. r. do swójeje cyrkwe, k swójeje službje přijal. — 4. t. r. swojemu Knjezej, Bohu, ma so zamołwjeć, a tutón sudži jeho; Bóh pak je mócný, zo jeho we swěrje zdźerži, byrnje so wón mjasa njezdźerža. — 5. Tomu plaći jedyn džen wjac dyžli druhi a swjeći jón tohodla, tamny zaso dźerži kóždy džen za jenak dobry. Kóždy njech čini, wo čimž je přeswědčeny. — 6. t. r. zo by Knjeza česćil. ** Wobaj, kotryž mjasne jědže wužiwa a tež, kotryž so zdźeržuje, činitaj to z džakom k Bohu, česćujetaj tak Boha. — 7. Kóždy služ ze swojim žiwjenjom Bohu, a tež po smjerći słuša jeničcy Bohu. — 8. Žiwjenje a smjerć wotwisuje wot Boha, jemu mamy tohodla služić, a nic sebi samym. — 9. Khrystus je nas wumóžil, na křižu wumrěl a wot mortwych wstanyl, zo bychmy jemu, žiwi a mortwi, služili. — 10. Dokelž smy Khrystusowi, budže Khrystus tež sudzić naše skutki; tuž njesudźmy swóich bližich. — 11. Kóždy budže mje jako swójeho knjeza a sudnika česćić a swoje hrěchi wuznawać. — 14. S. japoštoł wuči tu, zo je rozděl mjez nječistej a čistej jědžu zběhnjeny, zo je za křescána kóždy jědž čista; tola, je-li něchtó přeswědčeny, zo je wěsta jědž nječista a tohodla za njeho zakazana, tón njech ju njewužiwa, dokelž za njeho je nječista, a wón zhrěši, nic dokelž jědž wužiwa, ale dokelž přeciwo swójemu swědomju skutkuje. — 15. Hdyž twój bratr nad tym so rudži, zo ty jědž, po jeho přeswědčenju zakazanu, wužiwaš, maš sebi ju radšo zapowěsć, zo njeby přiležnosć dać, zo wón zhrěši; přetož tak by z njezdźerliwosću toho skazył, za kotrehož je Khrystus wumrěl. — 16. Naše dobre, t. r. prawo, kotrež mamy, zo móžemy wšitke jědže wužiwać, njesměmy tak nałožec, zo bychy družu přiležnosć dóstali, je hanić. — 17. Štaw kralestwa Božeho, t. r. křescanskeje cyrkwe njestawa so nihtó z tym, zo wěsta jědže wužiwa, a druhich so wostaja, ale přez sprawnosć a pokoj a wjeselo, kotrež Duch swjaty skutkuje.

19. Potajkim wo to, štož je k pokoju, prócujmy so, a štož je k natwarjenju, wobkhowajmy mjez sobu.*

20. Njepotorhaj jědže dla džěło Bože.* Wšitko drje je čiste, ale zle je čłowjekej, kotryž z pohóršenjom jě.**

21. Dobře je, mjasa njeješć a wina njepić, ani (činić), na čimž twój bratr so postorkuje abo so pohóršuje abo słaby bywa.

22. Maš ty přeswědčenje? měj je sam při sebi před Bohom.* Zbóžny, kotryž njesudźi sebje samoho w tom, štož ma za prawe.**

23. Štóz pak je sebi njewěsty, hdyž jě, je wotsudženy, dokelž nječ z přeswědčenja. Wšitko pak, štož njeje z přeswědčenja, je hrěch.*

STAW XV.

Sylniši dyrba njedospołnosće slabších znjesć a podpěrać, so starajcy nic za swój, ale za wužitk bližšeho a za přezjenosć. Khrystus předowaše Židam po slubjenjach wótcam datych; japoštołowje pak pohanam ze smilnosće, hjez slubjenjow. Pawoł so zamołwja, zo je jako japoštoł pohanow Rómskim khroblišo pisał, a pokazuje, kak jě tuto zastojnstwo dóstał; praji, zo tež k nim přidže, hdyž wot Macedonskich darjenu jałmožnu Jeruzalemskej cyrkwi přepoda, a žada, zo by jedyn za druheho prosył.

Smy pak winowaci, my sylniši, slabosće slabych znjesć, a nic sebi samym so spodobać.*

2. Kóždy mjez wami njech so spodoba swojemu bližšemu k dobremu, k natwarjenju.*

3. Přetož Khrystus njeje sebi samomu so spodobał, ale jakož je pisane: „Hanjenja tebe hanjacych padžechu na mnje.“*

Ps. 68, 10.

4. Přetož štožkuli je (prjedy) pisane, je k našemu powučanju pisane, zo bychmy přez sćerpnosć a přez pokojenje Pisma nadźiju měli.*

5. Bóh sćerpnosće a pokojenja pak daj wam jeneje mysle być mjez sobu po Jězusu Khrystusu,*

1. Kor. 1, 10.

6. Zo byšće jednomyslne z jenym rtom česćili Boha a Wótca našeho Knjeza Jézusa Khrystusa.

7. Tohodla přijimajće so mjez sobu, kaž je tež Khrystus was přijal k česći Božej.*

8. Praju mjenujcy, zo bu Khrystus Jězus služownik wobřežanja wěrnosćiwosće Božej dla, zo by slubjenja wótcow wobtwjerdził,*

9. Pohani pak česća Boha z milosće, kaž je pisane: „Tohodla chcu tebe khwa-

19. Keďz bujmy, zo z wužiwanjom jědže njeměr njezbudžimy, ale wšem dobry přikład dawamy. — 20. t. r. hnađu Božu, z kotrejž je čłowjeska duša wudebjena a kotraž z hrěchom jej so woznje. ** Byrnje to, štož wužiwaš, čiste abo dowolene bylo, zhrěšiš tola, dokelž to druhim k pohórškej wužiwaš. — 22. Byrnje wědzał, zo je to, štož wužiwaš, dowolena jědž, njepokazuj zwonkownje, hdy z tym pohóršk zbudžiš. ** t. r. štóz sam k zatamanju so njewotsudža z tym, zo přeciwo swojemu přeswědčenju so zadžerži a skutkuje. — 23. Štóz pak rozsudža mjez nječistej a čistej jědž, budže zatamany t. r. zhrěši, hdyž nječistu jědž wužiwa, dokelž přeciwo swojemu přeswědčenju so zadžerži. Kóždy skutk, kotryž z přeswědčenja njewukhadža, ale kotryž je přeciwo swědomju, je hrěšny.

XV. 1. Japoštoł napomina tu sylnišich, t. r. w křesćanstwje wobkrućnych, zo bychy dobroćiwje znjesli slabších t. r. bojaznych, kotřiž mjenja, zo su wšelake wěcy zakazane, byrnje dowolene byk; a zo njebychu jeno po swojim spodobanju žiwi byli. — 2. t. r. zo by jeho we křesćanskej dospołnosći podpěrał. — 3. Khrystus njebě sam za so žiwy, ale za nas čłowjekow; a tohodla znjesje wón te najhóršu křiwdu a hańbu Boha dla, zo by čłowjekow wumóžil. — 4. Štóz je w starym zakonju pisane, je za nas křesćanow pisane, zo bychmy z toho wukli, a sćerpnosć a nadźiju měli w čerpjenjach tohole žiwjenja. — 5. Hač runje drje z čitanjom swjateho pisma tež sćerpnosć a pokojenje dobywamy, dyrbi nam woboje tola Bóh dać, a hdyž je dóstanjemy, budžemy wšitecy zmysleni, kaž bě Jězus Khrystus, a budžemy wšitecy jednomyslne Boha česćić. — 7. Jako je Khrystus přikład za naše zmyslenje, tak mamy tež jeho sćěhować we přecelnym wobkhadže ze wšitkimi čłowjekami, dokelž tež wón je wšech, Židow a pohanow, přijal do swojeje cyrkwe. — 8. 9. Židža mějachu takrjec po Božich slubjenjach prawo na zbóžnika, a tohodla bě Khrystus služownik wobřežanja, t. r. wobřežanych abo Židow, dokelž je Bóh wěrnosćiwý w swoich slubjenjach. Pohani pak bychy wumóženi ze sameje milosće Božej.

lic mjez pohanami, Knježe, a twojemu mjenu spěwać.“* 2. Kral. 22, 50; Ps. 17, 50.

10. A zaso praji (Pismo): „Wjeselće so pohani z jeho ludom.“ 5. Mjz. 32, 43.

11. A zaso: „Khwalće Knjeza wšitecy pohani, a česće jeho wšitke ludy.“

Ps. 116, 1.

12. A zaso praji Isaias: „Budže korjeń Jesse a kotryž wstanje, zo by knježil nad pohanami, zo toho budža pohani so nadźijec.“*

Is. 11, 10.

13. Bóh nadźije pak napjelní was ze wšej wjeselosću a pokojom we wěrje, zo byšće nadobýwali w nadźiji a w mocy Ducha swjateho.

14. Sym pak wěsty, moji bratřa, tež ja sam wo was, zo sće tež sami polni lubosće, napjelnjeni ze wšim spóznaćom, tak zo móžeće jedyn druheho napominać.*

15. Khroblišo pak sym wam pisał, bratřa, z džela jako tón, kiž was dopomina po hnadže, kotraž bu mi data wot Boha,

16. Zo bych był měšnik Jězusa Khrystusa za pohanow, woprowacy evangelium Bože, zo by wopor pohanow był spodobny a swjećeny přez Ducha swjateho.

17. Mam tohodla khwalbu w Khrystusu Jězusu za wěc Božu.*

18. Přetož njekhroblu so něšto prajić (wo mni), štož přez mje Khrystus njeje dokonjał k poslušnosći pohanow, ze słowom a skutkom,

19. W mocy znamjenjow a dziwow, w mocy Ducha swjateho, tak zo sym wot Jeruzalema a wokoło hač do Illyrije evangelium Khrystusowe dopowědźil.*

20. Tak pak sym tuto evangelium předował, hdžež Khrystus ani njebu mjenowany, zo bych na cuzy zakład njetwarił, ale kaž je pisane:

21. „Kotrymž njebu wozjewjane wo nim, budža widzieć, a kotřiž njeslyšachu, zrozýmja.“*

Is. 52, 15.

22. Tohodla běch tež najbóle wotdźeržany k wam přińć, a sym hač dotal zadźěwany.*

23. Nětko pak, hdyž w tychle krajinach* wjacy města nimam, a žadosć mam k wam přińć hižo wot mnohich přjedawšich lět,

24. Nadźiju so, zo was, hdyž puć do Hispanije nastupju, nimoducy wohladam a wot was (někotrych) tam přewodžany budu, hač was přjedy trochu wužiju.*

25. Nětko pak podawam so do Jeruzalema, zo bych swjatym služil.*

26. Přetož Macedonija a Achaja za dobre spóznašćej, zo by něšto so składowało za khudych swjatyh, kotřiž su w Jeruzalemje.

27. Jim pak so to zespodobaj; a woni su jich dolžnicy; přetož hdyž buchu pohani z jich duchownymi kubłami wobdźěleni, su winowaci, jim tež služić z cělnymi.*

1. Kor. 9, 11.

12. Jesse bě Davidowy nan, a w Isaiasowym wěšćenju přiruna so Davidowa swójba štojej, kotryž je hač do korjenja wotrubany; z tohole korjenja pak wuńdže čerstwa hałza, t. j. Messias, na kotrehož tež pohani swoju nadźiju stajaju. — 14—16. S. Pawoł zamołwja so nětko na kóncu swojeho lista, zo je tak khrobile pisał z tym, zo je wot Boha k japoštołstwu powołany. Wón praji: Tež ja znaju waše dobre počinki, a wěm, zo móžeće sami so napominać, ale dokelž je mje Boža hnada jako japoštoła za pohanow powolała, pisach wam khroblišo, dokelž mam evangelium mjez pohanami rozšěrjeć a z pohanow Bohu spodobny wopor přihotować. — 17—19. Dokelž sym wot Boha wuzwoleny japoštoł, směm so z tym khwalić, štož sym za Boha dokonjał; nic pak jako bych ze samsnymi mocami skutkował, dokelž jeno z mocu Khrystusowej sym pohanow k poslušnosći wěry wobročil; we mocy Ducha swjateho, t. r. z darami Ducha swjateho, kotrež wobročeni dóstachu. — 19. Illyrija je nawječorna mjeza, hač do kotrejež bě Pawoł na japoštołskich pućowanjach přišoł. — 21. Pawoł wućeše jeno na městnach, hdžež hišće nihtó evangelium rozšěrjał njebě. — 22. Dokelž mějach w tychle krajinach wjele dželać, njemóžach k wam dóńć. — 23. Njesměmy myslić, zo bychy cyłe krajiny za cyrkej dobyte byle, dokelž do jednotlivych městow a wsow njemóžeše Pawoł dóńć, ale jeno we hłownych městach založi křesćanske wosady, a za dalše rozšěrjenje postaji Pawoł pomocnikow. — 24. t. r. so zwjeselu wobkhađuju z wami. — 25. t. r. zo bych křesćanskej wosadze w Jeruzalemje jaħmožnu přepodał, kotruž sym za nju hromadźil. (Jap. sk. 19, 21—24, 27.) — 27. Hdyž

28. Hdyž potajkim to dokonjam a jim tónle plód* wěsće přepodam, póndu přez was do Hispanije.

29. Wěm pak, zo hdyž k wam přińdu, w połnosći žohnowanja ewangelia Khrystusoweho přińdu.*

30. Prošu was tohodla, bratra, přez našeho Knjeza Jězusa Khrystusa a přez lubosć Ducha swjateho,* zo byšće mje podpěrali w svojich modlitwach za mnje pola Boha,

31. Zo bych wumóženy byl wot nje-wěriwych, kotřiž su w Judeji, a zo by služba mojeje podwolnosće so spodobala swjatym w Jeruzalemje,*

32. Zo bych z wjesolósću k wam přišoł po woli Božej, a z wami so wokřewil.

33. Bóh pokoja pak budź z wami wšitkimi. Amen.

STAW XVI.

Japoštoł dawa někotrych mjez Romskimi postrowić jich wosebnosće dla, napomina, zo maju so někotrych zdalować, a praji wo druhich, zo Romskich postrowjeju.

Poručam pak wam Foebu,* našu sotru, kotraž je w službje cyrkwy w Kenchreach,

2. Zo byšće ju přijeli w Knjezu, kaž swjatym přistoji,* a jej pomhali, w kajekžkuli naležnosći by was potřebowała; přetož tež wona bu mnohim pomocnica, tež mi samomu.*

3. Postrowće Prisku a Aquilu,* mojeju pomocnikow w Khrystusu Jězusu,

Jap. sk. 18, 2. 26.

4. Kotraž staj za moje žiwjenje swoju šiju nastajiloj, kotrymajž nic jeno ja sam so dżakuju, ale tež wšitke cyrkwy mjez pohanami,

5. A jeju domjacu zhromadźiznu.* Postrowće mojeho lubowaneho Epaeneta, kotryž je přeník Asije w Khrystusu.**

6. Postrowće Mariju, kotraž je wjele prócy měla mjez wami.

7. Postrowće Andronika a Juniasa, mojeju přiwuzneju a sobujateju, kotraž staj wuznamjenjenaj mjez japoštołami, kotraž staj přede mnu byloj w Khrystusu.*

8. Postrowće Ampliata, mi wjelelubeho w Knjezu.

9. Postrowće Urbana, mojeho pomocnika w Khrystusu Jězusu, a Stachya, mojeho lubowaneho.

10. Postrowće Apellea, wobtwjerdźeneho w Khrystusu.

11. Postrowće tych, kotřiž su z Aristobuloweho domu. Postrowće Herodiona, mojeho přiwuzneho. Postrowće tych, kotřiž su z Narcissoweho domu, kotřiž su w Knjezu.

12. Postrowće Tryfaenu a Tryfosu, kotrejž so prócujetej w Knjezu. Postrowće Persidu, wjelelubu, kotraž je so wjele prócowała w Knjezu.

pohani wot Židow duchowne kubla dóstachu, t. r. wěru do Jězusa Khrystusa, móža Židam dżakowni so wopokazać z tym, zo jim w čělnych potrěbnosćach z jałmožnu na pomoc přińdu. — 28. t. r. jałmožnu, plód křesćanskeje miłosće. — 29. t. r. zo mój přikhad wam žohnowanje přinjese, dokož wěm, zo Khrystus moje skutkowanje za ewangelium žohnuje. — 30. t. r. přez lubosć, kotruž Duch swjaty we wašich wutrobach zbudźuje. — 31. Pawoł znajese njepřečelnosć svojich krajanow w Jeruzalemje a boji so jich zlóšće, a prosy tohodla křesćanow w Romje, zo bychu Boha za jeho wumóženje prosyli. Jeho bojósć njebě bjez přičiny, dokož bu w Jeruzalemje jaty, pozdžišo do Caesareje wotwjedženy, hdžež dwě léce jako jaty přebywaše, zo by potom do Roma wotwjedženy byl, hdžež bu tohorunja dwě léce jaty, a potom hakle poda so do Hispanije.

XVI. 1. Foebé bě služownica cyrkwy w Kenchreach pola Korintha a přinjese list do Roma. — 2. t. r. tajkim, kotřiž su cyle Božej službje so poswjećili. — 3. Aquila a jeho žona Priska běštaj zaso z Efesa do Roma so podałoj; hl. Jap. sk. 18, 2; 18; 26. — 4. t. r. za mnje smjertnemu strachoj so wustajiloj, najskerje při zběžku, kotryž nasta přečiwo Pawołej w Korinthu (Jap. sk. 18, 12) abo w Efesu (Jap. sk. 19; 23). — 5. Aquila a Priska měještaj w domje Bože služby za křesćanow. ** t. r. kotryž w romskej provincy Asia najprěni ke Khrystusej so wobroći. — 7. Andronikus a Junias staj najskerje k 72 wučownikam slušałoj abo tola zahe, snadź přenje swjatkaj so wobroćiloj a w rozšěrjenju křesćanstwa pilnje džełaloj, haj tež Pawołowe jastwo džełiloj, kaž móžemy z tychle słowow sudzić.

13. Postrowće Rufa, wuzwoleneho w Knjezu, tež jeho maćef, jeho a moju.

14. Postrowće Asynkrita, Flegonta, Hermasa, Patrobasa, Hermea a bratrow, kotřiž su z nimi.

15. Postrowće Filologa a Juliu, Nerea a jeho sotru, a Olympiadu a wšěch swjacych, kotřiž su z nimi.*

16. Postrowće so mjez sobu ze swjacych wokošenjom.* Postrowjejn was wšě zhromadźizny Khrystusowe.

17. Prošu pak was, bratřa, zo byšće kedźbowali na tych, kotřiž rozšćěpjenja a postorki činja přećiwo wučbje, kotruž sće nawukli, a wotkhilejće so wot nich.*

18. Přetož tajcy njeslužba Khrystusej našemu Knjezej, ale swojemu brjuchej;* a ze slódkimi řečemi a khwalenjom zawjeduju wutroby njewinowatych.

19. Přetož waša poslušnosť je do wšěch měst so rozešla. Tohodla wjeselu so nad wami. Ale chcu, zo byšće mudri byli w dobrym a sprosći při złym.*

20. Bóh pokoja pak rozmjeć satana pod wašimi nohami bórzy.* Hnada na-

šeho Knjeza Jězusa Khrystusa budź z wami.

21. Postrowja was Timotheus, mój pomocnik, a Lucius a Jason a Sosipater, moji přiwuzni.*

22. Postrowjam was tež ja Tertius, kiž sym list pisał, w Knjezu.*

23. Postrowja was Kajus,* mój hospodowař, a cyła zhromadźizna. Postrowja was Erastus, měščanski dokhódnik, a bratr Quartus.

24. Hnada našeho Knjeza Jězusa Khrystusa budź z wami wšěmi. Amen.

25. Tomu pak, kotryž móže was posylnić z pohladom na moje ewangelium a přédowanje Jězusa Khrystusa po zjewjenju potajnstwa, wot wěčnych časow zakhowaneho,

26. Nětko pak wozjewjeneho z pismami profetow po přikazni wěčneho Boha k poslušnosći wěry, wšitkim ludam připowědženeho, —

27. Samomu mudremu Bohu (budź khwala) přez Jězusa Khrystusa, kotremuž budź česć a khwala wěki na wěki. Amen.

15. Wo tychle wosobach so ničo wěste njewě, jeno zo bě Rufus syn Symana Cyrenejskeho; hl. Mark. 15, 21. — 16. Greksy a Romscy postrowjachu so z wokošenjom; pola křesćanow ma wokošenje so stać ze swjatej lubosću. — 17. Tu na koncu lista napomina Pawoł, zo bychu so tajkich wobarali, kotřiž wopacnu wučbu rozšěrjeju. — 18. t. r. swojemu časnemu wužitkej. — 19. t. r. dobre dyrbiće derje znać, w złych skutkach pak njewědomni być. — 20. Bóh pokoja njech djaboła překory, t. r. wšěch bludnych wučerjow rozmjeć, zo by w romakej wosadze dobra jednota we wěrje wostała. Tuto přeće s. Pawoła je so derje dopjelnilo. — 21. Timotheus, hl. Jap. sk. 16, 1; Lucius, hl. Jap. sk. 13, 1, snadź tón samy; Jason, hl. Jap. sk. 17, 5, snadź tón samy; Sosipater, hl. Jap. sk. 20, 4, snadź ta sama wosoba, kotraž tam so mjenuje Sopater. — 22. Tertius bě list pisał, dokelž Pawoł swoje listy diktowaše. — 23. Pola Kaja Pawoł bydleše. Erastus, hl. Jap. sk. 19, 22; 2. Tim. 4, 20. — 25—27. To je jadriwe skónčenje cyłego lista. S. Pawoł khwali tu z mócnymi słowami Boha za wumóžeński skutk, tamnu hluboku potajnosť, kotraž bě wot wěčnosti wobzamknjena, ale hišće zamjelčana, nětko pak we ewangeliju Jězusem wšitkim ludam wozjewjena. W pismach profetow bu tale slubjena potajnosť připowědana, a w ewangeliju namaka dopjelnjenje, a w rozšěrjenju ewangelia bu spóznata tež samym pohanam. Za to budź česć a khwala Bohu a Jězusej Khrystusej wěki na wěki.



PRËNI LIST S. JAPOŠTOŁA PAWOŁA NA KORINTHSKICH.

STAW I.

Pawoł dzakuje so Bohu za dary, Korinthskim date. Tola pak wobžaruje, zo je mjez nimi překora wo křćijerjach, a wjeseli so, zo posłany k přédowanju ewangelia je mało jich křćil; dopokazuje, zo je mudrosć swěta začisnjena, nje-wučeni pak su wuzwoleni. Wumóženje je w Khrystusowej snjerći, kotrejež přédowanje je swětej blaznosć, wěriwym pak móc a mudrosć; přetož šotž je wot swěta zacpěte, wuzwoli Bóh, zo nchtó njeby we sebi samym so khwalił.

Pawoł, powołany japoštoł Jězusa Khrystusa přez wolu Božu, a bratr Sosthenes,*

2. Cyrkwi Božej, kotraž je w Korinthu, poswjećenym w Khrystusu Jězusu,* powołanym swjatym,** ze wšitkimi, kotřiž so wołaju k mjenu našeho Knjeza Jězusa Khrystusa, na kóždym měsće, na jich a našim.***

3. Hnada wam a pokoj wot Boha našeho Wótca a Knjeza Jězusa Khrystusa.

4. Džakuju so stajnje swojemu Bohu za was dla hnady Božej, kotraž je wam data w Khrystusu Jězusu,*

5. Zo sće ze wšim wobohaćeni we nim, z kóždym słowom a z kóždej wědomosću,*

6. Dokelž džě je swědćenje Khrystusowe wobtwjerdžene we was,*

7. Tak zo wam ničo njewotkhaďa na žanej hnadze, kotřiž woćakujete zjewjenje našeho Knjeza Jězusa Khrystusa,*

8. Kotryž was tež wobtwjerdži hać do kónca,* zo byšće bjez winy byli na dnju přikhada našeho Knjeza Jězusa Khrystusa.

9. Swěrný je Bóh, přez kotrehož sće powołani k zjednoćenstwu jeho Syna Jězusa Khrystusa našeho Knjeza.*

1. Thess. 5, 24.

10. Napominam pak was,* bratřa, přez mjeno našeho Knjeza, Jězusa Khrystusa, zo byšće wšitecy jenak so wuprajeli, a zo bychy rozščěpjenja mjez wami njebyle, ale zo byšće dospołni byli w tom samym zmysle a měnjenu.

I. 1. Sosthenes bě nahladny, křescanskej wosadze w Korinthu derje znaty muž, kotryž lě. hdyž Pawoł tónle list pisaše, w Efesu při nim. — 2. Korinthsku wosadu mjenuje Pawoł cyrkę Božu, dokelž je Bohu swjećena přez Jězusa Khrystusa, kotryž je wěriwym swoje hnady wudžěl. ** t. r. k swjatemu žiwjenju powołanym. *** t. r. kotřiž w Korinthu a tež tudy w Efesu, hdzi bštaj Pawoł a Sosthenes, do Khrystusa wěrja. — 4. Zo by sebi s. japoštoł wutroby Korinthskich, kotrychž dyrbješe kruće napominać, dobył, spomina najpředy na to, štož ma na nich khwalić, na wšelake hnady, kotrež su jim wot Khrystusa wudžělene. — 5. Dwoju hnadu mjenuje Pawoł wosebje, mjenujcy wučbu Jězusowu, swjate ewangelium, a prawe zrozymjenje tuteje wučby. — 6. Swědćenje Khrystusowe t. j. ewangelium, kotrež wo Khrystusu swědči a do kotrehož wy kruće wěriće. — 7. Kruta wěra płodži synu nadžiju na přikhad Khrystusowy, na zjewjenje jeho nětko njewidzomnje krasnosće. — 8. t. r. kotryž wam hnadu wobstajnosće dari. — 9. Bóh, kotryž je was powołał k wěrje Jězusowej, da wam, dokelž je swěrný, dalše dary k zbóžnosći. — 10. Po dlějšim zawoďe počina Pawoł z napominanjom; we Korinthskej wosadze běchu překory přez to nastale, zo jeni k tomu a druzy k druhemu wučerjej so dđeržachu. 8. Pawoł žada sebi, zo bychy so tajkeho stronistwa wotřekli, ewangelium kruće wěřili a wuznawali, njech je Pawoł, abo Apollo abo Kefas je wučil. Wulki džěl wosady měješe so k Pawolej, druhim pak lubješe so Apollo lěpje. dokelž z wulkej řečniwosću a swćtnej wědomosću swjate Pismo wukładowaše a křescanske wěrnosće rozestaješe. Židowscy křescenjo dđeržachu so zas s. Pětra, Kefasa, a njemějachu dowěry k japoštolej pohanow, k Pawolej; k tymle třom stronom, kotrež přewjele na nahladnosć čłowjeskich wučerjow dawachu, přindže štwórta, kotraž, zwonkowne wučerstwo sebi mało wažicy, so na Khrystusa samoho powoła. Wěrnosće wěry pak njepřejachu so wot žaneje strony, ale buchy wot wšitkich njepřeměnil wěrjene; jeno za tym hać mějachu jeni wjetše spodobanje na Pawole, běchu přiwisnicy Pawola, druzy přiwisnicy Apolla a třeci zas Kefasa abo Pětra. Swjaty Pawoł napomina jich, zo bychy wšitecy, njedžiwajcy na wšelakich wučerjow, Khrystusej slušeli, kotryž je za nich křžowany, kotryž je jich wumóžil, we kotrehož mjeno su křćeni.

11. Přetož mi bu wozjewjene wo was, moji bratra, wot domjacych Chloe,* zo su zwady mjez wami.

12. Měnju pak tuto, zo kóždy mjez wami praji: Ja wšak sym Pawołowy, ja pak Apollowy, ja pak Kefasowy, ja pak Khrystusowy.

Jap. sk. 18, 24.

13. Je Khrystus džěleny? Bu drje Pawoł křižowany za was? abo bušće we mjenje Pawoła křěćeni?*

14. Džakuju so Bohu, zo nikoho z was křćil njejsym, khiba Krispa a Kaja,

Jap. sk. 18, 8.

15. Zo by ničtó njerjekł, zo sće w mojim mjenje křěćeni.*

16. Sym pak tež Stefanasowy dom křćil; hewak njewěm, zo bych někoho drugeho křćil.

17. Přetož Khrystus njepósła mje křćić, ale evangelium přédować, nic w mudrosći słowa, zo by křiž Khrystusowy njebył poslabjeny.*

2. Pětr. 1, 16; niže 2, 1. 4. 18.

18. Přetož slovo křiža je wšak tym, kotřiž budža zhubjeni, blaznosć, tym pak, kotřiž budža wumóženi, to je nam, móc Boža.*

Rom. 1, 16.

19. Přetož pisane je: „Zniču mudrosć mudrych, a rozom rozomnych začisnu.“*

Is. 29, 14.

20. Hdže je mudry? hdže pismawučeny? hdže wurěčowať tohole swěta? Njesćini Bóh mudrosć tohole swěta blaznu?*

Is. 33, 18.

21. Přetož dokelž w Božej mudrosći swět přez mudrosć Boha njespózna, zespodoba so Bohu, přez blaznosć přédowanja wozbožić wěrjacych:*

22. Dokelž kaž Židža znamjenja žadaju, tak Greksy mudrosć pytaju;*

23. My pak přédujemy Khrystusa křižowaneho, Židam drje pohórsk, pohanam pak blaznosć,*

24. Ale powołanym samym, Židam a Grekskim, Khrystusa jako Božu móc a Božu mudrosć:*

25. Dokelž blaznosć na Bohu je mudřiša, dyžli čłowjekowje, a słabosć na Bohu je sylniša dyžli čłowjekowje.*

26. Přetož pohladajće na swoje powołanje, bratra, zo njejsu (powołani) mnozy mudri po mjasu, nic mnozy móćni, nic mnozy wosobni,*

11. Štó Chloe bě, njeje znate, najskerje wosobna žónska w Korintu, kotrejež přecelowje abo služownicy do Efesa přišedši, Pawołej wo nastatych překorach powědachu. — 18. Khrystus, kotryž je jeno jedyn, a tohodla tež jenu wučbu wučil, jeno jenu cyrkej založil, njehodí so džělić. — 15. Pawoł wjeseli so, zo njeje wina na tychle překorach, dokelž jeno porědko křćiješe, za to pak čim pilnišo přédowaše. — 17. Pawoł přédowaše z jasnymi ale jednorymi słowami; evangelium, wučba wo křižu t. j. wo wumóženju je sama na sebi tak móćna, zo wšitkich hnaje a přeměni; štóž ja z přewulkej čłowjeskej mudrosću wuhotuje, slabi křiž Khrystusowy, t. r. wučbu wo wumóženju, dokelž měni, zo čłowjesku podpěru potrebuje. — 18. Zhubjeni budža wšitcy čí, kotřiž do słowa křiža, t. r. do křižowaneho zbóžnika njewěrja, dokelž maju evangelium we swojim hordym duchu za blaznosć; wšitcy pak, kotřiž do słowa křiža wěrja, budža zbóžni; přetož za nich je wučba wo křižowanym zbóžniku potajna móc, kotraž jich žiwjenje přeměni a jich w počćiwosći wobkrući. — 19. Bóh znič mudrosć mudrych, hdyž to, štóž maju woni za mudre, hidži; to pak, štóž maju woni za blazne, wuzwoli, zo by přez to swoju mudrosć zjewil. — 20. Mudri tohole swěta, t. r. kotřiž na swoju samsnu mudrosć twarja, mudrosć wěry zaspěwajcy, su so minyli a jich wědomosć njepřinfese plodu. — 21. Swět, t. r. swětni čłowjekowje njespóznaču Boha z jeho skutkow, kotraž wón tola z wulkej mudrosću rjaduje; tohodla wobzamkny Bóh, zo chce z wučbu wo křižu, kotruž maju čile ludźo za blaznosć, wumóžić wšitkich, kotřiž do njeje wěrja. — 22. Židža žadaju džiwu a Greksy, t. j. pohanscy mudri wulke dopokazy, přjedy dyžli wěrja, jednorym słowam pak wěru zapowědžuju. — 23. Wučba, zo je Khrystus na křižu swět wumóžil, je za Židow, kotřiž móćneho swětného krala jako wumóžnika žadachu, pohórsk; za mudrowacych pohanow pak, kotřiž zapřijec njemóža, zo by přez smjerc na křižu swět wumóženy być móhl, je tale wučba blaznosć. — 24. Tym pak, kotřiž su přez hnadu Božu k wěrje powołani, je Khrystus na křižu najwjetši dopokaz Božej mocy a dobroćiwosće a mudrosće. — 25. Štóž čłowjekam na Božich skutkach blazne być so zda, je tola mudři, dyžli najmudřiše čłowjeske skutki, a štóž so na Božich skutkach slabe być zda, je tola móćniše, dyžli najmóćniše skutki čłowjekow. — 26. K wěrje njebuchu powołani mudri, kotřiž na swoju wědomosć twarja, nic móćni a wosobni, kotřiž so na tute swětné wěcy spušeju.

27. Ale štož je blazne před swětom, wuzwoli Bóh, zo by mudrych zahańbíl, a słabe před swětom wuzwoli Bóh, zo by mócne zahańbíl,

28. A nizke před swětom a zacpěte wuzwoli Bóh, a to štož njeje, zo by to, štož je, zničil,*

29. Tak zo by so njekhwalił před jeho wobličom žadyn čłowjek.*

30. Z njeho pak sće wy w Khrystusu Jězusu, kotryž bu nam mudrosć wot Boha, a wosprawnjenje a poswjećenje, a wumóženje,

Jer. 23, 5.

31. Zo by, kaž je pisane: „Kotryž so khwali, w Knjezu so khwalił.“*

Jer. 9, 23. 24; 2. Kor. 10, 17.

STAW II.

Pawoł dopokazuje, zo je Khrystusa, a to křižowaneho, z wulkej ponižnosću a z jednorymi słowami Korinthskim předował, hač runje k dospołnym tež w mudrosći swětej zakhowanej rěčeše, kotraž móže so jeno spóznać z Duchom Božim; přetož zmyslny čłowjek njezapřijima bóžske wěcy.

A ja, k wam přišedši, bratra, njepřindžech z wysokosću rěče abo mudrosće, swědčenje Khrystusowe wam připowěduju.*

Wyše 1, 17.

2. Přetož njewotmyslich sebi, zo bych

mjez wami něšto wědzał, khiba Jězusa Khrystusa, a toho jako křižowaneho.*

3. A ja běch w slabosći a bojosći a wulkim strachu pola was;* Jap. sk. 18, 1.

4. A moja rěč a moje předowanje (njesta so) z přemołwjacyimi słowami čłowjeskeje mudrosće, ale we wopokazmje ducha a mocy,*

5. Zo waša wěra njeby založena byla na čłowječu mudrosć, ale na móc Božu.

6. Mudrosć pak rěčimy mjez dospołnymi;* tola nic mudrosć tohole swěta, ani wječchow tohole swěta, kotřiž hinu;

7. Ale rěčimy mudrosć Božu w potajnosći,* kotraž bě zakhowana, kotruž Bóh předpostaji wot wěčnosće k našej krasnosći,

8. Kotruž žadyn z wječchow tohole swěta njespózna (přetož, hdy bych ju spóznał by, njebychu nihdy Knjeza krasnosće křižowali),*

9. Ale (předujemy), kaž je pisane: „Štož woko njeje widžalo, ani wucho słyšalo, ani do čłowjeskeje wutroby njeje přišlo, štož je Bóh přihotował tym, kotřiž jeho lubuja.“*

Is. 64, 4.

10. Nam pak Bóh to zjewi přez swójeho Ducha; přetož Duch přepytuje wšitko, tež hlubokosće Bože.*

28. Njemudrych před swětom je Bóh z wyššej mudrosću napjelnił, z kotrejž zahańbja wšitku swětnu mudrosć, slabych je z wyššej mocu wuhotował, z kotrejž wšu swětnu móc přewinu, a niskich a zacpětych před swětom je z česću wobdał, kotraž wšitku swětnu česć přewyšuje. — 29. Čłowjek njesmě ze swojey mocu a wosobnosću so khwalić. — 31. Wšitko dobra, wosebje mudrosć, kotraž wot Boha wukhadža, sprawnosć a swjatosć a wumóženje, přez kotrejž so hrěšnosć sběhny, maće wot Khrystusa, a w nim móžeće so khwalić.

II. 1. Tež ja sym wam z jednorymi słowami, a nic z wulkej rěčniwosću a čłowjeskej mudrosću ewangelium předował. — 2. Běch sebi předewzał, swoju mudrosć mjez wami skhować, a jeno znać Khrystusa, a wosebje jeho wumóžení skutk, kotryž je na křižu za nas dokonjał. — 3. Moje wustupjenje pola was bě bojazne, njemóžeće tohodla moje jednore słowa podpěrać. — 4. Moje předowanje njedosta swoju moc z mudrych dopokazow, z kotrymiž čłowjekowje druhich wo wěrnosći swojich słowow přesvědčić pytaju, ale z Ducha swjateho, kotryž posłucharjow rozawěta a k přijeću wěrnosće pohnuwa. — 6. Pódlu jednorych wěrnosći, kotrejž maju wšitcy wěrić, znaje a wuči Pawoł tych, kotřiž duchownemu žiwjenju so přiwučichu, wyššu mudrosć, t. j. cyle potajne wotpohladanje Bože, po kotrymž chce nas wumóžić a wozbožić. Tale mudrosć njeruna so mudrosći, kotraž džěći tohole swěta rozšěrjeju, kotraž stajnje so přeměnja, ale tale mudrosć je mudrosć, kotraž wěčnje wostawa. — 7. Tale Bóžska mudrosć je potajnosć, t. r. wučba, kotraž z čłowjeskim rozomom so njespózna, ale wot Boha so wozjewi. — 8. Tamni, kotřiž w swěće něšto plaća, wječchowje swěta, njezapřijimaju tule mudrosć, hewak njebychu Knjeza krasnosće, t. r. toho mórili, kotryž ma wšu krasnosć a ju tež swojim wumóženym wudžěla. — 9. Ze swojimi zmysłami a ze swojim rozomom njezapřijima čłowjek tule mudrosć Božu. — 10. Duch swjaty, kotryž Božske byće a Bóžske wotpohladanja znaje, a kotrehož amy dóstali, je to nam wěriwym zjewi.

11. Přetož što mjez čłowjekami wě, što je w čłowjeku, khiba čłowječi duch, kotryž je w nim? Tak tež njespózna nichto, što je Bože, khiba Duch Boží.*

12. My pak njedóstachmy ducha tohole swěta, ale Duoha, kotryž je z Boha, zo bychmy wědzeli, što je nam wot Boha darjene.*

13. Štož tež rěčimy, nic we wučenych słowach čłowjeskeje mudrośće, ale we wučbje Duoha, z duchownymi duchowne wěcy zjednočejcy.* Wyše 1, 17; 2. Pětr. 1, 16.

14. Zmyslny čłowjek wšak njezapřijima to, štož je Duoha Božeho; přetož to je jemu blaznosć, a njemóže to zrozumić, dokelž ma duchownje so rozsudźeć.*

15. Duchowny pak rozsudža wšitko, sam pak njebywa wot nikoho rozsudžany;*

16. „Přetož što spózna mysl Knjezowu, zo by jeho powučil?“ My pak mamy mysl Khrystusowu.*

Mudr. 9, 18; Is. 40, 30; Rom. 11, 34.

STAW III.

Zmyslnym Korinthskim njemóžeše Pawoł zakhowane potajnosće wěry přědować; přetož wa-

diachu so wo tych, kotřiž běchu jeno služownicy, hdyž móže Bóh sam přirost hnady a pócćiwosći dać, a Khrystus sam je zakład wěry; što je na njón derje abo špatnje twarił, pokaže so na sudnym dnju. Templ Boží, kotryž smy my, njesmě so skazyć a ze služownikami Božími njesmě so nichto chwalić.

Těž ja, bratřa, njemóžach k wam rěčeć jako duchownym,* ale jako čelnym. Jakož móličkim w Khrystusu

2. Podach wam mloko k piću, nic jědź; přetož hišće njezamóžešće (ju znjesć); ani nětko (to) hišće njemóžeće; přetož dotal sće čelni.*

3. Přetož hdyž je mjez wami žarliwosć a zwada,* njejsće snadź čelni a njekhodźiće po čłowjeskim?

4. Přetož hdyž něchtó praji: „Ja wšak sym Pawołowy, druhi pak: Ja Apollowy, njejsće tak čłowjekowje?“ Što potajkim je Apollo? što pak Pawoł?

5. Služownicy su toho, kotrehož wěriwi bušće, a to kóždy tak, jakož je Knjez (jemu) dal.*

6. Ja sym sadžal, Apollo je přiliwal; ale Bóh je zróst dal.

11. Jako jeno čłowjeski duch wě, što w čłowjeku so stawa, na čo wón myslí, za čim žada atd., tak znaje tež jeno Boží Duch Bože mysle a wotpohłady. — 12. Duoha swjateho, kotryž potajnosće Bože znaje, dóstachmy a zhonichmy tak wot njeho, što je Bóh za nas přihotował, a što nam hižo daril; přihotował je nam wětnu zbožnosć a daril je nam swojeho Syna a hnady, kotřež je nam tón zaslužil. — 13. Tute wot Duoha swjateho njewjane wěrnosće njepřědujemy ze słowami čłowjeskeje mudrośće, ale ze słowami, kotřež nas Duch swjaty wučí, dokelž duchowne naležnosće njesmědža ze swětnymi so měšć, ale maju jeno z duchownymi so sjednoćeć. — 14. Zmyslny čłowjek žada jeno za tym, štož jeho smyslam hoji, štož jemu tudy česć abo zamóženje abo wjeselo přihotuje; tohodla njerodźi wo to, štož Duch swjaty wozjewja, dokelž to njelubi so jeho zmyslam, tohodla to njezapřijima, dokelž duchowne naležnosće móža so srozumić, rozsudzić a wažić wot duchownje smyslenoho čłowjeka, t. r. wot tajkeho, kotrehož rozum je wot Duoha swjateho rozswešćeny, a kotrehož wola je posylujena, so žada Boha spóznać a jeho kasnje dopjelnić. — 15. Štož je wot s. Duoha rozswešćeny a wdošćen, spóznama a zamóže prawje rozsudźeć tež wšitke druge wěcy; mjez tym zo wón wot žanoho zmyslenoho čłowjeka prawje so spóznać a rozsudzić njemóže. — 16. Mysl Khrystusowa, t. r. jeho myslenje a wotpohladanje njemóže wot čłowjekow so zapřijeć, wjele mjenje mištrować, a tohodla njemóže tež zmyslny čłowjek nas, kotřiž mamy Khrystusowu mysl, t. r. kotřiž smy žiwi po Khrystusowej wučbje, prawje rozsudźeć.

III. 1. Pawoł zamołwja so, zo je Korinthskim jeno jednore wěrnosće přědował, dokelž w duchownym žiwjenju běchu hišće jara njedospołni, a tohodla njebychu potajnosće wěry zapřijeli; duch swěta knježeše hišće mjez nimi. — 2. Kaš džědom mloko k cyrobie so podawa, doniž kručiću jědź njeznjesu, tak dyrbachu so tež ke Korinthskim jednore wěrnosće přědować, doniž njeběchu w duchownym žiwjenju tak posyljeni, zo móžachu potajnosće znjesć. — 3. Dokelž su mjez wami tajke zwady, dopokazujuće, zo sće slabi čłowjekowje a zo waše žiwjenje njeje wot Duoha s. rjadowane, ale čłowjeskim wopačnosćam podćisnjene. — 4. t. r. slabi čłowjekowje, kotřiž hladajcy na pobočne wěcy, hlowne zabywaju. — 5. Pawoł a Apollo nještaj knjezaj, ale jeno služownikaj wašeho Knjeza Khrystusa, do kotrehož wěriće; wonaj služitaj jemu po měrje darow, kotruž jimaj Knjez wuděli.

7. Tuž njeje ani tón, kotryž sadža, něšto, ani kotryž přiliwa, ale kotryž zróst dawa, Bóh.*

8. Kotryž pak sadža a kotryž přiliwa, staj jene. Kóždy wšak dóstanje swoju mzdu po swojim džěle.*

Pa. 61, 18; Mat. 16, 27; Rom. 2, 6; Gal. 6, 5.

9. Přetož smy sobudželačerjo Boži; (wy) sće rola Boža, twar Boži.

10. Po hnadže Božej, kotraž bu mi data, jako mudry twarc položich zakład, druhu pak na njón twari; ale kóždy hladaj, kak na njón twari.*

11. Přetož druhu zakład njemóže ničtó položiť, khiba tón, kotryž je položeny, kotryž je Khrystus Jězus.*

12. Jelizo pak štó na tónle zakład twari złoto, slěbro, drohe kamjenje, drje-wo, syno, słomu,*

13. Budže kóždeho skutk zjawny; přetož Knjezowy dzeń jón wopokaže, dokelž we wohnju so zjewi; a kajki kóždeho skutk je, doswědči woheń sam.*

14. Wostanje-li něčeje džělo, kotrež je na njón twarił, dóstanje mzdu.*

15. Jelizo pak něčeje džělo so spali, změje škodu, wón sam pak budže wumóženy, tola tak, jako přez woheń.*

16. Njewěsće, zo sće templ Boži, a zo Duch Boži přebywa we was?*

17. Jelizo pak štó templ Boži skazy, toho Bóh zahubi. Přetož templ Boži je swjaty, a tón sće wy.*

Niže 6, 19; 2. Kor. 6, 16.

18. Nichtó sebje njezawjeď! Zda-li so někomu mjez wami, zo je mudry na tomle swěće, sćin so blazny, zo by mudry byl.*

19. Přetož mudrosć tohole swěta je blaznosć pola Boha. Přetož pisane je: „Popadnu mudrych w jich lesći.“*

Job. 5, 13.

20. A zaso: „Knjez znaje mysle mudrych, zo su prózdne.“ Pa. 93, 11.

21. Nichtó tohodla njekhwat so z čłowjekami.*

22. Přetož wšitko je waše:* njech je Pawoł, abo Apollo, abo Kefas, abo swět, abo žiwjenje, abo smjerć, abo přitomne, abo přichodne, přetož wšitko je waše;

7. Wosada je runje roli; Pawoł je najprjedy tam sadzał a słowo Bože wusywał; potom přiněsće Apollo, kotryž dale wučěše a to wobkrućeše, štož bě Pawoł založil; wobaj pak byštaj podarmo džělaćoj, njeby-li Bóh jeju prócu žohnował a symjenju rość dał. — 8. Wobaj, syjer a přiliwať, činitaj jenn a tu samu službu; po horliwosći, z kotrež swoju službu wukonjaj, dóstanjetaj pak wielaku mzdu. — 9. Pawoł přiruna Korinthsku wosadu z twarom, kotremuž je wón zakład položił, a druzi su na tomle zakładě dale twariłi; kóždy pak, kotryž tu twari, dyrbi kedźbować, zo mudrje dale twari, zo njeby ze swojim džělom twarej škodził. — 10. Zakład sam je Khrystus, t. j. jeho swjata wučba. — 11. Kottř dale twarja, móža na zakład klasć złoto, slěbro, drohe kamjenje, t. r. móža Jězusowu wučbu ze zahorjenym přédowanjom tak wujasnić, zo wjele druhich k jeje přijěću pohnu, abo móža syno abo słomu na zakład klasć, t. r. njepodpěraju ze swojim přédowanjom rozšěrjenje Jězusoweje wučby, a zadžěwaju jej skerje, dokelž swoje samsne nahłady a wučby cyle njetrěbnje přidawaju. — 12. Nětko drje wužitk abo škoda, kotraž so načini, jasnje so spóznać a rozsudzić njemóže, ale na sudnym dnju so to stanje; dokelž tónle dzeń rozjasni jako woheń wšitko, a zjewi, kajke bě kóždeho džělo. — 13. Wobstoi-li něčeje džělo pruhu wohnja, wopokaže-li so jako złoto abo slěbro a drohi kamjeń, dóstanje tajki wučer wěčne myto. — 14. Zahinje-li pak něčeje džělo při pruzy kaž drjewo, syno abo słoma we wohnju, změje tajki wučer wulku škodu, njesměje žanych zaslužbow, ale budže dyrbjeć so čisćić a swoje zakomdženja zapokućić w horjach, jako přez woheń, zo by zbóžny byl. — 15. W rjadkach 16—23 napomina s. Pawoł, zo njeby ničtó z prózdnyh słowami čłowjeskeje mudrosće swjatej wučby škodził. Kóždy wěriwy je templ Boži, dokelž Duch swjaty w nim bydlu. — 16. Hdyž dyrbješe hižo tamny, kotryž kamjeńny templ Boži wobškodźi, kručě so khostać, kak wjele wjacj tón, kotryž duchowny templ, wěriwu wosadu a wěriwu dušu kasy, jej město Božej mudrosće čłowjeske wučby podawajo. Jakož templ so ranić njesmědźeše, tak sće tež wy swjeći a dyrbjeće njezranjeni wostać. — 17. Nabožne překory přinědžechu wosebje z čłowjeskeje mudrosće, na kotruž so někotři spuščachu; tuž žada japoštoł, zo bychy tuteje čłowjeskeje mudrosće so wotrjekli, a tamnu prawu mudrosć přijeli, kotraž drje swětej jako blaznosć so zda, zo bychy takle woprawdže mudri byli. — 18. Runje w tom wopokaže so mudrosć tohole swěta jako blaznosć před Bohom, zo so w svojich kósylach popadnje. — 19. t. r. z čłowjeskimi wučbami a wučerjemi. — 20. t. r. wšitko je k wašemu wužitku a k wašemu spomóženju, wosebje tež waši

23. Wy pak sće Khrystusowi, Khrystus pak je Boži.*

STAW IV.

Wo služownikach Božich njesmě so khroble sudzić. Korinthskim so porokuje, zo ze služownikami a dóstatymi darami so khwala, jako bychu je wot sebje měli a so wuzběhujcy tež japoštołow začpěwaju, hač runje bě jich Pawoł w Khrystusu spłodził. Pawoł praji, zo w krótkim do Korinta přidźe, zo by wopačnych japoštołow khostał.

Tak měj nas čłowjek za služownikow Khrystusowych a wudźelerjow potajnosći Božich.*

2. Tu hižo žada so při wudźelerjach, zo by kóždy swěrný namakany byl.*

3. Mi pak je to za najmjeńše, zo bych wot was sudženy byl, abo wot čłowjeskeho sudu; ale ani sam sebje njesudžu.

4. Přetož ničoho drje sebi wědomy njejsym, ale w tom njejsym wosprawnjeny; kotryž pak nje sudží, je Knjez.*

5. Tohodla njesudźće do časa, přjedy hač Knjez přidźe, kotryž tež rozswětli, štož je w čmě zakhowane, a mysle wutrobow wozjewi; a tehdy budźe kóždemu khwalba wot Boha.*

6. **T**o pak, bratřa, sym wobročil na sebje

wučerjo; tohodla njeslušeće wy jim, ale wjele wjacy woni wam, a to jedyn tomu, druhu druhemu, ale wšitcy wšitkim; tohorunja słuša wšo druge wam, dokelž k wašemu zbožu tu je a služu. — 23. Wy sami njeslušeće žanomu čłowjekej, ale jeno Khrystusej; wón je waš wjerch a knjez. Khrystus pak słuša Bohu jako Syn Boží, a tak słušeće tež wy w Khrystusu Bohu.

IV. 1. Wučerjo evangelia su wšitcy služownicy Khrystusowi, Khrystusowu wučbu předujoy a Bože hnady wudźelejcy; tohodla njesmě jedyn so přewysoko wažić, a druhu začpěwać, dokelž přěni z wjetšej čłowjeskej wědomosću wuči, druhu pak jednorišo. — 2. Swěrný dyrbi wučer a wudźeleř potajnosći Božich być, t. r. dyrbi wučby a hnady swójeho Knjeza njeskažene a njepřikrótsene wudźeleć a rozšěrjenje Knjezoweje česće žadać. — 4. t. r. ja wšak na to njeđiwam, kak čłowjekowje moje skutkowanje rozsudźeju, a tež na swóje měnjenje so njespušćam, ale dowěrjam so cyle Knjezej. — 5. Wěriwi nimaju wučerjow sudzić, Khrystus sam jako wšohowědomy budźe jich sudzić a po jeho sprawnym rozsudźenju dóstanje kóždy khwalbu, t. r. zasłuženu mzdu. — 6. Štož sym wo wučerjach prajił, plaći wo wšitkich, sym pak wosebiće wo sebi a wo Apolle prajił, zo byšće po naju přikładze nawukli, sebje samych prawje spóznać, zo byšće njepřestupili kaznju pisma: „njech so njekhwali před nim žadyn čłowjek“, zo by jena strona nad drugej so njewuzběhowała a za lěpsu so měla. — 7. Mjez wami jako křesćanami rozdźěla nječinju; wšitcy sće dóstali te same kubła a hnady, a nichtó nima so naduwać a nad druhimi so wuzběhować. — 8. Wy sebi myslíte, zo sće hižo přenadobnje duchowne kubła dóstali, a zo žanoho powučjenja njepotrěbujete, haj zo hižo knježiće, t. r. zo maće njebieske kralstwo cyle wěste, a to bjez mojeje podpěry, kotryž sym was wo ewangeliu najprjedy rozwučował. A nětko Pawoł přistaji: O hdy by to wěrnó bylo, dokelž potom bych tež ja nadžiju měł na njebieske kralstwo. — 9. Přeju sebi, zo by to, štož sebi myslíte, zo sće wěrnó bylo, dokelž moje wobstojenja a te wšěch japoštołow njejsu podobne knježenju; smy skerje na poslednim, najnižšim měsće, a runja na smjerc wotsudženym, na kotrychž cyły swět, jandželowje a čłowjekowje woči wobroćeju. — 10. Mjez tym zo maće so wy za nudrych, sylnych a česćenych, maju nas ludžo za blaznych, słabych a nizkich. — 11. Nimamy wobstajneho města, ale dyrbinu čekać z jenocho do druhého. — 12. Při starosći za duchowne naležnosće dyrbinu tež z rukomaj

a na Apollu was dla, zo byšće na namaj nawukli, tak zo by wyše toho, štož je pisane, jedyn za druhého so njenuduwał přeciwo třěćemu.*

7. Přetož štož tebe rozeznawa?* Što pak maš, štož njeđosta? hdyž pak dósta, pře čo so khwališ, jako by njeđostał?

8. Hižo sće nasyceni, hižo sće wobohaćeni, bjez nas knježiće; a zo byšće tola knježili, tak zo bychmy tež my z wami knježili!*

9. Přetož měnju, zo je Bóh nas japoštołow za najposlednišich pokazal jako k smjerci postajenych, dokelž smy na wobhladanje sćinjeni swětej a jandželam a čłowjekam:*

10. My [smy] blazniwi Khrystusa dla, wy pak mudri w Khrystusu; my slabi, wy pak sylni; wy česćeni, my pak začpěći.*

11. Hač do teje hodžiny čerpimy hlód a lačnosť, a smy nazy a z pjasćemi bići, a smy bjez statoka.*

12. A prócujemy so ze swojimaj rukomaj džělajcy; smy pokleći a žohnujemy; smy přescěhání a čerpimy to;

Jap. sk. 20, 34; 1. Thess. 2, 9; 2. Thess. 3, 8.

13. Smy hanjeni a wotprošujemy; jako smjeće toho swěta smy sčinjeni, wuplusk pola wšěch hač dotal.*

14. Njepišu to, zo bych was wohańbíl, ale napominam was jako svojich najlubšich synow.*

15. Přetož byšće-li džesać tysac wučerjow měli w Khrystusu, tola ninaće mnohich nanow. Přetož w Khrystusu Jězusu přez ewangelium sym ja was spłodźil.*

16. Prošu was tohodla, budźće moji scěhowarjo, jako sym tež ja Khrystusowy.*

17. Tuž pólach k wam Timothea, kotryž je mój najlubši syn a swěrný w Knjezu, kotryž was dopomni na moje puće, kotrež su w Khrystusu Jězusu, kaž wšudže w kóždej cyrkwi wuču.*

18. Ale jako bych njeměl k wam přinć, tak su někotři nadući.*

19. Přidu pak k wam bórzy, zechce-li Knjez, a póznaju, nic rěče nadutych, ale móc.*

20. Přetož kralestwo Bože njeje w rěčach, ale w mocy.*

21. Što chceće? Mam z prutom k wam přinć, abo w lubosći a w duchu cicho-myslnosće?*

STAW V.

Japoštoł porokuje Korinthskim, zo čłowjeka, ki je w zjawnym njekmanstwe žiwy, mjez soba čerpja; wón jeho djabołej podawa, a napomina zo bych po wurjedźenju hrěšneho zakisa w čistosći jutry swjećili; wón njehce, zo bycha wobkhaď měli ze zjawnymi hrěšnikami.

Z cyla slyši so, zo je mjez wami kurwafstwo, a to tajke kurwafstwo, kajke ani mjez pohanami njeje, tak zo by něchtó žonu swojeho nana měl.*

3. Móž. 18, 7. 8.

2. A wy sće nadući, a njemějeće radši zrudobu, zo by wuhnaty byl z wašeje srjedźiny, kotryž je tajki skutk sčinił.*

3. Ja zdaleny drje po čěle, tola přitomny po duchu, sym hižo sudźil, jako bych přitomny byl, toho, kotryž je tajke činił.*

4. Zo by, w mjenje našeho Knjeza Jězusa Khrystusa, w kotrymž sće wy zhromadźeni a mój duch, z mocu našeho Knjeza Jězusa,*

5. Tajkile přepodaty byl djabołej k zahubjenju čěla, tak zo by duch wumóženy byl na dnju našeho Knjeza Jězusa Khrystusa.*

6. Dobře njeje vaše khwalenje. Njewěšće, zo mało zakisa wšitke čěsto zakisuje?*

dželać, zo bychmy so zežiwili. — 13. Za wšu křiwdu, kotruž čerpimy, činimy wšěm dobre, a tola zacypěwaju nas jako najnižšu wěc. — 14. t. r. njehcu was z tymle rozestajenjom wohańbíc, ale čka napominać, zo byšće ponižnišo wo sebi myslili. — 15. K tajkemu napominanju mam ja prawo: ja sym waš duchowny wótc, duchowne žiwjenje hnady wam podawši; druzy wučerjo móžachu tuto žiwjenje jenož podpěrać a posylnjeć. — 16. Kaž syn nana scěhuje, tak tež wy činiće. — 17. Timotheus (hl. Jap. sk. 16, 1) was dopomina na moje skutkowanje, wosebje na moje wučenje. — 18. Někotři přečiwicy běchu tak njerozomni, zo sebi myslachu, zo Pawoł so jich boji. — 19. Njezměju kóždu, što rěča, ale što dokonjeju. — 20. Kralestwo Bože njerozšěrja a njewobtwjerdža so mjez čłowjekami z rěčemi, ale ze žiwje mocu přikłada. — 21. Wot wašeho dalšeho zadźerženja budźe wotwisować, mam-li was khostać abo w lubosći wam wodać.

V. 1. Pawoł napominaše Korinthskich dotal powšitkownje, nětko přikroči k jednotliwym hrěchan; najprjedy žada, zo bychy njěčistoty so zdalowali a njekmanych z wasady wustorčili. wosebje čłowjeka, kotryž bě njepócěwje žiwy ze swojej přirodnej maćerju. — 2. Wy so nadawašće ze swojej wědomosću; wjacny winy pak měješće žarować, a tajkeho kurwarja z wasady wustorčić. — 3. Štož dyrbjachu Korinthscy dawno činić, čini nětko s. Pawoł, wón wuzamkny tamneho čłowjeka z cyrkwy. — 4. Pawoł sudži w mjenje, t. r. z poňmocu a po woli Jězusowej; a čuje so, kaž je po duchu w Korinthu přitomny, z wěriwyni zjednočeny. — 5. Štož je z cyrkwy wuzamknjeny, připadnje zas djabołej, wjerčej tohole swěta, kotremuž bě jeho Jězus wutorlnył, do cyrkwy jeho přijawši. Tola hrěšnik ma nic jeno so khostać, ale so nakazać; mjaso, t. r. mjasna nakhilnosć, žórlo hrěcha ma zahyněć, zo by duch zaso knjezić počal a přez pokutu k hnadze Božej přišel, a tak na sudnym dnju wumóženy byl. — 6. Pawoł khosta tohodla tak kruće, zo by strach so wobwobroćil, kotryž přez tajki přikład druhim hrozeše; přetož jakož mało zakisa cyle čěsto zakisa, tak natyknje jedyn hrěšnik cyłu wasadu.

7. Wučisće stary zakis, zo byšće nowy rozměšk byli, jakož sće njenakisani.* Přetož naše jutrowne jehujo je woprowane, Khrystus.**

8. Tuž swjećmy jutry nic w starym zakisu, ani w zakisu zlóscě a njekmanstwa, ale w njekisanyh khlěbje swěry a wěrnosće.*

9. Napisach wam w lisće,* zo byšće njewobkhađzeli z kurwarjemi;

10. Nic z cyła z kurwarjemi toho swěta, abo nahrabnymi, abo rubježnikami, abo přibóžnikami; hewak džě byšće dyrbjeli z toho swěta wuńć.*

11. Nětko pak napisach wam, zo byšće njewobkhađzeli; je-li tón, kotryž bratr rěka, kurwař abo nahrabny abo přiboham služacy abo klejeř abo wopile abo rubježnik, z tajkim ani njejězće.*

12. Přetož čohodla bych sudžił tych, kotřiž su zwonka? Njesudžiće wy tych, kotřiž su znutřka?

13. Přetož tych, kotřiž su zwonka, bu-

dže Bóh sudzić. Wustorće zleho sami ze sebje.*

STAW VI.

Pawoł porokuje tym, kotřiž swójeho prawa pytaju pola pohanskeho sudnika. Mjenuje někotře hrěchi; kotřiž tak zhrěša, njeprěidu do nje-bjeskeho kralestwa; praji, zo drje móže něšto dowolene być, ale tola njewužitne; a dopokazuje, zo maju kurwařstwa so zdalować.

Zwaži so něchtó z was, kotryž ma skóřžbu přeciwo druhemu, prawować před njeprawymi, a nic před swjatymi?*

2. Njewěšće, zo budža swjeći tónle swět sudzić? a budže-li wot was swět sudženy, sće njehódni, zo wo najmjeńších wěcach sudžiće?*

3. Njewěšće, zo budžemy jandželow sudzić? čím bóle swětně wěcy.*

4. Změjeće-li potajkim wo swětnych wěcach sudzić, postajće k sudženju tych, kotřiž su w cyrkwi zacpěci;*

5. K wašemu wohańbjenju to praju. Njeje snadź mjez wami nichtó mudry, kotryž by sudzić móhl mjez swojim bratrom?*

7. Jakož ma wosada tamny hrěšny zakis, t. j. tamneho njekmanika wustorčić, tak dyrhja wšitcy ze swójeje wutrohy stary zakis, t. r. wšu hrěšnosť wupokazać, zo bychu nowy čisty rozměšk byli, t. r. duchownje cyle wobnowjeni ludžo jakož njekisani, t. r. na kotrychž hrěch wjacý nima. Tuto přirunanje je wzate z přikaznje, po kotrejž dyrhješe so před jutrami wšitkón kisany khlěb hač do najposleńšeje srjódky z domu wotnjese, a potom hakle přihotowachu so nowe jutrowne khlěby. ** Khrystus je wěrne jutrowne jehno, kotřež bu za nas woprowane. Židowske jutrowne jehno jeno pokazowaše na Jězusa; dokelž pak w židowskim domje kisany khlěb być njesmědžeše, hdyž jich jutrowne jehno so zarěza, čím wjacý dyrbja křesćenjo so starać, zo wšón zakis, t. r. hrěch ze wutrohy wupokazuju, jelizo chcedža džěl mčě na wěrnym jutrownym jehnjeću, na Khrystusu. — 8. Naše cyłe žiwjenje je takrjec duchowna jutrownička, dokelž je wěrne jutrowne jehno za nas morjene, a my džěl bjerjemy na jeho zaslužbach; tohodla pak dyrbi tež naše žiwjenje hjez hrěcha, čiste a bohupodobne być. — 9. Pawoł bě to Korinthskim w jenom lisće napisal, kotryž pak je so zhubił; wón bu wopačnje zrozumjeny, jako bychu so wobkhađa z cyła ze wšěmi tajkimi hrěšnikami zdalować měli, njedžiwajcy na to, hač su wěriwi abo njewěriwi. Pawoł zakaza jim jeno, tajkich zjawnych hrěšnikow so zdalować, kotřiž su křesćenjo; přetož wšěch hrěšnikow tohole swěta, t. r. pohanow so zdalować, je njemóžno. — 10. Z tajkimi zjawnymi hrěšnikami nimaje ani w towařšnym žiwjenju so skhađžować. — 11. Kotryž bratr rěka, t. j. kotryž je po wěrje bratr. Nimam prawa sudzić tych, kotřiž su zwonka cyrkwe, njewěriwych abo pohanow, ale jeno subustawy křesćanskeje wosady. — 13. Njewěriwych přewostajmy sudej Božemu, my pak so starajmy, zo by mjez nami njekmanik njebył.

VI. 1. Pawoł porokuje Korinthskim, zo swóje skóřžby mjez sobu wot pohanskich sudnikow rozsudzić dawaju, a žada, zo bychu sebi změrcow mjez sobu wuzwoleli. Pohanow mjenuje „njesprawnnych“, dokelž njeběchu, kaž křesćenjo, kotrychž „swjatych“ mjenuje, dostali sprawnosć, abo wosprawnjenje, kotřež je jeno w Jězusu. — 2. Wěriwi budža něhdy swět, t. r. njewěriwych sudzić, dokelž z Khrystusom k sudu přidu a budža jeho rozsud khwalić; čím skerje pak móža njewažniše swětně naležnosće rozsudzić. — 3. Njeposlušni jandželowje budža tež při powšitkownym sudže wot Khrystusa posledni rozsud słyšeć, a tohodla změja wěriwi tež podžěl na sudže jandželow. — 4. Hdyž su wěriwi powołani, zo bychu jandželow sudžili, su najnižši we wosadze powołani, tež swětně naležnosće rozsudzić. — 5. Stajeće na mudrosć pohanow wjetšu dowěru, dyžli na swoju? To by hańba za was była, hdyž maće so tola hewak za tak mudrych.

6. Ale bratr z bratrom prawo pyta, a to pola njewěriwych.

7. Wšak je hižo z cyla njedostatk mjez wami, zo maće mjez sobu skórzby. Čohodla radši křiwdu njeznjesće? Čohodla radši škodu nječerpiće? Mat. 5, 39;

Luk. 6, 29; Rom. 12, 17; 1. Thess. 4, 6.

8. Ale wy křiwdu činiće a škodźiće, a to bratram.

9. Abo njewěsće, zo njesprawni kralestwo Bože njewobsydnú? Njemylće so: ani kurwarjo, ani služownicy přibohow, ani mandželstwalamarjo,

10. Ani mjehkliwey, ani mužolóžnicy, ani paduši, ani nahrabni, ani wopilecy, ani klejerjo, ani rubježni njewobsydnú kralestwo Bože.

11. A tajcy někotři běšće; ale sće wotmyći, ale sće swjećeni, ale sće wosprawneni w mjenje našeho Knjeza Jězusa Khrystusa a w Duchu našeho Boha.*

12. Wšitko je mi dowolene, ale wšitko njeje wužitne. Wšitko je mi dowolene, ale ja nimam wot ničoho z mocu podčisnjeny być.*

13. Jědź je za brjuch a brjuch za jědźe;

Bóh pak zniči tamny a tute; čěło pak njeje za kurwaństwo, ale za Knjeza a Knjez za čěło.

14. Bóh pak je Knjeza zbudził; to nas zbudži ze swojej mocu.*

15. Njewěsće, zo su waše čěla stawy Khrystusowe? Mam potajkim stawy Khrystusowe wzac a z nich stawy kurwy sćinić? Nihdy.*

16. Abo njewěsće, zo je, štož kurwy so dźerži, z nej jene čělo? „Přetož buďdžetaj (praji) dwaj w jenom čěle.“

1. Mójz. 2, 24; Mat. 19, 5; Mark. 10, 8; Efes. 5, 31.

17. Štož pak Knjeza so dźerži, je (z nim) jedyn duch.*

18. Čěkajće kurwaństwu. Kóždy hrěch, kotryžkuli čłowjek čini, je zwonka čěla; štož pak kurwi, hrěši přeciwu swojemu čělu.*

19. Abo njewěsće, zo su waše stawy templ Ducha swjateho, kiž je we was kotrehož maće wot Boha, a njejsće (sam) swoj?*

Wyše 3, 17; 2. Kor. 6, 16.

20. Přetož droho sće wukupjeni! Khwalće a nošće Boha w swojim čěle.*

9. Wy so zadźeržiće, jako byšće njewědzeli, zo kóždy njesprawnosć z njehjeskeho kralestwa wuzamkne. — 11. Doniž běšće pohani, sluzěšće z dźěla tymle hrěcham, nětko pak sće přez hnyla Knjeza Jězusa Khrystusa wučisćeni. — 12. S. japoštoł wobroća so přeciwu tym, kotřiž samu njecistotu zamołwjaachu a jako dowolenu wudawachu. Wón bě sam prajił: wšitko je dowolene, to pak jenož wo zakazach Mójesoweho zakonja w nastupanju wšelakich jědźi, ale nie wo drulich zakazach zakonja Božeho, kaž to někotři bludnicy wučachu; haj s. japoštoł swoje słowa hišće dal wobmjezuje, zo je tež to, štož je samo na sebi dowolene, druldy škódne, hdyž so bližšemu z tym pohórsk dawa, abo hdyž hrěšne nakhilnosće z tym tak wosylnjeju, zo su jako jich poddani. — 14. Bludnicy wučachu: kaž ma so žadanje za jědźu spokojić, tak tež žadanje njasných nakhilnosć. Pawoł to wotpokazuje a wučí, zo je njez tym wulki rozděl; žoldk mjenujcy a brjuch je za jědź přehotowany, jako tež jědź za brjuch, ale čělo je za Knjeza stworjene, zo by jemu služilo, a Knjez za čělo, zo by je poswjećil. Jědź a brjuch njejsť na wěčne zjednočenej, ale w smjerći a w přetlaču přestanjetaj z jenožo być. Čělo ma wěčne wstać, a po smjerći zbudži je Bóh, wěčne za tak Knjezej přislušeć, a Knjez jemu; tohodla njesmě čělo kurwaństwu služić. — 15. Stawy naše čěla su stawy Khrystusowe, w kurwaństwie bjerje čłowjek Khrystusej takrjec swoje stawy, zo by je kurwy přepodał. — 17. Štož so cyle Khrystusej přepoda a jemu słuša, dóstanje Khrystusoweho ducha, tak zo myslí a žada, štož Khrystus, z nim je we wšim tak zjednočeny, jako by z nim jenožo ducha měl. — 18. t. r. žadyn hrěch njewohlidži čłowjeje čělo tak jara, jako kurwaństwo. — 19. Přez křćenje bu čłowjek templ Ducha swjateho, kotryž w nim bydlí, w nim potajnje skutkuje: z kurwaństwom wonječesć so potajkim swjatnica Ducha swjateho. — 20. Swoje čělo kurwaństwu trjebajo mjenje so čłowjek toho, štož jemu njesluša, dokelž wón njesluša sebi, ale zbóžnikaj, kotryž je jeho ze swojej drohej křwju wukupił. ** Hdyž tak Bóh we was bydlí, njesměće jeho z nječesć wonječesć, ale dyrbiće ze swojim čělom jemu swěrnje služić a jeho khwalić.

STAW VII.

Pawoł rozwuča Korinthskich wo mandželstwje a jeho wužiwanju a njerozdźělnym zwjazku; nježenjenym poručuje knježnistwo, a praji, kak ma so wěriwy z njewěriwej mandželskej zadźeržeć, a zo by kóždy w postajenju zwostał, w kotrymž bu powołany. Knježnistwo staja mandželstwu do přědka; po mužowej smjerći je žona swobodna, zo by so wudała, komuž chce.

Wo čimž pak mi pisašće, je derje za ćlowjeka, zo žónskeje so njedótka;

2. Kurwařstwa dla pak njech ma kóždy swoju žonu a kóždy njech ma swojeho muža.*

3. Žonje njech muž čini winowatosć, podobnje pak tež žona mužej.*

4. Žona nima móc nad swojim ćělom, ale muž. Tohorunja tež muž nima móc nad swojim ćělom, ale žona.*

5. Njezarjekńtaj sebi, khiba po zwolenju wobeju na čas, zo byštaj so podało k modlenju, a zaso so zjednoćtaj, zo by waju djabol njespytował waju njezdźeržliwosće dla.*

6. To pak wam praju jako dowolenje, nie jako poručnosć.*

7. Přetož cheu, zo byšće wšitecy byli, kaž ja sam; ale kóždy ma swój wo-

sebito dar wot Boha: jedyn tak, druhu pak hinak.*

8. Praju pak nježenjenym a wudowam: Derje je jim, jelizo tak wostanu, kaž ja.

9. Jelizo su njezdźeržliwi, njech do mandželstwa stupja; lěpje je so wudać, dyžli so horić.*

10. Tym pak, kotřiž su w mandželstwje zjednoćeni, přikazuju, nie ja, ale Knjez, zo by žona wot muža so njedźělila.

Mat. 5, 32; 19, 9; Mark. 10, 9; Luk. 16, 18.

11. Je-li pak so dźělila, njech wostanje njewudata, abo njech so z mužom zjedna. Tež muž njech žonu wot so njepušći.*

12. Druhim pak praju ja, nie Knjez: Ma-li bratr njewěriwu žonu, a zwoli-li wona z nim bydlić, njech ju wot so njepušći.

13. A ma-li wěriwa žona njewěriweho muža, a zwoli-li wón z njej bydlić, njech muža wot so njepušći;*

14. Přetož swjatosćeny je njewěriwy muž přez wěriwu žonu, a swjatosćena je njewěriwa žona přez wěriweho muža; hewak bychu waše dźěći nječiste byle, nětko pak su swjate.*

VII. 2. K napominanju, zo bychu kurwařstwa so zdalowali, přistaja s. Pawoł powučenje wo mandželstwje a knježnistwje. Zda so, zo běchu někotři jeho słowa, z kotrymiž knježniske žiwjenje khwaleše, tak zrozumi, jako by wone winowatosć było a mandželstwo z cyła hrěšne. Tohodla powuči s. Pawoł Korinthskich wo tejle wažnej wěcy, a praji najprjedy, zo je derje, žónskeje so njedótkać, t. r. zo kóždy lóže k dospołnosći a k zbóžnosći přindze, kiž so nježeni, zo pak je za kóždeho, kotryž zdźeržliwy być njemóže, mandželstwo dowolena, haj dobra wěc, zo by z kurwařstwom njezbrěšił. — 3. Mandželstwo wužiwać je dowolene, haj najbóle winowatosć. — 4. W mandželstwje přepodataj sebi mandželskaj prawo na swojej čěle, a jedyn knježi nad čělom druhého, tak jako nad swojim. — 5. Jeni hdyž wobaj do toho zwolitaj, móžetaj na čas zdźeržliwaj wostać, wosebje hdyž mataj wyšše winowatosće a hdyž duchowny wužitk pytataj. — 6. To, zo so na čas wužiwanja mandželstwa zdźeržitaj, a potom sebi je zaso dowolitaj; to ja radžu, zo njebyštaj wot čěžskich spytowanjow bylotj předobytaj, njezakazuju pak, zdźeržliwosć tež za cyłe žiwjenje sebi slubić. — 7. Přegu drje sebi, zo byšće wšitecy zdźeržliwi byli, kaž ja, tola k tomu słuša wosebita hnada Boža, kotraž w tom wobstoi, zo Bóh mjasne nakhilnosće wostabi a móc ducha za to posylni. — 9. Jelizo su jich nakhilnosće tak synle, zo je předobyt njemóža, njech do mandželstwa zastupja, dokelž hač runje je mandželstwo njedospołniše dyžli knježnistwo, je tola lěpše, dyžli njepřestawace žadanje za skutkami nječistoty. — 11. Mandželstwo mjez křesćanami je njedźělnome. Jelizo pak dyrbjestaj so muž a žona z wažnych winow dźělić, njesmětaj do noweho mandželstwa stupić, ale dyrbitaj so mjez sobu wujednać, a njeje-li to móžno, dźělenaj wostać, dokelž mandželski zwjazk mjez nimaj wostanje a njedowoli druhe mandželstwo. — 13. Hinak pak sudži s. japoštoł wo mandželstwje mjez wěriwymi a njewěriwymi, mjez křesćanami a pohanami; tu pak rěči wón wo takich mandželstwach, do kotrychž dwaj njewěriwaj stupištaj, z kotrejuž jedyn křesćanstwo při ja. Tuž sudži Pawoł, zo křesćan njesmě bjez winy mandželstwo dźělić, chce-li pohan z nim w pokoju wostać; jelizo pak pohan nochce, zo by mandželstwo dale wobstało, a so dźěli, njeje tež křesćan dale zwjazany. — 14. S. japoštoł wuči, zo by wužiwanjom takjeho mandželstwa wěriwy njewěriwemu wot swojeje swjatosće sobudźěli, a jeho tak zwonkownje, po čěle swjatosći, a tele swjatosćenje po čěle móže jeho

15. Jelizo pak njewěriwy so džěli, njech so džěli; přetož njeje zwotročeny bratr ani sotra w tychle wobstojnosćach; w pokoju pak je Bóh nas powolał.*

16. Přetož wot koho wěš, žona, zo muža wumóžiš? abo wot koho wěš, muž, zo žonu wumóžiš?*

17. Njeh jeno, kaž jemu Bóh wudžěli, kaž kóžděho Bóh powola, tak khodži, a kaž we wšitkich cyrkwach wuču.*

18. Bu-li něchtó jako wobřezany powołany? njenaćeń sebi wobřezk. Bu-li něchtó we wobřezku powołany? njedaj so wobřezac.

19. Wobřezanje ničo njeje a wobřezk ničo njeje, ale wobkedźbowanje Božich kazni.*

20. Kóždy wostań we powołanju, w kotrymž je powołany. Efes. 4. 1.

21. Sy-li jako wotročk powołany? njeh će to njestara; ale móžeš-li swobodny być, wužij radši to.*

22. Přetož štóž bu w Knjezu powołany jako wotročk, je Knjezowy wuswobodźenc; tohorunja, štóž bu jako swobodny powołany, je wotročk Chrystusowy.*

23. Droho sće wukupjeni, njebudźće wotročcy čłowjekow.

24. W čimž je kóždy powołany, bratřa, w tom njeh wostanje před Bohom.*

25. Wo knježnach pak nimam přikaznje Knjezoweje; radu pak dawam, jako tón, kotryž je wot Knjeza wobhnadźeny, zo by swěrný byl.*

26. Mam tohodla za to hrožaceje nuzdla, zo je za čłowjeka derje, tajki wostać.*

27. Sy-li zwjazany k žonje, njepytaj rozwjazanja. Sy-li njewjazany wot žony, njepytaj žonu.*

28. Sy-li pak sebi žonu wzal, njesy zhrěšil; a je-li so knježna wudala, njeje zhrěšila; tola česnosť ćěla změja tajcy. Ja pak was (z tym) přepnušcam.*

29. Tuž praju to, bratřa: Čas je krótki; zbywa jenož, zo bychy tež ći, kotřiž žony maju, byli, jako bychy je njeměli.

30. A kotřiž plakaju, jako bychy njepalakali, a kotřiž so wjesela, jako bychy so njewjeseleli, a kotřiž kupuja, jako bychy njeměli.

31. A kotřiž tón swět wužiwaju, jako bychy jón njewužiwali; přetož podoba toho swěta hinje.

tež k swjatosenčenju duše dowjesć, tak zo wón křesćansku wěrnosć spóznaje a křesćanstwu so přiwobroć; podobnje maju tež njekřćene džěći džěl na swjatosci swojeju staršeju, wězo jenož na zwonkownej swjatosci. Štóž pola Židow plaćeše, zo kóždy z pohanom wobkhađzowacy so zmjeći, njesmě so na křesćanow naložec. — 15. Hdyž njewěriwy sam tajke mandźelstwo wopuści, je tež wěriwy wot swojeje winowatosće wotwjazany, dokelž džě by hewak poddaty wostał njenzjesliwym wobstojnosćam, a by w stajnym njepokoju žiwy był, mjez tym zo je nas Bóh přez křesćanstwo tola k wěrnemu pokojej powolał. — 16. Tež nadźija, zo by so njewěriwy wobroćil, je slaba, a nježada sebi tak čezki wopor. — 17. W tych samych zwonkowych wobstojenjach, w kotrychž Bóh někoho křesćanstweje powola, njeh wostanje. — 19. Pawoł naspomina někotre tajke zwonkowe wobstojenja, jako wobřezanje a wotročstwo; štóž je wobřezany, njeh wostanje, a tohorunja, štóž njeje wobřezany, njedaj so wobřezac, dokelž za kralestwo Bože je to cyle ljez wliwa; jeno štóž je po Božich kaznjach žiwy, ma nadźiju na wěčnu zbóžnosć. — 21. t. r. njeměj kedźbu, hač sy we wotročtwje abo hač sy swobodny, haj, ldy by so swobodny sćinić móhl, wostań radšo wotročk, wužij z podwolyz podćisnjenjom tule wobstojnosć k swojemu spomoženju. — 22. W křesćanskim powołanju njerodźa so lud do swobodnych a wotročkow abo njewólnikow, ale tu je wotročk swobodny, a swobodny je wotročk; kóždy je swobodny, dokelž je wuswobodźeny wot wotročstwa hrěcha, a kóždy je wotročk, dokelž Chrystusej słuša a jemu služi. — 24. t. r. njeh je ze swojimi wobstojnosćemi spokojny, zo by w nich Bože spodobanje měl. — 25. Maju-li so knježny wudać abo nic, nima s. Pawoł kaznju wot Knjeza, kaž w nastupanju mandźelstwa, ale jeno radu, kotraž pak za křesćanske žiwjenje wjele plać, dokelž bě s. Pawoł wot Boha za swoju swěrn wulke hnady dóstał. — 26. t. r. nježenjeny wostać. Pawoł praji, zo je to najlěpje přescěłhanjow dla, kotrež na křesćanow čakaju. — 27. Kóždy wostań kaž bu powołany, mandźelski wostań w mandźelstwje, a to je přikazane; nježenjeny nježadaj za mandźelstwom, ale wostań nježenjeny, tola tuto je rada. — 28. Horja, kotřiž na nas čakaju, budža za ženjenych strašniše. Ja pak přaju, zo bychy was skerje přelutowale. — 29. Čas, kotryž mamy hač do přikhađa Chrystusoweho, je krótki, t. r. čas našeho žiwjenja. — 31. Ničo

32. Chcu pak, zo byšće bjez starosće byli. Štóz je nježenjeny, stara so wo to, štož je Knjezowe, kak by Bohu so spodobal.

33. Štóz pak je ženjeny, stara so wo to, štož je swětowe, kak by žonje so spodobal, a je džěleny.

34. A njewudata žónska a knježna mysli, štož je Knjezowe, zo by swjata byla po čěle a duchu. Kotraž pak je wudata, mysli na to, štož je swětowe, kak by muzej so spodobala.*

35. To pak k vašemu wužitku praju, nic zo bych wam kosydło naćisnył, ale dokelž je čestne a dokelž móžnosć dawa, bjez zadžěwka k Bohu so modlić.*

36. Jelizo pak něchtó měni, zo budže nječesć za jeho knježnu, dokelž je přez lěta a tak so stać dyrbi, čín, štož chce; wón njehřeši, hdyž ju wuda.*

37. Přetož, štóz je w swojej wutrobje kruty wobzamknył, bjez nuzowanja, swoju wolu w mocy mějo, a tak rozsudził w

swojej wutrobje, swoju džowku wobkhować, čini derje.*

38. Tuž, štóz swoju džowku wudawa, čini derje; a štóz ju njewudawa, čini lěpje.*

39. Žona je zwjazana na zakon, doniž je jeje muž žiwy; wumrje-li pak jeje muž, je swobodna; njech so wuda, komuž chce, jenož w Knjezu.*

40. Ale zbóžniša budže, wostanje-li tak po mojej radže; měnju pak, zo mam tež ja Ducha Božeho.*

STAW VIII.

Hač runje wot přibóžskich woporow jěsć samo na sebi njeje zakazane, dokelž přibóh žanjeje mocy nima, njesmě so tola jěsć, hdyž je to přećiwo přesvědčenju abo slabym k pohórškej; hewak pak jich wužiwanje abo njewužiwanje nječini čłowjeka lěpšeho.

Wo tom pak, štož so přiboham woprjuje,* wěmy, zo wšitcy wědomosć mamy. Wědomosć naduwa, lubosć pak natwarja.**

2. Jelizo pak něchtó měni, zo něšto wě, njeje hišće dopóznał, kaž by měl wědźeć.*

njesmě swět a jeho wjesela a kubla přejara lubować, ale smě je tak měć a wužiwać, jako by je njeměl a njewužiwał; a tež horjow tohole swěta njesmě so přejara bojeć. — 34. To je najwosebniši wužitk knježnistwa, zo móže knježniski cyle službje Božej so swjećić, ženjeny pak je mnohim swětnym zwjazkam a starosćam podćisnjeny. — 35. To pak je dobra rada, kotraž budže wam wužitna, ale njeje kaznja, kotraž by wam swobodnosć wzała jako kosydło; tuta hnada powjedže was k wyšším zasluzbam, k wjetšej dospołnosći. — 36. Hdyž knježna njezhřeši, kotraž so wuda, njezhřeši tež nan, kiž swoju knježna wuda, hdyž so jemu wužitne być zda a hdyž so boji, zo by za nju wohańbiwe było, hdyž muža njedósta, hač runje je při lětach. — 37. Hdyž něchtó cyle ze swojeje dobreje wole, ani zo bychu druhe wobstojenja k tomu nuzowale, swoju džowku njewuda, čini derje. — 38. Prěni čini derje, dokelž swoju džowku wudawši njezhřeši; druhi pak čini lěpje, dokelž to wuzwoli, štož je dospołniše. — 39. Štóz je Pawoł wo knježnach prajił, přistaja nětč tež wo wudowach; tež wone móža so znowa wudać, tola dyrbja přitom zwjazak z Khrystusom wobkhować, t. r. sebi křesćana za mandželskeho wzać. — 40. Tež wudowam plaći rada, zo wudowy wostanu, dokelž budža zbožowniše a tež zbóžniše, hdyž so njewudadža, zo bychu čím swěrnišo Bohu služić móhle. Tule radu dawa Pawoł, rozswětleny wot hnady Ducha swjateho.

VIII. 1. Swjaty Pawoł bu wot Korinthskich tež prašany, hač je dowolene mjaso wužiwać, kotrež bu wot pohanow přiboham jako wopor přinjesene. Tajke wopory buchu jeno zdžěla spalene, wjetši džěl woporneho mjaso dóstachu popja, abo tež woprowacy; čile přihotowachu w přibóžskim domje hosćiny, na kotrež přecelow přeprasychu, abo wutřebachu mjaso k wšědnym jědžam, abo předawachu je tež druhim. Tak mějachu křesćenjo wjacoru přiležnosć, woporne mjaso wužiwać, abo při hosćinach, na kotrež buchuwot pohanskich přecelow přepróšeni, abo zo tajke mjaso kupichu. Někotři bojachu so woporneho mjaso tak jara, zo cyle mjasnych jědži so zdžeržachu, druzy pak džiwachu tak mało na to, zo so tež na samych wopornych hosćinach wobdžělichu. Japoštoł wuči nětko, zo je samo na sebi wužiwanje tajkich jědži njewažne, tola njesmě so stać, hdyž je to slabším k pohórškej. ** Kotřiž woporne mjaso wužiwachu, zamołwjachu so ze swojim lěpším spóznaćom, zo džě přibohi ničó njejsu a zo z tym swoju wěru njezapřěja. Pawoł je wo tom z nimi teje sameje mysle, přěje pak, zo ma tale wědomosć skutki rjadować, to ma lubosć činić; wědomosć bjez lubosće naduwa čłowjeka, tak zo bližšeho zacypěwa, lubosć pak zbudzuje ponižne zmyslenje. — 2. Štóz je swojeje wědomosće dla nazdaty, dopokazuje přez to, zo jeho wědomosć prawa njeje, dokelž takjeje so naduwavej wědomosći pobrachuje na ponižnosći; kóžde čłowjeske spóznaće je tola nje-dospołne.

3. Jelizo pak něchtó Boha lubuje, je spóznaty wot njeho.*

4. Wo jědźach pak, kotrež so přiboham wopruja, wěmy, zo přibóh ničo w swěće njeje, a zo žadyn Bóh njeje, khiba jedyn.*

5. Přetož hač runje su, kotřiž rěkaju bohoyo w njejjesach abo na zemi (jako su mnozy bohoyo a mnozy knjezojo),

6. Je tola za nas jedyn Bóh, Wótc,* z kotrehož je wšitko, a my za njeho; a jedyn Knjez Jězus Khrystus, přez kotrehož je wšitko, a my přez njeho.

7. Ale nic we wšitkich je (ta) wědomosć. Někotři však po dotalnej wědomosći wo přibohu jědža jako přiboham woprowanc, a jich swědomjo, dokelž je slabe, so womazuje.*

8. Jědž pak nas Bohu njeporučuje. Přetož jěmy-li, njenadobywamy, a njejęmy-li, njewotebčramy.*

9. Hladajće pak, zo by tale waša swobornosć slabym pohóršk njebyła.

10. Přetož wuhlada-li něchtó toho, kiž ma wědomosć, w přibóžskim templu sedźaceho, njebudže jeho swědomjo, dokelž

je slabe, k tomu dowjedžene, zo woporne mjaso jě?*

11. A (tak) zahinje při twojej wědomosći slaby bratr, kotrehož dla je Khrystus wumřěl.

12. Takle pak hrěsicy přeciwo bratram a ranicy jich slabe swědomjo, hrěsice přeciwo Khrystusej.*

13. Tohodla, pohóršuje-li jědž mojejo bratra, njebudu mjasa jěsć do wěčnosti, zo bych bratra njepohóršował.*

STAW IX.

Pawoł njedóstawaše cyrobu wot Korinthских kotryniž přédowaše, zo by wšitku přiležnosć pohórška wotpokazał, hač runje by jemu to dowolene było; ale wšomu so podčisny, zo by čim wjacj čłowjekow k službje Božej přiwjěl. Korinthских napominajo, zo bychy tych sčebowali, kotřiž w běhańcy běža, abo na přemo wujuja, praji wón, zo tež swoje čěło kludži.

Njejsym swobodny? njejsym japoštoł? njejsym Khrystusa Jězusa našeho Knjeza widzał? Njejsće wy mój skutk w Knjezu?*

2. Njejsym-li za druhich japoštoł, ale za was tola sym; přetož dopokaz mojejo japoštołstwa sće wy w Knjezu.

3. Štóz pak z wědomosću lubosć zjednoča, tón lěpje spóznawa a tež Bóh jeho spóznawa. t. r. wudžěla jemu nowu wědomosć. — 4. t. r. zo přibohi byća nimaju, zo su jeno něšto wumyslene. — 6. t. r. hač runje je za pohansku přiwěrnu wjele přibohow, my křesćenjo wěrimy jeno do jěneho Boha, kiž je spočatk wšoho byća, a za kotrehož je wšitko; pohani česća wjele knjezow, my pak jenoho, Jězusa Khrystusa, přez kotrehož je wšitko, dokelž přez njeho jako Słowo Bože, je wšitko stworjene, a my přez njeho; přetož jako Bóhčłowjek je wón wumóžnik čłowjekow, a tak smy my přez njeho wumóženi. — 7. Wšitecy však nimaju tak jasne spóznaće, zo bychy wědzeli, zo přibohi ničo njejsu, zo potajkim přibóžske wopory bože služby njejsu, a zo tež z wužiwanjom woporneho mjasa so wěra njezapřewa, ale woni měnja, zo pohanske přibohi wopravdže su a zo je mjaso, kotrež so jim wopruje, poswjećene, a hdyž wot tajkeho mjasa jědža, činja to přeciwo swědomju, hač runje je wone wopačne, a zhrěša tohodla. — 8. Z jědžu njebywamy Bohu spodobniši; byrnje nam dowolene było, woporne mjaso wužiwać, njetrjebamy to činić; Bože spodobanje njepřibywa, jelizo jěmy, a njewotebčra, jelizo njejęmy. — 10. Jelizo bu něchtó, kiž wě, zo smě woporne mjaso wužiwać, w pohanskim templu při jědži widžany wot někoho, kotryž to za dowolene nima, je lohko móžno, zo so tež tónle na wopornej jědži wobdžěli; ale dokelž to přeciwo swojemu swědomju čini, zhrěši, a tak je tale wědomosć po prawym winu, zo tón druhi zhrěši a zahinje. — 12. Kłrobly přikład, kotry swojimi bratram dawaće, njeměrne a njewěšte swědomjo jim přilhotujcy, je tež hrěch přeciwo Khrystusej, dokelž jeho hnady a zaslužby kazyće. — 13. Radši nochen mjasa jěsć, by-li so bratr z tym pohóršował, sebi myslo, zo je to woporne mjaso.

IX. 1. Pawoł pokazuje na swój přikład; swojeho prawa je so wzdał, zo by nikomu k pohórškej njebył; wšomu so rady podčisnje, jeno zo by wšitkich za Khrystusa dobył. Njejsym ja swobodny, t. r. njebych móhl tež ja woporne mjaso jěsć, ani zo bych zhrěšił? Tole prašenje zwisuje z poslednim rjadkom stawa VIII. Pawoł zamołwja najprjedy swoje japoštołske powołanje přeciwo tym, kotřiž je připóznać njechachu; runja druhim japoštołam, bě tež wón wot Khrystusa samoho powołan, a dopokaz jeho japoštołskeho skutkowanja je křesćanska wosada w Korinthu, kotraž jeho tola za japoštoła připóznała.

3. Moje wobaranje před tymi, kotřiž so mje wuprašuja, je to:*

4. Nimamy snadź prawa jěsć a pić?*

5. Nimamy prawa žónsku jako sotru při sebi měć, jako tež druzy japoštolowje, a Knjzewi bratřa, a Kefas?*

6. Abo jenož ja a Barnabas nimamoj prawa, to činić?

7. Štó je hdy wojak na swoje pjenjezy? Štó sadža winicu a njeje wot jeje plodu? Štó pase stadło a njewužiwa wot mloka stadla?*

8. Praju to po čłowjeskim? Abo njepraji to tež zakon?*

9. Přetož w zakonju Mójesowym je pisane: „Njzawjazaj hubu wołej, kotryž mlóci.“ Stara so Bóh wo woły?

2. Móž. 25, 4; 1. Tim. 5, 18.

10. Abo praji to bóle nas dla? Haj nas dla je to pisane: zo štóž wora, dyrbi w nadźiji worać, a štóž mlóci, w nadźiji na plody.*

11. Hdyž my wam duchowne wusychmy, je to něšto wulke, hdy bychmy waše čelne znjeli?*

12. Hdyž druzy prawo na was wuži-

waju, přeco nic skerje my? Tola njewužiwachmy tohole prawa, ale wšitko znjesemy, zo bychmy zadžěwk njepołożili ewangeliju Khrystusowemu.**

13. Njewěsće, zo či, kotřiž w swjatnicy džělaju, ze swjatnicy jědža? a kotřiž wołtarjej služa, z wołtarjom so džěla?*

14. Tak tež Knjz postaji, zo bychu či, kotřiž ewangelium wopowěduja, z ewangelia žiwi byli.*

15. Ja pak njejsym ničoho z toho wužiwał. Ale to njenapisach, zo by so mi tak činilo; přetož lěpje je za mnje, zo wumru, dyžli zo štó moju slawu zniči.*

16. Jelizo mjenujcy ewangelium wopowěduju, njeje to mi k slawje, dokelž sym k tomu nuzowany; běda pak mi, njebych-li ewangelium wopowědował.*

17. Přetož činju-li to zwólniwe, mam myto; jelizo pak njerady, je mi to jako zastojnstwo dowěrjene.*

18. Kotre je potajkim moje myto? Zo ewangelium přědujo bjez wotplaty ewangelium podawam, tak zo njewužiwam swojeho prawa při ewangeliju.*

8. Tych, kotřiž so mje za dopokazami japoštolstwa prašeju, pokazam was; to je moje za-mołwjenje. — 4. Tu spomina Pawoł na prawa japoštoła, kotryž smě wot tych, kotrymž ewangelium přěduje, zežiwnjenje žadać. — 5. t. r. křesćansku žónsku, kotraž je z nim jako sotra žiwa, a jeho wothladuje, podobnje, kaž pobožne žónske Khrystusej poslužowachu. Wo mandželskej so tu njerěči, dokelž bě Pawoł nježenjeny. Druzy japoštolowje, kaž Kefas abo Pětr, wot kotrehož so jeničcy wě, zo bě ženjeny; Knjzewi bratřa, t. r. jeho najbližšej wujej, japoštołaj Jakub a Judas, synaj Alfeja a Marije, sotry maćerje Božeje, a druzy japoštolowje, jelizo běchu ženjeni, njebuchu wěsće wot swojich mandželskich při rozšěrjenju ewangelia přewodženi, ale jim pobožna křesćanska žónska poslužowaše, zo bych u bjez dalšje starosće za ewangelium džělali. — 7. t. r. kóždy žiwi so ze swojim džěłom. — 8. t. r. to wuči nic jeno čłowjeski rozom, ale tež zakon to postaja. — 10. t. r. ta kaznja žada sebi nic jeno, zo so skót zastara, ale tež čłowjek druhemu podawa, štož je jemu winowaty. Džělajeć ma džělac z nadźiju, zo jemu džěło plód přinjese. — 11. Za wosobne duchowne kubla, za wěrnosće ewangelia, kotřež wam podawamy, móžemy sebi ze wšim prawom žadać, štož k zežiwnjenju trjebamy. — 12. t. r. hdyž druzy, waši nětčiši wučerjo, sebi to žadaju, čim skerje mějach to ja žadać, kiž sym najprěni was rozwučował, potajkim najčežše džěło dokonjał. ** t. r. ja sebi to nježadach, ale znjesech radši wšitko, jeno zo by mje ničtło za sebičneho njeměł, a so tohodla ewangeliju spječił. — 13. Tež w starym zakonju dótachu, kotřiž w templu a při wołtarju služby Bože dokonjachu, z templa a wot woporow swoje zežiwnjenje. — 14. hl. Luk. 10, 8. — 15. t. r. to tohodla njespominam, zo bych přichodnje něšto za přědowanje ewangelia dótawał, to je wjele bóle moja najwjetša khwalba, zo ewangelium rozšěrjam bjez wšeje wotplaty, a chcu radši hlodu wumřěć, dyžli tule khwalbu zhubić. — 16. t. r. zo ewangelium wozjewjam, to mi njeje ke khwalbje, ale je moja kruta winowatosć, a zle by za mnje było, hdy bych nječinil, štož sebi winowatosć žada. — 17. t. r. hdy bych cyle dobrowólnje tule winowatosć přewzał, bych mzdu za to dóstał; ja pak sym wot Khrystusa powołany, a tuž je mi to jako zastojnstwo dowěrjene, tohodla sym winowaty a mam bjez prawa na mzdu činić, štož je winowatosć. — 18. Jeno potom móžu so wosebiteje mzy nadžijeć, hdyž tak ewangelium přěduju, zo sebi za to wotplaty nježadam, a tak winowatosć činju, ani zo bych swojeho prawa wužiwał a swojeho časneho wužitka hladał.

19. Přetož jako běch swobodny wot wšitkich, sčinih so služownik wšitkich, zo bych jich wjacý dobył.*

20. A buch Židam jako Žid, zo bych Židow dobył;

21. Tym, kotřiž su pod zakonjom, (buch) jako bych pod zakonjom byl (runjež sam pod zakonjom njejsym), zo bych tych, kotřiž běchu pod zakonjom, dobył;* tym, kotřiž běchu bjez zakonja, (buch) jako bych bjez zakonja byl (runjež bjez zakonja Božeho njejsym, ale sym w zakonju Khrystusowym), zo bych tych dobył, kotřiž běchu bjez zakonja.**

22. Buch slabym slabý, zo bych slabych dobył.* Wšitkim buch wšitko, zo bych wšitkich zbóžnych sčinił.

23. Wšitko pak činju evangelia dla, zo bych na nim džěl dóstal.*

24. Njewěsće, zo ći, kotřiž w běhańcy běža, drje wšitcy běža, ale jedyn myto dóstawa? Běžće tak, zo je dosahnjeće.*

25. Kóždy pak, kotryž wojuje, zdžeržuje so wšoho, a woni drje, zo bych

zakhodnu krónu dóstali, my pak njezakhodnu.*

26. Ja tohodla tak běžu, nic jako na njewěste; tak wojuju, nic jako do powětra bijo:*

27. Ale khostam swoje čěło a honju je do poddanstwa, zo bych trjebaj, hdvž sym druhim předował, sam začisnjeny njebył.*

STAW X.

Spominajo na njedzakownych Židow, wšelakich hrěchow dla wot Boha časćišo khostanych, chce Korinthskich wot podobnych wotdžeržować. Wo čłowjeskim spytowanju a wo pomocy Božej při spytowanjach. Nic jeno přibóžstwa maju so wotrjec, ale tež hosćiny tajkich, kotřiž woporne mjaso wužiwaju, zo by so njezdało, jako bychu podžěl měli na přibohach, a zo bychu slabym k pohórškej njebyli.

Přetož njecham wam zamjelćeć, bratřa, zo běchu naši wótcowje wšitcy pod mróćelu, a wšitcy přez morjo přendžechu,*

2. Mójz. 13, 21; 14, 23.

2. A wšitcy buch u Mójzesu křćeni w mróćeli a w morju,*

3. A wšitcy su tu samu duchownu jědž jědli,

2. Mójz. 16, 13.

19. t. r. nikomu njejsym poddan, dokelž wot nikoho njewotwisuju; služach tola wšitkim, zo bych jich za evangelium dobył. — 21. t. r. hač runje pod židowskim zakonjom njejsym, dokonjam tola, štož zakon žada, zo bych tych za Khrystusa dobył, kotřiž su pod zakonjom, t. j. Židow. ** Pola pohanow, kotřiž zakonja nimaju, njejsym tež ja po židowskim zakonju žiwy, nic jako bych žanoho zakonja Božeho kedžbu njeměl a tak pohanam runja byl, dokelž wostanu pod Khrystusowym zakonjom, kotryž wšitke hłowne kaznje Mójzesoweho zakonja wobsahuje. — 22. t. r. w spóznacu křesćanskich wěrnosći njedospołnym, tajkim, kotřiž wěste prikaznje židowskeho zakonja tež w křesćanstwje wobkedžbowachu, so podobny sčinih, je tež wobkedžbuju; to wšo činjach, sebje zapřewaju, zo bych wšitkich k zbóžnosći přiwjedił. — 23. Tak sym žiwy a tak skutkuju, zo bych tež sam plody evangelia dóstal. — 24. Zo by Korinthskich za sebjezaprěće, kajkež sebi evangelium žada, zahorił, přiruna prócowanje wo wěčnu zbóžnosć z dobyćom myta, kotrež zjawne hry w Korinthskej blizkosći tomu wudžělichu, kotryž při běženju najpřěni na postajene město přiběža; wšitcy, kotřiž wo myto wojuja, běža, ale jeno jedyn, najpřěniši, je dóstanje. — 25. Měsacy dolho přihotowachu so tamni, kotřiž chcychu w běhańcy běžće, zo bychu zakhodnu krónu dobyli, zdžeržowachu so wšoho, štož by móhło jich móc slabić, hladachu, zo bychu spěšne stawy měli; tak maju so tež wšitcy, kotřiž chcedža njezakhodnu krónu wěčneho žiwjenja dobyć, wšoho so zdžeržć, štož jim přitom zadžěwa, a tak běžće a tak wojować, zo wěčne myto dobudu. — 26. Japoštoł je sam přikład tajkeho wojowanja, a runje měři so na swojeho přeciwnika, zo by jeho trjehił. — 27. Tónle přeciwnik je jeho čěło, t. r. zle nakhilnosće, kotrež dobyću wěčneje zbóžnosće zadžěwaju, a kotrež dyrba so předobyt.

X. 1. Z pokazowanjom na wótcow zbudžuje japoštoł strach, zo móža, byrnje wěřili a křćeni byli, tola zhubjeni być; přetož do wěčneje zbóžnosće móža jeno přinć, wostanu-li swěřni hač do kónca. Židowscy buch u wšitcy z Egipťowskeje wumóženi, z jenajkimi hnadami wot Boha wotdžěleni, a tola njeprindžechu wšitcy do slubjeneho kraja; mróćel, t. j. tamny mróćelowy a w nocy wohnjowy stoł, kotryž na puću z Egipťowskeje před Israelitami džěše. — 2. Překhod přez čerwjene morjo pod Mójzesowym nawjedowanjom ma wěstu podobnosć zo křćěncu, dokelž jako so přez křćěncu do noweho zakonja zastupuje, tak zastupichu Židů, čerwjene morjo překročiwi, do stareho zakonja; čerwjene morjo je předznamjo křćěnskeje wody, wohnjowy stoł je předznamjo Ducha swjateho.

4. A wšitecy su tón samy duchowny napoj pili* (pijachu pak z duchowneje skały, kotraž jich přewodžeše; skała pak bě Khrystus);** 2. Mójz. 17, 6; 4. Mójz. 20, 11.

5. Ale nad mnohimi z nich njeměješe Bóh spodobanja; přetož buchu w pusćinje poraženi.* 4. Mójz. 26, 64. 65.

6. To pak sta so jako předznamjo za nas, zo bychmy žadosćiwi za złym njebyli, jakož tež woni požadachu.* Ps. 105, 14.

7. Tež njebudźće přibóžnicy, jakož někotři z nich, kaž je pisane: „Lud sydze so k jědźi a k piću, a wstanychu, zo bychu hrali.“* 2. Mójz. 32, 6.

8. Nječinmy tež kurwaństwo, kaž někotři z nich kurwaństwo činjachu, a padny jich na jenom dnju tři a dwaceći tysacow.* 4. Mójz. 25, 1.

9. Ani njespytujemy Khrystusa, jako su někotři z nich spytowali, a buchu wot hadow morjeni.* 4. Mójz. 21, 5. 6.

10. Ani njemorkotajće, jako su někotři z nich morkotali, a buchu wot skažerja zahubjeni.* 4. Mójz. 11, 1; 14, 1.

11. To wšitko pak so jim sta jako předznamjo; napisane pak bu to k napominanju za nas, na kotrychž je kónce časow dóšol.*

12. Tuž, štož měni, zo stoji, njech so hlada, zo njepadnje.*

13. Spytowanie njech was njenapadne, khiba čłowjeske;* Bóh pak je swěrný, kotryž njepřipušći, zo byšće spytowani byli bóle dyžli zjeseć móžeće, ale da ze spytowanjom tež wukhód, zo byšće wutrač móhli.

14. Tohodla, moji najlubši, čekajće před přibóžstwom.*

15. Jako k rozomnym řeču, rozsudźće wy sami, štož praju.*

16. Keluch žohnowanja, kotryž žohnu-jemy, hač njeje zjednoćenje z krvju Khry-

4. Duchowna jědź je manna; duchowny napoj je woda, kotruž Mójzes spodziwnje ze skały w pusćinje wudoby, a kotruž japoštoł tohodla duchownu mjenuje, dokelž ju z dziwom Božim dósta a dokelž je wona předznamjo njebieskeho napoja w najswjećišim sakramenće. ** Tež skała, z kotrejež dwójcy tamnu wodu dóstachu, ma so duchownje zrozumić, t. r. nie jeno dwójcy, ale nje-přestawajcy napoješe Bóh swój lud w pusćinje, jako by za nimi skała z wodu spodziwnje sčelowała. Ta skała běše Khrystus, praji japoštoł, Khrystus, t. r. Bóh wiđomnje so zjewjejo a swój lud přewodžejo a jón ze wšim zastarajo. Štož Bóh Israelitam w pusćinje dobreho činješe, činješe přez bóžsku wosobu, kotraž je so w Khrystusa wočłowječila. — 5. Hač runje tak wosebite dopokazy lubosće Božej dóstawachu, zhubichu tola čežkich hrěchow dla spodobanje Bože a dyrbjachu w pusćinje wumrěć. — 6. Jako dobroty, Israelitam w pusćinje wopokazane, na duchowne kubła noweho zakonja pokazowachu, tak tež přindu podobne khostanja na křesćanow, kotřiž su w swojej hrěšnosći Židam runja; tež woni njepónůža do slubjeneho kraja, hač runje maju křćenju a najswjećiši sakrament. Zo pak bychu před khostanji zakitani zwostali, njesinědža hrěšić, ani za złym žadać. — 7. Napominanje, zo bychu so přibóžstwa wostajili, bě runje za korinthskich křesćanow jara trěbne, dokelž buchu k wopornym hosćinam časěšo přeprošowani. — 8. Korinth bě jako pyšne bohate město skutkam nječistoty jara podate a tohodla spomina Pawoł tež na tute hrěchi, zo by křesćanow před nimi zakitał. — 9. Židža spytowachu Boha, t. r. hrěšachu z njedzakom často přećiwo Božej dołhomyslnosći, žadajcy za Egypťowskej a Bože dobroty w pusćinje zaspěwajcy; tak móžachu tež křesćenjo w Korintu so zawjesć k pohanskim njemdrym wjeselam a tak zhrěšić přećiwo Khrystusej, kotryž sebi wšelake wopory žada. — 10. Tu spomina Pawoł, kak 250 lewitow nawjedowanych wot Korea a Dathana a Abirona přećiwo Mójzesej a Aaronej so spjeći, zemja so wotewri a póžř jich; Pawoł praji, zo je skažer jich zahubił, t. r. jandžel Boží dósta poručnosć, zo by jich tak zahubił, a lud bu wot Boha čežcy khostany, dokelž přećiwo Bohu morkotaše. Tónle podawk měješe Korinthskich powućić, zo bychu so přećiwo Pawołej a druhim wot Boha postajenym wučerjam njezběhali. — 11. Stawizna čłowjeskeho splaha minje so po wšelakich wulkich džělach, wosehje rozeznawataj so dwaj hłownej džělaj, čas před Khrystusom a čas po Khrystusu; w tutom druhim džělu smy my žiwi a jeho kónce bliži so nam z kóždym dnjom. — 12. t. r. štož sebi myslí, zo je w křesćanskim žiwjenju wobkrućený, keđžbuj na so, zo by takja přewulka dowěra jeho k padej, t. j. k hrěchej njepřiwjedla. — 13. t. r. kotrež móžeće ze swojimi čłowjeskimi mocami znjesć; přetož Bóh powyši tež naše mocy, jelizo spytowanje na nas pósćeje, zo bychmy w nim dobyli. — 14. Bóh pomla jeno tamnym, kotřiž hrěšnym stracham čekaju, a tohodla napomina Pawoł nětko, zo bychu so na přibóžskich službach njewobdžělili, wosehje tohodla, dokelž so zjednoćić njehodža ze swjatym sakramentom wołtarja. — 15. Waše lépsě spóznać, z kotrymž so khwaliće, dyrbi wam polóžić zrozymjenje toho, štož praju.

stusowej? a khlěb, kotryž lamamy, hač njeje podźěl ćěla Knjezowego?*

17. Přetož jedyn khlěb, jene ćelo smy (ći) mnozy, wšitecy, kotřiž so na jenom khlěbje wobdźělamy.*

18. Pohladajće na Israel po mjasu;* nimaju ći, kotřiž wopory jědža, podźěl na wołtarju?***

19. Što potajkim? praju, zo přiboham woprowane je něšto? abo přibóh je něšto?*

20. Ale: štož pohani wopruga, wopruga djabliskam,* a nic Bohu; nochu pak, zo byšće towaršowje byli djabliskow; nje-móžeće Knjezowy keluch pić a keluch djabliskow;

21. Njemóžeće džěl měć na Knjezowym blidće a na blidće djabliskow.*

22. Abo směmy Knjeza hněwać? Smy snadź sylniši dyžli wón? Wšitko je mi dowolene, ale wšitko njeje wužitne.

Wyše 6, 12.

23. Wšitko je mi dowolene, ale wšitko njenatwarja.*

24. Žadyn njepytaj swoje, ale štož je druhého.*

25. Wšitko, štož so w mjasnych jětkach předawa, jězće, so njeprašejcy swědomja dla.*

26. Knjezowa je zemja a jeje poľnosť.*
Ps. 23. 1; Eccl. 17, 31.

27. Přeproša-li was štó z njewěriwych a chceće tam hić, jězće wšitko, štož so wam předstaja, swědomja dla so njeprašejcy.

28. Praji-li pak štó: To je přiboham woprowane, njejězće dla toho, kotryž je to wozjewił, a swědomja dla.

29. Njeměnju pak twoje swědomjo, ale (toho) druhého; přetož čohodla na moja swoboda so sudzić wot druhého swědomja?*

16. Keluch žohnowanja, t. r. keluch abo lěpje: wino, kotrež je w keluchu, kotrež ze słowami přežohnowanja do najswjećijeje krewje Khrystusowej so přewobroći, dawa wšěm, kotřiž jón wužiwaju, podźěl na krewi Khrystusowej. Tohornunja khlěb, do najswjećijeho ćěla Khrystusowego přewobroćeny, zjednoća wšěch, kotřiž jón wužiwaju, najnutrnišo z Khrystusom. — 17. Khlěb, kotryž mnozy jědža, je jedyn a tón samy, a wšitecy, kotřiž jón wužiwaju, zjednoćeju so z Khrystusom a tež mjez sobu, su takrjec mjez sobu jene ćelo. — 18. Po mjasu, t. r. na israelski lud po splahu, jakož pokhadža wot jenoho prawótcy, jakož maju wšitecy te same ćělné znamjo, t. j. wobřezanje. ** Tež při židowskich woporach běchu hosćiny; džěl woprowaného mjasu so Bohu swjećeše a spali so na wołtarju; druhí džěl wužiwachu ći, kotřiž wopor přinjesechu, z měšnikami; wołtař, na kotrymž so Bohu swjećeny džěl spali, znamjenješe Boha samoho, kotryž wopor přija; tamni potajkim, kotřiž woprowane mjaso wužiwachu, bjerjechu džěl na wołtarju, zjednoćichu so z Bohom. — 19. Něchtó by z dotal prajeného sudzić móhl, zo so ći, kotřiž so na přibóžskich woporných hosćinach wobdžěleju, podobnje z přibohami zjednoćeju, jako křescenjo w swjatym woprawjenju z Khrystusom. abo Židža ze swojimi wopornými jědžemi z Bohom; tola tomu tak njeje, dokelž přibohi njejsn. nimaju woprawdžiteho byća, a tohodla njemóža tež wopory přijet a tež ći, kotřiž so na woporných hosćinach wobdžěleju, njemóža so z nimi zjednoćeć. — 20. Štož pohani wopruga, wopruga djabliskam, kotrež w pohanstwe knježa, pohanow začěmnjeju a česć Božu přikróťseju. — 21. So při pohanskich woporných hosćinach wobdžěleje zjednoćeće so podobnje z djabliskami, kaž w swjatym woprawjenju z Khrystusom. Z Khrystusom a z djabliskami so nadobo zjednoćeć, je njemóžno. — 22. Njesměmy Knjeza z tym hněwać, zo jemu přisłušacu česć druhim wopokazujemy; my njemóžemy přeciwo Bohu dobyć. — 23. Pawoł dawa tudy wosebite kaznje wo wužiwanju woporného mjasu zwonka woporných hosćinow. Křescanska lubosć dyrbi při tom wšitkón pohórsk wotwobroćeć, tak zo mamy so tež dowoleného zdžeržeć, zo by bližši škody njeměl. — 24. Při wěcach, kotrež njesu přikazane abo zakazane, nima so na to kedźbować, hač je skutk nam wužitny, ale na to, zo by bližšemu k duchownej škodze njebył. — 25. Z djabliskami (r. 20) zjednoćeju so jeno ći, kotřiž so na přibóžskich woporných hosćinach wobdžěla, nic pak, hdyž so tajke woprowane mjaso na wikach kupuje abo w domach při wšědnych wobjedach wužiwa; to je mjaso, kaž druhe a smě so jěsć; a nihtó so dale njeprašaj, zo by swědomjo do njeměra njepřišlo. — 26. Cyła zemja ze wšěmi stworjenjemi je wot Boha stworjena a tohodla je wšitko čiste, wšitko dobre. — 29. Praji-li pak něchtó při hosćinje, zo je mjaso wot přibóžského wopora, njesmě so wužiwać, zo by jeho swědomjo do njeměra njepřišlo, zo by so nań tym njepohóršował. Swojeho swědomja dla bychmy tež tehdy wot mjasu jěsć móhli, dokelž wěmy, zo tajke mjaso dale přeměnjene njeje, ale zo je runja druhemu mjasej; a štož je mi dowolene, njebywa z tym hrěšne, zo druhí wopačnje tak sudži.

30. Hdyž ja z džakom wužiwam, čoho-
dla sym hanjeny, za čož džak praju?*

31. Tuž jěsće-li abo pijeće-li abo čini-
će-li što druhe, činće wšitko k česći Božej.

32. Bjez pohórška budźće Židam a
pohanam a cyrkwi Božej,

33. Jako tež ja we wšim wšitkim spo-
dobny sym, njepytajo, štož je mi wu-
žitne, ale mnohim, zo bychu zbóžni byli.*

STAW XI.

Muž ma z wotkrytej. žónska pak z wodžětej hłowu
so modlić. Japoštoł poroknje Korinthskim, zo
k swjećenju Knjezoweje wječerje na so nječa-
kaju, ale zo su njez sobu w překorje; powěda,
kak je Khrystus najswjećiši sakrament založil,
a spomina na zlósc a khostanje nješkodneho
wužiwanja s. sakramenta.

Budźće moji scěhowarjo, jako sym tež
ja Khrystusowy.*

2. Khwalu pak was, bratřa, zo we
wšim na minje spominaće, a jako wam
podach, moje přikaznje dźeržiće.*

3. Čechu pak, zo byšće wědzeli, zo kóž-
deho muža hłowa je Khrystus; žony

hłowa pak muž, hłowa Khrystusowa pak
Bóh.* Ef. 5, 23.

4. Kóždy muž, kotryž so modli abo
wěšći z přikrytej hłowu, hani swoju
hłowu.*

5. Kóžda žona pak, kotraž so modli
abo wěšći z njepríkrytej hłowu, hani swoju
hłowu; přetož to je tak, jako by wotři-
hana byla.*

6. Přetož njepríkrywa-li so žona, njech
so da wotřihać. Je-li pak wohidne za
žónsku, wotrihana abo wotruhana być,
njech swoju hłowu přikrywa.*

7. Muž wšak njesmě swoju hłowu při-
krywać, dokelž je wobraz a sława Boža;
žona pak je sława mužowa.*

8. Přetož muž njeje ze žony, ale žona
z muža. 1. Móž. 2, 22.

9. Tež njeje wšak muž stworjeny žony
dla, ale žona muža dla.*

10. Potajkim dyrbi žona móc měć na
hłowje, jandželow dla.*

11. Ale njeje ani muž bjez žony, ani
žona bjez muža w Knjezu.*

30. Hdyž jeno z dobrym wotpohladanjom, Bohu so za to džakuju wužiwam, njemóže mi to
škodzić, byrnje tohodla hanjeny był. — 33. t. r. hladam, zo bych ze swojim přikładom wšitkim
k duchownemu wužitku był a tak wšěch k zbóžnosći wjedł.

XI. 1. Ze słowami tohole rjadka kónči Pawoł swoje dotalne napominanja. W nětko scěho-
wacych stawach 11, 2—14, 40 naspomina wšelaki njeporjad, kotryž so při cyrkwinskih zhromadže-
njach pokazowaše, a to najprjedy we wodžěću žónskich, 11, 2—16, při swjećenju Knjezoweje wje-
čerje, 11, 17—34 a potom we wužiwanju spodziwnych duchownych darow. — 2. Zo bychu poroki,
kotraž ma jim činić, skerje znjesli, khwali jich najprjedy, zo powšitkownje to činja, štož bě jim
přikazał. — 3. Japoštoł postaji tu rjad w zwonkownym njez mužom a žonu; žona je mužej pod-
data, muž pak Khrystusej, Khrystus pak Bohu. We zwonkownym žiwjenju nima žona bjez mužo-
weje dowolnosće ničo započec. — 4. Židža modlachu so z přikrytej hłowu; Greksey pak z njeprí-
krytej a tuto wašnje přendže tež do křesćanskich zhromadźiznow, a Pawoł to khwali. Přikryće
hłowy bě znamjo wotročstwa a poddanstwa, wotročk stoješe z přikrytej hłowu před swojim knjezom;
tohodla mužski, kiž so z přikrytej hłowu modli abo zjawnje w křesćanskej zhromadźiznje rěči, hani
sebe, znamjo wotročstwa na sebi pokazujo. — 5. Japoštoł njecha, zo bychu žónske zjawnje w kře-
sćanskej zhromadźiznje rěčeli, hl. 14, 34, zakazuje pak wosebje, zo bychu to z njepríkrytej hłowu
činili, dokelž bychu sebe z tym wohańbili, znamjo přislušnosće k mužej přějicy, a runja byłe tym,
kotraž maju wlosy wotrihane, t. j. njehańbičiwym žónskim a mandželstwałamařkam, kotraž buchu
z tym khostane, zo so jim wlosy wotrihachu. — 6. t. r. njecha-li sebi žónska hłowu přikrywać,
njech sebi ju hnydom da wotruhać, zo by so zjawnje njehańbitym žónskim runala; dokelž pak ma
to za nječestne, njech so přikrywa. — 7. Muž je wobraz a sława Boža, t. r. kaž Bóh knježi nad
stwórnu a so tohodla jakož knjez česći, tak rozkazuje a knježi muž w swójbje, a tež w zwonkownym
žiwjenju, a předstaja potajkim Boha; žónska w swojim žiwjenju wot muža wotwisuje a swědči z tym,
zo je mužej poddata, zo je wón jeje knjez; tak wobkruća jeho sławu. — 9. Muž bu wot Boha naj-
prjedy stworjeny jako wobraz Boži, a žona muža dla, jemu k pomocy. — 10. t. r. žónske dyrba na
hłowje znamjo mocy, t. j. přikryće měć, a z nim zjawnje pokazać, zo su pod mužowej mocu; a tež
jandželow dla, kotřiž su njewidzomnje Božim službam přitomni a pokornosć lubuja. — 11. Muž
a žona staj po Knjezowej kazni w lubosći stowařšenaj a jedyn wot druheho wotwisnaja, a tuž mataj
so njez sobu podpěrać.

12. Přetož jako je žona přez muža, tak je tež muž přez žonu, wšitko pak z Boha.*

13. Sudźće wy sami: sluša so, zo žona njepřikryta k Bohu so modli?

14. A njewuči was tež sama přiroda, zo, da-li sebi muž włosy rósć, je to za njeho hańba?

15. Da-li pak sebi žona włosy rosć, zo je to za nju česć? přetož włosy su jej jako zawodźěwk date.*

16. Chce-li pak něchtó so wadzić, my tajkeho přiwučjenja nimamy, ani cyrkej Boža.*

17. To pak postajam, njekhwalo, zo nie k lépsěmu, ale k hóršěmu so skhadźujetec.*

18. Najprjedy wšak, hdyž so skhadźujetec k zhromadźiznje, slyšu, zo su rozščěpjenja mjez wami, a z džěla to wěrju.

19. Přetož tež džělenja dyrbja być, zo bychy tež, kotřiž su wobkrućeni, mjez wami zjewjeni byli.*

20. Hdyž takle mjez sobu so skhadźujetec, njerěka to, Knjezewu wječer jěsć.

21. Přetož kóždy prjedy bjerje swoju

wječer při jědźi. A jedyn je hlódny, druhu pak je pjany.*

22. Nimaće domy k jědźi a k piću?* abo zacpěwace cyrkej Božu, a zahańbiće tych, kotřiž ničoho nimaju? Što mam wam prajić? khwalu was? W tom was njekhwalo.

23. Přetož ja dóstach wot Knjeza, štož wam tež podach, zo Knjez Jězus w nocy, w kotrejž bu přeradženy, khlěb wza,*

24. A džak prajiwiš lamaše a rjekny: Wzmiće a jězće; to je moje ćělo, kotřež budže za was podate; to činiće k mojemu wopomnjeću.

25. Tohorunja tež keluch, hdyž bě wječerjał, prajo: Tónle keluch je nowy zakon w mojej krewi; to činiće, hdyžkuli budžeće pić, k mojemu wopomnjeću.

26. Přetož hdyžkuli budžeće tón khlěb jěsć a keluch pić, budžeće Knjezewu smjerć wopowědować, hač (wón) přinědže.*

27. Štóz kuli potajkim njedostojnje* tón khlěb jě a Knjezewy keluch pije, budže winowaty na ćěle a krewi Knjeza.**

Jan, 6, 59.

12. Kaž bu přenja žona z přeněho muža, tak narodži so nětko muž ze žony, wobaj pak přikhadžataj wot Boha; to je nowa přičina, zo hyštaj sebi pomhałoj. — 15. Swjaty japoštoł njennje nowu přičinu na dopokazanje, zo je za žónsku njepřistojne, z njepřikrytej hlówu so modlić: mjennje přinarodžena přistojnosć to zakazuje. Mjez tym zo je za muža hańba, hdyž ma dolhe włosy. dokelž ma so tajki za žonjaceho, je přiroda žonje dolhe włosy wobradžiła a wona ma tule pychu sebi wažić. Z tym je přiroda žónskej sama zawodźěwk dała a na to pokazała, zo njesmě njepřikryta so pokazować. — 16. Pawoł wotpokazuje wšitke přičiny přećiwu tutej wuěbje z tym, zo by so tajki jako swarjaty ćłowjek wopokazał; wón so jeho wuěbje a cyrkwi, kotraž tajke přiwučjenja njeznaje, napřećiwja. — 17. We najprěnišich křesćanskich časach bě ze swjećenjom swjateho wopora a ze swjatym woprawjenjom jědž zjednoćena, zo by so cyła swjatoćnosć poslednjeje wječeri runala. Po swojim zamoženju přinješe kóždy jědže, bohacy sobu za khudeho, a wšitcy bjez rozdžěla wužiwać, wěrně lubosć sebi dopokazujcy. W Korinće pokazowachu pak so tež při tom překory, kóždy wužiwaše přinjesene jědže sam, abo wobdžěli z nimi jeno tych, kotřiž k jeho stronje slušachu, a tak mějachu někotři přewjele, druhim pak njedosahaše; lubosć, kotraž měješe so při tutej přiležnosći nanajrjensjo zjewić, přinědže do zawisće a překory, a tohodla běchu zaslužene poroki swjateho japoštoła, zo jim tele swjatoćne skhadžowanja k dobremu njeslužba, ale k zlemu. — 19. Při slabosći a złym nakhlenju ćłowjekow wotućeju překory a Bóh jim njezadžěwa, zo by so pokazało, kotři su wobkrućeni, t. r. dobři, swětni. — 21. Dokelž mjez wami lubosć njeknježi, njezaslužba waše jědže mjeno Knjezewoje wječerje, ale kóždy jě swoju wječer, štož je sebi sobu přinješa, a khudy wostanje hlódny, bohacy pak jě přezměnje. — 22. Jelizo chceće so jeno najěsć a napić, móžeće doma wostać; činiće-li pak to jeno w cyrkwi, t. j. w swjatoćnej skhadžowancy, wonjećeće ju a pohóršnjeće ze swojej njelubosću khudych. — 23. Zo by Korinthskimi dopokazał, zo so jich swjećenje swjateho wopora jeho hlównemu džělej, swjatemu woprawjenju, napřećiwja, powěda jim z nowa, štož bě we wosebitym zjewjenju zhonił, kak je Jězus při poslednjeje wječeri najswjećiši sakrament založil. — 26. Swjate woprawjenje dopomina na Knjezewu smjerć a předstaja ju, dokelž so w nim to same ćělo podawa, kotřež bu na křižu woprowane, ta sama krej, kotraž bu tam přelata. — 27. t. r. w čěžkim hrěše abo bjeze wšěje pobožnosće. ** t. r. zhrěši z tym, zo najswjećiše ćělo našeho Knjeza wonjećeće.

28. Njeh pak čłowjek sebje samoho přepytuje, a tak njeh wot toho khlěba jě a z kelucha pije.*

29. Přetož štož jě abo pije njedostojnje, jě a pije sebi wotsudženje, dokelž njerozeznawa Knjezowe čěło.*

30. Tohodla su mjez wami mnozy khori a słabi, a mnozy (hižo) spja.*

31. Hdy bychmy sebje samych sudžili, bychmy tež sudženi njebyli.*

32. Jako pak sudženi bywamy, smy wot Knjeza pokhostani,* zo bychmy z tymle swětom wotsudženi njebyli.

33. Tohodla, moji bratřa, skhadźujuće-li so k jědźi; čakajće jedyn na druhého.

34. Je-li pak što hlódny, njeh doma jě, zo byšće so k sudu njeskhadźowali.* Druhe wěcy pak postaju, hdyž přidu.

STAW XII.

Wšelakim dawaju so wšelake dary toho sameho Ducha swjateho, zo by kóždy, tak jako stawy w čłowjeskim čěle, swoje džěło dokonjał, a wšitcy spóznowši, zo jedyn druhého potřejuje, mjez sobu so podpěrali; a tak zastara Khrystus cyrkej ze wšelakym powołanjom čłowjekow.

28. t. r. njeh so swěru praša, je-li hódny, t. r. bjez čězkeho hrěcha; a njeje-li, zo so z wěrnej pokutu najprjedy z Bohom wujedna, prjedy hač s. woprawjenje dóstanje. — 29. t. r. tón so z tym sam wotsudži, dokelž njerozeznawa Knjezowe čěło wot drugeje jědže. — 30. Njehódne wužiwanje Knjezowego čěła khosta so hižo w tomlé swěće z tym, zo mnozy skhorja, woslabja, tež wumru. — 31. Hdyž so před wužiwanjom Knjezowego čěła sami sudžimy, so pruhujemy, smy-li hódni, njewotsudži nas Bóh. — 32. Bóh khosta na tom swěće, zo by nas před wěčnym khostanjom zakital. — 34. Zo byšće Božim khostanjam čekli, wužiwajće Knjezowe čěło w lubosći a přezjenosći, čakajo na so, zo móhl jedyn na jědži druhého džěl brać, a z tym swoju lubosć wopokazować, dokelž k dopokazej bratrowskeje lubosće je wužiwanje Knjezowego čěła wosebje postajeno, nic pak k nasycenju, kotrež ma so doma stać.

XII. 1. t. r. wo tom, štož Duch swjaty skutkuje. Dary, kotrež Duch s. w přěních časach wěriwym podawaše, wobstojachu nic jeno w znitřikownym rozswětlenju a pohnuwanju, ale zjewichu so tež we zwonkownym cyrkwiskim žiwjenju; tele dary mějachu dopokazać, zo je křesćanstwo Bóžska wučba, mějachu wěriwych we swěrje wobkrućeć, a pohanow k přijěću wěry pohnjeć. — 2. Tón, kiž pohanow k němym přiboham wodžeše, bě djaboł. — 3. Nětko nimaće dale slepie, bjez rozomneho přemyslenja někomu bóžsku česć wopokazować, ale maće sami rozsudžeć a k tomu wam pravidło dawam: Duch, kotryž čłowjeka pohonja, zo by Jězusa kłał, njemóže duch Boží być; duch pak, kotryž čłowjeka pohonja, zo by Jězusa za swojeho Knjeza připóznał, njemóže zły duch być, ale Duch swjaty. — 4. Hnady su wšelakore, ale wšitke wukhadźeju wot toho sameho Ducha swjateho. — 6. Kaž su dary wšelako rozdžělene, tak tež powołanja abo služby, kotrež so po nich wudžěleju, tak tež, štož so w jednotliwych powołanjach skutkuje, je wšelakore, ale wšitko dokonja jedyn a tón samy Bóh; wšitke powołanja w cyrkwi, a wšitko, štož so w nich dokonja, skutkuje Bóh, kotryž so w duchownych darach zjewja. — 7. t. r. hdyž so Duch w někim wozjewja, wěste dary jemu wudžělejo, stawa so to k wužitku, k powučenju, k rozšěrjenju cyłje cyrkwe. — 8. Rěč mudrosće, t. j. dar lěpšeho, hlubšeho spóznaća potajnych wěrnosć, a rěč wědomosće je dar jasneho rozestajenja wěrnosć Božich, tak zo je druzy zrozymja. — 9. Wěra, t. j. dar džiwy skutkowaceje wěry, kotraž so tak kruće z Boha spušća, zo Bóh ji takrjec swoju wšohomóć spožči, a zo spodziwne

Wo duchownych* (darach) pak noheu was w njewědomosći wostajić, bratřa.

2. Wěsće, zo hdyž běšće pohani, k němym přiboham khodžešće, kaž bušće wodženi.*

3. Tohodla wam wědomo činju, zo nichtó, kiž z Ducha Božeho rěči, njepraji pokleće Jězusej. A nichtó njemóže prajić: Knjez Jězus, khiba w Duchu swjatym.*

Mark. 9, 38.

4. Tola su rozdžělenja hnadow, ale Duch je tón samy;*

5. A su rozdžělenja službow, ale tón samy Knjez;

6. A su rozdžělenja skutkowanjow, ale je tón samy Bóh, kotryž skutkuje wšitko we wšitkich.*

7. Kóždemu pak dawa so zjewjenje Ducha k wužitku.*

8. Někomu mjenujcy dawa so přez Ducha rěč mudrosće, druhemu pak rěč wědomosće přez toho sameho Ducha;*

9. Druhemu wěra w tom samym Duchu,* druhemu dar wustrowjenjow w jenom Duchu;*

10. Druhemu činjenje dziwow,* druhemu wěšćenje,** druhemu rozeznavanje duchow,*** druhemu wšelakosć rěči,† druhemu wukładowanje rěči.††

11. To wšitko pak skutkuje jedyn a tón samy Duch, kotryž rozděla jednotliwym, kaž chce.

12. Přetož jako je ćelo jene a ma mnohe stawy, a wšitke stawy ćěla, byrnje mnohe, su tola jene ćelo: tak tež Khrystus.*

13. Přetož w jenom Duchu smy my wšitcy do jenoho ćěla wukřćeni, židža abo pohanjo, abo wotročcy, abo swobodni; a wšitcy smy w jenom Duchu napojeni.*

14. Dokelž tež ćelo njeje jedyn staw, ale (je) mnohosć.*

15. By-li noha rjekła: Dokelž ruka njejsym, njejsym z ćěla; njeje tohodla z ćěla?

16. A by-li wucho rjekło: Dokelž wóčko njejsym, njejsym z ćěla; njeje tohodla z ćěla?

17. By-li cyle ćelo wóčko było, hdže by bylo slyšenje? by-li cyle bylo slyšenje, hdže by bylo čuchanje?

18. Nětko pak postaji Bóh stawy, kóždy z nich w ćele, kaž je chcył.

19. Bychu-li pak wšitke stawy jedyn byle, hdže (by bylo) ćelo?

20. Nětko pak su drje mnohe stawy, ale jene ćelo.

21. Njemóže pak wóčko prajić rucy: Tebje njetrjebam; abo zaso hlowa nohomaj: Waju njetrjebam.

22. Ale wjele wjacjy su stawy ćěla, kotrež so slabše zdadža, trěbniše.

23. A kotrež mamy za njenahladniše stawy ćěla, te wobdawamy z nadobnišej česću, a kotrež su naše nječestne, maju nadobnišu pychu.*

24. Naše čestne pak ničoho njetrjebaju; ale Bóh je ćelo zložil, nižsemu nadobnišu česć přiděliwši,

25. Zo by rozkora njebyła w ćele, ale zo bychy stawy jenak za sebje starosćiwe byle.

wěcy dokonja; wo tutom daru wěry powěda Jězus swojim wučownikam Mat. 17, 19: „Změjeće-li wěru, kaž žonopowe zornjatkó, prajiće tutej horje: Přendź wotndy tamle a přendže, a ničo njebudže wam njemóžne.“ ** Dar wustrowjenjow, t. j. dar, z kotrymž wšelake khorosće hojachu, wězo spódziwnje, nic jakož lěkarjo. — 10. Dar činjenja dziwow, t. j. dokonjenje skutkow, kotrež so jeno z mocu Božej stawaju, kaž mrtwych wubudžeć, djabliska wuhonjeć atd. ** Wěšćenja, t. j. dar, z kotrymž móžachu přichodne podawki připowědać abo wěrnosće Bože z wulkej zahorjenosću, kaž z wosebitym rozswětlenjom Božim wozjewjeć. *** Rozeznavanje duchow, t. j. dar, kotryž spóznać dawa, rěči-li što rozswětleny wot Ducha swjateho abo wodženy wot swogeho abo zleho ducha. † Wšelakosć rěči, t. j. dar w druhej rěči rěčeć, ani zo by ju wuknył, kaž japoštołojo přenje swjatki, hl. 14, 2. †† Wułożenje slowow, t. j. dar, z kotrymž w cuzych rěčach slyšane móžachu prawje rozymić a druhim rozestajeć. — 12. Wšelako skutkuje w cyrkwi Duch swjaty, podobnje kaž čłowjeski duch w ćele, w kotrymž su tak wšelake stawy, wožiwjane a k jenomu zaměrej wodžene wot jenoho ducha. Tak su tež w cyrkwi, kotraž je Khrystus, t. j. potajne ćelo Khrystusowe, wšelake dary, wšelake powołanja a služby, ale wšitke pokhadžeju a su wodžene wot Ducha swjateho. Cyrkej je Khrystus, t. r. wona skutkuje jeho skutk, wumóženje a wozboženje čłowjestwa; štož wón w swojim žiwjenju na zemi dokonja, to same cyrkwej w swěće rozšěrja, wona je takrjec žiwy Khrystus. — 13. Cyle čłowjestwo, židža a pohani, wotročcy a swobodni, su přez tu samu křćenicu k jenomu ćelu, t. j. k jenedj cyrkwi zjednoćeni a z darami Ducha swjateho napojeni, t. r. nadobnje napjelujeni; wšitcy tworja tak jeničke ćelo. — 14—22. t. r. cyle ćelo njewobstoi z jenoho stawu, na přiklad z noli, z ruki atd., ale ma wjele stawow, a to dyrbi tak być, dokelž ma kóždy staw swoju wosebitu službu a tež přisłušne kmanosće. Tak je tež w cyrkwi; tež tu dyrbja wšelake dary być, dokelž runje wšelakosć mjez darami zdžeržuje cyrkwe, kaž wšelakosć mjez stawami ćelo zdžerži. Stawy ćěla njejsu tu jeno same za sebje, ale podpěraju so a služa sebi mjez sobu ze swojimi wšelakimi kmanosćemi, a njezawidža sebi swoje wosebitosće. Tak ma tež w cyrkwi jedyn druheho podpěrać a ze swojim darom druhim služić a to bjeze wšěje zawisće; přetož wšitcy maju so zhlromadnje, kóždy ze swojim darom za zbožje cyrkwe starać, kaž so jednotliwe ćelne stawy za spomóženje cyłeho ćěla staraju. Haj nadobniše stawy ćěla, kaž pluca, wutroba atd. njemóža wobstać bjez mjenje nadobnych; podobnje trjebaju tež w cyrkwi z bohatšimi a wosebnišimi darami wuhotowani tamnych, kotřiž su snadniše dary dostali, a tohodla njesmědža jich zacpěwać. — 23—26. Mjenje wažne stawy so wot čłowjekow wosebje pyša, kaž z pjerćenjemi, nawušnicami atd. abo wobdawaju so swěrnišo z drastu, kaž te, kotrež haubici-

26. A jelizo jedyn staw něšto ćerpi, ćerpja wšitke stawy sobu; a jelizo jedyn staw so česći, wjesela so wšitke stawy sobu.

27. Wy pak sće ćelo Khrystusowe, a stawy při stawje.*

28. A tak postaji Bóh někotrych w cyrkwi, najprjedy japoštołow, k druhemu profetow, k třecemu wučerjow, potom mocy, na to hnady wustrowjenja, pomhanja, nawjedowanja, wšelakosć rěči, wukładowanja słowow.*

29. Su wšitecy japoštołowje? wšitecy profetowje? wšitecy wučerjo?

30. Činja wšitecy džiwj? maju wšitecy hnadu wustrowjenjow? rěča wšitecy rěče? wukładuja wšitecy?*

31. Prócujeće pak so wšitecy wo lěpše dary.* A hišće wosebniši puć wam pokazam.**

STAW XIII.

Pawoł dopokazuje potřebnosć lubosće, jeje winowatosć, wěčnosć a wosebnosć před wěru a nadžiju, a druhimi darami Božimi.

Hdy bych rěče ćlowjekow a jandželow rěča, lubosće pak njeměl, bych sčinjeny

byl kaž zynčacy mosaz abo klinčacy zwóněk.*

2. A hdy bych měl wěšćenje, a znal wšě potajnosće a wšu wědomosć, a hdy bych měl wšu wěru, tak zo bych hory přesadzał, lubosće pak njeměl, njesym ničo.*

3. A hdy bych rozdźělil khudym na jědź wšitke swoje zamoženje a podal swoje ćelo tak, zo bych so spalil, lubosće pak bych njeměl, ničo mi to njepomlia.*

4. Lubosć je sćerpliwa, je dobroćiwa; lubosć njeje zawistna, njeje samokhwalna, njenaduwa so.

5. Njeje česćelakomna, njepyta swjeho (wužitka), njeda so rozhněwać, njemysli zleho.

6. Njewjeseli so nad njesprawnosću, wjeseli pak so nad prawdu.

7. Wšitko znjese, wšitko wěri, wšoho so nadžije, wšitko přecerpi.

8. Lubosć nihdy so njepominje, byrnjež wěšćenja zašle, abo rěče přestale abo wědomosć so zhubila.*

9. Přetož z džěla spóznavamy, a z džěla wěšćimy.

wosće dla so kedźbnje přikrywaju, dokelž maju so za nječestne. To njestawa pak so bjez Božeho zarjadowanja, kotrež samo na sebi mjenje čestnym stawam wonkownu česć přiłožuje, kotrejež čestniše stawy njeterjebaju, a tak w ćele wšo wuruna, zo by překora njebyla, ale dospołna přezjednosć, kotraž so tež w tom pokazuje, zo, hdyž jedyn staw ćerpi, wšitke sobu ćerpja a hdyž so jedyn wjeseli, wšitke so sobu wjesela. — 27. Pawoł nětko přirunanje naložuje na swjoch čitarjow, a praji: tak sće tež wy wšitecy jene ćelo, a to ćelo Khrystusowe, mjez sobu maće so zadźeržec, kaž staw k stawej, t. r. po postajenju Božim po dóstatych darach maće slůžić. — 28. Japoštoł mjenuje nětko wšelake powołanja w cyrkwi, najprjedy japoštołow, kotřiž buchu wot Knjeza samoho powołani a pólani; potom profetow, kotřiž buchu wot Boha rozswětljeni, potom wučerjow, kotřiž wobdarjeni wot Ducha swjateho wozjewjene wěrnosće Bože jasne a pilnje rozšěrjeju. Na tele sćěhaja druhe zastojnstwa, kotrež so po darach, z kotrymiž su wuhotowani, bjez kruteho rjada mjenuja. Spomina so na móc, kotraž džiwj skutkuje, khorych wustrowja, dale na slůžby, kotrež bližšeho w nuzy, w khorosći podpěraju, cyrkwijske naleznosće mudrje rjaduja a wodza, a skónčnje na dar, z kotrymiž móža cuze rěče rěčec, je rozumić a wukładować. — 30. Tute wšelake dary su cyrkwi třěbne a wužitne, a tohodla njemóža wšitecy wěriwi jenajke dary měc, dokelž džě maju wšelake powołanja. — 31. Jelizo pak za wosebnišim darom žadaće, žadajće za tajkim, kotryž cyrkwi wjetši wužitk přinjesa, nic za tajkim, kotryž by wašu česć powysil. ** t. j. puć k lubosći, kotraž je wosebniša, dyžli wšitke druge dary.

XIII. 1. Ze zahorjenjom khwali japoštoł móc a rjanosć lubosće, wosebje wěrneje lubosće k bližšemu, kotraž pak wukhadža z lubosće k Bohu. Bjez tuteje lubosće su najwosebniše dary bjez wužitka. Najwyšša dospołnosć w cuzych rěčach, haj sama kmanosć, z kotrejež so rěč jandželow rěči a rozumi, njeby bjez lubosće wjacj wužitka přinjesla, dyžli někajki zynčacy mosaz abo klinčacy zwóněk, kotryž sam wot so zynka njedawa, ale jeno hdyž druhi na njón bije. Tak tež tón žaneje zaslůžby pola Boha nima, kotryž bjez lubosće dar cuzych rěčow naložuje. — 2. Tež dar wěšćenja, z darom mudrosće a wědomosće a džiwjčinnjaceje wěry bjez lubosće njeje zaslůžbny. — 3. Tež wšitke hordžinske skutki milosće njepřinjesu myta, jelizo so z lubosću njedokonjeju. — 4. Tudy wopisuje s. Pawoł samotnosće wěrneje lubosće, t. r. zmyslenje lubosćiweho ćlowjeka. — 8. Wulka wosebnosć lubosće wobstoi tež w tom, zo wěcnje traje, zo so njezhubi, kaž druge dary; druge po-

10. Hdyž pak přindźe, štož je dospołne, zańdźe, štož je z džěla.*

11. Hdyž běch džěćo, rěčach jako džěćo, rozymjach jako džěćo, myslach jako džěćo. Hdyž pak buch muž, wotpołożich, štož bě džěscowske.*

12. Widźimy nětko přez špihel we wobrazu; potom pak wot wobliča k wobliču.* Něk spóznawam z džěla; potom pak spóznaju, jakož sym tež spóznaty.**

13. Nětko wostawa wěra, nadźija, lubosć, tute tři; najwjetša mjez nimi pak je lubosć.*

STAW XIV.

Dar rěči je špatniši, praji japoštoł, dyžli dar wěšćenja, haj njewužitny, jelizo tu nichto njeje, kiž wukładuje; wón podawa tohodla prawidło, po kotrymž maju tute dary wužiwać; kaže žónskim, zo maju w cyrkwach mjelčec.

Prócuje so wo lubosć, zahorjeje so za duchowne; bóle pak, zo byšće wěšćili.*

2. Přetož štož rěč rěči, njerěči za čłowjekow, ale za Boha; přetož nichto njeslyši, z duchom mjenujcy rěči potajnosće.*

3. Štož pak wěšći, rěči za čłowjekow k natwarjenju a napominanju a pokojenju.*

4. Štož rěč rěči, sam sebje natwarja;* štož pak wěšći, natwarja cyrkej Božu.**

5. Chcu pak, zo byšće wšitcy rěče rěčeli, bóle pak, zo byšće wěšćili. Přetož wjetši je, štož wěšći, dyžli tón, štož rěče rěči, khiba zo tež wukładuje, zo by cyrkej natwarjowanje dóstała.*

6. Nětko pak, bratřa, přinduli k wam rěče rěčo, k čomu budu wam wužitny, njebudu-li k wam rěčec we zjewjenju abo

kazuja so z časom jako njetřebne, abo přeměňu so do lepších, lubosć pak je najdospołniša a přewyšnje wšitko. — 10. Wšo, štož z darom wěšćenja a wědomosće spóznajemy, je njedosahace, njedospołne, a přestanje, hdyž Boha wuhladamy wot wobliča k wobliču; potom přestanje dar wěšćenja a wědomosće, kotryž nam Boha jeno njedospołnje pokazowaše. — 11. Kaž džěćo jeno njedospołnje spóznawa, štož wotrosceny jasne znaje, tak je tež naše nětčiše spóznace Boha, tež to, kotrež přez wosebite dary dóstawamy, jara njedospołne, hdyž je přirunamy ze spóznacom, kotrež w tamnym swěće změjemy. — 12. Štož nětko wo Bohu wěmy, spóznawamy jeno jako we wobrazu, podobnje kaž nam špihel wobrazuje, štož je před nim; tajke spóznace je čómně, w tamnym swěće pak wuhladamy Boha w jeho byću, nic jenož we wobrazu, ale wot wobliča k wobliču. ** Nětko spóznawamy jeno někotre dospołnosće, někotre skutki Bože, potajkim jeno z džěla, potom pak spóznajemy jeho dospołnje, w jeho byću a jeho skutkowanju, podobnje kaž smy sami jemu znači. — 13. Wěra, nadźija a lubosć wostanu přeco, mjez tym zo druhe dary so minu. Na wěru, nadźiju a lubosć twari so cyłe křesćanske žiwjenje, ale druhe wurjadne dary, kaž dar wěšćenja abo wědomosće abo rěčow, njejsu za křesćanske žiwjenje nuznje třebne; lubosć pak je mjez třomi počinkami najwosebniša, dokelž wěčnje traje, mjez tym zo wěra a nadźija we wěčnosti so přeměnitej, dokelž štož nětko wěrimy, budzemy potom widjeć, a čohož so nadźijemy, potom wobsydnjemy.

XIV. 1. Japoštoł wospjetuje tu swoje napominanje, na kóncu XII. stawa wuprajene, zo maju wo wosebniše dary so starać, mjenujcy wo lubosć; a jelizo so za druhe dary Ducha swjateho zahorjeju, dyrba wosebje wo dar wěšćenja žadać, t. r. wo dar, z wosebitej zahorjenosću a jasnosću wěrnosće Bože wozjewjeć, dokelž tónle dar je wužitniši, wosebje tež za druhich. — 2. Rěč rěčec, t. r. tamnu spodziwnu rěč nałožec, z kotrež chcyše Bóh wšitke ludy zaso zjednočić. Cyłe čłowjestwo rěčeše nimale 2000 lět jeničku rěč, ale Bóh pokhosta je, dokelž so hordže přečiwo njemu přezběhowaše a změša je, tak zo so wjacj njezrozumi a do wšelakich ludow so rozdžěli. Tule powšitkomnu rěč da Duch swjaty japoštołam přenje swjatki rěčec a tež poslušarjo buchu spodziwnje pohnadźeni, zo japoštołow zrozumichu, jako bychu jich w swojej rěči rěčec slyšeli, a prajachu: „Njejsu tući wšitcy Galilejsey? Kak my slyšimy jich rěčec kóždy našu rěč, w kotrež smy ko narodžili?“ Tónle dwój dźiw w japoštołach a w přeposlušarjach skutkowaše Duch swjaty k dopokazej, zo maju wšitke ludy so w lubosći zjednočić w křesćanskej cyrkwi. Tónle dar rěči bu tež wosebje w přěních křesćanskich časach wěriwym wudžěleny, ale měješe jeno wužitk, hdyž buchu tež přeposlušarjo pohnadźeni, zo zrozumichu, štož so rěčeše, hewak tajki rěčnik jeno za Boha rěčeše, t. r. Bohu k česći a khwalbje; za čłowjekow pak wosta wšitko, štož ze swojim wot Ducha swjateho pohnadźenym duchom rěčeše, potajne. — 3. Wužitniši je, kiž wěšći, t. r. ze zahorjenjom wěrnosće Bože wozjewja, dokelž z tym druhich powuča, napomina, změruje. — 4. t. r. sebje samo z pobožnymi začućemi k dokonjenju dobrego pohonja. ** t. r. pohonja wěriwych k dobrenu. — 5. Dar, spodziwnu rěč rěčec, drje je dobry, lepši pak je dar wěšćenja, dokelž k darej rěči dyrbi hišće přistupić jich wuloženje, zo bychu wěriwi wužitk měli.

we wědomosći abo we wěšćenju abo we wučbje?*

7. Nježiwe wěcy wšak zynk dawaju, kaž pišćel abo cithara; njedawaju-li rozeznaće zynkow, kak by so póznało, štož so piska abo na citharje hraje?

8. Přetož dawa-li truba njewěsty hlós, što zepřihotuje so na wójnu?

9. Tak tež wy, njewudaće-li z jazykom přez rěč jasne słowo, kak so zrozumi, što so praji? přetož budźeće do wětra rěčeć.*

10. Tak mnohe družiny rěči su drje na tom swěće, a žana njeje bjez zynka.

11. Njeznaju-li potajkim wuznam zynka, budu tomu, ke kotremuž rěču, cuzownik, a kotryž rěči, budźe mi cuzownik.*

12. Tak tež wy, dokelž sće horliwi wo duchowne dary, pytaće, zo byšće přenadobnje měli k natwarjowanju cyrkwy.*

13. A tohodla njech so modli, kiž rěč rěči, zo by wukładował.*

14. Dokelž jelizo so modlu w rěči, modli so mój duch; mój rozom pak je bjez płodu.*

15. Što nětko je (činić)? Budu so modlić z duchom, budu so modlić tež z rozomom; budu spěwać z duchom, budu spěwać tež z rozomom.*

16. Hewak, by-li z duchom žohnował, kak móže tón, kotryž je na měsće njewědomeho,* Amen prajić k twójemu žohnowanju? dokelž njewě, što prajiš.

17. Ty wšak derje džak prajiš, ale druhi so njenatwarja.

18. Džakuju so swojemu Bohu, zo bóle was wšitkich rěč rěču.*

19. Ale w cyrkwi chcu radši pjec słowow ze swojim rozomom rěčeć, zo bych tež druhich powučil, dyžli džesac tysac słowow w (tej) rěči.

20. Bratřa, njebudźće džěci po rozomje, ale budźće móličcy po zlósci; po rozomje pak budźće dospołni.*

21. W zakonju je pisane:* „Z druhimi rěćemi a z druhimaj hubomaj budu rěčeć k tomule ludej; a tež tak mnje njebudža posłuchać, praji Knjez.“

Is. 28, 11.

22. Potajkim rěče su k znamjenju nie za wěriwych, ale za njewěriwych; wěšćenja pak njejsu za njewěriwych, ale za wěriwych.*

23. Jelizo nětko cyła cyrkej do hromady so zeńdže, a wšitcy w rěčach rěča, a tež njewědomi abo njewěriwi zastupja: njebudža prajić, zo blazniće?*

6. Zo by wam mój přikład wužitny był, njesměm k wam rěče rěčeć, ale wot Ducha swjateho rozawěšćeny mam wam připowědać wozjewjenja Bože jako profeta, a was wučić wěrnosće Bože jako wučer. — 7.—9. Jako wšelake hudźbne stroje, n. př. pišćel, truba, cithara abo husle, žanoho wliwa na čłowjeka nimaju, jeho k wjeselu abo k zrudobje abo k wójskemu zahorjenju atd. njepohnu, jelizo so jich zynki njerozeznavaju a tohodla njezrozýmja, tak tež tamni wužitka njepřinjesu, kotřiž rěče rěčicy so njezrozýmja; rěča kaž do wětra, t. r. jich zynki so hnydom zhubja a wostanu bjez płodu. — 10.—11. W swěće mamy wjele wšelakich rěči, kóžda ma swoje zynki, z kotrymiž móža so čłowjekowje mjez sobu zrozumić, jelizo znaja, što zynki znamjenjeju, jelizo pak to njewědža, wostanu mjez sobu cuzownicy a njezrozýmja sebi a rěč nima za nich wužitka. Runje tak, — to pak njewupraji s. Pawoł, — dar rěči, jelizo připošłucharjo wuznam rěčow njeznaja. — 12. t. r. Prócnje so tohodla wo takje dary, z kotrymiž móžeće druhim spomožni być. — 13. t. r. njech žada tež wo dar wukładowanja rěči. — 14. t. r. Duch swjaty, kiž je we mni, modli so, rěči rěč; moja duchowna móc, mój rozom je při tom prózdny, njepřinošuje k spomoženju druhich. — 15. Najlěpje, hdyž móže so woboje stać; ma-li něchtó dar rěči, njech so modli a spěwa z duchom, njech pak so tež modli a spěwa z rozomom, tak zo je to druhim k wužitku. — 16. Njewědomy t. j. něchtó z přitomnych, kiž twóju rěč njerozými, njemóže so, Amen prajo, z twójej modlitwu zjednotić. — 18. t. r. zo mam dar rěči w tej samej měrje, kaž kóždy z was. — 20. t. r. budźće njewinowaci jako džěci, nie pak njerozomni jako džěci. — 21. t. r. w starym testamencie. Profeta Isaias hrozy, zo cuze ludy na swój lud pósće, kotřež sebi jón poděsnu; rěče tutych ludow su cuze rěče, w kotrychž budže k nim rěčeć, a jim swoje khostanja připowědžeć. — 22. Kaž Bóh tehdy w cnych rěčach k njewěriwemu ludej rěčeše, tak je dar spodźiwneje rěče tež za njewěriwych postajeny, zo bych přez tak napadne znamjo křesćanstwo přijeli; dar wěšćenja pak je za wěriwych. — 23. Dokelž dar spodźiwneje rěče k powučanju wěriwych postajeny njeje, njehodži so tež w zjawných zhromadźiznach, wosebje nie wot wšitkich naložec; přetož tak naložany by runje škodźil: njewědomy, kiž rěč njerozými, abo njewěriwy, t. r. pohan, do takjeje zhromadźizny

24. Jelizo pak wšitecy wěšća, a jedyn njewěriwy abo njewědomy zastupi, budže přepokazany wot wšěch, sudženy wot wšěch.*

25. Potajnosće jeho wutroby budža zjawne, a tak padnywši na wobličo, budže so k Bohu modlić, wuznawajo, zo je Bóh woprawdže we was.*

26. Što je nětko (činić), bratřa? Hdyž so skhadźujete, ma jedyn z was psalm, druhi wučbu, tón zjewjenje, tamny řeč, zaso druhi wukładowanje; wšitko njech pak so stawa k natwarjenju.*

27. Hdyž něchtó řeč řeči, njech so stawa přez dweju abo najwjacy přez třoch, a porjadu, a jedyn njech wukładuje.

28. Njeje-li pak tu wukładować, njech mjelči w cyrkwi, při sebi pak njech řeči a za Boha.*

29. Wěšćerjo pak, dwaj abo tři, njech řeča, a druzy njech rozsudžuju.*

30. By-li pak by druhemu tu sedźacemu zjewjenje so dóstało, njech přeniši mjelči.*

31. Přetož móžeće wšitecy, jedyn po druhim, wěšćić, zo bych wšitecy so powučili a wšitecy napominani byli.

32. A wěšćerjcy duchowje su wěšćerjam poddaći.*

33. Přetož Bóh njeje Bóh překory, ale

pokoja,* kaž tež we wšěch cyrkwjach swjatych wuču.

34. Žónske njech w cyrkwjach mjelča; přetož jim njedowola so řečć, ale zo bych u poddate byle, kaž tež zakon praji.*

1. Móž. 3, 16.

35. Chcedža-li pak něšto nawuknyć, njech so doma svojich mužow prašuju. Přetož njepřistoji so žónskim w cyrkwi řečć.*

36. Je snadž wot was slovo Bože wušło? abo je k wam samym přišlo?*

37. Jelizo so komu zda, zo je wěšćer abo duchowcy, njech spóznaje, zo, štož wam pišu, su kaznje Knjeza.*

38. Jelizo pak něchtó to njespóznawa, njebudže spóznaty.*

39. A tak bratřa, prócuje so (wo to), zo byšće wěšćili, a řeče řečć njewobarajće.*

40. Wšitko pak njech so stawa přistojnje a po rjedže.

STAW XV.

Pawoł wuču, zo je Khrystus wot mrtwych wstanyl a so mnohim a naposledku tež Pawołej, kiž sebje najmjeńšeho mjez japoštołami mjennje, zjewił, a wopowěduje naše wot-smjerće-wstaće a jeho rjad a kajkosć, jako tež wšelaku krasnosć zbudženych na duši a na čele. Smjerć pak budže w horjewstaću zničena.

Znate pak wam činju, bratřa, ewangelium, kotrež sym wam předował, ko-

zastupiwiši, njeby w tom dziw Boží, ale blaznjenje spóznal. — 24. 25. Zastupi-li pak do zhromadźizny, w kotrež so wuču, njewědomy abo njewěriwy, wobroći so k Bohu, dokelž spóznaje, zo su potajne mysle jeho wutroby, hrěchi jeho žiwjenja znate a tuž widzi hlós Boží w tajkim powučanju a napominanju k pokuće. — 26. Kóždy njech ze swojim darom k powučanju zhromadźizny přinošuje. — 28. Njeje-li w zhromadźiznje něchtó, kiž by řeč wuložował, njech tamny z cyla zjawnje njerěči, ale jeno sam za so abo doma. — 29. Su-li w zhromadźiznje někotři, kotřiž maju dar wěšćenja, njech jeno dwaj abo tři zjawnje řeča, druzy pak njech rozsudžuju, hač to, štož so řeči, wot Duchu swjateho pokhadža. — 30. Dóstanje-li tón, kotryž tu připošluchajo sedzi, wosebite wažne wěšćenje, njech so jemu hnydom dowoli řečć, mjez tym zo tamny, kiž řeče, mjelči. — 32. Dar wěšćenja ma wěšćer w swojej mocy; móže přestać, hdyž chce, a z tym znowa započć, z čimž přesta; z tym so dar wěšćenja tež před darom řeči wuznamjenja. Štož spódnawu řeči, njemóže přestać, ldyž chce; wón je cyle w mocy swjateho Duchu, tež jeho duchowne dary, rozom a wola, w tajkich wokomiknjenjach jemu poddate njejsu. — 33. Je-li jich dar wot Boha, njemóže jeho nałoženje njepokoj přinjesć, dokelž Bóh wjedže wšitko k přezjenosći. — 34. Maju-li žónske dar wěšćenja, njech w cyrkwi mjelča, dokelž so za nje njepřisluša, zo zjawnje řeča. — 35. t. r. ani prašć njesmědža so zjawnje, ale jeno doma. — 36. t. r. wy nimáće prawa, nowinki po swojim zdaću zawjesć, dokelž njejsće ani najprěniša ani jenička křesćanska wosada; maće so wjele wjac po druhich wosadach zložować. — 37. Wšitecy, kotřiž maju wosebite dary Duchu swjateho, dyrba spóznat, zo moje zarjadowanja wote mnje njewukładžuju, ale zo su kaznje Bože. — 38. t. r. njemínje so za wobdarjeného wot Duchu swjateho. — 39. Za darom spódnawne řeče njech horce njezadaju, tola njesmědža wobarać jón nałožć, ldyž so jeno prawje stawa.

trež sće tež přijeli, w kotrymž tež stojće,* Gal. 1, 11.

2. Přez kotrež tež budžeće zbóžni, džeržiće-li je, jakož sym wam předował; hewak byšće podarmo wěрили.*

3. Přetož sym wam najprjedy podał, štož sym tež dóstał: zo je Khrystus wumřel za naše hrěchi, po Pismje,

Is. 53, 8.

4. A zo bu pohrjebany a zo wot mortwych wstany na třeci dzeń, po Pismje;

Jon. 2, 1.

5. A zo so zjewi Kefasej, a na to [tym] jednaćom.

Jan. 20, 19.

6. Potom zjewi so wjacj dyžli pjeć stam bratrow hromadže, wot kotrychž su mnozy hač dotal žiwi, někotři pak zemřeli.

7. Potom zjewi so Jakubej, potom wšëm japoštołam.

8. Najposledy pak ze wšěch tak jako nječasnemu porodej tež mi.*

Jap. sk. 9, 3.

9. Přetož ja sym najmjeńši z japoštołow, kotryž njejsym hódny japoštoł rěkać, dokelž sym přesčěhał cyrkej Božu.

10. Přez hnadu Božu pak sym, štož sym, a hnada Boža njeje we mni prózdna byla, ale sym nadobnišo džělał dyžli woni wšitcy; nic pak ja, ale hnada Boža ze mnu.*

11. Tuž njech ja, njech woni: tak přědujemy, a tak bušće wěřiwi.*

12. Hdyž pak Khrystus so přěduje, zo je wot mortwych wstanyl, kak praja někotři mjez wami, zo horjewstaće mortwych njeje?

13. Njeje-li pak horjewstaće mortwych, njeje ani Khrystus wot smjerće wstanyl.*

14. Njeje-li pak Khrystus wot smjerće wstanyl, je tuž podarmo naše přědowanje, podarmo tež waša wěra;*

15. Bychmy pak namakani byli jako falšni swědkowje Boži, dokelž smy swědčili přeciwo Bohu, zo je Khrystusa zbudził był, kotrehož njeje zbudził, jelizo mortwi wot smjerće njewstanu.*

16. Přetož jelizo mortwi wot smjerće njestawaju, njeje ani Khrystus wot smjerće wstanyl.

17. Njeje-li pak Khrystus wot smjerće wstanyl, je prózdna waša wěra; přetož hišće sće we wašich hrěchach.*

18. Tuž su tež ěi, kotřiž w Khrystusu wumřechu, zhubjeni.*

19. Jelizo mamy jeno w tomle žiwjenju nadžiju na Khrystusa, smy njezbožowniši dyžli wšitcy ludžo.*

20. Nětko pak je Khrystus wot mortwych wstanyl, přěničk z wusnjenych.*

Kol. 1, 18; Zjewj. 1, 5.

XV. 1. Japoštoł zamołwja nětko wot-mortwych-wstaće, wobkrućejo, zo je Khrystus wot mortwych wstanyl; wopisuje tež, kak mortwi wstanu. Wěrnosć, kotruž tu wući, njeje nowa, ale je to same ewangelium, kotrež je wot spočatka přědował, a kotrež jich k zbóžnosći powjedže, budza-li po nim žiwi. — 2. t. r. jelizo wšitke wěrnosće wote mnje přědowane njeprějimaće, tak zo was wozbožeju, by waša wěra bjez płodu, bjez wužitka byla. — 8. Pawoł spomina tu na wšelake zjewjenja Khrystusowe, z kotrymiž wón jeho wot-mortwych-wstaće dopokazuje; w ponižnosći spomina tež na spodźiwny podawk, hdžež so Knjez jemu zjewi. Mjenuje so nječasny porod, a kaž parodžene džěćo po prawym so čłowjek mjenować njemóže, tak tež njemóže so wón z prawom japoštoł mjenować, a njezasłuži sebi wulku česć, zo so jemu Jězus zjewi, dokelž bě cyrkej přesčěhał. — 10. Jeno miłosć Boža mje k wěrje powoła, a přeze mnje telko za swjatu cyrkej skutkowaše. — 11. t. r. zo je Khrystus wot mortwych wstanyl. — 13. Hdyž pak my přědujemy a hdyž wy wěriće, zo je Khrystus wot mortwych wstanyl, kak móža někotři so zwažić a prajić, zo mortwi njewstanu? Dokelž hdyž mortwi njewstanu, njeje tež Khrystus wot mortwych wstanyl. — 14. Njeje-li pak Khrystus wot mortwych wstanyl, je naše přědowanje a waša wěra cyle prózdna a njeplódna, dokelž njeje-li Khrystus wot mortwych wstanyl, njeje dopokazał, zo je Syn Boži, zo je nas wumóžil, zo je jeho wučba bóžska wěrnosć. To wšitko bu hakle wobkrućene z jeho wot-mortwych-wstaćom. — 15. t. r. my bychmy njewěrnj podawk wobkrućeli a Bohu skutk přispowali, kotryž njeje dokonjał. — 17. t. r. wy sće hišće njewumóženi. — 18. t. r. ěi, kotřiž we wěrje do Khrystusa wumřechu, su zjebani, njebuchu zbóžni, ale su začisnjeni. — 19. Jelizo smjerć wšitku nadžiju, kotruž mějachmy na Jězusa, zniči, smy wobžarowanja hódni, dokelž bjez wužitka smy za Khrystusa čerpjeli, trádali a džělałi. — 20. Doweńnje wotpokazuje Pawoł tute wučby, wobkrućejo, zo je Khrystus wot mortwych wstanyl, jako přěni, zo po nim tež družicy wot mortwych wstanu, runje kaž přěnje płody

21. Dokelž je mjenujey přez čłowjeka smjereć, je tež přez čłowjeka horjewstaće mortwych.*

22. A jakož w Hadamje wšitecy mrěja, tak budža w Khrystusu tež wšitecy wožiwjeni;

23. Kóždy pak we swojim rjedže: přeniěk (bu) Khrystus; potom ěi, kotřiž su Khrystusowi, kotřiž su do jeho přikhada wěřili;*

1. Thess. 4, 15.

24. Potom budže kónc, hdyž je přepodał kralestwo Bohu a Wótcej, hdyž je zničil wšitke knježstwo a móc a sylnosć.*

25. Přetož wón dyrbi knježić, „hač položi wšitkich njepřećelow pod jeho nozy.“*

Ps. 109, 1; Hebr. 1, 13; 10, 13.

26. Jako najposledniši njepřećel pak budže zničena smjereć;*, „wšitko je podćisnył pod jeho nozy.“ Hdyž pak praji:

Ps. 8, 8; Hebr. 2, 8.

27. „Wšitko je jemu podćisnjene“: bjez dwěla z wuwzaćom toho, kotryž jemu wšitko podćisny.*

28. Hdyž pak budže jemu wšitko podćisnjene, tehdy budže tež sam Syn pod-

ćisnjeny tomu, kotryž je wšitko sebi podćisnył, zo by był Bóh wšitko we wšitkim.*

29. Što budža hewak ěinić, kotřiž so křćić dadža za mortwych, jelizo mortwi z cyla njestawaju, k čomu tež dadža so křćić za nich?*

30. Přeco tež my wustajamy so stracham w kóždej hodźinje?*

31. Wšědnje mrěju, bratřa, při khwalbje dla was, kotruž mam w Khrystusu Jězusu našim Knjezu.*

32. Sym-li wojował po čłowjesku* ze zwěrjatami w Efesu, što mi pomha? Jelizo mortwi njewstawaju, „jězmya pijmy; přetož jutře wumrjemy.“

Mudr. 2, 6; Is. 22, 13; 56, 12.

33. Njedajće so zawjesće: „Zle řeče kaž dobre počinki.“

34. Kedžbujće, sprawni, a njehřešće; přetož někotři nimaju wědomosć wo Bohu: k wašemu wohańbjenju to řeču.*

35. Ale něchtó rjeknje: Kak wstanu mortwi? w kajkim čěle přindu?*

36. Njemudry, štož ty wusywaš, njebywa wožiwjene, khiba zo prjedy wumrje.*

nadžiju zbudžuja, zo tež druge zezrawja. — 21. Khrystus poda nam nic jeno nadžiju na wot-mortwych-wstaće, ale wón je tež dokonja; kaž přez jenoho čłowjeka, Hadama, smjereć přindu, tak přez Khrystusa wot-mortwych-wstaće. — 23. Kotřiž do Khrystusa wěřja, njewstanu drje hnydom z Khrystusom, ale pozdžišo. — 24. Potom přindu kónc swěta, a tak tež kónc kralestwa Božeho na tomle swěće. Khrystus přepoda swoje kralestwo, kotřež je tudy na zemi založil a rozšěrjal, cyle knježstwo a wšitku móc swojemu Wótcej. — 25. Jeho knježstwo ma trać, doniž njeje předobyl wšitkich svojich njepřećeli, t. r. hač do kónca swěta. — 26. Smjereć je njepřećelnica Boža dokelž žiwjenje niči, kotřež Bóh dawa; přetož wona je sčěha a khostanje hrěchow. Smjereć pak se přewinje z wot-mortwych-wstaćom. Tež smjereć je jemu podćisnjena, wón ju zniči, hdyž chce. — 27. Hdyž je tež wšitko jemu podćisnjene, njeje jemu tola Bóh podćisnjeny. — 28. t. r. tež Khrystus podćisnje sebje a swoje kralestwo Wótcej, zo by wón sam knježil, a wšitko we wšitkim byl t. r. zo bychu Khrystus a wšitecy jeho swjeći ze wšěmi mocami jeho poslućali. — 29. W Korinće chcychu někotři swojim wotemrětym hnadu wumóženja přiwobroćić a tohodla dachu so za nich křćić; Pawoł to njekhwali, ale wón to wužije, zo by njerozomnosć wuzběhnył, kotraž w tom leži, zo wot-mortwych-wstaće přěja, a tola jim hnadu křćenicy dobyć žadaju, kotraž ma jeno wužitk, hdyž mortwi wot smjerće wstanu. — 30. t. r. kak njerozomni smy my, stajnje wšelakim stracham so wustajejey, hdyž smjereć nas zniči. — 31. t. r. wšědnje sym w strachu smjerće za wašu slawu, t. j. za slawu, kotruž sebi z tym dobuđu, zo was z Khrystusom zjednoćam. — 32. t. r. jelizo sym po čłowjesku, t. r. bjez wyšších, lěpších wotpohladanjow za přichodne žiwjenje, ze zwěrjatami, t. j. z njepřećelnymi, zlými čłowjekami w Efesu wojował, što by mi pomhało, jelizo wot mortwych njewstanu? Mudřišo by potajkim bylo, wjesela, kotřež swět poskića, w polnej měrje wužíwać, dyžli se tak napíac a za česć Božu a spomoženje svojich bližších dźelać. — 34. Njewěće dale takje bludne wučby, kotřež k hrěšnemu žiwjenju wjeđu. Ći, kotřiž přěja, zo mortwi wstanu, njernaja Boha a jeho wšohmóc. Zo su tajey mjez wami, ěini wam hańbu. — 35. Kak je móžno, zo mortwi wstanu a kajke budže jich čělo? — 36. Japoštoł wotmołwi, zo móža čěla wot mortwych wstaněć, byrnje w zemi zhnije, runje kaž symjo, kotřež so wusywa, hdyž zhnije, k nowemu žiwjenju zeskhadža. Bóh dawa kóždemu wosebite čělo, t. r. da jemu rosć jako stwjelcu; tak da Bóh z něčěho čěla nowe čělo zrosć.

37. A štož wusywaš, njewusywaš ćelo, kotrež budže, ale hole zorno, njech je pšenčne abo kotrežkuli druhe.

38. Bóh pak dawa jemu ćelo, kaž chce, a kóždemu symjenju wosebite ćelo.

39. Kóžde ćelo njeje jenajke ćelo; ale hinaše je čłowjekow, hinaše skotu, hinaše ptakow, hinaše rybow.*

40. A su ćela njebieske a ćela zeńske; ale hinaša je krasnosť njebieskich, hinaša zeńskich.

41. Hinaša je jasnosť slónca, hinaša jasnosť měsaca a hinaša jasnosť hwězdow; přetož hwězda rozeznawa so wot hwězdy přez jasnosť.

42. Tak budže tež z horjewstaćom mortwych. Wusywa so w tłajitosći, wstanje w njetłajitosći;

43. Wusywa so w nječesci, wstanje w krasności; wusywa so w slabosci, wstanje w mocy.*

44. Wusywa so dušine ćelo, wstanje duchowe ćelo.* Je-li dušine ćelo, je tež duchowe, kaž je pisane:

45. „Prěni čłowjek Hadam bu sćinjeny

žiwa duša“,* (posledni Hadam woźiwjacy duch).**

1. Móž. 2, 7.

46. Ale najprjedy njeje, štož je duchowe, ale štož je dušine; potom štož je duchowe.

47. Prěni čłowjek ze zemje je zeński; druhi čłowjek z njebies je njebieski.*

48. Kajkiž (bě) zeński, tajcy tež zeńscy; a kajkiž (je) njebieski, tajcy tež njebiescy.*

49. Potajkim, jako nošachmy wobraz zeńskeho, nošmy tež wobraz njebieskeho.*

50. To pak praju, bratřa: ćelo a krej njemóžetaj kralestwo Bože wobsydný, ani tłajitosć njewobsydnje njetłajitosć.*

51. Hlejće, potajnosć wam praju: Wšitcy drje wstanjemy, ale wšitcy njebudžemy přewobroćeni.*

52. Nadobo, we wokamikenjenju, při poslednej trubje;* přetož truba budže trubić, a mortwi wstanu njepřetłající,** a my budžemy přewobroćeni.

53. Přetož tuto tłajite ma so woblec njetłajitosć, a tuto smjertne so woblec njesmjertnosť.*

39. Japoštoł wotmołwa tež na druhe prašenje, zo budža wot mortwych wstanjene ćela hinaše, jako nětčiše; kaž su tež nětko na swěće tak wšelakore ćela, na zemi, w morju, na njebju. Wulka je tu wšelakosć; tak budže tež wulka wšelakosć mjez ćelom, kotrež so pohrjeba, a mjez tym, kotrež wot mortwych wstanje. — 43. Wusywa t. r. pohrjeba so ćelo tłajite, kotrež hižo počina rozpadawać, w nječesci, t. r. hrozne, wohidne; w slabosci t. r. bjez mocy a hibanja, wstanje pak w njetłajitosći, t. r. njewumrje z nowa; w krasności, t. r. budže so blyšćić; w mocy, t. r. polne žiwjenja. — 44. Čłowjeski duch ma wyšše a nižše dary; wyšše dary, kaž rozom a swobodna wola, mjenuja so z krótka duch; nižše dary, kaž čuće, zmyslnosć, mjenuja so duša; naše nětčiše ćelo woźiwja wosebje nižše dary, a w tom je ćelne čłowjeske žiwjenje podobne zwěrjećacemu; wot mortwych wstanjene ćelo pak budže duchowe, t. r. wyšším daram ducha poddate, budže podobne duchej, kaž je nětko podobne zwěrjeću. — 45. t. r. stworjenje, wot duše woźiwjene. ** Khrystus mjenuje so tu „posledni Hadam“, dokelž je wótc nowoho duchoweho žiwjenja; wón bu woźiwjacy duch, t. r. měješe, wot mortwych wstanywši, duchowe ćelo; jeho ćelo bě duchej podobne, wón bě we prawdže woźiwjacy duch, t. r. kiž ma móć, wšitkich přez njeho znowa narodzenych woźiwć, při wot-mortwych-wstaću z duchowym ćelom wuhotować. — 47. Dušine bě přenje, potom přińdže duchowe; přetož přeni čłowjek, ze zemje stworjeny, měješe dušine ćelo; druhi, t. j. Khrystus, pak podjaty wot Ducha swjateho a narodzeny wot čisteje knježny, bě tež jako čłowjek z njebies, Syn Boží; to zjewi so tež k př. při jeho překrasnjenju abo kroćenju po morju. — 48. t. r. po swojim pokhadženju wot Hadama smy, kaž wón, po čěle zeńscy; přez Khrystusa pak z nowa narodzeni, budžemy tež po čěle njebiescy. — 49. Hdyž smy nětko na Hadama podobni po narodže, prócujmy so, zo bychmy tež Khrystusej podobni byli. — 50. t. r. z našim nětčjším ćelom, kotrež je tłajite, njepóndžemy do njebies, naše ćelo dyrbi so prjedy přeměnić, mjenujcy njepřetłajite być. — 51. t. r. wšitcy, sprawni a hrěšnicy, wstanu wot mortwych, ale wšitcy njepřewobroća so po Khrystusowym překrasnjenym čěle. — 52. t. r. wstanu mortwi; ** wšitcy drje budža njepřetłající, njewumrujacy; my pak, kotřiž do Khrystusa wěrimy, budžemy tež překrasnjeni. — 53. Čělo dyrbi, ma-li do njebies přińć, njepřetłajite a njesmjertne być.

54. Hdyž pak tuto smjertne so wobleče njesmjertnosć, tehdy dopjelni so słowo, kotrež je pisane: „Póžřěta je smjerc w dobyću.“* Ose. 13, 14; Hebr. 2, 14.

55. „Smjerc, hdže je twoje dobyće? smjerc, hdže je twoje žahadlo?“

56. Žahadlo smjerce pak je hrěch, hrěcha móc pak je zakon.*

57. Bohu pak budž džak, kotryž je nam dobyće dał přez našeho Knjeza Jězusa Khrystusa.*

58. Potajkim, moji lubowani bratřa, budžće wobstajni a njekhablawi, nadobuwajcy stajnje w Knjezowym skutku,* wědźicy, zo waša próca njeje podarmotna w Knjezu.**

STAW XVI.

Po napominanju, zo bychy za křesćanow w Jeruzalemje jałmožnu hromadźili, poruča jim Timothea a druhich, tež přidawa postrowjenja.

W nastupanju hromadženja pak, kotrež so stawa za swjatyh, kaž sym cyrkwjam Galacije postajił, tež wy tak činiće.*

2. Prěni dzeń tydženja* składuj kóždy z was pola sebje a hromadź, štož so jemu zespodoba, zo bychy skladowanja so nje-stale hakle tehdy, hdyž přińdu.

3. Hdyž pak přitomny budu, pósćelu

z listami, kotrychž za dobrych spóznaćej, zo bychy waše dary do Jeruzalema donjesli.

4. Budže-li pak hódnó, zo bych tež sam šoł, pónđza ze mnu.*

5. Přińdu pak k wam, hdyž Macedoniju přeńdu; přetož Macedoniju překhodu.*

6. Pola was pak snadź wostanu, abo tež přez zymu pobudu,* zo byšće wy mje přewodźeli, hdžežkuli pónđu.

7. Njecham wšak was jeno nimoducy wohladać; přetož nadžiju so, někotry čas pola was wostać, jelizo Knjez dopuści.

8. Zwostanu pak w Efesu hač do swjatkow;

9. Přetož wotewrjene su mi tu durje wulke a widomne, a přeciwnikow je wjele.*

10. Hdyž pak Timotheus přińdže, hladajće, zo by hjez stracha pola was był; přetož skutkuje Knjezowy skutk, jako tež ja.*

11. Niehtó jeho njezacpěj; přewodžejće pak jeho w pokoju, zo by ke mni přišoł; přetož wočakuju jeho z bratrami.*

12. Wo bratře Apollu pak wam wo-zjewjam, zo sym jeho jara prosył, zo by k wam šoł z bratrami, ale docyła njeměješe wolu, zo by nětko šoł; přińdže pak, hdyž změje čas.*

54. t. r. smjerc je cyle předobytá, tak zo dale njebudže. — 55. Smjerc mysli sebi Pawel pod wobrazom zwěrjeća z jědojnym jara škódnym žahadlom; hdyž je tute zlamane, njemóže zwěrje škodzić; podobnje njemóže smjerc dale škodzić. — 56. Smjerce žahadlo je hrěch, dokelž hrěch je čłowjeka smjerći podať. Zakon, t. r. wšelake winowatosće, kotrež zakon čłowjekam napoloža, dokelž z tym budži zakon nakhilnosť k přestupjenju, nakhilnosť k hrěchej. — 57. Nětko hižo je nam dobyće zawěšćene, dokelž je Khrystus hrěch, žahadlo smjerce, ze swojej smjerću na křižu zničil. — 58. t. r. w skutku, kotryž je nam Knjez dokonjeć poručil, t. j. w službje Božej. ** Dokelž wěsće wot mrtwych wstanjemy, njewostanje naša próca hjez myta, ale Khrystus, kotremuž služimy, budže naša wulka mzda.

XVI. 1. Hl. Roms. 15, 25. Pawoł bě hižo Korinthskich křesćanow prosył, zo bychy mjez sobu za khudych křesćanow w Jeruzalemje jałmožnu hromadźili a nětko powuča jich, zo maju to runje tak činić, kaž bě křesćanskim wosadam Galacije poručil. — 2. t. j. njeđzela; potajkim swjećće so hižo tehdom wot křesćanow město sabata přěni dzeń tydženja jako swjaty dzeń. — 4. Budže-li pak zběrka tak nadobna, zo so přihodži, zo by ju japoštoł sam tam donjesl, chce tam hić. — 5. Japoštoł běše Korinthskim slubił, zo z Efesa k nim přińdže, nětko přeměni swoje wotpohladanje a praji jim, zo chce přez Macedoniju pućować. — 6. To so tež sta; japoštoł wosta w Korinće w zymje tři měsacy. Jap. sk. 20. 3. — 9. t. r. tu je jara wjele džěla, a mnoha přiležnosť k rozšěrjenju křesćanstwa a strašni njepřecelojo, přeciwo kotrymž dyrhju sam wěrnosće wěry zakitać. — 10. Pawoł so boji, zo bychy jeho přeciwnicy Timotheej křiwdu činili abo jeho zacpěli, dokelž bě hišće młody. — 11. t. r. kotřiž jeho přewodžuju, mjez tutymi bě tež Erastus. — 12. Apollo, kotryž bě při Pawole w Efesu a z nim w najlěpšej přezjenosći skutkowaše, njechaše do Korintha pućować z bratrami, t. j. z tymi, kotřiž tónle list do Korintha njesechu, najskeřje, zo so njeby zdało, jako by wina był na rozkorje, kotraž tehdom w Korinće běše. Hl. st. 1.—10.

13. Kedźbujće, stójće we wěrje, skutkujće mužnje a wobkrućće so.*

14. Wšitko waše njech so stanje w lubosći.

15. Prošu pak was, bratřa, znajeće dom Stefanasa a Fortunata a Achaika, zo su přenički z Achaje a zo su sebje samych postavili k službje swjatych;*

16. Zo byšće tež wy tajkim poslušni byli* a kóždemu, kotryž sobu skutkuje a so prócuje.

17. Wjeselu pak so na přitomnosći Stefanasa a Fortunata a Achaika, dokelž štož wam so njedóstawaše,* woni narunachu.

18. Přetož wokřewichu mojeho ducha

a tež wašeho. Připóznawajće tohodla, zo tajcy su.*

19. Postrowjeju was cyrkwy Asije. Postrowjataj was jara w Knjezu Aquila a Priscilla ze swojej domjacej zhromadźizny,* pola kotrejuž mam tež hospodu.

20. Postrowjeju was wšitecy bratřa; postrowće so mjez sobu we swjatym wokošenju.*

21. Postrow z mojej, Pawołowej ruku.*

22. Njelubnje-li něchtó našeho Knjeza Jězusa Khrystusa, budź poklaty, maran atha.*

23. Milosć našeho Knjeza Jězusa Khrystusa budź z wami;

24. Moja lubosć je z wami wšitkimi w Khrystusu Jězusu. Amen.*



DRUHI LIST S. JAPOŠTOŁA PAWOŁA NA KORINTHSKICH.

STAW I.

Japoštoł pokazuje, z kak wulkich čěsnośi, wo Asiji nastatych, je Knjez jeho wumóžik, zo by tež druhich pokojował. Potom pokazuje zjawnje na wěrniwosć swojeje wutroby a wučby, zo, hač runje bě sebi předewzał, k nim přinć, tola nětko njemóže, a praji, zo je wěrnosć jeho předowanja wobtwjerdžena.

Pawoł japoštoł Jězusa Khrystusa z wole Božeje, a bratr Timotheus,* cyrkwi Božeje,

kotraž je w Korinće, ze wšěmi swjatymi, kotřiž su we wšej Achaji.**

2. Milosć wam a měr wot Boha našeho Wótea a Knjeza Jězusa Khrystusa.

3. Khwaleny budź Bóh a Wótc našeho Knjeza Jězusa Khrystusa, Wótc smilnosće a Bóh wšoho pokoja,*

4. Kotryž nas pokoji we wšej našej čěsnośi, zo bychmy tež sami pokojić

13. Hladajće so njepředeli wěry, wojujće přeciwo nim, a budźće swěrui we wěrje. — 15. Poruča Korinthskim Stefanasa a Fortunata a Achajika, kotřiž běchu k njemu do Efesa přišli a nětko jeho list do Korintha njesechu; Pawoł so boješe, zo bychu někotři jeho přeciwnicy jich hidzić móhli, a tuž spomina na jich zaslužby, zo su najpřeniši w Achaji byli, kotřiž křesćanstwo přijachu a dobrowólnje a wjesele wosadže služachu. — 16. Dokelž su telko woporow přinjesli, sluša so, zo byšće jich poslušali. — 17. t. r. was woni zastupichu; wy mi pobrachowašće, a woni běchu za was přítomni. — 18. t. r. ze swojej přítomnosću mje změrowachu a zwjeselichu, a tež wam dyrbi lubo być, zo su ze mnu přecelnje wobkhažděli; tohodla budźće jim dżakowni. — 19. Hl. Jap. sk. 18, 2. 18; Romsk. 16, 3. — 20. Wokošenje plaćeše za wuraz bratrowskeje lubosće. — 21. Pawoł podpisa list, kotryž bě pisarjej předprajał, ze samotnej ruku. — 22. Štóz je Knjeza Jězusa spóznał přez wěru, a jeho njelubuje, budź začisnjeny. Aramejske słowo: maran atha: Knjez přindžo, mjenujcy k sudu, a potom dopjelni so pokleće. — 24. Was wšitkich lubuju bjez rozdźěla, dokelž smy wšitecy zjednoćeni w Khrystusu, kotryž je naš wjerch.

I. 1. Kaž w přěnim lišće na Korinthskich Sosthenes, tak mjenuje so w tutom druhim Timotheus jako Pawołowy pomocnik; na jeho mamy tohodla přede wšim myslić (a potom na druhich wučownikow), hdyž Pawoł rěči: my abo mój. ** t. r. wšěm křesćanam, kotřiž w Korinće a we wokolinje bydla. — 3. t. r. smilny, dobroćiwý Bóh, kiž tož čłowjeskej wutrobje prawy pokoj wudźěla.

móhli tych, kotřiž su w kotrejžkuli česnosći, z pokojom, z kotrymž smy tež sami pokojeni wot Boha;*

5. Přetož kaž su čerpjenja Khrystusowe nadobne nad nami, tak je přez Khrystusa nadobne tež naše pokojenje.*

6. Njeh pak smy česnjeni, (stawa so to) za waše pozbudjenje a wozboženje, abo njeh smy pokojeni, (stawa so to) za waše pokojenje, abo njeh smy pozbudzeni, (stawa so to) za waše pozbudjenje a wozboženje,* kotrež skutkuje sčerpunosć w tych samych čerpjenjach,** kotrež tež my čerpimy,

7. Zo by naša nadžija wobtwjerdžena byla was dla, dokelž wěmy, zo budžeće, kaž sće towaršowje čerpjenjow, tak tež pokojenja.

8. Přetož nochcemy, zo byšće njewědželi, bratřa, wo našej česnosći, kotraž bu nam činjena w Asiji, dokelž buchmy přez měru wobćeženi, přez zamoženje,* tak zo běchmy tež žiwjenja syći.

9. Ale sami smy we sebi wuprajenje smjerce měli,* zo bychmy sami na sebje so njedowěrili, ale na Boha, kiž mrtwych zbudža:

10. Kotryž nas z tak wulkich strachow

wumóži a wumóža, na kotrehož so nadžijemy, zo tež hišće wumóže,

11. Dokelž tež wy pomhaće w modlitwje za nas, zo by za dar, mnohich wosobow dla nam darjeny, přez mnohich so tež džak prajił za nas.*

12. Přetož naša khwala je w tom: swědčenje našeho swědomja, zo smy we wěrnivosti wutroby a čistosci Božej,* nic w mjasnej mudrosći, ale w miłosći Božej khodžili w tomle swěće, wosebiće pak mjez wami.

13. Přetož druhe wam njepišemy, jako štož čitašće a spóznawašće.* Nadžiju pak so, zo hač do kónca spóznajeće, —

14. Jakož nas tež z džela spóznašće, zo smy waša khwala, jakož tež wy naša, na dnu našeho Knjeza Jězusa Khrystusa.*

15. A z tutej dowěru chcych najprjedy k wam přinć, zo byšće druhu hnadu měli,*

16. A přez was přeńć do Macedonije, a zaso z Macedonije k wam přinć, a wot was so dowjesć dać do Judeje.

17. Hdyž potajkim to chcych, sym lohkomyslny był? Abo štož sebi wotmysluju, sym sebi to po mjasu wotmyslil, jako by pola mje haj a ně zdobom bylo?*

4. Pokoj, kotryž dóstawamy w našich česnosćach, wudžělamy tež druhim, njeh su w kajkejžkuli česnosći, jich zahorjejcy, zo bychy Bohu so dowěrili. — 5. Wjelo čerpimy, ale tež wjelo pokoja dóstawamy wot Jězusa, tak zo so nad čerpjenjemi radujemy. — 6. Hdyž pak čerpimy abo hdyž so pokojimy, stawa so to, zo bychmy was w česnosćach pokojili a tak za waše wozboženje skutkowali. ** Sčerpno znjesenje čerpjenjow wjedže k wozboženju, dokelž je zaslužbne. — 7. t. r. dokelž smy so my w svojich čerpjenjach pokojili, nadžijemy so, zo tež wy, kotřiž maće džěl na našich čerpjenjach, pokojenja namakaće. — 8. Japoštoł měni drje tudy přesčěhanja, kotrež bě złótnik Demetrius w Efesu přećiwo njemu zbudžił; hlad. Jap. sk. 19, 23. — 9. t. r. my sami běchmy přeswědčeni, zo dyrbymy wumřć, tak zo na čłowjekow wjacj njetwarjachmy, ale na Boha, kiž mrtwych zbudža a tohodla tež před smjercu zakitać móže. — 11. Čim krućišo so japoštoł nadžije, zo jeho Bóh zakita, dokelž nětko tež Korinthška wosada za njeho so modli, a tak budže za dar, kotryž bu přez modlitwu mnohich wosobow jemu wuprošeny, tež wot mnohich za njeho džak prajeny, štož je Bohu jara spodobne. — 12. t. r. čistosc, kotruž Bóh dawa a zdžeržujo, wosebjje tež čiste wotpohladanja. — 13. Tule čistotu a wěrnivosć zjewjamy tež w tomle lišće, dokelž pokazujemy so tudy, kaž w prjedawšich, kotrež čitašće, abo kaž nas z wobkhažowanja spóznašće. — 14. Nadžiju so, zo dobre mčjenje, kotrež měješće z najmjěńša z džela wo nas, wobkhowaće, a přeco lěpje spóznajeće, zo je za was česć, hdyž sym ja waš wučer, za mnje pak česć, zo sće wy wote mnje rozwučeni; tola nic jeno nětko, ale tež před sudnym stolom Božim budžemy sebi k slawje. — 15. Z tym, zo chcyše Pawoł ke Korinthskim přinć, by so jim hnada stala, dokelž bychy přez jeho přitomnosć we wěrje wobkrućeni byli. — 17. t. r. hdyž chcych potajkim k wam přinć, a tola njepřinďeć, njebě to lohkomyslnje, abo jeno po mojim wuzdaću, jako bych w tom samym wokamikenju „haj“ a „ně“ prajił.

18. Swěrný pak je Bóh, zo naša řeč, kotraž bě k wam, njeje zdobom haj a ně.*

19. Přetož Syn Boží Jězús Khrystus, kotryž bu mjez wami přez nas předowany, přeze mnje a Silvana a Timothea, njebě haj a ně, ale haj bě w nim.*

20. Přetož kelkožkuli je slubjenjow Božich, su we nim haj; tohodla je tež přez njeho Amen Bohu k našej sławje.*

21. Kotryž pak nas z wami wobtwjerdža w Khrystusu, a kotryž nas požalbowa, (je) Bóh,*

22. Kiž tež nas woznamjeni a zawdawk Duchu poda do našich wutrowow.*

23. Ja pak Boha za swědka wołam na moju dušu, zo was lutujo, zaso do Korintha njeprjindžech: nic zo bychmy knjezowali nad wašej wěru, ale zo bychmy pomocnicy byli wašeje radosće; přetož we wěrje sće krući.*

STAW II.

Pawoł praji, zo k nim njeprjindže, zo njeby wina był na wjetšej zrudobje, a napomina, zo bychy tamneho kurwarja z miłosće zaso přijeli; hny-

dom tež wozjewja, zo drje je z wulkim napi-
nanjom, tola pak tež wulkim plodom předował,
hač runje bě wón jeho předowania někotrym
přiležnosć smjerće.

Postajich pak tuto při sebi, zo bych
zaso w zrudobje k wam njeprjšol.*

2. Přetož jelizo was ja rudžu, štó je,
kiž by mje zwjeselił, khiba tón, kotryž
je rudženy wote mnje?*

3. A to same napisach wam, zo bych,
hdyž přindu, zrudobu nad zrudobu nje-
měl (nad tymi), nad kotrymiž bych so
wjeselić měl, dokelž wo was wšitkich
so nadžiju, zo je moje wjeselo tež za was
wšitkich.*

4. Přetož z mnoheje tyšnosće a wu-
trobnje stysknosće napisach wam z mno-
himi sylzami, nic zo byšće so rudžili, ale
zo byšće wědzeli, kajku lubosć mam wo-
sebjě k wam.*

5. Jelizo pak je štó zrudobu činił,
njeje (jenož) mje rudžil; ale z džěla, zo
bych was wšitkich njewobćežil.*

6. Dosć ma tajki na tomle khostanju,
kotrež bu jemu wot mnohich,*

18. Dopokazujo, zo njeje lohkomyšlny abo wjerčaty, kaž by sebi něchtó myslil, dokelž njebě
swoje wotpohladanje wuwjedł, powoła so Pawoł na Boha, kiž je swěrný w swojich slubjenjach, a tohodla
njeprida, zo by móhl jeho japoštoł we řeči, t. r. w předowanju „haj a ně“, t. r. wjerčaty być. —
19. Předowanje, kotrež sće wot nas slyšeli, wobsahuje Jězusa Khrystusa Syna Božeho, wěcnu wěr-
nosć, kotryž njeje so přeměňal, slubił a slubjenje zlamał, ale kotryž je wšitke swoje slubjenja
dopjelnil. — 20. We Khrystusu su wšitke slubjenja dopjelnjene, tohodla je k našej sławje, t. r.
wjeselemy so, zo směmy přez njeho Bohu Amen prajić, a z tym wobkrućić, zo slubjenjam Božim
wjesele wěrimy. — 21. Zo smy tak wobkrućeni we předowanju Khrystusoweje wučby, zo njeprajimy
nětko haj a potom ně, to skutkuje we nas Bóh, kiž je nas žalbowal, t. r. k předowanju posłał. —
22. Tón samy Bóh nas tež wuznamjeni, swoje dary nam wudžěliwši, zo smy wot njeho posłani a
zo mamy znutřikownje hnađu Duchu swjateho jako zawdawk wěčneje zbóžnosće. — 23. Nětko liakle
spomina Pawoł na woprawdžitu winu, kotraž jeho wotdžerža, do Korintha přinć. Wón by jenož
sprawnje khostajo přinć móhl; tuž radši, jich přelutujo a na polěpšenje čakajo, swój lubjeny při-
khad wotstorči. Hdyž měješe přčinu jich khostać, njechaše tola na jich wěrje knjezować, ale
pomhać, zo bychy k radosći přišli, t. r. zo by zrudoba, dla překory w Korinće knježaca, do wjesela
so přewobroćila.

II. 1. t. r. zo bych was z čěžkimi porokami zrudzić njedyrbał. — 2. t. r. hdyž ja was
zrudžu, nimam nikoho, kiž mje zwjeseli, dokelž sće wy jeničcy, kotřiž mje zwjeseloju; potajkim
njesměm was zrudzić. — 3. t. r. štož mějach wam zrudžaceho sobudžělić, činjach radši z listom, zo
njebych, hdyž budu pola was, zrudoby mět; a nadžiju so, zo to, štož mje zrudži, před mojim při-
khadom porjedžiće; přetož wěm, zo tež was zrudži, štož mje rudži, a zo tež was zwjeseli, štož mje
wjesele. — 4. Tule lubosć zjewi Pawoł z tym, zo jim tak pisaše, zo by zrudoba, kotruž mjez nimi
wubudži, jim spomožna byla a k wěrnemu polěpšenju wjedla. — 5. Tón, kiž bě zrudobu w Korinće
zbudžil, běše kurwał, hl. 1. Kor. 5, 1; tónle, praji Pawoł, njebě mje samoho zrudžil, dokelž ja sym
jeno džěl tych, kotrychž je zrudžil. Hdy bych prajił, zo je mje samoho zrudžil, bych was wobćežil,
t. r. wam křiwdu činił, jako by jeho njesutk was njezrudžil. — 6. Z tym, zo bu tamny hrěšnik
z wosady wustorčeny, bě dosć khostany a zo mnozy jeho zácpeču, dosabaše, zo so nakaza.

móhli tych, kotřiž su w kotrejžkuli česnosći, z pokojom, z kotrymž smy tež sami pokojeni wot Boha;*

5. Přetož kaž su čerpjenja Khrystusowe nadobne nad nami, tak je přez Khrystusa nadobne tež naše pokojenje.*

6. Njeh pak smy čěsnjeni, (stawa so to) za waše pozbudženje a wozboženje, abo njeh smy pokojeni, (stawa so to) za waše pokojenje, abo njeh smy pozbudženi, (stawa so to) za waše pozbudženje a wozboženje,* kotrež skutkuje sčěrpnosć w tych samych čerpjenjach,** kotrež tež my čěrpimy,

7. Zo by naša nadžija wobtwjerdžena byla was dla, dokelž wěmy, zo budžeće, kaž sće towařšowje čerpjenjow, tak tež pokojenja.

8. Přetož nochcemy, zo byšće njewědželi, bratřa, wo našej česnosći, kotraž bu nam činjena w Asiji, dokelž buchmy přez měru wobćeženi, přez zamoženje,* tak zo běchmy tež žiwjenja syći.

9. Ale sami smy sebi wuprajenje smjerće měli,* zo bychmy sami na sebje so njedowěrili, ale na Boha, kiž mrtwych zbudža:

10. Kotryž nas z tak wulkich strachow

wumóži a wumóža, na kotrehož so nadžijemy, zo tež hišće wumóže,

11. Dokelž tež wy pomhaće w modlitwje za nas, zo by za dar, mnohich wosobow dla nam darjeny, přez mnohich so tež džak prajił za nas.*

12. Přetož naša khwala je w tom: swědčenje našeho swědomja, zo smy we wěrnivosti wutroby a čistosći Božej,* nic w mjasnej mudrosći, ale w miłosći Božej khodžili w tomle swěće, wosebiće pak mjez wami.

13. Přetož druhe wam njepišemy, jako štož čitašće a spóznawašće.* Nadžiju pak so, zo hač do kónca spóznajeće, —

14. Jakož nas tež z džěla spóznašće, zo smy waša khwala, jakož tež wy naša, na dnju našeho Knjeza Jězusa Khrystusa.*

15. A z tutej dowěru chcych najprjedy k wam přińć, zo byšće druhu hnadu měli,*

16. A přez was přeńć do Macedonije, a zaso z Macedonije k wam přińć, a wot was so dowjesć dać do Judeje.

17. Hdyž potajkim to chcych, sym lohkomyslny byl? Abo štož sebi wotmysluju, sym sebi to po mjasu wotmyslił, jako by pola mje haj a ně zdobom bylo?*

4. Pokoj, kotryž dóstawamy w našich česnosćach, wudžělamy tež druhim, njeh su w kajkejžkuli česnosći, jich zahorjeje, zo bychy Bohu so dowěrili. — 5. Wjele čěrpimy, ale tež wjele pokoja dóstawamy wot Jězusa, tak zo so nad čerpjenjemi radujemy. — 6. Hdyž pak čěrpimy abo hdyž so pokojimy, stawa so to, zo bychmy was w česnosćach pokojili a tak za waše wozboženje skutkowali. ** Sčěrpne znjesenje čerpjenjow wjedže k wozboženju, dokelž je zaslužbne. — 7. t. r. dokelž smy so my w swych čerpjenjach pokojili, nadžijemy so, zo tež wy, kotřiž maće džěl na našich čerpjenjach, pokojenja namakaće. — 8. Japoštoł měni drje tudy přescěhnanja, kotrež bě złótnik Demetrius w Efesu přećiwo njemu zbudžił; hlad. Jap. sk. 19, 23. — 9. t. r. my sami běchmy přeswědčeni, zo dyrbymy wumřěć, tak zo na čłowjekow wjacj njetwarjachmy, ale na Boha, kiž mrtwych zbudža a tohodla tež před smjerću zakitać móže. — 11. Čim krućišo so japoštoł nadžije, zo jeho Bóh zakita, dokelž nětko tež Korinthska wosada za njeho so modli, a tak budže za dar, kotryž bu přez modlitwu mnohich wosobow jemu wuprošeny, tež wot mnohich za njeho džak prajeny, štož je Bohu jara spodobne. — 12. t. r. čistosć, kotruž Bóh dawa a zdžeržuje, wosebje tež čiste wotpohladanja. — 13. Tule čistotu a wěrnivosć zjewjamy tež w tomle lišće, dokelž pokazujemy so tudy, kaž w přjedawšich, kotrež čitašće, abo kaž nas z wobkhadžowanja spóznašće. — 14. Nadžiju so, zo dobre měnjenje, kotrež měješće z najmjeńša z džěla wo nas, wobkhowaće, a přeco lěpje spóznajeće, zo je za was česć, hdyž sym ja waš wučer, za mnje pak česć, zo sće wy wote mnje rozwučeni; tola nic jeno nětko, ale tež před sudnym stołom Božim budžemy sebi k slawje. — 15. Z tym, zo chcye Pawoł ke Korinthskim přińć, by so jim hnada stała, dokelž bychy přez jeho přitomnosć we wěrje wobkrućeni byli. — 17. t. r. hdyž chcych potajkim k wam přińć, a tola njepřindžech, njebě to lohkomyslne, abo jeno po mojim wuzdaću, jako bych w tom samym wokamiknjenju „haj“ a „ně“ prajił.

18. Swěrný pak je Bóh, zo naša rěč, kotraž bě k wam, njeje zdobom haj a ně.*

19. Přetož Syn Boží Jězús Chrystus, kotryž bu mjez wami přez nas předomany, přeže mnje a Silwana a Timothea, njebě haj a ně, ale haj bě w nim.*

20. Přetož kelkožkuli je slubjenjow Božich, su we nim haj; tohodla je tež přez jeho Amen Bohu k našej slawje.*

21. Kotryž pak nas z wami wobtwjerdža w Chrystusu, a kotryž nas požalbowa, (je) Bóh,*

22. Kiž tež nas woznamjeni a zawdawk Ducha poda do našich wutrobow.*

23. Ja pak Boha za swědka wołam na moju dušu, zo was lutujo, zaso do Korintha njeprjindžech: nic zo bychmy knjezowali nad wašej wěru, ale zo bychmy pomocnicy byli wašje radosće; přetož we wěrje sće krući.*

STAW II.

Pawoł praji, zo k nim njeprjindže, zo njeby wina był na wjetšej zrudobje, a napomina, zo bychu tamneho kurwarja z miłosće zaso přijeli; hny-

dom tež wozjewja, zo drje je z wulkim napi-
nanjom, tola pak tež wulkim plodom předomaw, hač runje bě wón jeho předomawja někotrym přiležnosć smjerće.

Postajich pak tuto při sebi, zo bych zaso w zrudobje k wam njeprjšol.*

2. Přetož jelizo was ja rudžu, što je, kiž by mje zwjeselił, khiba tón, kotryž je rudženy wote mnje?*

3. A to same napisach wam, zo bych, hdyž přindu, zrudobu nad zrudobu nje-
měł (nad tymi), nad kotrymiž bych so wjeselić měł, dokelž wo was wšitkich so nadžiju, zo je moje wjeselo tež za was wšitkich.*

4. Přetož z mnoheje tyšnosće a wutrobneje stysksnosće napisach wam z mnohimi sylzami, nic zo byšće so rudžili, ale zo byšće wědzeli, kajku lubosć mam wosebje k wam.*

5. Jelizo pak je što zrudobu činił, njeje (jenož) mje rudžil; ale z džela, zo bych was wšitkich njewobćežil.*

6. Dosć ma tajki na tomle khostanju, kotrež bu jemu wot mnohich,*

18. Dopokazujo, zo njeje lohkomyšlny abo wjerčaty, kaž by sebi něchtó myslil, dokelž njebě swoje wotpohladanje wuwjeđł, powoła so Pawoł na Boha, kiž je swěrný w swych slubjenjach, a tohodla njeprida, zo by móhl jeho japoštoł we rěči, t. r. w předomawu „haj a ně“, t. r. wjerčaty być. — 19. Předomawje, kotrež sće wot nas slyšeli, wobsahuje Jězusa Chrystusa Syna Božeho, wěčnu wěrnosć, kotryž njeje so přeměňal, slubił a slubjenje zlamal, ale kotryž je wšitke swoje slubjenja dopjelnił. — 20. Wo Chrystusu su wšitke slubjenja dopjelnjene, tohodla je k našej slawje, t. r. wjeselimy so, zo směmy přez jeho Bohu Amen prajić, a z tym wobkrućić, zo slubjenjam Božim wjesele wěrimy. — 21. Zo smy tak wobkrućeni we předomawu Chrystusoweje wučby, zo njeprajimy nětko haj a potom ně, to skutkuje we nas Bóh, kiž je nas žalbowal, t. r. k předomawu posłał. — 22. Tón samy Bóh nas tež wuznamjeni, swoje dary nam wudželił, zo smy wot jeho posłani a zo mamy znutřikownje hnadu Ducha swjateho jako zawdawk wěčneje zbožnosće. — 23. Nětko hakle spomina Pawoł na woprawdžitu winu, kotraž jeho wotdžerža, do Korintha přinć. Wón by jenož sprawnje khostajo přinć móhl; tuž radši, jich přelutujo a na polěpsjenje čakajo, swój lubjeny přikhad wotstorči. Hdyž měješe přičinu jich khostać, njechaše tola na jich wěrje knjezować, ale pomhać, zo bychu k radosći přišli, t. r. zo by zrudoba, dla překory w Korinće knježaca, do wjesela so přewobroćila.

II. 1. t. r. zo bych was z čěžkimi porokami zrudzić njedyrbał. — 2. t. r. hdyž ja was zrudžu, nimam nikoho, kiž mje zwjeseli, dokelž sće wy jeničcy, kotřiž mje zwjeseleju; potajkim njesměm was zrudzić. — 3. t. r. štož mējach wam zrudžaceho sobudželić, činjach radši z listom, zo njebych, hdyž budu pola was, zrudoby měł; a nadžiju so, zo to, štož mje zrudži, před mojim přikhadom porjedžice; přetož wěm, zo tež was zrudži, štož mje rudži, a zo tež was zwjeseli, štož mje wjeseli. — 4. Tule lubosć zjewi Pawoł z tym, zo jim tak pisaše, zo by zrudoba, kotruž mjez nimi wubudži, jim spomožna była a k wěrnemu polěpsjenju wjeđla. — 5. Tón, kiž bě zrudobu w Korinće zbudžił, běše kurwar, hl. 1. Kor. 5, 1; tónle, praji Pawoł, njebě mje samoho zrudžil, dokelž ja sym jeno džěl tych, kotrychž je zrudžil. Hdy bych prajił, zo je mje samoho zrudžil, bych was wobćežil, t. r. wam křiwdu činił, jako by jeho njeskutk was njezrudžil. — 6. Z tym, zo bu tamny hrěšnik z wosady wustorčeny, bě dosć khostany a zo mnozy jeho zacypěchu, dosahaše, zo so nakasa.

7. Tak zo maće nawopak radši wodać a pokojić, zo by wot přewulkeje zrudoby póžréty njebył, kotryž je tajki.*

8. Tohodla napominam was, zo byšće jemu lubosć wopokazali.

9. Přetož tež tohodla napisach, zo bych waše wupruhowanje spóznał, sće-li we wšim poslušni.*

10. Komuž pak něšto wodašće, (wodach) tež ja; dokelž tež ja, štož wodach, jelizo što wodach, was dla wodach w mjenje Khrystusowym,

11. Zo bychmy wojebani njebyli wot satana; přetož njeznate nam njejsu jeho mysle.*

12. Hdyž pak do Troas přińdžech Khrystusoweho ewangelia dla, a durje mi wotewrjene běchu w Knjezu,

13. Njemějach měra w swojim duchu, dokelž Tita, swojeho bratra, njenamakach; ale Boženje jim prajiwiši woteńdžech do Macedonije.*

14. Bohu pak budź džak, kiž nam

stajnje dobywać dawa w Khrystusu Jězusa, a wón swojeho spóznaća zjewja přez nas na kóždym měsće;*

15. Přetož Khrystusowa dobra wón smy Bohu mjez tymi, kotřiž zbóžni bywaju, a mjez tymi, kotřiž su zhubjeni.*

16. Jenym však wón smjercě k smjercě, druhim pak wón žiwjenja k žiwjenju. A što je k tomu tak kmany?*

17. Přetož njejsmy, jako mnozy, kotřiž słowo Bože falšuja; ale z wěrnivosće, a kaž z Boha, před Bohom w Khrystusu řečimy.*

STAW III.

Japoštoł njetrjeba čłowjeskeho poručjenja, dokelž jeho poručěju plody jeho přédowanja. We wjele wyššej česći maju stać služownicy noweho zakonja a ducha, dyžli služownicy stareho zakonja a pismika; Židža maju hišće zawěšk při čitanju Pisma, kotryž z wěru do Khrystusa so zběhnje.

Spočinamy zaso sebje samych poručěć? abo potřebujemy, jako někotři, poručacych listow k wam abo wot was?*

7. Wosada ma jemu zaso wodać, swoju lubosć k njemu wopokazać, a jeho znowa jako sobustawa přiwzać, zo njeby wot přewulkeje zrudoby zničeny był. — 9. t. r. cheych was pruhować, sće-li we wšim mi poslušni, a tak w dobrym wobkrućeni. — 11. Japoštoł lubi, zo tež wón hrěšnikej woda, kotremuž wosada woda, a to jich dla, zo by swoju přezjenosć z nimi zjewił; wón woda w Khrystusowym mjenje a z jeho mocu tak, zo, komuž wón woda, tež Khrystus woda; wodać pak na so hrěšnikej, zo by satan jeho njedobyl, a přewulka krutosć hrěšnikej k wěčne zahubje njebyla, dokelž satan žada, zo by njesmjertne duše zahubił. — 13. Jako na spočatku tohole stawa r. 1—4, tak spomina Pawoł tež nětko na wulki njeměr, kotryž měješe Korinthškeje wosady dla, tak zo, hdyž hě z Efesa do města Troas přišoł, tam njewosta, hač runje běchu tam durje wotewrjene w Knjezu. t. r. hač runje měješe dobru přiležnosć, wjele duši za Khrystusa dobyć. Dokelž pak Tita, kotryž měješe so z Korintha wrócić a w Troasu na jeho čakać, tam njenadeńdže, pućowaše hnydom dale do Macedonije. — 14. Japoštoł a jeho pomocnicy su wojowarjo, kotřiž za wěrnosć Božu, wosebje za lěpše spóznaće Boha a jeho swjateje wole wojuja, a z tym dobre počinki, runja luboznej wóni, rozšěrjeju. — 15. Ze swojej wučbu a ze swojim přikładom su japoštołowje za Boha dobra wón. wonjeju rjenje, dobre počinki pokazujcy a rozšěrjejcy, njech či, mjez kotrymiž skutkuja, wěčne žiwjenje abo wěčnu smjercь dóstanu; ale za čłowjekow móža być wón smjercě k smjercě abo wón žiwjenja k žiwjenju, t. r. tym, kotřiž, na wučbu a dobry přikład japoštołow njedziwajcy, w njewěrje a hrěchach wostanu, su japoštołowje wón smjercě k smjercě, dokelž budža tajcy swojeje hrěšneje njewěry dla wěčne začisnjeni. Tym, kotřiž na wučbu a dobry přikład džiwajcy, wěrja a po wěrje žiwi su, su japoštołowje wón žiwjenja k žiwjenju, dokelž su tajcy duchownje žiwi a dóstanu po smjercě wěčne žiwjenje. — 16. t. r. što hodži so k tomu, k rozšěrjenju ewangelia, tak derje kaž ja? Hdyž Pawoł tak dowěrnje wo sebi řeči, njeje to próždna samokhwalba; přetož wón připsuje swoju cyłu kmanosć Bohu; hl. 3, 5. — 17. Pawoł pokazuje z tym na svojich přećiwnikow, kotřiž słowo Bože z čłowjeskej wědomosću wšelako kaža; wón pak řeči z wěrnivej wutrobu, štož je wot Boha dóstał a kaž před Bohom, kotrehož móže za swědka brać a w Khrystusu, z kotrymž je zjednočeny.

III. 1. Wučerjo, kotřiž wulku nahladnosć, kajkuž Pawoł měješe, rady njewidžachu a tohodla jeho njeprawje sudžachu, powolaču so na listy druhich japoštołow, z kotrymiž so wosadam poručachu; žadachu pak sebi tež wot wosady, w kotrejž běchu přédowali, tajke listy, z kotrymiž cheychu so zaso druhdze poručěć. Pawoł tajke srědki njenalozuje, dokelž je njetrjeba.

2. Naju list sće wy, napisany we naju wutrobach, kotryž je znaty a so čita wot wšěch ludźi:*

3. Dokelž je znate, zo sće list Khrystusowy, dokonjany wot nas a napisany, nic z čornidłom, ale z duchom žiweho Boha, nic na kamjeńtne deski, ale na čelne deski wutroby.*

4. Tajku dowěru pak mamy přez Khrystusa k Bohu:*

5. Nic, jako bychmy zamóžili, něšto myslić wo sebi, jako sami ze sebje, ale naša zamóžnosć je wot Boha,*

6. Kiž je nas kmanych sćinil za služownikow noweho zakonja, nic pismika, ale ducha; přetož pismik mori, duch pak wožiwja.*

7. Hdyž pak bě služba smjerće, z pismikami do kamjeni zarubana, w krasności,

tak zo israelske džěci Mójzesej do wobliča pohladnyć njemóžachu, dla krasnosće jeho wobliča, kotraž bě zachodna:

8. Kak njebudže wjele wjacy služba ducha w krasności?*

9. Přetož hdyž je služba wotsudženja krasnosť, nadobywa služba wosprawnjenja wjele wjacy w krasności.*

10. Haj tež bjez krasnosće je, štož běše zdžěla krasne, přenadobnje krasnosće dla.*

11. Přetož hdyž je krasne, štož je zachodne, je wjele wjacy w krasności, štož wostawa.*

12. Dokelž mamy potajkim tajku nadžiju, pokazujemy wjele dowěry,

13. A nic, kaž Mójzes zawěšk kładžeše na swoje wobličo, zo bychu džěci Israela do jeho wobliča njehladale, kotraž je zachodne;

2. 8. t. r. naju list, t. j. mój a Timotheowy list, kotryž móže naju pola was a pola druhich poručec, sće wy, dokelž waša wěra a waše křesćanske žiwjenje je přez naju zakorjenjene a wobkrućene; to je list, do naju wutrobow zapisany, dokelž na was myslimoj a was lubujemoj, list, kiž je tež znaty a čitany wot wšěch ludźi; přetož wšitcy znaja waše křesćanske žiwjenje, a wědza, zo je wone Khrystusowy skutk, přez naju wuwjedeny, takrjec list, wot Khrystusa diktowany a wot naju spisany, nic z čornidłom (tintu), ale z pomocu Ducha swjateho. Tónle list, t. j. waše křesćanske žiwjenje, njeje zaryty do twjerdych kamjeni, kaž zakon Mójzesowy, ale do žiwych deskow wašich wutrobow. — 4. Tu dowěru, zo smój pola was jako Khrystusowaj služownikaj so wopokazaloj a za jeho kralestwo něšto dokonjaloj, nimamoj samaj wot so, ale wot Khrystusa. — 5. Kmanosć za japoštołske džělo nimataj Pawoł a Timotheus samaj wot so, ale k tomu je jeju Bóh powolał a jimaj móc k tomu dał; přetož samaj wot so njebyštaj na to ani pomyslić móhloj, wjele mjenje tajki skutk započec a wuwjesć. — 6. Bóh je jimaj kmanosć dał, zo móžetaj nowy zakon rozšěrjeć, kotryž njeje pismik, kaž stary zakon, kotrehož zaklad bě Mójzesowy napisany zakon, ale kotryž je duch, t. r. kiž wudžěla móc Ducha swjateho, kotryž čłowjeka wožiwja, jeho k dokonjenju skutkow pohonja, kajkež jemu žiwjenje hnady a z tym wěčne žiwjenje přihotuja. Stary zakon ze swojimi napisanymi kaznjemi wubudža w čłowjeku často zlu požadosć, kotraž jeho k hrěchej wabi a tak duchownje mori; přirunaj Romsk. 7, 5; 8, 10. 1. Kor. 15, 56. Nowy zakon je wjele wosebniši dyžli stary, tohodla je tež služba noweho zakonja sławniša, dyžli služba stareho, to wuči Pawoł w rjadkach 7—11. — 7. 8. Služba stareho zakonja, kotrejež srjedźičerjo bě Mójzes, rěka služba smjerće, dokelž z napisanym zakonjom přiležnosť k přestupjenju, t. r. hrěchej podawaše, a duchownu smjerc přihotowaše; služba noweho zakonja, kotrejež srjedźičerjo su japoštołoj, pak mjenuje so služba ducha, kotryž wožiwja, dokelž wudžěluje hnadu Ducha swjateho, duchowne žiwjenje płodźacu. Mójzesowa služba pak bě hižo tak sławna, zo so, kaž 2. Mójz. 34, 29 powěda, tajka jasnosť na Mójzesowym wobliču blyšćeše, hdyž wón po štyrcećidnjowskim přebywanju na horje Sinai z taflomaj, na kotrymajž běchu kaznje Bože zaryte, so pokaza, zo lud jemu do wobliča pohladać njemóžeše; kak wjele sławniša je potajkim služba ducha, služba japoštołow. — 9. Služba stareho zakonja mjenuje so služba wotsudženja, dokelž zakon, k hrěchej wabjacy, zbudźuje hněw Boží, kotryž je w zakonju samym (5. Mójz. 27, 26) přestupjerjam hroženy, a tak wotsudźa so hrěšnicy k wěčnemu začisnjenju. Nowy zakon pak mjenuje so zakon sprawnosće, dokelž hnadu Ducha swjateho wudžělejo wosprawnja čłowjeka před Bohom. Hdyž pak bě služba wotsudženja sławna, čím sławniša je služba sprawnosće. — 10. t. r. přiruna-li so sława služby noweho zakonja ze sławu služby stareho zakonja, njemóže so tuta ani sławna mjenować; wona je cyle ljez sławy, dokelž bě jeno z džěla sławna, mjez tym zo je služba noweho zakonja přenadobnje sławna. Jako jasnosť hwězdy zaidže, hdyž slónčko zeskladźa, tak zhlubi so sława služby stareho zakonja před sławu služby noweho zakonja. — 11. Stary zakon bě jeno nakhlwilny, něžeše nowy zakon přihotować a potom zaić; nowy zakon pak dyrbi wostać a tež tohodla je služba noweho zakonja wjele sławniša, dyžli služba stareho zakonja.

14. Ale zatwierdżena bu jich mysl. Přetož hač do džensnišeho dnja zwostawa tón samy zawěšk při čitanju stareho zakonja njewotkryty, dokelž je w Khrystusu zachodny.*

15. Tola hač do džensnišeho dnja, hdyž Mójzes čitany bywa, je zawěšk položeny na jich wutrobu.*

16. Ale hdyž so wobroća ke Knjezej, budže zawěšk zběhnjeny.*

17. Knjez pak je Duch; hdžež pak (je) Knjezowy Duch, tam' (je) swoboda.*

18. My wšitecy pak z wotkrytym wobličom Knjezowu krasnosť wotblyšćejcy, do toho sameho wobrazu so přetworjamy wot krasnosť ke krasności, tak jako wot Knjezowego Ducha.*

STAW IV.

Přez jednore přédowanje japoštołow je słowo Bože wšitkim zjewjene, z wuwzaćom tych, ko-

trychž wutrohy su zaslepjene; kak japoštołowje čerpju wjele přeciwnoho, ženje pak njebudža přédobýči. Časne čěsnjenje přihotuje wulku a wěčnu krasnosť.

Tuž hdyž mamy tu službu, tak jako smy miłosć dóstali, njewustawamy;

2. Ale wotrjekujemy so skradźnosť hańby, njekhodźicy w lesći, njefalsujcy słowo Bože, ale z wozjewjenjom prawdy so samych poručejcy kóždemu swědomju čłowjekow před Bohom.*

3. Je-li pak naše ewangelium tež zakryte, je před tymi, kotřiž zahinu, zakryte,*

4. W kotrychž bóh tohole swěta zaslepi mysle njewěrnych, zo by jim njezaswěćilo swětlo ewangelia krasnosť Khrystusoweje, kotryž je wobraz Boží.*

5. Přetož sebje samych njepřédujemy, ale Jězusa Khrystusa jako našeho Knjeza, sebje pak jako wašich služownikow Jězusa dla;*

13. 14. Dokelž je služba tak sławna, chcemoj w njej z dowěru pokračować, a nic kaž Mójzes, kiž swoje wobličo přikry, hdyž z ludom rěčeše, hl. 2. Mójz. 34, 35; přetož lud njemóžeše jasnosť jeho wobliča znjesć. Tón podawk pak wukładuje Pawoł jako znanjo stareho zakonja. Kaž jasnosť na Mójzesowym wobliču zańdže, hdyž bě zawěšk na nje položil, tak zańdže stary zakon ze swojimi zwonkownymi wobradami, woporami a prikaznemi. Stary zakon je runja zawěškeje na Mójzesowym wobliču, za kotrymž bě spodźiwna jasnosť; tak je tež za starym zakonjom jasna wěrnosć noweho zakonja skhowana. Ale tupe hěchu zmysly Židow, kotřiž jeno zawěšk widžachu, nic pak jasnu wěrnosć za nim skhowanu; to traje hač do džensnišeho dnja, dokelž tež nětko njespóznawaju při čitanju stareho zakonja, zo je w Khrystusu swoje dopjelnjenje namakał. — 15. Zawěšk přikrywa po prawym jich wutrobu, t. r. jich duchowne mocy, wosebje jich rozom a woln, zo Khrystusa jako w starym zakonju slubjeného zbóžnika njespóznaja. — 16. Hdyž pak židowski lud so wobroći, zběhnje so zawěšk z jich wočow, tak zo spóznaja, kak stary zakon na Khrystusa přihotowaše a w nim so dopjelní. — 17. Knjez, t. j. Khrystus, je tón Duch, kotryž wožiwa, Khrystus wudžěla abo sće Ducha swjateho, a tohodla mjenjuje so wón tež Knjezowy Duch; hdžež pak Knjezowy Duch knježi, je swoboda, t. r. tam njepłači wotročstwo starozakónskich prikazni, tam knježi lubosć, z kotrež so zakon dopjelnja. — 18. Mjez tym zo Mójzes, na kotrehož wobliču po wobkhažowanju z Bohom Knjezowna jasnosť so blyšeše, swoje wobličo přikry, zo lud Božu jasnosť njewuhlada, t. r. mjez tym zo Mójzes wěčnu wěrnosć, kotruž stary zakon w sebi wobjimaše, pod wšelakimi wobradami zakhowa, tak zo Židža woprawdžitu wěrnosć njespóznachu: pokazujemy my japoštołowje z wotkrytym wobličom jasnosť Božu, tak zo móže ju kóždy, kaž w špihelu, we nas widjeć, t. r. wozjewjamy Božu wěrnosć, Khrystusa a jeho krasnosť, krasnosť jako jednoróženého wot Wótea, a štož ze słowami wozjewjamy, to tež ze swojim žiwjenjom pokazujemy; tón nam wot Khrystusa wudžěleny Duch swjaty wjedže nas njepřestawajcy k wyššej dospołnosći, tak zo smy přeco podobniši Khrystusej, haj takřec jeho wobraz.

IV. 1. 2. Pawoł ze swojimi towaršemi je k japoštołskej službě powołany nic po swojich zaslužbach, ale z miłosće Božej; tuž staja dowěru na Boha a tohodla njewustawa, a wotrjekuje so wšěch njehódnych sředkow, kajkež jeho přeciwnicy naložowachu, kotřiž słowo Bože wšelako kažachu a z lesću sebi přístup do wšelakich wosadow dohywachu. Pawoł chce jeno z přédowanjom wěrnosće wšitkim čłowjekam so poručec a k nim rěćć jako před Bohom, kotryž wšo we wutrohje potajene znaje a tohodla lesće a tajenstwa njeznjese. — 3. 4. Naše ewangelium, našu wučbu smě kóždy slyšeć, te wot nas wozjewjane wěrnosće njejsu nikomu zakhowane; jelizo pak zakhowane wostanu, njejsmy my na tom wina, ale tući sami, dokelž sebi wutrobu wot boha tohole swěta, t. j. wot djabola, zaslepić dachu a tohodla ewangeliju njewěrjachu; tuž ze samsneje winy zahinu. Ewangelium wozjewja wosebje slawu Khrystusowu, t. r. zo je Khrystus jednoróžený Syn Boží, woprawdže wobraz Boží. — 5. t. r. Khrystus a jeho skutki a jeho bóžske wěrnosće su wobjeće našeje wučby; my smy jeno

6. Přetož Bóh, kiž rjekny, zo by ze čmy swětlo zaswěćilo, tón zaswěći w našich wutrobach, zo by rozswětlił spóznaće krasnosće Božej we wobliču Khrystusa Jězusa.*

7. Mamy pak tutón poklad w hlinjanych sudowjach, zo by nadobnosć byla z mocy Božej, a nie z nas.*

8. We wšim bywamy česnjeni, ale njejsmy zatłóćeni; bywamy we wuzkoscí, ale njejsmy bjez rady;*

9. Přescěhání smy, ale njejsmy wopušćeni; bywamy powaleni, ale njejinjemy;

10. Stajnje morjenje Jězusowe w našim čele wokoło nosymy, zo by tež žiwjenje Jězusowe so zjewilo w našich čělach.*

11. Přetož stajnje smy my, kotřiž smy žiwi, smjerći podawani Jězusa dla, zo by tež žiwjenje Jězusowe so zjewilo w našim smjertnym mjasu.*

12. Smjerć potajkim skutkuje we nas, žiwjenje pak we was.*

13. Dokelž pak mamy toho sameho ducha wěry, kaž je pisane: „Wěril sym, tohodla sym řečal“: tež my wěrimy, a tohodla tež řečimy,*

Ps. 115, 10.

14. Wědzicy, zo, kiž je Jězusa zbudził, tež nas z Jězusom zbudži a postaji z nami.

15. Přetož wšitko (so čini) za was, zo by přenadobna milosć přez mnohich w džakprajenju so přepjelnila k česći Božej.*

16. Tohodla njewustawamy; a hač runje naš zwonkowny čłowjek hinje, wobnowja so tola znutřkowny džecí wote dnja.*

17. Přetož, to, štož je nětko wokamik-nite a lohke w našim česnjenju, skutkuje přez měru w nadobnosći wěčnu wahu krasnosće we nas,*

18. Kotřiž njehladamy na widžomne, ale na njewidžomne; přetož štož so widži, je načasne; štož pak so njewidži, je wěčne.*

služownicy Khrystusowi. — 6. Tón samy Bóh, kiž při stworjenju swěta čmu rozjasni, rozjasni tež naše wutroby, zo jasnje spóznamy wěrnosć ewangelia, a to so sta, zo bychmy z nej tež druhich rozjasnili, a zo bychy w překrasnym žiwjenju Khrystusowym Boha spóznali; přetož tohodla wučimy, zo bychy wšitcy spóznali, zo je křižowany Jězus nětko překrasneny na prawicy Božej. — 7. Tuto spóznaće wěrnosći Božich pak nosymy w hlinjanych, t. r. slabých sudowjach, smy slabi, njehódni čłowjekowje; to pak wuzběhnuje čim bóle móc słowa Božeho, hdyž přez slabých čłowjekow telko dokonja. — 8. Japoštoł pokazuje nětko, kak je w japoštołskej službě při čłowjeskej kipsosći Boža móc widžeć, tak zo wšitke čerpjenja a přescěhání jich w swěrje posylneju. — 10. t. r. podobnje jako bě Jězus stajnje w smjertnej strašnosći, tak smy při wozjewjenju ewangelia tym samym stracham žiwjenja wustajeni, a to so stawa, zo by tež Jězusowe žiwjenje w našich čělach so pokazało, t. r. zo by naše spodźiwne zakhowanje w strachach a wumóženje z nich swědčilo, zo je Jězus žiwy a mócný. — 11. t. r. my, kotřiž smy duchownje žiwi a mamy žiwjenje hnady w Khrystusu, wustajamy so njepřestawajacy smjertnym stracham, zo by so zjawnje pokazało, kak je Jězus žiwy, kiž nas w strachach zakita a z nich wumóža. — 12. t. r. tak smy po našim čělnym žiwjenju přeco smjerći wustajeni a to je wam k spomoženju, dokelž z tym plódži a wobkruća so waše duchowne žiwjenje. — 13. Tola smjertne strachi njewottrašeju nas. Dokelž pak mamy toho sameho ducha wěry, kaž David, t. r. dokelž Duch swj. we nas tu samu mócnu dowěru wubudža, kotraž měješe David w smjertnych strachach, tak zo rjekny: Wěrjach, tohodla řečach, t. r. spusćach so na Boha a tohodla prajach, zo mje wumóže, tohodla tež my wozjewjamy při wšitkich strachach ewangelium; přetož wěmy, zo, hdyž nětko za Jězusa čerpimy a so pomorjamy, tež z Jězusom wot mortwych wstanjemy a zo budžemy z wami, kotřiž bušće přez naše čerpjenja k duchownemu žiwjenju zbudženi, před jeho sudny stól stajeni a z krónu wěčného žiwjenja plaćeni. — 15. Wšo, naše čerpjenje a skónčne dobyće přiuďte wam k wužitku; hłowne wotpohladanje pak, kotřež mamy, je česć Boža, kotraž so nadobnje rozšěrja a wobtwjerdža, dokelž budža mnozy so džakować Bohu za přemócnu milosć, kotraž bu nam jich dla wopokazana, a tak budže Bóh wot mnohich khwaleny. — 16. Zwonkowny čłowjek je čělny, čerpjenjam podčisnjene žiwjenje, znutřkowny je pak k přeznaturskemu žiwjenju znova narodženy čłowjek. Hdyž takle w čerpjenjach a při wšej prócy čělny žiwjenje so slabi a hinje, wobnowja so znutřkowne, hnadowne žiwjenje, a rosće stajnje, a tohodla skutkujemy pilnje při wšelakich čerpjenjach. — 17. Za nětčiše krótke a lohke čerpjenje wudžěli so njepřestawaca krasnosć bjez měry. — 18. Nježadamy za widžomnymi kublami, bohatstwom, česću, wjeselom, kotřež zańdu, ale za kublami přichodného swěta, kotřež su wěčne.

STAW V.

Dla wěsteje nadźije na přichodnu krasnosć žadaju japoštołoj za wumóženjom z čěla, dokelž ju hinak wužiwać njemóža, přecy pak sebi přeja, zo bychu so Khrystusej, sprawnemu sudnikej wšitkich, spodobali. Dawaju swojim wučownikam přiležnosć, z nimi so khwalić před přečiwnikami, službu Khrystusowu dokonjeje, ani zo bychu Khrystusa samoho, kotrehož wozjewjeju a z kotrehož smjerću bu swět z Bohom wujednany, po mjasn znali.

Přetož wěmy, zo budže-li wottorhany naš zeński dom tohole přehytka, mamy twar wot Boha, nic z ruku natwarjeny, wěčny dom w njebiesach.*

2. Dokelž tež w tutom žalosci, žadajcy, wobleceni być z našim přehytkom, kotryž je z njebies:

3. Jelizo budžemy mjenujcy wobleceni, nic nazy namakani.* Zjewj. 16, 15.

4. Přetož tež, kotřiž smy w tomle stanje, žalosci wobćeženi, dokelž nochcemy swlečeni być, ale nadwobleceni, tak zo by smjertne póžrće bylo wot žiwjenja.*

5. Tón pak, kiž nas k tomu spřihotowa,

je Bóh, kotryž je nam dal zawdawak ducha.*

6. Tuž stajnje dowěriwi, wědźicy, zo doniž smy w čěle, smy daloko wot Knjeza.*

7. (Přetož we wěrje khodžimy, a nie we widženju.)

8. Dowěrjamy však so a mamy dobrou wolu, radši wučahnyć z čěla a doma być při Knjezu.

9. A tohodla prócujemy so, njech smy daloko abo doma, jemu so spodobać.*

10. Přetož my wšitec dyrbymy so zjewić před sudnym stolom Khrystusowym, zo by kóždy wotnjese, štož je čělej přislušne, za tym hač je činil, dobre abo zle.*

11. Dokelž tohodla bojosć Knjeza znamy, přepokazujemy čłowjekow, Bohu pak smy znači. Nadžiju pak so, zo smy tež we wašich swědomjach znači.*

12. Znowa njeporučamy so wam, ale přiležnosć dawamy wam, so khwalić nas dla, zo byšće něšto (prajić) měli napřečiwo tym, kotřiž so chwala po wobliču, a nie po wutrobje.*

V. 1. Pawoł wobkruća tudy swoju nadžiju přichodneho překrasnjenja; čělo mjenuje dom, w kotrymž duša w času swogeho zeńskeho žiwjenja přebywa; hdyž tón so wottorha, t. r. hdyž wumrjemy, dóstanjemy druhi, wot Boha natwarjeny njebieski. Zda so potajkim, zo duše sprawných před horjewšćom cyle hjez čělow njebudža. — 2. 3. Žadamy horco hižo w tomle čěle, zo bychmy so njebieske čělo jako drastu woblekli, ani zo bychmy tele čělo přisadžili, wumrěli, t. r. zo bychmy hjez smjerće překrasnjeni byli; to móže so jeno stać, jelizo smy na dnu Khrystusoweho přikhlada, z něčičim čělom hišće wobleceni, t. r. hišće živi; potom móžemy so z njebieskim takrjec přewoblec. — 4. My žalosci w tomle bydle, wobćeženi z bojosću před smjerću; tohodla žadamy, zo bychmy překrasnjene čělo so woblec móhli, ani zo bychmy něčiče so swlekli, zo by móc žiwjenja překrasnjeneho čěla předobyla, štož je na něčičim smjertne. — 5. Tajke žadanje ma swoju přičinu w Bohu, kiž je nam k tomu zawdawak dal w křćeńcy, hdžež bychmy duchownje znowa narodženi a z tym přihotowani za čělné překrasnjenje; hižo w křćeńcy dóstachmy založk k překrasnjenemu čělu, kotryž rosće z přiběranjom duchowneho žiwjenja, a wosebje z milosću Božej, kotraž so nam w swjatych sakramentach, najnadobnišo pak w swjatym woprawjenju wudžělnje. — 6—8. Doniž smy w čěle, smy kaž w cuzbje, dokelž wot Knjeza zdaleni; jeno we wěrje jeho spóznavamy, nje-wižimy pak jeho wot wobliča k wobliču; we wěšej nadžiji přichodneho překrasnjenja chcemy rady wumrěć, zo bychmy k Bohu přišli, do našeje praweje domowiny. — 9. Dokelž chcemy ke Knjeze, prócujemy so nětko stajnje, zo bychmy jemu, hdyž sudzić přiuđže, so spodobali, njech smy tehdy hišće w cuzbje, t. r. živi, abo hižo při nim, w njebiesach. — 10. Wšitec, njech smy hišće živi abo hižo zemřěci, budžemy před sudny stol Khrystusowy stupić dyrbeć a wšitke swoje skutki zjewjeć, a kóždemu budže so plaćić, štož je w čělnym žiwjenju skutkował. Duša skutkuje w tomle žiwjenju jeno přez čělo, a tuž žada sebi sprawnosć, zo ma čělo džěl při wotplaćenju, kaž mějeće džěl při dobrych abo zlych skutkach. — 11. Wopominajo sud Boží rozestaja japoštoł křescánskej wosadze, zo je tak živy a zo tak skutkuje, zo by před Bohom a čłowjekami wostał, wšitko čini za Boha a za swoju wosadu. Bojosć Knjeza, t. r. dokelž wěmy, zo mamy sudu Božeho so bojeć, prócujmo so čłowjekow přewědčie wo swojim čistym wotpohladanju, Bohu pak sym znaty; ale směm so tež nadžijeć, zo budžeće wy w swojim swědomju wo mojich dobrych wotpohladanjach přewědčeni, byrnje byšće to zwonkownje njezewjeli. — 12. Njepisam to, zo bych so wam znowa poručal, ale zo byšće přiležnosć měli a wědželi, z čim móžeće mje před tannymi wosprawjeć.

13. Přetož njech řečimy bjez rozoma, (stawa so) za Boha; njech smy rozmyslni, (stawa so) za was.*

14. Přetož lubosć Khrystusowa nučí nas, dokelž to rozpominamy, zo hdyž je jedyn wumřěl za wšitkich, su potajkim wšitcy wumřeli.*

15. A za wšitkich je wumřěl Khrystus, zo bychy tež, kotřiž su žiwi, hižo sebi samym žiwi njebyli, ale tomu, kiž je za nich wumřěl a wot mortwych wstanyl.*

16. My potajkim wot toho časa nikoho njeznajemy po mjasu; a hač runje smy Khrystusa po mjasu znali, jeho nětko hižo njeznajemy tak.*

17. Je-li tohodla šťo w Khrystusu, je (wón) nowe stworjenje; stare je zašlo, hlej, wšitko je nowe sčinjene.*

18. Wšitko pak je z Boha, kiž je nas ze sobu zjednał přez Khrystusa, a nam podał službu wujednanja,*

19. Dokelž džě je Bóh w Khrystusu swět

wujednał, jich hrěchi jim njeprilichejo, a na nas zložil słowo wujednanja.*

20. Za Khrystusa potajkim činimy poselstwo, jako by Bóh napominał přez nas. Za Khrystusa prosymy: wujednajće so z Bohom.*

21. Toho, kotryž hrěcha njeznaješe, sčini za nas k hrěchej, zo bychmy my sčinjeni byli k sprawnosći Božej we nim.*

STAW VI.

Pawoł napomina, zo bychy dóstatu miłosć njezacišli, dopokazujo, kak jara je so přecował, zo by hódny služownik Boží byl, a namołwjejo, zo bychy w živjenju a wobkhaďže wot njewěrnych so džělili.

Sobudžělajcy pak napominamy, zo byšće miłosć Božu podarmo njedóstali;*

2. Přetož (wón) praji: „W spodobnym času* wuslyšach će, a na dnju spomoženja pomhach či.“ Hlej, nětko je spodobny čas, hlej, nětko je džěń spomoženja;*

Is. 49, 8.

kotřiž so na mnje přisłódžeja, jeno so samych wuzběhuje a z wonkownymi počinkami so khwalicy. Porno nim njetrjebaće za mnje so hańbować, ale móžeće wěďžeć, z čim maće mje zamołwjeć. —

13. Stawa-li so, zo so přejara khwalu, takrjec bjez rozoma, stawa so to za Božu česć, dokelž wot njeho wšitko dóstach a jeho česć so rani, hdyž so jeho služownik hani; řeču-li pak ponižnje wo sebi, stawa so to was dla, zo bych wam přikład ponižnosće dawał. — 14. Wšitko tak činić za česć Božu a čłowjesku zbóžnosć, k tomu nuzuje nas lubosć, kotruž je Khrystus nam wopokazał za nas wumřěwši. Je-li pak Khrystus, cyłe čłowjestwo zastupiwi, za wšěch wumřěl, wumřěchu tež wšitcy w nim; kóždy móže sebi Khrystusowu smjerć, t. r. jeje plody přiswojić. — 15. Khrystus wumřě za wšěch, zo bychy za njeho žiwi byli, k jeho česći, nic pak sebi, t. r. nic swojim nakhilnosćam. —

16. My nikoho njesudźimy po swětných wobstojenjach, njech je bohaty abo khudy, knjez abo wotročk, žid abo pohan, ale w kóždym wažimy sebi, šťož je w Khrystusu, kak wěrný křesćan je. Jelizo přjedy, t. r. před swojim wobroćenjom Khrystusa jeno jako čłowjeka rozsudžach, spóznamam nětko we nim Syna Božeho, wumóžnika a zbóžnika wšitkich čłowjekow. — 17. Šťož bu přez swjatu křćencu staw Khrystusowy, je kaž znova stworjeny, stary hrěšny čłowjek je z Khrystusom wumřěl; nowe živjenje z nowymi bohospodobnymi počinkami pokazuje so w nim. — 18. Tute wobnowjenje pak ma swoju přičinu w Bohu, kiž nam Khrystusa jako wumóžnika posła a tón, za nas so woprijo, nas z Wótcem zjedna, naš dołh zaplaćiwi. Khrystus poda nam službu wujednanja, t. r. postaji nas, zo bychmy druhich k wujednanju z Bohom pohnuli, přede wšim, zo bychmy ze swojej wučbu wěru do Khrystusa, zbóžnika swěta, wobtwjerdželi. — 19. Bóh woda Khrystusa dla čłowjekam hrěchi, wot njeho wukhaďža wujednanje a nas je postajił, zo bychmy jeho miłosć swětej připowědali. —

20. Smy posłajo Khrystusowi, na jeho měšće rozšěrjamy jeho wučbu, a připowědamy miłosć, přez njeho nam dobytú, a dokelž nas Bóh k tomu postaji, napomina wón přez nas; tohodla napominamy a prosymy was, zo byšće wam poskićanu miłosć přijeli a so z Bohom wujednali. — 21. Khrystus, kotryž hrěcha njeznaješe, a runje dokelž jón njeznaješe, wza ćežu hrěchow na so, a zdaše so takle sam hrěšnik być a bu khostany jako hrěšnik; wšo to sta so za nas, zo bychmy wosprownjeni a před Bohom sprawni byli.

VI. 1. Japoštoł napomina Korinthskich, zo bychy poskićane hnady derje naloželi a zbóžni byli, pokazuje tež na swoju japoštołsku službu, w kotrejž jeno za česć Božu a za jich zbóžnosć skutkowaše. — 2. We spodobnym času, t. r. w času, w kotrymž budže so mi spodobać, chcú was wuslyšeć; tak slubi Knjez swojemu ludej přez profetu Isaiasa. ** Nětko, hďžež su wam wot Jězusa zaslužene hnady poskićane, je tamny slubjeny spodobny čas; tohodla wužijće jón, hnady Bože přjawěj.

3. Nikomu pohórška njedawajcy, zo by naša služba hanjena njebyła,*

1. Kor. 10, 32.

4. Ale we všim wopokazujemy so jako služownicy Boží, z mnohej sčerpnošću, w česnosťach, w nuzach a wuzkosćach,*

1. Kor. 4, 1.

5. W razach, w jastwach, w zběžkach, w džělach, w bjezspanju, w posćenjach,

6. W čistoće, w spóznacu, w sčerplicnosći, w dobroćiwosći, w Duchu swjatym, w njetajenej lubosći;

7. W słowje wěrnosće, w mocy Božej, přez brónje sprawnosće na prawicy a lěwicy,*

8. Při khwalbje a hanjenju, při złym a dobrym wobřećenju; jako (bychmy byli) zawjednicy a tola wěrnosćiwu, jako njeznaći a tola znaći,*

9. Jako mrějacy, a hlej smy žiwi, jako pokhostani a tola njemorjeni;

10. Jako zrudni, přeco pak wjeseli,

jako khudźi, mnohich pak wobohaćejcy, jako ničo njemějacy a tola wšitko wobsedźicy.

11. Naš rot je wotewrjeny za was, o Korinthscy, naša wutroba je rozšěrjena.*

12. Wuzčeni njejsće we nas, wuzčeni pak sće w svojich wutrobach.*

13. Z tym samym mytom wotrunajcy (jakož k džěćom rěču), rozšěrće so tež wy.*

14. Nječehńće spřah z njewěrjacy. Přetož kajku podźělnosć ma sprawnosć z njeprawdu? abo kajke zjednoćenje (ma) swětło z černosću?*

15. Kajke stowafšenje (ma) Khrystus z Belialom? abo kajki podźěl wěrjacy z njewěrjacy?*

16. Kajku přezjednosć ma templ žiweho Boha z přibohami? Přetož wy sće templ žiweho Boha, kaž Bóh praji: „Budu přebywać we nich a mjez nimi khodźić, a budu jich Bóh a woni budźa mój lud.“

1. Kor. 3, 16. 17; 6, 19. 3. Mójz. 26, 12.

3. t. r. njezakomdžamy w ničem swoje winowatosće, zo by naša služba, t. r. naše japoštołske džěło hanjene njebyło. — 4. Japoštoł mjenuje tu wšelake wobstojenja, w kotrychž je so sčerpny wopokazał, mjez nimi tajke, kotrež powšitkowuje na čłowjeka přikhadźeju, potom tajke, kotrež měješe Pawoł wot njepřećelow wustać, kaž rany, jastwa, puki a skónčnje tajke, kotrež dobrowólne sebi napołoži, kaž čezke prócy, bjezspanje a posćenja. — 7. Pódlu sčerpnosće we wšelakich wobstojećach mjenuje Pawoł druhe znamjenja wěrneho služownika Božeho. Mjez druhim wuznamjenješe so japoštoł, kaž tudy sam naspomina, tež „z Duchom swjatym“, t. r. z rozswětlenjom Ducha swjateho a z jeho darami, kotrež bě dóstał; „z mocu Božej“, kotraž so wopokaza we skutkowanych džiwach; „z brónjami sprawnosće na prawicy a lěwicy“, t. r. z brónjami, kotrež k nadpadej a wobaranju so naložuja; w prawicy nošće so hlebija a mječ, kotrež k nadpadej služešaj; w lěwicy pak škit, kotryž bě na wobaranje. Pawoł chce prajić, jako japoštoło a služownicy wopokazujemy so ze sprawnymi brónjami, z kotrymiž błudy nadpadnjemy. Je předobrywajcy, a z kotrymiž přećiwu njepřećelam wěry so wobaramy. — 8. t. r. wostanjemy služownicy Boží, njech nas ludźo khwala abo hanja, derje abo zlé wo nas rěča. Tudy spomina japoštoł, kak jeho ludźo hanja wudawajcy, zo je zawjednik a njeznaty, kotryž hižo hinje, kotrehož Bóh khosta, zo so stajnje rudźi, zo je khudy a ničo nima, mjez tym zo jeno wěrnosć rozšěrja, zo je wšěm derje znaty, poľny živjenja, wjesoly a bohaty na duchownych pokładach, z kotrymiž wšitkich wobohaća. — 11. t. r. sym z lubosću wěrnej k wam zahorjeny wam předował, moja wutroba je so z wulkej lubosću k wam rozšěrila. — 12. W mojej wulkej lubosći maće wšitcy dosć wěsta, wy pak sće takrjec wuzcy, t. r. lubujeće mje mało. — 13. t. r. zo byšće moju wulku lubosć wotplaćili, rozšěrće so tež wy, t. r. lubujeće mje nutrišo. — 14. Tak nutrje so poručawši r. 2—13, napomina Pawoł Korinthskich, kaž bě to r. 1 spočal, prajo, zo bychy z hnadu Božej sobu skutkowali. Někto žada sebi, zo bychy z pohanam dowěrneho wobkhada njeměli, wosobje w mandželstwie z nimi žiwi njebyli; přetož rozděl je tak wulki kaž prawda a njeprawda, kaž swětło a čma, tak wšelake wobstojenja njehodža so wurunać. — 15. Belial rěka njekničomnosć a tak mjenowaše so djabol; kaž mjez Bohom a djabolom, tak je tež mjez wěrjacy a njewěrjacy tak njeskónčny napřećiwk, zo so wujednać njehodźi. — 16. Jako templ Boží z pohanskimi přibohami so njeznajese, tak njemóžeće wy so zjednoćić z njewěrjacy, dokelž sće templ Boží; Duch swjaty bydlu we was ze swojej hnadu, a tohodla njesměće z pohanam dowěrnje wobkhadzać, zo byšće přez nich k jich přiboham so njepřibližili. Štož Bóh israelskemu ludžy praji, plaćić dospołnišo hišće wo křesćanskim ludźe, dokelž je lud Boží, mjez kotrymž Bóh khodźi.

17. „Tohodla wuńdźće z jich srjedźiny a wotdźělće so, praji Knjez, nječisteho so njedótkajće.“

Is. 52, 11.

18. „A ja přijmu was, a budu wam wótc, a wy budźeće mi synowje a dźowki, praji wšohomócný Knjez.“*

Jer. 31, 9.

STAW VII.

Japoštoł wopisuje, z kak wulkej lubosću Korinthskich přewodža, kak wulke wjeselo je nad jich porjadnym žiwjenjom měł w swojich čežkich horjach a kak wjele dobrego je přinjesła zrudoba, kotruž běchu z jeho lista zhonili.

Hdyž mamy nětko tute slubjenja, najlubši, wučisćejmy so wot wšeje nješwaranosće čěla a ducha, dokonkejcy swjatosćenje w bohabyjosći.*

2. Wobejńće nas; nikomu křiwdy nješčinichmy, nikomu nježeškodźichmy, nikoho njezjebachmy.*

3. Njepraju to wam k wotsudženju; sym wam přjedy prajił, zo sće w našich wutrobach w smjerći a w žiwjenju.*

4. Wulka je moja dowěra k wam, wulka khwalba nad wami; * napjelnjeny sym z pokojenjom, nadobywam na radosći we wšej našej čěsnosći.

5. Přetož tež, hdyž do Macedonije přindźechmy, njeměješe wotpočinka naše mjaso; ale wšu čěsnosć smy čerpjeli, zwonkownje wojowanja, znutřkownje strachi.*

6. Ale Bóh, kiž ponižnych pokoji, spokoji nas z přikhadom Tita.

7. Tola nic jeno z jeho přikhadom, ale tež z pokojenjom, z kotrymž bu nad wami pokojeny, jako nam wozjewješe waše žadanje, wašu zrudobu, wašu horliwosć za mnje, tak zo čím bóle so wjeselach.*

8. Přetož hač runje was zrudźich z listom, njewobžaruju to; hač runje běch to wobžarował, dokelž widžu, zo je was tamny list, byrnje na khwilu, zrudźił,

9. Wjeselu so tola nětko, nic zo bušće zrudźeni, ale zo bušće zrudźeni k pokuće. Přetož bušće zrudźeni po Bohu, tak zo w ničim přez nas nješkodowašće.*

10. Přetož zrudźenje, kotrež je po Bohu, skutkuje stajne nakazanje k spomóženju; zrudźenje swěta pak skutkuje smjerć.*

11. Přetož hlej, tuto waše zrudźenje po Bohu, kak wulku horliwosć skutkuje? haj zamołwjenje, haj rozhněwanje, haj bojnosť, haj žedźenje, haj zahorjenje, haj

18. Ze słowami, kotrež Isaias israelskemu ludej w Babylonskej přebywacemu praješe, žada sebi Pawoł, zo bych u křesćenju so dźělili wot pohanow a jich nječistych skutkow, potom budźe Knjez sam jich wótc a zastaraćeř, kaž bě to něhdy slubjene israelskemu ludej.

VII. 1. Dokelž su slubjenja, na kotrež Pawoł w poslednich rjadkach spomina, w křesćanstwje so dopjelniše, a Bóh mjez nami khodźi, tuž dyrbymy cyłe čišći być a w swjatosći přiběrać. — 2. t. r. wzmiće nas do swojeje wutroby, lubuje nas wutrobnje; njejsmy nikomu křiwdy činili ze skaženjom wučby, nikomu škodźili ze złym přikladom, swojeho časneho wužitka smy njehladali, jakož to naši přećiwnicy činja. — 3. Nječinja wam poroki, jako bych sebi myslil, zo je što mjez wami wo mni rěčał, jako bych komu křiwdu činił, njesudžu was złě, dokelž sym wam přjedy prajił, zo sće w mojej wutrobje, zo was lubuju, tak zo w smjerći a w žiwjenju ze mnu zjednoćeni wostanjeće. — 4. Směm was dla so khwalić, wašeje poslušnosće dla, z kotrež sće moje napominanja přijeli. — 5. Nic jeno w měsće Troas, ale tež w Macedoniji njeměješe moje mjaso, t. r. ja jako čłowjek, kotryž je na swoje přinaroźenje mocy pokazany a na Božu pomoc njezděwa, ale zwonkownje mějach wojować ze wšelakimi přećiwnikami, znutřkownje mějach wulke starosće, a strachi wo wšelake křesćanske wosady. — 6. 7. Titowy přikhad, za kotrymž žadach (hl. 2, 13), a dobre nowinki, kotrež mi wo was přinjesa, zwjeselichu mje, hdyž zhonich, kak za mnou žadaće, kak wobžarujeće, zo sće mje zrudźili a kak sće nětko za mnje zahorjeni. Tež Titus, kiž bě ze strachom do Korinthia šoł, bu spokojeny nad tym, štož tam widžeše. — 8. 9. Hdyž was tež zrudźich z krutymi porokami, kotrež dyrbjach wam w lisće činić, njewobžaruju to nětko, byrnje je před Titowym přikhadom wobžarował, zo was zrudźich, dokelž so bojach, zo by mój list zrudne scěhłki mjez wami měć móhl. Nětko pak wjeselu so, wot Tita slyšawši, zo je waša nakhlwilna zrudoba wam k spomóženju byla, k nakazanju. Waša zrudoba wukhadža z Boha, wy sće spóznałi, zo sće ze swojim přjedyšim zadźerženjom Boha rozhněwali, a to bě k našemu nakazanju; tak njeměješće škody, ale wjele wjac duchowny wužitk z našich porokow. — 10. t. r. štož Boha dla so zrudźi, zjewi hižo počatku lubosće k Bohu a to so Knjezej spodoba; zrudoba, kotruž swětny čłowjek čuje, nastawa jeno swěta dla, zo swětnu kubla jeho wopušća, a tajka lubosć plodži smjerć, a to čělnu, dokelž čělna mocy slabi a skónčuje mori, a potom duchownu, dokelž k hrěcham wjedže.

haj pokhostanje; we wšim dopokazašće, zo sće njewinowaći we wěcy.*

12. Potajkim, byrnje wam pisał, njebě dla toho, kotryž je njeprawosć činil, ani dla toho, kotremuž je so stała, ale zo by zjawna byla naša starosć, kotruž mamy za was*.

13. Před Bohom; tohodla smy pokojeni. W našim pokojenju pak wjeselachmy so čím nadobnišo nad wjeselom Tita, zo bu jeho duch wokřewjeny wot was wšitkich.*

14. A sym-li so w něčim pola jeho khwalil z wami, njebuch zahanbjeny; ale jako smy wšitko we wěrnosći k wam řečeli, tak bu tež naše khwalenje před Titom wěrnosć.*

15. A jeho wutroba je wam hišće bóle prikhilena, hdyž so dopomina na poslušnosć was wšitkich, kak sće jeho z bojosću a z třepotom přijeli.*

16. Wjeselu so, zo mam we wšim doweru k wam.*

STAW VIII.

Pawoł napomina, zo bychy jałmožnu za khudych, kotřiž su w Jeruzalemje, rady podawali, poručejo darniwość Macedonskich a přikład Khrystusowy; wón prikazuje, zo bychy, štož běchu

sebi hižo dawno předewzali, nětko kóždy po swojim zamoženju dokonjeli; khwali tež sławownikow, kotrychž hromadženja dla k nim sćeše.

Wozjewjamy pak wam, bratřa, milosć Božu, kotraž bu data w cyrkwjach Macedonije,

2. Zo bě we mnohim doswědčenju čenosće jich wjeselo přezměrne, a jich hluboka khudoba so přeliwaše do bohatstwa jich wěrnivosti.*

3. Přetož po móžnosći, (swědčenje jim dawam,) a přez zamožnosć běchu zwólniwi,

4. Z mnohim přirěčowanjom nas prošachu wo dowolenje a wo podžěl při službě, kotraž so za swjatych stawa.*

5. A nic (jeno), kaž so nadžijachmy, (činjachu), ale sebje samych podachu najprjedy Knjezej, a potom nam po woli Božej,*

6. Tak zo Tita prošachmy, zo by, kaž bě počal, tež dokonjal mjez wami tule milosć.*

7. Ale jako we wšim so wuznamjenjeće, přez wěru a wučbu, a wědomosć a w wšitku horliwosć, a přitom přez swoju lubosć k nam, tak wuznamjenjeće so tež w tutej milosći.*

11. Japoštoł pokazuje tudy na spomožne sčěhwki, kotřež je zrudoba přinjesla, a kotřež na wubudźene pokutne zmyslenje pokazuja; liwcy su nětko starosćiwi, a prócuja so zamołwjeće, so hněwać nad tym, štož bě jim Pawoł porokował; boja so jeho, zo budže jich khostać a žadaju za nim, zo by wo jich polěpšenju so přeswědčil a spóznał, kak su rozhorjeni dla njeskutka, kotryž bě so mjez nimi stał a kak chcedža jón wjećić abo khostać; a tak su dopokazali, zo žaneje winy na hroznej wěcy nimaju. — 12. Spomina na přičinu, kotrejež dla list pisaše, nic toho dla, kiž bě křiwdu činil, nječisće ze swojej přirodnej maćerju žiwy byl, tež nic toho dla, kotremuž bě so křiwda stała, mjenujcy jeho nanaj, ale pisaše, zo by dopokazał swoju starosćiwu lubosć, kotruž měješe před čłowjekami a před Bohom za nich. — 13. Pawoł wjeseli so nic jeno sebje dla, ale tež Tita dla, kiž bě z bojosću do Korintha šoł, nětko pak bě změrowany, haj zwjeseleny. — 14. Pawoł bě Korinthske Titeje khwalil, a Titus nadeńdže nětko, zo je jim data khwalba derje zasluženja; tak bu znova dopokazane, zo je tež tu, kaž wšůdžom, prawdu řečał. — 15. t. r. z bojosću, zo byšće jeho w něčim ranili. — 16. Wjeselu so, zo móžu wšitku starosć zložić a doweru k wam měć.

VIII. 2. Milosć Boža, kotraž bu Macedonskim data, wopokaza so wosebje, zo we zrudnych časach wjesolu mysl wobkhowachu, a zo při wulkej khudobje we wěrnivosti swojeje wutroby nadobnje jałmožnu za Jeruzalemskich hromadžachu. — 4. Dobrowólnje a nadobnje podawachu jałmožnu, tak zo nas prošachu, zo bychy směli so wobdźělić na dobrym skutku za swjatych, t. r. křesćanow w Jeruzalemje. — 5. Bohatšo, dyžli so nadžijachmy, dawachu a to tak wjesele, jako bychy so samych podať a woprowať cheyli, najprjedy Knjezej, kotremuž čłowjek sobudźěli khudym dawajo, a potom tež jeho zastupnikej, kiž po Božej woli milosćiwý skutk dokonja. — 6. Tónle horliwy přikład Macedonskich pohnu Pawoła, zo Tita prošese, tež mjez Korinthskeimi jałmožnu dale hromadzić, kaž bě to přjedy činil. — 7. Kaž so wuznamjenjeće přez druhe počinki, tak budže tež darniwi.

8. Nic jako bych rozkazował, to praju, ale zo bych při horliwosci druhich tež wašeje lubosće woprawdźitosć pruhował;*

9. Přetož znajeće milosć našeho Knjeza Jězusa Khrystusa, zo bu was dla khudy, hač runje běše bohaty, zo byšće přez jeho khudobu wy wobohaćeni byli.*

10. A radu w tom dawam; přetož to je wam wužitne, kotřiž sće nic jeno činić, ale tež chcyc předy počeli we lońšim léće.*

11. Nětko pak tež w skutku to dokonjeće, zo by, kaž bě duch zwólniwy k chycu, tajki byl tež k dokonjenju z toho, štož maće.*

12. Přetož je-li wola zwólniwa, je spodobna po tom, štož ma, nic po tom, štož nima.*

13. Přetož njepraju, zo bychu druzy wolóženje měli, wy pak horjo, ale (zo by bylo) po runosci.*

14. W nětčišim času njech waš nadbytk jich njedostatkej pomha,* zo by tež jich nadbytk vašemu njedostatkej byl k pomocy, zo by runosć byla, kaž je pisane:

2. Móžz. 16, 18.

15. „Štóz mnoho (nazběra), njemě nadbytk, a štóz mało, njemě přemalo.“*

2. Móžz. 16, 18.

16. Ale Bohu džak, kiž da tu samu horliwosć wo was tež do wutroby Tita;

17. Přetož napominanje drje dósta (wote mnje); ale dokelž běše horliwiši, je ze samsneje wole k wam šol.*

18. Póslachmy z nim tež bratra, kotrehož khwalba w ewangeliju je we wšěch cyrkwjach;*

19. Tola nic jeno to, ale wón je tež postajeny wot cyrkwjow za towarša našeho pućowanja při tej milosci, kotraž so wot nas wobstara k česći Knjeza a po našej dobrej woli.*

20. Zwijamy so toho, zo by nas něchtó hanil při tejle polnosći, kotraž so wot nas wobstara.*

21. Přetož hladamy za dobrym nic jeno před Bohom, ale tež před čłowjekami.*
Rom. 12, 17.

22. Póslachmy pak z nimaj tež našeho bratra, kotrehož smy často jako starosćiweho we mnohich wěcach wuspytali, nětko pak wjele starosćiwěho přez wulku dowěru k wam.*

8. Njepřikazuju wam, ale jeno tohodla was k darniwości napominam, zo bych, hdyž su druzy, t. r. wosebje Macedoncy tak starosćiw, tež wasu dobroćiwu wutrobu spóznał. — 9. Lubosć Khrystusa, kotryž bu čłowjekow dla tak khudy a njeměješe, hdyž by hłowu položil, Mat. 8, 20, zo by nas z duchownymi kubłami wobohačil, dyrbi was k darniwości pohnuť. — 10. Radžu wam jeno, dokelž je to za was wužitne, poručec pak njetrjebam, dokelž chceće sami wot so jałmožnu podawać, a sće před Macedonskimi to činić wobzamkli a tak tež činić počeli. — 11. Štóz sće předy chcyli a činić počeli, to dokonjeće nětko w skutku a po swojim zamoženju. — 12. Bohu spodoba so naša wola, hdyž dawa za tym hač ma a móže, a Bóh njesudži nas po tom, štož njemóžemy, ale hlada jeno na zwólnosć wutroby. — 13. Přez jałmožnu ma so njestajnosć w zamoženju wurunać; jałmožna pak so njedawa, zo bychu či, za kotrychž so wona hromadži, k zamoženju přišli a či, kotřiž ju dawaju, do nuzy. — 14. Kottřiž maće nětko wjacj zamoženja, móžeće tola wokhudnyć, a woni móža wobohatnyć, a potom změja tež woni winowatosć wam pomhać. — 15. Israelske džěči w puscínje manna hromadžicy nazběrachu sebi jedyn wjacj a druhi mjenje, ale hdyž so měrješe, měješe kóždy jenak wjele. Štóz so tu sta přez džiw Boži, ma so mjez křesćanami přez lubosć stać, njerune ma so wurunać. — 16. 17. Pawoł poruča nětko Korinthskim tych, kotřiž maju jałmožnu hromadzić; před druhim Tita, kotremuž je Bóh, praji wón, tu samu starosćiwosć wo wasu zbóžnosć do wutroby začěpil, kaž mi; wón drje bu wote mnje napominany, zo by k wam šol, by pak tež hjez mojeho napominanja k wam přišol. — 18. 19. Mjenje tamneju, kotraž Tita přewodźestaj, njestaj znataj. Přeni bě wo rozšěrjenju ewangelia jara pilny a je khwaleny po cytej cyrkwi; ale nic jeno to, wón bu wot cyrkwe postajeny, zo by mje přewodźal a při tutej milosci, t. r. při zhromadženju jałmožny, pomhał. Tón skutk milosće dokonja Pawoł dobrowólnje, z lubosće a k česći Božej. — 20. Zo by nchtó podhlad njeměl, zo při tak bohatěj zběrcy něšto za sebjě zdźeržimy, smy sebi pomocnikow wuzwolili. — 21. Staramy so wo dobre mjeno před Bohom a tež před čłowjekami, zo bychmy jim k pohórškej njebyli. — 22. Pawoł spomina a poruča jim hišće druhého towarša, kotryž běše starosćiw, horliwy wučownik, a wosehitu lubosć ke Korinthskim pokazowaše.

23. Njeh (rěču) za Tita, kotryž je mój towarš a mój pomocnik mjez wami, njeh za našeju bratrow, kotraž staj wotpósłanaj cyrkwjow, khwala Khrystusowa.

24. Tuž dajće jim dopokaz wašeje lubosće a našeje khwały za was před wobličom cyrkwjow.*

STAW IX.

Pawoł pokročuje napominajo, zo bychu jałmožnu rady a nadobnje poskićeli; namołwja, zo njebychu khudoby tohodla so bojeli, ale na Božu předwidziwosć so spuśćeli; mjenuje wšelake płody tuteje jałmožny.

Wo službje, kotraž so stawa za swjatych, drje je za mnje njetrěbne wam pisać.

2. Přetož znaju wašu zwólniwość, kotrejež dla z wami so khwalu pola Macedonskich. Tež Achaja je (k tomu) hotowa wot lonšeho lěta a waša horliwosć je mnohich zbudžila.*

3. Póslach pak bratrow, zo by, čohoždla was khwalimy, prózdne njebulo w tej wěcy, zo sće, (kaž sym prajil) hotowi:

4. Zo bychmy, hdyž Macedonscy ze mnu přińdu a was njepřihotowanych nadeńdu, my (zo njerjeknu wy) zahaněbjeni njebyli w tej dowěrje.*

5. Mějach tohodla za potrěbne, bratrow prosyc, zo bychu do přědka k wam šli

a přihotowali slubjene žohnowanje, zo by bylo přihotowane, tak jako žohnowanje, nic jako skuposć.*

6. To pak praju: Štóz skupje wusywa, budže tež skupje žnjec; štóz pak wusywa w žohnowanju, budže ze žohnowanjom tež žnjec.*

7. Kóždy (njeh da), kaž je we swojej wutrobje postajil, nic ze zrudoby abo z nuzy; „přetož wjesoleho dawaćerja Bóh lubuje.“* Sir. 35, 11.

8. Mócný pak je Bóh, zo kóždy dar rozmnoži we was, zo byšće, we wšim přeco za dosć mějicy, bohaći byli k wšomu dobremu skutkej,

9. Kaž je pisane: „Rozdžěli a dar khudym; jeho sprawnosć zwostawa wěki na wěki.“* Ps. 111, 9.

10. Štóz pak dawa symjo wusywarjej, wobradži tež khlěb k jědži, a rozmnoži waše symjo, a přispori zróst płodow wašeje sprawnosće,

11. Zo byšće we wšim wobohaćeni byli ke wšej dobromyslnosći, kotraž skutkuje přez nas džakprajenje Knjezej.*

12. Přetož služba tohole zastojnstwa wupjelha nic jeno njedostatki swjatych, ale rozmnožuje so tež we mnohich džakprajenjach Knjezej,*

23. 24. Japoštoł napomina skónčnje, zo bychu wšitkich třech, Tita a jeho towaršow, přecelnje přijeli, a z tym jim a wosadam, kotrež zastupuja, dopokazali swoju mjezsobnu křesćansku lubosć a tež prawdu khwalby, kotruž je jim dawał.

IX. 1. 2. Spokoju so z tym, zo wam Tita a jeho towaršow poručam; k službje, t. r. k hromadženju jałmožny njetrěbam was pohonjeć, dokelž wěm, kak zwólniwi sće, zo móžu so z wami tohodla khwalić a zo je waš přikład druhe wosady Achaje za tónle dobry skutk zahorił. — **3. 4.** Pawoł pak tola Tita a towaršow do přědka pósla, zo bychu z hromadženjom khwatali, a hdyž wón z Macedonskimi přińdže, hotowi byli; hewak by z toho hańbu měł, zo bě jich khwalił něčohodla w čimž njeběchu sebi, kaž so wupokaza, khwalby zaslužili. — **5.** t. r. zo bychu dary žohnowane, prawje nadobne byle a skuposć so njepokazała w snadnych darach. — **6.** Dobře skutki, wosebje jałmožna, su takrjec symjo, kotrež wusywamy a kotrež nam myto jako bohate žně za njebjesa přihotuje; čim wjacj dobrych skutkow něchtó dokonja, čim bohatše myto na njeho čaka. — **7.** Zo by so jałmožna Bohu spodobala a čłowjekej zaslužbna była, dyrbi nic jeno přiměrjena być jeho zaměnosći, ale ma tež so darić z lubosće, nic ze zrudoby a nuzowanja. — **8. 9.** Bóh zamóže wam kóždy dar buhaće zaplaćić, zo změjeće, jelizo sće hewak spokojni ludžo, na wšim dosć, haj hišće wjacj, tak zo móžeće druhim sprobudželić, kaž je pisane, zo sprawný darniwe rozdžela a jeho darniwość nima kónca, a zo ma přeco dosć k rozdželenju. — **10. 11.** Bóh, kotryž wusywarjej symjo dawa, poda tež wam tak wjele, zo móžeće druhim dobroty činić, a kotryž wusywarjej prócu plać, zo symjo rozmnoži, tak zo ma khlěba dosć a hišće k wusyweji, budže tež wašu dobroćiwosć z tym mytować, zo z wašeje dobroćiwosće wurośe da płody, z kotrymiž móžeće nowe dobroty wopokazować; z tym zbudžće džakowne wutroby, kotrež so Knjezej džakuja za dobroty wot was dóstate. — **12—14.** Tak dopokazaće z jałmožnu swoju lubosć k bližšemu, dokelž jim podawaće, štož nimaju

13. Hdyž z doswědčenjom tuteje služby Boha khwala dla poslušnosće wašeho wuznaća w ewangeliju Khrystusowym, a dla dobromyslnosće we wudźělenju jim a wšitkim,

14. A tež w jich modlitwje za was, dokelž žadaju za wami dla přezměrneje hnady Božje we was.

15. Džak (budź) Bohu za jeho njewuprajomny dar.*

STAW X.

Japoštoł počina rozestajeć swoju móc a za Khrystusa wustate prócy wopačnych wučerjow dla, kotřiž jeho potłóčujcy a jako zacyjomneho wudawajcy płodej jeho přédowanja zadźěwachu.

Ja sam pak Pawoł napominam was přez čichomyslnosć a dobrotnosć Khrystusowu, kiž drje sym před wočomaj mjez wami ponižny, njeprítomny pak khrobly přeciwo wam.*

2. Prošu pak was, zo bych přítomny njebył khrobly z tej wutrobitoscu, z kotrejž so khroblu, kaž praja, přeciwo někotrym, kotřiž mjenja, zo my po mjasu khodžimy.*

3. Přetož w mjasu khodžicy, njewojujemy po mjasu.*

4. Wšak brónje našeho wojowanja njejsu mjasne, ale mócnje před Bohom k powróćenju wobhodow, z kotrymiž powrócamy rady

5. A kóždu wyšinu, kotraž so zběha přeciwo wědomosći Božje,* a jimamy kóždy rozom pod poslušnosć Khrystusowu,**

6. A smy hotowi wječić kóždu nje-poslušnosć, hdyž budže dospołna waša poslušnosć.*

7. Na to, štož je před wočomaj, hladajće.* Ma-li štó dowěru k sebi, zo je Khrystusowy, njech tež zaso při sebi mysli, zo kaž je wón Khrystusowy, tak (smy) tež my.**

8. Přetož, budu-li so tež što wjacy khwalić z našej mocu, kotruž nam Knjez poda k natwarjenju a nic k wašemu zahubjenju, njebudu zahanbjeny.*

9. Zo pak bych so njezdał, jako bych was chcył nastrožić z listami, —

a tež přinošujće k rozmnoženju Božje česće, dokelž mnozy Bohu džak praja a jeho khwala, zo mjez wami služba, t. j. jałmožna so tak dokonja, kaž sebi lubosć žada, a zo wy ewangelium Khrystusowe wuznawaće nic jeno ze rtom, ale tež z poslušnosću, jim a wšitkim z wěrnijej wutrobu sobudźělcy, štož móžeće; tež zo so za was modla a za wami žadaju, dokelž je hnada Boža we was tak mócnje skutkowała, a zo ze skutkami lubosće so wuznamjenjeće. — 15. Njewuprajomnje wulka je hnada Boža, zo je we was tak spomóžnje skutkowała.

X. 1. Dotal bě japoštoł k tym rěčał, kotřiž běchu jemu swěrní wostali; nětko wobroći so k swojim přeciwnikam a zamołwja sebje a swoje skutkowanje přeciwo porokam. Najprjedy wotpokazuje porok, jako by k wočomaj ponižny, bojazny, w listach pak khrobly a zwažniwy sebi krute słowo dowěrił. Napomina swojich přeciwnikow, zo bychu so polěpšili, zo by wón po Khrystusowym přikładze dobroćiwý a ponižny přeciwo nim być móhl. — 2. t. r. napominam was, zo mje njebyšće ze swojimi wopačnosćemi k tomu nuzowali, zo bych dyrbljał přítomny wutrobitosć pokazować, kotruž mam, kaž so praji, jeno tehdy, hdyž sym zdaleny, t. r. zo bych dyrbljał khostać tych, kotřiž mi porokuja, jako bych po mjasu khodžił, t. r. zo so při swojich skutkach a słowach wot hrěšnych nakhilnosći a njeprawych wotpohladanjow wodzić dawam. — 3. t. r. hač runje sym hrěšny čłowjek, wojuju tola za prawdu a sprawnosć a nimam njeprawych, sebičnych wotpohladanjow. — 4. 5. Srědky, z kotrymiž wojuju, njejsu slabe z hrěšnych nakhilnosći pokhadžace, ale duchowne a tak mócnje, zo wšě zadźěwki přewinu, kotřež so rozšěrjenju ewangelia do puća stajaja, tež čłowjesku mudrosć a hordu wědomosć, kotraž wědomosći Božje přeciwić so zwaži, Khrystusej podćisnu. ** t. r. zo wšitcy do Khrystusa a jeho wěrnosće wěrja, njedźiwajcy na spóznaća čłowjeskeho rozoma. — 6. t. r. z tymi samymi srědkami chcu tež khostać wšěch njeposlušnych, mjennjcy z cyrkwe wuzamknyć swojich přeciwnikow, ale najprjedy dyrbi waša poslušnosć hišće dospołniša być; přetož tajke khostanje ma so wot wosady samej stać. — 7. t. r. kedźbujće jeno na to, štož na mni widziće, a spóznaće, zo z mócnymi srědkami wojuju. ** Přeciwnicy rozšěrjachu, zo su jeno woni prawi služownicy Khrystusowi, nic pak Pawoł. — 8. t. r. budu-li so hišće bóle khwalić — kaž so bórzy stanje — z mocu, kotruž sym wot Knjeza dóstał, z kotrejž mam wam k wužitku a nic k škodze być, dopokazam, zo moja khwalba njebudže hołe słowo, ale zo sym prawy a lubowany služownik Khrystusowy. — 9—11. t. r. bych móhl hišće to abo druge prajić ke khwalbjeswojeje wot Khrystusa dóstajeje mocy;

10. Dokelž wšak listy, praja, su wažne a krute, čelna přitomnosť pak slaba a řeč zacyějomna, —

11. Njeh sebi tajki to pomysli, zo kajcyž smy po słowje z listami njepřitomni, tajcy (smy) tež přitomni po skutku.*

12. Přetož njezwažamy so, sebje samych přiličić a přirunać k někotrym, kotřiž sebje samych poručuju; ale sami měrimy sebje samych po sebi a přirunujemy sebje samych ze sobu.*

13. My pak njebudžemy so přez měru khwalić, ale po měrje prawidła, kotruž je nam Bóh přiměřil jako měru, zo bychmy dosahnyli hać k wam.*

Ef. 4, 7.

14. Přetož njerozčahujemy so, jako bychmy k wam njedosahali; hać k wam wšak dóndžechmy w ewangeliju Khrystusowym.*

15. Přez měru so njekhwalimy z cuzymi džělami; nadžiju pak mamy, rosće-li waša wěra, zo budžemy mjez wami wulcy po našim prawidle do nadobnosť, —

16. Zo budžemy tež w krajinach zady was ewangelium připowědować, a njebudžemy so khwalić w cuzym prawidle z tym, štož je připotowane.*

17. „Štóz so khwali, njeh w Knjezu so khwali;“* Jer. 9, 23; 1. Kor. 1, 31.

18. Přetož nic tón, kiž so sam poručuje, je doswědčeny, ale tón, kotrehož Knjez poručuje.*

STAW XI.

Falšnych japoštołow dla, kotřiž Pawołowe wučby wobroćeju, boji so wón za Korinthskich a spomina, čohodla wot nich podpěry njebjerješe; potom rozestaja na dopokaz, zo dyrbyja jemu wjacy wěrić dyžli jim, swoje zaslužby a najpředy horja, kotrež je wustal, Khrystusowu wěru wopowědujo, a prócy a starosć.

Zo byšće tola něšto mało mojeje njemudrosće znjesli! Haj, znjesće tež mje.*

2. Přetož horju za was ze žarliwosću Božej. Přetož slubich was jako čistu knježnu wudać jednemu mužej, Khrystusej.*

3. Boju pak so, zo jakož had Jěwu zawjedže ze swojej lešču, by so skazyło waše zmyslenje a wotpadnyło wot wěrnosće, kotraž je w Khrystusu.*

4. Přetož, jelizo přikhadnik drugeho Khrystusa připowěduje, kotrehož njejsmy připowědali, abo jelizo drugeho ducha dóstawaće, kotrehož njejsće dóstali, abo druge ewangelium, kotrež njejsće přijeli: byšće to z prawom znjesli.*

tola njepisam dale wo tom, zo bychn přećiwnicy njeprajili, zo sym w listach khrobły a kruty, přitomny pak slaby a bojazny; jeno to spomnu, zo budu přitomny we swojim skutkowanju runje tajki, kajki sym we słowach svojich listow. — 12. t. r. wjacy k swojej khwalbje njeprajimy, dokelž njechamy k tym slušeć, kotřiž sebje saucych wuzběhuja; ale wosebitosće, z kotrymiž so khwalimy, mamy woprawdže, njewudawamy so za wjetšich dyžli smy, naše řeče su měřene po našich skutkach, mjez tym zo pola našich přećiwnikow skutki wukhwalowacym słowam runja njeksu. — 13. Moje khwalenje njeje přezměrne, ale ma swoju měru, kotraž je postajena a měřena wot Boha po mjezy mojeho skutkowanja, a po tej měrje dosaha moje skutkowanje hać k wam. — 14. t. r. Hać runje z wami so khwalimy, njepřekročimy měru khwalby, njerunamy so čłowjekej, kotryž za učim ruku wupřestrěwa, štož pak swojeje maličkosće dla njedosahnje. My dosahamy hać k wam ze swojim skutkowanjom, ewangelium wam připowědujcy. — 15. 16. t. r. njekhwalimy so ze skutkami, kotrež buchu wot druhich dokonjane, kaž naši přećiwnicy, ale nadžijemy so, zo budžemy tež my, hdyž budžeće wy we wěrje wobkrućeni, po swojim skutkowanju mjez wami khwaleni; přetož chcemy ewangelium připowědować w krajinach, wot was zdalenyh, hdžež hišće njeje za nje ničo připotowane. — 17. Štóz něšto dobre dokonja, dokonja to z pomocu Božej; zo jeho Knjez podpěraše, z tym ma so khwalić. — 18. t. r. jeno tón je wobkrućeny jako služownik Boží, kotryž je wot Knjeza poručany z tym, zo z jeho pomocu podpěraný dobre skutki dokonja.

XI. 1. Runje bě japoštoł spomnił, zo tón, kiž so sam khwali, z tym njeje doswědčeny, a tohodla zda so njemudry być, hdyž swoje zaslužby wuzběhuje; tola přeje sebi, zo bychu Korinthscy tajku njemudrosć a jeho samoho znjesli. Nima drugeho srědka, zo by poroki napřećiwnikow zničil. khiba tón, zo na swoje džěla spomina. — 2. Tuta njemudrosć pokhadža z mojeje wulkeje lubosće k wam, kotraž njeznese, zo was druzy zawjednu. Jako Bóh svojich wuzwolonych njeskónčnje lubaje, a njepřida, zo jemu swěru złamaju, tak tež ja lubuju was, a chcu was jako čistu knježnu, t. r. jako njeskaženu, bohospodobnu wosadu Khrystusej, njebieskemu nawožení přepodać. — 3. Tola boji so japoštoł, zo bychu Korinthscy we swěrje ke Khrystusej woslabjeli a wot wěrnosće so wotwobročili. — 4. Mój strach wo was njeje bjez přičiny, dokelž sebi lubić dašće, zo přikhadni, t. r. druzy wučerjo

5. Přetož měnju, zo w ničim mjenje činił njejsym, dyžli (ći) wulcy japoštołowje.*

6. Hač runje wšak sym njenazhonjeny w reči, tola nic we wědomosći; we wšim pak buchmy wam zjawni.*

7. Abo zhrěšich so sameho ponižejo, zo byšće wy powyšeni byli? zo darmo ewangelium Bože wam připowědach?*

8. Druhe cyrkwe wobrach, přijawši mzdu k wašej službjě.

9. A hdyž běch pola was a tradach, nikoho znjewobćežowach; přetož štož so mi njedóstawaše, dosadźichu bratřa, hdyž běchu z Macedonije přišli, a we wšim zdžeržach so wam njewobćežny, a zdžeržu so tež.*

10. Wěrnosć Chrystusowa je we mni, zo tuta khwalba wo mni njebudže zastajena w krajinach Achaje.*

11. Čohodla? Zo was njelubuju? Bóh (to) wě.

12. Štož pak činu, budu tež činić, zo bych přiležnosć wzal tym, kotřiž přiležnosć pytaju, zo bych w tom, z čimž so khwala, tajcy namakani byli, jako tež my.*

13. Přetož tajcy su zelhani japoštołowje, lesćiwi dželačerjo, kotřiž so přetworjeju do japoštołow Khrystusowych.*

14. A bjez džiwa; přetož sam djabol přetworja so do jandžela swěta.

15. Njeje potajkim ničo wulke, hdyž so jeho služownicy přetworjeju jako služownicy sprawnosće; a jich kónc budže po jich skutkach.*

16. Zaso praju (zo by mje ničtó za njemudreho njeměł; hewak přiwniće mje jakož njenudreho, zo bych so tež ja tróšku khwalił):*

17. Štož reču, njerěču po Bohu, ale jako w njemudrosći, w tutej wěcy khwaljenja.*

18. Dokelž so mnozy khwala po mjasu,* budu so tež ja khwalić.**

19. Radži wšak znjesće njemudrych, dokelž sće sami mudri.*

20. Přetož znjesće, hdyž was něchtó do wotročstwa honi, hdyž (was) něchtó zežěra, hdyž was něchtó popaduje, hdyž so něchtó přezběhuje, hdyž was něchtó do wobliča bije.*

wam Khrystusa hinak wopowědowachu, drugeho ducha lubjachu, druge ewangelium wučachu, dyžli ja. Hdyž to znjesće, směm so bojeť, zo tež wot wěrnosće cyle so wotwobroćiće. — 5. t. r. moji přeciwnicy, kotřiž so sami japoštołowje mjenuja; wjac dyžli woni sym wěsće ja dokonjał, a tohodla njeprawje činiće, hdyž sebi jich a jich wučbu wyše wažiće, dyžli mje. — 6. t. r. hač runje z rjenje klinčatymi słowami njerěču, sym tola we wědomosći wěry derje rozwučeny, a po wučbje a žiwjenju derje znaty. — 7. Tež z tym sebi njezaslužich, zo sebi mje mjenje wažiće, zo wam darmo ewangelium připowědowach a so ponižach, z džěłom sebi to zaslužejo, štož k zežiwjenju trjebach; ponižach so tohodla, zo byšće wy powyšeni byli, t. r. z pohanskeho błuda ke křesćanskej wěrnosći so pozběhnyli. — 9. t. r. wot druhich wosadow, na přikład khudšich macedonskich bjerjeh, štož trjebach; wot was ničoho nježadach ani tehdy, hdyž wučenje mi khwile njewostaji, zo bych z rukomaj džělał, dokelž tehdy dóstawach podpěru z Macedonije. — 10. Khwalba, zo darmo, cyle njesebičnje ewangelium připowědach, a přichodnje připowědać budu, zakhowam sebi w Achaji, to slubju při wěrnosći Khrystusowej, kotraž je we mni a kotraž lžu njeznjese. — 12. Zo za připowědanje ewangelia wot was ničoho nježadam, njestawa so, dokelž was njelubuju a tohodla waše dary zacpěwam, ale zo bych swojim přeciwnikam přičinu njedał, mje hanić a mi sebičnosć porokować, a zo bych tež sami w skutku dopokazali, z čimž so khwala, zo runje tak njesebičnje ewangelium připowědaju, jako my. — 18. Tući, t. r. moji přeciwnicy, pytaju jeno swój wužitk, wudawaju so jeno za japoštołow Khrystusowych, lža a jebaju, a su skerje japoštołowje djabola. — 15. Nětko móža drje so tajić před čłowjekami, ale Wšohowědomy zaplaći jim, kaž sebi zaslužichu. — 16. Maće-li pak mje za njemudreho, posłuchajće na mnje sčerpnje, jakož na njemudreho, a znjesće, hdyž so tróšku khwalu. — 17. Njerěču jako wot Boha pohnuty, ale jako w njemudrosći, kotraž k samokhwalbje pohonja. — 18. t. r. pohnući wot zmyslnosće, wot wšelakich sebičnych wotpohladanjow; ** tež ja chcu so khwalić, ale jeno zo bych z tym was za Boha a wěrnosć dobył. — 19. t. r. dokelž sće mudri ludźo, znjesće sčerpnje moju samokhwalbu. — 20. Wočakuju, zo moju khwalbu čim skerje znjesće, dokelž džě sebi lubić daće, zo družu, t. r. moji přeciwnicy, nad wami knjezuja, jakož nad robotnikami, waše zamóženje wam wurěču a bo bjeru, sebje samych pozběhujcy was čišća, abo njehaničiwje z wami zakhadžeju.

21. K zahańbjenju praju, jako bychmy w tom słabi byli. We čímž so štó khrobli (w njemudrości praju), khroblu so tež ja.*

22. Hebrejscy su? tež ja; Israelitowje su? tež ja; Abrahamowe symjo su? tež ja.*

23. Służownicy Khrystusowi su? (jako mjenje mudry praju), ja bóle;* we přemnohich prócach, w jastwach husćišo, w pukach přez měru, w smjertnych strachach často.**

24. Wot Židow dóstach pječkróc štyrceci razow hjez jenoho.* 5. Mójz. 25, 3.

25. Třikróc buch z prutami šwikany,* jónu kamjenjowany, třikróc so mi lódž rozrazy, dzeń a nóc přebych w mórskej hlubinjce, Jap. sk. 16, 22; 14, 18; 27, 41.

26. Na pućowanjach často, w strachach na rěkach, w strachach přez rubježnikow, w strachach mjez mojim ludom, w strachach mjez pobanami, w strachach we měsće, w strachach we pusćinjce, w strachach na morju, w strachach mjez falšnymi bratrmi:*

27. W prócy a ćeži, w bjezspanju často, we hłódze a lačności, w mnohich postach, w zymje a nahoće.

28. Bjez toho, štož je zwonka, je moje všědne nadběhowanje, starosć wo wšitke cyrkwe.*

29. Štó woslabja, a ja (sobu) njewoslabjam? štó je pohóršowany, a ja so njehorju?*

30. Mam-li so khwalić, budu so khwalić ze swojej slabosću.*

31. Bóh a Wótc našeho Knjeza Jězusa Khrystusa, kotryž je khwaleny na wěki, wě, zo njelžu.

32. W Damasku wobstražowaše bohota krala Aretasa město Damascenskich, zo by mje zajal;*

33. A z woknom buch w korbje spuštěny přez murju, a tak čeknych jeho rukomaj. Jap. sk. 9, 21.

STAW XII.

Pawoł powěda wo widzenjach, kotrež je měl. a wo jemu datym injasnym žahadle a rozpraju, zo su jeho k tomu nućili, zo so khwali, mjez tym zo bychu woni jeho připóznac měli dobrotow dla, kotrež běchu wot njeho dóstali: wón je nětko hišće připřetowany, zo by so za nich woprowaž; ale boji so, zo by k nim přišedši někotrych w zwadach, druhich hišće w njekmanstwach namakał.

Mam-li so khwalić — njeslušaj wšak so —, přinědu na widženja a zjewjenja Knjeza.*

2. Znajdu čłowjeka w Khrystusu,* předsłynace lětami (hač w čele, njewěm; hač

21. Je-li takto khorobě zakhadženje pola was česćomne, dyrjbu k swojej hańbje wuznać. zo sym słaby był. Z čímž hewak štó wot nich khorobě so khwali, směm so ja runje tak dowěrnje khwalić, njeh so to pola mojih přećiwnikow jako njemudrosć zda. — 22. To su wšelake pomjenowanja za Židow, z kotrymiž so khwalachu. Mjeno „Hebrejscy“ wupraji jich narodnosć; „Israelitowje“ jich wuzwolenje jako lud Boží; „Abrahamowe symjo“ jako lud, z kotrehož měješe so po Božich slubjenjach Messias narodzić. — 23. Wudawaju-li so za služownikow Khrystusowych, mam ja wjacy prawa k tomu mjenej, byrnje so to mojim přećiwnikam njemudre być zdało. ** Pawoł liči prócy a čerpjenja, z kotrymiž je jako swěrný služownik Khrystusowy doswědčeny. Wšitke tu wopominane čerpjenja njemjenuja so w „Japoštołskich skutkach“, dokelž wone cyłe žiwjenje Pawoła njewopisuja. — 24. Po zakonju njesmědžeše židowski sud wjacy dyžli štyrceci pukow nadobo přisudzić; tuž bu jich jeno džewjeć a třećeći wudžělaných, po wučbje farisejow, zo ma so něšto mjenje činić dyžli je dowolene, a něšto wjacy, dyžli je prikazane, zo by so tak zakon wěsće dopjelnił. — 25. t. r. wot pohanow. — 26. t. r. mjez křesćanskimi Židami, kotřiž Pawoła hidžachu, dokelž tež pohanam ewangelium připowědowaše. — 28. Póšla tutech čerpjenjow, kotrež mje často napadaju, mam swoje všědne džěło, a njepřestawacu starosć za wšě cyrkwe. — 29. t. r. ze wšěmi sobu čerpju; woslabja-li něchtó w dobrým žiwjenju, to čuju; dawa-li so někomu pohóršk, to mje boli a pali. — 30. t. r. mam-li so khwalić, čehu so svojich čerpjenjow khwalić, w kotrychž so moja slabosć pokazuje. — 32. Nětko počina Pawoł wo svojich čerpjenjach powědać, tola přestawa, hdyž je spónał, zo z tym sebje samoho bóle česćí, dyžli Boha. Arabiski kral Aretas bě město Damaskus tehdy dobył, a da, dokelž sebi Židža žadachu, wrota stražować, zo by jim Pawoł nječeknył.

XII. 1. Pawoł njerěči dale wo svojich čerpjenjach, ale sponina nětko na widženja, w kotrychž so jeno Boža milosć pokazuje a jeničcy Bóh česćí. Wo sebi powěda jakož w druhim čłowjeku. — 2. Čłowjek w Khrystusu, t. j. křesćan, kiž je přez křćeńcu do Khrystusa zašćěpjeny.

zwonka ćěła, njewěm,** Bóh wě), zo bu tajki torhnjeny hač do třěchoho njebjja.***

3. A znaju tajkeho čłowjeka (hač w ćěle, hač zwonka ćěła, njewěm, Bóh wě),

4. Zo bu torhnjeny do paradiza, a wusłyša potajne słowa, kotrež čłowjek wuprajić njesmě.*

5. Z tajkim budu so khwalić, ze sobu pak njebudu so khwalić, khiba w swojich slabosćach.*

6. Přetož bych-li so khwalić chceł, njebudu njemudry; wšak budu wěrnosć rěčeć. Zdźeržuju pak so, zo by ničto wo mni njeměnil wjac, dyžli wo mni widzi abo wo mni słyši.*

7. A zo by wulkosć zjewjenjow nje njeprězběhnyła, bu mi date kaladło mojeho mjaso, jandžel djaboła, kiž nje z pjasceni bije.*

8. Tohodla sym třikróć Knjeza prosyl, zo by wote mnje wotstupil.

9. A wón rjekny mi: Dosaha tebi moja hnada; přetož móc dopjelnja so w slabosći.* Radši budu so tohodla khwalić w swojich slabosćach, zo by we mni bydlila móc Khrystusowa.

10. Tohodla mam spodobanje w swojich slabosćach, w hanjenjach, w nuzach, w přescěhanjach, we wuzkosćach Khrystusa dla; přetož hdyž slaby bywam, tehdy sym synly.*

11. Buch njemudry,* wy mje přinućišće; přetož ja mějach wot was poručowany być, dokelž wo ničo njejsym mjeńši był, dyžli ěi, přewulecy japoštołoj, hač runje ničo njejsym.

12. Wopakazma mojeho japoštołstwa wězo stawachu so mjez wami we wšej sćerpnosći, w znamjenjach a dźiwach a mocach.*

13. Přetož što je, čohož sće mjenje měli přeciwo druhim cyrkwjam, khiba zo ja sam was njewobćežowach? Wodajće mi tule njeprawosć.*

14. Hlej, třěći króć sym nětko hotowy k wam přinć, a njebudu was wobćežowac. Přetož njepytam waše, ale was. Džěći wšak nimaju staršim pokłady hromadzić, ale starši džěćom.*

15. Ja pak chcu jara rad (swoje) woprowac a sam woprowany być za waše

** Pawoł sam njewědžeše, hač bě jeho duša při tutom widženju z ćělom zjednočena, abo hač bě ćělo spodźiwnje wopuściła; *** Cyłu přestrěh wyše zemje mjenowachu stari „njejbo“, kotrež do wšelakich džělow, jedyn nad druhim, džělachu. Hdyž Pawoł praji, zo bu hač do třěchoho njebjja torhnjeny, ma to rěkać, zo bu jara wysoko nad zemju pozběhnjeny. — 4. Nic jeno do stworenjeho njebjja, ale tež do paradiza, do Božeho wobydlenja bu powyšeny, a tu wo potajnosćach powučeny, kotrež ničto wopowědować njemůže. — 5. t. r. za toho čłowjeka, kotryž bu tak pohnadženy, abo za tu jemu wopakazanu miłosć, chcu so khwalić, dokelž z tym Boha khwalu, za sebje samoho pak so khwalić nechcu, khiba jeno w swojich slabosćach. — 6. t. r. bych mnohe k swojej khwalbje prajić mohl, a njebych njemudry był a wěrnosć bych z tym rěčał, ale njekhwalu so z tym, zo bych ludźo wjac wo mni njemyslili, dyžli woprawdže sym; po mojim žiwjenju a po mojej wučbje njech mje sudža. — 7. Zo by Pawoł z wulkotnymi zjewjenjemi so njeħordził, ale na swoju slabosć spominał, dopuści Bóh, zo jeho jandžel djaboła, t. r. wot djaboła přikħadzaca, mócna mjasna požadosć k hrěcham nječistoty wabješe. — 8. Próstwa, zo by jandžel djaboła, t. r. mjasna požadosć, jeho wopuściła, njebu wusłyšana, ale Boža pomoc bu jemu sluhjena, zo by wabjenja přědobyl a z stajnym wojowanjom jeho duchowna móc přiběrała a móc Boža, t. j. hnada Boža, so jemu nadobnišo wudžělała. — 10. Wjeselu so tohodla w swojich slabosćach a přeciwnosćach, dokelž mi wjac miłosće Božej dajaju, a z tej sym w slabosćach synly. — 11. t. r. dokelž so runja njemudrym khwalach; ale wy mje k tomu nuzowašće, dokelž njepřipóznašće, štož sym jako japoštoł mjez wami skutkował, ale wažešće sebi mje mjenje, dyžli pozdžišich wučerjow, jako bych mjenje dokonjał a mjeno japoštoła njezasłužil. — 12. Sćerpnje a wutrajnje sym mjez wami skutkował a Bóh je moje japoštołske skutkowanje z dźiwami wobkrućił. — 13. Štožkuli bu druhim cyrkwjam date, dawaše so tež wam, jeno w tom je rozdžěl, zo druge cyrkwe swojim japoštołam poskićachu, štož k zežiwjenju trjebachu, ja pak ničoho njeħerjech. Je-li to kħwda, wodajće mi ju. — 14. Nježadám za wašim zamoženjom, ale za wašimi dušemi. Jako starši za džěći hromadža, tak chcu tež ja, waš duchowny wótc, wam njeħjeske pokłady podawać, njeprědu pak sebi k wam po časne pokłady.

duše, njech sym, čím bóle was lubuju, čím mjenje lubowany.*

16. Ale njech je! ja was njejsym wob-
ćežował; ale dokelž sym překlepany, za-
jach was z lesću?*

17. Wuklukach was přez někoho z tych,
kotrychž k wam posłach?

18. Tita sym prosl, a z nim sym pól-
słal bratra. Je was Titus wuklukał? Nje-
smoj w tom samym duchu khodžiloj? nic
w tych samych stopach?

19. Dawno měniće, zo před wami so
zamołwjamy? Před Bohom w Khrystusu
řečimy; wšitko pak, najlubši, je za waše
natwarjenje.*

20. Přetož boju so, zo k wam přišedši
snadž was njenadeńdu tajkich, kajkichž
chcu, a zo budu ja wot was namakany,
kajkehož mje njechćeće; zo su snadž
mjez wami zwady, zawisce, hněwanja,
rozkory, wobřećenja, přisłodženja, nadu-
wanja a zběžki;*

21. Zo by mje Bóh, hdyž přindu, zaso
njeponižil pola was, a zo bych njetrjebał
žarować wo mnohich z was, kotřiž su
prjedy hrěšili a njejsu pokutu činili dla
nječistoty a kurwafstwa, a njehańbitosće,
kotruž su skućili.*

STAW XIII.

Japoštoł hrozy tym, kotřiž běchu zhrěšili, zo by
jich k pokuće pohnuł, a nuzowany njebył, k nim
přině a jich khostać; k tomu bu jemu wot
Khrystusa móc data, kotruž dyrby tež při sebi
samych spóznać; a přidawa powšitkowne na-
pominanja a postrowjenja.

Hlejeće, třeći króc nětko du k wam.
„We rće dweju abo třoch swědkow wob-
stoji kóžde slovo.“* 5. Móž. 19, 15;

Mat. 18, 16; Jan. 8, 17; Hebr. 10, 28.

2. Předpowěch a předpowědam jako
přitomny a nětko njeřitomny tym, kotřiž
prjedy zhrěšichu, a wšem druhim, zo, hdyž
zaso přindu, njeprěpušću.*

3. Žadaće dopokaz toho, kiž we mni
řeči, Khrystusa, kotryž njeje slaby we was,
ale mócny we was?*

4. Přetož hač runje bu križowany ze
slabosće, je tola žiwy w mocy Božej.
A tež my smy slabi w nim; ale budžemy
živi z nim z mocy Božej přeciwo wam.*

5. Sebjě samych přepytujće, hač sće
we wěrje; sebjě samych wobhladujće.
Abo njeznajeće sebjě samych, zo je Khry-
stus Jězus we was? khiba zo snadž sće
njedoswědčeni.*

6. Nadžiju pak so, zo spóznaće, zo
my njejsmy njedoswědčeni.*

15. Nic jeno swoje kubla, haj sebjě chcě woprować, zo bych waše duše za wěčnu zbóžnosť
dobył; tež chcu was lubować, a to čím bóle, čím mjenje sym wot was lubowany. Tak njesebičnje
skutkowaše japoštoł. — 16. Japoštoł wotpokazuje porok, kotryž by móhl so činić, zo hač runje
sam ničoho nježadaše, zo je sebi přez tamnych, kotrychž posła, něšto podawać dał. Tež či, wosebje
Titus, su w tom samym duchu, njesebičnje ewangelium připowědali. — 19. Mysliće sebi, zo před
wami so zamołwjamy; tola njestawa so to, jako bychmy was za svojich sudnikow měli; Bóh je naš
sudnik, před nim so zamołwjamy, a to w Khrystusu, t. r. po Khrystusowej wučbje, jako prawi
křesćenjo, z nim zjednoćeni; řečimy pak tež k našemu natwarjenju, t. r. zo byšće wumóženi z rukow
njeprawych wučerjow w křesćanskej dospołnosći přiběrali. — 20. Dyrbju po wšitkich zhonjenjach
so bojeć, zo was w křesćanskim žiwjenju tak wobkrućenych njenamakam, jakož dyrbju sebi to žadać
a zo tohodla tež wy mje krućišeho wuhladaće, dyžli sebi přejće. — 21. Jako dobre počinki ja-
poštolejš wjeselo a česć přinjesu, tak zrudža a ponižuju jeho čežke hrěchi, kotrež so w jeho wosadže
skućichu a njezapokućichu; tohodla skorži japoštoł, zo mnozy hrěchi njezapokućeu, w kotrychž
běchu živi, hdyž jich posledni króc wopyta.

XIII. 1. Přindu a po swědčenju rozsudžu wšitke skóřžby, kotrež so přeciwo wam zjewja. —
2. Předpowěch wam a nětko byrnje zdaleny, tola pak runje tak wažnje, jako bych přitomny był,
wam připowědam, zo budu bjez smilnosće khostać; praju to tym, kotřiž zhrěšichu, zo bych pokutu
činili. — 3. Abo dyrbju wam dopokazać, zo Khrystus we mni řeči a was napomina a wam hrozy?
haj Khrystus, kotryž we mni mjez wami so slaby njepokaza, ale mócny, we wielakich dźiwach. —
4. Njemějće dotatnu dobroćiwosć za slabosć; ale podobnje, kaž so Khrystus križować da, jako by
najsłabši był, tola pak z Božej mocu wožiwi, tak mam ja nětko poděł na jeho slabosći, wožiwju
pak tež z nim z mocu Božej nad wami, t. r. dopokazam, zo směm z nim zjednoćeny hrěšnosť khostać.
— 5. Za tym njehladajće, hač je Khrystus we nas, ale sebjě samych pruhujće, hač sće krući we
wěrje; tak spóznaće sebjě samych, a wosebje hač je Khrystus we was, hač we was ze swojej
hnađu skutkuje. Njespóznaće-li pak Khrystusa we sebi, njejaće doswědčeni. — 6. Nadžiju so, zo

7. Tola prosymy Boha, zo byšće ničoho zleho nječinili, nic zo bychmy so my doswědčeni wopokazali, ale zo byšće wy, štož je dobre, činili, my pak jako njedoswědčeni byli.*

8. Přetož ničoho njemóžemy přećiwo wěrnosći, ale (jenož) za wěrnosć.*

9. Přetož wjeselimy so, zo smy my słabi,* wy pak sće mócní. Tež wo to prosymy, wo wašu dokonjanosć.

10. Tohodla pišu wam to njepřitomny, zo přitomny bych njetrjebał krućiši hyc

po`mocy, kotruž je mi Knjez podał k natarjenju a nic k potorhanju.*

11. Hewak, bratřa, wjeselće so, wudoknejće so, napominajće so, budźće jeneje mysle, mějće pokoj; a Bóh pokoja a lubosć budźe z wami.*

12. Postrowće so mjez sobu ze swjatym wokošenjom. Postrowjeju was wšitcy swjeći.*

13. Miłosć našeho Knjeza Jězusa Khrystusa a lubosć Boža a zjednoćenje Ducha swjateho (budź) z wami wšitkimi. Amen.*

LIST S. JAPOŠTOŁA PAWOŁA NA GALATISKICH.

STAW I.

Japoštoł Galatiskim porokuje, zo so wotwobroćić dachu wot wěrnosće, kotruž běchu wot njeho dóstali, a kotrejež maju jeničcy so dźeržeć; zo ju wón njenawukny wot čłowjeka, ale z wozjewjenja Khrystusoweho, a zo je ju z tej samej horliwosću potom wučil, z kotrejež bě přjedy so ji přećiwał; kak je jeho Bóh k wopowědowanju ewangelia wotdźělił.

Pawoł, japoštoł nic wot čłowjekow ani přez čłowjeka, ale přez Jězusa Khrystusa,

a Boha Wótca, kotryž jeho zbudzi wot mrtwych,*

2. A wšitcy bratřa, kotřiž su ze mnu,* cyrkwjam Galatije.**

3. Miłosć wam a pokoj wot Boha Wótca a našeho Knjeza Jězusa Khrystusa,

4. Kotryž sebje samoho poda za naše hrěchi,* zo by nas wutorhnył z přitomneho skaženého swěta,** po woli Boha a našeho Wótca,

spóznaće, zo Khrystus we mni rěči a skutkuje. — 7. t. r. prosymy, zo byšće zleho nječinili, a nam z tym přičinu njeposkićeli, zo bychmy doswědčeni so pokazali, t. r. z mocu wot Khrystusa wuhotowani, tak zo směmy was khostać; ale přejemy sebi, zo byšće dobre činili a my njedoswědčeni byli, t. r. mocy njeměli, z kotrejež směmy khostać. — 8. Wěrnosć rěka tudy to, štož je prawe a dobre; sće-li we wěrnosći, t. r. jelizo činiće, štož je dobre a prawe, njezamóžemy ničoho přećiwo wam z mocu, kotruž hewak mamy, k wobkrućenju wěrnosće. — 9. t. r. tež ničoho přećiwo wam njezamóžemy, dokelž sće mócní, t. r. w křesćanskim žiwjenju wobkrućeni. — 10. Pišu wam do přědku, zo byšće před mojim přikhadom so polěpšili, zo bych přišedši njetrjebał móc naložec, kotruž je mi Knjez podał, zo bych dobre podpěrał, a nic zo bych kazył. — 11. Bóh, wot kotrehož pokoj a lubosć pokhadža, budźe was podpěrać w dobrym. — 12. t. r. wšitcy křesćenjo wosady, w kotrejež Pawoł list pisaše. — 13. Miłosć, kotruž je nam Khrystus zaslužil, ma swoje źorło w lubosći njebieskeho Wótca; dóstawamy ju přez Ducha swjateho, kotryž nam ju wudźěluje we swjatej cyrkwi.

I. 1. S. Pawoł zamołwa hnydom na spočatku swoje japoštołske powołanje; nic wot čłowjekow, ale wot Boha Wótca, a tež nic přez čłowjeka, snadź přez jenoho z japoštołow, ale njeposřednje přez Khrystusa wot mrtwych wstanjeného bu wón k japoštołstwu powołany. — 2. t. r. kotřiž ze mnu ewangelium wopowěduja. ** List njeje jenowosadže, ale wšitkim w galatskej krajiny přebýwacym wosadam pisaný, dokelž běchu wobstojnosće we wšěch nimale jenajke. Wot jeneje wosady podawaše so druhej, zo by zjawnje čitany był. — 4. t. r. woprowaše so dobrowólnje, zo bychmy wodaće hrěchow dóstali. ** Swět w swojej hrěšnosći bliži so wěčnemu zatamanju; zo by nas tak zrudnemu wotsudej wutorhnył, wot skaženého swěta nas dźělił, woprowaše so po woli Boha Wótca Jězusa Khrystusa.

5. Kotremuž je khwala wěki na wěki. Amen.

6. Džiwiwam so, zo tak bórzy so wotwobroćeće wot toho, kotryž was powola k miłosći Khrystusowej, k druhemu ewangeliju,*

7. Štož njeje ničo druge, hač zo su někotři, kotřiž was zamućeju a chcedža přewróciće ewangelium Khrystusowe.*

8. Ale bychmy-li my abo jandžel z nje-hjes wam wopowědował nimo toho, štož smy wam wopowědowali, budź zastorčeny.*

9. Jakož smy wam hižo prjedy prajili,* tež nětko zaso praju: Jelizo wam něchtó (něšto) wopowěduje nimo toho, štož dóstašće, budź zastorčeny.**

10. Přetož pytam nětko čłowjekow do-być, abo Boha? Abo žadam čłowjekam so spodobać? Bych-li hišće čłowjekam so spodobał, bych Khrystusowy služownik njebyl.*

11. Přetož znate wam činju, bratřa, zo ewangelium, kotrež bu wam wote mnje wopowědowane, njeje po čłowjeku;

1. Kor. 13, 1.

12. Přetož ja je ani njeprijach wot čłowjeka, ani njenawuknych, ale přez zje-wjenje Jězusa Khrystusa.* Ef. 3, 3.

13. Přetož slyšeli sće wo mojim něhdy-šim wobkhađenju w židowstwje, zo přez-měrnje přescěhach cyrkej Božu, a zahub-jach ju,

14. A nadobych w židowstwje před mnohimi swojimi runikami w swojim na-rodźe, mójnje zahorjeny bywajo za swoje wótcowske wustajenja.*

15. Hdyž pak so zespodoba tomu, ko-tryž mje wotdźěli ze žiwota mojeje ma-ćerje a nje powola přez swoju miłosć,*

16. Zo by wozjewił swojeho Syna we mni,* zo bych jeho wopowědował mjez pohanami, njemějach so dale k mjasu a krwi.**

17. A njeńdžech do Jeruzalema k ja-poštołam, kotřiž běchu to přede mnu, ale woteńdžech do Arabije, a wrócih so zaso do Damaska*;

18. Potom po třoch lětach přińdžech do Jeruzalema, zo bych Pětra* wohladał, a wostach pola njeho pjatnaće dnjow.

6. Pawoł počina list z porokom, zo so Galatisey wot Boha Wótca, kotryž jich powola, zo bychu džěl měli na hnadach, wot Jězusa Khrystusa zaslužonych, wotwobroćeju a drugej wuźbě wěrja, kotraž so tež za ewangelium wudawa. — 7. Tole nowe ewangelium njeje prawe ewangelium, ale wot někotrych wučerjow wučene, zo by Khrystusowe ewangelium skažene było, a zo byšće wy do njepokoja přišli. — 8. Ewangelium; kotrež sym wam wot spočatka wopowědował, je jeničcy wěrne ewangelium, a bych-li tohodla ja, abo sam jandžel z nje-hjes něšto druge wučił, by to wučba była, kotraž dyrbi so wotpokazać. — 9. t. r. tehdy, hdyž běchmy pola was. ** W 8. rjadku rěčeše Pawoł powšitkownje, tu pak ma hižo wěstych židowskich wučerjow we wočomaj. — 10. Njesměm porok zamjelčec, dokelž sebi nježadam spodobanja čłowjekow, ale spodobanje Bože, kaž so prawemu slu-žownikej Khrystusowemu sluša. — 11. Ewangelium, wote mnje wopowědowane, njeje čłowjeska mu-drość, ale bóžska wučba, a tohodla njesmě so přeměnjec po čłowjeskim spodobanju. — 12. Z tym, zo bu Pawoł njeposřednje wot Jězusa samoho k japoštołstwju powołany a wo wěrnosćach wěry po-wučeny, wobara so přečiwo přisłóženjam židowskich wučerjow, kotřiž wudawachu, zo wón wěrný japoštoł njeje, kaž Pětr a Jakub a druzi, kotřiž běchu swědkowje Jězusoweho žiwjenja a wučjenja. Pawoł rozestaja Galatiskim, kak je prjedy ewangelium přescěhał a kak je po swojim powołanju wot Boha samoho, a nic wot čłowjekow, tež nic wot druhich japoštołow ewangelium nawuknył, zo by je mjez pohanami rozšěrjał, a zo je tohodla wěrný japoštoł. — 14. Čim bóle cyrkej přescěhach, čim kručiši buch w židowskich wustajenjach. — 15. t. r. kiž mje wot naroda k swojej službje, t. r. k japoštołstwju postaji a ze swojim miłosćiwym hłosom, přez spodźiwne zjewjenje při Damasku powola; hl. Jap. sk. 9. — 16. t. r. zo najprjedy mi spóznać da swojeho Syna a jeho wučbu a jeho wumóženški skutk, zo bych jón potom mjez pohanami rozšěrjał. ** Njeprašach so čłowjekow wo radu a wučbu, z Božeho zjewjenja znajach wšitko. — 17. W jap. skutkach njespomina so na puć do Arabije; tu pak dopomni Pawoł na swoje přehywanje w Arabiji, jako na dopokaz, zo wot druhich, tež nic wot japoštołow ewangelium njenawukny, dokelž přenje lěta po swojim wobroćenju w Arabiji, potajkim mjez pohanami přebywaše. — 18. Pawoł džěše do Jeruzalema, zo by Pětra wohladał, a z tym dopokaza, zo tež wosebitu hódnoć s. Pětra jako wjeřcha japoštołow znaješe a připózna. Krótki čas, kotryž tehdy pola Pětra přebywaše, njedosahaše pak, zo by móhl wot njeho w ewangeliju so rozwučić dać.

19. Druheho z japoštołow pak njejsym widzał, khibu Jakuba, bratra Knjezoweho.*

20. Štož pak wam pišu, hlej, Bóh wě, zo njełžu.

21. Potom přińdźech do krajinow Syrije a Cilicije.*

22. Běch pak po wobliču njeznaty cyrkwjam Židowskeje,* kotrež běchu w Khrystusu;

23. Telko pak běchu slyšeli: kotryž nas něhdy přescěhaše, wopowěduje nětko wěru, kotruž něhdy zahubješe;*

24. A khwalachu we mni Boha.

STAW II.

Pawoł wučese wěrnosć ewangelia přeco bjez zdźewka mjez pohanami, štož přeni japoštołowje za dobre spóznaču, ničo k tomu njepridašajcy, ale Pawoła za towarša přijawši. Wón napřeči-
wješe so tež zjawnje Kefasej, dopokazujo, zo so nichtó ze zakónskimi skutkami njewosprowa, ale přez wěru do Khrystusa.

Potom po štyrnaće lětach postupich zasob do Jeruzalema* z Barnabasom, přiwzawši tež Tita.

2. Postupich pak po zjewjenju* a předpołożich jim ewangelium, kotrež wopowěduju mjez pohanami,** wosebje pak tym, kotřiž so zdachu něšto być, zo bych snadź podarmo njeběhał abo njeběhał byl.***

3. Ale ani Titus, kiž běše ze mnu, hač runje běše pohan, njebu nuzowany so wobřezać dać,*

4. Mjenujcy skradžu přiwjedenych falšnych bratrow dla, kotřiž běchu so přicišćeli, zo bych slědžili za našej swobodu, kotruž mamy w Khrystusu Jězusu, zo bych nas do wotročstwa čisli.*

5. A tym ani na khwilu so njepodachmy, zo by wěrnosć ewangelia pola was zwostala;*

6. Wot tych pak či, kotřiž so zdachu něšto być (kajcy su něhdy byli, na tom mi ničo njeje; Bóh njehlada na wosobu čłowjeka), mi tola, kotřiž so zdachu něšto być, ničo njezdžělichu.*

7. Ale nawopak widžicy, zo je mi ewangelium njewobřezanja dowěrjene, jakož Pětrej (ewangelium) wobřezanja,*

19. t. j. Jakub Alfejowy abo Kleofasowy, štož je to same, syn, krejny přećel Jězusowy, hl. Mat. 13, 55; wón bě biskop w Jeruzalemje. — 21. hl. Jap. sk. 9, 30. — 22. t. r. tym wosadam, kotrež běchu zwonka Jeruzalema, wostach njeznaty. — 23. Tón samy, kiž chcyše nas wot wěry wotwobroćić, rozšěrja ju nětko sam.

II. 1. Japoštoł njespomina na swoje druhe pućowanje do Jeruzalema (Jap. sk. 11, 30), dokelž tehdy njezetka so ze žanym japoštołom, a dokelž tu wosebje dopokazuje, zo wučbu, kotruž wučí, wot drugeho japoštoła njedosta, powěda jeno wo tych pućach, na kotrychž japoštołow widžeše; to pak so sta při tomle třecim wopyće Jeruzalema, přetož tehdy běchu so wšitcy japoštołowje zešli, zo bych u plaćiwosći židowskeho zakónja wuradželi a rozsudžili. — 2. Z wosebitym zjewjenjom Božim bu s. Pawoł powučeny, zo by do Jeruzalema šoł. ** Mjenujcy, zo so čłowjek wosprowa přez wěru do Khrystusa, tež bjez zakónskich skutkow. *** t. r. zo njeby moje skutkowanje mjez pohanami bjez spomožneho wužitka było, jelizo japoštołowje moje ewangelium za prawe njespózna, ale žadaju, zo ma židowski zakón tež plaćiwosć za pohanow. — 3. 4. Japoštołowje khwalachu Pawołowe ewangelium, a nježadachu, zo by židowski zakón za pohanow, kotřiž k cyrkwi přistupichu, plaćil, a tohodla njebu Titus wobřezany, hač runje měješe wažne zastojnstwo jako Pawołowy pomocnik při rozšěrjenju ewangelia; nježadachu to tež tohodla, zo bych tym židowskim křesćanam, kotřiž sebi židowski zakón bóle wazachu, dyžli křesćanske kaznje, a tohodla Pawołowe zadźerženje přećiwu pohanam hanjachu, přiležnosć podali, znova jeho wobskoržeć, jako by wón pohanow přećiwu postajenjam druhich japoštołow do cyrkwy přijimal. Tući židowscy křesćenjo žadachu sebi (Jap. sk. 15, 1), zo bych tež pohani wobřezani byli, a chychu jich židowskemu zakonj podčišnyć a jim swobodu wzać, t. r. zo židowski zakón za nich njeplaćeše, kaž Pawoł a druzi japoštołowje wučachu. — 5. Jich žadanja hnydom začisnychmy, zo by wěrnosć ewangelia ze žadanjemi židowskeho zakónja so njeměšala a tak njeskazyła. — 6. t. r. wot japoštołow, kotřiž nětko jako japoštołowje w cyrkwi něšto plaćachu, — na to, što su před jich powołanjom k japoštołstwu byli, njehladam —, mojej wučbje žadyn ničoho njeprida, žanoho poroka nječinyše. — 7—10. Hdyž japoštołowje spóznaču, zo sym woprawdže wot Boha powołany, mjez pohanami ewangelium wopowědować, a zo je mje Boža milosć dotal spodźiwnje podpěrała (dokelž tón samy Bóh, kotryž z Pětrom skutkowaše

8. (Přetož tón, kotryž skutkowaše z Pětrom w japoštołstwjje mjez wobrězanymi, skutkowaše tež ze mnu mjez pohanami); —

9. A spóznawši milosć, kotraž bu mi data, pochlachu Jakub a Kefas a Jan, kotřiž so stolpy być zdachu, mi a Barnabasej prawicy zjednoćenstwa, zo bychmój mój mjez pohanow (šlój), woni pak mjez wobrězaných,

10. Jenó zo bychmój na khudých spominaloj, wo čož sym tež starosćiwý byl, zo bych to same činil.

11. Hdyž pak Kefas do Antiochije přinǵže, znaprěciwih zo jemu zjawnje, dokelž bě poroka hódny.*

12. Přetož přjedy hač někotři wot Jakuba přinǵžechu, jěǵžeše wón z pohanami; hdyž pak běchu přišli, wotsali a wotǵželi so, bojo so tych, kotřiž běchu z wobrězanja.

13. A jeho tajeństwu přihłosowachu druzy Židǵa, tak zo bu tež Barnabas wot nich do toho tajeństwa zawjěǵzeny.*

14. Ale hdyž dowiǵǵach, zo prawje njekhodǵa po wěrnosći ewangelia, rjeknych Kefasej přeǵ wšitkimi:* Sy-li ty, kiž sy Žid, pohansey žiwy, a nic židowacy, kak nućiš pohanow židować?*

15. My (smy) po narodǵe Židǵa, a nic hrěšnicy z pohanow;*

16. Wěǵǵicy pak, zo so njewosprawnja ělowjek ze zakonškich skutkow, ale jeničy přez wěru do Jězusa Khrystusa, wěrimy tež my do Jězusa Khrystusa, zo bychmy wosprawnjeni byli z wěry Khrystusoweje a nic ze zakonškich skutkow, dokelž ze zakonškich skutkow njebudǵe wosprawnjeni žadyn ělowjek.*

Rom. 3, 20.

17. Buchmy-li pak, kotřiž žadamy, zo bychmy wosprawnjeni byli w Khrystusu, w tom sami jako hrěšnicy namakani, je (teǵdy) Khrystus sluǵownik hrěcha? Nanihdy.

18. Přetož jelizo to, štož powalich, zaso stajam, činju so přestupnik.*

mjez Židami, podpěra mje mjez pohanami), podachu mi prawicy, t. r. přijachu mje mjez japoštołow, zo bych z Barnabasom dale mjez pohanami ewangelium powowěǵował, a zo bych tež wo khudých so starał, kotřiž su w Jeruzalemje a z cyla mjez Židami. Jakub, jeruzalemski biskop, Kefas abo Pětr, a Jan běchu najnahladniši mjez japoštołami. — 11. Pawoł njedosta wot druhich japoštołow swojeje wučby dla žanoho poroka, ale dyrǵješe w krótkim Pětrej jeho přeměňateho zaděřenja dla zjawnje poroki činia. Po koncilu japoštołow w Jeruzalemje (Jap. sk. 15, 30), pućowaštaj Pawoł a Barnabas do Antiochije a přjedy hač Pawoł swoje druge japoštołske pućowanje nastupi, přinǵže tam tež Pětr a pozǵǵišo někotři wot Jakuba posłani. Přjedy hač ěi přinǵžechu, jěǵžeše Pětr z pohanami, štož bě po židowskim zakonu zakazane; z tym Pětr zjawnje dopokaza, zo tónle zakon dalšeje plaćiwosć nima; hdyž pak tamni Židǵa z Jeruzalema přinǵžechu, wostaji so Pětr pohanskeje jěǵže a njewobkhaǵžeše dale z pohanami, zo njeby Židam pohórška dawał, přješe tak swoje znutřkowne přeswěǵćenje, zo je židowski zakon swoju plaćiwosć zhubil, a běše we wěstym zmyslu tajenc; běše to woprawǵže slabosć, kotruž pak móžemy z tym zamołwjeć, zo Pětr nechcyše křesćanskich Židow, kotřiž swoje wobrady jara lubowachu, rozhněwać a jich pohóršować. — 13. Pětrovy přiklad pohnu Antiochiskich Židow, kotřiž běchu dołal na Pawołowej stronje, a tež Barnabasa, zo swoje přeswěǵćenje zapřewši pohanskeho wobkhaǵa so wostajichu. — 14. Pětr njepřješe tu abo tamnu wěrnosć ewangelia, ale njebě cyle po spóznatej wěrnosći žiwy. ** Židować rěka po židowskim zakonu žiwy być; z tym zo Pětr, wjěch cyrkwe, židowski zakon wobkedǵbowawe, nućeše takřkej pohanow pod tónle zakon, dokelž dyrǵjachu sebi myslić, zo zakon za wšitkich křesćanow plaći. — 15. Słowa hač do kónca toho stawa rěčeše Pawoł ke Kefasej w Antiochiji, zo by jeho přepokazał, zo wón njeprawje čini, ze svojim přikladom pohanow pod židowski zakon nućo. Pawoł praji: my smy Židǵa, mamy zakon a wozjewjenja Bože, a njejsmy jako pohanjo hjez zakonja, a tohodla hrěšnicy wot naroda; pohanow mjenuje wón tudy hrěšnikow, dokelž Boha a jeho zakon njeznajachu, a tohodla po bjezbóžnych pućach khodǵzachu. — 16. Hač runje mamy my Židǵa tak wosebne kubla, přijachmy tola wěru do Jězusa Khrystusa, wěǵǵicy, zo smy jenó přez nju wosprawnjeni a nic ze zakonškich skutkow; a tuž by njeprawǵa byla, hdy bychmy sebi zakonške skutki wot pohanow žadali. — 17. t. r. Hrěšimy-li z tym, zo zakon dale njewobkedǵbujemy, ale přez wěru do Khrystusa wosprawnjenje wočakujemy, njeby Khrystus, kiž nas k tomu pohnu, sluǵownik hrěcha, t. r. wina byl, zo my hrěšimy? To njesměmy nihdy sebi myslić. — 18. Jelizo zakon, kotryž jako njeplačiwý powalich, t. r. kotrehož dale kedǵbu njemějach, z nowa stajam, t. r. wobkedǵbować počnam, dopokazuju z tym, zo mějach jón tež přjedy wobkedǵbować, a zo bě tak jeho přestupjenje hrěšne.

19. Přetož ja přez zakon zakonjej wotemrěch, zo bych Bohu žiwy był; z Khrystusom sym křižowany.*

20. Sym pak žiwy, nic hižo ja, ale Khrystus je žiwy we mni. Štož pak sym nětko žiwy w čěle, sym žiwy we wěrje do Syna Božeho, kiž je mje lubował a sebje samoho za mnje podał.*

21. Njezaciskam miłosć Božu. Přetož je-li přez zakon sprawnosć, wumře Khrystus podarmo.*

STAW III.

Jako Abrahamej, tak bu tež jeho potomnikam nic ze zakónskich skutkow, ale z wěry do Khrystusa Duch swjaty daty; zakonjej poddaći, dokelž nichtož zakon njedopjelnja, su pokleći; ale to pokleće Khrystus přijawši, wumoži nas wot njeho, a slubjenja Abrahamej činjene so dopjelnja; zakon však bu jako kublař daty, kotryž pak wosprawnjeć njemóžeše.

19. Zakonjej wotemrěch, dokelž tón njeplaćeše dale, hdyž buch křesćan; jako křesćan sym z Khrystusom křižowany, dokelž přez křćenju buch staw Khrystusoweho čěla, zaščěpjeny do njeho. Jakož Khrystus přez zakon abo zakonja dla wumře, — zakon mjenujcy „hrěch wožiwa“, Rom. 7, 9, t. r. přez zakon přindže čłowjek k spóznaću hrěcha, a zo by hrěch so zničił, pokleće hrěcha so zběhnyło, wumře Khrystus na křižu — tak ma kóždy křćený jako staw Khrystusowy přez zakon zakonjej wumřeć, t. r. nima dale wo zakónske postajenja so starać, zo by njehrěšił, ale dyrbi jeno Bohu žiwy być. — 20. We mni, a w kóždym wosprawnjenym je Khrystus žiwy, t. r. Khrystus je, kotryž mje k dobremu pohnuwa, kiž mje při dokonjenju dobrego podpěra, tak zo je dokonjam. Tola pak su takje skutki tež za mnje zaslužbne, dokelž ze swojimi mocami to wuwjeduju, k čomuž mje Khrystus pohonja. Hač runje sym nětko hišće w čěle, njeje tola moje nětčiše žiwjenje po žadanjach čěla, ale we wěrje do Syna Božeho, t. r. po žadanjach křesćanskeje wěry, a tak je Syn Boží we mni žiwy, dokelž do njeho wěrju. — 21. Na miłosć Božu so spuścám, kotraž we mni skutkuje. Njemóžu sebi myslić, zo by Khrystus bjez winy, podarmo, tak njeskónčnu lubosć w swojej smjerdi wozjewi, a tola bych sebi přećiwu přeswědčenju to myslić dyrbjał, hdy by zakon někoho wosprawnić zamóhl.

III. 1. Pawoł bě Galatiskim z řeču, z kotrejež bě w Antiochiji Pětra powučil, zo so židowstwo z křesćanstwom měšeć njesmě, njemudrosć jich zadžerženja rozestaja; haj njemudrosć, zo chcedža zaso postajenjam židowskeho zakonja so podćisnyć, wosebje zo mějachu wobřezanje za wěc, bjez kotrejež zbóžni być njemóža, zda so Pawołej tak wulka być, zo ju kuzlařskej mocy připisuje, kotraž čłowjeski rozom a wolu postabja. ** Khrystus, t. r. ewangelium, kotrež so jim předy, t. j. přez Pawoła wozjewješe, je runja jasnému pismej, kotrež so před jich woćomaj pisaše, a kotrež dyrbjachu tohodla za wšitke časy před woćomaj měć, zo bychy po nim žiwi byli. Hłowne wobjeće ewangelia pak bě Khrystus, kiž je ze swojej smjerdu na křižu jich wumožił, a kiž je w nich, jakož we wšěch prawych křesćanach křižowany; přetož tajcy potłóčeja abo morja we sebi hrěšne nakhilnosće a křižuja je takřec. — 2. Zo bychy sami wuznali, zo je křesćanstwo wjele wosebniše dyžli židowstwo, praša so Pawoł, zwotkel su lnađu Ducha swjateho dóstali, kotraž jeničcy čłowjeka wosprawnja. Dokelž dyrbjaj wotmotwić, zo ju z wozjewjenjom křesćanstwa dóstachu, swědča z tym, zo je křesćanstwo wjele wosebniše, a zo je tohodla njemudrosć, je wopuścić a zaso židowstwa so džeržeć. — 3. Porjadnje pokračuje čłowjek z njedospołnosće k dospołnosći, pozběha so z nižšeho, mjasneho žiwjenja k dospołnišemu, k duchownemu; Galatiscy pak su tak njemudri, zo z duchom, t. r. z dospołnišim křesćanskim žiwjenjom spoćawši, z mjasom, t. r. z njedospołnišim židowskim zakonjom skónča. — 4. Telko sće sebi hižo Khrystusa dla lubić dali, telko woporow za Khrystusa přinjeseće, a to wšo bě podarmo, bjez zaslužbow; haj nic jeno podarmo, nětko wěru zaprěwši, sće khostanja hódni. — 6. Tež nětko skutkuje Bóh ze swojim Duchom mjez nimi dobre počinki a wosprawnja jich, nic dokelž su židowskemu zakonjej podćisnjeni, ale dokelž wěrnosće křesćanskeje wěry wěrja, runja kaž bu Abraham wosprawnjeny, dokelž Bohu wěrješe.

O njemudri Galatiscy,* što je was skuzlował, zo sće wěrnosći njeposlušni, kotrymž bu Jězus Khrystus přjedy před woćomaj wopisany jako we was křižowany?*

2. To jeno chcu wot was zhonić: Dóstašće Ducha ze zakónskich skutkow, abo z powěstwa wěry?*

3. Tak njemudri sće, zo spoćawši z duchom nětko z mjasom kónčíte?*

4. Tak wjele sće čerpjeli podarmo? jelizo však podarmo.*

5. Kotryž wam nětko Ducha dawa a džiwne mocy we was skutkuje, (čini to) ze zakónskich skutkow abo z powěstwa wěry?

6. Jakož je pisane: „Abraham je wěril Bohu, a to přiliči so jemu jako sprawnosć.“* 1. Móž. 15, 6; Rom. 4, 3; Jak. 2, 23.

7. Spóznawajće tak, zo su ċi, kotřiž su z wěry, Abrahamowi synowje.*

8. Dokelž pak Pismo doprjedy wědžeše, zo z wěry Bóh ludy wosprawnja, předpowě Abrahamej: „W tebi budža žohnowane wšitke ludy.“ 1. Mójz. 12, 3.

9. Potajkim kotřiž su z wěry, budža z wěriwym Abrahamom žohnowani.*

10. Přetož kotřižkuli su ze zakónskich skutkow, su pod poklećom. Přetož pisane je: „Poklaty (je) kóždy, kiž njewostanje we wšim, štož je pisane w knizy zakonja, zo by to činił.“* 5. Mójz. 27, 26.

11. Zo pak w zakonju nichto so njewosprawnja pola Boha,* je znate; „přetož sprawny je žiwy z wěry.“**

Hab. 2, 4; Rom. 1, 17.

12. Zakon pak njeje z wěry, ale „štož je* dokonja, budže žiwy přez nje.“

3. Mójz. 18, 5.

13. Khrystus je nas wukupił wot pokleća zakonja, jako bu za nas pokleće, — dokelž je pisane: „Poklaty kóždy, kiž wisy na drjewje,“ — * 5. Mójz. 21, 23.

14. Zo by na ludy požohnowanje Abrahamowe přišlo přez Khrystusa Jězusa, zo bychmy slubjenje Ducha přijeli přez wěru.*

15. Bratřa, (po čłowjesku praju),* nichto tola wobkručeny zwjazk čłowjeka njezběha, abo k njemu njepridawa.

16. Abrahamej buchu slubjenja prajene a jeho symjenju. Njepraji (Pismo): „a symjenjam“, jako wo mnohich, ale jako wo jenom: „a twojemu symjenju“, kotrež je Khrystus.*

7. t. r. jako bu Abraham jeno přez wěru, bjez zakónskich skutkow wosprawnjeny, tak su jeno ċi Abrahamowi synojo, a su wosprawnjeni, kotřiž wěrja, a nic tamni, kotřiž jeno na zakónske skutki so spušeju. — 8. 9. Swjate Pismo abo tón, kiž je spisa, spózna, wot Boha rozswětleny, lěttysacy do přédka, zo Bóh přez wěru wšitke ludy, abo štož je to same, wšitkich pohanow wosprawni; tohodla bu Abrahamej předpowědžene, zo budža w nim, t. j. w jeho symjenju abo potomniku, w Khrystusu, přez wěru do Khrystusa wšitke ludy žohnowane, t. r. wosprawnjene, potajkim nic přez zakónske skutki. Wěra do Khrystusa přinjese wšitkim ludam žohnowanje, t. j. wosprawnjenje, kaž bu Abraham žohnowany, dokelž wěrješe. — 10. Zo ze zakónskich skutkow žohnowanje přině njemóže, spózna so z toho, zo wšitko to, štož zakon postaja, čłowjek po skućenym hrěše prawje dokonjeć njezamóže, a zo jeho tohodla pokleće trjechi, kotrež zakon na přestupnikow wupraji. Tutomu pokleću wuńdžechu sprawni wótcy stareho zakonja jeno přez wěru do Khrystusa, přichodneho zbóžnika. — 11. t. r. zo nichto zakónske postajenje tak derje a dospołnje njedokonja, zo by pola Boha wobstać móhl, je znate. ** Žiwjenje duše ma jeno sprawny, a tute živjenje do budže sebi z wěry do Khrystusa, zo wšo to wěri a dokonja, štož Khrystus wuči a poruča; tak wosprawni so a do budže sebi swjatosćacu hnađu, prawe duchowne živjenje; hl. Rom. 1, 17. — 12. t. r. štož zakónske postajenje wšitke a prawje dopjelna, podpěraný wot hnady Božje, tomu jeno móže zakon živjenje duše poskićeć. Zakon sam na sebi, po pismiku, nježada sebi wěry, a tohodla njemóže ani duchowne živjenje w čłowjeku zbudzić. — 13. Khrystus je nas Židow wot pokleća, kotremuž běchmy, zakon stajnje přestupujcy a tak hrěšicy, podćisnjeni, z tym wukupił, zo bu sam za nas pokleće, t. r. zo naše přestupjenje a hrěchi a z tym hněw Boží na so wza, a tak hluboko so poniži, zo na drjewje křiža wumře a přez tule smjerć tež zwonkownje, před wšitkim ludom pokaza, zo chce za poklateho, t. j. z ludu wustorčeneho plăćić; přetož po Mójzesowym zakonju buchu wotprawjeni k powyšnju khostanja na drzewo powěsnjeni k znamjenju, zo su z ludu wustorčeni; tola njesmědžachu přez nóc na drjewje wisajcy wostać, zo njebychu swjaty kraj wonjećešćeli. Z tutej tak wohidnej smjerću chcyše Khrystus zjawnje dopokazać, zo hněw Boží cyle na so bjerje, a sam pokleće zakonja cyle zběha. — 14. To pak so sta, zo by žohnowanje Abrahamej date: zo mjenujcy přez Khrystusa wšitke ludy so wosprawnja, tež woprawdže mjez wšitke ludy, t. j. mjez pohanow so rozšěrjało a zo bychu wšitcy slubjeného Ducha swjateho, tónle najwosebniji plód Khrystusoweho wumóženja a korjeh wosprawnjenja a přeznaturskeho živjenja dóstać móhli. Zo pak by kóždy woprawdže hnađu Ducha swjateho dóstał, dyrbi wěrić. Z tym je Pawoł dopokazał, za čimž so w rjadku 2. prašeše, zo su Galatisey hnađu Ducha swjateho z wěry do Khrystusa dóstali a nic ze zakónskich skutkow a zo je tohodla blázniwosć, zo z nowa k zakónskim skutkam wobroćić. — 15. t. r. ze wšědného čłowjeskeho živjenja přikłady bjeru k dopokazej swojeje wučby. Pawoł rozestaja w sčělowacych rjadkach, zo ma Abrahamowe žohnowanje, t. j. wosprawnjenje swoje zórło w slubje, kotryž bě Bóh z Abrahamom sčinił. Tónle slub njebu přez pozdžiši zakon zběhnjeny; zakon měješe jeno na dopjeljenje sluba, kotrež so přez Khrystusa sta, přihotować, a čłowjekow k spóznaću hrěšnosće dowjeń. — 16. Kaž so čłowjeske wobkručene wotkazanje njezběha, tak tež nic wotkazanje

17. To pak praju: Wot Boha wobkrućeny zwjazk njezběha zakon, kotryž bu po štyri sta a třiceci lětach daty, zo by slubjenje zničil.*

18. Přetož jelizo je herbstwo ze zakonja, njeje wjacj ze slubjenja. Abrahamej pak dari je Bóh přez slubjenje.

19. K čomu je nětko zakon? Přestupjenjow dla bu přistajeny, hač hdyž by symjo přišło, kotremuž bě (Bóh) slubił, wustajeny přez jandželow w rucy srjedźicerja.*

20. Ale srjedźicer njeje jenoho; Bóh pak je jedyn.*

21. Je potajkim zakon přećiwo Božim slubjenjam? Nihdy. Přetož jelizo by zakon daty był, kotryž by woziwić zamóhl, by zawěrnó sprawnosć ze zakonja byla.

22. Ale Pismo wobzamkny wšitko pod hrěch, zo by slubjenje z wěry Jězusa Khrystusa date było wěrjacym.*

Rom. 3, 9.

23. Prjedy pak dyžli wěra přińdže, běchmy pod zakonjom stražowani, zamknjeni za tu wěru, kotraž měješe so wo-zjewić.*

24. Potajkim bu zakon naš pěstón za Khrystusa, zo bychmy z wěry wospraw-njeni byli.

25. Ale hdyž je wěra přišła, njejsmy wjacj pod pěstonom.*

26. Přetož wšitecy sće synowje Boži přez wěru do Jězusa Khrystusa.*

27. Přetož kotřižkuli sće wukřćeni na Khrystusa, sće Khrystusa so woblekli.*

Rom. 6, 3.

28. (Mjez nimi) njeje Žid ani pohan, njeje wotročk ani swobodny, njeje mužski ani žónska; přetož wy wšitecy sće jene w Khrystusu Jězusu.*

29. Sće-li pak wy Khrystusowi, sće tak symjo Abrahamowe, (a) po slubjenju herbja.*

abo slubjenje Bože, kotraž bu Abrahamej a jenomu z jeho potomnikow, t. j. Khrystusej date; přez tutoho jenoho měješe so to dopjelnić a na wšitkich druhich rozšěrić, štož bě Abrahamej slubjene. — 17. 18. Zakon bu wjacj stow lět pozdžišo daty, tola prjedy hač bu slubjenje we Khrystusu dopjelnjene; hdy by nětko zakon na město slubjenja stupił, a herbstwo, t. r. wosprawjenje přez dokonjenje zakonškich skutkow so dobyło, njeby móšlo ze slubjenja přińć, a slubjenje Bože by tak njedopjelnjene zwostało, dokelž by sebi kóždy wosprawjenje ze zakonškim skutkami zasłužić móhl. Zakon njebu daty, zo by slubjenje zběhnył, abo zo by herbstwo poskićił, ale měješe druhi zaměr. — 19. Zakon bu daty, zo bychu čłowjekowje swoju hrěšnosć jasnje spóznali, to po swojich nakliłnosćach činicy, štož zakon zakazuje; plaćiwosć ma zakon, doniž symjo, kotremuž bu slubjenje date, t. j. Khrystus, njepríńdže. Zakon měješe na Khrystusa přihotować, žadosć za nim wubudžeć; daty bu zakon srjedźicerjaj israelskeho ludu, Móžesej, přez jandželow; slubjenja pak buchu bjez srjedźicerstwa, wot Boha samo Abrahamej date. — 20. Dokelž Bóh sam Abrahamej, a jeho symjenju, Khrystusej Synej Božemu, slubjenje poda, njebě srjedźicer trěbny; přetož jedyn sam srjedźicerja njetrjeba, Bóh a Syn pak staj w byću jedyn; jedyn a tón samy bě potajkim tón, kotryž slubjenje sćini z tym, kotryž je dósta. — 22. Zakon njeje přećiwo slubjenjam, ale bu pódlu sluba daty; tola njezběha slubjenja, dokelž njezamóže nikoho wosprawnić a tak duchowne žiwjenje wudželeć, ale Pismo, t. r. Pismo stareho zakonja, a wosebje Móžesowy zakon, je wšitko pod hrěch wobzamkło, t. r. wući, zo su wšitecy hrěšnicy a z tym tež, zo pod nim wosprawjenje a duchowne žiwjenje so dobyć njemóže; to pak je wot Boha tohodla so stało, zo by slubjene herbstwo wěrjacym přez Khrystusa date było. Ze zakonškim skutkami njemóže sebi ničtó wosprawjenje dobyć, ale jeno z wěru do Jězusa Khrystusa. — 23. Zakon měješe nas, prjedy hač Khrystus přińdže, w Božim poddanstwe dźeržeć a žadosć za wěrněj swobodu wubudžeć, potom pak nas tež zakitać kaž murja před pohanstwom, přiboham a njekmanstwu sluzacym, a nas tak přihotować za wěru, t. j. za ewangelium; potajkim bě zakon naš pěstón abo kublař, kotryž měješe nas pokazować na Khrystusa. — 25. Wěra abo ewangelium sćini nas samostatnych, a jakož tajcy njetrjebamy dale kublařa, t. r. zakonja. — 26. Synowje Boži su njewotwisni, njejsu poddanje nikoho. — 27. W swjatej křćeńcy wutorhnje so čłowjek takrjec z hrěšneho splaha Hadamoweho a zašćepi so do Khrystusa, do jeho potajneho čěła, a wobleče so Khrystusa, t. r. z jeho sprawnosću. — 28. Wšitkón rozdźěl, kiž hewak wobstoi na zemi, a kiž wukhadža z nabožnistwa, narodnosće, postajenja abo ze wšelakeho rodu, je přez křćeńcu we křesćanstwe wurunany, wšitecy wučinjeju jene čěło. — 29. Słušeće-li Khrystusej, kiž je symjo Abrahamowe, maće tež wy podźěl na synjenju Abrahamowym, a prawo k jeho herbstwu, k herbstwu wěčneje zbóžnosće.

STAW IV.

Před Khrystusowym narodženjom buchu Židža kaž herbske džěco pod zakonjom dźerženi, jako pod poručnikom; wón pak prócuje so jich ze zakonškej služby wotwołać, hdyž buchu z wěru za džěci přijěci, dopominajo jich, z kajkej horliwosću jeho a jeho wučbu přjedy přijachu a k tomu předznamjo přidawajo wo dwěmaj synomaj Abrahama, kotražj dwaj testamentaj znamjenjaj, z čimž wuči, zo maju so horliwcy zakonja z Khrystusoweho herbstwa wuhnać.

Praju pak:* Za tón čas, w kotrymž je herba džěco, njerozeznama so wot wotročka, hač runje je knjez wšitkoho; **

2. Ale je pod poručnikami a zastojnikami hač do časa, wot nana postajeného.

3. Tak běchmy tež my, hdyž běchmy džěci, pod počatkami swěta služowni.*

4. Ale hdyž połosć časa přińdže, posła Bóh swjeho Syna, narodženého ze zónskeje, narodženého pod zakonjom,*

5. Zo by tych, kotřiž běchu pod zakonjom, wukupił, zo bychmy přijěće jako džěci dostali.*

6. Dokelž pak sće džěci, posła Bóh Ducha swjeho Syna do wašich wutrobow, kotryž wola: Abba, Wótče!*

7. Tohodla (tu) hižo njeje wotročk, ale syn; jelizo pak syn, tež herba přez Boha.*

8. Ale tehdy Boha njeznawši, služěšće tym, kotřiž po byću njejsu bohowske.*

9. Nětko pak, hdyž Boha spóznašće, haj spóznaći sće wot Boha, kak wobroćeće so zaso k slabym a khudym počatkam, kotrymž znova služić chceće?*

10. Dny wobkedźbujće a měsacy, a časy a lěta.*

11. Boju so wo was, zo bych snadź njebył podarmo mjez wami džělał.

12. Budźće jako ja, dokelž tež ja buch jako wy; bratřa, prošu was. W ničem mje njerozhněwašće.*

13. Wěsće pak, zo wam hižo najprjedy w slabosći mjasa ewangelium wopowědowach, a zo waše pruhowanje w mojím mjasu

IV. 1. Pod dwójim wobrazom wujasni s. Pawoł w tomle stawje počah židowstwa ke křesćanstwej; židowstwo bě woprawdžity herba Abrahamowych slubjenjow, ale njedorosćeny, dokelž w křesćanstwje hakle prawo k nastupjenju herbstwa dóstanje; dale, židža pod zakonjom stojicy a wot bojose wozdźeni su jakož wotročcy Boží, křesćenjo pak přez Khrystusa wot zakonškej služby wumoženi a w lubosći z Bohom zjednoćeni, jakož swobodne džěci Bože; předznamjo tohole poměra namakamy w dwěmaj synomaj Abrahama, w Ismaelu a Isaaku. Přeni, služowne syn, je předznamjo tych, kotřiž su jeno po mjasu wot Abrahama spłodženi, posledniši, syn swobodnej, je přednamjo wšitkich duchownych synow Abrahamowych, wšěch wěriwych křesćanow. ** Doniž je herba džěco, je w tom wotročkej runja, zo njesmě ze swojim herbstwom činić, štož chce. — 3. Tak běchmy drje my přeco herbja, ale doniž pod zakonjom stojachmy, njedorosćeni herbja. Zakon mjenuje s. Pawoł „počatki swěta“, a chce z tym prajić, zo bě njedospołny w přirunanju z ewangeliom; jeho postajenja plačachu wosebje jeno za tónle swět. Kaž je počatk kóždeje wědomosće njedospołny, tak tež počatk teje, z kotrejež chcyše Bóh hrěšne čłowjestwo zaso k spóznaću nabožneje wěrnosće dowjesć; jako pak je w počatkach wědomosće cyła wědomosć skhowana, tak bě tež w starym zakonju nowy skhowany. — 4. Hdyž bě wot Wótca postajeny čas so dopjelnił, posła Bóh swjeho Syna, kiž jako woprawdžity čłowjek ze zónskeje so narodži a jako rodženy žid zakonju so podčisny. — 5. Syn Boží podčisny so zakonju, zo by nas z poddanstwa zakonja wumóhl a zo by za wšěch prawo dźěćowstwa Božeho dobył. — 6. Hakle potom, hdyž běšće prawa dźěćowstwa Božeho dostali, posła Bóh Ducha swjateho, kiž je tež Duch Khrystusowy; a nětko mjenuje Boha ze wšim prawom swjeho Wótca. — 7. Kotryž Ducha swjateho dósta, njeje wotročk, ale syn a tohodla herba njebieskeho kralestwa, nic přez zakon, ale přez Boha, kotryž jeho jako džěco přijia a přez Ducha swjateho dźěćowstwo wobtwjerdži. — 8. Tu wobroća so Pawoł wosebje na křesćanow, kotřiž běchu přjedy pohani byli a přiboham služili, štož běchu zle duchy. — 9. Hdyž přjedy, Boha njeznawši, přiboham služěšće, móžešće so zamołwjeć; hdyž pak nětko jeho spóznaš a tež wot njeho spóznaš a lubowani, so k službě židowskeho zakonja wróćite, njemóže so to zamołwjeć. Počatki (hlad. r. 3) abo zakon mjenuje Pawoł „slabe“, dokelž tón wosprawnjeć njemóžeše, a „khude“, dokelž běše takrjec jeno sčěni přichodnych kublow, kotrež ewangelium jim poda. — 10. Jako přikład, kak Galatisy zakonjej služu, naspomina Pawoł wobkedźbowanje sabatow, swjedenjow noweho měsaca, a druhich rónnych časow. — 12. Starosćiwcy, zo by tola jeho próca mjez nimi podarmo njebyła, prosy jich, zo bychy byli kaž wón, t. r. zakonja so wotrjekli, kaž je so wón jeho wotrjekł; t. r. sčěniće mi tež to k woli, jako sće hewak na mnje poslušali a mje ženje njehněwali.

14. Njezacpěšće a njewotpokazašće; ale jako jandžela Božeho mje přiěšće, jako Khrystusa Jězusa.*

15. Hdže je nětko waše zbóžnokhwalenje? Přetož swědčenje wam dawam, zo budžešće, hdy by móžno było, sebi woči wutorhli a mi dali.*

16. Buch tohodla waš njepřeceł, dokelž wam wěrnosć prajach?*

17. Horja so wo was njeprawje; ale wuzamknyć was chcedža, zo byšće wo nich so horili.*

18. Wo dobrego pak hoće so w dobrym přeco, a nic jeno, hdyž sym pola was přitomny.*

19. Moje džěcatka, kotrež znowa z bolosću porodžam, hač so Khrystus we was wutwori.*

20. Bych pak pola was być chcył nětko a swój hlós přeměnić, dokelž sym w nje-wěstosći wo was.*

21. Prajće mi, kotřiž pod zakonjom być chceće, njejsće zakon čitali?*

22. Přetož pisane je: „Abraham měješe dweju synow, jenoho ze služowneje, a jenoho ze swobodneje.“ 1. Móž. 16, 15; 21, 2.

23. Ale tón ze služowneje je po mjasu narodženy, tón ze swobodneje pak přez slubjenje.*

24. To pak je z přirunanjom prajene.* Přetož to staj dwaj zakonjej, jedyn na horje Sinai, k služownosći porodžacy, kotryž je Hagar;

25. Přetož Sinai je hora w Arabiji, kotraž zwisuje z tym Jeruzalemom, kotryž nětko je, a słuži ze swojimi džěćimi.*

14. S. Pawoł dopomina, z kajkej radosću Galatiscy jeho a křesćanske wěrnosće přijachu, hdyž je přeni króc wozjewješe, hač runje so to sta „w slabosći mjasa“; najskerje bě Pawoł tehdy khorowaty abo hinak časnjeny, štož bě za nich pruhowanje; tola jeho njezacpěchu, ale z najžiwijej zahorjenosću přijachu. — 15. Tehdy zradowachu so Galatiscy nad Pawołowym přikhadom a jich lubosć k njemu njeměješe mjazy, najwjetši wopór chcychu za njeho přinjesć. — 16. Maće mje tohodla za swojeho njepřečela, dokelž wam po wěrnosći poroki činjach, druhi króc was wopytawši. — 17. Wina toho, zo sebi mje nětko tak mało wažiće, su błudni sebični wučerjo, kotřiž za našim spodobanjom lója, a was wot wšěch druhich wučerjow wotwobroćeju, zo byšće jeno jim přislušeli. — 18. t. r. ja pak was napominam, zo byšće zahorjeni byli, nic za tamnych sebičnych wučerjow, ale za dobrego wučerja, wosehje za mnje w kóždyj dobrej wěcy, a to nic jeno, hdyž sym přitomny, kaž sće wopravdže byli, hdyž wam dwójcy ewangelium wozjewjach, ale tež, hdyž přitomny njejsym. — 19. Jakož so s. Pawoł druhdy nan abo wótc mjenuje tych, kotrychž za křesćanstwo doby, tak předstaja so tudy jako jich mać, kotraž z bolosću swoje džěći porodža; tak tež Pawoł nětko druhu króc Galatiskich z bolosću takřec porodža z błuda ke křesćanskej wěrnosći, za kotruž bě jich hižo přjedy dobył, jich wobroćejo. Jeho bolosće za nich traja, hač so Khrystus w nich wutwori, t. r. hdyž budža znowa dospołni křesćenjo. — 20. t. r. nětko bych z wami, hdy bych tam přitomny był, hinak rěčał, jako přjedy, a bych swój hlós přeměnił, za tym hač wobstojenja žadaju, tu porokuju, tam napominajo, tu prošu, tam zaso pokojejo; njepřitomny njewěm, kotry hlós by najpřihodniši był. — 21. Japoštoł přizamkuje so nětko zaso k wučbje, kotruž bě hač do 10. rjadka rozestajał wo poměrje židowstwa ke křesćanstwu, zakonja k ewangeliju. Ze zakonja samoho, hdyž so kedžbnje čita, dyrbi kóždy spóznać, kak njerozomnje tón čini, kiž wot ewangelia zaso pod zakon wroća. Pawoł dopokazuje to z podawkom z Abrahamoweho žiwjenja. — 23. Ismael, syn, kotrehož měješe Abraham z Hagaru, bě po mjasu rodženy, t. r. hjez džiwa, Abraham měješe w tehdyšich lětach hišće plódžacu móc a Hagar bě hišće młoda; syn Isaak pak, kotrehož měješe Abraham ze Saru, bu přez slubjenje rodženy, t. r. přez džiw Boži, dokelž Abraham běše tehdy hižo 100 a Sara 90 lět. — 24. t. r. tón podawk znamjenja wyšje wěrnosće, pokazuje na přichodne wěcy, je potajkim předznamjo hnadow Khrystusoweho kralestwa. „To staj dwaj zakonjej“ abo slubaj, t. r. tamnej dvě žónskej, služowna a swobodna, předznamjenjatej dwoji zakon, stary a nowy, přez kotrež chcyše Bóh čłowjestwo k zbóžnosći, za kotruž bě stworjene a kotruž z hrěchom zhubi, znowa dowjesć. — 25. Slub, kotryž Bóh z Móžesom na horje Sinai sčini, podčiasny israelske džěći k službje zakonja, běše mać, kotraž swoje džěći k služownosći plódžeše a w Hagarje předznamjenjena, kotraž Abrahamaj Ismaela porodži, z kotrehož Arabowje abo Ismaelitowje pokhadžeju; w Arabiji pak je hora Sinai, na kotrež bu Móžesej zakon daty; tuž zakon njestůša po prawym do slubjeneho kraja, ale do Arabije. Kotřiž chcedža z křesćanstwa pod zakon so wrócić, chce Pawoł prajić, wopušća takřec slubjeny kraj, předznamjo wěčného herbstwa a přendu do Arabije, bywaju Ismaelitojo. Sinai zwisuje z něčičim Jeruzalemom, t. r. Jeruzalem, jako něčičša srjedźina židowstwa, ma tón samy wuznam kaž Sinai, předstaja tohodla Hagar, dokelž je ze swojimi džěćimi tež služownosći zakonja podčiasnjeny.

26. Tamny Jeruzalem pak, kotryž je horjeka, je swobodny, a tón je naša mać.*

27. Přetož pisane je: „Wjesel so, njeplódna, kotraž nje porodžeš, zraduj so a zwolaj, kotraž porodne hrona nimaš; přetož wjele je džěci wopušćeneje, wjac dyžli teje, kotraž ma muža.“* Is. 54. 1.

28. My pak, bratřa, smy po Isaaku džěci slubjenja.* Rom. 9. 8.

29. Ale jakož tehdy tón, kiž bě so po mjasu narodził, toho přescěhaše, kiž bě po duchu, tak tež nětko.*

30. Ale što praji Pismo? „Wustorě služownu a jeje syna; přetož herba njebudže syn služowneje ze synom swobodneje.“* 1. Móž. 21. 10.

31. Potajkim, bratřa, njejsmy džěci služowneje, ale swobodneje; po swobodže, z kotrejž je nas Khrystus wuswobodził.*

STAW V.

Kotryž chce so ze zákonskimi skutkami wosprawnić, nima džěl na plodže Khrystusowym, w ko-

trymž so njehlada ani na wobřezanje, ani na njewobřezanje, ale na žiwu wěru. Tohodla napomina Pawoł, zo bychy zawjednikow so hladał a mjez sobu so lubowali. Mjaso, kotrež duchej stajnje so napřećiwja, wabi k mjasnym skutkam, kotrež k njebieskemu kralestwu njewjedu; duch pak plody njese, z kotrymiž sebi je dobudžemy, ani zo bychmy zákonske skutki dokonjeli.

Stójće a njetykajće znova na sebje kwakulu služownistwa.

2. Hlej, ja Pawoł praju wam: Daće-li so wobřezać, njebudže wam Khrystus spomožny.*

3. Znowa pak wobswědčam kóždemu čłowjekej, kotryž so wobřezać da, zo je winowaty cyly zakon džeržeć.*

4. Prózdni sće Khrystusa, kotřiž we zakonju so wosprawnjeće; z miłosće wupadnyšće.*

5. Přetož my wočakujemy we duchu z wěry nadžiju sprawnosće.*

6. Přetož w Khrystusu Jězusu ničo njepłać ani wobřezanje, ani njewobřezanje, ale wěra, kotraž přez lubosć skutkuje.*

26. Jako je Hagar předznamjo nětčišeho Jeruzalema, tak je Sara předznamjo hornjeho Jeruzalema, kotryž je swobodny; tón horni Jeruzalem je křescanska cyrkej, kotraž je wot horjeka, z njebiesa, a kotraž je naša mać, dokelž wot njeje dóstachmy duchowne žiwjenje; křescanska cyrkej je swobodna, njeje zákonskim postajenjam podćisnjena a plodži přez wěru do Khrystusa swobodne džěci. — 27. Profeta Isaias wěšći z tymi słowami, zo budže židowski lud po babylonskim wubnanstwie krasnje so rozšěrjeć; tola te słowa maju tež wyšši wuznam. Jako bě Sara wot spočatka prawa mandělska Abrahamowa, ale njeplódna, tak wobstoješe wot spočatka Khrystusowa cyrkej, dokelž džě Bóh hnydom po přnim hrěše Wumožnika slubiwiž z čłowjeskim splahom wobkhaďeše; ale tale Khrystusowa cyrkej bě njeplódna, bě wot Boha wopušćena w starym zakonju, runje kaž Sara, dokelž Bóh ze židowstwow podobny wobkhaďeše, jako Abraham z Hagarn. Khrystus, zakon ze swojej smjerću na horje Golgatha zběhnywši, wubudži a wožiwi plódnosć cyrkwy, a wot Ducha swjateho pohnaďena plodži nětko ta přjedy njeplódna wjele džěci, runja Sarje, kotraž bu přez Isaaka mać wulkeho ludu. — 28. My wěriwi křescenjo, byrnje přjedy pohani, smy tola synowje Abrahamowi, nic po mjasu, kaž Ismael, ale po slubjenju, kaž Isaak, nic podćisnjeni zakonjej, ale džěci swobodneje. — 29. t. r. jako tehdy po mjasu spłodženy, Ismael, toho po duchu spłodženeho, Isaaka, přescěhaše, tak tež nětko; Židža, Abrahamowi potomnicy po mjasu, přescěhaju křescanow, Abrahamowe džěci po slubjenju. — 30. Tola kaž bu Ismael, Abrahamowy syn po mjasu, z domu a herbstwa wustorčeny, tak wuzamkuj so tež njewěriwi Židža z kralestwa Božeho, a njemóža džěl měć na wěčnym herbstwie. — 31. Dokelž pak smy herbja, njejsmy džěci služowneje, ale swobodneje, a tohodla sami swobodni, dokelž nas Khrystus ze služownosće zakonja wumóži; tuž napomina Pawoł w 5. stawje: Njetykajće znova kwakulu služownosće na sebje, zákonske postajenje wobkedžujcy.

V. 2. Wobřezanje samo na sebi njerubi plody wumožjenja, ale wopačna wěra, jako by wobřezanje k zbóžnosći trěbne było; přetož zbóžnosć njewukhaďa z wobřezanja, ale z wěry do Khrystusa. — 3. Štóž pak so přez wobřezanje staremu zakonjej přizamkuje z přeswědčenjom, zo je k zbóžnosći trěbny, ma potom wšitke zákonske winowatosće dokonjeć, dokelž čłowjek njemě ženje přeciwo swojemu přeswědčenju činić, byrnje wone bludniwe było. — 4. Z tym, zo w zakonju swoje wosprawnjenje hladaće, wotrjeknjeće so Khrystusa, a zhubiće prawo na jeho miłosć. — 5. My, kotřiž z Khrystusom zjednoćeni wostanjemy, wočakujemy z wěry, a nic ze zakonja, dokonjenje toho, čohož so tudy nadžijemy, plód wosprawnjenja, mjenujcy wěčnu zbóžnosć, kotraž je nam zawěšćena přez Ducha swjateho. — 6. Pola tych, kotřiž su z Khrystusom zjednoćeni, njehlada so na to, što je wobřezany a što nic, ale wšitcy, Židža a pohani, su znova stworjeni a jedny

7. Derje bężeće;* što was zadđerža, zo wěrnosći njeposluchaće?

8. To namołwjenje njeje wot toho, kiž was wola.*

9. Mało zakisaneho ćěsta zakisuje wšitke ćěsto.*

1. Kor. 5, 3.

10. Ja mam nadźiju k wam we Knjezu, zo hinak zmysleni njebudźeće;* kotryž pak was znjepokoja, ponjese wotsudjenje, štožkuli wón je.**

11. Ja pak, bratřa, wopowěduju-li hišće wobrězanie, ćohodla ćerpju hišće přescěhanje?* Tak je wotstronjeny pohóršk křiža.**

12. Zo bych u wotrěznjeni byli, kotřiž was znjepokojeju.*

13. Přetož wy sće k swobodze powołani, bratřa; jeno njewužiwać swobodu k přiležnosći za mjaso, ale z lubosću Ducha poslužejće sebi mjez sobu.*

14. Přetož cyły zakon dopjelna so w jenom slowje: „Lubuj swójeho bližšeho jako sebje samoho.“*

3. Mójz. 19, 18;

Mat. 22, 39; Rom. 13, 8.

15. Jelizo pak so mjez sobu kusaće a žerjeće, hladajće so, zo njebyšće jedyn wot druhého zahubjeni byli.*

16. Praju pak: Po duchu khodźće, a žadosće mjasa njewukonjejeće.* 1. Pětr. 2, 11.

17. Přetož mjaso požaduje přećiwo duchej, duch pak přećiwo mjasej; taj sebi mjez sobu znapřećiwjataj, zo byšće nječinili to, štož byšće chcyli.

18. Sće-li wot ducha wodźeni, njejsće pod zakonjom;*

19. Zjawne pak su skutki mjasa, kotrež su: mandźelstwałamanje, kurwafstwo, nječistota, njeħańbitosć;

20. Přibóžstwo, kuzlafstwo, njepřećelstwa, zwady, žarliwosće, hněwy, překory, rozščěpjenja, stronistwa;

21. Zawisce, mordafstwa, wopilstwa, woźralstwa a tomu podobne, wo kotrymž wam doprjedy praju, kaž sym doprjedy prajil, zo ěi, kotřiž tajke ěinja, njedóstanu kralestwa Božeho.*

22. Plód ducha pak je: lubosć, wjeselosć, pokoj, sćerpnosć, miłosć, dobroćiwosć, dolhoćakawosć;

23. Ćichomyslnosć, wěra, měrnosć, zdźeržliwosć, čistota. Přećiwo tajkemu njeje zakon.*

24. Kotřiž pak su Khrystusowi, skřižowachu swóje mjaso ze zlóscemi a požadosćemi.*

splah, kiž je kručě zjednoćeny přez tu samu wěru, kotraž so plódna wopokazuje w lubosći, t. r. w dobrych skutkach, w lubosći ěokonjanych. — 7. t. r. wy bęšće hižo prawje dobri křescenjo. — 8. t. r. tón, kiž was k wěrje wola, t. j. Bóh, njeje was namołwjał, zo byšće wěrnosći njeposlusni byli, ale bludni wučerjo. — 9. Bludnych wučerjow ěrje je mało, tola móža cytu wosadu skazyć. — 10. t. r. nadźiju so, zo was Knjez přeě tajkim skaženjom zakita, zo zmysleni wostanjeće, kajcyž bęšće, hdyž was rozwućowach. ** Knjez wotsuěi něhdy kóžěho, štožkuli je, kiž je křescansko wosady znjepokojał. — 11. Kaž so ěda, rozšěrjachu bludni wučerjo, jako by Pawoł sam druhězo wuěil, zo je wobrězanie trěbne k zbóžnosći, a snadž pokazowachu na přikład Timotheowy, Jap. sk. 16, 3; Pawoł to přje a dopomina jich, zo je jeno tohodla wot Židow tak přescěhany, ěokelž wobrězanie zakazuje. ** Runje w tom wobstoji pohóršk křiža, t. r. tohodla njeħadža Židza do křižowaneho zbóžnika wěrić, ěokelž maju w nim jeničku přičinu swójeho spomoženja spóznat. Tón pohóršk bych wotstronił, wuěo, zo je při wěrje do Křižowaneho tež hišće wobrězanie k zbóžnosći trěbne. — 12. t. r. hdy bych so tola ze srjeěziny wosady wupokazali, kotřiž was znjepokojeju. — 13. Tamni wučerjo ěěedza was přez wobrězanie sluźownosći zakonja poěěisnyć, wy pak sće k swobodze powołani, a ěaće sebi w lubosći mjez sobu sluźić; njesměće pak tule ěobytu swobodu k tomu wužiwać, zo wšelakim mjasnym nakhilnosćam we sebi wocućeě ěaće a hrěšnym skutkam so ěoda- waće. — 14. Wšitke winowatosće, kotrež zakon žaěa, su wobjate w jenej kazni, kotraž nam ěoruěa swójeho bližšeho ěubować kaž sebje samoho. — 15. t. r. jelizo pak w njemědrym stronistwje jako ěziwje zwěřjata ze słowami a skutkami swóej hněw pokazujeće, rozpadnje cyła wosada. — 16. Ćinće to, štož waš wot Ducha swjateho rozswětleny ěuch raězi, a ěic to, štož mjasne nakhilnosće sebi žaěaju. — 18. ěaće-li so wodźić wot ducha, přestanje zakon zakazować, ěokelž wola za ěiěim zakazany mjeħaěa, a tak ěima woprawěě zakon hižo mocy nad wami. — 21. t. r. zo tajcy na sudnym ěnju do kralestwa Božeho ěripuščeni njebudza. — 23. t. r. to zakon njezakazuje, a tohodla ěima nad tajkimi žaneje mocy. — 24. Kotřiž su přez wěru a křęěncu z Khrystusom zjednoćeni,

25. Smy-li po duchu žiwi, khodźmy tež po duchu.*

26. Njebywajmy žadosćiwi prózdnej khwalby, jedyn drugeho wuwabjeicy a sebi zawidžeicy.*

STAW VI.

Z ponižnosću ma so bližši podpěrać, ani zo bychmy so wo druhich khwalbu starali; přeco mamy dobre činić, zo bychmy w swoim času wěčne žiwjenje žnjeli. Znowa Pawoł napomina, zo bychy so zawjednikow hladali, kotřiž, byrnje kaznju radžili, ju njedopjelneju. Wón khwali so jeno w Khrystusu křižowanym, pola kotrehož njepłaći ani wobřezanje ani njewobřezanje.

Bratřa, by-li čłowjek překhwatany byl w někajkim hrěše, tajkeho wy, kotřiž sće duchowni, powučće w duchu čichomyslnosće; kedžbuj na sebje samoho, zo by tež ty spytowany njebył.*

2. Jedyn drugeho břemjo njesće, a tak dopjelniće zakon Khrystusowy.*

3. Přetož, měni-li něchtó, zo je něšto, dokelž ničo njeje, sam sebje zawjedže.*

4. Swój skutk pak njech kóždy přepytuje, a tak změje khwalbu jeno sam we sebi, a nic w druhim.*

5. Přetož kóždy ponjese swoje břemjo.*
1. Kor. 3, 8.

6. Tón pak, kotryž rozwučowany bywa ze słowom, wudžělej tomu, kiž jeho rozwučuje, wot wšoho kubla.*

7. Njemylće so; Bóh njeda so směšić.*

8. Přetož štož čłowjek wusyje, to budže tež žnjeć. Dokelž štož wusywa do mjas, budže z mjas, tež žnjeć zahubjenje; štož pak wusywa do ducha, budže z ducha žnjeć wěčne žiwjenje.*

9. Dobre činiцы pak njewustawajmy;* přetož w swoim času budžemy tež žnjeć njewustawajcy.
2. Thess. 3, 13.

10. Tohodla doniž mamy čas,* činićmy dobre wšitkim, najbóle pak domjacym po wěrje.

11. Hlejće, z kajkimi pismikami wam ze swojej ruku napisach.*

potłóčuja a morja swoje hrěšne nakhilnosće, kotrež maju w mjasu swoje žórlo; kaž Khrystus na křižu wumře, tak ma tež křeceny swojej hrěšnosći wumřeć a ju křižować. — 25. Je-li hrěšnosć, njasna nakhilnosć w křescaně morjena, potom ma wón žiwjenje jeno wot ducha, a tohodla dyrbi to tež w zwonkownym skutkowanju so pokazować. — 26. K powšitkownym napominanjam přistaja s. Pawoł wosebite, tehdyšim wobstojenjam Galatiskich wosadow přihodne. Dospołniši w křescanstwje a w spóznaću křescanskich wěrnosći njesmědža slabších ze svojim wustupowanjom wabić, a zaso njesmědža tamnym jich dospołnosće zawidžeć.

VI. 1. Kotřiž sće duchowni, t. r. hižo dospołniši w křescanstwje, njesměće slabších jeno wabić, ale jelizo ze slabosće zhrěšicu, maće jich we swjatym Duchu, kiž je duch čichomyslnosće, zaso zběhnyć a na prawy puć pokazać. — 2. Jedyn dyrbi drugeho břemjo, t. j. břemjo hrěchow njesć pomhać z tym, zo ma sobuželnosć ze slabym bratrom, a zo chce jemu swěrnje pomhać, tak zo by so nakazał; tule najwěrniju lubosć žada sebi Khrystusowy zakon. — 3. Zo jedyn drugeho břemjo njese, k tomu ma jeho pohnuť spóznaće samsneje slabosće a ničomnosće; přezběhowanje sebje samoho zacpěwa hrěšnika, a tola je jebanje sebje samoho, dokelž tajki sebi myslí, zo je něšto wulke, mjez tym zo je před Bohom hubjeny hrěšnik. — 4. Swoje samsne činjenje dyrbi kóždy rozsudžeć; tak přińdže k wjetšej dospołnosći a budže so khwalić móc z dobrym, kotrež je sam dokonjał, a nic z tym, kotrež ma na sebi, hdyž z druhim so přiruna. — 5. Z pruhowanjom sebje samoho spóznaće swoje hrěchi a ponjese tak jich břemjo z ponižnosću. — 6. Štož wot swojeho wučerja duchowne kubla dostawa, njech jemu za to časne wudžěluje. — 7. Boha hanić rěka jeho kamje zacpěć, a njedzeržeć z myslu, jako by wón móc njeměł je khostać. — 8. Kóždy smilny skutk je symješko, kotrež bjez plodu njewostanje; ale plód wotwisuje nic jeno wot symješka, ale tež wot role, do kotrejež so wusywa; štož symjo do mjas, syje, štož jeno dobry skutk dokonja z časnych abo zlych wotpohladanow, tón dostanje pak jeno časne myto pak wěčne zahubjenje. Štož pak symješko do ducha syje, t. r. štož dobry skutk dokonja z wotpohladanjom, wot Ducha swjateho zbudženym, dostanje jako myto wěčne žiwjenje. — 9. Njesměmy wustawać dobre činiцы, byrnje myto hnydom njedóstali. — 10. Hač do žni poskićeny čas wužijmy pilnje k dokonjenju dobrych skutkow, zo bychy žně prawje nadobne byle; wšitkim mamy dobre činić, wosebje pak tym, kotřiž su z nami we wěrje zjednoceni. — 11. Štož nětko slěduje, napisa Pawoł ze samsnej ruku, mjes tym zo bě wšo druge diktował. Tudy spomina na wulkosć pismikow, zo bychy Galatiscy spóznałi, kak wažne woprijeće lista je.

12. Přetož kotřiž chcedža so spodobać w mjasu,* ċi nuća was, zo byšće so wob-rězali, jeno zo bychu přescěhanje křiža Khrystusoweho nječerpjeli.**

13. Přetož tež ċi, kotřiž so wobrězuja, njedopjelnjeju zakon, ale chcedža, zo byšće wy wobrězani byli, zo bychu so we wašim mjasu khwalili.*

14. Mi pak so njestań, zo bych so khwalil, khiba w křižu našeho Knjeza Jězusa Khrystusa, přez kotrehož je mi křižowany swět, a ja swětej.*

15. Přetož w Khrystusu Jězusu nje-plaći ničo ani wobrězanje ani njewobrězanje, ale nowe stworjenje.*

16. A kotřižkuli budža tuto prawidlo* scěhować, pokoj na nich a smilnosť, a na Israela** Božeho.

17. Dale pak mje nihtó njewobćežuj; přetož ja nošu bluzny Knjeza Jězusa na swoim čěle.*

18. Miłosć našeho Knjeza Jězusa Khry-stusa (budź) z wašim duchom, bratřa. Amen.

LIST S. JAPOŠTOŁA PAWOŁA NA EFESSKICH.

STAW I.

Japoštoł khwali Boha, kiž wuzwolenych z mno-himi a njesměrnymi dobrotami přez Jězusa Khry-stusa wobohaća, džakuje so Bohu dla wěry a lubosće Efesskich a prosy, zo bychu dospołnu mudrosć docpěli; pokazuje na powyšjenje Khry-stusa z mrtwych zbudženeho, kotryž je po-stajeny jako wjerch nad cyłej cyrkwju.

Pawoł, japoštoł Jězusa Khrystusa přez

wolu Božu,* wšitkim swjatym, kotřiž su w Efesu a wěriwym w Khrystusu Jězusu.**

2. Miłosć wam a pokoj wot Boha na-šeho Wótca a Knjeza Jězusa Khrystusa.

3. Khwaleny budź Bóh a Wótc našeho Knjeza Jězusa Khrystusa, kiž nas požoh-nowa ze wšim duchownym požohnowanjom w njebiesach w Khrystusu,*

12. t. r. kotřiž chcedža jeno čłowjekam so spodobać, wo spodobanje Bože pak so njestara-ju. ** Zo njebychu wot Židow přescěhani byli, dokelž wuća, zo jeno z wěry do křižowaneho zbóžnosť wukhadža. — 13. Kotřiž chcedža was k wobrězanju pohnuć, njeposluchaju sami na to, štož zakon žada, a njechadža ani druhich z wobrězanjom zakonej podčisnyć, ale chcedža jeno wobrězanje, jako znamjo na wašim mjasu, za dopokaz swojeje mocy nad wami wudawać. — 14. Chcu so jeno khwalić z křižom našeho Knjeza, jako jeničkim źórłom wěčneje zbóžnosće. We wěrje do křižowaneho je swět za mnje mrtwy a prjedyši hrěšny čłowjek křižowany; wot swěta ničoho njewočakuju, a tohodla so jeho njeboju. — 15. Kotřiž su we wěrje z Khrystusom zjednoćeni, nimaju kedžbu, hač su wob-rězani abo nic, ale jeno, zo su nowe stworjenje, kotrež wo starym žiwjenju ničo wjacy wědźeć nje-chce a nowe žiwjenje wjedže po woli Božej. — 16. Prawidło, po kotrymž w Khrystusu njeplaći wobrězanje abo njewobrězanje. ** t. r. kotřiž su woprawdže a před Bohom potomnicy Israela, lud Boží přez wěru do Khrystusa a přez křćenju. — 17. W prjedyšich časach buchu wojakam zna-mjenja nawjedowarja, služownym znamjenja jich knjezow do čěla napalene, zo by so z nich spó-znało, komu slujeju. Tuž dopomina Pawoł Galatiskich, zo ma na čěle znamjenja, kotrež swědča, zo je Khrystusowy služownik. Tute znamjenja běchu rany a bluzny, kotrež bě w přescěhanjach při wopowědanju ewangelia dóstał, a z tym čestne znamjenja, kajkež jeho přeciwnicy njemějachu, znamjenja, kotrež Pawoł je jeho wučbje wosebitu nahladnosť a móc dawachu.

I. 1. Swjaty Pawoł wuzběhuje hnydom na spočatku, zo bychu słowa mócniši začitě činiše, swoje powołanje k japoštołstwju, kotrež wot Boha samoho dósta. ** t. r. křesćanam w Efesu, kotřiž su přez wěru nutnje z Khrystusom zjednoćeni. — 3. Wottudy hač do 14. r. wuprja japoštoł horecy džak za wšitke duchowne kubla, kotrež je Jězus ze svojim wumoženskim skutkom čłowjekam za-sluił. Tute žohnowanja běchu takrjec w njebiesach a přez Khrystusa buchu na zemju přinjesene.

4. Kaž nas wuzwoli w nim před založenjom swěta, zo bychmy swjeći a nje-woblakowani byli před jeho wobličom w lubosći,*

5. Kotryž nas předpostaji k přijecu džěsćowstwa přez Jězusa Khrystusa za sebje, po spodobanju swojeje wole,*

6. Ke khwalbje krasnosće swojeje miłosće, w kotrejž nas spodobnych sćini w swojim lubowanym Synu,*

7. W kotrymž mamy wumóženje přez jeho krej, wodaće hrěchow, po bohatstwie jeho miłosće,*

8. Kotraž bu přenadobna we nas we wšej mudrosći a w spóznacu,*

9. Zo by nam znatu sćinił potajnosć swojeje wole po swojim spodobanju, kotrež je při sebi předpostajił,*

10. Za zarjadowanje połnosće časow*, tak zo by wšitko w Khrystusu zaso wobjał, štož je w njebiesach a štož je na zemi, we nim,

11. W kotrymž tež my přez lós powołani buchmy, předpostajeni po přede-wzaću toho, kotryž skutkuje wšitko po radže swojeje wole,*

12. Zo bychmy byli ke khwalbje jeho krasnosće* my, kotřiž smy so prjedy nadžijeli w Khrystusu,**

13. W kotrymž [bušće powołani] tež wy,* slyšawši słowo wěrnosće, ewangelium wašcho spomoženja, w kotrymž bušće tež wěriwši woznamjenjeni ze swjatym Duchom slubjenja,**

14. Kotryž je zawdawk našeho herbstwa na wumóženje dobytwy, ke khwalbje jeho krasnosće.*

15. Tohodla tež ja, slyšawši wo wašej wěrje, kotraž je w Knjezu Jězusu, a wo lubosći k wšěm swjatym,*

16. Njepřestawam džak prajić za was, wopominajo was we swojich modlitwach,

17. Zo by Bóh našcho Knjeza Jězusa Khrystusa, Wótc krasnosće, wam dal

4. Před založenjom swěta, t. j. wot wěčnosće je Bóh wobzamknył, zo chce nas swjatosćić, zo bychmy před nim bjez hrěcha žiwi byli a w lubosći dobre skutkowali. — 5. K swjatosći nas powolałši přiwza nas Bóh nic po našich zaslužbach, ale po swojim spodobanju Jězusowych zaslužbow dla jako swoje džěci. — 6. Jako Bóh wšitko k swojemu překrasnjenju čini, tak wuzwoli a poswjeći tež nas, zo by jeho njeskónčna miłosć khwalena byla. — 7. Khrystus je nas ze swojej krowj wot sprawného hněwa Božeho wumóhl a wodaće hrěchow zaslužil. — 8. Miłosć pokazuje so w tom, zo na mudrosći a spóznacu přiběramy, t. j. zo wěrnosće Bože jasně spóznawamy a swěrně so w žiwjenju naložujemy. — 9. Bohatstwo miłosće, kotruž nam Bóh wopokaza, je wosebje w tom, zo nam wozjewi, štož bě dotal potajne, zo chce nas wumóžić a zo ma so k tomu jeho bóžski Syn wočłowječić. Wočłowječenje Syna Božeho a wumóženje čłowjestwa je potajnosć jeho wole, jeho lubosće; ale tež wozjewjenje tuteje potajnosće je wosebita miłosć, kotraž w połnosći časow čłowjekam so zjewi po Božim spodobanju. — 10. „Połnosć časow“, t. r. tón čas, w kotrymž je so wšitko dopjeluniło, štož bě dopředy postajene a wot profetow wěšćene, w kotrymž běchu Židža a pohani přihotowani na přikhađ wumóžnika. Tale połnosć časow bu wot Boha zarjadowana, t. r. cyłe stawizny čłowjestwa wjedźechu ke Khrystusej, zbudźichu žadosć za nim. Štožkuli bě so přez hrěch skazyło, w njebiesach přez spjećiwosć jandželow a na zemi přez nje-poslušnosć čłowjekow, měješe so porjedzić abo wobnowić w Khrystusu zjednoćić, tak zo je wón wjerch wobnowjeného swěta. Z přikhađom Khrystusowym so tutto wobnowjenje poča a ze sudnym dnjom so skónči. — 11. A tež my smy w nim powołani jakož přez lós k wumóženju a k herbstwu zbóžnosće bjez našich zaslužbow, po spodobanju Božim. — 12. Ze swojim powołanjom mamy Boha khwalić a česćić. ** t. r. my Židža, kotřiž smy z profetow Khrystusa spóznali a na njeho so nadžijeli. — 13. t. r. kotřiž sće prjedy pohani byli. ** Z wopowědowanjom ewangelia bušće k spomoženju powołani, a dokelž ewangelium wěrjeće, dóstaće tež we křćeńcy a firmowanju Ducha swjateho; potajkim dyrbiće slyšeć a posłuchać na ewangelium, jemu wěrić a woznamjenjenje abo wobkrućenje dóstać přez swjatosćaceho Ducha; to je puć, kotryž hrěšneho čłowjeka wosprawnja. Duch swjaty mjenuje so Duch slubjenja, dokelž bu přez profetow slubjeny. — 14. Hdyž Bóh někomu hnady Ducha swjateho wudžěli, slubi jemu z tym, zo jemu tež dospołne herbstwo, t. j. wěčnu zbóžnosć da; tohodla mjenuje so Duch swjaty zawdawk herbstwa na wumóženje dobytwy, štož je čłowjestwo, t. r. zawdawk, zo wšón přez wumóženje Bohu dobytý lud, křesćanstwo, k wěčnej zbóžnosći dowjedže, wězo, jelizo hnady Ducha swjateho k swojemu spomoženju naložuje. Tak dokonja so wumóženski skutk Khrystusowy ke khwalbje a česći Božej. — 15. t. r. dokelž sće powołani k zbóžnosći a z Duchom woznamjenjeni, njepřestawam so Bohu džakować.

ducha mudrosće a zjewjenja w spóznacu jeho,*

18. A rozswětleney woči wašeje wutroby, zo byšće wědzeli, kotra je nadźija jeho powołanja a kotre je bohatstwo jeho herbstwa we swjatyach,

19. A kotra je přenadobna wulkosć jeho mocy nad nami, kotřiž wěrimy po skutkowanju mocy jeho synnosće,*

20. Kotruž je skutkował w Khrystusu, jeho zbudziwši wot mortwych a sadiwši k swojej prawicy w njehjesach,*

21. Nad wšitke wjefchowstwa a mocy, a synnosće a knježstwa a wšitke mjeno, kotrež so mjenuje nic jeno w tutom swěće, ale tež w přichodnym.*

22. A wšitko podćisny k jeho nohomaj; a staji jeho jako głowu nad cyłu cyrkej,

Ps. 8, 8.

23. Kotraž je jeho ćelo* a polnosć toho, kotryž wšitko we wšim dopjelnja.**

STAW II.

Přez hrěchi prjedy morjeni buchu přez Khrystusa wožiwni, nic ze swojimi skutkami, ale darmo přez wěru. Dopokazuje so, zo buchu pohani, kotřiž běchu prjedy zdaleni wot slubjenjow Božich, nětko přez Khrystusa a wěru, kotraž je dar Boži, towařowje swjatyach a zo maju tón samy zakład z patriarchami a profetami.

Tež was, hdyž běšće mortwi we swojich winach a hrěchach,* — Kol. 2, 13.

2. W kotrychž něhdy khodžešće po běhu tohole swěta,* po wjefchu mocy toho powětra, (toho) ducha, kotryž nětko skutkuje na synow njewěry,

3. Mjez kotrymiž tež my wšitcy* něhdy khodzachmy w žadosćach našeho mjasa, činicy wolu mjasa a mysli, a běchmy po naturje džěci hněwa, jako tež druzy,** —

4. Bóh pak, kiž je bohaty na smilnosći dla swojeje njesměrneje lubosće, z kotrejš dla nas lubował,

5. A hdyž běchmy mortwi w hrěchach,

17. Bóh mjenuje so tu „Bóh našeho Knjeza Jězusa Khrystusa“ dziwajo na čłowjesku naturu w Khrystusu; „Wótc krasnosće“ pak dziwajo na Khrystusowu bóžsku naturu, dokelž jako Syn Boži je wotblyšč (Hebr. 1, 3) Wótca. Jako Bóhčłowjek pak je srjedźičer wšitkich hnadow, kotrychž žórło je Wótc. — 19. Pawoł prosy, zo bych u Efesscy přeco dospólnišo křesćanske wěrnosće zrozumiłi a zjewjene potajnosće Bože, a tak Boha samoho čím lěpje spóznali, a zo by tohodla Bóh woči jich wutroby wotewřił, zo bych u prawje zapřijeli, takrjec žiwje čuli, kak wosebne nadźije ma powołanje k wěrje w nich wubudźeć, a kak wulkotna je krasnosć herbstwa, kotraž so w swjatyach, t. j. we wěriwych wopokazuje, a kak krasnje a mójnje so tale móc Boža něhdy nad wěriwymi wozjewi, hdyž jich k nowemu žiwjenju wubudzi a z překrasnjnym ćělom wobda. — 20. Móc, z kotrejš nas Bóh něhdy wot mortwych zbudzi a překrasni, je ta sama, z kotrejš je Khrystusa zbudžił a k swojej prawicy powyšil; a štož je tu dokonjała, zaruči nam, zo to same něhdy tež nad nami dokonja. — 21. Wjefchowstwa a mocy, synnosće a knježstwa su mjena za wšelake rjadownje jandželow; pódlá tutych štyrjoch rjadownjow mjennja so na druhich městach s. Pisma hišće tróny, jandželowje, arcjandželowje, cherubimy a serafimy, tak zo je džewjeć rjadownjow. Khrystus je wyše wšěch tež najwosebnišich jandželow přez móc Božu pozběhnjeny, a tež wyše kóždeho stworjenja, njech so kažkuli mjenuje. — 23. Khrystus a cyrkej staj mjez sobu tak nutrnje zjednočenaj, jako głowa a stawy ćěla. Głowa wodzi stawy a stawy dótawaju wot głowy wožiwnjenje. Tak dótawa tež cyrkej, zhromadženstwo wšěch wěriwych, wot Khrystusa duchowne žiwjenje a pohnuwanje k dokonjenju dobrych skutkow. Khrystus ze swojej wučbu a hnadu skutkuje njepřestawajo w cyrkwi a wukonja tak swój wumoženiski skutk mjez čłowjekami. ** Jako głowa přez stawy k ćělej so dopjelnja, tak dopjelnja so Khrystus přez cyrkej abo wěriwych, t. r. jako wumožnik, přiběra a dokonja so wón přez wšitkich wumozženych, přez stawy cyrkwe; potajkim je cyrkej jeho polnosť, přez nju dokonja so jeho skutk na zemi, a we wšim, t. r. ze wšěmi dobrymi skutkami wěriwych; štož dobrego dokonjeju, služi k dokonjenju jeho wumoženiskeho skutka.

II. 1. Jako Bóh ze swojej mocu Khrystusa zbudzi, tak wožiwi tež was, duchownje mortwych. — 2. t. r. kaž tónle wot Boha wotwobročeny swět we złym času, w kotrymž so njeposlušča na wolu Božu, ale na „wjefcha powětra“, t. j. djabola, kotryž wožiwi njewěriwych, podobnje kaž Duch swjaty wěriwych. Zle duchi přebýwaju tež w powětrje, a tohodla mjenuje japoštoł djabola „wjefcha powětra.“ — 3. t. r. nic jeno wy pohani, ale tež my Židźa. ** Jakož njewěriwi běchmy tež my žiwi, dokelž žadanja a złe mysle, z našeho hrěšneho mjasa nastawace, njepodušachmy, ale to činjachmy, k čomuž nas wone wabjachu. Džěci Božeho hněwa běchmy, nic jeno dla našich hrěšnych žadanjow a skutkow, ale runja pohanam po naturje, wot naroda jako Hadamowi potonnicy.

wožiwi nas sobu z Khrystusom, (přez kotrehož milosć sće wumoženi),

6. A zbudži nas sobu a sčini, zo bychmy sobu sedželi w njebiesach w Khrystusu Jězusu,*

7. Zo by pokazal w přichodnych časach přenadobne bohatstwo swojeje hnady w dobroćiwosći k nam w Khrystusu Jězusu.*

8. Přetož z hnady sće wumoženi přez wěru, a to nic ze sebje; přetož to je dar Boží,*

9. Nic ze skutkow, zo by so nichto njekhwalił.*

10. Přetož jeho džěło smy, stworjeni w Khrystusu Jězusu k dobrym skutkam,

kotrež je Bóh přiřetował, zo bychmy w nich khodžili.*

11. Tohodla spominajće, zo něhdy wy pohani w mjasu, kotřiž sće njewobřezanje mjenowani wot tych, kotřiž so mjenuja wobřezk we mjasu z ruku sčinjeny,

12. Zo běšće w tamnym času bjez Khrystusa, wotdžěleni wot wobkhada z Israelom a hosćo slubow, njemějcy nadžije na slubjenje a bjez Boha na tomle swěće.*

13. Nětko pak bušće wy, kotřiž běšće něhdy zdaleni, blizcy přez Khrystusowu krej.*

14. Přetož wón je naš pokoj, kotryž z wobeju jene sčini,* wotstroniwši scěnu

6. Jězusa zbudžiwi wožiwi Bóh tež nas, Židow a pohanow duchownje, t. r. z duchowneje smjerće, do kotrejež běchmy přez hrěchi padnyli, k žiwjenju hnady. Jězusowe zbudjenje je přičina, předznamje a zawdawk našeho duchowneho wožiwjenja. To pak sta so, nic po našich zaslůžbach, ale ze sameje milosće, na kotrež je Bóh njeskónčnje bohaty. Pawoł wopisuje plody wumožjenja tak žiwje, jako bychu nětko hižo dokonjane byle, jako bychmy hižo z nim w njebiesach knježili. Woprawdže je wot Boha skutk wumožjenja cyle dokonjany, a wšitke hnady, kotrež so sprawnym noweho zakonja w běhu časa k jich wozboženju wudžěleju, su wot Khrystusa dobyte a takrjec w nim zapołożene. Jakož wšitcy hač do najposleńšeho čłowjeka w Hadamje zhrěšichu, tak budža tež wšitcy w Khrystusu wožiwjeni a do njebies přesadženi. Jakož smy potomnicy Hadamowi, tak smy tež stawy Khrystusowe, a tohodla stanje so nad nami to same, štož je so z Khrystusom stało. — 7. Jakož swjaty japoštoł hižo prjedy (1, 6. 12. 14) wuzběhowaše, zo je wumožjenje přez Khrystusa so dokonjało, zo by Bóh česćeny a khwaleny był, tak wuči, zo tež přez wožiwjenje a wozboženje čłowjesta, kotrež so w přichodnym času, t. j. we wěčnosti dokonja, bohatstwo Božje hnady a dobroćiwosće nadobnje pokazuje. — 8. 9. Wumoženje a wozboženje njejsmy sebi ze skutkami zaslůžili, ale to je hnada Boža; my jeno wěrjachmy słowej Božemu a činjachmy, štož bu nam poručene, to je naša přisłušnosť, ale zo so nam wěrnosće Bože wopowědowachu, a zo so k wěrje pohnuhmy, to je hnada Boža we nas dokonjała. Naše wozboženje je potajkim skutk Božje dobroćiwosće, a nichto njemůže so z tym chwalić, zo je sebi ze skutkami je zaslůžil. To pak njesmě so tak rozumić, jako bychu wot wosprawnjeného dobre skutki, kaž to cyrkej wuči, so nježadaše; tu reči Pawoł wo skutkach před wosprawnjenjom, a tute njemůžachu nam wozboženje zaslůžić. Wosprawnjeni pak dyrbi z hnadu Božej sobuskutkowac. — 10. Wosprawnjeni su kaž znova wot Boha stworjeni; dokelž pak může jeno Bóh stworić, tohodla mjenuje japoštoł wosprawnjenych „džěło Bože“, stworjene w Khrystusu, t. r. wosprawnjeni su w Khrystusu jako jeho stawy; znova buchu stworjeni k dobrym skutkam, kotrež maju wosprawnjeni dokonjeć, a tute su takrjec plody wosprawnjenja. Dobre skutki pak Bóh přiřetowa, t. r. ze swojej hnadu pohnu wosprawnjenych k dobrym skutkam, a podpěraše je; a wosprawnjeni ma ze swojej swobodnej wolu w nich khodžić, t. r. je dokonjeć, tak zo k dobremu skutkej sobuskutkuje Bóh a tež čłowjek. — 11. 12. Pawoł dopomina nětko tych čitarjow, kotřiž so pohanstwa wobročichu, na jich prjedyše hubjenstwo, zo bychu čím jasně wulkosć dobroty, kotruž jim křesćanstwo zepřihotowa, spoznali. Najprjedy japoštoł spomina na zwonkowny rozdžěl, kiž je mjez Židami a pohanami, na wobřezanje; hižo toho zwonkowneho w mjasu dokonjaného wobřezanja dla hidžachu Židža pohanow, jich „njewobřezanje“ abo „njewobřezani“ mjenujcy; tola tu wšelakosć jeno mjenuje, zo by wěrně wšelakosće k dopokazej jich hubjenstwa rozestajił. Pohani běchu bjez Khrystusa, Židža mějachu Khrystusa slubjeného, w nadžiji na njeho njesechu wšě wobčěžnosće žiwjenja; wuzwoleny lud Boží bě přez nabožne a narodne zarjadowanje mjez sobu kručě zwjazany, a k tomule wužitnemu zwjazku pohani njesełachu; pohani běchu jeno hosćo slubow, kotrež bě Bóh z Abrahamom a druhimi patriarchami sčinił, a tohodla njemějachu prawa na slubjene kubla; pohani njemějachu ani nadžije na slubjeného wumožnika, a skónčnje běchu bjez Boha, njeznajachu wěrneho Boha, njemůžachu tohodla k njemu swój wuček brać we horjach. — 13. Nětko pak sće sobuwumoženi přez Khrystusowu smjerć na křižu, a tohodla sće bliže stupili a podžěl wšitkich slubjenjow a hnadow Božich džotali. — 14. Khrystus je pokoj přinjeł mjez židowstwom a pohanstwom; před nim bě njepřecel-

wobhrodźenja, kotraž běše srjedza, nje-
přećelstwo w swojim mjasu:

15. Zběhnywši zakon přikazni w po-
stajenjach, zo by dweju w sebi samom
stworil k jenomu nowemu člowjekej, pokoj
založejo,

16. A zjednał wobeju w jenom ćele
z Bohom přez křiž, moriwši njeřećelstwo
w sebi samom.*

17. A přišedši wopowědowaše pokoj
wam, kotřiž běšće zdaleni, a pokoj tym,
kotřiž běchu blizcy;*

18. Přetož přez njeho mamy woboji
přistup w jenom Duchu k Wótcej.*

Rom. 5, 2.

19. Tohodla hižo njejsće hosćo a při-
khadnicy, ale sće krajownicy swjatych a
domjacy Boží,*

20. Natwarjeni na zakład japoštołow
a profetow, hdžež je hlowny rózkwony
kamjeń sam Khrystus Jězus,

21. Na kotrymž cyle twarjenje zwja-
zane rosće k templej swjatemu w Knjezu,*

22. Na kotrymž tež wy so sobu twa-
riće k přebytku Božemu w Duchu.*

STAW III.

Pawoł wučí tudy potajnosć, profetam a japoštołam
zjewjenu, zo maju pohani přez Khrystusa džěl
na slubjenjach Božich, a prosy, zo bychy so
duchownje wobkrućeli a w lubosći zakorjenjeni
dospołnje w Bóžskich potajnosćach rozwućeli.

Tutohodla* ja, Pawoł, jaty Khrystusa
Jězusa za was pohanow,** —

2. Jelizo sće drje slyšeli wo zarjado-
wanju hnady Božeje, kotraž bu mi data
mjez wami,*

stwo mjez nimaj, běštaj wot so džělenaj kaž přez wobhrodźacu scěnu, kotraž wosebje židowstwo
wobdawaše a wot pohanstwa wotmjezowaše; Khrystus je tu scěnu powalił we swojim mjasu, na křižu
so woprujo jako wujednacy wopor. — 15. 16. Scěna pak, kotraž Židow a pohanow džěleše, běše
židowski zakon, nic jeno kaznje Bože, ale wosebje tamne postajenja, kotrež nabožne a narodne
žiwjenje rjadowachu; Khrystus je tónle zakon ze swojej smjerću zběhnył, za wšitke přestupjenja
toho sameho dosćiniwši a hrěchi wotewzawši, a dalše dopjelnjenje tamnych postajenjow spuściwši
z wuwzaćom tych, kotrež su wěčnje plaćiwje winowatosće a tohodla tež do wutroby pohanow za-
pisane. K lóžsemu dopjelnjenju tych pak spožuje wón swoju hnadu. Po wotstronjenju tuteje
scěny zjednoći Khrystus wobeju k jenomu ćelej, kotrehož wječh je wón, zjednoći pohanow a Židow
we katolskej cyrkwi, wujednawši wobeju z Bohom ze smjerću na křižu. — 17. A wujednawši Židow
a pohanow mjez sobu, wobojich zjednoćiwši a z Bohom zjednawši wopowěduje wón přihotowany
pokoj runje tak pohanam jako Židam; wón to čini njeprěstawajo přez swoju cyrkej a jeje služow-
nikow. — 18. We Khrystusu su pohani a Židza kaž stawy jenoho ćěla, zjednoćeni w katolskej
cyrkwi, kotraž wožiwjena wot Ducha swjateho, ducha lubosće, zwjazzk wobkruća, a maju tak w lu-
bosći zjednoćeni pohani a Židza přistup k njebieskemu Wótcej. — 19. We Khrystusu su tež pohani
połnopláćiwje stawy kralestwa Božeho, swjateje cyrkwe, su krajownicy swjatych, t. j. wospraw-
njenych a nic cuzownicy abo hosćo, a z tym domjacy, kotřiž maju prawo přistupa k wšitkim
kubłam s. cyrkwe, a njejsu kaž přjedy přikhadnicy, kotřiž drje smědzachu mjez Židami přebywać,
njemějachu pak prawa k jich kubłam. — 20. 21. Jednotliwe stawy su jako kamjenje, do jenoho
twara složene; zakład, na kotrymž cyle twarjenje wotpočuje, su japoštołowje a profetowje; na nich,
t. r. na jich wučby, bu cyły twar stajeny. Rózkwony kamjeń, kiž twar njese a zdžeržuje, je Jězus
Khrystus; wón zjednoća wšitke stawy přez tu samu wěru a tak rosće twar njeprěstawajo, nowe
stawy, nowych wěriwych dobywajo k templej, w kotrymž Bóh přebywa. — 22. t. r. tež wy sće
kamjenje, kotrež so sobu twarja w tom twarje, sće stawy cyrkwe Božeje, wožiwjene wot Ducha
swjateho. W tychle rjadkach wopisuje so z krótka prawa cyrkwe Khrystusa, kotraž je jena abo
přezjena, dokelž wšitke stawy wučinja jedyn twar, kotryž so zdžeržuje wot jenoho rózkwoneho
kamjenja; swjata, dokelž je wožiwjena wot Ducha swjateho; katolska, dokelž wšitke ludy a
časny wobjima; a japoštołska, dokelž je twarjena na wučbu japoštołow.

III. 1. Slowo „tutohodla“ přizamkuje so k poslednim rjadkam druhoho stawu; tutohodla, dokelž
sće wy krajownicy swjatych a domjacy Boží, sobunatwarjeni k wobydlenju Božemu, klonju swoje
kolena před Bohom, kaž w r. 14. rěka. Rjadki 2—18 su zasunjenje a rozwučuju čitarjow, zo je
Pawoł powołany jako japoštoł pohanow. ** Pawoł mjenuje so jaty Khrystusa Jězusa, dokelž je
list w Romje pisany, hdžež bu Pawoł jako jaty džeržany Khrystusa dla. Wón přistaja: „za was
pohanow“, t. r. dokelž sym wam pohanam evangelium wopowědował, tohodla buch jaty. — 2. Zo
was dla čerpju, štož čerpju, njemóže wam potajne być, jelizo sće wo zarjadowanju Božim slyšeli,
po kotrymž mějach wosebje mjez pohanami evangelium wopowědował.

3. Zo bu mi přez zjewjenje znata sčinjena potajnosć,* kaž wyše z krótka napisach,

4. Po čimž móžeće, hdyž to čítaće, zapřijeć moju znatosć w potajnosći Khrystusowej,*

5. Kotraž w druhich časach njebu (tak) znata čłowjeskim džěćom, kaž je nětko zjewjena jeho swjatym japoštołam a profetam přez Ducha,*

6. Zo su pohani sobuherbja a sobustawy a sobudžělbnycy jeho slubjenja w Khrystusu Jězusu přez ewangelium,*

7. Kotrehož služownik* buch po darje miłosće Božej, kotraž bu mi data po skutkowanju jeho mocy. Wyše 1, 19.

8. Mi, najmjeńšemu* mjeze wšěmi swjatymi, bu data ta miłosć, mjez pohanami připowědować njewuslědžomne bohatstwo Khrystusowe,**

9. A wšitkich rozswětlić, kotre je zarjadowanje potajnosće zakhowaneje wot wěčnosće w Bohu, kiž je wšitko stworił,*

10. Zo by so znate sčiniło wjefchowstwam a mocam w njebiesach přez cyrkej wšelakora mudrosć Boža,*

11. Po wotmysłu wěčnosće, kotryž je dokonjał w Khrystusu Jězusu našim Knjezu,*

12. We kotrymž mamy wutrobitosć a přistup w dowěrje přez wěru do njeho,*

13. Čohoždla prošu, zo byšće malomyslni njebyli při mojich čěsnosćach za was, kotrež su waša khwala,* —

14. Tutohodla zhibuju swoje kolena před Wótcem našeho Knjeza Jězusa Khrystusa,*

15. Po kotrymž wšitke wótcowstwo w njebiesach a na zemi so mjenuje,*

16. Zo by wam dał po bohatstwie swojeje krasnosće, zo byšće posylnjeni byli z mocu přez jeho Ducha na nutřkownym čłowjeku,*

17. Zo by Khrystus přez wěru přebywał we wašich wutrobach, zo byšće, w lubosći zakorjenjeni a založeni,*

3. Potajnosć, zo móža pohani do cyrkwy Khrystusowej přijeći być. — 4. Z toho, štož wyše (2, 11—22) wo přijeću pohanow do cyrkwy napisach, móžeće sudzić, zo derje znaju potajnosć Khrystusowu, t. r. jeho wočłowječenje a jeho wumožeński skutk, kotryž za was wšitkich, za Židow a pohanow dokonja. — 5. Tónle wotmysl Boží njebě w prjedyšich časach znaty, znajmjeńša nic cyle a powšitkownje; hake přez wozjewjenje Ducha swjateho bu japoštołam a profetam, t. r. druhim wučerjam cyrkwy připowědany, zo maju tež pohani džěl na wumoženju. — 6. Tež pohani dóstanu sobu ze Židami prawo na njebieske herbstwo, dokelž su tež stawy jeho potajneho čěla, swjateje cyrkwy, a džěl bjeru na jeho hnadach přez ewangelium, t. r. dokelž wěrja do ewangelia. — 7. Služownik ewangelia bu Pawoł přez miłosć, a ta skutkowaše w nim z wosebitej synłosću, tak so bu z njepřečela zahorjeni rozšěrjeł ewangelia. — 8. Najmjeńšeho mjez japoštołami a swjatymi, t. r. wěriwymi, mjenuje so Pawoł, dokelž bě prjedy cyrkej přesčěhał. ** t. r. bohatstwo hnady a wěrnosće, kotrež nam Bóh w Khrystusu poda, a kotrež z našim rozumom ženje dowuslědźić a dopóznać njemóžemy. — 9. t. r. wujasnić potajnosć wo wočłowječenju a wumožeńskim skutku Jězusowym, wotmyslenu wot wěčnosće, a zakhowanu w Božim byću. — 10. Tež jandželojo najwyšich rjadownjow njeznajachu, kak Bóh swět wumoži; to zhonichu hake přez cyrkej, t. r. přez dokonjany wumožeński skutk, w kotrymž so spodźiwna mudrosć Boža wopokazuje. — 11. Wotmysleny bě wumožeński skutk wot wěčnosće, dokonjany pak w Khrystusu. — 12. Khrystusowych zaslužbow dla njetrjebamy dale Božeho hněwa so strachować, ale z wutrobnej dowěru směny nadźiju k njemu měć a k njemu so bližić. — 13. Moje čěsnosće, wosebje zo sym jaty, njesmědža was zatrašić, ale dyrba skerje wašu dowěru wobkrućić, přetož štož za was čěrpju, z toho móžeće spóznać, kak wjele sće pola Boha hódni. To je wam khwalba, zo Bóh swojemu japoštoleji telko čěrpjeć dawa. — 14. Japoštoł pokročuje tu z tym, štož bě w přěnim rjadku počał; dokelž sće wy pohani k cyrkwi Khrystusowej powołani, zhibuju swoje kolena, džakuju so ponižnje Bohu. — 15. Pawoł džakuje so Wótcy wšitkich, kotremuž džěći Bože w njebiesach a na zemi slušeju, po kotrymž so mjenuja. — 16. Nutřkowny čłowjek, t. j. duša z jeje mocami, z rozumom a z wolu, kotrež ma Duch swjaty rozswědjeć a posylnjeć, zo by wšitke wabjenja mjasa a swěta a djaboła předobyla. — 17. 18. Zo bych přez Ducha swjateho rozswětleni a posylnjeni do Jězusa wěрили, a we wěrje nutrnje z nim so zjednočili, a w lubosći k njemu přiběrali, tak zo bych zapřijeli lubosć Khrystusowu w jeje njesměrnosći. Tu samu wujasnja Pawoł ze słowami: šěrokosć, t. r. lubosć Khrystusowa wobjima wšitkich čłowjekow; dołhosć, t. r. lubosć Khrystusowa počina so we wěčnosći a dosaha do wěčnosće;

18. Zapřijeć móhli ze wšěmi swjatymi, kotra je šěrokość a dolhość, a wysokość a hlubokość,*

19. A spóznać lubość Khrystusowu, kotraž (wšitku) wědomość přewyšuje,* tak zo byšće napjelnjeni byli hač do wšeje połnośće Božeje.**

20. Tomu pak, kotryž je mócný, wšitko sčinić nadobnišo, dyžli prosymy abo rozymimy po mocy, kotraž we nas skutkuje:*

21. Jemu budź khwala w cyrkwi a w Khrystusu Jězus, za wšitke splahi wěki na wěki.* Amen.

STAW IV.

Pawoł napomina k duchownej jednoće, dopokazujo, zo je Khrystus wšelakim wšelake dary wudźělil, a zo je k natwarjenju swójeho čěła w cyrkwi wšelake rjady založil hač do kónca swěta; namołwja tohodla, zo bychy stareho čłowjeka so wuslekši noweho so woblekli, wobeju mjezsobne zadžerženje rozestajejo. Znowa napomina, zo bychy w tom čěle přebywajecy, so dźělili wot tych, kotřiž w duchu zaslepjeni njehańbićiwje po mjasnych žadosćach khodža, a nowe počinki so woblekli, přjedyše wotsudźiwši.

Napominam was tohodla ja, jaty w Knjezu, zo byšće hódnje khodžili w powołanju, z kotrymž sće powołani,*

1. Kor. 7, 20; Fil. 1, 27.

2. Ze wšej ponižnoścu a ćichomysl-

noścu, ze sćerpnosću, wobnošejcy so mjez sobu w luboći,

3. Prócuje so wobkhować jednotu ducha w zwjazku pokoja.*

Rom. 12, 16.

4. Jene čěło a jedyn duch (je), jakož sće powołani w jenej nadźiji swójeho powołanja.*

5. Jedyn Knjez, jena wěra, jena krćeńca,*

6. Jedyn Bóh a Wóte wšitkich, kiž je nad wšitkimi a přez wšitko a we nas wšitkich.*

Mal. 2, 10.

7. Kóždemu z nas pak bu data miłosć po měrje dara Khrystusoweho.*

Rom. 12, 3; 1. Kor. 12, 11; 2. Kor. 10, 13.

8. Tohodla praji (Pismo): „Spějo do wysokosće, je jate wjedl jastwo, dary dał čłowjekam.“*

Ps. 67, 19.

9. Zo pak je horje spěl, što rěka to hewak, hač zo je přjedy tež zestupil do nižšich dźelow zemje?*

10. Kotryž je zestupil, je tež tón, kiž je horje spěl nad wšitke njebjesa, zo by wšitko napjelnil.*

11. A wón je dał někotrych jako ja-poštołow, někotrych pak jako profetow, druhich zaso jako ewangelistow, druhich jako pastyrjow a wučerjow,*

wysokość, t. r. lubość Khrystusowa dosaha do njebies, dokelž njebieske kralestwo dóstanje; hlubokość, t. r. lubość Khrystusowa dosaha do podzemja, hdyž je wotemrětych sprawnych z předhele wuwjeda. — 19. Lubość Khrystusa njehodži so dopóznać, čłowjeska wědomość njemóže ju dowuslědźić a zapřijeć. ** t. r. hač Bóh ze wšěmi hnadami was napjelnil a we was bydli. — 20. Bóh móže we was wjacý skutkować, dyžli sebi myslić móžemy. — 21. Jeho njech khwali cyła cyrkej, t. r. wšitcy křesćenjo a to w Khrystusu Jězus, t. r. we wěrje do njeho, a w luboći z nim zjednočena.

IV. 1. t. r. zo byšće po křesćanskich kaznjach žiwi byli, a tak wěcnu zbožnosť, za kotruž sće powołani, woprawdže dobyli. — 3. t. j. zo bychy jena zmysleni byli, tu samu wěru wuznawali. — 4. Wšitcy wěriwi su jene čěło Khrystusowe, wožiwjene wot Ducha swjateho, a wočakuja tu samu wěcnu zbožnosť. — 5. Jězus je wšitkich knjez, dokelž je wšitkich ze swójeje smjerću wumožil; jena wěra zjednoča wšitkich z nim, jena krćeńca zaščěpi wšitkich do njeho. — 6. Wšitcy maju jenoho Boha a Wótea, wučinjeju jenu swójb. Tónle Bóh knježi a stražuje nad wšitkimi, skutkuje přez wšitkich a je we nas wšitkich přitomny. To dyrbi was pohnuć, zo byšće w přezjednosći žiwi byli. — 7. Hač runje maju wšitcy wěriwi to same powołanje, toho sameho Knjeza atd., njeje mjez nimi tola jenajkosć hnadow; ale kóždemu bu miłosć data, a to po wšelakej měrje, kotruž je Khrystus postajił. — 8. t. r. Khrystus wudźěla z njebies swóje dary a tak tež wšelake zastojnstwa w cyrkwi. „Je jate wjedl jastwo“, t. r. ze swójom do-njebies-spěćom swjećeše Khrystus sławne dobyće nad swojimi njepřećelemi, kotřiž buchu jeho jeći; dospołne pak budže to dobyće na sudnym dnju. — 9. t. r. wón wočłowječi a khodžeše na zemi a potom pozběhny so zaso do njebies z čłowjeskej naturow. — 10. Tón samy, kotryž wočłowječi a na zemju přinđže, spěješe tež do njebies a wopokaza z tym na zemi a w njebiesach swoju wšohomócu a dobroćiwosć. — 11. Wón t. r. Khrystus sam, kiž swóje dary po wosebitej měrje wudźěla, postaji w swójeje cyrkwi wšelakore zastojnstwa; japoštołow, t. j. tych dwanaćoch, kotřiž buchu wot Khrystusa samoho powołani k rozšěrjenju

12. K dokonjenju swjatyh za džěło služby, za natwarjenje ćěła Khrystusoweho,*

13. Hač bychmy wšitecy dóšli k jednoće wěry a spóznaća Syna Božeho, k dokonjanemu mužej, k měrje starobneje poľnosće Khrystusoweje,*

14. Zo bychmy hižo njebyli khablace džěćići, a njedali tam a sem so mjetać wot kóžděho wětra wučby přez złość čłowjekow, přez leść k zawjedženju do bluda;*

15. Ale (zo bychmy) prawdu činicy w lubosći na wšitkom rostli w tom, kotryž je hlowa, Khrystus,*

16. Přez kotrehož cyle ćěło, zestajene a zwjazane přez wšitkón zwjazk poslužowanja, po skutkowanju w měrje kóžděho stawu, zróst ćěła dokonja k wutwarjenju sebjě samoho w lubosći.*

17. To potajkim praju a wobswědčam w Knjezu,* zo byšće hižo njekhodźili,

jako tež pohani khodža w prózdności swajejeho zmysła,

Rom. 1. 21.

18. Dokelž maju začěmnjeny rozum, wotwobroćeni wot žiwjenja Božeho přez njewědomosć, kotraž je we nich dla sleposće jich wutrobow,*

19. Kotřiž bjez nadźije* sebjě samych podachu njehańbitosći w skutkowanju wšěje nječistoty, w nahrabnosći.

20. Wy pak njejsće tak Khrystusa nawuknyli,*

21. Sće-li jeho mjenujcy slyšeli a we nim rozwučeni byli, jakož je wěrnosć w Jězusu,*

22. Zo maće zložiť stareho čłowjeka po předyšim wobkhađenju, kotryž so zahubja po požadosćach bluda.

23. Wobnowće pak so w duchu swajejeho zmyslenja,

Rom. 6. 4.

24. A woblecće so noweho čłowjeka, kotryž je po Bohu stworjeny w swjatostej wěrnosće.* Kol. 3. 12.

jeho wučby; profetow, t. r. tych wot Ducha swjateho wosebiće rozswětlenych mužow, kotřiž při wukładowanju Božich potajnosćej tež přichodne podawki wozjewjachu; evangelistow, t. r. tych, kotřiž japoštołow při rozšěrjenju ewangelia podpěrachu, n. př. Filip, hl. Jap. sk. 21, 8; pastyrjow a wučerjow, t. r. tych, kotřiž jednotliwe křesćanske wosady wodźachu a wučachu. — 12. Khrystus postaji w cyrkwi wšelakorych zastojnikow, zo bychu jednotliwi w džěle swajeje služby wudokonyli skutkowali k natwarjenju ćěła Khrystusoweho, t. r. k wobkrućenju cyrkwe a wšěch jeje stawow, wšitkich wěriwych. — 13. Natwarjenje ćěła Khrystusoweho a dokonjenje swjatyh docpěje so z tym, zo wšitecy k jednoće wěry a k spóznaću Syna Božeho přiuđu, do swjateje cyrkwe zastupja a potom zróstu z duchowneho džěćowstwa k zraosći muža, t. r. jich wěra do Syna Božeho so wudospołni, a z tym docpěja měru staroby, w kotrejž móža poľnosć hnadow dóstać. — 14. Khrystus postaji wšelakore zastojnstwa w cyrkwi, zo bychmy přestali runja býć njewobstajnym džěćom, kotrež njemějcy kruteho přeswědčenja džensa tu a jutře druhu wučbu wěrja, wot leśćiwych čłowjekow so jebać a do bludow zawjesć dadźa. — 15. Njesměmy so we wučbach wjerćeć, runja džěćom, ale dyrbymy do wozjewjenych wěrnosćej kručće wěrić a po nich žiwi býć, wosebje skutki lubosće dokonjejeje we wšim přiběrać, štož móže nas z Khrystusom, našim wjerchom, jako jeho stawy kručće zjednoćić. — 16. Cyle ćěło, t. j. cyla cyrkej, kotrejež stawy, t. r. wěriwi su mjez sobu kručće zjednoćeni přez služby, z kotrymiž sebi mjez sobu pomhaju po měrje darow, kotruž jednotliwi dōstawaju, rosće a dokonja so k dospołnemu twarej přez swajejeho wjercha Jězusa Khrystusa, kotryž we wěriwych skutkuje přez Ducha swjateho. Hdyž wěriwi mjez sobu tak so podpěraju, wudospołnjeju so sami a přiběraju w lubosći. — 17. t. r. w jeho njenje, z jeho mocu. — 18. Pohani khodźachu w prózdności swajejeho zmysła, t. r. dokelž do Boha njewěrjachu, bě jich rozum začěmnjeny, a dokelž žiwjenje njeznajachu, kotrež hnada Boža w čłowjeku pldzi, bě jich wutroba kaš slepa. Njewědomi běchu w nastupanju Božskich wěrnosćej a njeplodni w křesćanskim žiwjenju. — 19. t. r. přichodneho žiwjenja a wěčneje zbōžnosće so njenadźijachu, a tuž podčisnychu so dobrowolnje swojim nakhilnosćam, wosebje nječistosći a nahrabnosći. — 20. Khrystusa nawuknyć reka spóznać, što wón je a što wón wučić; a štož do njeho jako Syna Božeho wěri, njemóže pohanscy žiwi býć. — 21. t. r. jelico sće woprawdže jeho slyšeli a w jeho woprawdžićej wučbje rozwučeni, maće so stareho čłowjeka swlec, přjedawšeho wobkhađenja so zdalować, dokelž stary čłowjek, t. r. wot hrěšnych nakhilnosćej wobkneženy, bliži so swojemu zahubjenju, dokelž je nakhilnosćam, z bluda wukhađacy, podčisnjeny. — 23. 24. t. r. cyle duchowne žiwjenje, zmyslenje a žadanje dyrbi so wobnowić; přeměnenje, kotrež wěra do Jězusa we čłowjeku dokonja, ma w znutkownym, we duchu so stać; po Bohu, t. r. po podobnosći Božej je tajki nowy čłowjek

25. Tohodla wotpołożiwiš lžu, rěće wěrnosć kóždy ze swojim bližšim, dokelž smy mjez sobu stawy.*

1. Pětr. 2, 1; Zach. 8, 16.

26. Hněwajće so, a njehršće;* slóncó njezakhadźej na wašim hněwje.

Ps. 4, 5.

27. Njedawajće města djabolej.*

Jak. 4, 7.

28. Štóž kradnješe, njech wjacj nje-kradnje; bóle pak njech džěla, dokonjejo ze swojimaj rukomaj, štož je dobre, zo by měł, z čohož by nuzu ćerpjacemu sobudźělil.*

29. Žana zła rěč njewukhadźej z wašeho rta; ale je-li dobra k natwarjenju wěry, (wuńdź), zo by hnadu dała poslušacym.*

30. A njerudźće Božeho Ducha swjateho, w kotrymž sće poznamjenjeni za džen wumóženja.*

31. Wšitka hófkosć a rozhorjenje, a hněw a wołanje a kleće njech je zdalene wot was ze wšitkej zlóscu.

32. Ale budźće mjez sobu dobroćiwi, miłosćiwi, wodawajcy jedyn druhemu, jako je tež Bóh w Khrystusu wam wodał.*

STAW V.

Pawoł napomina, zo bychu Khrystusa scěhowali, džěleni wot wšoho hrěcha a wšeje zlóscu, a čas derje wužiwaycy, duchowne počinki sebi dobywali, kotraž njenuje; chce, zo bychu mandželske mužam poddate byle, a zo bychu mužowje swoje mandželske lubowali, kaž Khrystus cyrkej lubowaše.

Budźće scěhowarjo Boži, jakož najlubše džěci,*

2. A khodźće w lubosći, jakož je tež Khrystus nas lubował a sebje samoho podał za nas jako dar a wopor Bohu k slódkkej wóni.*

3. Kurwafstwo pak a wšitka nječistota abo nahrabnosć njech ani so njemjenuje mjez wami, jakož swjatym so słuša;*

4. Abo njehańbićiwosć abo nablazne rěče abo tryski, kotraž k wěcy njeslušeju, ale bóle džakprajenje.*

5. Přetož to wěźće a spóznaćje, zo žadyn kurwaf abo nječisty abo nahrabny — štož je přibóžstwo —, nima herbstwa w kralestwje Khrystusowym a Božim.

6. Nichtó njech was njezawjedže z prózdnymi słowami; přetož tutych (hrěchow) dla přikhadža hněw Boži na džěci njewěry.* Mat. 24, 4; Mark. 13, 5; Luk. 21, 8

2. Thess. 2, 3.

7. Nječićće so tohodla jich towaršowje.*

stworjeni, ze swjatosćacej hnadu debjeni, tohodla swjaty a sprawny, kaž přeni čłowjek před zhrěšenjom. Wěrnosć knježi w nim, a nie wjacj blud, kaž w hrěšnym pohanskim čłowjeku. — 25. Křescenjo njesmědža lhać, dokelž su mjez sobu kaž stawy jenoho čěla, kotraž maju so mjez sobu podpěrać. — 26. 27. t. r. njehněwajće so tak, zo byšće z tym zhrěšili; wšitkón hněw njeje zakazany, dokelž móže drubdy k hněwej sprawnu wina być; hněw pak njesmě dołho trać, dokelž dolhi hněw wužije lohcy djabol, a zawjedže hněwného do druhich hrěchow. — 28. t. r. čini ze swojimaj rukomaj, štož je bližšemu k wužitku, khudym pak podpěra, zo by tak swoju prjedyšu njesprawnosć zarunał. — 29. t. r. tajku rěč dajće słyšeć, kotraž druhich we wěrje wobkruća a w poslušacych hnadu Božu rozmnoža. — 30. Ze złymi rěčemi wuhonja so Duch s. z našeje duše, a dokelž Bóh nas lubuje a našu wěčnu zbóžnosć horco žada, rudži so takrjec jeho Duch, hdyž dyrbi nas wopuścić; wón je zawdawk našeje zbóžnosće, z kotrymž buchmy džěci Bože a za džen wumóženja, t. r. sudny džěci woznamjenjeni jako wumóženi Khrystusowi. — 32. Wodajće jedyn druhemu, dokelž a jakož je Bóh zaslužbow Khrystusowych dla wam wodał.

V. 1. Džěci činja najbóle, štož staršich činić widža; jako džěci Bože maju křescenjo swojich bližšich lubować, kaž Bóh čłowjekow lubowaše. — 2. Khrystus wopokaza swoju lubosć k nam z tym, zo so za nas Bohu woprowaše, a tónle wopor spodobaje so Bohu runja slódkkej wóni. Wo woporach stareho zakonja, kotraž so Bohu spodobachu, rěkaše, zo su před nim kaž slódkka wóni. — 3. Hrěchi nječistoty nimaju křescenjo ani po mjenje znać, dokelž so wone ze swjatosću žiwjenja njeznjesu. — 4. Dar rěče njesmě so nałožec k njehańbićiwym a tryskowym słowam, ale k džakprajenju za dobroty Bože. — 5. Jako přibóžnik k wšelakim wěcam, kaž wobrazam, zwěrjatam atd. so modli, tak nahrabny k pjenjezam a druhim časnym kublam. — 6. t. r. njewěće tym, kotřiž praja, zo su tajke wěcy dowolene; runje tajkich hrěchow dla je Bóh často khostał njewěriwych. — 7. t. r. njeměće džěli; na jich hrěšnych skutkach.

8. Přetož běšće něhdy éma, nětko pak (sće) swětle w Knjezu. Jakož džěci swětle khodźće,

9. (Přetož plód swětle je we wšej dobroće a sprawnosći a wěrnosći),*

10. Pytajcy, što je Bohu spodobne;*

11. A njemějće džěl na njeplódných skutkach émy, ale bóle porokujće je.*

12. Přetož štož so w potajnym wot nich stawa, je samo prajíc hańba.

13. Wšitko pak, štož so porokuje, bywa wot swětle zjewjene; přetož wšitko, štož so zjewja, je swětle.*

14. Tohodla so praji: „Wstań, kotryž spiš, a wstań z mrtwych, a rozswětli tebjě Khrystus.“*

15. Hladajće potajkim, bratřa, kak byšće rozhladnje khodźili, nic jako njemudri,

Kol. 4, 5.

16. Ale jako mudri, wukupujcy čas; přetož dny su zle.*

17. Tohodla njebudźće njerozumni, ale spóznajće, što je wola Boža.

Rom. 12, 2; 1. Thess. 4, 3.

18. A njewopojejće so z winom, w čimž je požadliwosć, ale budźće napjelnjeni z Duchom swjatym;*

19. Rěčicy mjez sobu w psalmach, a spěwach a duchownych pěsnjach, spěwajcy a so zradujcy w swoich wutrobach Knjezej,*

20. Džak prajicy stajnje za wšitko w mjenje našeho Knjeza Jězusa Khrystusa Bohu a Wótcej.

21. Poddaci (budźće) mjez sobu w bojosći Khrystusowej.*

22. Žony njech su svojim mužam poddate jakož Knjezej.*

1. Móž. 3, 16; Kol. 3, 18; 1. Pětr. 3, 1.

23. Přetož muž je hlowa žony, jakož je Khrystus hlowa cyrkwe; wón je wumóžnik swójeho čěla.**

24. Ale jakož je cyrkej poddata Khrystusej, tak (njech su) tež žony svojim mužam we wšim.*

25. Mužowje, lubujće swóje žony, jakož je tež Khrystus cyrkej lubował a sebje samoho za nju podal,*

9. Tajke hrěšne skutki činja so z njewědomosće, za was pak je čas émy abo njewědomosće so minyl, a swětle, křesćanska wěrnosć wam nětko swěći; tohodla maće jako džěci swětle, jako derje rozwučeni křesćenjo žiwi być w dobroćiwosći, sprawnosći a wěrnosći, dokelž tajke plody njese křesćanska wěrnosć. — 10. Štóz w swětle khodźi, rozeznawa derje wšelake wěcy a pruhuje, kotře so Bohu spodobaju; tak maće wšitko přepytać a rozsudźeć po křesćanskej wěrnosći, a to dokonjeć, štož tak za Bohu spodobne spóznajće. — 11. Skutki émy su njeplódné za njejesku zbóžnosć, tajke njesmědža tohodla křesćenjo činić, ale wjele wjacy jako njeprawe a hrěšne ze svojim žiwjenjom wotsudźeć a zjawnje porokować. — 12. 13. Skutki, kotřež so wot pohanow potajnje činja, su tak wohidne, zo so njehodža ani mjenować; hdyž su přez was dobre pócciwé žiwjenje, t. j. přez was swětle wotsudžene jako wohidne, zjewja so, t. r. spóznaja so zawěsće po něčim jako njekmane, a tak so stanje, zo so hrěšnych skutkow po něčim wotwuča, swětlej wěrnosće so bliža a wot njeho so rozswětluje a tak su potom same swětle, t. r. přinu ke křesćanskej wěrnosći a bywaju křesćenjo; přetož w přirodže a tež w čłowjeskim žiwjenju swětle přijima a swětle bywa, štož je wot swětle rozswěćene; tohodla so zjewja. — 14. t. r. wocné z hrěšneho spara přez dobre počinki, kotřež w žiwjenju druhich widžiš, a křesćanska wěrnosć tež tebjě rozjasni; tuto napominanje, po słowach stareho zakonja (Is. 60, 1 a 26, 19) zestajene, žada sebi wot křesćanow dobry přikład swjateho žiwjenja, z kotrymž maju pohanow wot njekmaustwow wotwobroćeć. — 16. Naložujće čas a přiležnosć mudrje k dobremu; přetož w tajkich złých časach, w kotrychž telko strachow a spytowanjow hrozy, dyrbi so na wšitko kedźbować. — 17. 18. Wopilosć wabi k mnohim hrěcham, dokelž hrěšnu požadliwosć zbudźuje; ale z Duchom swjatym maju so napjelnjeć. t. r. žadać za tym, k čomuž Duch swjaty jich pohnuwa. — 19. Mjez tym zo wopilosć wšelaku njemdrú wjeselosć plódzi, pohonja Duch swjaty k duchownym spěwam a k čichej wutrobnej radosći, z čimž so Bohu Knjezej najrjeńšo džak a khwalba wupraja přez Jězusa Khrystusa za wšitke dary. — 21. Kotřiž su druhim poddaci, dyrba posluchać, nic z bojosće před khostanjom, ale z bojosće před Khrystusom, kotryž budže jich sudzić. — 22. t. r. žony maju svojim mužam tak poslušne być, jakož Khrystusej, dokelž muž je na Khrystusowym měsće jich hlowa abo wjerch. — 23. Jakož je Khrystus wjerch swojeje cyrkwe, kotruž wodźi a zakituje, tak ma muž swoju žonu wodźić a so za nju starać. — ** Wjerch cyrkwe pak je Khrystus přez to, zo je ju wumóžil; wumóženi su takrjec stawy jeho čěla. — 24. Jakož je cyrkej swójemu wjerchaj Khrystusej poslušna, tak maju žony we wšim swoich mužich posluchać. — 25. Mužowje pak maju swóje žony lubować,

26. Zo by ju poswjećił, wučisćiwši z kupjelu wody w słowje žiwjenja,

27. Zo by sam sebi sćinił cyrkej krasnu, kotraž nima nješwary abo zmorska abo něšto tajkeho, ale zo by była swjata a njeznješwarnjena.*

28. Tak tež maju mužowje lubować swoje žony jakož swoje čěla. Štóz swoju žonu lubuje, sebje samoho lubuje.*

29. Přetož nihtó njeje hdy swoje čělo hidził; ale žiwi a wohrěwa je, jakož tež Khrystus cyrkej,*

30. Dokelž smy stawy jeho čěla, z jeho mjaso a z jeho kosći.*

31. „Tohodla wopuści čłowjek nana a mać, a přidžerži so k swojej mandželskej, a budžetaj dwaj w jenom čěle.“

1. Mójz. 2, 24; Mat. 19, 5; Mark. 10, 7; 1. Kor. 6, 16.

32. Tuto potajnstwo je wulke; ja pak praju w Khrystusu a w cyrkwi.*

33. Ale tež wy jednotliwi, kóždy lubuj

swoju mandželsku, jakož sebje samoho; mandželska pak njech so boji swojeho muža.*

STAW VI.

Džěci njech posłuchaju staršich, služowni knježich, tohorunja pak njech wopominaju starši swoju winowatosć přećiwo džěcom, a knježa přećiwo služownym. Japoštoł napomina, zo bychy so brón Božu woblekli, tak zo bychy přećiwo duchownym njeprěčelam wobstali, a žada tež, zo bychy za njeho prosyli.

Džěci, posłuchajće svojich staršich w Knjezu;* přetož to je sprawne.

2. „Česćuj swojeho nana a swoju mać“; to je přenja* kaznja ze slubjenjom:

3. „Zo by so tebi derje šlo, a (zo by) dolho živy był na zemi.“* 2. Mójz. 20, 12; 5. Mójz. 5, 16; Sir. 3, 9; Mat. 15, 4; Mark. 7, 10; Kol. 3, 20.

4. A wy, nanowje, njewabće swoje džěci k hněwej, ale kublajće je w krutobje a napominanju Knjezowym.*

jakož Khrystus swoju cyrkej lubowaše, a sebje samoho za nju woprowaše, zo by ju čisćił přez swjatu křćeńcu, a swjećił přez słowo žiwjenja, t. r. přez swoju swjatu wučbu; tak dyrba mužowje swoje žony lubujće so starać, zo bychy čisće a swjeće žiwe byle. — 27. Khrystus woprowaše so za swoju cyrkej, zo by ju čisćił a swjećił, a zo by byla, hdyž něhdy na sudnym dnju po nju přihdže, cyle dospołna, bjez najmjeńšeho hrěcha abo zleje nakhlilnosće. — 28. Jako Khrystus swoju cyrkej z woporniweje lubosće lubowaše, dokelž je wona jeho čělo, tak maju mužowje swoje žony lubować, kotraž su jich čělo, a tohodla plaći lubosć jich samsnemu čělej; a tale lubosć ma woprijće tež starosć za woprawdžite zbože žonow. — 29. Dokelž kóždy swoje čělo žiwi a wohrěwa, dyrbi po tom samym přinarođenym zakonju swoju žonu lubować, po Khrystusowym přikładze, kotryž swoju cyrkej žiwi ze svojim mjasom a ze swojej krewju a ju wohrěwa ze svojim Duchom, kiž njeprěstawo swjatu lubosć w njej zahorja. — 30. Khrystus je wjech svojich wumóženych, swojeje cyrkwe; wumóženi pak su stawy jeho čěla; tón počah pak je nic jeno duchowny, ale tež čělo nastupacy. Tohodla móže s. Pawoł prajić: „smy stawy jeho čěla, wot jeho mjaso a jeho kosći;“ w swjatej křćeńcy mjenujće buchmy tež po čěle z njeho znwaroźeni, dóstawiš zawdawak přichodneho wotmoriwych-wstaća a překrasnjenja. To čělo, kotraž so něhdy překrasni, bu we s. křćeńcy do nas zakorjenjene, a tónle korjeń překrasnjomneho čěla je staw překrasnjomneho čěla Khrystusa. Tónle korjeń ma we nas rosć a so wudokonjeć, dyrbi a posylnjeć přez hnađu Božu a wosebje přez wužiwanje wěrneho čěla Jězusoweho. Jězus je sam slubił, zo toho, kiž jeho mjaso je a jeho krej pije, zbudži na poslednim dnju (Jan. 6, 55). Potajkim tež po čěle smy stawy čěla Khrystusoweho. — 31. 32. Tute słowa njepočahuja so na mandželstwo, na zwjazk wobstojacy mjez mandželskim a mandželskej, kiž je nutniši a krućiši, dyžli druhe swojbne zwjazki, ale wone maju potajniši wuznam, pokazujće na zwjazk, kiž mjez Khrystusom a cyrkwu wobstoji. Přetož tež Khrystus je při wočłowječenju swojeho njebieskeho Wótca wopuścił, a potom swoju mać, synagogu, a je z wumóženym čłowjestwom, ze swojej cyrkwu, jakož we mandželstwie so zjednočil, tak so staj Khrystus a cyrkej jene čělo. Dokelž je mandželski zwjazk wobraz potajneho zwjazka mjez Khrystusom a cyrkwu wobstojaceho, je wón swjaty a hnadowny. — 33. Mandželska njesmě so spuścićej na lubosć swojeho mandželskeho ženje přestać w swjatej bojosći jeho posłuchać.

VI. 1. t. r. Boha dla. — 2. t. r. přenja, kotraž so počahuje na winowatosće, kajkež maju čłowjekowje mjez sobu dokonjeć; tež přenja, kotraž wosebje slubjenje dósta. — 3. t. r. w kraju slubjenja, w Kanaan; móžemy pak tež zrozumić kraj wěčneje zbožnosće. — 4. t. r. njebudźće přećiwo nim přejara krući, ale přiwuće je k winowatej poslušnosći z křesćanskim napominanjom.

5. Wotročey, poslušajće čělnych knjezow,* z bojosću a třepotanjom, we wěrnosći swojeje wutroby, jakož Khrystusa, Kol. 3, 22; Tit. 2, 9; 1. Pětr. 2, 18.

6. Nic k woćomaj služicy, jako či, kotřiž chcedža čłowjekam so lubić, ale jako wotročey Khrystusowi, wolu Božu z wutroby činicy;

7. Z dobrej wolu služicy, jakož Knjezej, a nie čłowjekam;

8. Wědźicy, zo kóždy, štožkuli je dobre činił, to zaso dóstanje wot Knjeza, njech je wotroček, njech je swobodny.

9. A wy, knježa, čirće jim to same, wostajejcy so hroženjow, wědźicy, zo je jich a waš Knjez w njebjesach, a džiwanje na wosoby njeje pola njeho.*

5. Móž. 10, 17; 2. Khrón. 19, 7; Job. 34, 19; Mudr. 6, 8; Sir. 35, 15; Jap. sk. 10, 34; Romsk. 2, 11; Kol. 3, 25; 1. Pětr. 1, 17.

10. Hławak, bratřa, posylujće so w Knjezu, a w zamóžnosći jeho mocy.*

11. Woblečće so brón Božu,* zo byšće móhli wobstać přećiwo lečenjam djabola.

12. Přetož naše wojowanje njeje (jeno) přećiwo mjasu a krewi, ale přećiwo wjeršam a mocam, přećiwo knježičerjam swěta tuteje émy, přećiwo ducham zlésc pod njebjom.*

13. Tohodla wzmiće brón Božu, zo byšće so wobróc móhli na złym dnju a we všim hotowi stać.*

14. Stójće potajkim, wopasani na swojich ledźbach z wěrnosću, a woblečeni ze železnym kabatom sprawnosće,*

15. A na nohomaj wobući z hotowosću za ewangelium pokoja.*

16. K všomu wzmiće nastawu wěry, z kotrejž zamóžće všě žehliwe kłoki zleho wuhasyć.*

17. A wzmiće nahłownik spomóženja* a nječ ducha, kotryž je słowo Bože,**

Is. 59, 17; 1. Thess. 5, 8.

18. Přez kóždu modlitwu a próstwu w kóždym času so modlicy w duchu, a w tom kedžbujej ze všěj wobstajnosću a próstwu za všěch swjatych,*

Kol. 4, 2.

5. t. r. kotrymž z čěłom služice, tych poslušajće jakož Khrystusa, wašeho duchowneho Knjeza, a to z bojosću a třepotanjom, t. r. ze všěj kedžbliwosću, so bojicy jich rozhněwać; we wěrnosći, t. r. jako tajcy, kotřiž nježadaju čłowješkeho spodobanja, ale kotřiž čłowjekam služa, dokelž je to wola Boža, z nadžiju na wěčne myto. — 9. t. r. budźće lubosćiwi přećiwo wotročkam so dopomnjejeje, zo maće toho sameho Knjeza, a sprawného sudnika, kaž woni. — 10. t. r. žadajće, zo by was Bóh ze swojej hnadu wobkrućal, zo byšće zle skerje předobyl. — 11. t. r. nałožujće wšitke srědky, kotrejž wam hnada Boža poskića. — 12. t. r. nimamy jeno so wobarać słabych čłowjekow, ale djabola, a złych duchow, kotřiž su podobnje, kaž jandželoje, do wšelakich rjadownjow džěleni; djabola w mjenuje japoštoł knježičerjow swěta, dokelž swět, t. r. kublam toho swěta cyle poddatych nawjeduja; tónle wot nich nawjedowany swět khodži w duchownej émě, dokelž swěto wěrnosće hidži. Z cyla nie čłowjekow, ale złych duchow, kotřiž su pod njebjom, t. r. wyše nas, mamy so wobarać, a tohodla duchownu brón so wblec. — 13. t. r. zo byšće ze všim wobronjeni wobstali w času stracha a čěžkich spytowanjow. — 14. Jako pas a železny kabát wojowarjowe čěło zakituje, tak ma so křesćan wobronić z wěrnosću a sprawnosću, ma wšelake bludy, kotřež so jemu natykaja, wotpokazać z křesćanskej wěrnosću, a wabjenja k přestupjenju kazni Božich ze sprawněj krutej wolu. — 15. Jako wojak, na puć so hotowacy, čirje so wobuwaj, tak ma křesćan z ewangelium, t. r. z wučbami a napominanjami na puć křesćanskeho žiwjenja so přihotować; hłowne wobjeće ewangelia pak je pokoj, kotryž bu mjez Bohom a čłowjekom přez Jězusa Khrystusa dobyty, a runje nadžija na tónle slódky pokoj dyrbi křesćana w jeho wojowanju přećiwo złemu posylnjeć a k wutrajnosći pohnuwać. — 16. Nastawa bě hłowna brón, z kotrejž so romski wojak wobaraše. Wěra, a to žiwa kruta wěra dyrbi za křesćana tajka brón być, z kotrejž wón čězke spytowanja, wosebje žehliwe kłoki, t. r. wabjenja k nječisćosće poduša. — 17. Nahłownik zakitowaše wojakowu hłowu: dopomnjeće abo nadžija na wěčnu zbóžnosć ma křesćana w čěžkich spytowanjach zakitać. ** Wojak ma nic jeno so wobarać, ale tež njeprěćela přimać a k tomu nosy mječ; tajki mječ ma křesćan w słowje Božim, kotrejž je Duch swjaty za njeho přihotował, zo by z nim wopaćne lubjenja zleho njeprěćela zničil, kaž něhdy Jězus, hdyž djabol tež na njeho so zwažil. — 18. Hač runje je takle wobronjeni, nima so křesćan na sebje samoho spuścić, ale dyrbi tež Boha njeprěstawajo prosyć w duchu, t. r. swoje mysle a žadanja k njemu wobroćić, a tak kedžbliwje, zo we všim, štož čini, Boha we woćomaj zdžerži.

19. A za mnje, zo by mi data byla řeč při wotewrjenju mojeho rta, zo bych z dowěru wozjewjał potajnosć ewangelia,

20. Za kotrež poselstwo činju w rječazu, zo bych w nim so zwažil rěčeć, kaž so mi słuša.*

21. Zo pak byšće tež wy wědzeli, što so ze mnu stawa, što činju, wozjewi wam wšitko Tychikus, najlubši bratr a swěrný služownik w Knjezu,*

22. Kotrehož k wam poslał runje k tomu, zo byšće spóznali, što so z nami stawa, a zo by pokojil waše wutroby.

23. Pokoj bratram a lubosć z wěru wot Boha Wótca a Knjeza Jězusa Khrystusa.*

24. Milosć ze wšěmi, kotřiž lubuja našeho Knjeza Jězusa Khrystusa w njezachodnosći. Amen.



LIST S. JAPOŠTOŁA PAWOŁA NA FILIPPENSKICH.

STAW I.

Z wulkeje přikhiłosće, kotruž ma za Filippenskich, wozjewja Pawoł, zo jeho čěsnosće wjetši plód za ewangelium njesu; njeby-li tónle wužitk widzał, by žadał, zo by wumřel a z Khrystusom byl; napomina jich, zo bychů hódnje po ewangeliju Khrystusowym žiwi byli, za kotrež su hižo čerpjenja wustali.

Pawoł a Timotheus,* služownikaj Jězusa Khrystusa, wšitkim swjatym w Khrystusu Jězus, kotřiž su we Filippi, z biskopami a diakonami.**

2. Milosć wam a pokoj wot Boha našeho Wótca a Knjeza Jězusa Khrystusa.

3. Džakuju so swojemu Bohu w kóždym spominanju na was,*

4. Přeco we wšěch svojich modlitwach za was wšitkich z wjesolosců próstwu činjo,

5. Dla wašeho wobdžělenja w ewangeliju Khrystusowym wot přnjeho dnja hač dotal,

6. Dowěrnje to same wočakujo, zo tón, kiž we was dobry skutk poča, jón zdonkja hač do dnja Khrystusa Jězusa;*

7. Jakož džě je za mnje zdobne, to wo was wšitkich myslić, dokelž mam

19. 20. Za wšěch swjatych, t. r. křěćanow dyrba so modlić, ale tola wosebje za Pawoła, zo by wón jako jaty njebojaznje a prawje ewangelium wozjewjał, kotrehož posoł je. — 21. Tychikus mjenuje so tež w Jap. sk. 20, 4; Kol. 4, 7; 2. Tim. 4, 12; Tit. 3, 12; bě z romskeje Asije rodzeny a pozdžišo biskop w Chalcedonje. — 23. Kaž bě Pawoł list spočał, tak jón skónči z přěcom, zo by pokoj a lubosć z wěru a milosću mjez nimi byla a přiběrała. To su najwosobniše kubła křěćanskeho žiwjenja; kruta wěra do Jězusa płodzi pokoj a lubosć a zdžeržuje spodobanje Bože. Tute kubła zaslůži nam Jězus Khrystus a wudžěluje Bóh Wótc wšitkim, kotřiž w njezachodnosći, t. r. njeprěstawajcy lubuja našeho Knjeza Jězusa Khrystusa.

I. 1. S. Pawoł mjenuje w postrowjenju Timothea, dokelž bě jeho tón přewodzał, hdyž na swojim druhim japoštołskim pućowanju město Filippi wopyta a přěnu křěćansku wosadu tam zapoži. Timotheus bě tohodla Filippenskimi znaty; Pawoł pak chcyše jeho tež znowa k nim poslać, a tuž jich hnydom na spočatku lista na njeho dopomina. ** Wyše wšitkich swjatych, t. r. křěćanow postrowja Pawoł wosebje wosadnych přědstojnikow, t. r. měšnikow a jich pomocnikow; słowo biskop rěka poprawom dohladowať a naložuje so w přěních časach tež za měšnikow. — 3—5. Spominajo na Filippenskich wjeseli so Pawoł a wjeselo hnuje jeho k džakej, zo su woni wot spočatka k tomu přinošowali, zo by swjate ewangelium so rozšěrjało, a zo swoju darniwosć za ewangelium nětko wopokazachu, jeho znowa podpěrawši. — 6. Bóh, kotryž ze swojej hnadu tak zaslůžbne zmyslenje zbudži, je tež zdžerži a wobkrući, tak zo budža na dnju, hdyž Khrystus zaso přiněže, dokonjeni ludźo.

was we wutrobje, kotřiž sće w mojich putach, a we zarěčowanju a we wobkrućenju ewangelia wšitcy towaršowje mojeje wjesolósće.*

8. Přetož Bóh je mi swědk, kak za wami wšitkimi žadam we wutrobje Jězusa Khrystusa.*

9. A za to prošu, zo by waša lubosć bóle a bóle přiběrała we wědomosći a we wšim nazhonjenju,*

10. Zo byšće připóznawali lépsje, a čišći byli a bjez poroka na džen Khrystusowy,*

11. Napjelnjeni z plodom sprawnosće přez Jězusa Khrystusa, k slawje a khwalbje Božej.

12. Chcu pak, bratřa, zo byšće wědzeli, kak je, štož so mi stawa, k wjetšemu wužitku ewangelia přišlo,*

13. Tak zo su moje puta Khrystusa dla znate we wšim wojefskim hrodze a we wšěch druhich,

14. A zo wjacori z bratrow, w Knjezu dowěriwi přez moje puta, so bóle zwazichu bjez bojosće słowo Bože rěčeć.

15. Někotři drje wopowěduja Khrystusa ze zawisće a zwadniwosće, někotři pak tež z dobreje wole;*

16. Někotři z lubosće, wědzicy, zo sym k zarěčowanju ewangelia postajeny.*

17. Někotři pak ze zwadniwosće Khrystusa připowěduja njeprawdziwje, měnicy, zo bych u čěsność mojim putam zbudžili.*

18. Što je wo to? Hdyž jeno ze wšim, njech z přiležnosće, njech we wěrnosći Khrystus so připowěduje; nad tym so wjeselu a budu so wjeselić,*

19. Přetož wěm, zo mi to přindže k spomóženju přez wašu modlitwu a pomoc Ducha Jězusa Khrystusa,

20. Po wočakowanju a mojej nadžiji, zo njebudu w ničim zahanbjeny, ale zo budže při wšej dowěriwosći, jakož přeco, tež nětko Khrystus wulcy khwaleny w mojim čěle, njech je přez žiwjenje, njech je přez smjerć.*

21. Přetož Khrystus je mi žiwjenje, a wumrěće (je) dobyće.*

7. Prawo k lubosći a k dowěrje, zo Filippenscy w dobrym wobstajni zwostanu, ma Pawoł w tom, zo su tak nutry dźěl brali na jeho putach, a tež na jeho dźělach za rozšěrjenje a wobkrućenje ewangelia; tute dźěla a čerpjenja za ewangelium přihotuja Pawołej wjesolósće a tuž mjenuje Filippenskich towaršow swojeje radosće, dokelž po swojich mocach na dźělach so wobdźělachu. — 8. t. r. moja wutroba je z Jězusowej wutrobu nutrynje zjednočena, tak zo jeno to žadam a lubuju, štož Jězus žada a lubuje, a tohodla žada za wami Jězusowa wutroba. — 9. Pawoł prosy, zo by jich křescanska lubosć njeprěstawajcy přiběrała z tym, zo křescanske wěrnosće lépje spomawaju a w žiwjenju swěrněšo naložuju, a tak přeco bóle jich spomóžnosć sami nazhonja. — 10. Křescanske wěrnosće lépje spóznawši budža so před błodom a brěchom zakitać, a dobre skutki wukonjeć, kotraž so plód sprawnosće mjenuja, dokelž su hakle te skutki dobre, kotraž wosprawnjeni, t. r. w swjatosćej hnadze Božej, nam wot Khrystusa zasluženej, k česći Božej dokonjamy. — 12. Pawoł pokoji Filippenskich, zo tež jeho jastwo ewangeliu nješkodzi, ale je rozšěrjeć pomha, dokelž je tež w kejžorowym wójsku znate, zo je Pawoł Khrystusa dla jaty, a zo družy z jeho přikładom posylnjeni bjez stracha słowo Bože rozšěrjeju. Stajnje jedyn wojak z tych, kotřiž mějachu kejžora zakitować, Pawoła stražowaše a tak słyšeše, štož Pawoł wučěše; tak bu křescanstwo tež mjez wójskom rozšěrjene. — 15. Wšitcy, kotřiž tak khroble słowo Bože rozšěrjeju, nječinja to w dobrym wotpohladanju, ale někotři zawidza mi; štož sym dokonjał, a pomjenšeju to, družy pak podpěraju moje dźěło. — 16. Někotři spóznawši, zo sym wot Boha postajeny, zo bych ewangelium zarěčował, podpěraju mje z lubosću. — 17. Někotři pak připowěduja Khrystusa w njeprawym wotpohladanju, zo bych u z tym překoru syli a moju čěsność hišće powjetšili. — 18. Tola moji přeciwnicy mje z tym njerudža; jeno hdyž Khrystusa připowěduja, wjeselu so nad tym, byraje jich wotpohladanje njeprawe było. Tući přeciwnicy njeběchu błudni wučerjo, ale najskerje žadachu sebi plaćiwosć cyłeho židowskeho zakonja, a hanjachu Pawoła, dokelž wučěše, zo su wělake postajenja Mójesoweho zakonja, n. př. wobřezanje, wopory atd., přez křescanstwo zběhnjene. — 20. Budu so tež přichodnje wjeselić, dokelž sym přeswědčeny, zo budža wšitke čěsnosće, kotraž mi přeciwnicy přihotować pytaju, k mojemu spomóženju, dokelž wy za mnje prosyće a Duch swjaty a hnadu mje podpěra; štožkuli dokonjeju, ja njebudu přez to zahanbjeny, ale docpěju swój zaměr, Khrystus budže přez mnje slawjeny, njech štožkuli so ze mnou stanje, njech sym žiwy abo njech budu mórjeny. — 21. Zaměr mojeho cyłeho žiwjenja je překrasnjenje Khrystusa; jeničcy za Khrystusa sym žiwy, a wumru-li, dobudu, dokelž so z Khrystusom zjednoću.

22. Je-li pak žiwjenje w ćele, to mi plód skutkowanja, ani njewěm, što bych wolił.*

23. Sym pak we wuzkoscí dźeržany wot wobeju (stronow), hdyž mam žadosć wumrěć a z Khrystusom być, štož je wjele lěpje;

24. W ćele wostać pak je trěbne was dla.*

25. A na to so spuśćejo wěm, zo wostanu a z wami wšitkimi zwostanu k wasemu wužitku a k wjesoloscí wěry,*

26. Zo by waše zradowanje nadobywało w Khrystusu Jězusu nade mně přez mój zasopřikhad k wam.*

27. Jenó hódnje khodźće po ewangeliju Khrystusowym, zo bych, njech přidu a was wohladam, njech sym njepřitomny wo was słyšał, zo stojće w jenom duchu jenomyslnje, sobudźělajcy we wěrje ewangelia,*

28. A zo w ničim so njestrachujete přeciwnikow; štož je jim přičina zahubjenja, wam pak zbóžnosć,* a to wot Boha;

29. Přetož wam je date za Khrystusa, zo byšće nic jenó do njeho wěрили, ale tež za njeho ćerpjeli,*

30. Dokelž maće to same wojowanje, kajkež sće na mni widźeli a nětko wo mni słyšće.*

STAW II.

K luboscí a k přezjenoscí a k wutrobnej ponižnosć napomina jich horliwje a zo bychu skutkowali po přikładze Khrystusowym, w kotrehož mjenje so kóžde koleno zhibuje, w bojoscí za swoju zbóžnosć. Zbóžnjuje jich, zo su mjez zlymi swjeće žiwi, a sebje samoho, zo ma tajkich wučownikow. Timothea khwali, zo swěrnje ewangelium připowěduje a posłucha; tohorunja tež Epafrodita, kotrehož k nim sće, hdyž je wotkhorjel.

Je-li potajkim hdže napominanje w Khrystusu, hdže pokojenje lubosće, hdže zjednoćenstwo ducha, hdže wutroba smilnosće:

2. Dospołńće moju radosć, zo sće jenajkeho zmyslenja, tu samu lubosć mějcy, jednomyslni, to same zrozumjejcy,*

3. Ničo (nječinicy) ze zwady, ani z prózdneje khwalby, ale w ponižnosć jedyn druhého wyše wažicy,*

4. Toho njehladajcy, štož jemu słuša, ale to, štož druhim.*

5. Tak mjenujcy budźće we sebi zmysleni, jakož tež Khrystus Jězus běše,*

6. Kotryž, hdyž běše w podobje Božej, za rubjeństwo njeměješe, Bohu runja być,*

22. Hdyž je smjéré za mně dobyće, dokelž so Khrystusom zjednoću, žiwjenje w ćele pak mi přiležnosć k japoštołskemu skutkowanju poskića, njewěm, što mam wolić. — 24. Woboje mje tloći: žadosć za smjérću, dokelž so tak z Khrystusom zjednoću, a žadosć za dalsim žiwjenjom, dokelž móžu z tym wam služić. — 25. Dokelž wy mojeje služby potrebujete, nadźiju so, zo hišće žiwy wostanu, zo byšće pokročeli we wěrje a tu swjatu wjesolost začuwali, kotraž z wěry nastawa. — 26. Zo bych zaso k wam přinć móhl a wy na mni prawu wjesolost měli. — 27. t. r. zo byšće wutrali w tom samym zmyslenju a swěrnje sobudźělali jakož dotal za rozsěrjenje ewangelia. — 28. Zo su waši přeciwnicy a wěriwych hanja, budźe jim k zahubje, wam pak k zbóžnosć. — 29. Wot Khrystusa je to postajene, zo maće za njeho tež ćerpjeć, nic jenó do njeho wěric; to je za was wosebite žórło zasužbow. — 30. t. r. wosud, kiž so mi dósta, kaž widžeće a słyšće, tež wy ze mně njeseće.

II. 2. Naležnje napomina Pawoł Filippenskich k přezjednosć; jelizo pokojenje, kotrež so w Khrystusowym mjenje stawa, zrudnych změruje, jelizo lubosć posylnja, jelizo sće duchownje ze mně zjednoćeni, a smilni přeciwo mi we wutrobje, přidajće k tutym počinkam přezjednosć, a potom budźe moja radosć nad wami dospołna. — 3. Njedajće so wodźić wot zwadnivosće a žadosće za prózdnej česću, ale wot ponižnosće, kotraž bližšeho wyše waži, dyžli sebje. — 4. Njepytajće swojeho wužitka, ale štož je druhim k wužitku. — 5. Tak woporniwi a njesebični budźće, jako Khrystus. — 6—8. Podoba Boža rěka tak wjele, jako wobraz Boži (Kol. 1, 15) abo wotblyšć a podobnosć Božeho byća (Hebr. 1, 3). Khrystus jako druha bóžska wosoba je wobraz Boži, w nim widzi a wozjewja so Bóh přez Ducha swjateho; Khrystus, słowo Bože, pak bě sam wěrný Bóh, a hdyž Bóh w nim so wozjewja, wozjewja so z tym tež jeho bóžske byće; w podobje Božej abo jako wobraz Boži bě Khrystus tola Bohu runja, a tole „Bohu-runja-byće“ njeměješe wón za rubjeństwo, jako za něšto, štož by sebi z njeprawdu přiswojił, ale to měješe wón jako jemu přisłušne. Khrystus njepřija ničó cuze, ale zwoprowa swoje, wosebje swoju podobu Božu, so woćlowječiwiš a podobu

7. Ale sebje samoho zniči, podobu wotročka přijawši, čłowjekam runja sčinja a w byću namakany jako čłowjek.

8. Ponižil je sebje samoho, bu poslušny hač k smjerći, a to k smjerći křiža.

9. Tohodla je jeho tež Bóh powysil a jemu mjeno dał, kotrež je přez wšitke mjeno,*

10. Zo by w mjenje Jězusowym kóžde koleno so zhibowało tych, kotřiž su w njebiesach, na zemi a w podzemju,*

11. A kóždy jazyk wuznał, zo je Knjz Jězus Khrystus w krasnosći Boha Wótca.*

12. Tohodla, moji najlubši, jakož běšće přeco poslušni, skutkujće, nic jen w mojej přitomnosći, ale wjele bóle nětko w mojej njepřitomnosći, z bojosću a třepotom wašu zbóžnosť.

13. Přetož Bóh je, kiž we was jako chcyće tak dokonjenje skutkuje po dobrej woli.*

14. Wšitko pak činiće bjez morkotanja a rozmyslowanja,*

15. Zo byšće bjez poroka a njewinowate džěci Bože byli, bjez postorka wosrjedź zleho a přewrótného naroda, mjez kotrymž so swěćiće jako swětla na swěće,*

16. Slowo žiwjenja wobkhowajcy k mojej

khwalbje na džen Khrystusowy, zo njesym podarmo běžal, ani podarmo džělal.*

17. Ale tež hdy bych woprowany byl při woporje a službje wašeje wěry, wjesela so a zbóžnjuju was wšitkich.*

18. Nad tym pak tež wy so wjeselće a zbóžnjujće mje.*

19. Nadžiju pak so w Knjezu Jězusu, zo Timothea bórzy k wam pósćelu, zo bych tež ja dobreje mysle byl, hdyž zhonju, kak so wy maće.*

20. Přetož nikoho nimam tak jenomyslného, kiž by z (tak) wěrnej lubosću wo was so starał;

21. Přetož wšitecy* pytaju swoje, a nic to, štož je Jězusa Khrystusa.

22. Jeho doswědčenosć pak spóznać (z toho), zo je jako syn nanej ze mnu služil w ewangeliju.*

23. Toho potajkim, nadžiju so, zo k wam pósćelu, hdyž jenodowidžu, kak ze mnustoji.

24. Mam pak dowěru w Knjezu, zo tež sam bórzy k wam přińdu.

25. Zezda pak so mi trěbne, Epafrodita, mojeho bratra a pomocnika a sobuwowowarja, a wašeho wotpósłanca a služownika za moju potřebnosť k wam posłać,*

wotročka přijawši; haj nic jen to, ale kiž so poniži a so zniči w smjerći na křižu. Tónle přikład woporniwosće maju prawi křesćenjo sčěhować. — 9. Ze swojim dobrowólnym poniženjom zasłužił sebi Jězus, zo jeho Bóh powysil, tak zo jeho mjeno wot wšitkich z pokornosću so mjenuje. — 10. Wšitke rozomne stworjenja, jandželojo a swěći w njebiesach, čłowjekoj so na zemi a wotemřeli w čisću, haj tež duchy w heli na kolenach Jězusowe mjeno sławja. — 11. t. r. zo wšitecy spóznać waju a wuznawaju, zo bu knjz Jězus Khrystus přijaty do krasnosće Božje w njebiesach. — 12. Z bojosću a z třepotom maće so starać, zo byšće k wěčnej zbóžnosći přišli, dokelž hnada Boža to we was dokonja, swěrnú wolu we was zbudžuje a zdžeržuje; swoju hnadu pak móže wam Bóh tak zapowěsć a wón ju wam zapowě, jelizo ju swědomiće njewužiwaće. — 14. Swoje winowatosće njedokonyjće njerady, z dołhim rozmyslenjom a wotstorkowanjom, ale radzi. — 15. Jakož njebieske swěcy čmu swěta rozswětleju, tak maće ze swojimi počinkami so swěćić mjez pohanskim, w zadženju přećiwo Bohu tak njerozomnym ludom. — 16. Jen potom budžće z dobrymi počinkami so wuznamjenjeć, hdyž wučby ewangelia wobkhowaće; z tym budžće tež na sudnym dnju mi ke khwalbje, dopokazujcy, zo sym z wužitkom mjez wami džělal. — 17. t. r. hdy bych swoje žiwjenje woprowač měł za wěru, kotraž by so přez moju smjerć zakorjenila a w poslušnosći přećiwo Bohu wopokazala, bych to wjesela činił. — 18. Jako móžu so ja wjeselić, hdyž směm žiwjenje za was wěru woprowač, dokelž so tak ze swojim zbóžnikom zjednoću, tak móžeće tež wy nad tym so wjeselić, dokelž je to wam k česći, hdyž waš japoštoł za was wěru so wopruje. — 19. Jako Timotheos z nowinkami, kotrež wam wo mni přinjese, was spokoji, tak nadžiju so, zo mje změruje, štož wy was zhonju. — 21. t. r. wšitecy druzy, kotrychž mam tudy w Romje při sebi, a kotřiž mje we wěčenju podpěraju. — 22. Timothea maće sebi wažić jako dopokazaného swěrneho japoštoła, kotřiž je mje při rozšěrjenju ewangelia podpěrał. — 25. Epafroditus bě wot Filippenskich do Roma k Pawoł; z nahromadženymi darami posłany; tohodla mjenuje jeho služownika swojeje potřebnosće, dokelž w nuzy potřebowaše dary, jemu přinjesene.

26. Dokelž za wami wšitkimi žadaše, a zrudny běše, hdyž běše wo nim slyšeli, zo je skhorjel.

27. Wón wšak tež bě na smjerc skhorjel; ale Bóh smili so nad nim, a nie jeno nad nim, ale tež nade mnu, zo bych zrudobu na zrudobu njeměl.

28. Spěšnišo potajkim jeho poslach, zo byše jeho widžawši zaso so wjeseleli, a zo bych tež ja bjez zrudoby byl.*

29. Přijmiće jeho potajkim ze wšej wjeselosću w Knjezu, a mějće tajkich w česći;

30. Přetož dla džěla Khrystusoweho přibliži so hač k smjerci, swoje žiwjenje waziwši,* zo by to wurunał we službje za mnje, štož mi wot was so njedóstawaše.**

STAW III.

Nichtó njemóže ze zakonjom so hordzić, hewak by so to Pawołej wosebje přihodźilo, kiž pak měješe to wšitko za škodu, zo by Božu sprawnosć z wěry do Khrystusa dobył, stajnje pokročujo, zo by něhdy k dospołnosći dóšoł; tohodla napomina Filippenskich, zo bych u jeho sčchowali a nic tych, kotřiž su njepřečelojo křiža Khrystusoweho.

28. Waša zrudoba tež mje rudzi, a hdyž wěm, zo maće wy wjeselo, zhubi so tež moja zrudoba. — 30. Zo bu ke mni posłany, běše skutk, kotryž za Khrystusa dokonja, a mi služeše; a při tom skutku na smjerc skhorje. ** Wy njemóžeće wšitcy ke mni přinć, a mi po wosebje služić; štož mi tak wot was njebu, je wón dorunał.

III. 1. t. r. nad tym, štož sće wot Knjeza dóstali, nad wěrnosću a hnadu. ** Pawoł dopomina Filippenskich, zo je jich k tomu hižo napominał, snadź z listom, kotryž je so zhubił; wosebje je za nich trěbne, zo bych u wučerjow so hladali, kotřiž židowski zakon přezměrnje wuzběhuja. — 2. Tajkich židowskich wučerjow mjenuje psow; dokelž pos bě Židam nječisty, a to słowo naložeše so jako wudmo za pochanow. Pawoł chce prajić, zo su tamni wučerjo runja pochanam, njehańbići, zawistni ludźo; mjenuje jich „złych džělačerjow“, dokelž po zdaću ewangelium rozšěrjeju, woprawdže pak ze swojej wučbu ewangelium kaža; mjenuje jich dale „rozrězk“ abo „rozrězanych“ město wobrězanych, dokelž to na sebi njemějachu, na čož zwonkowne wobrězanje pokazowaše, mjenujcy wobrězanje wutroby, wukorjenjenje złych nakhilnosći; woni spokoja so jeno ze zwonkownym znamjenjom, su tohodla jeno rozrězani. — 3. My, kotřiž do Jězusa Khrystusa wěrimy, smy woprawdžite wobrězanje abo wobrězani, dokelž swoje nakhilnosće potłóčamy, nie jeno zwonkownje, ze zakónskimi skutkami, ale duchownje, z wěru, nadźiju a lubosću Bohu služimy, a kotřiž so njekhwali my ze swojimi skutkami a njewuzběhujemy so, dokelž po mjasu wot Abrahama wukhadžamy, ale z kubłami, kotřež je nam Jězus zasluił. — 4. t. r. ja mam wšě prawa, kotřež z mjasu, t. r. ze splaha po mjasu wukhadžeju, a z kotrymiž přećiwnicy so khwala; tohodla bych móhl tež ja so khwalić. — 5. Sym po mjasu a zakonju woprawdže Žid, na wósmym dnju, hdyž to zakon dowoli, wobrězany a nie kaž někotrzy z mojih přećiwnikow, hakle w staršich lětach; sym potomnik prawótca Israela, z česćeného splaha Benjamina, po nanje a maćeri Hebrejski, mam tohodla wšě prawa, z kotrymiž móža Židza so hordzić. — 6. Tež po zakonju sym Žid; slišam k farisejskej stronje, kotraž zakon najswěrněšo dierži, a sym jón najhorliwišo zamołwjał, cyrkej Božu přescěhajo; wšě zakónske žadanja sym bjez poroka dopjelnil. — 7. Ale wšě te prawa mējach za škodne, dokelž wopačnu dowěru we mni zbudichu a mi wobarach u jeničcy na Khrystusa so dowěrić. — 8. Nic jeno tute prawa, ale tež wšitke druhe kubła zdadža so mi škodniwe być, porno spóznaću Jězusa Khrystusa, kotruž z wěry čerpamy

Hewak, moji bratra, wjeselće so w Knjezu.* To same wam pisać, njeje drje mi wobćežne, wam pak je trěbne.**

2. Hladajće so psow, hladajće so złych džělačerjow, hladajće so rozrězka.*

3. Přetož my smy wobrězanje, kotřiž z duchom Bohu služimy, a so khwalimy w Khrystusu Jězus, a nimamy dowěru we mjasu,*

4. Hač runje bych ja dowěru mēc móhl tež we mjasu.* Jelizo něchtó mēni, zo ma so dowěrić we mjasu, čím bóle ja:

5. Wobrězany na wósmym dnju, z naroda Israela, ze splaha Benjamina, Hebrejski z Hebrejskich, po zakonju farisej;*

6. Po horliwosći přescěhać cyrkwje Božeje, po sprawnosći, kotraž je w zakonju, khodžach bjez poroka.*

7. Ale štož běše mi dobytk, to sym Khrystusa dla měl za škodu.*

8. Haj mam wšitko za škodu dla přewyšaceho spóznaća Jězusa Khrystusa, mojeho Knjeza, kotrehož dla sym wšomu so zhubić dał a mam to za njerjad, zo bych Khrystusa dobył,*

9. A w nim namakany był, njemějo swoju sprawnosć, kotraž je ze zakonja, ale tu, kotraž je z wěry do Khrystusa Jězusa, kotraž je sprawnosć z Boha we wěrje,*

10. Zo bych jeho spóznał a móc jeho horjewstaća a zjednoćenstwo jeho ćerpjenjow, podobnjeny jeho smjerći,*

11. Zo bych někak přišoł k horjewstaću wot mortwych.*

12. Nic jako bych (to) hižo docpěł, abo hižo dospołny był; běžu pak, zo bych někak dosahnył, w čimž buch tež dosahnjeny wot Khrystusa Jězusa.*

13. Bratřa, ja njeměnju, zo sym dosahnył; ale jene (měnju): hdyž zabywam, štož je zady mje, za tym pak, štož je prjedy mje, so napinam,

14. Za postajenym (kóncom) khwatam, za mytom njebieskeho powołanja Božeho w Khrystusu Jězusu.*

15. Tohodla, kotřižkuli smy dokonjeni, budźmy tak zmysleni,* a jelizo w něčim hinak myslíce, tež to wam Bóh zjewi.

16. Tola w tom, k čomuž dóndžechmy,

budźmy jenak zmysleni, a zwostańmy w tom samym prawidle.*

17. Budźće moji sćěhowarjo, bratřa, a hladajće na tych, kotřiž tak khodža, jakož maće naš přikład.*

18. Přetož mnozy khodža, kotrychž wam často mjenowach (nětko pak tež plačo mjenuju) njepřećelow křiža Khrystusoweho,*

Rom. 16, 17.

19. Kotrychž kónce je zahubjenje, kotrychž bóh je brjuch a kotrychž česć je w jich wohańbjenju, kotřiž na zeńske mysla.

20. Naše wobkhaďžowanje pak je w njebiesach, wotkelž tež zbóžnika wočakujemy, našeho Knjeza Jězusa Khrystusa,*

21. Kotryž přetwori ćělo našeho poniženja, podobnjene ćělu jeho jasnosće, po skutkowanju, z kotrymž tež wšitko sebi podćisnyć móže.*

STAW IV.

K wutrajnosći a k duchownemu wjeselu, k ponižnosći, k modlenju a džakowanju jich napomina, pokoj Boží jim přejo, zo bychu kruće dźerželi, štožkuli je Bože, a khwali jich, zo su jemu z Epafroditom potřečne připósłali.

a kotraž wšě druhe časne kubła přewyšuje. Tole spóznał, sym so wšitkich druhich kubłow wrdał, kotroč za mnje wjetšeje plaćiwosće nimaju, dyžli njerjad, zo bych zacpěwši časne wěcy, Khrystusa dobył, kiž ma jeničcy njezahinitu plaćiwosć. — 9. A z nim zjednočeny jako hałza z winowcom sym wosprawnjeny był, nic ze sprawnosću, kotraž ze zakonškich skutkow wukhaďžeše, ale ze sprawnosću, kotraž je mi darjena přez wěru do Jězusa Khrystusa. — 10. Z wěry spóznałam Jězusa a to jako wot mortwych wstanjeného, nětko žiwého a překrasnjeneho, a z tuteje wěry dóstawam wšitku móc k žiwjenju a ćerpjenju a samej smjerći; přetož tak sym z Khrystusom zjednočeny, jemu podobny. — 11. Na jeho ćerpjenjach a smjerći džěl mějo, nadžiju so tež něhdy džěl měć na jeho horjewstaću. — 12. Wšě časne kubła woprowaš, njemyslu jako bych dospołny był, a nětko wotpočnyć směł; ale mam dale běžeć a wšě swoje mocy napinać, zo bych jako běžerjo w běhańcy Khrystusa dosahnył, t. r. z nim nutrnje a wěčnje so zjednočil, dokelž je Khrystus ze swojej hnađu tež mje zapřijał, hdyž k wěčnemu njezbožu khwatach. — 14. W swojim prócowanju za wěčnej zbóžnosću njewobhladuju so, zo bych spóznał, što sym hižo dokonjał, ale hladam jeno do přědka, zo bych wědzał, što mam hišće činić; a tohodla napinam swoje mocy, zo bych to docpěł, k čomuž sym powołany, wěčnu zbóžnosć. — 15. Njeh smy dokonjeni w křesćanskim žiwjenju, budźmy tak zmysleni, zo mamy hišće wjacy dokonjeć a njepřestawajcy w dobrym pokročować; a by-li tajke zmyslenje so zhubiło, zbudži drje je Bóh znowa. — 16. A jelizo tajkeho pohonjenja njedóstanjemy, wostańmy tola tak zmysleni, t. r. zo jako dotal pokročamy w dobrym. — 17. t. r. sćěhujće w křesćanskim žiwjenju mje a keďžubujće na tych, kotřiž su tak žiwi, jakož jich mój přikład wučí. — 18. t. r. druhich njesměće sćěhować, dokelž su njepřećelojo křiža Khrystusoweho, t. r. boja so wěčh wobćežnosći a ćerpjenjow, kotřiž w jědži a picu najrjeńše wjeselo pytaju, wěrneho Boha zabywši, kotřiž w tom swojeje česće hladaju, štož je za nich hańba, kotřiž jeno na to mysla, štož tónle swět jim poskićuje. — 20. Naša, t. r. moja a wšitkich tych wóćčina je w njebiesach, tam su naše mysle a žadanja, dokelž tam je naš zbóžnik. — 21. Swoje ćělo ponižamy, t. r. je napinajcy, jeho žadosće podušejcy, ale tak ponižane ćělo Khrystus, hdyž z njebies zaso přihńě, powyš, wot mortwych zbudži a k swojemu překrasnjenemu ćělu podobne sćini. Wón to dokonja ze wšohomocu, kotrejž je wšitko podćianjene.

Tohodla, moji najlubši a požadani bratŕa, moje wjeselo a moja króna,* stójće tak w Knjezu,** najlubši;

2. Evodiju prošu, a Syntychu napominam, zo byštej jeneje mysle bylej w Knjezu.*

3. Tež tebje prošu, wěrný towaŕšo,* pomhaj jimaj, kotrež stej ze mnu so prócowałej w ewangeliju z Klementom a druhimi mojimi pomocnikami, kotrychž mjena su w knizy žiwjenja.**

4. Wjeselće so w Knjezu přeco;* zaso praju, wjeselće so.

5. Waša měrnosc budž wědoma wšitkim Ćlowjekam; Knjez je blisko.*

6. Wo ničo njebudžće starosćiw; ale we wšej modlitwje a próstwje z džakprajenjom njech su zjewjene waše žadanja před Bohom.*

7. A pokoj Boži, kotryž přesahuje wšitkón rozom, škituj waše wutroby a waše mysle w Khrystusu Jězusu.*

8. Hewak, bratŕa, štožkuli je prawe, štožkuli přistojne, štožkuli sprawne, štožkuli swjate, štožkuli lubozne, štožkuli ma

dobře mjeno, je-li někajki dobry počink, je-li khwalba krutoby, na to myslće.*

9. Štož tež nawuknyšće a dóstašće a slyšešće a widžešće na mni, to činće; a Bóh pokoja budže z wami.

10. Zwjeselich pak so w Knjezu jara, zo skónčnje jónu zaso rozkčěšće wstarosćiwosći za mnje, jakož tež běšće starosćiw; ale njemějšće móžnosće.*

11. Njepraju to nuzy dla; přetož ja sym nawuknył, dosć měć na tom, štož mam.*

12. Rozymju tež poniženy być, rozymju tež nadosć měć (wšudže a we wšim sym wuwučeny); syty a hlódny być, nadosć měć a nuzu čerpjeć;

13. Wšitko móžu w tom, kiž mje posylja.*

14. Tola derje sće činili, zo sće džěl měli na mojej nuzy.*

15. Wěsće pak tež, wy Filippenscy, zo při spočatku ewangelia, hdyž woteńdžech z Macedonije, žana cyrkej ze mnu njezastupi do zjednoćenstwa daća a dóstaća, khiba wy sami;*

IV. 1. Jakož tym, kotřiž dobychu, króna abo wěnc jako čestne myto so wudžěli, tak mjenjuje Pawoł Filippenskich tudy swoju krónu, dokelž horliwe křesćanske žiwjenje, kotrež bě Pawoł mjez nimi zbudžił, bě za njeho najrjeńše čestne myto. ** t. r. wostańće dobri křesćenjo. — 2. Běštej to žónskej, kotrež za rozšěrjenje ewangelia pilnje džělaštej a drje so překorištej; tohodla napomina jěju Pawoł k přezjenosći. — 3. To bě biskop, kotremuž měješe so list přepodać, a tohodla so njemjenuje; je prošeny, zo by žónskej wujednał. ** Někoti měnja, zo je to swjaty Klemens romski, štwórti bamž; druzy pomocnicy njěsu wosehje mjenowani, Bóh jich znaje, dokelž su zapisani w knizy žiwjenja, t. r. Bóh ma jich w pomjatknu, zapisuje sebi takrjec tych, kotřiž za rozšěrjenje ewangelia džělaju, zo by jim plaćil z wěčnym žiwjenjom. — 4. Wjeselće so, zo sće z Knjezom přez wěru tak nutrne zjednoćeni. — 5. Knjez w krótkim přindže a wy budžeće wumóženi wot wšoho čerpjenja a dowjedženi do wěčneho wjesela; w tutej nadžiji budžeće spokojni a přećiwi bližšemu pokorni, dobroćiw. — 6. Starosć wo časne njedyrbi was znjepokojić; ale z dowěru wobroćeće so k Bohu, z džakom za dóstate dobroty zjednoćeće próstwy wo nowe hnady. — 7. Pokoj Boži, t. j. dobre swědomjo, zo sće z Bohom wujednani a zo móžeće bjez stracha być w nastupanju wěčnosće; wón tež w najwjetšich čerpjenjach wjeselosć wutroby džerži a njebywa wot wšědného rozoma zapřijaty; tón pokoj, kotryž Jězus swojim sprawnym wobradža, zakita was přede wšěmi lečenjemi wašich njepřećelow. — 8. K wobzamknjenju napomina japoštoł k wšěm druhim dobrym počinkam křesćanskeho žiwjenja. — 9. Znowa wupraja swoje wjeselo nad darami, kotrež běchu jemu posłali. Kaž štom, hdyž znowa kěć počina, pokazuje, zo je hišće žiwjenje w nim, tak pokazašće tež wy křesćanske žiwjenje přez podpěru, z kotrež so na mnje dopomnišće; nie jako byšće přjedy na mnje njemyslili a wo mnje starosćiw njebyli, ale njemějšće časa a přiležnosće. — 10. Njekhwalu was ze sebičnosće, zo z wašej darniwosću mojej nuzy na pomoc přindžešće, ale wjeselu so na wašim zmyslenju, dokelž nuzu ja znjesć nawuknych. — 11. Přez Jězusa, kiž we wšim posylja, znjesu nuzu runje tak derje, jakož bohatstwo. — 12. Runjež nuzu čerpjeć nawuknych, sće tola khwalby hódni, zo mi na pomoc přindžešće, a na mojej nuzy nutry džěl bjerješće. — 13. Hižo, hdyž wam počach ewangelium wopowědować a Macedoniju zaso wopuščich a do Achaje čehnjech, běšće wy jenička wosada, kotraž za to, štož dósta, tež něšto poda; wot was samych dóstawach časne dary za duchowne, kotrež wam podawach.

16. Přetož tež do Thessaloniki pósłašće mi jónu a druhi króc k potřebje.

17. Nic zo bych dar pytał; ale nadobny plód pytam na vaše myto.*

18. Mam pak wšitko a nadosć; napjelnjeny sym dóstawši wot Epafrodita, štož pósłašće, slódku wón, lubozny, spodobny wopor Bohu.*

19. Mój Bóh pak napjelní wšitku wasu žadosć po swojim bohatstwje z krasnosću w Jězusu Chrystusu.*

20. Bohu pak a našemu Wótcej khwala wěki na wěki. Amen.

21. Postrowće kóždeho swjatcho w Chrystusu Jězusu.*

22. Postrowjeju was bratra, kotřiž su ze mnu. Postrowjeju was wšitecy swjeći, wosebje pak či, kotřiž su z kejžoroweho domu.*

23. Milosć Knjeza Jězusa Chrystusa (budź) z wasim duchom. Amen.



LIST S. JAPOŠTOŁA PAWOŁA NA KOLOSSENSKICH.

STAW I.

Slyšawši wo wěrje, lubosći a nadźiji Kolossenskich prosy japoštoł za nich, zo bychy we wědomosći Božej a w dobrych skutkach so wudokonjeli; Chrystusa mjenuje wobraz Boži, přez kotrehož je wšitko stworjene, a kotryž je hlawa cyrkwy, přez kotrehož je wšitko wujednane; napomina tohodla, zo bychy krući we wěrje zwostali, sebje pak mjenuje služownika Chrystusoweho, postajeného k přédowanju potajnosće wot wěčnosće zakhowaneje, nětko pak zjewjeneje.

Pawoł japoštoł Jězusa Chrystusa přez wolu Božu a bratr Timotheus,*

2. Tym swjatym, kotřiž su w Kolossae, a wěriwym bratram w Chrystusu Jězusu.*

3. Milosć wam a pokoj wot Boha na-

šeho Wótca a Knjeza Jězusa Chrystusa. Džakujemy so Bohu a Wótcej našeho Knjeza Jězusa Chrystusa, přeco za was so modlicy.

4. Slyšawši wo wasjej wěrje w Chrystusu Jězusu a wo lubosći, kotruž maće ke wšem swjatym,

5. Nadźije dla, kotraž je wam zapoložena w njebiesach,* kotruž sće slyšeli we slowje wěrnosće ewangelia,**

6. Kotrež dóždze k wam, jakož tež po wšim swěće je a plód njese* a rosće, jakož we was wot toho dnja, na kotrymž zaslyšće a spóznaće milosć Božu we wěrnosći,

17. Njespominam na to, jako bych wo nowe dary žadał, ale zo bychy vaše dary přinjesle nadobny plód za was, bohate myto we wěčnosći. — 18. Mam nětko wšoho dosć. Dar, kotryž mi pósłašće, je jako wopor, kotryž Bohu podašće a kotryž Bohu so spodoba, jakož lubozna wón. — 19. Njemóžu wam wotplácić; Bóh pak budze was mytować, vaše žadanja dopjelnjejo; wón zapláci wam bohaće z wěčnej zbóžnosću, kotruž dóstanjeće přez Jězusa Chrystusa a we nim. — 21. t. r. w mojím mjenje přejće jim wšitko dobre, štož wukhadza wot Jězusa Chrystusa. — 22. Někotři zastojnicy kejžora Nerona běchu ke křesćanstwu přestupili, a Pawoł postrowja Filippenskich wot nich, zo bychy so zwjeselili nad plodami, kotrež słowo Bože w Romje njese.

I. 1. Timotheus bě Pawołowy towař w Romje, hdžež je tutón list pisany, snadź wot Timothea samoho, dokoľž Pawoł je jeno ze swojej ruku postrowjenje na kóncu napisał. — 2. t. r. wšitim křesćanam. — 5. t. r. džakujemy so Bohu, zo maće krutu wěru, kotraž je žiwa w skutkach lubosće, kajkuž swjatym, t. r. křesćanam wopokazuje w nadźiji na njebiesku zbóžnosć. ** Nadźija wěčneje zbóžnosće we was wocući přez přédowanje ewangelia, kotrež je wěčna wěrnosć. — 6. Ewangelium njese plody, t. r. dobywa sebi njepřestawjacy po wšim swěće, a mjez wami nowych wuznawarjow, a pohonja jich k dobremu žiwjenju, a na tom spóznaće woprawdže milosć Božu, kotraž je wopriječje ewangelia.

7. Jakož nawuknyšće wot Epafrasa,* našeho najlubšeho sobuslužownika, kiž je tež za was swěrný služownik Khrystusa Jězusa,**

8. Kiž nam tež wozjewi wasu lubosć w duchu.*

9. Tohodla tež my wot toho dnja, na kotrymž smy to slyšeli, njeprěstawamy za was so modlić a prosyć, zo byšće napjelnjeni byli ze spóznaćom jeho wole we wšej mudrosći a duchownej rozomnosći,*

10. Zo byšće hódnje khodžili, Bohu we wšim so spodobajcy, w kóždym dobrym skutku plód dawajcy a přiběrajcy we wědomosći Božej,*

11. Ze wšej synosću posylnjeni po mocy jeho krasnosće, we wšej sćerpnosći a dolhočakawosći z radosću,*

12. Džakujcy so Bohu Wótcej, kiž je nas hódnych sćinił džělbnosće na herbstwje swjatych we swětle,*

13. Kotryž nas wutorhny z mocy émy

a přenjese do kralestwa Syna swojeje lubosće,*

14. W kotrymž mamy wumóženje přez jeho krej, wodaće hrěchow;*

15. Kotryž je wobraz Boha njewidžomneho, přenjorodženy přede wšim stworjenjom.*

16. Přetož w nim je stworjene wšitko w njebiesach a na zemi, widžomne a njewidžomne, njech su tróny, abo knjejstwa, abo wječchowstwa, abo mocy; wšitko je přez njeho a za njeho stworjene.*

17. A wón je před wšitkimi, a wšitko wobstoi we nim.* Jan. 1, 3.

18. A wón je hlowa čěla cyrkwy, kotryž je spočatk, přenjorodženy z mrtwych, zo by we wšim wón přenjósć měl.*

1. Kor. 15, 20. Zjew. 1, 5.

19. Přetož (Wótcej) so zespodoba, zo by w nim bydlila wšitka poľnosć*,

20. A zo by přez njeho ze sobu wujednał wšitko, pokoj činjo přez krej jeho křiža, štož je na zemi, a to, štož je w njebiesach.*

7. Epafras je Kolossenskim ewangelium přédował a mjez nimi křescansku wosadu založil; hewak so wo nim ničo njewě, khiba zo bě někotry čas při jatym Pawole w Romje. ** t. r. wón je wam Khrystusowu wučbu wozjewjał a jeho miłosć wudžělał a tohodla je za was Khrystusowy swěrný služownik. — 8. t. r. lubosć, kotruž maće ke mni a kotruž je we was Duch swjaty zbudžił. — 9. My prosimy njeprěstawajcy, zo by Duch swjaty was rozom rozsweťili, tak zo byšće woli Bohu jasnje spóznali. — 10. Spóznaće wole Božej dyrbi was pohnuć, zo byšće žiwi byli, kaž so słyša, zo je wasa wěra wožiwjena w dobrych skutkach, a zo Boha přeco lěpje spóznaće. — 11. Hódne žiwjenje sebi tež žada, zo ćerpjenja a přeciwnosće znjesće ze sćerpnosću a zo so nje-wějeće na tych, kotřiž was přescěhaju, a zo sće při wšěch horjach wjeseli. To njedokonec ze přirodženymi mocami, k tomu dyrbiće posylnjeni być z mocu, kotraž wukładža z krasnosće Božej. — 12. Hódne žiwjenje dyrbi was k džakej pohnuć za to, zo bušće powołani do křescanstwa, zo maće wočakować herbstwo w swětle njebieskeje zbožnosće. — 13. Ze émy njewědomosće a hrěšnosće je nas Khrystus wumóžil a nas přesadził do kralestwa Božeho, w kotrymž knježi Syn, na kotrymž ma Bóh swoje spodobanje. — 14. Khrystus je za nas swoju krej přelał, a z tym bu wón za wšitkich žórlo wumóženja, a wodača hrěchow. — 15. Pawoł přiruna Khrystusowe byće ze stworjenjem; wón je před kóždym stworjenjom, t. r. wot wěčnosće; wón njeje stworjeny, ale spłodženy, njeje stworjenje, ale wěrný Syn Boží, w kotrymž njewidžomny Bóh so zjewi; wón je Bohu Wótcej cyle runja, a tohodla wobraz Boha njewidžomneho. — 16. Kaž je wšitko přez njeho, tak je tež wšitko za njeho stworjene, wón je žórlo wšeho a je tež zaměr wšeho. — 17. t. r. wón zdžeržuje tež wšitko. — 18. Tu samu přenjósć, kotruž ma Jězus nad cylej stwórbu, ma wón tež nad cyrkwu, wón je hlowa jeje čěla, je wječh cyleho wumóženého čłowjestwa, wšitcy su kaž stawy jeho čěla; wón je tež spočatk wšeho přeznatskeho žiwjenja, dokelž wot njeho wuliwa so wšitka miłosć a hnada Boža w cyrkwi, přez kotruž přeznatske žiwjenje so plódi; je tež přenjorodženy z mrtwych; kaž je přeni wot mrtwych wstanyl, a wjacj njewumřel, tak wstanu tež wšitcy, kotřiž su přez jeho hnadu do njeho zasćěpjeni, na sudnym dnju a njewumru wjacj, a tuž je wón přeni w cylej stwórbje, zo přeni w kralestwje Božim, w kralestwje hnady. — 19. t. r. Wótcewa wola je, zo je Khrystus žórlo wšitkeje hnady, a zo wšitcy wot njeho miłosć dóstawaju. — 20. Přez Khrystusowu smjerc chcyše Wótc tež cyle rozněwanu stwórbu ze sobu wujednać; dokelž přez hrěch zhubi čłowjek nic jeno spodobanje Bože, ale tež jandželojo jako přecelojo Boží rozněwachu so na čłowjeka. Přez Khrystusowu smjerc wujednany čłowjek bu zaso přecel jandželow.

21. Też was, hdyż běšće něhdy wotwobroćeni a njeprěćelowje po mysli we złych skutkach,

22. Je nětko wujednał w čěle swojeho mjasu přez smjerc,* zo by was postajil swjatyh a čistych a bjezporočnych před nim,**

23. Jelizo mjenujcy zwostanjeće we wěryje založeni a wobstajni a njewotkilni wot nadźije ewangelia,* kotrež sće slyšeli, kotrež bu přědowane wšomu stworjenju, kotrež je pod njebjom, kotrehož služownik sym ja Pawoł sčineny,

24. Kotryž nětko so wjeselu w čerpjenjach za was, a dopjelnjam to, štož so njedóstawa na čerpjenju Khrystusowym, w swojim mjasu za jeho čělo, kotrež je cyrkej,*

25. Kotrejež služownik buch ja sčineny po zarjadowanju Božim, kotrež je mi date za was, zo bych napjelnił slovo Bože,*

26. Potajnosć, kotraž bě zakhowana

wot wěkow a splahow, nětko pak je zjewjena jeho swjatym,*

27. Kotrymž je Bóh chcył znate sčinić bohatstwo krasnosće teje potajnosće mjez pohanami, kotraž je Khrystus, mjez wami nadźija krasnosće,*

28. Kotruž my připowědujemy, napominajcy kóždého čłowjeka a wučicy kóždého čłowjeka we wšej mudrości, zo bychmy kóždého čłowjeka postajili dokonjaného w Khrystusu Jězusu;*

29. Wo čož so tež prócuju, wojuju po jeho skutkowanju, kotrež we mni skutkuje w mocy.*

STAW II.

Japoštoł napomina, zo njebychu z namołwjenjom abo z wopačnymi wučbami mudrowcow abo tych, kotřiž plaćiwosć zakonja žadaj, so wotwjesedali wot wěry do Khrystusa, přez kotrehož buch wumóženi wo hrěchow, z mocy djaboła a jim napřećiwneho wopisna, a zo nětko zakońske wustajenja dale plaćić nimaju.

Přetož chcu, zo byšće wědzeli, kajku starosć mam wo was a wo tych, kotřiž

22. Dotalnu wučbu naložuje s. japoštoł nětko na Kolossenskich, jim rozestajejo, zo je Bóh tež jich, kotřiž běchu přjedy, wot Boha džěleni, hrěšne skutki činili, ze sobu wujednał přez smjerc swojeho Syna na křižu. Japoštoł wuzběhuje čělo Khrystusowe a praji wosebje, zo je Bóh jich wumóžil přez smjerc w čěle Khrystusoweho mjasu, dokelž běchu w Kolossae falšni wučerjo wučili, zo Khrystus njeje wěrne čělo, runja čłowjekam, měł, ale jeno čělo po zwonkownym sdaću. ** Wujednanje sta so, zo byšće bjez hrěcha, čisti před jeho sudnym stolom so něhdy wopokazali. — 23. Zo by wujednanje tele dobre plody za was mělo, dyrbiće wěrnosće wěry kruće wěrić, a so nadźijeć wěčnych kublow, kotrež wam ewangelium slubi, tež wšudže druhdže přědowane. — 24. Jako služownik ewangelia wjeselu so tež nad čerpjenjemi, kotrež mje podeńdžechu; přetož wěm, zo budza moje zaslужby tež wam, kotřiž sće ze mnu stawy Khrystusoweho čěla, k spomóženju, a zo moja wobstajnosć tež was hišće bóle we wěryje wobkrući. Japoštoł pak tež čerpi wjesele, dokelž wě, zo je staw čěla Khrystusoweho, a zo potajkim we nim Khrystus sam čerpi, a zo wón ze swojim čělom abo w swojim mjasu doruna, štož na Khrystusowym čerpjenju hišće pobrachowaše. Khrystus drje je za wšitkich přenadobnje ze swojim čerpjenjom a ze swojej smjercu na křižu dosć činil, a njemůže sam w swojim překrasnjem čěle wjacj čerpieć, ale wón čerpi w swojim duchownym čěle, w swojich wěriwych, a tak zrozumjene njeje čerpjenje Khrystusowe dokonjane, a dokelž wěriwi čerpieć njeprěstanu, hdyž su stajnje přesčěhani, dokonjeju čerpjenje Khrystusowe, dorunaju to, štož tutomu hišće pobrachuje. Čerpjenje jenoho je druhemu k spomóženju a tež cyłej cyrkwi. — 25. Jako služownik ewangelia, kaž so Pawoł přjedy mjenuje, je wón tež služownik cyrkwe; přetož cyrkej je plód ewangelia. Pawoł pak je služownik ewangelia „za was“, t. r. za pohanow, zo by slovo Bože, mjez pohanami je rozšěrjejo, napjelnił a k wjetšej dospołnosći dowjedł. — 26. „Slovo Bože“, kotrež Pawoł rozšěrja, wobjimaše hluboku potajnosć, přjedy zakhowanu, nětko pak zjewjenu, wo wumóženskim skutku Khrystusowym, t. r. wšitke wěrnosće, kotrež so počahuja na Khrystusowu wosobu a na jeho skutk. Wot wěčnosće běchu tute wěrnosće zakhowane, nětko pak buch swjatym, t. r. křesćanam zjewjene. — 27. Wumóženski skutk wozjewjejo pokaza Bóh tež bohatstwo krasnosće tuteje potajnosće, abo kak wulkotne hnady čłowjekam, nic jeno Židam, ale tež pohanam z wumóženjom so přiwobroćeju. Wopřijeće potajnosće je z jenym słowom Khrystus, we kotrymž je wša nadźija přichodnje krasnosće. — 28. Wšu mudrosć a prócu naložujemy, zo bychmy kóždého čłowjeka powučili a napominali, zo by dospołny był jako staw Khrystusowy, zo by swěrnje žiwy byl po wučbje Khrystusowej. — 29. Ja prócuju so wo to, ale mje podpěra tež móc Khrystusowa.

su w Laodiceji,* a kotřiž njewidźachu moje wobličo w mjasu,

2. Zo bychy pokojene byle jich wutroby, (woni) zwjazani w lubosći, a k wšomu bohatstwu poľnosće rozoma, k spóznaću potajnosće Boha Wótca a Khrystusa Jězusa,*

3. W kotrymž su wšitke pokłady mudrosće a wědomosće zakhowane.*

4. To pak wam praju, zo hy was nihtó njejebał z wysokimi rěčemi.*

5. Přetož byrnje zdaleny po čěle, sym tola w duchu z wami, wjeselu so a widźu waš rjad a wobtwjerdženje wašeje wěry, kotraž je w Khrystusu.

6. Tohodla, kaž sće přijeli Jězusa Khrystusa Knjeza, (tak) khodźće w nim,*

7. Zakorjenjeni a natwarjeni w nim a wobkrućeni we wěrje, jakož bušće tež nawučeni, přebohaći we nim w dzakowanju.*

8. Hladajće, zo by was nihtó nje-

jebał: z mudrowstwom a prózdnym zawjedženjom* po čłowjeskim wustajenju, po počatkach swěta, a nic po Khrystusu;

9. Přetož w nim bydli cyła poľnosć Bóžstwa čělnje.*

10. A w nim sće dopjelnjeni, kotryž je hlowa wšoho wjefchowstwa a mocy,*

11. W kotrymž sće tež wobrězani z wobrězanjom nic z ruku dokonjanym we wotčěhnjenju mjasu na čěle, ale we wobrězanju Khrystusowym*;

12. Z nim pohrjebani w krćeńcy, w kotrymž tež wstanyšće přez wěru do skutkowanja Božeho, kotryž je jeho wot mortwych zbudźił.*

13. A was, hdyž běšće mortwi w hrěchach a njewobrězku wašeho mjasu, je wožiwił sobu z nim, wodawši wam wšitke hrěchi,*

Efes. 2, 1.

14. Zničiwiši wopismo wusuda, kotrež běše přeciwo nam, a te je wotstronił, na křiž je přibiwiši,*

II. 1. Laodicea bě bohate překupske město njedaloko Kolossae, a křesćanska wosada bě we woběmaj jenajkim stracham wustajena. Swjaty japoštoł njebě ženje do teje krajiny přišoł, ale tola měješe k wosadomaj nutrnu lubosć. — 2. Za to staraše so Pawoł wosebje, zo bychy wšitcy bjez stracha a bojósće mjez sobu so lubowali, a přeco dospołnišo spózнали wěrnosće, kotrež je Bóh přez Khrystusa wozjewił. — 3. Štóz do wěrnosći, wot Khrystusa wozjewjenych, wěri, dobudže najwyššu mudrosć a wědomosć. — 4. Z listom chce japoštoł wosadu před falšnymi wučerjemi zakitać, kotřiž z wysokimi, po zdaću mudrymi słowami křesćansku wěru kažachu, abo z njej židowski zakoni zjednotić žadachu. Přeciwo tymle wučerjam dopokazuje Pawoł, zo je wša mudrosć a wědomosć w Khrystusu, we wěrnosćach, kotrež je wón wozjewił. — 6. Waše žiwjenje, kotrež bě dotal tak derje zřadowane, njech je dale křesćanske, t. r. zřadowane po wučbach, kotrež je Khrystus wučil, a kotrež buchu wam předowane a wot was přijaté. — 7. Jakož hluboko w zemi zakorjenjeny štom kruće stoji, tak dyrbiće kruće do Khrystusa wěrić, kaž bušće wučeni, a swoje křesćanske žiwjenje na njeho twaric; potom dótanjće wot njeho nadobne hnady, za kotrež so dzakować njepřestanjeć. — 8. t. r. tajke wučby, kotrež so z hoľymi słowami rozšěrjeju, w kotrychž pak wěrnosće njeje; tajke wučby su jeno wot čłowjekow zestajene, kaž přidawki k Mójzesowemu zakonjej, su njedospołne a njespokojace, runja počatkam kóždyje wědomosće (přir. Gal. 4, 3), mjez tym zo je Khrystusowa wučba dospołna a čłowjeka spokojaca. — 9. Khrystus, dokelž w nim poľnosć Bóžstwa čělnje a bytnje bydli, je wěry Bóh, a jeho wučba tohodla bóžska wěrnosć. — 10. Z nim zjednotěni, maće tež wy wšitku wědomosć a wšitke hnady, sće tak dospołni; nic jandželowje, kaž falšni wučerjo wuča, ale Khrystus, kiž knježi nad wšitkimi jandželemi, nad wjefchowstwami a mocami, wobohaći was ze wšěmi hnadami. — 11. Tež wobrězanie, kotrež so jeno zwonkownje na čěle sta, a židowski zakoni, njezamóže was z hnadami wobohać, ale jeno to wobrězanie, kotrež so stawa po křesćanskim zakonju, přinjese wam hnady. — 12. Tuto wobrězanie, wot Khrystusa žadane, stawa so přez krćeńcu, dokelž krćeńcy čłowjek ma stareho čłowjeka so swlec, kotrehož takrjec pohrjeba, ma morić hrěšne mjasne nakhilenja, a wocućić a wstanyć k nowemu žiwjenju; tak bjerje duchownje džěl na wot-mortwych-wstaću Khrystusowym, dokelž wěri, zo ta sama móc Boža, kotraž je Khrystusa zbudźila, tež jeho k nowemu duchownemu žiwjenju zbudźi. — 13. Přez hrěchi, kotrež běšće skućili, a přez nakhilnosće mjasu, kotrež we was hišće knježachu, dokelž njeběšće duchownje wobrězani, běšće mortwi po duši a wěčnej smjerći poddaći; ale tež was, hač runje běšće pohanjo, je Bóh přez Jězusa k duchownemu a wěčnemu žiwjenju zbudźił. — 14. Židowski zakoni mjenuje japoštoł tu wopismo wusuda abo doľžne wopismo; přetož tón samy wobsahuje wulku mnohosć wínowatosć, nabožne a narodne žiwjenje rjadowacych, kotrychž dopjelnjenje kruće žadaše, ani zo by

15. A wurubiwiši wjerchowstwa a mocy, předwjedže je khroble, zjawnje nad nimi dobyće swjećo přez sebje samoho.*

16. Tohodla njesudź was nichto po jědźi abo po piću abo ze strony swjateho dnja abo noweho měsaca abo sabbatow,*

17. Kotrež wěcy su scěń přichodnych; ale čěło je Khrystusowe.*

18. Nichto was njezawjedź, chcyjo to (činić) z ponižnosću a službu jandželow, postupujo k tomu, štož njewidźi, podarmo so naduwajo po mysli swojeho mjasa,*

19. A so njedžeržo hlowy, z kotrejež cyle čěło přez wjazadla a zwjazki wuhotowane a twarjene rosće k zróstej Božemu.*

20. Tohodla, jelizo sće wotemřeli z Khrystusom počatkam tohole swěta,

prečo postajeće hišće, jako byšće w swěće žiwi byli?

21. Njedótkajće so, ani njewoptawajće, ani njeprimajće, —

22. Kotrež wěcy su k zahinjenju z wužiwanjom samom —, (to je) po prikaznjach a wučbach čłowjekow,*

23. Kotrež maju drje napohlad mudrosće w přiwerje a w ponižnosći, a w njeprělutowanju čěla, nic w někajkej česći k nasycenju mjasa.*

STAW III.

Wo žiwjenju jich rozwučuje, zo bychu stareho čłowjeka z jeho skutkami so swleknywši noweho so woblekli, w kotrymž njeje rozdžěl naroda a wobstajnosće, zo bychu sebi počinki přiswojeli a wšelako Boha khwalili, wšitko na njeho počahujcy. Wuči potom, kak dyrhja mandželske a mandželscy, džěci a starši, stužowni a knježa mjcz sobu wobkhađeć.

Tohodla, jelizo z Khrystusom wstanyšće,

k tomu podpěrn poskićał; tež pohanjo běchu tamnym zakonskim prikaznjam podčisnjeni, kotrež běchu do jich wutrohow zapisane (Rom. 2, 15). Za židow a pohanow bě zakon kaž dołžny list, dokelž njeprěstawajo dopjelnenje wěstych winowatosći žadaše. — 15. Ze swojej smjerću na křižu je Khrystus zakon zběhnył, dołžny list takrjec roztorhnył, abo na křiž přibíl, tak zo dale njeplaći, a wjerchowstwa a mocy, t. r. wšitke rjadownje zlych duchow, kotřiž zakonske postajenja jako brón k tomu naložowachu, zo čłowjeka k hrěchej wabjachu, je z tym wurubił, t. r. brón jim wutorhnył, a je khroble zahaňbíl, kaž su předobyci wojacy zahaňbjeni, hdyž jim jich brónje wozmu; Khrystus je to dokonjał přez sebje samoho, ze swojej mocu. — 16. Dokelž je Khrystus zakon zběhnył, nima was nichto sudzić, hdyž zakonske postajenja, jědže abo pića abo swjedenje swjedenjow abo wěstych časow nastupace, dale kedžbu nimaće, dokelž tajke postajenja njeplaća wjacy. — 17. Wšitke tajke postajenja su runja scěnje. Scěń sam na sebi ničo njeje, pokazuje jeno na někoho, kotryž jón čini; tak běchu tež zakonske postajenja same na sebi prózdne, pokazowachu jeno na někoho, kiž woprawdže je, mjenujcy na Khrystusa, kiž je hlowa přichodneho kralestwa krasnosće, na kotrež zakon přihotowaše, kotrehož postajenja pak běchu same na sebi prózdne. — 18. Nichto was njezjebaj z tym, zo so po zdaću ponižuje, prajo, zo je čłowjek přenizki, hač zo by k Bohu so bližić směl, abo jako by Bóh k njemu so bližić móhl, a zo móže čłowjek z Bohom jeno wobkhađ měć přez jandželow. Tak wučachu falšni wučerjo, jandželow jako srjedzičerjow mjcz Bohom a čłowjekami na město Khrystusa stajecy; ale z tym wuča wěcy, wo kotrychž ničo wědžeć njemóža, dokelž do swěta jandželow pohladać, je čłowjekeje njemóžno, a kotřiž wudawaju, zo to znaja, naduwaju abo hordža so jeno prózdne z wědomosću, kotruž měć njemóža, a wopokazuja so jakož ludžo, kotřiž su hrěšnym nakhilnosćam mjasa hišće podčisnjeni, mjenujcy hordomyslnosći. — 19. Tajcy wottorhnu so wot hlowy, t. r. wot Khrystusa, hdyž město njeho jandželow jako srjedzičerjow postajeju. Jako čěło jeno žiwe wostanje, hdyž je ze žilami a čuwami zjednočene z hlownu, z kotrejež žiwjenje a čuće do njeho přikhađa, tak móže čěło cyrkwe jeno žiwe być a rosć k zróstej abo twarej Božemu, hdyž je z Khrystusom zjednočene, wot kotrehož wšitke stawy dóstawaju wěrnosće wěry a luady, duchowne žiwjenje, kotrež je w lubosći wjaza. — 20—22. t. r. hdyž sće we swjatej krčency z Khrystusom so zjednočili a do njeho wěricy tamnym njedospołnym zakonskim postajenjam, kotrež mējachu na njeho jenož přihotować, wotemřeli, čohodla sće tak žiwi, jako by zakon hišće za was plaćil, a stykniwje so bojiće, čłowjeskich prikazni dla, wěstych jědži so dótknyć abo je woptać? Tak činicy, zadžeržice so, jako by wěčna zbóžnosć wotwisowala wot wěcow, kotrež džě zahinu, hdyž so wužiwaju. — 23. Tajke postajenja z adadža so jeno mudre być, dokelž wěru do samowumyslenych přiwerkow, tajenu ponižnosć a po zdaću krute wustupowanje přečiwo swojemu čětu žadaju, kotrež sebi tak mało waža, zo jeho potřebnosće ani njespokojuju; tola je we wšim tym jeno čělna mudrosć, kotraž z tajkimi skutkami jeno zmyslnosći služi.

pytajće, štož je horjeka, hdžež je Khry-
stus, na prawicy Božej sedzacy;*

2. Štož horjeka je, mějće w myslach,
nic, štož je na zemi.

3. Přetož zemřeli sće a waše žiwjenje
je zakhowane z Khrystusom w Bohu.*

4. Hdyž pak Khrystus, waše žiwjenje,
so pokaže, tehdy tež wy z nim so poka-
zaće w krasnosći.*

5. Moŕće tohodla swoje stawy, kotrež
su na zemi: kurwaństwo, nječistotu, ho-
rjenje, zlu požadosć a nahrabnosć, kotraž
je přibóžnistwo;*

Ef. 5, 2.

6. Kotrychž dla hněw Boží přikhadža
na džěci njewěry,

7. Mjez kotrymiž tež wy něhdy kho-
džešće, hdyž běšće w tom žiwi.*

8. Nětko pak wotpoložće tež wy wšit-
ko: hněw, nahłosć, złosć, kleće, njehań-
bitu řeč ze swójeho rta.*

Rom. 6, 4;

Ef. 4, 22; Hebr. 12, 1; 1. Pětr. 2, 1; 4, 2.

9. Njelžiće jedyn druhemu, so wus-
wlekši stareho čłowjeka z jeho skutkami,

10. A so woblekši noweho, toho, ko-
tryž so wobnowuje k spóznacu po wob-
razu toho, kotryž je jeho stworil,*

1. Mójz. 1, 26.

11. Hdžež njeje pohan a Žid, wob-
rězanie a njewobrězk, wukrajnik a Scyth,
wotročk a swobodny, ale wšo a we wšim
Khrystus.*

12. Woblečće so tohodla jako wuzwo-
leni Boží, swjeći a lubowani, wutrobnu
smilnosć, dobroćiwosć, ponižnosć, čicho-
myslnosć, sčerpliwość,

13. Wobnošeje so mjez sobu a sebi
wodawajey, ma-li něchtó skórzbu na dru-
heho; jakož je Knjez wam wodał, tak
tež wy.*

14. Wyše wšoho toho pak mějće lu-
bosć, kotraž je zwjazz dospołnosće.*

15. A pokoj Khrystusowy njech so
zraduje we wašich wutrobach, ke kotre-
muž sće tež powołani w jenom čěle.
A budźće džakowni.*

16. Słowo Khrystusowe njech mjez
wami bydli nadobnje, zo we wšej mu-
drosći rozwučće a napominaće sebj
samych z psalmami, pěsnjemi a duchow-
nymi spěwami,* w miłosći spěwajey we
swojich wutrobach Bohu.**

17. Wšitko, štožkuli činiće w słowje
abo w skutku, wšitko (činće) w mjenje

III. 1. t. r. jelizo sće z rowa hrěcha wstanyli k žiwjenju hnady, kotrež wam Khrystus ze
swojej smjerću a ze swojim horjewstaćom zepřihotowa, žadajće nětko za njebjeskimi kubłami, dokelž
wot-mortwych-wstanjeny Khrystus je nětko w njebjesach, a dokelž sće nětko z nim zjednoćeni w ži-
wjenju hnady, dyrbiće tež jeno wo njebjeske kubla so přócować, a nic, štož zemja poskićuje. —
3. Zemřeli sće za tule zemju a jeje kubla; a waše žiwjenje je duchowne, a tohodla njewidźomne,
takrjec zakhowane, jakož je tež Khrystus nětko zakhowany. Njejsće nětko žiwi za swět, ale z Boha
a za Boha. — 4. Hdyž pak Khrystus w krasnosći so zjewi něhdy na sudnym dnju, potom wo-
zjewiće so tež wy překrasneni z wašeho zakhowanego žiwjenja. — 5. Mjez tym zo sće duchownje
z Khrystusom zjednoćeni, w njebjesach žiwi, je čěło hišće na zemi; ale čělna nakhilnosće dyrbiće
morić, a tohodla wšech złych skutkow so wostajić, kotrež z nich wukhadžeju. — 7. K džěcom nje-
wěry słušešće tež wy po swojim přjedawšim žiwjenju, hdyž běšće we wšelakich nakhilnosćach žiwi. —
8. Nětko pak jako křesćenjo, jako džěci wěry, njesměće takim hrěcham so podawać. — 10. Sta-
reho, hrěšneho čłowjeka so swlekši, maće so wobnowić po wobrazu Božim, po kotrymž běšće stwo-
rjeni; tute wobnowjenje stawa so we spóznacu Boha a zjewjenych wěrnosći. — 11. Wšě rozdžěle,
kotrež hewak mjez čłowjekami so pokazuja a na kotrež so kedžbnje hlada, njeplaća mjez křesća-
nami; tu su wšitcy w Khrystusu do jeneje wulkeje swójby zjednoćeni. — 13. Město přjedawšich
hrěšnych skutkow dyrbiće jako wobnowjeni čłowjekowje wšitke dobre počinki měć. — 14. Lubosć
ma wšitke počinki wožiwjeć a wjazać. — 15. Pokoj, kotryž je nam Khrystus zasluził, a kotryž
w tom wobstoi, zo sny z Bohom wujednani, njech we wašich wutrobach knježi a was ze swjatej
radosću napjelni, zo sće nad hrěchom dobyli, a k wěrje do Khrystusa powołani a z nim a ze wšěmi
wěrjowymi jene čěło, mjenujey cyrkej, wučinjeje. Za swoje powołanje budźće džakowni přez to,
zo sće hódny w nim žiwi. — 16. Słowo Bože, t. r. wučba Khrystusowa zakorjeń so mjez wami,
wožiwjej was, čin was mudrych, zo móžeće so mjez sobu wučić a napominać a k dobremu so za-
horjeć ze słowami psalmow a spěwow. ** Kaž so zwonkownje ze spěwami napominaće, tak khwalće
tež znutřkownje Boha, hnuci wot miłosće Božej.

Knjeza Jézusa Khrystusa, džak prajicy Bohu a Wótcej přez njeho.*

18. Žony, budźće poddate mužam, jakož so słuša, w Knjezu.*

Ef. 5, 22; 1. Pětr. 3, 1.

19. Mužowje, lubujće swoje žony a njebudźće surowi přećiwo nim.*

20. Džěci, poslušajće swojich staršich we všim; přetož to je spodobne w Knjezu.

Ef. 6, 1.

21. Nanowje, njezlobće swoje džěci, zo bychy małomyslnje njebyle.*

Ef. 6, 4.

22. Wotročy, poslušajće čělnych knjezow we všim, nic k wočomaj služicy, jako byšće čłowjekam so spodobali, ale we wěrnosći wutroby, Boha so bojicy.*

23. Štožkuli činiće, činće z wutroby, jako Knjezej a nic jako čłowjekam,*

24. Wědźicy, zo wot Knjeza dostanjeće mzdu herbstwa.* Knjezej Khrystusej słužće.

25. Přetož, štož njeprawdu čini, dóstanje za to, štož je njeprawje činil; přetož dziwanje na wosoby njeje pola Boha.*

Rom. 2, 6.

STAW IV.

Žada, zo bychy za njeho so modlili a zo bychy z njewěrnyymi kedźbnje a mudrje wobkhaželi;

sćełe někotrych, kotřiž bychy jim njewili, što so pola njeho stawa, a přispuje strowjenja na wšelakich, žadajo, zo by tutón list, a tež tón na Laodicejskich posłany, we woběmaj cyrkwjomaj so čitał.

Knjezowje, štož je prawe a zdobne,* wopokažće wotročkam, wědźicy, zo maće tež wy Knjeza w njebiesach.

2. **W modlitwy zwostawajće, w njej kedźbujuj w džakowanju,***

Luk. 18, 1; 1. Thess. 5, 17.

3. Modlicy so sobu tež za nas, zo by nam Bóh durje słowa wotewrił k rěčenju wo potajnosći Khrystusowej* (kotrejež dla sym tež jaty),

4. Zo bych ju wozjewił tak, jakož so mi słuša rěčeć.

5. W mudrosći khodźće před tymi, kotřiž su zwonka, čas wukupujcy.*

Ef. 5, 15.

6. Waša rěč budź přeco lubozna, ze selu začinjena, zo byšće wědźeli, kak so słuša kóždemu wotmołwjeć.*

7. Što so ze mnu stawa, wšitko wam wozjewi Tychikus, najlubši bratr a swěrný služownik a sobuwotročk w Knjezu,*

8. Kotrehož runje tohodla k wam pošlach, zo by spóznał, što so pola was stawa, a waše wutroby pokojil,

17. Jadro křesćanskeho žiwjenja wobstoi w tom, zo wšitko činiće w njenje Jězusowym, zo na njeho myslíte, a z tym so pohonjeće k dobrym skutkam. — 18. Japoštoł dawa nětko wučby wšelakim stawam swójb. Poddate maju być žony, jakož so słuša w Knjezu, t. r. po Khrystusowej kasni a wučbje, potajkim nic hrěšnym požadanjam mužow. — 19. t. r. maće knjezić a poručec, ale přecelnje a sprawnje. — 21. t. r. njebudźće surowi přećiwo nim, jakož běchu často pohanscy starši přećiwo swojim džěćom, dokelž mějachu wšitku móc nad nimi, tak zo je druhdy předawachu abo morjachu. — 22. 23. Čělnym knjezam, kotřiž maju prawo na waše čělo, kotrymž maće ze swojim čělom słužić, činće radši wšitko, štož maće kazane, jako byšće swojemu njebieskemu Knjezej słužili, a nic čłowjekam. — 24. Hdyž swojim čělnym knjezam tak słužíte, jako byšće njebieskemu Knjezej słužili, zasłužíte sebi ze swojej službu njebieske myto a sće tak derje płaćeni, hač runje wot čělnych knjezow ani džaka njedostanjeće. — 25. Jakož waša služba bjez myta njewostanje, tak njewostanje njeprawda, kotraž so wam wot wašich knjezow stawa, bjez khostanja.

IV. 1. t. r. nic jeno to, štož maju sebi wotročy z prawom žadać, jim dawajće, ale tež, štož so po lubosći słuša, zo jich mocam wotpočink, a w kóždej nuzy pomoc jim poskićeće, zo jim wodaće, hdyž w službje w něčim njeprawje činjachu; přetož tež wy maće swój wobkhaž z nimi před Bohom zamołwjeć. — 2. t. r. modliće so wobstajnje, a kedźbnje a z nowymi próstwami sjednoće tež džak zo dostate dobroty. — 3. Modliće so tež za mnje, zo by mi Bóh durje jastwa wotewrił, tak zo bych Jězusowu wučbu rozšěrjeć móhl, jakož sebi moje japoštołske powołanje žada. — 5. Z njewěrnyymi abo pohanami wobkhažće mudrje, zo byšće ze swojim přikładom jich za křesćanskú wěru dobyli, a čas žiwjenja naložujće tak, zo byšće sebi njebiesa zasłužili. — 6. Waše rozrěčowanje, wosebje z pohanami, budź přecelne, z mudrosću selene, t. r. derje překládžene, zo byšće wsůdžom zamołwjeć móhli, štož rěčiće, a kóždemu derje wotmołwić, wo čimž so was praša. — 7. Tychikus přewođeše Pawoła na jeho třěćim puću k pohanam do Europy (Jap. sk. 20, 4), a nětko sćełe wón jeho do Kolossac.

9. Z Onesimom, najlubšim a swěrnym bratrom, kotryž je wot was.* Wšitko, štož so tu stawa, wozjewitaj wam.

10. Postrowja was Aristarchus, mój sobujaty, a Markus, Barnabasowy wuj, wo kotrymž sće přikaznje dóstali; přinďte-li k wam, přijmiće jeho;*

11. A Jězus, kiž rěka Justus,* kotriž su z wobřezanja; ěi su sami moji pomocnicy w kralestwje Božim, kotriž běchu mi k pokojenju.

12. Postrowja was Epafras,* kotryž je wot was, služownik Khrystusa Jězusa, přeco za was starosćiwý we modlitwach, zo byšće stali dokonjeni a napjelnjeni we wšěj woli Božej.

13. Přetož swědčenje jemu dawam, zo

ma wjele prócy za was a za tych, kotřiž su w Laodiceji a kotřiž w Hierapolu.*

14. Postrowja was Lukaš, najlubši lékař, a Demas.* 2. Tim. 4, 11.

15. Postrowće bratrow, kotřiž su w Laodiceji, a Nymfasa a cyrkej, kotraž je w jeho domje.*

16. A hdyž budže tutón list pola was přečítany, postarajće so, zo by tež w cyrkwi Laodicejskich so čitał; a tón, kotryž je za Laodicejskich, wy čitajće.*

17. A rjekće Archippej:* Hladaj službu, kotruž sy dóstał w Knjezu, zo by ju dopjelnil.

18. Postrowjenje z mojej, Pawołowej ruku.* Spominajće na moje puta. Milosć z wami. Amen.



PRĚNI LIST S. JAPOŠTOŁA PAWOŁA NA THESSALONISKICH.

STAW I.

Thessaloniskich khwali, Bohu džak prajiwši, zo přijatu wěru wobkhowachu, zo buchu jeho, haj samo Knjezowi sčchowarjo, za druhich wěrnych pak přikład, zjawnje pokazujcy, kajki plód je jeho přédowanje pola nich měło.

Pawoł a Silvanus a Timotheus* cyrkwi

Thessaloniskich w Bohu Wótcu a w Knjezu Jězusu Khrystusu.**

2. Milosć wam a pokoj. Džakujemy so Bohu přeco za was wšitkich, spominajcy na was w swojich modlitwach bjez přestaća,

9. Onesimus bě w Kolossae rodženy, bě njewólnik, tola pak wot japoštoła lubowany a tudy bratr mjenowany. — 10. Aristarchus bě z Thessaloniki, tež přewodźeł Pawoła (Jap. sk. 20, 4), Mark t. j. Jan Mark (hlad. Zawod XVI), evangelista. — 11. Jězus Justus njemjenuje so druhdze. Tući, ze Židow, běchu towařowje jateho Pawoła w Romje a jako běchu jeho prjedy při rozšěrjenju swjateje wučby podpěrali, tak jeho nětko jateho pokojeja. — 12. Epafras, z Kolossae rodženy, najskerje založer tamnišje křesćanskeje wosady, stara so a prosy tež nětko njepřestawajcy za nju. — 13. Tež w susodstwje, wosehje w městomaj Laodiceji a Hierapolis bě Epafras a napinanjom přédował. — 14. Lukaš, hl. Zawod XVII. Wo Demasu so jeno spomina, zo je Pawołej w rozšěrjenju ewangelia pomhał. — 15. Nymphas, nahladny křesćan w Laodiceji, poskićeše w swojim domje křesćanam město za Bože služby. — 16. Pawoł je, kaž tónle rjadk spomina, tež do Laodiceje list pisał, kotryž pak je so zhubil. — 17. Archippus bě najskerje zastupnik Epafrasa a tak předsťojnik wosady; měješe duchowne zastojnstwo, ale hač bě diakon abo wyšši duchowný, njeje znaty. — 18. Jakož druge listy podpisa Pawoł tež tónle ze samsnej ruku a přistaji postrowjenje, jadriwe napominanje, zo bychu po jeho přikładze kruće stali we wěrje, byrnje za nju čerpjeć měli, a kónči z přecom, zo by jim milosć Boža, jako najlěpše kubło, data była.

I. 1. Silvanus abo Silas a Timotheus přewodźeštaj Pawoła na puću přez Macedoniju (hl. Jap. sk. 15, 22) a podpěraštaj jeho w Thessalonicy, běštaj tohodla tamnej wosadze derje znataj. ** t. r. cyrkwi, kotraž je založena we wěrje do Boha Wótea a do Jězusa Khrystusa, a z tym so rozeznawa wot pohanstwa a židowstwa.

3. Wopominajcy skutk wašeje wěry, a prócy a lubosće, a wutrajnosće nadźije na našeho Knjeza Jězusa Khrystusa před Bohom a našim Wótcom,*

4. Wědźicy, wot Boha lubowani bratřa, wo wašim wuzwolenju;*

5. Přetož naše ewangelium njeprědně k wam jeno w řeči, ale tež w mocy a w Duchu swjatym a we wulkej polnosći, jakož wěsće, kajcy smy mjez wami byli was dla.*

6. A wy bušće naši a Knjezowi sćehowarjo, přijawši słowo we wulkej česnosći z radosću Ducha swjateho,*

7. Tak zo bušće přikład za wšěch wěriwych w Macedoniji a w Achaji.*

8. Přetož wot was wuklinča Knjezowa řeč nic jeno w Macedoniji a w Achaji, ale tež na kóždym měsće roznjese so waša wěra do Boha, tak zo nam njeje trjeba něšto prajić;*

9. Přetož woni sami powědaju wo nas, kajki přikład smy k wam měli, a kak sće so wobročili k Bohu wot přibohow, zo byšće služili žiwemu a wěrnemu Bohu,*

10. A wočakowali jeho Syna z njeby, kotrehož je zbudził wot mrtwych, Jě-

zusa, kotryž je nas wumóžil wot přichodneho hněwa.*

STAW II.

Pokazuje, z kak čistym zaměrom je mjez nimi ewangelium wopowědował, a dźakuje so, zo su přijate słowo Bože pilnje wobkhowali, hač runje mějachu wjele čerpjeć wot svojich krajanow, jakož židowske cyrkwe wot Židow, kotřiž z Khrystusom tež wšěch wěriwych přesčěhaju. Wobswědčuje, kak horcn lubosć ma k nim.

Přetož sami wěsće, bratřa, zo naš přikład k wam njebu podarmo,

2. Ale přjedy čerpjewši a wohanjeni (jakož wěsće) we Filippi, mějachmy dowěru w swoim Bohu, wam ewangelium Bože wopowědować we mnohej starosćiwosći.*

Jap. sk. 16, 19.

3. Přetož naše napominanje (njewukhadža) ani z błudu, ani z nječistosće, ani w lesći,*

4. Ale jakož smy wuspytani wot Boha, zo by nam ewangelium dowěrene bylo, tak řečimy, nic zo bychmy čłowjekam so spodobali, ale Bohu, kiž přepytuje naše wutroby.*

5. Přetož nihdy njewužiwachmy ani lišćaceje řeče, jakož wěsće, ani přiležnosće k nahrabnosći (Bóh je swědk),*

8. Japoštoł khwali wěru, nadźiju a lubosć wosady; přetož wona je so kruta wopokazała tež w čerpenjach, wopory za druge wosady je rady přinjesła a njeprěstawajcy nadźiju stajala na Khrystusa. Te počínki su přez milosć Božu we wosadze plódžene a tohodla dźakuje so Pawoł za nje Bohu Wótcej. — 4. Tónle dźak wupraji Pawoł z přeswědčenjom, zo je wosada wot Boha samoho powołana k wěrje a zbóžnosći. — 5. t. r. sami sće zhonili, zo běch při rozšěrjenju ewangelia mjez wami z wosebitej mocu Božej podpěranj; nic z našej wšědnej řečniwosću, ale ze skutkowanjom bohateje hnady Ducha swjateho bu ewangelium mjez wami zakorjenjene. — 6. W tom sće mje sćehowali, zo ewangelium w čerpenjach přijěsće z wjeselosću, kotryž je Duch swjaty we was zbudził. Zo w čerpenjach so zradowašće, z tym sće nic jeno mi, ale tež Knjezej podobni. — 7. Kaž sće mje sćehowali, tak dawaće nětko druhim přikład dobrych počinkow. — 8. Wot was rozšěrješe so ewangelium, kotrež je Jězus najprjedy zertnje wozjewjał, a kotrež tohodla z prawom so mjenuje Knjezowa řeč, nic jeno po grekskim kraju, ale tež w dalšich krajinach; tuž je z tym wšudže znate, zo sće wot přibóžstwa k wěrje do Khrystusa so wobročili, a zo ja njetrjebam wo tom řečeć. — 9. Tamni, kotřiž w Macedoniji a w Achaji a druhde bydla a přez was k wěrje do jehono žiweho Boha so wobročichu, wozjewjeju, z kajkej mócněj podpěru Ducha swjateho sym ewangelium njez wami rozšěrjał. — 10. Nic jeno žiwemu Bohu nětko služiće, ale wěriće tež do Jězusa Khrystusa, Syna Božeho, z mrtwych wstanjeného, kiž je nas wumóžil wot khostanjow, kotrež na hrěšnikow přindu, a wočakujeće z dowěru a bjez bojosće jeho zasopřikhad.

II. 2. t. r. čerpenja, kotrež mějach dla ewangelia w Filippi wustać, njewottrašichu mje, je dale rozšěrjeć, ale z dowěru na Božu pomoc dóndžech k wam. — 3. t. r. štož sym wučil, wo tom sym přeswědčeny, njebludžu we wučbje; nimam sebične, nječiste wotpohladanje a nochcu nikoho z tym zjebać. — 4. Ewangelium jeno tohodla wopowědujemy, dokelž smy wot Boha k tomu wupytani, a tohodla řečimy jeno to a tak, štož a kaž so Bohu spodoba, kotryž nic jeno naše skutki a słowa znaje a sudži, ale tež naše mysle. — 5. 6. Při rozšěrjenju ewangelia njeliščimy so ženje čłowjekam, a njepytamy ani swojeho wužitka, ani swojeje česće.

6. Njepytajcy khwalby ani wot čłowjekow, ani wot was, ani wot druhich.

7. Hač runje móžachmy was wobćežować jako japoštolowje Khrystusowi, buchmy tola džěci we wašej srjedzinje, kaž hdyž čěšaca swoje džěci pěstuje.*

8. Tak za wami žadajcy, chcychmy wam rad nic jeno ewangelium Bože podač, ale tež swoje žiwjenje, dokelž bušće nam tak jara lubi.

9. Přetož wopominaće, bratřa, našu prócu a našu čězu, wo dnjo a w nocy so prócujcy, zo njebychmy nikoho z was wobćežowali, wopowědowachmy mjez wami ewangelium.* Jap. sk. 20, 34;

1. Kor. 4, 12; 2. Thess. 3, 8.

10. Wy sće swědkowje a Bóh, kak swjeće a sprawnje a bjez poroka běchmy za was wěrjacych,*

11. Jakož wěsće, kak kóždeho z was, kaž nan swoje džěci,

12. Napominajcy a pokojicy wopřisahachmy, zo byšće Boha hódnje khodžili, kotryž was woła do swojeho kralestwa a do swojeje krasnosće.*

13. Tohodla džakujemy so tež my Bohu bjez přestaća, zo, hdyž přijěšće wot nas slyšane slovo Bože,* je njepřiješće jako slovo čłowjekow, ale (štož woprawdže je)

jako slovo Bože, kotrež skutkuje we was, kotřiž bušće wěrjacy.**

14. Přetož wy bušće sčěhowarjo, bratřa, cyrkwjow Božich, kotrež su w Judeji w Khrystusu Jězusu, dokelž sće tež wy to same čerpjeli wot swojich sobukrajanow, jako tež woni wot Židow,*

15. Kotřiž tež Knjeza morichu a profetow, a tež nas přescěhachu, a kotřiž Bohu so njespodobaju* a wšitkim čłowjekam njepřečelni su,

16. Hdyž nam wobaraju k pohanam rěčeć, zo bychy zbóžni byli, zo bychy (tak) přeco dopjelnjeli swoje hrěchi; přetož hněw Boží je na nich přišoł hač do kónca.*

17. My pak, bratřa, wopušćeni wot was na krótki čas, po wobliču, nic po wutrobje, khwatachmy čím bóle was wohladać z wulkej žadosću,*

18. Dokelž chcychmy k wam přińć, mjenujcy ja Pawoł, jónu a druhi króć; ale zezadźěwa nam djabol.*

19. Přetož što je naša nadźija abo radosć abo króna khwały? Njejsće to wy před našim Knjezom Jězusom Khrystusom při jeho přikhadže?*

20. Haj wy sće naša khwała a radosć.

7. Runjež móžachmy žadać, zo byšće nam za naše japoštołske džěło dawali, štož k žiwjenju trjebachmy, njewobćežowachmy was z ničim, ale běchmy mjez wami runja džěćom, kotrež sebi tež ničoho nježadaju, haj, starachmy so za was tak lubosćiwje, jakož mać za swoje džěćo; tež swoje žiwjenje bychmy za was woprowali, hdy by so to žadało. — 9. Hač do mučnoty džělahmy čězcy, zo bychmy nikoho wot was njewobćežowali. — 10. t. r. kak swjeće před Bohom a kak sprawnje před čłowjekami běchmy mjez wami žiwi. — 12. Tak tež was napominachmy k dobremu žiwjenju, z kotrymž maće za swoje powołanje k wěrje a k zbóžnosći džakowni być. — 13. t. r. slovo Bože, kotrež sće wot nas slyšeli. ** Wosebje tohodla džakuju so Bohu, zo za to swědčicie, zo sće slovo Bože přijeli nic zwonkownje, jako čłowjesku wučbu, njewěrjacy a dwělujcy, ale tež znutřkownje, jako slovo Bože, je njedwělmomnje wěrjacy a po nim skutkujcy. — 14. Wy sće po swojej krutej wěrje podobni cyrkwjaw Judeje; kaž bnuhu tam wěrjacy wot swojich krajanow, Židow, křesćanskeje wěry dla přescěhání, tak maće tež wy wot swojich krajanow wěry dla čerpjeć a zwostanjeće při tom swětni we wěrje. — 15. Dokelž su Knjeza a profetow morili, tohodla je hněw Boží nad nimi. — 16. Židza su njepřečelowje čłowjestwa, dokelž mi wobaraju, zo bych mjez pohanami ewangelium rozšěrjał, a tak jich k zbóžnosći dowjedž; Židza zawidža pohanam zbóžnosć, a z tym rostu jich hrěchi, a hněw Boží wěsće na nich so wulinje do kónca, t. r. cyle, kaž su sebi z wulkej měru swojich hrěchow zaslužili. — 17. Jakož nan so wopušćeny čuje, hdyž je wot swojich džěci džěleny, tak je Pawoł zrudženy, zo je wot swojich wěrjacych, byrnje jeno na khwilku a po wobliču džěleny, a žada mócnej jich znowa wohladać. — 18. Zadźěwki, wot djabołskeje złośće přihotowane, njedowolichu Pawoła, do Thessaloniki přińć. — 19. Thessaloniska wosada bě Pawołowa nadźija, dokelž so nadźiješe, zo we wěrje wobstajni wostanu; jeho radosć, dokelž wěra tak rjane plody mjez nimi njeseče; króna krasnosće, dokelž dopokazuja dobry wuspěch jeho džěla a zo je dobył nad njepřečeleni wěry a sebi zaslužil dobyćersku krónu, z kotrež budže so khwalić móc před Jězusom Khrystusom.

STAW III.

So bojo, zo bychu přez ćerpjenja wot wěry so wotwobrodić móhli, pósta Pawoł Timothea k nim, zo by jich posylnjał; hdyž bě so tón wrócił, džakuje so Bohu, zo běchu woni we wěrje a lubosći krući wostali; spomina, kak horco žada, zo by jich wohladał a zo by wu-runal, štož jich wěrje so njedóstawaše.

Tohodla, hdyž to dlěje znjesć njemóžachmy,* zespodoba so nam, zo sami zawostachmy w Athenje,

2. A posłachmy Timothea, našeho bratra a služownika Božeho w evangeliu Khrystusowym, zo by was wobkrućal a napominal we wašej wěrje,

3. Zo by nichto njepokhablał w tutech ćěsnosćach; přetož sami wěsće, zo smy k tomu postajeni.*

4. Přetož tež, hdyž běchmy pola was, předpowědachmy wam, zo změjemy ćěsnosće ćerpjeć, jakož je so tež stało, a to wěsće.

5. Tohodla tež ja, to dlěje znjesć njemóžo, posłach k wam, zo bych zhonił wo wašej wěrje, zo by was trjebaj njespytował tón, kiž spytuje, a tak podarmo byla naša próca.*

6. Nětko pak, hdyž je Timotheus k nam wot was přišoł a nam wopowědał wo wašej wěrje a lubosći, a zo maće nas stajnje w dobrym wopomnjeću, žadajcy nas widzieć, runje jakož my was,

7. Tohodla buchmy pokojeni, bratřa, was dla při wšej našej nuzy a ćěsnosći přez wasu wěru.*

8. Přetož nětko smy žiwi, hdyž wy stojíte w Knjezu.*

9. Přetož kajki džak móžemy Bohu dać za was we wšej wjesolosci, z kotrež so wjeselimy was dla před našim Bohom,*

10. Wodnojo a w nocy přezměrnje so modlicy, zo bychmy wohladali waše wobličo a dopjelnili to, štož so njedóstawa wašej wěrje?*

11. Wón pak Bóh a naš Wótc a naš Knjez Jězus Khrystus njech zruna naš puć k wam.*

12. Was pak njech Bóh rozmnoži, a sćini, zo by znadobywała waša lubosć mjez sobu a k wšitkim, jakož tež my k wam (mamy),*

13. Zo bychmy wobkrućili waše wutroby, bjez poroka w swjatosći před Bohom a našim Wótcem w přikhadě našeho Knjeza Jézusa Khrystusa ze wšěmi jeho swjatymi.* Amen.

STAW IV.

Napomina, zo bychu jim podate kaznje wobkedźbowali, so wostajejcy kurwařstwa a mjez sobu so lubujcy, z rukomaj džěłajcy, zo jim njeby trjeba było, wot někoho něšto žadać; wući, kak mrtwi wstanu, zo bychu njepoměrnje so njerudžili tych dla, kotřiž wusnychu.

Hewak pak, bratřa, prosimy was a napominamy w Knjezu Jézusu,* zo byšće, jakož sće wot nas dóstali, kak so słuša khodźić a Bohu so spodobać, tak tež khodžili, zo byšće so bóle zdospołnjeli.**

2. Přetož wěsće, kajke prikaznje wam dach přez Knjeza Jézusa.*

III. 1. t. r. znjesć njemóžachmy, zo sće w přesěhanjach wopušćeni, posłachmy k wam, dokeli sami přińć njemóžachmy, Timothea, zo by was wobkrućal. — 3. t. r. zo něšto ćerpimy, kaž sym wam tež wěšćil. — 5. t. r. chcych zhonić, hač sće w ćerpjenjach krući wostali wo wěrje, a čěške spytowanja, kajkež přesěhanja, wot djabola zbudžene, wam přihotowachu, bjez škody znjesli. — 7. Srjedź našeho hubjenstwa buchmy zwjeseleni nad tym, štož nam Timotheus, wot was so wróciwši, wo wašej wěrje powědaše. — 8. t. r. my w horjach znowa wožiwjamy, slyšicy, zo sće swěrní Knjezej. — 9. Nimamy ničoho, z čimž bychmy Bohu so dodžakować móhli za čistu wjesolosc, kotruž mamy wašeje kruteje wěry dla. — 10. Japoštoł žada tak nutrnje za Thessaloniskimi, zo by jich přez dalše zertne powučenje k wobstajnosći napominal. — 11. Bóh njech mi puć k wam přihotuje a zaděwki wotstroni, kotrež so mi činja. — 12. Bóh njech wašej wosadže nowe sobustawy wobradzi, a wam přiběrać da na lubosći k wšitkim, kaž tež ja was horco lubuju. — 13. t. r. zo byšće w lubosću so wobkrućili, a tak bjez poroka a swjećil byli před Bohom, hdyž Khrystus přińdže z jadźelemi a swjatymi sudzić žiwych a mrtwych.

IV. 1. t. r. na měsće Knjeza, a z jeho mocu wuhotowani. ** t. r. w dobrych počinkach. — 2. Znajěće kaznje, kotrež wam dach, jako kaznje Khrystusowe.

3. To je mjenujcy wola Boža, waše swjatosćenje: * zo byšće so zdźerželi kurwafstwa,

Rom. 12, 2. Efes. 5, 17.

4. Zo by kóždy wědźał swoje sudowjo dobyć w swjatosćenju a česći,*

5. A nic w nahlej požadosći, jako pohani, kotřiž Boha njeznaja,*

6. A zo by nchtó swojeho bratra njeprěhnał abo njewojebał we wikowanju; přetož Bóh je wječer wšoho toho, jakož smy wam předpowědzeli a wobswědčili.*

7. Přetož Bóh njeje nas powolał k nječistoće, ale k swjatosćenju.

8. Tuž štóž to zacpěwa, njezacpěwa čłowjeka, ale Boha, kotryž je tež swjateho Ducha do nas dał.*

9. Wo lubosći pak nimamy trjeba wam pisać; přetož sami sće wot Boha nawučeni, zo so mjez sobu lubujete.

Jan. 13, 34; 15, 12, 17; 1. Jan. 2, 10; 4, 12.

10. Přetož to džě činiće wšěm bratram po wšej Macedoniji. Prosymy pak, bratra, zo byšće (w tom) bóle nadobýwali,*

11. A so prócowali, zo byšće pokojni byli a swoje džělo wukonjeli, a ze swojimaj rukomaj džělali, jakož smy wam při-

kazali, tak zo byšće čestnje wobkhađzeli před tymi, kotřiž su zwonka, a zo byšće wot nikoho ničo njepotřebowali.

12. Nohcemy pak, zo byšće njewědźeli, bratra, wo tych, kotřiž su wusnyli, zo byšće so njerudźili jakož druzy, kotřiž nadžije nimaju.*

13. Přetož hdyž wěrimy, zo je Jězus wumřel a wot mrtwych wstanyl, tak tež Bóh tych, kotřiž su we Jězusa wusnyli, z nim přiwjědze.*

14. Přetož to wam prajimy we słowje Knjeza,* zo my, kotřiž smy žiwi, kotřiž smy wostajeni hač na přikhađ Knjeza, njepředědžemy tych, kotřiž su wusnyli;**

1. Kor. 15, 28.

15. Přetož Knjez sam z rozkazom a z hłosom arcjanděła a z trubu Božej* zestupi z njebja, a mrtwí, kotřiž su w Khrystusu, wstanu přeni;

16. Potom budžemy my, kotřiž smy žiwi a kotřiž smy wostajeni, sobu z nimi torhnjeni na mróčelach do powětra Khrystusej napřećiwo, a tak budžemy přeco z Knjezom.

17. Tohodla pokojće so mjez sobu z tutymi słowami.

8. Woprijćeje wšitkich kazni abo wole Božej je, zo byšće bóle a bóle w swjatym žiwjenju přiběrali, a wosebje nječistoty so wostajili. — 4. t. r. w dowolenym mandělstwje čestnje a bohobojasnje žiwy być. — 5. Pohanjo, kotřiž Boha spózнали njejsu, móža skerje zamołwjeni być, hdyž su po přinarođenych nakhilnosćach žiwi, ale křesćenjo njesmědža so jim runać. — 6. Tež nahrabnosće maju křesćenjo so wostajić, a njesmědža z ničim swjateho bližšeho wojebać, dokelž Bóh by to khostał. — 8. Štóž to, štož kasnje Bože prikazuja, nječini, ale ze swojim žiwjenjom zapřewa, njehřeši přećiwo čłowjekam, ale přećiwo Bohu, kotryž je nam kasnje a tež Ducha swjateho dał; wot njeho rozswětleni a posylnjeni, móžemy tež jich poručnosće dokonjeć. — 10. 11. Zo je was Bóh sam wučil, kak maće so mjez sobu lubować, to pokazujeće z tym, zo wšitkich wěriwych w Macedoniji lubujete, k lubosći samej was njetrjebam pohonjeć, ale zo byšće w njej rostli a we wšěch dobrych počinkach přiběrali, w pokoju ze swojimi bližšimi žiwi byli, na sebje a na swoje naležnosće keđžbujcy, wo naležnosće druhich so njestarajcy. Tak njebudžće pohanam pohórsk dawać, a njebudžće wam trjeba, druhich wo podpěru prosyć. — 12. Pawoł rozwučuje Thessaloniskich wo wotemřětych, a mjenuje jich wusnylenych; přetož křesćanska smjerc je runja sparej, z kotrehož na sudnym daju wotučimy; tohodla nimamy so wo nich rudzić, jakož pohanjo, kotřiž nadžiju na wěčnje zbóžne žiwjenje nimaju. — 13. Kaž Jězus wumřel a zaso wstany, tak směmy so nadžijeć, zo Bóh tych, kotřiž we wěrje do Khrystusa wumřechu, tež zbudži a z Khrystusom zjednoći. — 14. t. r. po wěrnosći, mi wot Knjeza zjewjenej. ** 8. japoštoł wočakowaše druhí přikhađ Khrystusowu w krótkim času, w kotrymž budža hišće někotři žiwi, na kotrychž wón piše; tola to běše jeno jeho měnjenje, nic pak wotjewjena wěrnosć Boža. Či nětko, kotřiž budža kaž wón praji, při přikhađze Jězusowym hišće žiwi, njepřihnu před wotemřětymi k zbóžnosći, ale po Božej poručnosći na hłos arcjanděła a mócneje truby Božej wstanu wusnjeni, a z nimi so čí, kotřiž budža hišće žiwi, k njebju njjesu, Khrystusej napřećiwo, kiž z njebjes zestupi, a zjednoća so na wěčne z nim. — 15. Truba mjenuje so Boža, dokelž so po Božej poručnosći trjeba.

STAW V.

Sudny džen njenadžijcy přindže, ale njemóže jich překhwatać, dokelž stajuje na njón so přihotuja, k čomuž jich tež napomina; dopomina jich na poslušnosť přećiwo předstajenym a kak maju mjez sobu a přećiwo Bohu so zadžeržeć; prosy za nich, a žada, zo bychy za njeho prosyli.

Wo časach pak a khwilach, bratřa, njepotrjebujeće, zo bychmy wam pisali.

2. Přetož sami derje wěsće, zo džen Knjeza tak přindže, jakož paduch w nocy.*

2. Pětr. 3, 10; Zjew. 3, 3; 16, 15.

3. Přetož hdyž budža prajić: pokoj a bjezstrašnosť, tehdy přindže nahle zahubjenje na nich, jako bolosć na čezkožiwotnu, a (woni) njećeknu.*

4. Wy pak, bratřa, njejsće we čmě, zo by was tón džen jako paduch překhwatał;

5. Přetož wy wšitcy sće džěći swěta a džěći dnja; njejsmy džěći nocy ani čmy.*

6. Tohodla njespjimy, jakož tež druzy, ale budžmy wotućeni a strózwj.

7. Přetož kotřiž spja, spja w nocy; a kotřiž su pjeni, su w nocy pjeni.

8. Ale my, kotřiž smy džěći dnja, budžmy strózwj,* woblećeni z kabatom wěry a lubosće, a z nahłownicu nadžije na zbóžnosť; ** Is. 59, 17; Ef. 6, 14. 17.

9. Přetož Bóh njepostaji nas k hněwej, ale k dobyću zbóžnosť přez našeho Knjeza Jězusa Khrystusa,*

10. Kotřiž je za nas wumřěl, zo bychmy, njech smy wotućeni, njech spimy, sobu z nim žiwi byli.*

11. Tohodla pokojće so mjez sobu, a natwarjeće jedyn druhého, jakož tež činiće.*

12. Prosmy pak was, bratřa, zo byšće připóznali tych, kotřiž mjez wami džělaju, a su wam předstajeni w Knjezu a was napominaju,

13. Zo byšće jich nadobnišo lubowali jich skutka dla.* Mějće pokoj z nimi.**

14. Prosmy pak was, bratřa, porokujće njeměrnym,* pokojće małowšitnych,** přijimajće słabych,*** sčérpliwi budžće přećiwo wšitkim. Přst. 17, 13;

20, 22; Rom. 12, 17; 1. Pětr. 3, 9.

15. Hladajće, zo by nchtó nikomu zle ze zlym njewotplaćal; ale přeco, štož je dobre, činće jedyn druhemu a wšitkim.*

16. Přeco so wjeselće.*

17. Bjez přestaća so modlće.*

18. We wšim so džakujće; přetož to je wola Boža w Khrystusu Jězusu za was wšitkich.*

V. 2. Štož maće wo času Khrystusoweho přikhada wěrić, to znajeće z prjedawšich rozwnčenjow; zo tónle džen njenadžijcy přindže, jakož paduch w nocy, to tež wěsće. — 3. Runje tehdy hdyž budže swět w pokoj a wěstosć žiwy, přindže wěčny sudnik a wotsudži jich k zahubjenju; tomu njećeknu, jakož porodžaca njećeknje bolosćam. — 5. Sudny džen přindže, jakož paduch w nocy, wy pak njejsće žiwi w nocy a čemnosći, ale wodnjo a we swětle, t. r. sće rozwnučeni wo wěrnosćach a wobkrućeni w dobrym žiwjenju, a tak na přikhad Khrystusowy přihowani. — 8. Dokelž my wodnjo khodžimy, dyrbymy wotućeni a strózwj być; t. r. starosćiwj za swoju zbóžnosť, dokelž spar je wobraz bjezstarosće a pjanosć wobraz błuda. ** Derje wobrótnjeni dyrbymy takrjec na straň stać a so wobarać njepřećelow wěčneje zbóžnosť. Brónje, kotřež mamy nosyć, su wěra, nadžija a lubosć. — 9. Wěčneje zlóžnosť, za kotruž wojujemy, směny so nadžijeć, dokelž je nas Bóh přez Jězusa Khrystusa k njej powolał; tuž njeslušamy k tym, nad kotrymiž hněw Boží so wulinje, jich njewěry a hrěšnosť dla. — 10. Wěčna zbóžnosť, kotruž je nam Jězus Khrystus ze swojey smjerću dobył, wobstoi w tom, zo budžemy, njech smy na dnju jeho přikhada hišće žiwi abo hižo zemřěli, z nim wěčneje zjednoćeni. — 11. Wšitcy maju mjez sobu k dobremu so pohonjeć, ze słowem a přikladom. — 13. Swojich předstajenych, kotřiž za wasu zbóžnosť džělaju, maće wosebje lubować prócy dla, kotruž za was naložuja. ** Njedžlće so wot swojich předstajenych, zo njeby wosada rozpadnyla. — 14. t. r. kotřiž nochcedža, za swoje naleznosť jeničcy so starajcy, spokojnje žiwi być. ** t. r. w čerpjenjach njesčérpliwych. *** t. r. hišće we wěrje a dobrym žiwjenju njewobkrućenych. — 15. Nimaće so wjećić, ale wšitkim, křesćanam a pohanam, dobre činić. — 16. t. r. nad duchownymi kubłami, kotřež su tak wosobne, zo móža was tež w čerpjenjach wjesolych zdžeržeć. — 17. t. r. njewustawajće w modlenju, ale hdyž so ze rtom njemodlće, dokonjeće swoje druge winowatosće k česći Božej. — 18. t. r. we wšěch wobstojenjach, we wjeselu a zrudobje, džakujće so Bohu za wšo. Zo sće tak bohabyjaznje žiwi, je wola Boža, kotruž jo Jězus Khrystus wozjewil.

19. Ducha njewuhašejće.*
 20. Wěšćenja njezACPěwajće.*
 21. Wšitko pak přepytujće; štož je dobre, džeržće.*
 22. Wšoho, štož je po zdaću złe, so wostajće.*
 23. Wón pak Bóh pokoja, poswjěć was we wšim, zo by cyły waš duch, a duša a ćelo bjez poroka zakhowane było při přikhadže našeho Knjeza Jězusa Khrystusa.*

24. Swěrný je, kotryž je was powołał, kotryž to tež dopjelni.* 1. Kor. 1, 9.
 25. Bratřa, prośće za nas.
 26. Postrowće wšitkich bratrow ze swjatym wokošenjom.
 27. Zaročam was při Knjezu, zo by tónle list čitany był wšitkim swjatym bratram.*
 28. Milosć našeho Knjeza Jězusa Khrystusa (budź) z wami. Amen.



DRUHI LIST S. JAPOŠTOŁA PAWOŁA NA THESSALONISKICH.

STAW I.

Japoštoł džakuje so Bohu za wěru a wutrajnosć Thessaloniskich w přescěhanjach, kotrychž dla dóstanu krasnosć, přećiwnicy pak khostanje na sudnym dnju; prosy, zo bychy so hódni wopokazali powołanja Božeho.

Pawoł a Silvanus a Timotheus cyrkwi Thessaloniskich w Bohu našim Wótcu a w Knjezu Jězusu Khrystusu.

2. Milosć wam a pokoj wot Boha našeho Wótca a Knjeza Jězusa Khrystusa.

3. Džakować so dyrbymy přeco Bohu za was, bratřa, tak jako je hódno, dokelž mócnje rosće wašu wěra, a přiběra lubosć kóžděho z was přećiwo druhemu.*

4. Tak zo tež my z wami so khwalimy w cyrkwjach Božich za wašu sčerpnosć a swěru, a we wšěch wašich čerpjenjach a ćěsnoscach, kotrež znošće,*

5. Na dopokazmo sprawného sudu Božeho, zo byšće za hódnych měći byli kralestwa Božeho, za kotrež džě čerpiće.*

6. Hdyž wšak je sprawně pola Boha, wotplaćić ćěsnosć tym, kotřiž was ćěsnja,

7. A wam, kotřiž sće ćěsnjeni (wotplaćić) z wotpočinkom z nami při zjewjenju Knjeza Jězusa z njebjes z jan-dželemi jeho mocy,*

19. Hnadam Ducha swjateho njewobarajće, zo we was skutkuja. — 20. t. r. wosebje hnadu wěšćenja njezACPěwajće, dokelž profetowje wozjewjewjeju wěrnosće Bože. — 21. Dokelž je móžno, zo wěšćerjo swoje samsno wučby za wěrnosć Božu wudawaju, tohodla maće jich wučbu pruhować, a jeno toho so džeržće, štož so z wučbu zjednoćuje. — 22. t. r. wostajće so nic jeno zleho samoho, ale tež toho, štož złe być so zda. — 23. Waša próca njedosaha, Bóh dyrbi was podpěrać, zo byšće so swjatosćili, a cyle njezranjeni, bjezo wšoho poroka a hrěcha na sudnym dnju před Jězusom Khrystusom stali. Pod słowom „duch“ rozumi Pawoł wyšše duchowne mocy, rozum a wolu; pod słowom „duša“ pak nižše mocy, jakož čuće a zmysły. — 24. Bóh, kiž was k zbóžnosći powoła, je swěrný, a poda wam wšitku pomoc, kotruž potrjebujete, zo byšće k zbóžnosći so přihotować móhli. — 27. List bě na předstajenych pisany; wot nich japoštoł žada, zo bychy jón wšitkim wěriwym čitali.

I. 3. Milosć Boža, w tom so wopokazowaca, zo waša wěra přeco přiběra a zo waša lubosć rosće, zaslužuje džak. — 4. Khwalimy so tež w druhich křescanskich wosadach, zo sće krući we wěrje a wobstajni w čerpjenjach. — 5. Čerpjenja Bóh na was dopući, zo byšće jeho sprawný sud spóznali, dokelž z nimi zaslužiće sebi njebjesku krasnosć. — 6. 7. Boža sprawnosć wotplaći tym, kotřiž was ćěsnja, z ćěsnosću, wam pak, kotřiž sće wěry dla ćěsnjeni, z wěčnym wokrěwjenjom, na dnju přikhada Jězusa Khrystusa, kotryž z njebjes přidžde ze swojimi jandželemi.

8. Kotryż budźe w płomjenjach wohnja* so wječić nad tymi, kotřiž Boha njeznaja a kotřiž njeposluchaju ewangelium našeho Knjeza Jězusa Khrystusa;**

9. Kotřiž budźa khostanja ćerpjeć wědnje w zdalenju wot wobliča Knjezowego a wot krasnosće jeho mocy,*

10. Hdyž přidźe, zo by wokrasnjeny był we swojich swjatyach a wobdźiwany we wšitkich, kotřiž buchu wěrjacy — přetož wěrjene bu naše swědčenje k wam — na tamnym dnju.*

11. Tohodla modlimy so tež přeco za was, zo by was hódnych měł swojeho powołanja naš Bóh, a dopjelnil kóždy spodobanje na dobrym a skutk wěry w mocy,*

12. Zo by překrasnjene bylo mjeno našeho Knjeza Jězusa Khrystusa we was, a wy w nim po miłosći našeho Boha a Knjeza Jězusa Khrystusa.*

STAW II.

Wo Knjezowym dnju rozwučuje, zo bychu zawjednikam njewěрили a dopokazuje, zo najprjedy

syn zahuby přidźe, kiž budźe jebaťake dźiwy činić, z kotrymiž začisnjeni so zawjedu. Za wuzwolenje a wěru Thessaloniskich so dźakuje napominajo, zo bychu wot jeho dóstate podawizny wobkowali, a prosy za jich pokojenje a wobkrućenje.

Prosimy pak was, bratřa, wo přikładze našeho Knjeza Jězusa Khrystusa a našim zhromadženju k njemu,

2. Zo byšće hnydom so zawjerćeć nedali w swojim zmysłu a zastrašić ani přez ducha, ani přez řeč, ani přez list kaž přez nas posłany,* jako by blisko byl Knjezowy dzeń.**

3. Njezawjeď was nihtó z ničim, dokelž [Knjezowy dzeń njepridźe], khiba zo by prjedy přišoł wotpad a so zjewil čłowjek hrěcha, syn zahubjenja,*

4. Kotryž so znapřećiwa a přezběhuje přez wšitko, štož Bóh rěka, abo čomuś so modlenje dóstawa, tak zo w temple Božim sedźi, so pokazujo, jako by Bóh byl.*

5. Njepomniće, zo wam to prajach, hdyž běch hišće pola was?*

8. Sud budźe runja wohnjej, kotryž čiste zloto a slěbro dźěli wot nječisteho splawa, tež dźělić dobrych wot złych; tohodla rěka wo sudniku, zo přidźe w płomjenjach wohnja. ** Khrystus budźe khostać tych, kotřiž ze samsneje winy Boha njeznaja, a tež Židow, kotřiž drje Boha znaja, ale ewangeliju jeho Syna njewěra. — 9. Wědnje budźa čwělu ćerpjeć, a najhóře khostanje wostoji w tom, zo Boha, najwjetšu dobrość njewidźa, dokelž su wotstorčeni wot jeho wobliča. — 10. Na tom dnju, t. j. na kotrymž Knjez přidźe, zo by překrasnjeny był přez krasnosť swjatyach, kotřiž jeho přewodźeju a spodźiwny přez njezaprijomnu zbóžnosť, kotruž swojim wěriwym wudźěli. K tety, kotřiž budźa Knjeza překrasnjec a w kotrychž budźe wón spodźiwny, słušeće tež wy, dokeli sće wěрили našemu swědčenju, t. r. našej wučbje, kotruž was wučachmy. — 11. Prosimy Boha, zo byšće hódni byli zbóžnosť, do kotrejež was powoła; wón njeh ze swojej hnađu spodobanje nad dobrym zbudźi, a tak skutk wěry we was dokonja. — 12. Zo by Jězus Khrystus přez was, a zo byšće wy přez jeho překrasnjeni byli.

II. 2. W nastupanju přikhada našeho Knjeza a našeho zjednoćenja z nim, njesměće so do stracha a bojosće stajić dać ani přez „ducha“, t. r. přez falšnych profetow, kotřiž wudawaju, so za wot Ducha swjateho rozswětleni, ani přez „řeč“, t. r. wučbu, kotrež so nam připisuje, ani přez list, jako by wot nas pisany był. ** W Thessalonicy wěrjachu, zo je sudny dzeń blisko, a tohodla mjěchu někotři wulki strach, druzy pak sakomdžichu swoje powolańske wobstaranja. Japoštoł chce přernih změrować a druhich k pilnosći pohonjeć. — 3. Knjezowy přikład njemóže hišće tak blisko być, dokelž dwój podawk ma so po Božim wěšćenju před nim stać. Přeni je, zo mnozy wěrnosć křesćanskeje wučby zaprěwaju, wot křesćanstwa wotpadaju; drui, zo so bjesbožnik, antikhryt, zjewi; hl. Mat. 24, 4. — 4. Japoštoł rěka jemu „čłowjek hrěcha“, t. r. w kotrymž hrěšnosť knježi, kotryž je w cyłym byću hrěšny, z kotrehož wšón hrěch wukhadźa; „syn zahubjenja“, t. r. kiž je sam z wěčnym zahubjenjom khostany, a kiž druhich zahubić pyta. Wón je bjesměrnje hordy a naduty, tak so so swaži, Bohu so napřećiwec, přez Boha so wuzběhujo a Božu česć za sebe žadajo; haj tak daleko jeho złósć dosahnje, zo so na město Bože synje, hděš so wěrný Bóh česći a sebi modlitwy a wopory žada. — 5. Wšitko wam prajach, mjez wami přebywajo a na to mějete so dopomnić, a njesmědźeće so nastróžeć dać.

6. A nětko wěsće, što (jeho) zadžer-
žuje, zo by so zjewil w swojim času.*

7. Přetož hižo skutkuje potajnstwo
hjezbožnosće, jenož zo by, kotryž nětko za-
džeržuje, zadžeržał, doniž njebudže wot-
stronjeny.*

8. A tehdy wozjewi so tón hjezbožnik,
kotrehož Knjez Jězus Khrystus zniči
z dychom swojeho rta a zahubi z jas-
nosću swojeho přikhada;*

9. Kotrehož přikhad je po satanowym
skutkowanju ze wšej mocy a zelhanymi
znamjenjemi a džiwami*

10. A ze wšim zawjedženjom njespraw-
nosće za tych,* kotřiž zahinu, dokelž
lubosć k wěrnosći njeprijachu, zo bychu
zbóžni byli. Tohodla pósće jim Bóh
skutkowanje bluda, zo bychu lži wěрили,**

11. Tak zo bychu sudženi byli wšitecy,
kotřiž wěrnosći njewěrjachu, ale do nje-
prawdy zwolichu.*

12. My pak dyrbymy Bohu so dzako-
wać přeco za was, wot Boha lubowani
bratřa, zo was Bóh wuzwoli jako přenički
k zbóžnosći w poswjećanju ducha a we
wěrje do wěrnosće,*

13. Ke kotrež tež was powoła přez
naše ewangelium k dobyću krasnosće
našeho Knjeza Jězusa Khrystusa.*

14. Tuž, bratřa, stójće a wobkhowajće
podawizny, kotrež sće nawuknyli, njech
přez (našu) řeč, njech přez naš list.*

15. Sam pak naš Knjez Jězus Khry-
stus, a Bóh naš Wótc, kotryž je nas
lubował a (nam) dał wěčne pokojenje*
a dobru nadźiju w milosći,

16. Pokojuj waše wutroby a wobkrućej
(je) we wšim dobrym skutku a słowje.*

STAW III.

Žada, zo bychu za njeho prosyli, w nadźiji, zo
jeho přikaznje wobkhowaju; a napomina, zo
bychu so dźělili wot křesćanow, kotřiž nechce-
dza wobkhować, štož bě zawjedł, ani z rukomaj
džělać, štož bě tola sam Pawoł mjez nimi činił;
chce pak, zo bychu tajkich za njepřečelow nje-
měli, ale jako bratrow napominali.

Hewak pak, bratřa, prośće za nas, zo
by řeč Boža so rozšěrjała a wokrasnjena
byla, jako tež pola was,*

Ef. 6, 19; Kol. 4, 8.

2. A zo bychmy wumóženi byli wot
spjećiwych a zlych čłowjekow;* přetož
wšitkich (wěc) wěra njeje,**

3. Ale swěrný je Bóh, kotryž was wob-
krući a zakhowa před zlym.

4. Nadźijemy pak so wot was w Knjezu,
zo štož přikazujemy, tež činiće a činić
budžeće.*

6. Nětko wěsće, čohodla Knjez hišće njepřindže, čohodla jeho čas, wot Wótcu postajeny, tu
hišće njeje. Wotpad a čłowjek hrěcha so hišće zjawnje njepokazuje. — 7. Hrěšnosć drje hižo
skutkuje w zmyslenju, w řečenju a w pismowstwje, ale tola nic powšitkownje, nic zjawnje; jeje
rozšěrjenju wobara hišće dobry duch, kotryž w statnych zarjadowanjach knježi; hdyž so tónle po-
wróci, potom so dale zadžeržeć njehodži khroble wustupowanje a rozšěrjenje hrěšnosće a přikhad
hjezbožnika. — 8. Nětko potajnje rozšěrjana zlosć přihotuje přikhad hjezbožnika a jeho krótko
knježstwo; dokelž Jězus Khrystus předobudže jeho z dychom swojeho rta a z jasnosću, kotraž budže
jeho bliženje připowědować. Tak słaby je tamny syn zahubjenja přediwo Jěsusej. — 9. Syn za-
hubjenja móže jeno knježstwo dóstać z pomocu satana; wot njeho nawjedowany budže po zdaću
spodziwne wěcy činić a tak zaslepi a sjeba lohkowěriwych. — 10. t. r. kotřiž do njeho wěrja, za-
wjedže tež k skutkam njesprawnosće. ** Bjezbožny wliw změje djabolske skutkowanje na tych,
kotřiž zahinu, dokelž njewěrja, dokelž ani lubosće k wěrnosći nimaju; tuž khosta jich Bóh z tym,
zo do bludow wěrja. — 11. Kotřiž wěrnosć začisnu, a njewěrnosći přibližuju, zasluža sprawny sud
Boži. — 12. My mamy so Bohu dzakować, zo was wot spočatku wuzwoli k zbóžnosći, wam wudě-
liwši swjatosćacu hnadu a was pohnuwši k wěrje do wozjewjeneje wěrnosće. — 13. K wěrje powoła
was přez ewangelium, kotrež wam wopowědowachmy. — 14. Wěće kruće wšitke wěrnosće, njech
sym was je zertnje abo z listom wučil. — 15. t. r. pokojenje, kotrež njepřestanje, dokelž wjeselo
a zrudne podawki jenak rad wot Boha dóstawa. — 16. t. r. sćin was wobstajnych we wšim dobrym.

III. 1. t. r. zo by ewangelium hjez sadžěwka so rozšěrjało, a wot čłowjekow wšudě jako
móc Boža so připóznało. — 2. Pawoł ma tu někotrych Židow we wočomaj, kotřiž w Korinthu jeho
skutkowanju zawistnje sadžěwachu. ** t. r. wšitecy nechcedza wěrić ewangeliju, kotrež drje słyša. —
4. Ta nadźija je we was, dokelž wěmy, zo was Knjez podpěra.

5. Knjez pak wodź waše wutroby w lubosći Božej a sčerpnosći Khrystusowej.*

6. Při kazujemy pak wam, bratřa, w mjenje našeho Knjeza Jězusa Khrystusa, zo byšće so wotdžělili wot kóždeho bratra, kiž je njeporadnje žiwy, a nic po poručnosći, kotrež su wot nas dóstali.

7. Přetož sami wěsće, kak maće nas scěhować, dokelž njeběchmy mjez wami njeporjadni.*

8. Ani darmo khlěba njejsmy jědli wot někoho, ale w prócy a we wustawanju, w nocy a wodnjo džělajcy, zo bychmy nikoho wot was njewobćežowali.*

9. Nic jako bychmy mocy njeměli, ale zo bychmy wam při kład podali, zo byšće nas scěhowali.

10. Přetož tež, hdyž běchmy pola was, při kazowachmy wam to: štož nochce džělać, njech tež njeje.

11. Přetož smy slyšeli, zo su někotři

mjez wami njewobstajnje žiwi, ničoho njedžělajcy, ale zbytné wěcy činicy.*

12. Tym pak, kotřiž su tajcy, při kazujemy w Knjezu Jězusu Khrystusu, zo bychy w čichosći džělajcy* swój khlěb jědli.

13. Wy pak, bratřa, njewustawajće dobre činicy.*

14. Jelizo pak našeho listoweho słowa njeposlucha, toho poznaćće, a njewobkhađějće z nim, zo by zahańbjeny byl,*

15. A njemějće jeho jako njepřečela, ale napominajće jeho jako bratra.*

16. Sam pak Knjez pokoja njech wam wěčny pokoj da na kóždym měsće. Knjez budž z wami wšitkimi.

17. Postrowjenje z mojej, Pawołowej ruku, štož je znamjo w kóždym lisće;* tak pišu.

18. Milosć našeho Knjeza Jězusa Khrystusa (budž) z wami wšitkimi. Amen.

PRĚNI LIST S. JAPOŠTOŁA PAWOŁA NA TIMOTHEA.

STAW I.

Pawoł dopomina na kaznju, kotruž bě Timothej dał, zo by někotrych wot falšneje wučby wotwobroćil, a zo bychy tući prawje wučili. Zakoń je njesprawnych dla daty. Džakuje so Bohu, zo je jeho wot přescěhanja cyrkwy k japoštołstwu powołał; praji, zo je milosć dóstał, zo by so Boža dołhočakawosć pokazała k powučenju

hrěšnikow. Timothea napomina, zo by kruč wojował a knježil nad hrěšnymi nakhilnosćemi.

Pawoł, japoštoł Jězusa Khrystusa po poručnosći* Boha, našeho zbóžnika, a Khrystusa Jězusa, našeje nadźije,**

2. Timothej lubowanemu synej we wěrje.* Hnada a smilnosć a pokoj wot

5. Bóh wodź a rjaduj waše wutroby, zo bychy stajnje wožiwjene byle wot lubosće Božej a teje sčerpnosće w čerpjenjach, kotruž Khrystus w čerpjenju měješe. — 7. Kaznje, kotrež wam podachmy, smy tež sami wobkedžbowali; a štož čini, štož kaznje při kazuju, scěhuje nas. — 8. Runjež bychmy prawo měli, to wot was žadać, štož k zežiwjenju trjebachmy, njewobćežowachmy was, ale prócowachmy so sami hač do wustawanja, zo bychmy darmo khlěb jěsć njetrejebali, a wam dobry při kład pilneho džěla a njesebičneho žiwjenja dawali. — 11. t. r. swoje powołanje zakomdža, a ze wšelakimi wěcami, kotrež trěbne njejsu, so zanošuja. — 12. t. r. w naležnosće druhich so njestarali. — 13. Tež tym, kotřiž ze samsneje winy do nuzy přidu, wopokazujće dobroty. — 14. t. r. Štož to, štož smy wosebje při kazowali, přeco a znova njeposlucha, toho maće předstojnikaj jako njeposlušnika poznamjenić, zo bychy wěriwi z nim njewobkhađěli, ale zo by zahańbjeny, t. r. z cyrkwy wuzamknjeny byl. — 15. Tajke zahańbjenje ma jeho polěpšić, a tohodla njesměće jeho za njepřečela měć, ale jako bratra napominać. — 17. Samoručne podpismo ma dopokazać, zo je list wot Pawoła pisany.

I. 1. Wola Boža, kotraž Pawoła k japoštołstwu powoła, bě za njeho jakož kaznja a poručnosć. ** Bóh Wótc je tu zbóžnik mjenowany, dokelž je naše wozboženje wot wěčnosće wobzamknul a přez swojeho Jenorodźeného dokonjał, a Jězus Khrystus mjenuje so naša nadźija, dokelž přez jeho zaslužby móžemy wěčnu zbóžnosć wočakować. — 2. Timotheus móže Pawołowy syn we wěrje rěkać, dokelž bě wot Pawoła wěru do Khrystusa, a z tym nowe duchowne žiwjenje dóstał; 1. Kor. 4, 17.

Boha Wótca a Jězusa Khrystusa, našeho Knjeza.

3. Jakož sym tebjě prosyl,* zo by w Efesu zwostał, hdyž do Macedonije džěch,* [tak tež nětko prošu], zo by někotrym prikazał, zo bychy hinak njewučili,**

4. A njedźiwali basničkow a bjezkónčnych zapisow spłodźenjow, kotrež skerje zwady płodža, dyžli natwarjenje Bože, kotrež je we wěrje.*

Niže 4, 7;
2. Tim, 2, 23; Tit, 3, 9.

5. Zaměr prikaznje pak je lubosć z čisteje wutroby a dobrego swědomja a njetajeneje wěry.*

6. Wot čohož někotři zabludźiwiši k prózdnym řečam so wobroćichu,*

7. Kotřiž chcedža wučerjo zakonja być, njerozymicy ani štož řeča, ani štož wobkrućeju.

8. Wěmy pak, zo je zakon dobry, jelizo jón što prawje wužiwa.*

9. To znajo, zo zakon njeje daty za sprawného, ale za njesprawných a njeposlušných, bjezbožných a hrěšnikow,

zlóstniwych a nječistých, mordari nanow a maćeri, ludźimordarjow,*

10. Kurwarjow, mužołóžnikow, ludźirubježnikow, lharjow, a wopačnje přisahacych, abo jelizo što druge prawej wučbje so napřećiwja,

11. Kotraž je po ewangeliju krasnosće zbóžneho Boha, kotrež je mi dowěrjene.*

12. Džakuju so tomu, kiž je mje posylil, Khrystusej Jězusej našemu Knjezej, zo je mje za swěrneho měl, do služby mje stajiwiši,*

13. Kotryž běch prjedy bohahanjeł a přescěhał a křiwďež; ale smilnosć Božu sym docpěl, dokelž sym to z njewědomosće činil w njewěrje.*

14. Přenadobna pak bu milosć našeho Knjeza z wěru a lubosću, kotraž je w Khrystusu Jězus.*

15. Wěrne je słowo a wšoho přijeca hódne, zo Khrystus Jězus do toho swěta přidźe, zo by hrěšnikow zbóžnych sćinil, mjez kotrymiž sym ja přeni.*

3. Jap. skutki njespominaju, zo je Pawoł, w Efesu Timothea zawostajiwiši, sam do Macedonije šoł; najskeje je so to po jeho wuswobodźenju z Romskeho jastwa stało; tehdy je najskeje wosady Małaje Anije wopytał a tež Macedoniju. ** t. r. nic hinak, jako ewangelium wučí. — 4. Pohanske wučby běchu wšelako židowske nabožnistwo skazyłe, a někotři židowscy wučerjo mjenjachu, zo wosebje lěpje a dokładnišo poměr mjez Bohom a swětom rozymja, dyžli swjate Pismo jednorje wučí; tule hłubšu wědomosć mjenowachu „gnosis“, t. r. spóznać. A tute wučby židowskich wučerjow mjenjachu kažacy wliw na křesćanstwo; z nich nastachu pozdžiše gnostiske błudy. Po tychle wučbach stwori a rjaduje a wjedže Bóh swět přez duchy wšelakich rjadowni, kotrež přez spłodźenje ze sebjě nastanu. Tamni wučerjo dawachu ducham wosebite mjena a zestajachu zapisy jich spłodźenjow. Swjaty Pawoł mjenuje je basnički a napomina Timothea, zo by so jich wobarał, dokelž čistej wěrje škodža. — 5. Wšo, štož so čłowjekej prikazuje, ma lubosć wubudźeć a wobkrućeć. Štož lubosć njewubudža a njewobkruća, je přećiw zakonje Božemu. Lubosć wukhadža z wutroby, kotraž njeje womasana z njehódnyimi žadosćemi; ze swědomja, kotrež sebi njetrjeba poroki činić; a z wěry, kotraž so w žiwjenju pokazuje. — 6. Tutón jenički zaměr wšoho zakonja a wšoho wučenia wopućeju tamni falšni wučerjo a wobroćeju so k prózdnym řečam, kotrež ani sami njerozymja. — 8. Runjež Mójesowy zakon tak wulku plaćiwosć nima, jakož tamni židowscy wučerjo jemu připisnja, je tola dobry, hdyž so prawje zrozumi, a wopačnje so njenałožnje. — 9. Jelizo chce wučer zakon prawje naložeć, dyrbi wědžeć, zo za sprawných daty njeje, ale za hrěšnikow, jich ma zakon polěpšić, jim hrožy z Božim khostanjom. Jelizo pak so hrěšnik nakaza, a přez wěru k sprawnosći so wobroćí, njeje dale pod zakonjom. — 11. t. r. wučbje, kotruž ewangelium wučí, dokelž w nim pokazuje so čyła krasnosć našeho Boha, kiž je njeskónčnje dospołny a tohodla njeskónčnje zbóžny. — 12. Pawoł džakuje so Bohu nic jeno za to, zo jeho do japoštołskeje služby powoła, ale zo jeho tohodla powoła, dokelž wědžeše, zo budže swěrný. — 13. Spomina tu na swoje njepřećelske zakhadźenje přećiw křesćanstwu před swojim wobroćenjom. Ale wón Khrystusa přescěhaše, dokelž jeho njeznaješe, we njewěrje, a tohodla njezacpěwaše hnadu Božu. Hdyž so jemu milosć Boža pokaza, přija ju wjasele. — 14. Přebohaće wopokaza jemu Bóh swoju milosć, kotruž sebi zasłužił njebě; z milosću tež wěru a lubosć, kotraž ma w zaslužbach Jězusowych swoju winu. — 15. Japoštoł njeprěje, zo je čezcy zhrěšił, ale tohodla njetrjeba ničto na jeho japoštołskim powołanju dwělować, dokelž džě je Jězus Khrystus tohodla do swěta přišoł, zo by hrěšnikow wumóžil a wobóžil.

16. Ale tohodla smilnosť docpěch, zo by we mni jako přěnim Khrystus Jězus pokazał wšu dolhočakawosć k powučenju tych, kotřiž budža do njeho wěrić k wěčnemu žiwjenju.*

17. Kralej wěkow pak, njesmjertnemu, njewidžomnemu, samemu Bohu (budž) česć a khwala wěki na wěki. Amen.*

18. Tu přikaznju pak připoručam tebi, mój syno Timotheo, po přjedawšich profecenjach wo tebi,* zo by dobre wojowanje wojował,

19. Mějo wěru a dobre swědomjo, kotrež někotři wotstorčiwši, na wěrje zeshkodowachu;*

20. Z kotrychž je Hymenaeus a Alexander,* kotrejuž satanej přepodach,** zo byštaj nawuknyłoj, njehanić.***

STAW II.

Chce, zo bychu za kralow a wyšnosće próstwy a dźakprajenja so stawale; praji, zo je jedyn Bóh a jedyn srjedźićel. Kak mataj muž a žona so modlić, a kak wona so debić, a zo nima wučić, ale čicho wuknyć.

Napominam pak přede wšim, zo bychu

modlitwy, próstwy, dobroprošenja, dźakprajenja so stawale za wšitkich čłowjekow,*

2. Za kralow a za wšěch, kotřiž su we wysokim zastojsnstwje, zo bychmy pokojnje a čicho žiwi byli we wšej pobožnosći a čistoće;*

3. Přetož to je dobre a spodobne před našim zbóžnikom, Bohom,

4. Kotryž chce, zo bychu wšitecy čłowjekowje zbóžni byli a k spóznaću wěrnosće přišli.*

5. Přetož jedyn je Bóh, jedyn tež srjedźićel bjez Bohom a čłowjekami, čłowjek Jězus Khrystus,*

6. Kotryž je sebje samoho dal jako wukupjenje za wšitkich, na swědčenje w swojim času,*

7. Za kotrež sym ja postajeny jako předař a japoštoł (wěrnosć řeču a njelžu) jako wučel pohanow we wěrje a wěrnosći.*

8. Chcu pak, zo bychu mužowje so modlili na kóždym měsće, zběhajcy čistej rucy bjez hněwa a zwady.*

9. Podobnje tež žony w přistojnym wodžěću, w hańbićiwosći a rozumnje so

16. Tohodla pokaza mi Bóh tak přenadobnje swoju miłosć, zo bychu wšitecy hrěšnicy so dowěрили Božej dolhočakawosći; přetož hdyž je Jězus Khrystus mi miłosć wopokazał, dóstanu ju tež druzi. — 17. Swój dźak skonči tudy ze zahorjenej khwalbu Božej. — 18. Přez muži, kotřiž mějachu dar profecenj, wuzwoli Duch Timothea k japoštołstwu a tak woznamjenjenemu napoložichu Pawol a starši rucy. Tajke wuzwolenje pak měješe jeho jakož něčičša přikaznja napominac, zo by mužnje a derje wojował. — 19. Jeliko chce mužnje wojować přeciwo falšnym wučerjam, dyrbiš so z tym wobronić, štož woni wotstorčichu, z wěru a dobrym swědomjom. — 20. Z falšnych wučerjow njmenje Pawol dweju, wo kotrymajž pak hewak ničo znate njeje. ** t. r. z cyrkwe wuzamknych. *** Tuto khostanje ma jaju powučić a polěpšić, zo njebyštaj přichodnje Knjeza haniłoj, ze swojej njewěru druhim pohóršk dawajcy.

II. 1. Japoštoł powuča nětko Timothea wo jednotlivych winowatosćach, najprjedy wo modlitwje za powšitkowne naležnosće, dokelž w tajkej zhromadnej modlitwje wopokazuje so wosebita lubosć. — 2. Wosebje pak mamy so modlić za wjerchow a wšitke wyšnosće, zo by Bóh jim pomhał, wažne winowatosće derje dokonjeć a powšitkowny wužitk spěchować. — 4. Tohodla so Bohu spodoba, zo bychu so za wšitkich modlitwy woprowała, dokelž chce, zo bychu wšitecy čłowjekowje zbóžni byli, přez wěru k spóznaću wěrnosće přišli. Jakož Bóh chce, zo bychu wšitecy zbóžni byli, přez wěru, tak mamy wšitecy k tomu sobuskutkować z modlitwu a tohodla njesměmy nikoho z našeje modlitwy wuzamknyć. — 5. Jeno jedyn Bóh je, kiž je wšitkich stworił, jenو jedyn srjedźićel, kiž je wšitkich z Bohom wujednał, „čłowjek“ Jězus Khrystus, dokelž je to dokonjał w čłowjekeje naturje. — 6. Jězus je sebje samoho jako wukupjenje podal, na křižu so woprowawši, zo by wšitkich čłowjekow wot hrěcha wumóžil; tale wěrnosć bě prjedy njeznata a bu w swojim času wozjewjena, t. r. w času, kotryž bě Bóh k wozjewjenju tuteje potajnosće postajił, zo by so wobawědčila. — 7. Swědčenje, zo je Jězus Khrystus za wšitkich čłowjekow wumřel, mam ja wopowědować jako předař a japoštoł; wosebje pohanam, kotrymž židowscy wučerjo křesćansku wěru a wěrnosć a zbóžnosť njepoprachu. — 8. Po rozestajenju wučby, za koho maju so modlić, wučić, kak maju so modlić. Hćešikuli so mužacy modla, njech z čistymaj rukomaj, t. r. njesmědža womazani być z hrěšnymi skutkami, ale čisteho swědomja; tež njesmědža hněw nosyć we swojej wutrobje přeciwo bližjemu.

debicy, a nic z wuplećenymi włosami abo ze zlotom abo parlemi abo drohotnej drastu;*

10. Ale štož so za žony słuša, kotrež pobožnosť slubja přez dobre skutki.

11. Žona njech w ćichosći wuknje ze wšej poddatosću.

12. Wućić pak žonje njedowolam, ani knjezić nad mužom, ale (chcu) zo by byla w ćichosći.*

1. Kor. 14, 34.

13. Přetož Hadam bu přěni stworjeny, potom Jěwa.*

1. Móž. 1, 27.

14. A Hadam njebu zawjedženy, ale Jěwa bu zawjedžena w přestupjenju.

1. Móž. 3, 6.

15. Wona pak budže zbóžna z poro-
dženjom džěći, wostanje-li we wěrje a
lubosći a w swjatosći z rozomnosťu.*

STAW III.

Wući Timothea, kajcy maju biskopja, diakonowje a jich žony być, zo by wědźał, kak ma w cyrkwi wobkhađeć, kotraž je stołp wěrnosće; tež wukhwaluje potajnosť Knjezowego woćłowjećenja.

Wěrne(je)słowo: Žada-li što biskopstwo, žada dobry skutk.*

2. Biskop pak dyrbi być hjezporočný,

jeneje žony muž,* strózwý, rozomny, přis-
tojny, hańbićiwý, hospodliwy, za wučę-
nje** kmany,

3. Nic wopily, nic bičk, ale měrny,
nic zwadnik, nic nahrabny, ale

4. Kotryž swojemu domej derje před-
stoji a kotryž ma poslušne džěći, ze wšej
čestnosťu.*

5. Jelizo pak što swojemu domu před-
stojec njewě, kak změje starosćiwosć wo
cyrkej Božu?*

6. Nic nowokřćenc, zo by so pozběh-
nywši w hordosći, njepadnył do sudu
djabola.*

7. Dyrbi pak tež dobre swědčenje měć
wot tych, kotřiž su zwonka, zo by do
hańby njepadnył a do kosydlu djabola.*

8. Diakonowje tohorunja (dyrbja) čest-
ni, nic dwojojazyčni, nic mnohemu winej
podaći, nic njehańbićiweho dobytku ža-
dosćiwí,*

9. Mějcy potajnosť wěry w čistym
swědomju.*

10. Tež ći njech najprjedy so pruhuja,
a potom njech słuža, hdyž žanoho poroka
nimaju.*

9. Žónske nimaju při Božich službach pyšnu drastu a drube njetrjebawše debjenja wužiwać, tež nic swoju hlownu pyšnje hladzić, ale přistojnje, hańbićiwje, pobožnje přitomne być. — 12. Žónska nima sama wustupić a wućić a nad mužom knjezić, ale dyrbi jemu poddata być. — 13. Zo žónska nima knjezić nad mužom, sčěhuje hižo z toho, zo bu Adam před Jěwu stworjeny, a zo nic wón, ale Jěwa so zjebać da wot djabola. — 15. Žónska je powołana, džěći porodźeć a kublać. Hdyž to čini we wěrje, lubosći a přitom we wšej hańbićiwosću za swoju zbóžnosť so stara, dokonja swoje powołanje.

I. 1. Zo by so prawa wěra w cyrkwi wobkhowała, ma předstojnik abo biskop keđžbować na wšitke strachi, kotrež ji hroža, a tohodla je biskopstwo w cyrkwi wažne, dobre zastojnstwo. — 2. Tu so nježada, zo dyrbi biskop ženjeny być, dokelž praji so jeno, zo ma jeno jeneje žony muž być, t. r. zo nima, hdy by jeho přěnja žona wumřěła, druhi króć so woženić a tak sebi druhu abo po tuteje smjerći třeću zwzać. Japoštoł žada, zo bychy wšitcy byli jakož wón, nježenjeni. Dokelž pak bě w přěnim času njemóžna wěc, mjez nježenjenymi dosć dowěrných mužů namakać za biskopske abo mčšniske zastojnstwo, tuž dyrbjachu časćišo tež ženjeni k tomu zastojnstwu so wu-
zwoleć; tola pak žada japoštoł z spomnjenymi słowami, zo bychy so jeno tajcy ženjeni wubrali, kotřiž su w přěnim mandželstwje žiwi, a kotřiž po smjerći přěnjeje mandželiskeje so znova nježenja.
** t. r. kmany k wučěnju. — 4. t. r. kotřiž dobry rjad w swojim domje pokazuja a swoje džěći w poslušnosći a čestnosći dźerža. — 5. Štož swój dom w křesćanskich počinkach njerjaduje, kak budže móc cyłu křesćansku cyrkej rjadować? — 6. Nowokřćenc, kotryž hakle do cyrkwy zastupi, by lochcy bordy był, hdyž by na tak wysoki stopjeň so pozběhnył, a tak by hordosće dla začisnjeny był, jakož je djaboł tohodla začisnjeny. — 7. Nic jeno pola wěriwych, ale tež pola Židow a pohanow ma biskop waženy muž być; přetož hdy bychy tući něšto njepraweho wo nim wědźeli, bychy to wjesele rozšěrjeli a wón by do hańby přišoł, a do „kosydlu djabola“, t. r. do spytowanja padnył, wot křesćanstwa so zaso dźělić. — 8. Tež cyrkwinscy služownicy, diakonowje maju dobre sams-
nosće měć, wosebje strózwí być, a dokelž mějachy cyrkwinake zamóženje rjadować, njesmědja na-
hrabni być. — 9. Wěrnosće wěry, prjedy potajne, nětko přez wozjewjenje Bože znate, maju wob-
khować w swědomju, kotrež njeje z hrěchom womazane. — 10. Jakož ći, kotřiž mějachy k bis-

11. Žony (dyrbja być) tohorunja hańbićiwje, česć njewottorhowace, strózwje, swěrne we wšim.*

12. Diakonowje njech su jeneje žony mužowje,* kotřiž svojim džěcom derje předstoja a svojim domam.

13. Přetož kotřiž su derje služili, do budu sebi dobry stopjeń, a mnohu do wěru we wěrje, kotraž je w Khrystusu Jězusu.*

14. To tebi pišu, runjež so nadžiju, zo bórzy k tebi přińdu.*

15. Bych-li pak so komdžil, by wědzał, kak maš w domje* Božim wobkhaďćeć, kotryž je cyrkej žiweho Boha, stołp a zakład wěrnosće.**

16. Haj zawěsće wulke je potajnstwo pobožnosće:* Štož je zjewjene w mjasu, woprawdźene w duchu, widžane wot jandželow, wopowědowane pohanam, wěrjene w swěće, je přijate w krasnosći.

STAW IV.

Wěšći, zo budźa někotři falšnu wučbu rozšěrjeć, wosebje wo ženťwje a wo jědźach; wučownika pak napomina, zo by zacypěwši prózdnu wučbu so wudokonał w pobožnosći, kotraž so čelnemu wudokonjenju do přědka staja, a zo by, byrnje młodźenc, tola druhim dobry přikład dawał.

Duch pak zjawnje praji, zo w poslednich časach někotři wot wěry wotstupja,* kedźbujcy na duchu bluda, a na wučby djabliskow, 2. Tim. 2, 1; 2. Pětr. 3, 3.

2. Kotřiž w tajenstwje lžě reča,* a kotřiž maju swědomjo z napalenjom poznajmenjene;*

3. Kotřiž zakazuja so ženíc (a wudawać), (přikazuja) jědźi so zdźeržować, kotrež Bóh stwori k wužiwanju z džakprajenjom za wěriwych a tych, kotřiž su prawdu spózнали.*

4. Přetož kóžde stworjenje Bože je dobre, a ničo njeje začisnjomne, hdyž so z džakom přijima;

kopstwu a měšnistwu so wuzwolić, so najprjedy pruhuja a hakle, hdyž su derje přihotowani, k zastojnstwu powołaju, tak maju so tež niži služownicy bjez poroka a k službje knani wopokazać, prjedy hač smědža službu nastupić. — 11. Najskeje měni tu s. Pawoł žony diakonow; přetož wot jich dobrych počinkow a přikladow wotwisuje sobu dobre počiwje žiwjenje we wosadźe. — 12. blaďaj r. 2. — 13. Služownicy abo diakonowje maju tohodla tamne dobre samsnosće měć, zo bychy při rjadowanju wosadneho zamóženja dowěru měli a nabladne zastojnstwo wužili za rozšěrjenje a wobkrućenje wěry. — 14. Runjež so nadžiju, zo bórzy k tebi přińdu, pišu tola, zo njehy mjez tym w njewědomosći był. — 15. Jakož w starym zakonju israelski lud, njenuje so w nowym zakonju křesćanska cyrkej zhromadźenstwo swjatych, dom Boží, dokelž Bóh w nich bydli a wšitcy wěriwi jako džěći Bože, z Bohom, jako ze svojim wótcem jenu swojbu wučinjeju. ** Jakož třěcha na stołpje a cyly dom hakle potom kruće stoji, hdyž je na twjerdy zakład twarjeny, a padnje, hdyž stołp so puknje, abo hdyž je zakład slabý: tak wotpočuje spóznać a wopowědowanje křesćanskeje wěrnosće w cyrkwi; wot njeje džělene, padnje do bluda. Dokelž ma křesćanska wěrnosć w cyrkwi swój kruty zakład, njemóže cyrkej ženje do bluda padnyć. — 16. A zawěrnó wulkotna je wšitka w cyrkwi zapoložena wěrnosć; prjedy dołho zakhowana, bu wozjewjena z wočłowječenjom Syna Božeho, kiž jako čłowjek so narodži a jako Bóh so wobsweďči přez ducha, kotryž w nim skutkowaše: wot jandželow bu widžana, hdyž bu Syn Boží čłowjeskej naturu do njehjes wzaty, hdžež w krasnosći a bóžskej majestosći knježi, mjez tym zo po cyłym swěće, tež pohanam so wopowěduje.

IV. 1. Tule wulku potajnosć pobožnosće wo wumóženju čłowjestwa přez Jězusa Khrystusa přěja někotři bludni wučerjo; tola tež to je wot profetow wěšćene; přez tamnych wučeri reča złe duchy, kotrež chcedža čłowjeka do bluda zawjesć. Štož tohodla na tajkich wučeri poslušna, poslušna na djaboly. — 2. Činja, jako bychy potajnu mudrosć wučili, a tola rozšěrjeja lžu. ** Jako su złoštnicy přez wěste znamjo, kotrež so ze zehliwym železom na jich čolo napali, wšudže jako tajcy spóznavani, tak noša tamni wučerjo we swoim swědomju, kotrež jim njepřestawajcy porokuje, tajke złoštniske znamjo. — 3. Wosebje dwoji blud tamnych wučeri wuzběhuje s. Pawoł; zakaznja so ženíc a wudawać, a wěste jědže, jakož mjaso abo wino wužiwać; ewangelium wučí, zo je mandźelstwo dowolene a dobre, ale knježnistwo lěpše; přenje njesmě so zakazować, a druge smě so radzić; hdyž tamni wučerjo mandźelstwo zakazuja, chcedža so jako prawje dospołni ludźo wopokasać, mjez tym zo njeprawje wuča. Podobnje bludža w nastupanju jědźi; wšitke jědže, kotrež je Bóh stworił, su samo na sebi dobre a smědža so wužiwać z džakom k Bohu, kotryž je w swojej njeskónčnej dobroćiwosći je stworił. Ta přikaznja njeje přeciwo póstnej kazni, dokelž njezakazuje jědže jako złe, ale přikazuje jeno, zo by we wěstym času křesćan sebi je zapowědžil z wyšších nabožnych přicinow.

5. Poswjećaj pak so přez słowo Bože a modlitwu.*

6. Tole bratram předkladujo, budžeš dobry služownik Khrystusa Jězusa, žiwjeny ze słowami wěry a dobřeje wučby, kotruž sy sčehował.

7. Njepřihodnych a bahowskich basničkow pak so zwijej;* ale wuwučuj sebje samoho w pobožnosći.**

Wyše 1, 4; 2. Tim. 2, 23; Tit. 3, 9.

8. Přetož čelne zwučowanje je mało wužitne; pobožnosť pak je k wšomu wužitna a ma slubjenje nětčišeho žiwjenja, a přichodneho.*

9. Wěrne je słowo a wšoho přijěca hódne.*

10. Přetož wo to so prócujemy a bywamy hanjeni, zo mamy nadžiju na žiweho Boha, kiž je zbóžnik wšitkich čłowjekow, wosebje wěriwych.*

11. To prikazuju a wuč.*

12. Nichtó njech twoju mladosć njezapěwa;* ale přiklad budž za wěriwych w słowje, we wobkhaďce, w lubosći, we wěrje, w čistoće.

13. Hač přiuđu, prócuj so wo čitanje, napominanje a wučenje.*

14. Njezanjehaj hnadu, kotraž je we tebi, kotraž bu tebi data přez profecenje z napoloženjom rukow staršistwa.*

15. To rozpominaj, w tom budž, zo by twój postup zjawny był wšitkim.*

16. Kedžbuj na sebje a na wučbu, wutraj w tom; přetož to činjo wozbožiš sebje samoho, a tych, kotřiž na tebjeposluchaju.*

STAW V.

Rozwučnje, kak ma staršich ludźi, starše a młódše žónske wodzić, tohorunja starše a młódše wudowy; a wo samownosćach tych wudowow, kotrež maju so za cyrkwinske služownicy wuzwolić. Měšnicy, kotřiž swěrnje swoju službu dokonjeju, maju so dwójce česćić; biskop njech lohcy skóřbu na měšnika njeprijima, ale kotřiž zhrěšichu, tych njech zjawnje naswari. Te prikaznje njech wobkedžbuje, rucy nikomu spěšnje njenapoložejo. Tež njech něšto wina pije; wo wšelakich hrěchach čłowjekow.

Staršeho njeswaf, ale napominaj jako wótca, młodych jako bratrow;

2. Starše žony jako maćerje, młódše jako sotry, we wšej čistoće.

3. Wudowy česćuj, kotrež woprawdže wudowy su.*

4. Ma-li jena wudowa džeći abo wnukow, njech nawuknje najprjedy swój dom

5. Hdyž jědz z dzakom a poměrnje so wužiwa, je to nic jeno dowolene, ale Bohu spodobne, haj ze słowom Božim a z modlitwu so jědz swjeći. — 7. Wučby tamnych wučerjow su cyle njerozumne a njehódne, tak zo je nichtó wěrić njemóže, khibo zo je slabeho rozoma, jako stare baby. ** Jakož so čelne mocy wuwijeju a posylujeju, hdyž je napinaš, tak prócuj so w skutkach pobožnosće, zo by w njej so wobkrućil. — 8. Wnuće a posylnjenje čelnych mocow, za kotrež so wšelacy tak naležnje staraju, nima tak wulkeho wužitka, jako wobkrućenje pobožneho žiwjenja; přetož pobožnosť je za nětčiše žiwjenje wužitna a přinjese nyto w přichodnym. — 9. t. r. słowo, kotrež slubi, zo je pobožnosť za tuto žiwjenje a za přichodne wužitna. — 10. Bóh je zbóžnik wšitkich čłowjekow, dokelž chce wšěch k zbóžnosći dowjesć; wšitey pak nechcedža, ale jeno wěriwi; tohodla je wón wosebje Bóh wěriwych. — 11. t. r. štož tebi wo potajnosći pobožnosće a wo škódnosći błudnych wučbow prajach. — 12. Budž tak žiwy, zo nichtó na tebi, runjež sy młódzenc, poroka njenamaka, ale pokazuj dobre počinki w žiwjenju. — 13. Staraj so za to, zo so swjate pismo pilnje wěriwym čita, a po čitanju napominaj a rozwučej. — 14. Naložej horliwje hnady, kotrež sy dóstaš, hdyž bu na biskopa w Efesu swječeny. Swjećizna wukotuje služownika cyrkwe z hnadami a z mocami za jeho zastojnstwo, a čini, zo móže druhich ze swjatej wučbu a z wudželenjom hnadow na puću k njehjesam podpěrać a sebi bohate zaslůžby nahromadzić. Timotheus bu wot Pawoła samoho z napoloženjom rukow a modlitwu na biskopa poswjećeny (2. Tim. 1, 6). Hižo před tym pak bu wot Ducha swjateho přez profetow k tomu wuzwoleny, a potom poswjeći jeho Pawoł, z kotrymž so starši, t. r. měšnicy zjednoćichu, jemu tež swojej rucy napoložejcy a z tym wozjewjejcy, zo jeho za swojeho wjercha přijimaju. — 15. Hdyž so prócujes za tajkimi počinkami před cylej wosađu, njebndže so nichtó nad twojej mladosću pohóršować. — 16. Kedžbuj, zo je twoje žiwjenje a twoja wučba bjez poroka, tak zo by sam zbóžny był a tež wšitey, kotřiž na tebjeposluchaju.

V. 3. t. r. kotrež su wosamoćene, te česćuj, je podpěrajo.

rjadować, a staršimaj wotměnu podawać;* přetož to je spodobne před Bohom.

5. Kotraž pak je woprawdže wudowa a wosamočena, nadźijej so na Boha, a zwostawaj w próstwach a modlitwach w nocy a wodnjow.*

6. Přetož kotraž je we wjeselach, je žiwa mrtwa.*

7. A to prikazuju, zo bychu bjez poroka byle.

8. Jelizo pak što wo svojich a najbóle wo domjacych so njestara, je wěru zapřel, a je hórši dyžli njewěriwy.*

9. Wudowa so njewuzwolej njenje šesćdzesat lět, kotraž je byla jenoho muža mandželska,*

10. Kotraž ma swědčenje w dobrych skutkach: je-li dźěći kublała, je-li hospodliwa byla, je-li swjatym nohi myła,* je-li nuzu čerpjacych podpěrała, je-li za každym dobrým skutkom khodźila.

11. Mlódše wudowy pak wotpokazuju; přetož hdyž su rozwołniłe w Khrystusu, chcedža so wudać,*

12. Mějcy wotsudženje, dokelž su přenju swěru zlamale.*

13. Přitom pak wuknu tež prózdne po domach wokoło khodźić, nic jeno prózdne, ale tež powědate a wćipne, řečicy, štož so njesluša.*

14. Chcu tohodla, zo bychu mlódše (wudowy) so wudawale, dźěći porodźale, maćerje swójby byle, a zo bychu přeciwnikej přiležnosće k wobřećenju njedawale.*

15. Přetož hižo su někotre so wotwobročile po satanje.*

16. Ma-li wěriwy wudowy, zastaraj je, a cyrkej njebudž wobćežowana, zo by tym dosahnyło, kotrež woprawdže wudowy su.*

17. Měšnicy, kotřiž derje předstoja, njech maju so dwojeje česće hódni, najbóle, kotřiž so prócuja we słowje a wučbje.*

2. Móž. 25, 4. 1. Kor. 3, 9.

18. Přetož Pismo praji: „Njezawjazaj hubu mlóćacemu woľej“, a „Hódný je dźělaćer swojeje mzdy“.

Mat. 10, 10; Luk. 10, 7.

19. Přeciwo měšnikej njepríijimaj skórzby, khiba před dwěmaj abo třomi swědkami.*

4. Wudowy, kotrež njesu wosamočene, ale kotrež maju dźěći a dźěćidźěći, dyrba so za swoju swójbnu starać a lubosć, kotruž same wot swojeju staršeju dóstachu, swojim dźěćom wopokazować. — 5. Wosamočene wudowy, kotrež tamneje časneje starosće nimaju, njech so na Boha spuštěju a jemu njepřestawajey služa. — 6. t. r. duchownje mrtwa, dokelž so pyšne wjesela zwjetša bjez hrěcha njewužiawu. — 8. Wosamočena wudowa, kotraž Bohu njesluži, ale pyšnym wjeselam; tola runje tak hrěši tamna, kotraž ma dźěći a wo nje so njestarájcy jeno skutki pobožnosće dokonja; přetož křesćanska wěra žada na přenim měsće, zo starši swoje dźěći křesćansey zastaraju, a štož tule winowatosć zakomdži, zapřewa wěru, a je hórši dyžli pohanjo, kotřiž to dokonjeju z přinarodženeje lubosće. — 9. Z wosamočenych wudowow, kotrež móža na nabožne skutki swój čas a swoje mocy naložić, njech so k cyrkwinskej službje, t. r. skutkam, kotrež móžachu po přistojnosći jeno žónske dokonjeć, n. př. při křćenju abo pohrjebje atd. tajke wuzwoleju, kotrež su šesćdzesat lět a jeno jedyn króć wudate. — 10. t. r. kotraž je woprawdže ponižna, dokelž nohimyće k najnižšim službam slušeše. — 11. t. r. njebyť k cyrkwinskej službje, dokelž swoje rozwołnjene žadosće w Khrystusowej službje njepotłóčeju a chcedža so znowa wudać. — 12. t. r. wotsudžeju so same, dokeli do cyrkwinakeje služby zastupiwiš slubja, zo so njewudadža a tónle slub zlamaju. — 13. Mjez tym zo maju we wutrobje njedowolene žadanja, dawaju tež zwonkownje pohórsk, dokelž pod wudawanjom, zo maju mnohe wobstaranja, po domach khodža, nowinki rozšěrjeicy a wjele njeslušneho powědajey. — 14. Mlódše wudowy njech so radšo wudadža, zo bychu pohórška njedawale a přeciwnicy přičinu njeměli, křesćanstwo hanić. — 15. t. r. někotre su tohodla hižo wěru zapřele, dokelž chychu so zaso wudać, a hdyž w křesćanstwje po wotpołożenym slubje to njemóžachu, wotpadnychu k pohanstwju a k přibóžstwju. — 16. Jelizo ma wěriwy, t. r. křesćanski nan zwudowjene dźowki, njech je zastara; tajke mlode wudowy nimaju do cyrkwinskeje služby stupić, a wosamočene wudowy wottlóčić. — 17. Česćić reka tudy nic jeno wysokowažić, ale tež mytować po zaslužbach; kotřiž wjacj dokonjeju, maju tež wjacj mzdy dóstawać, wosebje hdyž z wučenjom wěrnosće wěry rozšěrjeju a wobkrućeju. — 19. Dokelž cyrkwinsey předstojnicy wot njedušnikow so lohej hanja a bjez winy wobakoržeju, njesmě so tajkim skórzbam hnydom wěrić; přetož česć a dobre njeno

20. Kotřiž pak hrěša, napominaj před wšitkimi, zo bychu tež druzy bojosć měli.*

21. Napominam před Bohom a Khrystusom Jezusom a wuzwolenymi jandzelemi,* zo by to wobkedžbowal bjez předsuda, ničo nječinjo po přikhiľnosći.**

22. Rucy nikomu spěšnje njenapoložej, a njewobdžěl so na cuzych hrěchach.* Sebye samoho dzerž čisteho.**

23. Njepij hižo wody, ale wužiway tróšku wina dla twojeho žoldka a twojich častotnych khorosći.*

24. Někotrych čłowjekow hrěchi su zjawne a předkhadžuju před sudom; někotrych (hrěchi) pak tež slěduja.*

25. A tak su tež dobre skutki prjedy zjawne; a z kotrymiž ma so hinak, njemóža so potajić.*

STAW VI.

Wotročey maju svojich knjezow poslušać, wěriwych a njewěriwych. Před tymi, kotřiž druhich prózdne wěcy wuča, dyrbi so čekać. Kak wjele zleho nahrabnosć přinješe; Timotheus ma so jeje zdalować a sebi dobre počinki dobywać, wěru wobkhować, kotruž je při křćenju

wuznał, a do kónca tute kaznje dzeržeć; bohatych njech wot hordosće wotwobroća, k jaľmožnje jich pohonjejo.

Kotřižkuli su jako wotročey pod spřahom,* njech maju svojich knjezow za hódnych wšeje česće, zo Knjezowe mjeno a wučba njehy hanjena byla.**

2. Kotřiž pak maju wěriwych knjezow, njech jich njehidža, dokelž su bratřa; ale njech jim skerje služa, dokelž su wěriwi a lubowani, kotřiž su (teje) dobroty podžěľni. To wuč a napominaj.*

3. Jelizo štó hinak wuč a njepřistupuje k strowym wučbam našeho Knjeza Jezusa Khrystusa a tej wučbje, kotraž je po pobožnosći,*

4. Je hordy a njewě ničo, ale khoruje w prašenjach a wurěčowanjach, z kotrychž nastawaju zawisć, zwady, bohanjenja, zle podhlady,*

5. Překory ludźi na zmyslenju skaženych a wěrnosće wuruhjenych, kotřiž měnja, zo by pobožnosć z dobytkom byla.*

6. Wulki dobytk wšak je pobožnosć ze spokojnosću.*

předstojnikow ma so zakitować, zo bychu we wosadze dowěru wužiwali. — 20. Kotřiž pak něšto zawiniču, tych chostaj zjawnje, zo bychu tež druzy z tym wottrašeni byli. — 21. t. r. kotrychž w ľubosći wuzwoli, zo bychu jeli přewodželi. ** t. r. rozsudžej sprawnje, jakož při přepytowanju zhoniš, a njeměj nikoho prjedy za winowateho. — 22. Njeswjeć nikoho na měšnika, khiba z přewědčenjom, zo je hódny; hewak změješ džěl na hrěchach tajkich njehódnych. ** Hdyž sebi wot druhich telko žadaš, dyrbiš tež sam cyle čisty być. — 23. t. r. při starosći za duchownu čistotu, staraj so tež za čěľnu strowotu. — 24. 25. Druhdy su ludžo před přepytowanjom znaći, a tohodla hižo wěš, zo so za cyrkwinskiu službu njehodža; druhdy pak zhoniš hakle ze swěrnym přepytowanjom jich žiwjenja, zo su čězey zhrěšili. Runje tak je z dobrymi skutkami, druhdy su znate, druhdy pak činja so potajnje a hakle při přepytowanju abo sudženju so wozjewja. Tohodla dyrbja so čí, kotřiž do cyrkwineje služby zastupja, přepytować a sudzić, zo bychu so njehódni jako tajcy pieradžili, a tež dobri jako tajcy zjawnje spóznaľi.

VI. 1. t. r. kotřiž jako njewólnicy pohanam služa. ** Křesćanscy njewólnicy njesmědža pohanskim knježim česć a poslušnosć zapowěsć, dokelž bychu sebi čile myslić móhľi, zo křesćanstwo to wuč a žada. — 2. Po wěrje drje su křesćenjo, knježa a wotročey, sebi runja a maju jako bratřa jenajke prawo na wšitke hnady a duchowne kubľa; ale po čłowjeskim postajenju a powołanju wostanu sebi njeruni, a tohodla njesmědža křesćanscy wotročey ze swojimi křesćanskimi knježimi so za rnych měć abo jich sebi maľo wužić, ale dyrbja swoju službu z ľubosću wopokazować, dokelž su čí, kotrymž ze službu dobrotu činja, wěriwi a we wěrje lubowani. — 3. 4. t. r. štóž njewučí wučby, kotrež je Jezus sam wučil a kotrež prawu pobožnosć plodža, ale tajke, kotrež dobrym počinkam zadžewaju, tón je hordy, runjež wěrnosć njeznaje a za njej nježada, a takrjec khorowaty, dokelž wšelakich njestrowych nahladow so dzerži, z čohož wšelake njepočinki nastawaju. — 5. t. r. ludžo, kotřiž pobožnosć k swojemu časnemu wužitkej naložuju. — 6. Pobožnosć wšak je wužitna; přetož prawa pobožnosć plodži spokojnosć, a štóž je spokojny, je bohaty, dokelž za prózdny kubľami nježada. Pobožnosć přinošuje dobytk a wužitk, ale nic tajki, kajkiž bludni wučerjo woćakuja.

7. Přetož ničo njeprinjesechmy na tónle swět; bjez dwěla je, zo tež ničo wotnjesć njemóžemy.*

Job. 1, 21; Před. 5, 14.

8. Hdyž pak mamy cyrobu a z čimž so wodžčwamy, z tym budźmy spokojni.*

Přisl. 27, 26.

9. Přetož kotřiž chceďa so wobohaćić, padaju do spytowanja a do lečenja djabola, a do mnohich njewužitnych a škódných požadosćí, kotrež čłowjekow ponurjeju do zahubjenja a skaženja.*

10. Přetož korjeń wšoho zleho je lubosć k pjenjezam, za kotrymiž žadajcy někotři wot wěry wotbludźichu, a do mnohich bolosćí so zaplećechu.*

11. Ty pak, mužo Boži,* čěkaj před tym; ale prócuju so za sprawnosću, pobožnosću, wěru, lubosću, sćerpnosću, pokornosću.

12. Wojuj dobre wojowanje wěry, dosahú wěčne žiwjenje,* ke kotremuž sy powołany a (kotrehož dla) sy wuznał dobre wuznaće před mnohimi swědkami.

13. Přikazuju ti před Bohom, kiž wšitko wožiwja, a Khrystusom Jězusom,

kiž je swědčenje dał pod Ponciom Pilatom,* dobre wuznaće:

Mat. 27, 11; Jan. 18, 33, 37.

14. Zo by dźeržał kaznju bjez nješwary a bjez poroka hač do přikhada našeho Knjeza Khrystusa Jězusa,*

15. Kotrehož w swojim času* pokaže zbóžny a jeničcy mócný Kral kralow a Knjez knjezow,

Zjewj. 17, 14; 19, 16.

16. Kiž sam ma njesmjertnosć, a bydli w njepřístupnym swětle, kotrehož žadný čłowjek njeje widzał, a widzieć njemóže, kotremuž (budź) česć a wěčne knježstwo. Amen.*

Jan. 1, 18; 1. Jan. 4, 12.

17. Bohatym tohole swěta* přikazuju, zo bychy wysokomyslni njebyli a so njespušćeli na njewěste bohatstwo, ale na žiweho Boha, kotryž nam dawa wšitko nadobnje k wužiwanju:**

18. Zo bychy dobre činili a bohaći byli w dobrych skutkach,* zo bychy radzi dawali a wudželeli,

19. Zo bychy sebi nahromadźeli dobry zaklad za přichod, tak zo bychy dosahnyli wěrne žiwjenje.*

20. O Timotheo, wobkhowaj dowěrjene,*

7. 8. Pobožny wěri, zo su časne kubla po smjerći bjez hódnoty a zo wón swět runje tak khudy wopuští, kajkiž je na swět přišo; časne kubla maju jemu jeno žiwjenje na zemi zděrić. a ma-li wón, štož k tomu dosaha, je spokojeny. — 9. Štóž pak časnym kublam wyššu plaćiwosć připisuje a tohodla za nimi žada, wustaja so čěžkim stracham a spytowanjam, z kotrymiž chce jeho djaboľ jakož z kosydlom popadnyć; přetož při dobywanju časneho zamóženja nastupuje často njesprawne puće, a je dobywši hoľduje z nim swojim hrěšnym nakhilnosćam, kotrež jeho skóněnje do wěčného zahubjenja storča. — 10. Jako móže žadosć za pjenjezami ke wšěm hrěcham zawjesć, tak wjedže tež často k zapřeću wěry a přihotuje hórke poroki swědomja. — 11. t. r. kiž Bohu služe, jeho službje cyle so poswjećiwši. — 12. Křesćansku wěru rozšěrjeć a wobkrućeć rěka za nje wojować; a štož to ze wšěmi mocami čini, dóstanje wěčne žiwjenje jako dobyćeřske myto. Timotheus bu k tajkemu mytej powołany, hdyž při biskopskej swjećiznje swoju wěru před mnohimi swědkami rjenje wuzna. — 13. Kotryž wěrnosćí swědčeše nic jeno ze rtom, ale tež z woporom žiwjenja. — 14. t. r. staraj so, zo by přikaznja Boža njezranjena a njeskažena so dopjelnjala hač do kónca swěta, doniž Khrystus njeprindže, zo by khostal tych, kotřiž su wučby skazyli a přeměnili. — 15. t. r. w času, kotryž je sam postajił. — 16. Jeničcy wón ma wšu móc a njesmjertnosć po swojim byću, čłowjek ma tele wosebnosće jeno darjene. Bóžske byće njemóže čłowjek dospołnje spóznać, čím mjenje wohladać. — 17. t. r. kotřiž su bohaći na swětnych kublach. ** Na bohatstwo nimaju so spušeć, ale na Boha, kotryž bohatstwo wobradža. — 18. 19. Nic pokłady tohole swěta, ale njebieske maja sebi hromadzić, a tohodla wot swojeho časneho bohatstwa rad druhim wudželeć, a z tym kruty zaklad položiť za přichodne žiwjenje, zo bychy wěrne, wěčne žiwjenje dóstali. — 20. Japoštoł mjenuje křesćansku wučbu „dowěrjene kublo“, dokelž wučer nima ju po swojim spodobanju druhim podawać, ale njeptikrótsenu dyrbi ju wobkhować a wučić, kajka bu jemu dowěrjena.

zdaľujo so pródnych nowotnych słowow a napřećiwjenjow njeprawje tak mjenowaneje wědomosć,**

21. Ke kotrejž někotři so přiznawajcy, wot wěry wotpadnychu. Miłosć (budž) z tobu. Amen.



DRUHI LIST S. JAPOŠTOŁA PAWOŁA NA TIMOTHEA.

STAW I.

Džakuje so Bohu Timotheoweje wěry dla, kotruž z njebojaznym přédowanjom rozšěrjeć kaza. Khrystus zniči smjerć a wuzwoli Pawoła jako wučerja pohanow, kotremuž myto zakłowa, jeho džělam přistušne. Praji, zo su jeho wšitcy Asiscy wopuščili a khwali Onesiforowu swójbu, dokelž je wot njeje wjele dobrotow dóstał.

Pawoł, japoštoł Khrystusa Jězusa, přez wolu Božu k slubjenju žiwjenja, kotrež je w Khrystusu Jězus,*

2. Timotheej, najlubšemu synej: Hnada, smilnosť, pokoj wot Boha Wótea a Khrystusa Jězusa, našeho Knjeza.

3. Džakuju so Bohu, kotremuž słužu wot přjedownikow w čistym swědomju, zo bjez přestaća na tebe spominam we swojich próstwach w nocy a wondnoju,*

4. Žadajo tebe wohładać, wopominajo

twoje sylzy, zo bych z radosću napjel-njeny był,

5. So dopomniwši na tu wěru, kotraž je we tebi njetajena, a kotraž přebywaše najprjedy w twojej wowcy Loidže a w twojej maćeri Eunicy, wěsty pak sym, zo tež we tebi.*

6. Z teje přičiny napominam tebe, zo by zaso zbudził hnadu Božu, kotraž je we tebi přez napoloženje mojeju rukow.*

7. Přetož Bóh njeje nam dał ducha bojósće, ale mocy a lubósće a strózwosće.*

Rom. 8, 15.

8. Njehańbuj so tohodla swědčenja našeho Knjeza, ani mje, jeho jateho; ale čerp sobu za ewangelium po mocy Boha,*

9. Kiž je nas wumóžil a powolał ze swojim swjatym powołanjom, nic po našich skutkach, ale po swojej radće a mi-

20** Falšni wučerjo wužiwaju nowe słowa, ale te woznamjenjeju najbóle tež nowu wěc, a tak kaza cyrkwinu wučbu a mjenuja to, štož sami wuča, wědomosć, štož je rjenje klinčace słowo, kotrež woni bjez prawa na swoju wučbu naložuju. Pod mjenom „wědomosć“ abo po greksku „gnosis“ (spóznace) nastachu wšelake falšne wučby, kotrež křesćanske wěrnosće z pohanskimi błudami a ze židowskimi wučbami měšachu. Kotřiž křesćansknu wěrnosć zapřěwši, do tychle wučbow wěrjachu, rěkachu gnostikowje.

I. 1. t. r. zo bych čłowjekam wopowědował slubjene wěčne žiwjenje, kotrež móža sebi dobyć přez wěru do Jězusa Khrystusa. — 3. Wot swojich přjedownikow spóznach wěrneho Boha a prócowach so po najlěpšim wóždženju jemu słužić; tež wěrnych přescěhajo myslach sebi, zo Bohu prawje słužu. — 5. Pawoł džakuje so Bohu za njetajenu wěru, kotruž je Timotheus wot wowki a maćerje dóstał a ma wulku žádosć za nim, dokelž sylzy Timothea při džělenju dopokazachu, kak jara jeho lubuje. — 6. Snadž bě Timotheus w horliwosći trochu woliwný abo běše małomyslný; Pawoł dopomina jeho na hnadu Ducha swjateho, kotruž bě w swjećiznje dóstał. — 7. Duch swjaty, kotryž so w měšniskej swjećiznje wudžěla, nječerpí bojósć, ale podawa synnosť, z kotrejž so njeprěćelojo wěry přemóža, a lubosć, z kotrejž měšnicy ze sebjezaprěćom za wěčnu zbóžnosť bližšeho so staraju, a strózwosć, z kotrejž přecelam a njeprěćelam dobry přikład dawaju. — 8. Njehańbuj so, za Jězusa Khrystusa swědčenje dawać, t. r. jeho wučbu rozšěrjeć, a tež mje so njehańbuj, runjež sym nětko jaty; přetož sym jaty Khrystusowy a čerpju za swjatu wěc; skutkuju ze mnu za rozšěrjenje ewangelia, dokelž k tomu bu tebi móc data w měšniskej swjećiznje, zo by tež čerpeł při rozšěrjenju ewangelia, jako ja.

losći, kotraž je nam data w Khrystusu Jězusu před wěčnymi časami.* Tit. 3, 5.

10. Zjewjena pak bu nětko přez wozjewjenje našeho Zbóžnika Jězusa Khrystusa, kotryž je smjerec zničil, poswětlil pak žiwjenje a njetlajitosć přez ewangelium,*

11. Za kotrež sym postajeny jako wopowědować a japoštoł a wučer pohanow.

12. A z teje přičiny tež to ćerpju, a njehańbuju so. Přetož wěm, komu sym wěril, a sym wěsty, zo je mócnu, mi dowěryjene wobkhować hač na tamny džef.*

13. Džerž so prawidła strowych słowow, kotrež sy wote mje słyšał we wěrje a w lubosći w Khrystusu Jězusu.*

14. Dobře dowěryjene wobkhowaj přez Ducha swjateho, kotryž bydlí we nas.*

15. Wěš to, zo so wote mje wotwobročichu wšitecy, kotřiž su w Asiji, mjez kotrymiž staj Fygellus a Hermogenes.*

16. Daj Knjez smilnosć domej Onesifora, dokelž často mje wokřewi a jeho rjećaza so njehańbowasć,*

Niže 4, 19.

17. Ale hdyž do Roma přińdže, je mje starosćiwje pytał a namakał.

18. Daj jemu Knjez, zo by smilnosć namakał wot Knjeza na tamnym dnju. A kak wjele je mi w Efesu poslužował, ty najlěpje wěš.

STAW II.

Napomina Timothea, zo by druhich wěrnje wučil a za Khrystusa ćerpjel; spomina na přichodne myto a Khrystusowe wot-mortwych-wstaće. Zo by so hladał wurěčowanjom a prózdneho kłwalenja a njerozumnych zakuškich prašenjom. Wo wulkim domje, kotryž ma wšelake sudownja, a kotro počinki ma sebi služownik Boží dobyć

Ty tohodla, mój syno, posylnej so w milosći, kotraž je w Khrystusu Jězusu.*

2. A štož sy słyšał wote mje přez mnohich swědkow, to dowěc swěrnym mužam, kotřiž su kmani, tež druhich nawučić.*

3. Ćerp sobu jako dobry wojak Khrystusa Jězusa.*

4. Nichtó, kotryž za Boha wojuje, njepćece so do swětnych staranjow, zo by so tomu spodobał, wot kotrehož bu přistajeny.*

5. Přetož hdyž něchtó na přemo wojuje, njehywa krónowany, kliba zo je prawidlownje wojował.*

9. t. r. džakownosć za to, zo bu wumóženy a jako japoštoł powołany, ma će pohnuć, zo ewangelium wopowěduješ a za nje ćerpiš; njezaslužichmoj ze swojimi skutkami tak wulku dobrotu, ale po swojim spodobanju je naju Bóh k tomu powolał, a to hižo wot wěčnosti. — 10. Štož bě Bóh wot wěčnosti postajił, wosta zachowane; wozjewjene bu hakle z přikhadom Jězusa Khrystusa, kotryž duchownu smjerec, z kotrejež smjerec čěla sčěhuje, zniči, t. r. hrěch zběhny a swjatosćacu hnada doby; wón pak zniči tež čělnu smjerec, wot mortwych wstanywši, a zaruči tež nam čělnu žiwjenje w njezachodnosći. — 12. Dokelž buh k přědowanju ewangelia wot Boha powołany, ćerpju rady wšelake přeciwnosće a nětko zajćece, a njehańbuju so wučbow, kotrež swět hani; přetož sym přeswědčeny, zo ma Khrystus móc, mi dowěryjene kubło, t. r. ewangelium zakitować hač na džef, na kotrymž sam přińdže, zo by swojich njepřećelow sūdził. — 13. t. r. po mojich wučbach rjaduj swoje žiwjenje, to wěrjo a lubujo, štož sym će wučil, zo by zjednočeny był z Khrystusom. — 14. Duch swjaty w křćeńcy a měsniskej swjećiznje wudžěleny rozswětla a posylnja wučerjow cyrkwe, zo jim dowěrjenu wučbu njeskazenu wobkhowaju. — 15. Japoštoł skorži, zo přjedawši přećelojo z Maleje Asije jeho wopuščiwši so wo jeho nětko, hdyž je jaty, njestaraju. — 16. Onesiforej a jeho swójbe so džakuje za duchowne a čělnu dobrotu, za wopokazanu swěru a lubosć. Zda so, zo bě Onesiforus hižo zemřel, hdyž Pawoł tónle list pisaše, dokelž za jeho so modli a Božej smilnosći jeho poruča, wosebje na sudnym dnju.

II. 1. t. r. Ty, kiž sy mój syn, kotrehož lubuju jako nan, sčěhuj Onesiforowy přikład a přiběraj w milosći, kotraž přikhadža ze zjednočjenja z Jězusom. — 2. Štož sym tebe před mnohimi swědkami wučil, wuč kmnych swědomitych mužů, zo by so z tym dowěrjena wučba dale podawala a swěru wobkhowala. Tak je zertna wučba s. japoštola žórlo za křesćansku wěru. — 3. t. r. njebój so njepřećelow a strachow, kotrymž w službje Jězusowej nichtó njewučeknje. — 4. Swěrný wojak Khrystusowy so njedžěli, njepodawa džěl swojich mocow prózdnyh wěcam, ale sluša cyły Jězusej. — 5. Tež w swětnych wojowanjach njedóstanje nichtó dobyćersku krónu, kliba

6. Rólnik, kiž džěła, dyrbi najprěni wot plodow dóstać.*

7. Zrozyń, što praju; přetož tebi da Bóh we wšim spóznace.*

8. Wopominaj, zo je Knjez Jězus Khrystus, (kiž je) ze symjenja Davidoweho, wot mortwych wstanył,* po mojim ewangeliju,**

9. We kotrymž ćerpju hač do putow, jako złóštnik;* ale słowo Bože njeje přiwjazane.**

10. Tuž njesu wšitko wuzwolonych dla, zo bychy tež woni zbóžnosť dóstali, kotraž je w Khrystusu Jězusu, z nje-bjeskej krasnosťu.*

11. Wěrne (je) słowo: smy-li z nim wumrjeli, budžemy tež z nim žiwi.

12. Znjesemy-li (z nim), budžemy tež knježić; jelizo zaprjemy, zaprje tež wón nas.*

Mat. 10, 33; Mark. 8, 18.

13. Njewěrimy-li, wón swěrný wostawa; sebje samoho zapřec njemóže.*

14. Na to dopominaj přisahajo před Knjezom. Njewadž so wo słowa; přetož to njeje k ničomu wužitne, khiba k skazěnu poslušacych.*

15. Pilnje so staraj, zo so doswědčeny wopokažeš Bohu jako njewohanliwy džělaćeř, prawje wučo wěrnosće.*

16. Njeswjateho a prózdného pak so zwiń; přetož (tajcy) jara postupuja k bjezbožnosťi,*

17. A jich řeč žerje runja rakej;* mjez nimi staj Hymenaeus a Filetus,

18. Kotraž wot wěrnosće wotpadnyštaj prajicy, zo je wot-mortwych-wstaće so hižo stało, a kotraž někotrych wěru přewrócištaj.*

19. Ale kruty zakład Boží stoji* a ma tuto napismo: „Knjez znaje, kotřiž su jeho“ a „Wotstup wot njesprawnosće kóždy, kiž mjenuje Knjezowe mjeno“.**

zo cyły rjad a wšitko prawida wobkedžbuje; runje tak njemóže w Khrystusowej službě nichto křonowany być, khiba zo wšitke winowatosće dokonja. — 6. Rólnik, kotryž džěła, dóstawa tež najprěni wot plodow, ale jeno, hdyž džěła; tak ma tež wučer ewangelia najprěni prawo na njebieske myto, ale jeno tehdy, hdyž službu derje zastoji. — 7. t. r. zrozyń derje, što přirunanje praji: ty to móžeš, dokelž wot Boha dosć dara dóstanješ. — 8. Zo by Timotheus swěrný a ćerpny džělaćeř był, dyrbi so dopomnić na wot-mortwych-wstaće Khrystusa, kotryž byrnje po mjasu Davidowy syn, z tym so wopokaza jako syn Boží a kotryž tež swojim wěriwym zaruči, zo přez njeho nad njepřečelemi dobuđu. ** t. r. po mojej wučbě. — 9. t. r. za čož so ja prócuju a nětko w jastwjce ćerpju runja złóštnikej. ** t. r. runjež sym ja jaty, njepřestawa rozšěrjenje słowa Božeho; Pawoł wučěše Jězusowu wučbu tež před sudom. — 10. Dokelž moje zajěće rozšěrjenju Jězusoweje wučby nješkodži, ale skerje pomha, ćerpju wšitko rady, zo bychy či, kotřiž su k wěčnej zbóžnosťi wuzwoleni, ju přez słyšenje słowa Božeho tež dóstali, a tak z Khrystusom w njebieskej krasnosťi zjednočeni byli. — 12. Wuzwoleni přidu k njebieskej krasnosťi, dokelž Bože slubjenje je wěrne: štož z Khrystusom ćerpiwši wumrje, změje z nim tež džěł na wěčnym žiwjenju, a štož z nim křiwdu zjese, budže z nim tež knježić; štož pak jeho zaprje, toho zaprje tež wón před njebieskim Wótcom. — 13. Hdyž pak jemu wěru zapowěmy, wostanje wón swěrný w swojich slubjenjach a hroženjach, dokelž jako wěčna wěrnosć njemóže njeswěrný być. — 14. Prózdne wurěčowanje škodži wobkrućenju duchowneho žiwjenja. — 15. Budž swěrný džělaćeř, kotryž słowo Bože njepřeměnja, ale je prawje wučí. — 16. t. r. z falšnej wučby rozšěrja so bjezbožnosť. — 17. t. r. tajke bjezbožne wučby kaža druhich, kotřiž je słyša, a či rozšěrjuje je zaso dale. — 18. Wobaj praještaj, zo čěla wot mortwych njewstanu, a wučěštaj, zo ma so wšo, štož Khrystus wo horjewstaću praji, wo duchownym wožiwjenju zrozumić, kotřež so we wosprawnenju čłowjeka stawa, hdyž jako duchownje mortwy přez swjatosćacu hnađu znova wožiwi. — 19. t. r. Khrystusowa cyrkej stoji kruće runja twarej, kotryž je na kruty zakład založeny; někotre kamjenje móža so wuwalić, někotre stawy wotpadnyć, ale cyrkej wostanje kruće stoji, dokelž je založena na wěrnosć. ** Jako mějachu domy wyše duri wěste znamjenja abo napisma zaryte, kotřež na to pokazowachu, k čomu služa, tak ma cyrkej tež dwoju wěrnosć jako napismo. Přenja wěrnosć je: „Knjez znaje, kotřiž su jeho.“ We zwjazku cyrkwyje su mnozy, kotřiž po wěrje a žiwjenju Knjezowi njesu, ale Knjez jich znaje a rozeznama wot swojich swěrných, kotřiž su tež po swojim zmyslenju jeho. Druha wěrnosć rěka: „Wotstup wot njesprawnosće kóždy, kiž mjenuje Knjezowe mjeno“, t. r. štož woprawdže ke Khrystusowej cyrkwi sluša, njech so džěli wot kóždeje njesprawnosće a wosebje wot kóždeje falšneje wučby a wot tych, kotřiž ju wuča a rozšěrjuje.

20. We wulkim domje pak su nie jeno złote a slěborne sudowja, ale tež drjewjane a hlinjane, a to někotre k česći, někotre pak k nječesći.*

21. Tohodla jelizo něchtó wot tutych so wučisći, budźe sudowjo k česći, swjećene a Knjezej wužitne, přihotowane ke wšomu dobremu skutkej.*

22. Před młodostnymi žadosćemi čěkaj; slěduj pak sprawnosć, wěru, lubosć a pokoj z tymi, kotřiž so wołaju ke Knjezej z čisteje wutroby.*

23. Blazniwych a njeprislusnych prasejnow so zwijej wědzo, zo zwady płodža.

1. Tim. 1, 4; 4. 7; Tit. 3, 9.

24. Njeslušna pak so, zo Knjezowy sluzownik so wadźi, ale zo je miły přećiwo wšěm, za wučenje kmany, sćerpny,

25. Z čichomyslnosću porokowacy tym, kotřiž so wěrnosći napřećiwjeju, hač by jim snadź Bóh rozmyslenje dał k spóznaću wěrnosće,*

26. A wostrózwili z lečenjow djabola,* w kotrychž su jeći dźerženi k jeho woli.

STAW III.

Wěsći, zo budža přichodni čłowjekowje mnohim hrěcham služić; kotřiž žónki zawjedu, napřećiwjeju so wěrnosći. Timothea pak napomina, zo by po jeho přikładze dobre počinki měl a wutrajnosć w přescěhanjach pokazował; a wo wužitku swjatych Pismow.

To pak wěz, zo w poslednich dnjach* strašne časy nastanu.

1. Tim. 4, 1; 2. Pětr. 3, 3.

2. Ludžo* budža sebični, nadržani, nadzadći, hordźi, bohahanjerjo, staršim njeposlušni, njezakowni, bjezbožni,

2. Pětr. 3, 3.

3. Bjez lubosće, bjez swěry, přislodnicy, njezdźeržliwi, surowi, bjez dobroćiwosće,

4. Přeradnicy, njehańbići, nadući, a bóle lubowarjo wólności dyžli Boha,

5. Mějcy drje podobu pobožnosće, jeje móce pak zapřewajcy; a tych so zdaluj.

6. Přetož z tych su, kotřiž so do domow přiwlača a zajate wjedu žónki,* z hrěchami wobčězene, kotrež su wodźene wot wšelakich požadosći,

7. Kotrež stajnje wuknu a ženje k spóznaću wěrnosće njeđónđu.*

8. Jako pak Jannes a Mambres* Mójesej so přećiwisťaj, tak tež tući wěrnosći so napřećiwjeju, ludžo po zmyslenju skaženi, po wěrje njewoswědčeni.

9. Ale dale njebudža postupować; přetož jich njerozomnosć budže wšitkim zjawna, jako bu tež njerozomnosć tamnych.*

10. Ty pak sy zapřijał moju wučbu, nawjedowanje, přócowanje, wěru, dolhočakawosć, lubosć, sćerpnosć,*

20. Jakož su w kóždym domje wšelake sudowja, tak su tež w zwjazku cyrkwy wšelake stawy, dobri a hrěšni ludžo, tajcy, kotřiž wěsće k zbóžnosći přiuđu, a tajcy, kotřiž budža wěcnje začisujeni. — 21. Štóž so wučisći wot sudowjow k nječesći sluzacych, t. r. kotryž wopuści towarstwo falšnych wučerjow a hrěšnikow, budže z tym čestne sudowjo, t. r. sprawný, kiž z dobrymi skutkami Bohu služi. — 22. t. r. přidaj so k tym, kotřiž tež z wutrobu, potajkim woprawdže w žiwjenju Knjeza wuznawaju. — 23. Sluzownik Khrystusowy ma jako wučer swoju kmanosć k wučanju tež w tom pokazować, zo ze sćerpnosću tych zjese, kotřiž so wěrnosći napřećiwjeju, a so nadźijeć, zo so wobroća a wěrnosć spóznaja. — 24. t. r. zo wstanu z hrěcha a błuda.

III. 1. t. r. w času před druhim přikhadom Khrystusowym, před zapusćenjom swěta. — 2. t. r. mnozy ludžo. — 3. t. r. lohke žónki, kotrež w předawšim žiwjenju hrěšachu a kotrež jako wšelakim požadosćam podčisnjene tež lohey so zawjedu, samo k falšnej wučbě. — 4. Tajke žónki so taja, jako bychy pilnje wuknyły, hdyž tajkich falšnych wučerjow w svojich domach přijimaju, ženjo pak k spóznaću wěrnosće njeđónđu, dokelž su we wutrobje a w žiwjenju hrěšne. — 5. Tak rěkašťaj egiptowskaj kuzlarjej, kotraž Faraona pohnušťaj, zo by israelskemu ludje wotčahnyć njeđať. — 6. t. r. njedosalnu, za čimž žadaju, mjenujcy, zo bychy cyrkwy Khrystusowu powalili; jich postupowanju staji so mjeza z tym, zo so njerozom jich wučby spóznaje, kaž bu tež egiptowske kuzlarstwo jako njerozomne spóznať a před woprawdžitými dźiwami Mójesowymi njewobsta. — 7. Štož ja činju, wuču a čerpju, sy ty widzał a sčěhować slubił.

11. Přesčěhanja, čerpjenja, kajkež mi nastachu w Antiochiji, Ikoniu a w Lyst-rje;* tajke přesčěhanja znjesech, a ze wšitkich wutorhny mje Knjez.

12. A wšitecy, kotřiž chcedža pobožnje žiwi być w Khrystusu Jězusu, budža přesčěhanje čerpieć.*

13. Zli čłowjekowje pak a zawjednicy budža k hóršemu postupować, bludžicy a do bluda wodžicy.*

14. Ty pak zwostawaj w tom, štož nawukny a štož bu či dowěrjene, wědžo, wot koho sy nawuknyl,*

15. A dokelž wot džěcacych dnjow swjate Pisma znaješ, kotrež móža tebje rozwučić k spomóženju přez wěru, kotraž je w Khrystusu Jězusu.*

16. Wšitke wot Boha nadychnjene Pismo je wužitne k wučanju, k porokowanju, k naprawjenju, ke kublanju w sprawnosći,*

17. Zo by dospołny był muž Boží, wuhotowany ke wšomu dobremu skutkej.*

2. Pětr. 1, 20.

STAW IV.

Timothea naležnje prosy přez Khrystusa sudnika, zo by přeciwo falšnym wučerjam a tym, kotřiž so při tajkich zhromadžěju, wobstajuje rěčať,

wšitko přeciwnosće, kotrež so jemu činja, znjesť; praji do přědka swoje čerpjenje a přichodno myto, woła Timothea k sebi, dokelž je wot mnohich wopušćeny, a wot Alexandra wjele čerpjel; w swojim přěnim zakitanju bě wot wšitkich wopušćeny, ale přez Knjeza bu wumóženy.

Zaročam (tebje) před Bohom a Jězusom Khrystusom, kotryž budže sudzić žiwych a mrtwych, při jeho přikhadže a jeho kralestwje:*

2. Přěduj słowo, namołwjey w hódz abo njewhódz; porokuj, proš, poswať we wšej sčerplicnosći a powučanju.*

3. Přetož budže čas, hdžež strowu wučbu njeznjesu, ale po svojich požadosćach nahromadža sebi wučerjow, za tym hač jich wuši swjerbitej.*

4. A wot wěrnosće slyšenje wotwobroća, k bajkam pak so přiwobroća.

5. Ty pak budž kedžbny, we wšim wučerj, dokonkej skutk ewangelisty, wupjelnej swoju službu; budž strózwj.*

6. Přetož ja hižo budu woprowany, a čas mojeho rozwjazanja nastawa.*

7. Dobře wojowanje sym wojował, běh sym dokonjał, swěru sym wobkhował.*

8. Naposledy je mi přihotowana króna sprawnosće, kotruž mi poda Knjez na

11. Japoštoł mjeunje wosebje čerpjenja w tutych městach, dokelž bě Timotheus tehdy jeho towarš. — 12. Kotřiž su pobožnje w Khrystusu Jězusu žiwi, su wot swěta hidženi a často přesčěhali. — 13. Dokelž zli w swěće přiběraju a jich zlóse rosće, změja pobožni w swěće čim dale čim wjacj čerpieć. — 14. t. r. wěť kruće, štož sy wote mnje nawuknyl, hdyž móžeš spóznać, zo buh ja jako wot Boha postajeny wučer wobswědčeny. — 15. K spóznaću wěrnosće wjeđu će tež Pisma stareho zakonja, kotrež wot džěcacych dnjow wot pobožneje maćerje znaješ; wonc pokazuja na Jězusa a wjeđu k wěrje do njeho. — 16. Swjate Pismo jako bóžska wěrnosć je za čłowjeka wužitne a spomóžne, dokelž wolu Božu wozjewja a jeho napomina, zo by dokonjał, štož so jemu prikazuje, a dokelž jemu porokuje, hdyž to zakomdži. — 17. Muž Boží drje je kóždy křesćan, wosebje pak wučer křesćanskeje wěrnosće, kotryž so cyle službo Božej poswjećí; wón ma so z wučbami swjateho Pisma wuhotować, zo by kóždy dobry skutk rad dokonjał.

IV. 1. Pawoł prosy Timothea, na přikhad Khrystusowy a na myto, jemu w kralestwje Božim přihotowane, a dopomina jeho, zo by winowatosće jako wučer najswěrněšo dopjelnił. — 2. Wučer ma napominać, njedžiwajo na to, hač so jeho słowo spodobá abo nie, hač lnydom plody widži abo nie, z wutrajnej sčerpnosću ma na lěpše plody čakać. — 3. Sčerpny dyrbi křesćanski wučer być wosebje w časach, w kotrychž ludžo strowu, njeskaženu wučbu rady njeslyša, ale za nowinkami žadaju a so k črjódam wšelakich wučerjow čisća, kotřiž jeno tak wuča, jakož woni rady slyša. — 5. t. r. dokonkej wšitko, štož ma wučer křesćanskeje wěrnosće dokonjeć. — 6. Čim swěrněšo dokonkej swoju winowatosć, dokelž moje džělo bliži so kóncej; bórzy hižo přinjesu swoje žiwjenje Bohu jako worp a moja duša wotdžěli so wot čěla. — 7. Pohladujo do swjateho přecypołneho žiwjenja smě sebi japoštoł swědčić, zo je za Khrystusa mužnje wojował, w běhanicy hač do kónca njewustał, a wšě winowatosće, kotrež je při křěćenju a z japoštołstwom přewzał, swěrnje dopjelnił.

tamnym dnju, sprawny sudnik, nie pak jenož mi, ale tež tym, kotřiž jeho přikhad lubuja.* Pokhwataj, zo bórzy ke mni přińdžeš.**

9. Přetož Demas je mje wopušćil, tónle swět lubujo, a je do Thessaloniki wotešol;*

Kol. 4, 11.

10. Krescens do Galatije, Titus do Dalmacije.

11. Lukaš je jenički při mni. Marka* wzni a přiwjeď sobu; přetož je mi wužitny k službje.

12. Tychika pak pólach do Efesa.*

13. Plašć, kotryž w Troadze pola Karpa wostajich, přinjes sobu, hdyž přińdžeš, a knihi, wosebje pak pergamenty.*

14. Alexander, kótlář, je mi wjele zleho naćinil,* Knjcz wotplaći jemu po jeho skutkach.

15. Tež ty hladaj so jeho; přetož jara je so mojim słowam přećiwil.

16. W mojim přenim zarěčowanju njeběše nichto při mni, ale wšitcy mje wopušćichu;* njebudź jim to přiličene.

17. Knjcz pak stoješe při mni a posylni mje, zo by přeže mnje předowanje dopjelnjene bylo a wšitcy pohanjo je slyšeli;* a buch wumóženy z khlamy lawa.**

18. Knjcz je mje wumóžil wot wšoho zleho skutka, a zakhowa mje do swojeho njebjeskeho kralestwa; jemu budź khwała wěki na wěki. Amen.*

19. Postrow Prisku a Aquilu a Onesiforowy dom.*

Wyše 1, 16.

20. Erastus* wosta w Korintu. Trufima** pak wostajich khoreho w Mileće.

21. Pokhwataj, zo před zymu přińdžeš Postrowjeju tebje Eubulus a Pudens a Linus a Klaudia a wšitcy bratra.*

22. Knjcz Jězus Khrystus (budź) z twojim duchom! Miłosć z wami! Amen*

8. Dokelž móže japoštoł z dobrym swědomjom na minjene žiwjenje hladac, smě tež z dowěru wustajene wěčno myto wočakować, kotrež sprawny sudnik jemu wudželi a wšém, kotřiž swojebpóćiweho žiwjenja dla na přikhad Khrystusowy so wjesela. Njebjeska zbóžnosć je nic jeno dar Božeho smilnosće, ale tež myto zaslužbow, kotrež sudnik po swojej sprawnosći rozsudža a plaći. ** Wosebje žada Pawoł w tomle lisće, zo by Timotheus čím skerje k njemu do Roma přišoł. — 9. Demas pobý, hdyž běše Pawoł přeni króc w Romje jaty, při nim. Kol. 4, 14. Filem. 24. Tola z lubosće k swětej abo z bojosće před zajěcom a smjerću, bě so domoj wróćil. Tola drje je křesćan wostał. — 11. Mark, ewangelista, běše japoštolejší tohođla wosebje wužitny, dokelž laćanska řeč a tež romske wobstojenja derje znaješe, hdyž bě hižo zo s. Pětrom w Romje přebywał. — 12. Přirunaj Japošt. skutki 20, 4; Kol. 4, 7. — 13. Pawoł žada wosebje pergamenty, dokelž wazniše podawki pisachu so tehdy na pergamenty, t. j. wosebiće za pisanje přihotowane kože, kotři so najprjedy w asijskim měsće Pergamus přihotowachu, mjenje wazne pak na papjeru, z wosebiteje egyptowskeje rostliny dželanu. — 14. Najskeje bě tutón wot Pawołowych přećiwnikow najaty, zo by přećiwu njemu swědčil a nětko bě so zaso do Efesa wróćil; tohođla naponina Pawoł, zo by so Timotheus před nim hladał. — 16. t. r. hdyž mějach přeni króc před romskim sudom so zamotwjeć, njezwěri so nichto za mnje jako zakitař wustupić. — 17. Bóh pak mi pomhaše, dokelž rhyč, zo bych w Romje, w srjedźinje pohanstwa Jězusowu wučbu zakitař před ludom, kiž bě so před sudnikom zhromaďil. ** Ze smjertneho stracha, kotryž mi hrožeše. — 18. Tale pomoc Boža dawa mi znova dowěru, zo mje dale zakita přede wšim złym a dowjeđe do wěčneje zbóžnosće. — 19. Priska abo Priscilla a Aquila, hl. Rom. 16, 1. Najskeje běštaj z Roma do Efesa čahnyłoj, dokelž kejžor Nero křesćanow přesećhaše. Onesiforowy dom, hl. 1, 16. — 20. hl. Jap. sk. 19, 22. ** hl. Jap. sk. 20, 4; 21, 29. — 21. Romscy křesćenjo, kotřiž su tudy mjenowani, njejsu hewak w Nowym Zakonju znaći. Praji so, zo je Pudens nan knježnow a martrařkow Paxedis a Pudencijay byl, a zo bě Klaudia jeho mandželska. Linus běše po s. Pětrje přeni bauž. — 22. Dwoj přezohnowanje kónči list, přenje za Timothea, druge za jeho cyłu wosadu.



LIST S. JAPOŠTOŁA PAWOŁA NA TITA.

STAW I.

Při strowjenju na nadźiju wěčeho žiwjenja, kotraž bu zjewjena, dopomniwiši pokazuje, kajkich ma na měšnikow a na biskopow swjećić; wo někotrych, kotřiž dyrhja so wšelakich nje-počinkow dla kruće khostać. Čistym je wšo čiste. Někotři přēja Boha zo skutkom.

Pawoł, služownik Boží a japoštoł Jězusa Khrystusa po wěrje wuzwolenych Božich a po spóznaću wěrnosće, kotraž je k pobožnosći,*

2. Na nadźiju wěčeho žiwjenja,* kotrež je slubil Bóh, kiž njelže, před starými časami;

3. Wozjewil* pak je w swojim času svoje slovo w přédowanju, kotrež bu mi dowěrjene po přikazni Boha našeho Zbóžnika,

4. Titej lubowanemu synej po zhromadnej wěrje:* milosć a pokoj wot Boha Wótea a Khrystusa Jězusa našeho Zbóžnika.

5. Tohodla zawostajich telje w Kreće,* zo by dorjadował, štož zbywa, a postavil

po městach starších, jakož ja ěi poručích:

6. Je-li štó bjez poroka, jeneje žony muž, ma-li džěci wěriwe, kotrež njesu winowane dla wólnosće, abo njeposlušne.*

7. Přetož biskop dyrbi być bjez poroka, jako hospodať Boží,* nie hordy, nie hněwny, nie pijak, nie bičk, nie njehaňbićiweho dobytko žadosćiwy,

8. Ale hospodliwy, dobroćiwy, strózwý, sprawny, swjaty, zdžeržliwy,

9. So džeržacy zawěsteho słowa*, kotrež je po wučbje, zo by mócný był napominać w strowej wučbje, a přepokazować tych, kotřiž so napřećiwyjeju.

10. Přetož mnozy su tež njeposlušni, prózdnorěčni a zawjednicy, wosebje, kotřiž su z wobrězanja.*

11. A ěi dyrhja poswarjeni być, hdyž cyle domy přewróćeju,* wučicy, štož so njesluša, njehaňbićiweho dobytko dla.

12. Řjekny jedyn z nich, jich samsny profeta:* Kretowje su přeco lharjo, zle zwěrjata, lěnje brjuchi.**

I. 1. t. r. ja sym posłany, zo bych wěrnosće wěry přédował wuzwolenym Božim a jim dopomhał k spóznaću prawdy, kotraž wjedže k prawej pobožnosći. — 2. Wěrnosć, kotraž pobožnosć plodźi, wubudža nadźiju wěčeho žiwjenja; a wozjewjenje tutěje wěrnosće je Bóh, sama wěrnosć, hižo před dawnymi časami slubił. — 3. W postajenym času je Bóh slubjenu wěrnosć wozjewil a swoje slovo přédować poručil japoštołam, wot Jězusa wuzwolenym, do kotrychž tež ja słušam. — 4. Tita mjenuje Pawoł syna, dokelž je jeho za nowe žiwjenje w Khrystusu spłodzil; a Titus wopokazuje so jako wěrný syn, dokelž jimaj zhromadnu wěru wobkhowa. — 5. Kreta, nětko Kandia, je kupa w srjedźnym morju, jara plódna. Pawoł tam přińdže, hdyž bu z přenjeho romskeho zajeća pušćeny (w I. 63), a přeby tam nimale lěto, založi w městach křesćanske wosady a wostaji tam Tita jako biskopa, zo by założene wosady dale rjadował, jim duchownych postajejo, kotřiž mějachu wosadnym slowo Bože wozjewje a sakramenty wudželeć. — 6. Nětko wopisuje samownosć toho, kotrenuž smě so měšniška služba dowěřić, podobnje jakož I. Tim. 3, 1—7. Běse-li woženjeny a mějće-li džěci, dyrhja wone wěriwe a poslušne być, tež njesmědža swětnje pychi hladać. — 7. t. r. wudželerjo hnady Božeje. — 9. Předstojnik cyrkwo dyrbi slowo Bože njeskažene wozjewjeć, kajkež bu sam wučeny, njesmě čłowjeske přidawki do njeho měšć, tak zo je jeho wučba japoštołskej wučbje runa. — 10. Tajcy njeposlušni, prózdnorěčni zawjednicy běchu wosebjo mjez wěriwymi ze židowstwa, kotřiž samowólnje postajenjow Mójesoweho zakonja so džeržachu a z nimi křesćansku wučbu měšachu, kažachu a tak druhich zawjedzechu. — 11. t. r. nie jeno toho abo druhého, ale cyle swójby wotwobroćeju wot wěry; nječinjachu to z přeswědčenjom, dokelž ani sami swoje holer słowa njerozýmjachu, ale ze žadosće za dobyćom. — 12. t. j. basnik Epimenides, kiž takrjec wot Boha zahorjeny, wosebite wěrnosće wozjewja, a tohodla ma basnik někajku podobnosć z profetami. Dokelž bě Epimenides z Krety, je jeho swědčenje, runjež krajanow njekhwali, wěry lódne. ** t. r. lěnjemu a njepoměrnemu žiwjenju poddaći.

13. Tuto swědčenje je wěrne. Tohodla swať jich kruće, zo bychu strowi byli we wěrje,*

14. A kedźbu njeměli židowskich bajkow* a čłowjeskich prikazni,** kotrež so wotwobroćeju wot wěrnosće.

15. Wšitko je čiste čistym; womazanym pak a njewěriwym njeje ničo čiste; ale womazana je jich mysl a swědomjo.*

Rom. 14, 20.

16. Wuznawaju, zo Boha znaja, ze skutkami pak jeho zapřewaju, hdyž su wohidni a njewěriwi a ke wšomu dobremu skutkej njekmani.*

STAW II.

Kak ma starcow, wobstarne a młódše žónske a młodźencow wučić, sebje samoho jako přikład žiwjenja stajajo we wšim, w čimž nas rozwučuje miłosć Boža, kotraž je so wozjewila. Pokazujo na dobroty, přez Khrystusa nam wopokazane.

Ty pak rěč, štož so słuša po strowej wučbje:*

2. Zo bychu starcy byli strózwj, čestni, rozhladni, strowi we wěrje, w lubosći, w sćerpnosći,*

3. Zo bychu wobstarne žónske tohorunja byle w swoim zadźerženju swjate,* nie přisłódžace, nie mnohemu winej podate, dobre wučace;

13. Dokelž su Kretowje po swoim přiwučenju k tomu nakhileni, zo na tamnych so liščacych wučerjow kedźbuj, dyrbyja kruće napominani być, zo bychu so wot wěry njewotwobročili. — 14. hl. 1. Tim. 1, 4; ** t. r. přistawkow k zakonju Božemu, wot pismawučenyh a druhich wumyslene. — 15. Samo na sebi je kóždy stworjenje čiste, a njemóže nikoho wonječisćić abo wonjeswjećić, kiž je přez wěru a dobre swědomjo čisty a swjaty, a kotryž tohodla kóždy wěc wužiwa, jakož je dowolene; tomu pak, kiž jo w swoim zmyslenju nječisty, słuža wšitke wěcy, njech su same na sebi najčisćiše, k womazanju, dokelž jo njeprawje wužiwa, hdyž je jeho zmyslenje a jeho swědomjo nječiste, tak zo wěcy, same na sebi čiste, nječiste čini. — 16. Khwala drje so, zo Boha znaja, ale su tak žiwi, jako bychu njewědźeli, zo jo Bóh swjaty a sprawny, a zo tohodla zle hidži. Dokelž zle činja, su před Bohom wohidni a w skutku njewěriwi; tuž njezamóža zaslužbne skutki činić.

II. 1. t. r. ty njesmíš, jako tamni wučerjo, wučić, štož so njesluša (1, 11), ale štož sebi prawa wučba žada. — 2. Starši mužowje dyrbyja wosebje strózwj być, t. r. žanej njepoměrnej nakhilnosći njepoddaći; jich wěra, lubosć, sćerpnosć dyrbi tu měru a synlosć měć, kotruž wěra a rozum žadataj. — 3. t. r. we wonkownym žiwjenju, w drasće, w zwjeselenju, w rěči atd. maju tajke brć, kajkež su swjate. — 5. Tute dobre počinki maju křesćanske žónske tež tohodla pokazować, zo bychu křesćanskej wučbje česć činili; njepřećelowje bychu hewak prajili, zo je křesćanska wučba na tym wina, a tak by słowo Bože hanjene było. — 7. Sam budź dobry přikład we wučanju, w póćiwym žiwjenju, kotrež je hjeze wšoho hrěcha. — 8. t. r. Žid abo pohan. — 10. t. r. zo by jich žiwjenje česć činilo wučbje Božej, kotruž wuznawaju. — 12. Tež tohodla je so miłosć Boža wozjewila, t. r. je Syn Boží wočłowječil, zo by čłowjekow kóždeho splaha a powołanja a kóžde staroby ze svojim přikładom k dobrym počinkam nawjedował.

4. Zo bychu młódše rozomnosć wučile, kak maju svojich mužow lubo měć a swoje džěći lubować,

5. (Być) rozhladne, čistotne, strózwje, wo domu starosćiwe, dobroćiwe, svojim mužam poddate, zo by słowo Bože hanjene njebylo.*

6. Młodych mužow tohorunja napominaj, zo bychu strózwj byli.

7. We wšim poskićej sebje samoho jako přikład dobrych skutkow, we wučbje, w njeskaženosći, w dostojnosći.*

8. Strowe bjezporočne słowo (wuć), zo by tón, kiž je přećiwo nam,* wohańbjeny był, hdyž ničo zleho wo nas prajić nima.

9. Wotročkow (napominaj), zo bychu poddaći byli svojim knjezam, we wšim jim spodobni, nie spjećiwi,

Ef. 6, 5; Kol. 3, 22; 1. Pětr. 2, 18.

10. Skradžu njebjericy, ale we wšim dobru swěru wopokazujoy, zo bychu wučbu Boha našeho Zbóžnika we wšim debili.*

11. Přetož miłosć Boha našeho Zbóžnika je so zjewila wšitkim čłowjekam,

12. A wučić nas, zo bychmy so wot-rjeknywši bjezbožnosće a swětnych požadosći, strózwje a sprawnje a pobožnje žiwi byli w tomle swěće,*

13. Wočakujcy zbóžnu nadžiju a přikhad krasnosće wulkeho Boha a našeho Zbóžnika Jězusa Khrystusa,*

14. Kiž sebje samoho poda za nas, zo by nas wukupil wot wšeje njesprawnosće a wučisćil sebi spodobny lud, horliwy w dobrych skutkach.*

15. Tak rěč a napominaj a porokuj ze wšej moci. Nichtó njech tebje njezapeřewa.*

STAW III.

Kotre póćiwosće ma swojim poručować a wot kotrych hrěchow jich wotwobroćeć, a zo bychmy wot přjedawšich hrěchow jeno přez Božu dobroćiwosć wumóženi w kupjeli zasonaroda, w nadžiji sćinjeni herbja wěčneho žiwjenja; tež napomina, zo by so zdalował prózdneje wučby a druhowěriwych.

Dopominaj jich, zo bychy wjeršam a wyšnosćam poddaći byli, na słowo poslušni, hotowi ke wšomu dobremuskutkej,*

2. Nikoho njehanili, zwadniwi njebyli, ale měrniwi, pokazuju wšu čichomyslnosć wšitkim čłowjekam.

3. Přetož tež my běchmy něhdy njemudri, njewěriwi, bludžacy, služicy wšelakim požadosćam a wólnosćam, w zlósci a zawisći žiwi, hidženja hódni, mjez sobu so hidžacy.*

4. Hdyž pak šćedrosć a dobroćiwosć Boha našeho Zbóžnika so zjewi, Wyše 2, 11; 2. Tim. 1, 9.

5. Wozboži nas nic ze skutkow sprawnosće, kotrež smy my činili, ale po swojej smilnosći přez kupjel zasonaroda a wobnowjenja Ducha Swjateho,*

6. Kotrechož na nas wuliny přez Jězusa Khrystusa našeho Zbóžnika,*

7. Zo bychmy wosprawneni přez jeho miłosć byli herbja po nadžiji wěčneho žiwjenja.*

8. Zawěšte je słowo; a to čen, zo by wobkrućał, zo bychy so přecowali dobre skutki činić, kotřiž buchu Bohu wěriwi. To je dobre a čłowjekam wužitne.*

9. Blazniwych prašenjow a zapisow splodženjow* a zwadow a wurěčowanjow wo zakonju so zwijn; přetož su njewužitne a prózdne.** 1. Tim. 1, 4; 4, 7; 2. Tim. 2, 23.

10. Kecařskeho čłowjeka* po jenom a druhim napominanju so zwijej:

11. Wědžo, zo je přewróćeny, štož tajki je a hrěši, hdyž je ze swojim samnym wusudom wotsudženy.*

12. Hdyž k tebi Artemasa abo Tychika* pósćelu, khwataj, zo by ke mni přišoł do Nikopole; přetož tam sym postajil přezymować.

13. t. r. hdyž smy w tom swěće tak póćiwje žiwi, mamy nadžiju na krasny přikhad našeho Boha a Zbóžnika, a tale nadžija nas nětko hižo pokoji a we wšěch horjach posylnja. — 14. t. r. kiž bu z tym naš Zbóžnik, zo so za nas woprowaše, a ze swojej smjerću nas wučisći a do spodobneho luda přestwori, kotryž nětko dobre skutki dokonja. — 15. Njebojaznje jako wučer wot Boha z moci wuhotowany napominaj a poručej, a nichtó njesmě tebje zapeřeć.

III. 1. Wšo dobre, štož wyšnosć poruča, ma křesćan činić; jeno w tom, štož je přećiwu woli Božej, nima ju posluchać. — 8. Přećiwu wšem mamy čichomyslni a dobroćiwu być, tež přećiwu hrěšnikam a njewěriwym, dokelž sami něhdy lěpši njeběchmy, dyžli woni, a miłosći Božej mamy so dzakować, hdyž smy z přjedawšeho hubjenstwa wumóženi. — 5. Plody, kotrež nam Khrystus z wumóžacym skutkom zaskuži, přiwobroća nam w kupjeli znowanaroda, we swjatej křćeńcy, w kotrež smy z wody a Ducha swjateho w duchu wobnowjeni a wosprawneni. — 6. Ducha swjateho a jeho hnady wudžělnje abo wuliwa Jězus Khrystus we swjatej křćeńcy. — 7. Duch swjaty so wudžěluje, zo bychmy wot hrěcha wučisćeni, wosprawneni a herbja wěčneje zbóžnosće byli; na swěće smy jeno po nadžiji herbja, něhdy pak budžemy woprawdže. — 8. Wěrne słowo je mjenjujcy, štož w rj. 4—7 wo wumóžacym skutku Khrystusowym so praji, a tohodla maš tule wučbu njepřestawajcy wobkrućeć a napominać, zo bychy wěru do wumóžaceho skutka Jězusoweho we póćiwym žiwjenju wopokazowali. — 9. hl. 1. Tim. 1, 4. ** Rozkorjenja wo zakonju, t. r. wšelake wukładowanja słow a zákonskich postajenjow, dawachu wučerjam přiležnosć k wšelakemu prózdnemu wurěčowanju. — 10. t. r. tajkeho, kotryž prawej wučbje swoju falšnu napřećiwu staja, maš jónu abo tež druhi króć napominać; wostanje-li při swojim bludže, maš so jeho zdalować, dokelž wjacy křesćanskej wosadze njepřisłuša. — 11. Hdyž bu bludžacy wjacjkróć napominany, zo by so wobroćil, móžeš přeswědčeny być, zo njeje bjez winy a zo tohodla hrěši, a jeho samsne swědomjo jeho sudži jako hrěšnika. — 12. Artemas so hewak njemjenjuje. Wo Tychiku hl. Ef. 6, 21.

13. Tuto swědčenje je wěrne. Tohodla swař jich kruće, zo bychu strowi byli we wěrje,*

14. A kedžbu njeměli židowskich bajkow* a čłowjeskich přikazni,** kotrež so wotwobroćeju wot wěrnosće.

15. Wšitko je čiste čistym; womazanym pak a njewěriwym njeje ničo čiste; ale womazana je jich mysl a swědomjo.*

Rom. 14, 20.

16. Wuznawaju, zo Boha znaja, ze skutkami pak jeho zaprěwaju, hdyž su wohidni a njewěriwi a ke wšomu dobremu skutkej njekmani.*

STAW II.

Kak ma starcow, wobstarne a młódše žónske a młóžencow wučić, sebje samoho jako přikład žiwjenja stajejo we wšim, w čimž nas rozwučuje miłosć Boža, kotraž je so wozjewila. Pokazuje na dobroty, přez Chrystusa nam wopokazane.

Ty pak rěć, štož so słuša po strowej wučbje:*

2. Zo bychu starcy byli strózwj, čestni, rozhladni, strowi we wěrje, w lubosći, w sćerpnosći;*

3. Zo bychu wobstarne žónske tohorunja byle w swojim zadžerženju swjate,* nie přisłódžace, nie mnohemu winej podate, dobre wučace;

4. Zo bychu młódše rozomnosć wučile, kak maju svojich mužow lubo měć a swoje džěci lubować,

5. (Być) rozhladne, čistotne, strózwje, wo dom starosćiwe, dobroćiwe, swojim mužam poddate, zo by słowo Bože hanjene njebyło.*

6. Młodych mužow tohorunja napominaj, zo bychu strózwj byli.

7. We wšim poskićej sebje samoho jako přikład dobrych skutkow, we wučbje, w njeskaženosći, w dostojnosći.*

8. Strowe bjezporočne słowo (wuć), zo by tón, kiž je přećiwo nam,* wohańbjeny byl, hdyž ničoho złeho wo nas prajić nima.

9. Wotročkow (napominaj), zo bychu poddaći byli swojim knjezam, we wšim jim spodobni, nic spjećiwi,

Ef. 6, 5; Kol. 3, 22; 1. Pětr. 2, 18.

10. Skradžu njebjericy, ale we wšim dobru swěru wopokazujcy, zo bychu wučbu Boha našeho Zbóžnika we wšim debili.*

11. Přetož miłosć Boha našeho Zbóžnika je so zjewila wšitkim čłowjekam,

12. A wučić nas, zo bychmy so wot-rjeknywši bjezbožnosće a swětnych požadosći, strózwje a sprawnje a pobožnje žiwi byli w tomle swěće,*

13. Dokelž su Kretowje po swojim přiwučenju k tomu nakhileni, zo na tamnych so lišćacych wučerjow kedžbujaj, dyrhja kruće napominani być, zo bychu so wot wěry njewotwobročili. —

14. hl. 1. Tim. 1, 4; ** t. r. přistawkow k zakonju Božemu, wot pismawučenych a druhich wumyslene. — 15. Samo na sebi jo kóžde stworjenje čiste, a njemóže nikoho wonječisćić abo wonjeswjećić, kiž jo přez wěru a dobre swědomjo čisty a swjaty, a kotryž tohodla kóždu wěc wužiwa, jakož je dowolene; tomu pak, kiž je w swojim zmyslenju nječisty, słuža wšitke wěcy, njech su same na sebi najčisćišće, k womazanju, dokelž je njeprawje wužiwa, hdyž je jeho zmyslenje a jeho swědomjo nječiste, tak zo wěcy, same na sebi čiste, nječiste čini. — 16. Khwala drje so, zo Boha znaja, ale su tak žiwi, jako bychu njewědželi, zo je Bóh swjaty a sprawný, a zo tohodla zle hidži. Dokelž zle činja, su před Bohom wohidni a w skutku njewěriwi; tuž njezamóža zasněžbne skutki činić.

II. 1. t. r. ty njesměš, jako tamni wučerjo, wučić, štož so njesluša (1, 11), ale štož sebi prawna wučba žada. — 2. Starši mužowje dyrhja wosebje strózwj być, t. r. žanej njepoměrnej nakhilnosći njepoddaći; jich wěra, lubosć, sćerpnosć dyrbi tu měru a sylnosć měć, kotruž wěra a rozom žadataj. — 3. t. r. we wonkownym žiwjenju, w drasće, w zwjeselenju, w rěči atd. maju tajke być, jakož su swjate. — 5. Tute dobre počinki maju křesćanske žónske tež tohodla pokazować, zo bychu křesćanskej wučbje česć činiše; njepřečelowje bychu hewak prajili, zo je křesćanska wučba na tym wina, a tak by słowo Bože hanjeno było. — 7. Sam budž dobry přikład we wučěnju, w póćiwym žiwjenju, kotrež je bjeze wšoho hrěcha. — 8. t. r. Žid abo pohan. — 10. t. r. zo by jich žiwjenje česć činiło wučbje Božej, kotruž wuznawaju. — 12. Tež tohodla je so miłosć Boža wozjewila, t. r. je Syn Boží wočłowječil, zo by čłowjekow kóždeho splaha a powołanja a kóždeje staroby ze swojim přikladom k dobrym počukam nawjedował.

13. Wočakujcy zbóžnu nadźiju a přikhad krasnosće wulkeho Boha a našeho Zbóžnika Jězusa Khrystusa,*

14. Kiž sebje samoho poda za nas, zo by nas wukupił wot wšěje njesprawnosće a wučisćil sebi spodobny lud, horliwy w dobrych skutkach.*

15. Tak rěč a napominaj a porokuj ze wšěj mocu. Nichtó njech tebje njezapeřwa.*

STAW III.

Kotre počćiwosće ma swojim poručować a wot kotrych hrěchow jich wotwobroćć, a zo bychmy wot prjedawšich hrěchow jeno přez Božu dobroćiwosć wumóženi w kupjeli zasonaroda, w nadźiji sčinjeni herbja wěčneho žiwjenja; tež napomina, zo by so zdalował prózdnje wučby a druhowěriwych.

Dopominaj jich, zo bychy wjercham a wyšnosćam poddaći byli, na słowo poslušni, hotowi ke wšomu dobremuskutkej,*

2. Nikoho njehanili, zwadniwi njehyli, ale měrniwi, pokazujcy wšu čichomyslnosć wšitkim čłowjekam.

3. Přetož tež my běchmy něhdy njemudri, njewěriwi, bludžacy, služicy wšelakim požadosćam a wólnosćam, w zlósci a zawisći žiwi, hidženja hódni, mjez sobu so hidžacy.*

13. t. r. hdyž smy w tom swěće tak počćiwje žiwi, mamy nadźiju na krasny přikhad našeho Boha a Zbóžnika, a tale nadźija nas nětko hižo pokoji a we wšěch horjach posylja. — 14. t. r. kiž bu z tym naš Zbóžnik, zo so za nas woprowaše, a ze swojej smjerću nas wučisći a do spodobneho luda přestwori, kotryž nětko dobre skutki dokonja. — 15. Njebojaznje jako wučer wot Boha z mocu wuhotowany napominaj a poručej, a nichtó njesmě tebje zapeřć.

III. 1. Wšo dobre, štož wyšnosć poruča, ma křesćan činić; jeno w tom, štož je přećiwo woli Božej, nima ju posluhać. — 3. Přećiwo wšěm mamy čichomyslne a dobroćiwu być, tež přećiwo hrěšnikam a njewěriwym, dokelž sami něhdy lěpši njeběchmy, dyžli woni, a miłosći Božej mamy so džakować, hdyž smy z prjedawšeho hubjenstwa wumóženi. — 5. Plody, kotrež nam Khrystus z wumóžacym skutkom zaslůži, přiwobroća nam w kupjeli znowanaroda, we swjatej křćeńcy, w kotrež smy z wody a Ducha swjateho w duchu wobnowjeni a wosprawneni. — 6. Ducha swjateho a jeho hnady wudžěluje abo wuliwa Jězus Khrystus we swjatej křćeńcy. — 7. Duch swjaty so wudžěluje, zo bychmy wot hrěcha wučisćeni, wosprawneni a herbja wěčneje zbóžnosće byli; na swěće smy jeno po nadźiji herbja, něhdy pak budžemy woprawdže. — 8. Wěrne słowo je mjenujcy, štož w rj. 4—7 wo wumóžacym skutku Khrystusowym so praji, a tohodla maš tulo wučbu njepřestawajcy wobkrućć a napominać, zo bychy wěru do wumóžaceho skutka Jězusoweho we počćiwym žiwjenju wopokazowali. — 9. hl. 1. Tim. 1, 4. ** Rozkórjenja wo zakonju, t. r. wšelake wukładowanja słowow a zakońskich postajenjow, dawachu wučerjam přiležnosć k wšelakemu prózdnemu wurěčowanju. — 10. t. r. tajkeho, kotryž prawej wučbje swoju falšnu napřećiwo staja, maš jónu abo tež druhi króć napominać; wostanje-li při swojim bludže, maš so jeho zdalować, dokelž wjacy křesćanskej wosadze njepřisłuša. — 11. Hdyž bu bludžacy wjacjkróć napominany, zo by so wobroćil, móžeš přeswědčeny być, zo njeje bjez winy a zo tohodla hrěši, a jeho samsne swědomjo jeho sudži jako hrěšnika. — 12. Artemas so howak njenjenjuje. Wo Tychiku hl. Ef. 6, 21.

4. Hdyž pak šćedrosć a dobroćiwosć Boha našeho Zbóžnika so zjewi,

Wyše 2, 11; 2. Tim. 1, 9.

5. Wozboži nas nie ze skutkow sprawnosće, kotrež smy my činili, ale po swojej smilnosći přez kupjel zasonaroda a wobnowjenja Ducha Swjateho,*

6. Kotrehož na nas wuliny přez Jězusa Khrystusa našeho Zbóžnika,*

7. Zo bychmy wosprawneni přez jeho miłosć byli herbja po nadźiji wěčneho žiwjenja.*

8. Zawěste je słowo; a to čen, zo by wobkrućał, zo bychy so prócowali dobre skutki činić, kotřiž buch Bohu wěriwi. To je dobre a čłowjekam wužitne.*

9. Blazniwych prašenjow a zapisow splodženjow* a zwadow a wurěčowanjow wo zakonju so zwini; přetož su njewužitne a prózdne.** 1. Tim. 1, 4; 4, 7; 2. Tim. 2, 23.

10. Kecařskeho čłowjeka* po jenom a druhim napominanju so zwijej:

11. Wědžo, zo je přewróćeny, štož tajki je a hrěši, hdyž je ze swojim samsnym wusudom wotsudženy.*

12. Hdyž k tebi Artemasa abo Tychika* pósćelu, khwataj, zo by ke mni přišoł do Nikopole; přetož tam sym postajil přezymować.

13. Zenasa zakonjawučeneho a Apolla daj swěrnje přewodźić, zo by jimaj w ničem nuza njebyla.*

14. Njeh pak tež naši nawuknu, dobre skutki činić za nuzne potrěbnosće, zo bychy njeplódnj njebyli.

15. Postrowjeju tebjě wšitey, kotřiž su ze mnu; postrow tych, kotřiž nas lubuja we wěrje.* Milosć Boža (budź) z wami wšitkimi. Amen.



LIST S. JAPOŠTOŁA PAWOŁA NA FILEMONA.

Filemonej, kotrehož lubosć a wěrn khwali, sće jeho wotročka Onesima, toho jemu poruča a jeho winu na sebje hjerje, wozjewjejo žadosć, zo by jemu služił při wopowědanju ewangelia.

Pawoł, jaty* Khrystusa Jězusa, a bratr Timotheus Filemonej, lubowanemu a našemu pomocnikaj,**

2. A Appiji* najlubšej sotře, a Archipej** našemu towaršej, a zhromadźiznje, kotraž je w jeho domje.***

3. Milosć wam a pokoj wot Boha našeho Wótea a Knjeza Jězusa Khrystusa.

4. Džakuju so swojemu Bohu, přeco na tebjě spominajo w swojich modlitwach,*

5. Słyšo wo twojej lubosći a swěrje,

kotruž maš ke Knjezej Jězusej a k wšitkim swjatym.*

6. Zo by zjednoćenstwo twojeje wěry zjawne bylo w připóznacu kóždeho dobrehu skutka, kotryž je mjez wami w Khrystusu Jězusu.*

7. Přetož wulke wjeselo sym měł a pokojenje, zo buchu wutroby swjatych wokřewjene přez tebjě, bratře.*

8. Tohodla, runjež wulku dowěru w Khrystusu Jězusu mam, tebi poručec, štož k wěcy sluša,

9. Prošu radši lubosće dla, dokelž tajki sy, jako Pawoł, stary, nětko pak tež jaty Jězusa Khrystusa;*

13. Zenas rěka zakonjawučeny, dokelž jako Žid zakon wukładowaše a druhich wo nim rozwučowaše. Apollo mjenuje so Jap. sk. 18, 24. Wobaj dyrbeštaj na kupu Kretu přińć; snadź přinjesetaj tónle list a poručataj so Titej, zo by za wšo so starał, štož na dalši puć potrebaštaj. — 15. t. r. kotrychž lubosć k nam japoštołam na swój korjeń a swoje prawidło we wěrje do Khrystusa.

1. Japoštoł wuzběhnuje swoje zajće, kotrež za Jězusa Khrystusa čerpi, zo by skerje Filemonu wutrobu pohnul, a za swoju próstwu wuslyšenje dobył; njespomina tudy na swoje japoštołske zastojsnstwo, dokelž w krótkim lisće njewučí, ale jeno prosy. ** Ze swojim zahorjenjom za ewangelium podpěraše Filemon skutkowanje japoštoła. — 2. Najskerje bě Appia Filemonowa mandželska, a tež ju staraše wobjeće lista a tohodla wobroća so Pawoł tež na nju. ** Archippus běše pak Filemonowy syn, pak dobry přećel. Z Kol. 4, 17 móžemy sudzić, zo bě zastupnik Epafrasa a tak předstojnik wosady w Kolossae; tuž mjenuje jeho Pawoł swójeho towarša, dokelž z nim přećiwu njeřećelam wěry wojowaše. *** t. r. tamnemu dželej wosady, kotryž so w Filemonowym domje zhromadźowaše. — 4. Přjedy hač Pawoł prosyć počína, khwali Filemonowe dobre počínki, za nje so Bohu jako založerjej wšeho dobrehu džakuju, zo by čim skerje wuslyšany był. — 5. t. r. wo wěrje, kotruž maš do Jězusa Khrystusa a wo lubosći, kotruž maš ke wšem swjatym, t. r. křesćanam. — 6. Njeh zwjazk wěry, w kotrymž sy ze mnu a ze wšimi wěriwymi, z tym so dopokaže, zo dyrba wšitey připóznac, zo je mjez wami wšitkón dobry skutk Khrystusa dla dokonjany, tak zo wy wšitkim wěriwym milosć wopokazujeće. — 7. Wo čož prošu, je Bóh hižo dał, a tuž zwjeselich so nad skutkami milosće, z kotrymiž sy starosć a zrudobu wěriwych polóžał. Tute powšitkowe připóznac Filemonowych počínkow přihotuje japoštolej puć k próstwyje za Onesima. — 9. Runje směnaje japoštoł tebi poručec, štož maš činić, čen tola, dokelž sy jako milosćiwý muž so wobswědčil, jeno jako zestarjeny slaby muž, jako jaty će prosyć w nadźiji, zo moja wosoba, moja staroba a moje čerpjenja će pohnuja, zo po mojej radže sčiniš.

10. Prošu će za swojeho syna, kotrehož splodźich w putach,* za Onesima,**

11. Kiž bě tebi něhdy njewužitny, nětko pak je mi a tebi wužitny,*

12. Kotrehož tebi zaso pólach. Ty pak jeho přijmi, jako moju wutrobu;*

13. Kotrehož cheych ja při sebi zdžeržec, zo by město tebjje mi posluhował w putach ewangelia;

14. Ale hjez twojeje rady njejsym nič sčinić cheyl, zo by twoje dobre njebyło jako z wunućenja, ale dobrowólně.*

15. Přetož snadź je tohodla na khwilu wot tebjje wotešoł, zo by jeho na wěčne zaso dóstał,*

16. Hižo nie jako wotročka, ale město wotročka jako jara lubeho bratra, wosebjje mi, čím wjac pak tebi, kaž po čěle, tak w Knjezu.*

17. Maš-li tohodla mje za towařša, přijmi jeho jako mje;*

18. Je-li pak tebi někak zeškodźil abo něšto dolžny, to mi přiľič.*

19. Ja Pawoł napisach to ze swojej ruku; ja zaplaću, ani zo bych tebi prajil, zo sy tež sam sebjje mi dolžny.

20. Haj, bratře; njech ja tebjje wužiju w Knjezu; wokřew moju wutrobu we Knjezu.*

21. Dowěrjejo na twoju poslušnosť, tebi to napisach, wěđzo, zo tež nad to, štož praju, sčiniš.*

22. Tohorunja pak přihotuj mi tež hospodu; přetož nadžiju so, zo budu přez waše modlitwy wam darjeny.*

23. Postrowja će Epafras, mój sobujaty w Khrystusu Jězusu,*

24. Markus, Aristarchus, Demas a Lukaš, moji pomocnicy.*

25. Milosć našeho Knjeza Jězusa Khrystusa (budź) z wašim duchom. Amen.

10. t. r. kotrehož jako jaty za křescanskú wěru dobych. ** Onesimus běše wotročk Filemonowy, kotremuž bě čeknył a kotrehož Pawoł z listom k jeho knjezej pólša. — 11. Přjedy tebi škodu činiše, nětko budže nie jeno tebi, ale tež mi k wužitku; mi z tym, zo za njeho so starajo, sebi zaslužby pola Boha přihotuju; tebi pak jako duchowny bratr, kiž će we wěrje posylmi a z dobrymi skutkami zwjeseli. — 12. t. r. kotrehož horco lubuju, tak zo to sam začuju, štož jemu wopokažeš. — 13. 14. Runjež cheych Onesima rad při sebi zdžeržec, zo by mi posluhował na twójim měsće, hdyž ty njemóžeš, njechach to činić bjez twojeje dowolnosće; přetož by móhlo so zdać, jako by mi tule dobrotu dobrowólnje njewopokazał, ale dokelž hinak činić njemóžeš. Njecham nič činić, štož by nuzowane so zdało. — 15. Tež tohodla njezdžeržach jeho při sebi, dokelž snadź tola wola Boža njeje, zo by wón wot tebjje džěleny był; snadź Bóh připušći, zo tebi čekny na khwilu, zo by so ei wrócił na wěki, dokelž so w tom času k wěrje wobroći, kotraž jeho na wěčne z tobu zjednoći. — 16. Nie za wotročka, ale jako bratra w Knjezu jeho přijmi; přetož wot wšitkich je lubowany, najbóle pak wote mnje, čím bóle maš jeho jako bratra připóznać, hdyž je z tobu zo zwjazkom swójbny a ze zwjazkom wěry zjednočeny. — 17. t. r. sy-li ze mnu spřečěleny, dopokaž, zo Onesima tak přijmješ, jako by mje přijal. — 18. Onesimus bě swojemu knjezej škodźil, jemu čeknywši, a snadź bě jemu tež něšto kradnył, a tohodla dyrbeje jemu škodu zarunać. Pawoł pak prosy Filemona, zo by jemu wšo spušćil, a žortnje jemu radži, zo by tamny dolh jemu samonu připsal, a poskićnje jemu samoručne podpismo, zo wěsće zaplaći, runjež je to wot njeho hižo zaplaćene, dokelž je jemu Filemon wjac dolžny, mjenujcy sebjje samo, hdyž je jemu dar praweje wěry podal, kiž je wjele wjac winojty, dyžli njewěsty Onesimowy dolh. Prajo, zo sebi za tu dobrotu ničoho nježada, a to ze samoručnym podpismom wobkruća, dopomina jeho na nju a pohonja jeho k džakownosći. — 20. t. r. mi budže to k wužitku a k wjeselu, hdyž Onesima zaso přijmješ. — 21. Wěm, zo jeho z wotročstwa pušćiš, a tak jemu wjetšu dobrotu wopokažeš, dyžli žadam. — 22. Nadžiju so, zo waše wobstajne modlitwy mi swobodu wuproša, a mi tak móžno sčinja, zo k wam přidu. W tej nadžiji prosy Pawoł Filemona, zo by jemu hospodu přihotował. — 23. hl. Kol. 4, 12. — 24. hl. Kol. 4, 10. 14.



LIST S. JAPOŠTOŁA PAWOŁA NA HEBREJSKICH.

STAW I.

Stary zakon, přez jandželow daty, je přewyšeny přez nowy, přez Khrystusa daty, wo telko, wo kelkož je Khrystus dostojniši, dyžli jandželowje, kotrychž po spočatku, knježstwje, mocy a česći přesaha.

Wjelekróć a wšelako je Bóh něhdy k wóteam řečal přez profetow, a najposledy*

2. We tutych dnjach je k nam řečal přez Syna, kotrehož postaji jako herbu wšoho,* přez kotrehož tež swět stwori;

3. Kotryž, dokelž je wotblyšč jeho krasnosće a podobnosće jeho byća* a njese wšitko ze słowom swojeje mocy,** hdyž je wučisćenje hrěchow dokonjał, sedži na prawicy majestosće we wysokosćach,

4. **W**o telko wyšši, dyžli jandželowje

sčinjeny, wo kelkož wosebniše mjeno je před nimi herbowal.*

5. Přetož kotremu z jandželow* rjekny wón hdy: „Mój Syn sy ty, džensa sym ja će splodzil?“ a zaso: „Ja budu jemu wóte a wón budže mi syn.“**

Ps. 2, 7; 2. Kral. 7, 14.

6. A zaso, hdyž přenjorodzeného do swěta wjedže, praji: „A k njemu njech so modla wšitey jandželowje Boži.“*

Psaln 96, 7.

7. A wo jandželach drje praji: „Kotryž čini swojich jandželow jako wětry a swojich služownikow jako płomjenja wohnja.“*

Ps. 103, 4.

8. K Synej pak (praji): „Twój trón. Božo, (je) wěki na wěki, sceptař sprawnosće je sceptař twójeho kralestwa.* Ps. 44, 7.

I. 1. Hnydom při spočatku (r. 1—3) wuzběhuje so hłowne woprijeće lista, kotryž chce předsnosć nowého zakonja před starým dopokazać a z tym Židow, kotřiž běchu křesćanstwo přijeli, we wěrje wobkrućić. Srjedźičerjo stareho zakonja běchu jandželowje a Móžjes, nowého pak Khrystus. Zjewjenja stareho zakonja běchu 1) wjelekróćne, dokelž so jeno po něčim, po kruehach stawachu; zjewjenja nowého zakonja pak wopowědowachu cyłu wěrnosć přez jeno ho wučerja, přez Syna Božeho. Zjewjenja stareho zakonja stawachu so 2) ze wšelakimi srědkami, n. př. ze sonami, z widženjemi, z řečemi atd.; zjewjenja nowého zakonja ze žiwym słowom, a ze spodźiwnymi skutkami Syna Božeho, wěčneje wěrnosće sameje; přjedy řečeše Knjez přez profetow, nětko pak přez Syna, jemu po byću a krasnosći runcho. — 2. Syna, kotryž bě po bózskim byću wot wěrnosće knjez wšoho, přez kotrehož je swět stworił, sčini Bóh tež po jeho čłowjeskim byću knjeza wšoho swěta, a powyši jeho na swoju prawicu, dokelž je swět tež wumóžil. — 3. t. r. Syn je Wótecej w byću a krasnosći cyle runja. ** Syn dźerži cyłu swět ze słowom, z kotrymž swoju moc pokazuje, abo ze swojej wšohomocu. — 4. Po zdaću bě Khrystus, hdyž wočłowječi, pod jandželow so ponižił, ale dokelž bě w tom njehjeskem Wótecej poslušny hač k smjerći na křižu, je jeho Wóte tež po čłowjeskim byću powyšił nad wšitke druhe stworenja, tež nad jandželow; tež jako čłowjek je Khrystus mjeno „Syn“ herbowal a je wěrný Syn Boži, nic jako jandželowje abo čłowjekowje, kotřiž tež dźeći Bože rěkaju, t. r. jeno jako z hnady přiwzate. — 5. W lisće wuzběhuje so nětko wysoka předsnosć wumóžnika Jězusa Khrystusa nad jandželowmi, přez kotrychž je stary zakon založený (Gal. 3, 19); a sudži so z toho, zo dyrbi tež nowy zakon, wot Jězusa založený, wjele wosebniši być, dyžli stary. Tajku wysoku předsnosć wuči hižo stary zakon, kotryž Khrystusa na runohich městnach Syna Božeho mjenuje, a jemu tohodla wosebnišu hódnosć a wyššu moc připisuje, dyžli jandželam. ** Słowa druhého psalma plaća drje najpřjedy Davidej, kiž bu přez žalbowanje za syna Božeho přijaty, ale tež a wosebje tomu, kotrehož předznamjo David bě, Khrystusej, wěrnemu Synej Božemu; „džensa“, t. j. džen, na kotrymž Khrystus tež jako čłowjek wšě prawa Syna Božeho dósta, je džen jeho do-njehja-spěća. — 6. Psalm 96 wopisuje sudny džen, na kotrymž, hdyž Jězus jako Bóhčłowjek přihdže, „zo by sudžił žiwych a mrtwych“, w bózskej mocy a majestosći, posłany wot Wótea, budža so k Synej modlić wšitey jandželowje; tohodla je wón njeskónčnje wyšši, dyžli jandželowje. — 7. Jandželowje su jeno služownicy Boži, haj služu jemu podobnje, jakož nježiwe wěcy, wětry a wohen, mjez tym zo je Syn wěčný knježef. — 8. Ps. 44 wopisuje wumóžnika jako krala, jeho krasnosć a wutrobitosć, jeho dobyćecko wojowanje za wěrnosć a swjatu lubosć. Khrystus mjenuje so tu Bóh, wěčný knježef, w jeho kr-

9. Lubował sy prawdu a hidził sy njeprawosć; tohodla je će žalbowal Bóh, twój Bóh z wolijom radosće před twojimi towaršemi.“*

Ps. 44, 7.

10. A: „W spočatku založi ty, Knježe, zemju a skutk twojeju rukow su njehjesa.“

Ps. 101, 26.

11. Wone zańdu, ty pak wostanješ, a wšitke zestarja jakož drasta,

12. A jakož woblecenje je přeměniš, a budža přeměnjene; ty pak sy tón samy, a twoje lěta njepřestanu.“

13. Kotremu z jandželow pak hdy rjekny: „Syn so k mojej prawicy, hač položu twojich njepřećelow za podnožk twojeju nohow.“*

Ps. 109, 1.

14. Njesu wšitcy služowni duchowje, k službje posłani za tych, kotřiž dóstanu herbstwo zbóžnosće?*

na to, štož smy slyšeli, zo njebychmy trjebaj rozplunili.

2. Přetož, hdyž bu přez jandželow řečane słowo krute, a kóždo přestupjenje a njeposlušanje sprawnu wotplatu dósta:

3. Kak my wučeknjemy, jelizo tak wulkeje zbóžnosće kedžbu nimamy? kotraž w spočatku wopowědowana přez Knjeza bu wot tych, kotřiž su ju slyšeli, na nas wobkručena,

4. Hdyž ju Bóh wobswědči ze znamjenjemi a dźiwami a wšelakimi mocami a podźělenjemi Ducha swjateho po swojej woli.*

Mark. 16, 20.

5. Přetož jandželam njepodćisny Bóh přichodny swět, wo kotrymž rěčimy.*

6. Swědčeše pak něhdze něchtó prajo: „Što je čłowjek, zo na njeho spominaš, abo syn čłowjeka, zo jeho wopytuješ?*

Ps. 8, 5.

7. Sćinił sy jeho wo mało mjeńšeho dyžli jandželow; z krasnosću a česću sy jeho krónował a postajił jeho nad skutkami swojeju rukow.

8. Wšitko sy podćisnył pod jeho nozy.“ Přetož w tom, zo wšitko podćisny, njewostaji ničo jemu njepoddate. Nětko

STAW II.

Hdyž přestupjenje kazni jandželow zaslužene khostanje dósta, přidźe tute čim skerje na přestupjerjow kazni Khrystusa, kotřiž čłowjestwo a križ přijawši, pod jandželow poniženy bu, z čimž je zakładnik zbóžnosće do njeho wěrajcych.

Tohodla dyrblimy čim bóle kedžbować

lestwje knježi sprawnosć. — 9. Dokelž bě jeho žiwjenje tak poslušne, swjate žiwjenje, je Bóh jeho tak-rjec žalbowal z wolijom radosće, t. r. jeho wozbožil, powysil před wšitkimi čłowjekami. — 10. Tež słowa 101. psalma, w kotrychž so Boža njepřeměnitosć wopisuje, počahuje list na Khrystusa, zo by jeho přědnosć nad jandželema dopokazał, kotřiž su jeno služowne a přeměnite stworjenja. — 13. Tež słowa 109. psalma su najprjedy wo Davidu prajene, ale jeno dokelž bě wón předznamjo Khrystusa, w kotrymž so wone dopjelnichu. Njepřećelowje, kotřiž so Khrystusej podćisnu, su hrěch, smjerc, hela a wšitcy přećiwnicy kralestwa Božeho. — 14. Mjez tym, zo Syn z Wótcom wěčnje knježi, služba jandželowje tym, kotřiž su powołani k wěčnej zbóžnosći.

II. 1—4. Dokelž su zjewjenja noweho zakonja wjele wosebniše, dyžli zjewjenja stareho, napomina list w r. 1—4, zo bychy swěrnje přijate byle, dokelž hewak bychmy tola zhujbjeni byli; hdyž přestupjenja kazni, přez jandželow datych t. j. stareho zakonja, njekhostane njewostachu, njecěknu čí khostanju, kotřiž začpěja wněby, kotrež su tak wozbožace, wot Khrystusa, Syna Božeho zjewjene, wot japoštołow slyšane a wobkručene a wot Boha samoho z dźiwami a darami Ducha swjateho wobswědčene. — 5. Khrystus, to rozestaja list nětko w r. 5—18, je noweho zakonja srjedźićer a wjerch, a tohodla wosebniši dyžli jandželowje, runjež je po zdaću jako čłowjek a wosebje w swoim čerpjenju pod jandželow stajeny. Ale Khrystus dyrbjše wočłowječić a čerpjeć, dokelž měješe čłowjekow jako čłowjek z čerpjenjom wumóžić. Přichodny swět t. j. swět, w kotrymž ma zbóžnosć so dokonjeć, je nowy zakon. — 6. Zo je přichodny swět Khrystusej podćisnjeny, dopokazuje list zo słowow 8. psalma, hdźež je wysoka hódnosć khwalena, kotruž Bóh před druhimi stworjenjemi čłowjekej poda. Najwyšši stopień docpě čłowjeska hódnosć w Khrystusu, a wo njej plaća tohodla wosebje psalmowe słowa: Wón bu najprjedy snadniši dyžli jandželowje, mjenujey w swoim čerpjenju, potom pak bu za tute dobrowólne poniženje powyšeny, a wšitke stworjenja, tež jandželowje, buchu jemu podćisnjeni.

pak hišće njewidźimy jemu wšitko pod-
čisnjene.

Mat. 28, 18; 1. Kor. 15, 26.

9. Toho pak, kiž bu wo mało pomjeń-
šeny pod jandželow, Jězusa, widźimy dla
wučerpjeneje smjerće z krasnosću a česću
krónowaneho,* zo by přez miłosć Božu
za wšitkich smjerć woptał.

Fil. 2, 8.

10. Přetož slušeše so za toho, kotrehož
dla (je) wšitko a přez kotrehož (je) wšit-
ko, zo by wón, kotryž bě mnohich synow
ke krasnosći dowjedł, založerja jich zbóž-
nosće přez čerpjenje zdokonał.*

11. Přetož, kotryž swjatosći a kotřiž
swjatosćeni bywaju, su wšitcy wot je-
noho;* tohodla so wón njehańbuje, jich
bratrow mjenować, prajo:

12. „Wopowědować budu twoje mjeno
swojim bratram, wosrjedź zhromadźizny
tebje khwalić.“*

Ps. 21, 23.

13. A zaso: „Ja budu na jeho so
spušeć.“ A zaso: „Hlej, ja a moje
džěci, kotrež je mi Bóh dal.“*

Ps. 17, 3. Jes. 8, 18.

14. Dokelž pak buchu džěci džělbni

mjasa a kwrje, je tež wón podobnje na
tom podžěl měl, zo by přez smjerć zni-
čil toho, kiž měješe knježstwo smjerće.
to je djabola,*

Osea 13, 14. 1. Kor. 15, 54.

15. A zo by wuswobodźil tych, kotřiž
buchu wot bojósće smjerće přez cyle ži-
wjenje w služownosći podčisnjeni.*

16. Přetož ženje njepřijima jandželow,
ale Abrahamowe symjo přijima.*

17. Tohodla dyrbyeše we wšim bra-
tram poruny być, zo by byl smilny, a
swěrný wyšši měšnik před Bohom, zo by
wujednał hrěchi ludu.*

18. Přetož w tom, w čimž je sam čer-
pjel a spytowany byl, móže tež tym, ko-
třiž spytowani bywaju, pomhać.*

STAW III.

Wjelo wosebniši je Khrystus jako Syn, dyžli
Mójzes, kotryž bě swěrný služownik w domje
Božim; tuž mamy so starać, zo jeho we wšim
posluchamy, zo bychmy wot jeho pokoja ranja
njewěrny wotpokazani njebyli.

Tohodla, swjeći bratřa,* kotřiž sće nje-

9. Podčisnjenje njeje hišće cyle dokonjane, dokelž ma Khrystus na swěće hišće wjelo pře-
ciwnikow; ale Khrystusowe powyšjenje a překrasnjenje je dokonjane. Kotryž bu w swojej bolosćiwej
smjerći takrjec pod jandželow poniženy, bu za to z njebieskej krónu mytowany, wosebje tohodla,
dokelž bě po miłosćiwej radše Božej za wšitkich čerpjel, zo by wšitkich wot hrěchow wumóžil. —
10. Bóh, za kotrehož a přez kotrehož wšitko wobstoi, chcyše, dokelž bě ližo mnohich přez čer-
pjenja k wěčneje radosći dowjedł, zo by tež zakładnik jich zbóžnosće, t. j. jich wumóžnik Jězus
Khrystus na tom samym puću, na puću čerpjenjow k njebieskej krasnosći dóšoł. — 11. Wšitcy člo-
wekowie jakož tež Khrystus po swojim čłowjeskim byću su z toho sameho, t. j. Adama; dokeli
tón, kiž swjatosća, dyrbi z toho sameho splaha być z tymi, kotřiž maju so swjatosćić abo wumóžić,
a tohodla njehańbuje so Khrystus čłowjekow svojich bratrow mjenować, runjež jich po swojim
bóžskim byću njeskónčnje přesaha. — 12. Psalm 21. počahuje so na Jězusa a jeho bolosćiwu
smjerć na křižu; tuž je tu tež Khrystus, kiž čłowjekow, stawy swojeje cyrkwy, bratrow mjenuje.
— 13. Słowa su wzate z profety Isaiasa a plaća wo Jězus; jeno jako čłowjek móžeše Khrystus
prajić, zo so Bohu dowěrja, a tuž stupi na tón samy stopjeń, jakož čłowjekowie, džěci Bože, ko-
trež jemu Bóh přepoda, a kotrež buchu duchownje tež jeho džěci. — 14. Zo by Khrystus džěci
Bože, t. r. čłowjekow wěčneje smjerći wutorlný mólł, dyrbyeše tež krej a mjaso, čłowjesku natu-
ru přijě a w njej čerpjeć a toho předobýć, kotryž měješe móc nad smjerću, t. j. djabola, dokeli
přinjese hrěch na čłowjeka, a hrěch khostaše so ze smjerću. — 15. Bojosć před wěčneje smjerće
je krute poddanstwo, z kotrehož je Khrystus čłowjekow wumóžil, dokelž je jim nadžiju wěčneje
zbóžnosće a přichodneho radostucho wot-smjerće-wstaća zaslůžil. — 16. Zbóžnik njepřijima byće
jandželow, zo by jim swoje zaslůžby přiwobroćeć mólł, ale do potomnistwa Abrahama zastupi, w
by čłowjekam pomhał. — 17. Zo by Khrystus čłowjekam, swojim bratram pomhać mólł, dyrbyeše
jim podobny być a čěto měć, kotrež móžeše čerpjeć; přetož hdyž sam horjo a bolosće a smjerć
začu a přetra, móžeše miłosćiwý być při čerpjenjach svojich bratrow, a swěrný jako měšnik jich
pola Wótca zastupować. — 18. W tom, w čimž měješe sam čerpjeć a swěrný so wopokazać, móže
tež druhim najlěpje pomhać.

III. 1. Dale wuzběhuje list přednosť Khrystusowu nad Mójzesom, srjedźicerjom mjez Bo-
hom a israelskim ludom, na dopokazanje, zo je nowy zakon wosebniši dyžli stary, zo by Židow
zakital před njewěrn a njeswěrn. Swjeći bratřa, t. r. křesćanscy bratřa, poswjećeni z Duchom

hjeskelo powołanja podžělni,** pohladajće na japoštola a wyššeho měšnika našeho wuznaca, na Jězusa,**

2. Kiž je swěrný tomu, kotryž je jeho postajil, jakož tež Mójzes (běše) w jeho cylym domje.*

3. Přetož čím wjetšeje krasnosće je tónle před Mójzesom hódný měty, čím wjetšu česć před domom ma tón, kiž jón natwari.*

4. Přetož kóždy dom twari so wot někoho; kotryž pak je wšitko stworil, je Bóh.*

5. A Mójzes drje běše swěrný w jeho cylym domje jako služownik, k wobswědčenju toho, štož dyrhješe prajene być.

6. Khrystus pak (je) jako Syn w swojim domje,* kotryž dom smy my, jelizo dowěru a krasnosć nadžije hač do kónca křntu wobkhowamy.

7. Tohodla,* jakož praji Duch swjaty: „Džensa, hdyž jeho hlós słyšiće,**

Ps. 94, 8.

8. Njezatwierdźće waše wutroby, jako při rozžlobjenju na dnju spytowanja w pusćinje,*

9. Hdźež su mje spytowali waši wótecy; su spytali a widželi moje skutki

10. Štyrceći lět.* Tohodla buch hněwny na tutón splah a rjeknych: Stajnje bludža z wutrobu. Woni pak njepóznaču moje puće,**

11. Jakož sym přisahal we swojim hněwje:* Zo njepřinđu do mojeho měra.**

12. Hladajće, bratřa, zo snadź by njehyla w jenom z was zła wutroba njewěry, tak zo by wotpadnył wot žiweho Boha;*

13. Ale napominajće so mjez sobu kóždy dzeń, doniž rěka „džensa“,* zo by njehyl něchtó z was zatwierdženy z jebanstwom hrěcha.

14. Přetož podžělnicy Khrystusowi buchmy; jelizo wšak spočatk jeho zakłada hač do kónca křntu wobkhowamy,*

swjatym. ** t. r. kotřiž sće k njehjeskej zbóžnosći powołani. *** My wuznawamy, zo bu Jězus Khrystus posłany wot Boha a naš wyšši měšnik, kiž je nas w swojej smjerći z Bohom wujednał; hdyž pak to wuznawamy, dyrbymy tež do njeho wěrić. — 2. Jězus je swěrnje wšo dokonjał, k čomuž bě jeho Bóh posłał; tohorunja bě Mójzes swěrný w službje Božej. — 3. My mamy na Jězusa dowěru stajeć, dokelž je Mójzesej we swěrje z najmjeńša runja, w dostojnosći pak jeho přesaha, a dyrbi tohodla wyše česćeny być, jakož so tware domu wyše waži, dyžli dom sam, abo štož k domej sluša; Mójzes bě jeno džěl domu stareho zakonja, slušeše k njemu, Jězus pak jako Syn Boží bě založer stareho zakonja. — 4. Jakož wšo drube w swěće, bu tež stary zakon wot Boha založený; štožkuli pak Bóh staja, staja wón přez swoje wěčne slovo, kotřež je so w Khrystusu wočlowjećilo. — 6. Mójzesowa swěra běše swěra služownika, wón měješe po Božej poručnosći israelskemu ludje wolu Božu wozjewjeć. Khrystusowa swěra pak běše swěra Syna, kiž ma prawo, w swojim domje poručić; a tónle dom je cyrkej noweho zakonja, smy my, wěriwi křesćenjo, jelizo swěru wobkhowamy a z nej tež wjesołu nadžiju na wěčnu zbóžnosć hač do kónca žiwjenja. — 7. Po dopokazu, zo je Jězus njeskónčnje wjele wosebniši srjedźičer dyžli jandželowje a Mójzes, sčěhuje naležne napominanje (3, 7—4, 14.), zo bychy wobstajni a krući byli we wěrje do Jězusa Khrystusa. ** t. r. hdyž so wam wěrnosće Khrystusowe wozjewjeju. — 8. t. r. njezamkajće jim swoje wutroby, jakož něludy naši wótecy w pusćinje, kotřiž so přediwio Mójzesej spjěchichu a Boha spytowachu. — 10. Cyły čas, w kotrymž israelske džěci w pusćinje přehywachu, a telko dopokazow Božej mocy a dobroćiwosće dótawachu, dwělowachu mnozy často na tom, štož bě so jim slubiło, hdyž Egiptowsku wopuščichu. ** Jich wutroby běchu přeco bludej a hrěchej podćisnjene; a hač runje jich napominach, njedachu so tola na moje puće dowjesć. — 11. t. r. běch tak rozhněwany, zo přisahach. ** Tónle měr Boží je najprjedy kraj Kanaan, kotryž chcyše Bóh israelskim džěcom dać po dołhim bludženju w pusćinje; tónle měr pak bě jeno předznamjo wěčného měra w njehjesach, kotryž Bóh wužiwa a kotryž chce tež čłowjekam po wojowanjach a prócach tohole žiwjenja dać. — 12. Keďzbujće, zo byšće swoju wutrobu Božim napominanjam njezamkli, ale tež zo bychy druzy njewěriwi njehyli a wot žiweho Boha so njewotwobročili. — 13. t. r. doniž čas, kotryž je ze słowom „džensa“ měnjeny, traje, t. r. doniž hlós Boží rěči a k pokuće napomina, njedajće so zjebać a zawjesć wot njewěry, kotraž wašim zmyslam lišči. — 14. Přez wěru dótachmy džěl na kublach a hnadach Khrystusowych; tele prawo pak jeno zděržimy, jelizo křntu dowěru na Jězusa, kotruž mějachmy při spočatku wěry, njezranjenu wobkhowamy.

15. Doniž rěka: „Džensa, hdyž jeho hlós slyšiće, njezatwjerdźće waše wutroby, jakož při tamnym rozžlobjenju.“

16. Přetož někotři, byrnje slyšeli byli, so rozžlobichu, ale nic wšitcy, kotřiž wučahnychu z Egiptowskeje pod Mójesom.*

17. Na kotrych pak bu (Bóh) štyrceći lět hněwny? Nic na tych, kotřiž zhrěšichu, kotrychž ćěla padžechu w pusćinje?*

4. Mójs. 14, 37.

18. Kotrym pak je přisahał, zo njezastupja do jeho měra, khliba tym, kotřiž běchu njewěriwi?

19. A (tak) widźimy, zo njemóžachu zastupić njewěry dla.

STAW IV.

Dokelž pak Židza swojeje njewěry dla do slubjeneho měra njepřindžechu a dokelž tam druzy přindu, mamy so starać, zo bychmy jón njezhubili, ale wěriacy do jeho připušćeni byli. Wo žiwym a móenym słowje Božim, kotřež wšitko widži; a wo jeho slabosci, zo by sobu njesło naše slabosće.

Bójmy so tohodla, zo by snadź, hdyž je slubjenje zastupjenja do jeho měra zawostajene, něchtó z was so njezdał skomdźić.*

2. Přetož tež nam bu (to) wozjewjene, jako tež tamnym; ale tamnym njebu sly-

šane słowo wužitne, dokelž njebě zjednoćene z wěru do toho, štož su slyšeli.*

3. Přetož zastupimy do měra, kotřiž smy wěрили, jako (wón) rjekny: „Jakož přisahach w swojim hněwje: Njepřindu do mojeho měra“,* mjenujcy (toho), hdyž běchu skutki wot spočatka swěta dokonjane.** Ps. 94, 11.

4. Přetož wón rjekny na jenom měsće wo sedmym dnju takle: „A Bóh wotpočny na sedmym dnju wot wšitkich swojich skutkow.“ 1. Mójs. 2, 2.

5. A na tom měsće zaso: „Njepřindu do mojeho měra.“

6. Dokelž pak zawostawa, zo někotři do jeho přindu, a ěi, kotrymž bu najprjedy wopowědowane, do jeho njepřindžechu njewěry dla,

7. Postaja zaso jedyn džěn, „dženss“, hdyž praji přez Davida po tak dolhim času, jakož bu prjedy prajene: „Džensa, hdyž jeho hlós slyšiće, njezatwjerdźće waše wutroby.“* Wyše 3, 7.

8. Přetož hdy by jim Josue (prawy) měr dał, njeby wo žanom druhim dnju (měra) po tomle rěčal.*

9. Tohodla zawostawa (druhi) sabatowy měr luděj Božemu.*

10. Přetož štož je zastupil do jeho měra, tón tež wotpočuje wot swojich skutkow, jakož Bóh wot swojich.*

16. Njewěra běše wino, zo mnozy, kotřiž z Mójesom z Egiptowskeje wučahnychu, do kraja pokoja njepřindžechu; wšitcy pak njewumrěchu w pusćinje, dokelž njeběchu wšitcy z njewěru Boha rozhněwali. — 17. Njewěriwych Bóh hidžeše a ze smjerću w pusćinje khostaše.

IV. 1. Tež nětko je přistup do pokoja, wo kotrymž 94. psalm rěči, hišće wotewrjeny. My mamy so prócować, zo bychmy džěl měli na tamnym slubjenju, a nadźiju na zastupjenje do měra Božeho přez njewěru njezhubili, jakož mnozy Israelitowje. — 2. Wjesołe powěstwo, kotřež pokoj Boží slubi, plaći tež nam, jakož Israelitam; tući pak je jeno slyšachu, ale njezjednoćichu ze slyšenjom wěru, tuž wosta slyšenje njepłodne. — 3. My pak přindžamy do měra Božeho, hdyž do słowa Božeho wěrimy; tohodla přisaha Bóh, zo njewěriwi do jeho měra njezastupja. ** Měr Boží, wo kotrymž so tu rěči, njemóže jeno měr w kraju Kanaan měnjeny być, ale tamny zběhny wotpočink Boží, kotryž po dokonjanym stworjenju ze sedmym dnjom so počinaše, hdyž Bóh na wšitko pohlada, štož bě sćinił, a wšitko běše dobre. — 7. Dokelž ma slubjenje, zo dyrhja čłowjekowje do pokoja Božeho přind, so hišće dopjelní; wot Israelitow, kotrymž najprjedy plaćeše, jich njewěry dla njemóžeše so dopjelníć a Bóh postaji po dlějšim času nowy termin, w kotrymž měješe přistup hišće wotewrjeny wostać. — 8. Hdy by so slubjenje hižo prjedy, n. př. přez Josue, kotřiž israeliski lud, před smjerću zakitany, do kraja Kanaan dowjedže, hižo dopjelnílo, by so nowy termin za jeho dopjelnjenje postajił njetrjebał. — 9. t. r. tež nětko je za prawy lud Boží, za wěriwych, hišće přistup do měra Božeho wotewrjeny. — 10. Měr Boží, do kotrehož maju wěriwi zastupić, je woprawdžity wotpočink, w kotrymž budža wotpočować wot swojich džělow a bėdženjow, jakož Bóh wotpočuje po dokonjanej stwórbje.

11. Khwatajmy tohodla zastupić do tamneho měra, zo by něchtó njezapadnyl do toho sameho příkladu njewěry.

12. Přetož žiwe však je słowo Bože a mócné, a rézniše dyžli na woběmaj stronamaj wótry nječ, dosahacy hač do džělenja duše a ducha, zwjazow a žra, a rozeznowa mysle a zaměry wutroby.*

13. A žane stworjenje njeje njewidzomne před nim; wšitko pak je nahe a wotkryte wočomaj toho, ke kotremuž je naša řeč.*

Ps. 33, 16.

14. Dokelž mamy (tak) wulkeho měšnika, kotryž je njebjesa přešoł, Jězusa, Syna Božeho, džeržmy so wuznaća.*

15. Přetož nimamy měšnika, kotryž by njemóhl sobučerpieć z našimi slabosćemi, ale spytowaneho we wšim runja nam nimo hrěcha.*

16. Přistupmy tohodla z dowěru k trónej miłosće, zo bychmy smilnosť dóstali a miłosć nadešli k přihodnej pomocy.*

STAW V.

Khrystus, po přislušnym rjedže naš měšnik, bu modlitwy Bohu woprujo wuslyšany; a wuknjo

z toho, štož je čerpieł, poslušnosť, bu poslušnym přičina wěčneje zbóžnosće; ale potajnosť wo nim zakhowane njemóžachu zapřijeć ei, kotrymž japoštoł tu pisaše.

Přetož kóždy wyšši měšnik,* z čłowjekow wzaty, bywa postajeny za čłowjekow w tom, štož Bohu słuša, zo by woprował dary a wopory za hrěchi;

2. Kotryž by móhl sčerpjenje měč z njewědžacyimi a bludžacyimi, dokelž je tež sam wobdaty ze slabosću.

3. A tohodla dyrbi, jakož za lud, tež za sebje samoho woprować za hrěchi.*

4. A ničtó njebjerje sebi dostojnosť, ale kotryž je wot Boha powołany, jakož Aaron.*

2. Móž. 28, 1; 2. Paralip. 26, 18.

5. Tak tež Khrystus njeje sam sebje překrasnił, zo bu wyšši měšnik, ale tón, kiž je k njemu rjeł: „Mój Syn sy ty, džensa sym ja će splodžił.“

Ps. 2, 7.

6. Jakož tež na druhim měsće praji: „Ty sy měšnik na wěčne po rjedže Melchisedechowyn.“*

Ps. 109, 4.

7. Kotryž bu we dnjach swojeho čěła,* jako je modlitwy a próstwy z wulkim wolanjem a ze sylzami woprował tomu,

12. Słowo Bože, njech lubi abo njech hrozy, je žiwe słowo, ničtó so jemu njenapřečiwa, ani zo by khostany njebył; słowo Bože je mócné, kotrež cyłego čłowjeka rjaduje, kotrež sprawnje sudži, po zaslužbje khwali a swari z hłosom swědomja, je runja najwótrišemu mječej; kaž tutón nic jeno kožu škrabnje, ale cyłe znutrkowne, žily a kosće rěza, tak dosaha tež słowo Bože ze swojej mocu do najhlubšeho žiwjenja duše, do mysli a žadosći a wotpohladanjow, a knježi tu. — 13. t. j. před Bohom, kiž je wšohowidžywy a naš sudnik, před kotrymž změjemy so zamołwjeć. — 14. Tu (4, 14—10, 18) wuzběhuje so přědnosć Khrystusa jako wyššeho měšnika noweho zakonja před wyšším měšnistwom stareho zakonja, a to w nastupanju wosoby wyššeho měšnika (4, 24—7, 28) a woporneho města (8, 1—9, 10) a woporneho dara (9, 11—10, 19). Dokelž mamy, nětko napominajo počina so dušić dopokaz, tak wosebneho wyššeho měšnika (2, 17. 3, 1.), kiž je přez njebjesa k trónej Božemu přešoł, kiž je sam wěrný Syn Boží, chcemy swěrní wostać we wuznawanju wěry do njeho, a njechamy zuowa přistupić k službje a k woporam, kotrež so w templu stawaju. — 15. Bóžska dostojnosť našeho wyššeho měšnika pak tola dowoluje, zo so nam přibliži, dokelž znjese wšitke naše čerpenja, z kotrymiž smy pruhowani, a móže tohodla z nami sobu čerpieć; jeno hrěchej njebě podćisnjeny. — 16. Hdyž je nas tak wosebny, mócný wyšši měšnik z Bohom wujednał, směmy z dowěru k trónej Božemu so bližić, zo bychmy miłosć a pomoc dóstali.

V. 1. Kóždy wyšši měšnik staja so za čłowjekow, zo by srjedzičej był w naležnosćach, kotrež maju pola Boha, a zo by Boha, kotrehož bčhu z hrěchami rozhněwali, zaso zjednał z woporami a darami. Zo by to dokonjeł móhl, wuzwola so měšnik tež z čłowjekow, dokelž móže jich hódnje zastupować, hdyž je jich slabosć a nuzy sam na sebi zhonił. — 3. Dokelž je sam slabosćam podćisnjeny, wopruje nic jeno za lud, ale tež za swoje hrěchi. — 4. Měšnik drje staja so za čłowjekow a z čłowjekow, ale swoju měšniku hódnosť dóstawa wot Boha, jakož Aaron, kiž bu ze swojim potomnistwom wot Boha jako měšnik israelskeho ludu powołany. — 6. Tež Khrystus njeje sebje samoho khwalił, a tohodla njeje wysoku hódnosť měšnistwa sebi sam připołožil, ale wšu krasnosť a tež měšniku hódnosť dósta wot Boha. — 7. t. r. w času swojeho žiwjenja na zemi, hdyž měješe čěło, čerpenjam podćisnjene; tehdy woprowaše, jako duchowny wopor wosebje modlitwy a próstwy Bohu, wosebje w swojej smjertnej stykności, a wón to řinješe z dostojnosťu, t. r. z podaćom do Božaje wole.

15. Doniž rěka: „Džensa, hdyž jeho hlós slyšiće, njezatwjerdźće waše wutroby, jakož při tamnym rozžlobjenju.“

16. Přetož někotři, byrnje slyšeli byli, so rozžlobichu, ale nic wšitcy, kotřiž wučahnychu z Egiptowskeje pod Mójzesom.*

17. Na kotrych pak bu (Bóh) štyrceći lět hněwny? Nic na tych, kotřiž zhrěšichu, kotrychž čěla padžechu w puscínje?*

4. Mójz. 14, 37.

18. Kotrym pak je přisahał, zo njezastupja do jeho měra, khiba tym, kotřiž běchu njewěriwi?

19. A (tak) widźimy, zo njemóžachu zastupić njewěry dla.

STAW IV.

Dokelž pak Židža swojeje njewěry dla do slubjeneho měra njepřindźechu a dokelž tam druzy přindu, mamy so starać, zo bychmy jón njezhubili, ale wěricy do jeho připušćeni byli. Wo žiwym a mócnym słowje Božim, kotrež wšitko widži; a wo jeho slabosci, zo by sobu njesło naše slabosće.

Bójmy so tohodla, zo by snadź, hdyž je slubjenje zastupjenja do jeho měra zawostajene, něchtó z was so njezdał skomdźić.*

2. Přetož tež nam bu (to) wozjewjene, jako tež tamnym; ale tamnym njebu sly-

šane słowo wužitne, dokelž njebě zjednoćene z wěru do toho, štož su slyšeli.*

3. Přetož zastupimy do měra, kotřiž smy wěрили, jako (wón) rjekny: „Jakož přisahach w swojim hněwje: Njepřindu do mojeho měra“,* mjenujey (toho), hdyž běchu skutki wot spočatka swěta dokonjane.** Ps. 94, 11.

4. Přetož wón rjekny na jenom měsće wo sedmym dnju takle: „A Bóh wotpočny na sedmym dnju wot wšitkich swojich skutkow.“ 1. Mójz. 2, 2.

5. A na tom měsće zaso: „Njepřindu do mojeho měra.“

6. Dokelž pak zawostawa, zo někotři do jeho přindu, a ci, kotrymž bu najprjedy wopowědowane, do jeho njepřindžechu njewěry dla,

7. Postaja zaso jedyn dzeń, „džensa“, hdyž praji přez Davida po tak dolhim času, jakož bu prjedy prajene: „Džensa, hdyž jeho hlós slyšiće, njezatwjerdźće waše wutroby.“* Wyšo 3, 7.

8. Přetož hdy by jim Josue (prawy) měr dał, njeby wo žanom druhim dnju (měra) po tomle rěčal.*

9. Tohodla zawostawa (druhi) sabatowy měr ludaj Božemu.*

10. Přetož štóž je zastupil do jeho měra, tón tež wotpočuje wot swojich skutkow, jakož Bóh wot swojich.*

16. Njewěra běše wina, zo mnozy, kotřiž z Mójzesom z Egiptowskeje wučahnychu, do kraja pokoja njepřindžechu; wšitcy pak njewumrěchu w puscínje, dokelž njeběchu wšitcy z njewěru Boha rozněwali. — 17. Njewěriwych Bóh hidžeše a zo smjerću w puscínje khostaše.

IV. 1. Tež nětko je přistup do pokoja, wo kotrymž 94. psalm rěči, hišće wotewrjeny. My mamy so prócować, zo bychmy džěl měli na tamnym slubjenju, a nadźijny na zastupjenje do měra Božeho přez njewěru njezhubili, jakož mnozy Israelitowje. — 2. Wjesole powěstwo, kotrež pokoj Boži slubi, plaći tež nam, jakož Israelitam; tući pak je jeno slyšachu, ale njezjednoćichu ze slyšenjom wěru, tuž wosta slyšenje njepłodne. — 3. My pak přindžemy do měra Božeho, hdyž do słowa Božeho wěrimy; tohodla přisaha Bóh, zo njewěriwi do jeho měra njezastupja. ** Měr Boži, wo kotrymž so tu rěči, njemóže jeno měr w kraju Kanaan měnjeny być, ale tamny zbóžny wotpočink Boži, kotryž po dokonjanym stworjenju ze sedmym dnjom so počinaše, hdyž Bóh na wšitko pohlada, štož bě sčinił, a wšitko běše dobre. — 7. Dokelž ma slubjenje, zo dyrbya čłowjekowe do pokoja Božeho přinć, so hišće dopjelnić; wot Israelitow, kotrymž najprjedy plaćeše, jich njewěry dla njemóžeše so dopjelnić a Bóh postaji po dlějšim času nowy termin, w kotrymž měješe přistup hišće wotewrjeny wostać. — 8. Hdy by so slubjenje hižo prjedy, n. př. přez Josue, kotryž israeliski lud, před smjerću zakitany, do kraja Kanaan dowjedže, hižo dopjelnił, by so nowy termin za jeho dopjelnjenje postajić njetrjebał. — 9. t. r. tež nětko je za prawy lud Boži, za wěriwych, hišće přistup do měra Božeho wotewrjeny. — 10. Měr Boži, do kotrehož maju wěriwi zastupić, je woprawdžity wotpočink, w kotrymž budža wotpočować wot swojich džělow a bždenjow, jakož Bóh wotpočuje po dokonjanaj stwórbje.

11. Khwatajmy tohodla zastupić do tamneho měra, zo by něchtó njezapadnył do toho sameho přikłada njewěry.

12. Přetož žiwe wšak je słowo Bože a mócne, a rězniše dyžli na woběmaj stronmaj wótry nječ, dosahacy hač do džělenja duše a ducha, zwjazow a žra, a rozeznawa mysle a zaměry wutroby.*

13. A žane stworjenje njeje njewidzomne před nim; wšitko pak je nahe a wotkryte woćomaj toho, ke kotremuž je naša rěč.*

Ps. 83, 16.

14. Dokelž mamy (tak) wulkeho měšnika, kotryž je njebjesa přešoł, Jězusa, Syna Božeho, džeržmy so wuznaća.*

15. Přetož nimamy měšnika, kotryž by njemóhl sobučerpjeć z našimi slabosćemi, ale spytowanocho we wšim runja nam nimo hrěcha.*

16. Přistupmy tohodla z dowěru k trónej miłosće, zo bychmy smilnosť dóstali a miłosć nadešli k přihodnej pomocy.*

STAW V.

Khrystus, po přislušnym rjódze naš měšnik, bu modlitwy Bohu woprjuo wuslyšany; a wuknjo

z toho, štož je čerpjeć, poslušnosť, bu poslušnym přičina wěčneje zbóžnosće; ale potajnosće wo nim zakhowane njemóžachu zaprijec ći, kotrymž japoštoł tu pisaše.

Přetož kóždy wyšši měšnik,* z čłowjekow wzaty, bywa postajeny za čłowjekow w tom, štož Bohu słuša, zo by woprował dary a wopory za hrěchi;

2. Kotryž by móhl sčerpjenje měč z njewědžacyimi a bludžacyimi, dokelž je tež sam wobdaty ze slabosću.

3. A tohodla dyrbi, jakož za lud, tež za sebje samoho woprować za hrěchi.*

4. A nichtó njebjerie sebi dostojnosť, ale kotryž je wot Boha powołany, jakož Aaron.*

2. Móž. 28, 1; 2. Paralip. 26, 18.

5. Tak tež Khrystus njeje sam sebje překrasnił, zo bu wyšši měšnik, ale tón, kiž je k njemu rjekł: „Mój Syn sy ty, džensa sym ja će splódžil.“

Ps. 2, 7.

6. Jakož tež na druhim měsće praji: „Ty sy měšnik na wěčne po rjedže Melchisedechowym.“*

Ps. 109, 4.

7. Kotryž bu we dnjach swojeho ćěla,* jako je modlitwy a próstwy z wulkim wołanjom a ze sylzami woprował tomu,

12. Słowo Bože, njech lubi abo njech hrozy, je žiwe słowo, nichtó so jemu njenapřećiwja, ani zo by khostany njebył; słowo Bože je mócne, kotrež cyłego čłowjeka rjaduje, kotrež sprawnje sudži, po zaslužbje khwali a swari z hłosom swědomja, je runja najwótrišemu mjěcej; kaž tutón nic jeno kožu škrabnje, ale cyło znutřkowne, žyli a kosće rěza, tak dosaha tež słowo Bože ze swojeje moci do najhlubšeho žiwjenja duše, do mysli a žadosći a wotpohladanjow, a knježi tu. — 13. t. j. před Bohom, kiž je wšohowidžywy a naš sudnik, před kotrymž změjmy so zamołwjeć. — 14. Tu (4, 14—10, 18) wuzbůhuje so přednosť Khrystusa jako wyššeho měšnika noweho zakonja před wyšším měšnistwom stareho zakonja, a to w nastupanju wosoby wyššeho měšnika (4, 24—7, 28) a woporneho města (8, 1—9, 10) a woporneho dara (9, 11—10, 19). Dokelž mamy, nětko napominajo počina so dalši dopokaz, tak wosebneho wyššeho měšnika (2, 17. 3, 1.), kiž je přez njebjesa k trónej Božemu přešoł, kiž je sam wěrný Syn Boží, chcemy swěrní wostać we wuznawanju wěry do njeho, a njechamy znova přistupić k službje a k woporam, kotrež so w templu stawaju. — 15. Bóžaka dostojnosť našeho wyššeho měšnika pak tola dowołuje, zo so nam přibliži, dokelž znjese wšitke naše čerpjenja, z kotrymiž smy pruhowani, a móže tohodla z nami sobu čerpjeć; jeno hrěchej njebě podćisnjeny. — 16. Hdyž je nas tak wosebny, mócný wyšši měšnik z Bohom wujednał, směmy z dowěru k trónej Božemu so bližić, zo bychmy miłosć a pomoc dóstali.

V. 1. Kóždy wyšši měšnik staja so za čłowjekow, zo by srjedzićer był w naležnosťach, kotrež maju pola Boha, a zo by Boha, kotrehož būchu z hrěchami rozhněwali, zaso zjednał z woporami a darami. Zo by to dokonjeć móhl, wuzwola so měšnik tež z čłowjekow, dokelž móže jich hódnje zastupować, hdyž je jich slabosće a nuzy sam na sebi zhoňi. — 3. Dokelž je sam slabosćam podćisnjeny, woprjuje nic jeno za lud, ale tež za swoje hrěchi. — 4. Měšnik drje staja so za čłowjekow a z čłowjekow, ale swoju měšniksku hódnosť dóstawa wot Boha, jakož Aaron, kiž bu ze swojim potomnistwom wot Boha jako měšnik israelskeho ludu powołany. — 6. Tež Khrystus njeje sebje samoho khwalił, a tohodla njeje wysoku hódnosť měšnistwa sebi sam připołožil, ale wšu krasnosť a tež měšniksku hódnosť dósta wot Boha. — 7. t. r. w času swojeho žiwjenja na zemi, hdyž měješe ćěło, čerpjenjam podćisnjene; tehdy woprowaše, jako duchowny wopor wosebje modlitwy a próstwy Bohu, wosebje w swojeje smjertnej styksnosći, a wón to činješe z dostojnosťu, t. r. z podaćom do Božej wole.

kiž by móhl jeho wumóžić ze smjerće, njane zmysly k rozeznaću dobrego a wuslyšany swojeje pokornosće dla.

8. A tak je, runjež běše Syn Boží, nawuknyl z toho, štož ćerpješe, poslušnosć.*

9. A dokonjawsy bu wšitkim, kotřiž su jemu poslušni, přičina wěčneje zbóžnosće,*

10. Mjenowany wot Boha wyšši měšnik po rjedže Melchisedechowym.

11. Wo tom mamy wjele řečć, a to ćežko wujasnjomne, dokelž bušće slabi k slyšenju.*

12. Přetož hdyž byšće dyrbjeli wučerjo być po času, potrjebujeće zaso, zo byšće rozwučowani byli w přenich spočatkach słowa Božeho; a bušće tajcy, kotřiž mloko potrjebuja, nic krutu jědž.*

13. Přetož kóždy, kotryž (hišće) mloko wužiwa, je njenuzhojny we slowje sprawnosće; přetož je džěćo.*

14. Za dorosćenych pak je kruta jědž, njebjeski dar a podžělni buchu za tych, kotřiž maju po zwučanju wudoko-

njane zmysly k rozeznaću dobrego a zleho.*

STAW VI.

Nochce wo přenich spočatkach wěry řečć, dokeli však znowa křćení być njemóža, kotřiž po dostatej křćení do hrěchow padnu; wjele wjacy maju wěčného pokleća so bojeć; pokojejo pak Židow napomina, zo bychy Abrahamowu nje-khablatu dowěru sěchujcy podžělni byli toho, štož jemu Bóh z přisahu slubi.

Tohodla wostajiwši spočatk Khrystusoweje wučby pozběhny so k dospólnišemu, njekladčicy znowa zakład z wobroćenjom wot mrtwych skutkow a z wěru do Boha,*

2. Z wučbu wo křćeníach a wo napačenju rukow a wo z-mrtwych-wstaću a wěčnym sudže.

3. A to sčini my, jelizo Bóh dopuští.*

4. Přetož njemóžne je,* tajkich, kotřiž bychy jónu rozswětleni, tež woptachu

njebjeski dar a podžělni buchu Ducha swjateho,**

8. Runjež Syn Boží, hč Jězus tola njebjeskemu Wótcej poslušny a wuknuše poslušnosć wosebje z toho, štož měješe ćerpjeć. — 9. A hdyž bě w poslušnosći wumóžacy skutk dokonjał a njebjesku krasnosć sebi dobył, poskićuje wšěm, kotřiž do njeho wěru a jeho poslušaju, wěčnu zbóžnosć, dokelž je wot Boha samoho jako wyšši měšnik postajeny, zo by druhich ze swojimi měšnikskimi přostwami k Bobu dowjedł. — 11. Předy hač wo hódnosći měšnistwa po Melchisedechowym rjedže pokročuju, porokuje čitarjam lista, zo su we wěry woslabnyli (5, 11 — 6, 20), a praji, zo by wo měšnistwje po Melchisedechowym rjedže mnohe ryčć móhl, ale boji so, zo jemu njebychu znymili, dokelž buchu slabi k slyšenju t. r. k zrozumjenju tak wosebnych wěrnosći. — 12. Hač runje bušće hižo dolho w křesćanskich wěrnosćach rozwučowani, tak zo byšće druhich wučić móhli, sće wjele zabyl, tak zo dyrbiće znowa w přenich najwážnišich wěrnosćach rozwučeni być, sće runja slabym džěćom, kotrež maju so z mlokom nasycěć, dokelž kruteje jědže njeznjesu. Tež wy maće jako duchownu žiwnosć najpřeniše wěrnosće znowa wuknyć, dokelž wážniše njerozumiće. — 13. Ze wšim prawom přirunuju was tym, kotřiž dyrba z mlokom so nasycěć; přetož doniž čłowjek hišće mloko wužiwa jako cyrobu, njerozumi hišće wučbu sprawnosće, je slaby a njerozoznawa dobre a zle; runje tak njezapřijímaće tež wy wučby, kotrež z wěry do Jězusa Khrystusa pokhadžeju, ale džeržiće so hišće starozakońskich woporow. — 14. Kruta jědž tyje dorosćenym; tak tež wěrnosće křesćanskeje wěry jeno tym wužitk přinjesu, kotřiž maju po rozwučenju dospólnu kmanosć, zo rozeznawaju dobre a zle, t. r. strowy, wěsty rozsud wo křesćanskim žiwjenju.

VI. 1. Dokelž je kruta jědž wyššich křesćanskich wěrnosći za dorosćenych, za zralých, prócujmy so za tutaj duchownej zrałosću, a njewostańmy dale při spočatkach, při najpřenišich wučbach Khrystusowych, jako bychy znowa zakład křesćanskeho žiwjenja, kiž je tola hižo položen, klasć měli. Tónle zakład křesćanskeho žiwjenja tworí wučba wo wobroćenju wot mrtwych skutkow, wot židowskeho zakonja žadanych, k wěry do Jězusa Khrystusa, wučba wo křćení, a firmowanju a wo sudže. Tute zakladne wěrnosće dyrbi my dospólnje znać, zo je dale wuknyć njetrjebamy, a zo móžemy cyłu kedžbnosć na wyšše wěrnosće zložiť. — 3. Za spóznacóm wyššich wěrnosći prócujmy so; ale zo bychy tajke spóznali, to njewotwisuje jeno wot nas, ale wot Božje wole. — 4. List napomina kručě, zo bychy wot wěry njewotpadnyli, dokelž njebychu znowa so k wěry wobročili, ale wěčne zhubjeni byli. ** t. r. kotřiž přez wopowědowanje ewangelia a přez rozswětlenje hnady Božje wěrnosće wěry spóznachu, kotřiž potom w křćení dar swjatosćeaje hnady dostachu a jeje wozbožacu móć začachu, kotřiž buchu tež přez napoloženje rukow z darami Ducha swjateho wobdžělni.

5. Woptachu tohorunja słódke słowo Boże a mocy přichodneho swěta,*

6. A (tola) wotpadnychu, zaso wobnowić k pokuće,* dokelž sebi samym znowa křižuju Syna Božeho a k směchej wustajeju.**

7. Přetož zemja, kotraž je na nju často padacy dešć pila a přihodnu rostlinu plodži tym, wot kotrychž so wobdžěluje, dóstawa požohnowanje wot Boha;

8. Njese-li pak černje a wósty, je začisnjena a pokleću blizka, a jeje kónc je spalenje.*

9. Nadžijemy pak so wo was, najlubši, lěpšeho a toho, štož je spomóženju bližše, runjež tak rěčimy.*

10. Přetož Bóh njeje njesprawný, zo by zabył waš skutk a lubosć, kotruž wopokazašće na jeho mjeno, hdyž služešće swjatym a (hišće) služiće.*

11. Žadamy pak, zo by kóždy z was tu samu horliwosć pokazował k dopjelnjenju nadžije hač do kónca,*

12. Zo byšće lěni njebyli, ale scěhowarjo tych, kotřiž budža přez wěru a scěrpnosć slubjenja herbować.

13. Přetož hdyž Bóh Abrahamej slubjenje da, přisahny, dokelž nikoho wjetšeho njeměješe, při kotrymž by přisahał, při sebi samom,*

14. Prajo: „Zawěšće žohnuju požohnuju tebe a rozmnožuju rozmnožu tebe.“*

1. Móž. 22, 17.

15. A tak scěrpliwje wutrawši docpě slubjenje.*

16. Přetož čłowjekowje přisahaju při wjetším, dyžli su sami; a wšeje jich zwady kónc k wobtwjerdženju je přisaha.

17. Čohoždla tež Bóh, cheyjo čím bóle

5. Kotřiž so wokřewjeć počachu ze slubjenjemi wěčneje zbóžnosće, kotrež słowo Bože jim zawěšćuje, a kotřiž widžachu abo na sebi zhonichu spodźiwne mocy, kotrež budža skutkowac w přichodnym, nětko pak hižo wot Khrystusa spočatym swěće. — 6. Kotřiž pak wosebite dobroty dóstachu a tola wotpadnychu wot wěry, njezamóža tak wěrnje so wobnowić, zo bychy cyle k pokuću a k wěrje wobroćeni byli. ** Wěrne wobroćenje tajkich, kotřiž pod tak wurjadnymi wobstojnosćemi, jakož čitarjo lista, wot křescanskeje wěry wotpadnychu, je tohodla njemóžne, dokelž je jich wina tak njesměrnje wulka, zo su runja tamnym, kotřiž Khrystusa křižowachu a wusměšachu. Sebi t. r. k swojemu samsnemu wotsudženju činja tajcy z wotpadom wot wěry to samo, štož Židža činjachu, hdyž Khrystusa, kiž bě so z dźiwami wobswědčil, jako wumóžnika začisnychu, haj morichu. Z tym pak njewučí so, zo by z cyla ničtó, kiž jónu wot křescanskeje wěry wotpadny, zaso k nej so wobroćić njemóhl. — 8. Čłowjek, kotremuž Bóh telko dobrotow wopokazuje, jakož wopowědowanje ewangelia, z dźiwami přewoždane, znutřkowne pohnuwanja a druhe je podobny zemi, na kotruž dešćik pada, do kotrejež so symjo wusywa. Runa-li so čłowjek nětko roli, kotraž nałożenu prócu z dobrymi plodami plaćí, dokonja-li wón skutki, kotrež wo žiwej wěrje swědča, budže jeho Bóh podpěrač ze žohnowanjom a wón budže přiběrač na duchownej plódnosći. Runa-li pak so wón roli, kotraž nałożenu prócu njeplaćí a město dobrych plodow černje a wósty mčwa, je-li wón njewěrny a hrěšny, začisnje jeho Bóh, tak zo njeplódný wostanje, njekmany k dobrym skutkam, a budže skónčnje we wěčnym wohnju paleny. — 9. Hač runje tak kruće z wami rěčimy, smy tola wo tom přeswědčeni, zo so njerunaće njeplódnaj roli, ale zo jako plódnaj rola podpěru Božu a wěčnu zbóžnosć dóstanjeće. — 10. Tohodla so toho nadžiju, dokelž je Bóh sprawný, a potajkim waše přjedawše dobre skutki njeplaćene njewostaji, ale lubosć, kotruž Boha dla wěrny wopokazašće a hišće wopokazujeće, zaplaćí wam Bóh z tym, zo was we wěrje wobkrućí. — 11. t. r. přejemy sebi, zo byšće runje tak pilni, jakož w skutkach lubosće, tež w tom byli, štož slubjenja nadžije dopjelnaja, t. r. zo byšće stajnje před woćomaj měli wěčnu zbóžnosć, kotraž je wam lubjena, hač sebi ju skónčnje dobudžeće, a z dopomnjećom na wěčne myto maće wšu lěnjosć w křescanskim žiwjenju podušeć a tych scěhować, kotřiž z wěru a wutrajnosću slubjenu zbóžnosć sebi dobywaju. — 13. Jako přikład wutrajnjeje wěry mjenuje so patriarcha Abraham, kotremuž Bóh žohnowanje slubi, a kotřiž je swojeje kruteje wěry dla dósta. Dokelž wjetšeho njeměješe, při kotrymž by přisahał, přisahaše při sebi samom a wobkrućí tak swoje slubjenje ze srědkom, kotřiž so pola čłowjekow wužiwa. — 14. Bóh slubi Abrahamej, zo jeho potomnikow rozmnoži jako hwězdy na njeby, a zo budže jedyn z jeho potomnikow wumóžnik wšitkich ludow. — 15. So spušejo na tute swjatočne slubjenje wosta Abraham kruty w nadžiji a dósta tohodla, štož bě jemu slubjene.

herbam slubjenja njepřeměnitost swojeje rady pokazać, zastupi z přisahu,*

18. Zo bychmy přez dwaj njepřeměnitaj skutkaj, při kotrymajž Bóh zelhać njezamóže, najmócnije pokojenje měli, kotřiž smy wučekli k zapřimnjenju podateje nadžije,*

19. Kotruž mamy jako kótwicu duše, zawěstu a krutu, kotraž tež zastupuje hać do znutřkowneho zawěška,*

20. Hdžež je jako předkhódnik za nas zastupil Jězus, jako bu wyšši měšnik po rjedže Melchisedechowym na wěki.*

STAW VII.

Hdyž Melchisedechowe měšnistwo w dóstaću džesatkow a w žohnowanju Leviowe přewyšuje, přesa ha měšnistwo Khrystusowe, po Melchisedechowym rjedže na wěki založene a z přisahu wobtwjerdženc, tež lewitisko měšnistwo a zběha jo sobu ze zakonjom.

Tónle Melchisedech njenujcy, kral Sa-

lema, měšnik najwyššeho Boha,* kotřiž napřećiwu wuńdže Abrahamej, jako so wróćeše z pobića kralow a jeho požohnowa,**

1. Móž. 14, 18.

2. Kotremuž Abraham tež džesatk wot wšoho wudžěli; kotřiž drje najprjedy so přeloža: kral sprawnosće, potom pak tež kral Salema, štož je: „kral pokoja“,*

3. Bjez nana, bjez maćerje, bjez rodu, a nima ani počatka dnjow, ani kónca žiwjenja, podobny sćinjeny Synej Božemu, (wón) wostawa měšnik na wěčne.*

4. Hladajće tohodla, kak wulki tón je, kotremuž je tež džesatk z najlěpšeho dal Abraham, patriarcha.*

5. A maju wšak, kotřiž ze synow Lewia měšnistwo dóstawaju,* po zakonju prikaznju, džesatki brać wot ludu, to je wot svojich bratrow, hać runje tež ći wuńdžechu z Abrahamowych ledžbow,**

5. Móž. 18, 3. Jos. 14, 4.

17. Jakož ćłowjekowje swoje słowo z přisahu wobkrućeju a swoje zwady skónčnje z přisahu rozaudžuju, tak chceš tež Bóh, zo by wěstosć swojeho slubjenja wobkrućil, z přisahu je wuprajć, zo by so ćim krućišo wěriło; njepłaćeše džěn slubjenje Abrahamej samomu, ale tež wšěm ľudam. — 18. Z dwójim; ze slubjenjom a přisahu, kotrejž ľžu njedowolatej, chceš Bóh swoju wolu cyle wěstu a krutu nam wozjewić, zo bychmy změrowani byli, hdyž w ćerpjenjach a horjach k tutej nadžiji swój wuček bjerjemy. — 19. Jakož kótwica ľódz wobkruća a we wíchorach zakíta, zo by na skalinach so njerozrazyla, tak wobkruća tate nadžija tež dušu w horjach žiwjenja. Nadžija pak dosaha do njebjes, hdžež ma swój zaměr a swoje wopřijeće; přetož w njebjesach skónči so nadžija, tam dóstanjemy, čohož so nadžijachmy. Njebjesa rěkaju tudy znutřkowny zawěšk t. r. zawěšk, kiž swjatnicu wot Najswjećišeho džěli; za znutřkownym zawěškom je Najswjećišće, kotrež za bydo Bože, za znamjo njebjes plaći. — 20. Do Najswjećišeho zastupi wyšši měšnik na dnju wnjednanja; do Najswjećišeho w njebjesach zastupi Jězus, wyšši měšnik po rjedže Melchisedechowym, zo by tam za nas woprowaľ a tež nam přístup wotewriľ.

VII. 1. Wo Khrystusowym měšnistwje po Melchisedechowym rjedže, na kotrež list 5, 10 spomni, wući nětko wobšěrnišo, zo wone lewitisko měšnistwo stareho zakonja přewyšuje; přetož 1. bě Melchisedech wosebniši dyžli Abraham a lewitowje (4—10); 2. Khrystusowe měšnistwo je lewitiske ze starym zakonjom, w kotrymž měješe swoju podpěru, zběhnyľo (11—22); 3. Khrystusowe měšnistwo je wěčne (23—25); tež njeje z hrěchom womazane, ale cyle čiste. ** Melchisedech bě Salemski kral, t. r. wjěrch krajinu, w kotrejž pozdžišo hłowne město Palestiny, Jerusalem, ležeće, a měšnik najwyššeho Boha; hdyž bě Abraham kralow, kotřiž běchu měsće Sodomu a Gomorrhu wurubili a Lota wotwjedli, zbiľ a Lota wumóžil, přindže jemu Melchisedech napřećiwu a požohnowa jeho. — 2. Mjeno Melchisedech rěka kral sprawnosće; a słowo „salema“ rěka měr, pokoj; tuž je tamny měšnik po swojim mjenje: kral sprawnosće a kral pokoja. Wón je předznamjo Khrystusa, dokelž jo tón ćłowjekam sprawnosć před Bohom a pokoj z Bohom dobyľ. — 3. Swjate pismo njemenuje Melchisedechowych přjedownikow, ani jeho narod, ani smjerć, tak zda so jeho cyla wosoba potajua; tež w tom je předznamjo Khrystusa, kiž jo jako jednorodženy Syn Boží woprawdže bjez spočatka, a jakož so ničo njewě wo přestaću Melchisedechoweho měšnistwa, tak traje tež Khrystusowe měšnistwo wěčne. — 4. Džesatki podawachu so jeno wyššemu; kak wysoko stoji potajkun Melchisedech, hdyž jemu sam prawóće Abraham džesatk podawa, a z tym jako wyše sebje stojaceho připóznawa. — 5. Jeno ći potomnicy ze splaha Levi běchu měšnicy, kotřiž wot Aaronu pokhadžachu. ** Hódnosć lewitiskeho měšnistwa wobstoi w tom, zo smědžachu měšnicy wot israelskeho ludu džesatk žadać, a z tym plaćachu jako wyše wšědného Israelity pozběhnjeni, hać runje běchu tež tući Abrahamowi potomnicy.

6. Tón pak, kotrehož ród k nim so njeprilica, je dżesatk brał wot Abrahama a toho požohnował, kiž měješe slubjenja.*

7. Bjeze wšoho přeca pak bywa mjeńše wot lěpšeho žohnowanc.*

8. A tudy zawěsće bjeru dżesatk smjertni čłowjekowje; tam pak so wobswědčuje, (wo tom, kiž jón bjerje), zo je žiwy.*

9. A (zo bych tak prajil) přez Abrahama je tež Levi, kotryž dżesatk bjerješe, dżesatk dawal;

10. Přetož běše hišće w ležbach wótca (Abrahama), hdyž jemu Melchisedech napřećiwo přińdže.*

11. Jelizo běše tohodla dokonjenje* přez lewitiske měšnistwo (přetož lud dósta pod nim zakon)**, čohodla běše hišće třěbne, zo by po rjedže Melchisedechowym druhim měšnik wstanyl, a zo njeby po rjedže Aaronowym so mjenował?

12. Přetož, hdyž je měšnistwo přenjesene, je trjeba, zo by tež přenjesenje zakonja so stało.*

13. Přetož tón, wo kotrymž so to praji,

je z druhého splaha, z kotrehož ničtó při woltarju njeje služil.

14. Přetož zjawne je, zo je z Judy wušol naš Knjecz, při kotrymž splahu Mójzes ničoho wo měšnikach prajil njeje.*

15. A hišće bóle je to zjawne (z toho), zo po podobnosći Melchisedechowej druhim měšnik wstawa,

16. Kotryž to njebu po zakonju mjasneje prikazuje, ale po mocy njezakhodneho žiwjenja;

17. Přetož swědči so: Ty sy měšnik do wěčnosće po rjedže Melchisedechowym.*

Ps. 109, 4.

18. Zběhujenje prjedawšeho zakonja mjenujcy stawa so jeho slabosće a njeuwžitnosće dla;

19. (Přetož zakon ničto njedowjedže k dokonjanosći); tola (stawa so) zapokazanje k lěpšej nadźiji, přez kotruž Bohu so bližimy.*

20. A za tym hač so to njestawa bjez přisahi (druzy drje buchu bjez přisahi měšnicy,

6. Hdyž bě hódnoto lewitiskeho měšnistwa tak wosebna, dokelž wot druhich Israelitow dżesatk bjerjachu, kak wysoka je hódnoto Melchisedecha, kotryž, hyrnje k Abrahamowemu rodej njesluchał, tola wot Abrahama samoho dżesatk dósta. — 7. Tež z toho sčěhuje Melchisedechowa přědnosć nad Abrahamom, dokelž bu tón wot njeho žohnowany; přetož nižši bywa jeno žohnowany wot wyššeho. — 8. Dalša přěduosć Chrystusoweho měšnistwa leži w tom, zo wěčnje traje, dokelž Pismo wo nim swědči, zo je žiwy, mjez tym zo lewitisicy měšnicy, kotřiž dżesatk bjeru, jedyn po druhim wumru. — 10. Nowa přědnosć Chrystusoweho měšnistwa je w tom, zo je tež Levi Melchisedechaj dżesatk dal; Abraham to nječinješe sam za so, ale za wše swoje potomnistwo, potajkim tež za Levia a za židowske měšnistwo, wot Levia pokhadžace. — 11. List dopokazuje nětko (r. 11—22), zo je Chrystusowe měšnistwo tež tohodla wosebniše dyžli lewitiske, dokelž bu tuto zo starym zakonjom zběhnjenc, hdyž tola njedosažaše k dokonjenju, t. r. k wujednanju čłowjestwa z Bohom, k zničenju hrěcha. ** Zakon, t. r. cyłe nabožno a zjawno zarjadowanje israelskeho ludu zwisowaše najwuzšo z měšnistwom a z jeho zastojnstwom, z woporami a swjědženjemi a woboje, ludowe zarjadowanje a měšnistwo, bu wot Boha postajene. — 12. Nowe měšnistwo na něsće stareho lewitiskeho njemóžeše so zawjesć bjez přeměnenja zakonja; tutón pak so wěsće přeměnił njeby, hdy by dosahał k wujednanju čłowjekow. Tohodla wotstroni so z lewitiskeho měšnistwom cyły stary zakon, a po nowym zarjadowanju maju čłowjekowje swoje dokonjenje t. r. wujednanje z Bohom a swoje wozboženje pytać. — 14. Z tym, zo bu Chrystus jako měšnik postajeny, bu hižo zakon powaleny, dokelž po zakonju dyrhachu měšnicy ze splaha Levi a z Aaronowej swójby być; Chrystus pak bě z druhého splaha. — 17. Zo je so z přeměnenjom w měšnistwje tež zakon přeměnił, widi so z toho, zo po Melchisedechowym rjedže měšnik wstany, kotryž tute zastojnstwo njedosta po někajkim postajenju mjasneho t. r. zwonkowneho zakonja, jako přislušnosć k wěstemu splahaj, ale kotryž bu měšnik po mocy njezakhodneho žiwjenja, t. r. měšnik, kiž je po Melchisedechowym rjedže slubjeny, njewumrje, kaž lewitisicy měšnicy, ale wostawa wěčnje měšnik. — 19. Stary zakon so zběhnje, dokelž čłowjeka k dokonjanosći njewjedže, z Bohom njewujedna, a w jeho město stupi něšto lěpše, štož nam wěstu nadźiju poskičuje na wujednanje z Bohom; a w tutěj nadźiji směmy dowěrny k Bohu so bližić, mjez tym zo wěriwi stareho zakonja sebi njezwěrachu, do swjatnicy abo Najswećešeho zastupić.

21. Tón pak z přisahu přez toho, kotryž k njemu rjekny: „Přisahal je Kujez a njewobžaruje to: Ty sy měšnik do wěčnosti.“)

Ps. 109, 4.

22. Za tym bu Jězus lěpšeho zakonja rukował.*

23. A druzy wšak buchu mnozy tohodla měšnicy, dokelž buchu přez smjerec zadžěwani wostać;

24. Tón pak, dokelž wostawa na wěki, ma nawěčne měšnistwo.*

25. Tohodla móže tež na wěčne wumóžić (tych), kotřiž přez njeho k Bohu přistupuja, dokelž je stajnje žiwy, zo by nas zastupował.*

26. Přetož tajki wyšši měšnik słuše so nam: swjaty, njewinowaty, njeznječisceny, wotdžěleny wot hrěšnikow a kiž je wyšši dyžli njebiesa;*

27. Kotryž njetrjeba wšědnje, jakož měšnicy, najprjedy za swoje hrěchi wopory woprować a potom za ludowe; přetož to sčini jónu, jako je sebje samoho woprowal.*

28. Přetož zakon postaja čłowjekow za měšnikow, kotřiž maju slabosće; ale słowo přisali, kotrež so sta po zakonu, (postaji) Syna na wěki dokonjanych.*

STAW VIII.

Měšnistwo Khrystusowe je wosebniše, dyžli lewitiske, dokelž wón sedzi na prawicy Wóta a bče služownik wjetšich potajnosći dyžli měšnicy stareho zakonja. Trěbnosć noweho zakonja slěduje tež z njedospołnosće stareho a ze slubjenja Božeho přez Jeremiasa.

Hłowna wěc pak při tom, wo čimž so rěči, je: Tajkeho wyššeho měšnika mamy, kiž so posadzi na prawicu stola majestosće w njebiesach,*

2. Jako služownik swjatnicy a woprawdžiteho stana, kotryž je stajil Kujez, a nic čłowjek.*

3. Přetož kóždy měšnik postaja so, zo by dary a wopory woprowal; a tohodla je trjeba, zo by tež tóule něšto měl, štož by woprowal.*

4. Hdy by wšak na zemi był, njelby

22. Tóule nowy zakon dyrbi tež tohodla dospołniši być, dyžli stary, dokelž Bóh Khrystusa z wosebitej swjatočnosću, mjenujcy z přisahu jako měšnika a srjedźičerja noweho zakonja postaji. Njez tym zo buchu lewitisey měšnicy bjez přisahi do zastojnstwa zapokazani; Khrystus pak je teč rukował noweho zakonja, dokelž nami ze svojim zastupowanjom zawěšća, zo slubjene kubla woprawdže dóstanjemy. — 24. Trěća přědnosć Khrystusoweho měšnistwa před lewitiskim wobstoji w tom, zo lewitisey mrěja, zo tohodla jedyn po druhim sčěhuje, a zo su tohodla mnozy; Khrystus je pak wěcnje žiwy, njetrjeba tohodla nastupnika, a je potajkim jenički měšnik za wšě časy. — 25. Dokelž je měšnik za wšě časy, móže tež wěcnje, we wšěch časach zbóžnych činić wšitkich, kotřiž k njemu swój wućeck bjeru a do njeho wěrnja, dokelž tych budže pola Wóta wěcnje zastupować. — 26. Tajki měšnik, kiž njepřestawajo za nas prosy, móžeše jenički nam pomhać; měšnik, kotryž měješe wšitke dospołnosće, wot wyššeho měšnika stareho zakonja žadane, njesměrnje nadobnišo, zamóže pola Wóta tež wjacy. — 27. Levitisey měšnicy běchu sami hrěšnicy, a tohodla dyrbjachu wšědnje tež za swoje hrěchi woprować; to pak njetrjeba swjaty njewinowaty měšnik noweho zakonja. Tež njetrjeba wón wšědnje za hrěchi ludu znova woprować; to sčini jónu a tak, zo jeho wopor plaći za wšě hrěchi a za wšě časy, ldyž sebje samoho njebieskemu Wótrej zwoprowa. — 28. Měšnicy, kotrychž zakon staješe, běchu čłowjekowje, slabosćam a hrěcham podčisnjeni; wyšši měšnik, kotryž so po zběhnjenju zakonja, z přisahany m słowom Božim postaji, je Syn Boží, dokonjany, dospołny, bjez hrěcha wěki na wěki.

VIII. 1. Hłowna přědnosć Khrystusoweho měšnistwa je w tom, zo w njebiesach na Božej prawicy swoje měšniske zastojnstwo wukonja, a nic jakož lewitisey měšnicy, jeno w swjatnicy templa na zemi. — 2. We pusćinje, hdžež Israelitowje 40 lět po wukhodze z Egiptowskeje přebywachu, khowaše so kašć sluba w swjatym stanje; wjele pozdžišo hakle pod kralom Salomonom bu w Jeruzalemej templ za njón natwarjeny a w jeho „Najswećišim“, do kotrehož wyšši měšnik jeno jónu za lěto zastupi, khowaše so kašć sluba. Khrystus dokonja swoje měšniske zastojnstwo tež w jenom stanje, tola nic wot čłowjekow stajenym, ale wot Boha, we woprawdžitym Najswećišim, w njebiesach. — 3. Dokelž kóždy měšnik po swoim zastojnstwje dary woprjuje, dyrbi Khrystus, zo by wěrný měšnik był, w njebiesach Bohu dary woprować.

měšnik był, dokelž bychu tu (druzy) byli, kotřiž dary wopruja po zakonju,*

5. Kotřiž wotznamjenju a wotsčěnjaj njebieskeje swjatnicy služa, jakož bu Mójzesej prikazane, hdyž cheyš stan dodželać: „Kedžbuj“, rjekny, „zo wšitko sčiniš po wotznamjenju, kotrež bu či pokazane na horje.“* 2. Mójz. 25, 40.

6. Nětko pak je čím wosebnišu službu docpěl, čím lěpšeho sluba srjedźićer je, kotryž je z lěpšimi slubjenjemi potwjerdženy.*

7. Přetož hdy by tannu přeni slub hjez poroka był, njeby drje za druhu so město pytało.*

8. Přetož jim porokuju praji: „Hlej, duy přińdu, praji Knjez, a dokonjam z domom Israel a z domom Juda* nowy slub, Jer. 31, 31.

9. Nic po zakonju*, kotryž sčinič z jich wótcami na dnju, na kotrymž jich za ruku wzach, zo bych jich wuwjedł z Egiptowskeje; přetož woni njezwostaču w mojim slubje, a ja jich zanjechach, praji Knjez.

10. Přetož to je slub, kotryž sčinj u domom Israel po wonych dnjach, praji Knjez: Dam swoje prikaznje do jich mysle, a do jich wutroby je napišu; a budu jim Bóh, a woni budža mój lud.*

11. A njebudže (wjacy) wučić kóždy swojeho bližšeho, a kóždy swojeho bratra, prajo: Póznaj Knjeza; přetož wšitecy budža nje znać wot najmjeńšeho hać do najwjetšeho z nich.*

12. Dokelž budu milosćiwcy jich njeprawosćam a na jich hrěchi hižo njezpomnu.*

13. Hdyž pak praji „nowy“, je přeni sčinił „stary“. Štož pak stari a słabnje, je blisko zahinjenju.*

STAW IX.

Z toho, štož w starym zakonju běše, a z nje-dospołnosće tohdyšich woporow, dopokazuje dospołnosć noweho, w kotrymž Khrystus, měšnik a wopor jónu woprowany, swědomjo wučisći wot hrěchow; wón dyrłješe k wolkrućenju noweho zakonia wumrěć.

Měješe wšak tež přeni (slub) postajenja Božej služby a nazeńsku swjatnicu.*

4. Na zemi njemóžeše Khrystus měšnik być, kiž by swoje zastojnstwo z woprowanjom wídzomnych darow zastojal, dokelž běchu tu měšnicy po zakonju postajeni ze splaha Levi; tuž móžeše Khrystus jeno měšnik być w druhej, w njebieskej swjatnicy. — 5. Swjatnica templa, w kotrež levitiscy měšnicy služa, je jeno słaby wobraz, jeno jakož sčěń porno njebieskej swjatnicy; po tutej měješe Mójzes swjatnicu na zemi natwarěć, kaž so to na zemi hodžeše. — 6. Měšniške zastojnstwo w njebiesach je tohodla wjele wosebniše, dokelž je njebieska swjatnica wjele wosebniša; wo telko wyšše je Khrystusowe měšnistwo w njebiesach, wo kelkož wosebniši je slub mjez Bohom a čłowjekami přez njeho sčinjeny; přetož tu su čłowjekeje wjele wosebniše kubla lubjene, dyžli w starym zakonju. — 7. Hdy by stary zakon dospołny był, hdy by čłowjeka z Bohom wjednać móhl, njeby Bóh město za druhu pytał, njeby wot dawna nowy slub přihotował. — 8. Dom Israel a dom Juda staj wobě kralestwje, do kotrejuž so Židža pod Roboamom rozdělichu, a kotrajž mě. ještaj so w nowym zakonju zaso zjednoćić. — 9. Nowy slub njebudže jako přeni, kotryž po wukhodže z Egiptowskeje z wótcami israelskeho ludu sčinič, a kotryž woni wšelako złamachu, a z tym tež nje pohnuchu, zo jich wopušeć. — 10. Nowy slub, kotryž sčinj, hdyž postajeny čas přińdže, njebudže na kamjenitne tafle napisany, ale do jich wutrobow, tak zo budža znitřikownje pohnuwani a tež posyljeni, zo nowe kaznje dopjelnja, a potom budu ja, jako jich Bóh, w lubosći za nich so starać a woni budža jako mój lud mi swěrnje služić. — 11. Tónle nutny slub, kotryž Bóh z čłowjekami sčini, dowjedže jich k lěpšemu spóznaću Boha; z Božeho zjewjenja nawuknu wšitecy lěpje a wěrnio Boha spóznować, dyžli wot wučenych čłowjekow, kotřiž swoje spóznaća druhim zdžělaja. — 12. Tute dobrotu, posyljenje jich wole a rozswěćenje jich rozoma, jim tohodla wopokazam, dokelž sym milosćiwcy a jich hrěchi jim spuščam. — 13. Hdyž Bóh přez swojeho profetu we nowym slubje rěči, čini z tym přjedawši slub „stary“. Štož pak stari a słabnje, bliži so k swojemu kóncej. Tak bě (to chce list ze słowow profety Jeremiasa dopokazać) hižo tehdy přeni slub zesłabnył a zestaril, a bližše so k swojemu kóncej; nětko je zběhnjeny přez nowy slub, přez Khrystusa sčinjeny.

IX. 1. List dopokazuje dale přědnosć Khrystusoweho měšnistwa nad levitiskim, wopisuju swjatnicu stareho zakonia, kotraž pak tola, runjež běchu w njej tak swjate sudowja a tak swja-

2. Přetož stan bu natwarjeny, přeni, w kotrymž běchu swěčnik a blido a předkladne khlěby, a tón rěkaše Swjate.*

3. Za druhim zawěškom pak běše stan, kiž rěkaše Najswjećiše,

4. A měješe zloty kadzidłownik* a kašć sluba, počehnjeny na wšěch stronach ze zlotom, w kotrymž běše zlate sudowjo z mannu a Aaronowy kij,** kotryž bě so zazelenil, a zakoujowej tafli.

3. Mójz. 16; 4. Mójz. 16; 3. Kral. 8, 9;

2. Paral. 5, 10.

5. Nad nim pak běštaj Cherubimaj krasnosće, kotraž wobsćenještaj wěko wujednanja, wo čimž njeje trjeba nětko w jednotliwym rěčeć.*

6. Hdyž bě to tak připrawjene, khodzachu drje do předušeho stana stajuje

měšnicy, zo bychu služby woporow wukonjeli;

7. Do druhého pak jónu za lěto jeno wyšši měšnik sam, nic hjez krewje, kotruž za swoje a ludowe přestupjenja wopruje,*

2. Mójz. 30, 10; 3. Mójz. 16, 2.

8. Z čimž Duch swjaty woznamjenja, zo hišće njeje wotewrjeny puć do swjatnicy, hdyž ma předniši stan hišće wobstaće*;

9. Štož je znamjo přitomneho časa, jo kotrymž so wopruja dary a wopory, kotrež njemóža w swědomju dospołneho sćinić toho, kotryž (Bohu) služi jeno w jědžach a napojach,*

10. A we wšelakich wumywanjach a čělnych wosprawnjenjach, kotrež su na položene hač do časa naprawjenja.*

točne wopory so woprowachu, Boha wujednać njemóžeše. Swjatnica na swěće staja so tu porno swjatnicy w njebjesach, w kotrejž je Khrystus měšnik. — 2. Wopisuje so tu městno starozakonskeje Božeho služby, stan sluba, po kotrymž bu templ twarjeny ze wšelakim sudowjom. Bě drje tam jenički swěčnik, ale tón bě sedmiručny. Předkladne khlěby, kotrychž bě dwanaće a kotroi so kóždy tyždeň z čerstwymi wotměnjachu, běchu njepřestawacy wopor 12 splahow israelskeho ludu. — 4. t. r. kadzidłowy woltaf, na kotrymž so wšědnje kadzidł zapaleše, stoješe drje hišće w Swjatyj hnydom při zawěšku, kotryž Najswjećiše wot Swjateho džěleše, ale slušeše do Najswjećišeho; wón kadzidla měješe do Najswjećišeho čalný, kotrež bě bydlo Bože; dobra wón kadzidla bě potajkim znamjo stajneje česće, kotraž ma so Bohu dawać. ** Tež sudowjo z mannu bě w kašću sluba, jakož bě Bóh poručil, zo bychu pozdžiše splali wědzeli, z kajkim khlěbom je Bóh swój lud w pusćinje nasyćal; tež khowaše so tam Aaronowy kij, kotryž bě so zazelenil k znamjenju, zo je Bóh jeho w hódności wyšeho měšnika wobkrućil, hdyž so někotři njespokojni přećiwo njemu a Mójzesej zběhnychu. Bóh poručil tohodla Mójzesej, zo ma wot kóždeho splaha suchi kij do swjateho stana položiť, a kotrehož kij by so na druhi džen zazelenil, tón budže k měšnistwu wurwoleny. Na Aaronowym kiju sta so tónle džiw. — 5. Kašć sluba měješe zlate wěko, kotrež bu na dnju wujednanja, hdžož wyšši měšnik do Najswjećišeho zastupi, z krewju wujednaceho wopora pokrjepjene, a tohodla mjenowaše so wujednanstwo abo město wujednanja. Na nim běštaj dwaj klečacy jandželej, cherubimaj krasnosće rěkanaj, dokaž takle krasnosć Božu njeseštaj. — 7. Po wopisanju starozakonskeju swjatnicow spomina list na Bože služby, kotrež so w nimaj dokonjachu. Do Swjateho khodzachu měšnicy wšědnje, dokaž rano a wječor woprowaše so kadzidłowy wopor a sedmiručny swěčnik zastara so z čerstwym wolijom. Do Najswjećišeho pak zastupi wyšši měšnik jeno jónu, a to na dnju wujednanja; tehdy njeseše tam krej wujednaceho wopora, kotryž bě woprował za swoje a ludowe njewědomosće, t. r. přestupjenja kazni, kotrež běchu so z překhwanja a njekeďžbnosće stało; hrěši pak, kotrež běchu wědomje skućene, so njespušćowachu, khiba ze smjerću Khrystusowej. — 8. Dokaž so wšědna woporna služba wot jednorých měšnikow w přeni džělu swjateho stana, we Swjatyj, dokonješe, je wona znamjo stareho zakonja, jakož je Najswjećiše abo druhi džěl stana znamjo njehej, wěrneho a woprawdžiteho Najswjećišeho. Zo wšědnym měšnikam dowolene njebě do Najswjećišeho zastupić, znamjenja, zo, doniž tón přez nich a jich woporne město woznamjenjeny stary zakon wobstoi, jeho přislušnikam do woprawdžiteho Najswjećišeho zastupić dowolene njeje, dokaž z Bohom wujednani njejsu. To chcyše Duch swjaty k wědženju dać, hdyž přez Mójzesa postaji, zo wšědný měšnik do Najswjećišeho zastupić njemóže. — 9. Přeni džěl stana je wobraz nětko hišće wobstojaceho stareho zakonja, přitomneho časa, w kotrymž so wopory hišće wopruja a wšelake zwonkowne Bože služby hišće dokonjeju, kotrež tola znutrkownje w swědomju čłowjeka wučisćić njezamóža. — 10. Tute wopory spušeju jeno přestupjenja kazni, kotruž za zwonkowne žiwjenje, za jědž a piće, plačachu a tajke přestanu w času, hdyž na jich město něšto dospołniše, nowy zakon, nastupi.

11. Khrystus pak je přišoł jako wyšši mšnik přichodnych kublow* a přez wjetši a dospołniši stan, nic z ruku džělany, to je nic tuteje stwórby,**

12. Tež nic přez krej kózlow abo ćelatów, ale přez swoju samsnu krej je zastupil jónu do Najswjećišeho, wěčne wumóženje namakawši.*

13. Přetož jelizo krej kózlow a ćelcow a pokrjepjowacy popjel jalojey,* znječisćenych poswjećuje k wučisćenju ćěla:**

3. Mójz. 16, 15.

14. Ćim wjacj krej Khrystusa, kiž je přez Ducha Swjateho sebje samoho jako bjezporočny wopor Bohu woprował, wnčisći naše swědomjo wot mortwych skutkow, k službje žiwemu Bohu?*

1. Pětr. 1, 19; 1. Jan. 1, 7; Zjewj. 1, 5.

15. A tohodla je wón noweho sluba

srjedźićeř, zo bychy ze smjerću, kotraž so sta k wujednanju tych přestupjenjow, kotrež běchu pod přenim slubom slubjenje wěčneho herbstwa dóstali ěi; kotřiž su powołani.*

Gal. 3, 17.

16. Přetož hdžež je testament, dyrbi smjerć nastupić toho, kotryž je testament sćinił.*

17. Přetož testament je (jeno) při zemrětych wěsty; hewak hišće njepláći, doniž je žiwy, kotryž je testament sćinił.

18. Tohodla njebu ani přeni (slub) bjez krewje poswjećeny.*

19. Přetož hdyž bě kóždy kaznja w zakonju wot Mójzesa wšomu ludej čitana, wza wón krej ćelatów z wodu a purpurovej wołmu a z isopom,* a pokrjepi knihu samu a tež wšón lud,

11. List wuzběhuje nětko wot 9, 11—10, 19 přenosć Khrystusoweho mšnistwa w nastupanju woporneho dara. Khrystus jako wyšši mšnik dobywa čłowjekam ze swojej próstwu a ze swojim woporom wosebniše kubla, dylili stary zakon; tutón móže na te same jeno jako přichodne pokazować, mjenujey na wujednanje z Bohom a na wěčne wozboženje. ** Wyšši mšnik stareho zakonja dyrbye, zo by do Najswjećišeho přišoł, swjatnienu t. j. přez přeni džěl swjateho stana přené; tak je tež Khrystus, zo by do woprawdžiteho Najswjećišeho, do njebjes k tróně Božemu přišoł, swjatnienu přešoł, ale wjele wosebnišu, nic wot čłowjekow stajenu, nic tutej zeiskej stwórbje přislušaču, ale přez wobnjejbo, přez kotrež so ze swojim do-njebjes-spěćom pozběhny. — 12. Jónu za lěto zastupi wyšši mšnik stareho zakonja do Najswjećišeho, zo by tam z krewju ćeleća, kotrež za swoje hrěchi woprowaše, a z krewju kózla, kotrehož za ludowe hrěchi woprowaše, wěko sluboweho kašća pokrjepil. Tónle dwój wujednacy wopor wotewri takrjec wyššemu mšnikowej přistup do Najswjećišeho; tak wotewri sebi tež Khrystus přistup do woprawdžiteho Najswjećišeho, do njebjes z wopornej krewju, a to ze swojej samsnej, kotruž bě na křižu rozlał. Jeno jónu přela swoju krej a zastupi z njej do njebjes a to dosahaše k wumóženju za wšitke časy. — 13. Po přikazni (4. Mójz. 19.) bu čerwjena jalojca jako wujednacy wopor zarězana a cyle spalena. Popjel so khowaše, a bu do wody změšany, z kotrež so ěi pokrjepjachu, kotřiž běchu so z dótknjenjom ćěla wonječisćili. ** Tute wopory wučisćachu jeno ćěla, dokelž z přestupjenjom přikazni běchu tež jeno tute wonječisćene; tuž tajcy jeno wonkownje jako nječisći pláčachu a tohodla njesmědžachu ze swojimi sobučłowjekami wobkhađžować. Swědomjo samo pak njezamóžachu wučisćić. — 14. Wopory stareho zakonja dyrbjachu jeno bjez wonkowneho njedostatka być a woprowachu so bjez wole, jeno cyle zwonkownje; Khrystus pak běše bjez winy, cyle swjaty, a woprowaše so, dokelž sam chcyše; jeho wopor bě potajkim dobrowólny, duchowny skutk, kiž bu přez Ducha swjateho počaty a wjeđženy. Hdyž tamne njedospołne wopory wučisćachu, ěim wjacj změje wučisćacu móc tónle wopor; hdyž tamne, dokelž běchu jeno zwonkowne, jeno ćěla wučisćachu, bndže tónle, dokelž je duchowny, dušu abo swědomjo wučisćeć; a da nam móc, zo so zdalujemy hrěšnych skutkow, kotrež maju swoje źórlo w duchownej smjerći, w duši hrěcham podćisnjenej, a zo móžemy Bohu slušić w duchu a wěrnosći. — 15. Ze swojej dobrowólnej smjerću založi Khrystus nowy lěpši slub, kotryž slubjene kubla wěčneje zbóžnosće woprawdže wudžěla wšěm, kotřiž su po Božej radže powołani; přetož hrěchi, kotrež běchu so hišće pod přenim slubom stałe, su přez jeho smjerć zničene, wodate. — 16—18. Khrystus dyrbye wumřeć, zo by so nowy slub založiť móhl, dokelž testament dóstanje hakle plaćiwosć ze smjerću toho, kotryž je jón činił. Nowy slub wotkazuje něšto, mjenujey te kubla, kotrež wěčnu zbóžnosć přihotuja. Zo bychy so tute wotkazane kubla wudžěleć směle, dyrbi wotkazować, Khrystus wumřeć. Dokelž testament jeno ze smjerću plaćiwosć dóstawa, bu tež přeni stary testament z krewju swjećeny, kotraž so z mřeneho wopora wza. — 19. Isopowy kij z wołmu wobwity běše krjepjawka.

20. Prajo: „To je krej sluba, kotryž ja Bóh wam postajil.“* 2. Móž. 24, 8.

21. Tež stan a wšitke sudowja služby z krewju tohorunja pokrjepi.*

22. A nimale wšitko po zakonju z krewju so wočiscuje, a bjez přełeća krewje njestawa so wodaće.*

23. Potajkim je trěbne, zo wotznamjenja njeħjeskich wěcow z tymi woporami so wočiscuja; njeħjeske same pak z lěpšimi, dyžli su tute.*

24. Přetož Ĥrystus njezastupi do Najswjećišeho, z ruku džěłaneho, kotrež je wotznamjo woprawdžiteho, ale do njeħja samoho, zo by nětko so pokazal před woblićom Božim za nas:*

25. Tež nic, zo by často sehje woprowa, jakož wyšši měšnik zastupuje kóždy lěto do Najswjećišeho z cuzej krewju;*

26. Hewak džě by dyrbjal často ćerpjeć wot spočatka swěta;* ale nětko je jónu w dopjelnjenju časow so pokazal

k wuhubjenju hrěcha přez swój wopor.**

27. A jakož je čłowjekam postajene jónu wumřěć, a potom sud,

28. Tak je tež Ĥrystus jónu woprowany, zo by wuhubil hrěchi mnohich; druhi króć pokaže so bjez hrěcha tya, kotřiž na njeho čakaju, k spomóženju.*

Rom. 5, 9; 1. Pětr. 3, 18.

STAW X.

Dla njedospołnosće woporow stareho zakonja dyrbješe so nowy založić, přez kotrehož jenički wopor su wšitke hrěchi zběhnjene; jelico so jennu njeprizamknjemy z wěru, nadžiju a lu boscu a z dobrymi skutkami, budžemy křišćo khostani, dyžli přestupjerjo stareho zakonja. Ĥhwali pak tež Židow, zo su wjele ćerpjeli a ćerpjacych podpěrali.

Přetož hdyž ma zakon sćěń přichodnych kublow, nic wobraz wěcow samón, nje-móže nihdy z kóždy lěto jenajkimi woporami, kotrež njeprěstawajcy so woprowa, přistupowacych zlokonejć.*

20. t. r. woporna krej, z kotrejež pokrjepjenjom so slub swjećić, kotryž Bóh z wami čini. - 21. Jakož lud, tak swjećachu so z pokrjepjenjom woporneje krewje tež sudowja, při Božich službach trjebane. - 22. Wosoby a wěcy, zakonšcy wonječiscene wěcy wučiscachu so z pokrjepjenjom woporneje krewje a bjez njeje njespušćachu so přestupjenja zakonja. We starym zakonju so tak powšitkownje wěrješe, zo móže jeno z přełećom krawje čłowjek wot hrěchow so wučiscić a z Bohom wujednać. - 23. Njedospołne wobrazy njeħjeskeje swjatnicy, jako swjaty stan a jeho sudowja dyrbjachu so z tajkimi woporami čiscić; njeħjeska swjatnica pak z wjele wosebnišim wotwrić a swjećić, dyžli z tutymi woporami. - 24. Ĥrystus stoji w njeħjeskej swjatnicy před woblićom Božim, zo by nas stajnje zastupował, a nic w jeje wobrazu, jakož wyšši měšnik stareho zakonja. - 25. Ĥrystus njetrjeba swój wopor wobnowjeć, njeħjo wopušćić a z nowym woporom tam so wotčić, jakož to starozakoński měšnik činješe, kotryž kóždy lěto wopor wobnowješe; Ĥrystusowy wopor wujedna wšitke hrěchi, tuž njetrjeba so wospjetować; starozakoński wopor pak wujedna přestupjenja jenoho lěta, a tohodla dyrbješe kóždy lěto wobnowjeny być. - 26. Starozakoński wyšši měšnik, kiž z cuzej krewju do Najswjećišeho džěše, wšak móže kóždy lěto nowy wopor woprowa, zo by z jeho krewju z nowa přistup do Najswjećišeho wotewrił; Ĥrystus pak ze swojey samanej krewju, dokelž jeno z njeju móže sebi přistup do njeħjeskeje swjatnicy dobyć. Hdy by wjacyrkóć do njeħjes zastupić měl, by tež wjacyrkóć ćerpjeć a swoju krej přełeć dyrbjal, haj by to hižo činić dyrbjal wot spočatka swěta, dokelž cheyše wšitke hrěchi, tež přeni hrěch přenjeju staršeju wujednać. ** t. r. njeje wjacyrkóć na zemi so zjewił a ćerpjeć, ale jeno jónu, a tónle jenički wopor je wšitke hrěchi zničil. - 28. Jakož čłowjek jeno jónu wumrje, a jeno jónu wot smjerće wstanje, zo by zjawnje sudyen byl, tak je tež Ĥrystus jónu wumrjel, ale ze swojey smjerće wšitkich hrěchi zničil; zjewi drje so hišće jónu, nic jako z hrěchami wobčeženy wopor, ale jako žadosćiwje wočakowany zbóžnik swóich wěrnych.

X. 1. Dokelž dyrbjachu starozakońsko wopory stajnje so wospjetować, je z tym dopokazane, zo čłowjeka wučiscić a z Bohom wujednać njemóže; Ĥrystusowy jónu woprowany wopor je wšech čłowjekow z Bohom wujednał. W starym zakonju namakamy drje sćěń tych kublow, kotrež su wot Boha za čas wumóženja slubjene, nic pak jich woprawdžitosć; stary zakon njeměje plaćiweho wopora a wujednanja; přetož wopory, kotrež kóždy lěto wot wyššeho měšnika so woprowachu, njezamóžachu tych, kotřiž so z nimi Bohu bližachu, wučiscić a z Bohom wujednać.

2. Hewak bychu přestale woprowane być, dokelž woprowacy, jónu wučisćeni, njebychu žanoho hrěcha wjacý wědomi byli.*

3. Ale přez nje stawa so wopomnjeće hrěchow kóždolětnje;*

4. Přetož njemóžne je, zo bychu přez krej bykow a kózlow hrěchi so spuščowale.*

5. Tohodla praji do swěta zastupuju: „Wopora a dara njejsy cheyl, ale čělo sy mi wuhotował.*

Ps. 39, 7.

6. Spalne wopory a (wopory) za hrěchi njespodobachu so tebi.

7. Tehdy rjeknych: Hlej, du; w spočatku knihi je pisane wo mni, zo bych činil, Božo, twoju wolu.“*

Ps. 39, 8.

8. Wyše prajo: Woporow a darow, a spalnych woporow za hrěch njejsy cheyl, a njespodobachu so tebi, kotrež po zakonju so wopruja;

9. Tehdy rjeknych: Hlej, du, zo bych

činil, Božo, twoju wolu.“ (Z tym) zběha přenje, zo by postajil druge.*

10. A w tutej woli smy swjatosćeni přez woprowanje čěla Jězusa Khrystusa jónu na přeco.*

11. Kóždy měšnik mjenujey stoji, zo by wšědnje služil a te same wopory často woprowal, kotrež ženje hrěchi wotewzać njemóža.

12. Tónle pak, jedyn wopor za hrěchi woprowawši, sedži na wěčne na prawicy Božej,*

13. A čaka dale, „hač budža položení jeho njepřecelowje jako podnožk jeho nohow“.*

Ps. 109, 2; 1. Kor. 15, 25.

14. Přetož z jenym woporom je wón zdokonjał do wěčnosće tych, kotřiž swjatosćeni bywaju.*

15. Swědči pak nam tež Duch swjaty. Přetož hdyž je prajil:

16. „To pak je sluh, kotryž z nimi

2. Hdy bychu wopory tych, kotřiž z nimi Bohu služu, wučisćeli, njebychu so woni dale jako hrěšnicy čuli, ale jich swědomjo by jim swědčilo, zo su sprawni a tuž njebychu wopory wopjetowane trjebali. — 3. t. r. kóžde lěto wopominaju so tamne hrěchi a wopruje so za nje, zo bychu spuščene byle. Wyšši měšnik wuznawa při woporje w mjenje ludu nadrobnje hrěchi, kotrež so w běhu lěta sknčichu. — 4. Hrěchi, kotrež so z dušu, z wolu dokonjeju, njemóža so přez cyle zwonkowne wopory zničiće. — 5. Zo starozakónske wopory k wujednanju čłowjekow njedosahaju, a zo Bóh dospołniši wopor žada, je so hižo w 39. psalmje wěšćilo ze słowami, kotrež drje David najprjedy sam wo sebi praji, kotrež pak so woprawdže dopjelnichu w Khrystusu při jeho wočłowječenju; přetož Bóh bě jemu čělo přihotował, kotrež měješe na město dotalnych woporow stupić, a cyle jeho wolu hač do sameje smjerće činicy, wěrný jemu poslušný wopor być. — 7. t. r. hdyž mi čělo přepoda, hdyž mějach so wočłowječić, slubich wo wšim tebi poslušný być, twojej woli so cyle podčisnyć. — 9. Z tutymi słowami, z kotrymiž Bóh swoju njespokojnosć ze wšěmi starozakónskimi woporami wupraji, zběha je a staja na jich město druhi, wopor Khrystusoweje dospołneje poslušnosće. — 10. Přez tule wolu Božu, kotraž dospołnu poslušnosć Syna Božeho žadaše, smy so z Bohom wujednali a buchmy swjatosćeni; w tej poslušnosći woprowaše Jězus Khrystus swoje čělo jako wopor na křižu. — 12. Starozakónscy měšnicy wopjetuju džen wote dnja w swjatnicy swoje wopory, kotrež Boha wujednać njezamóža, Khrystus pak woprowaše jenički wopor, kotryž hrěchi zniči a je nětko za wšě časy do njebieskeje swjatnicy zastupil a ma džěl na Božej krasnosći, sedžo na prawicy Božej. — 13. t. r. njewopuši znowa njebo, zo by so woprowal, ale wočakuje na prawicy Božej sedžo plody wopora, zo so wšitej jeho předwiny jemu podčisnu. — 14. Z jenym woporom je Khrystus přebohate hnady dobył, kotrež zamóža wšitkich wot hrěchow wučisćić a swjatosćić, kotřiž sebi wo wěrje do Khrystusa tute hnady přiswojeju. Hdyž tudy, jakož tež na někotrech druhich městnach lista so wuzběhuje, zo je Khrystus ze swojim jeničkim woporom na křižu wšitkich čłowjekow hrěchi zničil a hnady wozboženja za wšitkich přihotował, a zo tohodla druhelu wopora trjeba njeje, njerěči so tola přeciwo woporej Božej mšě, kotraž so wot slónca skladženja hač do jeho khowanja po wšim katholskim swěće wopruje. Z tym so wučí, zo Khrystus znowa swój krwawny wopor na křižu wobnowjeć njetrjeba, ale zo jenički dosahaše k dospołnemu wujednanju njebieskeho Wótca; Boža mša njeje druhi wopor, ale tón samy, kotryž njekrwawnje na wšěch městach krwawny wopor jako přitomny předstaja a jeho plody wšitkim přiwobroča. Tón samy wyšši měšnik Jězus Khrystus, kiž w njebiesach stajnje swojemu Wótcej zaslužby swojeje bolosćiwjeje smjerće wopruje, podawa na zemi tohorunja bjez přestaća swoje hnady wo woporje Božej mšě; woboje je trěbne k wozboženju čłowjekow.

sčinja po wonych dnjach“ praji Knjez: „Dam swoje zakony do jich wutrobow, a do jich myśli je zapisam,

Jer. 31, 33; wyše 8, 8.

17. (Rjekny:) A na jich hrěchi a njeprawosće hižo njespomnju wjac.“*

18. Hdžež pak je wodaće tutych, hižo njeje wopor za hrěchi.*

19. Mějeje potajkim,* bratřa, dowěru na zastupjenje do Najswjećišeho přez krej Khrystusowu,**

20. Jako nowy a žiwy puć, kotryž je nam poswjećil, přez zawěšk, to je swoje čelo,*

21. A wulkeho měšnika nad domom Božim:*

22. Přistupmy z prawej wutrobu we polnosći wěry, wučisćeni we wutrobach wot zleho swědomja, a wotnyći na čele z čistej wodu,*

23. Džeržmy wuznać našeje nadźije njekhablace, (přetož swěrný je tón, kotryž je slubjenje dal),*

24. A kedžbujmy jedyn na druhého k zbudženju lubosće a dobrych skutkow,

25. Njewopušćejeje naše zhromadženje, jakož je někotrych přiwučenje, ale napominajmy so mjez sobu, a to čim bóle, čim bóle so bližić widziće džen.*

26. Přetož jelizo samowólne hrěšimy, hdyž smy spóznać wěrnosće dóstali, njezbywa hižo wopor za hrěchi;*

Wyše 6, 4.

27. Ale jara strašne wočakowanje sudu a surowosć wohnja, kotryž přečiwnikow pórje.*

28. Je-li štó Mójzesowy zakon přestupil, dyrbi wumrěć bjez smilnosće při dwěmaj abo třoch swědkach.

5. Mójz. 17, 6; Mat. 18, 16; Jan. 8, 17;

2. Kor. 13, 1.

29. Wo kak wjele hórše khostanja, zda so wam, zasluža, štóž je Syna Božeho poteptował a krej sluba, z kotrejž bu swjećeny, za nječistu měl a Ducha milosće wohanil?*

17. Zo přez wopor Khrystusowy so wšitke hrěchi spuśća, wuči Duch swjaty přez profetu Jeremiasa, hdyž lubi, zo w nowym zakonu na hrěchi dale spominać njecha. Nowy zakon pak bu založený ze smjerću Khrystusowej na križu. — 18. Wopory so woprowachu, zo bych woprowacy wodaće hrěchow dobył; hdyž pak su wšitke hrěchi wodate, njetrjeba so dale woprować. — 19. Dopokazawši, zo je nowy zakon wjele wobětniši dyžli stary, rozwnča list nětko wo winowatosćach, kotrež z toho za žiwjenje sčěhaja; napomina najprjedy, zo bych wšitcy swoju krutn wěru do Jězusa Khrystusa wuznawali a Bože slubny pilnje wopytowali. ** t. r. dokelž je Khrystus tei za nas swoju krej přelał, móžemy so nadźijeć, zo do njebjeskeje swjatnicy zastupimy. — 20. t. r. tónle nowy, přjedy njekhodženy, žiwy puć, je Khrystus sam ze swojej wučbu a ze swojom přikładom poswjećil, hdyž je jón sam najprěni šol, nam jako přikład; přez zawěšk t. r. jako starozakonski měšnik zawěšk zběhny, zo by do Najswjećišeho zastupil, tak dyrbyje Khrystus swoje čelo zběhny, t. r. morić dać, zo by do njebjes zastupić móhl. — 21. t. r. dokelž mamy tak mólneho měšnika, kiž je postajeny nad domom Božim a kiž knježi w njebjesach. — 22. K njebjeskej swjatnicy pak móžemy jeno přistupić přez wopor Khrystusowy z njetajenej wutrobu, kotraž je cyle přeswědčena we tom, štóž wěri, jako wosprawnjeni wot kóždého hrěcha a myći z čisćacej wodu swjateje křećency. — 23. Z njetajenej, kruće wěriwej wutrobu žada so tež njekhablaca nadźija a w dobrych skutkach žiwa lubosć; potajkim hlowne počinki křesćanskeho žiwjenja dyrba čí měć, kotřiž na puću wot Khrystusa pokazanym do njebjeskeje swjatnicy kročić so přócnuja. — 25. Dale tei napomina list čitarjow, zo bych pilnje do zhromadženjow khóžaili, a tudy so ko křesćanskemu žiwjenju napominać dali, a to tohóhla, dokelž móže so z wěstych znamjeni sudzić, zo džen druhého přikhada Khrystusoweho so bliži. Zda so, zo bych někotři woliwkli a město jednorišich křesćanskich Božich službow pyšniše židowske w templu wopytowachu. — 26. Čitarjo su tu napominali, zo bych tajkeje liwkosće w křesćanskim žiwjenju so zdalowali, dokelž njemóže njekhostana wstać; přetož štóž k spóznać wěrnosće přidže, a dobrowólne ju wopuści, njemóže so znova wjednać; přetož wopor wjednanja, wěru do Khrystusowej wučby je začisnył, a židowske wopy wjednaceje mocy nimaju. — 27. t. r. štóž křesćansku wěrnosć zapře, smě jeno njesmilny sud a wěčne khostanje we wohnju wočakować. — 29. Hdyž bu tón, kiž wot židowstwa k přibóžstwu se wobroći, ze smjerću khostany, budže so zawěšće čěžo khostać, kiž křesćanskou wěrnosć přěje; přetož z tym hani Syna Božeho, jako by jeho z nohomaj teptał, a krej; z kotrejž bu nowy slub swjećeny, džerži za zlóštnikowu krej, a Ducha swjateho, źórlo wjeje milosće zapčewa.

30. Pretož znajemy toho, kiž rjekny: „Moje je wječenje a ja wotplaću.“ A zaso: „Knjez budže sudzić swój lud.“* 5. Mójs. 32, 35. 36; Rom. 12, 19.

31. Strašne je padnyć do rukow Boha žiweho.*

32. Rozpomńće pak prjedawše dny, w kotrychž, hdyž bušće rozsвітleni, wulke bédženje ćerpjenjow wutrašće,*

33. Zo bušće mjenujcy zdžěla přez hanjenja a ćěsnosće na wobhladowanje stajeni, zdžěla pak towaršoj toych, kotřiž tak činjachu.*

34. Pretož tež z jatymi běšće želniwi a wurubjenje svojich kublow z wjesolosců znjesašće, wědźicy, zo maće lěpše a trajace wobsedźenstwo.*

35. Njepuščće tohodla swoju dowěru, kotraž ma wulke myto.

36. Pretož sćerpliwosć je wam trěbna, zo byšće wolu Božu činicy docpěli slubjenje.*

37. Pretož hišće jara mała khwilka, a kiž ma přinć, přinđže a njebudže so komdžić.* Hab. 2, 3. 4; Rom. 1, 17; Gal. 3, 11.

38. „Mój sprawny pak je žiwy z wěry; hdyž pak by so wottorhnył, njebudže so spodobac mojej duši.“*

39. My pak njejsmy džěci wottorhnjenja k zahinjenju, ale wěry k dobyću duše.*

STAW XI.

Mócnje porńča wěru z přikłada wótcow wot spočatka swěta hač k Davidej a profetam; a z cyla što su dokonjeli a ćerpjeli přez wěru a tola poľne myto dotal njedóstachu.

Wěra pak je podstata nadźijomnych wěcow, dopokaz njewidžomnych.*

2. Pretož we njej su swědčenje dóstali stari [wótcy].*

3. Z wěru spóznavamy, zo bu swět stworjeny přez słowo Bože, zo bychy z njewidžomnych wěcow sčinjene byle widžomne.* 1. Mójs. 1, 3.

30. t. r. wěny, zo je tón, kiž to rjekny, swěry a zo tohodla dopjelni, štož je lubił abo hrozył. — 31. Bóh, kiž njeje mortwy přibóh, ma móc, svojich přećiwnikow surowje khostać. — 32. Po hrózbach napomina list k wutrobitosći, dopominajo na swěru a horliwosć, z kotrež tež w ćerpjenjach křesćansků wěru wuznawachu w přenich časach jich rozsвітlenja, t. r. lnydom po přiwaću křesćanstwa. Najskerje su tu přesčěhanja měnjene, kotrež měješe cyrkej wot Židow w Jeruzalemje wustać, hdžež wosebje Saul so wuznamjenješe; hl. Jap. sk. 8. — 33. Kotřiž sami njeběchu přesčěhani, widžachu, kak maju druzi ćerpjeć a pytachu tym ze sobuzelenjom a ze skutkami lubosće jich čwěle polóžeć. — 34. Za časne kubla, kotrež su wam wot přećiwnikow wěry wzate, dóstanjeće wěčne w njejesach. — 36. Wosebje napomina list k sćerpnosći a k wutrajnosći, zo byšće wolu Božn dokonjejecy, slubjene myto sebi dobyli. — 37. Dyrbiće čím sćerpnši a wutrajniši być, čím bliže je čas, w kotrymž Khrystus přinđže, kiž je swój přikhad slubił přez profetu Habakuka (2, 3. 4.). — 38. Sprawny dóstanje z tym, zo we wěrje kruty wostanje, slubjene myto; štož bojaznje wěru zaprěje, na tym njezměje Knjez spodobanja. — 39. My pak njeslušamy k tym, kotřiž swoju wěru z bojoscě zaprěwši wěcnje zahinu, ale k tym, kotřiž ju mužnje wuznawaju a tak swoju dušu za wěčne žiwjenje zakhowaju.

XI. 1. Židža njechachu w Jězsu slubjeneho Messiasa spóznać, dokelž mócného krala wočakowachu, kiž by jich z romskeho poddanstwa wumóžil a jim druhe ludy podćisnył. Hdyž pak tola mnozy do njeho jako Messiasa wěryachu, runjež bě wón na križu wumřěl, nadźijachu so, zo to při swojim lubjenym druhim přikhadže dopjelni, štož běchu wot přenjeho wočakowali. Čim dlěje nětko na tónle druhi přikhad čakachu, dokelž Khrystus jeho džeu a hodžinu nikomu wozjewił njebě, čím bóle slabnješe jich wěra a jich nadźija; tohodla napomina jich list, zo bychy so w nadźiji wobkrućeli a we wěrje njewoliwkli, a dopomina na krutu wěru jich wótcow; wěrić njerěka, přeswědčeny być wo wěcach, kotrež su přitomne a kotrež móža so widžeć; ale rěka: kručě přeswědčeny być wo wěcach, kotrež su hakež za přichodny čas luhjene, tak zo je čłowjek wo jich wěstosći přepokazany, hač runje je njewidzi. Wěra je zaklad, na kotrymž slubjenych wěcow so nadźijemy, je pak tež podstata abo wopřiěće slubjenych kublow, dokelž wěrjacy spušća so cyle na Boha, kiž je jemu za přichodny čas něšto lubił, njedžywa potajkim na swoje spóznać. Tajku krutu wěru do slubjenjow Božich mějachu, to so w tutym stawje z přikladami dopokazuje, židowsky wótcy, dobychu sebi z njej Bože spodobanje, a namakachu w njej móc k wšitkim dobrým počinkam a sćerpnosć w ćerpjenjach. — 2. t. r. wótcy, kotrymž Bóh ze wšelakim žohnowanjom za to plaćeše, zo kručě do njeho wěryachu. — 3. List spomina najprjedy na někotre podawki, kotrež jeno tohodla

4. Z wěru je Abel woprował drohotniši wopor Bohu, dyžli Kain, přez kotryž swědčenje dósta, zo je sprawny, dokelž Bóh swědčenje dawaše jeho daram, a přez nju hišće rěči, hdyž je mrtwy.*

5. Z wěru bu Henoch přenjeseny, zo by smjerće njewidźał, a njebu namakany, dokelž Bóh bě jeho přenjesl; přetož před přenjesenjom měješe swědčenje, zo je so Bohu spodobal.* 1. Móž. 5, 24; Sir. 44, 16.

6. Bjez wěry pak je njemóžne, Bohu so spodobac, dokelž wěric dyrbi, kiž k Bohu přistupuje, zo je, a zo je tym, kotřiž jeho pytaju, wotplaćef.*

7. Z wěru je Noe, hdyž bě rozwučenje dóstał wo tom, štož hišće widźec njebě, so bojo archu twarił k zakhowanju swójeho domu, přez kotruž je swět wot-sudźil, a bu postajeny jako herba sprawnosće, kotraž je z wěry.*

1. Móž. 6, 14; Sir. 44, 17.

8. Z wěru poslučaše, kiž bu pomjenowany Abraham, zo wučahny na město,

kotrež měješe za herbatwo dóstać; je čahnył, njewědzo, hdže dže.*

1. Móž. 12, 1.

9. Z wěru bydleše w slubjenym kraju, jako w cuzym, w stanach přehywojo z Isaakom a Jakubom, sobuherbomaj toho samoho slubjenja.*

10. Přetož woćakowaše zakłady mějace město, kotrehož twarc a stworićef je Bóh.

11. Z wěru dósta tež sama njeplódna Sara móc k podjeću symjenja, a to přez čas staroby, dokelž wěrješe, zo je tón swěrný, kotryž bě slubil.* 1. Móž. 17, 19.

12. Tohodla tež z jenoho, a to pomrěteho, wuńdžechu [potomnicy] jako hwězdy njebja do mnohoty, a jako pěsk na brjozy morja, njeličomny.*

13. We wěrje wumrěchu wšitcy tući, njedóstawši slubjeni, ale nazdala je wot-hladajcy a witajcy a wuznawajcy, zo su přikhadnicy a hosćo na zemi.*

14. Přetož kotřiž tak rěča, woznamje-njeju, zo wótcinu pytaju.

wěmy, zo je wěra wopokaz njewidźomnych wěcow, abo zo smy přez nju wo wěrnosći tajkich wěcow přepokazani, kotrež njewidźimy, jakož, zo su wšitke widźomne wěcy a zo je swět z njewidźomnym słowom Božim stworjeny. — 4. Dokelž Abel we wěrje do Boha woprowaše, spodobaše so jeho wopor Bohu; a hdyž bu wot swójeho bratra we zawisći zaraženy, rěčeše hišće, dokelž Bóh praji: „Hlós krewje twojeho bratra woła wot zemje ke mni.“ — 5. Henoch bu spodziwnje wot zemje wsaty, bjez smjerće; to so sta, dokelž kruće wěrješe a tohodla so Bohu spodobaše. — 6. Štóž chce so Bohu spodobac, dyrbi so k Bohu bližić duchownje; štóž so Bohu bliži, dyrbi najprjedy wěric, zo Bóh je, a potom wěric do jeho dobroćiwosće a smilnosće; přetož jeničcy z wěru zjednocamy so zaso z Bohom a móžemy jeho hnady dóstać; z wěru pak dyrbi tež žadanje za Bohom so zjednočić, dokelž, kotřiž jeho pytaju, tym wón wotplaćef. — 7. Noe wěrješe Božim hroženjam a boješe so jich, a bu wumóženy ze swójeje swójbny, wěrješe, zo je njewěra, tehdom powšitkownje rozšěrjena, khostanje zaslužila, a wotsudzi ju tohodla, a swojeje wěry dla bu sprawny mjenowany. — 8. Abraham t. r. wótc mnohich ludow zasłuži sebi tuto mjeno ze swójeje poslušnej wěru, dokelž, hdyž Bóh k njemu praji: „wuńdž z twojeho kraja, z twojeho přecelstwa a z domu twojeho nana, a pój do kraja, kotryž ći pokažu“, poslučaše a čehnješe, njewědzo hdže; hakele w Kanaan pola Sichema rjekny jemu Knjez: „Hlej, tutón kraj dam tebi a twojim potomnikom.“ — 9. Tež w tutym slubjenym kraju bydleše wón jako cuzownik, wón a jeho syn Isaak a tutoho syn Jakub, njemějicy stajneho, kruteho sydla. Zo pak tola kruće so spušeše na dopjelnjenje wonoho slubjenja, to swědčeše wo jeho wobstajnej wěrje; tale wěra přidže z wěsteje nadžije, zo je kraj, kotryž Bóh jeho potomnikom jako krute sydło slubi, jeno předznamjo tamneho kraja woprawdžiteho wotpočinika nje-bjeskeho Jeruzalema, kotrež je Bóh sam založil. — 11. Tež Sara, runjež so ji najprjedy njemóžne być zdaše, zo by móhla we tak wysokej starobje podjeć, bu w zmortwjenym žiwocie wožiwjena, hdyž wěric poča, zo je Bóh, kiž bě jej syna slubil, swěrný. — 12. t. r. wot Abrahama, kotrehož móc k plódenju bě wotemřela, nasta wulki židowski lud. — 13. Hač do smjerće wěrnjachu Abraham, Isaak a Jakub do slubjenja Božeho, runjež je dopjelnjene njewohladaču, dokelž slubjeny kraj jako stajne sydło njedóstachu, ale mějachu so tam za pućowarjow a cuzbnikow, jakož patriarcha Jakub k egiptowskemu kralej praješe: „Lět mojeho pućowanja na zemi je 130, njemnohich a zlych, a wone njedosahaju do lět mojich wótcow, w kotrychž běchu cuzbnicy [na zemi].“ 1. Móž. 47, 9.

15. A hdy bychu na tu spominali, z kotrejež wuńdžechu, bychu wšak hišće čas měli so wrócić;*

16. Ale nětko za lěpšej žadaju, to je za njobjeskej. Tohodla njehańbuje so Bóh, jich Bóh rěkać, dokelž je jim přihotował město.*

17. Z wěru je Abraham woprowal Isaaka, hdyž bu spytowany, a woprowaše jednorodźeného, kotryž bě slubjenja dóstal,*

1. Mójz. 22, 1; Sjr. 44, 21.

18. Ke kotremuž bu prajene: „We Isaaku budže tebi potomnistwo mjenowane.“

1. Mójz. 21, 12; Rom. 9, 7.

19. Wopominajo, zo je Bóh mócný z mrtwych zbudzić, čohoždla jeho tež zaso dósta jako předznamjo.*

20. Z wěru je tež Isaak požohnował z přichodnymi [kubłami] Jakuba a Esaua.*

1. Mójz. 27, 27.

21. Z wěru je Jakub požohnował mrějo wobeju synow Józefa a pokloni so wječškej jeho sceptarja.*

1. Mójz. 47, 31.

22. Z wěru spomni Józef mrějo wo

wučahu džěci Israel a poručí jim wo svojich kosćach.*

1. Mójz. 50, 23.

23. Z wěru bu Mójzes so narodźiwši tři měsacy wukhowany wot swojeju staršeju, dokelž widžeštaj krasne džěčo, a so njeboještaj kralowskeje prikaznje.*

2. Mójz. 2, 2; 1, 17.

24. Z wěru Mójzes, hdyž bě wotrostł, zacpě syn Faraonoweje džowki rěkać,

2. Mójz. 2, 11.

25. Wuzwoliwši radšo, ćerpjeć z ludom Božim, dyžli načasnje wjeselo hrěcha měć,

26. Hdyž wohanjenje Khrystusa za wjetše bohatstwo wuzna, dyžli pokłady Egiptowskeje; přetož hladaše na wotplaćenje.*

27. Z wěru wopuści Egiptowsku, so njebojo kralowskeho hněwa; přetož nje-widžomneho tak rjec widžo wón wutru.*

28. Z wěru swjećeše jutry a wuleće krewje, zo by, kotryž přenjøród zahubješe, so jich njedótknył.*

2. Mójz. 12, 21. 28.

15. Hdyž patriarchowje za cuzbnikow so wudawaju, zjewja z tym swoju žadosć za stajnej wótčinu, nie žadosć za přjedawšej wótčinu, z kotrejež bě Abraham po Božej poručnosći wušoł, dokelž do njeje bychu kóždy črs so wrócić móhli, ale žadosć za lěpšej, kotraž bě jim lubjena, za njobjom. — 16. Dokelž patriarchowje tak kručě njobjeskeje wótčiny so nadźijachu, da Bóh so jich Bóh mjenować a wopokaza so tež jako jich Bóh, jim město k wěčnym wobydlenjam přihotujo. — 17. Hač runje w Isaaku dopjelnjenje slubjenja wotpočowaše, dokelž „w Isaaku budže tebi potomnistwo mjenowane“, t. r. wot Isaaka budže tebi slubjene potomnistwo płodžene, běše Abraham cyle zwólniwy, jeho woprować, jakož sebi Bóh žadaše, w krutej wěrje, zo Bóh tola swoje slubjenje dopjelni, dokelž je mócný, zo móže woprowaného tež wot mrtwych zbudzić, a wobsta tak spytowanje abo pruhowanje swojeje wěry. — 19. W nadźiji, zo móže swojeho woprowaného syna z mrtwych zaso dóstać, cheyše woprować, a jako myto tajkeje kruteje wěry dósta jeho zaso tak rjec z mrtwych, hdyž bě za Abrahama hižo takrjec mrtwy; wón dósta pak jeho w podobnosći, t. r. jako předznamjo přichodného wot-mrtwych-wstaća, a tohodla tež jako předznamjo Khrystusa, kiž přni wot mrtwych wstany, hdyž bě po woli njobjeskeho Wótea na križu so woprowal. — 20. We dowěrje na slubjene přichodne kubla požohnowa Isaak swojeju synow Jakuba a Esaua. — 21. Tohorunja požohnowa Jakub Józefowej synow, dokelž do slubjenjow Božich wěrješe a klonješe so, abo modleše so k wječškej Józefowej sceptarja, přetož w kralowskej mocy, kotruž bě Józef nad Egiptowskej dóstał, widžeše předznamjo kralowskeje łódnosće Khrystusoweje. — 22. Mrějo wuzna Józef swoju wěru do slubjenjow Božich, zo Abrahamowi potomnicy, džěci Israel, slubjeny kraj Kanaan dóstanu, a tohodla žadaše sebi, zo bychu tam tež jeho kosće sobu wzali. — 23. Z rjanosće džěsća sudžeštaj staršej, zo je wot Boha k wjetšim wěcam powołane, a w tutej wěrje předobýštaj bojósć před kralowskej surowosću. — 26. Hdyž bě Mójzes wotrostł, nochceše dale plaćić jako syn kralowskeje džowki a wužiwać bohatstwa a wjesela kralowskeho dwora, ale cheyše radšo ze swojim ludom hanjeny być; k tomu pohnu jeho wěra, zo jemu Bóh za to wotplaćí. Potłóčowanje israelskeho ludu w Egiptowskej rěka hanjenje Khrystusowe, dokelž bě předznamjo hanjenja, kajkež měješe Khrystus ćerpjeć wot njewěrnych. — 27. Hdyž bě Mójzes Egiptowčana, kotryž Israelitu čwělowaše, zarazył, wopuści Egiptowsku w nadźiji, zo budže jeho Bóh před kralowskim hněwom škitać; přetož runjež Boha njewidžeše, bě tola wo jeho mocy tak kručě předswědčeny, jako by jeho před woćomaj měl. — 28. Zarěza po Božej poručnosći jehujo, pomaza

29. Z wěru překročichu čerwjene morjo jako po suchej zemi, mjez tym zo buchu Egipcťowscy to spytawši póžřěći.*

2. Mójs. 14, 22.

30. Z wěru padnychu murje Jericha po wobkhaďže na sedmi dnjach.* Jos. 6, 20.

31. Z wěru njezahiny kurwa Rahab z njewěriwymi, dokelž bě wobhonjerjow z pokojom přijala.*

32. A što bych hišće prajil? Přetož čas by mi njedosahał, bych-li powědał wo Gedeonje, Baraku, Samsonje, Jefće, Davidže, Samuelu a profetach,*

33. Kotřiž z wěru předobychu kralestwa, činjachu sprawnosć, dóstachu slubjenja, zatykachu khlamy lawam,*

34. Wuhašowachu nawal wohnja, wučeknychu wótrosci mječa, zestawachu z khorosće, buchu sylni we wojowanju, wotehnachu wójska cuzych,*

35. Žony dóstawachu svojich mortwych přez wot-smjerće-wstaće; druzy pak buchu rozčahowani wuswobodženje njepřijimajey, zo bychu nadešli lěpše wot-mortwych-wstaće.*

36. Druzy pak znjesechu hanjenja a šwikanja, k tomu tež puta a jastwa;*

37. Buchu kamjenjowani, z pilu rozřezani, spytowani, z nječom sćeći wumřěchu, khodzachu we wowčich a kozacych kožach, tradajey, čěsnjeni, rudženi,*

38. Kotrychž swět hódny njeběše, bludžachu w puscínach, w horach, w přodnjeńcach a jamach zemje.*

39. A ci wšitcy ze swědčenjom wěry khwaleni, njedóstachu slubjenja,*

40. Mjez tym zo je Bóh za nas lěpše postajil, zo njebychu bjez nas přišli k dokonjanosći.*

wobě wudwjernje a wječchowc khěžinych duri z jehnječowej krewju w nadźiji, zo jandžel, kotry egyptowski přenjořód morješe, jich přelutuje, dokelž bě Bóh tak slubił. — 29. Z dowěru, z kotrejš to činjachu, bě wěra zjednočena, zo móže jich Bóh přez morjo jakož po suchim wjesć, a tale wěra pobrachowaše Egipcťowskim, a tuž buchu wot morja póžřěći. — 30. Bóh sam bě poručil, zo maju Israelitoje na sedmi dnjach, kóždy dzeń jónu Jericho wobenć, na sedmym dnju pak sedm króc, a bě slubił, zo měščanske murje při trubjenju trubow a wołanju luďa padnu. We wěryje do toho slubjenja Israelitojo to činjachu a dobychu město. — 31. Rahab, kotraž bě předy kurwiła, wěryje, zo Bóh israelski luď podpěra, a zo jemu kraj Kanaan da, tohodla přija do swójeho domu wobhonjerjow a zakitaše jej, a tohodla njezahiny z druhimi njewěriwymi při dobyću kraja. — 32. Dokelž do Boha tak krúće wěrychu, činjachu sudnicy a kralowje a profetowje zjawne a wulke dźiwy, pokazowachu njewšědne počinki, dóstachu to, štož bě so jim slubiło. — 33. Na přikład Daniel, ki praji, zo je Bóh swójeho profetu posłał, zo by lawam khlamy zawrěł, zo jemu škodźić njemóhle. — 34. Třom młódcam z žehliwej pjecy nješkodžeše surowe plomjo; David, Elias, Elisens buchu spodźiwnje zakitani před mječom svojich njepřečelow; Samson wstano z khorosće; sudnicy, David, Makkabejscy bratřa předobychu cyle spodźiwnje mócných njepřečelow. — 35. Wudowa w Sarepte dósta swójeho syna, kotrehož Elias, a Sunamitiska žónska swójeho syna, kotrehož Eliseus wot mortwych zbudźi. Eleazar a druzy buchu čěsnosćeni, a wumřěchu radšo, dyžli zo bychu ze zapřečom wěry dalše žiwjenje sebi zdžerželi, so dowěrycy, zo hišće krasnišo wot mortwych wstanu, dyžli tamni, wot profetow zbudźeni. — 36. Jakož sedmjo makkabejscy bratřa ze swójeje maćerju. — 37. Profeta Jeremias bu w Dafne w Egipcťowskej a profeta Zacharias, syn Jojady, bu w templewym předdworje kamjenjowany; profeta Isaias bu po poručnosći krala Manassa z pilu rozřezany; druzy buchu čěsnosćeni, zo bychu wěru zapřěli, kral Achab da mnohich profetow z nječom morić profetowje nožachu z cyta drastu, kotraž woběžowaše. — 38. Nic jako bychu woni swěta hódni njebyli, wopuščichu jón a běchu ze sebjezapřečom žiwi, ale hrěšny swět lěpě jich hódny. Někotři jako Elias bludžachu w puscínje, druzy jako makkabejscy bratřa w horach a škalobach a jamach. — 39. Wšitcy ci běchu tak krúći we wěryje hač do smjerće, a tola hlowne wopřijeće swójeje wěry, přikład slubjeného zbóžnika, njedočakachu, haj tež po smjerći dyrbjachu hišće dołho čakać, hač zbóžnik jim wumóženje připowědować přindže. — 40. Bóh je so za nas wjele lěpše starał, slubjenje dopjelniwši a wumóžnika poslawši, tak zo mamy w žiwjenju džěl na jeho hnadžě, a zo móžemy po smjerći k zbóžnosći přinć. Tamni potajkim, kotřiž z krutej wěru so wuznamjenjachu, njepřindžechu před nami a bjez nas k dokonjanej zbóžnosći, kotraž hakle z druhim přikhadom Křisťusowym nastupi; tehdy dóstanje tež čěło swóje myto a cyły čłowjek zbóžnosć. Hdy by dokonjana zbóžnosć hižo w času wótcow zastupiła, njebychmy so ani narodźili a woni bych bjez nas k dokonjanosći přišli. Po Božej radže pak je slubjenje hakle nětko dopjelujene, zo bychmy wšitcy, my a stari wótcy z nami, k dokonjanosći přišli.

STAW XII.

Z příkladem prjedownikow a tež z Khrystusowym příkladem wuči, zo dyrbyja čerpjenja mužnje so znjesć; hrěcham wobarajo wottraša wot njeposlušnosće, dokelž je nowy zakon wosebniši, dyžli stary, zo bychmy njetrjebali hórše khostanja čerpieć, dyžli Židža.

Tohodla běžmy tež my, hdyž mamy tak wulku mróćel swědkow wokoło sebjě, zložiwši wšu čezu a nas wobdawacy hrěch, z wutrajnosću we bědženju nam postajenym.*

Rom. 6, 4; Efes. 4, 22;

Kol. 3, 8; 1. Pětr. 2, 1; 4, 2.

2. Hladajcy na založerja a dokonjerja wěry, na Jězusa, kotryž za jemu postajene wjeselo križ znjesć, njedžiwajo na hańbu, a sedži na prawicy tróna Božeho.*

3. Haj spominajće na njeho, kotryž je tak wulke napřećiwnjenje hrěšnikow přeciwo sebi znjesl, zo byšće njewustali we svojich myslach woslabjejc.*

4. Přetož hač do krewje so hišće njejšće napřećiwjeli, přeciwo hrěchej wujujcy,*

5. A zabyšće pokojenja, kotrež k

wam jako džěcom řeči, prajo: „Mój syno, njezacpiwaj krutobu Knjeza a njewustawaj, hdyž sy wot njeho khostany“;

6. „Přetož, kohož Bóh lubuje, khosta, šwika pak kóžděho syna, kotrehož přijima.“*

Přisl. 3, 11; Zjewj. 3, 19.

7. We krutobje wutrawajće. Jakož synam pokazuje so wam Bóh; přetož kotry syn je, kotrehož by nan njenapominal?

8. Jelizo sće zwonka krutoby, kotrejež buchu wšitecy podžělni, sće wy njeprawe džěci a nic prawe.*

9. Potom: Wótcow našeho čěla drje mějachmy za kublarjow a bojachmy so jich; njebudžemy wjele bóle Wótcej duchow posluhać, zo bychmy žiwi byli?*

10. A tamni wšak kublachy nas w času někotrych dnjow po svojim zdaću; tutón pak k tomu, štož je wužitne, zo bychmy dostali jeho swjećenje.*

11. Wša krutoba njezda wšak so w přitomnym času k wjeselu być, ale k zrudobje, potom přinjese najspokojniši plód sprawnosće tym, kotřiž buchu přez nju wuwučeni.*

XII. 1. Příklady wěrajaceje sčěrnosće, kotrež buchu wopominane, a příklad Khrystusowy maja nas pohónjeć, zo bychmy z tejsamej sčěrnosću a wutrajnosću wojowali přeciwo wšim hrěšnym napadam. Čłowjeske žiwjenje je podobne wojowanju wo wustajene myto we běhańcy, dokelž ma wobstać we wutrajnym prócowanju wo njebyjesku zbóžnosć; tutomu wojowanju přibladuje móčna črjoda, runja mróćeli stłóčena, hordžinow, kotřiž sebi myto we bědženju dobychu a nětko wužiwaju za svoju krutu wěru. Jakož tón, kiž w běhańcy běži, kóžde břemjo zloži, t. r. štožkuli móže jemu někak zadžěwać, tak mamy tež my wšitko wotpołożyć, wosebje časne starosće, a wosebje hrěšnosć, kotraž čłowjeka runja wuskej drasće wobdawa, zo njebychmy we dobywanju njebyjeskeho myta so wotdržować dali. — 2. Tež Jězus je nam příklad we wojowanju, město jemu tudy postajeného wjesela wuzwoli sebi križ a čerpjenje, a hańby w kedžbu njeměješe, kotraž bě ze smjerću na križu zjednočena, a za to sedži nětko na prawicy Božej. — 3. t. r. zo byšće, hdyž maće wěry dla wšelake přeciwnosće wustać, so njebojeli, ju wuznawać, hladajće na Jězusa, kotryž njedžiwaše na napřećiwjenja hrěšnikow a njewěriwych, kotřiž jeho skónčnje morichu. — 4. t. r. njewojowašće přeciwo hrěchej dotal hišće tak, jako Khrystus, hač do krewje, t. r. z njesenjom woprawdžitych čwělow. — 6. Při tak snadnym čerpjenju hižo skorčiće, zabywši, kajki pokoj je po słowach s. Pisma w domapytanjach, kotrež su dopokazy lubosće Božej. — 8. Hdyž was Bóh šwika, znjesće to sčěrpnje; přetož z tym wopokaže so Bóh jako waš wótc, dokelž kóždy nan swoje džěco napomina a khosta. Wostaji-li was bjez khostanja, njesměće so za jeho wěrne džěci měć, dokelž wšitkich, kotrychž jako tajke spózna, wón šwika. — 9. Wot čělnych wótcow buchmy kubłani a khostani a dachmy sebi w bojosić to lubić, čím skeršo mamy khostanja sčěrpnje přijimać wot njebyjeskeho Wótca, wot kotrehož duchowne žiwjenje dostachmy, zo bychmy tež wěcnje žiwi być móhli. — 10. Čělni wótcey kublaclu a khostachu nas jeno za tute krótké žiwjenje a to po svojim spodobanju, snadž druhdy w hněwje a njerozomnje, njebyjeski Wótc pak kubluje a khosta nas za wěčne žiwjenje k našemu spomóženju, zo bychmy džěł dostali na jeho swjatosci; přetož z nej maju so hrěšne nakhilenja morić, wola posylnić, a žadosć za woprawdžitymi kubłani a wjeseleni wocuć. — 11. Doniž khostanje a čerpjenje čujemy, přihotuje nam bolosć a zrudobu, pozdžišo je žórlo wěrneho wjesela, dokelž hdyž přez nje w dobrým so wuwučić damy, wukhadža z njeho jako plód sprawnosć a swjatosć, wěrný pokoj poskićaca.

12. Tohodla zrunajće popuścenej rucy a pótknjej kolenje,

13. A činće rune kroćele z wašinaj nohomaj, zo by klacajo žadyn so njewob-sunyl, wjele bóle wotkhorjel.*

14. Prócuje so wo pokoj ze wšěmi a za swjatosćenjom, bjez kotrehož nihtó Boha njewohlada,*

Rom. 12, 18.

15. Kedźbujcy, zo by so nihtó wot miłosće Božej njewotsalil, zo by jako kor-jeń hórkosće njewurostl a njezadźěwał a přez njón mnozy znječišćenj njebyli.*

16. Zo by nihtó njebyl kurwař abo hanjeř [swjateho] jako Esau, kiž jeneje jědže dla předa swoje přenjorodźenstwo.*

1. Mójz. 25, 33.

17. Přetož wězće, zo bu tež pozdžišo, žadajo žohnowanje herbować, wotpoka-zany, přetož njenadźe města k wobro-ćenju, hač runje je ze sylzami pytaše.*

1. Mójz. 27, 38.

18. Přetož njepřistupišće k přimajom-nej horje a zapalomnemu wohnjej ani k wichorej a cémnosći a njewjedru,

19. A k hłosej truby a zynkej slowow, hdžež ci, kotřiž jón słyšachu, žadachu, zo by k nim słowa [wjacy] rěčane nje-bylo.*

20. Přetož njeznjesechu, štož bu jim prajene: „A hdy by so zwěrjo hory dótkło, dyrbi so kamjenjować.“*

2. Mójz. 19, 13.

21. A — tak strašne to bě, štož bu widzane — Mójzes rjekny: „Nastrožach so a ržu wšitkón.“*

22. Ale přistupišće k horje Sion a městu žiweho Boha, njebieskemu Jeru-zalemej,* a k sylam wjele tysacow jan-dźelow,

23. A k zhromadźiznje přenjorodže-nych, kotřiž su napisani w njebiesach, a

13. Tohodla zhrabajće so z wašeje lěnosće w duchownym žiwjenju, a nastupće mužnje puć křesćanskeho žiwjenja, a njewotwobroće so wot postajeného zaměra; štož runja khromemu tam a sem khabla, zabłudzi so a njepřindze tam, hdžež ma přind. Posylnejće tohodla słabych, zo bychu njebludžili, ale na prawy puć zas přiwjedeni byli. — 14. Budźće ze wšěmi wěriwymi w pokoju žiwi a nječerpcje překorjenja, a přiběrajece w swjatym žiwjenju, dokelž hjez swjatosće w tymle žiwjenju njemóže nihtó z Bohom w njebieskej zbóžnosći so zjednotić. — 15. W starosći za jednotu a swjatosćenje kedźbujće lubosćiwje na so, zo by žadyn z lěnosće abo zleje nakhilnosće hnadze Božej so njenapřećiwał a ju z tym zhubil, a zo by hórka, jědojta rostlina hrěcha mjez wami ko-rjenja njeměla, dobre skutki njepodušala a druhich njenatykla, tak zo bychu njewinowatosć shu-rili. — 16. Swoje nizke njeswjate zmyslenje pokaza Esau, zo prawa přenjorodu za wšednu jědi předa. — 17. Za swoje njeswjate zmyslenje bu z tym khostany, zo z prawami přenjorodu tei wótowske žohnowanje zhubi, kotrež přenjorodzenemu nadźiju poda, zo so w nim slubjenja Bože dopjelnja; tež tuto požohnowanje dósta po Božim dopušćenju Jakub za selje; a hdyž Esau ze syl-zami Isaaka prošeše, zo by Jakubej wudžělene žohnowanje wotwołał, njebu wuslyšauy, wóte Isak so njewobroći; tak zhubi so tež žohnowanje njebieskeho Wótca za tych, kotřiž su tudy njeswjete žiwi. — 18. 19. W nowym zakonju ma čłowjek wosebje za znutkownym swjatosćenjom so starać, do-kelž mjez tym, zo stary zakon na wonkowne zmysły džiwaše a z bojoseu napjeluješe, wobroća so nowy zakon na dušu a žada lubosć a podawa wěrne wujednanje z Bohom. Při zastupjenju do noweho zakonja njetrjebašće so bojeć, jakož waši wótcy, kotřiž dyrbjachu pod hrímanjom a blyska-njom přistupi k horje Sinai, kotraž so kurješe a płomjenješe a ržeše, a kotřiž dyrbjachu zynki trubow a mócný hlós Boží słyšeć, tak zo přestroženi Mójzesej prajachu: Rěč ty z nami, kjež pak njech z nami njerěči, zo bychmy snadź njewumřeli. — 20. Před podačom kazni na Sinai za-kaza Bóh ludej, zo k horje bližić; štož jeje so dotknje, njech je čłowjek abo skoč, dyrbi kamje-njowany być. Z bojoseu před Bohom zjednotić so tak bojoseu před horu, kotrež so nihtó bližić njesmědžeše. — 21. Tak strašno bě to, štož so při podaču kazni Božich stawaše, zo sam Mójzes třepotaše. — 22. Na horje Sion bě džěl města Jeruzalema natwarjeny, a tohodla nałožowaše so mjeno Sion tež za cyłe město; Jeruzalem rěka pak tež město žiwého Boha, dokelž bě won w templu w Jeruzalemje wosebiće přitomny, a dokelž měješe tu takrjec swój trón; tohodla je hora Sion a město Jeruzalem tež wobraz njebies, hdžež Bóh jako widzomny knježi, a tohodla mjenuje so njebo tež njebieski Jeruzalem abo njebieski Sion. Tuž chce list prajić: tež wy přistupišće k horje, ale k duchownej horje, hdyž do křesćanskeje cyrkwy zastupišće, k njebieskemu Sionej a Jeruzalemej, hdyž přez cyrkej duchownje z njebjom so zjednotišće a tak tež ze sylami jandźelow, trón Boží wobdawacych.

k Bohu, sudnikej wšitkich, a k ducham dokonjanych sprawnych,*

24. A k srjedźicerrej noweho zakonja, k Jězusej, a k pokrjepjenju krewje, kotraž lěpje rěči dyžli Abelowa.*

25. Hladajće so, zo rěčaceho njewotpokazaće. Přetož, hdyž jemu tamni nječeknychu, kotřiž toho wotpokazachu, kiž na zemi rěčeše, wjele mjenje my, kotřiž z njebyes k nam rěčaceho wotwobročimy.*

26. Kotrehož hlós tehdy zemju zatřase, nětko pak lubi, prajo: Hišće jónu a ja zatřasu nic jeno zemju, ale tež njebo.*

Agg. 2, 7.

27. Ale to, zo praji: „Hišće jónu“, woznanjenja přenjesenje zatřasomneho, jako sčinjeneho, zo by to wostało, štož je njezatřasomne.*

28. Tohodla njezatřasomne kralestwo přijimajcy, mamy miłosć, z kotrejž chcemy Bohu spodobnje słužić z bojosću a česćownosću.*

29. Přetož naš Bóh je spóžeracy woheń.*

5. Mójz. 4, 24.

STAW XIII.

Napomina k wšelakim dobrym počinkam, poručejo, zo bychy cuzeje wučby so wobarali, a wobnowja wopomnjeće wołtarja a woporow stareho a noweho zakonja; potom prikazuje, zo bychy předstajenym poslušni byli; tež prosy, zo bychy za njeho so modlili, jakož tež wón za nich čini, a přistaja postrowjenja.

Bratrska lubosć zwostań we was.

2. A hospodliwosće nochcyli zabyć, přetož z njeju su někotři njewědźicy jandželow hospodowali.*

Rom. 12, 13; 1. Pětr. 4, 9; 1. Mójz. 18, 3; 19, 2.

3. Spominajće na jatych, jakož sobujecí,* a na čerpjacych, jakož sami w čěle přebywajcy.**

4. Čestne budź mandželstwo we wšim a mandželske ložo njeznješwarnjene; přetož kurwarjow a cuzolóžnikow budźe Bóh sudzić.*

5. Wobkhad budź bjez nahrabnosće, spokojni z tom, štož maće; přetož wón rjekny: „Njepušću tebje a njewopušću.“

Jos. 1, 5.

6. Tak zo móžemy z dowěru prajić: „Knjez je mój pomocnik, njebudu so bojeć, što móhl mi čłowjek činić.“* Ps. 117, 6.

23. Tež zjednočišće so z cylej so zadowacej cyrkwy, z wěriwymi, kotřiž buchu najprěni za njebo znowa narodźeni, a kotřiž su napisani do zapiska njebyjeskich měšćanow; a ze sudnikom samym, z Bohom, kiž krutu wěru z njebyjeskej krónu plaći, a z duchami sprawnych stareho zakonja, kotřiž buchu přez Khrystusa w zbóžnosći dokonjeni. — 24. Tež přistupiće k Jězusej, kiž nowy zakon založi, a bušće pokrjepjeni, t. r. čišćeni a swjećeni z jeho krewju, kotraž k njeju woła, jako Abelowa krej, ale nic jakož tuta wo wjećenje, ale kotraž prosy wo wujednanje a miłosć. — 25. Njewotpokazajće toho w njewěrje a njeposlušnosći, kiž k wam rěči, t. r. kiž was wo Bohu rozwučuje, to je Khrystus, a tych, kotřiž w jeho mjenje wuča; přetož hdyž buchu Israelitowje khostani, dokelž na Boha njeposlušachu, kiž tola jeno na zemi, na horje Sinai k nim rěčeše, kak wjele hórje budžemy my khostani, hdyž so wot toho wotwobročimy, kiž z njebyes přez Khrystusa k nam rěči. — 26. Kak wjele wosebniši dyrbi nowy zakon być, dyžli stary, hdyž při wozjewjenju stareho zakonja Bóh jeno zemju zatřase; při dokonjenju noweho pak chce, jakož přez profetu Aggaea slubi, tež njebo zatřasć. — 27. Słowa: „Hišće jónu“, chcedźa prajić, zo budźe tuto zatřasenje poslednje, a w nim přewobroći so wšo, štož je stworjene, a do postajenja zastupi, w kotrymž so wjacj njezatřase a njeprěmění, zo by potom njeprěměníte wostało, štož so nihdy njezatřase, mjenujcy wěčne kralestwo Bože w nowych njebyesach a na nowej zemi. — 28. Dokelž mamy dźěl na tomle wěčnym njezatřasomnym kralestwje Božim, smy tež miłosć dóstali, a posyljeni wot tuteje miłosće chcemy Bohu słužić z bojenjom před sprawnosću a z pokojenjom před jeho swjatosću. — 29. Mamy so Boha bojeć, dokelž w swojim sudže je runja póžeracemu wohnje, hdyž wšo zniči a wěčnemu khostanju podawa, štož so jemu napřećiwja.

XIII. 2. Na přikład: Abraham. — 3. Činće jatym te same dobroty, jakož byšće z nimi jeći byli a tajke dobroty sebi žadali, dokelž „štož jedyn staw čerpi, čerpja wšitke stawy sobu.“ 1. Kor. 12, 26. ** t. r. dokelž sće tež wšem čěnosćam žiwjenja wustajeni. — 4. Kotřiž su w mandželstwje žiwi, dyrba w čěstnosći so wužiwać a mandželske ložo před njeswěru zakitać. — 6. t. r. budźe spokojom z tym, štož maće a štož wam k zežiwjenju dosaha, a nježadajće za bohatstwom; nahrabnosć ma žórło w starosći za přichodny čas; tule starosć mamy z dowěru zložiť na Boha, kiž nikoho njewopući.

7. Spominajće na svojich předstajenych, kotřiž su wam wopowědowali słowo Bože, hladajcy na wukhód jich žiwjenja, scěhujće jich wěru.*

8. Jězus Khrystus wčera a džensa, tón samy tež na wěki.*

9. Wot wšelakich a cuzych wučbow njedajće so zawjesć; přetož najlěpše je, z miłosću wutrobu posylnjeć, nic z jědźemi, kotrež wužitne njeběchu tym, kotřiž w nich khodzachu.*

10. Mamy wołtať, z kotrehož nimaju mocy jěsć ći, kotřiž stanej služu.*

11. Přetož kotrychž howjadow krej za hrěchi so do swjateńcy přez wyššeho měšnika nosy, tych ćěla spala so zwonka lěhwa.*

3. Móž. 16, 27.

12. Tohodla ćerpješe tež Jězus, zo by

ze swojej krewju lud swjatosćil, za wrotami.*

13. Džijmy tohodla k njemu zwonka lěhwa a jeho hanjenje njesmy.*

14. Přetož nimamy tudy wobstajnele města, ale pytamy přichodne.* Mich. 2, 10.

15. Přez njeho woprjamy tohodla Boha přeco khwalbny wopor, to je plód hubow, wuznawaceju jeho mjeno.*

16. Njezabudźće pak darniwość a sobudžělnosć; přetož z tajkimi woporami dobywa so Bóh.*

17. Budźće poslušni swojim předstajenym a podćiće so jim; přetož woni kedžbujna na was, jako tajcy, kotřiž změja zamołwjenje dawać za waše duše, zo bychy to činili z wjesołosću a nic ze styskanjom, přetož to wam njeje wužitne.*

7. Mějće w dobrym wopomnjeću svojich duchownych předstajenych, kotřiž su wam ewangelium wopowědowali, njeh je wam přiład jich kruta wěra, kotruž swěrnje wuznawachu, a z kotruž swoje žiwjenje woprowachu. Tu so wosebje pokazuje na swjateho Něčpana, na s. Jakuba staršeho a młódšeho, kotřiž z martrarskej smjerću Jeruzalemsku křesćansku wosadu wokrassachu.

— 8. Tu samu wěru wuznawajće tež wy, dokelž Khrystus, kiž je wobjeće tuteje wěry, je njejměny, a tohodla dyrbi tež wěra do Khrystusa ta sama wostać. — 9. Cuzy wučby su tamne gnostiske bludy (hl. 1. Tim. 1, 4), kotrež su křesćanskim wučbam napřećiwu. Židowscy křesćenjo njechachu rady woporow so wotrjec, kotrež buchu w templu woprowane, a připisowachu wopornym hosćinam swjatosćacu móc. List pak praji, zo tute jědže ženje duchowneho wužitka njeprějese; tohodla je lěpše, hdyž so duchowne posylnjenje jeno wočakuje wot miłosće Božje; tu drje je tamna miłosć Boža měnjena, kotraž so wudžěla we wužiwanju najswjećišeho sakramenta. — 10. Tei my křesćenjo mamy wołtať, na kotrymž so woprjuje, tež my wužiwanj z toho wołtarja woporu jěd, na teje wopornej jědži pak so njemóža wobdžělić, kotřiž stanej služu, t. r. kotřiž židowske wopory woprjaja. Tu spomina japoštoł na wopor Božje mšě, a na swjate woprawjenje, w kotrymž Khrystusowe mjaso a jeho krej Bohu so woprjuje a wěriwym k wužiwanju so podawa. — 11. Kotřiž so z židowskich woporach wobdžěla, su přez prikaznje tychle woporow samych wuzamknjeni wot křesćanskeho wopora; přetož po tamnych prikaznjach njesmóžděšo so mjaso woporow, kotrychž krej wyl měšnik na dnu wujednanja do Najswjećišeho njeseše, jako woporna jědž wužiwać, ale dyrbjě so wonka před lěhwom spalić. Ntož pak křesćenjo z wołtarja wužiwaju, je mjaso wulkeho wujednaceho wopora, z kotrehož krewju wěrný a wěrný wyšši měšnik Jězus Khrystus do Najswjećišeho njebyes zastupi. Tajki wopor njehodži ze židowskimi wopornymi prikaznjemi so zjednoćić. — 12. Zo by tule prikaznju židowskich woporow dopjelnili, ćerpješe Jězus, wěrný wujednacy wopor z kotrehož krewju lud Boží noweho zakonja so čisći a swjěći, tež zwonka lěhwa, t. r. zwonka města. — 13. Zbóžnik a jeho wopor, a jeho cyły wumóžacy skutk stoji zwonka lěhwa, t. r. zwonka židowstwa, a my dyrbibimy je wopuścić, chcemy-li k njemu přińć a z nim so zjednoćić. To chcemy činić a wšitku hańbu njeseć, kotraž so nam tohodla dóstawa, dokelž to je to same hanjenje, kotrež Khrystus zunese. — 14. Mamy-li, ze židowstwa wustupiwši, tež wšitko wopuścić, štož je nam lěpše pokojny so z tym, zo my křesćenjo wěrneje wótčiny tudy na zemi nimamy, ale w njebyesach; tudy smy cuznicy, kotřiž slubjenu wótčinu, t. r. njebyesa pytaju. — 15. Město prjedawšich starozakonskich woporow, kotrež so Bohu njespodobachu, woprjamy jemu duchowne wopory, wopor khwalby, nic plody zemje, ale plody našeho rta, kotryž mjeno Bože khwali. — 16. Wopor, z kotrymž činy wjek Bohu so spodoba, je darniwość, kotraž rady druhim dobroty wopokazuje. — 17. Treći duchowny wopor je poslušnosť napřećo předstajenym; tući maju so před Bohom zamołwjeć swojich zastojnstwa dla, a tohodla dyrbja poddać rady poslušać, zo bychy tak čezke zamołwjenje předstajenym polóžili, a wjeselo a nic zrudobu přihotowali. Hdy bychy předstajeni čezko zdychali na wašu njeuposlušnosť skoržić dyrbjeli, by to wam jeno škodžilo a khostanje přihotowało.

18. Prośće za nas; přetož dowěrjamy před nim, přez Jézusa Khrystusa,* ko-
so, zo mamy dobre swědomje we wšim, tremuž je krasnosć wěki na wěki.
dokelž chcemy so derje zakhować.* Amen.

19. Ćim bóle pak prošu, zo byšće to 22. Prošu pak was, bratřa, zo byšće
činili, zo bych wam Ćim přjedy wróceny; znjesli słowo napominanja; přetož z krótka
byl.* wam napisach.*

20. Bóh pokoja pak, kotryž wot mort- 23. Wězće wo našim bratru Timotheu,
wych wuwjedže wulkeho pastyrja wow- zo je pušćeny, z nim, přindže-li bórzy,
cow w krewi wěčneho zakonja, Jézusa was wohladam.*

Khrystusa, našeho Knjeza,* 24. Postrowće wšitkich svojich před-
21. Šćin was k wšomu dobremu kma- stajenych a wšitkich swjatych. Postro-
nych, zo byšće činili jeho wolu, doko- wjeju was bratřa z Italije.
njejo we was, štož by spodobne bylo 25. Milosć z wami wšitkimi. Amen.



KATHOLSKI LIST S. JAPOŠTOŁA JAKUBA.

STAW I.

Rozwučuje, zo su spytowanja wužitne a zo ma so
mudrosć wot Boha z dowěru wuprošć. Bóh
njeje spytowař abo spočinař hrěcha, ale wot njeho
wukhadža kóždy dobry dar. Napomina, zo
bychu k slyšenju spěšni, k rěčenju pak a k hñe-
wej pomali byli, a zo njedosaha, hdyž so wěr-
nosć jeno slyši, jelizo so w skutku njedokona.
Přida tež, w Ćim wěrne a njeporočne nabožen-
stwo wobstoi.

Jakub, služownik Boha a našeho Knjeza

Jézusa Khrystusa, dwanaće splaham, ko-
trež su w rozpjersenju, postrow.*

2. Za wšu wjesolosć mějće, moji bratřa,
hdyž do wšelakich spytowanjow padnyšće,

3. Wědzicy, zo doswědčenje wašeje
wěry wutrajnosć skutkuje;*

Rom. 5, 3.

4. Wutrajnosć pak ma dospołny skutk,*
zo byšće dospołni a bjez poroka byli
w ničim so njekomdžicy.

18. Japoštoł prosy skónčnje wo modlitwu wěriwych, dokelž so nadźije, zo tajkeho dopokaza
lubosće njehódny njeje, wědžo, zo je wšudžom swoju winowatosć činiť a tak dobre swědomje wob-
khowať. — 19. Ćim bóle žada wo jich přóstwu, zo bych so wšitke zadžewki wotstroniť, kotrež
jemu dotal k nim so wróćić njedadža. — 20. Khrystus rěka tu wulki pastyr porno druhim cyrk-
wiskim předstojnikam, kotřiž su tež pastyrjo, tola jeno pomocnicy a zastupnicy. Jeho wowcy su
wěriwi, kotrychž ze swojej wěrnosću a milosću nasyćuje a k wěčnemu žiwjenju nawjeduje. Wón
bu jich wulki pastyr z přelećom swojeje krewje, z Ćimž nowy a wěčny zakon založi. — 21. Bóh
posylń wašu wolu, zo byšće jeho wolu we wšim činili, a to tak, zo wón sam přez móc swojeje
bnady a přez zaslužby Jézusa Khrystusa we wašej woli to skutkuje, štož so jemu spodoba. —
22. Štož wam z krótka napisach, zo byšće pokojeni byli we wašich Ćěsnosćach a wobkrućeni we wašich
spytowanjach, rozpominajće sebi přěćelnje. — 23. Zda so, zo bu Timotheus, kotrehož bě Pawoł
sebi do Roma powołať, tam jaty a zo bu hakle zaso pušćeny, hdyž Pawoł hižo z Roma wot-
pućowawši w Italiu na wěstym měsće na njeho čakaše, zo by z nim do rańšeho kraja pućowať.

I. 1. t. r. wšitkim křćenym Židam, kotremužkuli z dwanaće splahow přislušnym, mjez po-
janami rozpjersenym plaćić postrow a list. — 3. Pruhowanja a spytowanja, kotrež so jim wot po-
janow abo njewěriwych Židow přilhotuja, su wot Boha dopušćene, zo bych přiležnosć měli swoju
wěru a wobstajnosć wopokazać, a njejsu njezbožo, ale dobrota za nich, na kotrež maja so wje-
řelić. — 4. We wutrajnosći so wěra wudospołni, kotraž so z přijećom křesćanskich wěrnosćow
apočea, w dobrych skutkach so wopokazuje a w pruhowanjach so wobkruća; štož so tohodla
ež pruhuje a při tom kruty we wěrje wostanje, je dospołny a cyły muž, kotremuž ničoho nje-
obrachuje.

5. Jelizo pak štó z was mudrosć trjeba, njech Boha wo nju prosy, kiž wšitkim dawa šćedrje a njeporokuje, a budže jemu data.*

6. Njech pak prosy we wěrje, nihdy njedwělujo; přetož kiž dwěluje, je runja mórskej žolnje, kotraž so wot wětřika zběha a wokolohoni.*

Mat. 7, 7; 21, 22; Mark. 11, 24; Luk. 11, 9; Jan. 14, 13; 16, 23. 24.

7. Tohodla njech sebi tamny čłowjek njemysli, zo wot Knjeza něšto dóstanje;

8. Muž dwoji po zmyslenju je njewobstajny we wšitkich svojich pućach.*

9. Njech pak so khwali ponižny bratr w swojim powyšanju,

10. Bohaty pak w swojim poniženju;* dokelž jako trawna kwětka so pomínje.

Sir. 14, 18; Is. 40, 6; 1. Pětr. 1, 24.

11. Přetož slóncó zeskhadza z horcotu a zesuší trawu, a jeje kwětka wotpadny a rjanosć jeje wobliča zańdže, tak tež zwjadnje bohačk na svojich pućach.*

12. Zbóžny muž, kotryž spytowanja zjuje, dokelž hdyž je doswědčeny był,

dóstanje krónu žiwjenja, kotruž Bóh tym slubi, kotřiž jeho lubuja.*

13. Nichtó njech njepraji, hdyž je spytowany, zo je wot Boha spytowany;* přetož Bóh njeje wot zleho wabjomny, sam pak nikoho njespytuje.

14. Jedyn kóždy pak bywa spytowany wot swojeje požadliwosće čehnjeny a wabjeny.

15. Potom požadliwosć, hdyž je podjala, zrodzi hrěch; hrěch pak, hdyž je dokonjany, plodži smjerć.*

16. Njezabludźće so tohodla, moji najlubši bratřa.

17. Kóžde dobre daće a kóždy dospołny dar je wot horjeka a zestupi wot Wótca swětłow, pola kotrehož njeje přeměnenje ani sčěn přewobroćenja.*

18. Přetož dobrowolnje nas splodži ze słowom prawdy, zo bychmy byli jakož přeručny jeho stwórby.*

19. Wy je wěsće, moji najlubši bratřa; budž pak kóždy čłowjek spěšny k slyšenju, pomaly pak k rěčenju a pomaly k hněwej.*

Přisl. 17, 27.

5. Toho pruhowanja k dospołnosći wjeđu, kiž je mudry w nich; štóž hišće mudrosće nima, njech wo nju prosy; Bóh rady dar mudrosće wudźěla a njeporokuje nikomu, jakož čłowjekoj, kotřiž často ze swojimi darami poroki zjednoća. — 6. Zo by so próstwa wo mudrosć wuslyšala, dytbi dowěrna być; štóž při tom na Božej wšohomocy abo dobroćiwosći dwěluje, je njeměrný, nima za swoju dušu wěsteje zepjery, a runja so mórskej žolnje, kotraž so wot wětřika tam a sem honi. Tajki njeje milosće Božej hodny. — 8. Tajki čłowjek je po swojim zmyslenju dwoji; druhdy chce Bohu slušec a swěrnje jemu služic, druhdy zas wotsaluje so wot Boha a služi swětej, a tak je njewobstajny we wšim, štožkuli započina. — 10. Hdyž so w času pruhowanjow khudy, nizki bratr wot bohateho potłóčuje, njech ma we woćomaj přichodne powyšjenje, myto, kotrež za wutrajnosć dóstanje; bohaty pak njech so dopomni na swoje poniženje, na hańbu, z kotrež budže za swoju njesprawnosć khostany. — 11. Poniženje bohateho wobstoi w tom, zo so w krótkim času rusaj kwěty zhubi ze swojim bohatstwom. — 12. Štóž je so w pruhowanjach swěrný, wobstajny wopokazał, budže krónowany, z wěčnym žiwjenjom mytowany. — 13. Štóž pak w spytowanju njewobstoi, ale hrěši a sebi wěčne zatamauje přihotuje, njesmě Boha wobskoržować, zo je jemu spytowanje připósłał, dokelž, zo wón zhrěši, na tom je sam wina; Bóh, kotremuž so zle přibližić njemůže, njewabi tež nikoho k złemu. Zda so, zo so někotři z tym zamołwachu, zo je Bóh tohodla na jich hrěchach wina, dokelž je tak mócnu nakhlilosć k hrěchej do jich wutrobow zapołožil; toh nakhlilosć njeje hrěch, njeje ani spytowanje k hrěchej, ale ma so derje rjadować a přewiněć, a hodzi so runje tak derje k dobremu, kaž k złemu naložec. — 15. Zla požadliwosć, hdyž so nje přewinje, wabi wolu k hrěchej, a hdyž wola wabjenju přihlosujcy so podčisnje, wobeněće so hrěch, kotryž potom smjerć duše plodži a wěčnu smjerć přihotuje. — 17. Nic hrěch, ale dobre počinki zbudźnja so wot Boha, wot Wótca swětłow, t. r. hwězdow na njebju, kotrež so přeměnjeja, mjeztym zo je Bóh njeprěměnity. — 18. Ze swojeje dobroćiwosći powola nas Wótc ke křesćanskej wěrnosći a ke křesćanskemu žiwjenju, zo bychmy jako najpřeručni mjez wšemi jemu slušeli, a tohodla njemůže wina być na hrěchach, kotrež jeho dobroćiwu wotpohladanje z nami kaža. Přeručny běha přenje plody při žnjach a přenorodžene ze skotu, kotrež so Bohu woprowachu. — 19. Hdyž nas Bóh ze słowom swojeje wěrnosće ke křesćanskemu žiwjenju powola, maće tež po tutym słowje, zo

22. Widziš, zo wěra jeho skutkam pomhaše, a ze skutkow bu wěra dokonjana.*

23. A dopjelnjene bu Pismo, kotrež praji: „Abraham je wěrił Bohu a to přiliči so jemu jako sprawnosć“, a bu njebowany přecel Boži.*

1. Móž. 15, 6; Rom. 4, 3; Gal. 3, 6.

24. Widziće, zo so čłowjek wosprawnja ze skutkow a nic z wěry sameje?

25. Njebu podobnje tež kurwa Rahab ze skutkow wosprawnjena, pśółow přijawši a na druhim puću jich wupušćicy?*

Jos. 2, 8—15.

26. Přetož jakož je čěło hjez ducha mortwe, tak je tež wěra hjez skutkow mortwa.

STAW III.

Rozsudźuje hrěchi jazyka; jón prawje rjadować je čezko; přidawa rozděl mjez zemskéj a njebjeskej mudrosću.

Njebudźće mnozy wučerjo, moji bratřa, wědźicy, zo změjeće čezše sudjenje.*

2. Přetož w mnohim postorkujemy wšitey.

22. Abrahamowe wosprawjenje drje mješe tež swój korjeń we wěrje, tola wěra sama wosprawjenje njedokona, ale skutk poslušnosće, kiž bě plód wěry; a wěra sama so ze skutkom poslušnosće posylni a wudokona. — 23. Abrahamowa wěra do slubjenja Božeho, zo budže wótc mnohich ludow, bě korjeń jeho wosprawjenja, dokelž so w podwolnej poslušnosći Bohu tohodla cyle poděisny, tak zo cheyše tež najčezši skutk dokonjeć a swojeho syna woprować, a tónle skutk bě plód wosprawjenja, kotrež so jemu tehdy jeno njepřiliči, ale kotrež bě sebi ze skutkom zaslužil a nětko hakle bu mjenowany přecel Boži. — 25. Rahab bu wosprawnjena, dokelž bu přelutowana we wotsudže města Jericho; ale tež wona, hač runje bě njepócěwa žónska, bu swojich skutkow dla wosprawjena, dokelž bě wobhonjerjow, kotraž do slubjeného kraja přindžeštaj, zo byštaj jón zeznałoj a potom Israelitow nawjedowałoj, zakitała a mjelčo z města pušćila. Tež to bě skutk wěry, a tohodla drje móže so jeje wosprawjenje tež wěrje připisować (Hebr. 11, 31); dokelž wěra pobnu ju k dobremu skutkej a z tutym bu jeje wosprawjenje dokonjana.

III. 1. 2. Swjatemu japoštolejo so njelubi, zo so wěra, kotraž ma so w dobrych skutkach pokazować, w rěčach a powučenjach wozjewja. Sami so noheedza polěpšić, ale druhich wuča, napominaja a swarja. Tohodla napomina japoštoł, zo bychy so k wučanju nječišćeli, dokelž so z tym wjetšemu zamołwenju a krucišemu sudej wustajeja; přetož, hač runje drje so we wšelakich wěrach přehřešimy, najčasněšo tola so z rěču překhwatamy, tak zo tón, kotryž swój jazyk wobkneži, tež wšitke w druhich stawach čěla bydlace požadosće derje rjaduje a móže tohodla jako dospólny muž plaćić. — 4. Jakož tón, kiž ma hubu konja na wuzdže, cyleho konja wodži, jakož tón, kiž wjeslo lódže w ruce džerži a je wodži, cyłu lódž wobroća, tak ma tež tón cyle čělo w mocy, kotryž ze swojim jazykom njehřeši. — 5. t. r. so wuley čini z tym, štož zamóže. — 6. Tež jazyk, hač runje mały stawčk, je runja wohnjej, kiž cyły lěs zapali; tak je tež jazyk takřec swět njesprawnosći, dokelž so z nim přemnoho a wšelako hrěši. ** Jazyk wubudza wšelake požadosće a wabi k wšelakim hrěcham, z kotrymiž so čělo wonječesći, a kazy tak koło žiwjenja, t. r. cyle žiwjenje, kotrež je na koło podobne, kotrež z narodom so wjerćeć započina a potom hač do smjerće běži. Jazyk, hdyž je sam zapyrjeny wot hele, t. r. hdyž rěči lžn, zawisć, hanjenja atd., kazy čłowjeske žiwjenje wot naroda hač do smjerće. — 8. Mjez tym zo móža čłowjekoj wšitke dźiwje zwěrjata skludźeć, njemóža na swojim jazyku cyle dobyć, ale jakož jěd čłowjeka mori, tak rěči tež jazyk jědojte słowa, kotrež wjele zleho a wjele škody načinja.

Jelizo što w rěči njepostorkuje, tón je dokonjany muž, zamóže tež cyle čělo na wuzdže wokolo wodźić.

3. Hdyž pak konjom wuzdy do hubow dawamy, zo bychy nam powolne byle, tež cyle jich čělo wokolo wodžimy.

4. Hlej, tež lódže, su-li wulke a wot sylnych wětrow pohrožene, wobroćeja so ze snadnym wjeslom, hdžež tlóčenje toho chce, kotryž je wjedže.*

5. Tak je tež jazyk mały stawčk, a wulkeho so khwali.* Hlej, kak mólički woheń, kak wulki lěs zapali!

6. A jazyk je woheń, swět njesprawnosće.* Jazyk je postajeny mjez našimi stawami, kotryž wonječesći cyle čělo a zapyri koło našeho naroda, sam zapyrjeny wot hele.**

7. Přetož kóždy přiroda zwěrjatow a ptakow a lažatych a druhich so skludźuje a bu skludžena wot čłowječeje přirody;

8. Jazyk pak njezamóže žadyn čłowjek skludźić, njepokojne zle, polny smjertneho jědu.*

9. Z nim khwalimy Boha a Wótca, a na smilnosće a dobrych płodow, nje z nim hanimy čłowjekow, kotřiž su po sudžaca, hjez tajenja.

10. Z toho samoho rta wukhadža žohnowanje a kleće. Nima pak to tak być, moji bratři.

11. Wuliwa dha źórlo z tym samym promjenjom slódku a hórku wodu?

12. Móže dha, moji bratři, figowc kiće njesć abo winowc figi? Tak tež slony kužoł slódkeje wody dawać njezamóže.*

13. Štó je mudry a nazhonjeny mjez wami? Njech pokaže z dobrym wobkhadom swoje skutkowanje w čichomyslnosći mudrosće.*

14. Jelizo pak maće hórku zawisć a swarjenja w svojich wutrobach, nje-khwalće so a njelžiće přeciwo wěrnosći.*

15. Přetož to njeje mudrosć, kotraž wot horjeka přikhadža, ale zemiska, čłowjeska, djaboliska.*

16. Přetož hdžež je zawisć a swarjenje, tam je njewobstajnosć a wšón zły skutk.*

17. Mudrosć pak, kotraž je wot horjeka, je najprjedy čistotna, potom pokojna, měrna, podwolna, dobremu přikhilna, pol-

18. Plód sprawnosće pak rozsywa se w pokoju tym, kotřiž pokoj činja.*

STAW IV.

Požadosćam njesniěmy posłuchać, ale djabolejmy so napřećiwyć, a Bohu so bližić a wo nje sebičnu lubosć so starać, njewěste wěcy Božje předwidziwoaći přewostajiwši.

Z wotkel wójny a zwady mjez wami? Nic wottud? z wasich požadosćow, kotřiž wojuja we wasich stawach?*

2. Žadaće a nimaće; moriće* a z-widźiće, a njemóžeće dosahnyć; wadźiće so a wojujeće, a nimaće, dokelž njeprosyće.**

3. Prosyće a njedóstawaće, dokelž njeprawje prosyće, zo byšće [to] na swoje požadosće nałożeli.*

4. Mandželstwoamarjo, njewěsće, zo je přecelstwo tohole swěta njepřecel Boži.* Štóžkuli tohodla zechce přecel tohole swěta być, bywa njepřecel Boži.**

5. Abo zda so wam, zo Pismo podaruje praji: „Ze žarliwosću lubuje Duch, ko-tryž we was bydli.“*

12. Cyła přiroda wuči, zo z teje sameje přičiny sebi napřećiwny wěcy njewukhadźeja, tak tež njemóže wo prawdže jazyk tak napřećiwny skutki, jakož je khwalba a hanjenje dokonjeć, ale kóž tak wjele zleho rěči, njemóže dobre, žohnowanje a khwalenje, kotřiž tež druhy słyšeć da, wo prawdžite być. — 13. Kotřiž so k wučerju čišća, njesmědža so jeno wobarać hrěchow, kotřiž so z jazykom wobendnu, ale tež falšnjeje mudrosće, kotřiž chcedža jako wučerjo rozšěrjeć. Štóž ma wo prawdže za mudreho, njech to ze skutkom dopokazuje, čichomyslnje z druhimi wobkhadnje jakož to wěrna mudrosć čini. — 14. Štóž ze swojim bližšim ze zawisću a ze zlobami wobkhadnje a při tom za mudreho so wudawa, tón so prózdnyje khwali a lži. — 15. Wěrna mudrosć wukhadźe wot Boha; jich mudrosć pak ma swój kužoł na zemi, w nizkich čłowjeskich požadosćach ale w djabolskich wabjenjach. — 16. Hdžež zawisć a žarliwosć knježi, tam so wobstajnje dobre nje čini, ale wšelake zle skutki, a te njepřinu wot Boha, a tohodla njemóže wot njeho tež tamo mudrosć być, kotraž je dokonja. — 18. Jakož falšna mudrosć njewobstajnosć a wšelake zle skutki płodži, tak płodži prawa mudrosć sprawnosć. Tónle plód pak jeno w pokoju, nie w njeměrje roste a zrawi, a so tym wudźela, kotřiž pokoj lubuja a jón zakhować so prócuja.

IV. 1. Japoštoł spomina na kužoł njepokojja, kiž je w jich mócných nakhilenjach k swětu wot kotrehož maja so džělić, jelizo chcedža přecelsoje Boži być a sebi jeho milosć dobyć. — 2. t. r. hidźiće a přejeće druhim smjerć. ** Žadaće za swětnymi kubłami, za bohatstwom a česću, ale waše žadanja so njespokojja, tuž wotuća zawisć a hidženje tych, kotřiž je maja, ale to tež nje pomha; tuž počinaće so wadźić a z nimi wurěcować, a z tym tež njedobudźeće, a na tymle puću k ničomu njepřindźeće, dokelž njeprosyće. — 3. t. r. počinaće drje nětko prosyć, ale njedóstajnje tež ničoho, dokelž prawje njeprosyće, dokelž jeno wo časne kubła prosyće, zo byšće z nimi swy mjasne požadanja spokojili. — 4. t. r. ludžo, kotřiž Bohu slubjenu swěru złamašće a ze swětom džerźiće (hl. Mat. 12, 39). ** Dokelž je swět njepřecel Boži, je tež kóždy, kiž swět lubuje abo kiž je wot swěta lubowany, njepřecel Boži. — 5. Bóh lubuje čłowjeka žarliwje, t. r. žada sebi, zo jón tež wy lubujeće, a druhim, po tajkim swětej tak rjec zawidzi a njepopřeje, hdyž jón wy lubujeće.

6. Wjetšu miłosć pak dawa, čohoždla a pobudźemy tam lěto a budźemy přepaji: „Bóh přećiwja so hordym, ponižnym pak dawa miłosć.“*

Prisl. 3, 34; 1. Pětr. 5, 5.

7. Budźće tohodla poddaći Bohu, přećiwjeće pak so djabolej, a čekuje wot was.*

8. Bliźće so Bohu, a přibliži so wam. Wumyjće sebi rucy, hrěšnicy, a wučisće wutroby, dwojomyslni.*

9. Rudźće so a žarujće a plakajće; waše směchi njech so do žarowanja wobroća a wjesolosć do zrudoby.*

10. Ponižejće so před Knjezom, a powyši was.

1. Pětr. 5, 6.

11. Njewobřećujće jedyn druhého, bratřa. Kotryž bratra wobřećuje abo kotryž swójeho bratra sudźi, wobřećuje zakon a sudźi zakon.* Jelizo pak zakon sudźi, njejsy činićel zakonja, ale sudnik.

12. Jedyn je zakonjadawař a sudnik, kotryž zamóže zahubjeć a wumóžec.*

13. Ty pak, što sy, kiž sudźi bližeho? Hlej nětko, kotřiž prajice: džensa abo jutře póndźemy do tamneho města

14. (Kotřiž njewěšće, što jutře budźe;*

15. Što dha je waše žiwjenje? para je, kotraž so na krótko zjewi a potom so zhubi); město toho, zo byšće prajili: Jelizo Bóh zechce a žiwi budźemy, sčini-my to abo wono.

16. Nětko pak so khwaliće we swóych hordosćach. Kóždy tajke khwalenje je zlóscíwe.*

17. Štóz tohodla wě, kak ma dobre činić, a je nječini, ma hrěch.*

STAW V.

Bohatym potłóčerjam khudych hrozy krnte wječenje; khudych pak napomina k sćerpnosći. Přisahanju ma so čekać a khori maja so wot měšnikow z woljom žalhować, a hrěchi mjez sobu wuznawać. Kak wjele dokonja modlitwa sprawného. Kotřiž blndža, maja so k wěrnosći dowjesć.

Tak dha, bohaći, plakajće žalosćicy w swójej njezbožownosći, kotraž wam přindže.*

2. Waše bohatstwo je zhnilo a waša drasta je wot molow póžrana.

6. Čim swěrnša je lubosć k Bohu, čim bohatša je miłosć, z kotrejž Bóh tule lubosć woplaća; hordym, kotřiž ze swětom dźerža, napřećiwja so Bóh, njepomha jim; ponižnych pak, kotřiž swět a jeho kubla zacpiwaju a podwolnje swój křiž za Khrystusom njesu, podpjera wón we všim. — 7. Bóh žada sebi z prawom, zo jemu cyle slusćeće, djaboł pak wabi was, zo byšće swět lubowali; budźće tohodla Bohu poddaći a napřećiwjeće so lečenjam djabola, kotryž was wopuści a na pokoj wostaji, ldyž na njeho njeposlušćeće. — 8. Djabola so wotryjeknywši, přizamkněće so Bohu z cylej dowěru, a Bóh so wam přibliži ze swójeje hnady a pomocy. Rucy pak, kotrejž w modlenju k Bohu pozběhujeće, njesmětej znječisćenej być z hrěšnym skutkom, a wutroba njesmě dželena być mjez Bohom a swětom. — 9. Tež hrěšna zaúdzenosć ma so zarunać, dotalnu njeswěru a swětnu wjesolosć maće woplakować a wobžarować. — 11. Japoštoł napomina, zo njebychu druhich, wosebje tamnych, kotřiž běchu k swětej nakhileni, khroble sudźili, dokelž štóz bližeho wobřeći abo tak khroble sudźi, sudźi zakon lubosće, kotryž bližeho zakituje; ze swójim wobřećenjom chce tak rjec zakon za njeprawy wudawać, dokelž tón bližeho zakituje, kotrehož wón sudźi; štóz zakon sudźi, njeje, štóz ma być, činićel zakonja, ale pozběha so z njeprawdu jako jeho sudnik. — 12. Bóh sam, kiž je zakon dał, je tež jeho sudnik; wón ma tež móc, to wuwjesć, štóz rozsudži: tych, kotřiž zakon přestupja, wěćnje zahubić, tych, kotřiž jón dokonjeja, wěćnje wozbožić. — 13. t. r. što je tebi prawo dał, zo, hač runje sam slaby a hrěšny čłowjek, bližeho sudźi? ** Japoštoł napomina w r. 13—17, zo njebychu k sebi samym tak njepraweje dowěry měli, a tak lěta dolho sami, bjez džiwanja na Boha, do přědka postajeli, što započnu, ldyž ani njewědža, što móže so jutře z nimi stać. — 16. Štóz při wotpohladanjach Boha we wočoniaj nima, ale jeno na sebe samoho twari, je hordy čłowjek a tajka khwalba je zla, dokelž přje, zo smy wot Boha wotwisni. — 17. Štóz wě, zo bjez Boha ničoho njezamóže, ale so tak zadźerži, jako by wšo sam dokonjał, hrěši z hordosću.

V. 1. Japoštoł napomina, zo so bohatstwo njeby přewjele wažilo, pokazujo na wabjacu móc bohatstwa, kotraž mnohich k pyšnemu a k njesprawnemu žiwjenju wjedže a khostanje Bože na nich přinjese; tohodla maja bohaći skerje plakać stracha dla, w kotrymž su žiwi.

3. Waše złoto a slěbro je zezerzawilo a jich zezrawina budźe k swědčenju přećiwo wam a zežerje waše njaso jako woheń; nahromadźišće sebi hněw w poslednich dnjach.*

4. Hlej, mzda dželaćerjow, kotřiž pónjechu waše zahony, kotraž bu [jim] wot was wotčehnjena, woła, a jich wołanje je zastupilo do wušow Knjeza wójskow.*

5. Kwasowali sće na zemi a z radoścemi nasyceli swoje wutroby na dnju zabića.*

6. Wotsudzišće a morišće sprawneho a njepřećiwa so wam.*

7. Budźće tohodla sćerpni, bratřa, hač do Knjezoweho přikhadla. Hlej, rólnik wočakuje drohi plód zemje, sćerpnje njeso, doniž dóstanje zahi a pózdny dešč;*

8. Tohodla budźće tež wy sćerpni, a wobkrućejće swoje wutroby, dokelž Knjezowy přikhad je so přibližil.*

9. Njezdychujće, bratřa, jedyn přećiwo druhemu, zo byšće sudženi njebyli. Hlej, sudnik stoi před durjemi.*

10. Wzmicie sebi, bratřa, za přiklad zleho skónčjenja, ćerpjenja a sćerpnosće profetow, kotřiž su rěčeli w Knjezowym mjenje.*

11. Hlejće, prajimy tych zbóžnych, kotřiž wutrachu. Wo Jobowej sćerpnosće sće slyšeli a Knjezowy kónc sće widźeli, dokelž smilny je Knjez a milosćiwý.*

12. Předě wšim pak, moji bratřa, njepřisahajće ani na njebo, ani na zemju, ani kajkužkuli druhu přisahu. Waša rěč budź: Haj, haj; ně, ně, zo byšće njepadnyli do wotsudženja.*

Mat. 5, 84.

13. Rudži so štó mjez wami? njeh so modli; je spokojny? njeh spěwa.*

14. Je štó khory mjez wami? njeh powoła měšnikow cyrkwy, a njeh so nad nim modla, žalbuje jeho z woljom w Knjezowym mjenje.

15. A modlitwa wěry spomha khorému a Knjez jemu polóži, a je-li w hrěchach, spušća so jemu.*

16. Wuznawajće dha jedyn druhemu swoje hrěchi a modlće so za sebję, zo

3. Japoštoł wopisuje zrudny wotsud bohatswa; kubla, z kotrymiž so hordžachu, su so mnyli, tež bohaći sami, jich njaso, zahinje holosćiwje, jako z wolnjom; ze swojim bohatswom nabromadźichu sebi tež hněw Boži, kotryž jich wotsudži a khosta. — 4. Njesprawnosće, kotřiž bohaći při potłóčowanju khudych wobendžechu, žadaja Knjeza wójskow, zo by jich khostał. Přikhad tajkeje njesprawnosće je přikrótsenje mzdy dželaćerjow, kotřiž dyrba za bohatech žně domoj dželać a při tom nuzu ćerpjeć. — 5. Mjez tym, zo Knjez na skóržby khudych přećiwo bohатыm posluha, su tući pyšnje a hrěšnje žiwi hač na samy dzeń, na kotrymž jich Knjez khosta, runja skotej jich zabije, t. r. bjez smilnosće jich mori. — 6. Bohaći khudych tež njesprawnje wobskoržuja a wotsudžeja, haj hdyž hinak swoje wotpohladanje wuwjesć njemóža, jich tež morja. Khudzi sami dře so jim njemóža přećiwyje, ale za to pokhosta jich syniši, Bóh. — 7. Khudych napomina k sćerpnosći; jakož rólnik cyłu zymu a cyłe nalěco na žně čaka, tak maja tež khudzi sćerpnje na mnu swojich horjow čakać. W ruišim kraju je nazymny syw w novembu dokonjany, a nětko dze dešč, to je zahi dešč, kiž přez januar traje; tu započina so nalěco a kónc měrca hač do sjeńa hapryla dze zaso deščik, to je pózdny dešč, a potom su žně. — 8. Njebudza dołho čakać trjebać, dokelž čas Knjezoweho přikhada je blizko; móžemy při tom na zapusćenje Jeruzalema myslić. To bě sud Boži nad Židami. — 9. Tež počišćení móža zhrěšić, hdyž mjez sobu skorža, a ze swojimi sćerchowanjemi swojich bližich wobskoržuja a sudža; hdyž to činja, njedeknu sudej; Khrystus, jich sudnik, čaka tak rjec hižo na nich před durjemi. — 10. Na profetow, kotřiž w Knjezowym mjenje wěrnosće wužachu, kotřež so ludžom njespodobachu, a kotřiž buchu tohodla přescěhání, hladajo, zo byšće w swojim ćerpjenju sćerpni byli. — 11. Zo sćerpnje ćerpjacych zbóžnych prajimy, zo Job swědči; Knjez sam skónči jeho ćerpjenje tak smilnje; a kaž so Knjez nad Jobom smili, tak je tak milosćiwý přećiwo wšitkim, kotřiž njewinowace ćerpja. — 12. Štóž lohy přisaha, hněwa Boha a njedeknje jeho sudej. — 13. Při zrudobje a wjeselu mamy so modlić, pak Boha khwalić, pak prosyć, pak so jemu džakować. — 15. W khorości poruča swj. japoštoł s. sakrament poslednjeho wolijowanja a wopisuje tudy huady, kotřež tónle sakrament wudźela, a kotřež je Khrystus z měšničkaj modlitwu a wolijowanjom zjednočił, hač runje nam Swjate Pismo njepowěda, hdy je so to w Knjeza stało.

byšće zbóžni byli; přetož wjele zamóže wobstajna modlitwa sprawneho.*

17. Elias bě runja nam čłowjek,* sčerpilwy a prošeše z modlitwu, zo by dešč nješoł na zemju, a dešća njeńdžeše tři lěta a šěsć mėsacow. 3.Kral. 17, 1; Luk. 4, 25.

18. A zas so modleše a njebjó da dešč a zemja da swój plód.*

19. Moji bratra, jelizo je so štó wot prawdy zabludžil a něchtó by jeho wobročil,

20. Dyrbi wědзец, zo kiž wobroci hrěšnika wot jeho bludneho puća, wumóži jeho dušu wot smjerće a přikryje mnohosć hrěchow.*



PRĚNI LIST S. JAPOŠTOŁA PĚTRA.

STAW I.

Džakuje so Bohu za powołanje k wěrje a k wěcnemu žiwjenju, kotrež pak so jeno z mnohimi prócami dobudže, wo kotrymž su profetowje wěšćili; napomina jich k čistosći žiwjenja, dokelž su z Chrystusowej krewju wumóženi.

Pětr, japoštoł Jězusa Chrystusa, wuzwolenym přikhadnikam rozpjeršenja* w Pontu, Galaciji, Kappadociji, Asiji a Bithyniji,**

2. Po předwědomosći Boha Wótca, k swjatósćenju Ducha, k poslušnosći a

pokrjepjenju krewje Jězusa Chrystusa.* Milosć a pokoj budž wam rozmnoženy.

3. Khwaleny budž Bóh a Wótca našeho Knjeza Jězusa Chrystusa, kotryž nas po swojej wulkej milosći z nowa splodži k žiwej nadžiji přez wot-mortwych-wstaće Jězusa Chrystusa,*

2. Kor. 1, 3; Ef. 1, 3.

4. K njezakhodnemu a njeznječisćenemu a njezahinitemu herbstwu, zakhowanemu w njebjesach za was,*

16. Wot čelneje khorosće wobroci so swj. japoštoł ke khorosći duše, a žada sebi, zo bychy sebi wěriwi jedyn druhemu hrěchi ponižnje wuznawali, a jedyn za druhého so modlili, zo bychy spuśćenje hrěchow dóstali. — 17. t. r. tym samym slabosćam podćisnjeny. — 18. Jakož bu Eliasowa modlitwa wuslyšana, tak naidže tež naša modlitwa wuslyšenje, hdyž so prawje dokonja. — 19. Jelizo so štó we wěrje abo w žiwjenju wot praweho puća wotwobroci a druhí jeho z modlitwu, napominanjom, powučenjom zas na prawy puć wobroci, zakhowa jeho dušu před wěcnym zahinjenjom a zasluzi sebi Božu milosć, kotraž jemu samomu přiležnosć wobradži, zo swoje hrěchi derje spóznaje, a wšitke srědky naloža, zo bychy so přikryli, t. r. spušćili.

I. 1. „Rozpjeršenje“ to su wšitke krajiny zwonka Palaestiny, w kotrychž běchu Židza žiwi, jako přikhadnicy mjez pohanami; s. Pětr pak njeměni tu jeno Židow po narodže, ale wěriwych, woprawdžity lud Boží, kotřiž maja w njebjesach, w kraju slubjenja swoju wótčinu, a kotřiž su na zemi tak rjec we wukraju, přikhadnicy a cuzbnicy. Wuzwoleni rěkaja wěriwi, dokelž jo jich Bóh tak rjec za swój lud wuzwolił a jim njebjeske herbstwo slubił. ** To su krajiny poľnóčneje Maľasije při Čornym Morju; jeno krajina Asija, t. j. Joniska, Lydiska a Kariska, je při nawječornym brjozy; tu a w Galaciji je s. Pawoł křesćansku wučbu rozšěrjał, w druhich krajinach pak s. Pětr. — 2. Wuzwolenje stawa so po Božej předwiziwosći, t. r. Bóh wě wot wěčnosće, kotři do cyrkwy zastupja, a tući su wuzwoleni; wuzwoleni so potom swjatósća přez Ducha swjateho, w poslušnosći zastupja do cyrkwy, to je do noweho sluba, kotryž bu z přećeom krjewje Chrystusoweje z Bohom učinjeny, a z tutej krewju so při zastupjenju do tohole sluba w swjatej křćeńcy tak rjec pokrjepja. — 3. Japoštoł započina z džakom přećiwó Bohu, kotryž wěriwych k žiwjenju duše a k nadžiji wěčneho herbstwa wubudži. Tole wožiwjenje ma swoju přičinu we wožiwjenju Jězusowym, w jeho wot-smjerće-wstaću. — 4. K nadžiji smy wožiwjeni, zo njebjeske herbstwo, kotrež budže wěcnje trać, dóstanjemy; nětko drje hišće wěriwi tole herbstwo njewobsedza, ale je wěsće w njebjesach za nich zakhowane.

5. Kotřiž sće z mocu Božej zakitani přez wěru k zbóžnosći,* přihotowanej, zo by so zjewiła w poslednim času,

6. W kotrymž budžeće so radować, hač runje so nětko, je-li trjeba, rudziće we wšelakich spytowanjach,*

7. Zo by wupruhowanje wašeje wěry, wjele dróžše, dyžli zloto, kotrež so z wohnjom pruhuje, so namakało ke khwalbje a slawje a česći při wozjewjenju Jezusa Khrystusa,*

8. Kotrehož njewidźawši lubujeće a do kotrehož tež nětko njewidźicy wěriće, dokelž pak wěriće, budžeće so radować z njewuprajomnej a překrasnjenej wjesołosću,*

9. Hdyž kónc wašeje wěry dóstanjeće, zbóžnosť dušow.*

10. Wo kotrež zbóžnosći slědźachu a pytachu profetowje, kotřiž wo miłosći, za was postajenej, wěšćachu,*

11. Přepytujcy, kotry a kajki čas by w nich so namakacy duch Khrystusowy pokazował, předpowědajo, kotre

čerpjenja a po nich kotre krasnosće budza w Khrystusu,*

12. Kotrymž bu zjewjene, zo nic sebi samym, ale wam poskićachu to,* štož bu wam nětko wozjewjene přez tych, kotřiž wam wopowědowachu přez Ducha swjateho z njebjes pósłaneho, do čohož pohladać jandželowje žadaju.**

13. Tohodla* wopasawši bjedra swojeje mysle, strózwj, dospólnje nadžeće so miłosće, kotraž so wam poda při zjewjenju Jezusa Khrystusa,**

14. Jakož džěci poslušnosće, nic so podobajcy prjedawšim požadosćam swojeje njewědomosće.*

15. Ale po tom Swjatym, kiž was powoła, budžeće tež wy we wšim wobkłađowanju swjeći,*

16. Dokelž je pisane: „Budžeće swjeći, dokelž ja sym swjaty.“*

3. Móž. 11, 44; 19, 2; 20, 7.

17. ▲ jeli Wótcu toho mjenujeće, kotryž bjez džiwjanja na wosoby sudži po

5. Jakož je herbstwo w njebjesach za was zakhowane, tak sće wy tudy na zemi z mocu Božej přez prawu wěru zakitani, zo herbstwa njezhubiće, kotrež je wam přihotowane, kotrež pak so w swojej krasnosći zjewi na kóncu wšoho časa, hdyž Khrystus přindže na mróčelach njebjes. — 6. Bjezkónčne wjeselo budže wam mytować na tamnym dnju Jezusoweho přikhadu, za wšitke wustate horja a prócy. — 7. Maće tohodla něštozkuli čerpieć, zo by so waša wěra jako kruta wopokazala; dokelž tajka kruta wěra je wosebniša dyžli zloto, kotrež so tež we wohnju pruhuje; při přikhadze Khrystusowym budže tajka wěra wam k slawje a česći. — 8. t. r. hač runje jeho ženje njewohladašće, lubujeće jeho tola; a hač runje jeho tež nětko njewidziće, wěriće tola do njeho; ale runje tohodla, dokelž tak kruće wěriće, budžeće jeho něhdy z njewuprajomnej wjesołosću widžeć. — 9. t. r. hdyž so wěra skónči a přeměni do widženja a zbóžnosť duše wam přinješe. — 10. Kak wosebne kubło dyrbi tale zbóžnosť być, hdyž profetowje za njej pytachu a slědźachu a tu samu připowědowachu. — 11. Duch, kiž profetam jich wědomosć wo wumóženiskim skutku podawaše, bě duch Khrystusowy, kotryž hižo před wočlowječenjom přez Ducha swjateho wumóženje přihotowaše, kotrež chcyše dokonjeć přez čerpjenje, kotrež pak powjedze k wulkej krasnosći. Profetowje sami pak so prócowachu časy wopisać, w kotrychž měješe so wumóžnik wozjewić. — 12. t. r. profetam bu wozjewjene, zo so w jich času zbóžnik njenarodži, ale pozdźišo, we wašim času. ** t. r. štož bu wot nich wěšćene, to bu wam připowědane wot japoštołow, kotrychž tón samy Duch swjaty rozswětluje, kiž profetow při wěšćenju nawjedowaše. Skutk wumóženja je tak wosebny a potajny, zo jón sami jandželowje njeznaja, ale žadaja, zo bychy jón dospólnje spóznali. — 13. S. japoštoł napomina, zo bychy za tak wulku miłosć džakowni byli za swjatym, bohabožnym a dobroćim žiwjenjom. ** t. r. w swojim zmyslenju budžeće wopasani, t. r. hotowi, so wšoho wotrjec, štož zbóžnosći zadžěwa, a nakhilnosće potłóčeć, a swoju nadźiju stajenje cyle na miłosć, kotraž so wam podawa, zo byšće při přikhadze Khrystusowym wobstali. — 14. t. r. poslušne kaznam Khrystusowym dyrbi waše žiwjenje nětko być, nic wjac podobne prjedawšim, kotrež bě poddane wšelakim hrěšnym nakhilnosćam, dokelž běšće tehdy njewědomi w duchownych wěcach. — 15. t. r. po Khrystusowym přikladze maće žiwi być, dokelž Khrystus, Najswjećiši was k nowemu žiwjenju powoła. — 16. Bóh wam poruča, zo byšće, jako jeho lud, swjeći byli.

skutku jenoho kóždého, w bojosći wobkhađžující w času swojeho přebywanja,*

5. Mójz. 10, 17; Rom. 2, 11; Gal. 2, 6.

18. Wěđzicy, zo njebušće ze zakhodnymi [kubłami], ze zlotom a slěbrom wukupjeni wot swojeho prózdného wobkhađžowanja wótcowskeho postajenja,*

19. Ale z drohej krewju Khrystusowej, jakož njewinowateho a bjezporočného jehnjeća. 1. Kor. 6, 20; 7, 23; Hebr. 9, 14; 1. Jan. 1, 7; Zjewj. 1, 5.

20. Předspóznateho drje před stworjenjom swěta, wozjewjeného pak w poslednich časach za was,

21. Kotřiž přez njeho wěriće do Boha, kiž jeho zbudži wot mortwych, a poda jemu krasnosť, zo by waša wěra a nadžija w Bohu byla.*

22. Swoje duše w poslušnosći lubosće w lubowanju bratstwa čisćicy, lubující so mjez sobu nutrnje ze swěrnej wutrobu,*

23. Z nowa rodźeni nic ze zakhodného symjenja, ale z njezakhodného, přez słowo Boha žiwého a na wěki zwostawaceho.*

24. Dokelž „wšitke mjaso je jakož

trawa, a wšitka jeho krasnosť jako kwětk trawy; trawa wuskhny a jeho kwětk wotpadny,* Sir. 14, 8; Is. 40, 6; Jak. 1, 10.

25. Słowo Knjeza pak wostanje na wěki“. To pak je słowo, kotrež bu wam wopowědowane.

STAW II.

Złožiwši wšu namysł z nowa rodźeni njech ke Khrystusej, k žiwemu kamjenjej, wěriwje přistupja, kotřiž su wuzwoleny splah, mjez tym zo běchu prjedy začisnjeni lud. Napomina, zo bychy so jako cizbnycy wšoho swětného zdžerželi, předstajenym poslušali a křiwdu sčerpnje po Khrystusowym přikładze znjesli.

Złožiwši tohodla wšitku złósc a wšitku lesc a tajeńje a zawisć a wšitke wobřećenja,* Rom. 6, 4; Ef. 4, 22; Kol. 3, 8; Hebr. 12, 1.

2. Jako runje narodžene džěci žadajće za rozomnym njekaženym mlokom, zo byšće z nim rostli k zbóžnosći,*

3. Jelizo sće woptali, zo słódky je Knjez.*

4. K njemu přistupicy jako k žiwemu kamjenjej, kiž bu drje wot čłowjekow začisnjeni, wot Boha pak wuzwoleny a česćeny,*

17. Hdyž Boha swojeho Wótca mjennjeće, dyrbiće tola so dopomnić, zo budže tón samy was tež sudzić po wašich skutkach, a doniž tohodla tudy na zemi přebywaće, mějće bojosć před tutym sprawnym sudom. — 18. Boječ maće so sprawného suda, dokelž tak wosebne hnady dóstašće, dokelž nic ze wšědnymi skutkami bušće wot hrěcha, w kotrymž běchu waši wótcjo njeplódnje, to je bjez zaslůžbow za wěčnosť žiwi, wukupjeni, ale z drohej krewju Khrystusa, kotryž so jako čiste njewinowate jehnjo za was woprowaše. — 21. Hač runje bu Khrystus wot spočatka swěta jako wopor k wumóženju čłowjekow postajeny, přiůdže wón w poslednich časach na swět, t. r. w času krótko před zničenjom swěta, was wuzwolonych dla, zo byšće wy do Boha wěřili a na jeho wšohomocy so džiwali, z kotrež wón woprowane jehnjo, t. j. Khrystusa, zas k žiwjenju abudži, a z tym wašu wěru wobkrući a nadžiju posylni, zo wón tež was wot smjerće wubudži a do njebieskeje zbóžnosće wozmjje. — 22. Zo byšće tychle hnadow hódni byli, dyrbiće swoje wutroby čisćić wot njeprawych nakhilenjow, poslušni kazni lubosće, z kotrež wšitke kaznje džeržiće. — 23. Naša lubosć k bližšemu dyrbi trajaca być, dokelž smy z nowa rodźeni z njezakhodného symjenja, t. j. ze słowa Božeho a do wulkeje swójby Božej začěpjeni, w kotrež smy mjez sobu bratřa a sotry. Přez wopowědowanje słowa Božeho přiůdžechmy k wěře, a přez wěru k žiwjenju hnady, přez kotruž buchmy z nowa rodźeni. Jakož słowo Bože, kotrež bu wam wopowědowane, wěčnje wostanje, tak dyrbi tež naša lubosć trać. — 24. Čłowjek, kiž njeje ze słowa Božeho rodženy k wyššemu, přeznatskemu žiwjenju, kiž jeno swoje přinarodžene dary naložuje, so spěšnje minje, ze wšim, štož tak dokonja, jakož trawna kwětk, kotraž z krótka wuskhnje. Štóz pak je ze słowa Božeho rodženy, wostanje, jakož tež skutki, kotrež dokonja.

II. 1. Swj. japoštoł napomina, zo bychy křescenjo jako ze słowa Božeho z nowa rodźeni přjedawše njepočinki cyle wotpožili a w njetajenjej lubosći žiwi byli a žadali za krutej cyrobu słowa Božeho, z kotrež so přecy nutrnišo z Jězusem zjednoćeja. — 2. Sće hišće džěcom runja, kotrež maja rosć a so tohodla z mlokom nasycěć; mloko, kotrež duchowne žiwjenje posylnja, je njekažene słowo Bože, za tutym dyrbja žadać, zo bychy k zbóžnosći přišli. — 3. Jelizo sće ližo woptali tele słowo Bože, kotrež wam Knjez tak rjec ze swojeho wutrobnja podawa, a tak sami začnli, kak słódky Knjez je, budžeće čím wobstajnišo za teje cyrobu žadać. — 4. Kamjeń, kotremuž maja so kručišo a kručišo přizamknýć, je Khrystus, róžkowny kamjeń, jako podložk swojeje cyrkwyje.

5. So tež wy, jako žiwe kamjenje, twarće, duchowny dom, swjate měšnistwo, zo byšće přinjesli duchowne wopory, Bohu so spodobace přez Jězusa Khrystusa.*

6. Tohodla rěka w Pismje: „Hlej, ja kładu na Sionje najwyšši różkny kamjeń, wubrany, drohotny, a štóž do njeho wěri, njebudže wohańbjeny.“*

Is. 28, 16; Rom. 9, 33.

7. Wam wěrjacym bu potajkim česć; njewěrjacym pak „kamjeń, kotryž twarcy začisnychu, tón bu różkny kamjeń sćinjeny“, Ps. 117, 22; Is. 8, 14; Mat. 21, 42; Jap. sk. 4, 11.

8. A kamjeń postorka a skała pohórška za tych*, kotriž so pohóršuju na słowje a njewěrja, k čomuž tež su postajeni.**

9. Wy pak sće wuzwoleny splah, kralowske měšnistwo, swjaty narod, lud dobyty, zo byšće wopowědowali póććiwosće toho, kotryž was ze čmy powola do swjeho spodźiwneho swěta,*

10. Kotriž něhdy njeběšće lud, nětko pak sće lud Boži, kotriž njenamakašće miłosće, nětko pak miłosć namakašće.*

Os. 2, 24; Rom. 9, 25.

11. Najlubši, napominam was* jako přikhadnikow a cuzbnikow, zo byšće so zdźerželi mjasnych požadosćow, kotře přeciwo duchej wojuja.**

Rom. 13, 14; Gal. 5, 16.

12. Mějće mjez pohanami swoje wobkhađenje dobre, zo bychy, čohoždla was wobřečuja jako zlóstnikow, hdyž was z dobrych skutkow spóznaja, Boha khwalili na dnju domapytanj.*

5. Jako so z kamjeni, kotrež so po něčim z podložnym kamjenjom zjednočaja, twar nawi, tak maće so tež wy jako žiwe kamjenje z Khrystusom we žiwej wěrje zjednočće k duchownemu twarjenju, k swjatej cyrkwi, a maće być duchowne, bohospodobne měšnistwo, kotrež ma jako měšnistwo stareho zakona Bohu wopory woprować, t. r. dobre počinki a dobre skutki, kotrež hdyž so Khrystusa dla a w zjednočenju z nim dokonjeja, so Bohu spodobaju. — 6. Zo mamy so ze žiwej wěry z Khrystusom zjednočić a nad nim so jako templ Boži twarić, je Bóh hižo přez profetu Isaiasa wozjewi dał, kotryž jeho wubrany różkny kamjeń mjenuje, tak zo žadym, kiž je na njón twarjeny, t. r. kiž do njeho wěri, wohańbjeny njebudže. — 8. Wam, kotriž do njeho wěriće, budže to k česći, wy budžeće za to wěčnje mytowani; tym pak, kotriž do njeho njewěrja, so z nim njezjednoća, ale jako różkny kamjeń jeho začisnu, budže wón kamjeń postorka a pohórška, wo kotryž so storča a padnu a wěčnje zahinu. ** Njewěrjacy pak město toho, zo bychy do słowa Božeho wěrili, pohóršuju so na nim, a maja tak wěčnu škodu na swojej duši; a runje k tomu su wot Boha postajeni, zo bychy z tym, zo so začisnu, swědčili, zo je njewěra khostanja hódna. — 9. Wy wěrjacy pak sće Bohu spodobny lud, wot njeho žohnowany jakož wuzwoleny lud Boži; sće kralowske měšnistwo, kralowsku a měšnišku hódność we sebi zjednočicy; měšnišku hódność, dokelž maće duchowne wopory Bohu woprować; kralowsku, dokelž maće knježić nad swojimi nakhilnošćemi a něhdy tež podžěl měć na knježstwje Khrystusowym nad wšěmi stworženjemi. Wy sće swjaty narod, dokelž sće přez Khrystusowu krej wučisceni wot wšeho hrěcha a Bohu swjećeni; dobyty lud, kotryž sebi Knjez ze swojej smjerću z djabolskeho wotročstwa wukupi, zo byšće toho khwalili a česćili, kotryž was ze čmy do swjeho swěta powola. — 10. t. r. kotriž njeběšće mój lud, dokelž přiboham služešće, nětko pak přez powołanje Bože bušće jeho lud, a namakašće miłosće pola Knjeza (hl. Rom. 9, 25). — 11. Japoštoł napomina nětko čitarjow k póććiwemu žiwjenju wosebje tež tohodla, dokelž su mjez pohanami živi, poruča woselje, zo bychy wšitcy wyšnosći poslušni byli (r. 13—17), zo bychy služowni podwolni byli swojim knježim (r. 18—25), zo bychy žony poslušale swojich mužů a zo bychy póććiwje žiwe byle (r. 3, 1—6), zo bychy mužjo swoje žony zańč měli (r. 7) a zo bychy so wšitcy mjez sobu lubowali (r. 8—12) a sčerpni byli, hdyž su přesćěhali sprawnosće dla (r. 13—22). ** Přikhadnicy a cuzbnicy sće na zemi, dokeli waša wótčina je njebo, za nim maće žadać, tohodla njesměće so podćisnyć mjasnym požadosćam, kotrež so prawej žadosći duše za njebojm napřećiwjeja. — 12. Pohanjo njezaprijachu dobre počinki křesćanow a tohodla wobskoržowachu jich, zo potajnje wjele zleho dokonjeja, a tohodla napomina s. japoštoł, zo bychy swoje zdźeržliwe žiwjenje z dobrymi počinkami a dobrymi skutkami zjawnje pokazowali a z tym pohanow přeswědčili, zo su jich njesprawnje suždžili, a zo bychy twó nětko Boha spóznałi a khwalili, hdyž jich domapyta, t. r. hdyž jim swoju lnađu podawa a jich rozswěta.

13. Budźće tohodla poddaći kóždemu čłowjeskemu stworjenju* Boha dla, njech je kralej, jako najwyššemu, Rom. 13, 1.

14. Njech je bohota, wot njeho poslanym ke khostanju zlóstnikow, ke khwalbje pak dobrych;

15. Dokelž to je wola Boža, zo byšće dobre činicy k mjelčenju přiwjedli njewědomosć njerozumnych ludźi,*

16. Jako swobodni, a nic jako byšće swobodu za zawěšk zlóscě měli, ale jako služownicy Boži.*

17. Wšitkich česćujće, bratstwo lubujće,* Boha so bójće, krala mějće w česći, Rom. 12, 10.

18. Služowni budźće poddaći ze wšej bojósću knježim, nic jeno dobrym a měrnym, ale tež złym.

Ef. 6, 5; Kol. 3, 22; Tit. 2, 9.

19. Přetož to je miłosć, hdyž něchtó ze swědomitosće přeciwo Bohu horja znjese, njewinowaće ćerpjo.*

20. Přetož kajka je to česć, hdyž hrěšicy znjeseće, zo sće z pjascemi bići? ale jelizo dobre činicy sćerpnje znjeseće, to je miłosć pola Boha.*

21. Přetož k tomu sće powołani, dokelž je tež Khrystus za nas ćerpjel, při-

kład wam zawostajiwši, zo byšće sćehowali jeho stopy,*

22. Kiž „hrěcha njesćini a jebanja njebu namakane w jeho rće“.* Is. 53, 9.

23. Kiž, hdyž bu hanjeny, njehanješe, hdyž ćerpješe, njehrožeše, ale so poda njesprawnje jeho sudžacemu.*

24. Kiž naše hrěchi sam w svojim čele znjese na drjewje, zo bychmy hrěcham wotemrěci, sprawnosći žiwi byli, „z jeho ranami sće zahojeni“.*

25. Přetož běšće jako bludžace wowcy, nětko pak sće wobroćeni k pastyrjej a biskopej svojich duši.*

STAW III.

Wo wobkhađžowanju mandželskich mjez sobu a wo wozdobje žónskich. Napomina k wšelakim počinkam, a zo bychy po Khrystusowym přikładze přeciwnosće znjesli, a zo bywamy přez křćenju wumóženi, po podobnosći tamnych, kotřiž buchu z Noeowej archy wumóženi.

Runja tak njech su žony poddate swojim mužam, zo bychy tež, jelizo někotři słowej njewěrja, přez wobkhađžowanje žonow bjez słowa dobyći byli,*

Ef. 5, 22; Kol. 3, 18.

2. Wopominajcy waše čiste wobkhađžowanje w bojósći.*

13. t. r. kóždemu čłowjekeje, kotryž je wam předstajeny, wědzicy, zo je to Bóh, kotryž čłowjekam nad druhimi knježić da, zo by so w čłowjeskim towarštwje tak dobry rjad zdźeržal. — 15. t. r. tajkich, kotřiž was poslušnosće dla hanja. — 16. t. r. poslušajće, nic jako tajcy, kotřiž bychy k posluhanju nuzowani byli, ale dobrowolnje, jako swobodni, a tola njesměće wo swojej swobodze tohodla přeswědčeni być, zo byšće wšelake njepočinki za dowolene měli, ale maće tak svoju swobodu naložće, zo z ujeju Bohu služite. — 17. t. r. wšitkich maće lubować, dokelž su po znanjenju Božim stworjeni; wosebje pak maće zańč měć bratrow, kotřiž su z wami we wěrje zjednoćeni. — 19. t. r. hdyž tohodla křiwdu znjese, dokelž něšto dokonja, wo čimž jemu swědomjo praji, zo je bohospodobny skutk. — 20. Hdyž sće tohodla bići, dokelž sće złe činili a hrěšili, njeje to khwalby hódne, ale hdyž so wam tohodla horja přihotuja, a wy je sćerpnje znjeseće, dokelž sće dobre činili, to je bohospodobne. — 21. K tajkemu sćerpnemu ćerpjenju sće powołani přez Khrystusowy přikład, kotryž maće sćehować. — 22. t. r. Khrystus ćerpješe cyle njewinowaće. — 23. t. r. Khrystus ćerpješe tež sćerpnje. — 24. t. r. wón ćerpješe město nas, za nas; da so ze svojim čelom na křiž přibit, zo by nas wot hrěchow wumóžil, wón přija pokutu, kotruž běchmy sebi my zaslužili. Z nim wumrěchmy tak my hrěcham, t. r. zo so naše hrěchi w jeho smjerći zničichu, a tohodla mójemy nětko w sprawnosći žiwi być a tež skutki sprawnosće dokonjeć. Rany jeho čela zahojichu rany našeje duše, naše hrěchi. — 25. W svojich hrěchach bludžešće jako wowcy bjez pastyrja, wumóženi a do Khrystusa wěricy sće pastyrja a biskopa svojich dušow namakali, kotryž je ze swojej wěrnosću a hnadu žiwi a před njepřećelom je wobara.

III. 1. t. r. jelizo maja muži, kotřiž njewěrja, hač runje so jim słowo Bože wopowěduje, dyrba so prócować z dobrymi počinkami, kotrež we wobkhađžowanju pokazuju, jich wo wěrnosći křesćanstwa přeswědčić, tak zo bychy do njeho wěrili. — 2. t. r. zo bychy widźeli, kak so wy bojiće, zo njebyšće kaznju Božu přestupili a zhrěšili.

7. Njehanja woni dobre mjeno, kotrež bu nad wani mjenowane?*

8. Jelizo pak kralowski zakon dokenjeće po pismje: „Dyrbiš swogeho bližšeho lubować jako sebje samoho“, činiće derje.*

3. Mójz. 19, 18; Mat. 22, 39; Mark. 12, 31; Rom. 13, 9; Gal. 5, 14.

9. Jelizo pak na wosoby džiwaće, činiće hrěch, a maće porok wot zakonja jako přestupjerjo.*

3. Mójz. 19, 15; Wyšo 1.

10. Štózkuľi pak by cyľ zakon dzeržaľ, w jenom jón pak přestupil, bu cyľeho winowaty.

Mat. 5, 19.

11. Přetož kiž rjekny: „Njedyrbiš mandželstwa lamać“, rjekny tež: „Njedyrbiš mordować“, jelizo mandželstwo njelamaš, morduješ pak, bu přestupjeľ zakonja.*

12. Tak rěće a tak činiće, jakož byšće počeli so sudzić přez zakon swobody.*

13. Přetož sud bjez smilnosće tomu, kotryž nječini smilnosće; smilnosć pak zběha sud.*

14. Što pomha, moji bratřa, jelizo što praji, zo ma wěru, skutkow pak nima? Móže snadž jeho wěra wozbožić?*

15. Jelizo pak staj bratr abo sotra nahaj a potrjebujetaj wšědneje cyroby, 1. Jan. 3, 17.

16. Praji pak jimaž što wot was: „Džitaj w pokoju, wohrějtaj a najěstaj so“, njedaće-li pak jimaž, čohož čělo trjeba, što to pomha?*

17. Tak tež wěra, nima-li skutkow, je mortwa sama w sebi.*

18. Ale rjeknje něchtó: Ty maš wěru a ja mam skutki, pokazaj mi swoju wěru bjez skutkow, a ja tebi pokazam ze skutkow swoju wěru.*

19. Ty wěřiš, zo je jedyn Bóh: prawje činiš, tež djaboly wěrja a třepotaju.*

20. Chceš pak wědžeć, o prózdný* čłowjeko, zo je wěra bjez skutkow mortwa?

21. Abraham, naš wótc, njebu snadž ze skutkow wosprawnjeny, woprjujo swogeho syna Isaaka na woltarju?*

1. Mójz. 22, 9.

7. Khudych, kotrychž Bóh lubuje, sebi měnje wažiće, dyžli bohatech, kotřiž was wobakoršu a mjeno Jězus, po kotrymž so wy jako jemu swjěcení mjenujeće, hanja. — 8. Zakon lubosće mjenuje so kralowski, dokelž je najwosebniši, a druge kaznje w sebi wopřija. — 9. Česćiće-li bohateho tohodla, dokelž kaznja lubosće to poruča, činiće prawje a mój porok was njetrjechi; jelizo pak jeho česćiće jeno jeho bohatestwa dla, maće hrěch, a runje zakon, na kotryž so powolaće, was wot-sudža, dokelž khudych začpiwaće. — 10. Štózkuľi w jenom zakon přestupje, a hdy by hewak wšo druge swěrnje dokonjaľ, budže khostany runje tak derje, jako by cyľ zakon přestupil. — 11. Wšě-lake zakonske postajjenja wuprajeja jenu njedžělomnu wolu Božu, štož tohodla jeničkeho keďabu nima, je njeposlušny přečiwo tutej woli Božej, a zasluži sebi tohodla khostanje. — 12. Při swojim rěčenju a činjenju mamy so po zakonu rjadować, dokelž po nim budženy snadž hižo bórny sadženi, mamy tohodla tak žiwi być, jako by so sud lnydom započinać měl. Zakon swobody mjenuje so tudy křesćanski zakon, dokelž ma so z lubosće k Bohu, kotryž nas podpjera, dokonjeť mjez tym, zo bu stary zakon z bojosće před khostanjom wobkedžbowany. — 13. Bjezsmilnje budže sudženy, kotryž sam smilny njeje; kiž pak je smilny, njebudže sudženy, njetrjeba so suda bojeć. — 14. Šwj. japoštoľ dopokazuje w r. 14—26, zo je wěra bjez skutkow mortwa, zo wěčne žiwjenje njepłodži; wěra bjez skutkow njewosprawnja čłowjeka. — 16. Jakož sobuželnosć a wobžarowanje same khudemu njepomha, tak njewjedže tež wěra sama nikoho k zbóžnosći. — 17. Jakož čělo bjez duše žiwjenja nima, džělać a skutkować njemóže, tak je tež wěra bjez duše, jelizo so w dobrych skutkach njewopokazuje; tajka wěra je w sebi mortwa, ma w sebi winu smjerće, dokelž k dobrym skutkam njehoni. — 18. Hdy by něchtó tomu rjekľ, kiž praji, zo ma wěrn, ale zo nima skutkow: pokazaj twoju wěru, njeby to móhľ, dokelž wěra pokazuje so w skutkach. Štož pak móžo skutki pokazać, ma wěsće tež wěru, dokelž hjez wěry skutki dokonjaľ njeby. — 19. Zo wěra bjez skutkow wosprawnjeć a wozbožeć njemóže, dopokazuje ze zadžerženja djabola, kiž tež wěri do Boha, ale tale wěra jeho njewumóži, wjele bóle ze strachom a bojosću napjelni. — 20. t. r. bjez dobrych skutkow. — 21. Abraham bu wosprawnjeny, dokelž swogeho syna Isaaka za wopor přinjese, to bě skutk poslušnosće; swogeho poslušneho skutka dla bu wosprawnjeny.

22. Widžiš, zo wěra jeho skutkam pomhaše, a ze skutkow bu wěra dokonjana?*

23. A dopjelnjene bu Pismo, kotrež praji: „Abraham je wěril Bohu a to přiliči so jemu jako sprawnosć“, a bu nje-nowany přecel Boži.*

1. Móž. 15, 6; Rom. 4, 3; Gal. 3, 6.

24. Widžiće, zo so čłowjek wosprawnja ze skutkow a nic z wěry sameje?

25. Njebu podobnje tež kurwa Rahab ze skutkow wosprawnjena, posłow přijawši a na druhim puću jich wupušćicy?*

Jos. 2, 8—15.

26. Přetož jakož je čěło hjez ducha mortwe, tak je tež wěra hjez skutkow mortwa.

STAW III.

Rozsądźuje hrěchi jazyka; jón prawje rjadować je čězko; přidawa rozdźěl mjez zemskéj a nje-bjeskej mudrosću.

Njebudźće mnozy wučerjo, moji bratřa, wědźicy, zo změjeće čězše sudženje.*

2. Přetož w mnohim postorkujemy wšitej.

Jelizo što w řeči njepestorkuje, tón je dokonjany muž, zamóže tež cyle čěło na wuzdže wokolo wodźić.

3. Hdyž pak konjom wuzdy do hubow dawamy, zo bychy nam powolne byle, tež cyle jich čěło wokolo wodźimy.

4. Hlej, tež lódzce, su-li wulke a wot sylnych wětrow pohrožene, wobroćeja so ze snadnym wjeslom, hdžež tlóčenje toho chce, kotryž je wjedže.*

5. Tak je tež jazyk mały stawěk, a wulkeho so khwali.* Hlej, kak mólički woheń, kak wulki lěs zapali!

6. A jazyk je woheń, swět njesprawnosće.* Jazyk je postajeny njez našimi stawami, kotryž wonječisć cyle čěło a zapyri koło našeho naroda, sam zapyrjeny wot hele.**

7. Přetož kóždy přiroda zwěrjatow a ptakow a lažatych a druhich so skludźuje a bu skludžena wot čłowčěje přirody;

8. Jazyk pak njezamóže žadyn čłowjek skludźić, njepokojne zle, polny smjertneho jědu.*

22. Abrahamowe wosprawnjenje drje mješe tež swój korjeń we wěrje, tola wěra sama wosprawnjenje njedokona, ale skutk poslušnosće, kiž bě plód wěry; a wěra sama so ze skutkom poslušnosće posylni a wudokona. — 23. Abrahamowa wěra do slubjenja Božeho, zo budže wótc mnohich ludow, bě korjeń jeho wosprawnjenja, dokelž so w podwolnej poslušnosći Bohu tohodla cyle poděsny, tak zo cheyše tež najćežši skutk dokonjeć a swojeho syna woprować, a tónle skutk bě plód wosprawnjenja, kotrež so jemu tehdy jeno njepliliči, ale kotrež bě sebi ze skutkom zaslužil a nětko hakle bu mjenowany přecel Boži. — 25. Rahab bu wosprawnjena, dokelž bu přelotowana we wotsudze města Jericho; ale tež wona, hač runje bě njepócěwa žónska, bu swojich skutkow dla wosprawnjena, dokelž bě wobhonjerjow, kotraž do slubjeného kraja přindžeštaj, zo byštaj jón zeznałoj a potom Israelitow nawjedowałoj, zakitała a mjelčo z města pušćila. Tež to bě skutk wěry, a tohodla drje móže so jeje wosprawnjenje tež wěrje připisować (Hebr. 11, 31); dokelž wěra pohnu ju k dobremu skutkej a z tutym bu jeje wosprawnjenje dokonjane.

III. 1. 2. Swjate mu japoštole so njelubi, zo so wěra, kotraž ma so w dobrych skutkach pokazować, w řečach a powučenjach wozjewja. Sami so nohcedža polěpši, ale druhich wuča, napominaja a swarja. Tohodla napomina japoštoł, zo bychy sò k wučanju nječišćeli, dokelž so z tym wjetšemu zamołwenju a kručišemu sudej wustajeja; přetož, hač runje drje so we wšelakich wěrach přehrěsimy, najčasćišo tola so z řeču překhwaťamy, tak zo tón, kotryž swój jazyk wobkneži, hač wšitke w druhich stawach čěla bydlace požadosće derje rjaduje a móže tohodla jako dospołny muž plaćić. — 4. Jakož tón, kiž ma hubu konja na wuzdže, cyleho konja wodži, jakož tón, kiž wjeslo lódzce w ruce dzerži a je wodži, cyla lódz wobroća, tak ma tež tón cyle čěło w mocy, kotryž ze swojim jazykom njehřeši. — 5. t. r. so wulcy čini z tym, štož zamóže. — 6. Tež jazyk, hač runje mały stawěk, je runja wohnjej, kiž cyla lěs zapali; tak je tež jazyk takřec swět njesprawnosći, dokelž so z nim přemnoho a wšelako hrěši. ** Jazyk wubudza wšelake požadosće a wabi k wšelakim hrěcham, z kotrymiž so čěło wonječesć, a kazy tak koło žiwjenja, t. r. cyle žiwjenje, kotrež je na koło podobne, kotrež z narodom so wjerćeć započina a potom hač do smjerće běži. Jazyk, hdyž je sam zapyrjeny wot hele, t. r. hdyž řeči lžu, zawisje, hanjenja atd., kazy čłowjeske žiwjenje wot naroda hač do smjerće. — 8. Mjez tym zo móža čłowjekoj wšitke dźiwje zwěrjata skludžeć, njemóža na swojim jazyku cyle dobyć, ale jakož jěd čłowjeka mori, tak řeči tež jazyk jědojte słowa, kotrež wjele zleho a wjele škody načinja.

9. Z nim khwalimy Boha a Wótca, a na smilnosće a dobrych płodow, nje-sudźaca, hjez tajenja.

10. Z toho samoho rta wukhadźa zohnowanje a kleće. Nima pak to tak być, moji bratřa.

11. Wuliwa dha źórło z tym samym promjenjom slódku a hórku wodu?

12. Móže dha, moji bratřa, figowc kiće njesć abo winowc figi? Tak tež slony kužoł slódkuje wody dawać njezamóže.*

13. Štó je mudry a nazhonjeny mjez wami? Njeh pokaže z dobrym wobkhadom swoje skutkowanje w čichomyslnosći mudrosće.*

14. Jelizo pak maće hórku zawisć a swarjenja w svojich wutrobach, nje-khwalće so a njelžiće přeciwo wěrnosći.*

15. Přetož to njeje mudrosć, kotraž wot horjeka přikhadźa, ale zeńska, čłowjeska, djabolska.*

16. Přetož hdžež je zawisć a swarjenje, tam je njewobstajnosć a wšón zły skutk.*

17. Mudrosć pak, kotraž je wot horjeka, je najprjedy čistotna, potom pokojna, měrna, podwolna, dobremu přikhilna, pol-

na smilnosće a dobrych płodow, nje-sudźaca, hjez tajenja.

18. Plód sprawnosće pak rozsywa so w pokoju tym, kotřiž pokoj činja.*

STAW IV.

Požadosćam njesměny posluhać, ale djablejmanmy so napřećiwjeć, a Bohu so bližić a wo nje-sebičnu lubosć so starać, njewěste wěcy Božej předwidźiwosći přewostajiwši.

Z wotkel wójny a zwady mjez wami? Nie wottud? z wašich požadosćow, kotrež wojuja we wašich stawach?*

2. Žadaće a nimaće; moriće* a zawidźiće, a njemóžeće dosahnyć; wadźiće so a wojujeće, a nimaće, dokelž njeprosyće.**

3. Prosyće a njedóstawaće, dokelž njeprawje prosyće, zo byšće [to] na swoje požadosće nałożeli.*

4. Mandželstwołamarjo, njewěsće, zo je přecelstwo tohole swěta njepřecel Boži? Štóžkuli tohodla zechce přecel tohole swěta być, hywa njepřecel Boži.**

5. Aho zda so wam, zo Pismo podarmo praji: „Ze žarliwosću lubuje Duch, kotryž we was bydlí?“*

12. Cyła přiroda wuči, zo z teje sameje přičiny sebi napřećiwne wěcy njewukhadźeja, tak tei njemóže wo prawdže jazyk tak napřećiwne skutki, jakož je khwalba a hanjenje dokonjeć, ale hdři tak wjele zleho řeči, njemóže dobre, zohnowanje a khwalenje, kotrež tež druhdy slyšeć da, wopravdžeć być. — 13. Kotřiž so k wučanju čišća, njesmědža so jeno wobarać hrěchow, kotrež so z jazykom wobědu, ale tež falšneje mudrosće, kotruž chcedža jako wučerjo rozšěrjeć. Štóž ma so wopravdžeć za mudreho, njeh to ze skutkom dopokazuje, čichomyslnje z druhimi wobkhaduju, jakož to wěrna mudrosć čini. — 14. Štóž ze swojim bližšim ze zawisću a ze zlobami wobkhaduju, a při tom za mudreho so wudawa, tón so prózdnyje khwali a lži. — 15. Wěrna mudrosć wukhadźa wot Boha; jich mudrosć pak ma swój kužoł na zemi, w nizekich čłowjeskich požadosćach abo w djabolskich wabjenjach. — 16. Hdžež zawisć a žarliwosć knježi, tam so wobstajnje dobre nje-čini, ale wšelake zle skutki, a te njepřinu wot Boha, a tohodla njemóže wot njeho tež tamna mudrosć być, kotraž je dokonja. — 18. Jakož falšna mudrosć njewobstajnosć a wšelake zle skutki płodži, tak płodži prawa mudrosć sprawnosć. Tónle plód pak jeno w pokoju, nie w njeměrje roste a zrawi, a so tym wudźeła, kotřiž pokoj lubuja a jón zakhwaće so prócuja.

IV. 1. Japoštoł spomina na kužoł njepokoj, kiž je w jich mócných nakhilenjach k swětej. wot kotrehož maja so dźělić, jelizo chcedža přecelajo Boži być a sebi jeho miłosć dobyć. — 2. t. r. hidźiće a přejeće druhim smjerć. ** Žadaće za swětnymi kubłami, za bohatstwom a česću, ale waše žadanja so njespokojja, tuž wotuća zawisć a hidženje tych, kotřiž je maja, ale to tež njepomha; tuž počinaće so wadźić a z nimi wurěčować, a z tym tež njedobudźeće, a na tymle puću k ničomu njepřinuźeće, dokelž njeprosyće. — 3. t. r. počinaće drje nětko prosyć, ale njedóstanjeće tež ničoho, dokelž prawje njeprosyće, dokelž jeno wo časne kubła prosyće, zo byšće z nimi swoje mjasne požadanja spokojili. — 4. t. r. ludźo, kotřiž Bohu slubjenu swěru zlamašće a ze swětom dźeržiće (hl. Mat. 12, 39). ** Dokelž je swět njepřecel Boži, je tež kóždy, kiž swět lubuje abo kiž je wot swěta lubowany, njepřecel Boži. — 5. Bóh lubuje čłowjeka žarliwje, t. r. žada sebi, zo jeho tež wy lubujeće, a druhim, po tajkim swětej tak rjec zawidźi a njepopřeje, hdyž jón wy lubujeće.

6. Wjetšu miłosć pak dawa, čohoždla praji: „Bóh přećiwja so hordym, ponižnym pak dawa miłosć.“*

Prisl. 3, 34; 1. Pětr. 5, 5.

7. Budźće tohodla poddaći Bohu, přećiwjeće pak so djabołej, a čeknje wot was.*

8. Bliźće so Bohu, a přibliži so wam. Wumyjće sebi rucey, hrěšnicy, a wučisćeće wutroby, dwjomyslni.*

9. Rudźće so a žarujće a plakajće; waše směchi njech so do žarowanja wobroća a wjesolosć do zrudoby.*

10. Ponižejće so před Knjezom, a powyši was.

1. Pětr. 5, 6.

11. Njewobřečujće jedyn druhého, bratra. Kotryž bratra wobřečuje abo kotryž swójeho bratra sudži, wobřečuje zakon a sudži zakon.* Jelizo pak zakon sudžiš, njejsy činićel zakonja, ale sudnik.

12. Jedyn je zakonjadawař a sudnik, kotryž zamóže zahubjeć a wumóžec.*

13. Ty pak, što sy, kiž sudžiš bližeho? Hlej nětko, kotřiž prajice: džensa abo jutře pónđžemy do tamneho města

a pobudźemy tam lěto a budźemy předać a kupować a dobudźemy,**

14. (Kotřiž njewěšće, što jutře budźe;*

15. Što dha je waše žiwjenje? para je, kotraž so na krótko zjewi a potom so zhubi); město toho, zo byšće prajili: Jelizo Bóh zechce a žiwi budźemy, sčini my to abo wono.

16. Nětko pak so khwaliće we swóych hordosćach. Kóžde tajke khwalenje je zlóšćiwe.*

17. Štóz tohodla wě, kak ma dobre činić, a je njećini, ma hrěch.*

STAW V.

Bohatym potłóčerjam khudych hrozy krute wječuje; khudych pak napomina k šćerpnosći. Přisahanju ma so čekać a khori maja so wot měšnikow z wolijom žalbować, a hrěchi mjez sobu wuznawać. Kak wjele dokonja modlitwa sprawneho. Kotřiž blůdža, maja so k wěrnosći dowjesć.

Tak dha, bohaći, plakajće žaloscicy w swójej njezbožownosći, kotraž wam přindže.*

2. Waše bohatstwo je zhnilo a waša drasta je wot molow póžrana.

6. Čim swěrnša je lubosć k Bohu, čim bohatša je miłosć, z kotrejž Bóh tle lubosć woplaća; hordym, kotřiž ze swětom dzerža, napřećiwja so Bóh, njepomha jim; ponižnych pak, kotřiž swět a jeho kubla zacpiwaju a podwolnje swój križ za Khrystusom njesu, podpjera wón wa wšim. — 7. Bóh žada sebi z prawom, zo jemu cyle slušeće, djaboł pak wabi was, zo byšće swět lubowali; budźće tohodla Bohu poddaći a napřećiwjeće so lečenjam djabola, kotryž was wopuści a na pokoj wostaji, hdyž na njeho njeposłuchaće. — 8. Djabola so wotrejknjwši, přizamkniće so Bohu z cylej dowěru, a Bóh so wam přibliži ze swójeje hnady a pomocy. Rucey pak, kotrejž w modlenju k Bohu pozlběhujeće, njesmětej znječisćenej być z hrěšnym skutkom, a wutroba njesmě džělena być mjez Bohom a swětom. — 9. Tež hrěšna zańdženosć ma so zarunać, dotalnu njeswěru a swětnu wjesolosć maće woplakować a wobžarować. — 11. Japoštoł napomina, zo njebychu druhich, wosebje tamnych, kotřiž běchu k swětej nakhileni, khroble sudžili, dokelž štóz bližšeho wobřeći abo tak khroble sudži, sudži zakon lubosće, kotryž bližšeho zakituje; ze swójim wobřečenjom chce tak rjec zakon za njeprawy wudawać, dokelž tón bližšeho zakituje, kotrehož wón sudži; štóz zakon sudži, njeje, štož ma być, činićel zakonja, ale pozběha so z njeprawdu jako jeho sudnik. — 12. Bóh sam, kiž je zakon dał, je tež jeho sudnik; wón ma tež móc, to wuwjesć, štož rozsudži: tych, kotřiž zakon přestupja, wěćnje zahubić, tych, kotřiž jón dokonjeja, wěćnje wozbožić. — 13. t. r. što je tebi prawo dał, zo, hač runje sam słaby a hrěšny čłowjek, bližšeho sudžiš? ** Japoštoł napomina w r. 13—17, zo njebychu k sebi samym tak njepraweje dowěry měli, a tak lěta dolho sami, bjez džiwanja na Boha, do přědka postajeli, što započnu, hdyž ani njewědža, što móže so jutře z nimi stać. — 16. Štóz při wotphladanjach Boha we woćomaj nima, ale jeno na sebje samoho twari, je hordy čłowjek a tajka khwalba je zła, dokelž přěje, zo smy wot Boha wotwisni. — 17. Štóz wě, zo bjez Boha ničoho njezamóže, ale so tak zadžerži, jako by wšo sam dokonjał, hrěši z hordosću.

V. 1. Japoštoł napomina, zo so bohatstwo njeby přewjele wažiło, pokazujo na wabjacu móc bohatstwa, kotraž mnohich k pyšnemu a k njeprawnemu žiwjenju wjedže a khostanje Bože na nich přinjese; tohodla maja bohaći skerje plakać stracha dla, w kotrymž su žiwi.

3. Waše złoto a slěbro je zezerzawilo a jich zerzawina budźe k swědčenju přećiwo wam a zežerje waše mjaso jako woheń; nahromadźišće sebi hněw w poslednich dnjach.*

4. Hlej, mzda dželaćerjow, kotřiž pónjechu waše zahony, kotraž bu [jim] wot was wotcěhnjena, woła, a jich wołanje je zastupilo do wušow Knjeza wójskow.*

5. Kwasowali sće na zemi a z radoscemi nasyceli swoje wutroby na dnju zabića.*

6. Wotsudźišće a morišće sprawneho a njeprěciwja so wam.*

7. Budźće tohodla sćerpni, bratřa, hač do Knjezoweho přikhada. Hlej, rólnik wočakuje drohi plód zemje, sćerpnje njeso, doniž dóstanje zahi a pózdny dešć;*

8. Tohodla budźće tež wy sćerpni, a wohkrućejće swoje wutroby, dokelž Knjezowy přikhad je so přibližil.*

9. Njezdychujće, bratřa, jedyn přećiwo druhemu, zo byšće sudženi njebyli. Hlej, sudnik stoi před durjemi.*

10. Wzmieće sebi, bratřa, za přiklad zleho skónčjenja, ćerpjenja a sćerpnosće profetow, kotřiž su rěčeli w Knjezowym mjenje.*

11. Hlejće, prajimy tych zbóžnych, kotřiž wutrachu. Wo Jobowej sćerpnosći sće slyšeli a Knjezowy kónce sće widźeli, dokelž smilny je Knjez a milosćiwý.*

12. Předewšim pak, moji bratřa, njeprisahajće ani na njebo, ani na zemju, ani kajkužkuli druhu přísahu. Waša rěč budź: Haj, haj; ně, ně, zo byšće njeпадnyli do wotsudžjenja.*

Mat. 5, 34.

13. Rudźi so što mjez wami? njech so modli; je spokojny? njech spěwa.*

14. Je što khory mjez wami? njech powoła měšnikow cyrkwy, a njech so nad nim modla, žalbuje jeho z woljom w Knjezowym mjenje.

15. A modlitwa wěry spomha khoromu a Knjez jemu položi, a je-li w hrěchach, spušća so jemu.*

16. Wuznawajće dha jedyn druhemu swoje hrěchi a modlće so za sebję, zo

3. Japoštoł wopisuje zrudny wotsud bohatstwa; kubla, z kotrymiž so hordžachu, su so mnyli, tež bohaći sami, jich mjaso, zahinje bolosćiwje, jako z wolnjom; ze swojim bohatstwom nahromadźichu sebi tež hněw Boži, kotryž jich wotsudzi a khosta. — 4. Njesprawnosće, kotraž bohaći při potłórowanju khudych wobendžechu, žadaja Knjeza wójskow, zo by jich khostał. Přikhad tajkeje njesprawnosće je přikrótsenje mzdy dželaćerjow, kotřiž dyrha za bohatych žně domoj dželać a při tom nuzu ćerpje. — 5. Mjez tym, zo Knjez na skórhly khudych přećiwo bohatym posluha, su tući pyšnje a hrěšnje žiwi hač na samy dzeń, na kotrymž jich Knjez khosta, runja skotej jich zabije, t. r. bjez smilnosće jich mori. — 6. Bohaći khudych tež njesprawnje wobskoržuja a wotsudzeja, haj hdyž hinak swoje wotpohladanje wuwjesć njemóža, jich tež morja. Khudzi sami drje so jim njemóža přećiwjec, ale za to pokhosta jich syluiši, Bóh. — 7. Khudych napomina k sćerpnosći; jakož rólnik cyłu zymu a cyłe nalěco na žně čaka, tak maja tež khudzi sćerpnje na mazu svojich horjow čakać. W rańšim kraju je nazymny syw w novembu dokonjany, a nětko dze dešć, to je zahi dešć, kiž přez januar traje; tu započina so nalěco a kónce měrca hač do srjedi hapryla dze zaso dešćik, to je pózdny dešć, a potom su žně. — 8. Njebudža dolho čakać trjebać, dokelž čas Knjezoweho přikhada je blisko; móžemy při tom na zapusćenje Jeruzalema myslić, to bě sud Boži nad Židami. — 9. Tež počišćení móža zhrěšić, hdyž mjez sobu skorža, a ze swojimi sdrchowanjemi svojich bližich wobskoržuja a sudža; hdyž to činja, njećeknu sudej; Khrystus, jich sudnik, čaka tak rjec hižo na nich před durjemi. — 10. Na profetow, kotřiž w Knjezowym mjenje wěrnosće wučachu, kotraž so ludžom njespodobachu, a kotřiž buchu tohodla přesćhání, hladajec, zo byšće w swojim ćerpjenju sćerpni byli. — 11. Zo sćerpnje ćerpjacych zbóžnych prajimy, za to Job swědči; Knjez sam skónči jeho ćerpjenje tak smilnje; a kaž so Knjez nad Jobom smili, tak je tež milosćiwý přećiwo wšitkim, kotřiž njewinowaće ćerpja. — 12. Štóž lohcy přísaha, hněwa Boha a njećeknje jeho sudej. — 13. Při zrudobje a wjeselu mamy so modlić, pak Boha chwalić, pak prosyć, pak so jemu dżakować. — 15. W khorosći poruča swj. japoštoł s. sakrament poslednjeho wolijowanja a wopisuje tudy hnady, kotraž tónle sakrament wudźela, a kotraž je Khrystus z měšniskej modlitwu a wolijowanjom zjednočił, hač runje nam Swjate Pismo njepówěda, hdy je so to wot Knjeza stało.

byšće zbóžni byli; přetož wjele zamóže wobstajna modlitwa sprawnego.*

17. Elias bě runja nam čłowjek,* sčerpilwy a prošese z modlitwu, zo by dešč nješo! na zemju, a dešća njeńdžeše tři lěta a šěsć mėsacow. 3.Kral. 17, 1; Luk. 4, 25.

18. A zas so modleše a njebo da dešč a zemja da swój plód.*

19. Moji bratra, jelizo je so što wot prawdy zabłudził a něchtó by jeho wobročil,

20. Dyrbi wědžeć, zo kiž wobroci hrěšnika wot jeho bludneho puća, wumóži jeho dušu wot smjerće a přikryje mnohosć hrěchow.*



PRĚNI LIST S. JAPOŠTOŁA PĚTRA.

STAW I.

Džakuje so Bohu za powołanje k wěrje a k wěcnemu žiwjenju, kotrež pak so jeno z mnohimi prócamy dobudže, wo kotrymž su profetowje wěšćili; napomina jich k čistosći žiwjenja, dokelž su z Chrystusowej krewju wumóženi.

Pětr, japoštoł Jězusa Chrystusa, wuzwolenym přikhadnikam rozpjeršenja* w Pontu, Galaciji, Kappadociji, Asiji a Bithyniji,**

2. Po předwědomosći Boha Wótea, k swjatosćenju Ducha, k poslušnosći a

pokrjepjenju krewje Jězusa Chrystusa.* Milosć a pokoj budž wam rozmnoženy.

3. Khwaleny budž Bóh a Wóte našeho Knjeza Jězusa Chrystusa, kotryž nas po swojej wulkej miłosći z nowa splodži k žiwej nadžiji přez wot-mortwych-wstaće Jězusa Chrystusa,*

2. Kor. 1, 3; Ef. 1, 3.

4. K njezakhodnemu a njeznječisćenemu a njezahinitemu herbstwu, zakhowanemu w njebjesach za was,*

16. Wot čělnje khorosće wobroci so swj. japoštoł ke khorosći duše, a žada sebi, zo bychu sebi wěriwi jedyn druhemu hrěchi ponižnje wuznawali, a jedyn za druhého so modlili, zo bychu spušćenje hrěchow dostali. — 17. t. r. tym samym slabosćam podčisnjeny. — 18. Jakož bu Eliasowa modlitwa wuslyšana, tak nańdže tež naša modlitwa wuslyšenje, hdyž so prawje dokonja. — 19. Jelizo so što we wěrje abo w žiwjenju wot praweho puća wotwobroci a druhu jeho z modlitwu, napominanjom, powučenjom zas na prawy puć wobroci, zakhowa jeho dušu před wěčnym zahinjenjom a zasluzi sebi Božu miłosć, kotraž jemu samomu přiležnosć wobradži, zo swoje hrěchi derje spóznaje, a wšitke srědky naloža, zo bychu so přikryle, t. r. spuščile.

I. 1. „Rozpjeršenje“ to su wšitke krajiny zwonka Palaestiny, w kotrychž běchu Židza žiwi, jako přikhadnicy mjez pohanami; s. Pětr pak njeměni tu jeno Židow po narodže, ale wěriwych, woprawdžity lud Boží, kotřiž maja w njebjesach, w kraju slubjenja swoju wóćinu, a kotřiž su na zemi tak rjec we wukraju, přikhadnicy a cuzbnicy. Wuzwoleni rěkaja wěriwi, dokelž je jich Bóh tak rjec za swój lud wuzwolił a jim njebjeske herbstwo slubił. ** To su krajiny pońóčneje Małasije při Čornym Morju; jeno krajina Asija, t. j. Joniska, Lydiska a Kariska, je při nawječornym brjozy; tu a w Galaciji je s. Pawoł křesćansku wučbu rozšěrjał, w druhich krajinach pak s. Pětr. — 2. Wuzwolenje stawa so po Božej předwidiwosći, t. r. Bóh wě wot wěčnosće, kotři do cyrkwe zastupja, a tuči su wuzwoleni; wuzwoleni so potom swjatosća přez Ducha swjateho, w poslušnosći zastupja do cyrkwe, to je do noweho sluba, kotryž bu z přećecom krjewje Chrystusoweje z Bohom sčinjeny, a z tutej krewju so při zastupjenju do tohole sluba w swjatej křćenicy tak rjec pokrjepja. — 3. Japoštoł započina z džakom přećiwo Bohu, kotryž wěriwych k žiwjenju duše a k nadžiji wěčného herbstwa wubudži. Tole wóziwjenje ma swoju přičinu we wóziwjenju Jězusowym, w jeho wot-smjerće-wstaću. — 4. K nadžiji smy wóziwjeni, zo njebjeske herbstwo, kotrež budže wěčnje trać, dóstanjemy; nětko drje hišće wěriwi tole herbstwo njewobsedza, ale je wěsće w njebjesach za nich zakhowane.

17. Přetož přijawši wot Boha Wótca česć a krasnosć, hdyž so jemu tónle hlós wot wulkotneje krasnosće sta: Tónle je mój lubowany syn, na kotrymž mam swoje spodobanje, toho poslušajće.*

Mat. 17, 5.

18. A tutón hlós, kiž z njebyes přinǵe, my slyšachmy, hdyž běchmy z nim na swjatej horje.

19. A mamy kručiše profetiske słowo, derje činiće, na nje keǵzbujcy, jako na swěcu w čemnym měsće so swěćacu, doniž džen njezaswita a jutna hwězda njezeskhadza we wašich wutrobach.*

20. To najprjedy spóznajcy, zo žane profecenje Pisma ze samotnym wuloženjom so njestawa.*

2. Tim. 3, 16.

21. Přetož ženje njebu po čłowjeskej woli profecenje poskićene, ale wot Ducha swjateho pohnući su swjeći mužojo Boží řečeli.*

STAW II.

Falšni profetowje zawjedu mnohich, ale kruće budza khostani, jakož so to sta złym w času potepjenja a Sodomskim. Přinǵe pak [to same khostanje] na złe počinki tych, kotřiž su wot złych požadosći wobknuženi.

Běchu pak tež falšni profetowje mjez

ludom, jakož budza tež mjez wami zehlani wučerjo, kotřiž zahubne rozšćepjenja zawjedu a toho, kotryž jich wukupi, Knjeza, zapřewaju, sebi samym spěšne zahubjenje přihotujcy.*

2. A mnozy budza jich njehańbitosće scělować, přez kotrychž budže puć prawdy hanjeny.*

3. A z nahramnosće budza z jebačnymi słowami wot was dobytk pytać, kotrychž sud so wot dawna hižo njekomdži, a jich zahubjenje njedrěma.*

4. Přetož Bóh jandželam, kotřiž běchu zhrěšili, njespući, ale jich z rječazami hele do bjezdna zastorčiwiš k čwilowanju poda, zo bychu za sud skhowani byli.*

Jan. 4, 18; Jud. 6.

5. A tež přenjoťnemu swětej njespući, ale jako wosmeho Noea, předarja sprawnosće wukhowa, swětej bjezbóžnikow potepjenje pósławši.*

1. Mójz. 7, 1.

6. A města Sodomskich a Gomorrhskich do popjela wobroćiwši wotsudži ze zapusćenjom, přiklad za tych postajiwši, kotřiž budza bjezbóžnje žiwi;

7. A sprawného Lota, počišćaneho

17. Za swědkow nas Khrystus wuzwoli, hdyž bu na horje překrasnjeny a hlós Boží sam wozjewi, zo je wón lubowany Syn Boží. Wulkotna krasnosć, t. j. Bóh w swojej wulkotnej krasnosći. — 19. Krasnosć, w kotrejž Zbóžnika na horje wuhladachmy, rukuje nam, zo jeho tež přichodnje w krasnosći wuhladamy; hišće wěšćišo rukuja nam to profecjenja stareho zakonja, kotřež we Messiasowej krasnosći wěšćachu; na tute keǵzbujće, dokelž su za was w čemnosći tutoho žiwjenja jasna swěća; na nje keǵzbujcy budžeće we wěrje wobkrućeni, a tak zaswita za was we wěstosći wěry jutna hwězda a jasny džen, t. r. spóznajeće jasnje wěrnosće wěry a zradujuće po nich swoje žiwjenje. Ale tež sama jasnosć, kotraž wěstosć wěry plóǵǵi, njehodži so přirunać z tamnym swětlom, kotřež Knjez rozšěri, hdyž sam přinǵe. — 21. Profecjenja s. Pisma njenastachu z tym, zo profetowje sami wot so znamjenja přichodného časa wuložowachu, tež njewukhadza tajke wuložowanje wot druhich čłowjekow, ale tamni swjeći mužojo wopowědowachu to, štož jim Duch swjaty spóznac dawaše; wot Ducha swjateho rozswěćeni a wóǵzeni woni přichodne podawki wěšćachu.

II. 1. Nic jeno wěrní, ale tež falšni profetowje mjez Židami wustupowachu a wudawachu swoje samotne wučby a měnjenja za wěrnosće Bože. Tajcy bludni wučerjo wustupja tež mjez wami, kotřiž budza Khrystusa a jeho wumóžeński skutk ponižće, a sebi samym wosebite zaslubny připisowac. Njeptipóznawaja tež jeho knježstwo, hač runje je jich tola wukupiť, njehadza so ni komu počišćnyć, ale chcedza po swojej woli a nakhilnosći žiwi býć, a runje tak khwataja k swojemu zahinjenju. — 2. Njehańbitosće, kotřež po svojich nakhilnosćach woběndu a kotřež jako dowolane wudawaju, dobudu jim mnohich, kotřiž budza runje tak žiwi, a puć prawdy, t. r. pócěwne žiwjenje budže so přez nich hanić. — 3. Ze zeľhanymi słowami was zawjedu, zo bychu swójeho wuńiša hladali; su pak hižo sudženi, a wěčne zatamanje so na nich w krótkim dóńǵe. — 4. Hdyž Bóh njeposlušnych jandželow do hele zastorči, a tu tak rjec z rječazami wuspinanych na džen suda khowa, njespući tež njeposlušnym čłowjekam jich spjećiwosć. — 5. Tohorunja pokhosta Bóh hrěšniwosće dla cyły starý swět, jeno Noea a sydow stawow jeho swójbý zakhowawši.

z njeprawdu njekmanikow a njehańbić-
wym wobkhadom, wutorhny;*

8. Přetož po widženju a słyšenju bě
sprawny, přebywajo pola tych, kotřiž
džen wote dnja sprawnu dušu z knižom-
nymi skutkami čwilowachu.*

9. Knjez zamóže pobožnych ze spyto-
wanja wutorhnyć, bjezbóžnych pak za
sudny džen skhować k čwilowanju;

10. Wosebje pak tych, kotřiž za mja-
som w požadosći nječistoty khodža a
knježstwa zaczywaju, khrobli, hordži nje-
boja so rozščěpjenja zawjedować ha-
nicy,*

11. Hdžež jandželojo, hač runje su po
sylnosći a mocy wjetši, žanoho hanib-
neho suda přećiwo sebi njewuprajeja.*

12. Tući pak, jakož njerozomne zwě-
rjata, kotrež su wot přirody k lójenju a
rězanju, hanicy, štož njeznaja, zahinu
w svojim skaženju.*

13. Dóstawajcy mzdu njesprawnosće;
dokelž maja za wjeselo wokřewjenja dnja;
wopluski a nješwary we wokřewjenjach

so kormja, w svojich hosćinach z wami
kwasujcy,*

14. Woći polne mandželstwalamanja
a njenasyćomneho hrěcha, wabicy nje-
wobstajne duše, wutrobu majicy wu-
wučenu w nahramnosći, džěći zakleća.*

15. Wopušćicy prawy puć zabłudžichu
so, sčěhujcy puć Balaama, Bosoroweho
syna, kotremuž so mzda njesprawnosće
lubješe,*

Jud. 11.

16. Ale khostanje dósta za swoju blaz-
nosć; něma wóslica, na kotrejž sedžeše,
z čłowječim hłosom rěčicy, wobaraše pro-
fetowej njemudrosći.*

4. Mójs. 22, 28.

17. Tajcy su studnje bjez wody a mró-
čele z wichorami honjene, kotrymž je
najtolsa čma zakhowana.*

18. Přetož pyšne słowa prózdnosće
rěčicy, wabja w mjasnych požadosćach
njehańbitosće tych, kotřiž lědma ček-
nychu w bludže khodžacym,*

19. Swobodnosć jim lubicy, mjez tym
zo su sami wotročcy skaženja; přetož

7. Tež čózke khostanje, kotrež so na měsće Sodoma a Gomorrha pósla, wući zjawnje, što maja
wočakować, kotřiž su bjezbóžnje žiwi; jeno sprawného Lota, kiž měješe w tamnym złym wobkha-
dowanju wjele wustać, wumóžiwši. — 8. t. r. ani zły přikład, kotryž widžeše, ani njekhmane rěče,
na kotrež dyrbiše posłuchać, njezawjedžechu jeho k złemu, dokelž bě jeho duša cyle sprawná. —
10. t. r. hdyž Knjez njesprawnych za sudny džen k sprawnemu khostanju postaja, njewostaji tam-
nych, kotřiž při njepóćiwym žiwjenju bohahanjace wučby rozšěrjeja, a wyšnosći, wosebje Khry-
stusej so počínysć njehadža, bjez khostanja. — 11. Khroblosć tutech bohahanjacych wučerjow
wuzběhuje z tym, zo na jandželow pokazuje, kotřiž čłowjekow po mocy přetrječja a tola sebje
njesudža a njehanja, čím čozo zhrěši čłowjek, kotryž so zwaži, Boha hanić. 8. japoštoł ma tu
s. Michała we wočomaj, kotryž ze złym jandželom wo Mójsesowe čělo wojujo hanjenja njewupraji
(Jud. 9). — 12. Jakož zwějrjata, kotrež su k tomu stworjene, zo bychu so lóžiše a rězaše a wot
čłowjekow jako cyroba wužiwaše, tomu njewuńdu, tak nječeknu tež wěčnemu zahinjenju tući bludni
wučerjo, dokelž hanja, štož njerozemja. — 13. Jich njesprawnosć wosebje w tom wobstoi, zo
druheho wjesela njepytaju, dyžli wokomiknite mjasne wokřewjenja, su tohodla sami nješwary mjez
čłowjekami, a hanba za nich. Same nabožne hosćiny, kotrež přeni křesćenjo ze swj. woporom a
ze swjatym woprawjenjom wuhotowachu, zo by so cyla swjatočnosť poslednjeje wječeri runała, na-
ležuja tući ludźo k njepoměrnemu kwasowanju. — 14. Ze swojimi woćmi pokazuja swoju zlu nje-
spokojomnu požadosć za hroznymi hrěchami nječistoty a wabja k nim słabych čłowjekow; tež su
wuwučeni, z čim bychu móhli sebi něšto dobyć, su to čłowjekajo, wěčného zatamanja hódni. —
15. Jakož bu wěšćer Balaam za pjenjezy wot moabskeho krala Balaka k tomu powołany, zo by
israelskemu ludje kłal, hač runje wědžeše, zo jón Bóh žohnuje, tak rěča tež tući wučerjo přećiwo
předže, jeno zo bychu z tym něšto dobyli. — 16. Balaamej pak Bóh slěd njedowoli, ale pokhosta
jeho z tym, zo wóslica, na kotrejž sedžeše, rěčeć započa a so mudřiša wopokaza dyžli profeta, do-
kelž widžeše jandžela Božeho, kotryž profetaj do puća stupi, kotrehož pak tutón njewidžeše, dokelž
běštej jeho woći začěmnjenej. — 17. Studnja, kotraž wody nima, a mróčele, kotrež deščika nje-
dawaja, jebaja čłowjekow, a to činja tež tući wučerjo, kotřiž wěrnosć lubja a tola wopačne wučby
rozšěrjeja; za tajke jebanje budža khostani w najtołšej čmi. — 18. Z hordymi prózdnymi słowami
wabja tajcy wučerjo, kotřiž su w mjasnych wokřewjenjach, tych k sebi, kotřiž so runje pohanskeho
bludu wotrjeknychu, a kotřiž su tohodla hišće we wěrze a křesćanskich počinkach slabi.

wot kohož bu štó přewinjeny, toho je tež služownik.* Jan. 8, 34; Rom. 6, 16. 20.

20. Přetož hdyž, čeknywši nješwaram swěta w spóznaću našeho Knjeza a Zbóžnika Jězusa Khrystusa, so w nich z nowa zaplěceni předobrywaju, stachu so jich poslednje wěcy hórše dyžli přenje.*

Hebr. 6, 4; Mat. 12, 45.

21. Přetož lěpje by za nich było, zo bychy puć sprawnosće njespóznali, jako hdyž po spóznaću so zas wotwobročichu wot teje swjateje kaznje, kotraž bě jim data.*

22. Přetož jim je so stało to, štož wěrne přisłowo praji: pos je so k swojemu wublancej wrócił, a: swinjo wumyte wala so w blóće.* Přisl. 26, 11.

STAW III.

Někotrych směšerjow dla, kottřž druhi Knjezowy přikhad přěja, dopokazuje přichodne wobnowjenje swěta, hdyž Knjez w krótkim a njewočakany přindže; napomina, zo bychy so k tomule přikhadaj přitowali, khwali Pawołowe spisy, kotrež njewučeni kaža.

Hlejeć, najlubši, tónle druhi list wam pisam, w kotrymž z napominanjom wubudžam wašu wěrnú mysl,

2. Zo byšće spominali na tamne słowa, kotrež předpowěch wot swjatych profetow a wašich japoštołow, přikaznje Knjeza a Zbóžnika;*

3. To najprjedy wědzicy, zo w poslednich dnjach směšerjo w jebanju přindu, khodžicy po swojich samotnych požadosćach,*

1. Tim. 4, 1; 2. Tim. 3, 1; Jud. 18.

4. Prajicy: Hdže je slubjenje abo jeho přikhad? přetož potom hač wótcy wusnychu, zwostawa wšitko [jakož] wot spočatka stworjenja. Ezech. 12, 17.

5. Přetož kottřž to chcedža, njewědža, zo běštej prjedy njebjo a zemja z wody a přez wodu wobstojacej ze słowom Božim,

6. Pře čož tehdomniši swět z wodu potepjeny zahiny.*

7. Njebjo pak, kotrež nětko je, a zemja buchu přez to same słowo wołożene, za woheń zakhowane na džen suda a zahubjenja bjezbóžnych ludźi.*

8. Tole jeue pak wam njewostań potajne, najlubši, zo je jedyn džen pola Knjeza jako tysac lět, a tysac lět jako jedyn džen.*

19. t. r. zawjedu jich wosebje z tym, zo jim swobodu lubja, zrozýmja pak z tym samowolnosť, kotrež móža kaznje Bože a winowatosće křesćanskeho žiwjenja po swojim spodobanju naložować; wěrnú swobodu njemóža lubić, dokelž su sami přewinjeni wot mjasnych nakhilnosťow, a tohodla wotročcy tutych. — 20. Buchu jónu, hdyž we wěrje Knjeza a Zbóžnika spóznachu, z tamneho wotročstwa wumóženi; dadža-li pak so nětko z nowa wot hrěšnych nakhilnosťow, kajkež w swěće knježa, přewinyc, su so jako wosebiće slabi wopokazali a tohodla su bóle k wobšarowanju, dyžli prjedy. — 21. Lóžše zamolwjenje bychy měli, hdy bychy křesćansku wěru njespóznali, jako hdyž ju přijawši zas přěja, a žiwi su přečiwu kazni, kotraž měješe jich k swjatosci dowjesć. — 22. K prjedawšim hrěcham so wróciwši, su psej runja, kiž to zas žerje, wot čohož bě skhorjel, a štož bě tohodla wubluwał; su swinjom runja, kotrež so zas do blóta lehnu, hdyž buchu runje wumyte.

III. 2. Swj. japoštoł chce dobru, za wěrnosć žadosćiwu mysl swojich čitarjow z tym wubudzić, zo jich dopomina na słowa profetow, kotrež Knjezowy druhi přikhad wěšća a na kaznje, kotrež je Knjez dawał a kotrež su japoštołoj wopowědowali, zo bychy wěriwi na Knjezowy přikhad čakajcy bohospodobnje žiwi byli. — 3. Směšerjo přindu w dnjach před druhim Knjezowym přikhadom, zo bychy druhich jebali, prajicy: slubjenje so njedopjelni, Khrystus njepřindže, kaž bě to slubě, z mocu a majestosću; a slubjeny nowy rjad so njezawjědže, dokelž wot časa jow, w kotrymž waš wótcjo wumřechu a w kotrymž bu to prajene, je wšo při starym wostało, jakož je było wot stworjenja swěta sem a tak wostanje tež přichodnje. — 6. Kottřž tak rěča, njedopomnja so, zo so swět wot spočatka sem jónu přeměni, mjenujcy z lijeńcu, w kotrež so potepi. Tehdy swět z wodu zahiny, jakož bě přez słowo Bože z wody nastał. — 7. Jakož bě za stary swět postajene, zo dyrbyež z wodu zahinyc, tak je za nětčiši swět přez to same słowo Bože postajene, zo ma z wohnjom zahinyc, a to so stanje na sudnym dnu, hdyž budža so khostać bjezbóžni ludźo. — 8. Z toho, zo so Knjez so swojim přikhadom komdži, njescěhuje, zo z cyta njepřindže, dokelž Bóh njeměri čas, jakož my; pola njeho je wšo w tom samym wokomiknjenju přitomne, zaždžitosć a přichodnosť.

9. Knjz njekomdži so ze swojim slubjenjom, jakož někotři za to maja, ale je dolhomyslny was dla a no chce, zo by što zahynł, ale zo bychy so wšitcy k pokoju wróćili.*

10. Přińdže pak jako paduch Knjzowy dzeń, na kotrymž njebjesa so z wulkim šumjenjom pominu, žiwjele pak z horcotu rozwjazaja, zemja pak a skutki, kotrejž su na njej, so spala.*

1. Thes. 5, 2; Zjewj. 3, 3; 16, 15.

11. Hdyž potajkim ma wšitko to so rozwjazac, kajcy maće wy byc w swjatych wobkhažowanjach a pobožnosćach,

12. Wočakujcy a khwatajcy k přikhađej Knjzoweho dnja, na kotrymž njebo so palo rozpadnje a žiwjele z horjom wohnja rozběhnu?*

13. Nowe njebjesa a nowu zemju po jeho slubjenju wočakujemy, w kotrychž sprawnosć bydli.*

Is. 65, 17; 66, 22; Zjewj. 21, 1.

14. Tohodla, najlubši, to wočakujcy prócujće so, zo byšće bjez nješwary a bjez poroka před nim namakani byli w pokoju,*

15. A dolhomyslnosć našeho Knjeza za zbóžnosć měli, jakož wam tež naš najlubši bratr Pawoł po jemu datej mudrosći napisa,*

Rom. 2, 4.

16. Jakož tež we wšitkich listach, wotom* we nich rěčo, w kotrychž je něštožkuli čezcy zrozumić, štož njewučeni a njewobstajni (ludžo) kaža, jakož tež druhe Pisma k swojemu samsnemu zahubjenju.**

17. Wy tohodla, bratřa, to do přédka wěđzicy,* so hladaće, zo byšće z błudom njemudrych zawjedźeni, ze swojeje wobstajnosće njewupadnyli.**

18. Rosćeće pak w miłosći a spóznaću našeho Knjeza a Zbóžnika Jězusa Khrystusa. Jemu budź česć nětko a na džen wěčnosće. Amen.

9. Hdyž so Knjz ze swojim přikhadom komdži, njestawa so to tohodla, zo by slubjenje dopjelně njechał, ale dokelž je was dla dolhomyslny, wam čas k nakazanju podawajo, zo byšće k zhubjenju nješli, ale zo byšće wšitcy zbóžni byli. — 10. Njenadźicy, jako paduch, přińdže Knjzowy t. j. sudny dzeń, njeproradnje a z mócnym hołkom njebjeske hwězdy khodźić počnu a žiwjele swěta so zahorja a zemja ze wšěmi stworjenjemi so spali. — 12. Dokelž cyły swět tak zahinje, njesměće za swětowymi kubłami a wjeselemi žadać, ale swjeće, pobožnje žiwi byc, zo byšće přikhad Knjeza, před kotrymž samo njebo njewobstoi, bjez bojosće, haj z radoscu wočakować móhli. — 13. Hdyž sće swjeće a pobožnje žiwi, móžće Knjzowy přikhad w pokoju wočakować, dokelž po slubjenju Božim nastanje nowe njebo a nowa zemja, w kotrymajž hrěcha njebudže, ale sprawnosć, dokelž jeno sprawni budža w nimaj bydlić. — 14. Prócujeće so tohodla, zo by Knjz was bjez poroka a hrěcha nadešoł, hdyž přińdže, budžće w pokoju z Bohom a čłowjekami žiwi, a wužijće Knjzowu dolhomyslnosć k swojemu wěčnemu zbožu. — 15. Swj. Pětr měni tu najskeře Pawołowy list na Efeških, kotryž bě tež na druhe wokołne wosady pisany. — 16. t. r. wot poslednich wěcach čłowjekow a wo přihotowanju na nje. ** Po zdaću buchu spisy swj. Pawoła znjewužiwane k wobkrućenju błudnych wučbow, najskeře přede wšim jeho słowa, zo křesćan njeje we wšim židowskem zakonju poddaty. Swjate Pismo njeje potajkim wšudžom tak jasne, zo móže je kóždy sam dorozumić a z njeho spóznać, što ma wěrić; ale je čěmne a čezko zrozumić, a móže so tohodla wopažnje naložować, nie jeno wot zlych čłowjekow, ale tež wot njewučenyh a we wěrje slabych. Tohodla maja wěriwi s. Pismo pod nawjedowanjom cyrkwy čitać, dokelž cyrkwy wukładuje s. Pismo po wučbje s. wótcow. — 17. Wěđzicy, zo tajke błudy nastanu. ** Hladaće so, zo byšće, zawjedźeni wot błudnych wučerjow, we wěrje, w kotrejž sće nětko tak wobkrućeni, njewoslabnyli.



PRĚNI LIST S. JAPOŠTOŁA JANA.

STAW I.

Jan wopowěduje, ťťoť je wo Khrystusu wiĉał a słyťal, druhim, zo bychy so z Bohom zjednoĉili a z Khrystusom, jeho Synom, z kotrehož krewju so hrěchi ĉłowjekow ĉisća. Dale, ťťoť přěje, zo je zhrěťi, ĉini Boha Iharja.

Štoť bě wot spoĉatka, ťťoť słyťachmy, ťťoť ze swojimaj woĉomaj wiĉachmy, ťťoť wobhladowachmy a ĉoťoť so našeť rucy dótkaťteť, wo słowje ťiwenjenja,*

2. (A ťiwenjenje bu zjewjene, a wiĉachmy a wobswěĉamy a wozjewjamy wam wěĉne ťiwenjenje, kotreťť bě pola Wótca a kotreťť so nam pokaza),

3. Štoť wiĉachmy a słyťachmy, wozjewjamy wam, zo byťťe teťť wy zjednoĉenje měli z nami, a zo by naše zjednoĉenje bylo z Wótcom a jeho Synom Jězusom Khrystusom.*

4. A to wam piťamy, zo byťťe so wjeselili a zo by waťťa wjeseloť byla poľna.*

5. A to je wopowědowanje, kotreťť wot njeho słyťachmy* a wam wozjewjamy: Zo je Bóh swětľo, a ěma w nim njeje ťana.

Jan. 8, 12.

6. Prajimy-li, zo mamy zjednoĉenje z nim, a khodťimy-li po ěmě, ľiťimy a njeĉinimy wěrnosěĉ,*

7. Jelizo pak w swětľe khodťimy, ja-koťť je teťť wón w swětľe, mamy mjeťť sobu zjednoĉenje, a krej Jězusa Khrystusa, jeho Syna, wuĉisća nas wot wťoho hrěcha.*

Hebr. 9, 14; 1. Pětr. 1, 19;

Zjewj. 1, 5.

8. Prajimy-li, zo hrěcha nimamy, je- bamy so sami, a wěrnosěĉ njeje w nas.*

3. Kral. 8, 46; 2. Khrón. 6, 36; Přisl. 20, 9;

Přěd. 7, 21.

9. Wuznawamy-li pak swoje hrěchi, je [Bóh] swěrny a sprawný, zo nam naše hrěchi woda a nas wot wťeje njespraw- nosěĉ wuĉisĉi.*

10. Prajimy-li, zo njezhrěťichmy, ĉi- nimy jeho Iharja a jeho słowo njeje w nas.*

STAW II.

Jězus Khrystus je naťť srjedťiĉeľ pola Wótca a wnjednanje za hrěchi ĉyľeho swěta; z wob- kedťbowanjom Boťich kazni dopokaznjemy, zo Boha wěrnie znajemy a ľubnjemy. Što je stara a nowa kaznja; ťto je w swětľe a w ěmě. Piťa wěriwym wťelakeje staroby, wotwobroĉejo ľich wot ľubosěĉ swěta a wot ľľudnikow, a napomi- najo, zo bychy ľónu přľateť wěrje přisľuťni wostali, sěĉľujey pohňuwanje Ducha swjateho.

Moje dťěĉatka, to wam piťu,* zo byťťe njehrěťili. Zhrěťi-li pak ťto, mamy pola

I. 1. Štoť bě wot spoĉatka, je to same, ťťoť wiĉachmy a słyťachmy, słowo ťiwenjenja abo ťiwenjenje same, kotreťť bě w spoĉatku pola Boha, ťťoť bě sam Bóh; słowo ťiwenjenja njewosta w nje- přisľupnym byĉu Boha, w kotrymťť bě wot wěĉnosěĉ, ale wozjewi so w ĉasu a pokaza so nam a my móťachmy ze swojimi smyslami jeho spóznaĉ, a tutoho wam přľowěĉujemy. — 3. Přľowěĉamy wam wozjewjene ťiwenjenje Boťe, zo byťťe so z nami zjednoĉili we wěrje a ľubosĉi, a zo bychmy zjednoĉeni něhdy přľili k Wótceť a jeho Syneť Jězuseť Khrystuseť. — 4. A teťť w tomľe ľisěe wopowěĉujemy słowo, kotreťť bě wot wěĉnosěĉ pola Boha, zo bychmy wam duchowne wjeselo sĉinili, a zo by waťťe wjeselo z přľiběracym spóznaĉom słowa Boťeho teťť roťľo. — 5. t. r. wot słowa ťi- wenjenja słyťachmy wo Wótcu, zo je Bóh sama dospoľnosĉ, swjatosĉ a wěrnosĉ, a zo w nim njeje njedospoľnosĉ a ľťě. — 6. Jelizo smy z Bohom zjednoĉeni, kiťť je ĉisťa wěrnosĉ, ĉyrbimy teťť my w słowje a ťiwenjenju wěrnosĉiwi byĉ. Smy-li pak w njewěrnosĉi a w hrěťe ťiwi, je ľťa, hdyťť pra- jimy, zo smy z nim zjednoĉeni. — 7. Jelizo w swětľe khodťimy a ťiwi smy w zjednoĉenju z Bohom, smy teťť w ľubosĉi zjednoĉeni ze wťěmi wěriwymy; a jelizo ľisěe teťť w hrěťe so druhdy přľekhwat- amy, wuĉisća nas Jězusa, wěrny Syn Boťi, kotryťť je za naše hrěchi swoju krej přľal, wot wťoho hrěcha. — 8. Wťěĉnje drje hrěťimy, a ťťoťť praťi, zo hrěcha nima, zjeba so samoho, dokelťť w na- ĉuteťť myťli so samoho njespóznaťe a k wěrnosĉi njeľľiěĉe. — 9. Wuznajemy-li pak swoje hrěchi, woda nam je Bóh, a wopokaťe so tak jako sprawný a smilny. — 10. Słowo Boťe samo wuĉi, zo wťěĉnje hrěťimy, a Jězus wuĉeťe nas, zo mamy so wťěĉnje modľiĉ: „wodaj nam naše hrěchi“, a hdyťť sami wobkrúĉamy, zo hrěcha nimamy, by słowo Boťe njewěrne bylo.

II. 1. Piťu, zo je Bóh swětľo a zo mamy w swětľe, t. r. we wěrnosĉi a swjatosĉi ťiwi byĉ; a jelizo zhrěťichmy, njesměmy zadwěľowaĉ, jako bychmy wěĉnemu khostanju ĉeknyĉ njemóľli; mamy pola Boha srěĉnika, kiťť Boťu smilnosĉ wuprosy, Jězusa, kotryťť je sam sprawný, bjěz hrěcha.

Wótcu rěčnika, Jězusa Khrystusa sprawneho;

2. A wón je wujednanje za naše hrěchi, nic za naše pak jeno, ale tež cyłego swěta.*

3. A w tom wěmy, zo jeho spóznachmy, hdyž jeho kaznje dźeržimy.*

4. Štóz praji, zo jeho znaje, a jeho kazni njedźerži, je hlaf, a w tom wěrnosće njeje.

5. Štóz pak dźerži jeho słowo, zawěrnó w tom je lubosć Boža dospołna, a na tom spóznawamy, zo smy w nim.*

6. Štóz praji, zo w nim zwostawa, dyrbi, jakož wón khodžeše, tež sam khodźić.*

7. Najlubši, nic nowu kaznju pišu wam, ale staru kaznju, kotruž mějeće wot spočatka; stara kaznja je słowo, kotrež sće slyšeli.*

8. Zasy jako nowu kaznju pišu wam, kotraž je wěrna tak w nim kaž we was, dokelž čma so pominy, a wěrne swětło ližo swěći.*

Jan. 18, 34; 15, 12.

9. Štóz praji, zo je we swětle a swójeho bratra hidži, je w čmě hač dotal.*

10. Štóz lubuje swójeho bratra, zwostawa w swětle a pohórška njeje w nim; Niže 3, 4.

11. Štóz pak hidži swójeho bratra, je w čmě a khodži po čmě, a njewě, hdze dze, dokelž čma zaslepi jeho woči.*

12. Pišu wam, džěćatka,* zo so wam spušeja hrěchi jeho mjena dla.**

13. Pišu wam, wótcy, zo sće spóznali toho, kotryž je wot spočatka.* Pišu wam, młodźency, zo sće předobyli złośtnika.**

14. Pišu wam, džěci, zo sće spóznali Wótcu. Pišu wam, młodzi mužojo, zo sće sylni a słowo Bože zwostawa we was a sće předobyli złośtnika.*

15. Njelubujete swěta, ani toho, štož je w swěće. Hdyž što swět lubuje, njeje lubosć Wótcu w nim.*

16. Dokelž wšitko, štož je w swěće, je požadosć mjasa a požadosć wočow a hordosć žiwjenja, kotraž njeje z Wótcu, ale je ze swěta.*

2. Jězus ma tak rjec prawo na Božu smilnosć, dokelž džěn je sprawnosći Božej za naše hrěchi dosć činić, haj hrěchi wšěch čłowjekow wujednať. — 3. Dopokazujemy, zo jeho wěrnje znamy, hdyž smy jemu poslušni, dokelž wěrne spóznaje njerozswětla jeno rozum, ale pohnuwa tež wolu. — 5. Jakož wěrne spóznaje Bože, tak pokazuje so tež wěrna lubosć Boža w poslušnosći; z toho, zo jeho wolu dokonjamy, wěmy, zo smy z nim zjednoćeni. — 6. t. r. štóz wo sebi praji, zo je w lubosći z nim zjednoćeny, dyrbi Khrystusa w žiwjenju sčchowac, kotryž nas wšitke počinki wuči. — 7. Kaznja, kotruž wam dawam, zo maće w swětle khodźić a Khrystusa sčchowac, njeje nowa; slyšeće ju, hdyž wěrić počinaće; dokelž tale přikaznja je hlowne wopřijeće słowa, kotrež we wěrje přijete. — 8. Na tamnu staru kaznju, zo maće w swětle khodźić, kotraž je so w Khrystusu a we was dopjelnila, was z nowa dopominam, wosebje tohodla, dokelž maće nětko wjacj winy, jako hdy přjedy, po nej žiwi być, přetož čma je so pominyła, t. r. błudy woteběraju a wěrnosć so bóle rozšěrja. — 9. Wěrný dopokaz, zo něchtó w swětle khodži, je tež lubosć k bližšemu; štóz swójeho bližšeho njelubuje, je w čmě, t. r. w błudže žiwy. — 11. Jakož tón, kotryž w swětle khodži, so njestorči, mjez tym zo tamny, kotryž w čmě khodži, njewě, hdze přindhě, tak njezhřeši tón, kiž swójeho bratra lubuje, mjez tym zo tamny, kotryž swójeho bližšeho hidži, njeprěstawajo hrěši, dokelž je zaslepjeny a winowatosće přečiwo bližšemu njeznaje a njedokonja. — 12. S. japoštoł napomina nětko swojich čitarjow, a čini to, dokelž su křesćenjo, dokelž su z Bohom wujednani, dokelž Boha znaja, napomina jich, zo bychy na to njezabyli, napomina najpřjedy wšitkich hromadze a mjenuje jich džěćatka, zo by swoju lubosć k nim pokazał; wobroća so potom k staršim, kotrychž wótcow mjenuje, na to k młodšim, kotrychž młodźencow, džěci a młodych mužů mjenuje. ** t. r. dokelž do njeho wěriće a na njeho swoju nadźiju stajeće. — 13. t. r. Khrystusa. ** t. r. wy sće dobyli nad złośtnikom, a dyrbiće nětko kedźbni być, zo byšće w dalšich spytowanjach wobstali. — 14. Z tym předobyšće zleho njeprěćela, dokelž sće sylni w duchu a słowo Bože, kotrež přijete, w žiwjenju nałožowasće. — 15. Swět su tamni ludźo, kotřiž so wo Boha njestaraja, a kotřiž su žiwi, jako by wěneho žiwjenja njebyło. „Štóz je w swěće“, to su tamne kubla, za kotrymiž swětni ludźo lója, česć a bohatswo a wjesela. Křesćan njesmě lubować tele jebařske kubla, dokelž so lubosć k nim z lubosću Božej njesnjese. — 16. Štóz swět wučini a wot Boha džěli, je požadosć mjasa; žadosć zmyšljošće za wužiwanjom wšelakich čělnych wokřewjenjow; po-

17. A swět zańdže a jeho požadosć. znajeće, a (wěsće,) zo žana lža z prawdy Štož pak čini wolu Božu, wostawa do njeje.*
wěćnosće.*

18. Džěcatka, poslednja hodžina je, a zo Jězus je Khrystus? Tón je anti-
jakož sće slyšeli, zo antikhryst přińdže, khryst, kiž přeje Wótca a Syna.**
a nětko buchu mnozy antikhrystowje, 23. Kóždy, kotryž přeje Syna, ani
z toho wěmy, zo je najposledniša ho- Wótca nima; kotryž wuznawa Syna, ma
džina.* tež Wótca.*

19. Z nas wuńdžechu, ale njeběchu 24. Wy tohodla, štož sće wot spočatka
z nas; dokelž hdy bychu z nas byli, slyšeli, to njech we was zwostanje;
bychu wěsće z nami wostali;* ale (wo- zwostanje-li to we was, štož sće wot spo-
teńdžechu,) zo bychu pokazani byli, zo čatka slyšeli, wostanjeće tež wy w Synu
njejsu wšitcy z nas.** a Wótcu.*

20. Ale wy maće žalbowanje wot Swja- 25. A tole je slubjenje, kotrež je nam
teho,* a znajeće wšitko. sam slubil, wěčne žiwjenje.*

21. Njenapisach wam jako tajkim, ko- 26. To napisach wam wo tych, kotřiž
třiž wěrnosće njeznajeće, ale dokelž ju was zawjeduja.*

žadósć wočow, zo so žada wšo, štož so widzi, tež wobsynyc a stajnje něšto nowe wohladać, a hordósć žiwjenja, žadosć za pychu a česću, a za wuznamjenjenjom před swětom. Tajke zmyslenje njeprěndže wot Boha, ale přiwučiš sebi je wot přikładow a wučbow, kotrež w swěće widziš a slyšiš. — 17. Swět ze swojej třeje požadosću zahinja a wěćnje budje khostany; čłowjek, kotryž swět zacpěje a wolu Božu čini, wostanje, z časneho žiwjenja přendže k wěćnemu. — 18. S. japoštoł napomina w r. 18—27 čitarjow, zo bychu so błudnych wučerjow hladali. Poslednja hodžina je powšitkownje čas wot Khrystusoweho naroda hač do jeho přikłada k sudej, wosebje pak čas krótko před tutym. Ale čas, w kotrymž so surowy sud Boží nad městom Jerusalemom dokonja, je předznamjo časa přikłada Khrystusoweho; strach a hróžba, kotraž tehdom židowski lud nadpadny. je předznamjo bojósće, kotraž při bliženju poslednjeho suda na wšón lud přińdže. A tohodla móže so čas, w kotrymž Jan pisa, tež posledni čas mjenować, dokelž je ze swojimi zrudnymi podawkami předznamjo sudneho dnja. W poslednim času mějeje antikhryst přińć, t. r. wulki přečiwnik Khrystusowy, kotryž wo sebi praji, zo je Khrystus a tohodla mnohich zjeba. Zda so, jako by so tónle čas bližil, dokelž nětko mnozy antikhrystowje wustupuja, kotřiž po zdaću woprawdžiteho antikhrystej puć přihotuja. — 19. t. r. zwonkownje slusachu křesćanskej wosadze, znutřkownje t. r. po wěrje a lubosći pak nic, hewak so njebychu wot nas dźělili. ** Bóh připući, zo so dźělichu, zo by so spóznało, zo woprawdže k nam njeslušachu a zo z cyła wšitcy, kotřiž su zwonkownje z nami zjednoćeni, znutřkownje, t. j. z tej samej wěry a lubosću nam poddaći njejsu. — 20. t. r. wy dóstašće Ducha swjateho, a to wot Swjateho, mjenujcy wot Khrystusa, kotryž Ducha swjateho jako swojeho Ducha sće. — 21. Štož wam wo błudnej wučbje napisach, znajeće tež hižo ze swjateho swědomja, kotrež je wot Ducha swjateho rozswětlene; wěsće pak, zo hja a błud wot wěćneje wěrnosće njewukhadźa, ale wot djabola, kiž je wótc liž. Jan. 8, 44. — 22. t. r. antikhryst. ** S. japoštoł ma tu błudnych wučerjow we wočomaj, kotřiž přeja, zo je Jězus a Khrystus tón samy, wučicy, zo je Jězus jeno čłowjek jakož druzy, Khrystus pak je bóžake byće, kotrež je so při křćenicy z Jězusom zjednoćilo, a před křžowanjom jeho sas wopućiło, mjex tym zo japoštołoj woča: „Słowo bu mjaso“, a zo je Jězus tole słowo Bože, Syn Boží, kiž so wočłowjeri. Štož tak Jězusa a Khrystusa rozeznowa, přeje Syna Božeho, kiž druhi njeje, jako Jězus, kiž je Khrystus, a přeje tež Wótca, dokelž ničtó Wótca njepózna, khiba přez Syna; tohodla njemóže to, štož sebi pod Wótcem předstaja, prawda być; štož tohodla tole wući, napřečiwnja so wučbje Khrystusowej a je antikhryst. — 23. Kotryž přeje, zo je Jězus Syn Boží, nima podźěla na Wótcu, kiž pak to wěri, je w zjednoćenju ze Synom a tež Wótcem. — 24. Wučbu, kotruž su wam japoštołowe wot spočatka wojewjeli, wosebje, zo je Jězus tón samy jakož Khrystus, wěćće kručě, a tak wostanjeće zjednoćeni z Wótcem a Synom. — 25. t. r. štož w tajle křěće z Wótcem a Synom zjednoćeny wostanje, tomu je wěčne žiwjenje slubjene. — 26. Prócujeće so jeno, zo Duch swjaty, kotrehož wot Khrystusa dóstašće, was njewopući, potom njeprěndžeće do stracha, zo was błudni wučerjo zawjedu, dokelž Duch swjaty was rozswěti, a spóznajeće, zo bě prawda, štož běcha was japoštołowe, wot toho sameho Ducha wjedzeni, wučili; při tom wostanje.

27. A wy, žalbowanje, kotrež wot jeho dóstašće, njech wostawa we was. A njepotrjebaće, zo by was štó wučil, ale jakož jeho žalbowanje was wo wšim wučil, tak je wěrnó a njeje lža, a jakož was nawučil, zwostawajće w nim.*

28. A nětko, džěcatka, zwostawajće w nim, zo, hdyž so wozjewi, bychmy dowěru měli, a zo njebychmy zahanjbjeni byli wot jeho při jeho přikhadze.*

29. Hdyž wěsće, zo je sprawny, dyrbiće wědźeć, zo tež kóždy, kotryž sprawnosć čini, je z jeho rodzeny.

STAW III.

Wo lubosći Božej přećiwó nam, a kak so rozoznawaju, kotřiž su z Boha a kotřiž su z djabola; wo lubowanju a hidženju bratrow. Štóž z čistej wutrobu a z wěru do Khrystusa štožkuli wot Boha prosy, dóstawa to.

Pohlejće, kajku lubosć je nam Wótc wopokazał, zo bychmy džěci Bože rěkali a byli.* Tohodla njeznaje swět nas, dokelž njeznaje jeho.

2. Najlubši, nětko smy džěci Bože, a hišće so njewopokaza, što budžemy.

Wěmy, zo budžemy, hdyž so wopokaže, jemu podobni, dokelž budžemy jeho wědźeć, kajkiž je.*

3. A kóždy, kiž ma tule nadžiju k njemu, swjatósća so, jakož je tež wón swjaty.*

4. Kóždy, kotryž hrěch čini, tež njeprawdu čini, a hrěch je njeprawda.*

5. A wěsće, zo je so wón wozjewil, zo by naše hrěchi njesl, a hrěcha w nim njeje.*

Is. 53, 9; 1. Pětr. 2, 22.

6. Žadyn, kotryž w nim zwostawa, nje-hrěši, a žadyn, kotryž hrěši, njeje jeho wohladał ani jeho póznał.*

7. Džěcatka, nchtó was njezawjedz. Štóž sprawnosć čini, je sprawny, jakož je tež wón sprawny.*

8. Štóž hrěch čini, je z djabola, dokelž wot spočatka djabol hrěši. K tomu wozjewi so Syn Boži, zo by zahubil skutki djabola.*

9. Žadyn, kotryž je rodzeny z Boha, nječini hrěcha, dokelž jeho symjo zwostawa w nim, a njemóže hrěšić, dokelž je z Boha rodzeny.*

27. Z toho, štož wam rozestajach, spóznaće, zo dyrbiće w Khrystusu wostać, t. r. do jeho wěrić, zo byšće z dowěru čakać móhli na jeho přikhad, a so bojeć njetrjebali, zo budžće na sudajm dnju wohanjbjeni, wěcnje začisnjeni. — 28. Wot r. 29—3,10 napomina japoštoł k sprawnosći; na tom móžemy spóznać, zo smy z Boha rodzeni, džěci Bože, hdyž skutki sprawnosće dokonjamy; dokelž Bóh je sprawny, a tuž dyrbi tež wšo sprawne być, štož je z jeho rodzene, dokelž džen nam džen na jeho byću.

III. 1. 8. japoštoł bě runje prajił, zo dyrbi tón sprawny być, kiž je džěco Bože, a žada nětko, zo bychy wěriwi sprawni byli, dokelž su woprawdže džěci Bože přez wulku lubosć Božu; byrnje nas swět jako džěci Bože njeznał, smy je tola, dokelž swět njemóže rozsudzić, što je džěco Bože a što nic, dokelž Boha njeznaje, a tohodla njemóže tež wědźeć, zo mamy my podžěl na bóžskim byću. — 2. Njetrjebamy so džiwać, zo nas swět jako džěci Bože njepóznawa, dokelž nětko njepokazuje so hišće džěcownstwo Bože w swojej krasnosći, tuta zjewi so nad nami hakle přichodnje w tom, zo budžemy jemu podobni; a w tutej podobnosći budže nam móžno, zo jeho widžimy wot wobliča k wobliču a jeho po byću spóznajemy. — 3. Kóždy, kiž ma w sebi nadžiju, zo Boha někdy wohlada, čisći so wot wšoho hrěšneho, zo by swjaty był, jakož je Bóh swjaty. — 4. Štóž hrěši, přestupi Božu kaznju a zadžerži so njeprawje přećiwó Bohu, dokelž hrěch je njeprawda, kotraž so Bohu čini; tajki njemóže nadžije měć, zo budže na Boha podobny. — 5. Khrystus je so jako Bóh wozjewil, zo by naše hrěchi zničil, a bě sam bjez hrěcha, to je nowa přičina za nas, zo bychmy sprawni byli. — 6. Jedyn kóždy, kiž je we wěrje a lubosći z nim zjednočeny, njehrěši tež tohodla; a kóždy, kiž hrěši, dopokazuje přez to, zo njeje z Khrystusom zjednočeny, zo jeho z cyla widzał a spóznał njeje. — 7. Jenó kiž w skutku prawdu čini, je sprawny a na Khrystusa podobny, kotryž je tež sprawny. — 8. Štóž pak je hrěchej poddaty, je džěco djabola; hrěšne žiwjenje čini čłowjeka na djabola podobneho, dokelž tutón hrěši; kaž dolho je djabol. Khrystus pak je runje tohodla přišoł, zo by hrěši, dopokazuje přez to, zo njeje z Khrystusom zjednočeny, zo jeho z cyla widzał a spóznał njeje. — 9. Kiž je džěco djabola, hrěši, kiž pak je z Boha rodzeny, je wot Boha duchowne žiwjenje dóstał a njehrěši, dokelž swjatósća hnada Boža, kotraž je symjo Bože duchowneho žiwjenja, dokonja skutki sprawnosće; haj, njemóže hrěšić, dokelž je žiwjenje Bože w nim, kotrež so z hrě-

10. W tom so pokazuja džěci Bože a džěci djabołowe.* Žadyn, kotryž njeje sprawny, njeje z Boha, a kotryž njelubuje swojeho bratra,**

11. Dokelž to je poselstwo, kotrež sće slyšeli wot spoćatka, zo byšće lubowali jedyn druhého.* Jan. 13, 34; 15, 12.

12. Nic jako Kain, kotryž bě ze zleho* a swojeho bratra mori. A čohodla jeho mori? Dokelž běchu jeho skutki zle, jeho bratrowe pak sprawne.**

1. Mójs. 4, 8.

13. Njedźiwajće so bratra, hdyž was swět hidźi.*

14. My wěmy, zo smy přenjeseni ze smjerće k žiwjenju, dokelž bratrow lubujemy. Kotryž njelubuje, zwostawa w smjerći.*

3. Mójs. 19, 17; Wyše 2, 10.

15. Kóždy, kotryž hidźi swojeho bratra, je mordaf.* A wěsće, zo žadyn mordaf nima wěčného žiwjenja w sebi zwostawaceho.**

16. W tom spóznachmy lubosć Božu, dokelž wón swoje žiwjenje za nas sadźi,

a tež my dyrbymy za bratrow žiwjenje sadźeć.* Jan. 15, 13.

17. Štóz by měł kubla tohole swěta a by widźał, zo je jeho bratr w nuzy, a by zamknył swoju wutrobu před nim, kak zwostawa lubosć Boža w nim?*

Luk. 3, 11; Jak. 2, 15.

18. Moje džěcatka, njelubujmy ze słowom ani z jazykom, ale ze skutkom a we wěrnosći.*

19. A w tom póznawamy, zo smy z wěrnosće,* a před nim spokojimy swoje wutroby; **

20. Dokelž by-li nam naša wutroba porokowala, wjetši je Bóh dyžli naša wutroba a znaje wšitko.*

21. Najlubši, njeby-li nam naša wutroba porokowala, mamy dowěru k Bohu.*

22. A za čožkuli budžemy prosyć, dóstanjemy wot njeho, dokelž jeho kaznje dźeržimy, a to, štož je spodobne před nim, činimy.* Mat. 21, 22.

23. A to je jeho kaznja, zo bychmy wěрили do mjena jeho Syna Jězusa Khrý-

chom njeznjese; dokelž, štož je po duši, znutřikownje, džěco Bože, njemóže zwonkownje, po skutku, džěco djabola być. So rozemi, zo s. japoštoł s tym njeprěje, zo móže so džěcownstwo Bože s hrěchom tež shubić. — 10. t. r. po tom, hač štó hrěšne skutki dokonja abo nic, so spóznaje, hač je džěco Bože abo džěco djabola. ** Wosebite znamjo sprawnosće je lubosć k bližšemu, w kotrež přede wšim lubosć wěriwych mjez sobu wopřija, wo kotrež nětko reči wot r. 11—24. — 11. t. r. to je kaznja, kotruž wam Bóh hižo při wopowědowanju ewangelia wozjewi. Jan. 13, 14. — 12. t. r. džěco djabola. ** Ze zawisće mori jeho, a dokelž dobre hidžeše. — 13. Dokelž tež swět je z djabola, runja Kainej, a tohodla hidzi wšo dobre. — 14. Jakož z toho, zo swět wšo dobre hidzi, spóznawamy, zo je z djabola, tak spóznawamy z toho, zo so mjez sobu lubujemy, zo smy z Boha rodźeni, a zo smy z tym ze smjerće bluda a hrěcha wotućili k nowemu žiwjenju wěrnosće a swětosće; štož bratrow njelubuje, je hišće duchownje mrtwy. — 15. t. r. přeje k najmjeńšemu, so by žiwy njebyl. ** t. r. štož swojeho bližšeho woprawdže mori, je po zakonju Božim smjerće winowaty, runje tak njemóže tón, kiž w swojim zmyslenju bližšeho mori, t. r. jeho hidzi, duchowne žiwjenje, swjatosćacu hnadu Božu, w sebi měć. — 16. W tom, zo Jězus swoje žiwjenje za nas woprowaše, spóznajemy, zo a kak jara nas lubuje; naša lubosć k bližšemu ma so tež w tom pokazac, zo za njeho swoje žiwjenje podamy, mjez tym zo tón, kiž bratra hidzi, jemu žiwjenja njepopřeje. — 17. Štóz swojemu bližšemu sobuželnijwe njepomha, w tom njemóže lubosće Božje być, hdyž ani lubosće k bližšemu nima. — 18. Njepokazajmy lubosće jeno z rjanymi słowami, ale so skutkami, z tym zjewi so wěrnosć lubosće. — 19. Wěrna lubosć dopokazuje, zo smy sami z wěrnosće rodźeni, zo ma naše duchowne žiwjenje, kotrež so w skutkach lubosće zjewja, swój koraj w Bohu, wěčnej wěrnosći. ** Z tajkimi skutkami lubosće pokojamy swoju wutrobu, jelizo by sebi z tym njeměr činiła, hač je z Boha rodźena; dokelž z tajkimi skutkami lubosće dopokazamy Boha, zo smy pilni w duchownym žiwjenju. — 20. Jelizo by nam naša wutroba wšelako porokowala, a tak njeměr činiła džěcownstwa Božeho dla, swědčenje, kotrež wšohowědomy Bóh našim dobrým skutkam dawa, je wjele wěšćije a wěrnije, dyžli to našeje tyšnjeje wutroby. — 21. Nječini-li nam naša wutroba, změrowana přes swědčenje Bože, žanych porokow, njebojmy so jeho sprawnosće, abo chcemy dowěru k njemu měć. — 22. Wo kajkižkuli dar budžemy z dowěru prosyć, dóstanjemy jón, dokelž smy jemu poslušni.

stusa, a so lubowali jedyn druhého, ja-
kož nam prikazuju da.*

Jan. 6, 29; 17, 8; 13, 34; 15, 12.

24. A štóž dźerži jeho kaznje, w nim
wostawa, a wón w nim; a na tom pó-
znawamy, zo w nas wostawa, na Duchu,
kotrehož nam da.*

STAW IV.

Kotři duchoj su wot Boha a kotři nic. Hdyž
je nas Bóh prjedy lubował, swojeho Syna za
nas podawši, dyrbymy tež my Boha a bližšeho
lubować; dospołna lubosć pak wučeri bojosć.

Najlubši, njewěćeće kóždemu duchej, ale
pruhujće duchow, hač su z Boha, dokelž
mnozy falšni profetowje su wušli do
swěta.*

2. W tom pónawa so duch Boži:
kóždy duch, kotryž wuznawa, zo je Jě-
sus Khrystus w mjasu přišoł, je z Boha.*

3. A kóždy duch, kiž Jězusa rozwa-
juje,* njeje z Boha, a tón je antikhryst,
wo kotrymž sće slyšeli, zo přidźe, a
nětko je hižo w swěće.

4. Wy sće z Boha, džěcatka, a sće
eho přewinyli, dokelž wjetši je tón, kiž
e we was, dyžli tón, kiž je w swěće.*

5. Woni su ze swěta, tohodla ze
swěta rěča, a swět na nich posluha.*

Jan. 8, 47.

6. My smy z Boha. Štóž znaje Boha,
posluha na nas; štóž njeje z Boha, nje-
posluha na nas.* W tom pónawamy
ducha wěrnosće a ducha bluda.

7. Najlubši, lubujmy so mjez sobu, do-
kelž lubosć je z Boha; a kóždy, kotryž
lubuje, je z Boha rodženy a znaje Boha.*

8. Štóž njelubuje, njeznaje Boha, do-
kelž Bóh je lubosć.*

9. W tom je so lubosć Boža w nas
wopokazala, zo je Bóh swojeho jedno-
rodženeho Syna do swěta posłał, zo bych-
my žiwi byli přez njeho.* Jan. 3, 16.

10. W tom je lubosć, nic zo smy my
Boha lubowali, ale zo je wón nas prjedy
lubował a swojeho Syna posłał, wujedna-
nje za naše hrěchi.*

11. Najlubši, hdyž je nas Bóh tak lu-
bowal, dyrbymy so tež my jedyn druhého
lubować.

12. Boha nihdy njeje nchtó widzał.
Lubujemy-li so mjez sobu, wostawa Bóh
w nas, a jeho lubosć je w nas dospołna.*

Jan. 1, 18; 1. Tim. 6, 16.

23. S. japoštoł rěči nětko zas wo kazni wěry a lubosće; wěrić mamy do mjena Jězusa Khry-
stusa, dokelž tole mjeno woznamjenja jeho bóžske byće a jeho bóžski skutk. — 24. Štóž kaznju
rěry a lubosće dopjelni, je najwužšo a trajnje z Bohom zjednočeny, nam darjeny Duch swjaty
ro tom swědči.

IV. 1. Najprjedy napomina s. japoštoł zas čitarjow, zo bychu so błudnych wučerjow hladali.
Kóždy duch [t. r. čłowjek, kotryž wudawa, zo je wot ducha rozswětleny a wjedženy], njeje Duch
wjaty, duch wěrnosće, ale móže tež duch lžě być, tohodla maja so wučerjo pruhować, wot kajkeho
ucha su wjedženi, dokelž mnozy wučerjo su tež wot złeho ducha wupósłani. — 2. Na tom spó-
nawa so, zo Duch swjaty přez wučerja rěči, hdyž tutón wuči, zo je Jězus Khrystus woprawdže
iko čłowjek so wozjewił, a zo je tohodla čłowjek Jězus woprawdže Khrystus, syn Boži. — 3. t. r.
o dweju wšelakeju wosobow, tak zo je Jězus jena wosoba, a Khrystus druha wosoba (hlad. 2, 22);
lžě tak wuči, je Khrystusowy njeprěcel, antikhryst, kiž nětko hižo tajke błudy rozšěrja. — 4. Wy
še z Boha rodženi, a tohodla wam błudy nješkodžachu, dokelž Duch Boži, kiž je we was žiwy a
iž we was skutkuje, je mócniji, dyžli tamny, kiž we swěće skutkuje, mjenujcy djaboł. — 5. Tamni
ludni wučerjo su ze swěta, kotrehož wjerch je djaboł, tohodla rěča, štož jich swět wuči, a tohodla
osluha swět tež na nich, dokelž rěča, štož so swětej lubi. — 6. My japoštołoj so amy wot Boha
rěčimy wo Bohu, a na nas posluhaja tamni, kotřiž Boha znaja, dokelž su tež z Boha rodženi.
— 7. Napomina nětko k lubosći; lubosć přidźe wot Boha, tohodla je tež kóždy, kiž je w skut-
ach lubosće žiwy, z Boha rodženy. — 8. Dokelž je Bóh luta lubosć, njemóže tón, kiž lubosće
ima, jeho spónać, a njemóže z njeho rodženy być. — 9. Najbohatšo wopokaza swoju lubosć pře-
wo nam, zo swojeho jednorodženeho Syna do swěta posła, zo by nam wěčne žiwjenje zaslужil.
— 10. Lubosć Boža je cyle bóžska, dokelž tež jeje přičina je w Bohu, Bóh lubowaše nas naj-
prjedy, a naša lubosć plaći jeno jeho lubosć. — 12. Hač runje Boha njewidžimy, je wón tola
nas žiwy, jelizo so mjez sobu lubujemy, a tež jeho lubosć je w nas dospołna, t. r. mócná, zo
is cyle wožiwí.

13. Na tom póznawamy, zo w nim zwostawamy, a wón w nas, zo je nam ze swojeho Ducha dal.*

14. A my smy widźeli a swědčimy, zo je Wótc pósłal swojeho Syna, zbóžnika swěta.*

15. Štózku wuzna, zo Jězus je Syn Boží, Bóh w nim zwostawa, a wón w Bohu.*

16. A my smy spóznali a wěрили lubosći, kotruž ma Bóh k nam. Bóh je lubosć, a štóz zwostawa w lubosći, w Bohu zwostawa, a Bóh w nim.*

17. W tom je dospołna lubosć Boža z nami, zo bychmy dowěru měli na sudnym dnju, dokelž jakož je wón, tak tež my smy w tomle swěće.*

18. Bojosće njeje w lubosći, ale dospołna lubosć wučeri bojosć, dokelž bojosć ma čwilu; štóz pak so boji, njeje dospołny w lubosći.*

19. My tohodla lubujmy Boha, dokelž je Bóh nas prjedy lubował.

20. Rjeknyl-li by štó: lubuju Boha, a hidžil-li by swojeho bratra, je lhař. Přetož štóz njelubuje swojeho bratra, kotre-

hož widži, kak móže Boha, kotrehož njewidži, lubować?*

21. A tu kaznju mamy wot Boha, zo by tón, kiž Boha lubuje, lubował tež swojeho bratra.*

Jan. 13, 34; 15, 12; Ef. 5, 2.

STAW V.

Wo tych, kotřiž su z Boha rodźeni, wo prawej lubosći přećiwo njemu. Wěra swět přewinje. Třo na zemi swědča, zo je Khrystus wěrný čłowjek, a třo w njehjesach, zo je wěrný Syn Boží; štóz do njeho wěri, ma wěčne žiwjenje. Wo hrěše, kotřiž je k smjerći a kotřiž njeje k smjerći.

Kóždy, kotřiž wěri, zo Jězus je Khrystus, je z Boha rodźeny; a kóždy, kotřiž toho lubuje, kiž jeho spłodži, lubuje tež toho, kiž bu rodźeny z njeho.*

2. W tom póznawamy, zo lubujemy džěći Bože, hdyž Boha lubujemy a jeho kaznje džěržimy.*

3. Přetož to je lubosć Boža, zo jeho kaznje wobkedžbujemy, a jeho kaznje njejsu čězke.*

4. Přetož wšo, štož je z Boha rodźene, přewinje swět, a to je dobytwa, kotraž přewinje swět, naša wěra.*

13. t. r. zo nam dar Ducha swjateho, kotrehož ma w poňosći, sobudžěli. — 14. Zo Bóh woprawdže z lubosće k nam swojeho jednorodźeneho do swěta pósłal, a tak swoju lubosć k nam wopokaza, to wobswědčamy my japoštolojo. — 15. Štóz tohodla wuznawa po našim swědčenju, zo je Jězus wot Wótc pósłany Zbóžnik swěta, tón zakorjenja z tym lubosć w sebi a zjednoča so z Bohom. — 16. Do Jězusa wěrić, rěka do lubosće Božjeje wěrić, kotraž je tak wulka, zo swojeho jednorodźeneho za nas poda, a tule wěru mamy my. — 17. W tom wopokazuje so lubosć Boža w nas najdospołnišo, zo směmy na sudnym dnju z dowěru před našeho sudnika stupić; dokelž hdyž lubujemy, smy na njeho podobni, kotřiž bě tudy na zemi poňny lubosće, a tohodla nas njezačinja. — 18. Tule dowěru lubosć podawa, dokelž hděže je lubosć, njeje bojosće, štóz Boha wěrnje lubuje, njeboji so jeho, tež nima stracha před khostanjom, dokelž jeno bojosć zbudzi strach před khostanjom; z dospołnej lubosću so tohodla strach njeznjese; štóz so hišće boji, w tom je lubosć njedospołna. — 20. Lóžo je, bratra lubować, kotrehož widžiš, dyžli Boha, kotrehož njewidžiš, kotrehož dospołnosće jeno z wěry spóznawaš. K lubosći bližeho nas wšědne počahi k njemu pohonjeja, k lubosći Božej pak móže nas přeznaturaška móc pohnuć. Štóz lóžšu winowatosć njedopjelnja, kak budže čězšu dopjelnuje? — 21. Bóh nam přikazuje, zo bychmy lubosć k njemu z lubosću k bližšemu dopokazali.

V. 1. Lubosć k bližšemu ma swój korjen w lubosći Božej; dokelž bližši je přez wěru do Jězusa z Boha rodźeny, nam runja, je tohodla naš bratr, dokelž ma tohosameho wótcu, jakož my, a tohodla lubujemy wótcu, hdyž jeho džěći lubujemy. — 2. Jakož z lubosću k bližšemu lubosć k Bohu dopokazamy, tak wozjewjamy tež z lubosću k Bohu lubosć k bližšemu, ale jeno potom, hdyž jeho kaznje pilnje dopjelujamy. — 3. Za wěriwych njjesu kaznje Bože čězke, dokelž jeho miłosć jich posylja. — 4. Štóz je swoje duchowne žiwjenje wot Boha dóstał, tón ma w nim móc, z kotrež wabjenja swěta přewinje, tale dobyćeška móc přidže z kruteje wěry, kotraž je k němu wšeho duchowneho žiwjenja.

5. Štó je, kotryž přewinja swět, khiba kiž wěri, zo Jězus je Syn Boží?*

1. Kor. 15, 57.

6. Tón je, kiž přińdže přez wodu a krej, Jězus Khrystus, nic we wodže jeno, ale we wodže a krewi;* a Duch je, kotryž swědči, zo Khrystus je wěrnosć.**

7. Dokelž tře su, kotřiž swědčenje dawaja w njebjesach: Wótc, Słowo a Duch swjaty, a ci tře su jene.*

8. A tře su, kotřiž swědčenje dawaja na zemi: Duch a woda a krej, a ci tře su jene.*

9. Jelizo swědčenje čłowjekow přijimamy, swědčenje Bože je wjetše, dokelž to je swědčenje Bože, kotrež je wjetše, zo je swědčil wo swojim Synu.*

10. Štóz wěri do Syna Božeho, ma swědčenje Bože we sebi; štóz njewěri Synej, je sćinil jeho łharja, dokelž njeje

wěrił do swědčenja, kotrež je Bóh swědčil wo swojim Synu.*

Jan. 3, 36.

11. A to je swědčenje, zo wěčne žiwjenje nam da Bóh, a tole žiwjenje je w jeho Synu.*

12. Štóz ma Syna, ma žiwjenje; štóz nima Syna, nima žiwjenja.*

13. To wam napisach, zo byšće wědzeli, zo maće wěčne žiwjenje, kotřiž wěriće do mjena Syna Božeho.*

14. ▲ to je dowěra, kotruž mamy k njemu, zo, za čožkuli prosymy po jeho woli, słyši nas.*

15. A (hdyž) wěmy, zo nas wusłyši, za čožkuli prosymy, wěmy, zo mamy próstwy, kotrež žadamy wot njeho.*

16. Štóz wě, zo jeho bratr hrěši hrěch, kotryž njeje k smjerći, njech prosy, a žiwjenje budže jemu date, kiž njehrěši k smjerći. Je hrěch k smjerći, za toho, njepraju, zo by štó prosyl.*

5. Wopriječće tejele wěry je wučba, zo je Jězus, a žadyn druhi, Syn Boží, a zo Jězus ničtó druhi njeje, khiba Syn Boží. — 6. Z dwojej křćencu bu Jězus do swójeho zastojsntwa jako Khrystus, t. j. jako wumóžnik swěta zapokazany, z křćencu wody, kotruž wot Jana křćenika dósta, a z křćencu krewje, z kotrež bu na křižu křćeny. S. japoštoł wuzběhnuje krawnu křćencu, zo by bludnych wučerjow wotpokazał, kotřiž wučachu, zo je Jězus, nic pak Khrystus křižowany, dokelž tutón je so před čerpjenjom wot Jězusa džělil. S. japoštoł praji pak, nic jeno tón wot Jana křćeny, ale tež tón, kotryž so na křižu wukrawi, je Khrystus, slubjeny wumóžnik. ** Duch swjaty, kotryž so w swjatki na japoštołow wuliny, a we wěriwych ze spodźiwnymi darami skutkuje, swědči, zo je Jězus Khrystus wěčna wěrnosć. — 7. Tře su w njebjesach, kotřiž su wěčna wěrnosć, a kotřiž tohodla wěrnosći swědča: Wótc, Słowo a Duch swjaty, a tute bóžske wosoby su jene bóžske byće. — 8. A jako wobraz tamneho njebjeskeho swědčenja za tule wěrnosć mamy na zemi tře swědčenje, kotrež jenohłósne praji, zo je Jězus wumóžnik swěta: mjenujcy woda, z kotrež jeho Jan křćiješe; krej, kotruž na křižu rozla; a Duch swjaty, kotrehož wěriwym pósla. Tući tře su jene, t. r. swědča jenohłósne. — 9. Štóz čłowjekowje wobswědča, wěrimy, čím wjac mamy tomu wěrić, štož Bóh wobswědča. Swědčenje Bože pak, kotrež mamy kruće wěrić, je tamne, kotrež swojemu Synej z póslanjom Ducha swjateho dawaše. — 10. Swědčenje Bože přijimamy z wěru do Jězusa Khrystusa; štóz tohodla do Jězusa, kotremuž Bóh swědčenje dawa, wěri, při ja z wěru swědčenje Bože; štóz pak njewěri, začinje swědčenje Bože a zadžerži so přećiwo Bohu jako přećiwo łharjej, kotremuž so tež njewěri. — 11. Swědčenje Ducha swjateho njeje jeno wonkowne, w spodźiwnych darach, ale je wosebje znutřkonne, dokelž w nas žiwjenje wubudža, kotrež njewumrje, ale kotrež je wěčne, mjenujcy žiwjenje swjatosćaceje hnady. Zo tole wozbožace žiwjenje w nas nastawa, to je najlěpši dopokaz, zo je Jězus Syn Boží a wumóžnik swěta. — 12. Tole žiwjenje swjatosćaceje hnady ma swój korzeń w Jězusu, dokelž wón je nam je zasłužil; štóz ma tohodla Syna, štóz je z nim zjednoćen, ma tež tole žiwjenje; štóz pak z nim zjednoćen njeje, nima tež duchowneho žiwjenja. — 13. Ze Symom Božim zjednoćiće so z wěru; wy, kotřiž wěriće, maće tohodla Syna a w nim wěčne žiwjenje. — 14. Ze žiwjenjom z wěry nastawa tež dowěra na Boha, zo naše próstwy wusłyši, jelizo su po jeho woli. — 15. We wokomiknjenju, w kotrymž po jeho woli Boha wo něčo prosymy, mamy tež naše próstwy hižo dopjelnjene. — 16. Kóždy čězki hrěch rubi swjatosćacu hnadu, žiwjenje duše, je tohodla hrěch k smjerći; tola z pokutu móžemy sebi duchowne žiwjenje zas dobyć, tajke hrěchi. mjenuje s. japoštoł tudy hrěchi, kotrež njejsu k smjerći; druhe čězke hrěchi pak wuzamknu nakazanje, dokelž hrěšnik pokutu njećini, to su wosebje hrěchi přećiwo Duchej swjateho a njewěra, su tohodla hrěchi k smjerći, t. r. khostaja so z wěčnej smjerću. Swj. japoštoł poruča nětko wěriwym, zo bychy so za tamnych hrěšnikow, kotřiž čězke hrěchi

17. Kóždy njeprawda je hrěch; a je hrěch k smjerći.*

18. Wěmy, zo kóždy, kotryž je rodźeny z Boha, njehřeši, ale narodźenje z Boha zakhowa jeho, a zly so jeho njedótka.*

19. Wěmy, zo smy z Boha, a zo cyły swět w złym leži.*

20. A wěmy, zo je Syn Boží přišoł a podał nam zmysł, zo bychmy poznali wěrneho Boha, a zo bychmy byli w jeho wěrnym Synu. Tón je wěrný Bóh a wěčne žiwjenje.*

Luk. 24, 46.

21. Džěćatka, hladajće so přibohow.* Amen.

DRUHI LIST S. JAPOŠTOŁA JANA.

Elektu a jeje džěći w lubosći a wěrje wobkruća, zo bychy so wot bludnikow zawjesć njedale, a to z krótkimi słowami, druhe sebi skhowawši, doniž k nim njepřindze.

Starši Elekcé* knjeni a jeje džěćom, kotrež ja lubuju we wěrnosći**, a nic ja sam, ale tež wšitcy, kotřiž wěrnosć poznachu,***

2. Wěrnosće dla, kotraž w nas zwoštawa, a z nami budže na wěki.*

3. Budź z wami milosć, smilnosć, pokoj wot Boha Wótca a Jězusa Khrystusa Wótcoweho Syna we wěrnosći a lubosći.*

4. Zwjeselich so jara, zo sym nadešoł mjez twójimi džěćimi někotre, kotrež khodža we wěrnosći, jakož přikaznju dóstachmy wot Wótca.*

5. A nětko prošu tebe, knjeni, nic jako nowu přikaznju či pisajo, ale kotruž mějachmy wot spočatka, zo so lubujemy jedyn druhého.*

Jan. 13, 34; 15, 12.

6. A to je lubosć, zo khodźimy po jeho přikaznjach. Přetož to je přikaznja, zo, jakož sće slyšeli wot spočatka, w tom khodźiće.*

wobeńdžechu, kotrež pak njejsu k smjerći, prosyli, a woni dóstanu zas žiwjenje hnady; za tamnych pak, kotřiž su w hrěchach, kotrež su k smjerći, njezakazuje drje, zo bychy prosyli, ale njerađi to tež. — 17. Kóždy přestupjenje Božje kaznje je hrěch a tohodla ma so hidić, ale kóždy nima jenak zrudnych scěhwkow; su pak tež tajke hrěchi, kotrež wobnowjenje duchowneho žiwjenja plus wěrnú pokutu njepřipuća, kotrež su tohodla hrěchi k smjerći. — 18. Duchowne žiwjenje, kotři je wot Boha dóstał, zakita jeho před hrěchom, a zly njepřećel njezwaži so, jemu ze swojim hrěšnym wabjenjom so bližić. — 19. t. r. je cyle w mocy zleho ducha, djabola. — 20. Nimamy so jeno a Boha narodzić, ale mamy tež wěnje w Bohu žiwi być, tohodla je Syn Boží na swět přišoł, a je nam ze swojej wučbu a lnađu duchownu mysl wotewřił, zo bychmy wěrneho Boha spoznali a z jeho Synom so nutrnje zjednočili, tak zo smy my w nim a wón w nas. Tónle Syn Boží pak je tež sam wěrný Bóh (Jan. 1, 1) a wěčne žiwjenje, tak zo ma kóždy, kiž je w nim, podiěl bóžskeho wěčneho žiwjenja. — 21. Hdyž je Syn Boží sam přišoł, zo byšće wěrneho Boha spoznali, maće čim swětnišo kedźbować, zo byšće jemu služili a nic přiboham.

1. S. japoštoł mjenuje so starši, dokelž bě tehdom hižo we wysokich lětach, druzy japoštołjo běchu hižo wumřěli. Stó žónska bě, na kotruž su tele napominanja pisane, njewěny, tež jeje mjeno njeje wěsta, dokelž „Elekta“ t. r. wuzwolena, drje njeje mjeno wosoby, ale najskerje jeno přistawek k napisej; móžno tež je, zo je list cyłej wosaďe, a nic jednotliwej wosobje pisar. ** t. r. we wěrnej, prawej lubosći. *** t. r. wšitcy, kotřiž k spóznaću wozjewjeneje wěrnosće Božje přindžechu. — 2. Přičina tejele lubosće wěrnych mjez sobu je w tom, zo wšitcy wozbožacu wěru Božu wobsydnu, a zo ju zhromadnje wobkhowaju na wěki. — 3. Wěrnosć a lubosć ploditej milosć Božu a smilnosć, tohodla su to njerozdělnomne dary. — 4. t. r. kotřiž swoje žiwjenje rjaduja po spóznaťej wěrnosći, jakož je nam to přez kaznju Božu předpisane. Zrozemimy-li pod synami stawy wosaďy, dyrbymy sebi myslić, zo bě ju swj. japoštoł před krótkim wopytał; zrozemimy-li pak džěći žónskeje, dyrbymy z toho sudzić, zo bě so z jednym z nich zetkał a wot toho zhoł. — 5. 1. Jan. 2, 7. — 6. t. r. to je so wam přikazalo wot wšeho spočatka, zo wy po wučbje Božje swoje žiwjenje zarjadujete.

7. Dokelž mnozy zawjednicy wuńdźechu do swěta,* kotřiž njewuznawaju, zo je Jězus Khrystus přišoł w mjasu. To je zawjednik a antikhryst.

8. Hladajće sebje samych, zo byće njezhubili, štož sće wuskutkowali, ale zo byće polnu mzdu dóstali.*

9. Kóždy, kiž wotstupi a njezwostawa we wuńbje Khrystusowej, nima Boha; štož zwostawa we wuńbje, tón ma Wótca a tež Syna.*

10. Jelizo što přikhadža k wam a tule wuńbu njepodawa, njepřijimajće jeho do domu, ani njepostrowjejće jeho.*

11. Přetož štož jeho postrowja, wobdžěla so na jeho zlych skutkach.*

12. Wjacy mějo wam pisać, njechach to z papjeru a z tintu; přetož nadźijam so, zo budu pola was a ze rta ke rtej řečeć, zo by waše wjeselo dospołne było.

13. Postrowjeja će džěći twojeje sotry, Elekty.*



TŘEĆÍ LIST S. JAPOŠTOŁA JANA.

Gaja khwali, zo we wěrnosći khodži a zo cuzych přečelnje přijima, wopominajo Diotrefowe wobskoržowanja a njepřečelniwosć, Demetrijej pak najlěpše swědčenje dawajo, přispominajo, zo jeho w krótkim woblada.

Starši najlubšemu Gajej,* kotrehož ja lubuju we wěrnosći.

2. Najlubši, we wšim so modln, zo by so tebi derje šlo a zo by strowy byl, jakož so derje dže twojej duši.*

3. Zwjeselich so jara, hdyž bratřa přindžechu a swědčenje dawachu twojej wěrnosći, jakož ty we wěrnosći khodžiš.*

4. Nimam wjetšeje wjeselosće, dyžli tu, khiba zo slyšu, zo moje džěći* we wěrnosći khodža.

5. Najlubši, swěrnje skutkuješ, štož-kuli činiš bratram, a to cuzym.*

6. Kotřiž swědčenje podachu twojej lubosći we wobliču cyrkwy, kotrychž, dowjedžeš-li jich, derje činiš, jakož je Boha hódne.*

7. Přetož jeho mjena dla su wušli, ničoho njepřijimajcy wot pohanow.*

8. My tohodla mamy tajkich přijimać, zo bychmy pomocnicy byli wěrnosće.

7. t. r. su wot złeho ducha do swěta wupóslani, a tohodla napomina jich s. japoštoł, zo bychu we wěrje a křesćanskim žiwjenju kruće stali, jakož buchu to wot wšeho spočatka wučeni. Na tom, zo přēja, zo je so Khrystus woprawdže jako čłowjek wozjewil, spóznawaja so jako zawjednicy a antikhrystowje. — 8. Hladajće so, zo byće so zawjesé njedali, a so tak wo dotalne zaslužby a wo nadźijomnu mzdu njepřinjesli. — 9. Hl. 1. Jan. 2, 22. — 10. Přindže-li něchtó k wam, kiž wuńby wo Khrystusu nima, w kotrejš bušće wot spočatka rozwučeni, tajkeho njepřijimajće, dokelž je za was strašny, njemějće towarstwa z nim. — 11. Štóž z tajkimi zawjednikami přečelnje wobkhadžuje, wustaja swoju wěru wulkemu strachej a ma tež sobu zamołwjeć njeprawe skutki, jelizo je njesadźěwa. — 13. Jelizo je list na cyžu wosadu pisany, su synojo sotry Elekty, stawy druheje wosady, w kotrejš s. japoštoł tónle list pisaše, a kotraž bě runje tak Elekta, t. r. k wěrje wuzwolena, jakož wosada, na kotruž bě list pisany.

1. Wo tomle Gaju njewě so dale ničoho. — 2. Dokelž móžeš so wěčneje zbožnosće nadźijěć. — 3. t. r. wobswědčachu, zo sy cyle we wěrnosći Božej wobkrućeny, dokelž sy swěrnje po njej žiwy. — 4. t. r. či, za kotrychž mam so starać. — 5. t. r. po twojim křesćanskim powołanju skutkuješ, hdyž cuzych hospoduješ. — 6. Tući, přečiwo kotrymž bě milosćiwý, khwalachu twoju hospodliwosć ke mni so wróciwši, před cyłej wosadu; a nadźijaja so, zo jich powjedžeš a ze wšim wobstaraš, čohož na dalším puću trjebaju. Ty wopokazaš jim tak wšu lubosć, jakož so to slůša džěću Božemu. Tući chcychu so na dalším puću zas ke Gajej wrócić. — 7. K wopowědowanju swjateje wěry wopuščichu wótčinu, a wěriwi maja tohodla jich podpěrać, dokelž wot pohanow ničoho njepřijachu.

9. Bych snadź cyrkwi pisał; ale tón, kotryž chce mjez nimi přeni być, Diotrefes, njeprijima nas.*

10. Tohodla, hdyž přinđu, dopomnu na jeho skutki, kotrež čini, ze złóštnymi słowami přečiwo nam šćebotajo, a jako by jemu to njedosahało, ani sam njeprijima bratrow, ale tež tym, kotřiž přijimaju, wobara, a z cyrkwyje jich wuzamka.*

11. Najlubši, njesćěhuj zleho, ale štož je

dobre. Štóz dobre čini, je z Boha, štóz zle čini, njeje Boha wiďzał.*

12. Demetrijej so swěďćenje dawa wot wšitkich, tež wot wěrnosće sameje, ale tež my swěďćenje dawamy, a wěš, zo je naše swěďćenje wěrne.*

13. Wjele mějach či pisać, ale njechach z tintu a z pjerom tebi pisać.

14. Nadźijam pak so, zo će hnydom wohladam, a zo budžemoj ze rta ke rtej řečec. Pokoj tebi. Postrowjeja će přecelojo. Postrow přecelow z njenom.



KATHOLSKI LIST S. JAPOŠTOŁA JUDAŠA.

Napomina, zo bychy krući byli w jónu jim podatej wěro přečiwo so zběhacym bjezbóžnym a njeporjadnym ludžom, spominajo na tychle wotsud po přikładze Židow a Sodomskich. Dokelž tež tući, nikoho so njebojicy, podawaja so khrobly do wšěch mjasnych požadosćow, přiruna jich wšelakim wěcam, a dopomina jich na hroženja wot Henocha a japoštołow wo nich wěšćene.

Judaš, služownik Jězusa Khrystusa, bratr pak Jakubowy,* tym, kotřiž su w Bohu Wóteu,** lubowanym a za Khrystusa Jězusa zakhowanym a powołanym.***

2. Smilnosť wam a pokoj a lubosć w poľnosći.

3. Najlubši, wšu prócu sebi dawajo. zo bych wam pisał wo wašej zhromadnej zbóžnosći,* mějach za potřebne, zo wam napišu napominajo, zo byšće wojowali za swjatym jónu podatu wěru.**

4. Přetož nutř podsunyl su so (k wam) někotři ludžo, kotřiž su dawno zapisani za tón sud, bjezbóžni, kotřiž miłosć našeho Boha přewobroćeja do njehańbitosće. a samoho Knjezićerja a našeho Knjeza Jězusa Khrystusa přeja.*

9. Diotrefes měješe wulki wliw w tamnej wosadze, bě snadź jeje biskop, bě pak knjezojty čłowjek, tak zo so jeho wšitcy bojachu, njedziwaše ani na s. japoštoła, a njeptijimaše ani lista ani bratrow, kotrychž s. japoštoł k njemu posła, a tale njeprěčelnosć, bratram wopokazana, je za Jana tak wjele, jako by so jemu stała. — 10. S. japoštoł chce tohodla sam tamnu wosadu wopytać a Diotrefa kruće powućić, kotryž so na njeho přisłodžeše, kotryž cuzych bratrow njehospodowaše, kotryž to tež wosadnym wobaraše, jim hrožo, zo jich z wosady wuzamkne, jelizo sebi cuzych hospodować dowola. — 11. Hl. 1. Jan 3, 6. — 12. Wo Demetriju so tež dale ničoho njewě; snadź bě posol, z kotrymž Jan list Gajej připsła, abo jedyn wot tamnych wučerjow, kotřiž běchu pola Gaja přecelnu hospodu našli; wšitcy wěriwi jemu dobre swěďćenje dawaja, a tole swěďćenje wobkruća wěrnosć sama, t. r. jeho dobre žiwjenje.

1. t. r. bratr Jakuba młódšeho, „Knjezoweho bratra“, přir. zawod k listej s. Jakuba. ** t. r. kotřiž su w hnadze z Bohom a mjez sobu z wěrneje lubosću zjednoćeni, a kotřiž su tohodla tei wot Boha lubowani. *** t. r. kotřiž běchu wot spoćatka postajeni, zo změja džěl na zbóžnosći. wot Khrystusa dobytej, a kotřiž buchu nětko přez wopowědowanje ewangelia a z pohnućom hnady Božej k wěro do Jězusa powołani. — 3. t. r. na zbóžnosći, wot Jězusa dobytej, maće ze mnou a ze wšěmi wěriwymi podžěl. ** t. r. zo byšće w strachach, kotrež wašej wot japoštołow wam podatej wěro hroža, so wobarali, zo byšće ji swěrní wostali. — 4. Mjelčo přiłačichu so k wam bludni wučerjo, kotřiž su dawno hižo w najstarších knihach s. Pisma woznamjenjeni jako tajcy, kotřiž maja so krutemu sudej přepodać; tajki sud hrozy so jim w jich předznamjenjach, kotrež

5. Dopomnić pak was chcu, kotřiž jónu wšitko wěsće,* zo Jězus lud z Egip-towskeho kraja wumóžiwiš, druhi króc tych, kotřiž njewěrjachu, zahubi.**

4. Mójz. 14, 37.

6. Jandželow pak, kotřiž njezakhowachu swoje knježstwo, ale wopušćichu swoju domowinu,* je k sudej wulkeho dnja z wěčnymi zwjazkami pod čěmnoścu skhował;**

7. Jakož Sodoma a Gomorrha a wokolne města, kotrež so podobnje kurwjachu a woteńdžechu po druhim mjasu,* buchu znamjo, khostanje wěčneho wohnja čerpicy.

1. Mójz. 19, 24.

8. Podobnje tež tući drje mjaso wonješwarnjeja, knježstwo pak zacpiwaju, krasność pak hanja.*

9. Hdyž arcejandžel Michał z djabolom prawujo so wurěčowaše wo Mójze-

sowe čělo, njezwazi so rozsud hanjenja wunjeseć, ale rjekny: poruč tebi Knjez.*

Zach. 3, 2.

10. Tući pak, štožkuli njeznaja, hanja; štožkuli pak z přirodženja, jako něme zwěrjata, znaja, w tom so kaža.*

11. Běda jim, dokelž na Kainowy puć woteńdžechu, a do Balaamoweho błuda wo mzdu so Zahnachu a w Koreowym napřećiwwjenju zahinychu.*

1. Mójz. 4, 8; 4. Mójz. 22, 23; 16, 32.

12. Tući su při swóich hosćinach nješwary, kwasujcy bjez bojosoće a sebje samych kormicy,* mróčełe bjez wody, kotrež so wot wětrow wokoło honja, nazymne štomy, njeplódné, dwójcy zemřeće, wukorjenjene,**

13. Džiwyje móřske žolmy, kotrež wupěnjeja swoje hańby,* bludźace hwězdy,

běchu njewěriwi Israelitojo w puscínje, Sodoma a Gomorrha, Kain, Balaam, Kore; jakož so na tutech předznamjenjach sud Boží dokonja, tak nječeknu jemu tež tući njewěriwi. Tući su tež bjezbožni, dokelž tamnu wot Khrystusa nam dobytú milosć, přez kotruž smy wumóženi ze stareho zakonja a z hrěcha a smjerće, powróća, jako bychmy bjeze wšeho zakonja, cyle po swóich nakhilnosćach tež njehańbiće žiwi býć móhli, a kotřiž tež přēja, zo je Bóh knježičeř wšitkich stworjenjow, a zo je Jězus Khrystus naš wumóžnik. — 5. Njecham was wo tutech podawkach rozwučeć, dokelž je hižo znajeće, na nje dopomnić was jeno chcu. ** Bóh je israelski lud z Egipťowskeje wumóžil, wón pak je tych w puscínje, kotřiž njewěrjachu, čězcy khostař; tak je tež tamnych bludnych wučerjow wot hrěcha wumóžil, jeliso pak budźa njewěriwi, začianje jich Bóh wěsće. Wumóženje israelskeho ludu a wotsuđenje njewěriwych, jakož tež khostanje jandželow a městow Sodomy a Gomorrhy připisuje so Jězusej, dokelž tež w starym zakonju wozjewješe so Bóh přez swójeho Syna, kotryž so w Jězusu woćlowječi. — 6. t. r. dokelž zhrěšichu, přisadźichu swóji poděł na knježenju Božim a swoje krasne bydljo w njebjesach. ** hl. 2. Pětr. 2, 4. — 7. t. r. kotrež runja tutym bludnym wučerjam wšelakore njeprírodné skutki nječistoty dokonjachu, khosta wón z wěčnym wohnjom jako přikład, zo budźa runje tak khostani, kotřiž tak hrěša. — 8. Tež tući dokonjeja podobne hrěchi, čělo z nječistými skutkami wonješwarnicy, Khrystusowe knježstwo přějcy a krasnośće jandželow hanicy. — 9. Jakož s. Pismo spomni, je Bóh sam Mójzesowe čělo pohrěbał a „ničto njeznaje jeho rowa hač na džensniši džen“. (5. Mójz. 34, 5.) Po starych podawiznach bu Mójzes wot s. Michała pohrěbany, a při tom měješe wón z djabolom wo čělo wojować, dokelž je tutón jako knježičeř nad smjerću za sebje žadašo. Michał pak njezwazi so, djabola sudzić, ale přewostaji to Bohu samomu. Hdyž s. Michał sebi njedowoli, djabola sudzić, kak njehańbićiwje zadžerza so tući bludni wučerjo, jandželow hanicy (hl. 2. Pětr. 2, 11). — 10. Tući njepóznawaja, runja nerozumnym zwěrjatom, ničoho, džižli štož ze swóimi zmysłami zapřijaja, a to hišće naložuju k swójemu njezbožu, hanja pak wšo, štož njeznaja. — 11. Su podobni na Kaina, dokelž swóich bratrow, wěriwych, ze swóimi njeprawými wučbami wo duchowne žiwjenje njesu, podobni na Balaama, dokelž wjedźeni wot nahramnosće to kliša a hanja, štož je Bóh žohnował, podobni tež na Kore a jeho priwiak, kotryž so přeciwo Mójzesej spječi, dokelž so tež zběhaja přeciwo knježstwu a hanja wysnośće a w swójej njeposlušnosći zabłudžaja so do njepócćiwosćow. — 12. Při nabožnych hosćinach su njepoměrni a hańba za wěriwych, dokelž na nich jeno kwasuja a za tym hladaja, zo bychu so samych kormili (hl. 2. Pětr. 2, 13). ** t. r. bjeza druhich, jako mróčełe, kotrež dešća nimaju, a njedokonjeja najmjeńšeho dobreho, runja štomam, kotrež w nazymju stoja bjez łopjenow a plodow, haj štomam, kotrež su cyle njeplódné, dwójcy mortwe, t. r. z kotrychž so žiwjenje njezhubi jeno w nazymju, jakož pola druhich štomow, ale cyle a za wšitke časy, dokelž su tež mortwe w korjenjach. Tak su tež tamni bludni wučerjo cyle bjez wužitka. — 13. Jich džiwyje žiwjenje runja so móřskim žolmam, kotrež tež ženje změrom njesu, ale morjo muća a wšelaku mazanosć jako pěninu wotplawjeju; tak pokazuja tući bludnicy tež wšelaku nješwar-

kotrymž je wichor čemnosće zakhowany na wěki.**

14. Wěšćeše* pak tež wo tutych sedmy wot Hadama, Henoch, prajo: „Hlej, přińdže Knjez w tysacach swojich swjatych.

Zjewj. 1, 7.

15. Zo by měl sud přećiwo wšitkim a přepokazał wšitkich bjezbóžnych za wšitke skutki jich bjezbóžnosće, z kotrymiž bjezbóžnje činjachu, a za wšitke twjerde [słowa], kotrež rěčachu bjezbóžni hrěšnicy přećiwo Bohu.“

16. Či su morkotarjo, skorža, po swojich požadosćach khodža, a jich rot rěči horde [słowa], dźiwaju na wosoby, dobytku dla.*

Ps. 16, 10.

17. Wy pak, najlubši, dopomće so na słowa, kotrež su předpowědźene wot japoštołow našeho Knjeza Jězusa Khrystusa.*

1. Tim. 4, 1; 2. Tim. 3, 1; 2. Pětr. 3, 3.

18. Kotřiž wam prajachu, zo w najposlednišim času přińdu wusměšerjo, khodžacy po swojich požadosćach w bjezbóžnosćach.

19. Či su, kotřiž sebje samych wotdželeja, mjasni, Ducha njeměwacy.*

20. Wy pak, najlubši, natwarjejeće sebje samych na swoju najswjećišu wěru, w Duchu swjatym so modlicy,*

21. Sebje samych w lubosći Božej wobkhowajeće, wočakujeće smilnosć našeho Knjeza Jězusa Khrystusa k wěčnemu žiwjenju.*

22. A tych drje khostajeće wotsudženych;

23. Tamnych pak wumóžejeće z wohnja jich wutorhujecy. Nad druhimi pak so smilujeće w bojosći, hidźicy tež samu znješwarnjenu sukuju, kotraž je mjasna.*

24. Tomu pak, kotryž zamóže was bjez hrěcha zakhować a postajić před wobličo swojeje krasnosće bjezporočnych w radosći při přikhadže našeho Knjeza Jězusa Khrystusa,*

25. Samomu Bohu našemu Zbóžnikej přez Jězusa Khrystusa, našeho Knjeza, (budź) česć a wulkosć, knježstwo a móc před wšěmi wěkami, tež nětko a wšitko wěki na wěki. Amen.

nosó swojeje wutroby ze swojimi dźiwimi počinkami. ** Su tež runja bludźicam abo bludničkam, hwězdám, kotrež bjez porjadnje drohi wokoło bludža w njesměrnym swětowym rumje, dokelž buchu wot swojeho slónca wottorhnjene, krótki čas so blyšća, ale nahle zhubja swoju jasnosť, tak tež bludni wučerjo, wottorhnjeni wot slónca wěrnosće so krótki čas ze swojimi bludami swěća, t. r. kedžbnosć druhich zbudžuja, a potom zapadnu do najtołšeje čmy, t. j. do wěčneho zatamanja. — 14. Henoch bě sedmy potomnik Iliadamowy, jeho wěšćenje pak njestoji w s. Pisnje, ale wobkhowa so we rtnych podawiznach. — 16. S. japoštoł wopisuje bludnych wučerjow jako njespokojnych ludźi, kotřiž na wšo skorža, sebje a swoje skutki wuzběhuja, a mócnym, wot kotrychž wužitk wočakuja, po hubje rěča. — 17. Zo by s. japoštoł wěriwych přeswědčil, kak jara maja so bludnych wučerjow wobarać, dopomnja jich nětko na napominanja s. japoštołow, kotřiž su za poslednje časy, za časy před sudnym dnjom bludnych wučerjow wěšćili, kotřiž směja z bóžskimi wěrnosćemi směchi (hl. 2. Pětr. 3, 3) a kotřiž budža po swojich hrěšnych nakhilnosćach žiwi. — 19. t. r. so dźěla wot cyrkwe, cyle mjasnym požadosćam podćisnjeni, w kotrychž Duch swjaty njeknježi. — 20. t. r. wostańće krući we wěrje, po jeje wěrnosćach rjadujeće swoje cyle žiwjenje, tohodla modlće so pobožnje, k tomu pohnući wot hnady Ducha swjateho. — 21. Kedžbujće, zo byšće hódni byli lubosće Božej, a so nadzijeć móhli, zo budže Knjez Jězus, hdyž k sudej přińdže, smilny přećiwo wam a was k wěčnemu žiwjenju dowjedže. — 23. S. japoštoł wuči, kak maja so wěriwi přećiwo zawjedženym a zawjednikam zadžeržeć; tamni zawjedzeni, kotřiž so wobroćić njechadža, maja so, jako wot Boha hižo sudženi, khostać a z cyrkwe wuzamknyć; druzi pak, kotřiž su we wulkim straše, zo do wohnja padnu, t. r. zo so zawjedu a potom wěčnje zahinu, maja so hrožacemu njezbožu z mocu wutorhnyć; zas druzi, kotřiž su slabi we wěrje, a tohodla tež strachej bluda wustajeni, maja so ze sćerpnosću powučec a we wěrje wobkrućec, při čimž maja wěriwi na sebje kedžbu měć, dokelž je za kóždeho strašna wěc, z bludzacymi wobkhađeć, wosebje tajkich maja so hladac, kotřiž su mjasnym nakhilnosćam poddaći, sama jich drasta ma natykowacu móc, jakož tež při čělnych khorosćach, t. r. kóžde blizke wobkhađowauje z nimi je strašne. — 24. t. r. kotryž ze swojej hnady zamóže před hrěchom was zakitać, a was čistych a swjatych wobkhować, tak zo so njetrjebaće sudneho dnja bojeć, ale zo móžeće k njemu so wjeselić.



ZJEWJENJE S. JANA JAPOŠTOŁA.

STAW I.

Janej na kupu Patmos wupokazanemu so poruča, zo by napisał sedm cyrkwjam Asije, přez sedm swěćnikow woznamjenjenym, štož bě widzał we wokołności Syna čłowjeka, kajkosć wopisajo, w kotrejž bu jemu tutón pokazany.

Zjewjenje Jězusa Khrystusa, kotrež jemu Bóh poda, zo by pokazał svojim služownikam, što ma so stać bórzy,* a (wón to) woznamjeni, poslawši přez swojeho jandžela, swojemu služownikej Janej,**

2. Kotryž wobswědči słowo Bože a swědčenje Jězusa Khrystusa, štožkuli je widzał.*

3. Zbóžny, kiž čita a slyši słowa tohole wěšćenja, a zakhowa to, štož je w nim napisane; přetož čas je blisko.*

4. Jan sedmim cyrkwjam, kotrež su w Asiji:* Milosć wam a pokoj wot toho, kiž je a kiž běše a kiž ma přińć, a wot sedm duchow, kotřiž su we wobliču jeho tróna.*****

2. Mójz. 3, 14.

5. A wot Jězusa Khrystusa, kiž je swěrný swědk,* přenjordženy z mrtwych a wjefch kralow zemje,*** kotryž je nas lubował a nas wumyl wot našich hrěchow w swojej krewi,† 1. Kor. 15, 20. Kol. 1, 18; Hebr. 9, 14; 1. Pětr. 1, 19; 1. Jan. 1, 7.**

6. A sćini nas kralowstwo a měšnikow Bohu a swojemu Wóteci;* jemu (budž) khwala a knježstwo wěki na wěki. Amen.

7. Hlej, přikhadža z mróčelemi a wuhlada jeho kóžde wóčko, tež kotřiž jeho překlóchu; a žalosćić budža nad nim wšitke splahi zemje. Haj; Amen.*

Is. 3, 13; Mat. 24, 30; Jud. 14.

8. Ja sym Alfa a Omega, spočatk a kónc,* praji Bóh tón Knjez, kiž je, kiž běše a kiž ma přińć, wšohomócný.**

Is. 41, 4; 44, 6; 48, 12; niže: 21, 6; 22, 13.

9. Ja, Jan,* waš bratr a towarš w česnosći a w kralestwje a w sćerpnosći w Khrystusu Jězusu, běch na kupje, kotraž rěka Patmos***, słowa Božeho a swědčenja Jězusoweho dla.**

I. 1. Zjewjenje rěka pokazanje zakhowaneho, potajneho, tudy rěka pokazanje přichodneho časa, kotryž je w Božej radě drje přitomny, čłowjekam pak cyle zakryty. Bóh wozjewi tele potajnosće Jězusej, bóhčłowjekej; jako Bóh drje znaje Jězus wot wěčnosće wšitke rady Bože, dokelž je z Wótecom jednoho byća, ale jako čłowjek spózna je při svojim překrasnjenju, a wozjewja nětko svojim služownikam, svojim wěriwym, što so w přichodnym času stanje. ** Wšelake wobrazy přichodnych podawkow, kotrež Jan widžeše, buchu jemu přez jednoho jandžela pokazane. — 2. t. r. Jan dawa swědčenje wo słowje Božim, wo powučenjach Božich, kotrež w jednotlivych wobrazach widžeše, a wozjewja, štož bě jemu Jězus Khrystus pokazał. — 3. Štož sebi tele słowa rozpomina a sebi je k wutrobje woznje, zakhowa so před hroženym khostanjom, kotrež je blisko, a přińdže k wěčnej zbóžnosći. — 4. Hłowne wopriječće swojeho spisa podawši (r. 1—3) poswjećaj jón sedmim biskopskim wosadam, kotrež běchu pod nim. ** t. r. wot wěčného, njepřeměnitoho Boha. *** t. r. wot Ducha swjateho, kotryž ze swojimi sedmi darami w čłowjekach skutkuje. Ličba sedm je znamjo dospołnosće, a chce tudy dospołnosť wozjewić, w kotrejž Wóte a Syn swoje dary přez Ducha swjateho, wot njeju posłaného, čłowjekam wudžělataj. — 5. t. r. kotryž jako wěčna wěrnosć wozjewjenja Bože čłowjekam podawa a wobswědča. ** Přenjordženy z mrtwych, t. r. je přeni, kotryž je wot mrtwych wstanyl, zo by wjacy njewumřel (hl. Kol. 1, 18). *** Dokelž je ze svojim poniženjom dobył nad cyłym swětom a sebi podčisnył wšitke stworjenja. † Khrystus lubuje nas stajnje a tohodla wumře za nas, zo by nas wot wšitkich hrěchow wumóžil. — 6. t. r. wěriwi su w jeho kralestwje kralojo, dokelž z nim knježa, a měšnicy, dokelž z nim, wěčným swój spóčatk, a po kotrehož woli so tež wšitko skónči. ** Swjaty japoštoł chce wěrnosć Khrystusoweho přikhada k sudej zawěšćić, so powołajo na wěčného wšohomócného Boha. — 9. Jan powěda, zo so jemu Khrystus zjewi a poručí, zo by zjewjenja, kotrež ma dóstać, napisał a ze sedmi listami, kotrychž wopriječće zhoni, sedmim cyrkwjam Asije posłał. ** t. r. ja čerpju z wami něčičšu tyžnosť, kotraž, hdyž so ze sćerpnosću a z podačom do Božej wole znješe, ke krasnosći w kralestwje Jězusa Khrystusa dowjedže. *** t. j. mała pusta kupa w egejskim morju, džensa mjenuje so Patinos abo Patmosa, na kotruž bu s. Jan wuhnaty, dokelž bě słowo Bože rozšěrjal a za Jězusa swědčil.

10. Běch w duchu* na Knjezowym dnju,** a zasłyšach zady sebjě mócny hlós jakož (hlós) truby,***

11. Kotryž rjekny: Štož widžiš, napiš do knihi a pósćel sedmim cyrkwjam, kotrež su w Asiji, w Efesu* a w Smyrnie a w Pergamje a w Thyatirje a w Sardis a w Filadelfiji a w Laodiceji.

12. A wobročich so, zo bych hlós widzał, kotryž zarěča na mnje, a so wobročiwši wuhladach sedm złotych swěčnikow.

13. A wosrjedź sedm złotych swěčnikow podobneho Synej čłowjeka, wobleceného w dolhu drastu a wopasaneho nad nadrami ze złotym pasom,*

14. Jeho hlowa pak a jeho włosy běchu běle jako běla wołma, a jako sněh a jeho woči jako płomjo wohnja,*

15. A jeho nozy (běštej) podobnej mosazej jakož w žehliwej pjecy* a jeho hlós jako hlós mnohich wodow,**

16. A měješe w swojej prawicy sedm hwězdow, a z jeho rta wukhadžeše na woběmaj stronomaj wótry mječ,* a jeho wobličo (běše,) jakož slóncó swěći w swojej mocy.**

17. A hdyž jeho wuhladach, padnych k jeho nohomaj jako mortwy.* A položi swoju prawicu na mnje, prajo: Njeboj so; ja sym přeni a posledni,

Is. 41, 4; 44, 6; 48, 12; niže 22, 13.

18. A žiwy, a běch mortwy, a hlej, sym žiwy wěki na wěki a mam klučě smjerće a hele.*

19. Napiš tohodla, štož widžeše, a štož je, a štož ma so stać po tom,

20. Potajnosć sedm hwězdow, kotrež widžeše w swojej prawicy, a sedm złotych swěčnikow.* Sedm hwězdow su jandželojo sedm cyrkwjow, a sedm swěčnikow je sedm cyrkwjow.**

10. t. r. tak rjec wot swojeho čěła džěleny, wo nim ničoho njewědžo, k wyššim wěcam přenjeseny, kotrež móža so jeno z duchom spóznać. ** t. r. njedželu. *** Hlós da so zady njeho slyšeć, štož na to pokazuje, zo ujenadžicy přihdže, a to mćenje a jasnje, na čož přirunanje z hlósom truby pokazuje. — 11. Efesus, na brjozy Małeje Asije, nimale napřećo Korinthej, bě hlowne město romskeje provincy Małeje Asije, a bohate překupske město. W nim bě krasny templ bohowski Diany (hl. Jap. skutki 19, 28). Smyrna ležeše k polnocy wot Efesa při wustupje egejskeho morja a bě stare bohate překupske město; džensniši džěni je hišće znamjenite z 120 000 wobydlerjemi. Pergamos, stare slawne město Misije. Thyatira bě město w Lydiji. Sardis, bohate hlowne město Lydije, w plódněj krajiny při horje Tmolus, w kotrymž dziwim njepočinkam služachu. Filadelfija bě město w tej samej krajiny, ke krótkemu ranju wot Sardes. Laodiceja bě bohate překupske město njedaloko Kolossae w Frigiji. — 13. t. r. wuhladach Jězusa Khrystusa w jeho njebieskej krasnosći, wobleceného jakož starozakónskeho wyššeho měšnika. Mjez sedmi swěčnikami, kotrež běchu znamjenja sedm wosadow, kotrež mójachu pohanam z křesćanskej wěrnosću swěćić, stoješe Khrystus, žórło wšeho swěćla. — 14. Jeho włosy běchu běle, jako znamjo překrasnjenja, a jeho woči swěćeše so jako sapace płomjo, kotrež znutkowomny hněw přeradžěše; ze swjatym hněwom nad wšitkim złym bě Khrystus zahorjeny. — 15. Jeho nozy njeměješe jeno jasnosť žehliweho mosaza, ale tež jeho móc; z nimi předobudže swojich njepřećelow. ** t. r. tak mócny. — 16. Tutón bě znamjo mocy, z jeničkim słowom swojeho rta poraže swojich njepřećelow. ** Bóžske byće rozjasni jeho wobličo, tak zo swěćeše jakož najmóćniše slóncó. — 17. Na bóžsku krasnosť njezamóže čłowjek hladać, ze strachom mrěje, hdyž ju wuhlada. (Is. 6, 4; Dan. 8, 17.) Tak padnje tež Jan jakož mortwy k zemi, w Synje Božim bóžsku krasnosť wuhladawši. — 18. Ty njewumřež, dokelž ja, kiž tebje zakitam, sym wěčný a žiwy; tež ja běch mortwy a wróćich so k žiwjenju, zo bych žiwy był wěki na wěki, a ze swojej smjerću sym sebi móc nad smjerću a helu dobył, tak zo móža wot smjerće wumóžić, kohož čeu. Klučě su znamjo mocy a knježstwa. — 20. Jan ma napisać, što sedm hwězdow a sedm swěčnikow znamjenja, štož móžeše jeno spóznać z wozjewjenja Božeho. ** W tutych słowach je kluč k potajnosći a w sedmi listach so potajnosć dale wujasnuja. Sedm swěčnikow je sedm cyrkwjow, dokelž tute rozšěrjeja swětlosć wěry, kotruž Khrystus zaswěći a stajnje zdžeržuje. Sedm hwězdow pak su jandželojo, t. r. předstojićerjo a biskopjo sedm cyrkwjow, dokelž knježerjo a wučerjo přirunaja so w swj. Pismje s hwězdami. Jandželojo rěkaju, dokelž posolstwo Bože wozjewjeja a při woporje jako srjedźićerjo mjez Bohom a čłowjekami skutkuja; tež tohodla, dokelž jako jandželojo pěstonojo wosady stražuja. Předstojićerjo zastupuja tež cyłu wosadu, tak zo to, štož so jim praji, cyłej wosadze plaći. Tohorunja zastupuja sedm cyrkwjow cyłu cyrkej. Khrystus stoji srjedź sedm swěčnikow, t. r. wón stražuje a zakituje swoju cyrkej. Wón

STAW II.

Janej so poruča, zo by wšelake wěcy pisał cyrkwjam w Efesu, Smyrnje, w Pergamje a w Thyatirje, khwalo tych, kotřiž wučbu Nikolaitow njeptipuščichu, druhich pak z hroženjemi k pokuće pohnuwajo; liwkeho zasudžejo a horliwemu myto lubjo.

Jandželej cyrkwyje w Efesu napiš: * To praji, kotryž dźerži sedm hwězdow w swojej prawicy, kotryž khodźi wosrjedź sedm złotych swěčnikow: **

2. Znajdu twoje skutki a džěło a twoju sčerpnošć, a zo zlych znjesć nje-móžeš* a spruhowa tych, kotřiž praja, zo su japoštołoj, a tola njejsu, a nadeńdže jich jako Iharjow: **

3. A maš sčerpnošć a sy wutraš mojego mjena dla a njejsy wustal.

4. Ale mam přećiwo tebi, zo swoju přerju lubošć wopuščić.*

5. Dopomni so tohodla, z wotkel sy padnyl,* a čini pokutu a dokonje přenje skutki; nochčeš-li pak, přidu tebi a storcu twój swěčnik z jeho města, jelizo pokutu nječiniš.

6. Ale to maš, zo hidžiš skutki Nikolaitow, kotrež tež ja hidžu.*

7. Štóz ma wucho, njech slyši, što Duch praji cyrkwjam: * Dobyčerje dam jěsć ze štoma žiwjenja, kotryž je w paradizu mojeho Boha. **

8. **A** jandželej cyrkwyje w Smyrnje napiš: To praji přeni a posledni, kiž bě mrtwy a wožiwi,*

9. Znajdu twoju čěsnošć a twoju khu-

ma sedm hwězdow w swojej ruce, t. r. wón ma předstojicerjow cyrkwjow a tohodla tež cyrkwyje same w swojej mocy, a njewopuščić je. Wšitke wozjewjenja cyłjeje knihi chcedža dopokazać, kak Khrystus swoju cyrkwy zakituje, kak ju z cyłje lubošću podpěra.

II. 1. Najprjedy sčěhuje sedm listow na sedm cyrkwjow 2, 1 — 3, 22. Listy su na so podobne; na spočatku mjenuje so wosada, na kotrejež jandžela, biskopa, je list pisany, potom spomni so, zo Khrystus list sčele. List počina Knjez prajo, zo wosadu a jeje wobstojenja znaje, a za tym hač tute su, khwali abo porokuje, pokoja abo hrozy, napomina abo pohnonja ke kědźbnošći. List so skónči z napominanjom, zo bychu jeho słowam poslušali, a ze slubjenjom za tych, kotřiž w domapytanju wobstoja. — Efesska wosada bu wot s. Pawoła založena (Jap. sk. 19). Po nim nawjedowaše Timotheus wosadu a po jeho smjerći Jan. Mjeno biskopa pak, kotryž wosadze předstojěje mjez tym hač bě Jan na Patmos wuhnaty, a na kotrehož bu list pisany, njeje znate. ** Z tym woznamjenja so Khrystus jako Knjez swojeje cyrkwy, kiž w jeje srjedzinje přebywa jako přecy w njej přítomny. — 2. Znajdu wšitko, štož činiš, twoju prócu w mojej službj, a wosebje tež, zo wšu zlošć hidžiš a zo we wosadze nječerpiš tych, kotřiž so słowu a kaznjam Božim přećiwjeja. ** Falšni wučerjo přikhadžachu, za japoštołow wot Khrystusa posłanych so wudawajcy; ale po pruhowanju jich wučby a žiwjenja spóznychu so jako falšni wučerjo. Efessku wosadu khwali jako kruće wěriwu, kotraž falšnu wučbu w sebi nječerpi. — 4. Ke khwalbje přistaji porok, zo je w njej přenja zahorjenosć w službj Božej woliwla. — 5. Štóz woliwkuje, padnje tak rjec z wyšeho stopnja, na kotryž bě lubošć jeho pozběhnyla, do nižiny, a ma so tohodla wobžarować; s. japoštoł hrozy jemu, zo jeho wosadu z jednoty křesćanskich cyrkwjow wuzamkne, swjate wěromosće a hnady ji wozmje, jelizo pokuty nječinja a k přjedawšej horliwosći so njewróća. — 6. Nikolaitoj mjenowachu so ludźo, kotřiž mějachu spokojenje mjasnych pokhilnosćow a tež wobdźělenje na přibóžskich woparach za dowolene; k tutym njeprawym wučbam, žiwjenje nastupajcym, zjednočachu tež bludne wučby wěru nastupace. Swj. japoštoł khwali, zo tajke skutki bludžacych ludźi hidža. — 7. Khrystus nječerpi nětko k wosadam sam, ale přez Ducha swjateho, kotryž profetow a japoštołow rozswětluje a wuču, što maja wěriwym wopowědować. ** t. r. štóz je po wučbach wěry swěrnje žiwy, a w spytowanjach a we wšitkich přećiwjenjach wěru wobkhowa hač do smjerće, budže wěcnje zbóžny, budže wužiwać wot plodow ze štoma žiwjenja, kotrež budža jeho wokřewjeć a wozbožć. Jakož mějachu plody ze štoma žiwjenja w zemskim paradizu čłowjeke njesmjertnosć wobkhować, tak slubi Duch swjaty sprawnym plody ze štoma žiwjenja, kotrež budža w njebeskim paradizu jich wokřewjeć a wozbožć. — 8. Smyrna je wulke překupske město, kotrež k pońocy wot Efesa leži, dženaniši džen hišće ma 130 tysacow wobydleri. Štó je tu křesćansku wosadu založil, njewěmy, w druhim lěstotku běše tu swj. Polykarp, kiž bě wot s. japoštoła Jana w křesćanstwje rozwučowany, biskop, a najskeje je tutón tamny jandžel, kotremuž tele słowa plaća. Khrystus rěka tu přeni a posledni, jakož 1, 17, dokelž přez njeho bu wšo, w nim wobstoi wšo, na njeho ma so wšo počahować, wón, kiž je wšohomocny, zakituje kóždoho, a wróći kóždemu žiwjenje, kiž je jeho mjena dla je w přescěhanjach zhubil.

dobu, ale sy bohaty;* a bywaš hanjeny wot tych, kotřiž praja, zo su Židža, a njejsu, a su synagoga satana.

10. Njebój so ničoho toho, štož budžeš ćerpjeć. Hlej, djaboł pósćełe někotrych z was do jastwa, zo byšće spytowani byli, a změjeće ćěsność džesać dnjow. Budź swěrný hać do smjerće, a dam tebi krónu žiwjenja.*

11. Štóz ma wucho, njech słyši, što Duch praji cyrkwjam: Štóz dobudže, njebudže ranjeny wot druheje smjerće.*

12. **A** jandželej cyrkwyje w Pergamje* napiš: To praji, kotryž ma mječ, na woběmaj stronomaj wótry:**

13. Wěm, hdže bydlíš, [mjenujcy] hdžež je sydło satana; a dźeržiš so mojeho mjena; a njezapře moju wěru; a w tamnych dnjach bě Antipas mój swěrný swědk, kotryž hu morjeny pola was, hdžež satan bydlí.*

14. Ale mam přećiwo tebi mało, zo maš tam [tajkich], kotřiž so Balaamoweje wučy dźerža, kiž Balaka* wučěše, po-

hórsk položiť před dźěći israelske, zo bych u jědli a kurwili. 4. Mójs. 24, 3; 26, 2.

15. Tak maš tež tajkich, kotřiž so wučy Nikolaitow dźerža.

16. Podobnje čín pokutu;* jelizo nie, přinđu tebi bórzy a budu z nimi wojować z mječom swojeho rta.

17. Štóz ma wucho, njech słyši, što Bóh praji cyrkwjam: Dobywacemu dam potajne manna a dam jemu běly kamjeń, a na kamjeń napisane nowe mjeno, kotrehož ničto njeznaje, khiba dóstawacy.*

18. **A** jandželej cyrkwyje w Thyatirje* napiš: To praji Syn Boží, kiž ma woči jako płomjo wohnja, a jeho nozy stej podobnej mosazej.**

19. Znamu twoje skutki a twoju wěru a lubość a twoju službu a twoju sćěpnosć, a zo je twójich poslednich skutkow wjacj dyžli přěních.*

20. Ale mam přećiwo tebi mało, zo dowoliš žónskej Jezabeli, kotraž so profetka mjennje, wučić a mojich služowni-

9. Ty drje sy přescěhany a khudy na časnych kublach, ale za to bohaty na duchownych a dobrych počinkach, pobožnosć a na njebieskich zaslužbach. Tež znaje Knjez ćěsność, kotrej Židža po mjenje křesćanam činja. Tući drje so z tym hordža, zo su Abrahamowe dźěći, jeho sylneje wěry a pobožnosće pak nimaju, a tohodla tež Bohu njeslužja, ale djabolej. — 10. Přescěhany zbudźuje djaboł, kotryž Khrystusa a jeho skutk hidži, někotři z wosadnych budža na čas jeći, ale za swěru, kotruž mi wobkhowaju, dóstanu wěčne myto. — 11. Druha smjerć je wěčne zatamanje; štóz w přescěhanjach dobudže, swoju wěru njezapře, njewumrje druhi króć, ale budže zbójaj. — 12. Pergamus bě město w Mysiji, k pońocy wot Efesa; w nim bě wyšše romake sudnistwo. ** Na woběmaj stronomaj wótry mječ je znamjo mocy, z kotrež Khrystus swojich přećiwnikow přewinje. — 13. Satan zbudźuje přescěhanja a ma wosebje w Pergamje wjele mocy, dokelž tu je Antipas, najskerje biskop wosady, morjeny, ale tež w čěžkich ćěsnoścach njeda so wosada zatraćić, ale wosta mi swěrna. — 14. Wěšćeř Balaam radžeše moabskemu kralej Balakej, zo israelske dźěć z tym přewinje, zo so jim na woporach přiboha Baala wobdźělić a z moabskimi žónakimi kurwić; podobnje wuča tež Nikolaitojo, zo je nječistota a wobdźělenje na přibóžkich woporach dowolene. Zo su tajcy ludžo w Pergamje, njeje za biskopa česć. — 16. t. r. jakož město Efesa. Jelizo tamnych falšnych wučerjow njewučěřiš abo njeporjědziš, přinđu sam, zo bych jich sudził a tei tebe. — 17. Slubjena njebieska zbóžnosć pokazuje so w dwójim wobrazu, we wobrazu potajne manna a běleho kamjenja, na kotrymž mjeno napisane stoji. Potajne manna je „khlěb z njebies“ (Jan. 6, 31); tajki khlěb poda Jězus tym, kotřiž so wopornych jědži pohanow zdźeržachu. Potajne mjenuje so manna, dokelž so hakle w njebju wopta. Tež kamjeń z nowym mjenom dóstanje w njebiesach, kotryž we wojowanju za njebjo dobudže. Zbóžnosć spósna je tón, kiž ju wěžiwa, a dokelž nowe mjeno njebiesku zbóžnosć woznamjenja, tohodla je tež mjeno jeno tomu znate, kiž zbóžnosć dósta. Nowe mjeno stoji na běłym kamjenju napisane, kotryž so dobyćerjej poda. Zo je mjeno na kamjeń pisane, znamjenja, zo to same a přez nje woznamjenjenu zbóžnosć wěčne wobkhowa. Běly kamjeń pokazuje na čistotu a swjatost zbóžnosće. — 18. Thyatira bě macedonske město w Lydiji, k ranju wot Pergama. Wottud bě Lydija, tamna žónska, kotruž s. Pawł w Filippi nadeidže a za křesćanstwo doby (hl. Jap. sk. 16, 14). ** hl. 1, 14. 15. — 19. t. r. je w poslednim času hišće horliwiši, dyžli w přěním.

kow zawjedować, zo bychu kurwili a jédli wot přibóžskich woporow.*

21. A dach jej čas, zo by so nakazala, a njecha so nakazać ze swojeho kurwaństwa.

22. Hlej, položu ju na ložo,* a kotřiž mandželstwo lamaju z njeju, budža we přewulkej česnosći, jelizo so njenakazaja ze swojich skutkow,

23. A jeje džěci zmorju ze smjerću, a zhonja wšitke cyrkwy, zo ja sym, kiž přepytuju jěchenje a wutroby, a zo dam jenomu kóždemu z was po jeho skutkach.* Wam pak praju, 1. Kral. 16, 17; Ps. 7, 10; Jer. 11, 20; 17, 10; 20, 12.

24. A druhim, kotřiž sće w Thyatirje: Kotřižkuli nimaja tejele wučby, a kotřiž njespóznachu hlubinow satanowych,* jakož praja, njepoložu na was drugeje čeze; **

25. Tola tu, kotruž maće, njesće, hač přińdu.*

26. A štož dobudže a wobkhowa hač do kónca moje skutki,* tomu dam móc nad pohanami,

20. Wěšćerka we wosadže bě tamnym bludam Nikolaitow poddata a tak wina, zo někotři wosadni čezke hrěchi wobeždžechu, a to so biskopej porokuje. Mjeno wěšćerki so njemjenuje, s. japoštoł rěka jej Jezabel po mjenje israelskeje kralowny, kotraž tež israelski lud k nječistoće a přibóžskim woporam zawjedowaše. — 22. t. r. na khore ložo. — 23. t. r. pokhostam ju a tamnych, kotřiž z njeju hrěšachu a kotřiž tesame njepočinki rozšěrjeja tak krúce, zo budža wšudźom wo tom powědać, a moja wšohowědomosć a sprawnosć khwalić. — 24. Nikolaitojo, kotřiž tež do gnostiskich bludow wěrajachu, připisowachu sebi hordže spóznaće wyšších wěrnosćow, haj samo lěpše spóznaće Boha, hlubinow jeho byća; zbóžnik pak wotsudźuje tajke hordženje, jich spóznaće mjenujo spóznaće hlubinow djabała, dokelž jeho wolu a skutki dokonjeju. ** t. r. noweje kaznje. — 25. t. r. poslušajće swěrnje Božim kaznjam. — 26. t. r. skutki, kotrež Bože kaznje prikazuja. — 28. Khrystus dósta při swojim překrasnjenju wot njebieskeho Wótca móc nad wšitkimi ludami, hižo w 2. psalmje wopisuje so tole knježenje, kóždy, kotryž so jemu přećiwja, budže jako hornčerske sudowjo rozmječeny. Na tutom knježenju wobdžěla so tež čí, kotřiž tudy sa wěru wojuja a w tutom wojowanju dobudu. Knježstwo nad pohanami je rjane myto za přewinjenje spytowani, kotrež z pohanskeho žiwjenja wukhadźeju. ** Krasnosć njebieskeho žiwjenja předstaja so pod luboznym swětlom jutneje hwězdy; jakož tale, budža so blyšćić wšitcy, kotřiž we wojowanju za wěru dobudu.

III. 1. Sardis bě hłowne město stareho lydiskeho kralstwa k pońdnju wot Thyatiry a k ranju wot Efesa, jeho wobydlerjo běchu bohaći, pyšni ludžo; njewěmy, kak tam křesćanska wosada nasta, Ensebius spomina w swojich cyrkwinskih stawiznach, zo bě w druhim lěstotku Melito biskop w Sardis. ** Khrystus ma sedm Duchow, t. r. Ducha swjateho ze sedmi darami, a sedm hwězdow, t. r. sedm biskopow, kotřiž su w jeho mocy a pod jeho zakitom; hl. 1, 20. *** t. r. pola čłowjekow plaćiz za dobreho pastyrja, ale přede mnu sy mortwy, t. r. twoja wěra njeje žiwa w dobrych skutkach, njeje wožiwjena we wěrnej lubosći; před bludnymi wučbami bě biskop swoju wosadu zakitał, ale křesćanske žiwjenje bě tam liwke. — 2. t. r. staraj so pilnje, zo so liwcy z nowa zahorja, a zo tamni we wosadže, kotřiž su duchownej smjerći hižo blisko, k nowemu žiwjenju wotuća; dokelž hač dotal njeběchu twoje skutki tak dospołne před Bohom, jakož dyrjachu być. — 3. Zo by mócněše žiwjenje w tebi wotućilo, rozpominaj, z kajkej pilnosću a zahorjenosću sy ewangelium přiřał a slubił, zo chceš po nim žywi być; tusamu zahorjenosć za swjatu wučbu a swjate žiwjenje wubudźej, hewak budžeš njenadźicy khostany.

27. A budže nad nimi knježić ze železnym prutom, a jakož hornčerske sudowjo budža rozbić, Ps. 2, 9.

28. Jakož tež ja dóstach wot swojeho Wótca,* a dam jemu rańšu hwězdu.**

29. Štož ma wucho, njech slyši, što Duch praji cyrkwjam.

STAW III.

Janej so poruča, zo by cyrkwjam w Sardis, Fildelfiji a Laodiceji pisał, bludžacych z hroženjemi k pokuće pohonjejo ale druhich khwalo a tomu, kotryž dobudže, myto lubjo; praji, zo Bóh do duri kłapa, zo by zastupił k tomu, kiž wotewri.

A jandželej cyrkwy w Sardis* napiš: To praji, kotryž ma sedm Duchow Božich a sedm hwězdow:** Znajú twoje skutki, dokelž maš mjeno, zo sy žywy, a sy mortwy.***

2. Budž wotućeny a wobkrućej druge, štož cheyše wumřěć,* přetož njejsym namakał twoje skutki polne před svojim Bohom.

3. Dopomni dha so, kak sy přiřał a slyšał, a wobkhowaj a čini pokutu.* Nje-

budžeš-li dha wotučeny, přińdu na tebje jakož paduch, a njezhoniš, w kotrej hodźinje na tebje přińdu.

1. Thea. 5, 2; 2. Pětr. 3, 10; niže 16, 15.

4. Ale maš mało mjenow w Sardis, kotřiž njewomazachu swojeje drasty, a budža khodźić ze mnu w bělej drasće, dokelž su hódni.*

5. Kotryž dobudže, budže tak wobleženy w bělu drastu a njewumazu jeho mjeno z knihi žiwjenja a wuznaju jeho mjeno před swojim Wótcem a před jeho jandželemi.*

6. Štóz ma wucho, njech słyši, što Duch praji cyrkwjam.

7. **A** jandželej cyrkwje we Filadelfiji* napiš: To praji swjaty a wěrný, „kotryž ma kluč Davidowy, kiž wotanka a nihtó njezamka, zamka a nihtó njewotanka:“

Is. 22, 22; Job. 12, 14.

8. Znaju twoje skutki. Hlej, dał sym před tobu wotewrjene durje, kotrychž

nihtó zamkać njemóže,* dokelž maš malu móc, a wobkhowa moje słowo, a njezapře moje mjeno.

9. Hlej, dam [tebi] ze synagogi satana tych, kotřiž praja, zo su Židža a njejsu, ale lža; hlej, sćinju, zo woni přińdu a so modla před tvojimaj nohomaj, a spóznaja, zo sym ja tebje lubował;*

10. Dokelž wobkhowa słowo mojeje sćerpnosće, tež ja zakhowam tebje před hodźinu spytowanja, kotraž přińdže do cyleho swěta, zo by spytowała tych, kotřiž bydla na zemi.*

11. Hlej, přińdu bórzy; dźerž štož maš, zo by nihtó njedostał twoju krónu.*

12. Štóz dobudže, toho sćinju stolp w templu swojeho Boha, a won wjacy njewuńdže, a napišu na njeho mjeno swojeho Boha, a mjeno města swojeho Boha, noweho Jeruzalema, kotrež zestupuje z njebjes wot mojeho Boha, a swoje nowe mjeno.

4. Někotři běchu we wosadže, kotřiž do powšitkowneje liwkosće njepadnychu, a tuči budža ze mnu w njebjeskim kralestwje w bělu drastu wobleženi so wjeselić nad swojej čistoća a swjatošću. — 5. Kotřiž we wojowanju za wěru dobuđu, dóstanu tfoje myto, budža wobleženi w bělu drastu, w kotrež smědža na jeho kwas přińć; jich mjena wostanu w knizy žiwjenja; a budža před njebjeskim Wótcem a wšitkimi jandželemi zjawnje mjenowani a jako sławni dobyćerjo česćeni. Jakož ma swětna wyřnosć zapisk swojich poddanow, kotřiž w tomsamym zapisani wostanu, doniž su žiwi, po smjerći pak so wumaznu, tak ma tež Bóh takrjec knihu, w kotrež wšitcy stoja, kotřiž maja prawo na wěčnje zbóžne žiwjenje, a z tohole zapiska so wumaznu, hdyž so z hrěšnym žiwjenjom zbóžneho žiwjenja njehódni sćinichu. — 7. Filadelfija bě město w Lydiji ke krótkemu ranju wot Sardis. Štó je tu najprěni křesćanstwo rozšěrjał, njewěmy, japoštołske konstitucije pisaja, zo je swj. Pětr wosadže přěnjeho biskopa postajił, Demetria w mjenom. Kluč je znamjo mocy, kotřiž ma kněz w swojim domje abo kral w swojim kralestwje; israelski lud je Davidowe kralestwo, a kluč Davidowy znamjenja móc Davidowu; David pak a jeho kralestwo je jeno předznamjo kralestwa Božeho, w kotrymž Khrystus knježi, w kotrymž ma wón sam wšu móc, wón sam kluč, wón wotewrja a zamka tole kralestwo, wot njeho wotwisuje, što so do tohole kralestwa přiwozmje, što so z njeho wuzamkne, što ma potajkim jako sobustaw prawo na hnady a kubla cyrkwje. — 8. t. r. ty maš rjanu přiležnosć, cyrkej w swojej wokołnosći rozšěrjeć, a tule přiležnosć wěrných zasužbow měj za myto, z kotrymž twoju swěru plaću, dokelž sy, hačrunje slaby porno namocy Židow, tola hajił swjatu wučbu a wuznawał moje mjeno. — 9. Ze swojej mócněj hnady přiwjedu mnohich ze synagogi satana, t. j. ze Židow k spóznaću wěrnosće, k zastupjenju do s. cyrkwje, zo so ponižnje tebi podčisnu a zhonja, zo sym tebje lubo měł. — 10. Dokelž swěrnje wobkhowa, t. r. w žiwjenju wuznawaše moju wučbu, kotraž ponižnosć poruča a sćerpnosć a sebjezaprěće žada, zakitam će před khostanjom, kotrež bórzy jako pruhowanje na cyły swět přińdže, a w kotrymž mnozy wotpadnu. — 11. t. r. wostań tohodla tež dale swěrný, zo by króna, postajene wěčne myto, so tebi njezhubiła. — 12. Kněz slubi wšitkim, kotřiž we wojowanju dobuđu, tfoje myto: sćini jich stolpy w swojim duchownym templu, w cyrkwi; jakož su křesćenjo žiwe kamjenje tutoho duchowneho twara, budža ći, kotřiž su w ćežkich časach wutrobiće swěru wobkhowali, stolpy, t. r. podpěry cyrkwje; jako stolpy wostanu wěčnje w cyrkwi stoja, su tak wobkrućene stawy Khrystusoweje cyrkwje; a tele stolpy budža z napisami debjene; na nich budže stać mjeno Bože, jako znamjo, zo su cyle Bohu přislušni, mjeno njebjeskeho Jeruzalema, jako znamjo, zo su w žiwjenju stawy wěrneje cyrkwje byli, a mjeno Khrystusowe, jako znamjo, zo su Khrystusowe wučby cyłu móc a dospołnosć na nich dopokazale a zo su přez nje k zbóžnosći přišli.

13. Štóz ma wucho, njech słyši, što Duch praji cyrkwjam.

14. A jandželej cyrkwyje w Laodiceji* napiš: To praji Amen, swědk,** swěrnny a wěrnny,** kotryž je spočatk stwo-
rjenja Božeho. Jan. 14. 6.

15. Znajú twoje skutki, zo ani zymny njejsy ani ćoply;* zo by tola zymny był abo ćoply.

16. Ale dokelž sy liwki a ani zymny ani ćoply, počnu će wupluwać ze rta swojeho.*

17. Dokelž prajiš: Sym bohaty a přebohaty a ničoho njetrjebam, a njewěš, zo sy wbohi a hubjeny a khudy a slepy a nahi.*

18. Radžu tebi, zo by wote mnje kupil złoto we wohnju pruhowane, zo by zbohatnył, a so woblekł w bělu drastu, zo by so njepokazala hańba twojeje nahoty, a z wóčnej žalbu pomazaj swojej woči, zo by widžal.*

19. Ja kotrychž lubuju, napominam a khostam.* Prócuju za tohodla a čin pokutu.

20. Hlej, stoju před durjemi a klapam: jelizo štó wuslyši mój hlós a mi wotewri

durje, zastupju k njemu, a budu wječerjeć z nim, a wón ze mnu.*

21. Štóz dobudže, tomu dam ze mnu sedžeć na mojim trónje, jakož tež ja dobych a sedžu ze swojim Wótcem na jeho trónje.*

22. Štóz ma wucho, njech słyši, što Duch praji cyrkwjam.

STAW IV.

Hdyž buchu durje do njebjes wotewrjene, widži na trónje sedžaceho a wokoło njeho sedžacych štyri a dwaceći staršich a štyri žiwjata, kotrež tudy wopisuje a kotrež bjez přestaca ze štyri a dwaceći staršimi na trónje sedžaceho slawjachu.

Po tom widžach, a hlej, durje wotewrjene w njebju, a přni hlós, kotryž slyšach, jako truby ze mnu řečaceje, džeše: wstup sem, a pokažu tebi, što ma so stać po tom.*

2. A hnydom běch w duchu, a hlej, trón stoješe w njebju, a na trónje Jedyn* sedžeše.

3. A kotryž sedžeše, bě po napohladže podobny na kamjeń jaspis a sardis, a tučel bě wokoło tróna, po napohladže podobna smaragdej.*

14. Laodicea bě wulke překupske město Frygije, kotrež njedaloko Kolossy při řěcy Lykus ležeše. Křesćanska wosada bě tu zahe založena, dokelž s. Pawoł spomina w swojim lišće na Kolossenskich (2, 1) na nju. Japoštołske konstitucije mjenuja jako přenjeho biskopa Archippa. ** to je Jězús, pola kotrehož je wšitko, štož praji, wobkrućena wěrnosć; dokelž amen znamjenja: wobkrućena wěc, a tohodla skónčiny tež wuznaće wěry z amen a chcemy z tym prajić, tak je, jakož runje wuznachmy. *** t. r. kiž je we všim, štož wobswědča, swěrnny, kotryž sluby a hroženja dopjelnj, přez kotrehož bu wšitko stworjene. — 15. t. r. njejsy z cylej lubosću za mnje zahorjeny a tež nic wote mnje cyle wotwobročeny, ale klacáš mjez lubosću ke mni a mjez zacpićom. — 16. Hdy by cyle wote mnje wotwobročeny był, by snadž skerje swoju hrěšniwosć spóznał a so hnuty wot hnaďy Božej polěpsić pytał; we swojej liwkosći pak sebi myslíš, zo sy sprawnny, a tohodla sy ze sobu samym cyle spokojom a njespóznaješ winowatosć, so nakazać. Tohodla maš so bojeć, zo ja tebjě začisnu, tak řjec wuplunu, jakož žoldk liwku wodu wupluwa. — 17. W swojej strašnej spokojnosći myslíš sebi, zo sy přebohaty na duchownych kublach a dobrych počinkach, a wo prawdě sy khudy a nimaš ničoho dobrego na sebi. — 18. Jenó wote mnje móžeš woprawdźite duchowne kubla kupować, krutu wěru, kotraž w pruhowanjach wobstoi, bělu drastu, t. r. sprawnosć abo swjatosćacu hnaďu, kotruž sym ja, Khřystus, tebi zaslužil; a swojej woči maš žalbować z wóčnej žalbu, t. r. z prawym spóznaćom, zo byšćej widžaloj, kak z tobú stoi; „kupować“ maš sebi tele kubla, dokelž dyrbiš za nje swoje prózdne „kubla“ podać. — 19. Zo was tak kruće napominam a khostam, stawa so z lubosće přeciwo wam, zo bych was z tym z hlubšeho njezboža wumóžil a k wěrněj pokuće pohnuł. — 20. Zbóžnikowa lubosć žada sebi lubosć, w lubosći dyrbyja so jemu naše wutroby wotewrić, zo by wón w nich bydlěć mohl, ze swojim napominanjom klapa takřec do našich wutrobow, a štóz jemu wotewri wutrobu, z tym chce wón wječerjeć, t. r. w najnutrnišej lubosći so zjednotić a jemu tak wokřewjenja njebjeskeje zbóžnosće woptać dać. — 21. t. r. štóz přewinje wšelake zaděwki a ze wšitkej lubosću mi služi, budže ze mnu knjezić, jakož tež ja knježu ze swojim Wótcem.

IV. 1. IV. a V. staw prihotujetaj na zjewjenja a widženja, kotrež maja so pozdžišo wopisać a pokazujetaj, zo wšitke podawki, cyrkej nastupace, wot Boha wukhadžeja. S. Jan bu do njebjes torhneny a dóstawa tu před trónom Božim stojó nowe widženja. — 2. t. j. Bóh Wótc. — 3. Jaspis a sardis a smaragd su drohotne swětle kamjenje; jaspis, najskerje je to demant, je běleje, sardis

4. A wokoło tróna štyri a dwaceći trónow, a na trónach sedžachu štyri a dwacećo štarši, wobleceni w běle drasty, a na jich hlłowach złote króny,*

5. A z tróna wukhadžachu błyski a hłosy a hrimoty,* a sedm lampow swěćeše so před trónom, kotrež su sedm duchow Božich.

6. A před trónom jako škleńčane morjo* podobne na krystal, a wosrjedź tróna a wokoło tróna štyri žiwjata poľne woćow w přědku a zadu.**

7. A přenje žiwjo podobne lawej, a druge žiwjo podobne howjadu, a třeće žiwjo měješe wobličo jako čłowjek, a štwórte žiwjo podobne lećacemu worjolej.

8. A štyri žiwjata mějachu kóžde po šesći křidłach,* a koľwokoło a znutfka běchu poľne woćow, a měra njemějachu wodno a w nocy, prajicy: Swjaty, swjaty, swjaty je Knjez wšohomócný Bóh, kotryž běše a kotryž je a kotryž přidźe.

9. A hdyž tamne žiwjata dawachu

slawu a česć a džak na trónje sedžacemu, kiž je žiwy wěki na wěki,

10. Padnychu na swoje wobliča štyri a dwacećo starši před sedžacym na trónje, a modlachu so k žiwemu wěki na wěki, a zložichu swoje króny před trón, prajicy:*

11. Hódny sy, Knježe naš Božo, dósta-
wać slawu a česć a móc, přetož ty wšitke
wěcy stwori, a pře twoju wolu běchu
a su stworjene.

STAW V.

Jan płaka, zo knihu ze sedmi zyglami zamknjena ničto wotewrić njemóže; Jehnjo, předy morjene, ju wotewri; hdyž bě so to stało, štyri žiwjata a štyri a dwacećo starši z njeličomnej črjodu jandželow a ze wěšni stworjenjemi je nanajwyše slawjachu.

A widžach w prawicy sedžaceho na trónje knihu, popisanu znutfka a zwonka, zazyglowanu ze sedmi zyglami.*

2. A widžach sylneho jandžela,* wola-
ceho z mócnym hłosom: Štó je hódny
wotewrić knihu a rozlamać jeje zygle?*

čěrwjeneje a smaragd zeleneje barby. Čěrwjeno-běly blyšč, w kotrymž so Bóh tu pokazuje, dopomnja na jeho sprawnosć a swjatosć, a zelenoblyščata tučel, jeho wobdawaca, na jeho milosć, kotraž po khostanju so wobswědča. — 4. Dwanaće sprawných stareho a dwanaće noweho zakona wobdawachu trón Boží a zastupuja cyłe wumóžene čłowjestwo, su wobleceni z drastami njewinowatosće a swjatósće, a k znamjenju, zo su dobyli a nětko z Khrystusom knježa, sedja na trónach a maja króny na hlłowach. — 5. Błyski a hrimoty su znamjenja Božeje wšohomocy w zwonkownej přirodže; hłosy su šumjenja, kotrež při sylnych hrimanjach slyšiš; lampy pak pokazuja na skutkowanje Bože w duchownej přirodže, na Bože rozswěćenja, z kotrymiž Duch swjaty našemu duchej bóžske wěrnosće spóznać dawa. — 6. t. r. woda, čista jasna, jakož škleńca abo krystal a hluboka, bjez mjezow, tak zo so wučerpać njehodžeše jako morjo; je to žórlo žiwjenja, z kotrehož wobydlerjo njebyes wěčne žiwjenje čerpaja. ** t. r. na kóždej stronje tróna stoješe žiwjo a to wosrjedź kóždeje strony, nic na róžkach. Žiwjo, w greckej řeči: ζῷον, we laćanskej: animal, je byće, kotrež ma žiwjenje. Tele potajnske žiwjata běchu najwosebniši jandželojo, cherubimy, tři mějachu napohlad zwěrjatow, jene napohlad čłowjeka, a zastupowachu cyłu žiwu přirodu, kotraž njepřestawajcy Boha khwali; štyri najwyše stworjenja zemje su w nich woznamjenjene, sylny mócný law, plódné dobroćiwé howjado, wótrowidny k njebyu lětacy worjoł a rozomny čłowjek. Žiwjata su poľne wóčkow, to pokazuje na jich njewustawacu keďžbnosć, na jich jasne spóznananje, a tohodla zamóžachu Boha přislušnje khwalić. — 8. Křidła su znamjenja spěšnosće, z kotrež wolu Božu rady dokonjeju. — 10. Ze žiwěj stwórbu zjednočeja swoju khwalbu tež štyri a dwacećo starši, kotřiž wumóžene čłowjestwo zastupnja; k znamjenju, zo maja swoju cyłu krasnosć wot Boha, wopušeja swoje tróny a klonja so na kolenach před nim swoje króny zložiwši.

V. 1. Tež cyła krasnosć Khrystusowa ma so spóznać wot njebya a cyłeje stwórbu. Kniha so pokazuje, w kotrež su přichodne časy wopisane a rady Bože, kotrež potajne Zjewjenje wopřija. Tale kniha je zamknjena ze sedmi zyglami, kotrež maja so woćinić, zo bychy so w knizy wopřijate rady Bože před Bohom a njebjom zjewile, tola ničto njezamóže knihu wotewrić, khiba law ze splaha Judy, kotryž so we widženju jako woprowane Jehnjo, Jězus Khrystus, pokazuje. Kniha wobstoješe ze sedm łopjenow, kotrež běchu na walušk (rólu) zawalene a na woběmaj stronomaj popisane, abo znutfka a zwonka, to pokazuje na bohate wopřijeće knihi. Zamknjena bě kniha ze sedmi zyglami k znamjenju hlubokich potajnosćow w njej wopřijatych. — 2. Jandžel rěka sylny, dokaž je jeho hłos w njebyu, na zemi a w podzemju slyšeć. ** t. r. štó je tak swjaty, zo smě zhonić přichodne podawki wo kralestwje Božim na zemi?

3. A nihtó ani w njebu ani na zemi ani pod zemju njemóžeše knihu wotewrić, ani do njeje pohladać.

4. A ja plákach jara, dokelž nihtó njebu hódny namakany knihu wotewrić, ani do njeje pohladać.*

5. A jedyn ze staršich rjekny mi: Njeplákaj; hlej, dobył je law ze splaha Judy, korjeń Davidowy,* zo by wotewrił knihu a rozlamal jeje sedm zyglow.

6. A widžach a hlej, wosrjedź tróna a štyrjoch žiwjatow, a wosrjedź staršich* Jehnjo stojace jakož morjene,** kotrež měješe sedm rohow a sedm wočow, kotrež su sedm Duchow Božich, posłanych na cyłu zemju.***

7. A přińdže a wza z prawicy na trónje sedžaceho knihu.

8. ▲ hdyž bě knihu wotewriło, štyri žiwjata a štyri a dwacećo starši padnychu před Jehnjećom, a mějachu jedyn kóždy cithary a złote šklički poľne wonjacych kadzidłow, kotrež su modlitwy swjatych,*

9. A spěwachu nowy spěw, prajicy:

Hódny sy, Knježe, wzać knihu a wotewrić jeje zygle, dokelž bu morjeny, a wumóži nas Bohu w swojej krewi z kóždeho splaha a rěče a ludu a naroda,*

10. A sčini nas našemu Bohu kralowstwo a měšnikow, a budžemy knježić na zemi.*

11. A widžach, a slyšach hlós mnohich jandželow koľwokoľo tróna a žiwjatow a staršich, a jich ličba bě tysacy tysacow,*

Dan. 7, 10.

12. Kotřiž prajachu z mócnym blosom: Hódne je Jehnjo, kotrež bu morjene, dóstać móc a bózstwo a mudrosć a sylnosć a česć a sławu a khwaľu.

13. A kóždy stworjenje, kotrež je w njebu, a na zemi a pod zemju, a štož je na morju a štož je w nim, wšitke slyšach prajić: Sedžacemu na trónje a Jehnjeću khwaľa a česć a sława a móc wěki na wěki.

14. A štyri žiwjata prajachu: Amen. A štyri a dwacećo starši padnychu na swoje wobliča a modlachu so k žiwemu wěki na wěki.*

4. Jan pláka, dokelž nutrnež žada, zo bychy so jemu podawki wotkryľe, a zo by z nimi čłowjekow pokojeć a posylnejć mohl, a dokelž so boji, zo mohlě tamne podawki čłowjeskeje hrěšnosće dla zakhowane wostać. — 5. Dokelž Khrystus nad hrěchom, helu a smjerću doby, bu hódny, zo so jemu potajnosće přichoda zjewichu. Khrystus mjenuje so tu law ze splaha Judy, dokelž patriarcha Jakub praji w swojim wěšćenju na smjertnym ložu wo swojim synje Judže: „Młody law je Juda“, 1. Mója. 49, 9 a Khrystus je potomnik tohole splaha. Law je znamjo dobyće přinarodženeje sylnosće dla, a Khrystus je tak mócnych njeprěćelow přewynyl, a na tole sławne dobyće pokazuje mjeno law. Tež mjenuje so tudy korjeń Davidowy tohorunja jako potomnik Davidowy, dokelž w Khrystusu wobuowi so Davidowy splash, zrosće jemu nowy mócný wotnožk. Tole dwoje mjeno, kotrež so Khrystusej připoľoža, pokazuje na to, zo so w Jězusu slubjenja, Judže a Davidej date, dopjel-njeja a zo je w nim wočakowany Messias přišol. — 6. t. r. mjez štyrjomi žiwjatami najbliže k trónje, kotryž w dalšim wokrjesu štyri a dwacećo starši wobdawaju. ** Prjedy dobyćeřski law mjeno-wany Khrystus pokazuje so tudy jako pokorne Jehnjo, dokelž je Khrystus ze swojim ponižnym žiwjenjom a hórkej smjerću tamnych njeprěćeli přewynyl. Jehnjo je jako morjene, t. r. je žiwe, ma pak znamjenja smjerće na sebi, rany, kotrež při woprowanju dósta. *** Roh je znamjo mocy, sedm rohow znamjenja tohodla poľnosć mocy, jeho wšohomóc. Sedm duchow, t. j. Duch swjaty w swojich sedm darach, w kotrychž so na swěť wuliwa, pokazuja so tudy jako woči Jeh-njeća, dokelž Khrystus, „kotryž ma sedm Duchow Božich“ 3, 1, z Duchom swjatym, kotryž jeho w cyľej poľnosći napjelnja, wšitko widzi a spózna, wa, štožkuli we wšěch krajach a časach, tež w přichodže so stawa. Sedm wočow znamjenja tohodla dospołnosć jeho spóznaća, jeho wšoh-o-wědomosć. — 8. Štyri žiwjata, zastupicy cyľu žiwu stwórbu a štyri a dwacećo starši, zastupicy cyľe wumóžene čłowjestwo, modla so k Jehnjeću a woprjuja jemu modlitwy swjatych, kotrež su wo-znamjenjene z derje wonjacym kadzidłom, a spěwaju jemu nowy spěw přewodžujcy jón z citha-rami; nowy spěw, dokelž tón Jehnjo khwali noweho skutka dla, kotryž je dokonjaľo, knihu wotewriľši. — 9. Khrystus bu hódny, zygle přichodneho časa wočinić, dokelž bě ze swojej krwawnej smjerću na križu cyľe čłowjestwo wumóžil a z Bohom wujednaľ. — 10. Wšitkich, njech su wšelacy po splahu, po rěči, po krajach, po žiwjenju, zjednoći Khrystus do jenoho kralestwa, do swojeje cyrkwy, w ko-trež so jednotliwi měšnicy, swoje dobre skutki a modlitwy, po takjim duchowne wopory Bohu woprjuja, a na zemi knježicy, t. r. swěť a swěťne kubľa zacpiwajcy. — 11. Wokoľo tróna staja tež njeličomne črjody jandželow, žiwjata a staršich, kotřiž su bliže k trónje, wobdawajcy. — 14. Wšitko,

STAW VI.

Při wotewrjenju štyrjoch zyglow scěhuja wšelake podeńdženja přećiwo zemi; při wotewrjenju pjateho žadaja duše martrarjow, zo by so sud bórzy stał, při wotewrjenju šesteho pak pokazuja so znamjenja přichodneho sudu.

A widžach, zo bě wotewrilo Jehnjo jedyn ze sedm zyglow, a slyšach jene ze štyrjoch žiwjatow, kotrež praji jako z hłosom hrimota: Pój a pohladaj.*

2. A widžach, a hlej, kón běly, a kiž sedžeše na nim, měješe prok, a daty bu jemu wěnc, a wuńdže jako dobyće, zo by dobył.*

3. A hdyž bě wotewrilo zygł druhi, slyšach druge žiwjo prajić: Pój a pohladaj.

4. A wuńdže druhi kón ryzyčefwjeny, a tomu, kotryž na nim sedžeše, bu date, zo wza pokoj ze zemje, a zo so mjez sobu zabijachu, a daty bu jemu wulki mjěč.*

5. A hdyž bě wotewrilo zygł třeći, slyšach třeće žiwjo prajić: Pój a pohla-

daj. A hlej, kón čorny, a kotryž sedžeše na nim, měješe wahu w swojej ruce.

6. A slyšach jakož hlós wosrjedź štyrjoch žiwjatow, kotrež prajachu: dwaj puntaj pšeńcy za džesatnik, a šěsć puntow ječmjena za džesatnik, wiuu a wolijej pak njezeškodź.*

7. A hdyž bě wotewrilo zygł štwórtý, slyšach hlós štwórteho žiwjeća, kotrež praji: Pój a pohladaj.

8. A hlej, kón płowy, a kotryž sedžeše na nim, toho mjeno běše Smjerc, a hela džěše za nim, a data bu jemu móc nad štyrjomi džělemi zemje, zo by morił z mječom, hlodom a morom a dźiwimi zwěrjatami zemje.*

9. **A** hdyž bě wotewrilo zygł pjaty, widžach pod woltarjom duše morjenych słowa Božeho a swědčenja dla, kotrež mějachu,*

10. A wolachu z wulkim hłosom, prajicy: Kak dolho, o Knježe (swjaty a wěrný), njesudžiš a njewjećiš našu krej nad tymi, kotřiž bydla na zemi?*

štož móže, khwali Boha a Khrystusa, a štyri žiwjata, kotrež běchu khwalu Dožu zanješe, wobkrućeja khwalbny spěw wšitkich stworjenjow z mócny m Amen, t. r. tak ma być, a štyri a dwacećo starši modla so čicho k wěcnemu Bohu.

VI. 1. Jehnjo wotewrja sedm zyglow a woprijaće knihi so Janej spóznać dawa; nječita drje sam potajne pismo, ale we widženjach a wobrazach wozjewjeja so jemu podeńdženja přichodneho časa. Štyri žiwjata, kotrež cyłu žiwu stwórbu zastupuja, namołweja Jana, zo by bliže stupil a zhonił, što kóždy wobraz za žiwu stwórbu znamjenja. — 2. Kiž na bělým konju sedźi, je Khrystus, jako dobyčeŕski wojowaf, na puću k nowym dobyčam; prok abo wobluk je znamjo wojowanja, běly kón a wěnc znamjo dobyća. Stawizna křesćanskeje cyrkwy je stawizna Khrystusowych dobyčow nad židowstwom a pohanstwom, mjez wšitkimi ludami dobywa sebi Khrystus přećelow a při swojim druhim přikhadže přewinje wšitkich svojich njeprěćelow. — 4. Tři druzy jěcharjo služa Khrystusej, přez nich khosta wón swět; krewjepřeleće, drohota a mór su dopokazy Khrystusoweje mocy, kotrež je wšitko podćisnjene, a maja jeho posledni přikhad k sudej přihotować. Prěni jěcharf znamjenja wójnu, čerwjena barba jeho konja přeleće krewje. — 6. Druhi jěcharf je drohota; ma w ruce wahu, zo by pšeńcu a ječmjen wažil; w swj. Pismje je to znamjo drohoty, hdyž so žita njeměrja ale waža při předawanju a kupowanju. Džesatnik bě wšědna zaslůžba džělaweho muža a tež wojaka, a dwaj puntaj pšeńcy abo šěsć puntow ječmjena bě to, štož tež najkhuđši k zežiwjenju wšědnje trjeba; štož sebi potajkim zaslůžbi, dosaha jeno k cyrobje, tak droha běše tale za wšědnego muža; nuz čuja khudži čim bóle, dokelž maja bohaći wšoho dosć, dokelž wina a wolija, t. r. cyroby bohatych, njepobrachuje. — 8. Štwórtý jěcharf je smjerc, přewođzana wot hele, t. r. wot podzemje, zo by póžřela žně smjerće. Kón ma blědu barbu čělow. Štyri džěle zemje t. j. cyła zemja budže wot zrudnych scěhwkow wójny domapytana a wulki džěl čłowjekow budže z mječom, abo z hlodom abo z morom abo wot džiwich zwěrjatow morjeny. — 9. Widenje, kotrež měješe Jan po wotewrjenju pjateho zyglu, pokazuje na krvawe přescěhanje, podobne na tamne w prěnimaj lěstotkomaj po Khrystusu; na kóncu wšoho časa před přikhadom Khrystusowym budža wěriwi słowa Božeho dla, kotrež ze swojim žiwjenjom swěrnje wobswědčuja, čěsnosćeni, haj tež morjeni, a jich krej a smjerc płáči za wopor, tohodla widzi Jan duše martrarjow pod woltarjom, dokelž woltar služi woporam. — 10. Nježadaja wšak njeluboznje, zo by Bóh jich smjerć wjećił, ale žadosć, zo by Boža sprawnosć a swjatosć we wšitkich připóznać namakala, a Khrystus, kiž bu w jich smjerći hanjeny, powšitkownje čěsćeny byl.

11. A data bu jenomu kóždemu z nich běla drasta, a prajene bu jim, zo bychu wotpočowali hišće krótki čas, hač so dowupjelnja jich sobuslužownicy a jich bratra, kotřiž maja morjeni być jakož tež woni.*

12. A widžach, hdyž bě wotewriło šesty zygl,* a hlej, wulke zemjerženje nasta, a slóncó bu čorne kaž wlosany mých,** a cyły měsáč bu jakož krej,

13. A hwězdy padachu z njebjes na zemju, jako figowc padać da svojim njezrałym figam,* hdyž bywa wot wulkeho wětra třaseny;

14. A njebjesa wotstupichu jakož zawalena kniha,* a kóžda hora a kupy buchu hnute ze svojich městow.

15. A kralojo zemje a wjerchojo a wyšši a bohaći a sylni a kóždy wotročk a swobodny skhowachu so w prózdnjeńcach a skalach horow,

16. A praja horam a skalam: Padńće na nas, a přikryjće nas před wobličom sedźaceho na trónje a před hněwom Jehnjeća,* Is. 2, 19; Osea 10, 8; Luk. 23, 30.

17. Přetož přišoł je wulki dzeń jeju hněwa, a štó budže móc wobstać?*

STAW VII.

Mjez tym zo ma so zemja khostać, poruča so, zo bychu kotřiž znamjo na čolach noša, bjez škody wostali; tući so wopisuja, ze Židow kaž tež z pohanow, a khwala Boha; a wo tych, kotřiž běchu woblečeni w běle drasty.

Po tom widžach štyrjoch jandželow stojacych na štyrjoch róžkach zemje, džeržacych štyri wětry zemje, zo bychu njezduli na zemju ani na morjo ani do žanoho štoma.*

2. A widžach druhého jandžela wstupaceho wot slónca skhadženja, mějaceho znamjo žiweho Boha, a wolaše z wulkim hlosom na štyrjoch jandželow, kotrymž bu date škodźeć zemi a morju,

3. Prajo: Nješkodźeć zemi a morju ani štomam, hač woznamjenimy služownikow našeho Boha na jich čolach.

4. A slyšach ličbu woznamjenjenych, sto a štyri a štyrceći tysacow woznamjenjenych ze wšoho splaha džěći israelskich:*

11. Jim bu prajene, zo ličba martrarjow hišće poľna njeje, zo družy hišće podobnje smjerće wumru, a potom hakle budža so khostać jich přescěhowarjo. Hač do toho časa njech woblečeni w bělu drastu sprawnosće w pokoju na tamny sud čakaju. — 12. Widženje po wotewrjenju šesteho zyglu pokazuje posłów sudu, hl. Mat. 24, 7. ** t. r. mých z čornych wlosankow. — 13. t. j. figowc, kotřiž w zymje plody njese, kotrež pak zrědka zezrawja a tohodla njezrale padaja. — 14. t. r. kniha, kotraž so, jakož w starym času, na walušć zawala; hdyž so zawali, pominje so tak rjec před woćomaj. — 16. S. Jan widži nětko wšitkich přescěharjow wěriwych w jich smjertnym straše, hdyž so wěšćene pošty blizkeho suda bliža; kral tak jakož poddan, wšitecy třepotaju před Bohom a Khrystusom, kotřiž bu wot nich zacyć, nětko pak přikhadža jako sudnik wšitkich wěriwych a njewěriwych. W swojej bojosći čěkaju do jamow a khowaju so w skalach horow, nic drje zo bychu tu zakitani byli, ale zo bychu tu smjerć namakali a tak sudej čekali, hdy by so hodžało. — 17. t. r. tamny surowy dzeń, dzeń hněwa, na kotrymž sprawnosć Boža swoju cyļu móc pokaza, a na kotrymž ničto sudej njećeknje.

VII. 1. Sudny dzeń, ze svojimi strachopólnymi podawkami ma so započeć a sylne wětry t. r. wšelakore horja, chcedža hižo ze wšěch róžkow zemje mócnje duć započeć, a wšo, štož so jim napřećiwja, spowaleć a zapusćić. Ale jandžel, kiž runja slóncu, wot slónca skhadženja wstupa, zadžěwa to štyrjom jandželam, kotřiž maja wětry w swojej mocy, poručějo, zo bychu jim duć njedowolili, doniž služownikow Božich na jich čolach njewoznamjeni. Na jich čola začići so mjeno Bože, z čimž so jako služownicy Boží wokrúća a wěstosć dóstanu, zo we wšěch horjach a spytowanjach, kotrež na zemju w krótkim času přińdu, bjez škody a Bohu swěrní wostanu. Zbóžnikowe słowa so tu dopjelnja: „A hdy bychu wone dny přikróćene njebyle, njeby žadyn čłowjek wumóženy był; ale wuzwolonych dla budža wone dny přikróćene.“ Mat. 24, 22. — 4. Služownicy Boží z israelskeho ludu so najprěui po splahach mjenuja, dokelž měješe tež khostanje lud Israel najprjedy potrjechić, přez zapusćenje města Jeruzalema. Ličba Židow, kotřiž ke křesćanstwu přistupja a kotřiž spytowanja swěrnje přetraja, wučini 144 tysacow, tak zo na kóždy splah 12 tysacow přińdže; tola njesměmy sebi myslić, zo je to runa ličba za cyły lud abo za jednotliwy splah, ale wokoľna. Wosebita ličba, kotraž so přeličič hodži, so tu mjenuje k woznamjenjenju, zo je wuzwolonych z ludu Israela wjele mjenje, dyžli z pohanskich ludow, dokelž ličbu tutech ničto přeličič njemóže.

5. Ze splaha Juda dwanaće tysacow woznamjenjenych; ze splaha Ruben dwanaće tysacow woznamjenjenych; ze splaha Gad dwanaće tysacow woznamjenjenych;

6. Ze splaha Aser dwanaće tysacow woznamjenjenych; ze splaha Neftali dwanaće tysacow woznamjenjenych; ze splaha Manasse dwanaće tysacow woznamjenjenych;

7. Ze splaha Simeon dwanaće tysacow woznamjenjenych; ze splaha Levi dwanaće tysacow woznamjenjenych; ze splaha Issachar dwanaće tysacow woznamjenjenych;

8. Ze splaha Zabulon dwanaće tysacow woznamjenjenych; ze splaha Józef dwanaće tysacow woznamjenjenych; ze splaha Benjamin dwanaće tysacow woznamjenjenych.*

9. Po tom widzách wulku syłu, kotruž nihtó přeličíc njemóžeše, ze wšitkich narodow a splahow a ludow a rěčow, kotřiž stojachu před trónom a před Jehnjećom, woblečeni w běle drasty a [mějachu] palmy w svojich rukach,*

10. A wołachu z wulkim hłosom prajicy: Zbóžnosť našemu Bohu, kotryž sedži na trónje, a Jehnjeću!*

11. A wšitcy jandželowje stojachu wo-koło tróna a staršich a štyrjoch žiwjatow, a padžechu před trónom na swoje wobliča, a modlachu so k Bohu,*

12. Prajicy: Amen, khwalba a krasnosť a mudrosć a džak, česć a móc a synnosť našemu Bohu wěki na wěki. Amen.

13. A jedyn ze staršich wotmolwi a rjekny mi: Ći, kotřiž su woblečeni w bělu drastu, što su? a z wotkel přindžechu?

14. A rjeknych jemu: Mój knježe, ty wěš. A rjekny mi: Tući su, kotřiž přindžechu z wulkeje česnosće, a wumychu swoje drasty a wučisćichu je w krewi Jehnjeća.*

15. Tohodla su před trónom Božim, a služa jemu wodnjo a w nocy w jeho templu,* a kiž na trónje sedži, budže bydlíc nad nimi;**

16. Njebudža hlódni ani lačni wjac, a njepadnje na nich slóncó ani žana horcota,*

Is. 49, 10.

17. Dokelž Jehnjo,* kotrež je srjedž tróna, budže jich pasć, a dowjedže jich k źórlam wodow žiwjenja, a Bóh wutřeje kóždu sylzu z jich wočow.**

Is. 25, 8; niže 21, 4.

8. Mjez splahami njenamakamy splah Dan, snadź tohodla, dokelž bě telhom cyle wotemrěł, abo kaž druzy praja, dokelž ma z njeho antikhryst ptińc. Splah Józef wopřija splahaj Efraim a Manasse; město Efraim mjenuje so tu Józef; Manasse pak stoji na měsće wuwostajeného splaha Dan, a tak wupjelní so ličba dwanaće. — 9. Hdyž bě swj. japoštoł ličbu wuzwolonych ze židowskich splahow wuhladał a spóznał, zo w poslednich surowych dnach horja dobuđu, stoji hnydom na kóncu tutych dnjow a wuhlada njeličomnu črjódu wuzwolonych z pohanstwa, kotřiž su horja hižo přetráli a kotřiž w bělych drastach a z palmami k znamjenju swjatočného wjesela před Bohom a Zbóžnikom stoja a so za jim poskićene dobyće džakuja. Widženje wuzwolonych israelskeho luda a dobyćeškeho wjesela wuzwolonych z pohanstwa stawa so před wotewrjenjom sedmeho zygla, zo bychu wěriwi pokojeni byli z wěstej nadžiju, zo mnozy surowosće poslednjeho sudu přetrāja. — 10. t. r. khwala Boha, kotryž je jich z tak wulkeho horja wumóžil, a Jehnjo, kotrež je jim wumóženje zaslúžilo. — 11. Jandželejo wobzamknu khwalbny spěw wumóženych ze słowom Amen a khwala Boha ze swojimi słowami. — 14. To su Ći, kotřiž w čezkich spytowanjach a surowych horjach dobychu, krući we wěrje, a kotřiž we wujednacym woporje Khrystusowym wodaće hrěchow a hnadu za swjate žiwjenje namakachu. — 15. t. r. su w přitoměsći Božej a služa jemu w njebjesach, we wěrnym templu Božim, k njemu so modlily bjez přestaća. ** Wěčna krasnosť Boža budže jich wobdawać a ze swojej potajnej mocu jich wožiwjeć. — 16. Tradanja a čerpjenja zemskeho žiwjenja njepřibliža so jim. — 17. Jehnjo, t. j. Khrystus, hl. 5, 6, napasuje a napoja svojich wuzwolonych z wokřewjenjemi wěčného žiwjenja. ** Sylzy, we wulkich horjach plakane, Bóh sam zetřeje, jich slódcy pokojejo.

STAW VIII.

Pri wotewrjenju sedmeho zygl pokazaja so sedmjo jandželowje z trubami, a hdyž bu woheń z wol-tarja wot druhoho jandžela na zemju wusyp-njeny, nastanu wšelake njewjedra; tohorunja nastawaja wšelake horja přečiwu čłowjekam, mjez tym zo štyrjo jandželowje trubjachu.

A hdyž bě wotewrilo zygl sedmy,* nasta mjelčenje w njebjesach něhdže pol hodžiny.**

2. A widžach sedm jandželow stojacych před Bohom,* a datych jim sedm trubow.

3. A druhí jandžel přińdže, a stupi před woltař, mějo zloty kadnik, a datych bu jemu wjele kadždłow, zo by dal z modlit-wow wšitkich swjatyh na zloty woltař, kotryž je před trónom Božim.

4. A wstupi dym kadždłow z modlit-wow swjatyh z ruki jandžela před Boha.*

5. A jandžel wza kadnik, a napjelni jón z wohnjom z woltarja, a wusypny jón na zemju, a nastachu hrímanja a hłosy a blyskanja a wulke zemjerženje.*

6. A sedmjo jandželowje, kotřiž mējachu sedm trubow, přihtowachu so, zo bychy trubili.

7. **A** přeni jandžel zatrubi, a nastachu krupy a woheń, změšane z krewju, a wu-sypnjene bu to na zemju, a třeći džěl zemje bu spaleny, a třeći džěl štomow bu spaleny, a wšitka zelena trawa bu spalena.*

8. A druhí jandžel zatrubi, a jako wulka hora z wohnjom so palaca* bu walena do morja, a bu třećina morja krej,

9. A wotemrě třećina stwórby toho, štož měješe žiwjenje w morju, a třećina lóždy zahiny.

10. A třeći jandžel zatrubi, a padny z njebjes wulka hwězda sapaca jako plo-mjenica, a padže na třećinu rěkow a na kužoly wodow.

11. A njeno hwězdy rěka Polon; a třećina wodow přewobroči so do poloua, a mnozy ludžo wumrěchu wot wodow, do-keľž buchu hófke.*

12. A štwórty jandžel zatrubi, a pora-žena bu třećina slónca a třećina měsaca a třećina hwězdow, tak zo so začěmni jich třeći džěl, a njeswěćeše třećina dnja, a nocy tohorunja.*

VIII. 1. Z wotewrjenjom sedmeho zygl dyrhja so poslednje časy cyrkwy, sud a skónčne dobyće Khrystusowe nad wšitkimi njepřečeleni wozjewić. Tola njestawa so z jenym podawkom, ale z mnohimi, kotrež najposledniše Khrystusowe dobyće přihtuja. Posledni džen tež njeje wšědný džen, ale traje dlějši čas, hač wopřija w sebi stawiznu poslednjeho časa cyrkwy Božje, kotryž so z kóncom wšoho časa dopjelni. Z wotewrjenjom sedmeho zygla njepokaza so jeno jene widženje, jakož při wotewrjenju přjedawšich, ale sedmore; mjenujcy widženje sedm trubow (8—15 st.) a ze za-trubjenjom sedmeje truby pokazuje so zas cyły rjad widženjow, mjez nimi tež widženje sedm mjedženicow napjelenych z hněwom Božim (16—20 st.), z kotrymž so sud skónči a Khrystusowe dobyće swjećí a nowe njebo a nowa zemja nastanjetje. ** Mjelčenje nasta, dokelž wšityc z bojósću wočakowachu, što budže z tutym wotewrjenjom wozjewjene. — 2. t. r. sedm arcjandželow, kotřiž su Bohu naj-bližši. 1. Thess. 4, 13. Kóždy jandžel dósta trubu, zo by wozjewjenje daloko slyšeć było. — 4. Kadždło znamjenja modlitwy swjatyh, kotrež ma jandžel před Bože wobličo donjesć; jakož woruch, w žehliwym wuhle so palo, jako derje wonjacy dym do wyšin stupa, tak stupaju tež přez jandžela modlitwy wěriwych k Bohu a spodobaju so jemu. — 5. Hdyž bě woruch spaleny, napjelni jandžel z wohnjom, kiž bě na woltarju woruch spalił, kadnik a čisny jón na zemju, na čož so surowe podawki w cyłej přirodže stawachu. Modlitwy swjatyh, kotrež so z woruchom wozna-mjenjeja, su modlitwy tamnych, kotřiž mējachu na zemi wjele čerpieć, kotřiž tež swoje žiwjenje woprowachu, a kotrychž njesprawne čerpenja so nětko na čłowjekach wjeća. Woheń, kotryž woruch, modlitwy swjatyh woznamjenjacy, spali, zastupuje hněw Boží, kiž so nětko na zemju wuliwa w hrózbnych njewjedrach a zemjerženjach; a z kóždym zatrubjenjom sedm jandželow nasta-waja nowe čwile. — 7. t. r. wulki džěl zemskeho powjercha z trawu a ze štomami bu wupaleny. — 8. t. r. wulke dulisko wohnja, runja wysokej horje, wali so do morja, a woda bu runja krewi, a wulki džěl rybow a lóždy bu zničeny. — 11. Hwězda měješe swoje mjeno wot hórkosće, z kotrejž wody, jakož z jedom napjelni, tak zo wšityc, kotřiž ju pijachu, na nju wumrěchu. — 12. Štwórta čwila přińdže na hwězdy njebj, kotrež budža wo třećinu dnja a nocy mjenje swěćić. Potajkim zemja a štož na njej rosće, morjo a štož je w nim žiwe, wody na zemi a hwězdy na njeby, t. j. džěl cyłeho swěta budže surowje z hněwom Božim domapytany, a to budže započatk sudneho dnja. Z tymle domapytanjom chce Bóh čłowjekow jónu hišće a to kruće k pokuće napominać. Tele štyri přěnje čwile su podobne čwilam, kotrež Bóh na Egíptowsku posła.

13. A widźach, a słyšach hlós jenoho w-rjola lećaceho přez srjedźinu njebja, kiž džeše z wulkim hlosom: Běda, běda, běda tym, kotřiž bydla na zemi, wot druhich hlosow trochu jandželow, kotřiž maja trubić.*

STAW IX.

Hdyž pjaty jandžel zatrubi, padnje hwězda, a skóčki so wopisuja, kotrež z dyma studnje wulećachu, a kotrež budža čłowjekow čwilować; hdyž pak šesty jandžel zatrubi, wotwjazaja so štyrjo jandželojo, zo bychu z wulkim jězdny m wójskom třecinu čłowjekow morili.

A pjaty jandžel zatrubi, a widźach, zo je hwězda z njebjes padnyła na zemju,* a daty bu jej kluč k studni bjezdna.**

2. A wotewri studnju bjezdna, a wstupi dym studnje jako kur wulkeje pjecy, a začěmnjene bu slóncó a powětr wot dyma studnje.

3. A z dyma studnje wuńdžechu skóčki na zemju, a data bu jim móc, jakož maja móc škorpiony zemje,

4. A přikazane bu jim, zo bychu nješkodželi trawje zemje, ani žanej zeleninje ani žanomu štoměj, khiba jeno čłowjekam, kotřiž nimaju znanjenja Božeho na swojich čolach.*

5. A date bu jim, zo bychu jich nje-morili, ale zo bychu jich čwilowali pjec

měsacow; a jich čwila je jakož čwila škorpiona, hdyž kló čłowjeka.*

6. A w tamnych dnjach budža pytać čłowjekojó smjerć, a njenańdu jeje, a žadać budža wumrěć,* a čěkać budže smjerć wot nich. Is. 2, 19; Osee 10, 8; Luk. 23, 30.

7. A podobnosće skóčkow* podobne konjom přihotowanym na wójuu, a na jich hlłowach jako króny podobne zlotu, a jich wobliča jakož wobliča čłowjekow.

8. A mějaclu włosy jako włosy žónskich, a jich zuby běchu jako zuby lawow,

9. A mějachu kabaty jako železne kabaty, a hlós jich křidłow jako hlós wozow mnohich koni, kotrež do wójny čěrja.

10. A mějachu wopuše podobne tym škorpionow, a žahadla běchu w jich wopušach, a jich móc [běše] škodžec čłowjekam pjec měsacow, a mějachu nad sobu

11. Krala, jandžela hlubiny, kotrehož mjeno běše hebrejsej Abaddon, greksej pak Apollyon, laconsej měješe njeno Exterminans (zahubnik).*

12. Jene „běda“ so pominy, a hlej, přihadza hišće dwoje „běda“ po tom.

13. **A** šesty jandžel zatrubi, a słyšach jedyn hlós ze štyrjoch rohów zloteho woltarja,* kotryž je před woćomaj Božimaj,

13. Worjoł wozjewja tři króć běda wołajo, cylej zemi hišće wjele hórše čwile, kotrež ze zatraubjenjom trochu druhich jandželow na čłowjekow přinđu. Dotahne kažachu přirodu a štož je we njej žiwe; kotrež pak maja nětko přinć, přihotuja duši čezke spytowanja wot djabola.

IX. 1. t. r. złeho jandžela, kotryž so jako z njebjes padnjena hwězda pokazuje. ** Studnje w rańšim kraju běchu cisterny, t. r. do zemje wuryte hluboke jamy, zwjercha z kamjenjom přikryte; tudy ma so předstajić, zo je powjerch zemje přez tajku wuzku jamu zjednočen z hlubinu hele. — 4. Tale čwila je podobna na přenju egiptowsku; zwěrjata, kotrež z helskim kurom na zemju so waleja, su zwonkownje runja skóčkam, maja pak žahadlo škorpionow, z kotrymž čłowjekow ranja a čwiluja; wuzwolenym Božim pak škodžec njemóža. — 5. W lěće so skóčki najbóle w rańšim kraju pokazuja a wjele škody načinja. — 6. t. r. wulkeje bolosće dla, kotruž po kusnjenju skóčkow začuja. — 7. Wopisuja so helske skóčki do drobna; su podobne na wóju wuhotowanym konjom, dokelž so zdadža wobronjeno być z krutym kabatom, z kotrehož so hlłowa zběha; na hlłowje maja jakož česak, kotryž je na krónu podobny; a jich wobličo dopomnja trochu na čłowjeske wobličo; a hara, kotruž rój skóčkow ze swojimi křidłami čini, je podobna na wrjeskot wójskich wozow. — 11. Tele helske skóčki su podčisnjene knježerjej, t. j. padnjennemu jandželej, kotryž je nad helsku hlubinu stajeny; řeka zahubnik, dokelž z helskeje hlubiny přihadza všitke kaženje a zahubjenje. — 13. Hlós da so ze štyrjoch rohów woltarja słyšeć, na kotrymž so modlitwy swjatych (hl. 8, 3) woprowachu; bě potajkim znanjo, zo su so modlitwy wuslyšale; rohi mjenuja so štyri kóncey, kotrež so na štyrjoch rókach woltarja zběhaja; a plaća za najswećeše města, dokelž so z wopornej krewju pokrjepjachu a wotsuđenym, kotřiž z jich přimnychu, pohnaženje dawachu.

14. A praji šestemu jandželej, kotryž měješe trubu: Wotwjež štyrjoch jandželow, kotřiž su zwjazani při wulkej rěcy Euftrat.

15. A wotwjazani buchu štyrjo jandželjo, kotřiž běchu přihotowani na hodžinu a dzeń a měsac a lěto, zo bychu morili třecinu čłowjekow.*

16. A ličba jězdneho wójska bě dwaceći tysac króc džesac tysacow. A slyšach jich ličbu.*

17. A tak widžach konje we widženju, a kotřiž sedžachu na nich, mějachu kabaty wohniwe a hyacinthowe a šwablowe,* a hlowy koni běchu jakož hlowy lawow,** a z jich klamy wukhadža woheń a kura a šwabl.

18. A wot tych třoch čwili bu morjena třecina čłowjekow wot wohnja a wot kura a šwabla, kotrež wukhadžachu z jich klamy.

19. Přetož móc koni je w jich klanje a w jich wopušach; dokelž jich wopuše su podobne hadam, a maja hlowy, a z tymi škodža.*

20. A druzy čłowjekojb, kotřiž njebuchu

morjeni w tych čwilach, nječinjachu ani pokuty za skutki svojich rukow, zo bychu so njemodlili k djabliskam a zlotym a slěbornym a mjedžanym a kamjeńtnym a drjewjanym přiboham, kotrež njemóža ani widžec ani slyšec ani khodžic;*

21. A nječinjachu pokuty za swoje mordowanja ani za swoje kuzlafstwa ani sa swoje kurwafstwo ani za swoje paduštwa.

STAW X.

Hdyž druhi synly jandžel zawola, rěči sedm hrimanjow, potom jandžel přisaha, zo dale časa njebudže, ale zo ma so potajnstwo skónčić při hłosu sedmeho jandžela, a da knihu Janej póžrěc.

A widžach druhého sylneho jandžela* zestupaceho z njebies, wodžeteho z mróčelu, a tučel na jeho hlówje, a jeho wobličo bě jakož slóncó, a jeho nozy jakož wohnojowaj stolpaj,**

2. A měješe w swojej rucej wotewrjenu knížku, a staji swoju prawu nohu na morjo, lěwu pak na zemju,*

3. A zawola z wulkim hłosom, jakož hdyž law ruje. A hdyž běše zawolał, rěčeše sedm hrimanjow swoje hlosy.*

15. Při rěcy Euftrat, z wotkelž so hižo často mócné wójska do swjateho kraja wulinychu, zo bychu jón zapusćile, běchu štyrjo zli jandželjo přihotowani, zo bychu so z helskim wójskom do štyrjoch kóncow zemje walili a wulki džěl njewěriwego a hrěšneho čłowjestwa morili. Boža móc jim dotal njedowoli, zlóstniwe wotpohladanje wuwjesć; tola derje wědžachu, zo tule dowolnosť jónu dóstanu, a to so nětko sta; z Božej wolu buchu wotwjazani, a nowa surowa čwila započá so za najwjetši džěl čłowjestwa. — 16. Wójsko samo wobstojace z helskich duchow, bě tak sylne, zo so přeličic njehodžeše; na to pokazuje wulkotna ličba. — 17. t. r. po barbje běchu kabaty jězdnych podobne wohnej, kurej a šwablej, wukhadžacemu z klamow koni, po tajkim woheńčeřwjene, čěmnoBrunočerwjene, a žoltočerwjene. ** t. r. jich hlowy běchu tak strašniwe a hrožace, jakož hlowy lawow. — 19. Jenož skaženje a smjerć wukhadža wot koni, a zwostawa za nimi; lawowe zloby ze zlóstnej lesće hada zjednočeja so w nich. — 20. Tež tuta čwila njedótkny so wuzwolonych, ale jeno njewěriwych a hrěšnikow, a kotrychž přelutowa, ma k polěpšenju žiwjenja pohnuć, a tola džěci swěta, kotrež svojim nakhlilenjam a hrěšnym skutkam jako přiboham služa, so njewobroča k wěrnemu Bohu. Štyri najčěže hrěchi so tudy mjenuja za wšitke druge.

X. 1. Přjedy hač sedma truba zatrubi (11. 15), kotraž dopjeljenje potajnosće Božje wozjewja, zasunjo so nowe widženje, kotrež ma japoštola na wopriječě wšitkich scělowacych wozjewjenow derje přihotować, a wěšćenja wo přichodnych podawkach židowskeho ludu poskićec. Sylny jandžel bě knihu ze sedmi zyglami wotewrić poručil (5. 2); druhi synly jandžel podawa mału knížku, w kotrež so džěl přichodneho časa wopisuje. ** Mróčel wokoło čěla a wohniwe nozy woznamjenjate, zo jandžel horja a khostanja připowěduje; jako slóncó so blyšćate wobličo a tučel wokoło hlowy, zo je tež posoł dobyća a pokoja, kotrež so po horjach a khostanjach započnu. — 2. Chce z tym prajić, zo jeho posolstwo zemi a morju plaći. — 3. Što jandžel rěčeše, so njewozjewi, zo pak jeho hłos hrožeše, na to pokazuje, zo s lawowym ručom přiruna; hrimanje, kotrež so slyšec dawa, je tak wotliós toho, štož jandžel wola; sedmkróćne zahrimanje pokazuje na wosebitu swjatocnosť tutoho hłosa Božeho, kotryž tak rjec přisaha, zo so to stanje, štož jandžel připowěduje, dokelž w hebrejskej rěči rěka słowo „sedm“ tež přisahać.

4. A hdyž bě porěčalo sedm hrimanjow swoje hłosy, chcych ja pisać, a słyšach hlós z njebyes, kiž mi praji: Zazygluj, štož je rěčalo sedm hrimanjow, a nje-napiš to.*

5. A jandžel, kotrehož widžach stojaceho nad morjom a nad zemju, pozběhny swoju ruku k njebyju, Dan. 12, 7.

6. A prisahaše při žiwym wěki na wěki, kotryž stwori njebyjo a to, štož je we nim, a zenju a to, štož je na njej, a morjo a to, štož je we nim: Zo časa dale njebudže,

7. Ale w dnjach hłosa sedmeho jandžela, hdyž započnje trubić, budže dokonjane potajnstwo Bože,* jakož je wopowědował přez svojich služownikow, profetow.

8. **A** słyšach hlós z njebyes zasy ze ninu rěčacy a prajacy: Dži a wzmi wotewrjenu knihu z ruki jandžela stojaceho nad morjom a nad zemju.

9. A woteńdžech k jandželej, prajo jemu, zo by mi dał knihu. **A** rjekny mi: Wzmi knihu a požri ju,* a sčini, zo

zhófknje twój žiwot, ale we rće twojim budže slódka jako mēd. Ezech. 3, 1.

10. A wzach knihu z ruki jandžela a požrěch ju, a we rće mojim bě slódka jako mēd, a hdyž běch ju požrěl, zhófkny mój žiwot.*

11. A rjekny mi: Ty dyrbiš z nowa wěšćić narodam a ludam a rěčam a mnohim kralam.*

STAW XI.

Jan templ mērjo słyši, zo budžetaj dwaj swědkaj wěšćić, kotrejuž budže zwěrjo z morja wstupace morić, ale wstanywši pozběhujetaj so wonaj k njebyju a ze zemjerženjom mori so sedm tysacow čłowjekow; a při trubjenju sedmeho jandžela džakuja so štyri a dwacećo starši Bohu.

A data bu mi sčina podobna kijej, a praji so mi: Wstań a mēř templ Boži a woltař a tych, kotřiž so modla w nim;*

2. Dwór pak, kotryž je zwonka templa, wučisń won a njemēř jón, dokelž je daty pohanam, a město swjate budža rozteptować dwaj a štyrceći mēsacow.

3. A dam swojimaj dwěmaj swědkomaj, a budžetaj wěšćić tysac dwě sće a šěsć-džesat dnjow, woblečenaj w mēchi.*

4. Wopřijeće hroženjow mēješe so jeno Jauej wozjewić, wšitkim druhim zakhować, abo zazygłowac. — 7. Potajnstwo Bože je wot profetow wěšćene dokonjenje kralstwa Khrystusoweho po přewinjenju wšitkich njepřečelow; tole kralstwo ma so ljez dalšeho komdženja započec a to w dnjach, kotrež so přez sedmu trubu připowěduja. — 9. Póžrěć ma japoštoł knihu, t. r. jeje wopřijeće, wojowanja a skónčne dobyće cyrkwy ma kruće swojemu duchej začićec, zo jeho njezabudje. — 10. Slódka bu japoštolej, t. r. wjeseleše so, zo bu jemu přichodny čas cyrkwy pokazany; ale hdyž wopřijeće wozjewjenja spózna, bu jemu lósko, dokelž wulku zrudobu wuhlada, kotraž mēješe na čłowjekow přinć. — 11. t. r. ty njedokonja hišće swoje džělo jako profeta, ale tebi bu to jeno wozjewjene, zo by to wšitkim čłowjekam připowědował. S. japoštoł čini to w druhim džělu knihi.

XI. 1. Spočatk w poslednim stawje připowědženeho wěšćenja wobstoi we znamjenjajm skutku. Jan dósta sčinu, t. r. mēru, z kotrejž ma templ přeměric; t. r. wěstu wobsahu z liniju wobmjezować. Tale njeza ma jeno templ samy, z každylowym woltarjom a z mēšnikami wopřijeć; nic pak předdworaj a štož je w nimaj, dokelž nimataj podžěla na swjatosci templa, ale budžetaj runja swjatemu městej wonjeswjećenaj a pohanam přepodataj; tosame je tež wěšćić Khrystus: „Jeruzalem budže poteptany wot pohanow hać so dopjelna časy pohanow.“ Luk. 21, 24. Tónle čas pohanow je tudy postajeny na polštwórta lěta; tola njejsu tele 42 mēsacow po traću runja našim mēsacam, ale su dlějšje časy. Njesměmy tudy na wopravdžity židowski templ myslić, wo kotrymž džěn bě Khrystus wěšćil, zo kamjeń na kamjenju njewostanje, ale templ ze swjatym městom woznamjenja židowski lud, tutón ma po wotsudže Božim zahyně, jeno „zbytł budže womóženy po wuzwolenju hnady“, Rom. 11, 5. To su či, kotřiž w běhu časa do Khrystusa wěrjachu; či su swjaty templ, swjate mēšnistwo, kotrež Bohu služi, w nich je templ zapusćenje města Jeruzalema přerwał a před wonjeswjećenjom zakitany wostał. Wumóženje toho zbytkaj je wopřijeće tohole wěšćenja. Jakož japoštoł Pawoł pokojacu wěrnosc wopowěduje, zo wšitcy k zhubjenju njepóndža, ale zo je jeho lud ze swojimi slubjenjenimi jako lud Boži žiwy w malej črjodcy wěrnych Židow, a zo na kónco so tež cyły zbytł nakaza, runje tak wěšći tudy tež Jan, zo džěl Židow powšitkow-nemu zahubjenju čekuje a zo druzy na kónco časa, přjedy hać budže hlós poslednjeje truby słyšany, do Khrystusoweje cyrkwy zastupja. — 3. W času, hdžež budža pohanjo knjezić, wustupitaj dwaj

4. Tutaj staj dwaj wolijowcay a dwaj swěčnikaj, kotraž stojat před Knjezom zemje.

5. A jelizo by što cheył jimaj škodžeć, wuńdže ze rta jeju woheń a pózrje jeju njepřećelow; a jelizo by što cheył jeju ranić, tak dyrbi wón morjeny być.

6. Tutaj mataj móc zamknyć njehjo, zo by nješoł deść w dnjach jeju wěšćenja, a móc mataj nad wodami je přewobroćić do krewje, a zbić zemju z kóždyj čwilu, hdyžkuli zechcetaj.*

7. A hdyž staj skónčiloj swoje swědćenje, započne zwěrjo, kotrež z hlubiny wustupnje,* přećiwo nimaj wóju, a přewinje jeju a skónčuje jeju.

8. A jeju ćele budžetej ležeć na wulicach wulkeho města, kotrež rěka duchownje Sodoma a Egiptowska, hdžež bu tež jeju Knjez křižowany.*

9. A widžeć budža [mnozy] ze splahow

a ludow a rěči a narodow jeju ćele tři dny a pol, a jeju ćele njedowola položiť do rowow.

10. A kotřiž wobydleja zemju, budža so wjeselić nad nimaj, a zadować a dary budža slać jedyn druhemu, dokelž tutaj dwaj profetaj čwilowaštaj tych, kotřiž bydlachu na zemi.*

11. A po třoch dnjach a pol zastupi do njeju duch žiwjenja wot Boha.* A stoještaj na swojimaj nohomaj, a wulki strach padže na tych, kotřiž jeju widžachu.

12. A słyšeštaj wulki hlós z njebjes, kotryž praji jimaj: Wstuptaj sem. A wstupištaj do njebjes w mróćeli, a widžachu jeju njepřećelojo jeju.*

13. A w tamnej hodžinje nasta wulke zemjerženje, a džesaty džěl města padže, a morjenych bu při zemjerženju mjenow čłowjekow sedm tysacow, a druzy buchu zatrašeni a dawachu khwalu Bohu njebja.*

profetaj w pokutnej drasće a budžetaj k pokuće kruće napominać a před njewěriwymi Židami a pohanami wo Chrystusu swědčić. Mjenujetaj so po słowach profety Zachariasa dwaj wolijowcay a dwaj swěčnikaj, dokelž budžetaj, jako mužej, wot Ducha swjateho žalbowanaj a rozswětenaj, wěrnosće Bože připowědować. — 6. Podobne džiwy, jakož Elias a Mójzes, budžetaj z mocu Božej skutkować. Na Eliasowe słowo padny woheń z njebjes a póžrě jeho njepřećelow, 4. Kral. 1, 10; njebjo so zamkny, a tři lěta njehdžeše so deść, 3. Kral. 17, 1; Mójzes přewobroći w Egiptowskej wodu do krewje, 2. Mójz. 7, 19; a wšelake čwile přihdžechu na cyły kraj. Z tymile džiwami wupokazataj so mužej, zo staj Mójzes a Elias, kotraž so při přnim přikhadže Syna Božeho při jeho překrasnjenu pokazataj, a kotraž tež při jeho druhim přikhadže před nim póněžetaj. — 7. t. j. tamna helska móc, kotraž so přećiwo křesćanstwu zběhne; zda so, zo je to wosebiće njewěriwe židowstwo, kotrež Mójzesa a profetow začipiwa a tohodla tež křesćanstwo hidži, dokelž swědkaj Božej staj zakon a profetstwo, abo zjewjenje Bože, kotrež ze swojimi kaznjemi a wěrnosćemi so swětaj njelubi. — 8. Wulke město, w kotrymž bu Chrystus, přikład tuteju dweju a wšitkich martrarjow, křižowany, móže jeno Jeruzalem być; rěka w duchownym zmyslu Sodoma čežkich hrěchow dla, kotrymž služeše, a Egiptowska njewěry dla, kotraž tam knježi, hačrunje so tak wjele džiwow tam stawa. Móžemy sebi myslić, zo budže w tamnym času Jeruzalem z nowa hłowne město Židow, abo móžemy město za cyły lud Židow wzać, kotryž w swojej njewěrje čežko hrěšeše. Čěle profetow wostanjetej njepohrjebanej na zjawnym měsće ležo, a so z tym njehódnje wonjećešćitej, přez to rosće hišće wina jich mordarjow. Njewěriwy swět ma zakon Boží a profetstwo abo zjewjenje Bože za mortwe runja čěłomaj, kotrež znajmo žiwjenja njepokazuju. — 10. Krótki čas polštwórta dnja ma so přiručić z polštwórta lětom, abo 1200 dnjow, w kotrychž mataj swědkaj Božej swědčić, a ma so z tym wuprajć, zo budže čas knježstwa njewěriweho Židowstwa k rókci. Kotřiž zemju wobydleja, t. r. swětnje zmysleni ludjo, budža so w tomle krótkim času wšelako radować, dokelž je po jich zdaću zakon, kiž čłowjekam wšelake mjezy postaja a profetstwo, kotrež jim z hroženjom suda Božeho wjele njeměra čini, wotstronjene, tak rjec morjene. — 11. t. r. Bóh wožiwi jeju, zo změjetaj zas wliw na čłowjeske žiwjenje. Zjewjene wěrnosće Bože budža zas wěrjene a wobkedžbowane w swěće. Tole wožiwjenje Chrystusowych swědkow budže njewěriwych ze strachom a bojosću napjelnjeć. — 12. Jako bu Elias džiwy do njebjes wzaty na wohniwym wozu a jako bu tež Mójzesowe čěło po smjerći překrasnjene, dokelž bu wot Boha samoho pohrjebane (Jud. 9), tak budžetaj tež tutaj dwaj swědkaj wosebje wuznamjenjenaj, wot Boha wožiwjenaj a do njebjes wzataj. Mamy-li pod swědkomaj zjewjenje Bože zrozumić, je pod jeju wožiwjenjom a do-njebjes-wšačom powšitkowne připóznaje a překrasnjenje zjewjenja Božeho, křesćanstwa, zrozumić. — 13. Spodšćiwne powyšjenje morjeneju a wonjećešćenjeju swědkow a wulke khostanje, zemjerženje, pohnuwa Židow, kotřiž běchu zwostali, k po-

14. Druha běda so miny, a hlej, třeća běda přindže bórzy.*

15. A sedmy jandžel zatrubí, a zběhnychu so mócné hłosy w njeby, kotrež prajachu: Sčinjene bu kralestwo tohole swěta [kralestwo] našeho Knjeza a jeho Khrystusa, a budže kralować wěki na wěki. Amen.*

16. A štyri a dwacećo starši, kotřiž před Bohom sedža na swóych trónach, padžechu na swoje wobliča a modlachu so k Bohu, prajicy:

17. Džakujemy so tebi Knježe, Božo wšohomócný, kotryž sy a kotryž běše a kotryž přindžeš, zo sy přijal swoju wulku móc a kralował.*

18. A rozhněwachu so narody, a přindže twój hněw a čas mortwych,* zo bychu sudženi byli, a zo by dal mzdu swojim služownikam, profetam a swjatym a kotřiž so boja twójeho mjena, malým a wulkim, a zo bychu wukorjenjeni byli cí, kotřiž kaža zemju.

19. A wotewrjeny bu templ Boží w njeby, a widěć bě křinja jeho sluba w jeho templu, a stachu so blyski a hłosy a zemjerženja a wulke krupobiće.*

STAW XII.

Hdyž bě žónska syna porodžila a zmij to widěl, bu jeje syn wot njeje k Bohu wzaty; hdyž na to w njeby wójna wudyri, poča padnjeny zmij žónskeje potomstwo přescěhać.

A wulke znamjo* pokaza so na njeby: žónska wobležena w slóncu, a měsac pod jeje nohomaj, a na jeje hlówje króna dwanaćich hwězdow,**

2. A w žiwocie mějicy wołaše w porodnych hronach, a bu čwilowana, zo by porodžila.*

3. A widžane bu druhe znamjo na njeby, a hlej, zmij wulki čerwjeny, mějacy sedm hlówow a džesać rohów, a na jeho hlówach sedm krónow,

4. A jeho wopuš wlečeše třećinu hwězdow njeby, a zmjeta je na zemju.* A

kně a k přiwzaću wěry. Morjenych bu sedm tysacow, to je přiměrnje řečane, mjenujcy jeno mały džěl, wulki džěl čini pokutu. — 14. To bě poslednje domapytanje Židow, druha běda; na nju sčěhuje třeća, so započejcy z trubjenjom sedmeje truby, kotraž sud nad cyłym njekřesćanskim swětom wopřija. — 15. Ze zatrubjenjom truby wuhladaja zbóžni w njebiesach krasne skónčjenje tohole časa a spočatk kralestwa Božeho, w kotrymž budže knjezić wěki na wěki Jězus Khrystus. Kak so tole dobyće skónčnje dokonja, a što so w tom času stanje, pokazuje so Janej w sčěhowacych widěnjach. — 17. Starši džakuja so w hlubokej ponižnosći, zo Bóh z nowa swoju móc wozjewja a swóych přećiwnikow khosta. — 18. t. r. čas, w kotrymž so mortwi wubudžaja, zo bychu sudženi byli; a zlósc pohanskich ludow a swěta khosta hněw z wěčnym zahubjenjom, kotrež su sebi zaslužili, dokeli běchu tak wale hřecha a pohórška na zemi rozšěrjeli, mjez tym zo wšitcy, kotřiž Bohu služachu, myto dostawaja. — 19. Kašć sluba so wotkryje k znamjenju, zo je so čas přibližil, hděš so wšitke sluby Bože, kotrež je swojim swěrnym činił, dopjelnja; ale tež broženja, kotrež je khroblým přestupjerjam zakonja hrozyl, dopjelnja so, na to pokazuja surowe znamjenja, kotrež so při wotkryću pokazuja.

XII. 1. Prjedy hač so Khrystusowe dobyće, wot wobydleri njebies swjećene, wopisuje, předstajaja so jeho njepřečelojo, a Khrystus so jim pokazuje w swojej njebieskej krasnosći, st. 12, 1—14. 5. Najpřeniši njepřečel je djaboľ, kotryž jako zmij wustupuje, st. 12; potom wohidne zwěriško, kotrež z morja so zběhnje, znamjo swětnjeje mocy, Bohu njepřečelneje, st. 13, 1—10; a na to drube zwěriško, kotrež so ze zemje zběhnje a swětnu a djabolsku mudrosć předstaja. Njewopisuja so z tym woprawdžite podawki, ale njepřečelne wustupowanje wšěch Khrystusej napřećiwnych mocow so tu powšitkownje woznamjenja. Tohodla mjenuje Jan, štož widzi, „znamjo“. ** t. r. wobdata wot njebieskeje jasnosće, swjatosć žónskeje woznamjenjaceje. — 2. Žónska předstaja cyrkej, a to najprjedy starozakónsku cyrkej, z kotrež Khrystus wunđe, woprawdžite džěci israelske nic po mjasu, ale po duchu. Z Khrystusowym narodom bu starozakónska cyrkej nowozakónska, dokeli přeni křesćenjo běchu ze Židowstwa; Židža wostanu korjeń a zdónk wolijowca, do kotrehož so po hanjo jako plone hałzy zašćěpichu. Těle křesćanska cyrkej přeněho časa předstaja so přez žónsku, kotraž do pusciny čeka, rj. 6 a 14. Starozakónska cyrkej porodži Khrystusa přez knježnu Mariju, tohodla so tež runje tak, jakož Marija, woprawdžita mać Zbóžnika, wopisuje. Tak krasna budže cyrkej poslednjeho časa, hdyž so Židža zas we wěry z njeju zjednoća. * Cyrkej předstaja so w porodžacych bolosćach, Khrystus ma so z nowa w njej wotiwěć a k nowej mocy přiněć, a to so hińak njestanje, khiba z wulkim napinanjom a sebjezaprěćom. — 4. Zmij předstaja djaboła, je krejčel

zmij stojiše před žónskej, kotraž měješe porodźić, zo by, hdyž by porodźila, jeje syna póžrěl.**

5. A porodźi syna, hólčatko, kotryž měješe wodźić wšitke narody ze železnym prutom,* a wzaty bu jeje syn k Bohu a k jeho trónej,

6. A žónska čekny do pusciny, hdžež měješe město přihotowane wot Boha, zo bychy tam ju žiwili tysac dvě sće a šěsćdesat dnjow.

7. A nasta wulke wojowanie w njebiesach: Michał a jeho jandželojo wojowachu ze zmijom, a zmij wojowaše a jeho jandželojo,

8. A njezamóžachu dobyć, ani město njebu dale za nich namakane w njeju.*

9. A wućisnjeny bu tamny wulki zmij, stary had,* kotryž rěka djabol a satan, kiž zawjeduje cyly swět, a ćisnjeny bu

na zemju, a jeho jandželojo buchu z nim ćisnjeni.

10. A slyšach wulki hlós w njebiesach, kiž praji: Nětko bu zbóžnosť a synnosť, a kralowstwo našeho Boha a móc jeho Khrystusa,* dokelž začisnjeny bu wobskoržnik našich bratrow, kiž jich wobskoržowaše před našim Bohom wodnjo a w nocy.**

11. A woni dobychu nad nim dla krewje Jehnjeća a dla słowa swojeho swědčenja,* a njelubowachu swojeho žiwjenja hač do smjerće.**

12. Tohodla wjeselće so, njebiesa, a kotřiž w nich bydliće; běda zemi a mórju, dokelž zestupi djabol k wam, mějo wulki hněw, wědžo, zo ma krótki čas.*

13. A hdyž wuhlada zmij, zo bu na zemju ćisnjeny, přescěhaše žónsku, kotraž bě porodźila hólčatko.*

wjeny, jako znamjo jeho surowosće a lačnosće za krewju, dokelž je mordar wot spočatka, Jan. 8, 44. Sedm krónowanych hlówow z dšesaćmi rohami pokazuje na móc, z kotrejž wón nad swětom knježi z pomocu zwěriska, kotrež ma tež sedm hlówow a dšesać rohów, 13, 1—8. Surowy dopokaz swojeje mocy poda hižo, třeći džěl hwězdow z njebies potorhnywši, t. r. třeći džěl jandželow k njeposlušnosći zawjedši, tak zo z njebies padnychu. ** Wosebje pokazuje djabol swoje zloby přećiwo Khrystusej hižo před jeho narodom; lědma pak bě narodženy, pytaše za srědkami, zo by jeho morił. — 5. W tom je wina zlobow djabola, syn žónskej wutorhnje jemu knježstwo nad čłowjekami, a z mocu Božej wostanje zakitany přede wšěmi wlečenjemi, kotrež so jemu wot djabola přihotuja, a skónčnje bu do njebies wzaty a před djabolskej mocu skhowany. Syn žónskej je Khrystus, nic jakož so ljez bolosćow mačerje narodži, ale jakož bě plód bolosćiweho a stykniweho wočakowanja starozakónskej cyrkwy. Žónska pak je cyrkej, t. r. lud, kiž do Zbóžnika kruće wěri, w starym zakonju hižo na njeho so nadźijejo; přećiwo cyrkwi wustupuje po Knjezowym do njebies-spěču djabol, tak zo dyrhješe so wona do pusciny skhować, dokelž w přěních lěstotkach bu w zjawnym žiwjenju krwawnje přescěhana. Můžeme pak słowa tež zrozumić wo poslednim času swěta; cyrkwy předobychši swojich njepřecelow, wostanje hišće zakhowana w pusciny swěta, mjez tym, zo by, jakož jej přisluša, w swěće knježiła. Tole skhowane žiwjenje budže polštwtórta lěta trać, abo tysac dvě sće a šěsćdesat dnjow, a Bóh zežiwi swoju cyrkwy, t. r. swojich wěriwych, ze spodžiwny khlěbom, jakož něhdy israelski lud w pusciny. — 8. Jan njewidzi a njewopisuje tudy podawk, kotryž so po Khrystusowym narodže wo prawdze sta; ale tamne wojowanie, kotrež so při spočatku stwórbje w njebiesach mjez swj. Michałom a druhimi dobrými jandželemi a mjez djabolom a jeho přiwiskom sta, je předznamjo wojowanja Khrystusoweho a jeho cyrkwy přećiwo djabolej a złemu swětej we wšitkich časach, wosebje pak w poslednim času. Skónčne přewinjenje djabola so z tym woznamjenja, zo po nim abo města namakaneho njebu, tak dospołnje bu přewinjeny. — 9. t. r. tamny, kotryž bě wot wšeho spočatka sem za čłowjekow tak strašny, hl. 1. Móž. 3, 1, kotryž so lesnje přisłodža a lži a k njeposlušnosći přećiwo Bohu ščuwa, — 10. t. r. nětko njemóže zbóžnosť čłowjekow a knježstwo Knjeza nad swětom ničtó dale zadžěwać. Khrystus ma nětko knjezić z mocu Božej. ** Satan wabi njepřestawajcy čłowjekow k hrěchaj a je tak wina na khostanjach Božich. — 11. Tež wěriwym je dobyće nad djabolom zawěšćene; jakož Khrystus doby, tak dobudu tež woni z jeho hnadu, kotruž jim z přelecom swojeje krewje zasluži, a z wěrn do jeho słowa, do jeho slubjenj, kotruž mužnje wuznawaju a wobswědčuja. ** Swoje žiwjenje lubuja mjenje, dyžli Knjeza, tohodla wumru tež rady za njeho. — 12. Dokelž djabol Khrystusej a jeho swjatym wjac škodźeć njemóže, zlobi so z cytej swojeje mocu na čłowjekow a to čím bóle, dokelž wě, zo je jemu čas krótko wotměrjeny. — 13. Na zemi wojuje djabol najprjedy přećiwo žónskej, kotraž bě tamne džěčo porodźila, t. j. přećiwo cyrkwi, dokelž z njeje zrodži so, wožiwi z nowa Khrystus.

14. A datej buštej žónskej dvě křidle wulkeho worjoła, zo by lečala do pusciny na swoje město, hdžež ju žiwja přez čas a časy a pol časa, daloko wot hada.*

15. A had wubluny ze rta swojeho za žónskej wodu jakož rěku, zo by wot rěki so sobutorhnyla.*

16. A spomha zemja žónskej, a wotewri zemja swój rot, a wupi rěku, kotruž wubluny zmij ze rta swojeho.

17. A zmij rozhněwa so na žonu, a woteńdže, zo by wojował z druhimi z jeje symjenja, kotřiž dđerža kaznje Bože a maja swědčenje Jězusa Khrystusa.*

18. A stupi na pěsk morja.*

STAW XIII.

Zwěrisko z morja wstupuje ze sedmi hłowami a džešaćimi rohami a džešaćimi krónami, kotrehož rana so zahoji, Boha hani a wojuje přečiwu

swjatym; a druhe zwěrisko z dvěmaj rohoma, ze zemje wstupowace, je jemu cyle po woli, a nuzuje, zo bychu jeho wobraz wudžělali a so k njemu modlili, a znamjo jeho mjena měli.

A widžach zwěrisko z morja wstupace,* kotrež měješe sedm hłowow a džešać rohow, a na jeho rohach džešać krónow, a na jeho hłowach mjena hanjenja.

2. A zwěrisko, kotrež widžach, bě podobne na pardela, a jeho nohi jako mjedwjedźowe nohi, a jeho klama jako lawowa klama.* A zmij da jemu swoju móc a wulku sylnosć.

3. A widžach jenu z jeho hłowow jako na smjerć dyrjenu, a jeho smjertna rana bu zahojena.* A džiwaše so cyla zemja za zwěriskom,

4. A modlachu so k zmijej, kotryž je dał sylnosć zwěrisku, a modlachu so k zwěrisku, prajicy: Štó je runja zwěrisku? a štó budže móc wojować z nim?*

14. Žónskej buštej křidle datej, z kotrymajž do pusciny čekny, t. r. nic po swojim spodobanju, ale po zarjadowanju Božim džěli so spěšnje wot swěta, zo by jedyn čas a dwaj časaj a pol časa, t. r. pol štwórta lěta, tysac dvě sćě a šěsćdžešat dnjow zakhowanje žiwa byla, t. j. tamny čežki posledni čas, w kotrymž budže djaboł z cylej namocu knježić. — 15. W swjatym Pismje bywaja wulke strachi často přirunane z mćenymi powodžacymi rěkami; tak tež tudy surowe přescěhanje, z kotrymi chce djaboł cyrkej zničić; jej hrožacy strach so njenadžicy wotwobroć, dokelž mćena škalba zemje póžrě rěku. — 17. Hdyž so djabołej njeradzi cyrkej jako tajku powalić, přimaše ze swojimi zlobami jednotlivych wěriwych abo jednotlivu křescanske wosady. — 18. t. r. djaboł, zo by tamne zwěrisko, z morja so zběhace, kotrež chce wón při wojowanju přečiwu wěriwym wužić, ze swojej mocu wobrońil.

XIII. 1. Zwěrisko, kotrež z morja wstupi, je wobraz swětnje, Bohu napřečiwnjeje mocy, kotraž je wožiwjena a cyle wjedžena wot zmija, t. j. wot djabola. Těle swětowa móc wustupuje ze wšelakimi srědkami, trjeba k swojemu bjezbóžnemu skutkowanju wosebite nastroje; swětno knježerstwa a knježerjow, wědomosće a wumjelstwa, tež błudne nabožne wučby služa jej. Sedm hłowow je sedm swětowych knježerstwow, kotrež, jakož stawizny swědča, napřečo Bohu swoju cyłu móc hromadžachu, to su egiptowske, assyriske, babylonske, persiske, macedonske a romske a jako sedme, kotrež ma za romskim sćěhować. Tak wukładuje w 17. st. 9—11 jandžel s. Janej tónle wobraz a praji, zo je ze sedm kralestwow pjeć zašlo, šeste, t. j. romske pak w tom času wobstoi; a sedme přidže p o tutom a z ropadnjenja tutoho do wjacy kralestwow, na kotrež džešać rohow z krónami pokazuje, a z tntych zrodži so sedme, wot antikhrysta wožiwjene a nawjedowane kralestwo. Zwěrisko wustupi z morja, dokelž morjo je wobraz čłowjestwa na swěće, z kotrehož kralestwa nastawaja; na jeho hłowach su bohahanjace mjena, t. r. tele kralestwa přiswojeja sebi móc a česć, kotraž jeno Bohu sluša. — 2. Zwěrisko je zestajene z třoch druhich, štož znamjenja, zo su w nim njepočinki, džiwyje mocy tntych třoch zjednocene, zo je djabolska leš pardela podpěrana wot njesmělnjeje kratoby bara a wot surowjeje sylnosće lawa. K tomu dōstawa hišće přezčłowjesku móc wot djabola. — 3. Ranjena hlawa je wěsće šesta, knježerstwo romskich woznamjenjaca, a rana wobstoi w tom, zo so tuto do wjacy kralestwow rozwjaza; w štwórtym stotetku přjachu ludy romskeho kžerstwa křescanstwo a tuto kežerstwo, dokelž bě twarjene na pohanstwo, bu z tym smjertnje ranjene. Hojenje rany pak poča so z tym, zo w nowišim času, po reformaciji a wosebje na kōncu 18. stotetka ludy přečiwu křescanstwu křoblišo wustupować a z tym nowe pohanstwo přihotować započachu. Rana budže zahojena a zwěrisko wožiw, hdyž budža knježerstwa zas cyle njekřescanske, a z tym započnje so sedme kralestwo, nawjedowane wot antikhrysta. — 4. Wulki džěl čłowjestwa posluha na zwěrisko a jeho wučby, a džiwa so, zo wěra do wěrneho Boha tak nahle woteběra; čłowjekoj budža tak zaslepjeni, zo budža město žiweho Boha stworjenja česćić, a k nim so modlić a křoble wołać, što móže so runać knježacej swětnjeje mocy?

5. A daty bu jemu rot, kiž rěčeše wulke wěcy a hanjenja, a data bu jemu móc skutkować dwaj a štyrceći mėsacow.*

6. A wotewri swój rot na hanjenja přećiwo Bohu, zo by haniło jeho mjeno a jeho stan a tych, kotřiž w njejbju bydla.*

7. A date bu jemu, wójnu wjesć ze swjatymi a jich předobyć, a data bu jemu móc nad kóždym splahom a ludom a rěču a narodom.*

8. A modlachu so k njemu wšitcy, kotřiž na zemi bydla, kotrychž mjena zapisane njesu w knizy žiwjenja Jehnjeća, kotrež je morjene wot spočatka swěta.*

9. Ma-li štó wucho, njech slyši.

10. Štóz do zajeca wjedže, do zajeca pónǵže; štóz z mječom mori, dyrbi z mječom morjeny być. Tu je sčerpność a wěra swjatych.* 1. Móž. 9, 6; Mat. 26, 52.

11. A widźach druge zwěrisko wstupowace ze zemje, a měješe dwaj rohaj podobnaj jehnjećowymaj a rěčeše jako zmij.*

12. A wšitku móc přenjeho zwěriska činješe před nim a sčini, zo zemja a

kotřiž na njej bydla so modlachu k přenjemu zwěrisku, kotrehož smjertna rana bu zahojena.

13. A činješe wulke znamjenja, zo tež woheń z njebies na zemju padać sčini před čłowjekami.*

14. A zawjedže tych, kotřiž na zemi bydla, znamjeni dla, kotrež činić bu jemu date před zwěriskom, prajicy bydlacym na zemi, zo bychu sčiniłi wobraz zwěriska, kotrež ma ranu wot mjeća a [zasy] wožiwi.*

15. A date bu jemu, zo poda ducha wobrazej zwěriska, a zo by rěčał wobraz zwěriska a sčinił, zo bychu, kotřižkuli so njemodla k wobrazej zwěriska, morjeni byli.

16. A sčini, zo změja wšitcy, móličky a wulcy, a bohaći a khudži, a swobodni a wotročcy znamjo na swojej prawej rucej abo na svojich čolach,

17. A zo by nihtó njemohl kupować abo předawać, khiba kotryž ma znamjo abo mjeno zwěriska abo ličbu jeho mjena.*

5. Jakož něhdy w romakim kejžorstwje so čłowjeska móc nad bóžsku wusběhowaše a je-notliwym kejžoram haj samemu městu bóžske samotnośće připisowachu, tak budźa tež w poslednich časach, w kralestwje antikhrysta surowe bohahanjenja slyšeć; tola trać budźe knježenje djabola jeno krótki čas, dokelž Bóh je jemu mjezy postajił. — 6. Hanić budźa Boha w jeho mjenje, t. j. jeho słowa a wěrnosće budźa wusměšować; a w jeho wobydlenju, t. j. w njejbju, na kotrež sprawni swoju nadźiju stajeja, kotrež pak bjesbóžni přēja; a w jeho swjatych, kotřiž w njebiesach wěčne myto wužiwaju, mjez tym, zo swěť jeno wužiwa, štóž zemja poskica. — 7. Zwěrisko budźe z Božim dopuśćenjom sprawnych přescěhać, mnohich ze wšěch ludow zawjedže k swojej bjesbóžnośći. — 8. Modlić budźa so k zwěrisku wšitcy, kotřiž w knizy žiwjenja zapisani njesu; kotřiž pak su powołani, či runja Jehnjeću w svojich čerpenjach dobuđu a zbóžność wěčneho žiwjenja sebi zaslůža. — 10. Z tym maja so sprawni pokojeć, zo žadyn, kotryž křiwdu čini, khostanju nječeknje; w času njesprawneho přescěhanja dyrba sprawni do tuteje wěrnosće wěrić a sčerpni być w horjach. — 11. Druge zwěrisko, kotrež přenjeju podwolnje služi, je błudne wučerstwo, kotrež ze swojej nje-wěrnej wědomosću mnohich lesnje zawjeduje, a bjesbóžne wučby rozšěrja. Tole zwěrjo wstupuje ze zemje, dokelž tale wědomosć ma tu swoju domowinu, a jeje cyle wopřijeće počahuje so na zemju; ma jeno dwaj rohaj, runja rohajaj jehnjeća, dokelž lesuje, jako njewinowate jehnjo, lišči so, zo by sebi čłowjekow dobyło, a jich potom skazyło. Rěči jako smij, t. r. jako tamny had w paradizu, lesnje; a štož rěči, runja so tomu, štož smij praji, a pohonja wšitkich, zo bychu zwěrisku ze zahojenej hlownu (rj. 3) služili, t. r. wožiwjenemu pohanstwu. — 13. Tež to, zo budźa falšni profetjo dźiwy a znamjenja činić, je wěšćene. 2. Thess. 2. 9. — 14. Z dopuśćenjom Božim a z pomocu djabola, budźa falšni profetjo wulke znamjenja činić, z kotrymiž budźa druhich k wotpadaj pohnuwać; tež dźiw rěčaceho wobrazu k tomu sluša. Zo budźa so k tomule wobrazej ludjo modlić, to budźe najhórkši stopjeń, na kotryž so nowe pohanstwo z antikhrystom pozběhnje. Předznamjenja tohole pohanstwa běchu romacy kejžorojo a hižo předy Nebukadnezar, kotřiž žadachu, zo by so jich wobrazam bóžska česć wopokazala. — 17. Tež zwonkownje budźa či, kotřiž zwěrisku sluša, so rozeknawać wot tamnych, kotřiž to nječinja; wosebite znamjo swojeje přislušnosće směja na prawicy a na čole; budźe to mjeno přenjeho zwěriska pak z pismikami pak z ličbnikami wuprajene, a kotřiž tole znamjo njezměja, wusamknu so ze zjawneho žiwjenja; to budźe za wěrných křesćanow tamne wulke horjo, kajkež njeje było, a hdy bychu dny přikrótsěne njebyłe, njeby žadyn čłowjek wumóženy był. Mat. 24, 21.

18. Tu je mudrosć. Štóz ma rozum, woblić ličbu zwěriska, přetož čłowjeska ličba je to, a ličba jeho šěsć stow šěsć a šěsćdzesat.*

STAW XIV.

Knježny khodźa z Jehnjeom spěwajcy, mjes tym zo jedyn jandžel ewangelium připowěduje, druhu wěšći pad Babylona, třeći pak křižowanje tych, kotřiž běchu k zwěrjeću so modlili; dale dwěmaj, kotraž mataj serpy, so prikazuje, zo mataj jedyn žně, druhu pak winicu zemje zezběrać.

A widźach a hlej, Jehnjo stoješe na horje Sion, a z nim sto a štyri a štyrceci tysacow, kotřiž mējachu jeho mjeno a mjeno jeho wótca napisane na svojich čolach.*

2. A slyšach hlós z njebyes jako hlós wjele wodow a jako hlós wulkeho hri-manja a hlós, kotryž slyšach, jako hlós harfarjow, kotřiž na swoje harfy hraja.*

3. A spěwachu jako nowy spěw před trónom a před štyrjomi žiwjatami a staršimi, a nchtó njemóžeše spěw spěwać, khiba tamne sto a štyri a štyrceci tysacow, kotřiž buchu wukupjeni ze zemje.

4. **Či** su, kotřiž so ze žónskimi njewomazachu, přetož knježny su.* **Či** scěhuja Jehnjo, hdžežkuli dže. **Či** su kupjeni z čłowjekow přenicy Bohu a Jehnjeu.**

5. A we rće jich njebu namakana lža; přetož su bjez winy před trónom Božim.*

6. **A** widźach drugeho jandžela lečaceho srjedza přez njebo, kotryž mėješe wěčne ewangelium, zo by je wopowědował tym, kotřiž bydla na zemi, a wšitkim narodam a splaham a rěčam a ludam,*

7. Prajo z wulkim hlosom: Bójće so Knjeza, a dawajće jemu česć, dokelž

18. Jenó mudry čłowjek móže mjeno zwěriska, z kotrymž budźa so jeho služownicy woznamjenjeć, spóznać; njeje pak ličba cyle potajna, ale čłowjeska, t. r. za čłowjeka spóznamojna. S. japoštoł mjenuje mjeno z ličbnikami. Kóždy grecki a tež hebrejski pismik znamjenja tež wěsta ličbu, k přikładej α je jedyn; ι je djesať, ς je sto atd. Tohodla móže so kóždy mjeno tež postajić z ličbnikami, kotrež so město pismikow stajeja, a potom hromadu sliča; tola móže w tutej ličbje wjele wšelakich mjenow skhowanych być, za tym hač sebi tule ličbu zastajemu myslji. Kotre mjeno je nětko prawe, to ma čłowjeska mudrosć z přislušnych wobstojenjow wuslědźić. Tudy stoji ličbnik 666; tón móže jara wšelako zastajeny być, a tohodla wšelake mjena wopřijec; mjes nimi zda so mjeno Nero keasar, t. j. Nero kejšor tamne być, na kotrež Jan myseleše ale sebi njeswaži, je wuprajć a tohodla do ličbnikow přikry. Nero bě najsurowiši romski kejšor a bě tak předsnamajo antikhrysta, kotryž budže hišće hórje a złośtnišo přećiwu Bohu zakhadźec. Tole wuloženje ličby 666 zda so wěrje podobne być.

XIV. 1. Po widźenju wopisanych surowosćow pokazuje so Janej nowy wobraz: Khrystus wobdaty wot svojich swjatech, kotřiž maja jeho a Wótcewe mjeno na čole a kotřiž so z tym jako jemu přislušní wupokazuja. Po wopisanju zwěriska a tamnych, kotřiž so k njemu dšerža, ma nas tónle wobraz pokojeć a k wutrajnej scěrpnosci w horjach njepřečelskich přescěhanjow pohnać. Khrystus pokazuje so tu jako Jehnjo, zo by so jeho njewinowatosć a swjatosć přećiwu djabolej wusběhnyla, kotryž so jako zmij pokazuje. Ličba, sto a štyri a štyrceci tysac, runja so ličbje wuzwolonych wěriwych israelskeho ludu hl. 7, 4. — 2. Hlós z njebyes, kotryž Jan slyši, je mócný a tola lubozny hlós noweho spěwa, kotryž sto a štyri a štyrceci tysac wuzwolonych zanošnja. Dekelž su tući k wosebitej službje Jehnjeća wuzwoleni a wosebitu zbóžnosć wužiwaju, móža jeno woni tutón spěw spěwać; nowy spěw je, dokelž nowy skutk Božeje miłosće khwali. — 4. t. r. wobkhowachu swoju čistotu w knježnistwje, zapowěchu sebi tež mandělstwo; tole njexranjene knježnistwo podawa jim wosebitu debu a tež wosebitu zbóžnosć, w tom wobstojacu, zo su z Jehnjeom najwužišo sjednoćeni a je stajnje scěhujcy wužiwaju z nim wšitke njebyeske wjesela. ** Wšitcy zbóžni drje su wukupjeni z krewju Khrystusowej, tući knježnisicy pak su jako přerje, t. r. najwosebniše plody, wuzwoleni k službje Jehnjeća. — 5. Tući su tež hjeze wjeje lžž, cyle wěrnosćiw. Čistota a wěrnosćiwosć zaslužiť sebi w njekhmanym a zelhanym swěće wosebite myto. — 6. Ti podawki připowědaju so wot třoch jandželow za najposledniši čas před Khrystusowym druhim přikhadom: z nowa a z wosebitym napominanjom k pokuće budže so ewangelium wopowědować; Babel budže powaleny, a wšitkim, kotřiž so k zwěrisku modla, hroža so surowe khostanja Bože. Wěčne ewangelium woptja rady a wjedźenja Bože k wumóženju čłowjestwa, kotrež maja so krótko před sudom z nowa cylemu čłowjestwu wopowědować, a z tym přiležnosć poskićec, zo bychu je přijawši zbóžni byli.

přinǎdže hodžina jeho suda, a modlće so k njemu, kiž je sćinił njebo a zemju, morjo a kužoły wodow.*

Ps. 145, 6; Jap. sk. 14, 14.

8. A druhi jandžel sćěhowaše prajo: Padny, padny Babylon, tamón wulki, kotryž je z winom hněwa swajebo kurwastwa napojał wšitke narody.*

Is. 21, 9; Jer. 51, 8.

9. A třeci jandžel sćěhowaše jeju prajo z wulkim hłosom: Modli-li so što k zwěrisku a jeho wobrazej a přijima znamjo na swojim čole a na swajebo rucy,

10. Tón budže pić wot wina hněwa Božeho, kotrež je nalate njeměšane w keluchu jeho hněwa,* a budže česno-sćeny z wohnjom a šwablom před swjatyimi jandželeimi a před Jehnjećom.

11. A kur jich čwilow wstupuje wěki na wěki, a nimaju wotpočinka wodnjo a w nocy, kotriž so modla k zwěrisku a jeho wobrazej, a jeli što přijima znamjo jeho mjena.

12. Tu je sćerpnosć swjatyh, kotriž wobkedžbujaz kaznje Bože a wěru Jězusowu.*

13. A slyšach hlós z njejbjes, kiž mi

praji: Napiš:* Zbóžni mortwi, kotriž w Knjezu wumru. Wot nětka zawěrnó, praji Duch, zo bychu wotpočowali wot swojich džělow, přetož jich skutki sćěhuja jich.**

14. A widzach, a hlej bělu mróćel, a na mróćeli sedžaceho podobneho Synej čłowjeka, kiž měješe na swajebo hlówje zlotu krónu a w swajebo rucy wótry serp.*

15. A druhi jandžel wuńdže z templa* wołajo z wulkim hłosom na sedžaceho na mróćeli: Založ swój serp a žněj, dokelž přinǎdže hodžina, zo by so žnjalo, přetož wuskhnychu žně zemje.**

Joel 3, 13; Mat. 13, 39.

16. A založi, kotryž sedžeše na mróćeli, swój serp na zemju, a póžnjata bu zemja.

17. A druhi jandžel wuńdže z templa, kotryž je w njejbjesach, tež wón měješe wótry serp.*

18. A druhi jandžel wuńdže z wołtarja,* kiž měješe móc nad wohnjom, a zawoła z wulkim hłosom na toho, kiž měješe wótry serp prajo: Založ swój wótry serp a zezběraj kiće winicy zemje, přetož zrale su jeje jahody.**

7. Pokazujo na blizki sud, napomina jandžel z wopowědowanjom ewangelia, zo bychu wšitcy wěrnemu Bohu, wšohomócnemu stworićerjej časć, kotraž jemu, a nic zwěrisku słuša, dawali. — 8. Jandžel připowěduje to, štož měješe so w krótkim stać, a so wěsće stanje tak, jako by so hižo stalo. Babylon, kotryž w swajebo zlóšćiwěj njeposlušnosći so přeciwo Bohu zběhny, plaći za znamjo kóždeho bohazabyćiweho města, a tudy je hlowne město džěćom Božim napřeciwiwneho swětowego kralstwa poslednjeho časa měnjene; a kurwastwo, t. j. hrěšne žiwjenje, kotrež mjasnym nakhi-lenjam wšo dowola, a ke kotremuž tamne město wšitke ludy zawjeduje, předstaja so z napojom wina, kotrež so ludam podawa, a dokelž wšitcy, kotriž tónle napoj wužiwaju, Boha hněwaju, mjenuje so napoj wino hněwa. — 10. Jakož piješe z kelucha hrěšneho žiwjenja, budže tež potom pić dyrbjeć keluch hněwa Božeho, kotryž njebudže woslabjeny w swajebo krutosći, ale Bože khostanja přinǎdu na njeho z poľnej mocu; zwonkownje budža čwilowani z wěćnym wohnjom, a znutřkownje ze stajnym njeměrom, a z porokami, zo bychu přez Jehnjo Bože tež wumóženi, swjeći być móhli, hdy bychu sami chcyli. — 12. t. r. tu, hdžež wšitcy zwěrisku słuža, ma so wopokazać wěrnosć sćerpnosće swjatyh, dokelž bywaja přesćěhani wobstajnosće dla. — 13. Wozjew to wěriwym, a pokojej jich z tym, zo budža wšitcy, kotriž zjednoćeni we wěrje a lubosći z Knjezom wumru, wěćnje zbóžni. ** Hižo tež čí, kotriž nětko w Knjezu wumru, budža zbóžni, budža wotpočować móc wot swojich džělow; kotriž nětko w Knjezu wumru, njebudža na dokonjenje swěta čakać trjebać, ale hižo we wokomiku njenu smjerće budža zbóžni, a za wšitke dobre skutki budža mytowani; dobre skutki su potajkim zaslužbne. — 14. Z dwěmaj wobrazomaj připowěduje so blizki sud; z wobrazom žnjow a hromadženja winowych kićí. Čłowjestwo je zrale za sud; dobre a zle je wot sebjě džělene. Krónowany, na mróćeli sedžacy je jandžel, Khrystusa předstajacy; serp ma w swajebo rucy, to je znamjo, zo je jemu Bóh sud přepodał a zo ma so sud započěć; wótroš serpa pokazuje na krutosć suda. — 15. t. r. z templa Božeho, z njejbjes. ** Žně zemje, kotrež su zrale, su čłowjekajo; Bóh njepřinǎdže k sudej, doniž póććiwosć a hrěšniwosć mjez čłowjekami tak wysoki stopjeń njedosa-h-njetej, zo móže so prajić, zo stej dokonjanej, a dale přiběrać njemóžetej. — 17. t. r. tež tutón bu powołany, zo by sudkić pómhlał zemju. — 18. To je spalnowoporny wołtarj; wohań, kotryž so na njejbjeskim spalnowopornym wołtarju pali, je woheń Božejě sprawnosće a swjatosće, kiž wšu

19. A jandžel založi swój wótry serp na zemju a zezběra winicu zemje* a zmjeta do wulkeho jězora hněwa Božeho.**

20. A teptany bu jězor* zwonka města,** a wuńdže krej z jězora hač do wuzdow koni přez tysac a šěsć stow honow.***

STAW XV.

Kotřiž zwěrisko předobychu a jeho wobraz a ličbu jeho mjena, khwala Boha; a sedm jandželam, kotřiž maja sedm najnowších čwilow, da so sedm mjedžeńcow, napjelnjenych z hněwom Božim.

A widźach druhe znamjo w njeby wulke a spodźiwnne, sedm jandželow, kotřiž mējachu sedm poslednich čwilow, dokelž w nich je dokonjany hněw Boží.*

2. A widźach jako škleńčane morjo změšane z wohnjom, a tych, kotřiž běchu

dobyli nad zwěriskom a jeho wobrazom a ličbu jeho mjena, stojacych nad škleńčanym morjom,* a mējachu harfy Bože,**

3. A spěwachu spěw Mójzesa, služownika Božeho a spěw Jehnjeća* prajicy: Wulke a spodźiwnne su twoje skutki,** Knježe, Božo wšohomócný, sprawne a wěrne su twoje puće, kralo wěćnosće.

4. Štó by so tebje njebojał, Knježe, a njekhwalił twojeho mjena? Dokelž ty sam sy swjaty, dokelž wšitke narody přińdu a budža so modlić před tobu, dokelž twoje sudy buchu zjewjene.* Jer. 10, 7.

5. A na to widźach, a hlej,* wotewrjeny bu templ stana swědčenja w njebiesach,**

6. A wuńdže sedm jandželow, kotřiž mējachu sedm čwilow z templa, woblečenyh w čisty a swětlý płat, a wopasanych na wutrobnju ze zlotými pasami.*

hrěšniwosć zniči; a nad tónle woheń Božej sprawnosće je tamny jandžel postajeny. ** t. r. zrale je čłowjestwo k sudej. — 19. t. r. plody winicy, winowe kiće. ** Winowe kiće teptač trjeba so w s. Pismje (Is. 63, 3) za wuraz hněwa Božeho, a tohodla trjeba so jězor, w kotrymž so teptaja, jako srědk hněwa Božeho. — 20. t. r. kiće w jězoru. ** t. r. zwonka Jeruzalema, tola nimamy pod Jeruzalemom tu zrozumić hlowne město židowstwa, ale křesćansku cyrkej, wosadu Božu poslednich časow, Bože khostanje přińdže jeno na tych, kotřiž budža zwonka tohole města, zwonka křesćanskeje cyrkwy. *** Zrozumić ma so tu woprawdźita krej, krejpteleće budže njesměrnje wulke, po cyłej zemi rozšěrjene, to znamjenja wuraz 1600 honow, a surowe, na čož wuraz pokazuje, zo krej dosaha hač do wuzdow koni.

XV. 1. Nowe a wulkotne znamjo wuhlada swjaty Jan, wopisuje je najprjedy, kak so w njebiesach přihotuje, a w XVI. stawje, kak so na zemi dopjelna; wulkotne a spodźiwnne je mjenuje, dokelž wo krasnosći, sprawnosći a swjatosci Božej swědči; jandželojo dótawaja sedm poslednich čwilow, z kotrymž so hněw Boží nad hrěšnym čłowjestwom dokonja. — 2. Tole dobyće sprawnych Božich, kotřiž běchu zwěriskow so njepodćisnyli, a k jeho wobrazej so njemodlili, a jeho mjeno na rucy a čole njeprijeli, sławi so hižo w njebiesach před jeho dospołnym dokonjenjom na zemi. Dobyčerjo stoja na abo při škleńčanym morju (hl. 4, 6), t. j. potajnej, cyle jasnej wodže, z kotrejež wobydlerjo njebies wěčne žiwjenje čerpaja a z miłosću Božej so wokřewjeja; dopomnuja pak tež na čerwjene morjo, kotrež Israelitam wumóženje, Egiptowčanam pak zahubjenje přihotowa; tohodla spěwaja zbóžni na jeho brjozy Bohu džak a khwalbu, jakož něhdy Israelitojo při čerwjonym morju. ** t. r. z harfami, kotrež k službe Božej služachu. — 3. Spěw, kotryž zbóžni spěwaju, rěka spěw Mójzesa a Jehnjeća, dokelž je mjesz dobyćom, kotrež Mójzes nad Egiptowčanami swjećeše, a tamnym wot Khrystusa nad jeho přećiwnikami dobytym, wěsta podobnosć; Mójzes khwaleše Knjeza za wumóženje Israelitow a za sud nad Egiptowčanami; tola to bě jeno předznamjo wjele spodźiwnižeho dobyća Khrystusoweho, z kotrymž budža antikhryst a jeho mócný přiwisk přewinjeni a swěrní služownicy Boží wumóženi. ** t. r. twoje wumóženiske skutki, kotrež su tež sudy Bože, wulke a spodźiwnne, dokelž w nich so Boža wšohomóca a sprawnosć wozjewja. — 4. Dokelž sy ty swjaty, maja so tebje wšitcy boječ, a wšitke ludy tebje překrasnjec a twoje sudy jako sprawne khwalić. — 5. Jakož tamni jandželojo, kotřiž khostanja Bože připowědowachu, z templa wuńdžechu, tak tež čile, hotřiž sudy Bože wuwjeduja. ** Njebieski templ je tudy mjenowany templ stana swědčenja; stan swědčenja mjenowaše so starozakónski stan sluba tohodla, dokelž so w nim taři, na kotrymajž bě džesać Božich kazni napisanych, khwaštej, a tute běchu swědčenje starosće a lubosće Božej za swój lud. Stan sluba bě wot Mójzesa tež twarjeny po wobrazu njebieskeho stana, kotryž bě jemu Bóh pokazal. W tymle njebieskim stanje běchu zapołožene swědčenja Božej sprawnosće, kotraž přestupjerjow zakonja khosta. — 6. t. r. w duchownej drasće.

7. A jene ze štyrjoch žiwjatow poda sedmim jandželam sedm złotych mjedzeńców, połnych hněwa Boha žiweho wěki na wěki.*

8. A napjelnjeny bu templ z kadam* wot majestosće Božeje a wot jeho mocy, a ničto njemóžeše zastupić do templa, hač bu dokonjanych sedm čwilow sedm jandželow.**

STAW XVI.

Při wulinjenju sedm mjedzeńców na zemju, morjo, kužoły, slónco, sydło zwěriska, na Euftrat a powětr, nastawaja mnohe čwile na zemi.

A slyšach wulki hlós z templa,* kiž praješe sedmim jandželam: Džiće a wuliněce sedm mjedzeńców hněwa Božeho na zemju.**

2. A woteńdže přeni a wuliny swoju mjedzeńcu nad zemju,* a wudyri zly a přehrozny brjóđ na čłowjekach, kotřiž mějachu zuamjo zwěriska, a na tych, kotřiž běchu so modlili k jeho wobrazej.**

3. A druhi jandžel wuliny swoju mjedzeńcu nad morjo, a bu krej jakož [krej] mortweho,* a kóžde žiwe byće wumře w morju.

4. A třeći wuliny swoju mjedzeńcu nad rěki a nad kužoły wodow, a bu krej.*

5. A slyšach jandžela wodow prajić: Sprawny sy, Knježe, kiž sy a kiž běše, swjaty, kiž to wusudži;

6. Dokelž su krej swjatych a profetow přeliwali, a sy krej jim pić podať; přetož su toho hódni.*

7. A slyšach druheho z wołtarja* sem prajić: Zawěsće, Knježe Božo wšohomócný, wěrne a sprawne su twoje sudy.

8. A štwórty jandžel wuliny swoju mjedzeńcu nad slónco, a date bu jemu z horcotu čwilować čłowjekow a wohnjom.

9. A palachu so čłowjekoj z wulkej horcotu,* a hanjachu mjeno Boha, kotryž měješe móc nad te čwile, a nječinjachu pokuty, zo bychy dali jemu česać.**

10. A pjaty jandžel wuliny swoju mjedzeńcu nad sydło zwěriska,* a začěmni so jeho kralestwo, a rozkusowachu sebi jazyki pře bolosć,**

11. A hanjachu Boha njebjes pře swoje bolosće a rany* a nječinjachu pokuty za swoje skutki.

7. Jene ze sedm žiwjatow, kotrež cyłu žiwu stwórbu zastupichu (4, 6), poda jandželam mjedzeńcy z hněwom Božim napjelnjene, kiž měješe so na cyłu žiwu stwórbu wuliný. Stwórba připóznaje tak rjec Božu sprawnosć a podčisnje so jej. — 8. Kad pokazuje na njeprístupnu móc a majestosć Božu, w kotrež Bóh w njebjesach bydlí. 2. Móž. 40, 32. ** Móc a majestosć Boža je w hněwje, tohodla njemóže ju ničto znjesć, ničto so k njej bližić, dónž njebudže spokojena z dokonjenjom sprawných khostani.

XVI. 1. Čwile sedm mjedzeńców su podobne tamnym, kotrež so ze sedmi trubami připowědowachu a kotrež maja so nad zemju, morjom, wodami a hwězdami při spočatku poslednjeho suda stać; tola tele jako poslednje su wjele hórše; tamne potrjehichu jeno třeći džěl zemje a jeje wobydlerjow, tute wšitkich, kotřiž zwěrisku služachu a cyłe morjo a wšo, štož bě w nim žiwe. — Hlós, kotryž Jan zaslyša, bě hlós Boží. ** t. r. wšo, štož pod zemju rozemimy, tež slónco jako swětló zemje a powětr. — 2. t. r. na kruty kraj. ** Tale čwila dopomnja na šestu egiptowsku. 2. Móž. 9, 9. — 3. Cyłe morjo bu čorna, zhníwa zewrjena krej. — 4. Tale čwila dopomnja na přenju egiptowsku. — 6. Jandžel, kotryž je nad wodu stajeny, khwali sprawnosć Božu, kotraž přislušnje khosta; nje winowatu krej su přeliwali, z krewju maja za to swoju lačnosć napojeć. — 7. Wot wołtarja, hděže předy 6, 10 duše morjenych so prašeć slyšachmy, čohodla so jich krej njewjeći, zakliniči khwalba sprawnosće Božeje, dokelž so to nětko stawa. — 9. Spomózna móc slónca přewobroći so do ikódnjeje. ** Poslednje słowa počahuja so na wšitke štyri čwile, tež same čezke domapytanja nje pohnuja čłowjekow k pokuće a k službje Božej. — 10. Tři poslednje čwile zniča antikhrystowe kralestwo a jeho hłowne město Babel; najprjedy přińdže na jeho kralestwo bolostna čma; tohodla zběha so satan ze swětom k poslednjemu bédženju přečiwo Bohu, kotryž to dowoli; w tutom bédženju zahubi so Babel z cyłym Khrystusej přečiwnym swětom ze surowym zemjerženjom. ** Jakož bu Egiptowska (2. Móž. 10, 21) spodziwnje začěmnjena, tak začěmni so tež w najposlednišim času swěta zemja; tale čma pak budže čłowjekam surowu bolosć prihotować. — 11. Čwile přenjeje mjedžency traja dale, a sda so, zo čwile jena po druhej njepríkhađeja jakož při čwilach trubow, ale zo při zastupjenju pozdžišich tež wšitke přjedawše dale traja; a tola čłowjekoj nječinja pokuty.

12. A šesty jandžel wuliny swoju mjedzeńcu nad tamnu wulku rěku Euftrat, a wusuši jeje wodu, zo bu puć přihotowany kralam wot slónca skhadžjenja.*

13. A widžach [wuńć] ze rta zmija a ze rta zwěriska a ze rta falšneho profety tři nječiste duchy podobne žabam.*

14. Přetož su to duchy djabliskow, kotrež džiwy činja, a khodža ke kralam cyłeje zemje, zo bychu jich zhromadźili na wójnu za wulki dzeńi wšohomócného Boha.*

15. Hlej, du jako paduch. Zbóžny, kiž kedžbuje a stražuje swoju drastu, zo by nahi njekhodžil, a zo bychu njewidželi jeho hańby.* Mat. 24, 43; Luk. 12, 39; wyše 3, 3.

16. A zhromadźi jich na město, kotrež rěka hebrejacy Armagedon.*

17. A sedmy jandžel wuliny swoju mjedzeńcu nad powětr, a wuńdže wulki hlós z templa a tróna, kiž praji: Stało so je.*

18. A nastachu błyskanja a wołanja a hrímanja, a zemjerženje nasta wulke, kaj-

kež ženje njebě, kaž dolho čłowjekoj běchu na zemi, tajke zemjerženje, tak wulke.

19. A roztorhnjene bu wulke město* do třoch džělow, a města pohanow padnychu, a wulki Babylon přindže do pomjatka před Bohom, zo by jemu dal keluch wina swojeho suroweho hněwa.

20. A kóžda kupa so zhubi, a hory njebuchu namakane.

21. A wulke krupy jakož centnať čězke padachu z njebies na čłowjekow,* a hańjachu Boha čłowjekoj čwile krupow dla, dokelž bě wulka přejara.

STAW XVII.

Kurwa abo Babylon wobležena ze wšelakim debilom, a wopila z krewju martrarjow, sedli na zwěrisku ze sedmi hlówami, a dšesac rohami; to wšitko wujasnja tu jandžel.

A přindže* jedyn ze sedmich jandželow, kotřiž mějachu sedm mjedzeńcow, a rěčeše ze mnu, prajo: Pój, pokažu tebi wot-sudženje wulkeje kurwy, kotraž sedži nad mnohimi wodami,**

12. Euftrat ze swojej hlubokej wodu zadžěwaše naraškim kralam puć k druhim krajam a kralam, nětko pak wuskhnje, a kraloj z rańšeho kraja móža so zjednočić a sebi z tym puć k swojemu zhromadnemu zahubjenju přihotować. — 13. Satan (zmij), Khrystusej napřečiwny swět (zwěrisko) a zelhana wědomosć (falšny profeta) zrodža ze sebjě nječiste žadlawe duchy, žabam podobne, z kotrymiž kralow zemje k wójnje přečiwo Bohu čuwaja a hromadža. Na žaby su podobne, kotrei su w bahnje spłodžene a žiwe, nable so naduwaja a ze svojim rječtanjom wulku haru činja; tak tež tamni čuwarjo; hač runje nječisći, njerozumni, njewědomi, ze svojim herjekanjem přečiwo Bohu so naduwaju. — 14. Džen, na kotrymž so k bitwje přečiwo kralerstwu Božemu zhromadža, je za nich sudny džen. — 15. Při naspomnjenju sudneho dnja napomina swjaty Jan, so bychu na Khrystusowy njenadžity přikhad přihotowani byli a w drastu sprawnosće wobleženi wohańbjenu, t. r. wěčnemu khostanju čekli. — 16. Bóh zhromadži njepřečelow při horje Magedon, na městnje, hdzei buchu Kanaanitoj wot Israelitow zbići. Sudn. 5, 19. Jako Kanaanitoj, tak nadeńdu tež kraloj cyłeje zemje swój Armagedon, t. r. městno zahuby. — 17. Sedmy jandžel wuliny swoju mjedzeńcu do powětra, a lnydom nasta błyskanje, hrímanje, krupy, šumjenje a zemjerženje; a hlós da so slyšeć, kiž zawoła: stało so je, mjenujcy štož bě so jandželam poručilo. — 19. Wulke město je tosame, kotrež so mjenuje wulki Babylon, hlowne město swětowego, Khrystusej přečiwného kralstwa poslednjeho časa, a z hlownym městom padnu tež druge města tamneho kralstwa. — 21. Při zemjerženju čeka čłowjek z městow na kraj, ale tu padaja na njeho surowe krupy, a hory a kupy so zhubja; nihdže njenamaka čłowjek wučeka a tola njčini pokuty.

XVII. 1. Jako njepřečelowo Khrystusowego kralstwa wopisowachu so w stawach 12—16 smij, zwěrisko z morja, t. j. Khrystusej napřečiwné swětowe kralstwo poslednjeho časa, nawjedowane wot antikhrysta, a tutomu zwěrisku podčisnjene zwěrisko ze zemje, t. j. falšny profeta. To je wo prawdže tamny puć, na kotrymž chcedža njepřečelowo kralstwo Bože zničić. Djabol zběha so wot wšeho spočatka přečiwo njemu; a jemu pomhatej swětowe kralstwo a falšna wědomosć. W st. 17, 1—20, 6 so nětko khostanje tychle njepřečeli wopisuje. We wulkotnych wobrazach pokazuje so s. Janej and nad Babylonom, hlownym městom poslednjeje swětoweje mocy, a wjeselo w njebiesach nad tym (17, 1—19, 10). Po zjewjenju Knjeza sudži so antikhryst a falšny profeta (19, 11—21) a potom nakhwilnje satan, kotryž so na tysac lět wuwjasa. Z tutym wuwjasanjem počina so za cyrkej čas pokoja (20, 1—6). ** Wulka kurwa je hlowne město Bohu napřečiwného kralstwa poslednjeho časa, hl. 14, 8.

2. Z kotrejž su kurwili kralojo zemje,* a buchu wopojeni, kotřiž bydla na zemi, z winom jeje njekmanstwa.

3. A wotnjese mje w duchu do pusćiny,* a widžach žónsku, kotraž sedžeše na šarlachowym zwěrisku, polnym mjenow hanjenja, kotrež měješe sedm hłowow a džesać rohow.**

4. A žónska bě woblecena w purpur a šarlach a pozłočena ze zlotom a z drohotnymi kamjenjemi a z parlemi, a měješe zloty keluch w swojej rucy, polny žadlawosće a nječistoty jeje kurwafstwa.*

5. A na jeje čole bě mjeno napisane: Potajnstwo,* Babylon wulki, mać kurwafstwow a žadlawosćow zemje.**

6. A widžach žónsku wopilu z krewju swjatyh a z krewju martrarjow Jězuso-

wych, a dźiwach so wuhladawši ju z wulkim dźiwanjom.*

7. A rjekny mi jandžel: Přeco so dźiwaš?* ja powěm ci potajnosć žónskeje a zwěriska, kotrež ju njese, kotrež ma sedm hłowow a džesać rohow.

8. Zwěrisko, kotrež widžeše, bě a njeje, a wzběhnje so z hlubiny a pónďže do zahuby, a dźiwać budža so, kotřiž na zemi bydla, kotrychž mjena zapisane njejsu w knize žiwjenja wot stworjenja swěta sem, widžicy zwěrisko, kotrež bě a njeje.*

9. A tu je rozom, kotryž ma mudrosć.* Sedm hłowow je sedm horow, nad kotrymiž žónska sedzi a sedmjo kralowje.**

10. Pjećo padnychu, jedyn je, a druhi hišće njepřindže, a hdyž přindže, ma wón krótki čas wostać.*

2. t. r. kralojo a ludy dachu so wot tohole města k wšelakim skutkam přibóžstwa zawjesć a hrěšachu po jeho přikładze z njekmanym žiwjenjom. — 3. Hižo to, zo bu swj. Jan do pusćiny přesađeny, pokazuje na zapušćenje, kotrež na město čakaše. ** Zwěrisko je tosame, kotrež so 13, 1—8 wopisuje a pohansku swětowu móc znamjenja. Žónska sedzi na swěrisku, t. r. hłowne město knježi w swětowym kralestwie. Šarlachowa barba dopomnja na krej, t. r. na surowosć, z kotrejž je kóždy hač do krewje časnosceny, kiž z nim njedžerži, ale so jemu napřećiwja. Połne mjenow hanjenja je zwěrisko, t. r. swětowe kralestwo poslednjeho časa budže Boha hanić a za sebje bóžsku česć žadać. — 4. Žónska je wupyšena ze wšej móžnej swětnje krasu, a ma w rucy keluch, „w kotrymž z winom hněwa svojeho kurwafstwa napoješe wšitke narody“ (14, 8); keluch je tak rjec napjelnjeny z kurwafstwom; znamjenja to wabjachu móc žónskeje, z kotrejž je mnohich k hrěšnemu žiwjenju zawjedla. — 5. Jasnišo hišće, dyžli pycha, pokazuje mjeno, kotrež ma žónska na čole, na jeje wabjachu móc; mjeno bě pótajne, t. r. mjeno, z kotrymž so mjenuje, njesluša jej, ale ma rěkać: Wulki Babylon, dokelž je a budže na kóncu wšeho časa za cyrkej a swět tosame, štož bě něhdy wopravdžity Babylon w starym času, kotryž so w złośćiwej njeposlušnosći přećiwu Bohu zběhny. ** Mać wšeho kurwafstwa rěka, dokelž druhe města ze svojim přikładom k přibóžstwu a kurwafstwu zawjeduje. — 6. Swoju krowjelašnosć je město nasyciło z krewju swjatyh, kotřiž swědčachu za Khrystusa, tak zo je wopiše wot njeje. — 7. Potajnosć žónskeje a zwěriska, kotrež ju njeseše, zbudži w Janje wulke dźiwanje, dokelž zwěrisko drje bě hižo widzał (staw 13), ale nětko wuhlada na nim žónsku sedzacu. — 8. Zwěrisko, kotrež Jan wuhlada, běše a njeje nětko, a wzběhnje so něhdy z hlubiny, t. j. z hele, wožiwi a budže z djabolskej mocu wuhotowane, ale potom budže na wěki zatamane. Nad nim dźiwaju so wšitcy wobydlerjo zemje, kotřiž wot spočatka wot Boha k zbóžnosći powołani njejsu. — 9. K wujasnjenju a zrozemjenju potajnosće je rozom trěbny a to rozom, kotryž je wjedženy, rozwučeny wot Ducha Božeho, wot kotrehož wšitka mudrosć wukhadža. ** Zwěrisko je poslednje swětowe kralestwo, wot antikhrysta wobknježene. Tole kralestwo běše jónu, a njeje nětko, ale přindže z nowa z hlubiny. Sedm hłowow, na kotrychž žónska sedzi, je sedm horow a sedm hłowow, tak daleko, jakož zwěrisku slušeja, je sedm kralow. Hora plaći za sydlo mocy, knježstwa. Po tajkim žónska, hłowne město Khrystusej napřećiwneho kralestwa, sedzi na sedmich horach, t. r. je žadlawy, smjerdžacy plód wšitkich přjedawšich Bohu a křesćanstwu napřećiwnych prócowanjow, a sedm kralow su sedmjo knježerjo, kotřiž su we wšelakich časach tamne bjezbóžne prócowanja nawjedowali, a kotřiž něhdy swoju złość w jenym jednoca, kiž budže wěrný antikhryst. — 10. Pjeć tuteh knježerstwow je padnyło, t. r. je přewinjenych, mjenujcy: egiptowske, assyriske, babylonske, medo-persiske a macedonske; jene, romske, nětko wobstoi w času s. Jana, druhe t. r. sedme knježerstwo, kotrež po zahojenju smjertneje rany, kotruž romske knježerstwo přez křesćanstwo dósta, so zběhnje, je swětowa móc, kotraž w nowišim času přećiwu křesćanstwu wustupuje a so rozšěrja w nětčišim času. Hdy tale bjezbóžna złość swój najwyšši stopjeň dosahnje, kak dolho jej Bóh hišće přiběrać da, njewěmy.

11. A zwěrisko, kotrež bě a njeje, je samo wosme a ze sedmich je a do zahuby dže.*

12. A dżesać rohow, kotrež wuhlada, su dżesaćo kralojo, kotřiž kralestwa hišće njedóstachu, ale móc jako kralojo na jenu hodžinu dóstanu ze zwěriskom.*

13. Ći maja jenu mysl, a podadźa swoju móc a sylność zwěrisku.*

14. Ći budźa wojować z Jehnjećom, a Jehnjo přewinje jich, dokelž je knjez knjezow a kral kralow, a kotřiž su z nim powołani, wuzwoleni a wěriwi.*

1. Tim. 6, 15; niže 19, 16.

15. A rjekny mi:* Wody, kotrež widžeše, hdžež kurwa sedźi, su ludy a narody a rěče.

16. A dżesać rohow, kotrež widžeše na zwěrisku, Ći budźa hidźić kurwu, a wopuščenu sćinja ju a nahu, a jeje mjaso zežeru a samu z wohnjom spala.*

17. Přetož Bóh poda jim do wutrobow, zo hychu činili, štož so jemu spodoba, a

podali swoje kralestwo zwěrisku, hač so dokonja słowa Bože.*

18. A žónska, kotruž widžeše, je wulke město, kotrež ma knježstwo nad kralemi zemje.

STAW XVIII.

Pađ Babylona, sud, čwile a wjećenja, kotrychž dla budźa kralojo a kupcy zemje, přjedy jemu přiwisni, hórcy žarować, njebjo pak, japoštołowje a profetowje so radować.

A po tom widžach druheho jandźela z njebjes zestupowaceho, kotryž měješe wulku móc, a zemja bu rozswětljena wot jeho krasności.*

2. A zawoła ze sylnym hłosom prajo: Padny, padny Babylon wulki a bu wobydlenje djabliskow a straža wšoho nječisteho ducha a straža wšoho ptačstwa nječisteho a wohidneho,*

3. Dokelž z wina hněwa jeho kurwaństwa su pili wšitke narody, a kralojo zemje su z nim kurwili, a kupcy zemje z mocy jeho wjeselow so wobohačili.*

11. Hdyž sedme kralestwo najwyšši stopjeń bjezbóžnosće dosahnje, přindže wosme, ze sedmich přjedawšich zróždene, najhórshe, cyłu jich bjezbóžnosť w sebi wopřijace, cyle Bohu přeciwnje: tola tež tučo so přewinje a wěćnje zahubi, a z nim změje wša Bohu napřečiwna swětowa móc swój kónc. — 12. Dżesać rohow je dżesać kralow, t. r. wjele kralow; hłowne Khrystusej přeciwnje kralestwo rozpadnje do wjacy kralestwow, kotrež pak budźa wšitke knježstwu zwěriska podćisnjene. Króny na dżesać rohach, jakož 13, 1, tudy njewidžimy, dokelž tući kralojo njebudźa samostatni, ale stoja pod zwěriskom, antikhrystom, z nim a pod nim jeno kraluja a to jeno krótki čas. — 13. Tući su w njepřečelnym zmyslenju přeciwo Bohu přezjene a swoju cyłu móc podadźa zwěrisku, zo by wojowało přeciwo Bohu a jeho cyrkwi. — 14. W tomle wojowanju předobudje jich Jehnjo, dokelž je knjez knjezow a kral kralow. Dobyć a so nad dobyćom radować budźa tež, kotřiž su wot njeje powołani a wuzwoleni a we wěrje do njeho swětni wostali. — 15. Hač dotal bě jandźel swěrisko, hlowsy a rohi wujasnił, nětko wopisuje tež wotsud žónskeje, hłowneho města, kotrež ja srjeđina cyłego tamneho Bohu napřečiwneho žiwjenja; wody su wobraz ludu, wšitke ludy so w nim zhromadžeja. — 16. Swětowa móc po tajkim hłowne město samo zahubi, dokelž njesnjese wulku móc hłowneho města; tohodla je wopušći, a wurubi wšjeje pychi, tak zo budže jako nahe, a bjez mjasu, a na posledku je jako brozny kosćowce spala. — 17. Bóh to wšo tak mudře wjedžeše, zo běchu kralojo w přezjednosći swoje knježstwo zwěrisku podali, a tak ze zjednocenymi mocami žónsku, t. j. hłowne město, kotrež bě jim ze swojim mócnym wliwom wobćežne, zahubili. Z tym so dokonjeju słowa Bože, t. r. wšćenja Bože.

XVIII. 1. Sylny, jasne so blyšćaty jandźel je wot Boha posłany, zo by nowy skutk sprawnosće Božeje, zapušćenje Babylona swětej wojewił. Zničenje Babylona je hłowny podawk w stawjenje kralestwa Božeho na zemi, z kotrymž so křesćanstwu napřečiwny swět a jeho wječř sudźić započnje, tohodla rudźi so nad tym wšitko, štož je hdy tomule městu služilo. — 2. Jandźel wozjewja podawk, kotryž ma so hnydom stać, jako by so runje dokonjał; přjedy tak pyšne město je nětko wohidna hromada rozpadankow, wopuščena wot čłowjekow, w kotrež jeno djablička, wšelake nječiste duchy a žadlawe ptaki přebywaja. — 3. Wina zapušćenja je přibóžstwo, kotrež so w nječistoće, njepoměrnosći a we wšelakich njesprawnosćach wopokasowaše, kotrež so z bohatstwom woběndu, jakož wšelake pyšnosće w drasće a w cyrobje a w bydlenju, k čomuž kupcy přinošaja, a z čimž so sami wobohačeja.

4. A slyšach druhi hlós z njebjes, kiž praji: Wuńdźće z njeho, mój ludo, zo byšće džěla njeměli jeho hrěchow, a z jeho čwilow njedóstali.*

5. Dokelž dóńdźechu jeho hrěchi hač k njebju, a dopomni so Knjez na jeho njesprawnosće.

6. Zaplaćće jemu, jakož tež sam* wam poda, a dwójcy jemu dajće dwoje po jeho skutkach; w keluchu, w kotrymž wam nala, nalejće jemu dwójcy.

7. Kelkož je so khwalil a we wjeselach přebywał, telko dajće jemu čwile a zrudoby, dokelž w swojej wutrobje praji: Sedžu jakož kralowna, a wudowa njejsym, a zrudoby njewohladam.* Is. 47, 8.

8. Tohodla na jenym dnju přińdu jeho čwile, smjerc a žarowanje a hlód, a z woh-njom so spali, dokelž sylny je Bóh, kotryž budže je sudzić.*

9. A plakać budža a žaloscić nad nim kralojo zemje, kotřiž su z nim kurwili a w radosćach žiwi byli, hdyž wuhladaja kur jeho spaljenja,*

10. Nazdala stojicy pře bojósć jeho čwilow prajicy: Běda, běda wulke město Babylon, to móćne město, dokelž w jeničkej hodžinje přińdže twój sud.

11. A kupcy zemje budža plakać a so rudzić nad nim, dokelž jich twory nje-budže nihtó dale kupować.*

12. Twory ze zlota a slěbra a drohich

kamjeni a parlow a platu a purpura a židy a šarlacha a wšelake thyrijowe drjewo, a wšitke sudowja ze slonoweje kosće a wšitke sudowja z drohich kamjeni a z mje-dže a železa a marmora,

13. A cymta a wonjadłow a žalby a worucha a wina a wolija, a běleje muki a pšeńcy a howjadow a wowcow, a koni a wozow a wotročkow a duši čłowjekow.

14. A sad k slědnosći twojeje duše* tebi woteńdže, a wšitko tučne a krasne zahiny za tebe, a dale je wjacj njenańdu.

15. Předawarjo toho, kotřiž so wobohačichu, budža daloko wot njeho stać pře bojósć jeho čwilow, plakajcy a so rudžicy,

16. A prajicy: Běda, běda to wulke město, kotrež bě woblecene w čénke rubno a purpur a šarlach a pozłócene bě ze zlotom a drohimi kamjenjemi a parlemi,

17. Dokelž w jeničkej hodžinje bu zapuscene tak wulke bohatstwo. A kóždy prawidlať a kóždy, kiž po jězorie jězdži, a lódnicy a kotřiž na morju džělaju, stojachu z daloka,

18. A wolachu widžicy městuo jeho spaljenja prajicy: Kotre bě runja tomule wulkemu městu?

19. A sypachu proch na swoje hlowy a wolachu plakajcy a so rudžicy prajicy: Běda, běda, to wulke město, w kotrymž so wobohačichu wšitcy, kotřiž mējachu

4. Tónle hlós njeje hlós Boží, ale jandžela, kotryž tu rěči w mjenje Božim; sprawnych z nim napomina, zo bychu město wopuščili a tak džěla njedóstali na khostanjach Božich. — 6. t. r. Babylon. — 7. Njebjeski hlós wobroća so nětko na antikhrysta a na wšitkich wjerchow, kotřiž po Božej radže město zapusćeja, zo bychu so nad nim wječili a dwójcy jemu wotrunali, štož bě prjedy druhim zleho činiło; tež ze swojimi hofartnymi nadžijemi je sebi čežke khostanja zaslužiło, so khwalicy, zo budže stajnje nad ludami kralować a so časa njedočaka, w kotrymž budže runja wudowje žarować. — 8. Ze štyrjomi čwilemi budže domapytane, ze smjercu, kotraž ludne město wuludža, ze žarowanjom, kotrež so ze smjercu rozšěrja, z hlódom, kiž ma prjedawše kwasowanja khostać a z woh-njom, kiž je do popjeta přewobroći. — 9. Tamni wjerchojo, kotřiž prjedy z městom kwasowachu, potom pak je hidžachu, budža nětko žaloscić, wuhladawši sud Boží, kiž tak nahle khosta tamne město, kotrež bě jim telko wokřewjenjow podawało. Strach njedowoli jim, bliže přistupić, ale nazdala plakaja. — 11. Babel njeje po tom, štož so dale naspomina, překupske město, dokelž same kupuje, a kupcy žaruja tohodla nad jeho padom, dokelž jim ničoho dale njewotkupi, wšelake tudy mjenowane twory služa jeničcy k pyšnemu žiwjenju, k pyšnemu debjenju čěla, drasty, wobydlenjow, jědži a zwonkowneho žiwjenja, ke kotremuž wozy a konje a wšelako služownistwo služa, mjez kotrymž su tež tajcy, kotřiž su po swojej duši, t. r. po svojich duchownych mocach druhich wotročcy. — 14. Wšelaki slódky sad, za kotrymž twoja duša horecy žadaše, a wšitke khló-šćenki, z kotrymž so prjedy wokřewješe, su so za tebe minyle.

lódže na morju, z jeho pokładow, dokelž w jenej hodžinje bu wutupjene.

20. Raduj so nad nim, njebo a swjeći, japoštołojo a profetojo, dokelž sudžil je Bóh waš sud nad nim.*

21. A jedyn synly jandžel zběhny kamjeń, jakož wulki mlynski, a čisny do morja prajo: Tak zdobom budže powalene Babylon wono wulke město, a njebudže dale namakane.*

22. A hlós harfarjow a hudźbnikow a piskarjow na pišćel a trubu njebudže słyšany w tebi dale, a žadyn wumjele kajkehožkuli wumjelstwa njebudže namakany w tebi dale, a hlós mlyna njebudže słyšany w tebi dale.*

23. A swěca lampy njebudže so swěćić w tebi dale, a hlós nawoženje a njewjesty njebudže so słyšeć wjac w tebi, přetož twoji kupcy běchu knježa zemje, přetož přez twoje kuzlařstwo zabłudžichu so wšitke narody.

24. A w nim bu namakana krej profetow a swjatych a wšitkich, kotřiž buchu morjeni na zemi.

STAW XIX.

Swjatym, kotřiž dla sudu kurwy Boha khwala, přihotuje so kwas Jehnjeća, a jandžel njedo-

woli, zo by so Jan k njemu modlil; zjewi pak so něchtó na konju sedžo z wójskom, tutón je słowo Bože a kral kralow a knjez knježacych, wojuje přećiwu zwěrisku a kralam zemje a jich wójsku, mjez tym zo so ptaki njebjes wolaju, zo bychy jich mjaso žrali.

Po tom słyšach jakož hlós mnohich syłow w njebju wolacych: Alleluja, zbóžnosć a slawa a móc je našemu Bohu,*

2. Dokelž wěrne a sprawne su jeho sudy, kiž je sudžil wulku kurwu, kotraž skazy zemju ze swojim kurwařstwom, a kiž je wjećil krej svojich služownikow na jeje rukomaj.*

3. A zas prajachu: Alleluja. A jeje kur vstupuje wěki na wěki.*

4. A padnychu štyri a dwacećo starši a štyri žiwjata a modlachu so k Bohu, kiž na trónje sedžeše, prajicy: Amen, Alleluja.*

5. A hlós z tróna wuńdže, kiž praji: Khwalu dawajće našemu Bohu, wšitcy jeho služownicy a kotřiž so jeho bojiće, mali a wuley.*

6. A słyšach jako hlós wulkeje syły a jako hlós mnohich wodow a jako hlós wulkich hrimotow wolacych: Alleluja, dokelž kraluje Knjez naš wšohomócný Bóh.

20. Mjez tym zo wšitcy, kotřiž běchu město k swojemu wobohaćenju wužiwali, kupcy a kotřiž po morju wšelake drohe wěcy přiwožowachu, nazdala stojicy nad nahlým zapuštěnjom města plākaju, namolwjeja so wobydlerjo njebjes, zo bychy so wjeselili, zo je Bóh sprawnje sudžil jich suroweho potłóčerja. — 21. Jandžel chce pokazać, kak nahle budže město zapuštěne; jakož čelki kamjeń, do bjezdna morja čisnjeny, so nahle zhubi, tak nahle budže tež město zničene, a žiwjenje, zjawne a swójbne, wjeselo a wokřewjenje přestanje, wšitko wotemrje. — 22. Třoja přičina nahleho zapuštěnja so wosebje mjenujcy, mjenujcy pyšnosć, kotrež bě bohate město podate, njeprěstawajcy nowe twory kupujcy, překupcy hromadžachu njesměrne bohatstwa; nječistota, ke kotreji wjeřchow a ludy zawježde; a njeprěćelstwo přećiwu wěriwym, wosebje přećiwu profetam a swjatym, kotrychž morjachu.

XIX. 1. Babel, wulke srjedžišćo bjezbóžneho swěta je zapuštěne, to je započatk poslednjeho suda nad djabolskimi mocami. Na tom wjesela so njebjeske syły a khwala Božu wšohomóć a sprawnosć, dokelž přewinu so wšitcy njeprěćelojo Boži a kralstwo Bože so wobkrući. Alleluja je hlós džakowneho wjesela. — 2. t. r. khosta tamnu, kotraž je krej jeho služownikow njesprawnje rozliwala. — 3. t. r. kur spalnišća, na kotrymž bě město stało; město wostanje zapuštěne, a we wšitkich časach spóznaja so znamjenja tohole zapuštěnja. — 4. Z khwalbu njebjeskich zjednoćeja so starši a žiwjata, trón wobdawace. — 5. Přičina khwalbneho spěwa je dwoja: Bóh ma nasy knježstwo swěta w swojej wšohomóćnej ruce, kotraž chce djabol ze swojim přiwiskom jemu wutorhnyć, a kwas Jehnjeća je so přibližil; wobě přičiny widja swjeći w blizkim přichodě a tohodla so wjesela; kwas Jehnjeća je přikład Khrystusowy; njewjesta je cyrkej poslednjeho časa, žónska z hwězdowej krónu. W pusćinje je so přihotowała, t. r. w času čerpenjow je Khrystusaj swěrna wostała, wot hrěchow so wučisćila a z pócćiwosćemi so debila. Za to dóstanje nětko wot swojeho nawoženje drastu z běleho čelkeho platu, kotryž dobre skutki wěriwych woznamjenja.

7. Wjeselmy a radujmy so a dawajmy jemu khwalu, dokelž přińdže kwas Jehnjeća a jeho mandželska je so prihotowała.

8. A date bu jej, zo by so wodźela z płatom swětłym a běłym, přetož plat su wosprawnjenja swjatych.

9. A rjekny mi: * Napiš: Zbóžni, kotřiž su na kwas Jehnjeća powołani. A praji mi: Tute słowa Bože su prawe.

Mat. 22, 2; Luk. 14, 16.

10. A padžech k jeho nohomaj, zo bych so k njemu modlil. A praji mi: Hladaj, zo by to nječinil; sobuslužownik sym twój a twójich bratrow, kotřiž maja swědčenje Jězusowe; k Bohu so modl. Přetož swědčenje Jězusowe je duch wěšćenja.*

11. A widžach njebjo wotewrjene, a hlej, běly kón, a kiž sedžeše na nim, rěkaše Swěrný a Wěrný, a ze sprawnosću sudži a wojuje.*

12. Jeho woči pak jako płomjo wohnja, a na jeho hłowje wjele dejmantow, a měješe mjeno napisane, kotrež nihtó njeznaješe khiba wón sam.*

13. A wobleženy bě w drastu pokrjepjenu z krewju * a rěka jeho mjeno Slowo Bože.**

Is. 63, 2.

14. A wójška, kotrež su w njebiesach, sčěhowachu jemu na běłych konjoch, wobležene w swětly a čisty plat.*

15. A ze rta jeho wukhadža mječ z wobeju stronow wótry, zo by z nim zbil narody. A budže knježić nad nimi ze železnym prutom, a wón tepta winowu prasu suroweho hněwa wšohomócného Boha.*

Ps. 2, 9.

16. A ma na drasće a na swojim bje-drije napisane: Kral kralow a Knjez knježacych.

1. Tim. 6, 15; wyše 17, 14.

17. A widžach jenoho jandžela stojaceho w slóncu, a zawoła z wulkim hłosom prajo wšitkim ptakam, kotrež lětachu přez srjedzinu njebja: Pójeće a zhromadźće so k wulkej wječeri Božej,*

18. Zo byšće jědli mjaso kralow, a mjaso wyšších a mjaso sylnych, a mjaso koni a sedžacych na nich, a mjaso wšěch swobodnych a služownych, a móličkich a wulkich.

9. Jandžel poruča Janej, zo by słowa napisał a tak na wšitke časy zawěsćil; wažnosć tutych słowow so tež hišće z tym wuzběhuje, zo so přistaji, zo su to słowa, wot Boha wukhadžace. — 10. Jan padnje před jandželom na kolena, dokelž ma jeho za Boha. Jandžel tomu wobara, dokelž je tež sam jeno služownik Boží, jakož druzi wěriwi, kotřiž swědčenjam, t. r. wěrnosćam Khrystusowym wěrja, runje tak derje wo nim wěšćenym jakož wot njeho wopowědowanym. Swědčenje Jězusowe je duch wěšćenja, t. r. hdžež je tale wěra do Khrystusowych wěrnosćow, tam wěri so tež do wěšćenjow, kotrež přikhad Khrystusowy k audej a jeho wěčne kralstwo připowědaju, tak spózna w každy křesćan ze swojej wěry přichodny čas, ma ducha wěšćenja. — 11. Babel, srjedzišće bjezbóžneho swěta, kotrež bě so do swětowego knježstwa z antikhrystom dźěliło, je spalene, nětko knježi tutón sam, bjezbóžnosć w swěće přiběra a swjata cyrkej přesčěha so z wulkej surowosću; hdyž je tuta najwyšši stopjeń docpěla, přińdže Khrystus z njebies, zo by, jakož bě hižo 16, 16 připowědžene, wojujo njepečela předobyl, a swoju cyrkej pokojal. Běly kón pokazuje na wěste dobyće; Khrystus rěka Swěrný a Wěrný, dokelž so w nim wšitke slubjenja a hroženja Bože dopjelnja, a dokelž svojich njepečelow sprawnje sudži. — 12. Z płomjenitýmaj woćomaj pruhuje wutroby a jěrčenje a póžěra svojich přećiwnikow. Dejmanty ma na hłowje, dokelž je kral wšitkich kralow. Mjeno, kotrež nihtó njeznaje, pokazuje na jeho njezapřijomne bóžske byće, kotrež so docyla spónać a prawje pomjenować njeda. — 13. t. r. z krewju předobytých njepečeli. ** t. r. syn Boží. — 14. Njebieske wójška su jandželojo, tež woni sedža na běłych konjoch, dokelž čahnu k dobyću; jich běla, čista drasta pokazuje na jich čistosć a swjatost, njejo z krewju pokrjepjena, dokelž Knjez wojuje, jandželojo su jeno swědkojo wojowanja a Knjezeweho dobyća. — 15. Jeho jenički brón je jeho wšohomócné slowo, runja wótre mu mječej (přir.: 1, 16; 2, 12; 2. Thess. 2, 8), z nim wšitke jemu napřećiwne ludy přewinje, nad kotrymiž budže potom knježić z krutosću, jako jenički knjez, a budže mjenowany kral kralow, knjez knježacych, dokelž je tež sam teptał jězor suroweho hněwa, t. r. je sudy rozlněwaného Boha dokonjał a njepečelow zbil. — 17. Jandžel připowěduje přewinjenje zwěriskow a jeju wójška. Wón stoi w slóncu, t. r. w jasnym blyšču, sławnemu dobyću přiměrjenym. Wječer Boža, ke kotrež so ptaki njebies preprošuja, je druha hrózbna strona kwasu Jehnjeća (rj. 9). Kotřiž njeběchu přišli na kwas Jehnjeća, tych zežeru nětko samych ptaki njebies.

19. A widźach zwěrisko a kralow zemje a jich wójška zhromadženych, zo bychu wójnu wjedli z tym, kotryž sedžeše na konju, a z jeho wójskom.*

20. A jate bu zwěrisko a z nim falšny profeta, kiž bě před nim činił znamjenja, z kotrymiž zawjedže tych, kotřiž dóstachu znamjo zwěriska, a kotřiž so modlachu k jeho wobrazej. Žiwaj buštaj tutaj dwaj čisnjenaj do jězora ze šwablom so palaceho wobnija.

21. A druzy buchu morjeni z mječom na konju sedžaceho, kotryž wukhadža ze rta jeho a wšitke ptaki buchu nasyćene z jich mjasom.

STAW XX.

Zwjazaneho zmija abo djabola zastorči jaudžel do hjezdna na tysac lět, w kotrychž budža duše martrarjow w přenim wot-mortwych-wstaću z Khrystusom knježić; na to zbudži wotwjazany djabol Goga a Magoga, njesměrne wójško přećiwu lubowanemu městu, ale z njebieskim wohnjom so póžru; potom wotewrja so knihi a wšitcy mortwi budža sudženi po svojich skutkach wot toho, kotryž na trónje sedži.

A widźach jandžela z njebies zestupowaceho, kotryž měješe kluč hlubiny a wulki rječaz w swojej ruce.*

2. A popadny zmija, stareho hada, kiž je djabol a satan, a zwjaza jeho na tysac lět,*

3. A čisny jeho do hlubiny a zamkny a zazyglowa nad nim, zo by njezawjedował wjacy narody, hač so dokoni tysac lět,* a po tom ma wón wotwjazany być na krótki čas.

4. A widźach tróny a synychu so na nje,* a sud bu jim daty a duše sćatych Jězusoweho swědčenja a słowa Božeho dla,** a kotřiž so njemodlachu k zwěrisku ani jeho wobrazej, a njeprějachu jeho znamjenja na svojich čolach abo rukach, a woziwichu a knježachu z Khrystusom tysac lět.

5. Druzy mortwi njewoziwichu, hač so dokoni tysac lět. To je wot-mortwych-wstaće přenje.*

19. Z blaznej khroblosću zwaži so zwěrisko, t. j. antikhryst ze svojim přiwiskom, z dźesatimi kralami a jich wójškami wójnu přećiwu kraloj započec; tola wo wojowanju njeje řeče, ale jeno wo přewinjenju njeprědelow Božich. Ze zjewjenjom knjezowym su hižo jeho njeprědeloje zničeni; zwěrisko a falšny profeta čisnjetaj so žiwaj do wobniweje luže, t. j. do hele, jeju přiwisk pak, w 18. rj. mjenowani kralojo, a wyškojo a wójško samo, so morja z wótrym mječom, kotryž ze rta Khrystusoweho wukhadža, t. j. z jeho mócnym sudnym słowom. Z tym bu zwěrisko zničene, jeho kralestwo, kralestwo swěta powalene, a na jeho město stupi kralestwo syna Božeho a jeho swjatych.

XX. 1. Hdyž bě Babel padnył a antikhryst ze svojim cyłym přiwiskom zničeny, ma hišće so zmij, satan sudzić, kotryž bě poslednja přičina wšeho, Bohu napřećiwneho wojowanja w swěće. Satan so zwjaza a na tysac lět do hjezdna zamkne, a z tym započina so tysacletne kralestwo Khrystusowe, čas měra a pokoja za cyrkej, kotraž knježi k spomóženju wšitkich ludow. Wosebity jandžel, kiž w ruce rječaz dźerži, je wot Boha posłany, zo by djabola wujimał. — 2. t. r. so by jemu wšu móc wzał na dołhi čas; tysac lět nimamy po słowje srozemić, ale za dlěje trajacy čas, kotrehož započatk a kónc so postajić njehodži. — 3. Satan dyrbyeše cyle kruće wujimany być, zo njeby ludy dale ze svojim wšelakorym wliwom kazył a přećiwu Bohu ščuwał. Hrěšić drje cyle njeprěstanu, dokelž w mjasu wostanu, ale tak powšitkownje njebudža hrěšić, dokelž wšitke djabolske wahjenja přestanu. Khrystus budže ze svojim wliwom knježić, a jeho swětni budža bjere wšeho zadžěwka jemu služić. Jaty wostanje satan tysac lět, na to dowoli so jemu zas, ale jeno na krótki čas, swoje přjedawše škódne knježstwo wukonjeć. — 4. Kotřiž so na tróny synychu, su pak swjeći japoštołojo, kotrymž bu to slubjene Mat. 19, 28: „zawěrnó praju wam, zo budžeće, kotřiž sće mje sćěhowali, při znorawrodženju, hdyž Syn čłowjeka so posydnje na stole swojeje majestosće, tež wy sedžeć na dwadca stołach,“ pak štyri a dwadceć starši, t. r. zastupjerjo staro- a nowozakoniskeje cyrkwje. Sudzić budža wo hódnošći, a myće, kotrež maja wěriwi w Khrystusowym kralestwje dóstać. ** Jan widži duše swjatych martrarjow, potom wšitkich, kotřiž swěrisku služili njeběchu, to su swětni wěriwi wšitkich časow, kotřiž w swěće zbóžnosć njopytachu, ale za njebieskej so prócowachu. — 5. Tući buchu zas woziwjeni, t. r. wstanychu wot smjerće, to budže přenje wot-mortwych-wstaće, a budža z Khrystusom knježić, a na to přindže kónc wšeho, t. j. powšitkowne t-mortwych-wstaće, sud, dźělenje zlych wot dobrych; potom přepoda Khrystus swoje krawo Wótcej (1. Kor. 15, 23) a Bóh budže jenički knjez wšeho. Při přenim wot-mortwych-wstaća

6. Zbóžny a swjaty, kiž ma džěl na přenim wot-mortwych-wstaću; nad tymi druha smjerc nima mocy, ale budža mješnicy Boži a Khrystusowi, a budža knježić z nim tysac lět.*

7. A hdyž budže dokonjanych tysac lět, pušći so djabol ze swjeho jastwa, a wuńdže a zawjedže narody, kotrež su na štyrjoch róžkach zemje, Goga a Magoga, a zhromadži je na wójnu, kotrychž ličba je jakož pěsk w morju.* Ezech. 39, 2.

8. A wustupichu na šerokosć zemje* a wobdachu lěhwo swjatyh a lubowane město.

9. A zestupi woheń wot Boha z njebies

a požrě jich,* a djabol, kotryž jich zawjedowaše, bu čisnjeny do jězora wohnja a šwabla, hdžež je tež zwěrisko

10. A falšny profeta; budža čwilowani wodnjo a w nocy wěki na wěki.*

11. A widžach wulki běly trón, a sedžaceho nad nim, před kotrehož wobličom čekny zemja a njebo, a města njebu namakane za njeju.*

12. A widžach mortwych, wulkich a małych stojacych před trónom, a knihi buchu wotewrjene, a druha kniha bu wotewrjena, kotraž je [kniha] žiwjenja, a sudženi buchu mortwi z toho, štož bě pisane w knihach, po svojich skutkach.*

wožiwjeni knježa z Khrystusom tysac lět, a to nad tehdy hišće žiwymi, kotřiž su wumóženi wot djabolskeho wliwa, nětko swjatym cyle poslušni. — 6. Zbóžni su, kotřiž při přenim wot-smjerće-wstaću wožiwa, dokelž druha smjerc, t. j. wěčne zatamanje, jich njetrjechi. Tudž su swjeći, dokelž su došli k zbóžnemu žiwjenju; su mješnicy, Bohu a Khrystusej cyle swjećeni, a knježa z Khrystusom duchownje, t. r. nic wjacy z čělnymi srědkami, jakož prjedy; na město prjedawšeho djabolskeho wliwa, kotryž so w swěće we wšim zwonkownym žiwjenju, we zakonjach, wědomosćach, wumjelstwje, w towarstwach atd. pokazowaše, je stupilo křesćanstwo, kotrež ze swojimi wěrnosćemi w zjawnym žiwjenju nětko knježi; tehdy budže wěrný měr a spokojnosć mjez ludźimi, woprawdźite kralstwo Bože na zemi. Khrystusowa cyrkej budže po dolhim bědženju so na krasnym dobyću wjeselić, a swoju wozbožacu móc dopokazować. Tole knježstwo njebudže widžomne, jeho wliw, jeho spomóžne scěňwki pak budža so w zjawnym žiwjenju pokazować. Knježenje Khrystusowe budže na zemi, a tohodla jakož wšitko na swěće, hišće njedospołne. Zły drje je jaty, a zle samo tu hišće je, duch budže z mjasom, džěci swěta z džěćimi Božimi hišće wojować; ale mócne hnady Duchu swjateho přewodžeja a podpěraja sprawnych, dobyće za nich budže lóžše; ale dospołne dokonjenje, dospołna zbóžnosć njebudže a njemóže na zemi być, tež nic w tamnym tysac-lětnym kralstwje Khrystusowym. Křesćanstwo budže nětko plody wjesele wliwuwać za swoje džěla, kotrež je w prjedawšim času k spomóženju čłowjestwa dokonjało, a do přědka začuwać njewuprajomne wjeselo, kotrež w přichodnym žiwjenju, w njebiesach na nje čaka. — 7. W tysac-lětnym kralstwje mějachu so čłowjekoj dobowólne za Boha rozsudzić, štož pak to njecinješe, ale zasakły wosta přeciwo tak mócnej miłosći Božej, scěňuje nětko djabołej, kotremuž so z Božim dopušćenjom prjedawša móc wróci, z kotrež nětko ludy na štyrjoch róžkach zemje, t. r. tamne džiwje njekřesćanske ludy, přeciwo Bohu ščuwa. Z tym, zo Jan mjena ludow mjenuje, pokazuje na wěšćenje profety Ezechiela; w 38. a 39. stawje wopisuje tón wójnu, kotruž Gog, wjerch kraja Magog, přeciwo israelskemu ludej započina, ale woheń, z njebies padacy, zniči jeho z cyłym wójskom. Štož starozakóński profeta wo swojim ludźe Israelu wěšćeše, namaka hakle dospołne wujasnjenje we woprawdžitym ludźe Božim, na kóncu časa, w kotrymž budža džiwje, njezdžělane črjódy, w tajkej mnohosći a w tajkim njeporjedže, jako pěsk w morju, so přeciwo cyrkwi Khrystusowej zběhać. — 8. Nje-přečelske ludy čahnú po šerokosći zemje přeciwo lěhwej swjatyh, t. r. přeciwo cyrkwi a jeje srjedziznje, lubowanemu městu, kotrež wěriwi swěrnje škituja; lubowane město je srjedzizna abo hlowne město w času tysac-lětného kralstwa. — 9. Tónle posledni blazniwy zběžk přeciwo Bohu a jeho cyrkwi skonči so z tym, zo woheń z njebies pada, kotryž zběžkarjow zniči. — 10. Djabol bu z tym sudženy, na wěčnje zastorteny do suroweho bjedna, hdžež běštaj tež hižo jeho pomocnikaj, zwěrisko a falšny profeta; wšón wliw na přrodu a čłowjestwo bu jemu wzaty, dósta nětko swoje počne khostanje. — 11. Po skónčnym wotsudženju satana stawaja mortwi z rowa a powšikowny sud so dokonja. S. Jan widži wulki, běly trón; wulki w přirunanju z trónami, w 4. rj. spomnjenymi; běly, dokelž so w najjasnišim swětle blyšći. Teje wosobnosći pokazujetej na wulkosć a krasu toho, kiž na nim sedži, na Boha Wótca. Zemja a njebo so zhubitej, t. r. so zničitej a nowa stwórba stupi na jeju město. — 12. Mortwi stoja před trónom wěčneho sudnika, su wot mortwych wstanyle; to je druhe wot-mortwych-wstaće, na kotrež so hižo w 5. rj. spomina; to su „družicy mortwi“. Wulcy a mali, bohaći a khudzi, sprawni a hrěšnicy stoja před sudnikom. Po jich skutkach, kotrež su tak zjawne a wopominane, jako bychu do knihi zapisane byle, so wšitcy sudža.

13. A morjo da mortwych, kotřiž běchu w nim, a smjerc a hela podaštej swojich mortwych, kotřiž běchu w nimaj, a sudźeni buchu kóždy po swojich skutkach.*

14. A hela a smjerc buštej čisnjenej do jězora wohnja. To je druha smjerc.*

15. A štóž njebu namakany w knizy žiwjenja zapisany, bu čisnjeny do jězora wohnja.*

STAW XXI.

Po wobnowjenju njeby a zemje pokaza so nowe město Jeruzalem wot Boha přihotowane za njewjestu Jehnjeća; sprawni su překrasneni, bo hazabyćiw pak do wohnjoweho jězora zastorčeni; tohole města murje a wrota a zakłady so wopisuja a mjerja, to wšitko je złoto a čista šklenca, drohe kamjenje a parle.

A widžach nowe njeby a nowu zemju. Přetož přenje njeby a přenja zemja so miny, a morja hižo njeje.*

Is. 65, 17; 66, 22; 2. Pětr. 3, 13.

2. A ja Jan widžach swjate město Jeruzalem nowe z njebyes zestupowace wot Boha,* wuhotowane jako njewjestu wupyšenu swojemu mužej.**

3. A slyšach wulki hlós z tróna,* kiž praji: Hlej stan Boži mjez čłowjekami, a budže bydlić z nimi, a woni budža jeho lud, a Bóh sam budže z nimi jich Bóh;.*

4. A Bóh zetrje wšitke sylzy z jich wočow, a smjercé njebudže dale ani rudźenja ani wolanja ani bolosće njebudže dale, dokelž přenje je zašlo.*

Is. 25, 8; wyše 7, 17.

5. A rjekny, kiž sedžeše na trónje:* Hlej, nowe činju wšitko. A rjekny mi:** Piš, dokelž tele słowa su cyle wěste a wěrne.

Is. 43, 19; 2. Kor. 5, 17.

6. A rjekny mi: Stalo je so. Ja sym Alfa a Omega, spočatk a kónc.* Ja

13. Zo morjo, smjerc a hela swojich mortwych podawa, swědči, zo je wot-mortwych-wstaće powšitkowne; smjerc a hela dšeržeštej mortwych jako jatych. — 14. Smjerc a bjesno so na wěčne, runja swěrisku a djabolej, do hle čisnjetej, t. r. wša njezbóžnosť, kotraž z hrěcha wukhadša, dostanje swoje město mjez zatamanymi. — 15. Tamni, kotrychž mjena njeju zapisane w knizy žiwjenja, t. r. kotřiž ze žiwje wěru z Khrystusom zjednoćeni njeběchu, wumru druhi króć; wumrěchu po čěle a wumru nětko po duši, a to bjez naděje na sbóžnosť; to je wěčna smjerc; tamni pak, kotřiž běchu na swěće po duši žiwi, dostanu wěčne žiwjenje.

XXI. 1. S. Jan wopisuje nětko w poslednim wobrazu cyrkej Božu w jeje překrasnjenju; njeby a zemju bě Bóh k swojej česći stworil, na zemi čłowjeka na sebie podobneho, kiž měješe jemu služić, na zemi knježić a ju z njebjom zjednoćić. Tola čłowjek zhrěši, a hrěch na zemi knježi, a njeby je za zemju, za čłowjeka zhubjene. Tola Khrystus njeby ze zemju zas wujedna, a ze swojej smjerću čłowjekam puć k wěčnému žiwjenju zas wotewri, a swoju cyrkej, kralestwo Bože na zemi, založi, zo by w njej Bóh knježił, jakož w njebyesach knježi. Zemja ma so přes cyrkej do tamneho postajenja přeměnić, w kotrymž bě před hrěchom; njeby a zemja dale budžetej wobstać a to wěčne, ale wobnowjenej, z nowa stworjenej, a to z wohnja, w kotrymž so podoba stareho přeměni; tohodla praji s. Jan, zo morja wjacj njebudže, dokelž je ze starym swětom, kotryž bě z njeho wužoł, zašlo. — 2. Swjate, t. r. Bohu swjećene město Jeruzalem je wobraz zjednoćenja swjatych, cyrkwy Božje, a to wojowaceje na zemi, a so zradowaceje w njebyesach. Tu widži s. Jan nowy Jeruzalem, t. r. wobnowjenu, překrasnenu cyrkej. Zestupuje z njebyes, wot Boha, dokelž Bóh je cyrkej tak překrasnil; njebyeska cyrkej zestupuje na wobnowjenu zemju. Wot mortwych stanjene čěło žada sebi nowe wobydlenje, kotrež pak ma tež překrasnjene być, jakož čěło same, tohodla zestupuje so zradowaca njebyeska cyrkej na zemju wot Boha za nju wobnowjenu a překrasnenu. ** Nowa cyrkej je překrasnjena a ma so nětko wozbožena z bóžskim nawoženjom, z Khrystusom, zjednoćić. — 3. t. r. z blizkosće tróna wot jenohe ze starších. ** To, na čěd stas sluba a templ stareho zakona pokazowašaj, to budže nětko we wobnowjenej, překrasnjenej cyrkwi prawda; Bóh přebywa mjez čłowjekami. Tež hižo w starym zakonu přebywaše Bóh mjez swojim ludom ze swojej pomocu, ze swojim zakitom, ale tole přebywanje bě slaby sócn wozbožaceho přebywanja Božeho w překrasnjenej cyrkwi; tehdy budže mjeno Immanuel, t. j. Bóh z nami, wěrnosć. Stary slub budže dopjelnjeny: „Buduj jich Bóh a woni budža mój lud“; t. r. budu mjez nimi jich Bóh. — 4. Wšitka bolosć a wšitko horjo, wosebiće tež smjerc je nětko zničena, dokelž přjedawša stwórba, w kotrež měješe wšitko horjo swój kužoł, je zašla. — 5. t. j. Bóh, kiž to swjatočaje wobkruća, štož bě přeni hlós prajił. Bóh Wótc, kotremuž je Syn nětko wšitko přepodał, rěči te přeni króć, prajo zo je wšitko, čłowjeka a cytu druhu stwórba, wobnowil. ** Tu rěči druhi, snadž jedyn jandžel, jakož 19, 9: a 22, 6. Napisać ma Jan, zo je wot Boha wobnowjene, nowe njeby, nowa zemja. — 6. Tu rěči zas Bóh Wótc, kiž je wšitko spočal, wšitko stworil, a kotryž tež wšitko

lačnemu podam ze studnje žiweje wody darmo.**

7. Kotryž dobudže, wobsydnje to, a budu jemu Bóh, a wón budže mi syn.*

8. Bojaznym pak a njewěriwym* a surowcam a mordarjam a kurwarjam a kuzlarjam a přibóžnikam a wšitkim lharjam, budže jich džěl w jězorje, kiž so pali z wohnjom a šwablom, štož je druha smjerc.

9. A přińdže jedyn ze sedmich jandželow, kotřiž mějachu mjedžeńcy napjelnjene ze sedmi najposlednišimi čwilemi; a rěčeše ze mnu prajo: Pój, a pokažu tebi njewjestu, mandželsku Jehnjeća.*

10. A donjese mje w duchu na wulku a wysoku horu a pokaza mi swjate město Jeruzalem zestupowace z njejjes wot Boha,*

11. A měješe jasnosť Božu, a jeho swětłosc běše podobna drohemu kamjenjej jakož kamjenjej jaspisej, jako krystal.*

12. A měješe murju wulku a wysoku, kotraž měješe dwanaće wrotow a we wrotach dwanaće jandželow a mjena napisane, kotrež su mjena dwanaće splahow džěci israelskich;*

13. Wot ranja třeje wrota a wot polnocy třeje wrota a wot poldnja třeje wrota a wot wječora třeje wrota.

14. A murja města měješe dwanaće zakładow,* a na nich dwanaće mjenow dwanaćich japoštołow Jehnjeća.

15. A tón, kiž ze mnu rěčeše, měješe měru, zlotu sćinu,* zo by měril město a jeho wrota a murju.

16. A město je štyrjoróžkne twarjene, a jeho dolhosć je tak wulka jakož tež šěf, a měješe město ze złotej sćinu na dwanaće tysac honow* a jeho dolhosć a wysokosć a šěrokosć su jenajke.**

krasnje dokonja. ** Žiwa woda je wěčna zbóžnosť, lačnosť za njej je nutrna žadosć za zbóžnosť. Štóž wěrnje za zbóžnosť žada, dóstanje ju a to darmo, t. r. z Božeje miłosće; wěrnje žadać dyrbi čłowjek za zbóžnosť, hewak njeje jeje hódny. — 7. Štóž nad njeptečelemi zbóžnosť dobudže a w času spytowanja njewotpadnje, dóstanje zbóžnosť, budže mi tak luby jakož syn, a ja budu jakož jeho Wótc. — 8. Bojazni a njewěriwi su tamni, kotřiž mužnje z mječom wěry přećiwu mjasu a swěte njewojowachu, ale spytowanjam so lěnje podawachu. — 9. Jakož bě s. Jan 17, 1 Babel, křesćanstwu napřećiwne hlowne město poslednjeho časa, wuhładał, pokaza so jemu tež nětko we wobrazu město Bože a wokřewjace žiwjenje w nim. Jedyn ze sedm jandželow, kotřiž mějachu mjedžeńcy z hńěwom Božim napjelnjene, jemu tež tónle wobraz pokazuje. Jakož so 17, 1 Janej Babel pokaza jako wupyšena kurwa, pokazuje so jemu nětko swj. město jako wudebjena čestna njewjesta; mjenuje so Jehnjećowa njewjesta swojeje čistoty dla; Jehnjećowa mandželska, dokelž je z Chrystusom najnutrnišo zjednoćena. — 10. Jan bu w duchu stajany na wysoku horu, z kotrejež njejjeske město, nowy Jeruzalem, wuhłada. — 11. Jan wopisuje nětko krasnosť města, kotrež so jemu jako wobraz so zradowaceje cyrkwy po poslednim sudže pokaza; krasnosť Boža ju rozswětla; jeho postawu a wulkosć a drohotu maćizny, z kotrejež je twarjena; a jeho wobydlerjow a zbóžnosť, kotruž wužiwaju: Cyłe město je w krasnym swětłe, kotrež ma swoje źorło w krasności Božej; štož je za našu zemju slóncó, je za nowy Jeruzalem krasnosť Boža; pod jaspisom mamy dejmant zrozemić hl. 4, 8. — 12. Město je wobdate wot wysokeje murje, dokelž je zakitane před nadpadami njeptečelow, jandželow je strážuja. Wrota, do štyrjoch róžkow swěta so wotewrjace, znamenjeja, zo móža čłowjekoj ze wšěch džělow swěta do swjateho města zastupić; nihtó njeje wuzamknjeny, khiba, kotryž so sam wuzamkne. Nad wrotami su mjena dwanaćich splahow džěci israelskich napisane, a na zakładnych kamjenjach, kotrež so mjez jenotliwymi wrotami z murje wuzběhuja, mjena dwanaćich japoštołow. W njejjeskim měsće je stary a nowy zakon. Tež w lišće na Efesskich mjenuja so japoštołowje zakłady cyrkwy. Cyły wuzwoleny lud Boží, ze stareho a noweho zakonja, ze wšitkich džělow swěta, ma přistup do swjateho města, do wěčneje zbóžności. — 14. Mjez jenotliwymi wrotami bě jedyn dolhi zakładny kamjeń, kotryž so z murje trochu wuzběhowaše; na štyrjoch róžkach běchu štyri róžkne kamjenje. — 15. Tak wulka krasnosť žadaše sebi tež drohotne měridło. — 16. Kóžda strona měješe dwanaće tysac honow abo tři sta mil, potajkim cyły wobmjaz wšom a štyriceći tysac honow abo dwanaće stow mil. Tale spodźiwna wulkosć ma dopokazać, zo je ličba wuzwolonych wulka. Za wšitkich, kotřiž sa zbóžnosť žadaja, je w nim města dosć. ** Njetřebamy sebi myslić, zo je wysokosć tasama byla, jako dolhosć a šěf, mjenujcy 12000 honow; tale měra počahuje so jeno na dolhosć a šěf, dokelž džěń rěka: jeho dolhosć je tak wulka jakož šěf, a hdyž na to hnydom so tež vysokosć mjenuje, njetřebamy sebi tola myslić, jako by tuta po měrje runja byla dolhosć a šěrokosć, ale je wšudžom jenajka, mjenujcy 144 lohći wysoka, jakož bě tež šěf a dolhosć wšudžom stajna, mjenujcy 12000 honow.

17. A měrješe jeho murju sto a štyri a štyrceci lohći čłowječeje měry, kotraž je jandželowa.*

18. A twar jeje murje běše z kamjenja jaspisa; samo pak město čiste zloto podobne čistej škleńcy.*

19. A zakłady murje města běchu ze wšim drohim kamjenjom wudebjene:* zakład přeni jaspis, druhí safir, třeći chalcedon, štwórty smaragd,

20. Pjaty sardoniks, šesty sardis, sedmy chrysolit, wosmy beryll, džewjaty topaz, džesaty chrysopras, jědnaty hyacint, dwanaty ametyst.

21. A dwanaće wrotow je dwanaće parlow, kóžde wosebje; wrota běchu kóžde z jeneje parole a wulica města ryzy zloto jako najčisćišća škleńca.*

22. A templa njewidźach w nim; přetož Knjěz, Bóh wšohomócný, je jeho templ, a Jehnjo.

23. A město njetrjeba slónca ani měsaca, zo byštaj w nim swěćiloj; přetož

jasnosť Boža je rozswětli a jeho swěća je Jehnjo.*

Is. 60, 19.

24. A khodźić budźa narody w jeho swětłe, a kralojo zemje přinjesu swoju slawu a česć do jeho.*

25. A jeho wrota njebudźa zamkane wodno; přetož nocy njebudźe tam.*

Is. 60, 11.

26. A přinjesu slawu a česć narodow do jeho.*

27. Njepřiidźe do jeho ničo nječiste abo štož wohidnosť abo lžu čini, khiba kotřiž su napisani w knizy žiwjenja Jehnjeća.*

STAW XXII.

Štom žiwjenja, powoźeny wot rěki žiweje wody, dawa w kóždym měsacu swój plód, a ani kleća ani nocy njeje w měsće; jandžel pak, kotryž Janej tele spěšnje přikhađomne wěcy pokazowaše, njecha, zo by so k njemu modlił, a praji, zo sprawni do města přidu, zo pak bjesbóžal wonka wostanu; wobkruća tež, zo so tomule wěšćenju nima ničo přistajić abo wotewzać.

A pokaza mi rěku žiweje wody, jasnu jako krystal, wukhađacu z tróna Božeho a Jehnjećoweho.*

17. t. r. jandžel naložuje, dokelž za čłowjekow měri, tež čłowječu měru. — 18. Murja bě z najwosebnišeho droheho kamjenja, z dejmanta twarjena; město samo, t. r. wobydlenja, z čisteho zlota, kotrež bě tak jasne, jakož škleńca, tak zo bě přez nje wšitko widjeć; wšitko je tu jasnosť, swětlo. — 19. Prjedy w rj. 14. rěkaše, zo běchu na murjowych zakładach mjena dwanaćoch japoštołow napisane, tu, zo běchu zakłady „ze wšim drohim kamjenjom wudebjene“; to chce prajić, zo běchu tele zakłady same drohe kamjenje, do kotrychž běchu mjena zaryte; a jedyn kóždy tak wulki, zo wot jenych wrotow k druhim dosahaše. Tele dwanaće zakladnych kamjeni móža nas na škit dopomnić, kotryž wyšši měnik na wutrobnje nošeše a na kotrymž wo štyrjoch rjadach dwanaće drohich kamjeni z mjenami dwanaće splahow so blyšeše. Zo bychy wšelake kamjenje ze swojimi wosebitosćemi na wosebnosće wšelakich japoštołow pokazowaše, kotrychž mjena na nich stoja, njeje drje wěste, ale wšelakosć jasných barbow, kotrež so pokazuja, hdyž slónčne pruhi přez wšelake kamjenje swěća, znamjenja wšelakosć duchownych darow a kmanosći, kotrež tež mjez zbóžnymi wostanu, haj runje mjez nimi so tak prawje wozjewjeja, jakož s. Pawoł praji, zo so wšelaka mudrosć Boža znata čini. — 21. Kóžde z dwanaće wrotow bě jena wulka parla, a wulicy běchu, jakož domy, z čisteho zlota. — 22. Wšu krasnosť města přetrjechi a powyšl pak přitomnosť Boža, tohodla njebě tam templ trěbny, dokelž templ ma přitomnosť Božu wozjewjeć. W swjatym měsće pak je Bóh a Jehnjo, kotrež je z Bohom jenoho byća, woprawdže a widžomnje přitomny. — 23. Krasnosť Boža, kotraž w Jehnjeću bydli, rozjasnja město jasnije, dyžli slónce, dokelž Jehnjo je „wotblyž krasnosť Božje, a podobnosť jeho byća.“ Heb. 1, 3. — 24. Wopisuje so nětko žiwjenje w njebieskim měsće; nowy Jeruzalem budže město Bože, a lud Boži budže bydlić w jeho murjach, ale z tutym ludom Božim su tež zjednocene druge ludy swěta, a přinjesu swoje najrjeńše kubla a moc. a zaslůžby, kotrež su sebi dobyli. — 25. Wěstosć budže w njebieskim Jeruzalemje knjezić a wrota njebudźa so trjebać zamkać; pře ničo njetrjebaja so tam bojeć. — 26. t. r. swoje najwosebniše kubla, česć a slawu přinjesu sebi narody sobu do zbóžneje wěčnosť. — 27. Ničoho tam njebudźa, štož by nječiste bylo a druhich wozmacać mohło, abo štož by přibóžake abo njeswěrne bylo, ale jeno tamni, kotřiž su zapisani w knizy žiwjenja Jehnjeća, kotřiž su wot wěčnosť postajeni k wěčnej zbóžnosťi, a kotřiž so wodźić dachu wot milosće Božje.

XXII. 1. Swjaty Jan wopisuje cyrobu wobydleri njebieskeho Jeruzalema: Rěka žiwjenja podawa tamnym, kotřiž z njeje pija žiwjenje, a to wěčne žiwjenje. Woda rěki njeje jeno čista, ale tež jasna jako krystal. Tule woda žiwjenja žórli so pod stołom, trónom, kotryž Bohu a Jehnjeću sluša.

2. Wosrjedź jeho wulicy a po woběmaj stronomaj rěki štom žiwjenja, kotryž njese dwanaće plodow, w každym měsacu podawa swój plód, a lisćo štomak wustrowjenju narodow.*

3. A žanoho kleća njebudže wjacy, ale trón Boží a Jehnjećowy budže w nim a jeho služownicy budža jemu služić.*

4. A budža widžeć jeho wobličo, a jeho mjeno budže na jich čolach.*

5. A nocy dale njebudže, a njebudža trjebać swětlosće swěcy ani swětlosće slónca, přetož Knjez Bóh rozswětli jich, a budža knjezić wěki na wěki.*

Is. 60, 20.

6. A rjekny mi:* Tele słowa su cyle wěste a wěrne, a Knjez Bóh duchow profetow posła swojeho jandžela, zo by pokazal jeho služownikam, štož ma so bórzy stać.**

7. A hlej, přińdu khětře.* Zbóžny, kiž dźerži słowa wěšćenja tejele knihi.

8. A ja Jan, kiž to slyšach a widžach; a hdyž běch to slyšal a wuhladał, pa-

džech, zo bych so modlił před nohomaj jandžela, kotryž mi to pokazowaše.*

9. A rjekny mi: Hladaj, zo by to nječinil; přetož sym twój sobuslužownik a twojich bratrow, profetow, a tych, kotřiž dźerža słowa wěšćenja tejele knihi; k Bohu so modl.

10. A rjekny mi: Njezazygluj słowa wěšćenja tejele knihi; přetož čas je blisko.*

11. Štóz škodži, njech škodži hišće, a štóz je nječisty, njech je nječisty hišće, a štóz je sprawny, njech so wosprawnja hišće, a swjaty njech so swjatosća hišće.*

12. Hlej, přińdu bórzy, a moja mzda je ze mnu, zo bych podal každemu po jeho skutkach.

13. Ja sym Alfa a Omega, přěni a posledni, spočatk a kónc.* Is. 41, 4;

44, 6; 48, 12; wyše 1, 8, 17; 21, 6.

14. Zbóžni, kotřiž čisća swoje drasty w krewi Jehnjeća,* zo bychu móc měli

2. Rěka je wosrjedź hasy; mamy tu hlownu wulicu zrozumić abo móžemy sebi tež myslić, zo so hlowna rěka džěli do mjeńšich, kotrež po pobočnych wulicach běža. Jakož woda žiwjenja njeprěstawajcy běži, tak njese tež štom žiwjenja, abo wjele wjacy njesu štom žiwjenja po woběmaj bokomaj rěki stojace, w každym měsacu swoje plody, kotrež wobydleri města žijwa, tak zo so jim smjerć njebliži, a lisćo štomow zakita jich tež před khoroscemi. — 3. W swjatym měsće njebudže ničo poklate, t. r. k zničenju wotsudžene, njeswjate, dokelž je wono najswjećišće, w kotrymž Bóh a Jehnjo knježitaj. — 4. Změja mjeno Bože na swojich čolach, t. r. su Bohu swjećeni, Bohu přislušní. — 5. W nowym swěće budže stajny wěčny džen, dokelž swětło jasnosće Božej rozswětla jón a jeho wobydlerjow; a woni budža nětko nad cyty stwórbu knjezić; k tomu běše tež přěni čłowjek po Božej woli postajeny, ale dokelž bě sam Bohu njeposlušny, spjeći so tež stwórba přeciwo njemu; nětko pak je wšitko zjednane, a přěnjotne prawo wróći so tež čłowjekej. — 6. Mjenujcy jandžel, snadž tón 21, 9 spomnjeny abo jedyn druhí. ** Z tymile słowami wobkruća jandžel wšitke zjewjenja, kotrež bě Jan dóstał, zo wot Boha přińdu, kiž ma duchow profetow w swojej mocy, a jich wodži po swojim spodobanju; kiž tohodla tež Janej zjewi, štož ma so bórzy stać. — 7. Zo Khrystus bórzy přińdže, měješe Jan zhonić a wěriwym wopowědować; to je krótke wopřijeće Zjewjenja s. Jana. Štóz wučby, kotrež su w tymle Zjewjenju, wobkedžbuje, njetrjeba so Khrystusoweho přihada bojeć; budže zbóžny. — 8. Podobnje jakož 1, 14 a 19, 35, wobkruća tež tudy Jan, wosadam derje znaty, zo je wšo, štož je tudy napisał, tež sam slyšal a widžal; jeho wobkrućenja dóstanu hišće wjetšu wážnosć přez swědčenje jandžela, kotryž so jeho bratr a sobuslužownik profetow mjenuje a za wěrnosć napisaneho rukuje. — 10. 8. Janej so zakazuje, wěšćenja zazyglować, t. r. je potajić, ale ma je wěriwym wopowědować. Čim spěšnišo so čas bliži, čim přjedy maja so wěriwi z wěrnoscemi Zjewjenja pokojěć a posylnej. Nimamy po tajkim tule knihu jako potajnu khować, ale pilnje ju čitać a zrozumić pytać. — 11. Štóz chce tež nětko, hdyž je tele krasne wučby slyšal, hrěšić a nje-kmamy wostać, njech wostanje, zhoni zahe dosć, dokelž so kónc bliži, zo sebi škodži, khroble hrěšo. Štóz pak započa so wosprawnjeć a swjatosćić, njech w tom pilnje pokročuje a wěsće dóstanje swoje myto. — 13. Dokelž je Khrystus jako wěčne słowo spočatk a kónc wšoho, knjez wšoho časa, wotwisuje wot njeho tež wšitko, a tohodla wón sudži tež cyły swět a plaći každemu po jeho skutkach. — 14. Zbóžni su, kotřiž swoje hrěchi woplakaju a přez zaslужby Khrystusowe wodaće dóstanu; poda so jim podžěl plodow ze štom žiwjenja a přistup do njebieskeho města Jeruzalema.

nad štomom žiwjenja a přez wrota zastupili do města.

15. Wonka su psy a kuzlarjo a kurwarjo a mordarjo a přibóžnicy a kóždy, kiž lubuje a čini lžu.*

16. Ja Jězus pósłach swojeho jandžela, zo by wam to wobswědčil w cyrkwach. Ja sym korjeń a ród Davidowy, hwězda jasna a jutna.*

17. A duch a njewjesta prajitaj: Pój. A štož slyši, njeh praji: Pój. A štož je lačny, njeh přińdže, a štož chce, njeh wozmjje wodu žiwjenja darmo.*

Is. 55, 1.

18. Přetož wobswědčam kóždemu, kotryž slyši słowa wěšćenja tejele knihi: Jelizo by što k tomu něšto přidał, přida Bóh jemu čwile wopisane w tutej knizy;*

19. A jelizo by što wotewzał wot słowow knihi tohole wěšćenja, wozmjje Bóh jeho džěl z knihi žiwjenja a ze swjateho města a z toho, štož je pisane w teje knizy.

20. Praji, kotryž swědčenje dawa wo tom: Haj, přińdu bórzy. Amen. Pój. Knježe Jězuso.*

21. Milosć našeho Knjeza Jězusa Khrystusa z wami wšitkimi. Amen.

15. Z wurazom „pos“ wupraji Žid wšitko, štož je nječiste, njehańbiciwe; druhe wurasy maja přeni jeno wujasnić a rozestajeć, kak so tajcy zwonkownje pokazuja. — 16. Jónu hišće wobkruća Jězus, zo je sam swojeho jandžela pósłal, zo by Jan wšitkim wěriwym křesćanskich cyrkwjow njewjenja k wědženju dał. Tudy a jeno tudy mjenuje so Knjez z wosebitym mjenom, chce tak na koncu knihi cyłe jeje wopriječje podpisać a jeho wěrnosć wobkrućić. Mjenuje so korjeń a ród Davidowy, t. r. tón, w kotrymž so wšitke Davidowemu rodej date slubjenja dopjeluje, po tajkim slubjenju Messias; mjenuje so tež jasna jutna hwězda, pokazuje z tym na přichod, dokelž jako jutna hwězda připowědnuje skhadženje slónca, tak budže tež Jězus zbóžnym wěčny džen, kotryž ženje njezańdže, rozjasnjeć. — 17. Tele słowa praji tež Knjez, kotryž pak je cyrkwi do rta kładže jako wotmołwu na swoje slubjenje: „Illej, přińdu bórzy“ rj. 7; njewjesta je cyrkej Khrystusowa, Duch pak w njej skutkowacy je Duch swjaty, kiž z njewuprajnymi zdychowanjami prosy a žada za přikhadom Khrystusowym. A štož tónle hlós slyši, ma jón žadosćiwje wospjetować, dokelž jakož cyrkej, tak ma tež kóždy wěriwy Knjezowy přikhad žadać. Tule žadosć w jich wutrobach wubudžeć, je hlowny zaměr Zjewjenja. Štóž pak tak nutrunje žada, njeh nětko hižo přińdže a dóstanje wot njeho darniwje, štož lačnosć spokoja a tola zas wubudža. — 18. Z rj. 18—21 skónči so Zjewjenje. Na spočatku 1, 3 praji spisaćel: „Zbóžny, kiž čita a slyši słowa tohole wěšćenja a zakhowa to, štož je w nim napisane“, a nětko na koncu brozy wón wšitkim, kotřiž wěšćenju něšto přistaja abo wotčahnu abo w nim něšto skaža; na tajkich, kotřiž wopačne přistawki činja, přińdu tamne čwile, z kotrymiž Bóh swojich přećiwnikow khosta; štož pak něšto wažne přiokrótši, njedóstanje podžěl na zbóžnosć w knizy wopisanej. Tajke kaženje Zjewjenja móže so wot falšnych wučerjow wotakować, dokelž či w nim wjele wěcow njenamakachu, kotrež tam pytachu; a druhe namakachu, kotrež so jim njespodobachu. — 20. K wobzamknjenju cyłeje knihi wospjetuje Jězus hišće jónu jeje krótku wopriječje: „Přińdu bórzy“, na čož s. japoštoł swoju horecu žadosć za jeho přikhadom wupraji: Amen, pój, Knježe Jězuso. Jakož Stary Zakoń čłowjekow na přeni přikhad Jězusowy přihotowaše, tak přihotuje Nowy Zakoń na jeho druhu přikhad. Njeh je tutón za nas zbožowny. Amen.



Lekcije a swjate ewangelie na njedzele a swjedzenje cyrkwinskeho lěta.

a) Njedzelske.

Njedzela	Lekcija	str.	Evangelium	str.
I. njedzela adventa	Rom. 13, 11—14	246	Luk. 21, 25—33	124.
II. " "	Rom. 15, 4—13	248	Mat. 11, 2—10	17.
III. " "	Fil. 4, 4—7	331	Jan. 1, 19—28	133.
IV. " "	1. Kor. 4, 1—5	257	Luk. 3, 1—6	87.
Patoržica	Rom. 1, 1—6	222	Mat. 1, 18—21	2.
Boži dzeń I. Boža mša . . .	Tit. 2, 11—15	364	Luk. 2, 1—14	85.
II. " "	Tit. 3, 4—7	365	Luk. 2, 15—20	85.
III. " "	Hebr. 1, 1—12	368	Jan. 1, 1—14	132.
Swjedzeń s. Šćěpana	Jap. sk. 6, 8—10; 7, 54—59	181 184	Mat. 23, 34—39	41.
Swjedzeń s. Jana evang. . . .	Sir. 15, 1—6		Jan. 21, 19—24	171.
Swjedzeń njewinowatych džě- ćatkow	Zjew. 14, 1—5	450	Mat. 2, 13—18	3.
Njedzela po hodžoch	Gal. 4, 1—7	308	Luk. 2, 33—40	86.
Swjedzeń wobrězanja Jězuso- weho abo Nowe lěto	Tit. 2, 11—15	364	Luk. 2, 21	85.
Njedzela po nowym lěće . . .	Gal. 4, 1—7	308	Mat. 2, 19—23	3.
Swjedzeń wozjewjenja Khrystu- soweho abo ss. Třoch kralow	Js. 60, 1—6		Mat. 2, 1—12	2.
I. njedzela po ss. Třoch kralach	Rom. 12, 1—5	244	Luk. 2, 42—52	87.
II. " " " "	Rom. 12, 6—16	244	Jan. 2, 1—11	134.
III. " " " "	Rom. 12, 16—21	245	Mat. 8, 1—13	11.
IV. " " " "	Rom. 13, 8—10	246	Mat. 8, 23—27	12.
V. " " " "	Kol. 3, 12—17	337	Mat. 13, 24—30	22.
VI. " " " "	1. Thess. 1, 2—10	339	Mat. 13, 31—35	23.
Septuagesima	1. Kor. 9, 24—10, 6	266	Mat. 20, 1—16	34.
Sexagesima	2. Kor. 11, 19—12, 9	297	Luk. 8, 4—15	97.
Quinquagesima	1. Kor. 13, 1—13	273	Luk. 18, 31—43	119.
Popjelna srjeda	Joel. 2, 12—19		Mat. 8, 5—13	12.
Pjatk po popjelnej srjedze . .	Js. 58, 1—9		Mat. 5, 43—6, 4	8.
I. njedzela posta	2. Kor. 6, 1—10	289	Mat. 4, 1—11	4.
Pjatk po přenjeji njedzeli posta	Ezech. 18, 20—28		Jan. 5, 1—15	139.
II. njedzela posta	1. Thess. 4, 1—7	342	Mat. 17, 1—9	29.
Pjatk po druheji njedzeli posta	1. Móž. 37, 6—22		Mat. 21, 33—46	37.

Njedžela	Lekcija	str.	Evangelium	str.
III. njedžela posta	Efes. 5, 1—9	321	Luk. 11, 14—28	105.
Pjatk po trećej njedželi posta	4. Mójz. 20, 2—13		Jan. 4, 5—42	137.
IV. njedžela posta	Gal. 4, 22—31	309	Jan. 6, 1—15	142.
Pjatk po štwórtjej njedželi posta	3. Kral. 17, 17—24		Jan. 11, 1—45	153.
V. njedžela posta	Hebr. 9, 11—15	381	Jan. 8, 46—59	149.
Pjatk po pjatej njedželi posta	Jer. 17, 13—18		Jan. 11, 47—54	155.
Bolmońčka	Fil. 2, 5—11	327	Mat. 21, 1—9;	35.
	2. Mójz. 15, 27—16,		Passion: Mat. 26,	
	1—7		1—27, 66	45.
Póndžela martrowneho tydženja	Js. 50, 5—10		Jan. 12, 1—9	156.
Wutora " "	Jer. 11, 18—20		Passion: Mark. 14,	
			1—15, 46	75.
Srjeda " "	Js. 62, 11 a 63, 1—7		Passion: Luk. 22,	
			1—23, 53	124.
Zeleny štwórtk	1. Kor. 11, 20—32	270	Jan. 13, 1—15	158.
Wulki pjatk	2. Mójz. 12, 1—11;		Passion: Jan. 18,	
	Osee 6, 1—6		1—19, 42	165.
Sobota martrowneho tydženja .	Kol. 3, 1—4	336	Mat. 28, 1—7	51.
Jutrownčka	1. Kor. 5, 7—8	259	Mark. 16, 1—7	80.
Jutrowna póndžela	Jap. sk. 10, 37—43	190	Luk. 24, 13—35	130.
Jutrowna wutora	Jap. sk. 13, 26—33	194	Jan. 21, 1—14	170.
I. njedžela po jutrach	1. Jan. 5, 4—10	422	Jan. 20, 19—31	170.
II. " " "	1. Pětr. 2, 21—25	405	Jan. 10, 11—16	152.
III. " " "	1. Pětr. 2, 11—19	404	Jan. 16, 16—22	163.
IV. " " "	Jak. 1, 17—21	394	Jan. 16, 5—14	162.
V. " " "	Jak. 1, 22—27	395	Jan. 16, 23—30	163.
Křižowny tydzeń	Jak. 5, 16—20	400	Luk. 11, 5—13	104.
Swjedenž Božeho spěča	Jap. sk. 1, 1—11	172	Mark. 16, 14—20	81.
VI. njedžela po jutrach	1. Pětr. 4, 7—11	408	Jan. 15, 26—16, 4	162.
Swjatki	Jap. sk. 2, 1—11	173	Jan. 14, 23—31	160.
Swjatkowna póndžela	Jap. sk. 10, 42—48	190	Jan. 3, 16—21	136.
" wutora	Jap. sk. 8, 14—17	185	Jan. 10, 1—10	152.
Swjedenž najswjećijeje Trojicy	Rom. 11, 33—36	243	Mat. 28, 18—20	52.
I. njedžela po swjatkach	1. Jan. 4, 8—12	421	Luk. 6, 36—42	94.
Swjedenž Božeho Čěla	1. Kor. 11, 23—29	270	Jan. 6, 56—59	144.
II. njedžela po swjatkach	1. Jan. 3, 13—18	420	Luk. 14, 16—24	112.
III. " " "	1. Pětr. 5, 6—11	409	Luk. 15, 1—10	113.
IV. " " "	Rom. 8, 18—23	235	Luk. 5, 1—11	91.
V. " " "	1. Pětr. 3, 8—15	406	Mat. 5, 20—24	7.
VI. " " "	Rom. 6, 3—11	231	Mark. 8, 1—9	64.
VII. " " "	Rom. 6, 19—23	232	Mat. 7, 15—21	11.
VIII. " " "	Rom. 8, 12—17	235	Luk. 16, 1—9	114.
IX. " " "	1. Kor. 10, 6—13	267	Luk. 19, 41—47	121.
X. " " "	1. Kor. 12, 2—11	271	Luk. 18, 9—14	118.
XI. " " "	1. Kor. 15, 1—10	276	Mark. 7, 31—37	64.
XII. " " "	2. Kor. 3, 4—9	285	Luk. 10, 23—37	103.
XIII. " " "	Gal. 3, 16—22	306	Luk. 17, 11—19	116.
XIV. " " "	Gal. 5, 16—24	311	Mat. 6, 24—33	9.
XV. " " "	Gal. 5, 25—6, 10	312	Luk. 7, 11—16	95.
XVI. " " "	Efes. 3, 13—21	318	Luk. 14, 1—11	111.
XVII. " " "	Efes. 4, 1—6	319	Mat. 22, 34—46.	39.

Njedźela	Lekcija	str.	Evangelium	str.
XVIII. njedźela po Swjatkach	1. Kor. 1, 4—8	252	Mat. 9, 1—8	13.
XIX. " " "	Efes. 4, 23—28	320	Mat. 22, 1—14	37.
XX. " " "	Efes. 5, 15—21	322	Jan. 4, 46—53	139.
XXI. " " "	Efes. 6, 10—17	324	Mat. 18, 23—35	31.
XXII. " " "	Fil. 1, 6—11	325	Mat. 22, 15—21	38.
XXIII. " " "	Fil. 3, 17—4, 3	330	Mat. 9, 18—26	14.
XXIV. " " "	Kol. 1, 9—14	333	Mat. 24, 15—35	42.

b) **Swjedźeńske.**

Swjedźenje	Lekcija	str.	Evangelium	str.
Swjedźeń s. Handrija	Rom. 10, 10—18	240	Mat. 4, 18—22	5.
" s. Borbory	Sir. 51, 1—8		Mat. 25, 1—13	43.
" s. Mikławša	Hebr. 13, 7—17	392	Mat. 25, 14—23	44.
" bjezhřešneho podjeća s. Marije	Prisl. 8, 22—35		Luk. 1, 26—28	82.
" s. Domaša	Efes. 2, 19—22	317	Jan. 20, 24—29	170.
" najswjećišeho mjena Jėzusoweho	Jap. sk. 4, 8—12	177	Luk. 2, 21	85.
" ss. Fabiana a Bosćana	Hebr. 11, 33—39	388	Luk. 6, 17—23	93.
" s. Hańže	Sir. 51, 1—12		Mat. 25, 1—13	43.
" wobroćenja s. Pawoła	Jap. sk. 9, 1—23	186	Mat. 19, 27—29	33.
" čistosćenja s. Marije	Mal. 3, 1—4		Luk. 2, 22—32	86.
" s. Blažija	2. Kor. 1, 3—7	281	Mat. 16, 24—27	28.
" s. Matija	Jap. sk. 1, 15—26	172	Mat. 11, 25—30	18.
" s. Józefa	Sir. 45, 1—6		Mat. 1, 18—21	2.
" přizjewjenja s. Marije	Js. 7, 10—15		Luk. 1, 26—38	82.
" sedm bolosćow s. Marije	Jud. 13, 22—25		Jan. 19, 25—27	168.
" s. Jurija	2. Tim. 2, 8—10 a 3, 10—12		Jan. 15, 1—7	161.
" s. Marka	Ezech. 1, 10—14		Luk. 10, 1—9	102.
" s. Marije maćerje do- breje rady	Sir. 24, 23—31		Luk. 1, 26—33	82.
" zakitařstwa s. Józefa	1. Mójz. 49, 22—26		Luk. 3, 21—23	88.
" ss. Filippa a Jakuba	Mudr. 5, 1—5		Jan. 14, 1—13	160.
" namakanja s. křiža . .	Fil. 2, 5—11	327	Jan. 3, 1—15	135.
" s. Moniki	1. Tim. 5, 3—10	353	Luk. 7, 11—16	95.
" s. Jana jap. před laćan- skimi wrotami	Mudr. 5, 1—5		Mat. 20, 20—23	34.
" s. Jana Nepomuckeho	Sir. 21, 26—31		Mat. 11, 2—10	17.
" najswjećišeje wutroby Jėzusoweje	Js. 12, 1—6		Jan. 19, 31—35	168.
" s. Bonifacia	2. Kor. 1, 3—7	281	Mat. 16, 24—27	28.
" s. Benna	Sir. 44, 16—26 a 45, 2. 3. 8.		Mat. 25, 14—23	44.
" s. Aloysia	Sir. 31, 8—11		Mat. 22, 29—40	39.
" s. Jana křćenika . . .	Js. 49, 1—7		Luk. 1, 57—68	84.
" ss. Pětra a Pawoła . .	Jap. sk. 12, 1—11	192	Mat. 16, 13—19	28.
" domapytanja s. Marije	Spěw spěwow 2, 8—14		Luk. 1, 39—47	83.

Swjedenje		Lekcija		str.	Evangelium		str.
Swjeden	ss. Cyrilla a Methodija	Hebr. 7, 23—27		378	Luk. 10, 1—9		102.
"	s. Marhaty	Sir. 51, 13—17			Mat. 25, 1—13		43.
"	s. Marije Madleny . .	Spěw spěwow 3, 2—5.			Luk. 7, 36—50		96.
		8, 6—7					
"	s. Jakuba	1. Kor. 4, 9—13		257	Mat. 20, 20—23		34.
"	s. Hany	Přisl. 31, 10—31			Mat. 13, 44—52		23.
"	Portiunkuloweho wot-						
	pustka	Sir. 24, 14—16			Luk. 11, 27—28		105.
"	s. Natuša	Jak. 1, 2—12		393	Mark. 13, 33—37		75.
"	s. Lawrjenca	2. Kor. 9, 6—13		294	Jan. 12, 24—26		156.
"	do-njebjes-wzaća s. Ma-						
	rije	Sir. 24, 11—20			Luk. 10, 38—42		104.
"	s. Bernarda	Sir. 39, 6—14			Mat. 5, 13—19		6.
"	s. Bartromja	1. Kor. 12, 27—31		273	Luk. 6, 12—19		93.
"	ss. jandželow-pěstonow	2. Móž. 23, 20—22			Mat. 18, 1—10		30.
"	naroda s. Marije . . .	Přisl. 8, 22—35			Mat. 1, 1—16		1.
"	mjena s. Marije . . .	Sir. 24, 23—31			Luk. 1, 26—38		82.
"	powyšjenja s. křiža . .	Fil. 2, 5—11		327	Jan. 12, 31—36		157.
"	s. Mateja	Ezech. 1, 10—14			Mat. 9, 9—13		13.
"	s. Wjacslawa	Mudr. 10, 10—14			Mat. 16, 24—27		28.
"	s. Michala	Zjewj. 1, 1—5		429	Mat. 18, 1—10		30.
"	Rózarija s. Marije . .	Sir. 24, 14—16			Luk. 11, 27—28		105.
"	s. Lukaša	2. Kor. 8, 16—24		293	Luk. 10, 1—9		102.
"	s. Wóršle	1. Kor. 7, 25—34		262	Mat. 25, 1—13		43.
"	ss. Symana a Judy . .	Efes. 4, 7—13		319	Jan. 15, 17—25		162.
"	wšitkich swjatyh . . .	Zjewj. 7, 2—12		439	Mat. 5, 1—12		6.
Wopomnjeće wšech khudych duši		1. Kor. 15, 51—57		279	Jan. 5, 25—29		140.
Swjeden	s. Měrcína	Sir. 44, 16. 17. 20—22.			Luk. 11, 33—36		106.
		25—27 a 45, 3. 8. 20.					
"	s. Hilžbjety	Přisl. 31, 10—31			Mat. 13, 44—52		23.
"	s. Katyrny	Sir. 51, 1—8. 12			Mat. 25, 1—13		43.
"	lětneho wopomnjeća cyr-						
	kwje-swjećenja abo						
	kermuše	Zjewj. 21, 2—5		462	Luk. 19, 1—10		119.

Ciścał E. M. Monse w Budyšinje.

**This book should be returned to
the Library on or before the last date
stamped below.**

**A fine is incurred by retaining it
beyond the specified time.**

Please return promptly.

